

SRĪ CANDRASŪRĪ'S

# MUNISUVRATASVĀMICARITA

L. D SERIES 106

GENERAL EDITARS

YAJNESHWAR S. SHASTRI

RAMESH S. BETAI

Edited by

Pt. RUPENDRAKUMAR

PAGARIYA



L. D. INSTITUTE OF INDOLOGY, AHMEDABAD-9

SRĪ CANDRASŪRĪ'S

# MUNISUVRATASVĀMICARITA

---

L. D SERIES 106

GENERAL EDITORS

YAJNESHWAR S. SHASTRI

RAMESH S. BETAI

Edited by

**PORUPENDRAKUMAR**

**PAGARIYA**



L. D. INSTITUTE OF INDOLOGY, AHMEDABAD-9

*Printed by :*

**NAIDUNIA PRINTERY**

Babu Labhchand Chhajlani Marg,  
Near Lalbagh,  
Indore-452009 (M. P.)

*Published by :*


**Yajneswar S. Shastri**

Acting Director  
L. D. Institute of Indology  
Ahmedabad-9.

**FIRST EDITION**

April, 1989

PRICE RUPEES



Published with the financial assistance of the Government of India,  
Ministry of Education and Culture, Department of Education, under  
the scheme of financial assistance for preservation of Manuscripts.

सिरिसिरिचंदसरिविरइयं

सिरिमुणिसुव्वयजिणिंदचरियं

---

सम्पादक

पं. रूपेन्द्रकुमार पमारिया



प्रकाशक

लालभाई दलपतभाई भारतीय संस्कृति विद्यामंदिर अहमदाबाद-९



## Preface

The L. D. Institute of Indology has great pleasure in publishing "Munisuvratasvāmicarita" by a prominent scholar and poet of the later part of the twelfth century, Ācārya Śricandrasūri. The work narrates in details the story of nine great births of Munisuvratasvāmi with the first one as Śivaketu. The present work is a proof of his lofty scholarship and erudition. He shows himself also as a very good poet and is a master of the art of narration and fine descriptions. The work possesses all the traits of a Mahākāvya. The medium of stories creates deep interest in the revelation of Jain philosophical and ethical doctrines which are laid down here in simple style, so that any interested reader can easily grasp.

The editor, Pt. Rupendrakumar Pagaria with a long experience of editing works of this type has taken utmost and scrupulous care in preparing this critical edition. His Introduction in Hindi is also enlightening.

We are thankful to Dr. H. C. Bhayani for his valuable Introduction and to Pt. Rupendrakumar for his careful and scientific editing of the work.

It is sincerely hoped that the world of scholars will receive the present work with enthusiasm.

27-4-89

Y. S. Shastri  
Acting Director



# Foreword

*Muni-Suvvaya-Sāmi-Cariya* (=MSC.) of Śricandra-sūri, written in 1193 V. S. (i.e. 1137 A.D.), having the voluminous extent of some 11000 Prakrit Gāthā verses, is a religious-poetic account of the life or rather the lives— of Muui Savrata, the twentieth Tirthankara of the Jainas. It covers his nine incarnations including the eight earlier births. It stands in the long established tradition of writing hagiological biographies of individual Tirthankaras and other Śalākā-puruṣas of the Jain Universal History.

The author Śricandra-sūri had Maladhārin Abhayadeva-sūri and Hemacandra-sūri as his illustrious pontiff predecessors. In his life as a householder he had held the office of finance minister under Caulukya king Jayasīmha of Gujarat. It is therefore highly creditable for Śricandra-sūri that at the end of an onerous career as a state executive, he could produce an extensive literary work evidencing mastery of the traditional art of Prakrit poetical composition— of grammar, metres, diction, rhetoric and descriptions.

Pandit Rupendrakumar Pagaria has based his edition of MSC, on two old MSS. one of which was copied just five years after the completion of the work, and directly under the supervision of the author. In his informative introduction the editor has covered various aspects of the work— account of the author, detailed summary of the contents, style etc. So I will make only some stray observations about a few episodes in MSC. which are interesting for the history of Jain narratives.

The motivation and driving force for composition of MSC. are stated to have been provided by the event of Śricandra's visit to Suvrata-svāmin's temple at the city of Dhavalakkaka (i.e. the present-day Dholka in Gujarat), which, as its name Bhṛgukacchakajinabhavana suggests, was a sort of replica of the Suvrata-svāmin temple of legendary fame at Bhṛgukaccha in Lāṭa (South Gujarat) (MSC. VV. 10982-10983). The legends connected with the latter, viz., enlightenment of the royal horse, founding of the Aśvāvabodha-tīrtha and the construction of the Śakunikā-vihāra by the Siṃhala princess Sudarśanā, which are known to us from several earlier and later literary sources, are covered by MSC. VV. 10335-10390.

The passage made up by VV. 10391-10809 contains the episode of the Minister Namuci and Viṣṇu-muni, a Jainistic version of the Puranic Bali-Vāmana legend, already known to us from the *Vasudevahindī* and other sources.

Finally we may note the interesting illustrative story of king Ambuvici (MSC. VV. 1846-2049 : Introduction, p. 18). Prince Ambuvici was born mentally retarded. When grown up, he could mutter only two syllables : when thirsty, he would mumble *ambu* and when hungry, he would say *vici*. Hence he got the nickname Ambuvici. After he was installed as a king, his minister took hold of the reins of the kingdom. Later on the minister, acting as the regent, ably managed the state affairs and expanded the kingdom. The tale is intended to illustrate how even a

---

× A project is under way at present to build a new temple complex at that legendary site in Bharuḥ.



worthless person attains position of honour and prestige if he has the good fortune to be helped by somebody highly capable.

Now, quite interestingly, we find an echo of this tale in a collection of semi-historical legends and anecdotes named *Purātana-prabhadha-Saṁgraha* by its editor, Jinavijaya Muni (Singhi Jain Series 2, 1936, p. 108). The Prabandhas in that collection can be dated from the 13th to the 15th century A.D.

There our tale, or rather the 'hero' of our tale, is used as a part of a different tale and to draw a different moral. This latter tale belongs to the stream of folk-legends that grew over centuries around Kṛṣṇa, the Pāṇḍavas, Rāma and other epic and Purāṇic characters.

The *Purātana-prabhadha-saṁgraha* story called *ambucīca-prabandha* ('The Anecdote of King Ambucīca') runs as follows :

Kṛṣṇa, ruling at Dvārakā had appointed Vidura, Pāṇḍavas' uncle, as his minister on a fixed daily salary of 16 Gadyāṇās only. Dissatisfied with this paltry amount, Vidura sought service with other rulers, but they were not willing to pay him more, under Kṛṣṇa's secret instructions. When the disappointed Vidura came back to Kṛṣṇa, the latter stressed the point that he (i.e. Vidura) was not destined to get more than 16 Gadyāṇās per day. In order to convince him Kṛṣṇa devised a plan. Under the guise of a Brahmin, with Kṛṣṇa as his pupil, Vidura approached king Ambucīca of the city of Hastikalpa, who was deaf and dumb, and who could pronounce only the syllables *ambu* when he was thirsty and *cicu* when he was hungry. Vidura and Kṛṣṇa blessed the king. At the King's gesture his minister asked the supplicant Brahmins to draw a chit from a pot placed there. Vidura thrust his hand deep below in the pot and drew out a chit bearing the inscription, '16 Gadyāṇās'. Then Kṛṣṇa drew the uppermost chit, which was marked as 'one crore'. Kṛṣṇa thus demonstrated to Vidura the unchangeable power of luck.

In this later story the king's name has a slightly changed form Ambucīca instead of Ambucīci, and the explanation lies in the fact that scribal confusion between *V* and *C* was quite common in manuscripts. *Ambu* and *Vici* (or *Cicu*) said to be uttered by the dumb king to ask for water and food were obviously no 'real' words but rather indistinct syllables with nasalized labial and palatal articulation, similar to say the present day Gujarati nursery words *bhu* and *mam*. Hence it is quite unnecessary to connect them with SK. words *ambu* 'water' and *Deśya Ciceana* and *cimcāni* 'flour-mill' as has been done by Sandesara and Thakar (*Lexicographical Studies in Jain Sanskrit*. 1962, Baroda, p. 105).

Pandit Pagaria and the L. D. Institute of Indology deserve to be congratulated for bringing out Sricandra-sūri's work. We earnestly hope that the Institute will continue to publish other such works, which throw light on Gujarat's great contribution to Prakrit and Jain literature, as also on the literary and cultural traditions of Gujarat in the Early Medieval period.

Ahmedabad  
May, 1989

H. C. Bhayani

# अनुक्रमणिका

## १. प्रस्तावना

प्रति परिचय	पृ. ५
ग्रन्थकार परिचय	॥ ५
कथावस्तु	॥ ७
मुनिसुव्रतस्वामिचरित	
समीक्षात्मक अध्ययन	॥ १९

## २. ग्रन्थारम्भ

	गाथा—
मंगलाचरण	१-१२
भरस्वती वन्दना	१३-१६
ग्रन्थ प्रणयन प्रतिज्ञा	१७-२०
मज्जन-दुर्जन-वर्णन	३०-३५
श्री मुनिसुव्रत स्वामी के नौ भवों के नाम—	३६-३८

## ३. प्रथम-भव-शिवकेतु

शिवकेतु का नगर, राजा-राज्ञी माता-पिता का वर्णन	३९-४८
शिवकेतु का अध्ययन और उसके द्वारा उद्यान में आचार्य दर्शन और आचार्य से प्रश्नोत्तर	४९-७७
शिवकेतु के पूर्व जन्म का वर्णन और शिवकेतु को जाति स्मरण	७९-१०६
आचार्य से दीक्षा का कारण पूछना और आचार्य द्वारा अपनी आत्म कथा का कहना	१०७-७४९
शिवकेतु की दीक्षा और उसके माता-पिता एवं राजा को आचार्य के द्वारा प्रतिबंध	७५०-१०२४
शिवकेतु द्वारा निरवद्य दीक्षा का पालन, ममाधिपूर्वक मृत्यु	

## ४. द्वितीय भव कुबेरदत्त

शिवकेतु मुनि की मीधर्म कल्प में देव रूप में उत्पत्ति	१०२५-१०३८
--	-----------

## ५. तृतीय भव

कुबेरदत्त के नगर, माता, पिता, जन्म कुबेरदत्त नामकरण, शिक्षा एवं युवराज पद की प्राप्ति—	१०३९-१०८७
युवराज कुबेरदत्त का खम और परबलमिह पर आक्रमण और विजयी बन कर अपने नगर लौट आना—	१०८८-१२६४
खस राजा के आमन्त्रण पर कुबेरदत्त का जिन महोत्सव में मंगलपुर जाना—	१२६५-१२९०
घोड़े पर बैठकर कुबेरदत्त का वन-परिभ्रमण, वन में मुनि से भेंट, उपदेश श्रवण	१२९१-१४०५
कुमार ने मुनि से पूछा—कर्म बलवान है या पुष्पाकार ? उत्तर में मुनि ने कहा—अपने-अपने स्थान पर दोनों बलवान हैं। इस पर मुनि ने हर्षपाल और अनुपम्वा देवी का दृष्टान्त सुनाया	१४०६-१६७४

कीर कथानक	१६७५-१८२५
पुण्य की प्रबलता पर अम्बुवीचि राजा का दृष्टान्त	१८२६-२०४९
कीरकथानक-- ( चालू )	२०७५-२२७१
अनुपम्व्वा देवी कथानक चालू--	२२७२-२८७४
कुंतमिह का वर्णन	२५७९-२८७४
कुबेरदत्त का उन्मत्त हाथी को वश करना और कुमार का भंगलपुर में आगमन--	२८९८-३०५९
विश्वकंत राजा के आदेश से कुमार का विश्वपुर में आगमन	३०६०-३०६६
कुबेरदत्त का राज्यागोहण और विश्वकान्त राजा की दीक्षा	३०६७-३०८४
कुबेरदत्त को अमरसिंह नामक पुत्र की प्राप्ति, कुबेरदत्त की विश्वकान्त मुनि के समीप दीक्षा, कुबेरदत्त मुनि का अन्तिम समय में संलेखन पूर्वक मृत्यु	३०८५-३१४६
चतुर्थ देव भय-- मनत्कुमार देवलोक में देवरूप में उत्पत्ति	३१४७-३१४८
<b>६. पंचम भव वज्रकुण्डल</b>	
वज्रकुण्डल का नगर, उसके माता-पिता, जन्म एवं युवराज पद की प्राप्ति का वर्णन	३०४९-३०९२
वज्र कुण्डल और वीरसेन की मंत्री और वीरसेन द्वारा निजचरित कथन और वीरसेन की वज्रकुण्डल द्वारा युद्ध में सहायता, जिनमिल द्वारा जिनपूजा महात्म्य पर	३०९३-३५८०
चन्द्रकीर्ति नृप की कथा कहना	३५९०-३८९८
चन्द्रकीर्ति नृप की रानी प्रभावती देवी का पूर्वजन्म राजमती की कथा	३८९९-४०४५
चन्द्रकीर्ति नृप की कथा चालू--	४०४६-४९१३
वीरसेन का अपने पिता के राज्य की प्राप्ति और पिता मिन्धुसेन की शरणागति	४९१४-४९८३
वज्रनाभि चर्त्री, मिन्धुसेन, प्रियमिल, वज्रकुण्डल आदि का सुजमसूरि से उपदेश श्रवण--	४९९१-४९९७
वज्रनाभि चर्त्री की दीक्षा और वज्रकुण्डल का राज्यागोहण--	४९९९-५००२
वज्रकुण्डल राजा का अपने नगर लौट आना । पुत्र प्राप्ति के बाद वज्रकुण्डल की दीक्षा और समाधि पूर्वक मृत्यु	५००३-५०५८
<b>७. छठा भव</b>	
ब्रह्मदेव लोक में उत्पत्ति	५०५९-
<b>८. सप्तम भव श्री वर्मकुमार</b>	
श्री वर्मकुमार का नगर वर्णन	५०६०-५०७६
राजा नरसुंगव और रानी पुण्यश्री का वर्णन	५०७७-५०८२
रानी का स्वप्न दर्शन, वज्रकुण्डल का ब्रह्मदेवलोक में च्युत होकर रानी के गर्भ में उत्पत्ति	५०८३-५३००
पुत्र जन्म, श्री वर्मकुमार नामकरण	५३०१-५३१०
श्रीवर्मकुमार की बाल-क्रीड़ा	५३१३-५३५२
श्रीवर्मकुमार का कला ग्रहण के लिए जयशर्म उपाध्याय के समीप पहुँचना ।	५३५३-५४०७
उपाध्याय के पास श्रीवर्म कुमार का कलाग्रहण	५४०८-५५३४
श्रीवर्मकुमार को मिलने के लिए राजा, रानी और मंत्री का अध्यापक के आश्रम में पहुँचना	५५३५-५५८४
श्रीवर्म कुमार के छंद, अलंकार, समस्यापूर्ति, प्रश्नोत्तर एवं वाक् चातुर्य से पंडित राजा, रानी	५५८५-५५९३

एवं मंत्री का आश्चर्य चकित होना—

कला में कौशल्य प्राप्त कर कुमार का वागम लोटना

५५६४-५६७२

कुमार का वसन्तश्री राजकुमारी के साथ विवाह, पुत्र प्राप्ति

५७७६-७८६२

कीर्तिवर्म कुमार को राज्यगद्दी पर अधिष्ठित कर श्रीवर्म कुमार राजा की नन्दन मृत्ति के पाम दीक्षा ग्रहण

७८६३-७८६८

मंथम के पश्चात् श्रीवर्म मुनि की कठोर तपस्या एवं तीर्थंकर योग्य वीम स्थानों की आराधना, अन्तिम समय में समाधिपूर्वक मृत्यु और स्वर्गगमन—

७८६९-७८९९

## ९. आठवाँ भव

प्राणतकल्प में देव—

७९००-

देवविमान वर्णन

७९०१-८०५८

श्री वर्मकुमार देव की दिनचर्या एवं जिनपूजनादि कार्य

८०५९-८२१७

## १०. श्री मुनिसुव्रत स्वामी नौवाँ भव

हरिवंशोत्पत्ति का वर्णन

वत्सदेश की कौशास्थी नगरी का वर्णन,

८२१८-८२३०

सुमुख राजा का वर्णन

८२३१-८२३६

उद्यानपाल द्वारा वसन्तश्री के आगमन की राजा को सूचना

८२३७-

वसन्तऋतु का वर्णन

८२३८-८२५४

उद्यान में वनमाला के रूप को देखकर सुमुख का उस पर मोहित होना

८२५५-८२८२

वनमाला और सुमुख का मिलन । वनपाला के वियोग में कुबिन्द का भागदपन, वनमाला और

सुमुख की बिजली के गिरने से मृत्यु

८२८३-८४३३

वनमाला और सुमुख की हरिवर्ष में हरि और हरिणी युगल रूप में उत्पत्ति

८४३४-८४६५

कुविन्द का मरकर किल्बिषिक देव बनना

८४६६-

हरि और हरिणी युगल को वैरवश भारतवर्ष की चंपानगरी के बाहर रखना

८४६७-८४८५

हरि युगल को चंपा का राजा बनाना/हरि से हरिवंश कुल की उत्पत्ति, सुमित्त राजा की हरिवंश

८४८६-८५१७

कुल में उत्पत्ति ।

## ११. भ० मुनिसुव्रत

कृशाग्रपुर वर्णन

८५१८-८५६९

राजा सुमित्त का वर्णन

८५७०-८५८९

पद्मावती रानी का वर्णन

८५९०-८५९४

पद्मावती रानी का १४ स्वप्न दर्शन

८५९५-८६४५

रानी का राजा को स्वप्न कथन

८६४६-८६६४

स्वप्न पाठकों को बलाना और उनसे स्वप्नों का फल सुनना, प्रीतिदान देकर स्वप्न पाठकों को

८६६५-८७३६

विदाई देना

चारण मुनि का आकाश में नीचे उतरकर २०वें तीर्थंकर मुनि सुव्रत के गर्भ में आने का सूचन करना

८७३७-८७४८

भ. मुनिसुव्रत का च्यवन कल्याणक	८७४९-८७५७
भ. मुनि सुव्रत का जन्म कल्याणक	८७५८-८७६०
दिशा कुमारी कृत जन्म महिमा	८७६३-८८२९
इन्द्रादि देवों का जन्मोत्सव के लिए गमन---	८८४०-९१७१
राजा सुमित्र द्वारा भ. मुनिसुव्रत का जन्मोत्सव एवं नामकरण	९१७२-९२३१
भ. मुनिसुव्रत का विवाह, पुत्रीत्वत्ति तथा राज्यागोहण	९२३२-९२९३
सुमित्र राजा और पद्मावती देवी की दीक्षा-	९२९४-९५
भ. मुनिसुव्रत का महानिष्क्रमण	९२९६-९५८६
भ. मुनिसुव्रत का केवलज्ञान, तीर्थ स्थापन और प्रथम धर्मदेशना	९५८७-१००७०
धर्मदेशना सुनकर संसदत्त राजा की दीक्षा	१००७१-१००८१
भगवान का श्रावस्ती में आगमन और खंदक आदि ५०० की दीक्षा	१००८२-१०२१६
भगवान का हस्तिनापुर में आगमन और कार्तिक मेठ की दीक्षा	१०२३३-१०३२९
भ. का भगुकच्छ में आगमन और घोड़े को प्रतिबोध	१०३३०-१०३९०
महसा पृथ्वी का कंपना, जिनशत्रु द्वारा पृथ्वी कंप का कारण पूछना और उत्तर में भ. ने विष्णु	१०३९१-१०८०९
मुनि का वृत्तान्त सुनाया	१०३९१-१०८०९
भरुयच्छ में भगवान का सम्मैत शैल शिखर की ओर प्रयाण	१०८१०-१०८१९
भगवान का सम्मैत शैल शिखर पर निर्वाण और देवों द्वारा भ. का निर्वाणोत्सव	१०८२०-१०८६९
ग्रन्थकार प्रशस्ति	१०८७०-१०९९५

卐卐卐

## प्रस्तावना

### प्रति परिचय—

मुनि सुव्रत स्वामी चरित की कुल दो ताड़पत्रीय प्रतियाँ उपलब्ध हुई हैं। एक जैसलमेर स्थित पंच भण्डार की और दूसरी पाटण संघ भण्डार की।

१. प्रथम प्रति खरतरगच्छीय बड़े उपाश्रय की है जिसे जैसलमेर की सूची में पंच का भण्डार भी कहा गया है। इस भण्डार में इसका क्रमांक ४०६ है। इसके पत्र ३७९ है। इसकी लम्बाई चौड़ाई २९"—२१" है स्थिति श्रेष्ठ है। अन्त में प्रति लिखाने वाले की प्रशस्ति है। वह इस प्रकार है—

"संवत् ११९८ अश्विन बदी १ गुरी। अद्यह श्रीमदणहिल्लपाटके समस्तराजावलीसमलंकृतमहाराजा-धिराजलिभुवनगण्डसिद्धचक्रवर्तीश्रीमज्जयसिंहदेवकल्याणविजयराज्ये। तस्मिन् काले प्रवर्तमाने श्री श्री चन्द्राचार्याणामादेशेन उमताग्रामावस्थितेन ल . . . . . श्री मुनिसुव्रतस्वामीचरितपुस्तकं लिखितम्।

२. दूसरी प्रतिपाटण स्थित संघ भण्डार की है। जिसका नम्बर (९५) ७, है। इसके पत्र ४५१ है। इसकी लम्बाई-चौड़ाई २६—२ है। प्रति के अन्त में ग्रन्थकार की प्रशस्ति है। ग्रन्थ लिखाने वाले की प्रशस्ति नहीं है। अन्त में ग्रन्थ लेखन का संवत् प्रति में नहीं है किन्तु लिपिकार की लेखनशैली एवं अक्षरों के आकार-प्रकार से यह ज्ञान होता है कि यह प्रति तेरहवीं सदी के पूर्वार्द्ध में किसी समय लिखी गई हो।

### संशोधन—

इस ग्रन्थ के संशोधन सम्पादन के लिए मैंने जैसलमेर स्थित पंच भण्डार की ताड़पत्रीय प्रति का ही उपयोग किया है क्योंकि यह प्रति स्वयं आचार्य श्री चन्द्रसूरि ने वि.सं. ११९८ में उमतागांव में अपने चातुर्मास काल में लिखवाई थी।

स्वयं लेखक के उपस्थित रहने के कारण यह प्रति प्रायः शुद्ध एवं सुन्दर है। इसी ताड़पत्रीय प्रति की प्रतिलिपि आगम प्रभाकर महान् पुण्यात्मा परम पूज्य स्व० श्री पुण्यविजयजी म. सा. ने किसी लिपिक से करवाई थी। मैंने इसी प्रतिलिपि पर से इस ग्रन्थ का सम्पादन संशोधन किया। सं० ११९८ में महाराजा जयसिंहदेव के शासनकाल में उमतागांव (गुजरात) में स्वयं लेखक श्री चन्द्रसूरि ने चातुर्मास किया था। इस ग्रन्थ के सम्पादन, संशोधन के लिए मैंने संघ भण्डार (वर्तमान में श्री हेमचन्द्राचार्य ज्ञान भण्डार) की प्रति का साद्यन्त अवलोकन किया। मेरे सम्पादन के लिए यह प्रति बड़ी उपयोगी सिद्ध हुई। कई अशुद्ध स्थानों को शुद्ध करने में इसकी बड़ी सहायता मिली। इस प्रति की प्राप्ति में श्री हेमचन्द्राचार्य ज्ञान भण्डार पाटण के व्यवस्थापकों का पूरा सहयोग मिला। अतः मैं उनका आभारी हूँ।

### ग्रन्थकार परिचय—

प्रस्तुत ग्रन्थ के कर्ता प्रसिद्ध साहित्यकार आचार्य श्री श्रीचन्द्रसूरि भारतीय वाङ्मय के बहुश्रुत प्रतिभा सम्पन्न विद्वान् थे। उनके द्वारा रचित ग्रन्थों में श्री मुनिसुव्रत स्वामी चरित उनके पाण्डित्य एवं सर्वतोमुखी प्रतिभा का पर्याप्त निरूपण है। उन्होंने इस चरितग्रन्थ में कथा एवं उपकथओं के माध्यम से जैन विद्वान्तों को एवं जैनाचार को सुन्दर एवं सरल पद्धति से समझाया है। उनकी यह रचना उनकी साहित्यिक सेवा का द्योतक है।

ऐसे महान् साहित्यकार का जीवन परिचय हमें पूरा नहीं मिलता किन्तु इस ग्रन्थ के अन्त में दी गई प्रशस्ति में उन्होंने अपनी गुरु परम्परा के साथ-साथ अपना भी अल्प परिचय दिया है वह इस प्रकार है ।

प्रश्नवाहनकुल की मध्यम शाखा में हर्षपुरीयगच्छ में जयसिंह सूरि नाम के प्रभावशाली आचार्य हो गये । उनके शिष्य का नाम अभयदेव सूरि था । उनका जीवन अत्यन्त वैराग्यपूर्ण था । उनका जैन धर्म के प्रचार-प्रसार में महत्त्वपूर्ण योगदान था । उन्होंने हजारों क्षत्रियों को जैन बनाकर सैकड़ों जैनगोत्रों की स्थापना की थी । उन गोत्रों में पगारिया, कोठारी, गोलोया, सिधी, गिरिया, बंज, गंग, गहेलडा, खीममरा आदि मुख्य हैं । ये गोत्र आज भी ओझवाल समाज में प्रचलित हैं \* । अपने समय के कई राजाओं को भी उन्होंने जैनधर्म के अनुकूल बनाया था । इन्हीं राजाओं के द्वारा अभयदेव सूरि को अपने जैनधर्म-प्रचार कार्य में अनेक विध सहयोग प्राप्त हुआ । गुर्जरेश्वर कर्णदेव ने उनको मल्लधारी की उपाधि से विभूषित किया था । अजमेर के महाराजा जयसिंह उनके परम भक्त थे । उनके उपदेश से उन्होंने अपने सम्पूर्ण राज्य में अष्टमी, चतुर्दशी और शुक्ला पंचमी के दिन 'अमारि' की घोषणा करवाई थी । भुवनेश्वर राजा ने जैन मन्दिर के पुजारियों से कर वसूल करना छोड़ दिया था ।

शाकंभरी के महाराजा पृथ्वीराज ने आचार्य श्री की प्रेरणा से रणस्तंभपुर नगर के जिन मन्दिर पर स्वर्ण का कलण चढ़ाया था । सौराष्ट्र के राजा खेंगार उनका बहुत सम्मान करते थे । इतने सम्माननीय होते हुए भी ये बड़े त्यागी, तपस्वी एवं अपरिग्रही सन्त थे । केवल एक ही चोलपट्ट और एक ही चादर रखते थे । दिन में एक बार भोजन करते थे और मदैव तृतीय प्रहर में ही वे स्वयं गोचरी (भोक्षा) के लिए निकलते थे । आमणश्रेष्ठी जैसे अनेक प्रमुख श्रावक उनके दर्शन किये बिना अन्न जल भी नहीं लेते थे ।

ये उच्चकोटि के वक्ता एवं विद्वान् थे । एक बार उन्हें किसी वैमानिक देव ने परलोक गमन का समय बताया । अपनी आयु का अन्त समय जानकर उन्होंने स्वस्थ होते हुए भी आहार की मात्रा घटा दी । जीवन के अन्तिम समय में उन्होंने अजमेर में ४७ दिन का अनशन किया । गुर्जर नरेश सिद्धराज ने जब उनके अनशन का समाचार सुना तो वह पैदल ही उनके दर्शनार्थ उनके निवास स्थान पर गया और उनके चरण की धूली मस्तक पर चढ़ाकर अपने आपको कृतार्थ किया । उनके अशन की बात सुनकर विद्वान् आचार्य शालिभद्रसूरि जो अपने समय के प्रख्यात आचार्य थे उनके पास आये और बालक की तरह जोर जोर से रदन करने लगे । आचार्यश्री ने उन्हें खूब सान्त्वना दी । अन्त में अत्यन्त समाधिपूर्वक उन्होंने देह छोड़ दिया । उनके देह की अन्तिम यात्रा विशाल जनसमूह के साथ प्रातः सूर्योदय से प्रारंभ हुई और शाम को अग्निदाह के स्थल पर पहुंची । मंत्रीगण सहित अजमेर के महाराजा जयसिंह अग्निदाह के स्थल तक पैदल ही पहुंचाने आये । देह-संस्कार के बाद मल्लधारी अभयदेव सूरि के देह की राख को रोगनिवारक समझकर लोग अपने अपने घर ले गये । जब राख नहीं बची तो लोगों ने उस स्थान की मिट्टी को पवित्र मानकर घर ले गये । उस स्थल पर एक बड़ा-सा गड्ढा हो गया । वि.सं. ११४२ में आचार्य अभयदेव सूरि अन्तरिक्षजी की प्रतिमा की प्रतिष्ठा में विद्यमान थे । वे वि.सं. ११६८ में स्वर्गवासी हुए ऐसा माना जाता है ।

उन्हीं के पट्टधर शिष्य आचार्य हेमचन्द्रसूरि थे । ये भी अपने गुरु की तरह ही ज्ञान के सागर कुशल वक्ता एवं बहुमुखी प्रतिभा के धनी थे । उनकी ध्वनि मेघ की तरह गम्भीर थी । उनके व्याख्यान सुनकर शाकंभरी के राजा, पृथ्वीराज ने तथा अन्य हजारों क्षत्रियों ने जैनधर्म स्वीकार किया था ।

ये केवल व्याख्याता ही नहीं थे किन्तु उच्चकोटि के साहित्यकार भी थे । इन्होंने आवश्यकटिप्पण, शतक-विवरण, अनुयोगद्रावृत्ति, उपदेशमाला सूत्र, उपदेशमाला वृत्ति, जीवसमाप्त विवरण, भवभावना सूत्र एवं वृत्ति, नन्दी टिप्पण एवं विशेषाध्ययक भाष्य वृत्ति जैसे ग्रन्थों का निर्माण कर साहित्य कोष की अभिवृद्धि की ।

\* जैन परम्परा का इतिहास पृ.

जीवन के अन्तिम समय में सात दिन का अनशन कर वे समाधिपूर्वक स्वर्गवासी हुए। उनके श्री विजयसिंह सूरि, श्रीचन्द्रसूरि एवं विबुधचन्द्र सूरि ऐसे तीन प्रतिभा सम्पन्न विद्वान शिष्य थे। उन्हीं में प्रस्तुत मुनिसुव्रत चरित्र के कर्ता आचार्य श्रीचन्द्रसूरि हैं। आचार्य श्रीचन्द्रसूरि गृहस्थावस्था में महाराजा सिद्धराज जयसिंह के अधीनस्थ लाट देश के अर्थमंत्री थे। आ. मल्लधारी हेमचन्द्र सूरि के उपदेश में इन्होंने विशाल वैभव, परिवार एवं मंत्रीपद का त्याग कर दीक्षा ग्रहण की। अपने विद्वान गुरु के सान्निध्य में रहकर इन्होंने संस्कृत, प्राकृत एवं आगम ग्रन्थों का अध्ययन किया और ये उच्चकोटि के विद्वान बन गये।\* गुरु ने इन्हें आचार्य पद पर प्रतिष्ठित किया।

एक बार आचार्य श्री विहार करते हुए अपने शिष्य परिवार के साथ धवलक (धोलका) नगर में पधारे। वहाँ भयञ्छय (भृगुकच्छ) नाम का विशाल मंडप से सुशोभित जिन मन्दिर था। उस मन्दिर में भगवान् मुनिसुव्रत की विशाल नयनरम्य प्रतिमा थी। उसी नगर में गुण से समृद्ध धवल नाम का श्रेष्ठी रहता था। धवल श्रेष्ठी ने तथा स्थानीय संघ ने आचार्य श्री का दर्शन कर प्रार्थना की कि आप भ. मुनिसुव्रत का चरित्र बनाओ। संघ और संघपति की प्रार्थना को आचार्य श्री ने स्वीकार किया। चरित्र रचने की भावना से आचार्य श्री ने वहाँ से विहार कर दिया वे आशावल (अहमदाबाद) पधारे। वहाँ श्रीमाल ज्ञाति के श्रेष्ठी नागिल भ्रावक के पुत्र निवास करते थे। उन्हीं की वसति अंबहरिभण्डशाला में आचार्य श्री ठहरे। इसी वसति में रहकर आ. श्रीचन्द्रसूरि ने मुनिसुव्रत स्वामी का चरित्र बनाना प्रारंभ किया। सं. ११९३ में आसोवदि अमावस्या-दीपमालिका के दिन इसे पूरा किया। इस ग्रन्थ के प्रथमादर्श लिखने में आ. श्री के गुरु भ्राता विबुधचन्द्र सूरि ने एवं श्रेष्ठी अंबहर और उसके छोटे भाई जसराज ने बड़ी सहायता की। द्विज श्रेष्ठ केशव के पुत्र देवराज ने इस ग्रन्थ का प्रथमादर्श लिखा।

मुनिसुव्रत स्वामी चरित्र के अतिरिक्त आ. श्रीचन्द्रसूरि ने संग्रहणी सूत्र, एवं लघुक्षेत्रसमास नामक ग्रन्थ की भी रचना की है।

### कथावस्तु

ग्रन्थकर्ता प्रारम्भ में परमपुरुष, इस अवसर्पिणीकाल में समस्त नयधर्म को प्रकट करने वाले, चतुरानन, अज्ञानरूप अन्धकार को दूर करने वाले भगवान् ऋषभदेव को वन्दन कर मेरु पर्वत को हिलाने वाले उग्र उपसर्गों के समूह को लीला से सहन करने वाले अन्तिम तीर्थंकर वीर जिनेश्वर को प्रणाम करते हैं। बाद में अपनी शुभ देशना से अमृत का सिचन करने वाले तथा मिथ्यात्वरूप महाविष से मूर्च्छित जीवों को विवेक रूप चेतना देने वाले मुनिसुव्रत भगवान् को वन्दन करते हैं। तत्पश्चात् अन्तमुहूर्त में ही पदार्थ के परमार्थ को प्रकट करने में समर्थ प्रथम गणधर इन्द्रभूति के चरणों में प्रणामकर जिनके धर्म को आज भी आचार्यगण प्रकाशित कर रहे हैं ऐसे गणधर सुधर्म स्वामी एवं केवलज्ञानी जम्बू मुनीन्द्र को वन्दन करते हैं। तदनन्तर सरस्वती देवी की स्तुति करते हुए ग्रन्थकर्ता कहते हैं—कुन्दपुष्प तथा चन्द्रजैसी उज्ज्वल-वर्णा, जिनेश्वर के मुख से निस्त सरस्वती देवी हमारे मुख में निवास करे। साथ ही विमल दर्शन को धारण करने वाले अत्यन्त दर्शनीय देहवाले मेरे गुरु जिनके नाम स्मरण करने से आज भी भक्त के इच्छित कार्य सिद्ध होते हैं, उनका स्मरण करता हूँ। साथ ही श्रमणसंघ में कई कवीश्वर गुरुजन विराजमान हैं फिर भी गुरुदेव ने मुझे ही भगवान् मुनिसुव्रत के चरित्र की रचना का आदेश दिया है। शास्त्र के परमार्थ से अविदित होते हुए भी गुरु के आदेश रूप कृपा को सहर्ष शिरोधार्य कर मैं इस चरित्र की रचना प्रारंभ कर रहा हूँ। यद्यपि इस गुह्यतर कार्य के लिए मैं अयोग्य हूँ फिर भी संघ के प्रभाव एवं उनके आदेश में मैं इस चरित्र की रचना करने का साहस कर रहा हूँ।

\* ज. प. इ.



तत्परचातुर्कवि कहता है— मैं सज्जन और दुर्जन के स्वभाव का वर्णन नहीं करना चाहता। क्योंकि दोनों के स्वभाव ही एक दूसरे में विपरीत होते हैं अतः उनका वर्णन करना ही निरर्थक है। सुकवि के काव्य में दोष न होने पर भी दोष को ही देखने की दृष्टि वाले दुर्जन होते हैं क्योंकि दुर्जनों का स्वभाव ही ऐसा होता है। इसमें विपरीत सज्जनजन गुणरहित काव्य में भी गुणों की ही खोज करते हैं क्योंकि सज्जन स्वभाव से ही सरल और गुणों से परिपूरित होते हैं। यदि किसी स्थल पर पदार्थ है उसे 'है' ऐसा कहना तो उचित है किन्तु दुर्जन तो हरिण की तरह होते हैं। जैसे हरिण महस्थल में जल नहीं होते हुए भी जल को ही देखते रहते हैं। वैसे ही दोष नहीं होते हुए भी दोष देखना तो दुर्जन का स्वभाव ही है। सज्जन और दुर्जन दोनों ही अपने अपने स्वभाव का त्याग नहीं करते अतः इस विषयक चर्चा करना निरर्थक है। इतना कहकर ग्रन्थकार कथा का प्रारम्भ करते हैं।

प्रस्तुत मुनिमुव्रतस्वामी का चरित्र ती भवों में विभक्त है। भगवान् मुनिमुव्रत का प्रथम भव शिवकेतु का, द्वितीय भव सौधर्मकल्प में देवरूप से उत्पत्ति, तृतीयभव कुबेरदत्त का, चतुर्थ भव में सन्तकुमार देवलोक में जन्म, पंचम भव वज्रकुंडल का, षष्ठ भव में ब्रह्मदेवलोक में उत्पत्ति, सप्तम भव में श्रीवर्मनृप और आठवें भव में प्राणतकल्प में जन्म एवं नौवें भव में भ. मुनिमुव्रत के रूप में जन्म।

### प्रथम भव शिवकेतु—

ऐरावत क्षेत्र में मायंदी नामकी सुन्दर एवं धनधान्य से समृद्ध नगरी थी। वहाँ मणिमाली नाम का पराक्रमी एवं कुबेर के समान समृद्ध राजा निवास करता था। उसकी मणिकंठा नाम की रानी थी वह रूप और गुणों से युक्त थी। उस राजा का विश्वभूति नामका पुरोहित था उस पुरोहित की पत्नी का नाम विश्वदत्ता था। कालान्तर में विश्वदत्ता ने एक सुन्दर सुपुत्र को जन्म दिया। उसका नाम शिवकेतु रखा गया। वह बड़ा बुद्धिमान था। शिवकेतु जब पढ़ने योग्य हुआ तो उसे स्थानीय पाठशाला में वेदाध्ययन के लिए रखा। वह विनयवान था और पिता की सेवा भी करता था फिर भी उसके पिता उससे द्वेष रखते थे। पिताजी की द्वेष बुद्धि एवं उपेक्षा वृत्ति से शिवकेतु बड़ा दुःखी रहता था।

एक बार शिवकेतु अपने सहपाठी छात्रों के साथ क्रीड़ा हेतु नगरी के बाहर उद्यान में पहुँचा। वहाँ एक वृक्ष की शीतल छाया के नीचे एक चारणमुनि को मधुरस्वरों में स्वाध्याय करते हुए देखा। मुनि के मुख से निकलते हुए मधुर स्वरों को सुनकर एवं प्रभावशाली तेजस्वी मुखाकृति को देखकर शिवकेतु बड़ा प्रभावित हुआ। अन्य छात्रगण मुनि को देखकर बड़े क्रुद्ध हुए और मुनि को मारने के लिए उनके सामने दौड़े। शिवकेतु ने बड़ी मुष्किल से छात्रों को रोका और उन्हें शपथ देकर वापस लौटा दिया। शिवकेतु के कहने पर सभी छात्र चले गये। शिवकेतु मुनि के पास पहुँचा और दण्डन कर उनके समीप बैठ गया। नम्रभाव में उसने मुनि से पूछा—“भगवन्! आप मधुर स्वरों में क्या गा रहे हो? आपके ये शब्द बड़े अलौकिक लगते हैं पशु को भी मानव बनाने का सामर्थ्य रखते हैं। क्या कोई व्यक्ति अपने ज्ञान बल से इन्द्रियातीत ऐसे भूत, भविष्य की बात को भी जान सकता है? मुनि ने कहा—शिवकेतु! जानो अवश्य ही भूत-भविष्य को जानता है और अतीत-अनागत कालीन पदार्थ का वर्णन कर सकता है। शिवकेतु ने कहा—यदि ऐसा ही है तो भगवन्! मैं अपनी पिता की सेवा और विनय दोनों करता हूँ फिर भी मेरे पिताजी मेरे पर अकारण ही द्वेषभाव रखते हैं। मैंने पूर्वजन्म में ऐसा कौनसा पाप किया है जिसमें वे मुझसे द्वेष करते हैं?”

मुनि ने कहा—“शिवकेतु! यह पूर्वोपाजित कर्मों का ही फल है। मैं तुम्हें तुम्हारे पूर्व जन्म का वृत्तान्त सुनाता हूँ। तुम ध्यान में मुनो।”

उसी नगर में आजन्म दरिद्र जिघ्रसर्मा नामक ब्राह्मण रहता था। उसकी शिवसोमा नामकी पत्नी थी। उसी के घर तुमने दृशर्म नामक पुत्र के रूप में जन्म लिया था। जब तुम आठ बरस के हुए तब तुम्हारा मृजीबन्ध

(यज्ञोपवित्त) किया गया। तुम द्विज कर्म के अनुसार संभ्या, वन्दन आदि कार्य करते लगे। अग्निशर्मा नामक तुम्हारा एक छोटा भाई था। तुम उम्र में बड़े थे अतः घर का सारा काम तुम्हें ही करना पड़ता था। अग्निशर्मा छोटा था और पिता का स्नेह भी उस पर अधिक था अतः वह गृहकार्य की जिम्मेदारी से मुक्त होकर स्वच्छन्द विचरण करता था। उसे स्वच्छन्द विचरता देख तुझे अपने छोटे भाई पर ईर्ष्या होने लगी। भाई की स्वच्छन्द वृत्ति तुझे अखरी। तुम पिता से भाई की स्वच्छन्द वृत्ति की बार बार शिकायत करते किन्तु पिताजी तुम्हारी बात पर जरा भी ध्यान नहीं देते थे। क्रोध में आकर एकदिन तुमने अपने भाई पर झूठा दोषारोपण किया। पिता ने तुम्हारी बात को सच मान लिया और उसे घर से निकाल दिया। इसी पाप प्रवृत्ति के कारण तुमने तीव्र अशुभ कर्म का वन्ध किया। कुछ वर्ष के बाद तुम अपने कुटुम्ब के साथ किसी उत्सव के प्रसंग पर एक ब्राह्मण के घर भोजनार्थ गये। वहाँ तुमने स्निग्ध तथा मधुर पदार्थों का अधिक मात्रा में सेवन किया। अधिक खा लेने से तुम्हें विश्व-चिक्रा-अतिसार हो गया। बहत प्रकार की चिकित्सा करने पर भी तुम नहीं बच सके। अकाल में ही तुम्हारी मृत्यु हो गई। तुम मर कर इसी नगर के राजपुरोहित के घर पुत्र रूप से जन्मे। तुमने पूर्वजन्म में अपने लघु-भ्राता के प्रति जो द्वेष किया था उसी के फलस्वरूप यहाँ तुम्हें अपने पिता से द्वेष मिल रहा है। यह सुनकर शिव-केतु मुनि के द्वारा सुनाई गई घटना का विचार करने लगा। विचार करते करते शिवकेतु को जाति स्मरण ज्ञान हो आया। जाति स्मरण ज्ञान में मुनि के द्वारा बताई गई घटना को सच पाया। उसे मुनि के ज्ञान के प्रति पूरी श्रद्धा हो गई। उसने मुनि से कहा—भगवन् ! आपने जो कुछ भी कहा वह सब यथार्थ है। मैंने पूर्व जन्म में जा पाप किया है उससे मैं मुक्त होना चाहता हूँ। क्या इस पाप से सर्वथा मुक्त होने का कोई उपाय है? मुनि ने कहा—इस पाप से सर्वथा मुक्त होने का उपाय तो मुनि दीक्षा ही है। शिवकेतु ने पुनः पूछा—भगवन् ! प्रव्रज्या का स्वरूप समझाईए। मुनि ने प्रव्रज्या का स्वरूप और साधु का आचार समझाया। शिवकेतु ने कहा—यह प्रव्रज्या बड़ी अच्छी है। आपने इस युवावस्था में यह कठिन व्रत क्यों ग्रहण किया? उत्तर में मुनि ने अपनी युवावस्था का वृत्तान्त सुनाया। मुनि का वृत्तान्त सुनकर वह बड़ा प्रभावित हुआ। उसका वैराग्य भाव तीव्र हो गया। उसने कहा—भगवन् ! मैं आपके पास दीक्षा लेना चाहता हूँ। मुझे आप इसी समय प्रव्रजित करें। मुनि ने कहा—शिवकेतु ! तुम अभी बालक हो तुम्हारे माता-पिता की आज्ञा के बिना हम तुम्हें प्रव्रजित नहीं कर सकते। तुम अपने माता पिता के पास जाकर उनसे आज्ञा ले आओ। गुरु की आज्ञा लेकर वह अपने माता पिता के पास पहुँचा और जैन मुनि बनने की आज्ञा मांगने लगा। पिता ने कहा—मैं नास्तिक श्वेतपटी के पास दीक्षा लेने की आज्ञा नहीं दूंगा। शिवकेतु ने पिता से कहा—जब तक आप मुझे आज्ञा नहीं देंगे तब तक मेरा अन्न-जल ग्रहण का त्याग है। पिता-पुत्र के बीच बड़ी दार्शनिक चर्चा हुई। पुत्र की तर्क पूर्ण दलिलों का पिता पर बड़ा प्रभाव पड़ा। पिता ने दीक्षा की आज्ञा प्रदान की। शिवकेतु ने पारणा किया। शिवकेतु अपने पिता के साथ मुनि के पास पहुँचा। विश्वभूति ने मुनि से धार्मिक चर्चा की। मुनि ने जैनधर्म के मुख्य तत्व जीवादि पदार्थों का सुन्दर रूप में निरूपण किया। तथा साधु का आचार समझाया। विश्वभूति ने मुनि से श्रावक व्रत ग्रहण किये। शिवकेतु ने पिता की आज्ञा प्राप्त कर दीक्षा ग्रहण की। गुरु के समीप रहकर शिवकेतु ने जैन शास्त्रों का अध्ययन किया। मुनि के आचार का कठोरता के साथ पालन करते हुए वे दुष्करतप करने लगे। अन्त में सात दिन का अतशन कर समाधिपूर्वक स्वर्ग-वासी हुए।

### द्वितीय भव—

कठोर तप के कारण शिवकेतु मरकर सौधर्म देवलोक में महाद्विक देव बना।

### तृतीय भव कुबेरदत्त—

सौधर्म देवलोक में चढ़कर शिवकेतु का जीव पुष्कलावती विजय के विश्वपुर नगर के राजा विश्वकान्त की रानी विश्वकान्ता के उदर में पुत्र रूप में उत्पन्न हुआ। विश्वकान्ता देवी कुबेर यक्ष की उपासिका थी। नी महिने

के पूर्ण होने पर रानी विश्वकान्ता ने सुन्दर पुत्र रत्न को जन्म दिया। पुत्र जन्म को कुबेरयक्ष की कृपा मानकर माता-पिता ने बालक का नाम कुबेरदत्त रखा। कुबेरदत्त ने सभी प्रकार की शिक्षा प्राप्त की। वह युवा हुआ। उसका सी रूपवती राजकन्याओं के साथ विवाह हुआ। कुबेरदत्त को सभी तरह से योग्य जानकर राजा ने उसे युवराज पद पर अधिष्ठित किया। उसे कुमार भुक्ति के लिए मंगलपुर देश दिया गया। बुद्धिधन नाम का मंत्री पुत्र उसका मित्र बन गया।

एक दिन रणध्वज नामके दण्ड नायक ने दूत के साथ पत्र देकर सन्देश कहलवाया कि सीहवल परबल एवं खस नामक राजा ने सीमान्त प्रदेश पर कब्जा कर लिया है। उनके प्रबल सैन्य शक्ति के सामने हमारी सेना हतप्रभ हो गई है। आप हमारी सहायता करें। दण्डनायक का लेख पढ़ते ही विश्वकन्त बड़ा क्रुद्ध हुआ। राज-कुमार कुबेरदत्त को जब इस बात का पता चला तो वह पिताकी आज्ञा प्राप्त कर विशाल सेना के साथ युद्ध के लिए चल पड़ा। वह मंगलपुर पहुँचा और रण को शल सेतियों सामन्तों को पराजित कर उसने सीमा पर शान्ति प्रस्थापित की। तत्पश्चात् कुबेरदत्त पराजित परबलसिंह एवं खस राज को साथ में लेकर अपनी विशाल सेना के साथ अपने नगर की ओर लौटा। स्व नगर लौटने पर राजा और प्रजा ने कुमार कुबेरदत्त का बड़ा सत्कार किया।

एक दिन विमलजस सूरि अपने शिष्य परिवार के साथ विश्वपुर पधारे और नगर के बाहर उद्यान में ठहरे। राजा विश्वकान्त, परबलसिंह, खस तथा राजकुमार कुबेरदत्त एवं नगर जन आचार्य का उपदेश सुनने के लिए उद्यान में पहुँचे। आचार्य का उपदेश सुनकर चारों ने जैनधर्म स्वीकार किया। प्रजा ने भी यथाशक्ति व्रत लिये। कुछ दिन तक उपदेश देकर आचार्य श्री ने वहाँ से अन्यत्र विहार कर दिया।

खस राजा और परबलसिंह कुछ दिन तक विश्वपुर में ही रहे। वहाँ से राजाज्ञा प्राप्त कर वे अपनी राजधानी मंगलपुर लौट आये। कुछ दिनों के बाद खस राजा ने विशाल जिन मन्दिर का निर्माण किया। जिन प्रतिमा की स्थापना की। उसकी प्रतिष्ठा उत्सव में सम्मिलित होने के लिए कुबेरदत्त को आमन्त्रित किया। कुमार कुबेरदत्त राजा के आमन्त्रण से मंगलपुर पहुँचा। वहाँ नूतन जिनालय में प्रवेश कर भगवान् की विधिपूर्वक पूजा की। पूजा उत्सव के प्रसंग पर कुबेरदत्त वहीं रहा। एक दिन उत्तम जाति के घोड़े पर बैठ कर कुमार वनविहार के लिए निकला। वन में पहुँचने पर घोड़ा सहसा अतिक्रम से दौड़ने लगा। कुमार की सेना पीछे रह गई। कुमार एक भयानक निर्जन वन में पहुँचा। उस भयानक वन में एक मुनि वृक्ष के नीचे ध्यान कर रहे थे। कुमार की दृष्टि मुनि पर पड़ी। वह मुनि के पास गया और मुनि को वन्दन कर उनके समीप बैठ गया। मुनि ने धर्मोपदेश दिया। उपदेश सुनकर कुमार बड़ा प्रसन्न हुआ। अन्त में विनय पूर्वक आचार्य से प्रश्न किया— भगवन्! कर्म-बलवान है या पौरुष? आचार्य ने उत्तर में कहा—राजपुत्र! अपने अपने स्थान पर दोनों ही बलवान हैं। सभी जीव कर्मनुसार ही व्यवसाय करते हैं। और जो जैसा कर्म करता है तदनुसार ही वह वैसा ही फल प्राप्त करता है। सिद्धान्त में कर्म और पुरुषार्थ का अन्योन्य सम्बन्ध बताया है। इसी बात के समर्थन में आचार्य ने कुबेरदत्त को एक कहानी सुनाई। कहानी सुनकर कुबेरदत्त बड़ा प्रभावित हुआ। कुमार मुनि का दर्शन कर आगे बढ़ा तो मार्ग में एक उन्मत्त हाथी मिला। हाथी जब कुमार के पीछे पड़ा तो कुमार ने बड़ी चतुराई से उसे वश में कर लिया। हाथी पर आरुढ़ होकर कुमार कुबेरदत्त अपनी नगरी में लौट आया।

योग्य समय पर राजा विश्वकन्त ने कुमार को राज्य गद्दी पर अधिष्ठित कर विमलजस सूरि के पास दीक्षा ग्रहण की। कुबेरदत्त ने अपने राज्यकाल में राज्यश्री की अभिवृद्धि की। कालान्तर में उसे अमरदत्त नामका पुत्र हुआ। अमरदत्त के युवा होने पर कुबेरदत्त ने उसे राज्य देकर विश्वकान्त मुनि के पास दीक्षा ग्रहण की। गुरु के पास रहकर शास्त्रों का अध्ययन किया और आचार्य पद प्राप्त किया। अपने आचार्य काल में कुबेरदत्त मुनिवर ने अनेक जीवों को प्रतिबोध देकर उन्हें शिवमार्ग बताया। अन्त में एक महिने का संलेखना पूर्वक संथारा कर स्वर्गवासी हुए और सनतकुमार देवलोक में महर्द्धिक देव बने।

### चतुर्थ भव--

सनत्कुमार कल्प में देव के रूप में उत्पत्ति

### पंचम तथा षष्ठ भव--

वज्रकुण्डल तथा ब्रह्मदेवलोक में देव भव

जम्बूद्वीप के अपरविदेह में गंधावती विजय में साँगन्धिक नाम का प्रसिद्ध देश है। उस देश में धन धान्य से समृद्ध गंधमादन नाम का नगर है। वहाँ वज्रनाभि नामका चक्रवर्ती राजा राज्य करता था। उसकी सुभावती नाम की पट्टरानी थी। एक दिन रानी सुख शय्या पर सोई हुई थी। उसने स्वप्न में इन्द्र को वज्रकुण्डल समर्पित करते हुए देखा। स्वप्न देखकर महारानी जागृत हुई। वह पति के पास पहुँची और उसने अपने स्वप्न का सारा वृत्तान्त उसे कहा। स्वप्न सुन कर राजा ने कहा—देवी! तुमने सुन्दर और शुभ स्वप्न देखा है। तुम सुन्दर एवं तेजस्वी पुत्र रत्न को जन्म दोगी। रानी ने अपने स्वप्न को सफल बनाने के लिए शेष रात्री धर्म चिन्तन में व्यतीत की।

इधर सनत्कुमार नामक स्वर्ग से कुबेरदत्त राजा का जीव देवलोक का सुखमय जीवन व्यतीत कर आयुष्य के पूर्ण होने पर वहाँ से च्युत होकर सुभावती के गर्भ में पुत्र रूप से उत्पन्न हुआ। गर्भकाल के पूर्ण होने पर रानी ने तेजस्वी पुत्र को जन्म दिया। स्वप्न के अनुसार बालक का नाम वज्रकुण्डल रखा। वज्रकुण्डल ने अल्प समय में ही समस्त कलाओं में कुशलता प्राप्त कर ली। वज्रकुण्डल युवा हुआ। उसका ५०० सुन्दर राजकुमारियों के साथ विवाह हुआ। चक्रवर्ती वज्रनाभि ने उसे युवराज पद पर अधिष्ठित किया।

एक दिन वज्रकुण्डल अपने मित्रों के साथ वार्तालाप कर रहा था। इतने में प्रतिहारक ने आकर कहा—युवराज! एक पन्देशी युवक आपका दर्शन करना चाहता है। राजकुमार ने उसे अपने पास बुलाया। युवक राजकुमार को वन्दन कर उसके द्वारा बताया गये आसन पर बैठ गया। वज्रकुण्डल ने पूछा—युवक! आप कौन हो? कहाँ से आये हो? और किस प्रयोजन से आये हो? उत्तर में आगन्तुक युवक ने कहा—युवराज! मेरा नाम वीरसेन है। मैं सुसेन नगर के राजा सिन्धुवीर का पुत्र हूँ। मेरे पिता ने पद्मश्री नामकी सुन्दर राजकुमारी के साथ विवाह किया। कालान्तर में पद्मश्री ने सिन्धुसेन नामक पुत्र को जन्म दिया। पुत्र के युवा होने पर पद्मश्री अपने पुत्र को ही राज्य का उत्तराधिकारी बनाना चाहती थी इसके लिए वह अपने पति को बार-बार प्रेरणा देती रहती थी। जब वह अपने कार्य में असफल हुई तो उसने सोचा—जब तक वीरसेन यहाँ रहेगा, तब तक मेरे पुत्र को राज्य का मिलना असंभव है अतः इसे किसी तरह से यहाँ से हटाना चाहिए। यह सोच उसने मेरे विरुद्ध बड़ा षडयंत्र रचा। उसका षडयंत्र सफल रहा। मेरे पिता ने मुझे से नाराज होकर मुझे अपने देश से निष्कासित कर दिया। पिता से निष्कासित हो मैं अनेक देश देशान्तर में परिभ्रमण करता हुआ आपने पास आया हूँ। आप मुझे अपना मित्र बनालें, मैं आपके चरणों में रहकर जिन्दगी के शेष दिन बीताना चाहता हूँ। वज्रकुण्डल वीरसेन की बातों से बड़ा प्रभावित हुआ। उसने उसे अपना मित्र बना लिया। युवराज ने उसके निवास-भोजनादि की पूरी व्यवस्था कर दी। वह सुखपूर्वक रहने लगा।

एक दिन कुसुमपुर से एक व्यक्ति आया और राजकुमार वीरसेन से बोला—राजकुमार! मुझे कुसुमपुर नगर के श्रेष्ठी प्रियमित्र श्रावक ने आपके पास भेजा है और कहलवाया है कि आपने जिनमन्दिर के लिए विशाल जमीन दी थी उस पर मैंने विशाल जिनमन्दिर का निर्माण किया। किन्तु द्वेषवश आपका सौतेला भाई सिन्धुसेन नगर एवं जिन मन्दिर को हस्त करना चाहता है। आप शीघ्र ही आकर जिन मन्दिर एवं हमारी रक्षा करें। विलंब न करें।” यह सुनकर वीरसेन सिन्धुसेन की दुष्टता पर बड़ा क्रुद्ध हुआ। वह चक्रवर्ती की तथा युवराज वज्रकुण्डल की सहायता से विशाल सेना के साथ कुसुमपुर पहुँचा। वीरसेन की एवं वज्रकुण्डल की सेना के सामने सिन्धुसेन टिक नहीं सका। अवसर देखकर सिन्धुसेन ने शरणागति स्वीकार करली। वीरसेन ने सिन्धुसेन के सभी अपराध माफ कर दिये। दोनों में मैत्री हो गई।

एक दिन अपनी शिष्य मंडली के साथ सुजस नाम के आचार्य नगर के बाहर उद्यान में ठहरे । उनके दर्शन के लिए सिन्धुमेन वीरमेन, वज्रकुण्डल एवं चक्रवर्ती वज्रनाभि परिवार के साथ गये । आचार्य का उपदेश सुनकर चक्रवर्ती वज्रनाभि ने तथा सिन्धुमेन ने आचार्य के पास दीक्षा ग्रहण की । आचार्य ने अत्यत्र विहार कर दिया । इधर वज्रकुण्डल राजा भी अपनी विणाल सेना के साथ अपनी राजधानी की ओर चला आया । मार्ग में सर्वत्र जिन मन्दिर का निर्माण करता हुआ जिन शासन की प्रभावना जिन पूजा आदि सत्कार्य करता हुआ, अपनी राजधानी में लौट आया ।

मुखपूर्वक रहते हुए वज्रकुण्डल राजा को एक पुत्र हुआ । उसका नाम प्रतापदेव रखा गया । प्रतापदेव बड़ा हुआ । वज्रकुण्डलराजा ने उसे युवराज बनाया ।

एक दिन ग्रामानुग्राम विचरण करते हुए सुजससूरि नगर में पधारे । राजा वज्रकुण्डल ने मुनि का उपदेश सुना । पुत्र को राजगद्दी पर अधिष्ठित कर अपने पांच सौ मित्रों के साथ वज्रकुण्डल दीक्षित हो गया । प्रव्रज्या लेकर वज्रकुण्डल मुनि ने खूब तप किया । कर्म को खाते हुए अन्त में पादोपगमन संथारा कर देह का त्याग किया और भरकर ब्रह्मदेवलोक में महर्द्धिक देव बना

### सातवां और आठवां भव—

दक्षिणाार्द्ध भारतवर्ष में चन्द्रपुरी नाम की समृद्ध नगरी थी । वहां नरपुंगव नाम का प्रतापी राजा राज्य करता था । उसकी पुण्यश्री नाम की पट्टरानी थी । एक दिन महारानी सुख शय्या पर सोई हुई थी । उसने रात्री के चतुर्थ प्रहर में श्वेत वस्त्र पहनी हुई श्वेत कुसुमाभरणों से सुशोभित श्रीदेवी को देखा । श्रीदेवी ने महारानी पुण्यश्री ने कहा — देवी ! तुम कामदेव के समान अत्यन्त सुन्दर रूपवाले पराक्रमी पुत्र को जन्म दोगी । स्वप्न देखकर रानी जाग उठी । उसने पति से स्वप्न का वृत्तान्त कहा । रानी के मुख से स्वप्न का वृत्तान्त सुनकर राजा ने कहा — देवी ! तुम सर्वगुणों से युक्त पुत्ररत्न को जन्म दोगी । ब्रह्मदेवलोक का आगुध्य पूर्ण कर वज्रकुण्डल का जीव रानी पुण्यश्री के उदर में उत्पन्न हुआ । गर्भकाल के पूर्ण होने पर रानी ने सुन्दर पुत्र को जन्म दिया । स्वप्न के अनुसार बालक का नाम श्रीवर्मकुमार रखा । श्रीवर्मकुमार ने क्रमशः यौवन वय को प्राप्त किया । युवा होने पर श्रीवर्मकुमार का बसन्तश्री आदि राजकुमारियों के साथ विवाह हुआ । राजा ने इसे युवराज पद पर अधिष्ठित किया ।

एक बार आनन्दसूरि अपने शिष्य परिवार के साथ चन्द्रपुरी पधारे और नगर के बाहर उद्यान में ठहरे आचार्य चार ज्ञान से सम्पन्न थे । ज्ञानी आचार्य का आगमन सुन नरपुंगव राजा अपने युवराज पुत्र श्रीवर्मकुमार के साथ आचार्यश्री के दर्शनार्थ उद्यान में गया । आचार्य का उपदेश सुनकर नरपुंगव को वैराग्य भाव जागृत हुआ । उसने श्रीवर्म को राजगद्दी पर अधिष्ठित कर मंत्री आदि परिवार के साथ दीक्षा ग्रहण की । राजा श्रीवर्मकुमार पिता द्वारा प्रदत्त राज्य का संचालन करने लगा ।

किसी समय नन्दनमुनि का चन्द्रपुरी में आगमन हुआ । राजा ने नन्दनमुनि का उपदेश सुना । उपदेश सुनकर राजा वैराग्य रंग में रंग गया । उसने अपने पुत्र कीर्तिवर्मकुमार को राज्यगद्दी पर अधिष्ठित किया और रानी बसन्तश्री मंत्रीगण आदि के साथ दीक्षा ग्रहण की । दीर्घकाल तक विशुद्ध संथम की आराधना करता हुआ तीर्थकर नाम कर्म उपार्जन करनेवाले बीस स्थानों की आराधना की और अन्तिम समय में पर्वत की विशाल शिला पट्ट पर पादोपगमन अन्तशन किया । दो मास का अन्तशन पूर्ण कर शुभ ध्यान को ध्याते हुए श्रीवर्मकुमार मुनि स्वर्गवासी हुए और प्राणत कल्प में महर्द्धिक देव बने ।

### हरिवंश उत्पत्ति—

वत्स देश की कोशास्वी नाम की नगरी में मुमुक्षु नाम का राजा राज्य करता था । एक बार वसन्तऋतु में वह क्रीड़ा करने के लिए उद्यान में गया । रास्ते में उसने मालीकुविन्दवीरक की पत्नी वनमाला को देखा । वह

अत्यन्त सुन्दर थी। दोनों एक दूसरे में आसक्त हो गये। राजा उसे अनिमेष दृष्टि में देखने लगा और वहीं स्तब्ध-सा खड़ा हो गया। तब उसके मंत्री मुमति ने उसे आगे चलने के लिए कहा। ज्यों त्यों वह उद्यान में आया और अपनी सारी मनोकामना मंत्री के सामने रखी। मंत्री ने उसे आश्वस्त किया और अत्तेइया नाम की परिव्राजिका को वनमाला के पास भेजा। परिव्राजिका वनमाला के पास गई और उसे भी चिन्तामग्न दशा में देखकर उससे सारी बात जान ली। उसने मंत्री से आकर कहा— राजा और वनमाला का मिलन प्रातःकाल हो जायगा। वह यह सुनकर बड़ा प्रसन्न हुआ।

वनमाला को लेकर परिव्राजिका राजा के पास आई। राजा ने वनमालिका को अपने महल में रख लिया। राजा उसके साथ भोग-विलास करते हुए अपना समय बीताने लगा।

वनमाला को अपने घर में न पाकर उसका पति कुविद वीरक उसकी खोज में रात दिन नगर में परिभ्रमण करने लगा। पागल और उन्मत्त दशा में हे वनमाला! हे वनमाला! ऐसा उच्च स्वर में बोलता हुआ एक दिन वह राजा के महल के नीचे से निकला। उस समय राजा वनमाला के साथ महल के झरोखे में बैठा हुआ था। कुविद वीरक की वनमाला के विरह में उन्मत्त सी दशा देखकर राजा को एवं वनमाला को अत्यन्त दुःख हुआ। वे अपने दुष्कर्म का पश्चात्ताप करने लगे। उस समय आकाश बादलों से छाया हुआ था। सहसा गर्जना के साथ बिजली चमकी और वह दोनों पर गिरी। वनमाला तथा राजा दोनों तत्काल मर गये।

वहाँ से मरकर दोनों हरिवर्ष क्षेत्र में हरि और हरिणी के नाम से युगल रूप में उत्पन्न हुए। वहाँ सुखपूर्वक जीवन व्यतीत करने लगे।

इधर कुविद वीरक वनमाला के वियोग में तप करने लगा। बाल तप से वह मरा और सौधर्म देवलोक में कित्त्वषिक देव बना। उसने अवधि जान ने अपना पूर्वभव देखा और अपने शत्रु हरि और हरिणी को युगलिये के रूप में ऋषि करता हुआ देखा। उन्हें देखते ही उसे क्रोध उत्पन्न हुआ। उसने सोचा— युगलिये अकाल में नहीं मरते अतः इन्हें मारने का प्रयत्न करना निरर्थक होगा। यदि ये यहीं मरेंगे तो मरकर देवलोक में जायेंगे। अतः ये मरकर दुर्गति में जायें ऐसा ही प्रयत्न करना चाहिए। यह सोचकर उसने दोनों को उठाया और भरत क्षेत्र की चम्पा नाम की नगरी के बाहर उद्यान में इन्हें रख दिया।

उस समय चम्पापुरी के राजा चन्द्रकीर्ति की मृत्यु हो गई थी। मंत्रीगण दूसरे राजा की खोज में इधर-उधर घूम रहे थे। उस समय आकाशवाणी हुई। आकाश में रहकर देव ने कहा— नगरजनों! मैं आपके लिए हरिवर्ष से एक युगल लाया हूँ। वह राजा रानी होने के योग्य हैं। इस युगल को आप लोग कल्पवृक्ष के फलों के साथ-साथ पशु-पक्षियों का मांस भी देना। क्योंकि यही उसका आहार है। लोगों ने उसकी बात मान ली। लोगों ने बड़े सम्मान के साथ उसे राजगद्दी पर अधिष्ठित किया। देव ने अपनी शक्ति से उस युगल की आयु स्थिति, कम कर दी तथा उसकी अवगाहना भी कम कर दी।

कालान्तर में विविध भोग भोगते हुए राजा को एक पुत्र हुआ। उसका नाम पृथ्वीपति रखा। अपनी प्रियतमा हरिणी के साथ अनेक पापों का उपार्जन करता हुआ राजा हरि मरा और घोर नरक में उत्पन्न हुआ। हरिवर्ष से अपहृत हरि और हरिणी के नाम से इसका वंश हरिवंश के नाम से प्रसिद्ध हुआ। हरि की मृत्यु के बाद पृथ्वीपति राजा बना। कालान्तर में पृथ्वीपति को एक पुत्र हुआ उसका नाम महागिरि रखा। अपनी पिता की तरह महागिरि भी बड़ा पराक्रमी राजा बना। महागिरि ने अपने पुत्र हिमगिरि को राजगद्दी पर प्रतिष्ठित किया और अपने पिता की तरह ही दीक्षा ग्रहण कर आत्म कल्याण किया। हिमगिरि के पश्चात् उसका पुत्र वसुगिरि राजा बना। वसुगिरि भी बड़ा पराक्रमी राजा था। उसने अपने राज्यकाल में राज्यश्री की अभिवृद्धि की। वृद्धावस्था में अपने

पुत्र गिरि को राजगद्दी पर अधिष्ठित कर दीक्षा ग्रहण की और आत्मकल्याण किया । गिरि राजा के बाद उसका पुत्र मित्रगिरी राजा बना । मित्रगिरी के वंश में अनेक पराक्रमी एवं धार्मिक राजा हरिवंश कुल में हुए ।

### नौवां भव — भगवान मुनिसुव्रत—

जम्बूद्वीप नाम के भरत क्षेत्र में कुशाग्रपुर नाम का अत्यन्त रमणीय नगर था । इसी नगर में चन्द्र जैसे समुज्ज्वल हरिवंशकुलोत्पन्न मुमित्र नाम का प्रतापी राजा राज्य करता था । उसकी पत्नी जैसी कोमल एवं अत्यन्त रूपवती पद्मावती नाम की रानी थी । श्रीवर्मकुमार का जीव प्राणतकल्प से च्युत हो कर रानी पद्मावती के गर्भ में श्रावणी पूर्णिमा के दिन श्रवण नक्षत्र के योग में प्रविष्ट हुआ । मुख शय्या पर सोयी हुई रानी पद्मावतीदेवी ने तीर्थकर के जन्म सूचक १४ महास्वप्नों को अपने मुख में प्रवेश करते देखा ।

गर्भकाल के समाप्त होने पर जेठ वदी अष्टमी के दिन श्रवण नक्षत्र में कूर्म लक्षण वाले श्यामवर्णी पुत्र को महारानी ने जन्म दिया । तब छप्पन दिक्कुमारियां आठ अधोलोक से आठ ऊर्ध्व लोक से आठ आठ रुचक पर्वत की चारों दिशाओं से चार मध्यवर्ती स्थान से चार रुचक द्वीप के केन्द्र से सिंहासन कम्पित होने पर वहां आयीं और जन्मकल्याणक उत्सव सम्पादित किया । शक्र भी त्रिमान में बैठकर तीव्र गति से वहां पहुँचा और प्रभु को गोद में लेकर देवों से परिवृत हुआ सुमेरु पर्वत पर गया । प्रभु को गोद में लेकर शक्र अतिपाण्डुकवला पर रखे सिंहासन पर बैठ गया । तब अच्युतादि इन्द्रों ने समुद्र, नदी व सरोवर से लाए जल से प्रभु को स्नान करवाया । तदुपरान्त सौधमेन्द्र ने प्रभु को ईशानेन्द्र की गोद में देकर स्फटिक वृष के शृंग से निकलते जल से प्रभु का अभिषेक किया । इसके पश्चात् प्रभु के शरीर को पोंछकर गोशीर्ष चन्दन का विलेपन किया । फिर वस्त्रालंकार और श्रेष्ठ पुष्पों से उनकी पूजा कर उनकी स्तुति की ।

स्तुति के पश्चात् शक्र प्रभु को लेकर उनकी माता के समीप पहुँचा और प्रभु को माता के पार्श्व में सुलाकर प्रणाम किया । तीर्थकर माता की अवस्वापिनी निद्रा दूर कर तीर्थकर त्रिम्व को वहां से हटाकर शक्र इन्द्र स्वनिवास लौट गया और अन्यान्य इन्द्र मेरुपर्वत से ही स्व-स्थान को चले गये ।

राजा मुमित्र ने भी पुत्र का जन्मोत्सव किया । चारणमुनि ने स्वप्न का फल बताया था अतः बालक का नाम मुनिसुव्रत रखा । शक्र द्वारा अंगुष्ठ में भरा अमृत-पान कर प्रभु बढ़ने लगे । बाल्यकाल को अतिक्रम कर भगवान यौवन अवस्था को प्राप्त हुए । यद्यपि वे इन्द्रियों के विषय में अनासक्त थे तब भी माता-पिता के अनुरोध से उन्होंने विवाह किया । श्रेष्ठ विषय सुखों को भोगते हुए उन्हें सुव्रत नामक पुत्र हुआ । साढ़े बावीस हजार वर्ष गृहस्थाश्रम में रहने के बाद भगवान ने दीक्षा लेने का निश्चय किया । लोकान्तिक देवों ने भी आकर भगवान से दीक्षा लेने के लिए निवेदन किया । भगवान ने वर्षदान दिया । देवों द्वारा सजाई गई अपराजिता नाम की शिविका पर आरूढ़ होकर भगवान नीलगुहा नाम के उद्यान में आये । वहां फाल्गुन शुक्ला १२ के दिन श्रवण नक्षत्र में दिवस के अन्तिम प्रहर में एक हजार राजाओं के साथ दीक्षा ग्रहण की । भगवान को मन-पर्यव जान उत्पन्न हुआ । देवादि सभी उन्हें प्रणाम कर स्व-स्व स्थान को लौट गये । तीसरे दिन भगवान ने कुशाग्रपुर के गृहपति ब्रह्मदत्त के घर खीर से पारणा किया । वहां पांच दिव्य प्रकट हुए ।

ग्यारह माह तक छद्मभ्रम्य अवस्था में रहने के बाद भगवान नीलगुहा उद्यान में पधारे । वहां चंपक वृक्ष के नीचे छ्यान करते हुए फाल्गुन कृष्ण द्वादशी के दिन श्रवण नक्षत्र में घातीकर्म का क्षय कर भगवान ने केवल ज्ञान प्राप्त किया । इन्द्रों ने आकर भगवान का केवल ज्ञान उत्सव मनाया । समवसरण की रचना हुई । समवसरण में बैठकर भगवान ने धर्मदेशना दी । इन्द्रादि देवों ने तथा महाराजा सुव्रत ने अपने परिवार एवं नगर-निवासियों के साथ धर्मदेशना सुनी । धर्म देशना सुनकर अनेक तर-नारियों ने भगवान के पास दीक्षा ग्रहण की । देशना के

प्रभाव से मल्ली आदि १८ गणधर हुए । भगवान की देशना के पश्चात् मल्ली गणधर ने देशना दी । मल्ली गणधर के प्रवचन के बाद देवेन्द्र, असुरेन्द्र व नरेन्द्र त्रिलोकपति को नमस्कार कर एवं स्तुति कर स्व-स्व-निवास स्थान को चले गये ।

भगवान विहार कर श्रावस्ती नगरी में पधारे । वहाँ जितशत्रु नाम का राजा राज्य करता था । उसकी रानी का नाम धारिणी था और स्कन्दक नाम का पुत्र था । उसकी बहन का नाम पुरन्दरयशा था । वह कुम्भकारकड नगर के राजा दंडकी के साथ ब्याही गई थी ।

दण्डकी राजा का पालक नाम का मंत्री था । मुनिसुव्रत भगवान का उपदेश सुन स्कन्दककुमार श्रावक बना । किसी समय पालक मंत्री श्रावस्ती आया था । स्कन्दककुमार के साथ धार्मिक चर्चा में हार गया । इससे पालक को स्कन्दक के प्रति रोष हो गया । स्कन्दककुमार पांचसौ के साथ दीक्षित हो, भगवान मुनिसुव्रत के साथ रहने लगा । वह बहुत शीघ्र बहुश्रुत बन गया ।

एकबार भगवान से स्कन्दक मुनि ने अपनी बहन पुरन्दर जसा को दर्शन देने के लिए कुम्भकारकड नगर जाने की आज्ञा मांगी । भगवान ने कहा— वहाँ मरणान्त कष्ट होगा, अतः तुम न जाओ ।” स्कन्दक ने भगवान से पूछा— ‘हम पांचसौ में कौन आराधक और कौन विराधक है?’ भगवान ने कहा—“तुझे छोड़कर सभी आराधक हैं ।

स्कन्दक मुनि भगवान की आज्ञा न होने पर भी पांचसौ साधुओं के साथ कुम्भकार नगर पहुँचा और एक उद्यान में ठहरा । पालक मंत्री को स्कन्दक मुनि के आने का समाचार मिला । उसने बदला लेने का सुन्दर अवसर पाया । अपने गुप्तचरों द्वारा उसने उद्यान में पहले ही शस्त्रों को जमीन में गडवा दिया था । वह पालक राजा के पास पहुँचा और बोला—स्वामी ! स्कन्दक पांच सौ सुभटों के साथ साधुवेश में आपकी हत्या करने और आपके राज्य पर अधिकार करने आया है । उन्होंने बगीचे में जमीन के भीतर शस्त्र गाड़कर रखे हैं । राजा ने गुप्त-रूप से पता लगाया तो उद्यान में सचमुच शस्त्र मिल गये । राजा को मंत्री की बात पर विश्वास हो गया । वह अत्यन्त क्रुद्ध हुआ और उसने पांचसौ साधुओं को पालक को सौंप दिये और कहा कि तुम इन साधुओं को इच्छानुसार दण्ड दे सकते हो । पालक मंत्री ने सभी साधुओं को घानी में पिलवा दिया । केवल एक छोटा साधु बचा तो स्कन्दक ने पालक से कहा—“मेरे सामने इसे मत पीलो । पहले मुझे पील डालो ।” स्कन्दक मुनि की बात पालक ने नहीं मानी और उसे उनके सामने ही घानी में पील दिया । स्कन्दक मुनि को पालक की इस क्रूरता पर बड़ा क्रोध आया और उसने निदान किया कि “मैं मरने के बाद इस नगर का राजा सहित विनाश करूँ” । पालक ने स्कन्दक मुनि को भी पील दिया । मुनि स्कन्दक मरकर अग्नि कुमार देव बना । पुरन्दरयशा को जब भाई के घानी में पीले जाने के समाचार मिले तो वह साध्वी बन गई स्कन्दक अग्नि कुमार ने राजा सहित नगर को भस्म कर दिया । ४९९ मुनियों ने समता भाव से मोक्ष प्राप्त किया ।

श्रावस्ती से विहार कर भगवान् ग्रामानुग्राम विचरण करते हुए राजगृह पधारे वहाँ नीलगुहा नामक उद्यान में ठहरे । उद्यानपाल से भगवान का आगमन सुन वहाँ के राजा दक्ष ने बड़े वैभव के साथ भगवान के दर्शन किये और उपदेश सुना । वहाँ से भगवान परिवार के साथ हस्तिनागपुर पधारे । वहाँ कार्तिक नाम का सम्यकत्व धारी श्रावक श्रेष्ठी रहता था ।

वह अपने धर्म पर अत्यन्त दृढ़ था । अपने देव गुरु धर्म के सिवाय वह किसी के भी सामने नहीं झुकता था ।

एक बार उस नगर में भगवावस्त्रधारी संन्यासी आया । उसने अपने पाखण्ड से लोगों पर अच्छा प्रभाव जमाया । वह मासोपवासी था । महिने के पारने के अवसर पर नगर के सभी प्रतिष्ठित व्यक्तियों ने संन्यासी को निमन्त्रित किया । सम्यकत्वधारी श्रावक होने से कार्तिक सेठ ने संन्यासी को आमन्त्रित नहीं किया और न उपदेश



सुनने के लिए उसके पास गया। कार्तिक सेठ की इस धार्मिक दृढ़ता पर वह अत्यन्त क्रुद्ध हुआ। उसने कार्तिक सेठ को हर प्रकार में अपमानित करने का निश्चय किया। वह इसके लिए उपयुक्त अवसर की खोज करने लगा।

एक समय जितशत्रु राजा ने भास खमन के पारणे के लिए संन्यासी को अपने घर निमन्त्रित किया। संन्यासी ने राजा से कहलवाया कि अगर कार्तिक सेठ मुझे भोजन परोसेगा तो मैं आपके घर पारणा कहूँगा। राजा ने सेठ को बुलाकर उसे संन्यासी को भोजन परोसने की आज्ञा दी। राजाज्ञा को मानकर कार्तिक सेठ संन्यासी को भोजन परोसने लगा। भोजन परोसते हुए कार्तिक सेठ का वह बार बार तिरस्कार करता था।

संन्यासी से तिरस्कृत कार्तिक सेठ सोचने लगा—यदि मैं दीक्षित होता तो मुझे यह विडंबना न सहन करनी पड़ती।

दूसरे दिन जब उसे भगवान् मुनिमुव्रत के आगमन का समाचार मिला तो वह एक हजार वणिकों के साथ भगवान् की सेवा में पहुँचा और प्रब्रज्या ग्रहण कर आत्मसाधना करने लगा। बारह वर्ष तक चरित्र का पालन कर वह भरकर सौधर्मैन्द्र बना। संन्यासी भरकर सौधर्मैन्द्र का बाहन ऐरावत हाथी बना। पूर्व जन्म का वैर स्मरण कर ऐरावत इधर उधर भागने लगा तो इन्द्र ने वज्र के प्रहार से उसे अपने वश में कर लिया।

हस्तिनापुर से बिहार कर भगवान् भृगुकच्छ पधारे। वहाँ जितशत्रु राजा राज्य करता था। भगवान् का समवसरण हुआ। देशना सुनने के लिए जितशत्रु राजा घोड़े पर चढ़कर आया। राजा समवसरण में गया घोड़ा बाहर खड़ा रहा। घोड़े ने भी कान ऊँचे कर प्रभु का उपदेश सुना। उपदेश समाप्त होने पर गणधर ने भगवान् से पूछा—भगवन् ! इस समवसरण में किसने धर्म प्राप्त किया? प्रभु ने उत्तर दिया—जितशत्रु राजा के घोड़े ने धर्म प्राप्त किया है। जितशत्रु राजा ने पूछा—यह घोड़ा कौन है? और उसकी आपके धर्म के प्रति श्रद्धा कैसे हुई? भगवान् ने अण्व के पूर्व जन्म का वृत्तान्त सुनाते हुए कहा—

पश्चिमीखण्ड नगर में जिनधर्म नामक श्रेष्ठि रहता था। उसका सागरदत्त नामका मित्र था। एक बार सागरदत्त जिनधर्म के साथ साधु के उपाश्रय में गया वहाँ उसने उपदेश में सुना कि जो स्वर्ण का जिन बिम्ब बनाता है वह भवसागर को पार करता है। इस उपदेश से उसने एक विशाल स्वर्ण का जिन बिम्ब बनवाया और बड़े आचार्य से उसकी प्रतिष्ठा करवाई। जिनधर्म का अनुरागी होते हुए भी उसमें मिथ्यात्व अवशेष था। अपने द्वारा उपार्जित विशाल धनसम्पत्ति के प्रति उसमें मूर्च्छा भाव था। वह त्यागमार्ग को अपना नहीं सका। अन्त में मर कर वह तुम्हारा यह घोड़ा बना। पूर्वभव में जिनधर्म के प्रति अनुराग होने से इसे मेरे उपदेश से बोध प्राप्त हुआ। राजा ने घोड़े को वन्दन कर उसे मुक्त कर दिया। घोड़ा भी श्रावक के व्रतों को पालता हुआ समाधि पूर्वक मरा। तब से भृगुकच्छ नगर अश्रवावबोध नामक तीर्थ के रूप में प्रसिद्ध हुआ।

एक दिन भगवान् भृगुकच्छ में ही विराजमान थे तब सहसा पृथ्वी कांप उठी। धरतीकांप में राजा और प्रजा दोनों भयभीत हो गई। राजा भगवान् के पास आया और उसने वन्दन कर पूछा—“भगवन् पृथ्वी क्यों काँप रही है? क्या इसमें कोई अनर्थ होनेवाला है?” भगवान् ने कहा—“राजन् ! पृथ्वी कांप का कारण मुनि—

कुरुदेश में हस्तिनापुर नाम का नगर है। वहाँ पद्मोत्तर राजा की रानी ज्वाला ने दो पुत्रों को जन्म दिया। एक का नाम विष्णु और दूसरे का नाम महापद्म। विष्णुकुमार ने युवावस्था में सुब्रताचार्य का उपदेश सुनकर दीक्षा ग्रहण की और महापद्म चक्रवर्ती बना। विष्णुकुमार मुनि ने दीक्षा लेने के पश्चान् घोर तपस्या शुरु की। तपस्या से उन्हें विविध प्रकार की लब्धियाँ प्राप्त हुई।

नमुचि नामका प्रधान सुब्रताचार्य से शास्त्रार्थ में हार गया। वह अपमानित होकर अपने नगर से निकला। और महापद्म चक्रवर्ती से जा मिला। महापद्म ने उसे प्रधान पद पर नियुक्त किया। उसके कार्य से प्रसन्न होकर महापद्म

ने उसे तीन दिन का राज्य दिया। उस समय सुव्रताचार्य हस्तिनापुर में विराजमान थे। चातुर्मास काल था। सुव्रताचार्य ने बदला देने का अच्छा अवसर जान उसने जैन मुनियों को बुलाया और कहा—“तुम इसी वक्त मेरा राज्य छोड़कर चले जाओ। मुनियों ने कहा—“चातुर्मास काल है अतः जैनमुनि चातुर्मास में विहार नहीं करते चातुर्मास पूरा होने पर हम यहाँ से चले जायेंगे।” नमुचि ने कहा—“मैं तुम्हें एक दिन भी रहने नहीं दूंगा। यदि मेरी आज्ञा विरुद्ध रहे तो तुम्हें प्राणान्त दंड दूंगा।” इस महान संकट से बचने के लिए सुव्रताचार्य ने छोटे मुनि को विष्णुमुनि के पास भेजा। विष्णु मुनि तुरन्त लब्धि बल से छोटे मुनि के साथ हस्तिनापुर आये। विष्णु मुनि नमुचि के पास आये और बोले—“वर्षाकाल तक तुम मुनियों को यहीं रहने दो। बाद तुम जैसा कहोगे वैसा ही होगा। नमुचि ने कहा—“एक दिन की भी रहने की आज्ञा नहीं है। यदि जिन्दा रहना चाहते हो तो तुरन्त निकल जाओ वरना सबको प्राणान्त दंड मिलेगा।” इस पर विष्णुकुमार को क्रोध आया। उन्होंने कहा—अच्छा: केवल तीन पैर स्थान दे दो। नमुचि ने उत्तर दिया—“अगर इतने स्थान से बाहर किसी को देखा तो सिर काट डालूंगा।” मुनि विष्णुकुमार ने वैक्रियलब्धि के द्वारा अपने शरीर को बढ़ाना शुरु किया। उनके विराट रूप को देखकर सभी डर गये। इसी कारण पृथ्वी भी काँप उठी। नमुचि ने क्षमा याचना की। सहृदय मुनि ने उसे क्षमा कर दी। संकट दूर होने पर शान्त चित्त होकर विष्णुमुनि फिर तपस्या करने लगे। महापद्म चक्रवर्ती पद को छोड़कर दीक्षा ग्रहण कर अपने जीवन को सार्थक कर रहा है। भगवान् मुनिमुव्रत से भूकंप का कारण सुनकर राजा और प्रजा दोनों प्रसन्न हुए और भक्ति से विष्णुमुनि को वन्दन किया।

कुछ काल भृगुकच्छ में रहकर भगवान ने अन्यत्र विहार कर दिया। अपना निर्वाणकाल समीप जानकर भगवान् सम्मत्त शिखर पर पधारे। वहाँ उन्होंने एक हजार मुनियों के साथ एक महिने का पादोपगमन संचारा किया। एक मास के अन्त में ज्येष्ठ कृष्णा नवमी के दिन श्रवण नक्षत्र के योग में रात्री के समय हजार मुनियों के साथ भगवान ने निर्वाण प्राप्त किया। इन्द्रादि देवों ने भगवान् का निर्वाण महोत्सव किया।

इन नौ भवों के वर्णनों में आचार्य श्री ने बीच बीच में कुछ अचान्तर कथाएँ भी दी है। प्रथम कथा उपकारी एवं प्रत्युपकारी के ऋण से मुक्त होने के वाले पोपटों की है। इस कथा में बताया गया है कि पशुपक्षी भी अपने उपकारी के प्रति उर्ऋण होने का प्रयत्न करता है तो फिर मानव के लिए कहना ही क्या। यदि मानव होकर भी अपने उपकारी को भूल जाता है तो वह पशु से भी हीनतम है। यह कथा पंचतंत्र की कपोत कथा का अंशतः अनुकरण करनी है। इस कथा का सार यह है—

एक गहन वन में विशाल वृक्ष के कोटरों में पोपटों का समूह निवास करता था। उसी वृक्ष के नीचे एक लता उग आई। वह बढ़ते बढ़ते वृक्ष की शाखा तक पहुँच गई। वह लता भी धीरे धीरे जाड़ी और मजबूत होने लगी। लता का सहारा लेकर कोई भी व्यक्ति वृक्ष पर चढ़कर पोपटों का विनाश कर सकता है यह बात एक वृद्ध पोपट के ध्यान में आई। उसने एक दिन अपने युवा साथियों से कहा—“तुम अपनी तीक्ष्ण चोंच से इस लता को काट डालो। वरना यह लता ही हमारे विनाश का कारण बन जायेगी।” वृद्ध की बात को युवा पोपटों ने हँस कर टाल दी।

एक दिन एक शिकारी वहाँ पहुँचा। विशाल वृक्ष पर सैकड़ों पोपटों के घोंसले को देख उसका मन ललचा गया। वृक्ष बहुत ऊँचा था। उस पर चढ़ना भी कठिन था। तलाश करते हुए उसकी दृष्टि जाड़ी लता पर पड़ी। वृक्ष पर चढ़ने का सुगम उपाय उसे मिला गया। सब पोपट जब दाना चुगने के लिए अन्ध्र गये तब वह लता के सहारे वृक्ष पर चढ़ गया और वृक्ष पर जाल बिछा दिया। जब पोपट शाम के समय वापस लौटे आये तो सबके सब जाल में फँस गये। अब सबको वृद्ध की बात न मानने का प्रस्तावा होने लगा। सब ने मिलकर वृद्ध से विनती की कि हमें बचाने का कोई उपाय बताओ। वृद्ध ने एक उपाय बताते हुए कहा—तुम लोग अपनी सांस को रोककर

मृतक से वन जाओ। शिकारी तुमको मृतक समझकर नीचे फेंक देगा उस समय तुम लोग एक साथ उड़ जाओ। पोपटों ने यही किया और एक साथ उड़कर चले गये। उपाय बताने वाला वृद्ध पोपट वृद्धावस्था के कारण उड़ नहीं सका। शिकारी ने उसे पकड़ लिया और पिंजरे में डाल दिया। वृद्ध पोपट को अपराधी मानकर जब उसे शिकारी मारने लगा तब वह मानव भाषा में बोला—“शिकारी! तुम मुझे मत मारो। मैं तुम्हारी नुकसानी की भरपाई कर दूँगा। कोई भी दयालु तुम्हें उचित मूल्य देकर मेरी अवश्य रक्षा करेगा।” शिकारी ने पोपट की बात मान ली। उसे पिंजरे में डालकर शहर में ले गया। वहाँ कुबेरदत्त राजकुमार ने दयाई होकर शिकारी को पांच सौ रुपये देकर बचा लिया। पोपट राजकुमार के साथ आनन्द पूर्वक रहने लगा। पोपट काव्य शास्त्र का ज्ञाता था वह विविध प्रकार के काव्य सुनाकर राजकुमार का मनोरंजन करने लगा। यहाँ तक की पोपट ने प्रत्युपकार के रूप में राजकुमार की अनेक दैंग से सहायता की और राज्य प्राप्ति में भी उसने उसे अनेक उपाय बताये। अन्त में कुबेरदत्त के राजा बनने पर उसने पोपट को मुक्त कर दिया। मुक्त होकर पोपट अपने साथियों से मिला। अन्य पोपटों ने भी अपने उपकारी पोपट के उपकारी राजा को चोच में भरभर के अनेक रत्न लाकर दिये और अपने उपकारी के ऋण से मुक्त हुए। इस कथा को आचार्य श्री ने बड़े रोचक ढंग से प्रस्तुत की है।

इसी चरित्र के पृ. ५७ में अंबुवीचि राजा का दूसरा कथानक है। इस कथानक में यह बताया है कि निर्गुण व्यक्ति भी यदि गुणी और पुण्य शाली के साथ रहता है तो वह भी गुणी की तरह पूजा जाता है और सरलता से अपना निर्वह कर सकता है। जैसे अंबुविचि। अंबुविचि जैसा निर्गुण भी गुणवान प्रधान के पुण्य से विशाल साम्राज्य का अधिकारी बन जाता है। उसका सार यह है—एक समृद्ध राजा था। उसे कोई पुत्र नहीं था। अनेक देव देवी की उपासना के बाद उसे एक पुत्र हुआ। किन्तु वह शून्य मनस्क था। जब उसे प्यास लगती थी तो वह अंबु बोलता था। जब भूख लगती थी तो वह विचि ऐसा बोलता था। दो शब्द के सिवा अन्य कुछ भी नहीं बोलता था। इससे सब लोग उसे अंबुविचि कहते थे। राजा के मरने के बाद अंबुविचि को राज्यगद्दी पर प्रतिष्ठित किया। अंबुविचि राजा बन गया। जैसे मन्दिर में स्थित जड़ मूर्ति को लोग पूजते हैं और उसकी सारी व्यवस्था पूजारी ही करता है। वैसे ही अंबुविचि जड़वत् राज्य गद्दी पर बैठा रहता था। उसके राज्य का संचालन एक बुद्धिमान मंत्री करने लगा। एक दिन मंत्री ने अंबुविचि को अपने घर रख लिया और लोगों में यह घोषणा करवाई की अंबुविचि कुण्ट रोग से ग्रस्त है। उसके स्थान पर मुझे ही राजा ने नियुक्त किया है। ऐसी उत्थोषणा करवाकर मंत्री स्वयं राजा बन गया और अंबुविचि के नाम से समस्त सामन्तों को जीतकर अपने अधीन करने लगा। धीरे धीरे उसने अपने छोटे राज्य को विशाल साम्राज्य में बदल दिया। अन्त में प्रजा को खुश करने के लिए अंबुविचि को पुनः राज्य सिंहासन पर बैठा दिया। लोग अंबुविचि की जय जय कार करने लगे। अंबुविचि बिना किसी पुण्यार्थ के केवल प्रबल पुण्यकर्म के उदय से ही विशाल साम्राज्य का अधिकारी बन गया।

तीनरी कथा हर्षपाल नृप की है। जिसकी कथा का सार यह है।

हर्षपुर नाम के नगर में हर्षपाल नाम का राजा राज्य करता था। उसकी रानी का नाम हर्षमती और पुत्र का नाम श्री हर्ष था। एक वार कुछ व्यापारी हर्षपुर आये और राजा से मिले। राजा ने पूछा—आप लोग अनेक देश नगरों की यात्रा करते हो। आपने अपनी यात्राकाल में कोई आश्चर्य देखा है? व्यापारी ने कहा—हाँ देखा है। धन्यपुर नाम के गाँव में वहाँ के अधिकारी मूरपाल की पुत्री अनुपमा को देखा है। ऐसी रूपवती कन्या को हमने आज तक नहीं देखा। उसके अनुपम सौंदर्य के सामने तिलोत्तमा अप्सरा भी हतप्रभ है। यह सुनते ही राजा ने तुरन्त मंत्री को धन्यपुर भेजा और अनुपमा को अपने अन्तपुर में बुलवा लिया। उसके अनुपम सौंदर्य को देख राजा उस पर मुग्ध हो गया। उसने उसके साथ विवाह करने का निश्चय किया। ज्योतिषियों को बुलाया। ज्योतिषियों ने ज्योतिष देखकर कहा—“अनुपमा देवी के उदर से उत्पन्न होने वाला पुत्र यहाँ के राजा को मारकर उसके राज्य

को छिन लेगा। राजा ने जब यह सुना तो उसने अनुपमा देवी को खत्म करने के अनेक उपाय किये। अनुपमा देवी भागकर एक पल्लिपति की पत्नी बनी। उसके उदर से उत्पन्न कुन्तसिंह ने हर्षपाल को मार डाला और उसके राज्य को छिन लिया। इस कथा में कर्मफल एवं भवितव्यता की प्रबलता बताई है।

चौथी कथा चन्द्रकीर्तिराजा की है। चन्द्रकीर्ति पूर्व जन्म में एक सामान्य गृहपति था उसने एक बार बड़ी श्रद्धा से जिन पूजन किया फलस्वरूप दूसरे भव में चन्द्रकीर्ति नाम का प्रभावशाली राजा बना।

पाँचवीं कथा राजजीमती की है। राजजीमती रामदेव नामक एक धनिक की पत्नी थी। रामदेव जिनधर्म का पालन करता था और निरन्तर जिन पूजा कर पुण्य उपार्जन करता था। राजजीमती जिनधर्म को नहीं मानती थी। रामदेव ने राजजीमती को जिनधर्म की उपासिका बनाने का बड़ा प्रयत्न किया किन्तु वह अपने प्रयत्न में सफल नहीं हुआ अन्त में उसने दूसरी जैन कन्या से विवाह किया। वह जैन कन्या बड़ी श्रद्धा भक्ति पूर्वक जिन पूजनादि धार्मिक क्रिया करती थी। उसकी श्रद्धा भक्ति को देख रामदेव उस पर अधिक प्रेम करने लगा। अन्त में अपने पति का प्रेम सम्पादन करने के लिए राजजीमती कपटपूर्वक जिनधर्म का पालन करने लगी। अन्त में राजजीमती मरी और एक दरिद्र किसान के घर सातवीं पुत्री के रूप में जन्मी। यह माता-पिता को इतनी अप्रिय थी कि उसका नामकरण भी नहीं किया। सब लोग उसे निर्नामिका कहने लगे। अपने कुटुम्ब से उपेक्षित निर्नामिका किसी तरह इधर उधर से मांग कर अपना जीवन निर्वाह करने लगी। एक बार वह एक जैन साध्वी के सम्पर्क में आई। और उनका उपदेश सुनकर वह साध्वी बन गई। साध्वी बनने के बाद उसने कठोर तप किया और समाधि पूर्वक मरकर रत्नचूड़ खेचरेन्द्र के घर पुत्री के रूप में जन्म लिया। उसका नाम प्रभावती रखा गया। युवावस्था में प्रभावती का विवाह चन्द्रकीर्ति नामक राजा के साथ हुआ।

छठी कथा जिनधर्म पर अत्यन्त श्रद्धा शील कार्तिक मेठ की है। परिव्राजक से अपमानित कार्तिक सेठ भ. मुनिसुव्रत के समीप दीक्षा लेता है और समाधिपूर्वक मरकर सौधर्मन्द् बनता है।

सातवीं कथा खन्दक आदि पाँच सौ मुनिवरों की है। खंदक कुमार से अपमानित पालक मंत्री अपमान का बदला लेने के लिए उन्हें घानी में पिलवा देता है। ४९९ मुनि तो समभाव से निर्वाण प्राप्त करते हैं किन्तु खन्दक ऋषि निदान पूर्वक मरता है। मरकर अभिनकुमार देव बनता है। अपने पूर्वजन्म का वर लेने के लिए पालक सहित समस्त नगर को भस्म करता है।

आठवीं कथा शासन प्रभावक विष्णु मुनि की है। जिनधर्म के द्वेषी नमुचि को शिक्षा देने के लिए विष्णु-मुनि ने अपना विराट् रूप बनाया था और जिनशास्त्र की प्रभावना की थी।

नौवीं कथा भृगुकच्छ (भरोच) के प्रसिद्ध तीर्थस्थत्र अश्ववावयोध की उत्पत्ति की है।

इस प्रकार के कथानकों से आचार्य श्रीचन्द्रसूरि ने अपने द्वारा रचित चरित को लोकप्रिय एवं सुसंघि पूर्ण बनाने का प्रयत्न किया है।

**भ. मुनिसुव्रत स्वामी—समीक्षात्मक अध्ययन—**

मुनिसुव्रत स्वामी चरित की कथावस्तु से स्पष्ट है कि ग्रन्थकार प्राचीन भारतीय संस्कृति की दो प्रमुख विचारधाराओं से परिपूर्ण रूप से प्रभावित हैं। एक पुनर्जन्म एवं कर्मफल की सम्बद्ध शृंखला तथा दूसरी आत्म-शोधन द्वारा मुक्ति की प्राप्ति। सम्पूर्ण ग्रन्थ में इन्हीं दो विचारधाराओं का ही प्रस्फुटन हुआ है।

इस चरित ग्रन्थ के मुख्यनायक है भगवान् मुनिसुव्रत स्वामी। इस ग्रन्थ में यह बताया गया है कि भगवान् मुनिसुव्रतस्वामी ने अपने प्रथम शिवकेतु के भद्र में किस प्रकार मिथ्यात्व का परित्याग कर सम्यक्त्व ग्रहण किया

और प्रव्रज्या ग्रहण कर उत्तरोत्तर आत्मा का विकास करते हुए नौवें भव में तीर्थंकर पद प्राप्त किया और अन्त में जन्म, जरा, मरण की आधि, व्याधि एवं उपाधि से मुक्त होकर शाश्वत पद प्राप्त किया? इसी का विशदवर्णन इस ग्रन्थ में आचार्यश्री ने किया है।

मुख्य चरित्र के वर्णन के साथ साथ यथास्थान नौ अवान्तर कथाएँ दे कर लेखक ने चरित्र को अधिक रोचक बनाया है। इन कथानकों में मानव प्रकृतियों का और उनके विविध पहलुओं का सुन्दर चित्रण हुआ है। साथ ही इन कथानकों के माध्यम से जैन धर्म के मुख्य तत्व जीवादि नौ पदार्थ, षड्द्रव्य, आठ कर्म उनको तष्ट करने के उपाय, धर्म के चार अंग-दान, शील, तप और भावना, साधु एवं श्रावकों आचार आदि का सुन्दर एवं सरल भाषा में विषद रूप से निरूपण भी किया है।

इसकी भाषा संस्कृतनिष्ठ प्राकृत है फिर भी सरल, कोमल, स्वाभाविक प्रौढ़ तथा परिमार्जित है। पाण्डित्य पूर्ण व्यावहारिक और मुहावरेदार है। यह सम्पूर्ण ग्रन्थ पद्यमय है। इसका गाथा प्रमाण १०९१५ है। इसकी गाथाएँ आर्या छंद में हैं। कहीं कहीं कवि ने अत्यल्प मात्रा में अन्य छंदों का भी प्रयोग किया है। भगवान् मुनि-सुव्रत की स्तुति संस्कृत भाषा में की है। इसमें शार्दूलविक्रीडित, वंशस्थ, हचिरा वसन्ततिलका, मालिनी, ऋषभ-गजविलासित पृथ्वी, शिखरिणी, कुसुमितलता, वल्लिता जैसे छंदों का उपयोग किया है। यत्र तत्र सुक्तियों का एवं लोकोक्तियों का प्रचुर मात्रा में प्रयोग किया है। भाषा को सजाने के लिए कवि ने विविध अलंकारों की योजना की है। शब्दालंकारों में अनुप्रास, यमक एवं वीप्सा का तथा अर्थालंकारों उपमा और उत्प्रेक्षा का भी विपुल प्रयोग हुआ है अन्य अलंकारों का भी सर्वत्र उपयोग किया है। कथा में निरसता को दूर करने के लिए लेखक ने नगर, युद्ध, विवाह, ऋतु, देवविमान आदि के वर्णन विद्वतापूर्ण शैली में एवं प्रांजल भाषा में किये हैं। इसके कई वर्णन बाण की कादम्बरी और श्रीहर्ष की रत्नावलि, कल्पसूत्र, राजप्रश्नीय सूत्र एवं जम्बूद्वीप प्रज्ञप्ति से प्रभावित हैं। आगमों में तीर्थंकरों के जन्म, प्रव्रज्या एवं निर्वाण का जैसा वर्णन आता है उन्हीं वर्णनों को लेखक ने गाथावद्ध शैली में अपने चरित्र में अपना लिया है। ग्यारहवीं एवं बारहवीं सदी में उपलब्ध ख्यात नाम चरित्र ग्रन्थों की तरह लेखक इस चरित्र ग्रन्थ को सर्वांगीण रूप से परिपूर्ण बनाने में सफल हुआ है। भ. मुनिसुव्रत पर लिखे गये अब तक के चरित्र ग्रन्थों में यह अधिक विशाल और सुरभि पूर्ण है। प्राकृत भाषा में ऐसा सुन्दर महाकाव्य लिखकर आचार्य श्री श्रीचन्द्रमूरि ने प्राकृत साहित्य की महती सेवा की है यह निर्विवाद है।

### श्री मुनिसुव्रतस्वामी की चरित परम्परा और मूल स्त्रीत

प्राचीनकाल से ही लोकोत्तर महापुरुषों के जीवन चरित्रों को लिखने की प्रथा प्रचलित है। इन चरित्रों को लिखने का एकमात्र उद्देश्य यही रहा है कि व्यक्ति अपने जीवन को शुभ प्रवृत्तियों में लगावे और अशुभ प्रवृत्तियों से निवृत्त हो। कथा रचना में ऐसा उच्चतम एवं उदात्त आदर्श जैन कथा वाङ्मय की अपनी विशिष्टता है। जैन कथाओं का प्रयोजन केवल लोकरंजन न रहकर मनोरंजन के साथ किसी उच्च आदर्श की स्थापना करना अशुभ कर्मों के कटु परिणामों को बताकर शुभ कर्म की ओर प्रेरित करना रहा है। उच्चतर सामाजिक नैतिक एवं आध्यात्मिक मूल्यों की प्रतिष्ठा करना व्यक्तित्व के मूलभूत गुण, साहस, अनुशासन, चातुरी, सज्जनता, सदाचार एवं व्रतनिष्ठा आदि को प्रोत्साहित करना तथा उनके चरित्र में उन संस्कारों को बढ्दमूल करना यही जैन कथा साहित्य या चरित्र का प्रयोजन है।

आगम साहित्य के बाद जो कथा साहित्य या चरित्र ग्रन्थ रचे गये हैं उनकी रचना प्रवाह में एक नया मोड़ आया। आगमगत कथाओं चरित्रों और महापुरुषों के छोटे बड़े जीवन प्रसंगों को लेकर मूल कथाओं को विस्तृत कर एवं उनमें प्रसंगानुसार अवान्तर कथाओं को जोड़कर एवं उनमें पूर्वजन्म की कथाओं का संयोजन कर उसका विस्तार पूर्वक वर्णन करना यही पश्चात्त्वर्ती साहित्यकारों की शैली बन गई।

परम्पराओं की भिन्नता, अनुश्रुतियों का अन्तर एवं समय के दीर्घ व्यवधान के कारण कथा के मूल स्रोतों को या उनमें रहे हुए ऐतिहासिक तथ्यों को खोजना कठिन ही नहीं बल्कि अति दुष्कर है। क्योंकि प्राचीन कथाकारों ने कथा या चरित्र के ऐतिहासिक तथ्यों की उपेक्षा कर उसे 'शिवम्, सुन्दरम्, बनाने का विशेष प्रयत्न किया है।

इसी सिद्धान्त को लक्ष्य में रखकर आचार्य श्रीचन्द्रसूरि ने भी तीर्थकर चरित्र के मूलस्रोत आगमों से जो कुछ भी प्राप्त हो सके उन्हें ग्रहण कर एवं गुरुपरम्परा से प्राप्त अनुश्रुतियों एवं उत्तरवर्ती साहित्य के आधार में अपने चरित्र ग्रन्थ को पल्लवित पुष्पित एवं विकसित किया है।

### तीर्थकर चरित्र के मूल स्रोत आगम—

तीर्थकरों के जीवन पर प्रकाश डालने वाले प्राचीनतम ग्रन्थ जैनागम है। भ. मुनिसुव्रत के विषय में आगमों में अत्यल्प मात्रा में जानकारी मिलती है। वर्तमान में उपलब्ध जैनागम अंग, उपांग, छेद मूल एवं प्रकीर्णक इन पाँच विभागों में विभक्त है। अंगसूत्र आचारांग सूत्रकृतान्त ऋषिभाषित जैसे प्राचीन आगमों में भ. मुनिसुव्रत का कहीं भी नामोल्लेख नहीं हुआ है। तृतीय अंगसूत्र स्थानांग के पाँचवें स्थान में मुनिसुव्रत भ. के पाँच कल्याणक श्रवण नक्षत्र में होने का एवं चतुर्थ अंग समवाय के ५० वें समवाय में भ. मुनिसुव्रत की ५०००० साध्वियाँ एवं २० समवाय में उनकी ऊँचाई २० धनुष होने का उल्लेख है। समवायांग के १५७ वें सूत्र में जो संग्रहणी गाथा है उनमें उनके विषय में निम्न उल्लेख है—“भगवान् मुनिसुव्रत बीसवें तीर्थकर थे। उनके पिता का नाम सुमित्र एवं माता का नाम पद्मा था। पूर्वभव का नाम नन्दन था। मनोरमा नाम की शिविका (पालखी) में बैठकर राजगृह के बाहर उद्यान में एक हजार पुरुषों के साथ षष्ठ तप करके दीक्षा ग्रहण की थी। दूसरे ऋषभसेन के घर भगवान् ने क्षीरात्र से पारणा किया। इनके प्रथम शिष्य कुम्भ एवं प्रथम शिष्या पुष्पवती थी। अपने शरीर से बाहरगुणा ऊँचे चम्पकवृक्ष के नीचे श्रवण नक्षत्र के योग में उन्होंने केवलज्ञान-दर्शन प्राप्त किया।

पाँचवें अंगसूत्र भगवती (५७६) में भगवान् मुनिसुव्रत विषयक दो उल्लेख मिलते हैं—एक बार भगवान् मुनिसुव्रत हस्तिनापुर पधारे। वहाँ गंगदत्त नामक श्रमणोपासक ने भगवान् के उपदेश से प्रभावित हो प्रश्रज्या ग्रहण की। उसने अनेक प्रकार की तपस्याओं द्वारा अपनी आत्मा निर्मल बनाया। अन्त में मासिक सलेखणा के साथ मृत्यु प्राप्त कर महाशुक्र में देव रूप में उत्पन्न हुआ। (सोलहवां शतक उद्दे. ५)

दूसरा उल्लेख कार्तिक सेठ का आता है। एक बार भ. मुनिसुव्रत हस्तिनापुर पधारे। वहाँ कार्तिक नामक श्रेष्ठी रहता था। उसने भ. मुनिसुव्रत का उपदेश सुना। उपदेश से प्रभावित हो उसके एक हजार श्रेष्ठियों के साथ दीक्षा ग्रहण की और कठोर तप किया। अन्त में मासिक सलेखणा के साथ मरकर शक्रेन्द्र के रूप में उत्पन्न हुआ। (भ. श. १८, उद्दे. २)

आगम ग्रन्थों में केवल ये ही उल्लेख मिलते हैं। भगवान् मुनिसुव्रत के तीर्थकर आगम में नहीं मिलते। आगम ग्रन्थों पर लिखी गई निर्युक्ति भाष्य, चूर्णी एवं टीका में भी भ. मुनिसुव्रत विषयक उल्लेख अत्यल्प ही मिलते हैं। आ. भद्रबाहु द्वारा निमित्त आवश्यक निर्युक्ति में एवं उनपर आ. हरिभद्रसूरि ने एवं आचार्य मलगिरि ने अपनी टीकाओं में सभी तीर्थकरों के साथ भ. मुनिसुव्रत विषयक निम्न विवरण दिया है। वह इस प्रकार है—

१. भगवान् मुनिसुव्रत के नाम की सार्थकता (१०९५)
२. भगवान् मुनि सुव्रत का वर्ण कृष्ण
३. " " ऊँचाई २० धनुष

४.	जन्म स्थान	राजगृह
५.	माता	पद्मावती
६.	पिता	सुमित्र
७.	गति	मोक्ष
९.	गोत्र	गौतम
१०.	जिनान्तर	
११.	जिनचक्रीदशान्तर	
१२.	निष्क्रमण	निलगुफा उद्यान
१३.	दो उपवास के साथ केवलज्ञान	
१४.	छद्मस्थकाल ग्यारहमास	
१५.	श्रमण	३००००
१६.	श्रमणियाँ	५००००
१७.	गण	१८
१८.	श्रमणपर्याय	७५०० वर्ष
१९.	कुमारत्व	७५०० वर्ष
२०.	राज्यकाल	१५००० वर्ष
२१.	सत्रायु	३००००
२२.	सिद्धि स्थल	सम्मत्त शिखर
२३.	अन्तक्रिया	मासोपवास से
२४.	एक हजार श्रमणों के साथ निर्वाण	

(आव. म. २०८-२१४-)

इसके अतिरिक्त भाष्यों चूणियों एवं टीकाओं में भ. मुनिसुव्रत विषयक निम्न उल्लेख प्राप्य हैं—

भगवान् मुनिसुव्रत के शिष्य खंदक ने देव बन नगर को जलाया (व्य. भा. १०; ५८९)

भृगुकच्छ नगर में भगवान् मुनिसुव्रत का बार बार आगमन होता था अतः वहाँ के देवता प्रायश्चित्त बताने में समर्थ थे (व्य. भा. ३, पृ. १३७)

जीतकल्प भाष्य में भ. मुनिसुव्रत के खंदक आदि पांचसौ शिष्यों की घटना का उल्लेख मिलता है। (जीत. भा. २४९८)

आवश्यक चूणि में वैशाली में भगवान् मुनिसुव्रत के स्तूप का उल्लेख है। (आव. चू. ५६७)

भ. मुनिसुव्रत का श्रावस्ती में आगमन और खंदक आदि की दीक्षा का उल्लेख मिलता है। (उत्त. चू. पृ. ७३)

नन्दीसूत्र की गाथा १९ में भ. मुनिसुव्रत का उल्लेख हुआ है। (नन्दी गा. १९)

वैशाली में कुलबालुक ने मुनिसुव्रत स्वामी की पादुका स्तूप बनाया था। (नन्दी म.)

आचार्य की शिलाकाचार्य की टीका में भ. मुनिसुव्रत के द्वारा घोड़े को प्रतिबोध देने का उल्लेख हुआ है। (आ. गी. पृ. १८३)

आग्नेतर माहित्य में भगवान् मुनिसुव्रत विषयक सामग्री प्रचुर मात्रा में मिलती है। दसवीं सदी से लेकर १८वीं सदी तक में भगवान् मुनिसुव्रत पर अनेक विद्वानों ने संस्कृत, प्राकृत भाषा में चरित ग्रन्थ लिखे हैं।

१. चउपन्न महापुरिस चरियं, कर्ता-शीलाकाचार्य (र. सं. १२५)
२. कहावली- कर्ता भद्रेश्वरसूरि (र. काल १२वीं सदी)
३. चउपन्नमहापुरिसचरियं - कर्ता आम्रदेवसूरि (र. १२वीं सदी)
४. अममन्वाभिचरित (र. सं. १२५२) कर्ता पूर्णिमा ग. मुनिरत्नसूरि
५. चतुविंशतिजिनेन्द्रसंक्षिप्तचरितानि (र. ई. सं. १२३८ से पूर्व) कर्ता-अमरचन्द्रसूरि
६. त्रिषष्टिशलाकापुरुषचरित (र. सं. १२१६-१२२८) कर्ता-क. स. हेमचन्द्राचार्य
७. लघुत्रिषष्टि शलाका पुरुषचरित्र (र. सं. १७०९) कर्ता-मेघविजय उपाध्याय

इसके अतिरिक्त भगवान् मुनिसुव्रत पर संस्कृत में स्वतंत्र काव्यों की भी रचना हुई है। आचार्य विबुधप्रभ के शिष्य पद्मप्रभसूरि ने वि. सं. १२९४ में ५५५५ श्लोक प्रमाण महाकाव्य तथा विनयचन्द्रसूरि ने आठ सर्गों में ४५५२ श्लोक प्रमाण महाकाव्य की रचना की है।

इसके अतिरिक्त विगम्बर जैन साहित्यकारों ने भी भ. मुनिसुव्रत पर काव्यों की रचना की है। इनमें आचार्य हरिषेण आचार्य गुणभद्र कवि अर्हदास, कवि कृष्णदास (१६८१ सं.), कवि केशवसेन, भट्टारक सुरेन्द्रकीर्ति (सं. १७२२-१७३३), आदि मुख्य हैं।

इनके द्वारा तीर्थंकर विषयक रचित ग्रन्थों में तिलोपपज्जति तथा जिनसेनाचार्य एवं गुणभद्राचार्य द्वारा रचित महापुराण और उत्तरपुराण सर्वाधिक प्राचीन एवं आधारभूत ग्रन्थ माने जाते हैं। इन ग्रन्थों में एवं आ. श्रीचन्द्रसूरि द्वारा रचित मुनिसुव्रत चरित्र में थोड़ा अन्तर पाया है। श्रीचन्द्रसूरि ने अपने ग्रन्थ में भ. मुनिसुव्रत के नौ भवों का वर्णन किया है तो उत्तरपुराण में भ. मुनिसुव्रत से पूर्व केवल दो भवों का ही वर्णन आता है। उत्तरपुराण में भ. मुनिसुव्रत के प्रथम और अन्तिम भव का वर्णन इन शब्दों में हुआ है—

भगवान् मुनिसुव्रतनाथ इस भव में पूर्व तीसरे भव में इमी भरत क्षेत्र के अंग देश के चम्पापुर में हरिवर्मा नाम के राजा थे। एक दिन वहाँ के उद्यान में अनन्तवीर्य नाम के निर्ग्रन्थ मुनिराज पधारे। परिवारके साथ राजा मुनिराज के दर्शन के लिए उद्यान में गया। वहाँ उसने मुनि की तीन बार पूजा कर वन्दना की। मुनिराज ने उसे उपदेश दिया। निर्ग्रन्थ मुनि का उपदेश सुन वह संसार से विरक्त हो गया। उसने अपने बड़े पुत्र को राजगृही पर अधिष्ठित कर कई राजाओं के साथ संगम धारण किया। दीक्षा ग्रहण कर उसने ग्यारह अंग सूत्रों का अध्ययन किया। और दर्शन विगुद्धि आदि भावनाओं का चिन्तवन कर तीर्थंकर गोत्र का बन्ध किया। चिरकाल तक तपकर अन्त में समाधिपूर्वक मरा और प्राणतल्प में इन्द्र हुआ।

### मुनिसुव्रत स्वामी का भव—

भरत क्षेत्र के मगधदेश में राजगृह नगर में हरिवंश शिरोमणि काश्यपगोत्रीय सुमित्र नाम का राजा राज्य करता था। उसकी रानी का नाम सोमा था। श्रावण कृष्ण त्रितीया के दिन श्रवण नक्षत्र के योग में प्राणतेन्द्र हरिवर्मा का जीव चक्कर महारानी के गर्भ में उत्पन्न हुआ। उसी रात्री में सोमा रानी ने १६ स्वप्न देखे और उसके बाद ही अपने मुंह में प्रवेश करता हुआ एक प्रभाववान् हाथी देखा। रानी ने स्वप्न का वृत्तान्त राजा से कहा। अवधिज्ञानी राजा ने कहा—तुम तीन जगत के स्वामी जिनेन्द्र को जन्म दोगी। नौ मास पूर्ण होने के बाद



बालक का जन्म हुआ। बालक को उठाकर इन्द्र उमे मेरु पर्वत पर ले गये वहाँ उनका जन्माभिषेक किया और उनका नाम मुनिसुव्रत रखा। उनकी आयु तीस हजार वर्ष की थी। शरीर की ऊंचाई बीस धनुष की थी। कान्ति मयूर के कण्ठ के समान तीली थी। वे समस्त उत्तम लक्षणों से युक्त थे। कुमार काल के सात हजार पांचसी वर्ष बीतने पर उनका राज्याभिषेक हुआ। उन्हें अपने याग हस्ति की हालत देखकर वैराग्य उत्पन्न हुआ। १५ हजार वर्ष के बीतने पर लौकान्तिक देवों ने उन्हें जनहितार्थ दीक्षा लेने की प्रेरणा दी। अपने पुत्र युवराज विजय को राज्य देकर वे अपराजित नाम की पालखी में बैठकर नील नाम के वन में बेला के तप के साथ वैशाख कृष्ण दशमी के दिन एक हजार राजाओं के साथ दीक्षा ग्रहण की। दीक्षा ग्रहण करते ही उन्हें मनःपर्ययज्ञान उत्पन्न हो गया। पारणा के समय वे भिक्षार्थ राजगृह नगर में आये वहाँ वृषभसेन राजा के घर प्रामुक आहार किया। ग्यारह मास तक छद्मस्थ रहने के बाद दो दिन के उपवास में वैशाख कृष्ण नवमी के दिन श्रवण नक्षत्र में शाम के समय चम्पक वृक्ष के नीचे केवलज्ञान प्राप्त किया। इन्द्रादि देवों ने ज्ञानोत्सव किया और मानस्तंभ की स्थापना की। उनके मन्त्री आदि अठारह गणधर थे। पांचसी साधु द्वादशांग के जानकार थे। इक्कीस हजार शिक्षक थे। एक हजार आठ सौ अवधिज्ञानी थे, इतने ही केवलज्ञानी थे, दो हजार दो सौ वैक्रियधारी, एक हजार पांचसी मनःपर्ययज्ञानी इस प्रकार उनकी कुल साधु संख्या ३००० हजार थी। पुष्पदन्ता आदि ५०००० हजार साध्वियां थीं। एक लाख श्रावक एवं तीन लाख श्राविकाएं थीं। अन्त में एक माह का अनशन कर समेत शिखर पर एक हजार मुनियों के साथ फाल्गुन कृष्ण द्वादशी के दिन रात्री के पीछले प्रहर में देह का त्यागकर निर्वाण को प्राप्त हुए। देवों ने निर्वाण उत्सव किया।

इस ग्रन्थ के अनुसार भ. मुनिसुव्रत के सातवें भव में भ. मुनिसुव्रत चन्द्रपुरी के राजा नरपुंगव के पुत्र श्रीवर्मकुमार थे उनकी माता का नाम पुण्यश्री था। और उन्होंने नन्दनसूरि के पास दीक्षा ग्रहण कर तप किया और तीर्थकर गोत्र का उपार्जन किया और मरकर प्राणत कल्प में महर्द्धिक देव बने। उत्तरपुराण के अनुसार भ. मुनिसुव्रत चम्पापुरी के राजा हरिवर्मा थे। उन्होंने अनन्तवीर्य नामक निग्रन्थ मुनि के पास दीक्षा ग्रहण कर तीर्थकर गोत्र उपार्जन किया और मरकर प्राणत कल्प में इन्द्र बने। इस ग्रन्थ के अनुसार भ. मुनिसुव्रत की माता का नाम पद्मावती और पुत्र का नाम सुव्रत था। उत्तरपुराण के अनुसार माता का नाम सोमा और पुत्र का नाम विजय, इस ग्रन्थ के अनुसार भ. मुनिसुव्रत फाल्गुन शुक्ला द्वादशी के दिन अपराजित नाम की शिविका में आरूढ़ होकर दीक्षा ग्रहण करते हैं। उत्तरपुराण के अनुसार भ. वैशाख वदी दसम के दिन दीक्षा ग्रहण करते हैं। इस ग्रन्थ के अनुसार प्रथम भिक्षा दाता ब्रह्मदत्त था तो उत्तरपुराण के अनुसार ऋषभसेन। इस ग्रन्थ के अनुसार फाल्गुन वद बारस के दिन भगवान को कैवल्य की प्राप्ति हुई थी, उत्तरपुराण के अनुसार वैशाख वदी नवमी को हुई। इस ग्रन्थ में भगवान की निर्वाण तिथि जेठ वदी नवमी बताई है। उत्तरपुराण में फाल्गुन वदी बारस है। इस प्रकार दोनों ही परम्परा में कुछ सामान्य अन्तर ही चरित्र में पाये जाते हैं।

इस प्रकार २० वें तीर्थकर मुनिसुव्रत के जीवन पर अद्यावधि जो प्राकृत एवं संस्कृत महाकाव्य उपलब्ध हैं उनमें आचार्य श्रीचन्द्रसूरि कृत मुनिसुव्रतसामिचरत महाकाव्य सबसे बड़ा एवं विषद् है।



## सिरि-सिरिचंदसूरि-विरइयं

### सिरिमुणिसुव्वयजिणिंदचरियं

परमपुरिसो अणाईविहू अणंतो अणंग-निडुहणो । चउराणणो तमहरो सिरि-निवासो जिणो जयइ ॥१॥  
 पयडिय-समग-नय-धम्म-मम्मोसपिणीए एयाए । रायाण य जेण जिणेसराण पढमत्तमुव्वूढं ॥२॥  
 तमहं नमामि उसहं सहंति जस्संस-घोलिरा केसा । सिव-पासायारोहय-भवियजणालंब-रज्जुसमा ॥३॥  
 सुरसेल-चलण-उग्गोवसग्ग-संघाय-सहण-लीलाए । बहिरंग-अंतरंगो परक्कमो जस्स निव्वडिओ ॥४॥  
 भवजलहि-मज्झ-मज्जंत-जंतु-संताण-तारण-समत्थं । तित्थं जेण पवत्तियमेयं पणमामि तं वीरं ॥५॥  
 सोसियअसेस-संसार-सायरे सायरं जिणे वंदे । सेसे वि य नीसेसे निस्सेयस-सोक्ख-दायारे ॥६॥  
 मिच्छत्त-महाविस-मुच्छिद्याण निम्मल-विवेयवेयन्नं । जीवाण जेण दिन्नं सुह-वेसण-अमय-सेएण ॥७॥  
 मुत्तालयंतरट्टाण-पत्तमाहप्पमुत्तमं तमहं । मरगय-मणि-समवन्नं नमामि मुणिसुव्वय-जिणिंदं ॥८॥  
 सिरिइंदभूइपभिईण वंदिमो गणहराण वरचरणे । जिण-भणियपयत्तय-सवणओ वि अपयत्तओ चेव ॥९॥  
 अन्तमुहुत्तेणं चिय पयत्थ-परमत्थ-पयडण-समत्थो । नीसेस-अईसय-जुओ सुय-जलही जेहि निम्मविओ ॥१०॥  
 जस्सन्नयम्मि अज्जवि धम्म-पयासं करेति आयरिया । इह भारहम्मि तमहं सुहम्मसामि नमंसामि ॥११॥  
 जंबूग्णिंदं वंदामि तमहमेयम्मि भारहे वासे । जेण समं चिय पत्तो निव्वाणं केवल-पईवो ॥१२॥  
 जीए अणुग्गिहीया सुय-सागर-पारगामिणो हुंति । मुणिणो मणप्पसायं सा अम्हं कुणउ सुयदेवी ॥१३॥  
 कुंदेदुज्जल-वन्ना जिणिंद-वयणारविंद-संभूया । वसउ वयणे इयाणि अम्हाण सरस्सई देवी ॥१४॥  
 जा विमल-दंसणधरा सुदंसणा दंसणिज्जवरदेहा । सा अम्हं समीहिय-कज्ज-साहणे हणउ दुरियाइं ॥१५॥  
 ताण गुरूणं पय-यंकयाइं पणमामि परम-भत्तीए । गरुत्तं दितेहि वि जेहि कओ कम्मलहुओ हं ॥१६॥  
 इय वित्थारियथोयव्व सत्थ-वित्थिन्न-संथुई अहयं । पत्थुय-वत्थुम्मि करेमि संपयं किपि आरभं ॥१७॥  
 संतेसु वि इयर कईसरेसु संघेण भगवया कह वि । दिन्नो मह आपसो मुणिसुव्वय-चरिय-रयणम्मि ॥१८॥  
 जइ वि जडप्पा जइ वि हु अणहिगया सेस सत्थ-परमत्थो । सहरिसहियओ तह वि हु एत्थ अहं संपयट्टिस्सं ॥१९॥  
 आएस-कयपसाओ जेण अहं निग्गुणो वि संघेण । जाओ उत्तुद्धिसियमणो अवियारियनिययसामत्थो ॥२०॥  
 सत्ति-विहूणो वि अहं हसणिज्जो बुहयणस्स न हविस्सं । हरिसिज्जिस्संति विसेसओ वि ते मज्झ विणएण ॥२१॥  
 जह पिथरेहि भणिओ कम्मि वि कज्जे असक्कणिज्जे वि । कोऊहलेण बालो तुरियं चिय तो पयट्टेइ ॥२२॥  
 तत्थ असक्कवियारा करणवराहं बुहा न गिणहंति । किंतु विणीयत्तणओ हवंति गुण-गाहिणो तस्स ॥२३॥  
 सत्ती वि उल्लसंती संभाविज्जइ अविज्जमाणा वि । संघस्स पहावेणं महप्पणो संपयं मज्झ ॥२४॥  
 साहाए साहंतर-गमणेच्चिय वानरो खमो होइ । सुव्वइय तेण तरिओ जलही वि पहुप्पहावेण ॥२५॥

तित्थयर-पूयणिज्जो संघो आइसइ जं कय-पसाओ । तं मं किमणुसरिस्सइदवी न सरस्सई इन्हि ? ॥२६॥  
 रत्ता जो आणप्यइ कम्मि वि कज्जे गुरुम्मि रंको वि । सामंत-मंति-मंडलिय-माणणिज्जो ह्वइ सो वि ॥२७॥  
 कुणइ य महिडिड्याणं जो आएसं जयम्मि रोरो वि । अत्थो सद्दो य तथा तस्स जहिच्छं षमुच्छलइ ॥२८॥  
 ता एयमवट्टुं भं निय-हियए-ठाविऊण अहम्मिण्हि । संघ-विइन्नाएसस्स साहणे उज्जमिस्सामि ॥२९॥  
 दुज्जण-सुयण-सरुवोववन्नणं नाहमिहकरिस्सामि । जं विवरीय-सरुवा दो वि इमे तेण किं भणिमो ? ॥३०॥  
 सुकइ-रइयम्मि कव्वे अविज्जमाणे वि पेच्छए दोसे । दोसेहिं भावियमई खुट्ठप्पगई खलो जेण ॥३१॥  
 गुणलेसेण विमुक्कं परस्स कव्वं मुणंति सगुणं ति । सुयणा सरल-सहावा केवल-गुण-पूरियप्पाणा ॥३२॥  
 जो जस्स होइ अत्थी तं चिय पेच्छेइ सो असंतं पि । मरुमंडलम्मि माइन्हियासु जह पाणियं हरिणा ॥३३॥  
 वावारिज्जइ वाणी वियक्खणोहिं परम्मि फल-हेउं । जत्थ न तस्सऽत्थि लवो वि तत्थ ते हींति तुन्हिक्का ॥३४॥  
 धंतं पि उवालद्धा नियपगइं दुज्जणे वि सुयणावि । न परिच्चयंति कहमवि ता तत्थ न जुज्जए वोत्तुं ॥३५॥  
 सिरि मुणिसुव्वय-तित्थंकरस्स चरियम्मि पत्थुए एत्थ । नव भव-संगह-संगय-गाहा-जुयलं इमं होइ ॥३६॥  
 सिक्केउ.१ सोहम्मरे कुबेरदत्तो ३ सणकुमारम्मि ४ अह वज्जकुंडलो ५ बंभलोय-कप्पम्मि ६ सिरिवम्मो ७ १३ ७  
 पाणयकप्पे ९ मुणिसुव्वओय तित्थाहिवो भवे नवमे । इय संखेवो भणिओ वित्थरमिन्हि तु वोच्छामि ॥३८॥  
 अत्थि इह जंबूदीवो दीवाणं आइमो समग्गाण । जगईए परिक्खित्तो सहानिविट्ठो नरिंदो व्व ॥३९॥  
 तत्थुत्तर-दिसिभाए एरवयं नाम अत्थि वरवासं । जं सहइ विमल-गुणसय-निरंतरं पवरवासं व ॥४०॥  
 तस्सुत्तरद्ध-मज्झिम-खंडम्मि अखंडगाम-पुर-कलिए । देसे आसि पसिद्धा मायंदी नाम वरनयरी ॥४१॥  
 तस्सुत्तरद्ध-मज्झिम-खंडम्मि अखंडगाम-पुर-कलिए । देसे आसि पसिद्धा मायंदी नाम वरनयरी ॥४२॥  
 जीए कुबेरगारा बहुविह-वत्तं वहंति पुरिसा वि । तह वि सुरलोय-सोहं हसंति ते नियय-सोहाए ॥४३॥  
 तं पालइ भणिमाली राया वि पयाव-पसर-परिकलियो । अकलंको य अखंडिज्जमाणनियमंडलाभोओ ॥४४॥  
 मणिंकता नामेणं कंता तस्सत्थि कंत-गुणकलिया । सच्छम्मि जीए हियए पिय-हिययं विविंयं वसइ ॥४५॥  
 तस्स वसुहाहिवइणो पुरोहिओ विस्सभूइ नामेण । जो विस्सभूइकम्मस्स करणओ अवितहभिहाणो ॥४६॥  
 तस्सासि विस्सदत्ता नामेणं भारिया गुणाययणं । जा दुइयं पिव हिययं नियपइणो सब्बकालं पि ॥४७॥  
 ताण सुओ सिक्केऊ समेक्ककुलमंदिरं समुप्पण्णो । पण्णवणिज्जो विज्जुज्जमी य पन्नाए संपन्नो ॥४८॥  
 विणयपरो वि हु पियराण कारणं सो पओसभावस्स । पुव्वभवज्जयतारिस्सुव्व-कम्मस्स दोसेण ॥४९॥  
 उव्वेयमुव्वहंतो अइगरुयं माणसम्मि सो तत्तो । अज्जावयस्स कस्स वि पासम्मि अहिज्जए वेए ॥५०॥  
 बडुएहिं समं बहुएहिं अण्णया नयरिवाहिरुज्जाणे । पत्तो परिद्धमंतो इओ तओ कोउय-वसेण ॥५१॥  
 तत्थ बहुपायवाणं मज्जे घण-बहल-सीयलच्छाओ । निवसइ असोय-साही साहासय-सोहिय-दियंतो ॥५२॥  
 हेट्ठा तस्स निसन्नो पसन्न-वयणो सिलायले विउले । चारणमुणी कुणंतो सज्जायं वेणु-महुर-झुणी ॥५३॥  
 सहस ति समोइन्नो नयणपहे तस्स माहण-सुयस्स । सिक्केउथो जाणंतो अमय-रसासार-सरिसमुहं ॥५४॥  
 तयभिमुहं संचलियो सिक्केऊ जाव ताव ते वडुया । कडुयाइं पयंपंता पहाविया तं मुणि हंतुं ॥५५॥  
 सहस च्चिय पडिसिद्धा पुरओ होऊण तेण ते सब्बे । माइ-पिउ-ज्जायाणं सब्बे दाऊण अइबहुए ॥५६॥  
 नीया य गिहाभिमुहं सयं तु ते वंचिऊण विणियत्तो । चित्तेइ जइ महप्पा सो न गओ होज्ज ता लट्ठुं ॥५७॥

जं मज्झ निरंतर-दुह-सहस्स-पूरिज्जमाणहिययस्स । एयं चिय अज्ज सुहं जायं जं सो मुणी दिट्ठो ॥५८॥  
 पेक्खिस्सामि पुणो तं मुणिं ति खणमुल्लसंतमणहरिसो । को जाणइ जइ न गओ होहिं त्ति वियंभियविसाओ ॥५९॥  
 एवं खणे खणे च्चिय हरिस-विसाएहिं वाउलिज्जंतो । पत्तो तम्मि पएसे च्चिट्ठइ सो जत्थ मुणिसीहो ॥६०॥  
 दट्ठूण तं मुणिंदं तहिट्ठियं च्चैव तोसमुप्पण्णो । पढमित्तल दंसणाओ अइगरुओ तस्स परिओसो ॥६१॥  
 च्चित्तइ य निययचित्ते पुव्व-भवे पावमुवचिणंतेण । पुत्तं पि किंचि विय कयं मए मुणी जमिह पुण दिट्ठो ॥६२॥  
 निज्जायइ सविसेसं पाएहितो मुणिं मुहं जाव । अब्भहिय-देह-सोहाए संजुयं विम्हइज्जंतो ॥६३॥  
 किं वन्नजइ रूवं अच्चवभुयमेरिसं मुणिंदरस ? । एयस्स जं न दीसइ कस्स वि अन्नस्स भुवणम्मि ॥६४॥  
 किं वा वि पसंसिज्जइ उवसम-लच्छी अणन्नसारिच्छा ? । ता सव्वहावि एसो न गोयरे अम्ह वयणाण ॥६५॥  
 ते नूण माहण-सुया मज्झ सहज्जाइणो महापावा । जाण न जाओ हरिसो दट्ठूण इमं पि मुणि-वसहं ॥६६॥  
 इय च्चितंतो पाएसु निवडिओ तस्स सो मुणिंदस्स । सव्वंगमुव्वहंतो पुलयं पुत्तंकुरायारं ॥६७॥  
 मुणिणा वि धम्मलाभो तस्स विइण्णो मणुण्ण-वयणेण । सुर-नर-सिच-सोक्खाणं संचक्कारो व्व सो पढमो ॥६८॥  
 धरणियलम्मि निसन्नो पसन्न-हियओ पुरो मुणिवरस्स । तत्तो सो सिक्खेऊ जोडिय-कर-संपुडो भणइ ॥६९॥  
 बहु अत्थि पुच्छियव्वं भयवं ! तुह नाण-जलहिणो पासे । काऊण मह पसायं पढमं चिय कहह ताव इमं ॥७०॥  
 तुम्हेहिं किं पढिज्जइ एयं ललियक्खरं सुणंताण । पसुपायाण वि सवणंतरेसु जं जणइ परम-सुहं ॥७१॥  
 तो भणइ मुणिवरिंदो भइ ! भणिज्जंति अम्ह समयम्मि । पुव्वाइं महत्थाइं इमाइ अंगम्मि बारसमे ॥७२॥  
 पढियाइं संपइ मए विमुमरणभएण ताण एगंते । परियत्तणं कुणंतो च्चिट्ठामि अहं तओ एत्थ ॥७३॥  
 भणइ पुणो सिक्खेऊ भयवं एएहिं इंदियाईयं । जाणिज्जए सरूवं किंचि विय भूयं भविस्सं वा ॥७४॥  
 आह मुणी वि मुणिज्जइ तीय-पडुप्पण्णणागय-सरूवं । सव्वं पुव्वेहितो न एत्थ वत्थुम्मि संदेहो ॥७५॥  
 तो आह माहण-सुओ जइ एवं कुणह ता मह पसायं । साहेह मज्झ वइयरमण्णभवे किं मए विहियं ? ॥७६॥  
 अवराह-वज्जियस्स वि विणय-परस्स वि य जेण मज्झुवरिं । पियराइं पि पओसं वहंति निच्चं अइमहंतं ॥७७॥  
 पभणेइ तओ साह सिक्खेऊ भइ ! सुणेसु एगमणो । साहिप्पंतं निय-पुव्व-जम्म-चरियं मए ईन्हि ॥७८॥  
 एत्थेव य नयरीए सिवसम्मो नाम बंभणो अत्थि । आजम्मं पि दरिदो सिवसोमा भारिया तस्स ॥७९॥  
 ताण सुओ आसि तुमं पगतीए भइओ विणीओ य । नामेण रइसम्मो संजाओ अट्ठ वारिसिओ ॥८०॥  
 मुंजीवंधाईए कयम्मि दियजाइउच्चियसक्कारे । संज्जा-वंदणमेत्तं किं पि अहीयं तओ तुमए ॥८१॥  
 अन्नो य तुज्झ भाया कणीयसो अग्गिसम्मनामो त्ति । तुह सो वि निव्विसेसो देहसहावेहिं संजाओ ॥८२॥  
 जेट्ठो त्ति कारविज्जसि तुमं सया जं पि तं पि गिह-कज्जं । इयरो लहुयत्तणओ सयंयि जं कुणइ तं कुणइ ॥८३॥  
 तं असहंतेण तए अलियं उब्भाविऊण अवराहं । कारवियाइं पओसं पियराइं तम्मि खणमेक्कं ॥८४॥  
 दट्ठूण पउट्ठाइं पियराइं तम्मि तं गओ तुट्ठि । तप्पच्चइयं कम्मं तिच्चं निव्वत्तियं तुमए ॥८५॥  
 अन्नो उ संकिलेसो तहाविहो तुज्झ कत्थ वि न जाओ । एवमइक्कंताइं कइवयसंवच्छराइं तओ ॥८६॥  
 अह अन्नया कयाइ वि संजाए ऊसवम्मि तुज्झ पिया । कस्स वि दियस्स भवणे निमतितओ सह कुडुंबेण ॥८७॥  
 तत्थ अइनिद्ध-भट्टराहारो भुत्तो चिराउ आकंठं । तुमए तो संजाया विसूइया रयणि-विरमम्मि ॥८८॥  
 कइ पडियारो वि तओ सहस च्चिय कालधम्ममणुपत्तो । राय-पुरोहिय-पुत्तो संपत्तो सो तुमं इहइ ॥८९॥

तं पुव्व-भव-समज्जियमिणिहं तुह कम्ममुदयमणुपत्तं । पियराण वि तेण तुमं जाओसि पओसा-ठणम्मि<sup>१</sup> ॥९०॥  
 एवं कहिऊण मुणिम्म उवरए तस्स तक्खणा चव । जायं जाई-सरणं पच्चक्खं तं व नियचरियं ॥९१॥  
 तो भीओ सिवकेऊ संवेगमुवागओ भणइ एवं । कि एत्तियमेत्तं पि हु पहु ! कम्मं इय फलं देइ ॥९२॥  
 अह जंपइ मुणि-पवरो कम्माणमुवज्जणम्मि जीवाण । परसत्थओ निमित्तं कोहाइकसाय-परिणामो ॥९३॥  
 एक्काए वि किरियाए परिणामवसेण केइ कम्माइं । जीवा तह कह वि समज्जिणंति अइ-सरस-णिट्ठाइं ॥९४॥  
 जह बहुभव-कोडीसु वि ताण फलं अणुहविज्जमाणं वि । न उवेइ कह वि परंतमिच्छमाणाण वि जियाण ॥९५॥  
 अन्ने पुण केइ तहाविहाइं बंधंति ताइं जह दाउं । तुच्छं चि य कि पि फलं तम्मि भवे चव फिट्ठंति ॥९६॥  
 कम्मं तु जं निबद्धं सुतिव्व-परिणाम-संगएण तए । ता तं दंसिस्सइनियविवागमन्नेसु वि भवेसु<sup>२</sup> ॥९७॥  
 तो दियवरस्स तणओ भयभीओ भणइ मुणिवरं एवं । भयवं ! नाणदिवायर ! जाणसि सव्वमेयपि ॥९८॥  
 ता काऊण पसायं मह गरुयं संपयं कहसु एवं । एयाओ कम्माओ केण उवाएण मुच्चिस्सं ॥९९॥  
 कहइ मुणी बाहीणं जह होइ रसायणं विणासयरं । तह सव्वकम्म-वाहीण घाइणी होइ पव्वज्जा ॥१००॥  
 जा अम्हेहि वि गहिया पच्चक्खं तं पलोयसि इयाणि । तं पि इमं पडिवज्जसु जह मुच्चसि सव्व दुक्खेहि ॥१०१॥  
 अह मुणि-वयणं सोउं सिवकेऊ भणइ हरिस-पडिहच्छो । भयवं ! महापसाओ एस कओ मज्झ तुम्हेहि ॥१०२॥  
 पव्वज्जाए सरूवं साहेह परं विसेसओ सव्वं । सामन्नेणं दिट्ठं वेसगहणं मए तुम्ह ॥१०३॥  
 अह कहइ मुणी करुणारसेण नीसेसमेव तस्स पुरो । पव्वज्जा करणिज्जं सु-दुक्करं कायर-जणस्स ॥१०४॥  
 आयन्निय मुणिवयणो सिवकेऊण भणइ विम्हयपवन्नो । भयवं ! सम्ममुवाओ तुग्गेहि इमो महक्खाओ ॥१०५॥  
 किंतु मह पुच्छणिज्जे अन्नम्मि वि अत्थि कोउयं गरुयं । पुच्छामि तं पि जइ होइ तत्थ तुम्हाणमाएसो ॥१०६॥  
 अह भणिओ सो मुणिणो जं किंचि वि रुच्चए तुह मणस्स । तं पुच्छ, जहिच्छं सव्वमेव मा कुणसु अभिसंकां ॥१०७॥  
 तो पणमिऊण विप्पस्स नंदणो मउलियग-कर-कमलो । बहुमाणमुव्वहंतो पयंपिउं एवमारद्धो ॥१०८॥  
 पुव्व-भवाओ आरब्भ ताव जाओ अहं महादुक्खी । तेणेरिसं पि दुक्कर-तवो विसेसं अहिलसामि ॥१०९॥  
 तुम्ह पुण देह-सोहा वि साहए असरिसं सुह-समूहं । तं उज्झऊण तुम्हेहि क्षत्ति अज्झवसियं किमिमं ॥११०॥  
 पढमो च्चिय उब्भेओ तारुन्नभरस्स वट्टए तुम्ह । लायन्नं पि हु अंगाई पूरमाणं न विरमेइ ॥१११॥  
 पाणितलाइसु सुह-लच्छणाइं निवलच्छ-संगम-समिद्धिं । सूयंति रूवमइ वि रिद्धी य दुल्लहा सुरवराणं पि ॥११२॥  
 इय अच्छरियनिबंधणमेक्केक्कं केण कारणेणयं । अणवेक्खिऊण सव्वं महव्वयाइं समुव्वहसि ॥११३॥  
 अह ईसि विहसिऊणं साह दसणोह-किरण-जालेहिं । संदेह-तिमिर-पव्वभारमवहरंतो पयंपेइ ॥११४॥  
 सामन्नेणं कारणमेयं चिय भव-सरूवमइविसमं । भइ ! विसेसेण पुणो साहिप्पं तं निसामेह ॥११५॥ ॥छ॥  
 इह अत्थि कोसलपुरं तं पालइ सच्चधम्मनरनाहो । सच्चवई तव्वभज्जा सहोयरो तस्स जुवराया ॥११६॥  
 नामेण विजयधम्मो सो भुंजइ विजयखेड-पुर-देसं । संवच्छरस्स मज्जे कयावि आमंतिओ एइ ॥११७॥  
 कोसलपुरम्मि पासे नरवइणो सच्चधम्मनामस्स । कज्जम्मि समुप्पन्ने एइ अणामंतिओ विसयं ॥११८॥  
 कालकमेण तत्तो सच्चवई-कुच्छि-कुहर-संभूया । जाया य सत्त पुत्ता नरवइणो सच्चधम्मस्स ॥११९॥  
 पढमो य भवणपालो बीओ पुण तस्स विजयपालो त्ति । तइओ य विजयराओ चउत्थओ मयणवालो त्ति ॥१२०॥

१ मित्तटाणम्मि पा . । २ वि रूवेसु पा . ।

जयसीह-विजयसीहा पंचम छट्टा य सत्तमो सूरौ । गहियकला परिणीया सव्वे वि नरिद-कन्नाओ ॥१२१॥  
रत्ना दिन्ना गामा तेसिं सव्वेसिमेव जह जोगं । चिट्ठंति राय-पासे तं सेवंता य विणएण ॥१२२॥  
सव्वे वि भायरो ते परोप्परं घण-सिणेह-संबद्धा । कुव्वंति परम-विणयं कणिट्ट-बंधू जहा जेट्ठं ॥१२३॥  
चुल्लपिउणो वि भत्ति कुणंति ते सव्व भायरो सययं । सो वि नियपुत्तुल्ले पेच्छइ पीईए ते सव्वे ॥१२४॥  
भत्तिज्जयस्स जेट्टस्स तेण दिण्णो य विजयधम्मणे । नियमंडलस्स मज्जे एक्को गामो घण-समिद्धो ॥१२५॥  
मित्तो य भुवणपालस्स अत्थि सुमइस्स मंतिणो पुत्तो । मइसागरो त्ति नामं बालत्ताओ वि सहचारी ॥१२६॥  
तं भणइ भुवणपालो इह व्व गामाण कुणसि जह तत्ति । चुल्लपिओ दिन्नगामस्स वसुहनामस्स वि तहेव ॥१२७॥  
तं चिय करेह तत्ति वीसास-ट्टाणमप्पणो पुरिसं । पट्टवह कं पि तत्थ वि पट्टविओ तेण तो पुरिसो ॥१२८॥  
वल्लहराओ नामं समप्पिउं भुवणपाल-विन्नत्ति । पासम्मि विजयधम्मस्स विजयखेडम्मि जुवरत्तो ॥१२९॥  
तेण वि सो सपसायं विसज्जिओ वसुहगाममज्जम्मि । वल्लहराओ तत्ति करेइ तो तस्स नीईए ॥१३०॥  
केण वि पओयणेणं समए अन्नम्मि भुवणपालेण । मइसागरो निउत्तो जुवरत्तो सन्निहाणम्मि ॥१३१॥  
जुवरत्ता गरुणं दिट्ठो मइसागरो पसाएण । तत्थेव ठिओ चिट्टइ कज्ज-समत्ति अवेक्खंतो ॥१३२॥  
अवसर-समए वच्चइ निच्चं जुवराय-सन्निहाणम्मि । मइसागरो अवारियपसरो राओ दिया वा वि ॥१३३॥  
जयधम्मो नामेणं अत्थि सुओ विजयधम्म-जुवरत्तो । जोव्वण-पत्तो विसयासत्तो वियरइ जहिच्छाए ॥१३४॥  
नामेण मयणरेहा गणियाए चित्तलेह नामाए । धूया अहिणव-जोव्वण-लच्छीए आवरिज्जंती ॥१३५॥  
अहिणव-सिक्खिय-नट्टा विन्नाया विजयधम्म-जुवरत्ता । नट्टावय-पासाओ ललियाए तह य गोट्ठीए ॥१३६॥  
तो जुवरत्ता पुरिसं पेसेउं चित्तलेह-वर-गणिया । आणत्ता नियधूया नट्टं अम्हाण वंसेहि ॥१३७॥  
पडिवज्जिय आएसं सिंगारं कारिया मयणरेहा । अइपवरं निय धूया गणियाए चित्तलेहाए ॥१३८॥  
अह सा निग्गतूणं नियभवणाओ रहम्मि आरुहइ । जाव किर मयणरेहा तां दिट्ठा मंति-पुत्तेण ॥१३९॥  
मइसागरनामेणं तीसे च्चै य निवासदारस्स । पुरओ वच्चतेणं आरुढेणं वरह्यम्मि ॥१४०॥  
सिर-धरिय सुच्छत्तेणं बहुजण-परिवेडिएण तेण तओ । उत्तारिउं सहत्थाओ अंगुलीयं समप्पेउं ॥१४१॥  
सिक्खविउं नियपुरिसो तप्पासे पेसिओ स गंतूण । पुच्छेइ मयणरेहं तुममक्खणियासि खणिया वा ॥१४२॥  
अह तीए खणिया हं इय भणिए मंति-पुत्त-पुरिसेण । मइसागर-नामकियमप्पियमंगुलियमेईए ॥१४३॥  
हत्थम्मि इय भणतेण गिण्ह एयं तुमं गहणयम्मि । जेत्तियमेत्तं गेण्हसि दव्वं एगाए रयणीए ॥१४४॥  
तेत्तियमेत्तेण इमं छुट्टइ दिन्नेण बीय दियहम्मि । इय तस्स भणंतस्स वि समागया चित्तलेहा वि ॥१४५॥  
तं मंति-पुरिस-वयणं तीसे कहिऊण मयणरेहाए । हत्थम्मि समप्पियमंगुलीयमेसा वि जंपेइ ॥१४६॥  
वीसुत्तरेण टंकय-सएण दिन्नेण छुट्टइ इमं ति । सो मंति-पुत्त-पुरिसो पडिवज्जइ तीए वयणमिणं ॥१४७॥  
मइसागरस्स पुरओ कहेइ गंतूण सो वि सव्वमिमं । मइसागरो वि वच्चइ जुवरत्तो सन्निहाणम्मि ॥१४८॥  
अत्थाण निसन्नस्स य पणमिय एगतथ तो निसीएइ । पत्ता खणंतरेणं तत्थेव य मयणरेहा वि ॥१४९॥  
आउज्जियगायणेहिं सह जणणीए य चित्तलेहाए । पारद्धो नट्ट-विही तह तीए तत्थ अत्थाणे ॥१५०॥  
नाणाविहपाडेहिं विसमेहिं वि विविहकरण-दाणेहिं । पेच्छइ जणो जहट्टिओ सव्वो वि हु चित्तलिहिओ व्व ॥१५१॥  
अह जुवराया रंजिय-हियओ तीसे पयच्छइ पसायं । बत्थाहरणाईयं अइवहुयं लोयमणहरणं ॥१५२॥

एत्थंतरम्मि जाओ अत्थंगमणस्स भाणुणो समओ । जुवरण्णो अणुनाया तओ गया सा नियनिवासं ॥१५३॥  
 जुवरओ पुत्तेण विजयधम्मणेणं इमा पणच्चंती । अवसरगएण दिट्ठा तो जाओ तस्स अणुराओ ॥१५४॥  
 तीसे उवरिं गणियाधूयाए मयणरेहनामाए । तो पेसइ नियपुरिसं समप्पिउं मुद्दियारयणं ॥१५५॥  
 सो जाइ तीए पासे सीहदुवारम्मि निक्खमंतीए । कहइ जयधम्मवयणं अप्पइ तह मुद्दियं हत्थे ॥१५६॥  
 सा भणइ मए गहणं चिट्ठइ मइसागरस्स संगहियं । ता अज्ज तुम्ह न खणो कल्ले जं भणसि तं काहं ॥१५७॥  
 तो सो नियत्तिऊणं जयधम्मकुमारसन्निहाणम्मि । गंतूण कहइ तीए जं भणियं तं समग्गं पि ॥१५८॥  
 वम्मह,परध्वसो सो पुणो वि पेसेइ सिक्खवेऊणं । तं नियपुरिसं तीसे पासम्मि भणेइ सो गंतुं ॥१५९॥  
 जयधम्मो तुह देही दुगुणं भाडिं तओ तयं मुंच । मइसागरस्स गहणं वालेऊणं समप्पेह ॥१६०॥  
 तो भणइ चित्तलेहा एवं न ह् दु संगयं हवइ अज्ज । बीए दियहम्मि पुणो जयधम्मो कि पि जं भणिही ॥१६१॥  
 तं पि करिस्सइ एसा आयत्ता तस्स चेव जेण इमा । एत्थंतरम्मि पत्तो मइसागरसंतिओ पुरिसो ॥१६२॥  
 तंबोल-कुसुममाई गहिऊण करम्मि चित्तलेहाए । अप्पइ सा वि समप्पइ नियदासीए समीवम्मि ॥१६३॥  
 जयधम्म-कुमर-पुरिसो तेण वि तत्थागएण जंपंतो । गणियाहिं समं निसुओ तो पुच्छइ सो वि तं पुरिसं ॥१६४॥  
 तो गणियाहिं कहियं जहट्टियं सब्बमेव तस्स पुरो । तो मइसागर-पुरिसो जयधम्म-नरं इमं भणइ ॥१६५॥  
 जयधम्मकुमारो वि हु पुत्तो सिरिविजयधम्म-जुवरओ । जइ एरिसं करिस्सइ नीइ-विरुद्धं तथा अन्नो ॥१६६॥  
 को वारिस्सइ लोयं अनीइ-मग्गम्मि संपयट्टं तं । इयरस्स वि सिक्खगरा तुम्हे च्चिय सामिणो जेण ॥१६७॥  
 गंतूण तेण कहियं पुरओ जयधम्म-नाम-कुमरस्स । सब्बं जहट्टियं तं सरूवमेसो वि मयण-वसो ॥१६८॥  
 गिह-पत्ताणं तासिं गणियाण गिहम्मि जाइ सयमेव । जयधम्मनाम-कुमरो गंतुं सेज्जाए उवविसइ ॥१६९॥  
 मइसागर-पुरिसेणं वारुयनामेण सह विणिक्खंता । गणिया वि मयणरेहा पच्छिम-दारेण पच्छन्ना ॥१७०॥  
 जा सो क्रुरेइ सारं गणियाए तत्थ मयणरेहाए । ता तस्स पुरो कहियं जणणिए उ चित्तलेहाए ॥१७१॥  
 जह सा आगयमेत्ता गिहम्मि मइसागरस्स पुरिसेहिं । नीया तस्स समीवे ता तुब्भे वयह आवासं ॥१७२॥  
 अज्ज पसायं काउं तो पच्छा तुम्ह चेव आयत्ता । कल्लदिणाओ पभिइं मह धूया मयणरेहा सा ॥१७३॥  
 मह धूया पुन्नवईं जं तुब्भे कुणह एत्तियपसायं । जइ ता तुमं पि भत्ता पाविज्जसि ता किमन्नेण ? ॥१७४॥  
 जइ हत्थिणी वि धेणू लब्भइ तो को वि छगलियं नेय ? । नियमंदिरम्मि धारइ मा रूसह अज्ज ता तुब्भे ॥१७५॥  
 इय चित्तलेह-गणिया भणियं सब्बं सुजुत्ति-जुत्तं पि । जयधम्मकुमर-कन्नाण वाहिरेणेव वीलीणं ॥१७६॥  
 मयणाउरा मणुस्सा सुहोवएसं गणिति विस-सरिसं । मन्नेइ लिब-कडुयं पित्त-जरी सक्करं पि नरो ॥१७७॥  
 विसम-सर-बाण-धोरणि-ताडिय-हियएण गय-विवेएण । कज्ज-परिणाममणवेक्खिऊण जयधम्म-कुमरेण ॥१७८॥  
 पट्ठीए पट्टविया नियपुरिसा सिक्खमेरिसं दाउं । तुब्भेहिं मयणरेहा मइसागरपाससुत्ता वि ॥१७९॥  
 कड्डेऊण ह्ठेण वि आणेयव्वा न को वि संदेहो । इह अट्ठे कायव्वो तत्थ गर्हिं मणं पि मणे ॥१८०॥  
 तो ते आउह-हत्था पहाविया कुमर-पेसिया पुरिसा । बह्वे अणुमग्गेणं गणियाए मयणरेहाए ॥१८१॥  
 मइसागरो वि एत्तो पासाओ विजयधम्म-जुवरओ । नियमंदिरम्मि पत्तो तम्मि खणे मयणरेहा वि ॥१८२॥  
 तत्थेव य संपत्ता वारुय नामस्स बाहुसंलग्गा । मइसागरस्स कन्ने होऊणं वारुओ कहइ ॥१८३॥  
 तं सब्बं वुत्तं जयधम्मकुमार-संतियं ज्ञत्ति । मइसागरेण भणियं साहुकयं जं तए एसा ॥१८४॥

आणीया पच्छन्ना इहागया एय सो वि किं काही । अम्हाणं लज्जाए जुवरन्नो वाभिसंकाए ॥१८५॥  
 इय भणिए सहस च्चिय पत्ता जयधम्मपेसिया पुरिसा । मइसागर-पुरिसेहिं ते पविसंता पुरो रुद्धा ॥१८६॥  
 भणिया जह के तुब्भे केण व संपेसिया इहायाया ? । केण व पओयणेण ? कंहिति तो ते इमं तेसिं ॥१८७॥  
 जयधम्मकुमार-पुरिसा अम्हे तेणेव पेसिया पत्ता । एत्य समाणयणत्थं गणियाए मयणरेहाए ॥१८८॥  
 मंतिसुयस्स नरेहिं भणियं जं मयणरेह-गणियाए । मइसागरस्स गहणं संचिद्धइ अज्ज संगहियं ॥१८९॥  
 ता एत्तो न गमिस्सइ कत्थइ एसा इमाए रयणीए । जायम्मि पभायम्मि उ एयं नीहारइस्सामो ॥१९०॥  
 नियगेहाओ पच्छा तुब्भे नेज्जह कंहि पि जह रुइयं । अह जयधम्म-नरेहिं भणियं जह संपयं एसा ॥१९१॥  
 नेयव्वा अम्हेहिं जयधम्मकुमार-सन्निहाणम्मि । मइसागर-पुरिसेहिं भणियं कह निज्जिही एसा ॥१९२॥  
 तो ते जयधम्मनरा साहंकारं इमं पयंपत्ति । जह तुब्भे पेच्छिस्सह तह इन्हि निज्जिही एसा ॥१९३॥  
 इय उत्तर-पच्चुत्तर-दाणं कुवंतया परोप्परयं । उभओ पक्खे वि नरा जाया रोसारुणा सहसा ॥१९४॥  
 खग्गाइपहरणाइं पउणीकाऊण संपयट्ठंति । जाव जयधम्म-पुरिसा पविसिउं अंतो हूढेणावि ॥१९५॥  
 एककेण ताव तेसिं मज्झाओ जाणएण पुरिसेण । संरुद्धा हक्केउं ते पविसंता पुरो सव्वे ॥१९६॥  
 उवसमिऊणं कोवं दोमु वि पक्खेसु इय भणंतेण । दुविहत्तं किं पडियं तुम्हाणं अंतरे एयं ? ॥१९७॥  
 एगो सामी एगो य सेवगो दो परोप्परं एए । जयधम्मो तह मइसागरो य ता किं कुणह भेयं ? ॥१९८॥  
 एयाणं दोन्हं पि हु तुब्भे इन्हि भवेह तुन्हिक्का । मइसागरस्स पासे अहमेव सयं गमिस्सामि ॥१९९॥  
 मइसारेण वि सुयं सव्वं मज्झट्ठिएण तं तेसिं । जंपिज्जंतं तेण वि तो आहूओ कुमार-पुरिसो ॥२००॥  
 सो गुणपालो नामं आसण-दाणेण विहिय-सम्माणो । मंति-सुएणं पुट्ठो को तुम्ह इमो विसंवाओ ? ॥२०१॥  
 तत्थेव मयणरेहा वि तम्मि सप्पए निसन्निया आसि । मइसागरस्स पासे सा गुणपालेण सन्नेउं ॥२०२॥  
 उट्ठाविया निविट्ठा बाहिं गंतूण एगदेसम्मि । तो तेण जुत्तिजुत्तं भणियो मइसागरो एवं ॥२०३॥  
 सिरिसच्चधम्म-रन्नो मंतिस्स सुओ तुमं सि सुमइस्स । रायकुमारस्स तहा वयंसओ भुवणपालस्स ॥२०४॥  
 ता जयधम्म-कुमाराओ वि तुमं अम्ह माणणिज्जोसि । तो जुत्तं पि वयंतस्स मज्झ तुमए न रुसियव्वं ॥२०५॥  
 एयमजुत्तं जं किर रंकस्स विअक्खणे ठिया वेस्सा । कडिद्धज्जइ रत्ता वि हु कारणमेत्थंत्थि परमेयं ॥२०६॥  
 जुवरन्नो एककोच्चिय पुत्तो जयधम्मनामओ एसो । वल्लहदेवीए कुच्छि-संभवो विजयसेणाए ॥२०७॥  
 ता एयस्स न सम्मुहमेसो जंपेइ किं पि अवरद्धे । अन्नो वि को वि वत्तं जुवरन्नो नेय साहेइ ॥२०८॥  
 ता जुवरन्नो संका एयस्स न ताव ऽप्पणो लज्जा । को कुव्वंतमजुत्तं एयं सक्को निवारेउं ? ॥२०९॥  
 जुत्तमजुत्तं एसो अन्नम्मि वि ताव कम्मि वि न कज्जे । चित्तइ किं पुण संपइ अइरत्तो मयणरेहाए ॥२१०॥  
 ता सामिकज्जमेव य चित्ते धरिऊण किं पि न वयामि । किंतु तुह भुवणपालस्स परम-सुहिणो हियं बेमि ॥२११॥  
 पुरिस-रयणं तुह समं एमेव मुहाए मा विणस्सेउ । तह भुवणपाल-कुमारस्स माणसे मा वहउ खेओ ॥२१२॥  
 सुमइस्स महामंतिस्स महानिवइस्स सच्चधम्मस्स । चित्तम्मि गच्छ-संताव-कारणं होउ मा एयं ॥२१३॥  
 ता कालपत्तमेयं संपइ पेसिज्जए सयं जमिमा । सिग्घंपि मयणरेहा पासे जयधम्मकुमारस्स ॥२१४॥  
 जुत्तमजुत्तं च इमं समईए जंपियं मए ताव । उट्ठं तु चित्तिऊणं सयंपि जुत्तं कुणह तुब्भे ॥२१५॥  
 सिक्खावगा जयस्स वि तुब्भे च्चिय जेण इय भणेऊण । पुण तक्खोहण हेउं केयुगं सो जंपए एवं ॥२१६॥



तुम्हं जयधम्मस्स य पुरिसाण परोप्परं वयंताणं । साहंकारं केणइ सिट्ठं गंतूण कुमरस्स ॥२१७॥  
 तो तेण पुणो बहुया सुहडा संपेसिया इहायाया । चिट्ठंति पडिक्खंता दारम्मि तुमाउ मं चे वि ॥२१८॥  
 बाहिम्मि नीहरंतं सिद्धे कज्जम्मि ते पसंतमणा । इहरा झत्ति अणत्थं काहिंति न एत्थ संदेहो ॥२१९॥  
 एककं जीविय-नासो बीयं पुण होइ गरुय-अपसिद्धी । अविवेइ-जणो एवं जाणित्थइ निच्छियं चित्ते ॥२२०॥  
 नूणं मंतिसुएणं विणासियं किपि तो इमं जायं । अन्नहं किं न निवारइ नियपुत्तं विजयधम्मो विं ॥२२१॥  
 जो वि हु सम्मं एयं जाणित्थइ वइयरं विवेइजणो । तुम्हं चि य सो वि धुवं दोसं देही न एयस्स ॥२२२॥  
 जह ताव एस नज्जइ पच्चक्खं चेव सव्वलोएण । असमंजसस्सकारी ता किं मइसागरो भुल्लो ॥२२३॥  
 जं गणियाविसयम्मि विइय अप्पा पाडिओ अणत्थम्मि । पुहई वि परिहरिज्जइ अत्तट्ठे एस नयमगो ॥२२४॥  
 ता चित्तिऊण सम्मं नियचित्ते को वि संपयं मज्झ । दिज्जउ दुयमाएसो जहा अहं जामि सट्टाणे ॥२२५॥  
 तो चितइ मंति-सुओ पेच्छ कहां एस बुद्धिमं पुरिसो । नीरागेण समगं जहट्टियं चेव उल्लवियं ॥२२६॥  
 महं हिययगयं चिय सव्वमेव एएण भासियं एयं । एयं चिय करणिज्जं संपइ अन्नं न मंतणयं ॥२२७॥  
 एसो पराभवो मे अइगरुओ जइ वि तेण निम्मविओ । जयधम्मणेण सुएणं जुवरत्तो विजयधम्मस्स ॥२२८॥  
 मणहुक्खं पि हु गरुयं संजायं जइ वि वट्टए इन्हि । तह वि मणं पि न भावो पयासियव्वो निओ बाहिं ॥२२९॥  
 जेण नियवेरसिद्धी साहेयव्वा ममत्थि एयम्मि । तेण अलक्खिय-भावेणेव मए ठाइयव्वं ति ॥२३०॥  
 सो च्चिय पुरिसो साहइ कज्जं गरुयं पि जस्स मण-कोवो । बाहिं होइ न पयडो थेवो वि सुरंग-रेणु व्व ॥२३१॥  
 गुणवालस्स वि हिय-भासिणो वि पुरओ मए करेयव्वं । निययागार-निगूहणमेस जओ सेवओ तस्स ॥२३२॥  
 इय चित्तिऊण जंपइ मंति-सुओ सुप्पसन्न-मुह-कमलो । गुणवाल ! तए संगयमेयं सव्वं पि वज्जरियं ॥२३३॥  
 एयं मए न नायं पढमं चिय संपयं कलयलंते । आयन्निकुण पुरिसे परोप्परं पुच्छियं तत्तो ॥२३४॥  
 कस्स वि पासम्मि मए तो कहियं वारुएण मज्झ इमं । सोऊण झत्ति पच्छा इन्हि सदाविओ सि तुमं ॥२३५॥  
 तं चिय-तए वि कहियं पुरओ वि मए तुमं पयंपंतो । जं निसुओ तं कोऊहलेण तुह जत्ति भणियाण ॥२३६॥  
 इन्हि तु मयणरेहं गहिऊणं सिग्घमेव वच्चाहि । जयधम्मकुमर-पासे भणियव्वो सो तए एवं ॥२३७॥  
 मइसागरेण तुम्हं अत्थित्तं मयणरेह-गणियाए । न परिन्नायं पढमं संपइ कोलाहले जाए ॥२३८॥  
 मइसागर-भिच्चाणं तुम्हे च्चिय सेवएहि सह तत्तो । नाए तेण लहु इमा तुह पासे पेसिया मयणा ॥२३९॥  
 आमंतिऊण भणिया मंति-सुएणं तओ मयणरेहा । जह वच्च तुमं इन्हि जयधम्मकुमार-पासम्मि ॥२४०॥  
 तीए भणियं एसो अम्ह कमो अत्थि वेस-विलयाण । जस्स गहणं गिहीयं रंकस्स वि होइ तं मोत्तुं ॥२४१॥  
 तस्सअक्खणए अन्नो परिभोगिज्जइ न चक्कवट्ठी वि । तम्हा अज्ज तुम्हं चिय महं भत्ता जामि नअत्थ ॥२४२॥  
 मइसागरेण भणियं अहं पि जाणामि एरिसं किंतु । तत्थ तुह होइ दोसो जत्थ तुमं दविण-लोभेण ॥२४३॥  
 अहवा निय नेहेण य सयं पि अक्खणय-कारयं पुरिसं । परिवंचिऊण वच्चसि कस्सइ अन्नस्स पासम्मि ॥२४४॥  
 जत्थ पुण सो च्चिय सयं पेसइ अक्खणय-कारओ पुरिसो । अन्न पुरिसस्स पासे तत्थ तुमं होसि निदोसा ॥२४५॥  
 निय अक्खणए वि अहं पेसेमि तुमं परस्स पासम्मि । जं तत्थ कारणं पुण तुमं पि<sup>१</sup> चिट्ठसि वियाणंती ॥२४६॥  
 जइ पेसिज्जसि न तुमं अज्ज समीवम्मि तस्स कुमरस्स । तो होइ अणत्थो अइ महंतओ मज्झ तुज्ज विय ॥२४७॥  
 तीए भणियं न भयं मज्झ अणत्थस्स अत्थि थेवं पि । नीडमलंघंतीए मरणं पि सलाहणिज्जं मे ॥२४८॥

१ तं चिट्ठसि मुणंती पा ।

मइसागरो वि चितइ वेसाण वि उत्तमाण आयारो । होइ अइउत्तमो च्चिय जाणइ इमो निच्छओ सुदढो ॥२४९॥  
इय चितिऊण भणिया हत्थे गहिउं तओ मयणरेहा । मइसागरेण एवं जइ वि भयं तुज्ज नो अत्थि ॥२५०॥  
नियजीवियस्स सुंदरि! तहा वि मह अत्थि अइ महंतभयं । ता जाहि मज्झ अत्थं कुणमाणी तत्थ तुममिन्हि ॥२५१॥  
अह पडिबन्नं तीए वयणं मइसागरस्स तेणावि । तीए सह पट्टविओ वाहयनामो निओ पुरिसो ॥२५२॥  
गुणपालो वि समं चिय तीए संपट्टिओ तओ तेहिं । दोहिं पि मयणरेहा गणिया कुमरस्स उवणिया ॥२५३॥  
मइसागरविन्नत्ति कहिया गणिया गिहट्टियस्सेव । तस्स तओ तं सोउं पुट्ठो जयधम्मकुमरो वि ॥२५४॥  
मइसागरस्स पुरिसो वाहयनामो विसज्जिओ तेण । संभूसेऊण तओ समप्पियं चित्तलेहाए ॥२५५॥  
मुट्टारयणं वाहय-करम्मि जं आसि गहणए धरियं । सो तं गहिऊण गओ समप्पए मंति-पुत्तस्स ॥२५६॥  
जयधम्मकयं कहए संभूसणभाइअत्तणो सव्वं । मइसागरस्स पुरओ पसंसए मयणरेहं च ॥२५७॥  
ऋह मतिपुत्त ! एसा होउं गणिया वि दव्व-निरवेक्खा । सच्चपइन्ना य तहा अह तं मइसागरो भगइ ॥२५८॥  
वेसासंगो उचिओ न सिट्ठलोयस्स काउमह कुणइ । तो उत्तमवेसाणं सरिसाणं मयणरेहाए ॥२५९॥  
एत्तो च्चिय एयाओ लहंति लोयाओ दविणमइवहुयं । जं एगदिण-पवन्नं पि नेय वंचंति भत्तारं ॥२६०॥  
सुद्वइ सत्थेसु पुरा नयरम्मि कुसत्थलाभिहाणम्मि । आसि बहुमुल्लवेसा वसंतसेण त्ति नामेण ॥२६१॥  
तत्थ निवसेवएणं केणइ वंठेण जीव-लोयम्मि । पंच-सुवन्न-सयाइं छण्हं मासाण लद्धाइं ॥२६२॥  
तस्स निवमंदिराओ वच्चंतस्स य नियम्मि भवणम्मि । मग्गे समावयंती वसंतसेणा गया दिट्ठि ॥२६३॥  
तं दट्ठूणं जाओ अणुराओ तस्स तीए उवरिम्मि । तो तेण तीए दासी दिट्ठीए सन्निया एगा ॥२६४॥  
सा आगया समीघे पुट्ठा तेणेरिसं जहा एसा । एगाए जामिणीए किं गिन्हइ सामिणी तुज्ज ॥२६५॥  
गहणम्मि तीए कहियं कणयस्स सयाइं पंच गिन्हइ । तेण भणियं किमेसा अक्खणिया अज्ज खणिया वा ? ॥२६६॥  
दासीए तस्स कहिओ वि मोइओ अज्ज चेव अक्खणओ । सामंत-वीरसेणस्स संतिओ संपयमिमीए ॥२६७॥  
दासी पासाओ तओ वसंतसेणा भणविआ तेण । गहणयदाणस्स काए पडिबन्नं तीए तो एवं ॥२६८॥  
दासी-पासम्मि समप्पिऊण सो पंच कंचण-सयाइं । कज्जंतरेण गओ तो सा वि गया रायभवणम्मि ॥२६९॥  
अत्थंगयम्मि सूरे रायगिहाओ समागया स-गिहे । गणिया वसंतसेणा वंठो वि गओ गिहे तीसे ॥२७०॥  
न्हाण-विलेवणमाईं कारविओ सव्वमेव तो तीए । दासीणं पासाओ पच्छा सेज्जाए उवविट्ठो ॥२७१॥  
सा वि हु वसंतसेणा सम्माणयं ताइं दो वि तंबोलं । अहिणवकहापवंधं गेयं च मिहो कुणंति तओ ॥२७२॥  
काऊण सुरय-केलिं परोप्परं वड्ढियाणुरायाइं । तत्तो मुहुत्त-पुरओ जा ताइं तहेव चिट्ठंति ॥२७३॥  
वंठस्स ताव जायं सूलं हिययम्मि पढमओ थेवं । पच्छा वि वड्ढमाणं करेइ तं विगयजीयं व ॥२७४॥  
तत्तो सा आदन्ना वसंतसेणा अईवसंजाया । आणावइ वरवेज्जे तं दंसइ अगओ तेसिं ॥२७५॥  
सव्वेहिं वि तेहिं कओ पडियारो तस्स नियय-सत्तीए । पढमं थेवो वि गुणो होऊणं होइ पुण दोसो ॥२७६॥  
परिहरिओ वेज्जेहिं अम्ह असज्जो इमो त्ति भणिऊणं । तो सा वसंतसेणा सविसेसं आउला जाया ॥२७७॥  
जो को वि किं पि जाणइ मंतं तंतं व जोइसं वावि । तंतं सा सदावइ बहुयं व करेइ उवयारं ॥२७८॥  
तंबोल-पयाणाईं ते वि हु दट्ठूणं तं निवत्तंति । एककेण तेषु दोसो तस्स असेसो वि विन्नाओ ॥२७९॥  
काऊण देह-फंसं नाडिं च कलाइयाए धरिऊण । भणिया वसंतसेणा करेमि एयं अहं सज्जं ॥२८०॥

तीए भणियं तुरियं करेहि एवं जहा पयच्छामि । तुज्ज जहिच्छिय-दव्वं तेण तओ जंपियं एवं ॥२८१॥  
 देहि सुवन्न-सहस्सं इन्दिह पि करेमि जेण सज्जमिणं । तो सा वसंतसेणा समप्पए तस्स तं झत्ति ॥२८२॥  
 तेणावि तहेव कओ खणेण पउणो इमो तओ तस्स । तुट्ठा वसंतसेणा वत्थाइं पुणो पयच्छेइ ॥२८३॥  
 तत्तो विसज्जइ इमं जाओ वंठो वि लट्ठ-पुट्ठंगो । गणियं वसंतसेणं भणेइ जह तुज्ज संजाया ॥२८४॥  
 हाणी दविणस्स महंतिया सरीरस्स मज्झ कज्जेण । तीए भणियं हाणी न होइ एसा इमो लाहो ॥२८५॥  
 जइ एत्तियं कुणंती नाहं तो मज्झ होंति या गरुया । हाणी दविणस्स वि जीवियस्स तइ काल-मुह-पत्ते ॥२८६॥  
 जम्हा तुह अक्खणए तुज्ज च्चिय गेहिणी अहं अज्ज । तो पइणा सह गिहिणी मरइ मरतेण नियमेण ॥२८७॥  
 तुम्हा तुज्ज सरीरे एत्तिय दव्वेण रक्खिए संते । सेसं दविणं तह जीवियं च मह अक्खयं जायं ॥२८८॥  
 वंठेण तओ भणियं दिट्ठा पुहई मए वि अइबहुया । सेवत्थिणा भमतेण पत्थिवेसुं अणेगेसु ॥२८९॥  
 परमेसो आया रो दिट्ठो कत्थइ न वेस-विलयाण । पासम्मि मए जो तुह पलोइओ सुयणु! इह अज्ज ॥२९०॥  
 ता मज्ज इमे पाणा तए विइन्ना अओ तुहायत्ता । दव्वं पि जइ भविस्सइ कहं पि ता तं पि तह चेव ॥२९१॥  
 एवं कहा-पबंघं दोण्हं पि परोप्परं करेताण । ताण विहाया रयणी वसंतसेणा तओ तेण ॥२९२॥  
 वंठेण इमं भणिया जह अम्हे संपयं नियट्ठाणे । वच्चामो जं कज्जं तं मज्झ तए कहेयव्वं ॥२९३॥  
 अह दासी पासाओ तीए आणाविऊण वत्थाइं । परिहाविओ तओ सो उव्वेसेउं चउक्कम्मि ॥२९४॥  
 कारेउं चंदण-टिक्कयाइं सीसम्मि अक्खया खित्ता । तस्स न वो तुह जम्मो जाओ एसो त्ति भणिरीए ॥२९५॥  
 तीए विसज्जिओ सो गओ स-ठाणम्मि उट्ठिउं तत्तो । वंठो पहिड्ड-हियओ इयरा वि ठिया स-गेहम्मि ॥२९६॥  
 ता वारुय! वेसाओ वसंतसेणासमाओ काओ वि । अज्ज वि होंति महीए किं चोज्जं मयणरेहाए ॥२९७॥  
 इय वारुयस्स पुरओ कहिऊण कहाणयं सच्चिव-पुत्तो । सुत्तो रयणीविरमे पडिबुद्धो वयण-सोयाई ॥२९८॥  
 काउं पभाय-किच्चं आरुहिऊणं तुरंगमे पवरे । पढमं चिय ताव गओ जयधम्मकुमार-यासम्मि ॥२९९॥  
 तं पणमिऊण दिन्नासणम्मि उव्विसइ सो तयासन्नो । विन्नवइ विणयजुत्तो जयधम्मकुमारमेवं सो ॥३००॥  
 तं भुवणपालकुमारो व्व अम्ह आराहणिज्जपय-कमलो । सयमाएसो दिज्जइ ता मह कज्जे समुप्पन्ने ॥३०१॥  
 अम्हाण जीवियं पि हु आयत्तं तुम्ह चेव सामीणं । सेसकुडुव्वस्स धणस्स वावि पुण केरिसी वत्ता ॥३०२॥  
 भइसागर-विन्नत्तं आयन्नेउं मणम्मि जयधम्मो । अइलज्जिओ विसज्जइ सम्माणेऊण तं झत्ति ॥३०३॥  
 अह सो मंतिस्स सुओ कइवय दियहेहिं सिद्ध-निय-कज्जो । अप्पाणं मोधावइ जुवरन्नो विजयधम्माओ ॥३०४॥  
 अह सो सम्माणेउं विसज्जिओ विजयधम्मजुवरन्ना । वच्चइ कोसलनयरे थेवेहिं चेव दियहेहिं ॥३०५॥  
 साहेइ कज्ज-सिद्धिं गंतूणं भुवणपाल-कुमारस्स । तो तेण देस-सुत्थं पुट्ठो सो विजयधम्मस्स ॥३०६॥  
 कहइ समगं सुत्थं मोत्तूणं विजयखेडनयरस्स । पुच्छेइ भुवणपालो तत्थ य कारणमसुत्थस्स ॥३०७॥  
 तो कहइ मंति-पुत्तो जयधम्मकुमारसंतिं दुत्थं । जं सो विवेय-वियलो जह तह संतावए लोयं ॥३०८॥  
 तो भणइ भुवणपालो किं न निवारेइ विजयधम्मो वि । सो भणइ तं न वारइ महया सुय-नेह-मोहेण ॥३०९॥  
 तं सोऊण विसज्जइ मंति-सुयं निय-गिहम्मि राय-सुओ । अह अन्नया य वारुय-माया जाया सरुज-देहा ॥३१०॥  
 तेणाहूओ वेज्जो तं तेण निरिक्खिऊण उव्वइत्ठं । नासनिमित्तं मूलं रिगिणियाए असुक्काए ॥३११॥  
 सो तस्साणयणत्थं सयं गयो वाडियाए एक्काए । तं गहिऊण नियत्तइ खिविऊणं सल्लहरयम्मि ॥३१२॥

जावे सो तावेकको समागओ तत्थ दूर-देसाओ । सागारो तरुण-नरो पोत्थिय-हरथो तरु-तलग्गि ॥३१३॥  
 अइ उद्धूलिय-जंघो तं दट्ठुं वारओ वि चित्तेइ । नूणेस किं पि जाणइ पुच्छामि तओ स-जणणीए ॥३१४॥  
 मंद-सरुव्वं किचि वि इय चित्तिय तस्स नमइ नियसीसं । जोडेइ पाणि-जुयलं पुच्छइ विणएण तं पुरिसं ॥३१५॥  
 केत्तियदूराओ तुमं इहागओ भइ ! सो तओ आह । वीसहिय-जोयण-सयाहि पुव्व-देसे सुलसगामा ॥३१६॥  
 अह वारुएण दिन्नं तरु-मूल-सिलाए आसणं तस्स । नियउत्तरीयमिह तं उवविससु इमं भणेऊण ॥३१७॥  
 तध्वणय-रंजिओ सो उवविट्ठो तत्थ वारुएण पुणो । उवविससुं सो पुट्ठो किमत्थि एयाए पोत्थीए? ॥३१८॥  
 तेण तओ पुच्छाए उवरिं परिभावियं जहा एत्थ । मज्झ किलेसग्गि कए अत्थि फलं किं पि किं नेय ? ॥३१९॥  
 नाऊण फलं तत्तो पर्यपियं एत्थ अत्थि केवलिया । पुण वारुएण पुट्ठो सो नज्जइ किं पि एयाए ? ॥३२०॥  
 सो भणइ निच्छएणं नज्जइ जं पुच्छए परो किं पि । लाहालाह-सुहासुह-जीविय-मरणाइं जयमजयं ॥३२१॥  
 तो भणइ वारुओ तं पढमं चिय कहह ताव नियनामं । सो कहइ तस्स पुरओ मह नामं देवगुत्तो त्ति ॥३२२॥  
 पुट्ठो पुणो वि सो वारुएण जह एत्थ केण कज्जेण । अहभागओ त्ति पकहसु काऊण महावसायं मे ॥३२३॥  
 तो कहइ देवगुत्तो तुह माया मोहिणि त्ति नामेण । रोगघत्था चिट्ठइ तस्स कए ओसहं गहिउं ॥३२४॥  
 एत्थ तुमं संपत्तो तं गहियमसुक्क-रिगिणी-मूलं । नियखल्लहरे खित्तं संचिट्ठइ संपयं तुमए ॥३२५॥  
 इय वारुओ सुणेउं हियए संजायपच्चओ हिट्ठो । पुच्छइ पुण जणणीए नीरोगत्तं कया होही ? ॥३२६॥  
 तेण भणियं जया तं इहागओ नियगिहाउ तुह जणणी । आसिं तया पडुकरणा इन्हि जाओ करणघाओ ॥३२७॥  
 कट्ठं व ठिया चिट्ठइ निच्चेट्ठा वच्च ता तुमं इन्हि । गेहम्मि देहिनस्सं रिगिणि-मूलस्स जणणीए ॥३२८॥  
 तेण हविस्सइ एसा सज्जा सहस त्ति वारुएण तओ । अब्भत्थिऊण नीओ नियगेहे देवगुत्तो वि ॥३२९॥  
 गंतूण अप्पणा पुण गिहमज्जे जाव पेक्खए जणणिं । ताव इमा तह चिट्ठइ जह कहिया देवगुत्तेण ॥३३०॥  
 तो वारुएण नस्सं दाउं सज्जीकया निया जणणी । अह न्हाण-भोयणाई कारविउं देवगुत्तस्स ॥३३१॥  
 देइ वरवत्थ-जुयलं तोसोवइ हंसरोम-तूलीए । तं गंतुं कहइ सयं सव्वं मइसागरस्स तयं ॥३३२॥  
 तं सोउं जाय-कुऊहलेण मइसागरेण पट्ठविओ । सो ज्जत्ति वारुओ नियगिहम्मि तस्साहवणहेउं ॥३३३॥  
 अह वारुएण गंतुं नियगेहे सो सयपि पडिबुद्धो । आमंतिऊण नीओ मइसागर-सन्निहाणम्मि ॥३३४॥  
 तेण वि कय पडिवत्तो पुट्ठो सो देवगुत्त-केवलियो । किं भुवणपालकुमारो करिस्सए घडिय-दुग-मज्जे? ॥३३५॥  
 सो भणइ तस्स इन्हि सेज्जाए गयस्स वेयणा सीसे । उप्पज्जिस्सइ मंतं सुमरंतस्स य समं गमिही ॥३३६॥  
 पच्छा तब्भज्जाए जोणी-सूलं भविस्सए तिव्वं । तप्पेसिय दासीए वयणेणं तत्थ सो गमिही ॥३३७॥  
 ओसारिऊण परिणमेगंते तस्स कन्न-कुहरम्मि । पीउं नियं कहिस्सइ फेडिस्सइ सो तमुंजेउं ॥३३८॥  
 कयभोयणस्स पच्छा सिलियावसरम्मि दूरदेसिल्लो । भट्टो समागमिस्सइ तुरियकई चंडपालो त्ति ॥३३९॥  
 इय कहिए मंत्तिसुओ तंबोलं दाविऊण केवलियं । तं भणइ जहा गंतुं बाहिं तुब्भे पडिक्खेह ॥३४०॥  
 जाव इह भोयणमहं करेमि नेमिन्तिओ तओ बाहिं । गंतूण निसीयइ मंत्ति-नंदणो वारुयं तत्तो ॥३४१॥  
 कुमर-गिहे पेसेउं सिलियावसरस्स जाणणट्टाए । भुंजेइ सयं सो पुण गंतूणं वारुओ तत्थ ॥३४२॥  
 विणियत्तो भुत्तुट्ठियसचिवं गरुहस्स साहए एवं । जह भुवणपालकुमारो भोत्तूणं उट्ठिओ इन्हि ॥३४३॥  
 चंकमणं कुणमाणो चिट्ठइ मइसागरो तओ ज्जत्ति । कुमर-निवासाभिमुहो सुंचलियो वरहयारूढो ॥३४४॥

नेमित्तियं भणावइ वारुयपासाउ जह तुमभिहेव । चिट्ठेज्जह खणमेगं जावय हक्कारयं एइ ॥३४५॥  
 नेमित्तियो वि तं वारुयस्स वयणं तह त्ति मत्तेइ । अह वारुओ वि वच्चइ मंति-सुयस्साणुमगेण ॥३४६॥  
 मइसागरो वि गंतुं कुमरं आसणगयं पणमिऊण । दिन्नासणे निसीयइ अह कहइ इमं कुमारस्स ॥३४७॥  
 भट्टो देसंतरिओ तुरियकई अज्ज तुम्ह पासम्मि । इन्हि समागमिस्सइ तो कुमरो भणइ कह एव ॥३४८॥  
 मंति-सुय ! तुमं जाणसि सो भणइ कहिस्समेयमेगंते । तो मइसागर-वज्जं कुमरो सेसं विसज्जेइ ॥३४९॥  
 नियपासाओ तत्तो कहेइ मइसागरो पुरो तस्स । कुमारस्स जहा निसुयं केवलिय-समीवओ तेण ॥३५०॥  
 कुमरो वि देइ सइं पुरओ मइसागरस्स तत्थट्ठे । भणइ जहा सिर-पीडा कस्सवि कहिया मए नेय ॥३५१॥  
 तह भुवणसिरीए वि हु मह भज्जाए न मं वि मोत्तूण । अन्नस्स पुरो कहियं पिय-दासीए वि निय-सूलं ॥३५२॥  
 एयं पि अइरहस्सं विन्नायं तेण जं असदिद्धं । ता अन्नपि अन्नायं तस्सत्थि न किं वि इय भणिउं ? ॥३५३॥  
 तन्नाण-विम्हिय-मणो तो कुमरो धुणइ अत्तणो सीसं । पभणइ य मंति-पुत्तं तं केवलियं इहाणेहि ॥३५४॥  
 मइसागरेण भणियं तव्वयणं मिलउ ताव तइयं पि । भट्ट-समागम-विसयं पच्छा सो आणियव्वो त्ति ॥३५५॥  
 एवं जंपताण वि मइसागर-भुवणपाल-कुमराणं । सो भट्ट-चंडपालो समागओ दार-देसम्मि ॥३५६॥  
 तो आगंतुं कहिओ निव-तणयस्स दारवालेण । निवयमंतिमुएहिंमिहो मुहं पेक्खियं तत्तो ॥३५७॥  
 कुमरेण दारवालो तो भणिओ ज्जत्ति मुयसु तं भट्टं । मुक्को समागओ सो कुमरं नमिउं निविट्ठो य ॥३५८॥  
 कुमरस्स पुरो पढियाइं तेण पुव्वं कयाइं कव्वाइं । तो कुमरो निदिट्ठे अत्थे कारइ नवं कव्वं ॥३५९॥  
 तेणेगम्मि वि अत्थे कयाइं नाणाविहाइं कव्वाइं । तो तुट्ठो रायसुओ देइ पसायं बहं तस्स ॥३६०॥  
 तो तं विसज्जिऊणं केवलियं देवगुत्तमाणेउं । मइसागरं निरुवइ कुमरो मइसागरो य पुणो ॥३६१॥  
 तस्साणयण-निमित्तं निरुवए वारुयं नियं पुरिसं । सो तं गहिऊण खणेण एइ पासे कुमारस्स ॥३६२॥  
 कय-समुच्चिय-पडिवत्ती तत्थ तओ देवगुत्त-केवलिओ । उवविट्ठो परिपुट्ठो कुमरेणं भुवणपालेण ॥३६३॥  
 जह सच्चधम्म-रत्तो सुहासुहं कहसु सत्त-दिण-मज्जे । तेण कहियं पभाए तइए जामम्मि दिवसस्स ॥३६४॥  
 कमलसिरी नामेणं राय-कलत्तं विसुइया-वसओ । परलोगम्मि गमिस्सइ परम्मि दिवसे पुणो आसो ॥३६५॥  
 वारुयतुरयवलत्थो विच्छट्ठो करिवरेण मत्तेण । दंत-मुसलेहिं विद्धो पाविस्सइ जीवियविणासं ॥३६६॥  
 एत्तो चउत्थ-दियहे मत्ताणं करिवराण दोन्हं पि । होही जुज्जं तत्थ वि एणो दंताण घाएण ॥३६७॥  
 पीडिज्जिस्सइ बहुयं घायदिणाओ य अट्ठमे दिवसे । सो वि गमिस्सइ निहणं इय भणिउं उवरए तम्मि ॥३६८॥  
 सो कुमरेणं भणिओ इह केण वि नज्जसे तुमं नाणी । तेण भणियं न को वि हु अन्नो पुरिसत्तियं मोत्तुं ॥३६९॥  
 तो कुमरेणं भणियं तिन्नि नरा के तुमं वियाणंति ? । सो भणइ तुमं एक्को मंति-सुओ वारुओ तइओ ॥३७०॥  
 कुमरेण तओ भणियं पयासियव्वो तए न कस्सवि य । अन्नस्स पुरो अप्पा जहा महं किं पि जाणाभि ॥३७१॥  
 तो तेण देवगुत्तेण चित्तिय-नियमणम्मि एरिसयं । जह अत्तेण न कज्जं किं चि वि जाणाविणं मे ॥३७२॥  
 एत्तो चिय जं लाभो संपज्जस्सइ जहिच्छिओ मज्झ । तो भणियं कुमरपुरो तुम्हाएसो पमाणं मे ॥३७३॥  
 मइसागरेण भणियं वारुयमवि वारइस्समन्नस्स । एयं कहेंतमट्ठं सयं पि न कहिस्समवरस्स ॥३७४॥  
 किं तु पसिऊण अम्हं कुमार ! पुच्छसु इमस्स पासम्मि । रत्तो आउपमाणं तो पुट्ठो सो कुमारेण ॥३७५॥  
 साहेइ दोन्नि वरिसे आउक्खं अत्थि सच्चधम्मस्स । मइसागरेण पुट्ठं राया होही इमो कुमरो ? ॥३७६॥

तेण भणियं करिस्सइ केत्तियमेत्तं पि जइ पुरिसयारं । तो नूण एम राया होइ न्चिय अन्नहा नेय ॥३७७॥  
 अह तस्स देइ कुमरो आहरणं पवर-वत्थ-संजुत्तं । मइसागरं च पभणइ नियगेहासन्नमावासं ॥३७८॥  
 दावेह इमस्स तुमं अन्नं पि जमेस मग्गए कि पि । तं दायव्वं तुमए मज्झ वि दाऊण कहियव्वं ॥३७९॥  
 इय भणिऊणं कुमरो विसज्जए देवगुत्तकेवलियं । मइसागरो वि सह तेण वारुयं पेसए स-गिहे ॥३८०॥  
 कुमरेण तओ पुट्ठो मंत्तिसुओ कि तए इमं पुट्ठो ? । कुमरस्स होइ रज्जं न व त्ति सो केवलिय-पुरिसो ॥३८१॥  
 जं मज्झ चुल्ल-पिउणो अहिगारो एस विजयधम्मस्स । मइसागरेण भणियं पुव्वं पि मए कहियमेयं ॥३८२॥  
 तुम्हाण मग्गओ जं दुत्थं जयधम्मसंभवं अत्थि । तस्स नयरस्स गरुयं निच्चं पि हु विजयखेडस्स ॥३८३॥  
 कुमरेण तओ भणियं चुल्ल-पिया अम्ह लोय-सुहकारी । तो तम्मि विजयवंते को मह रज्जम्मि अहिगारो ? ॥३८४॥  
 तो भणइ मंत्तिपुत्तो दो वि हु ते विजयधम्म-जयधम्मा । जोग्गा रज्जस्स न होत्ति कुमर ! सम्मं मए नाया ॥३८५॥  
 जयधम्मो न हु जोग्गो रज्जस्स निएण चेष दोसेण । सुय-दोसेण अजोग्गो जुवराया विजयधम्मो य ॥३८६॥  
 नियपुत्तं पि न सक्कइ सिक्खविउं जो कहं स अन्नस्स । सिक्खावणं करेही अवराह-पयं कुणंतस्स ॥३८७॥  
 तो जइ एसो राया होइ न देसो तथा न तुम्हे वि । जेण जयधम्मकुमरो इन्हि पि न तुम्ह सावेक्खो ॥३८८॥  
 जइ पुण एयस्स पिया रज्जम्मि कहिं पि होइ ता नूणं । देसे वा सो दूरे जीयस्स वि तुम्ह संदेहो ॥३८९॥  
 जइ बोलेउं वंछसि नियवंसं रज्जरट्टमइरेण । तो होहि रज्ज-विमुहो अन्नह रज्जं सयं गिन्ह ॥३९०॥  
 तो कुमरेणं भणियं जइ वि हु एवं तहावि अम्ह पिया । संतम्मि विजयधम्मे रज्जम्मि न मं ठवेइ त्ति ॥३९१॥  
 अह मंत्ति-सुओ जंपइ रज्जग्गाहणम्मि जइ मणं तुज्झ । होही बद्धपइन्नं तो सेसमहं करिस्सापि ॥३९२॥  
 सव्वं पि सुं दरयरं एत्थ उवायं जहा न कस्स वि य । पायम्मि कंटओ वि हु भज्जइ सव्वं ह्वइ सुत्थं ॥३९३॥  
 चित्ते पडिबन्नं वि हु वयणेण न मन्नए पुरो तस्स । मंत्तिसुयस्स कुमारो सलज्ज-वित्ती भुवणपालो ॥३९४॥  
 अह कुमराणन्नाओ गंतुं मइसागरो सगेहम्मि । कुमराएसं सव्वं अणुट्टए देवगुत्तम्मि ॥३९५॥  
 तो भणइ देवगुत्तो मंत्ति-सुयन्निओ य पच्छिम-दिसाए । पन्नास-जोयणेहिं पिप्पलउरमत्थि वर-नयरं ॥३९६॥  
 तम्मि मह गोत्त-देवी निवसइ वडजक्खणि त्ति नामेण । तहंमणकज्जेणं संचलिओ सुलसगामाओ ॥३९७॥  
 वीसहियजोयण-सयं लंधेऊणं समागओ हम्मिहं । तो तत्थ जामि जह सिग्घमेव तह मं विसज्जेह ॥३९८॥  
 अह भणइ देवगुत्तं मंत्ति-सुओ तुममिओ गओ इन्हि । केत्तियदियहेहिं पुणो इह एहिंसि कहसु मह एवं ॥३९९॥  
 तो भणइ देवगुत्तो सुहं सुहेणं इओ वयंताणं । लग्गइ पक्खो एगो एंताण वि एत्तिओ कालो ॥४००॥  
 तत्थत्थि सयणवग्गो सो वि य धारेइ कइवय दिणाणि । मं तत्थ चिराओ गयं वि दूरदेसाओ तो एवं ॥४०१॥  
 लग्गंत्ति त्तिन्न मासा पुणो वि एंतस्स मज्झ इह नयरे । तो मंत्ति-सुओ दाउं बहुसंबल-वाहण-सहाए ॥४०२॥  
 तं पेमइ तम्मि गए त्तिन्न वि पुव्वुत्तपच्चया मिलिया । गंतूण देवगुत्तो पुणागओ भणियदियहेहिं ॥४०३॥  
 रायसुय-मंत्ति पुत्तेहिं तत्थ सो गोरवेण दीसंतो । चिट्ठइ आणावेउं सकुडुवं सुलसगामाओ ॥४०४॥  
 एवं ठियस्स कालो को वि गओ भुवणपालकुमरस्स । अन्नम्मि दिणे पुरिसो समागओ विजयखेडाओ ॥४०५॥  
 केण वि नियकज्जेणं सो मिलिओ वारुयस्स चउहुट्टे । वत्ता विज्जंतेणं कहियं तेणेरिसं तस्स ॥४०६॥  
 जह विजयखेडनयरस्स संतियं सव्वमेव संबहिउं । निग्गयमासि महायणम्मिन्हि अन्नत्थ गमणत्थं ॥४०७॥  
 गंतूण विजयधम्मेण वालियं तं सयं खमावेउं । तो वारुएण भणियं महायणं कि समुच्चलियं ? ॥४०८॥

तेण पुरिसेण भणियं पुव्वऽवराहे न ताव वि गणइ । को विजयधम्मविहिण्ण न वावराहा परं तेण ॥४०९॥  
 दो तिन्नि संपयं पि हु कया तओ वारुओ पुणो भणइ । ते केरिसावराहा? सो पुरिसो भणइ तो एवं ॥४१०॥  
 जयधम्मसेवणं एगेणं आसि एगवणियस्स । दायव्वं बहुदव्वं तो तेण धराविओ एसो ॥४११॥  
 पुरिस्स समीवाओ नियस्स सिरिविजयधम्म-जुवरओ । दावेऊणं आणाओ सत्तचउहट्टमज्झम्मि ॥४१२॥  
 आणाभंगं काउं अह सो जयधम्मसेवओ जंतो । आखंचिऊण धरिओ बाहाए वणिय-पुरिसेण ॥४१३॥  
 तं कुट्टिऊण नट्ठो जयधम्मनरो कहेइ नियपहुणो । हट्टम्मि कुट्टिओ हं पुरिसेणं असुगवणियस्स ॥४१४॥  
 तो जयधम्मणे नरा बहवे संपेसिया वणिय-गेहे । वणिओ भएण नट्ठो तं दट्ठुं आगए पुरिसे ॥४१५॥  
 तेहिं पुरिसेहिं नट्ठो वणिओ जाणाविओ कुमारस्स । तो तेणं भणिया ते ल्हूसेह इमस्स सव्वधणं ॥४१६॥  
 हट्टम्मि य गेहम्मि य तेहिं तओ ज्ञत्ति तारिसं विहियं । अइविहवी सो वणिओ आसि इमं दूसणं एक्कं ॥४१७॥  
 बीयं पुण जयधम्मस्स बल्लहा अत्थि भारिया एक्का । तीसे पियदासीए सुवन्न-कच्चोलयं एक्कं ॥४१८॥  
 अवहरिऊणं नीयं हट्टे वणियस्स तस्स जेण समं । अत्थि पुरा ववहारो तीसे कुमारस्स भज्जाए ॥४१९॥  
 कच्चोलयस्स उवरिं गहियं तीए वि समुच्चियं दव्वं । वणिओ न इमं जाणइ चोराहियमेयमत्थि त्ति ॥४२०॥  
 जम्हा जयधम्मकुमार-भारियाए पुरा वि गहणाइं । सा मुंचइ गिन्हेइ य तस्स न संका तओ जाया ॥४२१॥  
 कच्चोले अदिट्ठे गवेसणा तस्स सव्वओ जाया । केणावि तओ कहिया कच्चोलय-चोरिया दासी ॥४२२॥  
 जयधम्मस्स कुमारस्स तेण सा पुच्छिया वि अकहंती । बंधाविऊण गाढं हणाविया चम्म-लट्ठीहिं ॥४२३॥  
 ताडिज्जंतीए तओ कहियं तीए जहट्टियं मव्वं । कुमरेण नियं पुरिसं पट्टुविउं भाणिओ वणिओ ॥४२४॥  
 चोराहियमत्थि तए गहियं कच्चोलयं कुमारस्स । दासीपासाओ तयं तुह पासे मग्गए कुमरो ॥४२५॥  
 वणिएण तओ भणियं न मए चोराहियं ति तं नायं । तदुवरि ममाहिदव्वं बहु गहियं अत्थि दासीए ॥४२६॥  
 दव्वं दाऊण तओ गिन्हेह कच्चोलयं विणा दव्वं । पुण अप्पेमि न एयं गंतुं आपेह तो दव्वं ॥४२७॥  
 गंतूण तेण पुरिसेण साहियं वणियजंपियं एयं । कुमरस्स पुरो तेण वि सिक्खविउं सो पुणो पुरिसो ॥४२८॥  
 पट्टुविओ तं पभणइ जह तं चोराहियाइं गिन्हेउं । मग्गसि पुणो वि दव्वं एयं पि न मन्नसे बहुयं ॥४२९॥  
 जं दंडेण विणा वि हु मह पासाओ मुहाए छुट्टिहिसि । वणिएण तओ भणियं वियारिउं गिन्हेउ कुमरो ॥४३०॥  
 अन्नह पुण नीईए विणा वि जइ गिन्हेए कुमारो मं । तो ल्हूसिउं पि गिन्हेउ किमेगकच्चोलगगहेण ॥४३१॥  
 गंतूण तेण पुरिसेण एरिसै वणियजंपिए कहिए । पेसिन्तु वहनरे तं वणियं ल्हूसावए कुमरो ॥४३२॥  
 तइओ वि को वि दोसो कओ कुमारेण तम्मि समयम्मि ? । तो समुदाओ जाओ सव्वेसिं चेव वणियाणं ॥४३३॥  
 संवहिउं नीहरिया तो ते सव्वे वि नयरवाहम्मि । नाऊण विजयधम्मो जुवराया जाइ सयमेव ॥४३४॥  
 तेसि पासे वणियाण ते खमावेइ जोडिय-करग्गो । जयधम्मस्सऽवराहो तुभेहिं ममेस खमियव्वो ॥४३५॥  
 तुम्हाण वि भवणेसुं एक्केक्को होइ को वि अविणीओ । पुत्तो तस्स वि तुभे दो तिन्नि वि सहह अवराहे ॥४३६॥  
 तह तुभेहिं इमस्स वि महावराहो वि एस खमियव्वो । तो ते भणंति वणिया जे खमिया पुव्वमवराहा ॥४३७॥  
 तुह पुत्तस्सऽहेहिं तेसि संखा वि नज्जए नेय । दोन्ह दिणाणं मज्जे तिन्नि विणासा इमे जाया ॥४३८॥  
 तो जंपइ जुवराया अम्हाणं एस चेव अवराहो । तुम्हेहिं ताव कहिओ जयधम्मकुमारनिम्मविओ ॥४३९॥  
 इच्चाइ बहुं संभासिऊण ते धालिया तओ वणिया । जुवरन्ना सव्वे वि हु न निव्वुया तह वि चित्तम्मि ॥४४०॥

इय कहिए सो पुरिसो नेउं मइसागरस्स पासम्मि । पुब्बुत्तं सव्वं पि हु कहाविओ वारुण तओ ॥४४१॥  
 मइसागरेण नीओ सिग्घं सो भुवणपाल-पासम्मि । अक्खाविओ य सव्वं तं एगंते पुरो तस्स ॥४४२॥  
 तो तं विसज्जिऊणं पुरिसं मइसागरेण विन्नत्तं । मज्झ वयणस्स को वि हु तुम्हाणं पच्चओ मिलइ ॥४४३॥  
 कुमरेण तओ भणियं पुब्बं पि अपच्चओ मह न को वि । तुह जंपियम्मि होंतो संपइ जाओ पुण विसेसो ॥४४४॥  
 पुण कइवयदिवसाणं पज्जंते वसुहगामओ पुरिसो । संपत्तो मइसागर-पासम्मि कहेइ वत्तमिमं ॥४४५॥  
 जयधम्मकुमारेणं नियवल्लह-भज्जसंतिया दासी । रुववई-नवजोव्वणजुत्ता भुत्ता हट्ठेण तओ ॥४४६॥  
 भज्जाए नाऊणं पट्टविया इत्ति वसुहगामम्मि । किर भुवणपालकुमरस्स संतिओ वन्नओ तत्थ ॥४४७॥  
 इय बुद्धीए वल्लहराओ वि भणाविओ इमं तीए । मगं तस्स वि एयं मा जयधम्मस्स अप्पेज्जा ॥४४८॥  
 गुत्तगिहे रक्खेज्जह सह जयधम्मेण इह भलिस्समहं । तेण वि उज्जुत्तणओ तं तह पडिवन्नमवि अप्पं ॥४४९॥  
 जयधम्मकुमारेणं नाऊणं तत्थ पेसिया पुरिसा । मग्गाविया य दासी तेण कयं उत्तरं एयं ॥४५०॥  
 सा नत्थि एत्थ गामे कत्थइ अन्नत्थ तं गवेसेह । तं पुरिसेहिं गंतुं कहियं जयधम्मकुमरस्स ॥४५१॥  
 जयधम्मेणं तत्तो परिग्गहो तत्थ पेसिओ बहुओ । इय सिक्खविउं जह सा गवेसियव्वा पइगिहं पि ॥४५२॥  
 तम्मि समगो गामे तुब्भेहिं तओ ह्वेज्ज जइ एसा । तो वल्लहरायजुयं बंधेउं तं समाणेज्जा ॥४५३॥  
 तो गंतुं वसुहगामे परिग्गहो पइगिहं गवेसेइ । तं दासि दट्ठूणं बंधेउं गिन्हए तत्तो ॥४५४॥  
 एवं कुव्वंताण वि जयधम्मनराण कि पि न हु भणियं । वल्लहराएण ठिओ मोणं काऊण सो तत्थ ॥४५५॥  
 तो ते पुरिसा लग्गा वल्लहरायस्स बंधिउं तत्तो । सो नियसमुदायजुओ आउह हत्थो ठिओ समुहो ॥४५६॥  
 तेसिं पुरिसाण तओ जाए जुज्जम्मि तेहिं सह तत्थ । अट्ठहिं जाणेहिं जुत्तो वल्लहराओ भओ तत्तो ॥४५७॥  
 गामो वि तेहिं सव्वो ल्हूसेउं धणकणेहिं परिमुक्को । एककखणद्धेण कओ तो वल्लहरायगिहिणीए ॥४५८॥  
 एत्थ अहं पेसविओ तुम्ह समीवम्मि वत्त-कहणत्थं । तो तीसे आएसो दिज्जउ जो को वि दायव्वो ॥४५९॥  
 सो वि मइसागरेणं नेऊणं भुवणपाल-पासम्मि । अक्खाविओ समगं वसुहगामम्मि जं वित्तं ॥४६०॥  
 तो कुमरेणं भणियं वल्लहरायस्स गेहिणी एत्थ । पेसेऊणं वाहणमाणा विज्जओ दुयं ताव ॥४६१॥  
 मइसागरेण एयं सहस त्ति कयं कुमार-वयणेण । कुमरेण वि रज्ज-गहे नियचित्ते निच्छओ बद्धो ॥४६२॥  
 मइसागरेण सद्धि मंतेऊणं तओ उवाएहिं । सव्वो वि राय-लोओ अणुरत्तो अत्तणो विहिओ ॥४६३॥  
 रज्जे पमाणपुरिसा जे के वि हु ताण कन्नकुहरम्मि । जयधम्माइसरूवं पवेसियं बुद्धि-जोएण ॥४६४॥  
 ते वि हु वंछंति मणे रज्जं कुमरस्स भुवणपालस्स । अच्चंत-विरत्तमणा जयधम्मे विजयधम्मे य ॥४६५॥  
 न हु विजयखेडनयरे तप्पभिइं भुवणपालकुमरो वि । पेसेइ नियं पुरिसं पासम्मि उ विजयधम्मस्स ॥४६६॥  
 वसुहगामम्मि वि ल्हूसियम्मि भणिओ न कि पि जयधम्मो । तेण परिभ्रायम्मि वि जुवरत्ता विजयधम्मेण ॥४६७॥  
 इय वच्चंते काले दुइज्जसंवच्छरस्स पज्जंते । सिरिसच्चधम्मरत्तो देहे रोगो समुप्पन्नो ॥४६८॥  
 लग्गा य पवरवेज्जा रत्तो देहे कुणंति तेगिच्छं । न हवइ को वि विसेसो विज्जेहिं तओ समग्गेहिं ॥४६९॥  
 अन्नोन्नं मंतेउं पहाण-पुरिसाण अग्गओ कहियं । अम्ह असज्जो राया तो तेहिं निवारिया वेज्जा ॥४७०॥  
 तुम्हेहिं न कहियव्वं कस्स वि पुरओ सरूवमेयं ति । एयं चिय वत्तव्वं जह राया सुंदरो होही ॥४७१॥  
 पडिवन्नं वेज्जेहिं पहाण-पुरिसाण एरिसं वयणं । सकुडुं वे वि न कस्स वि पुरओ एवं कहेति इमे ॥४७२॥  
 तो विजयधम्मपुरिसा सया वि जे एंति राय-पासम्मि । कज्जम्मि समुप्पन्ने ते तत्थ समागया तइया ॥४७३॥



तसि मग्गंताण वि रत्ता सह दंसणं न संजायं । पुच्छंति ते सरूवं रायसरीरस्स निच्चं पि ॥४७४॥  
 पासे पहाण-पुरिसाण ते वि जंपति सुंदरो होही । कइवयदिणाण मज्जे राया सिरिसच्चधम्मो ति ॥४७५॥  
 वेज्जा य एंति जंति य मज्जे पविसंति राय-पासम्मि । तेगिच्छं अकुणंता वि लोय-संतोसजणणत्थं ॥४७६॥  
 पुरिसाण पहाणाणं वयणेणं राय-सन्निहाणम्मि । चत्तारि पंच व जणा चिट्ठंति ठिया अहोरत्तं ॥४७७॥  
 मइसागरेण पुट्ठो पुणो वि सो देवगुत्त-केवल्लिओ । संपइ केत्तियमाउं रत्तो सिरिसच्चधम्मस्स ॥४७८॥  
 दसम्मि दिणे कहिया तेण समत्ती नरेसराउस्स । मइसागरेण कहियं एवं तो भुवणपालस्स ॥४७९॥  
 राय-पुरिसाण चित्तं नाउं सो अप्पयम्मि अणुरत्तं । चिट्ठेइ गहिय गरिमो सुहासुहं किं पि नो वेइ ॥४८०॥  
 मइसागरो वि एवं जाणंतो चिट्ठए विहियमोणो । अन्नम्मि दिणे वेज्जा राय-समीवम्मि गंतूण ॥४८१॥  
 दट्ठूण देह-चेट्ठं तस्स तओ निग्गया बहिं एए । वड्डु-मणुस्साण पुरो रहम्मि एवं निवेएंति ॥४८२॥  
 जह महया कट्ठेणं जइ अट्ठदिणाइं जीवए राया । रिट्ठेहिं जेण नायं अम्हेहिं न चलए एयं ॥४८३॥  
 तयणंतरं निवेण वि तम्मि खणे चेव नियसरीरस्स । नाऊण अहरभावं आहूया ते महापुरिसा ॥४८४॥  
 भणिया य जहा सिग्घं आणावह विजयधम्मजुवरायं । जह तं सयमेव अहं ठवेमि निययम्मि ठाणम्मि ॥४८५॥  
 अह मत्थय-विणिवेसिय-हत्थेहिं इमेहिं कय-पणामेहिं । पडिबन्नं तं वयणं रत्तो सिरिसच्चधम्मस्स ॥४८६॥  
 अह ते गंतूण बहिं रायाएसं लिहावयति इमं । सिरिकोसल-नयराओ सिरिमंतो सच्चधम्म-निवो ॥४८७॥  
 सिरिविजयखेडनामे नयरे सिरिविजयधम्मजुवरायं । आइसइ जहा अम्हं सरीर-कारणमइ महंतं ॥४८८॥  
 ता सिग्घं चिय तुमए रायाएसस्स दंसणाओ वि । मोत्तूण विजयखेडं भोत्तव्वं अह वसइयव्वं ॥४८९॥  
 जह जीवंतेण मए सह जायइ तुज्ज दंसण-वणिज्जं । अन्नह पुण अइगरुयं काहिसि अवरत्तयं पच्छा ॥४९०॥  
 एसो रायाएसो नेऊणं दंसिओ नरवइस्स । वड्डु-मणुस्सेहिं तओ पसंसिउं सच्चधम्मणे ॥४९१॥  
 भणियं जह इन्हिं चिय संपेसह सिग्घ संदिमारूढं । पुरिसंकिं पि इहट्ठे खणं पि कज्जो न हु विलंबो ॥४९२॥  
 आएसो ति भणित्ता पहाणपुरिसा तओ विणिकखंता । मिलिऊण एगठाणे पारद्धा मतिउं एवं ॥४९३॥  
 एयम्मि राय-वंसे वि उ आरंभ जइ वि एस कमो । जं किर कणिट्ट-भाया अहिगारी होइ रज्जस्स ॥४९४॥  
 राया वि सच्चधम्मो बद्धपइत्तो इमम्मि अट्ठम्मि । जइ वि हु तहा वि वीमंसिऊण एयं विहेयव्वं ॥४९५॥  
 एवं पहाण-पुरिसाण वयणमायन्निऊण वर-सच्चिवो । सुमई मणम्मि चितइ पूरिज्जंतो पहरिसेणं ॥४९६॥  
 जो चेव मज्ज भावो मणम्मि सो चेव से सयाणं पि । एयाण महापुरिसाण तूण जंपति तेणेवं ॥४९७॥  
 दिन्नाएसा वि सयं निवेण सिरिसच्चधम्मनामेण । तम्हा मज्ज समीहियमिह सिज्जस्सइ असदिद्धं ॥४९८॥  
 इय चित्तिऊण जंपइ सुमई नीसेसमंत्तियण-तिलओ । सिरिसच्चधम्मरत्तो आएसो मत्थयस्सुव्वरि ॥४९९॥  
 अम्हाण माणणिज्जो गुणवं जुवराय-विजयधम्मो वि । तह वि जहट्ठिय अत्थो भणियव्वो मंतण-ठिएहिं ॥५००॥  
 जइ वि हु सुसाउ अन्नं इंदिय-पत्थायणं बलकरं च । सविसमुवजीवियं तं तह वि भवे जीवियंतकरं ॥५०१॥  
 सुरही वि सीयलो वि हु चंदण-ताही-भुयंग-कय-वेढो । जणइ अणत्थं तियना सेविज्जंतो सुहत्थीहिं ॥५०२॥  
 जइ वि सिरिविजयधम्मो सयं गुणाणं बहूण आवासो । तह वि सुय-नेह-मूढो तस्स उवेक्खेइ सो दोसे ॥५०३॥  
 केत्तियभेत्ते कहिमो तुम्ह पुरो तस्स संतिए दोसे । एक्काए जीहाए सव्वे सक्का न ते कहिउं ॥५०४॥  
 एक्केक्के तद्दोसे कहिज्जमाणम्मि मत्थए केसा । उड्डी हवंति सहसा मोणं चि य तत्थ ता जुत्तं ॥५०५॥  
 किं च कहिज्जइ तं वत्थु कस्सई जं न जाणए को वि । सयल-जय-विस्सुयाणं किं तद्दोसाण कहणेण ॥५०६॥

दूरम्म ताव चिट्ठह तुब्भे जे मुणह सव्वभियरं पि । अन्नं पि किं पि पुच्छह जो किर जाणइ न तद्दोसे ॥५०७॥  
तो तेहिं वड्डु-पुरिसेहिं जंपियं सच्चिव! एवमेवेयं । तुह वयणं थेवं पि ह न अन्नहा जायए नूणं ॥५०८॥  
अह सच्चिवो ते नज्जइ मज्झुवरोहेण किं पि मा तुब्भे । पडिक्खिज्जस्सह वयणं वितहं पि तह त्ति भावेण ॥५०९॥  
तो ते वयंति सच्चिवं करणिज्जो चैव तुम्ह उवरोहो । किं तु समयंतरे न उण एत्थ समयम्मि कायव्वो ॥५१०॥  
इन्हिं जहट्टियं चिय वत्तव्वं मंतणं कुणतेहिं । जुवराय-तणय-दोसा सयमणुह्या य अम्हेहिं ॥५११॥  
अह भणइ मुमइमंती एवं सुय-दोसदूसिओ संतो । गुणवं पि विजयधम्मो कह जोगो होइ रज्जस्स ॥५१२॥  
जइ राया निरवच्चो होइ तओ तं पि ठाविमो रज्जे । न उणो संतम्मि वि भुवणपाल-कुमरे गुणनिहिंम्मि ॥५१३॥  
वड्डु-मणुस्सेहिं तओ भणियं जह भुवणपाल-वरकुमरो । हक्कारिऊण इन्हिं जाणाविज्जइ इमं अट्ठं ॥५१४॥  
मुमइसच्चिवेण भणियं संजाओ संपयं दिणद्ध-खणो । भुत्ताणंतरमेत्था गंतूणं इय करिस्सामो ॥५१५॥  
काऊण मंत-निच्छयमिय ते सव्वे वि नियमिहेसु गया । चिर-गूढ-परोप्पर-पयडियप्पभावा सुहो जाया ॥५१६॥  
अह तेसिं वड्डुपुरिसाण मज्झओ सुरय-साहणाहिंवेई । साहणियो नामेणं साहइ तं मंतणं सव्वं ॥५१७॥  
नियनंदणस्स पुरओ एगंते हरिसरायनामस्स । सो भुवणपालकुमरस्स सेवओ अह्णिणवो तइया ॥५१८॥  
गंतूण तेण कहियं पुरओ कुमरस्स तक्खणे चैव । कुमरो वि हरिसरायं विसज्जिऊणं नियावासे ॥५१९॥  
हक्कारावइ सिग्घं पइसागरमप्पणो समीवम्मि । तं हरिसराय-साहिय-वुत्तंतं साहए तस्स ॥५२०॥  
भणइ य तथा जहेयं संभाविज्जंतमेव संजायं । कित्तु इह पुच्छणिज्जं इमं मए तुम्ह पासम्मि ॥५२१॥  
जं वड्डुमणुस्सेहिं मुमइमहामतिणो इमं कहियं । जयधम्मकओ दोसो अम्हेहिं वि अत्थि अणुहूओ ॥५२२॥  
ता किं केणुभूयं जयधम्मकयं ति मुणसि किं पि तुमं? । मइसागरो पयंपइ जाणंतो किं पि चिट्ठामि ॥५२३॥  
तो आह भुवणपालो मज्झ वि साहेह किं पि जं मुणसि । सो कहइ जहा पढमं सेणाहिव-सूरनामस्स ॥५२४॥  
जो आसि समर-काले आरोहण-समुच्चिओ वर-तुरंगो । नीओ हराविऊणं तेण तओ पउमनाभस्स ॥५२५॥  
नामेण पउमनाभस्स संतिया गेहिणी समवरुद्धा । नीया हराविऊणं सिरियादेवि त्ति नामेण ॥५२६॥  
साहणियभुज्जमाणगाम्माओ विणिग्गया य जन्नत्ता । नाऊण सदेसगया गहिया जयधम्म-पुरिसेहिं ॥५२७॥  
तह संधि-विग्गहाहिव-सिरिहर-गिहिणी गया विजयखेडे । निय धूया सा मुरए वोल्लावणयम्मि मयमणुए ॥५२८॥  
सा विणियत्ता तत्तो एंती मग्गे समग्गमविसारं । हरिऊण सुद्धसंखा काऊण समुज्झिया तेहिं ॥५२९॥  
एवं चिय पडिहारंगरक्खभाइण सेसपाणं पि । कारणपुरिसाण मणे असमाही अत्थि तेहिं कओ ॥५३०॥  
कुमरेण तओ भणियो मंति-सुओ एरिसं तए मज्झ । जाणतेण वि कम्हा कया वि जाणावियं नेय ॥५३१॥  
अह मंति-सुओ जंपइ इमं न जयधम्मदूसणं स-कयं । किं तु मए स-मईए तम्मि इमे ठाविया दोसा ॥५३२॥  
तो आह भुवणपालो कह एवं तो कहेइ मंति-सुओ । जीसे कज्जम्मि हूओ वल्लहराओ वसुहगामे ॥५३३॥  
सा नियभज्जा दासी तेण कया अप्पणो पिया भज्जा । तीसे भाया नामेण भदुओ तस्स अइदइओ ॥५३४॥  
आसारूढो भड-चडमरेण गरुण परिभमइ एसो । जयधम्मकुमाराओ अविभिन्नं पासइ जणो तं ॥५३५॥  
सो लहइ जइ वि दव्वं बहुयं जयधम्मकुमर-पासाओ । तस्स न तह वि पहुप्पइ किंचि वि वेसापसत्तस्स ॥५३६॥  
निव्व्वासियववएसं काऊणं पेसिओ मए एक्को । पुरिसो तस्स समीवे वीसंभट्टाणमइगरुयं ॥५३७॥  
जा का वि मए सिक्खा तस्स विइत्ता इओ वयंतस्स । तीए तेणेसो विप्पलोभिउं कारिओ एवं ॥५३८॥

सो अम्हे च्चिय पुरिसो विणासकाले सयं न पच्चक्खो । जाओ कत्थइ निहुया बुद्धी वा वारिया तेण ॥५३९॥  
 जयधम्मकुमरनामं पयासियं दोसकरण-विसयम्मि । सव्वत्थ वि तेण सयं अलक्खिएणं जणाण पुरो ॥५४०॥  
 तो आह भुवणपालो दोस-पसिद्धी सयं पि तस्सत्थि । अइगस्या तुमए पुण विसेसओ राय-लोयस्स ॥५४१॥  
 इह नयरे सव्वस्स वि मणम्मि वीसाभिया उवाएण । ता किं पुणो वि एसो कओ किलेसो तए एत्थ ॥५४२॥  
 तो पभणइ मंति-सुओ तस्सवराहा नियम्मि देसम्मि । जे संजाया ते च्चिय इह नाया राय-लोएण ॥५४३॥  
 तेहि तओ बहुएहिं वि नाएहिं न ताण होइ चित्तेसु । को वि त्हाभिनिवेसो जाव न जाओ नियगे वि ॥५४४॥  
 को वि अवयारलेसो तज्जणिओ तेण कारणेणयं । निव सुयकयं मए जह समदुक्खा होति ते सव्वे ॥५४५॥  
 समदुखाणं चित्तं होइ समं पत्थुए जहा कज्जे । समसीलध्वसणाणं सत्थेसु कहिज्जए पीई ॥५४६॥  
 ईहेज्ज किं पि काउं जं कज्जं पलहुयं व गमयं वा । तं सव्वारंभेणं कायव्वं सीह-नाएण ॥५४७॥  
 इय मइसागर-वयणं सोऊणं रंजिओ मणे कुमरो । एयं गिहे विसज्जइ कुणइ सयं भोयणाइयं ॥५४८॥  
 कय-भोयणाइ-किच्चो मंति-सुओ कुमर-मंदिरे पत्तो । अवसरनिसन्नमेयं नमिऊण निसीयइ सठाणे ॥५४९॥  
 विन्नवइ य तं जह रायमंदिरे किन्न गम्मए इन्हि । आह कुमरो इयारिणं तइ संपत्ते गमिस्सामो ॥५५०॥  
 इय भणिऊण कहंतरमारद्धं भुवणपालकुमरेण । तं हरिसराय-कहियं निय-चित्ते धारयंतेण ॥५५१॥  
 कय भोयणमाईया समयम्मि गया नरिद-गेहम्मि । सव्वे पहाण-पुरिसा नाऊण अणागयं कुमरं ॥५५२॥  
 सिग्घं चिय तग्गेहे पुरिसं पेसंति आहवणहेउं । कुमरो वि तक्खणे च्चिय समागओ ताण पासम्मि ॥५५३॥  
 उवविट्ठो ते पुच्छइ मउलिय-मुह-कमल-कंति-संभंतो । राय-सरीर-सख्वं साहेति तहेव ते तस्स ॥५५४॥  
 जइ पंच सत्त व दिणे महया किच्छेण अम्ह सामित्तं । पालेइ सच्चधम्मो जहत्य नामो महाराया ॥५५५॥  
 उड्डं तु मंद-उत्ते अम्हे एसो चइस्सए नूणं । देहं च रोग-संगम-दोसेण व दूसियं देवो ॥५५६॥  
 इय असु-जल-कणोल्लिय-नयणाणं ताण निसुणिउं वयणं । कुमरो वि कुणइ निविडंत-जल-लवे लोयणे नियए ५५७  
 वत्थंचलेण परमज्जिऊण नियलोयणाइं ते सव्वे । जा किं पि वत्तुकामा कुमरस्स मुहं पलोयंति ॥५५८॥  
 ता भुवणपालकुमरो करंगुली-फुसिय-नयण-सयवत्तो । जंपइ जहा नरिदो दूर-ठिएणं मए पणओ ॥५५९॥  
 दो तिन्नि वि वाराओ मज्जम्मि सरीर-कारणस्स परं । तस्स मुहासुहभावो न जाणिउं सक्कओ को वि ? ॥५६०॥  
 वेज्जा पुच्छिज्जंता पुण एवं चिय सया वि मह पुरओ । साहेता जह सिग्घं होही राया विगयरगे ॥५६१॥  
 अह सुमइ-मंति-पमुहेहिं जंपियं अज्ज चं व वेज्जेहिं । मुक्का नरिद-जीविय-पच्चासा अम्ह पुरओ वि ॥५६२॥  
 तो भणइ भुवणपालो को वि गओ राय-पेसिओ पुरिसो । एत्तो आहवणत्थं जुवरन्नो विजयधम्मस्स ॥५६३॥  
 तो वयइ सुमइ-सचिवो अज्जं विय अम्ह पढमदिवसमुहे । रत्ता सयमाएसो दिन्नो तस्साहवणहेउं ॥५६४॥  
 अह तं वयइ कुमारो तह कुणह जहा उवेइ सिग्घं पि । इह अम्हं चुल्लपिया अह तं सचिवो पुणो भणइ ॥५६५॥  
 एत्तो च्चिय आहया चिद्वह अम्हेहिं कुमर! इह तुम्भे । जह मंतिऊण तुम्हेहिं सह इमं कीरए कज्जं ॥५६६॥  
 तो वेइ कुमारो संपयं पि मंतेह मंतिव्वं जं । अम्हेहिं समं जम्हा न विलंब-खमं इमं कज्जं ॥५६७॥  
 तो सुमइमहामंती पहाण-पुरिसाण पासइ मुहाइं । ते वेति तं तुमं चिय कुमरस्स कहेह अम्ह मयं ॥५६८॥  
 अह भणइ सुमइमंती कुमार-सम्मयम्मिमं समग्गाण । एयाण महापुरिसाण जइ तुमं होसि नरनाहो ॥५६९॥  
 पडिसेहइ तं वयणं कुमरो पढमं गुणे पसंसंतो । चुल्लपिउणो तओ सो सुमइप्पमुहेहिं सव्वेहि ॥५७०॥

अह पुवुत्तसुजुत्तीहि पडिवोहेऊण कारिओ रज्जे । अब्भुवगमं तओ ते समुट्टिया पमुइया सव्वे ॥५७१॥  
 रायाएसो लिहिओ जो आसी विजयधम्मजुवरत्तो । सो तेहि न पट्टविओ तहेव धरिओ दिणे पंच ॥५७२॥  
 राया पुच्छइ पासे पहाणपुरिसाण विजयधम्मस्स । आरमणं ते वि तओ वेति जहा एइ सिग्घं पि ॥५७३॥  
 अन्नम्मि दिणे मिलिउं पहाणपुरिसेहि मंतियं एवं । पंचासजोयणेहि एत्तो चिट्ठइ विजयधम्मो ॥५७४॥  
 सिग्घो वि हु संट्टियओ एत्तो तइए दिणम्मि वच्चिहइ । नयरम्मि विजयखेडे एतस्स वि तेत्तिया दिवसा ॥५७५॥  
 राया पुण दो दिवसे जइ जीवइ कह वि राक्यपुत्तेहि । तो विजयधम्मपुरिसा आमंतेउं भणिज्जंति ॥५७६॥  
 रत्ता अज्जाएसो दित्तो इह विजयधम्ममाणेउं । रायाएमं गहिउं तो तुम्हे वगहं निग्घं पि ॥५७७॥  
 नयरम्मि विजयखेडे जुवरायं विजयधम्ममाणेहा । इय मंतिऊण तक्खणमेव कयंतं तह च्चेव ॥५७८॥  
 रत्तो पुरिसेहितो ते पुरिसा विजयधम्मजुवरत्तो । गहिउं रायाएसं पेसंति तओ पुरिसमंभं ॥५७९॥  
 सिरिविजयधम्मपासे चिट्ठंति सयंतु तत्थ सययं पि । निवमुट्टि पुच्छंता रायउल्लभंतरम्मि ठिया ॥५८०॥  
 ते विजयधम्मपुरिसा चित्तंति समंकिया निए चित्ते । जह को वि रायपुरिसो महल्लओ विजयधम्मस्स ॥५८१॥  
 पासम्मि न पेसविओ रायाएसो समप्पिओ अम्ह । कि पिन्न समुत्तमेयं पडिहासइ अम्ह चित्तम्मि ॥५८२॥  
 रत्तो वि वड्डपुरिसा अम्हेहि समं न वेति सव्भावं । पासागए वि अम्हे उदासदिट्ठीए पेच्छंति ॥५८३॥  
 कुमरो वि भुवणपालो अम्हे दट्ठुं ससंभमो पुवं । जह आसि तह न इन्हि उदासचित्तो ठिओ वयइ ॥५८४॥  
 भत्तो वि चुल्लपिउणो जं इन्हि अन्नहा भुवणपालो । संजाओ सो दोसो जयधम्मस्से व नीसेसो ॥५८५॥  
 तदोसेणं जाओ रज्जत्थी एस संपयं नूणं । जोगो च्चिय रज्जस्स वि ता एवं होहिही एयं ॥५८६॥  
 जं पुण रायाएसो समप्पिओ अम्ह वड्डपुरिसेहि । तं सच्चधम्मवयणं अणुयतं तेहि कयमेवं ॥५८७॥  
 ता कि एत्थ कयाए चिताए? अत्थि कि पि भवियव्वं? । जंतं नूण भत्तिस्सइ इय चित्तेउं ठिया ते वि ॥५८८॥  
 अंत-समयम्मि रत्ता आमतेऊण नियमहापुरिसे । कुमरं च भुवणपालं तेसि सिक्खा इमा दित्ता ॥५८९॥  
 रज्जम्मि विजयधम्मो ठवियव्वो एत्थ आगओ संतो । अहमिव दट्ठव्वो सो तुम्हेहि तह य कुमरोहि ॥५९०॥  
 इय भणिऊण पमुत्तो दीहर-निदाए सच्चधम्म-निवो । अह तेहि विभूईए तणु-सक्कारो कओ तस्स ॥५९१॥  
 रज्जम्मि भुवणपालो महविभूईए तेहि अहिसित्तो । अत्थाणम्मि निसत्तो पणओ सव्वेण लोएण ॥५९२॥  
 दित्तो य सासणेणं रत्ता केवलिय-देवगुत्तस्स । एवको पवरग्गामो छत्तालंकार-वत्थ-जुओ ॥५९३॥  
 तीहरिओ नयर-वहि हय-गय-रह-जोह-निवह-वहूलाए । चउरंगिणीए सेणाए परिगओ भुवणपाल-नियो ॥५९४॥  
 ते विजयधम्मपुरिसा तं तह दट्ठूण विजयखेडपुरे । चलिया वत्तं अकहं तथा वि रायाइलोयस्स ॥५९५॥  
 तेहि पुरा जो पुरिसो पट्टविओ मुमइपमहवयणेण । अप्पिय रायाएसो सो पत्तो विजयखेडम्मि ॥५९६॥  
 दंसेइ रायलेहं पुरओ जुवरायविजयधम्मस्स । सो तहंसणओ झत्ति उट्ठिउं आसणवराओ ॥५९७॥  
 आणाविऊण दुइयं वरासणं तत्थ तं ठवावेउं । पंचंगं पणिवायं कारुणं गिन्हइ करम्मि ॥५९८॥  
 उवविंसिऊणं पुणरवि निरासणे तम्मि चैव तं लेहं । वित्थारिऊण वायइ सयं तओवगयलेहत्थो ॥५९९॥  
 जाणावइ सव्वस्स वि नियपरिवारस्स जह निवाएसो । कोसलनयरे सिग्घं गमणत्थं आगओ मज्ज ॥६००॥  
 अह ततो उट्ठेउं वियणे गंतूण नियमहापुरिसे । जयधम्मं च कुमारं हक्कारेउं पुरो तेसि ॥६०१॥  
 साहइ सरीरकारणमइगाहं सच्चधम्मनरवइणो । तह नयरदेसरक्खाविसए सिक्खं च दाऊण ॥६०२॥  
 दावेऊण पयाणयभेरिं तुरयम्मि आरूहेऊण । नयराओ निगंतुं बाहितो भोयणं कुणइ ॥६०३॥

भोत्तूण तक्खणे च्चिय पभूयचउरंगसेधसंजुत्तो । कोसलनयराभिमुहो पयाइ अखलियपयाणेहि ॥६०४॥  
 वच्चंतस्स य मग्गे समागया तस्स सम्मुहा पुरिसा । ते कोसलनयराओ ओयरिऊणं हएहितो ॥६०५॥  
 नमिऊण विजयधम्मं कहंति वियणम्मि तस्स वुत्तंतं । रत्तो मरणं रज्जे ठवणं तह भुवणपालस्स ॥६०६॥  
 तं नियपुरिसेहितो वयणं सोऊण विजयधम्मो वि । सोयाऊरियहियओ ओयरिऊणं तुरंगाओ ॥६०७॥  
 गंतूण रुक्खमूले महया सद्देण कुणइ अक्कंदं । तो परियणेण दिन्नो आवासो तस्स तत्थेव ॥६०८॥  
 सो वि गुणे गिन्हंतो जेदुस्स सहोयरस्स नरवइणो । अक्कंदिऊण सुइरं नियपरिवारेण पडिसिद्धो ॥६०९॥  
 तुन्हिक्को होऊणं महियलविणिहित्तसत्थरनिवत्तो । ठाऊण खणं परियणविन्नतो उट्टितं तत्तो ॥६१०॥  
 गंतूण जलट्टाणे काऊणं मज्जणाइमयकिच्चं । आगतुं आवासे चत्ताहारो सपरिवारो ॥६११॥  
 तमहोरत्तं गभित्तं वंधुसिणेहाणुसरणजायदुहो । परिवार-पत्थणाए वीयदिणे कि पि काऊण ॥६१२॥  
 देहस्स उवट्ठं दाऊण पयाणयं सपरिवारो । विणियत्तिऊण तत्तो संपत्तो विजयखेडम्मि ॥६१३॥  
 तत्थ वि जं करणिज्जं नायरज्जणदंसणाइयं कि पि । तं काऊण समगं तत्तो होऊण एगंते ॥६१४॥  
 चित्तेइ कि इयाणिं करणिज्जं मे पराभवगयस्स ? । अहवा मज्झ परिभवो न एस अत्तेण कंणावि ॥६१५॥  
 परिविहिओ कि तुमए सयमेव य अप्पणो कओऽभिभवो । जाणंतेण वि निच्चं उवेक्खमाणेण सुयदोसे ॥६१६॥  
 ता एत्थ रुसियव्वं नेय मए होइ कस्स विजयम्मि । अह कह वि रुसियव्वं तो नूणं अप्पणो चेव ॥६१७॥  
 अहवा न अप्पणो वि हु रुसियव्वं कि पि जुज्जाए एत्थ । भवियव्वयाणुरूवा सव्वस्स वि जायए वुद्धी ॥६१८॥  
 ता एत्थ समाहाणं एमेवयमाणसम्मि कीरंतं । सुंदरयरमुवजायइ कएहिं कि वहु वियप्पेहिं ? ॥६१९॥  
 अहवा निउणमईए चित्तिज्जंतं इमपि परिणामे । सुंदरयरं न होहि त्ति मज्झ पडिहासए चित्ते ॥६२०॥  
 जह सच्चधम्मरत्तो मज्झ वि तह चेव आसि अइभत्तो । जो भुवणपालकुमरो सयावि नीसेसगुणनिलओ ॥६२१॥  
 तेण जयधम्मदोसे मइसागरपरिहवाईए चित्ते । धरित्तं नियपिउणो वि हु आणाभंगं करेऊण ॥६२२॥  
 मज्झ वि देखिखत्तं उज्झिऊण जह रज्जमप्पणा गहियं । तह सो संभाविज्जइ जयधम्मस्स वि महाअसुहं ॥६२३॥  
 इन्हि कि पि कुणंतो नूणं संपत्तगरुयसामत्थो । तम्मि समयम्मि काउं कि जुत्तं मज्झ हवई त्ति ? ॥६२४॥  
 जइ समरसभारंभं करेमि सह भुवणपालनरवइणा । तह वि न जुत्तं अहवा जइ जयधम्मो हणिज्जंतो ॥६२५॥  
 कहमवि य उवेहिज्जइ तो होइ विसेसओ अजुत्तययरं । ता कीरंतं उभयं पि निव्वुइं न जणइ मणम्मि ॥६२६॥  
 तम्हा इमम्मि समए वयगहणं केवलं वि भोत्तूण । अन्नं न कि पि जुत्तं पडिहासइ मज्झ वुद्धीए ॥६२७॥  
 इह लोगस्स वि दोसा परिचत्ता होंति दिक्खगहणेण । परलोयस्स वि कज्जं पसाहियं होइ एवं ति ॥६२८॥  
 इय निच्छिऊण हियए हक्कारेऊण कुमरजयधम्मं । तस्स कहेउं सव्वं कोसलपुरजायवुत्तंतं ॥६२९॥  
 नियहिययाभिप्पायं साहइ जह सच्चधम्मविरहम्मि । तस्साणाचुक्कस्स य वय-गहणं चेव मह जुत्तं ॥६३०॥  
 तो तुज्ज हियट्टाए सिक्खवणं कपि संपयं देमि । अवहारिऊण सम्मं अणुट्टियवा इमा तुमए ॥६३१॥  
 एत्तिय दियहाइं तुमं जह तहव ठिओऽसि कुमरभावेण । इन्हि अम्ह परोक्खे तए विणीएण होयव्वं ॥६३२॥  
 नियपरिवारं नयरं देसं च जहा सुनीइमग्गेण । परिवालसि कायव्वं तहा तए सव्वकार्लपि ॥६३३॥  
 गंतूण कोसलपुरे पुव्वकए खामिऊण नियदोसे । सेवेव्वो सययं महान्निदो भुवणपालो ॥६३४॥  
 इयदिन्नसयलसिक्खं जयधम्मं ठाविऊण नियठाणे । लोइयदिक्खागहणं पकरेइ सयं विजयधम्मो ॥६३५॥

तो जयधम्मभएणं निवासिणो विजयखेड-नयरम्मि । वणिया निहुयं निहुयं नीहरिऊणं गया सव्वे ॥६३६॥  
कोसलपुरम्मि तत्तो विन्नत्तो तेहिं भुवणपालनिवो । नियदुत्थं तेण तओ ते भणिया कोमलगिराहिं ॥६३७॥  
जह सच्चधम्मरत्ता सो देसो निययभाउणो दिन्नो । तस्स करेमि न तत्तिं किरम्मह देसोवि होइ न सो ॥६३८॥  
पुण विन्नत्तो वणिएहिं तेहिं सो भुवणपाल-नरनाहो । जह अम्हे एत्थेव य नयरे इन्हिं वसिस्सामो ॥६३९॥  
रत्ता भणियं अम्हे न भणामो वसह नेयमावसह । जं किं पि तुम्ह रइयं तं तुव्भे कुणह सयमेव ॥६४०॥  
जयधम्मो सोऊणं इयभणियं भुवणपालरायस्स । चित्तेइ निययचित्ते जह सो बीहेइ मह नूणं ॥६४१॥  
जं लूसियम्मि गामे बलाहिए मारियम्मि वि न भणियं । किं वि मह सम्मुहं तेण नेय वणियाण रावाए ॥६४२॥  
गिन्हामि तस्स देसं तो हणिऊणं कमेण नीसेसं । इय निय कुविगप्पेहिं पारद्धो घाइउं देसं ॥६४३॥  
नाऊण भुवणपालो राया वारेइ दूय-वयणेण । तं जयधम्मकुमारं सो जंपइ उज्जुयं नेय ॥६४४॥  
एयं पि तेण पुव्वं कस्स वि पासाओ अत्थि विन्नायं । जं सच्चधम्म-रत्ता नियरज्जं विजयधम्मस्स ॥६४५॥  
दिन्नं मरंतएणं हडेण गहियं तु भुवणपालेण । इय चित्तिऊण हियए सगव्वमिय जंपियं तेण ॥६४६॥  
मह पिउणो अहिगारो हृद्वित्तोए तए सयं गहिओ । तो तुह पासाओ अहं पि संपयं तं गहिस्सामि ॥६४७॥  
जयधम्मभणियमेयं गंतुं दूएण भुवणपालस्स । कहियं सव्वं तेणावि पेसियं सेन्नमइवहुयं ॥६४८॥  
तस्सुवरि तओ एसो दुव्विणयाओ ससेन्नपरिचत्तो । जयधम्मो बंधेउं सुहेण गहिओ निव-वलेण ॥६४९॥  
खित्तो गुत्तोए अहिलाहिआजाणुपूरिउं मुक्को । कइवयदिणाण अंते आणाए भुवणपालस्स ॥६५०॥  
मइसागरेण गंतुं गुत्तोए कडिडऊण सो मुक्को । भणिओ य जाहि गहिऊण जीवियं नियमिओ दूरे ॥६५१॥  
अन्नह जइ तं नज्जसि मज्झम्मि ठिओ इमस्स देसस्स । ता नूण भुवणपालेण मारियव्वोसि दुक्खजुओ ॥६५२॥  
तो नट्टो जयधम्मो पाणे गहिऊण दूरदेसम्मि । तेण वि गहिया दिक्खा पासडीणं समीवम्मि ॥६५३॥  
उगं तवोविसेसं करेइ पंचन्ह-छन्ह-दिवसाणं । पज्जंते पारेइ य जलखालिय-लुक्ख-भत्तेण ॥६५४॥  
जुवराय-पए ठविओ नियभाया भुवणपालराएण । नामेण विजयपालो तस्स य दिन्नो पसायएण ॥६५५॥  
देसो सो चेव य विजयखेडनयरस्स संतिओ सव्वो । जा पुव्वठिइ-निययासा दिन्ना विजयरायस्स ॥६५६॥  
सेसाण वि भाऊणं गामा दिन्ना विसेसओ बहुया । रायाणमणुन्नविउं गओ सदेसे विजयपालो ॥६५७॥  
नीओ य विजयसीहो सूरुओ वि य तेण अत्तणा सिद्धिं । अणुजाणावेऊणं महानरिदं भुवणपालं ॥६५८॥  
दिन्ना य उच्चियगामा तेसि दोन्हं पि तेण भाऊणं । मोत्तूण विजयसीहं रक्खत्थं विजयखेडम्मि ॥६५९॥  
सुरेण समं चलिओ साहेउं दुट्टसीमसामंते । पच्छिमदिसाए पत्तो कुंडलसेले महाविसमे ॥६६०॥  
तक्कडयसंठिओ तेण साहिओ सबरकेउ सामंतो । गहिऊणं सव्वस्सं पुणो वि तत्थेव सो ठविओ ॥६६१॥  
सूरेण भमंतेणं कुंडलगिरि-परिसरम्मि रम्मम्मि । वेगवईनइ-तीरे नियडे घणवंसजालीए ॥६६२॥  
दिट्टो लक्खणवंतो एक्को पुरिसो महीयले पडिओ । लोहमएहिं कीलेहिं कीलिओ सव्वगत्तेसु ॥६६३॥  
नीणंतसोणिओ वण-मुहेसु करुणं कणंतओ सणियं । पुट्टो सो सूरेणं उवसप्पेऊण कएणाए ॥६६४॥  
को भइ! तुमं किं एत्थ आगओ केण तुह कयं एवं? । तेण भणियं महायस! जालो मज्झम्मि चिट्ठं ति ॥६६५॥  
दो ओसहिवलयाइं खित्ताइ मए गवेसिउं ताइं । आणेह तुमं सिग्घं तो पुट्टं तुह कहिस्सामि ॥६६६॥  
तो कुणइ तहा सूरुओ तो भणिओ तेण कीलियनरेण । सल्लुद्धरणीवलयं एयं संरोहणीवलयं ॥६६७॥

तो घसिऊणं पढमं बलयं लाएसु सल्ल-ठाणेसु । सूरेण कयम्मि तहा उक्खुडिया ज्जत्ति ते कीला ॥६६८॥  
 तो भणिओ वीयं पि हु घसिऊणं वणमुहेसु मे देहि । एवं कयम्मि तत्तो वणाइं रुढाइं संवाइं ॥६६९॥  
 सो जाओ सज्जंगो नियं सरुवं कहेइ तस्स पुरो । जह वेयड्डम्मि नगे नयरे सूरुदयम्मि अहं ॥६७०॥  
 कणयधओ नामेणं खयरराया समागओ एत्थ । विज्जा-साहणहेउं एगागी पवणवेगेण ॥६७१॥  
 खयरिदेणं दिट्ठो सपअत्थिणगामिणा ससेत्थेण । पुव्वविरुद्धेण तओ तेणाहं एरिसो विहिओ ॥६७२॥  
 जइ तुममेत्थ न एतो संपइ तो हं खणंतास्सुवरिं । पीडाए विहरियंगो नियजीयं ज्जत्ति विमुयंतो ॥६७३॥  
 तो मज्झ तुमं भित्तो परमो बंधू य अह्व जणओ य । ता जं पभणसि इन्दि करेमि तं इच्छियं तुज्झ ॥६७४॥  
 तो तेण भणियमेयं अवरयल-गामिणा तए मज्झ । नियदंसण-दाणेणं धम्मं च जसं जणंतेण ॥६७५॥  
 तिजयम्मि वि जं कि त्ति वि वत्थुमुदुल्लहयरं तयं सब्वं । संसाहियं न एत्तो समीहियं कि पि मे अन्नं? ॥६७६॥  
 तो कणयधओ पभणइ चिट्ठउ एमेव ताव एसट्ठो । नियनामठाण कहणेण संपयं कुणह मह सोकखं ॥६७७॥  
 तो तेण तस्स कहिओ तत्थागमणावहीसवुत्तंती । अह जोडियहत्थेणं सूरु खयरणिमं भणिओ ॥६७८॥  
 काऊण मह पसायं वेयड्डनगम्मि सूरुदयनयरे । पाहुणओ एहि तुमं मह जह मणनिव्वुई होइ ॥६७९॥  
 तो भणइ सूरकुमरो अहं वसे विजयपालजुवरत्तो । तेण तयाणाए विणा न जामि अन्नत्थ कत्थवि य ॥६८०॥  
 तो कणयधओ जंपइ मोयाविस्सामि तस्स वि समीवे । गंतूण तुमं संपइ गइयनिबंधं विहेऊणं ॥६८१॥  
 इय भणिउं सो खयरो गंतूणं विजयपालपासम्मि । मोयावइ तं कुमरं तस्सुवरोहेण सो मुयइ ॥६८२॥  
 विज्जाकए विमाणे खयरेणारोविउं सपरिवारो । सूरु सपुरे नीओ जुवराया उण विजयपालो ॥६८३॥  
 नयरम्मि विजयखेउं संपत्तो सह निएण सन्नेण । कोसलपुरा उवणिए वालेउं आणए तत्थ ॥६८४॥  
 नीईए पयं पालइ कुव्वंतो जेट्ठबंधुणो भत्ति । राया वि भुवणपालो भूजइ निक्कटयं रज्जं ॥६८५॥  
 जाया बह्वे पुत्ता छरहं पि हु भाउयाण गहियकला । वेयड्डनगे सूरु परिणइ खयरण घूयाओ ॥६८६॥  
 कणयद्वयंखयरिदेण तस्स दिन्नाओ पवरविज्जाओ । वहुमाहप्पजुयाओ रणसाहेज्जं कुणंतस्स ॥६८७॥  
 सूरुण सहाएणं नियवेरिं पवणवेगखयरिदं । निद्धाडिऊण कणयद्वएण गहिउं पुरं तस्स ॥६८८॥  
 दिन्नं सूरस्स करेइ रज्जमेसोवि अखलियपयावो । कोसलपुरम्मि तह विजयखेडनगरम्मि गंतूण ॥६८९॥  
 मिलइ नियभाउयाणं कया वि विज्जाहरेहिं परियरिओ । तयणुत्ताओ वच्चइ पुणो वि वियड्डसेलम्मि ॥६९०॥  
 सूरुदयपुरवाहिं समागयं भुवणतुंगमुणिनाहं । नाऊण नहयररपहूकणयधओ पेसए पुरिसं ॥६९१॥  
 कंचणउरम्मि नयरे आणेउं सूरनरवरं तत्थ । गंतूण सूरिपासे सयं तु निमुणेइ धम्मवहं ॥६९२॥  
 सूरु वि खयरराया कणयद्वयपुरिससंजुओ ज्जत्ति । तत्थागंतुं वंदइ सूरिं तओ धम्मं तओ सुणइ ॥६९३॥  
 अह पडिबुद्धो सूरु दढसम्मतो सुसावगो जाओ । कइवर्यादिणपज्जते वच्चइ अन्नत्थ सूरिं वि ॥६९४॥  
 कणयद्वयमणुत्तविउं पत्तो सूरु वि कंचणउरम्मि । सूरस्स सुओ जाओ लक्खणवंतो य सुकुमालो ॥६९५॥  
 इय जाइ सुहं कालो सब्वेसिं भुवणपालपभिईणं । जयधम्मो उग्गतवं काऊणं सट्ठिवाससए ॥६९६॥  
 चम्मट्ठिसेसदेहो जाओ चंक्रमणसत्तिपरिहीणो । जावज्जीवं पि तओ पच्चक्खइ सब्वमाहारं ॥६९७॥  
 पच्चक्खाणे वि ठिओ पुव्विल्ल पराभवं सरंतो सो । मासंते मरिऊणं विज्जुकुमारो सूरु जाओ ॥६९८॥  
 पुव्वभवं सरिऊणं कुप्पइ तो उवरिभुवणपालस्स । सो देवो आगतुं तस्सज्जाणे निसन्नस्स ॥६९९॥  
 होऊण अदिट्ठतणू पाडइ सीहासणाओ तं ज्जत्ति । धरणिपले बंधेइ य फुडंतयाहाहि चोरं व ॥७००॥

हा हा ? किमेयमेवं ? जाव भणंतो जणो समुद्धेइ । सो अत्थाणनिविट्ठो ता उद्धेउं न सक्केइ ॥७०१॥  
 थंभेऊणं मुक्को तेण सुरेणं जणो समग्गो वि । पेच्छंतस्स वि सो परिणयस्स तिहणं गओ झत्ति ॥७०२॥  
 उत्थंभिओ तओ सो अत्थाणजणो सुरेण सव्वो वि । पकरेइ विभूईए रत्तो देहस्स सक्कारं ॥७०३॥  
 मइसागरेण पुट्ठो इममट्ठं देवगुत्तकेवलिओ । तेण परिभाविऊणं कहिओ जयधम्मवृत्तंतो ॥७०४॥  
 दुक्खेण तेण मइसागरेण भणिओ पिया सुमइमंती । गिन्हामि अहं दिक्खं विरहे निवभुवणपालस्स ॥७०५॥  
 अह सुमइमतिणा सो महोवरोहेण नियपए ठविओ । अहिसिन्तो रज्जे पुण आणेऊणं विजयपालो ॥७०६॥  
 गहिया सयं तु दिक्खा छट्ठे मासम्मि विजयपालो वि । निहणं नीओ देवेण तेण पुव्वप्पओएण ॥७०७॥  
 अन्ने वि विजयरायप्पमुहा तह विजयसीहपज्जंता । एएणेव कमेणं विणासिया तेण देवेण ॥७०८॥  
 तम्मि समयम्मि पत्तो वेयड्ढनगाओ तत्थ सूरौ वि । मिलणत्थं निययसहोयरस्स निवभुवणपालस्स ॥७०९॥  
 पेक्खेइ सयलनयरं नरिदभवणं च सोय-संततं । तो पुच्छइ मइसागरमेससरुवं कहइ सव्वं ॥७१०॥  
 तो कदिऊण बहुयं सूरौ खयरंसरो भणइ एवं । रायप्पहाणपुरिसे जयधम्मो अणुवसंतम्मि ॥७११॥  
 रज्जम्मि को वि अन्नो अहिसिच्चइ नेय एस मे बुद्धी । अन्नह सो सव्वस्स वि करिही वंसस्स उच्छेयं ॥७१२॥  
 तस्सोवसमोवाओ मतिज्जउ को वि तो महापुरिसा । उवविट्ठामंतणए भणंति नियनियमभिप्पायं ॥६१३॥  
 के वि पभणंति पूया कारिज्जइ देवयाण पइदियहं । जह ताण पभावेणं न किं पि सो सक्केए काउं ॥७१४॥  
 अन्ने भणंति जुत्तं एयं कीरउ इमं पि तावेवकं । होमाइसंतिकम्मं कारिज्जउ तह दुइज्जपि ॥७१५॥  
 एगे भणंति कीरउ एयं उभयं पि किं तु तइयंपि । दुत्थिय-दीणाणाहाइयाण दाविज्जए दाणं ॥७१६॥  
 अवरे वयति तिसि वि कीरंतु इमाइ कित्तु धवलहरं । एयं परिच्चइज्जइ चिरंतण एत्थ परिचत्ते ॥७१७॥  
 जइ पुण सो न पकुप्पइ तत्तो अन्नत्थ कत्थ वि पएसे । कारेउं पासायं ठाविज्जइ तत्थ नवराया ॥७१८॥  
 अन्ने जंपति जहा नयरनिवेसो वि अन्न ठाणम्मि । कीरउ कोवोवसमो विसेसओ तस्स जह होइ ॥७१९॥  
 सुव्वइ सत्थेसु वि एरिसं जहा देवया विसेसेहिं । उव्वासियाइ पुव्वं नयराइं कहिं चि कुविएहिं ॥७२०॥  
 तो तन्नयरनरिदा अन्नयरट्ठणठविनयरसु । रज्जं निरुव्वइवमायरंति सुइरं निरासंका ॥७२१॥  
 इय एवमाइनियनियभावेसु पयासिएसु सव्वेहिं । तेहिं तओ नियभावं पभासए सूरखयरिदो ॥७२२॥  
 सव्वेहिं वि तुब्भेहिं भणियमिणं संगयं परं कित्तु । एवं पि कीरमाणे जयधम्मसुरस्स हिययाओ ॥७२३॥  
 रोसो न ओसरंतो संभाविज्जइ जओ स जणयस्स । अहिगारिणो वि रज्जं न जायमन्नेण संगहियं ॥७२४॥  
 तेणेस तस्स वंसे रज्जं काउं न देइ कस्स विय । धवलहरे नयरे वा अन्नम्मि वि कयनिवासस्स ॥७२५॥  
 जइ ठाण-पडिबंधस्स कारणेणं हवेज्ज सो कुविओ । तो ठाण-परिच्चाए एसो कोवं परिच्चवइ ॥७२६॥  
 देवय-पूयाईहिं वि पडिहम्मइ नेय तस्स सामत्थं । जेणेस अनाण-तवं तिव्वं काउं सुरो जाओ ॥७२७॥  
 तो मज्झ इमा बुद्धी कुमारजयधम्मसतिया पडिमा । कारेउं अहिसिच्चओ रज्जे सीहासणे ठविउं ॥७२८॥  
 अत्थाणम्मि वि मुच्चउ तं पणमेउं जणो समग्गो वि । तत्थ निसीयउ तस्स उ आणा भामिज्जए देसे ॥७२९॥  
 छट्ठे मासम्मि तओ दट्ठूं एत्थागओ नियं पडिमं । उवसमिउं जइ जंपइ जयधम्मसुरो इमं कह वि ॥७३०॥  
 उवसंतो मह कोवो इहिं एयम्मि रायवंसम्मि । अज्जपभिइं कस्स वि उवहवं नो करिस्सामि ॥७३१॥  
 तो अन्नो अहिसिच्चइ रज्जे इह कोवि होइ जइ जोग्गो । अह एवं नो जंपइ तो रज्जं वहउ एमेव ॥७३२॥



सेसो सब्बो वि जणो नियनियअहिगारमायरउ एगो । कीरउ पमाणपुरिसो जस्सायत्तं वहइ ॥७३३॥  
 रायालंकारो पुण कायव्वो तीए चेव पडिमाए । सब्बेहि वि पडिवन्नं तं वयणं तह कयं च तओ ॥७३४॥  
 सूरुो वि कंचणपुरे पेसेउं खेयरे कहावेइ । कोसलपुरवुत्तंतं सयं पडिक्खेइ तत्थेव ॥७३५॥  
 छम्मासाणं अंते जयधम्मसुरो वि देइ उवओगं । रज्जम्मि तम्मि पुणरवि तो पेच्छइ तत्थ निय पडिमं ॥७३६॥  
 कारिज्जतिं रज्जं उवसंतमणो उवेइ तो तत्थ । पच्चक्खो होऊणं सूरुाज्जणं इमं भणइ ॥७३७॥  
 कोवो मए वि मुक्को संपइ जो कोवि तुम्ह पडिहाइ । सो कुणउ एत्थ रज्जं मह पडिमं ठवह अन्नत्थ ॥७३८॥  
 सा पइदिणं पि रत्ता पूएयव्वा य पणमियव्वा य । तस्स कुणंतस्स इमं उवद्वं नो करिस्ससामि ॥७३९॥  
 सब्बेहि वि पडिवन्नं जयधम्मसुरस्स तं तहावयणं । आरोविऊण हत्थे सिरिम्मि तह सो पणमिओ य ॥७४०॥  
 सट्टाणम्मि गओ सो जयधम्मसुरो अदंसणी होउं । मइसागरपमुहेहि रज्जकए पत्थिओ सूरुो ॥७४१॥  
 तेण निसिद्धं एयं भणियं च अहं वयं करिस्सामि । तो भुवणपालपुत्तं जेट्टं रज्जे ठवह तुब्भे ॥७४२॥  
 तस्साएसेण तओ तेहि सुओ भुवणपालरायस्स । रज्जम्मि भुवणसीहो अहिसित्तो गुरुविभूईए ॥७४३॥  
 विहियं वद्धावणयं सब्बेसु वि गाम-नगर-देसेसु । सूरुो तमणुन्नविउं वेयड्डनगे सयं पत्तो ॥७४४॥  
 कणयद्धयस्स वत्तं कहिउं कंचणउरम्मि नथरम्मि । विक्कमसीहं नामेण विनयसुयं ठवइ रज्जम्मि ॥७४५॥  
 एत्थंतरम्मि पत्तो तत्थेव य भुवणतुंगमणिनाहो । पासम्मि तस्स गहिया सूरनरिदेण तो दिक्खा ॥७४६॥  
 सिक्खियजइ किरिओ सो वारसअंगाई पाढिओ गुरुणा । पुव्वाणं गुणणत्थं सोहं एत्थागओ इन्हि ॥७४७॥  
 एत्तो पुरओ सुरभद्वेइए चिट्ठए समोसरिओ । सूरुी वि भुवणतुंगो मम धम्मगुरू सपरिवारो ॥७४८॥  
 अह हरिसवसुव्विभज्जंतवहलपुलओ मुणिं पणमिऊण । सिक्केऊ जंपइ सीसनिहियकरसंपुडो एवं ॥७४९॥  
 भयवं ! महापसाओ एस कओ अज्ज मज्झ तुम्हेहि । जं नियचरियं कन्नंतरम्मि पक्खित्तममयं व ॥७५०॥  
 संपइ पुणो पसायं काऊण पयच्छ पुव्वपडिवन्नं । पव्वज्जं पहु मह सब्बदुक्खसंदोहनिदलणं ॥७५१॥  
 अह भणइ सूरसाहू गुरुम्मि संते समीवदेसम्मि । दाउं परस्स दिक्खा न कणए अम्ह सयमेव ॥७५२॥  
 पुण भणइ माहणसुओ सूरमुणिं तेसु तस्स वि समीवे । नियगुरुणो मं दिक्खेइ जह इमो कुणसु तह सिग्घं ॥७५३॥  
 तो भणइ सूरसाहू जइ तं नियमाइ-पिउसमीवाओ । मं भाणसि जह एयं तुब्भे दिक्खेह मह पुत्तं ॥७५४॥  
 तो सिक्केऊ पभणइ माइ-पिईणं अहं असुहगारी । गहियम्मि वयम्मि मए भविस्सए ताण मणतुट्ठी ॥७५५॥  
 ता मा करेह संकं मह माइ-पिईणं संतियं तुब्भे । दावेह वयं सिग्घं करेह मा एत्थ विक्खेवं ॥७५६॥  
 तो सूरमुणी पभणइ पियराणं जइ तुमंसि असुहकरो । दाहितिं ज्जत्ति सइं तुह वयगहणम्मि तो ताइं ॥७५७॥  
 तो सिक्केऊ जंपइ भयवं जं कि पि आयसह तुब्भे । तं चिय मज्झ पमाणं इय भणिऊणं मुणिं नमिउं ॥७५८॥  
 नियमंदिरम्मि वच्चइ सूरुो वि मुणी समुट्ठिउं तत्तो । गंतुं गुरुणो साहइ तं वुत्तंतं दियसुयस्स ॥७५९॥  
 तयणुन्नाओ पच्छा नियकरणज्जेसु वावडो होइ । सिक्केऊ वि सगेहे गंतुणं गरुयविणएण ॥७६०॥  
 पणिवइऊणं अम्मा-पिऊणं चलणेसु मउलियकरगो । विन्नवइ जहा तुब्भे अणुजाणहं मं वयग्गहणे ॥७६१॥  
 तं पडिभणति ताइं कुविआइं जहा तुमं न थाणासि । अप्पाणं एमेव य वयगहणमणोरहं कुणसि ॥७६२॥  
 अन्ने च्चिय ते पुरिसा जेहि वयं कीरए सुधीरेहि । ता चिट्ठसु तुग्गिक्को कि अप्पाणं विगोवेसि ? ॥७६३॥  
 सिक्केऊणा पभणियं अज्ज व कल्लो व तम्मि समयम्मि । भोयणमहं करिस्सं जम्मि तुमे मं विसज्जिहिह ॥७६४॥

तो पयरेहि अबलाए गमियमेयस्स जंपियं एयं । तं दियहं सव्वं पि हू तो सिवकेऊ ठिओ छुहिओ ॥७६५॥  
 बीयम्मि दिणे भणिओ पियरेहि भोयणस्स करणत्थं । सिवकेऊ तो जंपइ जइ मं मुंचह वयं गहिउं ॥७६६॥  
 पियराइं तस्स मोणं काऊण ठिप्राइं तो खणं एणं । अह सिवकेऊं पुच्छंति ताइं कि गिन्हिसि वयं तं ? ॥७६७॥  
 सो भणइ सियवडाणं पासम्मि अहं वयं गहिस्सामि । तप्पियरेहिं भणियं कुविएहिं तओ इमं ज्जित्ति ॥७६८॥  
 जइ भरसि छुहाए तुमं एवं चिय संठिओ तहवि अम्हे । सुद्दाण सियवडाणं पासम्मि तुमं न मुंचामो ॥७६९॥  
 जइ वि तुह नत्थि लज्जा भट्टस्स तहावि लज्जिमो अम्हे । माहणकुलसंभूयसुद्दाण तुमं समप्यंता ? ॥७७०॥  
 तो पभणइ सिवकेऊ मोत्तूणं मच्छरं विचारह । जइ तुम्भे तो जाणह जमंतरं विप्प-सुद्दाण ॥७७१॥  
 तो भणइ विस्सभूई सिवकेऊं मुक्कमच्छरा अम्हे । कायव्वम्मि वियारे तो दिय-सुद्धंतरं कहसु ॥७७२॥  
 तो सिवकेऊ पियरं पभणइ जं ताय ! कहसु ताव तुमं । बंभणजाईमेत्तं तुम्ह पमाणं किरियरहियं ॥७७३॥  
 किरिया पमाणमहवा जइ जाई केवल च्चिय पहाणा । तो मंसासी सुरपाणगो य गो-इत्थि व्हगो य ॥७७४॥  
 माहणजाओ पुत्तो तुम्हाणं पूयणिज्जपयजुयलो । अह किरिय च्चिय पुज्जा तो जाइअसग्गहं मुयह ॥७७५॥  
 कत्थ विय जत्थ पासह किरियं तं माहणं व सुद्धं वा । पूएह भत्तिसारं कुविअप्पेहिं किमन्नेहिं ॥७७६॥  
 तो भणइ विस्सभूई सियंवरेंसुं न विज्जए किग्गिया । वेयज्जयणं संज्जाए वंदणं न्हाण-हणणाइ ॥७७७॥  
 तो सिवकेऊ पभणइ पियरं अह जा वि मा वि तुह किरिया । कि ताय पूयणिज्जा कि वा धम्मणेण संजुत्ता ? ॥७७८॥  
 जइ ताव पढमपक्खो तो गळ्ळय-छिपयाइ-पयइजणो । सव्वो वि पूयणिज्जो जं सो अि करेइ निय किरियं ॥७७९॥  
 अह धम्ममई किरिया तुम्ह मया न उण किरियमेत्तं पि । तो पढमं चिय धम्मो जाणिज्जउ सेय-पीओ वा ॥७८०॥  
 धम्मम्मि निच्छिद्यम्मि सत्थज्जयणाइयं अणुद्दाणं । परिभाविज्जउ सव्वं निउणमईए नियमणम्मि ॥७८१॥  
 सो जत्थ जत्थ जायइ धम्मो तं तं पमाणमिह सव्वं । जत्थ पुण तस्स हाणी जायइ तं नूणमपमाणं ॥७८२॥  
 धम्मो त्ति नाममेत्तं तुम्भे जाणह न तस्स परमत्थं । एमेव परं निदह अयाणमाणा मयवसेण ॥७८३॥  
 तो विस्सभूइविप्पो सुयस्स वयणेहिं अइपगब्भेहिं । सावट्टं भेहिं य नियमणम्मि संकाउलो जाओ ॥७८४॥  
 पभणइ पुत्तं अम्हे जइ जाणामो न धम्मपरमत्थं । ता अवक्खेहिं तुमं चिय जो जाणइ पुच्छियव्वो सो ॥७८५॥  
 तो सिवकेऊ पभणइ सुणेहिं अक्खेमि धम्मसव्वस्सं । जं अत्थि मए निसुयं मुणिणो नाणिस्स पासम्मि ॥७८६॥  
 एयं धम्मरहस्सं जं किर हिंसा असेसजीवाणं । थूलाण य सुद्दामाण य उप्पाइज्जइ न थेवावि ॥७८७॥  
 अह विस्सभूइविप्पो जंपइ जह अम्ह दंसणे वि इमा । हिंसा विणिवारिज्जइ दूरं सुइ-सइ-पुराणेसु ॥७८८॥  
 पुण सिवकेऊ पभणइ वारिज्जइ केवलं चिय वईए । तुम्हं मयम्मि हिंसा रक्खिज्जइ न उण काएण ॥७८९॥  
 जं जन्नेसु पसूणं कीरइ घाओ बहुप्पयाराण । जो कुणइ खणद्धेण य दाहं सयलस्स नयरस्स ॥७९०॥  
 सो बहुजीवखयकरो तप्पिज्जइ हुयवहो घयाईहिं । तह जीवाण सरूवं न नज्जए नेय हिंसाए ॥७९१॥  
 कइविहभेया जीवा तेसिं काइं व जोणि ठाणाइं । कइ इंदियाइं के सिकेसिं वा केत्तियं आउं ? ॥७९२॥  
 तह कइ भेया हिंसा रक्खिज्जइ केण सा उवाएण ? । इच्चाइ सरूवं तुम्ह किंचि न कहिज्जए सत्थे ॥७९३॥  
 तं चिय कहेह तुम्भे जेण हवइ अप्पणो कुडुंबस्स । इहलोए निव्वाहो विउलो वावारविरहे वि ॥७९४॥  
 दिज्जंति माहणाणं गामागर-पट्टणाइं पवराइं । धवलहराइं काराविऊण वित्थिन्नतुंगाइं ॥७९५॥  
 घण-धन्नसमिद्धाइं मुसलुवखल-सिल-धरट्टपमुहेहिं । सव्वेहिं चिरच्छेहिं जुयाइं सेज्जासणेहिं ॥७९६॥  
 तह वाहणाइं सेज्जा-वालय पमुहाइं जुत्तवसहाइं । जच्चतुरंगा पल्लाणकवियआहरणसंजुत्ता ॥७९७॥

तक्कालपसविणीओ खुराइयाओ सुखीरगावीओ । जुत्तहलाइं तक्कालखेतखणणक्खमाइं च ॥७९८॥  
 कप्पास-लोह-तिल-धेणु-हेममयगावि भूतुला पुरिसा । मयसेज्जा-भज्जापभिइयाइं एवं भणह तुब्भे ॥७९९॥  
 लुद्धेहि धुत्तेहि परुवियाइं इमाइं दाणाइं । पडिवन्नाइं धम्मत्थिएहि मूढेहिं ताइं पि ॥८००॥  
 एएसिं दिन्नाणं दायारजणस्स होउ जं किं पि । फलमसुहं व सुहं वा न तत्थ चित्ता वि भेअत्थि ॥८०१॥  
 नियकज्जसिद्धिचिन्ता एकक्कच्चय वसइ तुम्ह चित्तम्मि । परमत्थओ उ तुम्ह वि न कज्जसिद्धी तहा अत्थि ॥८०२॥  
 एरिसदाणाइं जओ गिण्हंताणं च दितयाणं च । सोक्खं मुहुत्तमेत्तं दुक्खं तु निरंतरं पुरओ ॥८०३॥  
 अहं विस्सभूइविप्पो सविम्हओ संकिओ सुयं भणइ । लिताण य दितान थ खणमेत्तं चि य सुहं होउं ॥८०४॥  
 पुरओ दोण्हं पि निरंतरं पि उप्पज्जए महादुक्खं । एयं जं वयसि तुमं विवारिऊणं कहमु तं मे ॥८०५॥  
 सिक्केऊ आह तओ धणलाहकयं सुहं इह भवम्मि । गिण्हंताणं तुच्छं संपज्जइ ताय तुम्हाणं ॥८०६॥  
 उद्धं तु निग्गुणेहिं जं गहियं परधणं विमोहेउं । तस्सणुभावेण भवे भवे य दुहिया भवह तुब्भे ॥८०७॥  
 तद्दाणदायगा पुण तस्सणुभावेण परभवे किं पि । पावाणुबधिपुत्तण्णभावओ सोक्खमणहुविउं ॥८०८॥  
 दीहरसंसारदुहाण भायणं ते हवंति हु वराया । तेहिं जमसुद्धदाणं दिन्नमसुद्धम्मि पत्तम्मि ॥८०९॥  
 पुण विस्सभूइविप्पो पुच्छइ पुत्तं जहा तुमं वच्छ ! । दाणस्स य पत्तस्स य सुद्धिमसुद्धि च मे कहमु ॥८१०॥  
 अहं सिक्केऊ जपइ तं दाणं होइ ताय ! इह सुद्धं । जं सयमदुक्खियं न य जणेइ दुक्खं परस्सावि ॥८११॥  
 न कयं न य कारवियं जं कीरंतं पि नेय अणुनायं । भण-वाया-काएहिं तं फासुयमेसणिज्जं च ॥८१२॥  
 वसही-वत्थं पत्तं कंबल-भेसज्ज-भत्त-पाणाई । अइसयसुद्धं दाणं गिण्हंताणं च देताणं ॥८१३॥  
 गो-वसह-आसपमुहं दाणं सयमेव खुह-तिसाईहिं । होइ सदुक्खं तह परजणस्स उप्पायए दुक्खं ॥८१४॥  
 सिंगेहिं पट्टुयाहिं य पहगमणे कीडियाइ भलणेण । चरइ सचित्तं हरियं सपुयरं पियइ पाणीयं ॥८१५॥  
 लंगलपभिइयं पुण सयं अदुहियं पि कुणइ परदुक्खं । भूफालण-पीसण-कंडणेहिं निहणेइ पाणिगणं ॥८१६॥  
 पत्तं पि हु त्तं सुद्धं जं वज्जियसव्वपाववावारं । चत्तघरघरिणी विहवं विरत्तचित्तं भवसुहाओ ॥८१७॥  
 कोहो माणो माया लोभो चउरो वि निज्जिया जेण । निग्गहियाइं तह इंवियाइं पंच पि अइवलाइं ॥८१८॥  
 जं सव्वे वि हु जीवे रक्खइ निय जीवियं व जत्तेण । सुहुमं पि अलियवयणं न भणइ न य गिण्हइ अदित्तं ॥८१९॥  
 पालेइ बंधचेरं संजुत्तं नवाहि बंभगुत्तीहिं । एवंविहुमुवएसं देइ परस्स वि जहाजोगं ॥८२०॥  
 कहिय गुणाणं मज्जे एक्को वि गुणो न अत्थि तुम्हाणं । अज्ज वि एस विसेसो जं दूसह परमदोसं पि ॥८२१॥  
 अप्पाणं तु पसंसह दोसेहिं सन्नियं पि अइदूरं । सेयं वरा य एए पुव्वुत्तेहिं गुणेहिं जुया ॥८२२॥  
 जे उयरस्स वि कज्जे न करेति न कारवेति आरंभं । घर-खेत्ताईणं पुण चिट्ठउ दूरम्मि आरंभो ॥८२३॥  
 सकुडुंबकए रद्धं अन्नं जं होइ इह गिहत्थेहिं । तम्मज्जाओ थवं थवं गिण्हंति ते भमिउं ॥८२४॥  
 तह अत्तणो निमित्तं परेहिं निष्फाइयाण गेहाण । मज्जाओ मग्गेउं किं चि वि गेहं निराबाहं ॥८२५॥  
 निवसंति तत्थ केत्तियमित्ते वि दिणे ममत्तपरिमुक्का । लद्धे वि अलद्धे वि य थुइ-अक्कोसे वि समचित्ता ॥८२६॥  
 एरिसयाण वि तुब्भे गिण्हह दोसे अविज्जमाणे वि । न मुणह दोसे गरुए वि अप्पणो चिट्ठमाणे वि ॥८२७॥  
 इय दोसपसंगाओ गुणविरहाओ दिया न य सुपत्तं । सुद्धत्तमसुद्धत्तं इय नेयं दाणपत्ताण ॥८२८॥  
 तो विस्सभूइविप्पो सुयस्स वयणेहिं तेहिं निउणेहिं । मुयइ मणागं पि मयं मणम्मि विम्हयपरो तत्तो ॥८२९॥  
 सवित्सेजायसद्धो भणइ सुयं मज्ज संपयं कहमु । जीवाईणं सरूवं सिक्केऊ भणइ तो पियरं ॥८३०॥

जइ एयं जाणेउं तुम्ह समीहा मणम्मि विप्फुरइ । तो सूरसाहुपासे मए समं एह लहु तुम्भे ॥८३१॥  
जह नाणदिणयरो सो संसयतिमिरं हरेइ तुह सव्वं । तो भणइ विस्सभूई सुयं जहा लघिओ सि तुमं ॥८३२॥  
ता कि पि भोयणं कुण इन्हि तु मए समं जह मुणिस्स । पासम्मि तस्स जामो तो पियरं भणइ सिवकेऊ ॥८३३॥  
पढमं पि मए विहिया ताय पइन्ना इमा पुरा तुम्ह । जह किर वयगहणत्थं तुम्हेहि अहं अणणुनाओ ॥८३४॥  
पाणीयं मोत्तूणं गिन्हिस्सं नेय सेसमाहारं । तो विस्सभूईविप्पो सुएण सह जाइ मुणिपासे ॥८३५॥  
सूरमुणी वि अणुत्तं गुरुणो गहिउं असोयसाहिस्स । तस्सेव अहे चिट्ठइ सित्तानिविट्ठो तह च्चेव ॥८३६॥  
तो सिवकेउं दट्ठुं सूरमुणी भणइ भुवणत्तंगपट्ठुं । पढमं चिय गंतूणं वंदह तो सेस साहू य ॥८३७॥  
सिवकेऊणा तह च्चिय तं वयणं सूरसाहुणो विहियं । थंभियकाओ व्व ठिओ थद्धो उण विस्सभूईदिओ ॥८३८॥  
पच्छा आगंतूणं सूरमुणि वंदिऊण सिवकेऊ । उवविट्ठो तस्स पुरो हत्थुस्सेहं करेऊण ॥८३९॥  
उवविसइ विस्सभूई वि तत्थ तो जोडिऊण करजुयलं । सिवकेऊ भणइ मुणि पुरोहिओ एस मह जणओ ॥८४०॥  
जीवाईण सरूवं तुम्ह समीवम्मि वंछए नाउं । तो गंभीरसरेणं सूरमुणी कहिउमाढत्तो ॥८४१॥  
अइवित्थरेण महया जीवाइसरूवमगओ तस्स । जीवाइणो पयत्था इहकहिया नव जिणिदेहि ॥८४२॥  
जीवा-जीवा पुत्तं पावा-सव-संवरा य निज्जरेणा । बंधो मोक्खो य इमे विन्नायव्वा नव पयत्था ॥८४३॥  
इग-दु-ति-चउ-पंचिदिय-भेयाजीवा उ तत्थ पंचविहा । पढममिह बेमि इंदियनामा गिइमाणविसयाई ॥८४४॥  
फासं रसणं घाणं चक्खू-सोयं च होति नामाई । दव्विदिय-भाविंदीयभेया दुविहं तमेक्केक्कं ॥८४५॥  
निव्विती उवगरणं उभयं दव्विदियं मुणेयव्वं । बहिअंतो भेएणं निव्विती वि हु दुहा नेया ॥८४६॥  
बहि निव्विती सोइंदियस्स जह कन्न-सक्कुली पमुहा । तह चक्खुप्पभिईण वि निव्विती नियनिया नेया ॥८४७॥  
अंतो निव्विती पुण केवल दिट्ठा अइंदिया नेया । सोइंदियस्स एसा कयं व कुसुमागिई होइ ॥८४८॥  
चक्खुस्स मसूरसमा घाणस्स अइमुत्तकुसुमसारिच्छा । रसणिदियस्स अंतो निव्विती पुण खुरूपसमा ॥८४९॥  
नाणागारं फासिदियं तु वाहल्लओ य सव्वाइ । अंगुलअसंखभागं एमेव पुहत्तओ नवरं ॥८५०॥  
अंगुलपुहत्तरसणं फरिसं तु सरीरवित्थडं भणियं । उवगरणं पुण नियनिय विसयगहणम्मि सामत्थं ॥८५१॥  
जह छेयसत्ति असिणो जलणस्स व डहणसत्ति तह एयं । लद्धी तह उवओगो उभयं भाविदियं नेयं ॥८५२॥  
कम्मखओवसमो लद्धी तग्गयचित्तत्तणं तु उवओगो । जोयणवारसगाओ सइं सोइंदियं सुणइ ॥८५३॥  
रुवं पासइ चक्खू जोयणलक्खाओ साइरेगाओ । गंधं रसं च फासं जोयणनवगाओ सेसाई ॥८५४॥  
गिन्हंति जहन्नेणं सविसयमंगुलअसंखभागाओ । चउइंदियाइं चक्खू पुण अंगुलसंखभागाओ ॥८५५॥  
एगिदियम्मि फासं विइंदिए तं दुइज्जयं रसणं । तेइंदियम्मि तइयं नायव्वं होइ घाणं तु ॥८५६॥  
चउरिदिए चउत्थं चक्खू पंचिदियम्मि पंचमयं । नायव्वं सो सोइंदियमिन्हि इंदियपहू वोच्छं ॥८५७॥  
पुढवी-जल-जलणा-निल-तरुणो एगिदिया मुणेयव्वा । किमि-संख-जलूगा-लस-माइवहाई य बेइंदी ॥८५८॥  
कुंथु-पिविलीय-पिसुया-जूया-उइहिया य तेइंदी । मच्छय-मसग-पयंगा-विच्चुय-भमराइ चउरिदी ॥८५९॥  
पंचिदिया य नारय-तिरिय-मणुस्सा-मरेहिं चउभेया । रयणप्पभाइ भेया सत्तविहा तत्थ नेरइया ॥८६०॥  
रयणप्पह-सक्करपह-वालुयपह-पंक-धूमपहनामा । छट्ठी तमप्पहा तमतमप्पहा सत्तमी पुढवी ॥८६१॥  
थलयर-जलयर-नह्यरभेया तिंविहा हवतिं तेरिच्छा । तत्थ गिलोइय-मूसग-गो-महिसाई य थलचारी ॥८६२॥  
कच्छव-मच्छा मयरा इच्चाई जलयरा बहुपयारा । हंस-बलाया-सारस-सुय-सारियपमुहनहचारी ॥८६३॥

नरतिविहकम्मभूमि य अकम्मभूमि य अंतरदीवा । भवण-वंतर-जोइ-वेमाणिया भेया चउविहा देवा ॥८६४॥  
 असुरा नागा विज्जू सुवल्ल-अग्गीय-वाउ-थणिया य । उदही दीवदिसाविय दस भेया भवणवासीणं ॥८६५॥  
 भूय-पिसाया जक्खा य रक्खसा किन्नरा य किं पुरिसा । महोरगा य गंधवा अट्टविहा वाणमंतरिया ॥८६६॥  
 चंदा तह आइच्चा गहा चउत्था य होति नक्खत्ता । तारा जोइसिया इय पंचविहा होति नायव्वा ॥८६७॥  
 कप्पोवग-कप्पाइगभेया वेमाणिया भवे दुविहा । कप्पोवगवारसहा कप्पाइग होति दुवि भेया ॥८६८॥  
 सोहम्मीसाण सणकुमार-माहिंद-वंभलंतगया । सुक्क-सहस्साराणय-पाणय तह आरणच्चुयया ॥८६९॥  
 इय कप्पोवग-वारस-गेवेज्जअणुत्तरा दुहा इयर । गेवेज्ज तत्थ तिविहा हेट्टिम-मज्झिमुवरिमभेया ॥८७०॥  
 पत्तेयमिमे तिविहा हेट्टिमहेट्टिमगमाइभेएण । हेट्टिमहेट्टिम १ हेट्टिममज्झिमगं २ हेट्टिमोवरिमं ३ ॥८७१॥  
 मज्झिमहेट्टिम मज्झिममज्झिमगं मज्झिमोवरिमगं च । उवरिमहेट्टिम उवरिममज्झिमगं उवरिमोवरिमं ॥८७२॥  
 विजयं च वेजयंतं जयंतमपराजियं च सब्बट्टं । एवं विमाणभेया अणुत्तरा होति पंचविहा ॥८७३॥  
 पुढवि-दगागणिमारुय-एक्केक्के सत्तजोणिलक्खाओ । वणपत्तेय-अणंतं दस-चोदस-जोणि-लक्खाओ ॥८७४॥  
 वि-ति-चउरिंदिसु दो दो चउरो चउरो य नारय-सुरेसु । तिरिएसु होति चउरो चोदस-लक्खा य मणुएसु ॥८७५॥  
 इय पुढविकाइयाई पंचाणुत्तरसुरावसाणाणं । सर्वेस जीवाणं चुलसीई जोणिलक्खाई ॥८७६॥  
 संजायइ एगिंदिय-नेरइय-सुराण संवुडा जोणी । विगिंलिदियाण वियडा गब्भभवाणं उभयरूवा ॥८७७॥  
 सुरनारयाण जोणी होइ अचित्ता वि मीसिया गब्भे । सेसाण तिहा जोणी सीओसिणा नारय-सुराण ॥८७८॥  
 तह गब्भयाण तेउक्काए उसिणा तिहा उ सेसाणं । मणुया पणिदित्तिरिया गब्भयसेसा अगब्भभवा ॥८७९॥  
 बारस-सत्त-तिसत्तय-सत्तट्टय-नव य अट्टवीसं व । कुलकोडिलक्खभू-जल-जलणा-निलविगलहरियाणं ॥८८०॥  
 अट्टत्तेरस-बारस-दस-दस य नवट्ट-वीस-पणुवीसा-जलयर-पक्खि-चउप्पय-उर-भुयचर-देव-निरयाणं ॥८८१॥  
 कुलकोडिलक्खबारसनराण कुलकोडि सब्ब एगत्ते । एगा कोडी सत्ताणवई लक्खाई सड्डाई ॥८८२॥  
 पुढवी-जल-जलणा-निलसरीरमंगुलअसंखभागमियं । जोयणसहस्समहियं वणस्सईणं हवइ देहं ॥८८३॥  
 सामनेणं एयं एत्थ इयाणिं तु भल्लइ विसेसो । वणस्सइकाओ दुविहो पत्तेय-अणंतभेएण ॥८८४॥  
 तत्थ य अणंतकाइयसरीरमंगुलअसंखतमभागे । तह वाउकाइयाण वि तेत्तिय मेत्तं चिय सरीरं ॥८८५॥  
 तत्तो असंखगुणियं तेउसरीरं तथो असंखगुणं । दगदेहं तत्तो वि य असंखगुणियं पुढविदेहं ॥८८६॥  
 जोयणसहस्समहियं पत्तेयवणस्सईणं विल्लेयं । तं च समुद्दाइसुवल्लिकमलनालाइनायव्वं । ८८७॥  
 संखाईणं वेइंदियाण बारस उ जोयणा देहं । मंकोडयाइतेइंदियाण कोसत्तियं देहं ॥८८८॥  
 भमराइणं चउरिंदियाण देहं तु जोयणपमाणं । पंचिंदिएसु नारयदेहं पढमाए पुढवीए ॥८८९॥  
 सत्त-धणु-तिन्नि-रयणी छ अंगुला दुगुणदुगुणमेयं पि । सेसपुढवीसु नेयं जा पंचधणुस्सया अंत ॥८९०॥  
 तिरिएसु थलयरेसुं उरगा जोयणसहस्सदीहतणू । इइ गब्भयाण माणं इयराणं जोयणपुहत्तं ॥८९१॥  
 गब्भयचउप्पयाणं छगाउयाइं सकीरपरिमाणं । सम्मुच्छिमाण तेसिं तं जायइ गाउयपुहत्तं ॥८९२॥  
 जलचारिसु मच्छाणं सम्मुच्छिम-गब्भयाण य सरीरं । जोयण सहस्समाणं पक्खिसु दोसु वि धणु  
 पुहत्तं ॥८९३॥  
 कम्मा-कम्ममहीसुं उक्कोसेणं तिगाउया मणुया । गब्भभवा अंतरदीवयाउ अउधणुसया यामा ॥८९४॥  
 सम्मुच्छिममणुयाणं सरीरमंगुलअसंखतमभागे । ते गब्भयमणुयाणं सोणिय-सुक्काइसु हवति ॥८९५॥

भवणवइ-वाणमंतर-जोइसियसुराण होइ सव्वेसिं । रयणीओ सत्ततणू सोहम्मीसाणयाणं पि ॥८९६॥  
 एककेक्कहाणि सेसे दु दुगे य दुगे चउक्कए चेव । गेवेज्जे रयणिदुगं अणुत्तरा एगं रयणितणू ॥८९७॥  
 बावीससत्ततिन्नि य दसवाससहस्स होइ परमठिई । भू-जल-वाउ-वणाणं जलणस्स उ तिन्निऽहोरेत्ता ॥८९८॥  
 पुढवाईया पंच वि सुहुमा वि हवति सव्वलोगया । अंतमुहुत्ताठिईया अंगुलअस्संखभागतणू ॥८९९॥  
 एसु वणस्सइकाओ अणंतओ चेव न उण पत्तेओ । ब्राहिज्जंति न केणइ न वाहगा कस्स वि इमे वि ॥९००॥  
 वासा वारसअउणा पन्नअहोरेत्तमासच्छकं च । वि-ति-चउरिदिय-आउं संखाइसु वासवारसगं ॥९०१॥  
 पंचिदिएसु रयणाइपुढविनेरइयठिइकमाअयरा । एगं ति सत्त-दस-सत्तरे व बावीस-तेत्तीसा ॥९०२॥  
 वीयाइपुढविच्छक्के मोत्तुं तेत्तीस सा जहन्नठिई । दसवाससहस्साइं जहन्नठिइ होइ रयणाए ॥९०३॥  
 तिरिएसु अलररेसुं गव्भुवभवचउपयाण पलियतिगं । सम्मुच्छिमाण चुलसीवाससहस्सा ठिई तेसिं ॥९०४॥  
 गव्भयउरगाणं पुव्वकोडिसम्मच्छिमाण तेवन्नं । वाससहस्सा गव्भयभुयगाण वि पुव्वकोडी उ ॥९०५॥  
 सम्मुच्छिमाण तेसिं वाससहस्सा हवति वायाला । मच्छाइजलयराणं उभयाण वि पुव्वकोडीओ ॥९०६॥  
 गव्भयपक्खिसु पलिया संखविभागो सम्मुच्छिमेसु पुणो । तेसु ठिई बावत्तरिवाससहस्सा मुणेयव्वा ॥९०७॥  
 कम्मा-कम्मगमणुया तिपलियठिइणो उ अंतरदीवे । पलिया संखं सठिई अंतमुहुत्ता सम्मुच्छिमगा ॥९०८॥  
 भवणवईणं सागरमब्भहियं होइ वणयराणं तु । पलियं ठिइ दोन्ह वि दसवाससहस्सा जहन्नठिई ॥९०९॥  
 जोइससुराण पलियं सवासलक्खं तु पलियअडभागो । तेसिं पि जहन्नठिई विमाणवासीण तेत्तीसं ॥९१०॥  
 अयरा उक्कोसठिई जहन्नपलियं इमं तु ओहेण । भणियं भवणाईयणं इन्हि तु विसेसओ वोच्छं ॥९११॥  
 चमरस्स ठिई अयरं बलिणो तं अहियमुरगपभिईणं । जम्माण सड्डपलियं ऊणमुईणाण पलियदुगं ॥९१२॥  
 अट्टुअट्टपचमपलियाइं चमर-बलिविहूण ठिई । नवनागाइवहूणं पलियद्वं दाहिणिल्लाणं ॥९१३॥  
 देसूणमुईणाणं पलियं अह वंतरीण पलियद्वं । चंदाण ठिई पलियं सवासलक्खं रवीणं तु ॥९१४॥  
 पलियं वाससहस्सअब्भहियं पलियं गहाण एगं तु । नक्खत्ताण तयद्वं चउभागो तारगाणं तु ॥९१५॥  
 चंदाईण चउण्हं जहन्नठिइ होइ पलियचउभागो । ताराण अट्टुभागो देवीण ठिइं अओ वोच्छं ॥९१६॥  
 पलियद्वमद्वलक्खं वासाण ठिई मयंकदेवीणं । वाससयपणगसहियं पलियद्वं भाणुदेवीणं ॥९१७॥  
 पलियद्वमणूणसहियं गहदेवीणं चउत्थअडभागा । अहिया उक्कोसठिई देवीणं रिक्ख-ताराणं ॥९१८॥  
 चउ चंदाइवहूणं जहन्नठिइ होइ पलियचउभागो । तारगदेवीणं पुण नेओ पलियजट्टुभागो उ ॥९१९॥  
 दो१साहि२सत्त३साही४दह५चोदस६सत्तरे व७अयराइं । सोहम्मा जा सुक्को तदुवरि एककेक्क मारोवे ॥९२०॥  
 जावुवरिमगेवेज्जे इगतीसं सागराइं परमठिई । विजयाइसु इगतीसं जहन्नउक्कोसतेत्तीसं ॥९२१॥  
 सव्वट्टुम्मि विमाणे तेत्तीसं चेव सागराइं ठिई । अजहन्नअणुक्कोसा सेसजहन्नठिइं वोच्छं ॥९२२॥  
 पलियं१ अहियं२ दो अयरं३ साहिया४ सत्त५ दसय६ लंतगए । एककेक्कवुडिडसेसे जातीसं नवमगेवेज्जे ॥९२३॥  
 सम्मुच्छिमतिरियपणिदिया वि अमणापणुस्स तिरियाओ । गव्भयथी-पुम-अपुमा मुर-थी-पुमसेस अ पुमाओ ॥९२४॥  
 इय एगिदियमाईजीवा पंचिदियावसाणा य । सव्वे वि सभेयजुया होंति पजत्ता य अपजत्ता ॥९२५॥  
 सम्मुच्छिम मणुयां पुण अपजत्ता चेव ते विणस्संति । पज्जत्ती इह सत्ती ताहि जुया होंति पज्जत्ता ॥९२६॥  
 आहार१सरीरि२दियपज्जत्ती३आणुपाणु४भास५मणे६ । चत्तारिपंचच्छप्पियएगिदिय-विगल-सन्नीणं ॥९२७॥

धम्माधम्मागासा-पुग्गल-कालो य पंच वि अजीवा । पढमचउअत्थिकाया पुग्गलरूची न उण सेसा ॥१२८॥  
 धम्मो चराचरणं दव्वाणं गइ उवग्गहं कुणइ । ठाणोवग्गहकारी तेसि महम्मत्थि काओ उ ॥१२९॥  
 आगासं अवगासस्स दायगं तं अणंतयं नेयं । धम्माधम्मा दोन्नि वि लोगागासप्पमाणा उ ॥१३०॥  
 वन्न-रस-गंध-सह-फासाणं जीविद्यस्स मरणस्स । नीसासूसासाणं छायायव-मुह-दुहाईणं ॥१३१॥  
 इंदियगिज्जं जं किं पि वत्थु अन्नं पि अत्थि संसारे । सव्वस्स तस्सुवग्गहजणगा पोग्गलमयकखंधा ॥१३२॥  
 कालो समयाइअण्येभ्यभित्तो मणुस्सखेत्तगओ । चोदसरज्जुपमाणम्मि पुग्गला सव्वलोगम्मि ॥१३३॥  
 खंधा देसपएसा इय तिति भेया हवंति पढम तिए । परमाणु त्ति चउत्थो भेओ पुण पोग्गलाण भवे ॥१३४॥  
 समयसरूवो कालो एवमजीवा हवंति चोदसहा । नाणावरणं दंसणआवरणं वेयणीयं च ॥१३५॥  
 तह मोहणिज्जमाउं नामं गोयं च अंतरायं च । कम्मस्स अट्ट वि इमा मूलप्पयडीओ नायव्वा ॥१३६॥  
 पंच-नव-दोन्नि-छव्वीस-चउर-इग सत्तरि-दोन्नि-पंचेव । मूलपयडीण उत्तरपयडीओ इमाओ जह संखं ॥१३७॥  
 एयासि मज्जाओ नेयाओ पुन्न-पावपयडीओ । सायं उच्चागोयं सुरनरगईआणुपुव्विदुगं ॥१३८॥  
 तह पंचियजाईपंचसरीराइं अंगुवंगतिगं । संघयणं संठाणं दोन्नि वि एयाइं पढमाइं ॥१३९॥  
 वन्न-रस-गंध-फासा पवरा तह अगुह्लहपराधायं । ऊसासाऽऽयवउज्जोयसोहणा तह विहायगई ॥१४०॥  
 तसवायरपंज्जत्तं पत्तेयथिरं मुभं च मुभगं च । सुस्सरआएज्जसं तित्थयरं चेव निम्माणं ॥१४१॥  
 तिननि य आऊणि तहा बायालं होंति पुन्नपयडीओ । मइ-सुयओही-मणपज्जवेय-केवलनाणपणगस्स ॥१४२॥  
 आवरणाइं पंचउ निहाउ पंच चक्खु-अच्चक्खू । ओहीकेवलमेसि दंसणचउगस्स आवरणं ॥१४३॥  
 तह असुहवेयणीयं कोहो माणो य माय-लोभो य । चउरो इमे कसाया पत्तेयं होंति चउभेया ॥१४४॥  
 पढम अणंताणुबंधी अपच्चक्खाणा य पच्चखाणस्स । आवरणा संजलणा एवं सोलस इमे होंति ॥१४५॥  
 हास-रइ-अरइ-सोगा-भयं दुगुंछा य होइ छक्कमिणं । इत्थी-पुरिस-नपुंसगवेया तिननेव मिच्छत्तं ॥१४६॥  
 छव्वीसं पयडीओ मोहस्स इमाओ नरयआउं च । नरयगई तिरियगई तयाणुपुव्वीदुगं चेव ॥१४७॥  
 एगिंदियाइजाईचउमं संघयणमुसहनारायं । नारायमद्धनारायखीलिया तह य छेवट्ठं ॥१४८॥  
 संठाणं पुण नग्गोहमंडलं साइवामणं खुज्जं । हंडं पंचम-मसुहा वन्न-रसा-गंध-फासा य ॥१४९॥  
 उववायविहायगई असुहा तह थावरं च सुहुमं च । अपजत्तं साहारणमथिरं अमुभं च दुभगं च ॥१५०॥  
 दूसरमणएज्जं अजसक्तिनामं च नीयगोयं च । अह दाण-लाभ-भोगो-वभोगविरियंतरायं च ॥१५१॥  
 इय सव्वाओ इमाओ वासीइ होंति पावपयडीओ । इंदियपंच-कसाया-चउ पाणवहो मुसावाओ ॥१५२॥  
 अदिन्नगहणमेहणपरिग्गहाकाइया १ हिरणीया २ पाओसिय ३ परियावणि ४ पाणइवाईय ५ आरंभी ६ ॥१५३॥  
 परिग्गह ७ मायावत्तिय ८ मिच्छत्त ९ आपच्चखाण १० दिट्ठी य ११ । पुट्टिय १२ तह पाइच्चिय १३  
 समंतुग्गिवाइ १४ नेसत्थी १५ ॥१५४॥  
 साहत्थिय १६ आणवणी १७ विद्यारणी १८ अणवकंख १९ अणभोगा २० । पउगर २१ समुदाण २२ पेमा २३  
 दोसा २४ किरिया इरियवहिया २५ ॥१५५॥  
 इय णुवीसं किरिया तिननि य जोगा य मण-वयण-काया । इय बायालीसविहो कम्माणं आसवो होइ ॥१५६॥  
 समिई ५ गुत्ती ३ धम्मो १० अणुपेह १२ परीसहा २२ चरित्तं च ५ । सत्तावन्नं भेया षण्णतियभेयाइसंवरणे ॥१५७॥  
 अणसणभेयाइतवो बारसहा तेण निज्जरा होइ । कणगावलिभेया वा अहव तवोऽणेगहा भणिओ ॥१५८॥

पयइठिईअणुभागप्पएसभेया चउव्विहो बंधो । मिच्छत्ताइहेऊ सत्तावन्नं चउरभेयं ॥१५१॥  
 मोक्खो कम्माभावो संतपयाईहिं नवहिं दारेहिं । खेत्ताइभेयो वा ईहिसिद्धसरूवमवगम्मं ॥१६०॥  
 इय जीवाइसरूवे मुणिणा सव्वम्मि सवित्थरे कहिए । सो समहिगयतयत्थो पुच्छइ हिंसासरूवं तं ॥१६१॥  
 तो कहइ मुणी हिंसा तिविहा सव्वणुणा समक्खाया । पाणविणासो दुक्खुप्पायण महं संकिलसो य ॥१६२॥  
 इच्चाइतस्सरूवं सवित्थरं साहए मुणी तम्म । तं सोउं पडिबुद्धो पुरोहिओ विस्सभूई वि ॥१६३॥  
 पडिवज्जइ सम्भत्तं नमिऊणं सूरसाहुचरणेसु । सावथवयाइं गित्थइ तस्स समीवे दुवालस वि ॥१६४॥  
 तो उट्टिऊण पच्छा वंदइ सिरिभुवणतुंगमुणिनाहं । सेसे वि सव्वसाह तेण समं मूरसाह वि ॥१६५॥  
 गंतूण भुवणतुंगस्स सूरिणो चरणसन्निहाणम्मि । उव्विसइ तहं कहइ य तस्स सरूवं पुरो गुरूणो ॥१६६॥  
 अहं विस्सभूइविप्पो मउलियपाणी मुणीसरं भणइ । जहं एस मज्झ पुत्तो सिवकेऊ अम्ह उव्वयारी ॥१६७॥  
 तुम्ह पयउमपासे आणीया जेण अज्ज इहं अम्हे । संपत्ता जिणधम्मं इहपरलोए य सुहजणयं ॥१६८॥  
 एयस्स वि उव्वयारो अइरेण भए वि तो विहेयव्वो । मणवंछियपव्वज्जागहणे साहेज्ज करणेण ॥१६९॥  
 परमयत्ता अम्हे मणिमालिभहीवइस्स सो जम्हा । गुरुबुद्धीए पासइ सयावि मं सुवहुविणएण ॥१७०॥  
 जइ तस्स अकहिऊणं एसो गाहिज्जए वयं कहं वि । तो नायम्मि नरिंदो कुप्पइ अम्हवरिनियमेण ॥१७१॥  
 उत्तमवन्नो त्ति इमं पूएमि अहं इमो वि मुट्ठाणं । पुत्तं नियं समप्पइ इय एवं चित्तिऊणं मणे ॥१७२॥  
 जइ अम्हं चिय कुप्पइ राया कुप्पउ सहिज्जए एवं । तुम्हं वि कहं वि कुप्पइ जइ एस तओ महाणत्थो ॥१७३॥  
 तो तं संबोहेउं दिक्खं एयस्स दावइस्सामि । तं आहं तओ सूरी इहं कज्जे या विलंबेहं ॥१७४॥  
 थोवं चिय जं आउं एयस्स सुयस्स तुज्ज तो विप्पो । सूरिं पुच्छइ जीवियपरिमाणमिमस्स साहेहं ॥१७५॥  
 साहेइ तओ सूरी बाबीसदिणाणि आउयमिमस्स । तो विस्सभूइविप्पो भणइ जहा पच्चओ अम्ह ॥१७६॥  
 तुम्हं वयणम्मि सम्मं करिस्सए संसयं पुण नरिंदो । कहिए वि इमम्मि तओ तप्पच्चयहेउमन्नं पि ॥१७७॥  
 साहेहं किं पि तस्स वि उप्पज्जइ पच्चओ जहा सिग्घं । तो कहियं सूरीहिं तुम्हं गयाणं निवसमीवे ॥१७८॥  
 इन्हिं खणंतरेणं सेणावइ पेसिओ नरो एही । गहिऊण तस्स लेहं कहणत्थं विजयवत्ताण ॥१७९॥  
 मग्गम्मि अवीसंतो सो एसइ तुट्ठिदाणलाहत्थं । लेहं समप्पिऊणं रत्तो अहं सो परिस्समओ ॥१८०॥  
 तक्काले वि मरिस्सइ इय सोउं सो पुरोहिओ जत्ति । नमिऊण सपरिवारं सूरिं सिवकेउणा सहिओ ॥१८१॥  
 गंतुं रत्तो साहइ इममट्ठं सो वि विम्हयपवन्नो । पुच्छइ पुरोहिंयं तं कज्जेणं केण तत्थ तुमं ॥१८२॥  
 अज्ज गओसि समीवे तेसिं सेयंवरणं सुयसहिओ । तो तेण पसंगेणं जहट्ठियं कहइ सो रत्तो ॥१८३॥  
 एयं कहिऊण पुरोहिंयम्मि मोणेण सठिए संते । विम्हयपवन्नचित्ते चिट्ठंते तह्यं नरनाहे ॥१८४॥  
 विन्नवइ दारवालो आगतुं नरवरस्स पणमेउं । रणसीहइंडवइणो चिट्ठइ लेहहारओ दारे ॥१८५॥  
 तो विस्सभूइवयणं हंसिऊण पलोशयं नरिंदेण । भणिओ य दारवालो जत्ति पवेसेहं तं पुरिसं ॥१८६॥  
 तो दारवालमुक्को आगतुं लेहहारओ रत्तो । नमिऊण ओट्टियाए कइहेउं अप्पए लेहं ॥१८७॥  
 सासाउरियहियओ पच्छा होऊण जत्ति पुहइए । पडिओ मुक्को य तहा सहस च्चिय जीवियव्वेण ॥१८८॥  
 तो तं समीववत्ती उट्ठेऊणं जणो समाढत्तो । संवाहेउं अगे तो रत्ता वारिओ एवं ॥१८९॥  
 जहं एसो गयजीओ उप्पाडेउं पुरस्स वाहिम्मि । नेऊण इहहं एयं निवलोओ कुणइ तो एवं ॥१९०॥  
 मणिमाली वि नरिंदो तं लेहं वाइऊण सयमेव । परितुट्ठो जत्ति मणे रिउविजयसरूववगमेण ॥१९१॥



तह सूरिणाणपच्चयसंजणियविसेसगरुयपरिओसो । सहसा समुट्टिऊणं सहपरिवारेण संचलिओ ॥१९२॥  
 स पुरोहिओ वि पत्तो पासे सिरिभुवणतुंगमुणिवइणो । तं पणमिऊण सविणयमुचियट्टाणम्मि उव्वविट्ठो ॥१९३॥  
 सूरी व तस्स साहइ नवपाउसमेहगहिरघोसेण । धम्मं जिणप्पणीयं जीवाण सुहेक्क संजणयं ॥१९४॥  
 नारय-तिरिय-नरामरभेयम्मि भवे परिभ्रमंताण । जीवाण नत्थि अन्नो धम्मं मोत्तूण सुसहाओ ॥१९५॥  
 धम्मपभावेण जओ लद्धे मणुयत्तणे समाणे वि । के वि विलसंति विउलं लच्छि सुरलोयसारिच्छं ॥१९६॥  
 अन्ने उ अकयपुत्ता परिहवणिज्जा हवंति इथराण । तहय अणुकंपणिज्जा लद्धविवेयाण केसि पि ॥१९७॥  
 अमरविमाणागारे के वि अगारे मणुन्नए गोरे । निवसंति अइविसाले धवले धुव्वंतधयमाले ॥१९८॥  
 अन्ने सल्लिद्धकट्टे पुराणतणछन्नसंकडकुडीरे । कोलविलधूलिबहुले वसंति सीयायवो बहया ॥१९९॥  
 एगे हरिणच्छीहि हरिणंकमुहीहि पीवरथणीहि । पिहुलनियंबाहिं किसोयरोहि रइसुहमणुहवंति ॥१००॥  
 अन्ने दुव्वन्नकुरूवकुंटकाणेण सह कलत्तेण । कलहंता नियकालं गमेति अइदुव्विणीएण ॥१००१॥  
 एगे नियदेहच्छवि परिणिज्जियजच्चकंचणच्छाया । लंघियमयरद्धयरुवरिद्विणो नयणसुहजणया ॥१००२॥  
 अन्ने थालीबुंधयसमवत्ता बुट्टटप्परक्कत्ता । दिट्ठा उव्वेयकरा सव्वकुरूवाण दिट्ठंता ॥१००३॥  
 एगे य देवदूसो वमविमलनियत्थरुइरवरवत्था । अन्ने रच्छानिधडियकप्पडपच्छाडयकडीया ॥१००४॥  
 एगे भासुररथणाहरणोहविभूसियंगुवंगो य । अन्नेसि न संपज्जइ करंगुली लोहरक्खा वि ॥१००५॥  
 एगे गलंतभयजलकवोलवरहत्थिखंधमारूढा । धरियधवलायवत्ता चलंति चलचामरुप्पीला ॥१००६॥  
 अन्ने वरस्स पुरओ पएहिं अणुवाणहा पहावंति । तिव्वायवतवियसिरा सव्वंगगलंतसेयजला ॥१००७॥  
 केसि पि सव्वणविवरं जयआइसजीवनंदमाईहिं । सदेहिं सुंदरेहिं पीणिज्जइ सेवयजणेहिं ॥१००८॥  
 अन्नेसि निसियमहासूई मुहतोमरग्गतिकखोहिं । दूमिज्जइ सुइदिवरं दुव्वयणसएहिं लोएण ॥१००९॥  
 नवणीयतूलुकोमलपासे तूलीतले विसालम्मि । संवाहिया परेहिं एगे निहं अणुहवंति ॥१०१०॥  
 निण्णुन्नयम्मि अन्ने केवलमेइणियले निरावरणा । परिघट्टपट्टिपासा कुणंति निहं निराणंदा ॥१०११॥  
 एय एवमाइ जं जं संपज्जइ कि पि चारुइयरं वा । जीवाण मणुह तं तं धम्माहम्मप्फलं सयलं ॥१०१२॥  
 इय नाऊणं नरवर ! सुहमूले उज्जमं कुणह धम्मे । सव्वासुहमूलं पुण पावं परिहरह दरेण ॥१०१३॥  
 सो धम्मो गहियव्वो वीमंसेऊण निम्मलमईए । अन्नह पुण तग्गहणे पडिज्जए कूडधम्मम्मि ॥१०१४॥  
 जह अपरिक्खियदम्मे कूडे गहिए नरो वणियहट्टे । न लहइ कि चि वि कूडारओ त्ति बंधिज्जए रत्ता ॥१०१५॥  
 तह कूडधम्मगहणे नरगाइसु तिकखदुक्खलक्खाइं । विसहंता कालभणंतमिह भवे परिभमंति जिया ॥१०१६॥  
 कस-तावच्छेएहिं कीरइ कणयस्स जह किर परिकखा । आगम-देव-गुरुहिं परिकिखयव्वो तहा धम्मो ॥१०१७॥  
 बायर-सुहमजियाणं हिंसा-लयवयण-चोरिया सुरयं । धणसंगो पंचन्ह वि आसवदाराण एयाण ॥१०१८॥  
 निसिभोयणछट्टाणं तिविहं तिविहेण जाव जीवं पि । जत्थ कहिज्जइ चाओ स आगमो जेण सो कहिओ ॥१०१९॥  
 सो देवो पुव्वत्तागमभणियं मुणइ सइहइ जो उ । कुणइ सधमुवइसेइ य परस्स एसो गुरु नेओ ॥१०२०॥  
 एसोति ठाणसुद्धो धम्मो सुहदायगो उ इच्चाई । मुणिऊणं नरत्ताहो पडिबुद्धो सावओ जाओ ॥१०२१॥  
 तत्तो निकखमणमहं करेइ म्बिकेउणो विभूईए । विन्नवइ तहा सूरि जा जीवइ एस सिवकेऊ ॥१०२२॥  
 ता तुभेहिं इहेव य ठायव्वं नयरवाहिरुज्जाणे । सूरीहिं वि पडिबन्नं तहत्ति तं निवइणो वयणं ॥१०२३॥

अह तेहि तस्स दिक्खा दिन्ना सिक्केउणो दियवरस्स । सिक्खविओ जइकिरियं सो पच्छा पाडिओ किं पि  
 अह सो सिक्केऊ खंतिपमुहदसविहमुसाहुधम्मजुओ । पंचसमिओ तिगुत्तो जाओ साहूजहुत्तगुणो ॥१०२५॥  
 राया वि पइदिणं चिय गंतुं सपुरोहिओ स परिवारो । वंदइ सूरिं साराइमुणिजुयं ससिक्केउं च ॥१०२६॥  
 सो वि सिक्केउसाहू नाऊणं निययमाउयं थोवं । कुणइ विणयं मुणीणं सहइ किलेसं च काएण ॥१०२७॥  
 नियगुरुणाणुन्नाओ करेइ छट्टट्टमाइतवकम्मं । आयं विलेण पारइ पज्जत्तं भुंजइ न तं पि ॥१०२८॥  
 तस्स कुणंतस्स इमं समइक्कंताइं पनरसदिणाइं । अह सो नमिउं सूरिं विन्नवए उत्तमट्टकए ॥१०२९॥  
 आराहगो त्ति नाउं समणुन्नाओ तओ इमो गुरुणा । आहारं पच्चक्खइ चउग्विहं जावजीवाए ॥१०३०॥  
 अह कयपच्चक्खाणं तं नाऊणं विसेसओ राया । कयवहुमाणो सपुरोहिओ वि निच्चं पि दो वारे ॥१०३१॥  
 आगंतूणं तस्संसतिथम्मि चिट्ठइ मुहुत्तमेगेणं । सो वि सुहज्जवसाणो सत्तदिणे अणसणे ठाउं ॥१०३२॥  
 वयपरियायं सव्वं वीसं दियहाइं दोहिं अहियाइं । सम्मं अणुपालेउं परमसमाहीए संपन्नो ॥१०३३॥  
 मरिऊण समुप्पन्नो कप्पे सोहम्मनामए देवो । पंच पत्तिओवमाऊ अणुभुंजइ तत्थ सुरसोक्खं ॥१०३४॥  
 तं अणुइयम्मि सूरिं परलोयगयं वियाणिउं राया । अइगस्यविभूईए कारइ तद्देह-सक्कारं ॥१०३५॥  
 राया पुरोहिओ तह सूरिं पुच्छंति कत्थ उववन्नो । सिक्केउमुणी मरिउं अह मुयनाणम्मि उवओणं ॥१०३६॥  
 दाऊणं सूरिवरो साहइ सव्वं जहट्ठियं तेसिं । सोऊण ते वि हिट्ठा जाया धम्मम्मि दढच्चित्ता ॥१०३७॥  
 तेसिं उवरोहेणं कइवि दिणे तत्थ टाइउं सूरिं । तो ते अणुन्नवेउं तत्तो अन्नत्थ विहरेइ ॥१०३८॥  
 इय सिरिमुणिसुव्वयजिणदचरिए सिरिसिरिचंदसूरिं विरइए । पढमं वीयं च भवग्गहणं समत्तं  
 मिरिमुनिसुव्वयसामिस्स तइयभवो—  
 पढमो वीओ य भवो मुणिसुव्वयजिणवरस्स चरियम्मि । एस मए परिकहिओ अह तइय भवं पवक्खामि ॥१०३९॥  
 अत्थि इह जंबुदीवे महाविदेहं ति वित्थिडं वासं । सूरनरिंदो व्व अणेगसंखविजओवलद्धजसं ॥१०४०॥  
 तस्स य पुव्वविभाए दाहिणओ नीलवंतसेलस्स । सीयासरिउत्तरओ पच्छिमओ पुव्ववणभिमुहो ॥१०४१॥  
 तह एगसेलवक्खारपव्वयाओ य पुव्वपविभाए । पुक्खलवइ त्ति नामं विजयं जयविस्सुयं अत्थि ॥१०४२॥  
 तत्थ भुवणप्पसिद्धं विस्सउरं नाभ अत्थि वरनयरं । जं विस्सयस्स निम्माणनिहसपट्टो व्व पडिहाइ ॥१०४३॥  
 रमणिज्जस्स वि सव्वत्थ जस्स नयरस्स दूसनं एककं । जं पढमपेच्छयाणं नयणाइं मणं च तं हूरइ ॥१०४४॥  
 विस्सस्स वि कमणिज्जो तं पालइ विस्सकंतनरनाहो । विस्ससइ सच्चवयणस्स जस्स वयणम्मि विस्सं पि  
 सेव्वापविसंतनमंतभूरिसामंतमउलिदेसेसु । पयजुयलनहाली सहइ जस्स मणिमालिय व्व ठिया ॥१०४६॥  
 सव्वंतोउरपवरा भज्जा तस्ससत्थि विस्सकंतं त्ति । विस्सस्स वि जा कंता कंतं एणं चिय पवन्ना ॥१०४७॥  
 तीए सह विस्सयसुहं अणुहवमाणस्स तस्स नरवइणो । वच्चइ पभूयकालो अवच्चरहिंयस्स निच्चं पि ॥१०४८॥  
 चित्ता दूमियचित्तस्स तस्स अह अन्नया मणे पुरियं । जह नयरबाहिरिट्ठियकुबेरजक्खस्स इच्छामि ॥१०५१॥  
 ओयाइयं जहा सो वच्छियपुत्तं पयच्छए भज्ज । इय चित्तिऊण गंतुं जक्खाययणे तमच्चेइ ॥१०५०॥  
 भणइ य जइ मे पुत्तो तुज्ज पहावेण उत्तमो होही । तोइहं आगंतूणं तुह जत्तं कारइस्सामि ॥१०५१॥  
 तुह संतियं च नामं तस्स करिस्सामि निययपुत्तस्स । इय जपिऊण राया नियपाहायम्मि संपत्तो ॥१०५२॥  
 अह अन्नया निसाए पच्छिमजामम्मि पेच्छए सुमिणे । सा विस्सकंतदेवी कुबेरजक्खं ससिगारं ॥१०५३॥  
 तं दट्ठुं पडिबुद्धा सा सुमिणं कहइ निष्इणो गंतुं । सो भणइ तुज्ज पुत्तो भविस्सए देवि ! गुणजुत्तो ॥१०५४॥

सा वद्धसउणगंठी तह त्ति पडिवज्जिऊण निववयणं । हरिसभरनिभरंगी तयण्णुन्नाया पडिनियत्ता ॥१०५५॥  
 नियभवणे संपत्ता अहं सो सिवकेउसत्तिओ जीवो । सोहम्माओ चविउं तीसे गब्भम्मि संभूओ ॥१०५६॥  
 पुत्तत्ताए सा वि हु सुहंसुहेणं वहेइ तं गब्भं । संजाओ डोहलओ तइए मासम्मि अहं तीसे ॥१०५७॥  
 जह गंतूणं जिणमंदिरेसु पूएमि जह सहत्थेण । जिणबिबाइं सव्वाइं साहुणो तहय वंदामि ॥१०५८॥  
 नियहिययाभिप्पाओ तीए कहिओ इमो नरवरस्स । तेण वि तीसे एसो डोहलओ पूरिओ ज्जत्ति ॥१०५९॥  
 अहं पडिपुन्नम्मि दिणे सुहेसु नक्खत्ततिहिमुहत्तेसु । सो विस्सकंतदेवी पसवइ पुत्तं कमलनेत्तं ॥१०६०॥  
 वद्धावइ नरत्ताहं दासी पियवयणिया समागंतुं । वत्थाहरणेहिं इमं सम्माणइ विस्सकंतनिवो ॥१०६१॥  
 वद्धावणं नरिंदो विस्सउरे कारवेइ सव्वत्तो । कुंकुमरससित्तसमग्गमग्गभूसियपडायं च ॥१०६२॥  
 गेहे गेहम्मि निवद्धतोरणं गिज्जमाणमंगलयं । अप्फालियवरतूरं हरिसपणच्चंततरुणियणं ॥१०६३॥  
 अक्खयवत्ताइं पुरंगणाण करयलगयाइं पविसंति । कप्पियदंतुज्जलसयलतंदुलप्पयरपुन्नाइं ॥१०६४॥  
 ससिमंडलसरिसाइं साहेति व ताइं सहससंखाइं । रायकुमारस्स अणेगचंदसहसाइं जीवित्तं ॥१०६५॥  
 फल-पत्त-कुसुम-वत्था-हरणकरा तत्थ आगया पुरिसा । वद्धाविउं नरिंदं पच्चक्खा कप्पक्ख व्व ॥१०६६॥  
 कुंकुमरसच्छडाहिं छडिज्जता जहिच्छमेत्थजणा । निवइनिउत्तनरेहिं निवारयंता वि सव्वगं ॥१०६७॥  
 देहम्मि अमायंतं बहुयत्तणओ बहिम्मि नोहरियं । सोहंति उव्वहंता कुमारजम्माणुरायं च ॥१०६८॥  
 तंबोल-विलेवण-कुसुमवत्थ-आहरणपमुहवत्थूहि । सम्माणइ सव्वजणं जहोचियं विस्सकंतनिवो ॥१०६९॥  
 नाणाविहकुसुमेहिं कारइ सुरमंदिरेसु पूयाओ । दुत्थियदीणाणाहाण देइ दाणं जहा जोग्गं ॥१०७०॥  
 इय गह्यपमोएणं समग्गनयरम्मि देसगामेसु । जायं वद्धावणयं निरंतरं जाव दहदियहे ॥१०७१॥  
 गंतूण कुणइ जत्तं कुबेरजक्खस्स नयरजणसहिओ । राया ठवेइ नामं कुबेरदत्तो त्ति पुत्तस्स ॥१०७२॥  
 पंचहिं धाईहिं जुओ नरिंदभवणम्मि वद्धए कम्मसो । कुमरो कुबेरदत्तो दंतो परियणमणाणदं ॥१०७३॥  
 अहं अट्टमम्मि वासे समप्पिओ सो कलाण गहणत्थं । आयरियस्स समीवे कयसम्माणस्स नरवइणो ॥१०७४॥  
 विणएण उज्जमेण य पन्नाए गुणेण गिन्हइ कलाओ । बावत्तिरि पि कुमरो थेवेहिं चैव दियहेहिं ॥१०७५॥  
 पुण सम्माणइ राया आयरियं विउलदव्वदाणेण । कुमरो जोव्वणपत्तो रत्ता परिणाविओ तत्तो ॥१०७६॥  
 कन्नाण सयं एगं महानरिंदाण ह्यवन्तीणं । तर्हि समं सो भोए भुंजंतो गमइ दियहाइं ॥१०७७॥  
 सामंत-मंति-मंडलियपुत्तपरिवारिओ परिबभमइ । उज्जाणकाणणाइसु कीलंतो विविहकीलाहिं ॥१०७८॥  
 जिणमंदिरेसु वच्चइ अच्चइ जिणपुंगवाण पडिमाओ । पुव्वभवव्भासेणं अभणिज्जंतो वि अन्नेण ॥१०७९॥  
 चिइवंदणानिमित्तं समागए तत्थ पासिउं मुणिणो । वंदइ भत्तीए तओ पुच्छइ जिणधम्मसंभावं ॥१०८०॥  
 सुणिऊण तेसि वयणं धम्माणुगयं तह त्ति सहइ । नियसीसं च धुणंतो धम्मपसंसं कुणइ हिट्ठो ॥१०८१॥  
 एवं कमेण जाओ जिणिदधम्मम्मि सो महाकुसलो । निच्चलसम्महिट्ठी करेइ गिहिसमुच्चियं धम्मं ॥१०८२॥  
 अहं सो जुवरायपए कुबेरदत्तो निवेसिओ रत्ता । मंगलउरस्स देसो कुमारभुत्तीए से दिन्नो ॥१०८३॥  
 नियंदेसम्मि निउत्तो सुबुद्धिसच्चिवस्स नंदणो तेण । बुद्धिघणो नामेणं बालवयंसो परमभत्तो ॥१०८४॥  
 चिट्ठइ पासम्मि ठिओ सयं नरिंदस्स लद्धजसपसरो । अहं अन्नया नरिंदे अत्थाणगए पभायम्मि ॥१०८५॥  
 नियपासाथाउ समागयम्मि नमिऊण निवइचलणेसु । दाहिणपासनिसन्ने कुबेरदत्ते कुमारम्मि ॥१०८६॥

सद्गुणनिविद्धेसु समगसामंत-मंतिपमहेसु । विन्नत्तो पडिहारेण सीसआरोवियकरणे ॥१०८७॥  
जह देव ! दारदेसे कडयाउ समागओ गहियलेहो । पुरिसो चिद्धइ रणधवलदंडनाहेण पट्टवियो ॥१०८८॥  
रायाएसेण तओ पवेसिओ एस दारवालेण । विहियपणामो लेहं पणामए रायचलणाणं ॥१०८९॥  
राया वि संभमेणं गहिऊण करेण छोडिऊण सयं । परिभावइ तं लेहं अवहियहियओ असेसं पि ॥१०९०॥  
सत्थिसिरीविस्सउरे नयरे महिमहिलतिलयभूयम्मि । सिरिविस्सकंत्तरन्नो स पयावककंत्तभुवणस्स ॥१०९१॥  
पयपउमाइं सिरिविजयकडयओ दंडनाहरणधवलो । विणएण पणमिऊणं धरणीयलमिलियपंचंगो ॥१०९२॥  
विन्नवइ जहा देवाएसेण अहं इहुत्तरदिसाए । परबलसीहस्सुव्दिरे समागओ पल्लिनाहस्स ॥१०९३॥  
देवनिउत्तेण समं चउरंगबलेण दप्पकलिएण । सीहउरदेससीमं अणेगगिरिवलयं दुपवेसं ॥१०९४॥  
परबलसीहो वि ममं एतं ताऊण नियबलसमेओ । देसे पविसंतेणं मए समं गिन्हए जुज्जं ॥१०९५॥  
ठाणे ठाणे विसमे गिरिघट्टारोहणावयरणम्मि । समसुगमभूमिभागे पलाइउं जाइ दूरम्मि ॥१०९६॥  
एवं जुज्जंतो सो छलेण सद्धि मए गए ताव । जा सीहउरं नयरं समागयं जोयणत्तिणेण ॥१०९७॥  
पच्छा पलाइउं सो सीहउरपुरस्स मज्जमणुपत्तो । दाराइं पिहेऊणं नयरस्स ठिओ कयपयत्तो ॥१०९८॥  
काऊणं पाथारं अहिद्धियं बहुयजोहसहसेहि । एगेण जोयणेणं सीहउरपुरस्स बाहिम्मि ॥१०९९॥  
गंतूण मए गहियो आवासो वेढियं च सव्वत्तो । तं नयरं अइविसमं अगाहजलभरियपरिहाए ॥११००॥  
वित्थिन्नाए तीसे पेरंते एगगाउयायाभा । चिद्धंती घणकंटी खणिऊणं मूलओ एसा ॥११०१॥  
कड्ढाविया असेसा संजाया अम्ह कडयलोयस्स । इंधणमई व पउरं पईण पाईण जम्मेसु ॥११०२॥  
तिसुभाएसुं नयरस्स तस्स पुहई कथा करयलं व । करि-तुरय-रह्वराणं रणजोगा जोयणपमाणा ॥११०३॥  
उत्तरभाए गिरिवलयदुग्गम(वणसंड ?) वडुखड्डाहिं । विसमं च तत्थ वियरइ वणयरमणुओ वि किच्छेण ॥  
तत्थ वि पाययलोओ धणुद्धरो खग्गखेडयकरो य । पउरो निरुवियो जणपवेसनिक्कासरक्खट्टा ॥११०५॥  
एवं कयम्मि कइवयदिणेहिं निगंतु नियधनयराओ । सीहबलो नामेणं परबलसीहस्स लहुभाया ॥११०६॥  
खसरायस्स समीवे गंतूणं तस्स इच्छिउं दव्वं । उप्पाएइ भयमिणं वुच्छेए अम्ह तुम्हाणं ॥११०७॥  
उवरि करिस्सइ कडयं रणधवलो दंडनायगो नियमा । अम्हे तुम्हे वि दुवे मिलिउं तम्हा इयाणि पि ॥११०८॥  
एयं उच्छेएमो इय सोउं सो वि लोभभयवसओ । आगंतुं वेढेउं नियसव्वबलेण अम्ह बलं ॥११०९॥  
विसमद्गुणम्मि ठिओ उक्खंदं देइ अम्ह सेन्नम्मि । परबलसीहो वि तहा कयसंकेओ नियपुराओ ॥१११०॥  
निगंतुं रयणीए समकालं चैव देइ उक्खंदं । एवं पि पकुव्वंता अम्ह पहुप्यंति तेनेय ॥११११॥  
किंतु परं अम्हाणं कडए कणचोप्पडाण संकडयं । न लहइ जओ पविसिउं बाहिं रुद्धेसु मग्गेसु ॥१११२॥  
सत्तट्ठयपट्टविया जुयलीओ लेहवाहयाण मए । ताओ तुम्ह समीवे पत्ताओ कि व नो एयं ? ॥१११३॥  
अम्हे न ह्हा जाणामो पडिवत्ता कावि नागया ताव । एयं च लेहवाहयजुयलं किच्छेण कडयाओ ॥१११४॥  
नीहारेऊणं रयणीए जामम्मि पच्छिमे छन्नं । दाऊणं वोलावयमुम्मग्गेणं च पट्टवियं ॥१११५॥  
परिभाविऊण एवं करणिज्जं होइ किं पि जं उच्चियं । तं कायव्वं तुरियं देवेण अहं निराभा(ह्हा)रो ॥१११६॥  
देव ! चलणाण पुरओ विन्नत्ते संपयं तओ एयं । लेहत्थं नियहियए अवहारेउं नराहिवई ॥१११७॥  
तं लेहवाहयनरं पुच्छइ चलिओ दुइज्जओ तुह जो । सो कत्थ तेण कहियं खसरन्नोरक्खगनरेहिं ॥१११८॥

परिभमणनिजत्तेहि रयणीए संचरेण दूराओ । नाऊणं संलविया अम्हे एवं जहा परओ ॥१११९॥  
 केजंति इमे पुरिसा उव्भा पडिखेह तेसिमुल्लावं । एयं सोऊण तओ अम्हे तुरियं चिय पलाणा ॥११२०॥  
 दो वि जणा पुरओ हं सो पच्छा एइ तेहि तो मुक्को । वाणो तेण हओ सो पडिओ य मओ य महिवट्टे ॥११२१॥  
 तो भयसंतथो हं वेगेण पलाइओ विसेसेण । तं जाव समागंतुं ते विनियस्ता तओ पच्छा ॥११२२॥  
 अह अवगयलेहत्थो सोऊणं लेह्वाहवयणं च । इत्ति कुविओ नरिदो पयाणढक्कं दयावेइ ॥११२३॥  
 आइसइ सव्वसामंतमंडलाहिवइपमुहनियसेन्नं । संबहणत्थं गंतुं जत्ताए अप्पणा सद्धि ११२४॥  
 अह विन्नवइ कुमारो कुबेरदत्तो नराहिवं एवं । देव ! इमो आएसो दायव्वो मज्झ पसिऊण ॥११२५॥  
 इय भणिऊणं लगो पाएसुं नरवरस्स तो कुमरो । राया वि विस्सकंतो पडिवज्जइ तं कुमरवयणं ॥११२६॥  
 आइसइ सव्वसेन्नं कुबेरदत्तेण सह कुमारेण । आएसेण समं चि य कुमरो वि पयाणए ठाइ ॥११२७॥  
 सेन्नं पि सह्रिसमणं समं कुमारेण वच्चइ समगं । अनुकूलसउणजणिओच्छाहमखंडप्पयाणेहि ॥११२८॥  
 हेसंततुरयथट्टं गज्जंतगइंदवरघडाडोवं । धुव्वंतधयवडायं चलंतरहमुक्कचिक्कारं ॥११२९॥  
 वगंतंभिच्चवगं वज्जंतअणेगतूरसंघायं । तं वक्कवुक्करवव्वहिरियंबरासेसदिसियक्कं ॥११३०॥  
 कइवयपयाणगाणं पज्जंतं पभट्टवेइ अह कुमरो । छन्नं चिय नियसेन्नं थेवंपि सदेससीमाए ॥११३१॥  
 कारेइ वट्टबंधं खसनरवइहेरियाण एंताणं । गंतूण सयं पच्छा आवासं तत्थ गिन्हेइ ॥११३२॥  
 थेवं चिय नियपासे सेन्नं धरिऊण वामदाहिणओ । सेसं ठावेइ बलं अदूरदेसम्मि पच्छन्नं ११३३॥  
 तंबोलियवेसेणं गहिऊणं नागवल्लिपत्ताइ । हेरियपुरिसे नियए पेसइ खसरायसेन्नम्मि ॥११३४॥  
 कन्नम्मि कं पि सिक्खं दाऊणं ते वि जंति तत्थ तओ । पत्ता खसनरवइणो वट्टाबंधस्स पुरिसेहि ॥११३५॥  
 न लहंति पुरो गंतुं करेति ते उत्तरं तओ एवं । अम्हे लाहनिमित्तं चलिया खसरायसेन्नम्मि ॥११३६॥  
 गहिऊण केत्तियाइं वि पत्ताइं तेहि तो विमुक्का ते । पत्ता खसनिवकडएभमिउं विक्कंति पत्ताइं ॥११३७॥  
 हेरंति सव्वसेन्नं भेट्टेऊणं खसस्स नरवइणो । गहिऊण अक्खराइं तस्स तओ ते नियत्तंति ॥११३८॥  
 जंति तओ तेसि चिय वट्टाबंधट्टियाण पुरिसाण । पासम्मि समप्पंति य खसनिवदिन्नक्खराइं तओ ॥११३९॥  
 तत्थज्खरेसु लिहियं जह एए अम्ह कडयमज्झम्मि । पत्ताइं गहेऊणं एहिंति तहा पयाहिंति ॥११४०॥  
 एएसि तुम्हेहिं कायव्वो नो उव्ववो तम्हा । दायव्वं वोलावयमेताण तहा वयंताण ॥११४१॥  
 इय अक्खरत्थमवहारिऊण तो तेहिं ते इमं भणिया । जह तुव्वे भयरहिया गच्छह आगच्छह तहेव ॥११४२॥  
 तो तेहिं हेरिएहिं कवडेण कओ निओ नरो एक्को । मंदो तं पालेउं तत्थ कयं झुपडं एक्कं ॥११४३॥  
 तो तेण भिसेण इमे चिट्ठंता तत्थ तेसिमायारं । परिभावयंति सम्मं केत्तियभूमीए अत्थि गमो ॥११४४॥  
 सवलीवइं पुरिसं करेति नट्टं कयावि कवडेण । तस्स गवेसणहेउं भमंति ते तत्थ तो दूरं ११४५॥  
 कइवयदियहेहिं तओ नाऊण गमागमं समगं पि । ते कुमरहेरियनरा खसपुरिसाणं कहेऊण ॥११४६॥  
 पत्ताणयणभिसेणं कुबेरदत्तस्स जंति पासम्मि । साहेति तस्स पुरओ पच्छन्नं सेन्नगमणपहं ॥११४७॥  
 तो वामदाहिणेसु सेन्नेसुं हेरियाण मज्जाओ । दो दो पुरिसे पेसइ कुमरो दाऊण कन्नम्मि ॥११४८॥  
 सिक्खवणं तह अहिनाणसंजुयं अप्पिऊण लेहं च । लेहस्स तस्स मज्जे लिहाविओ तेणिमो अत्थो ॥११४९॥  
 मग्गेण जेण ए वयंति तुम्हेहिं तेण गंतव्वं । अम्हाणं तुम्हाण य अमुगे ठाणम्मि संजोओ ॥११५०॥  
 निपहेरियपुरिसेहिं दंसियमग्गेण संससमयम्मि । संबहिउं संचलिओ कुबेरदत्तो निवकुमारो ॥११५१॥

पच्छन्नां गंतूणं उभओ पासेसु वेढए पुरिसे । खसरायसंतिए ते वट्टाबंधम्मि विणिउत्ते ॥११५२॥  
 जेहिं कयमाउहं ते विणासिया सेसयाओ बंधेउं । गहिया तत्तो सह अप्पणा य संचालिया सब्बे ॥११५३॥  
 पुरओ नियपुरिसेहिं वट्टाबंधो कराविओ तत्तो । दाहिणवामाइं नियसेक्षाइं मेलिऊणं च ॥११५४॥  
 चलिओ पुरओ गंतुं दियहं निग्गमइग्गुत्ताणम्मि । कुमरो कुबेरदत्तो रयणीए तस्स पुरिसेहिं ॥११५५॥  
 वट्टाबंधनिउत्तेहिं आणित्तं खसनरिदत्तरपुरिसा । कुमरस्स अप्पिया पुच्छिया य कुमरेण ते बेत्ति ॥११५६॥  
 जह अम्हे पट्टुविया खसनरवइणा नियाण पुरिसाण । वट्टाबंधनिउत्ताण सुद्धिकरणत्थमज्जजओ ॥११५७॥  
 तेसि मज्जाउ न कोवि आगओ तस्स सुद्धिकहणत्थं । तो अवसेरो जाया तेण निउत्ता तओ अम्हे ॥११५८॥  
 कारविया कुमरेण ते सब्बे लोहंसिखलाबद्धा । पढमं रयणी पहरं गमित्तं तत्थेव तो कुमरो ॥११५९॥  
 चलिओ सब्बबलेणं पच्छिभजामम्मि खसनरिदस्स । आवासे गंतूणं पडिओ नीसंकचित्तस्स ॥११६०॥  
 बंधित्तं संगहिओ खसो नरिदो तओ पसुत्तो वि । करि-नुरय-कोससहिओ पलाइयं सेस सेत्तं तु ॥११६१॥  
 पाणे गहिऊण निए के वि विणट्टा कयाउहा जोहा । अह कुमरो पेसेउं पुरिसं रणधवलपासम्मि ॥११६२॥  
 जाणावए सख्वं जह गहिओ बंधिऊण खसराया । अम्हेहिं अज्ज सुत्तो रयणीए पच्छिमे जामे ॥११६३॥  
 रणधवलो सोऊणं तुट्टमणो तस्स कहगपुरिसस्स । देइ पसायं विउलं वत्थालंकारमाइयं ॥११६४॥  
 पेसेउं नियपुरिसं पासम्मि कुबेरदत्तकुमरस्स । मग्गावइ कणचोप्पडमेवं च तहा भणावेइ ॥११६५॥  
 जह तुम्भे वीसत्था सयमेज्जह एत्थ चोप्पडकणं तु । पट्टुवहं झत्ति तम्हा सीयइ कडयं विणा तेण ॥११६६॥  
 कणचोप्पडकोट्टिओ पट्टुवियाओ कुबेरदत्तेण । कुमरेणं बहुयाओ तत्तो रणधवलकडयम्मि ॥११६७॥  
 घाएवयाविऊणं घाइयपुरिसाण सपरपक्खे वि । तइय दिणे सो पत्तो सयं पि रणधवलपासम्मि ॥११६८॥  
 नाऊण तओ एवं परबलसीहो मणम्मि संखुहिओ । जह संपयं भविस्सइ कोट्टुवरोहो चिरंकालं ॥११६९॥  
 कणचोप्पडं तु सब्बं निट्ठियमम्हाण नयरमज्जाम्मि । तो सयमेव मरिस्सइ छुहाए मज्जाट्ठियं सब्बं ॥११७०॥  
 इय चित्तऊण पेसइ कुबेरदत्तस्स निवकुमारस्स । पासम्मि नियं पुरिसं तस्स मुहेणं च विन्नवइ ॥११७१॥  
 परबलसीहो एवं जह तुम्हे अम्हे देह अच्छलियं । तो आगंतुं अम्हे पणामाओ तुम्ह पाएसु ॥११७२॥  
 परबलसीहनरेण इय विन्नत्ते कुबेरदत्तेण । कुमरेण तस्स दिन्नो हत्थो पट्टीए सपसायं ॥११७३॥  
 पडिवन्नं तव्वयणं सम्माणेऊण तं तओ तेण । सह नियपुरिसं पेसइ परबलसीहस्स पासम्मि ॥११७४॥  
 कुमरो कुबेरदत्तो परबलसीहो वि कुमरपुरिसस्स । काऊणं सम्माणं अइवहुयं तेण सह तत्तो ॥११७५॥  
 नीहरित्तं नयरओ आगंतूणं कुबेरदत्तस्स । कुमरस्स पडइ पाएसु सो वि उट्टाविउं एयं ॥११७६॥  
 आलिगइ अइगाढं दावइ उच्चियासणं च नियपासे । विन्नवइ मउलियकरो परबलसीहो तओ कुमरं ॥११७७॥  
 गिरिमज्जनिवासीणं अम्हाणं तुम्ह दंसणं दुलहं । जइ अविणयं कुणंतो अहमेयं नेथ तो नाह ! ॥११७८॥  
 कह तुम्हे इह एंता कह हुंतं तुम्ह दंसणं अम्ह । ता अविणओ वि एसो गुणहेऊ अम्ह संजाओ ॥११७९॥  
 वच्चउ सब्बस्सं पि हु मज्ज इयाणिं न को वि असमाही । तुह पयदंसणलाहस्स जेण सब्बस्स भवि थोवं ॥  
 इय विन्नविऊण तओ परबलसीहो समग्गमवि निययं । उग्गणइ बालवद्धं कुबेरदत्तस्स कुमरस्स ॥११८१॥  
 सीहउरनयरमज्जे कुमरं तो नेइ परमभत्तीए । सम्माणइ तत्थ गयं ढोयइ सब्बं भंडारं ॥११८२॥  
 मणि-मोत्तिय-रुप्प-सुवन्न-कंस-दूसाइयं तओ तस्स । कुमरो वि तं समग्गं गहिऊणं तस्स तं नयरं ॥११८३॥  
 देइ पसाएण पुणो देसेण समन्नियं समग्गेण । वत्थाहरणाईहिं य सम्माणेऊण अइवहुयं ॥११८४॥

तिन्निदिणे पाहुणओ होऊणं तस्स चैव तम्मि पुरे । निग्गच्छइ अह कुमरो परबलसीहेण सह तत्तो ॥११८५॥  
 वच्चइ खसनरवइणो देसाभिमुहो समग्गसेन्नजुओ । तो खसरत्ता कुमरो परबलसीहस्स पासाओ ॥११८६॥  
 विन्नाविओ जहा मे उवरि पसायं गुहं करेऊण । देसो न ल्हूसियव्वो मज्झ अहं सेवओ तुम्ह ॥११८७॥  
 आगतुं मम नयरे खसउरनामम्मि होह पाहुणया । जेण अहंपि समग्गं तुम्ह समप्पेमि नियकोसं ॥११८८॥  
 परबलसीहेण तओ विन्नत्तं सव्वमेव कुमरस्स । एयं तहं त्ति तेण वि कुबेरदत्तेण पडिवन्नं ॥११८९॥  
 संकलबंधाओ तओ सपरियगो खसनरेसरो मुक्को । तेण वि आगतूणं विणएणं पणमिओ कुमरो ॥११९०॥  
 कुमरेण वि नियहत्थो ठविओ हिट्ठेण तस्स पट्टीए । दिन्नासणो निसन्नो अह सो कुमरस्स आसन्नो ॥११९१॥  
 विन्नवइ जोडियकरो अवराहो एस मज्झ गरुअं वि । तुम्हे हि एकवारं सुपसन्नमणेहि खमियव्वो ॥११९२॥  
 अवराहविरहिधाण वि तुम्ह मए जेण एरिसं विहियं । सोहं सरीरनिग्गहजोग्गो एमेव परिमुक्को ॥११९३॥  
 तुम्हेहि गरुययाए निययाए तह वि अज्जपभिइंतो । आएसकरो तुम्हं संदेहो इह न कायव्वो ॥११९४॥  
 कुमरेण तओ भणियं कम्मवसेणं कयावि गरुयावि । मुज्झति पकुव्वंता कज्जाइं निउणमइणो वि ॥११९५॥  
 अवराहवज्जियाणं खमिज्जए जं न कि पि तं चोज्जं । कयदोसस्स समत्थो जं खमइ गुणो स विन्नेओ ॥११९६॥  
 इय भणिकुणं तत्तो कुबेरदत्तेण निवकुमारणे । आइट्ठा नियपुरिसा कारविओ मज्जणं तेहि ॥११९७॥  
 खसराया वत्थाइं परिहावेऊण कुमरपासम्मि । आणिओ तेण समं सो भुत्तो गोरवेण तओ ॥११९८॥  
 लद्धविलेवणतंबोलकुसुमसम्माणजणियमणहरिसो । सिलियावसरम्मि खणं ठाऊणं समुच्चियकहाए ॥१२०१॥  
 कुमरेण अणुत्ताओ तेणं चिय दावियम्मि आवासे । गंतूणं सो पमुत्ता खणंतरे पुण वि उट्टेउं ॥१२००॥  
 पासे कुबेरदत्तस्स एइ तं पुच्छिऊण नियपुरिसे । दोन्नि उ सिक्खविऊणं खसउरनयरम्मि पेसेइ १२०१॥  
 गंतूणं तेहि कहियं खसनरवइणो अमच्चमाईणं । जं खसराया मुक्को कुमरेण महापसाएण ॥१२०२॥  
 तो तुम्हेहि न संका कायव्वा का वि इयरलोओ वि । सव्वो पलायमाणो निवारियव्वो पयत्तेण ॥१२०३॥  
 कायव्वं सव्वं चिय पवणं कुमरस्स जेण पाहुन्नं । तत्थागयस्स कीरइ तेहि तओ निसुणिउं एवं ॥१२०४॥  
 तह चैव कयं सव्वं पुणो वि ते पेसिया दुवे पुरिसा । खसरायस्स समीवे अट्टपहे भेट्टिया तस्स ॥१२०५॥  
 कुमरो कुबेरदत्तो थेवेहि दिणेहि खसउरे नयरे । संपत्तो पविसंते तम्मि कओ नयरलोएण ॥१२०६॥  
 खसरत्तो आएसो महसवो सयलनयरमज्झम्मि । सचिवाइसव्वलोओ समागओ सम्मुहो तस्स ॥१२०७॥  
 मंगलतूररवेहि कुबेरदत्तो पवेसिओ नयरे । तेहि तओ सो दट्ठुं पुरिसोहं पडिनियत्तेउं ॥१२०८॥  
 गिन्हइ नयरस्स बहि आवासं वित्थडे पएसम्मि । भोयणजायं पेसइ तस्स खसो सपरिवास्स ॥१२०९॥  
 भुत्तम्मि तओ कुमरे करितुरयाई जमत्थि उव्वरियं । तं आणेउं सव्वं कुमरस्स खसो समप्पेइ ॥१२१०॥  
 भंडारं पि असेसं कुबेरदत्तस्स ढोयए पुरओ । देसं च सपुरगामं उग्गणए तस्स खसराया ॥१२११॥  
 कुमरो वि तं समग्गं गहिऊणं केत्तिएण दविणेण । तं करि-नुरगाईहि य सम्माणेउं पसाएण ॥१२१२॥  
 तं चैव देइ देसं भिच्चत्तं तस्स संपवन्नस्स । सिरनिहियपाणिजुयलो महापसाओ त्ति भणिकुण ॥१२१३॥  
 पणमइ खसो नरिदो पुणो वि पाएसु निवकुमारस्स । ठाऊण कइ वि दियहे तत्थेव तओ नियत्तेइ ॥१२१४॥  
 कुमरो कुबेरदत्तो परबलसीहेण खसनिवेणं च । संजुत्तो नियदेसाभिमुहो तुरियप्पयाणेहि ॥१२१५॥  
 पच्चापन्नो वच्चइ जेसि केसि पि सो नरिदाण । ते पेसिति समग्गा वि पाहुणं तस्स कुमरस्त ॥१२१६॥  
 एवं अच्चिज्जंतो सयलनरिदेहि सो कमेण तओ । वित्थिन्नसेन्नजुत्तो सदेससीमाए संपत्तो ॥१२१७॥

पेसैइ तओ कुमरो विन्नत्ति अप्पिऊण नियपुरिसे । पासम्मि विस्सकंतस्स निवइणो वत्तकहणत्थं ॥१२१८॥  
 गंतूण ते वि तुरियं विस्सउरे विस्सकंतनरवइणो । तं विन्नत्तिलेहं अप्पेति कुमारपेसवियं ॥१२१९॥  
 तो अवगयलेहत्थो तुट्टमणो विस्सकंतनरनाहो । विउलं पसायदाणं तेसि पुरिसाण देइ द्रुयं ॥१२२०॥  
 अन्ने पहाणपुरिसे पेसइ कुमरस्स सम्मुहे राया । तेहिं समं कुमरो वि हु विस्सउरे ज्जत्ति संपत्तो ॥१२२१॥  
 नाऊण नरिदो वि हु निगच्छइ सम्मुहो कुमारस्स । दट्ठूण निवं एतं कुमरो ओयरइ तुरयाओ ॥१२२२॥  
 अन्ने वि हु सामंता मंडलिया उत्तरंति तो सव्वे । परवलसीहो खसपत्थिवो य कुमरस्स दिति नियं ॥१२२३॥  
 उभओ पासे बाहुं तत्थ विलगो पयाइ पिउसमुहो । कुमरो तस्सासन्नो गंतूणं मुयइ निवबाहु १२२४॥  
 करिवरखंधुत्तिन्नं पियरं पणमइ मही निहियसिरो । पुण उट्ठियं नरिदो कुमारमालिगए गाढं ॥१२२५॥  
 आलिगिऊण मुक्को नरवइणा तो कुबेरदत्तो वि । परवलसीहं खसपत्थिवं च दंसइ नरिदस्स ॥१२२६॥  
 दंसियमेत्ता ते वि हु पणमंति पएसु विस्सकंतस्स । पणमिय-समुट्ठिए तो अवगूहइ विस्सकंतो वि ॥१२२७॥  
 रणधवलदंडनाहो पणमइ तयणंतरं नरिदस्स । सहिरिसहियओ तं पि हु आलिगइ विस्सकंतनिवो ॥१२२८॥  
 अह विस्सकंतरत्ता समणुत्ताया समग्गसामंता । मंडलिया य ज्होचियसवाहणेसुं समारूढा ॥१२२९॥  
 कुमरो कुबेरदत्तो परवलसीहो खसो य नरनाहो । रणधवलो दंडवई आरूढा वरगइदेसु ॥१२३०॥  
 सिरिविस्सकंतरत्तो गथाहिरूढस्स पासओ सव्वे । जंति कुमारप्पमुहा कमेण सव्वे नयरमज्जे ॥१२३१॥  
 ऊसवियधयवडाए वज्जंतअणेगतूरसंघाए । गिज्जंतपवरगेए ठाणे ठाणे य कयनट्टे ॥१२३२॥  
 बहुबंदिंविदवंत्रिज्जमाणनिवकुमरविक्कमगुणोहे । धवलहरदेवभवणग्गभागमारूढनयरजणे ॥१२३३॥  
 पेच्छंते य सविम्हयमन्नोन्नं अंगुलीए दंसंते । परवलसीहं खसपत्थिवं च कुमरेण आणीयं ॥१२३४॥  
 नियपासायसमीवे गओ नरिदो विसज्जए सव्वं । परिवारं कुमरं पुण सहउप्पणा नेइ पासाए ॥१२३५॥  
 परवलसीहस्स तहा खसस्स पुहईवइस्स आवासं । दावइ पुढो पुढो मंदिरेसु सिरिविस्सकंतनिवो ॥१२३६॥  
 अह विस्सकंतराया सुहासणत्थो कुबेरदत्तस्स । कुमरस्स सन्निहाणे पुच्छइ कडयस्स वत्ताओ ॥१२३७॥  
 कुमरो वि कहइ सव्वं वुत्तंतं मूलओ समारब्भ । लज्जासंकुइयतणू पुरओ निवविस्सकंतस्स ॥१२३८॥  
 राया वि चिंतइ मणे परक्कमंतस्स बुद्धिविहवं च । अच्चब्भुयं कुमारस्स तहय गव्वस्स परिहारं ॥१२३९॥  
 समयम्मि तओ राया परवलसीहं खसं चरणधवलं । कारइ कुबेरदत्तं च भोयणं अप्पणा सद्धि ॥१२४०॥  
 सिलियावसरम्मि तओ तंबोलविलेवणाइसम्माणं । काऊणं कुणइ निवो तेहिं समं उचियमालावं ॥१२४१॥  
 कन्ने होऊण तओ कुबेरदत्तो निवस्स विन्नवइ । जइ वि मए सम्माणं कयमेएसि पुरा अत्थि ॥१२४२॥  
 तुम्हेहिं वि कायव्वं तहावि एत्थागयाण एएसि । किचि वि सम्माणं खस-परवलसीहाण उचियं ति ॥१२४३॥  
 पडिवज्जिऊण रत्ता कुमारवयणं तह ति निम्मवियं । खस-परवलसीहाणं करि-तुरयाईहिं सम्माणं ॥१२४४॥  
 रत्ता विसज्जिया ते पहिट्टुचित्तागया नियावासं । निच्चं नरिदपासे उभओकालं पि वच्चंति ॥१२४५॥  
 पियरं विन्नविऊणं कुबेरदत्तो करावए जत्तं । सव्वेसु जिणहरेसुं कमसो घोसावइ अमारि ॥१२४६॥  
 सिरिविस्सकंतरायं परवलसीहं खसं च रायाणं । अन्नं च निवइलोयं निच्चं सो नेइ जिणभवणे ॥१२४७॥  
 दट्ठूण ते वि उक्किट्टुपूयबलिपेच्छणाइयं सव्वं । हिट्टुमणा धुणिऊणं सीसाइं भणंति तो एवं ॥१२४८॥  
 अज्जं चियं संजायं सहलत्तं अम्ह लोयणजुयस्स । जं एरिसमच्चब्भुयमवलोइयमेत्थअम्हेहिं ॥१२४९॥  
 राया वि विस्सकंतो जंपइ अम्हं वि इहेव नयरम्मि । निवसंताणं कालो वोळ्ळीणो बालभावाओ ॥१२५०॥



परमेरिसमन्वभुयमम्हाणं न दिट्ठिगोयरे पत्तं । अम्ह इमो उवयारो कुबेरदत्तेण कुमरेण ॥१२५१॥  
अज्ज कओ आणीया उवरोहेऊण एत्थ जं अम्हे । गणयणमणाणंदयरो दिट्ठो देवो तओ एसो ॥१२५२॥  
खस-परवलसीहेहिं वि भणियं अइविम्हयप्पवन्नेहि । गरुयाणं कोवो वि हु जायइ इयराण गणहेऊ ॥१२५३॥  
जइ अम्ह उवरिकडयं न करेत्तो कह वि एस वरकुमरो । ता कह आगंतव्वं अम्हाणं होंतमिह नयरे ॥१२५४॥  
कह एरिसो य देवो जंतो अम्हाण लोयणपहम्मि । कह पेच्छंता अम्हे पूयाबलिपमुहमेरिसयं ॥१२५५॥  
विस्सस्स वि आणंदं कुणमाणं विस्सकंतदेवस्स । चरणारविदजुयलं कह पेक्खंता य अइदुल्लहं ॥१२५६॥  
संपइ अम्हे एयं देमो ओवाइयं नियमणम्मि । जइ कह वि हु चिट्ठामो एत्थेव ठिया सयाकालं ॥१२५७॥  
इय तेसि वयंताण वि संपत्तो तत्थ विमलजससूरी । सो वंदिऊण देवे उवविट्ठो उचियठाणम्मि ॥१२५८॥  
निवविस्सकंतपमुहेण वंदिओ सो असेसलोएण । कुमरो कुबेरदत्तो भद्दयभावं मुणेऊण ॥१२५९॥  
सिरिविस्सकंतरओ परवलसीहस्स खसनरिंदस्स । पडिबोहकए पभणइ सूरि जह कहह धम्मकहं ॥१२६०॥  
सूरी वि दिट्ठि खेवं कुबेरदत्तस्स तेसु दट्ठूण । नाऊण ताण भावं जहजोग्गं धम्ममुवइसइ ॥१२६१॥  
सोऊण सूरिवयणं संजाया ताण धम्मपडिवत्ती । तो वंदिऊण सूरि समुट्ठिया ते समग्गा वि ॥१२६२॥  
रत्ता सह गंतूणं धवलहरे ते विसज्जिया सव्वे । निययावासम्मि गया मणे धरंता परमहरिसं ॥१२६३॥  
अप्पाणं सुकयत्थं संपत्तीए जिणिदधम्मस्स । मन्नंता निच्चं पि हु वंदंति गुहं च देवं च ॥१२६४॥  
कइवयदिणपज्जंते दोन्नि वि सम्माणिऊण नरवइणा । परवलसीह-खसनिवा विसज्जिया निययदेसेसु ॥१२६५॥  
निययदेसेसु गया ते कारेत्ति जिणेसराण भवणाइं । पूयंति तेसु देवे निच्चं वंदंति भत्तीए ॥१२६६॥  
कुमरोवधारमसमं मन्नंता माणसम्मि ते निच्चं । पत्तमउव्वं वत्थुं पेसंति कए कुमारस्स ॥१२६७॥  
अह तेहि अन्नसमये नियनियरज्जेसु तुरयहेडाओ । गहियाओ तम्मज्जे दो दो तुरए अइपहाणे ॥१२६८॥  
निव्वाडेउं एक्केकलकखमुल्ले कुबेरदत्तस्स । कुमरस्स कए पेसंति निययपुरिसाण पासम्मि ॥१२६९॥  
नेऊण तेहि तुरया समप्पिया ते कुबेरदत्तस्स । तेणावि विस्सकंतस्स अप्पिया नरवरिंदस्स ॥१२७०॥  
राया वि जहिच्छाए पथच्छए तुरगमेगं । तेण वि निरिक्खिऊण एगो गहिओ पवरतुरगो ॥१२७१॥  
मंगलउराओ पुरिसो अह बुद्धिधणेण कुमरपासम्मि । पट्टविओ विन्नत्तीलेहं नियमप्पिऊण जहा ॥१२७२॥  
तम्हाएसेण मए निष्काइयमेत्थ जिणहरतुंगं । मज्झम्मि ठाविया तहं जिणिदपडिमा पवररूवा ॥१२७३॥  
तह वित्थरेण महया दसाहिया कारिया मए तीसे । पडिमादसणहेउं जइ तुम्हे संपयं एह ॥१२७४॥  
मंगलउरम्मि नयरे तो हं एत्थेव तुम्ह आगमणे । पवणं करेमि सव्वं जहा गमिस्सामि तत्थेव ॥१२७५॥  
<sup>१</sup> तं लेहं गहिऊणं सो तो मह तुम्हेहि जेण आगंतुं । पणमेमि तुम्ह पाए कडयाओ समागयाण अहं ॥१२७६॥  
अह तेण बुद्धिधणपेसिएण पुरिसेण विस्सउरनयरे । आगंतूणं लेहो समप्पिओ निवकुमारस्स ॥१२७७॥  
बुद्धिधणपेसियं तं लेहं धवहारिऊण निवकुमरो । देइ पडिलेहमेयं जहा गमिस्सामि तत्थेव ॥१२७८॥  
तं लेहं गहिऊणं गंतुं मंगलउरम्मि सो पुरिसो । बुद्धिधणस्स समप्पइ तं दट्ठुं सो वि हिट्ठमणो ॥१२७९॥  
बुद्धिधणो सव्वं पि हु पवणं कारवइ तम्मि नयरम्मि । सिरि विस्सकंतरायं कुमरो वि अणुन्नवेऊण ॥१२८०॥  
कुणइ भियं संवाहं नयरे मंगलउरम्मि गमणत्थं । आमत्तिऊण गणयं पुच्छइ दिवसं अह कुमरो ॥१२८१॥  
आरुहणत्थं अहिणवतुरयम्मि चउण्ह पवरतुरयाणं । मज्झाउ नरिंदेणं दिन्नम्मि मयंकनाम्मि ॥१२८२॥  
जोइसिएणं गणिऊण साहिओ सोलसम्मि अह दिवसे । तुरयारोहणदिवसो तो कुमरो अन्नतुरयम्मि ॥१२८३॥

१. पवणं करेमि सव्वं तत्थेव धिरा जइ उ वुग्गे । सं.।

२. दायव्वो आप्पसो तो मह तुम्हेहि जेण आगंतुं । सं.।

आरुहिकुणं चलिओ कमेण पत्तो य मंगलउरम्मि । पविसेइ महूसवेणं पढमं चिय जाइ जिणभवणे ॥१२८४॥  
 अहिणवणत्थं निम्मवियम्मो पंचविहेणंभिगमेण पविसेइ । जय जय रवं कुणंतो निसीहिया पुक्कयं तत्थ ॥१२८५॥  
 रोमंचकंचुइज्जंतविभाहो जिणवरिंदपडिमा । कुणइ विहीए पूयं सुंगधवरकुमुममाईह ॥१२८६॥  
 विहिणा वंदइ देवं उवउत्तो सारथोत्तथुइपुक्कं । अह उवविसिउं कारइ खणमेगं तत्थ पेक्खणयं ॥१२८७॥  
 पुण पणमिऊण देवं नियपासायम्मि वच्चए कुमरो । तत्थ कयभोयणविही बुद्धिधणं सचिवमाइसइ ॥१२८८॥  
 बीयदिणाओ पभिइं कारावेउं दसाहियं पुण वि । कुमराएसेण तओ बुद्धिधणो कारइ तहेव ॥१२८९॥  
 घोसावए अमारिं दस वि दिणाइं दसाहिया मज्जे । महया विच्छड्डेणं वित्ताए दसाहियाए तओ ॥१२९०॥  
 जोइसियकहियदिवसे मयंकतुरए समारुहइ कुमरो । नयराओ बहिं मंतुं तं वाहइ वाहियालीए ॥१२९१॥  
 विखा धाराविउरी झपाइविचित्तावाहणविहीए । वित्थडसंकडएहिं य कडएहिं वाहिउं अह सो ॥१२९२॥  
 मुक्को उवरिमवेगे तुरओ कुमरेण दीहरपहम्मि । निज्जिणइ जवेण तओ धणुमुक्कं बाणमनिलं च ॥१२९३॥  
 अइभूमि वच्चते तम्मि तुरंगम्मि खंचए कुमरो । वगं जाव तओ सो अहिययरं वंधए वेयं ॥१२९४॥  
 कुमरो वि हु गाढयरं आयइढइ सब्बथामओ रस्सि । तुरओ वि हु अब्बहियं धावइ पुरओ समं विसमं ॥१२९५॥  
 अमणंतो गयणतलं लंघिउकामो व्व पाडिसिद्धीए । रविरहत्तुरंगमाणं वच्चंतो उत्तरदिसाए ॥१२९६॥  
 इय कुमरतुरंगाणं परोप्परं खंचणम्मि चंकमणे । पारद्धपयत्ताणं गयाइं कइवयमुहुत्ताइं ॥१२९७॥  
 अइद्वारं वच्चते कुमरम्मि तुरंगमोवरिगयम्मि । तस्स अवसं तुरंगं नाऊण कुमारसेणं पि ॥१२९८॥  
 पट्ठीए वेणं पहावए जाव ताव सो कुमरो । दंसणपहमइकंतो पच्छाओ पयाणुसारेण ॥१२९९॥  
 तुरयस्स जाइ सेत्रं ताइं वि नट्टाइं पवणपहथाइं । पच्छा अन्नायदिसं खिन्नं च नियत्ताए सेत्रं ॥१३००॥  
 कुमरो थिरं पि भवणं नियइ भमंतं व तुरययवसओ । अहवा अप्पाणं पिब परं पि पेच्छंति चपलगई ॥१३०१॥  
 पन्नरसजोयणाइं नीओ अडवीए तेण तुरएण । कुमरो कुबेरदत्तो संतो तंतो विसन्नो य ॥१३०२॥  
 मुयइ कराओ वगं झंपं दाऊण उत्तरिउकामो । जाव कुमारो तुरओ ताव टिओ तक्खणे उड्ढो ॥१३०३॥  
 सासाऊरियहियओ कोबेण व कंपमाणसव्वंगो । कुमरेण तओ नाओ जहेस विवरीयसिक्खो त्ति ॥१३०४॥  
 दीहरअट्ठाणसमेण विहरियं जाणिऊण तं तुरयं । उत्तरिऊणं तत्तो उत्तारइ वक्खरं कुमरो ॥१३०५॥  
 उल्लोडियम्मि कविए मुहुकुहराओ तुरंगमस्स तओ । नीहरियं पाणेहिं लद्धवयासेहिं व लहुं पि ॥१३०६॥  
 दिवसद्धेण वि कुमरो अइभूमि सो गओ हयविलगो । अहवा आसारूढाण होइ दूरं पि आसन्नं ॥१३०७॥  
 दवदड्ढपएसाओ तत्तो पुरओ पयाइ जा कुमरो । आसन्नं चिय पेच्छइ ताव पुरो बहलवणसंडं ॥१३०८॥  
 घम्मणेण वम्महेण व अह ताविज्जंतअसहसव्वंगो । वणलच्छीए दूइं व पेसए सो नियं दिट्ठिं ॥१३०९॥  
 तद्दिट्ठिनिवडणुम्माहिय व्व आसन्नसेवयं सा वि । आहवणत्थं दूयं व पेसए तस्स मिउपवणं ॥१३१०॥  
 पवणसमागमसंजणियनिव्वुई नंदणो वि तरवइणो । वणलच्छीए समुहं संचलिओ मंदमंदगई ॥१३११॥  
 पसरंतपवणपेरियपयवसाहग्गहत्थमुक्कोहिं । कुसुमेहिं विविहवर्णेहिं वणसिरी रयइ पयरं च ॥१३१२॥  
 नीसेसवणसिरी दंसणम्मि ऊसुयमणो वि सो कुमरो । पट्ठिन्नो वीसमिउं वंछइ एगतथ छायाए ॥१३१३॥  
 सूरुो वि करप्फासं पि न लहए जीए अहिलसंतो वि । अन्नोन्नमिलियदलनिवहतरूहाणं समीवाओ ॥१३१४॥  
 मुहियमंडवसणाहलयहरमज्जंतरम्मि पविसेउं । तमइसिणिद्धं कुमरो सेवइ छायां जहिच्छाए ॥१३१५॥  
 पवणपहल्लिरपल्लवपरोप्परासंगजणियसुक्कारं । सिक्कारं व कुणंतिं कामुयमणमोहसंजणयं ॥१३१६॥

छायासन्नं तं पासिऊण पियपणइणि व्व ईसाए । आगम्म जत्ति तद्धिट्ठिगोयरे निवड्डिया निहा ॥१३१७॥  
 तह निभरमाणिगइ तं मउलिज्जंतलोयणो जह सो । ऊसासमेत्तलक्खिज्जमाणचेयन्नओ होइ ॥१३१८॥  
 अह निहाए मुक्को नियइच्छं पूरिउं खणं कुमरो । सिद्धम्मि निए कज्जे सव्वो वि अणायरो होइ ॥१३१९॥  
 परिच्चत्तो निहाए विसिद्धयखेयणाए सो गहिओ । सोहग्गनिही पुरिसो रुज्जइ अन्नन्नारीहि ॥१३२०॥  
 तत्तो निग्गतूण उज्जाणसिरि पलोयए कुमरो । कज्जवत्तसिद्धिलियं पि हु साहेति बुहा पुणभिरुइयं ॥१३२१॥  
 आसन्नमागओ वि हु सूरुो नाऊण नियपयावस्स । अपवेसं तम्मि वणे खेएण व दूरमोसरइ ॥१३२२॥  
 निहुयं निहालयंतो भमइ तहं एककमेक्कमह कुमरो । एककम्मि विवद्धरसा नहोति छेयाण दिट्ठीओ ॥१३२३॥  
 जत्तो जत्तो चक्खुं निक्खिवइ निएइ तत्थ तत्थेसो । साहादलपल्लवकुसुमफलभराऊरिया तरुणो ॥१३२४॥  
 रम्माओ रम्मयरं पलोयमाणो पुरो पुरो वयइ । कुमरो बुहयणबुद्धी विसेसगहणुज्जया होइ ॥१३२५॥  
 पेक्खेइ तओ एकं सरोवरं गरुयपालिपरिखित्तं । चिरविप्पउत्तमिलियं सिणिद्धमित्तं व कथहरिसं ॥१३२६॥  
 तस्साभिमुहं गंतुं पालीए मत्थयम्मि आरुहइ । जा कुमरो ता पेक्खइ जलभरियं तं समुहं व ॥१३२७॥  
 विमलसिलाबद्धतडं अणेगसोवाणपंतिपरिकलियं । नलिणनयणेहि विप्फारिएहि कुमरं नियतं व ॥१३२८॥  
 पवणसमाहयकंपंतकमलिणीपत्तपाणिनिवहेहि । आहवणं व कुणंतं पुणो पुणो तस्स कुमरस्स ॥१३२९॥  
 सलिलस्स बहुत्तणओ तम्मि पएसे अमायमाणं व । उच्छलियगुरुतरंगेहि ऊससंतं व उड्ढदिसि ॥१३३०॥  
 लहरीहि ताडयंतं तडभित्तिमभिक्खणं व पेल्लंतं । दूरुोसारणबुद्धीए लद्धुमवयासमइविउलं ॥१३३१॥  
 मज्जंतमतकुंजरगंडयलुडीणच्छपयकुलेहि । जलहिभमगहियसलिलुप्ययंतनवमेहमालं व ॥१३३२॥  
 आसन्नविययवरपुंडरीयछाया विरायमाणेहि । सेविज्जंतं व नरिंदमंदिरं रायहंसेहि ॥१३३३॥  
 गयणमयमवणयंतं अविश्यवियरंतरायहंसेहि । जून्हासियपउरपयावभासमाणं महाभोयं ॥१३३४॥  
 सुन्नारन्नं व समीरच्चलिखणवित्थराभिरमणिज्जं । कमलेहि पुंडरीएहि सव्वओ सोहमाणं च ॥१३३५॥  
 वणकरित्तुरयनरेहि पासम्मि समंतओ समतेहि । माणिज्जइ जम्मि फुडं रायसिरी रायहंसेहि ॥१३३६॥  
 मज्जणकज्जसमुज्जयवणकुंजरकरविमुक्कसलिलेहि । दिणयरकरपरित्तं नहंगणं सिचमाणं व ॥१३३७॥  
 कुमरो सणियं सणियं सोवाणपहेण ओयरेऊण । तीरतरुपतिसाहानिसिद्धमज्जन्हरवितावं ॥१३३८॥  
 तस्स सरस्स तडत्थं पियइ जलं सीयलं च विमलं च । पक्खालइ सव्वंगं जलावगाहं करेऊण ॥१३३९॥  
 तत्तो नियत्तिऊणं तेणेव पहेण उड्ढमारुहइ । पालीसिहरगयाए वणराईए तरुण तओ ॥१३४०॥  
 कालोच्चियाइं गिन्हइ महररसाइं फलाइं पक्काइं । तेहि नियपाणवित्ति काऊणं पालिउवरिम्मि ॥१३४१॥  
 भमिऊणियरदिसाए ओरुहइ कुबेरदत्तवरकुमरो । पुण पेक्खिउं पयट्ठो वणलच्छि तीए विदिसा ॥१३४२॥  
 तत्थेक्कम्मि पएसे दिट्ठो उस्सग्गसंठिओ साहू । तेण सहस त्ति परमक्खरम्मि लीणो परिहवाहू ॥१३४३॥  
 सोमो व्व सोमलेसो दिणयरविबं व दित्तवत्तेओ । मेरु व्व निप्पकंपो गंधीरो सागरवरो व्व ॥१३४४॥  
 करचरणनिम्मलाहणनहमणिकिरणेहि नीहरंतेहि । नियदेहाओ रायं नीहारंतो व्व वाहिम्मि ॥१३४५॥  
 सरयसलिलं व सत्थो तह मेडणिमंडलं व सव्वसहो । पवणो व्व अपडिवद्धो अणिसिसओ अंतरिक्खं व ॥१३४६॥  
 दंसणमेत्तेणं चिय पणासयंतो व्व पावपब्भारं । भवियजगाण जणंतो अउव्व सुहकम्मसंघायं ॥१३४७॥  
 चिरविप्पउत्तसहस त्ति दिट्ठपियब्रंधवाओ अब्भहियं । तहंसणजणियपमोयमुव्वहंतेण कुमरेण ॥१३४८॥  
 ॥छहिं गाहाकुलयं ॥

सखप्पणा वि कुमारस्स तस्स दिट्ठी मुणिम्मि तम्मि ठिया । वणसिरिदंसणचिरभमणजायखेयं व्व वीसंता  
 तं दट्ठण विगप्पइ कुबेरदत्तो मणम्मि निवतणओ । आसावहाणणमहं इममासापूरयं जायं ॥१३५०॥  
 निम्माणुसेवि रत्ते एयम्मि जमेस मुणिवरो अम्ह । सुपसन्नवयणकमलो नयणाण पहम्मि ओइत्तो ॥१३५१॥  
 एयस्स दंसणेणं अम्ह कयत्थाइं ताव नयणाइं । जायाइं संपयं पुण पणामकरणेण काओ वि ॥१३५२॥  
 होउ कयत्थो एसो इयचित्तेऊण वच्चइ समीवं । तस्स मुणिस्स कुमारो जाव तओ सो न दिट्ठि पि ॥१३५३॥  
 उम्मीलइ थेवं पि हु पुणो वि तो चितए मणे कुमरो । जह एस महप्पा चत्तसव्वसंगोनिरीहो य ॥१३५४॥  
 जइ देविदो वि सयं एरावणवारणम्मि आरूढो । आगच्छइ कह वि इहं तं पि न एसो अवेक्खेइ ॥१३५५॥  
 सिद्धिसुहवद्धलक्खो असंसंसारसोक्खनिरवेक्खो । तेलोक्कसिरि पि न एस मन्नए तणसमाणं पि ॥१३५६॥  
 एमेव ठियं एयं अजंपमाणं अपासमाणं पि । पाएसु पणमिऊणं करेमि सुपवित्तमप्पाणं ॥१३५७॥  
 इय चित्तिऊण गंतूण पणमए मुणिवरस्स चरणेसु । अवणीसरस्स तणओ पूरिज्जंतो पमोएण ॥१३५८॥  
 अवणंतो चरणरयं तस्स मुणिदस्स निययकेसेहि । कम्मरयं पि पमज्जइ अप्पणयं निवइणो तणओ ॥१३५९॥  
 संवाहिऊण चरणे चिरं मुणिदस्स तस्स दिट्ठीए । पुरओ चेव निविट्ठो तग्गयदिट्ठी खणं कुमरो ॥१३६०॥  
 कुमारकरप्पासेणं निययकमलेसु जायमाणेण । दिण्णवओगो साह उस्सगं पारिऊण लहुं ॥१३६१॥  
 उवविसइ तत्थ फासुयभूमिपएसम्मि तणपलिच्छन्ने । पुण उट्ठिऊण वंदइ कुमरो भत्तीए तं साहुं ॥१३६२॥  
 साह वि धम्मलाभं दाऊणं पुच्छए निवकुमारं । निम्माणुसम्मि रत्ते एयम्मि तुमं कुओ भइ ! ॥१३६३॥  
 साहेइ तओ कुमरो कुबेरदत्तो नियसमयं पि । तत्थागमणनिमित्तं तस्स पुरो मुणिवरिदस्स ॥१३६४॥  
 अह विस्सकंतनरनाहनंदणो जाव तस्स साहुस्स । पासम्मि कि पि कोऊहलेण पुच्छिस्सइ सरूवं ॥१३६५॥  
 चइऊण दूरमंबरभायं थिरविग्गहो तओ जाओ । कयवारुणिप्पसंगो सूरुो संकुइयकरपाओ ॥१३६६॥  
 अत्थगिरिमत्थयाओ ढलिऊणं पइइ जलहिमज्जम्मि । करचंडो वारुणिलालसो य बहु लहइ वसणाइं ॥१३६७॥  
 संहरिऊण हासं कमलमुहं मउलियं कमलिणीए । नियनाहे अत्थमिए कुलीण नारीण जुत्तमिणं ॥१३६८॥  
 रत्तंबरपरिहारं करेइ पच्छिमदिसा तओ ज्जत्ति । लोणंतरम्मि पत्ते नियरमणे सहसकिरणम्मि ॥१३६९॥  
 तो साहुणा कुमारो भणिओ जह भइ ! संपयं अम्ह । करणिज्जविसेसो को वि वट्टए तं करिस्सामो ॥१३७०॥  
 कुमरेण तओ सहस त्ति सोससंघडियपाणिजुयलेण । पणमंतएण साह विन्नत्तो कुणह नियकिच्चं ॥१३७१॥  
 तुब्भे संपइ अम्हे पुण एत्थ वि तुम्ह पायपउमाणं । होउमदूरासत्ता चिट्ठिस्सामो मुहुत्तं पि ॥१३७२॥  
 विहियाणुट्ठाणस्स वि पज्जंतो तुम्ह मुहमयंकाओ । नीणंतवयणजुन्हाजलेणनिव्वावइस्सामो ॥१३७३॥  
 नियसवणकंदराइं ततो साह कयासणविसेसो । नियकिच्चम्मि पयट्टइ कुमर वि जहुत्तमायरइ ॥१३७४॥  
 एयाओ विहिसियाओ उइयम्मि दिणे सिरि मह रिउम्मि । तम्हा तस्स परोक्खे नासेमि इमाण नामं पि ॥१३७५॥  
 इय चित्तिउं च तिमिरं लद्धप्पसरं पहावियं तुरियं । सव्वदिसाविलयाओ कोवेणेगतथ मेलेउं ॥१३७६॥  
 तह कुणइ जहा तासि कालीकयआणणाण पविभाओ । थेवो वि न लक्खज्जइ केण वि दक्खेण वि नरेण  
 पसरइ घणंअध्यारो छट्ठो कसिणो व्व केसपढभारो । नट्टम्मि नहमणिम्मो नहलच्छीए रुयंतीए ॥१३७७॥  
 कालेण पाढएण व तिमिरमसीए विलिपियं सयलं । गयणफलयं विसालं तारक्खरकइडणनिमित्तं ॥१३७८॥  
 निम्मलचक्खू वि जणो विमलं मलिणं तथा समं विसमं । पासइ समरूवं चिय नत्थि विवेओ तमंधाण ॥१३७९॥  
 पसरंते तिमिरभरे जुग्गवं चिय सव्वमेव संजायं । नीलीरसस्स मज्जे मज्जेउं कइडयं व जयं ॥१३८०॥  
 धवलं पि वत्थु तमसंगमेण कसिणं व पासए लोओ । दुज्जणमिलिओ सुयणो विदीसए तस्स सारिच्छो ॥१३८१॥

वित्थरिए तमपसरे सामलवन्नो समिद्धिमणूपत्तो । को वा न लहइ लच्छि उदयं पत्ते सपक्खम्मि ॥१३८३॥  
 सब्बत्तो वित्थरिओ तुसारकरत्तारत्तारयानियरो । नहमंडले विरायइ तमालदलसामलच्छ्राए ॥१३८४॥  
 गयणमणिं परिणट्ठं अन्नेसंतीए गयणलच्छीए । चंक्रमणसमुद्धिन्नं व्व विदुणो सेयसलिलस्स ॥१३८५॥  
 कालेण मालिएण व खित्तो वरसेयकुमुमपम्भारो । उत्ताणसरिसएरंडपत्तपिहियम्मि पट्टम्मि ॥१३८६॥  
 नहमंडललच्छीए नाउं मयलंछणस्स आगमणं । सियवन्नेण विरइओ कुमुमसमूहेण पयरो व्व ॥१३८७॥  
 मरगयपत्ते हारं व पोइउं मोत्तियाइं खित्ताइं । सामाए भामिणीए मयंकदंसणसयन्हाए ॥१३८८॥  
 इयभीसणंधयारे वियरंते सयलभुवणवल्यम्मि । भीयं व तं अरन्नं जायं सब्बं पि अइनिहुयं ॥१३८९॥  
 नगसाहागयविहगं पसुत्तनीसेसपायवसमूहं । नियनिलयतिलुक्कसमग्गवणयरप्पाणिसंधायं ॥१३९०॥  
 परिचत्तसत्तसंचारमुवरयासेससहसंदोहं । घोरइ व घोरघघरघूयडघोसेहि कयनिइं ॥१३९१॥  
 नियमुहकुहरपविट्ठं भुवणं दट्टु ण इय समगं पि । पथडिअतारादसणो हसइ व तमरक्खसो हिट्टो ॥१३९२॥  
 निव्वत्तियनियकिच्चो साह सज्जायवावडो होइ । कुमरो वि समागतूण पणमिउं तस्स साहस्स ॥१३९३॥  
 पासम्मि निसीयइ जोडिऊण नियपाणिपंकयाण जुयं । साह वि तस्स नाउं सुस्ससं कहइ धम्मकहं ॥१३९४॥  
 धम्मकहं कहमाणस्स तस्स मुणिणो मुहं अपासंते । रायकुमरे तिमिरप्पसरेण तिरोहिया ताहे ॥१३९५॥  
 तस्स प्पगासहेउं व उग्गओ तिमिरमवहरइ राया । तस्सागमणे अप्पाणमुज्जलं कुणइ रयणी वि ॥१३९६॥  
 पडिबुद्धेण (व) मुणिदेसणाए चंदेण झत्ति मुक्काइं । चंदुज्जय<sup>१</sup>? बंधाओ सब्बाइं वि भमरवंदाइं ॥१३९७॥  
 बंधाविमोयणसंजायहरिसभरनिभर व्व भमरगणा । गुंजियमिसेण ससिणो कुणंति गुणमंडलग्गहणं ॥१३९८॥  
 जुन्हादुद्धपवाहेण ससहरो सयलमंबरं झत्ति । पक्खालिऊण धवलं करेइ घणतिमिरमसिमलिणं ॥१३९९॥  
 छुहिधाण चओरविहंगमाण सकुडुंबयाण व जहिच्छं । दिन्नं ससिणा पीऊसपाणमणियंतिस्सिकरेण ॥१४००॥  
 निवडंतदुद्धधारा संकाए मुद्धभुयगपोएहि । पिज्जइ जुन्हा अविवत्तन्हमुत्ताणि य मुहेहि ॥१४०१॥  
 ससिकर संवलियाणं मलिणाण वि धवलिमा समुल्लसइ । उत्तमगुणाण संगेइविगुणो वि गुणित्तणं लहइ ॥१४०२॥  
 पारयरसेण पक्खालियं व खडियारसेण सित्तं व । जायं जयं पि जुन्हा धवलं फलिहेण घडियं व ॥१४०३॥  
 कायी नियभत्तारं बगसंकाए परिचचएऊण । तं सहं तं सहं जाणिउं पुण समल्लियइ ॥१४०४॥  
 पत्थुयकहावसाणे कुबेरदत्तो पुणोवि पणमेउं । विन्नवइ जोडि(य) करो तं मुणिमेवं विणयजुत्तो ॥१४०५॥  
 तुम्ह समीवम्मि मुणिदपुच्छिउं कि च्चि अत्थि मह बंधा । निदावयण परिस्समपीडा तुम्हं जइ न होइ ॥१४०६॥  
 तो तुम्हाएसेणं पुच्छामि तओ मुणी कुमरमाह । निदा-पमायमज्जे वज्जेयव्वा तओ एसा ॥१४०७॥  
 मुणिवसहेहि निच्चं अह कीरइ तो निसाए जामदुगा । उवरि जामो एगो कायव्वो न उण पुरओ वि ॥  
 पढमे दो निसिजामे सज्जायपरायणाण साहूण । वयणस्समो विविहिओ पहरो इन्हि तु किचूणो ॥१४०९॥  
 पढमो गओ निसाए ता पुच्छं जहिच्छमप्पणोऽभिमयं । इय साहुणा पभणिओ पुच्छइ तं पमुइओ कुमरो ॥  
 भयवं ! कहेह एयं मज्ज करेऊण अइगुएपसायं । कम्माइं बलियाइं कि वा बलिओ पुरिसयारो ॥१४११॥  
 अह साहुणा पभणियं कुमार ! दोन्नि वि इमाइं बलियाइं । नियनियठाणम्मि तओ बलियत्तं दोन्ह वि समाणं ॥  
 कम्मऽणुरूवो जम्हा ववसाओ होइ सब्बजीवाणं । ववसाएण य कम्मं जीवस्स जणिज्जए नूणं ॥१४१३॥  
 सिद्धंते वि हु भणियं बलियत्तं कम्मपुरिसयाराणं । अन्नोन्नं संजायइ कस्स वि कइया वि अबलत्तं ॥१४१४॥  
 एयम्मि वइयरे तुह अक्खेमि कहणयं जहा सम्मं । परिणमइ तुज्ज एसो अट्टो सब्बो मए कहिओ ॥१४१५॥

१. तं दुज्जय बंधाओ पा० ।

कुमरेण तओ सीसे हत्थे आरोविऊण इय भणियं । चिट्ठामि कहाभवणुकुंठियहियओ कहह तुब्भे ॥१४१६॥  
तो कहइ मुणी वि जहा इहेव विजयम्मि अत्थि वरनयरं । हरिसउरं नामेणं अमराण वि जं मणोहरणं ॥  
नामेण हरिसपालो पालइ नीईए तं पुहइवालो । विककमगुणसंपन्नो निट्टविया सेसपडिवक्खो ॥१४१८॥  
अंतेउरप्पहाणा देवी तस्सऽत्थि हरिसमइत्तामा । नियगुणरूवाइगुणेहि देवोण विहरइ जा गव्वं ॥१४१९॥  
ताणं जाओ पुत्ता सिरिहरिसो नाम हरिससंजणओ । जणयाणं सेसाण वि जणाण नयणेहि दीसंतो ॥१४२०॥  
सिरिहरिसपालरत्तो समए अन्नम्मि निययदेसस्स । मज्जाओ आगंतुं पणिही पुरिसेहि परिकहियं ॥१४२१॥  
जह अम्हे देवेणं आसी नियमंडलस्स मज्जम्मि । सयलसरूवियाणणकज्जेण निरूविया पुव्वं ॥१४२२॥  
पइगामं पइनगरं परिब्भमंतंहे देव ! अम्हेहि । अन्नत्तेहि मिसेहि लोएण अलक्खियं तेहि ॥१४२३॥  
धन्नउरत्तामगामे भवणे पट्टइलसूरपालस्स । दिट्ठा एगा कन्ना अणन्नसाहारणगुणोहा ॥१४२४॥  
रूवेण पुण रइं पि हु लज्जावंती सयं सलज्जा वि । सयलित्थि लक्खणेहि संजुत्ता पसत्थेहि ॥१४२५॥  
इंनिह जोव्वण पत्ता जरस्स वि तस्स वि य अप्पसरिसस्स । तो निच्छएण दाही तज्जणओ सूरपालो तं ॥१४२६॥  
देवस्सेय जोग्गा सा परिणेउं तओ समाणेउं । देवो परिणेउ सयं तं कन्नं मा विलंबेउ ॥१४२७॥  
तव्वयणसवणसमणंतरं पि संजायगरुयअणुराओ । राया पेसइ पुरिसे राया सं समाप्पेउं ॥१४२८॥  
धन्नउरत्तामगामे पासे पट्टइलसूरपालस्स । तं कन्नं पत्थेउं समप्पिओ तेहि गंतूण ॥१४२९॥  
तत्थ सिरिहरिसपालाएसो गामाहिवस्स हत्थम्मि । कहियं च रायवयणं अइहिट्ठेणं तओ तेण ॥१४३०॥  
भोयण-न्हाणाईओ ताण कओ गोरवो अइमहंतो । हक्कारिऊण गामस्स लेहयं दंसए तस्स ॥१४३१॥  
रायाएसं तं वाइऊण सो तस्स साहइ तयत्थं । जह आणावइ राया निरिक्खिउं कन्नं तुज्ज ॥१४३२॥  
अह सो भज्जाए सह काऊणं मंतनिच्छयं पच्छा । संवाहइ तं कन्नं अणूपम्ब सह सजणणीए ॥१४३३॥  
तज्जणणीए तिहुयणदेवीए सगडमारुहंतीए । केणावि सम्मूहं चिय झडत्ति छीयंतओ एसो ॥१४३४॥  
अवसउणो एस महल्लउ त्ति नाऊण नियमणे भीया । पच्छा नियत्तिऊणं गिहे पविट्ठा ठिया जंती ॥१४३५॥  
धूया अणुपम्वा पुण पिउणा संपेसिया विहेऊण । वत्थाइसंवाहं आरोहेऊण वरसगडे ॥१४३६॥  
तीए सह पट्टविया एगा कम्मायरिया तहा चउरो । पाइक्का आउहपाणिणो य बहुदिन्नसंवलया ॥१४३७॥  
सम्माणिऊण रत्तो पुरिसो तेंसि भलाविया एसा । भणिया य ते णि मं ते विसज्जए जइ इमं राया ॥  
तो कुलसेणिह पत्ता जह होइ इमा तहा करेयव्वं । तुम्हेहि माए एसा समप्पिया तुम्हं निय थवणी ॥१४३९॥  
सह एईए य अहं पि संपयं एमि तत्थ परमेत्थ । संजायविसंवाया कुडुंबिया के वि चिट्ठं ति ॥१४४०॥  
संबोहिज्जंति न ते जइ संपयमेव तोसमुच्चलितं । दोण्ह वि पक्खाणं बहुकुडुंबिया जंति अन्नत्थ ॥१४४१॥  
तो तो संबोहेउं अहं पि पट्टीए आगमिस्सामि । जइ किपि दिव्ववसओ अन्नं पि न जायए विग्घं ॥१४४२॥  
अह ते नरिंद-पुरिसा अणूपम्बं कन्नं गहेऊण । सिग्घपयाणेहि गया नयरे हरिसउरत्तामम्मि ॥१४४३॥  
नयरासन्नपहाओ पुरओ होऊण निवइणो पुरिसा । निववावीदेसपासे कन्नं मोत्तुं पुणो ते उ ॥१४४४॥  
जंति नरिंदसमीवे दट्टूण नरेसरेण दूराओ । आलत्ता सपमोयं ते पुरिसा पणमिऊण निव ॥१४४५॥

१ निववावीए सहट्टुं सह कन्नाए गहेऊण (इति पाठांतरे)

साहेति तस्स पुरओ समागया देव सूरपालस्स । पट्टइलस्स अणुपम्ब नामा वरकन्नगा एत्थ ॥१४४६॥  
 रत्ता ते परिपुट्ठा सा संपइ कम्मि चिट्ठए ठाणे । साहेति ते वि जह सा निवपइ देवस्स वाकीए ॥१४४७॥  
 पुण पुच्छिया निवेणं ते पुरिसा (एव) संपथा तीसे । तुम्हेहि पेक्खिया केरिसि त्ति तो तेहि परिकहियं ॥  
 अम्हेहि देव दिट्ठा जाओ काओ वि एत्थ इत्थीओ । रुयवईओ पुहुईयलम्मि ताणं समग्गाणं ॥१४४९॥  
 रुवेण समम्भहिया अणुपम्वा कन्नगा इमं अम्हे । जाणामो एयं पुणं सक्केमो पभणितं नेय ॥१४५०॥  
 जह एरिसया अन्ना संपइ नारी न विज्जाए तिजए । जइ पुण का वि अदिट्ठा अम्हेहि वि अत्थि रुयवई ॥  
 पेक्खिस्सइ देवो विहु सयं पितं संपयं चिय तओ किं । कीरइ दप्पणदंसणमावद्धे कंकणे हत्थे ॥१४५२॥  
 तो रत्ता ते पुरिसा भणियां गंतूण इय भणह तुम्भे । नयरारक्खं वयणेण मज्झ जह तं निएऊण ॥१४५३॥  
 कत्थइ नयरस्स बहि मज्जे वा संगयं समावासं । अप्पह अणुपम्वाए तेण तओ दंसियावासे ॥१४५४॥  
 तं तत्थ ठवेऊणं तुम्भेहि झत्ति मम समागंतुं । कहियव्वमेरिसं तो तेहिं तह च्चिय करेऊण ॥१५५५॥  
 आगंतूण कहियं नरवइणो तेण ते पुणो भणिया । नियनियगिहेसु भोत्तुं तुम्भेहि तत्थ गंतूण ॥१४५६॥  
 निच्चं पि चिट्ठियव्वं तीसे पासे दिया व राओ य । तुम्भेहि परिचिएहि तत्थ ठिएहि जहा तीसे ॥१४५७॥  
 अरई न होइ चित्ते जं तीसे किं (पि) जायए कज्जं । तुम्हेहि वि कायव्वं तं सक्कं जं पुण असक्कं ॥१४५८॥  
 तं मम आगंतूणं कहियव्वं तो इमं निवाएसं । पडिवज्जिऊणं सव्वं तह च्चैव कुणंति ते निच्चं ॥१४५९॥  
 निवइनिउत्ता पुरिसा गंतूण अणुपम्वाए पासम्मि । रायाइकहाईहि कुणंति सययं मणविणोयं ॥१४६०॥  
 सा वि पइवासरं चिअ अणुपम्वा कयसरीरसक्कारा । तेहिं समं कुणमाणी विविहकहाओ गमइ दियहे ॥  
 से निवनिउत्तपुरिसा कया वि एवं भणंति हासेणं । सम्मुहमणूम्वाए जह अम्हे तुज्झ पिउगामे ॥१४६२॥  
 पन्नासजोयणाइं गंतूण तुमं तओ गहेऊण । एत्थागया इयाणिं दिया य राओ य तुह सेवं ॥१४६३॥  
 कुणमाणं चिट्ठामो परिणेही ता तुमं जाया राया । होहिसि नियमेण तया नरवइणो तं पसायवई ॥१४६४॥  
 तो अम्हाण पसायं कुणसि तुमं कपि तम्मि समयम्मि । किं वा नो परिथाणसि दिट्ठे वि हु दिट्ठिपासम्मि ॥  
 सा पभणइ ते पुरिसे मज्झ पसाएण जइ नराहिवई । देही एगं गामं तो तुम्ह चउन्ह वि जणाणं ॥१४६६॥  
 भूमि एगेगहलस्स तम्मि गामम्मि नियमओ दाहं । दाणिरहियं पसाएण वत्थजुयलं तहेक्केकं ॥ १४६७॥  
 जइ पुण दोन्नि लहिस्सं गामे तो पुव्वजंपियं सव्वं । दुगुणं पि पयच्छिस्सं तुम्ह अहं इह न संदेहो ॥१४६८॥  
 एवं चिट्ठंताणं सत्तट्ठगयाइं ताण दियहाइं । राया अन्नपपओयणेहिं अइवाउलत्तेण ॥ १४६९॥  
 गंतुं तत्थ न पारइ कन्नाए अणुपम्वाए आवासे । तो तीए नरत्ताहो तेसि पुरिसाण पासाओ ॥१४७०॥  
 एवं भणाविओ जह कज्जं अम्हेहिं नत्थि जइ तुम्ह । तो सिग्घं पि विसज्जह अम्हे जामो जहा गामं ॥१४७१॥  
 पाइक्का वसहा विय ससंदणा निरूवओगमेवेह । चिट्ठंति कुणंता संबलस्स हाणिं अहं च तहा ॥१४७२॥  
 इय गंतूणं कहियं पुरिसेहिं तेहिं निवइणो पुरओ । तेण तओ तेसि चिय पासम्मि सुवन्नसयमेगं ॥१४७३॥  
 संपेसियं निमित्तं तीसे तह भाणियं च एरिसयं । कज्जाउलत्तणेणं ठिओ अहं एत्तियदिणाणि ॥१४७४॥  
 इन्हि जइ कज्जाणं सयाइं बहुयाइं संभविस्संति । तह विय दिणदुगमज्जे तित्थाहं आगमिस्साम ॥१४७५॥  
 चित्तम्मि का वि अधिई नियम्मि न तओ ताए विहेयव्वा । दूरट्ठाणाउ तुमं केण वि कज्जेण एत्थ मए ॥१४७६॥

आणावियासि तेहि वि नरिदपुरिसेहि तत्थ गंतूणं । गेहे अणूपम्वाए निवदिन्नं अप्पियं कणयं ॥१४७७॥  
 कहियं च सब्बमेव य तीसे पुरओ नरिदसंदिट्ठं । परितुट्ठमणा जाया अणूपम्वा तक्खणे वि तओ ॥१४७८॥  
 बीए दिवसम्मि गओ राया वि अणूपम्वाए आवासे । एतं दट्ठूण निवं समुट्ठिया आसणाओ तओ ॥१४७९॥  
 सिग्घं अणूपम्वा जवणियाए थोवं तिरोहिओ अप्पा । तीए तओ नरिदो पल्लके पुव्वठवियम्मि ॥१४८०॥  
 उवविट्ठो तं दट्ठुं कन्नं इय जंपए सुयणु ! एहि । किं तुज्ज पेइयहरे एरिसओ चं च आयारो ॥१४८१॥  
 जं पाहुणगम्मि समागयम्मि गम्मइ पलाइउं दूरे । इय निवभणियम्मि इमा सहायपुरिसेहि भणिकुण ॥१४८२॥  
 आणीया नरवइणो समीवदेसम्मि तो करेऊण । अंगुट्ठि उवविट्ठा रत्ता संभासिया एसा ॥१४८३॥  
 तुह मुह दंसणहेउं अम्हे एत्थागया मयंकमुहि ! । तं पुण न पेक्खसे अम्ह सम्मुहं नमिय मुहकमला ॥१४८४॥  
 पासिट्ठिएहि भणिया पुरिसेहि तओ नरिदवयणस्स । सणियं सणियं सम्मुहमवलोयइ सा वि खणमेक्कं ॥१४८५॥  
 राया लोयणजुयलं तीसे वियसियउरोयदलदीहं । सरलं नासावंसं बिबीफलसरिसमहरं च ॥१४८६॥  
 हत्थे असोयपल्लवतुल्ले कुम्मु व्व उन्नए पाए । पयडे पलोइऊणं सेसंगं वत्थठइयं पि ॥१४८७॥  
 संठाणविसेसेणं दिट्ठा वयणाणुसारओ तह य । निरुवमरुयं नाउं विम्हइओ चितइ मणम्मि ॥१४८८॥  
 उब्भइसिगारविज्जिया वि दिट्ठा मणं विमोहेइ । जइ ताव इमा तो कयसिगारा केरिसं करिही ॥१४८९॥  
 तस्सेव य रज्जकलं तस्सेव य मणुयजोवियं सहलं । तस्सेव य विसयसुहं जस्सेसा जायए जाया ॥१४९०॥  
 इच्चाइ चित्तिऊणं मयणवसाउलमणो खणं राया । नियबीडयं पयच्छइ तीसे कप्पूरदलकत्तियं ॥१४९१॥  
 अब्बत्तजंपिरीए लज्जा पूरिज्जमाणहिययाए । तीए सह काऊणं जहोचियं कं पि आलावं ॥१४९२॥  
 राया समुट्ठिऊणं नियपासाए पयाइ तत्थ गओ । हक्कारिऊण पभणइ नारी लक्खणविऊपुरिसे ॥१४९३॥  
 गंतूण अणूपम्बकन्नगाए देहम्मि लक्खणं नियह । जोग्गा नरिदभज्जत्तणस्स किं वा अजोग्गा सा ॥१४९४॥  
 गंतूण तेहि सम्मं निरिक्खिऊणं अणूपम्वादेहं । आगंतूणं कहियं रत्तो जह अत्थि जोग्गतं ॥१४९५॥  
 तीसे नरिदभज्जत्तणम्मि तह सा जणिस्सए पुत्तं । अइययपयाववंतं पुहईए पसाहगं पवरं ॥१४९६॥  
 सम्माणिकुण रत्ता विसज्जिया ते पहिट्ठिच्चित्तेण । हक्कारिऊण पुट्ठा विवाहलगं तओ गणया ॥१४९७॥  
 गणिकुण तेहि लगं कहियं पंचमदिणम्मि नरवइणो । रायामच्चेण तओ पुणो वि ते पुच्छिया एवं ॥१४९८॥  
 परिणीयाए इमाए कन्नाए अणूपम्वाभिहाणाए । अम्ह पट्ठो भविस्सइ कल्लाणपरंपरा पुरओ ॥१४९९॥  
 पुच्छालभग्गसुव्वरि जोइसिएहि तओ समग्गेहि । परिभाविऊण भणियं निवपच्चक्खं अमच्चपुरो ॥१५००॥  
 परिभाविताणं जोइसम्मि जं किं चि एइ सुहमसुहं । तं अम्ह कहं ताणं हसियव्वं नेय तुम्हेहि ॥१५०१॥  
 सचिवेण तओ भणियं जोइसदिट्ठं जहट्ठियं तुम्ह । निम्मलमणभावणं को अदराहो कहंताणं ॥१५०२॥  
 तो तुब्भे नीसंका होऊणं कहह जह परित्रायं । रत्तो वा अन्नस्स व मा कुणह भयं परिकहंता ॥१५०३॥  
 तेहि तओ जोइसजाणएहि रत्तो पलोइयं वयणं । तो रत्ता वि तह च्चि य ते भणिया जह अमच्चेण ॥१५०४॥  
 सेसाण सम्माणं जोइसियाणं कहेइ तो एक्को । अत्ते सब्बे वि गुणा तीसे दोसो इमो एक्को ॥१५०५॥  
 एईए जो पुत्तो भविस्सए सो इमस्स नयस्स । रायाणं हणिकुणं हडेण गिन्हिस्सए रज्जं ॥१५०६॥  
 पुण पुट्ठा ते रत्ता एयस्स पुरस्स सामिणो तस्स । किं नामं जं हणितं एईए सुओ निवो होही ॥१५०७॥  
 जोइसिएणं भणियं नामं न मुणिकुणं विसेसेण । सामन्नेणं नज्जइ हरिसउराहिवइभावेण ॥१५०८॥  
 रत्ता भणियं नज्जइ नाम विसेसेो कहं वि जइ ततो । जइ अम्ह बायगो सो अणूपम्बं तो न परिणेमि ॥१५०९॥



अह सिरि हरिसकुमारस्स तो न रज्जे ठवेमि एयमहं । सो च्चिय राया कीरइ अणूपम्वाकुच्छिसंभूओ ॥१५१०॥  
 तो मंतिणा पभणिओ ससंभमं ह्रिसपालनरनाहो । जत्थ अणत्थुप्पत्तीए जायए संसयलवो वि ॥१५११॥  
 तं पि नयमग्गकुसला दुरेण परिच्चयंति करणिज्जं । जत्थ पुणोणत्थस्सत्थि निच्छओ तस्स वि न चाओ ॥१५१२॥  
 तो रत्ता पत्तेयं गणया सव्वे वि मग्गिया सद्दं । देति जहा एवं चिय दुहा तिहा वत्तियं एयं ॥१५१३॥  
 उड्ढं देवस्स पुरो करेमि कह निच्छयं गणियमग्गे । मइविब्भमो वि जायइ सुरगुरुतुल्लस्स वि मईए ॥१५१४॥  
 तो सच्चिवेणं भणियं एवको च्चिय जइ गणेइ ता एवं । संभाविज्जइ गूणं जत्थ पुणो एत्तिया गणया ॥१५१५॥  
 तुब्भे मिलिया सव्वे निउणत्तेणं गणेह बहुवारं । तत्थ य संदेहलवो वि कीरइ जं न सा बुद्धी ॥१५१६॥  
 राया तओ पयंपइ अणूपम्वा संपयं पिउसमीवे । संपेसिज्जउ तुरियं जह सो अन्नस्स कस्स वि य ॥१५१७॥  
 पासाओ परिणावइ उच्चियस्स पवन्नजोव्वणं एयं । चित्थइ य तथा विहिणा अमयं उप्पाइऊण तओ ॥१५१८॥  
 कह तत्थ विसं छूढं निम्मविउं इत्थिरयणमेरिसयं । दूसनमेयं विहियं जेणऽम्ह अजोगयं जायं ॥१५१९॥  
 हा! दड्ढ दिव्व कम्हा पढमं चिय निम्मिया तए एसा । अह निम्मिया वि तो कह आणेउं दंसिया अम्ह ॥१५२०॥  
 तो मंतिणा नरिदो भणिओ जह पुच्छिय व्व मन्नं पि । अत्थि गणयाण पासे तं वेइ निवो जहा पुच्छ ॥१५२१॥  
 पुण पुच्छइ जोइसिए सच्चिवो जह एरिसं पुणो तुब्भे । परिभावह अइनिउणं जइ परणिज्जइ इमा कन्ना ॥१५२२॥  
 रत्ता तो तोए सुओ पुव्वुट्ठिठं करेइ सव्वं पि । कि वा परिणीयाए अन्नेण वि कुणइ सो एवं ॥१५२३॥  
 गणया भणंति तुइ पह परिणीयाए इमाए फुडमेव । तावत्थि स दोसो तुम्हेहि वि एरिसं चेव ॥१५२४॥  
 पुट्ठं जं परिणीया एसा कल्लाणकारिणी होइ । अम्ह पहणा न व त्ति य पुव्वुवरि फलं तयं कहियं ॥१५२५॥  
 इन्हि पुण अन्नं चिय चिट्ठह तुब्भे कुणंतया पुच्छं । तीसे सुहासुहफलं निरुवयामो पुणो अहुणा ॥१५२६॥  
 इय भणिऊण गणएहिं तोहि गहिऊण कं पि फुड सद्दं । केवलियअभिप्पाएण वत्तिऊणं इमं कहियं ॥१५२७॥  
 जइ वि न परिणइ राया कन्नं तथा वि एईए । जाओ पुत्तो नियमा पुव्वुत्तं साहए अत्थं ॥१५२८॥  
 अह मंती पत्तेयं गणए सव्वे वि गिन्हए सद्दं । दोच्चं तच्चं वारं ते वि तह च्चेव जंपति ॥१५२९॥  
 तो मंती रायाणं विन्नविउं कारवेइ सम्माणं । गणयाण विसज्जावइ ते सव्वे तयणुनियगेहे ॥१५३०॥  
 सयमेगं ते रत्तो कन्ने होऊण साहए एवं । न विसज्जिज्जइ एसा अणूपम्वा जणयपासम्मि ॥१५३१॥  
 जीवंती जं एसा परिणयव्वा नरेण केणा वि । तो जणिही सो तीसे पुत्तं सो तुम्ह पुण सत्तू ॥१५३२॥  
 होही तम्हा एसा भावि अणत्थं कुरस्स बीयत्तमा । पच्छन्नं हणिऊणं कीरउ कीणासपाहुणिया ॥१५३३॥  
 तो राया तं वयणं सुणिऊणं मंतिणो तओ जत्ति । पच्छायइनियकन्ने दोन्नि वि दोहि पि हत्थेहिं ॥१५३४॥  
 हाहा संतं पावं पयंपमाणो पुणो पुणो एवं । नारी सा वि कुमारी वीसासेउं इहाणीया ॥१५३५॥  
 तीसे कह च्चित्तिज्जइ चित्तम्मि वि एरिसं महापावं । कायव्वं पुण दूरे विसेसओ गरुयपुरिसाण ॥१५३६॥  
 भवियव्वयाए दिट्ठं चिट्ठइ जं किंचि अन्नहा काउं । तं केणा वि न तीरइ सक्केण वि कि पुण नरेण ? ॥१५३७॥  
 आह पुणो नरनाहं मंती जह देव पुहइवालेहिं । पुत्तो वि दुट्ठचित्तो निग्गहियव्वो लहं जम्हा ॥१५३८॥  
 इय दक्खिन्नजुयाणं पए पए तह य संकमाणाणं । अववायभीरुयाणं दूरेण सिरि पलाएइ ॥१५३९॥  
 तो आह निवो मंति अदुट्ठभावा इमा सयं इन्हि । अम्हुवरि ताव तत्तो निहोसाए वि एईए ॥१५४०॥  
 कह सक्केमि विरुवं चित्तेउं माणसम्मि वि विदूरे । वायाए कायस्स व वावारो ता न जुत्तमिणं ॥१५४१॥  
 जंपिय भविस्सकाले उप्पज्जिस्संतपुत्तदोसेण । कीरइ वहो इमीए इमं पि दूरं नय-विरुद्धं ॥१५४२॥

जम्हा जो च्चिय दोसस्स कारओ होइ एत्थ सो चेव । निग्गहणिज्जो रत्ता सब्बकुडुंबस्स मज्झाओ ॥१५४३॥  
लोए वि हू एसो च्चिय सुव्वइ आह्माणओ जयपसिद्धो । जत्थेव होइ दोसो अक्कोसो पडइ तत्थेव ॥१५४४॥  
अंगमुवंगं वा किं पि सब्बदेहस्स मज्झयारम्मि । अं चि य अह्णिणा दट्ठं छिज्जइ तं चेव छेएहिं ॥१५४५॥  
तम्हा तीसे पुत्तो उप्पज्जिस्सइ कया वि किं नेय । उप्पन्नो वि समत्थो कया वि होही अहं न होही ॥१५४६॥  
संजाओ वि समत्थो अम्हेहिं समं करिस्सइ विरोहं । सो किं वा न करिस्सइ इच्चाइ ससंसए पक्खं ॥१५४७॥  
इन्हिं चिय कहं एयं इत्थीवहसंभवं महापावं । वरसंतिअणुट्ठेमो सत्थे वि इमं जओ भणियं ॥१५४८॥  
तिन्निं महापावाइं इभाइं सज्जो फलंति पुरिसाण । इत्थिवहो बालवहो तइओ नियसामिणो दोहो ॥१५४९॥  
जम्मि समयम्मि होही अवयारी अम्हं नंदणो तीए । पडियारो कायव्वो तहाविहो को वि तइया वि ॥१५५०॥  
संवच्छरपज्जंते जस्स सरीरे भविस्सए रोगो । इन्हिं चिय सज्जंगो कहं सो कड्ढाइयं पियइ ॥१५५१॥  
अहं मंती नाऊणं नरिदहिययस्स निच्छयं इवं । अन्नमुवायं परिचित्तिऊणं नियभणियअट्टस्स ॥१५५२॥  
विन्नवइ निवं एवं तुम्हं मई देव ! निउणगंभीरा । धम्ममाणुगया य तहा परिणामसुहावहा चेव ॥१५५३॥  
अम्हं मई विवरीया पमाणमिहदेव ! तुम्हं आएसो । अहं तं विसज्जिऊणं मंतिं राया हरिसणालो ॥१५५४॥  
हक्कारिऊणं पुरिसे सयं निउत्ते अणूपम्वा पासे । आइसइ पट्टइलसूरपालधूयं पुणो नेउं ॥१५५५॥  
तस्सेव समप्पहं सिग्गमेव गंतूणं धन्नउरगामे । रायाएसं पडिवज्जिऊणं ते उट्टिया ततो ॥१५५६॥  
कहियं गंतूणं अणूपम्वाए सब्बं न तेहिं निववयणं । तीए वि चितियं नियमणम्मि जइ एरिसं रत्ता ॥१५५७॥  
भणियं मज्झं समीहियमेव तओ तेणं निम्मियं एयं । जेणंतेउरगुत्तीं निरोहदुक्खाउं छुट्ठाहं ॥१५५८॥  
इयं चित्तिऊणं भणियं पयडं पुरओ नरिदपुरिसाण । दिन्नो जो वि नरिदेणं को वि अम्हाणं आएसो ॥१५५९॥  
सो चि य सीसस्सुव्वारिं पढमं चि य आसि एरिसं नायं । नियगामाओ वि मए एत्थाभिमहं चलंतीए ॥१५६०॥  
किं चिट्ठंति कयाइं एत्तियं पुत्ताइं अन्नजम्मम्मि । अम्हेहिं जेणं राया परिणिस्सइ अप्पणा अम्हे ॥१५६१॥  
कत्थं इमो नरनाहो अणेगसामंतपणयपयकमलो । कत्थाहं कोडुंबियकत्तां गामम्मि वत्थव्वा ॥१५६२॥  
तम्हा दुग्घडमेयं जं होमि अहं इमस्स किरं कंता । को मज्झं इहं विसाओ लब्भइ दिन्नं नियं चेव ॥१५६३॥  
एत्तो च्चिय जणणीए मज्झं मए सहं तओ चलंतीए । संजाओ अवसउणो झडत्तिं केणइ पुरो छीयं ॥१५६४॥  
संपइ बंधवतुब्भे नियभइणीए ममोवरिं करेउं । अइगरुयं कारुत्तं नेउं मं मुयहं पिउपासे ॥१५६५॥  
नियपडिवज्जाए वि हू होइ इमं ताव तुम्हं करणिज्जं । सयमेव नरिदेणं दिन्नाएसे विसेसेणं ॥१५६६॥  
अहं रत्तो पुरिसोहिं सविसायं जंपियं इमं वयणं । समहं अणूपम्वाए एत्थं वि को भइणिं संदेहो ॥१५६७॥  
एसो मणम्मि खेओ अम्हाणं वट्टए अइमहंतो । जं पत्तं पि हू चत्तं रत्ता पत्तं तुहं सरिच्छं ॥१५६८॥  
इयं मन्नामो अन्नो को वि सउन्नो नरो इहं सहीए । अम्हं पहुणो वि पासाओ अत्थिं जो तुहं वरो होही ॥१५६९॥  
जे पिउपेसियपुरिसां अणूपम्वाए सहागया तत्थं । तेहिं नरेसरपुरिसां पुट्ठां विम्हिइयहियएहिं ॥१५७०॥  
जहं भो ? तुब्भेहिं इमं विन्नायं किं पि कारणं जेणं । रत्ता न हू परिणीयां अणूपम्वां कत्तया एसा ॥१५७१॥  
संपेसिऊणं तुब्भे एत्तियजत्तेणं जा इहाणीया । अइगरुयसंभमेणं आवासो दाविओ जीसे ॥१५७२॥  
तुम्हं करे अप्पेउं संवलयं पेसियं तहा तुब्भे । आइट्ठां जहं राओ दिया य तत्थेव ठायव्वं ॥१५७३॥  
सयमिहंआगंतूणं पलोइया साहिलासदिट्ठीए । आलवियां ससिणेहं अणूपम्वां पत्थिवेणं जहा ॥१५७४॥  
तं तुम्हाणं वि सब्बं पच्चक्खं चियं तहं निवाएसा । पुरिसित्थीलक्खणजाणएहिं एत्थेव आगंतुं ॥१५७५॥

सम्मं निरुविऊणं अणूपम्वाए सरीरमियभणितं । रूवेण लक्खणेहि य संजुत्ता कन्नया एसा ॥१५७६॥  
 उच्चिया परिणेउं नरवरस्स तस्स विय तेहि इय कहियं । हक्कारिऊण गणए रत्ता वि गणावियं सिग्घं ॥१५७७॥  
 लग्गं विवाहजोग्गं तेहि वि पंचमदिणम्मि तं कहियं । लग्गगणावणवत्ता तुम्हेहि चिय इमा कहिया ॥१५७८॥  
 जीसे कज्जम्मि कयो उवक्कमो एत्तिओ नरिदेण । पडिसिद्धं परिणयणं जं तीसे तं महाचोज्जं ॥१५७९॥  
 अब्भितरया तुब्भे इम्मि कज्जम्मि ताव नरवड्ढो । वच्चह पासम्मि सया जाणिस्सह कारणं तम्हा ॥१५८०॥  
 निवपुरिसेहि भणियं जेतियमेत्तं तुमे वि याणेह । अम्हे वि तेत्तियं चिय जाणामो न उण अब्भहियं ॥१५८१॥  
 तो कन्नापुरिसेहि भणियं जह तुम्ह च्चव पासाओ । निवउलमज्जसरूवं अम्हे वि वियाणिमो न सयं ॥१५८२॥  
 रायपुरिसेहि भणियं नायं जं आसि तत्थ अम्हेहि । तं कहियं तुम्हाण वि कहिए उ विवाहलग्गम्मि ॥१५८३॥  
 ओसारिऊण लोयं सेसमसेसं पि मंतियं तेहि । रत्ता सच्चिवेण तहा सह जोइसिएहि खणमेक्कं ॥१५८४॥  
 पच्छवि सज्जिऊणं जोइसिए केवलेण सच्चिवेण । सह किं पि जंपियं पत्थिवेण मुइरं पबंधेण ॥१५८५॥  
 अह तं पि विसज्जेउं रत्ता हक्कारिऊण अम्हाणं । दिन्नो आएसो जं अणूपम्वं नेह पिउपासे ॥१५८६॥  
 अब्भितरयं पुण तत्थ कारणं किं पि नेयजाणामो । उद्देसेणं नज्जइ अमच्चवयणेणिमा चत्ता ॥१५८७॥  
 जोइसियाण वि वयणं संभाविज्जइ पयट्टमिह किंपि । पढमं चिय तेहि समं किंचि जओ मंतियं तत्थ ॥१५८८॥  
 एवं ते निवपुरिसे पजंपमाणे अणूपम्वा भणइ । अम्ह सहायाणमिमिसिमुत्तरं केत्तियं देह ॥१५८९॥  
 जइ वाउलया एए कंठकिलेसं कुणंति फलरहियं । तो एएहि जहा किं तुम्हे चिय वाउला होह ॥१५९०॥  
 तीसे पिउपुरिसेहि पजंपियं एरिसं विसन्नेहि । किह अम्हे वाउलया न हवामो जे समाणेउं ॥१५९१॥  
 एएण नरिदेणं भरियाऽवायस्स जोयणसयद्धं । कारविया विहलं चिय खडप्फडं संबलखयं च ॥१५९२॥  
 तत्तो अणूपम्वाए ते निय पिउणा नरा इमं भणिया । नीसेसं चिय तुम्हे अविमंसियमेव जंपेह ॥१५९३॥  
 जम्हा नियगामाओ दिट्ठा तुम्हेहि एत्थ एतेहि । मग्गे अणेगामा अदिट्ठुप्वा तहा नयरा ॥१५९४॥  
 तह सुरलोयसमाणं सयलं पि पलोइयं इमं नयरं । हरिसउरं नामेणं निवासठाणं नरिदस्स ॥१५९५॥  
 दिट्ठो इंदसमाणो नरनाहो तह इमो हरिसपालो : संबलए वि हु दिन्नं रत्ता तुम्हाण कणयसयं ॥१५९६॥  
 एवं अणूपम्वाए जंपतीए वि रायपुरिसाणं । मज्जाओ एक्केणं ते तप्पुरिसा इमं भणिया ॥१५९७॥  
 जइ पुण अणूपम्वाए पिउणो जाइं अयाणमाणेण । न कयं परिणयणं नरवरेण इय अत्थि मह संका ॥१५९८॥  
 तेहि तओ पडिभणियं उत्तमखत्तियकुलम्मि संभूओ । पट्टइलसूरपालो अम्ह प्ह नज्जए पयडो ॥१५९९॥  
 जम्हा पउमिणिनयरी नरिदअरिमहणस्स नत्तयो । सावक्कभाउएणं हयम्मि जणयम्मि एयस्स ॥१६००॥  
 जणणी गहिऊण इमं थणंधयं च्चव पढमरयणीए । एगागिणी पलाणा मिलिया सत्थाहवरुणस्स ॥१६०१॥  
 तेण समं संपत्ता एत्तियदूरम्मि धन्नउरगामे । उपन्नजरे पुत्ते निवायगेहं गवेसंती ॥१६०२॥  
 पट्टइलजोगपालस्स मंदिरे आगया तओ तेण । दट्ठुं सा परिपुट्ठा कहियं तीए रुयंतीए ॥१६०३॥  
 सघं पि नियसरूवं तेण वि संजायगरुयकरुणेण । सा धूया पडिवत्ता सगोरवं धारिया सगिहे ॥१६०४॥  
 जाओ पुत्तो निरुओ कइवयदियहेहि सूरपालो सो । पट्टइलजोगपालो जणणीए सूरपालस्स ॥१६०५॥  
 आवज्जिओ सभज्जो सपरियणो विणयवित्तिकरणेण । तह कह वि जह चिट्ठइ तन्नामगहणलग्गो सो ॥१६०६॥  
 पासइ य सूरपालं नियपुत्ताओ वि अहियनेहेण । सो वि विणीयत्तणओ सुवल्लहो सव्वलोगस्स ॥१६०७॥  
 सो कमसो वड्ढंती दुइज्जठाणम्मि अत्तणो विहिओ । पट्टइलं जोगपालेण कम्माणत्तं मुणेऊण ॥१६०८॥

जो को वि कलायरिओ मग्गेणं तेण एइ वच्चइ वा । तं कइ वि दिणे अइगोरवेण तत्थेव धारेउं ॥१६०९॥  
सिक्खावेइ कलाओ पासाओ तस्स सूरपालं सो । एवं कमेण जाओ सब्बकलापारपत्तो सो ॥१६१०॥  
उत्तमकुलसंभूयं तत्तो परिणावए वरं कन्नं । तं निवसेवाए काए वि सज्जए नेय कत्थ वि य ॥१६११॥  
अइसइयनेह्वसओ सो वि न अन्नत्थगंतुमीहेइ । तस्सेव समीवत्थो चिट्ठ आणाए वट्ठंतो ॥१६१२॥  
ते कओ निच्चित्तो सब्बत्थ वि जोगपाल पट्टइलो । आवज्जिओ समग्गे गामजणो नियगुणोहेण ॥१६१३॥  
पट्टइलजोगपालेण कारियं सूरपालजोग्गिहं । नियगेहासन्नमईववित्थइं नियनिवाससमं ॥१६१४॥  
वरणेण जोगपालस्स सूरपालो वि मंदिरे तम्मि । जणणी-कलत्तसहिओ संचरिओ सोहणदिणम्मि ॥१६१५॥  
इय काले वच्चंते संजाया दोन्नि सूरपालस्स । पुत्ता कमेण पवरा अणूपम्वा तह य धूया य ॥१६१६॥  
परलोग(ग)मणसमयं अप्पणयं जोगपालपट्टइलो । नाऊण सयललोगं मेलेऊणं इमं भणइ ॥१६१७॥  
एस मह सूरपालो नियपुत्ताओ वि दुग्गपालाओ । अब्भहिओ सयकालं जाणह तुब्भे वि ताव इमं ॥१६१८॥  
एसो वि मज्झ भत्तो विणयं तह कइ वि कुणइ जह अन्नो । को वि न सक्कइ काउं तुम्हं पच्चक्खमेयं पि ॥१६१९॥  
ता वियरिस्सामि अहं अद्धं नियसव्वविहवसारस्स । एयस्स सेसमद्धं भविस्सए दुग्गपालस्स ॥१६२०॥  
तह अन्नं पि भणिज्जह तुब्भे ठाणम्मि मज्झ दट्ठव्वो । तुब्भेहिं सूरपालो मए वि ठविओ नियपयम्मि ॥१६२१॥  
सो च्चिय एवं भणिए पट्टइलेणं भणंति ते सब्बे । गामपहाणा पुरिसा जह वयणं तुम्हं पुव्वं पि ॥१६२२॥  
आसि पमाणं अम्हं समए एयम्मि पुण विसेसेण । जुत्तं चि य ताव इमं भणह जमन्नं पि तं करिमो ॥१६२३॥  
पच्छा पट्टइलेणं पास निवट्ठो निओ सुओ भणिओ । जह दुग्गहपाल ! तुमए सयकालं सूरपालेण ॥१६२४॥  
सह पीईए परमाए वट्ठियव्वं समग्गकज्जेसु । एसो च्चिय कायव्वो पुरओ जं तुह गुणजेठो ॥१६२५॥  
तेण वि गुरुविणएणं नियपिइवयणे तह त्ति पडिबन्ने । पच्छा अणिच्छमाणो वि सूरपालो समग्गेण ॥१६२६॥  
गामेण दुग्गपालाइणा सहाएण जोगपालेण । मन्नाविऊण ठविओ पट्टइलपयम्मि निययम्मि ॥१६२७॥  
नियविहवस्स वि अद्धं पणामियं तस्स तक्खणे च्चव । सिक्खविओ तह एवं असुहं गामस्स मा कुज्जा ॥१६२८॥  
एक्केक्केणं सम्माणिऊण तह खामिऊण सप्पणयं । सब्बो वि तओ गामो विसज्जिओ जोगपालेण ॥१६२९॥  
अह सो खणंतरेणं पत्तो परलोयमग्गपहियत्तं । तत्तो य विभूईए विहिओ तद्देहसक्कारो ॥१६३०॥  
कालेण दुग्गपालो गयसोओ तह य सूरपालो य । संजाओ ते दोन्नि वि वट्ठंति तहा जहा भणिया ॥१६३१॥  
निय पिउणा तह मायामहेण इय एस तुम्हं परिकहिओ । अम्हेहिं सूरपालस्स वइयरो खत्तियवरस्स ॥१६३२॥  
बीएण रायपुरिसेण जंपियं जइ कुलं अनाऊण । एसा परिहरिया तो कहिज्जए एरिसं रन्नो ॥१६३३॥  
तइएण तओ भणियं न घडइ एयं कुलं अनाऊण । पढमं पि जमेसनिवो परिणेउमिमं इहाणेइ ॥१६३४॥  
अह अन्नायकुलं पि हु इममाणावइसुरूवलोभेण । तो परिहरइ न एवं कारणमवरंतओ एत्थ ॥१६३५॥  
अह आह चउत्थो पत्थिवस्स पुरिसो इमेण जह कहियं । तह सब्बं पि मए विहु सरूवमायन्नियं अत्थि ॥१६३६॥  
तस्सेव समीवाओ निवेइयं जेण निवइणो पुरओ । रूवं अणुपम्वाए कुल-जाइसमन्नियं सब्बं ॥१६३७॥  
जाणतेण वि निसुयं पुणो वि जं संपयं मए एयं । तं संवायनिमित्तं ता एत्थ न अन्नहा किं पि ॥१६३८॥  
जं परिभावह तुब्भे संभावज्जइ न कारणं तमिहं । जं सब्बवन्नकन्नाओ परिणए खत्तियकुमारो ॥१६४०॥  
वणिणो वि विहविणो अन्नजाइयं कन्नयं परिणयंता । निययंगुली पभिईहिं विसुइणो जेण दीसंति ॥१६४१॥  
सत्थे वि जओ भणियं अमेज्ज मज्झाउ गिज्जाए कणयं । नीयाउ वि वरविज्जा थीरयणं दुक्कुलाओ वि ॥१६४१॥

एवं पर्यंपर्यंताण ताण जंपइ अणुपम्वा एवं । तुम्ह समग्गाणं पि हु जणएहि जा वहु दिन्ना ॥१६४२॥  
 तेणेव तुमे कहम वि नो निव्विज्जह पर्यंपियव्वस्स । अम्हं तु सुहायइ नेय किञ्चित्तं पसीयं वा ॥१६४३॥  
 रत्ता विसज्जिया वि हु जं चिट्ठइ एत्थ वि गयाञ्चित व्व । ता अज्ज मए भुत्तं जं तं भुत्तं पभायम्मि ॥१६४४॥  
 पुण भोत्तव्वं मोत्तुं एयं नयरं न एत्थ संदेहे । अह ते संवहिऊणं सव्वे वि विणिग्गया तत्तो ॥१६४५॥  
 सिद्धि अणुपम्वाए वहंति मग्गे अखडियपयाणा । कि चूणे अद्धपहे गयाण अह अन्नदियहम्मि ॥१६४६॥  
 वच्चंताणं भुत्तुत्तरम्मि ते रायपेसिया पुरिसा । पुरओ होऊण पहस्स दाहिणे इक्खमूलम्मि ॥१६४७॥  
 छायाए वीसंता जाव निसन्ना महीए चिट्ठंति । तो तेहिं सूरपालो तुरयारूढो पहे एतो ॥१६४८॥  
 दिट्ठो दूराओ च्चिय विन्नाओ जंपियं तओ तेहिं । अन्नोन्नं एवं जह कह दंसेमो मुहं अम्हे ॥१६४९॥  
 एयस्स नियं इन्हिं जं तइया तारिसाइं कहिऊण । सपसायरायवयणाइं तोसिओ एस अम्हेहिं ॥१७५०॥  
 अब्भत्थिऊण धूया एयस्स अणुपम्वा समाणीया । तमपरिणीयं रत्ता कहं कहेंता न लज्जामो ॥१६५१॥  
 ता एत्थे निव्वन्ना खणंतरं तरुतले विलंबामो । बोलेइ जाव एसो पुरओ तत्तो इओ अम्हे ॥१६५२॥  
 मग्गम्मि गमिस्सामो उट्ठेऊणं इमं समग्गेहिं । पडिव्विज्जऊण वयणं अणुद्वियं तेहिं तह चेव ॥१६५३॥  
 तत्तो य सूरपालो मग्गम्मि अणुपम्वाए धूयाए । मिलिऊण सरूवंपुच्छिऊण ठाऊणय महुत्तं ॥१६५४॥  
 हरिसरपुराभिमुहं संचलिओ सयमणुपम्वा चलिया । धन्नउरपहाभिमुही जंतोए तीए तो पच्छा ॥१६५५॥  
 ते गंतूणं मिलिया दूरगयाए नरानिवनिउत्ता । पुट्ठा य तीए तुम्भे कत्थ ठिया एत्तियं वेलं ॥१६५६॥  
 कयमुत्तरमेएहिं घम्मत्ता तरुतले ठिया पडिया । पुण ते अणुपम्वाए पुट्ठा तुम्हाण मज्झ पिया ॥१६५७॥  
 जाओ कत्थइ समुहो वच्चंतो हरिसउरपहाभिमुहो । मायाए तओ तेहिं ससंभमेहिं इमं भणियं ॥१६५८॥  
 कि सो जंतो चिट्ठइ हरिसउरे अहह अम्ह नो मिलिओ । जायंति अहव सुत्ताण पड्डया चेव इइ सच्चं ॥१६६०॥  
 इय भणिऊणं पुट्ठा अणुपम्वा तेहिं केण कज्जेण । सो पुरओ संचलिओ तए वि मग्गम्मि मिलियाए ॥१६६१॥  
 भणियं अणुपम्वाए ताओ गामाउ पढमयं चलिओ । अम्हं चिय मिलणत्थं परमिन्हिं एत्तिए दूरे ॥१६६१॥  
 जं आगओ तओ सो पुरओ विहु पट्ठिओ अमच्चस्स । सेट्टिस्स ववहरस्स य दंसणकज्जेण हरिसउरे ॥१६६२॥  
 निवपुरिसेहिं भणिया अणुपम्वा तस्स अगओ सव्वं । तुम्हेहिं नियं सरूवं कहियं नियं दंसणाइयं ॥१६६३॥  
 आमं ति तीए भणिए लट्ठं ति पर्यंपिऊण ते सव्वे । मोणेण ठिया पथे वयंति तीसे समीवत्था ॥१६६४॥  
 एत्तोय जया नरनाहहरिसपालस्स पासओ मंती । काऊण मंतनिच्छयमणुपम्वाचायविसयम्मि ॥१६६५॥  
 संचलिओ नियगेहे तप्पेलंतेण सीहदाराओ । बाहिं विणिग्गएणं अन्वितरयं नियं पुरिसं ॥१६६६॥  
 कन्नम्मि दिन्नसिक्खं पेसेउं भाणिओ नरिद-सुओ । सिरि सिरिहरिसकुमारो पच्छत्तं कि पि सह तुमए ॥१६६७॥  
 मह अत्थि जंपियव्वं रयणीए अज्जतो नहु कहिं पि । पढमपहरस्स समए गंतव्वं बीरचरियाए ॥१६६८॥  
 कुमरेण वि तं वयणं तह त्ति पडिव्विज्जऊण सो पुरिसो । संबोलदाणपुव्वं विसज्जिओ विहिय सम्माणो ॥१६६९॥  
 भणियसमयम्मि मंती आगंतूणं तिसाए पच्छत्तो । कहइ कुमरस्स पुरओ अणुपम्वा वइयरमसेसं ॥१६७०॥  
 जोइसियजंपियाई रत्ता सह मंतियावसाणं च । सिरिहरिसकुमारेणं पुट्ठो मंती तओ एवं ॥१६७१॥  
 रत्ता पडिसिद्धे तम्मि वइयरे किमिह मज्झ करणिज्जं । मंती पभणेइ तओ जं चिय मूलं अणत्थस्स ॥१६७२॥  
 तं चिय नासेयव्वं ज्ञत्ति तओ होइ सुत्थया सव्वा । अन्नह उवेक्खियम्मि कीराण कहाणयं हवइ ॥१६७३॥  
 तो पुच्छेइ कुमारो मंति तं कहसु केरिसं मज्झ । कीरकहाणयमहसो कहेइ तस्सग्गओ एवं ॥१६७४॥

कीर कथानकमुच्यते—

एगम्मि महारत्ते वणमज्जे अत्थि पायवो एक्को । गरुओ सरलक्खंधो साह-पसाहाहि वित्थिन्नो ॥१६७५॥  
 गयणगलगासि हरो परोप्परं मिलियबहलदलपडलो । न खणंपि जस्स साहंतरेसु पविसंति रवि-किरणा ॥१६७६॥  
 मणुयाण दुरारोहो कयाइं नीडाइं तत्थ आगंतुं । पंचहि कीरसएहिं सुहेण ते तेसु निवसंति ॥१६७७॥  
 आहाराइनिमित्तं चूयाइ वणंतरेसु भमिऊण । तत्थे व ठंति पुणरवि सीयायववाय-भयरहिया ॥१६७८॥  
 इय काले वच्चंते कयाइ रुक्खस्स तस्स मूलम्मि । वल्लोसमुग्गया तम्मि पायवे चडिउमाढता ॥१६७९॥  
 एक्को य ताण मज्जे चिट्ठइ कीरो अईव पोढमई । अन्न समयम्मि सा दिट्ठियोयरे तस्स आवन्ना ॥१७००॥  
 तेण तओ ते भणिया मेलेऊण सुया समग्गा वि । जह कोमलं पि तुब्भे वल्लिं छिंदेह लहु एयं ॥१६८१॥  
 अन्नह परिवड्ढंती पत्ता जरढत्तणं इमा तुम्ह । गरुयमणत्थं काही जस्स न पच्छा पडीयारो ॥१६८२॥  
 सक्को केण वि काउं तो तं पुच्छेइ सेसकीरणो । कहसु कहं एइए अम्ह अणत्थो विहेयव्वो ॥१६८३॥  
 तेण भणियं जहेसा परिवड्ढंती थुडस्सुवरि चडिही । खंधपएसम्मि तओ पोढाए तीए पयठाणं ॥१६८४॥  
 आरोहंताणं माणुसाण संपज्जिही तओ को वि । दट्ठूण इमं उवरिं चडिउं गिन्हिसए तुब्भे ॥१६८५॥  
 हसिऊण तेहिं भणियं अच्चंतभयालुओ अहो तंसि । खोट्टेसि एरिसाइं भविस्साइं दीहाइं ॥१६८६॥  
 पढमुग्गयाय अज्ज वि एसावल्ली तओ पमाणम्मि । किं चडिही किं वा पुण सुक्किस्सइ को इमं मुणइ ॥१६८७॥  
 जइ पुण आगंतूणं वणयरजीवो वि तोडिही एयं । इय सो हसिओ तेहिं काऊण ठिओ तओ मोणं ॥१६८८॥  
 ता जाव सा समीवं पत्ता खंधस्सतो पुणो तेण । कीरेण सुया भणिया जह अज्ज वि किंपि नो नट्ठं ॥१६८९॥  
 मिलिउं सब्बे तुब्भे खंडेह इमंसु तिक्खतुंडेहिं । तेहिं तओ पडिभणियं किमेत्तियं अज्ज वि भयंते ॥१६९०॥  
 जइया पेक्खिस्सामो कं पि चडंतं मणुस्स मिह रुक्खे । तइया नीडेहितो उड्डिस्सामो गयणमग्गे ॥१७९१॥  
 इय तेसि कीराणं वयणं आयन्निऊण सो कीरो । चित्तेइ जहा एए अबुहा तिरिय च्चिय वराया ॥१६९२॥  
 उवएसस्स अजोग्गा कंठ-किलेसं करेमि तो कम्हा । एएहिं सह मुहाए मोणं उचियमिह अम्हं ॥१६९३॥  
 भवियव्वयाए दिट्ठं जं किचि तमेव एत्थ संभविही । इय चित्तिऊण त मज्ज संठिओ सो वि चिट्ठेइ ॥१६९४॥  
 अह अन्नया भमंतो वणम्मि एगो समागओ तत्थ । वाहजुवाणो धणुजाणसंजुओ तेण ते दिट्ठा ॥१६९५॥  
 दूरट्टिएण रुक्खंतरेहेट्टुनिविट्टुएण तम्मि नगे । निवयंता तो चित्तइ सो वाहो एरिसं हियए ॥१६९६॥  
 निहणेमि मग्गणेणं इमेसु जइ कं पि एककयं तत्तो । सेसाण पडइ तासो तो जंति पलाइउं सब्बे ॥१६९७॥  
 अह सो सब्बेसि चिय तेसि जुगवं पि संगहनिमित्तं । पासं पवणीकाउं तत्थेव ठिओ पडिक्खंतो ॥१६९८॥  
 ता जाव उड्डिऊणं तत्तो अन्नत्थे ते गया कीरा । आहाराइकज्जेण उट्ठिउं सो तओ वाहो ॥१६९९॥  
 गंतूण तम्मि रुक्खे तुंगम्मि वि जरढवल्लिठवियपओ । उवरिं आरुहिऊणं नीडेसु निवेसए पासे ॥१७००॥  
 पच्चागया दिणंतं पडिया पाससेसु तेण ते सब्बे । आयडिडऊण पासट्टिया वि नियमंदिं नेउं ॥१७०१॥  
 पारद्धा ते कीरा मरणभओत्तत्थमाणसा सब्बे । जंपंति बुड्ढकीरं जह जायं तुम्ह परिकहियं ॥१७०२॥  
 तइया तुज्ज कहंतस्स वि अम्हेहिं वि मूढबुद्धीहिं । न कयं भणियं संपइ पुणो वि ता छुट्टणोवायं ॥१७०३॥  
 अम्हाण कहसु कंचि वि ज्ञत्ति करेऊण परमकारुन्नं । जा अज्ज वि निक्करुणो एसो अम्हे न मारेइ ॥१७०४॥  
 तो भणइ बुड्ढकीरो संपइ मह कोवि न फुरइ उवाओ । जइया फुरिओ तइया कहिओ तुम्हं अपुट्ठो वि ॥१७०५॥  
 इन्हि पुण तुम्हेहिं समं निवद्धो अहं पि चिट्ठामि । एयम्मि महापासे वहिण कयंतसरिसेण ॥१७०६॥

जइ कोवि उवाओ एत्थ मज्झ विप्फुरइ तो सयं पि अहं । विच्छेद्रेउं पत्तो वणंतरे जामि सुत्थम्मि ॥१७०७॥  
मरणभयाउरचित्तेहि कीरो पुणो वि सो भणिओ । जेण तए विन्नायं सुइरभविस्संपि वसणमिणं ॥१७०८॥  
तस्स तुह सुहमबुद्धिस्स किंपि इन्हिपि नत्थि अन्नायं । ता पसिय कह उवायं अहं खम पुव्व दृव्विणयं ॥१७०९॥  
अन्ना न कावि इन्हि अम्हाण गई तुमं वि मोत्तूणं । इय जंपियम्मि तेहि संजायकिवो पयंपेइ ॥१७१०॥  
बुद्धो कीरो इयरे इन्हि चिय तुम्ह जंपमाणाणं । फुरिओ मज्झ उवाओ चिट्ठइ एगो तयं सुणह ॥१७११॥  
नेऊण जया एसो नियगेहे पाससंगए चेव । सव्वे वि मुयइ तुम्हे संभेऊणं तथासासं ॥१७१२॥  
ठायव्वं तुम्हेहि जह एसो विगयजीविए नाउं । तुम्हे पासहितो कड्ढेउं खिवइ भूमिए ॥१७१३॥  
सव्वे वि जयामुक्का होह तथा उड्डिऊण जुगवं पि । गंतव्वं तुम्हेहि पडिवन्नं तेहितो एवं ॥१७१४॥  
वाहो वि सगिहपत्तो रयणीए जाव ते परामुसइ । निय करयलेण कीरे ता पासइ विगयजीय व्व ॥१७१५॥  
संरुद्धसव्वसासे निप्फंदे सिद्धिलकंधरा बंधे । अह सो वि चितइ इमं जह एए पक्खिणो निच्चं ॥१७१६॥  
सेच्छाए परिभमिया सुत्ते रत्तम्मि अखलियप्पसरा । संपइ पासनिरुद्धा संपत्ता तिव्वमणदुक्खं ॥१७१७॥  
मं पेक्खिऊण सविसेसमेवभयचत्तजीवियव्वासा । संवट्टिऊण सव्वे म एस भारोविया खंधे ॥१७१८॥  
आगच्छंतणे पहे परोप्परं जणियअंगसंधासा । उल्लसिय वेह उम्हा परितत्ता मुच्छिया मन्ने ॥१७१९॥  
इन्हि निहणं पि गया गीवा भनं विणा वि तो एए । एमेव कडिडऊणं पासो खिवामि भूमिए ॥१७२०॥  
इय चित्तिऊण कड्ढइ एक्केक्केणं इमे समगे वि । ते कीरे एक्कूणे कीरेहि वि तेहि इइ नायं ॥१७२१॥  
जह किर मुक्का सव्वे अम्हे जुगवं पि तो समुड्ढीणा । गयणपहे तो सिग्घं थक्को भविव्वयावसओ ॥१७२२॥  
एक्कोउ बुद्धकीरो चितइ एसो मणम्मि पेच्छ अहो । केरिसया अन्नाणा कयघजणसेहरा एए ॥१७२३॥  
सो चेव अहं एक्को इमेहि न पडिक्खओ रक्खेहि । उवएसं दाऊणं जेण मए रक्खिया एए ॥१७२४॥  
एयाउ मारणतियवसणाओ तेण चेव पडिसिद्धो । सत्थेसु समत्थेसु वि संगो सह मुक्खपुरिसेहि ॥१७२५॥  
होति गुणा पंडियए सव्वे दोसाउ अबुहलोयम्मि । बहुएहि वि अबुहेहि एको वि न लब्भए विबुहो ॥१७२६॥  
पडिवक्खेण वि सिद्धि वियक्खेणं परं विहेयव्वो । संगो चिरं पि कालं न खणं पि हु मुक्ख-भित्तेहि ॥१७२७॥  
अहवा कि एयाए मज्झ वि विहियाए गएय चिताए । एयं पि तेहि विहियं अइसुंदरमेव मन्नामि ॥१७२८॥  
जं ते सयं पलाणा सव्वे विहु एत्तियाण उवयारे । संजाए जइ एक्को अहं विणस्सामि किमजुत्तं ॥१७२९॥  
जं जीविय व्वमयिरं पवणाहयपउमिणदलजलं व । एयं चिय तस्स फलं जं ते उवयरइ परकज्जे ॥१७३०॥  
इयरेहि वंचिओ जइ वि एस रोसं निवाडिही मज्झ । तहवि अहं अप्पाणं रक्खिस्सं एय पासो ॥१७३१॥  
जावेसबुद्धकीरो एवं चितेइ ताव सो वाहो । जुगवं पि उप्पयंते ते कीरे पासिउं सव्वे ॥१७३२॥  
जाओ स विम्हयमणो सकोहहियओ य तो करेऊण । इति पई वुज्जोयं तत्थगवसेइ पयत्तेण ॥१७३३॥  
पासम्मि ठियं कीरं कंचि वि दिट्ठो य अह इमेणेसो । वाहेण बुद्धकीरो पारद्धो जाव मारेउं ॥१७३४॥  
ता सेण बुद्धकीरेण जंपियं वाहसम्महं एवं । मारेयव्वो न तए भद् ! रक्खओ संतो ॥१७३५॥  
पंच सए दम्माणं दाविस्सं तुज्झ नियमओ चेव । तो तेण रक्खओ सो खिविऊणं पंजरे धरिओ ॥१७३६॥  
भणिओ य जहा दम्मा तुह कत्तो कीरअंगमेत्तस्स । सो भणइ तुज्झ कज्जं धारीहि कि व काणेहि ॥१६३७॥  
जे केवि मए भणिया ते दम्मे कस्सइ समीवाओ । जइतुज्झ न दावेमि तोहं तुह वसगओ चेव ॥१६३८॥  
चिट्ठामि ताव जं कि पि रोयए तुह मणस्स पच्छावि । तं पकरिज्जसु न तुमं निवारइ स्सइ परो कोवि ॥१७४०॥

तो सो पभायसमए कीरो वाहेण पुच्छिओ एवं । कह भो कस्स समीवे नेभि तुमं संपयं भद्द ! ॥१७४०॥  
कीरेण तओ भणिओ वाहो जह नेहि मं निवपुरम्मि । जत्थ समिद्धो लोओ निवसइ कोऊहलपरो य ॥१७४१॥  
नेऊण तत्थ चउहट्टयम्मि दंसेह मं पुरो धणीणं । जो मग्गइ तस्स अहं कहियव्वो पंचहिं सएहि ॥१७४२॥  
तह चेव य तेण कय न कोइ जा देइ तेत्तियं मोल्लं । कीरेण तओ भणिओ वाहो जह मुयह सव्वे वि ॥१७४३॥  
एए नायरलोए सह गहणे नत्थि जोग्गया एसिं । गहियस्स वि मज्झ गुणा तेसु न अग्घंतिं किविणेसु ॥१७४४॥  
तो रायउले नेउं निवस्स मं देहि निवसुयस्सउहवा । इयजंपंतो निसुओ मुओ इमो केणइ नरेण ॥१७४५॥  
निवउत्तसेवएणं गंतूणं तेण स पहुणो कहियं । तो तेण झत्ति सो च्चिय पुरिसो संपेसिओ तत्थ ॥१७४६॥  
हक्कारेउं वाहं नीहरिओ सोवि सीहदारम्मि । तं पेक्खइ नियमत्थयनिहित्तमुयपंजरं तत्तो ॥१७४७॥  
हक्कारिऊण तं नेइ झत्ति नियसामिणो समीवम्मि । सो निवसुएण पुट्टो मुल्लं कीरस्स परिकहइ ॥१७४८॥  
पंचसए दम्मणं न उत्तरं देइ जाव सो किं पि । तो तेण रायपुत्तो कीरेण सयं पि संलत्तो ॥१७४९॥  
मा कुणह किं पि चित्ते वियप्पमिह गिन्हएत्ति एणावि । मुल्लेण तुमं मं रायउत्त ! तुह हं करिस्सामि ॥१७५०॥  
अइगइयं उवयारं समयम्मि समागयम्मि तो एवं । सुणिऊण रायकुमारो तं गिन्हइ तेण मुल्लेण ॥१७५१॥  
तह चेव पंजरगयं वाहं सम्माणित्तं विसज्जेइ । तो पभणइ तं कीरं पढमव्वयकुमर ! किं पि फुडं ॥१७५२॥  
कीरो पभणइ कुमरं छुहिओहं देहि भोयणं किं पि । दाडिमफलाइयं देइ तस्स कुमरो वि आहारं ॥१७५३॥  
अह सो कय पारणओ कीरो समओच्चियाइं बहुयाइं । कव्वाइं पढइ-पाययभासाए रइयाइं ॥१७५४॥  
अह पुच्छइ तं कुमरो पहिट्टुहियओ कहेहि भो ! कीर । वाहगिहसंठिएणं कह पढियं एत्तियं तुमए ॥१७५५॥  
सो भणइ एग चित्तो कुमार ! निसुणेहि जेण साहेमि । राया को विहु पोढं पुत्तं रज्जे ठविऊण ॥१७५६॥  
पव्वइओ तेण समं तदेवी थेवदियहगवभेण । संजुत्ता पव्वइया गवभो रत्ता न विन्नाओ ॥१७५७॥  
तीए जाणंतीए न य कहिओ विरहकायरमणाए । अह ताइं दो वि कुलवइ पासे पडिक्कदिक्खाइं ॥१७५८॥  
चिट्ठंति कुणंताइं नियकिरियं केत्तिएहिं दियहेहिं । बुद्धिगयम्मि गवभे देवीए बुद्धतावसिया ॥१७५९॥  
कुलवइपुरओ साहइ तेण वि सो लज्जिह त्ति रायरिसी । न य किं चि उवालद्धो ताइं पसुत्ताइं मोत्तूण ॥१७६०॥  
दो विसयं सह तावसजणेण सेसेण अन्न ठाणम्मि । संकमिओ रयणीए जायम्मि तओ पभायम्मि ॥१७६१॥  
रायरिसीगयनिदो दट्टूणं तावसासमं सुन्नं । जा तत्थ भमइ पेच्छइ निय भज्जं तावसिं ताव ॥१७६२॥  
लक्खिज्जमाणगवभं ता नाउं गमणकारणं तेण । सेसाण तावसाणं बहुयं देवी उवालद्धा ॥१७६३॥  
सवभावम्मि वि कहिए तीए तं भणइ ताव सो राया । अगहियवया कहंती जइ तुममेयं मम तथा वि ॥  
ता होंतं अइ लट्ठं एवं न चडंतयं कलंकमिणं । एणागित्तं पि तहा न होंतयं अम्ह इह रत्तो ॥१७६४॥  
अह रोहउं पयत्ता सा देवी तावसी तओ तेण । रायरिसिणा किवाए पसन्नवयणेहिं संठविया ॥१७६५॥  
नियउडयसन्निहाणे नीया भयवेवमाणसव्वंगी । पुत्तदियहेसु पुत्तं तओ पसूया पवररुवं ॥१७६६॥  
अहं तं पवद्धमाणं सो पाढइ रायतावसो पयओ । लक्खणच्छंदाळं कारनीइसत्थाइयं सव्वं ॥१७६७॥  
तमहं तत्थ वसंतो पच्चासन्नो सुणेमि नीसेसं । एएण पयारेणं कुमार ! एयं मए पढियं ॥१७६९॥  
सो निवतावसतणओ समिहाइकए कयाइ अइदूरे । पगओ नियासमाओ पत्तो मत्तेण वणकरिणा ॥१७७०॥  
वावाइओ य दिट्ठो मए वि वियरणगएण सो तत्थ । कहिओ य तावसस्स वि सतावसीओ गओ सो वि ॥१७७१॥



तस्मि पएसे दट्ठुं पुत्तं गयजीवियं सिण्णेहेण । हिययं फुड्डिऊण मयाइं दोवि विरसं रसताइं ॥१७७२॥  
 तं तह दट्ठूण मए सदुक्खहियएण तं वणं चत्तं । गंतूण काण्णंतरमवट्ठिओ कीरगणमज्जे ॥१७७३॥  
 एसो नियवुत्तंतो तुज्ज मए साहिओ निवकुमार ! । इय कीरेणं भणिए पुणो वि तं पुच्छए कुमरो ॥१७७४॥  
 तं एरिसो वि पढिओ वाहस्स करे कहं समारुढो । तो तस्स कहइ कीरो नियवासतरस्स मूलम्मि ॥१७७५॥  
 वल्लीसमुग्गमाओ पभिइं ता जाव सो कुमारेण । कीओ वाहकराओ तस्स कए तो कुमारो वि ॥१७७६॥  
 कारेइ कच्चणमयं अइपवरं पंजरं सुवित्थिन्नं । तं तस्य खिवेऊणं उच्चियाहारेहि पोसेइ ॥१७७७॥  
 कुणइ य तेण समं सो रायकुमारो कहाउ विविहाओ । कत्थइ उच्चियम्मि खणे एवं कालम्मि वच्चंतो  
 अन्न दियहम्मि कीरो कुमरं हक्करिऊण आसन्नं । पुच्छइ जह तुह पिउणो तुज्ज समा केत्तिया कुमरा ॥  
 तेण भणियं जहेगो जेट्ठो कुमरो जेट्ठो कुमरो गुणेहि मम सरिसो । अन्ने अखमा लह्या गुणेहि जम्मेण य समग्गा  
 कीरेण पुणो पुट्ठो कुमरो सो जेट्ठबंधवो तुम्ह । एग जणणीए जाओ किवा जणणी विभिन्ना से ॥१७८१॥  
 कुमरेण तस्स कहियं पुत्ता पंचेव अम्ह जणथस्स । ते कीर परं सब्बे जाया अन्नजणणीए ॥१७८२॥  
 कीरेण पुणो पुट्ठो कुमरो जह केण मंतिणा सद्धि । मंतेऊणं राथा करेइ गरुथाइं कज्जाइं ॥१७८३॥  
 कुमरेण तओ कहियं गुणायरो नाम चिट्ठए मंती । तेण सह सब्बकज्जं मंतेउं साहए राथा ॥१७८४॥  
 कीरेण पुणो भणियं पीई सच्चिवस्स तस्स सह तुमए । कि जेट्ठबंधवेणं अहिययरा कहसु मे कुमर ॥१७८५॥  
 साहेइ तस्स कुमरो पीइविसो तोहाविहो तस्स । सच्चिवस्स न तेण समं नेय मए दोन्ह वि समोसो ॥१७८६॥  
 तो भणइ बुद्धकीरो किपि निमित्तं तोहाविहं सरिउं । तेण सह तए पीई कायव्वा कुमर अइनिबिडा ॥१७८७॥  
 कुमरेण कीरवयणं तह त्ति पडिसज्जिऊण सच्चिवस्स । समयंतरम्मि जाए पुत्ते कहिऊण कीरस्स ॥१७८८॥  
 नियपुरिसा पेसविया अम्भतरया गिहम्मि सच्चिवस्स । सकुसुम-तंबोलाइं गहिऊणं पवरवत्थाइं ॥१७८९॥  
 वद्धावणयनिमित्तं सच्चिवस्स समण्णिऊण तं सब्बं । ते पुरिसा पभणतिं य जह तुम्ह सुयं समुप्पन्नं ॥१७९०॥  
 सोऊण अज्ज कुमरो संजाओ अइ पमोयपडिपुत्तो । भणियं च अम्ह पिउणो रज्जस्स समुच्चई एसा ॥१७९१॥  
 जं गरुयाणं पुरिसाण जायए संतईए परिवुद्धी । रायदुइज्जनरस्स उ विसेसओ मंतितिलयस्स ॥१७९२॥  
 तं सोऊणं मंती मणम्मि तुट्ठो अईव ते पुरिसे । सम्माणिउं विसज्जइ तम्मि दिणि जेट्ठकुमरस्स ॥१७९३॥  
 दोण्हं पिय भज्जाणं मज्झाओ कोवमुवग्गा एकका । तीसे गंतूण गिहे ठिओ कुमारो दिणं सयलं ॥१७९४॥  
 मन्नावंतो पच्छा निसीहसमए पसाइया एसा । तीए सहरइ सोक्खं अणुभूयं तेण कुमरेण ॥१७९५॥  
 अह रत्तिजागरेणं निहाए परवसो पभायम्मि । सुत्तोसयलंपि दिणं संज्ञाए उट्ठिऊण तओ ॥१७९६॥  
 जेट्ठो रायकुमारो सरीरआवस्सयं करेऊण । भोत्तूण दुइज्जाए पियभज्जाए समं रयणि ॥१७९७॥  
 अइवाहइ नीसेसं रहसोक्खपसत्तमाणसो तीसे । मणनिव्वुइकरणत्थं ईसा-दोसो व समहेउं ॥१७९९॥  
 जायम्मि पभायम्मि तीसेय सरीरकारणं जायं । तो तेण वग्गचित्तो संजाओ जेट्ठओ कुमरो ॥१८००॥  
 पासनिविट्ठो तीसे गमेइ दियहं समग्गरयणिं च । लहइ तओ सा निहं समुग्गयं तम्मि सूरम्मि ॥१८००॥  
 दिणरयणिजागरेणं संजायावेयणा सिरे तस्स । सुत्तो सयंपि पच्छा समुट्ठिओ तइयजामम्मि ॥१८०१॥  
 जा भज्जाए सारं करेइ तासावि तम्मि समयम्मि । गयसब्बदेहवाहा समुट्ठिया एवमाईंहि ॥१८०२॥  
 बहु कारणेहिं वक्खित्तमणस्स न तस्स केणइ नरेण । मंतिजणयस्स जम्मो निवेइओ जेट्ठकुमरस्स ॥१८०३॥  
 पच्छा नायम्मि वि तेण पेसियं किपि नेय सच्चिवस्स । वद्धावणयनिमित्तं वत्थाईयं कुमारेण ॥१८०४॥

अहं नामकरणदियहे पुत्तस्स नियस्स तेण सच्चिवेण । बहुओ नरिदलोओ निमंतिओ नायर जणो य ॥१८०५॥  
 भुजाविऊण सम्माणिऊण जह जोग्गयं समग्गं पि । मंती विसज्जइ जणं रायनिमित्तं तु सयमेव ॥१८०६॥  
 भोयण-वत्थालंकारमाइयं सब्वमेव गिन्हेउं । वच्चइ नरिदगेहे समप्पए तस्स नीसेसं ॥१८०७॥  
 उच्चियं आलविऊणं सम्माणेऊण तं नरिदो वि । मंति विसज्जइ गिहे नियकज्जरओ सयं होइ ॥१८०८॥  
 सच्चिवेण रायलोओ जया निमंताविओ तथा ते वि । दोन्नवि जेट्टुमारो निमंतिया तस्स जेट्टु ण ॥१८०९॥  
 पडिसिद्धं आगमणं नियं विहेऊण उत्तरं कि पि । पडिवन्नं तु कणिट्टेण सो गओ तस्स गेहम्मि ॥१८१०॥  
 कडिदोरयगेवेज्जंगुलीयकडथाइगहिउमाहरणं । पडिकुप्पासं तह पुत्तजणणिजोग्गाइं वत्थाइं ॥१८११॥  
 तत्थ य पणमंते मंतिनंदणे बालहारहत्थम्मि । अप्पइ तस्साहरणं तह पासे बहुमहिलाए ॥१८१२॥  
 पुत्तजणणीनिमित्तं समप्पए पवरपट्टवत्थाइं । मंती वि तस्स (कय) भोयणस्स नरवइकुमारस्स ॥१८१३॥  
 अइगरुयं सम्माणं पवराहरणेहि कुणइ वत्थेहि । काउं उच्चियालावं तो नमिउं तं विसज्जेइ ॥१८१४॥  
 कुमरस्स सच्चिवाण एवं पइ दियहं वट्टए महापीई । अहं अन्नया य रत्तो जाओ अणियत्तओ रोगो ॥१८१५॥  
 एगो पहाण वेज्जो तं जाणइ तह गुणाधरो मंती । जणनिव्वुइजणणत्थं तहा वि सो अवसरं कुणइ ॥१८१६॥  
 अन्न दियहम्मि राया सच्चिवेण समं करेइ मंतणयं । रोगेण महं सरीरं अईव विहुरीकयं इन्हि ॥१८१७॥  
 ता थेवं चियं जीयं मज्झ इयाणिं कहेहे को रज्जे । अहिसिच्चिज्जइ दोन्ह वि जेट्टुकुमारोण मज्झाओ ॥१८१८॥  
 विन्नवइ निवं मंती कुसलत्तेणं कलाण रूवेण । चाएण विक्कमेण य दोन्नि वि कुमरो समा ताव ॥१८१९॥  
 किंतु कणिट्टो कुमरो लोयावज्जणगुणेण अब्भहिओ । रत्ता भणियं रज्जं पुत्तायत्तं न गुणवसगं ॥१८२०॥  
 पुरिसस्स गुणेहितो पसरइ किंती जणाणुराओ य । वेसविलय व्व धणीणं रायसिरी सरइ कयसुकयं ॥१८२१॥  
 मंती पभणइ नरवर ! पढमं चिधं सउन्नपुरिसस्स । जं जणहिययावज्जणजणया दीसंति तस्स गुणा ॥१८२२॥  
 राया जंपइ सच्चं सच्चिव ! गुणा होंति पुत्तजोएण । किंतु परं पुत्ताण वि नाणत्तं दीसइ जणम्मि ॥१८२३॥  
 काइं वि पुत्ताइं जणे जणंति गुणरासिमेव पुरिसस्स । न उण लवं पि सिरीए सो सिरिमंतस्स अन्नस्स ॥१८२४॥  
 गुणरहियस्स वि पासे गंतूण गुणी भरेइ नियमुयरं । पसुपाया वि हु पुरिसा पट्टो पुत्तेहि जायंति ॥१८२५॥  
 जहं अंबुवीचिराया तो मंती पुच्छए निवं सामि । को अंबुवीचि कहसो जाओ राया इमं कहह ॥१८२६॥  
 अहं कहइ निवो नयरे एकम्मि इहासि कोवि नरनाहो । विक्कमपसाहियासेससूरसीमालमहिवालो ॥१८२७॥  
 सेविज्जंतो सविणयमन्नरिदेहिं गमइ सो कालं । अइविउलं तस्स परं पुत्तो एक्को वि नहु अत्थि ॥१८२८॥  
 सच्चो वाइयदेवाण दिन्नओवाइएहि बहुएहि । जाओ एगो पुत्तो मुत्तिधरो किंतु सुन्नमणो ॥१८२९॥  
 सो जंपिउं न याणइ जइ तिसिओ होइ वेइ तो अंबु । छुहिओ य विचि जंपइ तो जायं अंबुवीचि ति ॥१८३०॥  
 नामं लोयपसिद्धं मूलिल्लं तस्स नाममवलत्तं । जोव्वणसमयाभिमुहो संजाओ जाव सो कुमरो ॥१८३१॥  
 ताव सहस ति राया अवियक्कियजायसूलरोगेण । अइउक्कडेण कलुणं विलसंतो निहणमुवणीओ ॥१८३२॥  
 सो अंबुवीचिकुमरो सच्चिवेणऽहिसिचिओ तओ रज्जे । सीमालनरिदेहिं वि पणओ सब्वेहिं आगंतुं ॥१८३३॥  
 कारेऊणं पवरं सिगारं अवसरम्मि आणेउं । उव्वेसिज्जइ निच्चं मणिमयसीहासणे राया ॥१८३४॥  
 रायालंकारजुओ उवरिधरिज्जंतधवलछत्तेण । वीइज्जंतोसियचामरेहिं रमणीकरगेहिं ॥१८३५॥  
 तं नमिऊण समग्गो नरिदसामंतमंडलियवग्गो । अत्थाणम्मिनिसीयइ कयंजलीनियनियट्टाणे ॥१८३६॥  
 आएसो पुण कीरइ सब्वेहिं वि तेहि मंतिणा भणिओ । जह जोग्गयाए सब्वं-करेइ फेडेइ सो मंती ॥१८३७॥

सेवइ निवाण मज्जे कस्सइ एगस्स संतियं धूयं । परिणावइ सो मंतिप्पवरो तं अंबुवीचिनिवं ॥१८३८॥  
 जह तज्जाओ पुत्तो रज्जधरो जायए पुणो कोवि । इयबच्चंते काले बुद्धो मंतीगओ निहणं ॥१८३९॥  
 तेण मरंतेण तओ मंतिपए ठाविओ निओ पुत्तो । सो वि तह चेव रज्जं चितइ सव्वं पि अप्पवसं ॥१८४०॥  
 जह सेलमइपडिमा निवसइ देवालयस्स मज्जागया । तह अंबुवीचि राया चिट्ठइ अत्थाण विणिविट्ठो ॥१८४१॥  
 केवलपणाममेत्तस्स भायणं सेसयं समग्गं पि । रज्जफलं अणुभुंज्जइ सचिवो भोप्पो व्व देवउले ॥१८४२॥  
 अह अन्नया य सचिवो भणिओ आसन्नसेवयजणेण । एयस्स पिसियंपिडोवमस्स कि अंबुवीचिस्स ॥१८४३॥  
 तुम्हे कुणह पणामं निप्पलमेव य अकिंचि कारिस्स । तुम्हायत्तो सव्वो इह रज्जे वट्टए लोओ ॥१८४४॥  
 तुम्हं चिय आएसं अवेक्खए न उण अंबुवीचिस्स । ता होह सयं चिय रज्जसामिणो मुयहभिच्चत्तं ॥१८४५॥  
 इयपभणंतो पढमं सचिवेण चाडुजंपओ लोओ । काऊण भीमभिउडि निवारिओ पभणिउं एवं ॥१८४६॥  
 जह जंपंता तुम्हे किच्चमकिच्चं न कि पि चितेह । सामित्तमत्थए कि हवंति सिगाइं काइं पि ॥१८४७॥  
 सासेण जस्स सव्वो रज्जजणो ससइ सो कहं न राया । एत्तो वि परं अन्नं होइ कुणंताण अववाओ ॥१८४८॥  
 उचिवेण इमं भणिया ते सव्वे झत्ति संठिया मोणं । एवं गयाइं कइवय-दिणाणि पच्छा पुणो तेहिं ॥१८४९॥  
 अन्नैसि पासाओ समए अन्नम्मि भाणिओ सचिवो । पुव्वुत्तमट्टमसो सोऊणं गमइ मोणेण ॥१८५०॥  
 विन्नायं तेहिं तओ जह एयमिमस्स कि पि निय चित्ते । पडिहासियं न अम्हे निवारिया तेण एएण ॥१८५१॥  
 पुव्वभणिरेहिं सह तो मंतियमेएहिं संपयं कि चि । सचिवस्स अम्हवथणं सुहाइयं तेण नो रुट्ठो ॥१८५२॥  
 तम्हा पुणो वि समयंतरम्मि भाणिज्जए समीवाओ । अन्नैसि केसि पि हु सचिवो पडिवज्जइ जहेयं ॥१८५३॥  
 तो कम्मि वि पत्थावे अन्नयरेसि पुणो वि केसि पि । पासाओ सो सचिवो भणाविओ जह बह लोओ ॥१८५४॥  
 तुम्हं गुणेहिं रंजियहियओ जंपेइ एरिसं चेव । पडिबिबवज्जियं जइ सचिवो रज्जं सयं कुणइ ॥१८५५॥  
 तो लट्ठं होइ तहा अम्हाण मणोरहा वि पुज्जंति । परमेवं तुम्हं पुरो न कोइ सक्कइ जणो वोत्तुं ॥१८५६॥  
 अम्हे हिं वि जं एवं भणियं तं थरहरंतंजोहाए । तुम्हं भएणं परमसभणिएण न य निव्वुइं लहिमो ॥१८५७॥  
 जइ तुम्हं पडिहासइ तो एवं कुणह अहव मा कुणह । सेसाण पुण जणाणं सुहं हविससइ इय कयम्मि ॥१८५८॥  
 इय सोऊणं मंतीचित्तम्मि वि चितए तओ एवं । सव्वेसि पि जणाणं एगमयं ताव संजायं ॥१८५९॥  
 भणिओ एएहिं अहं इमम्मि अट्टे पुणो पुणो तम्हा । इन्हिं मह कायव्वं केरिसमेवं निरुवेमि ॥१८६०॥  
 जेसि अववायाओ संकेमि अहं सयं पि ते ताव । कारिति एयमट्टं मज्ज समीवाउ सव्वे वि ॥१८६१॥  
 रज्जाइं न कस्स वि सासणम्मि लिहियाइं होति एयाइं । जेण विवज्जासो वि हु इह अत्थे दीसइ जयम्मि ॥  
 केसि पि बहुनरेसरपरंपराए समागयं रज्जं । हत्थाउ उत्तरंतं दीसइ दिव्वस्स जोएण ॥१८६३॥  
 केसि पि कम्म परंपरसेवा निव्वत्तयाण वि नराण । रज्जसिरीएइ अउव्व पुरिससंगूसुयमण व्व ॥१८६४॥  
 तम्हा ढलिकुण सयं समागयं रज्जमेयमम्हाण । पाएण पेल्लिकुणं परिच्चयंताण न हु जुत्तं ॥१८६५॥  
 भवियव्वमेरिसं चिय जइ पुण अम्हाण अत्थि इह समए । काऊण किपि छउमं करेमि एवं तओ इन्हिं ॥१८६६॥  
 पच्चंतियरायणो तहा महामंडलाहिवइणो य । आणाए मज्ज टिया वट्टिसंते जइ तहेव ॥१८६७॥  
 तो लट्ठं एमेवयवहिससएणुक्कमेण पुरओ वि । अहं किपि विमुत्तिस्सइ तो कालुचियं करिस्सामो ॥१८६८॥  
 इय चित्तिउमन्नदिणे गिह मज्जे चेव धारिओ राया । सचिवेण न अत्थाणे निवेसिओ सो समाणेउं ॥१८६९॥  
 अट्टाविओ पघोसो एरिसओ तेण सव्वलोयम्मि । जं किर अज्ज नरिदस्स देहे अपडुत्तणं जायं ॥१८७०॥

खणमेत्तं पि न पावइ रत्ता सह दंसणं निवकलत्तं । कयसंकेओ थेवो तयंतिए संचरइ लोओ । १८७१॥  
 उवविसइ सयं पुव्वट्टिइए अत्थाणमंडवे गंतुं । सच्चिवो रज्जं चितइ गयाइं इय काइं वि दिणाइं ॥१८७२॥  
 तत्तो दुइयपघोसो उट्टुविओ मंतिणा जह नरिंदो । कुट्टमहारोगेणं संजाओ गलियसव्वंगो ॥१८७३॥  
 गंभीरो वि थिरोविय निम्मलबुद्धी अहिगयकलो वि । नीसेससत्थपरमत्थजाणओ कम्मजोएण ॥१८७४॥  
 जोव्वणजणियमएण य मिच्छहिमाणस्स पवलयए य । तव्विह जणवयणाणं उट्टीवणकारणाओ य ॥१८७५॥  
 रज्जे अहिसेयं कारवेइ सो अत्तणो तओ मंती । लज्जं मोत्तूण नियं कुलक्कमं तह य पम्हसिउं ॥१८७६॥  
 अत्थाणम्मि निसीयइ विरइयअइपवरायनेवच्छो । सियच्छत्त-चामराईरायालंकारपरियरिओ ॥१८७७॥  
 तन्नयरनिवासिजणो सेसाण वि गामनयरमाईणं । लोओ आगंतूणं तं पणमइ दिन्नमंगलिओ ॥१८७८॥  
 साहणियतंतवाला निओगिसामंतठक्कुराईया । पणमंति ढोयणेहि समन्निया ते समागंतुं ॥१८७९॥  
 अह पेसिऊण दूए मंडलिए भाणए नवो राया । आगंतुं मं पणमह जइ इच्छह अप्पणो रिद्धिं ॥१८८०॥  
 सोऊण दूयवयणं मंडलिएहि तओ इमं भणियं । संवहिऊणं एमो गहिऊणं किं पि मंगलियं ॥१८८१॥  
 इय भणितं ते दूए नियपासे गोरवेण धारेंति । अह पेसिउं सद्दूए परोप्परं सव्वमंडलिया ॥१८८२॥  
 पुच्छंति जहा तुब्भे किं काहिह नवररस्स नरवइणो । गंतूणं पणमिस्सह किंवा नो एरिसं कहह ॥१८८३॥  
 तो सव्वेहिं वि भणियं तं पणमेउं न अत्थि अम्ह मणं । जइ तुम्हं सव्वेसि समुदाए निच्छओ होइ ॥१८८४॥  
 तो एगोवरिकडयं करेइ जइ सो तओ समग्गा वि । तुब्भे तं पडिगाहह तओ न सो तुम्ह पभवेइ ॥१८८५॥  
 पडिवन्नं सव्वेहिं वि तेहिं इमं पच्चयं करेऊण । देवप्फरिसाईयं नियपुव्वयसवहपुव्वं च ॥१८८६॥  
 ते सव्वे संवहिउं ठिया तओ नियनिएसु देसेसु । अहिणवन्निरिददूया विसज्जिया तेहिं भणित्तमिमं ॥१८८७॥  
 अम्हे कुलक्कमागयन्निरिदवंसस्स चैव पाइक्का । तो तं चिय पणमामो न तुमं तस्सेव कम्मयरं ॥१८८८॥  
 कम्मयरो विहु राया तुमंठिओ अप्पणावि तो अम्हे । पुव्वपुरिसक्कमागयनियदेसेकह न रायाणो ॥१८८९॥  
 तो अम्हं तुम्हं पिहु समपडिवत्ती न भिच्चपहुभावो । जइ एयं चिय जायइ तुज्ज थिरं तो तुमं लट्टो ॥१८९०॥  
 तेसि मंडलियाणं सव्वेसि पासओ समागंतुं । सव्वे कर्हिंति दूया अहिणवरायस्स तब्भणियं ॥१८९१॥  
 सोऊण दूयवयणं संबुद्धो नियमणे नवो राया । चितइय जहा एए परोप्परं विहियसमुदाया ॥१८९२॥  
 सव्वे वि हु मंडलिया मिलिया मह दुज्जया इमे ताव । पच्चंतियरायाणो मिलंति एयाण जइ कहवि ॥१८९३॥  
 तो देसं पि असेसं नियमणे उवहवति तो एसो । होही गरुयअणत्थो एमेव ठिओ न सदेहो ॥१८९४॥  
 तम्हा जह ट्टिईए कीरउ इह अंबुवीचि नरनाहो । सव्वं पि जहा सुत्थं संजायइ तस्स पुत्तेहि ॥१८९५॥  
 अम्हं सयं पहूणं ठियाण पुव्विल्लयं पि माहूप्पं । नीसेसं पि पलीयइ ससामिवंचणजाणिय पावं ॥१८९६॥  
 अम्हं सेवयभावं चैव कुणंताण जायए भट्टं । बहुनिवपरंपराए आगयनियसामिवंसस्स ॥१८९७॥  
 किं तु मए कायव्वं तह कहवि जहा न को वि लक्खेइ । मज्झ कयं कूडमिणं अन्नह पच्छा वि माहूप्पं ॥१८९८॥  
 न य होइ तारिसं मह पुव्वं जह आसि गलियमाहूप्पो । तो जीवंतो वि अहं होमि मयाओ वि हीणयरो ॥१८९९॥  
 माहूप्पं अमुयंतस्स होइ मरणं पि धीरपुरिसस्स । भुवणेसलाहणिज्जं गयमाहूप्पं न उण जीयं ॥१९००॥  
 इय चित्तिऊण पेसइ पुणो वि दूए तहेव सव्वेसि । मंडलवईण पासे सिक्खं दाऊण एरिसयं ॥१९०१॥  
 जह तुब्भे मा भणिहह एवं पच्छा न अम्हं जं कहियं । एसोहं तुम्हंवरिं चलिओ चिट्ठामि सिग्घं पि १९०२॥  
 संपत्तो तुम्हाणं देसेसु हवेज्ज तो समरसज्जा । जह जाणह सपमाणं तुब्भे अज्ज वि असिक्क विया ॥१९०३॥

गहिऊण इमं सिक्खं गएसु दूएसु ताण पासम्मि । अह सो नियठाणकयं मंति सिक्खविउमेगंते ॥१९०४॥  
 किपि तओ इय पभणइ ममकय कडयगयस्स एत्थ भणियट्ठे । तुममप्पिऊण लेहं मुहसंदेसं च दाऊण ॥१९०५॥  
 पेसिज्जा पुरिसजुयं भणिए समयम्मि एवमाइसिउं । सो नवराया ढक्कं दावेऊणं मयं चलिओ ॥१९०६॥  
 हय-गय-रहजोहेहि कलिओ चउरंगिणीए सेणाए । सिग्घपयारणेहि तओ तप्पेसियदूयकहणाओ ॥१९०७॥  
 तह नियचारेहितो मंडलिया जाणिऊण तं एतं । सव्वे संवहिऊणं मिलिया एगस्स अइबलिणो ॥१९०८॥  
 मंडलवइणो मंडलसीमाए तस्स लिति आवासं । आवाससमंतेणं परिहारक्खं करेति तहा ॥१९०९॥  
 पच्चंतिथनिवईणं पासे संपेसिऊण निय दूए । जाणावयंति एवं तेहि वि म भीसिया एए ॥१९१०॥  
 जह अम्हे निय पुरिसे पेसेउं नवनिवं भणावेमो । जइ सो न थक्किही तो अम्हे तुम्हाण पक्खम्मि ॥१९११॥  
 सव्वे संवहिऊणं सव्वबलेणं समागमिस्सामो । तुम्हेहि अवट्ठंभो मणं पि न परिच्चएयव्वो ॥१९१२॥  
 इय पच्चंतिथनिवईणं वयणमायन्निकुण मंडलिया । सव्वे वि विसेसेणं सावट्ठंभातओ जाथा ॥१९१३॥  
 पच्चंतिथनिवईणं दूएहि नवो नरेसरो भणिओ । कडयम्मि समागतुं अत्थाण सहाए उवविट्ठो ॥१९१४॥  
 जह अम्ह सामिएहि भणाएहि भणावियं तुम्ह सम्मुहं एवं । अम्हे दट्ठूण तए लग्गेयव्वं समग्गाण ॥१९१५॥  
 मंडलियाण इमाणं मा भणिहह जन्न अम्ह अक्खायं । एयं भणिज्जमाणं निसुयं मंडलियदूएहि ॥१९१६॥  
 तत्थागएहिं पुव्वं ताण समक्खं निवाण ते दूया । अहिणवरघ्ना भणिया तुम्ह पट्ठि कयं जुत्तं ॥१९१७॥  
 एयम्मि चव समए अप्पा जाणाविओ जमम्हाणं । एककेण पथासेणं ते वि जहा सिक्खवेमि लहं ॥१९१८॥  
 सिग्घं एज्जह इन्दि तुम्हे अंगोकथा मए सव्वे । पंचहिं कित्तु निवेहिं न सिज्जाए कि पि ॥१९१९॥  
 अन्ने वि पंचसत्तयअत्तसमे मेलिऊण नरनाहे । समरम्मि ढुक्कियव्वं जह मज्झ वि पुज्जए कोडुं ॥१९२०॥  
 इय भणिऊणं तेसिं पच्चक्खं तक्खणे लिहावेइ । रायाएसं पच्छा मुक्कस्स नियस्स सचिवस्स ॥१९२१॥  
 हय-गय-रहजोहाणं अद्धं सेल्लं मए तुह समीवे । मुक्कं चिट्ठइ सव्वं पेसेयव्वं तए तमिह ॥१९२२॥  
 मंडलियाणं दप्पं झाडेउं अग्गओ वयंतस्स । पच्चंतिथनिवसमुहं मज्झ जहा मिलइ तं सिग्घं ॥१९२३॥  
 इय रायाएस जुए पेसेउं सिग्घसंढिए पच्छा । मंडलियाण निवाण य दूए वि विसज्जइ ष कोवं ॥१९२४॥  
 तत्तो अत्थाणाओ उट्ठेउं गुड्डुरम्मि पविसेउं । द्धन्नं सहत्थलिहियं लेहं बीयंपि पट्टवइ ॥१९२५॥  
 तस्सेव य जा सिक्खा दिन्ना तेणासि पुव्वमेगंते । निय नयराओ नीहरमाणेणं तम्मि अट्ठम्मि ॥१९२६॥  
 तत्तो पयाणढक्कं दवाविउं झत्ति भोयणम्मि कए । देइ पयाणं पुरओ आवासइ जोयणं गंतुं ॥१९२७॥  
 तस्सावासस्स पुणो दाहिणओ अत्थि गाउयंतरियं । एककं विसमं दुग्गं अप्पणयं पव्वयतडम्मि ॥१९२८॥  
 वित्थिन्नं धन्निघण-तण-पाणियपउरयाए संजुत्तं । चित्तेण पतंपि गहियं वज्जागारेण पुण चत्तं ॥१९२९॥  
 तो मंडलियनिवेहिं विन्नायं निय मणे जहेसनिवो । कंठयचडियो चिट्ठइ जुज्झिस्सइ कयरणुच्छाहो ॥१९३०॥  
 तो मंतयंति मिलिउं मंडलिया निवइणो उ दूएहि । जह अम्हे समकालं सव्वे संजुत्तथा होउं ॥१९३१॥  
 तेण समं लग्गेमो जुज्जेउं निच्छयं इय करेउं । मंडलिया निवईहिं दूयमुहेहि इमं भणिया ॥१९३२॥  
 संवहिउं तुम्भेहिं सठाण ठिएहि ताव गयव्वं । आगच्छामो अम्हे जाव समीवम्मि तुम्हाणं ॥१९३३॥  
 न य ठाणं चइयव्वं न य गंतव्वं च सम्मुहं तस्स । पडियंतु सहेयव्वं अम्हे वि लहुं पि एसामो ॥१९३४॥  
 मंडलिएहिं वि दूए पेसेउं भाणिया निवा एवं । जह तुम्हेहिं भणियं तह अम्हे आयरिस्सामो ॥१९३५॥  
 तुम्हेहिं वि झत्ति परं आगंतव्वं न जाव एयस्स । आगंतूणं सेल्लं पच्छिल्लं मिलइ अइवहुयं ॥१९३६॥

अह सो अहिणवराया निय भूमिं लंघिऊण परभूमिं । जाव पविट्ठो तावय समागया पयडवरदूया ॥१९३७॥  
मंडलियाणं विदेण पेसिया तेहि एवमुल्लवियं । चिट्ठंति अम्ह प्हुणो तुह आगमणं समीहंता ॥१९३८॥  
ता एह सिग्घमेवय पुज्जंति मणोरहा जहा तेसिं । तेण तओ ते भणिया ठाण ठिया चेव जंपंति ॥१९३९॥  
चारहंडि तुम्हाणं प्हुणो न पर्यपि सम्मुहा एंति । ता तुम्हे ते जंपह गंतुं जह एंति इह सिग्घं ॥१९४०॥  
इह चप्पडो पएसो खडपाणियपउरया तहा अत्थि । अम्हं तुम्हं च तओ एसासमरोचिया भूमि ॥१९४१॥  
पडिवालित्ता अम्हे तुम्हागमणं इहेव चिट्ठामो । इह तव्वयणं दूया गंतूण कहंति सपहूण ॥१९४२॥  
तेहिं तेहिं समग्गेहिं तओ मिलिउं मंडलवईहिं मंतणयं । काऊण पुणो दूए पेसेउं भाणिओ सनिवो ॥१९४३॥  
मा एवं होउ जहा मंडलिऐहिं सयं समागंतु । ह्णिओ निय प्हुमंती दूसनमेयं किह सहामो ॥१९४४॥  
एत्थागयस्स तुह जं अम्हे करिमो तुमं पि दच्छसितं । एत्थंतंरम्मि केणइ कप्पे सिट्ठं नवनिवस्स ॥१९४५॥  
पच्छन्नपुव्वपेसियपुणआगयलेहवाहयसरूवं । तेण वि सो कप्पे च्चिय कहिऊण विसज्जिओ कि पि ॥१९४६॥  
मंडलियपेसिया ते दूया तो तेण एरिसं भणिया । एवं पि करिस्सामो जह भणियं तुम्ह सामीहिं ॥१९४७॥  
किं तु परंते तत्तो ठाणाउ पलाइऊण वच्चंता । जत्तेण रक्खियव्वा तुम्हेहिं अहं तु लहु पत्तो ॥१९४८॥  
इय भणिऊणं ढक्कं दावेऊणं पयाणयं दिन्नं । गंतूण जोयणदुगं आवासं गिन्हए तत्थ ॥१९४९॥  
बीयम्मि दिणे पुणरवि ढक्कं वज्जाविऊण जा चलिओ । ताव सलेहं नरज्युउद्धूलियजंघमायायं ॥१९५०॥  
तेहिं समप्पियलेहं तुरयअओ चेव वाइउं एसो । ते मंडलवइदूए हक्कारइ अप्पणो पासे ॥१९५१॥  
कहइ य तेसिं पुरओ जं एसो अज्ज अम्ह संपत्तो । लेहो निवासनयराओ पेसिओ तन्नित्तणेण ॥१९५२॥  
तुम्हं चिय सामीणं समीहियं लिहियमेत्थआयायं । जह अंबुवीचिराथा रायविमुक्को पडुसरीरो ॥१९५३॥  
संजाओ संपइ बाहिरम्मि उववेसणस्स जोमो य । ता तुम्हे आगंतुं जहोचियं कुणह मंगलियं ॥१९५४॥  
एएण कारणेणं पच्छाहुत्तं पयाणयं अम्हे । दाहामो सिग्घं चिय गंतूणं तत्थ मंगलियं ॥१९५५॥  
रज्जाभिसेयपमहं काहामो तस्स जं नवो व्व इमो । जाओ जम्मो तम्हा अम्हाण म्हुसवो गरुओ ॥१९५६॥  
इय वोत्तूणं दिन्नं नियंगलग्गं सवत्थमाहरणं । लेहारयाण तेसिं मंडलवइदूयपच्छक्खं ॥१९५७॥  
दूएहिं तेहिं पुट्ठो मंतिनरिदो जहा कहं राया । नीरोगो संपन्नो केणव वेज्जेण पडियरिओ ॥१९५८॥  
मंतिनिवेणं भणियं एमेव तुमे खणं पडिक्खेह । नीसेसं पि सरूवं जेण कहावेमि तुम्हाणं ॥१९५९॥  
इय भणिउं सो गंतूण रुक्खच्छायाए तत्थ उवविसिउं । खंधावारस्स जणं वालेउं पेसए पुरिसं ॥१९६०॥  
सयमावासं तत्थे व दावए नन्नित्तपुरिसेहिं । हक्कारिउ मह दूए लेहत्थं कहइ तस्स सयं ॥१९६१॥  
सयमावासं तत्थे व दावए नन्नि उत्तपुरिसेहिं । हक्कारिउ महदूए लेहत्थं कहइ तेसिं सयं ॥१९६२॥  
जह किर रन्नो देहे केणइ कम्मणेण ताव संजायं । भीमं गलंतकोढं वेज्जाणं पडियरंताण ॥१९६३॥  
पच्छा वि बह दियहे तेहिं तिग्गिच्छा कया पयत्तेण । तह वि नियत्तो दोसो न म्णं पि गओ परं वुड्ढि ॥१९६४॥  
तो वेज्जेहिं मिलिउं सव्वेहिं वि मज्झ अग्गओ भणियं । जह एस कम्मजणिओ रोगो अम्हं असज्जो ति ॥१९६५॥  
जावज्जीवं राया इमेण रोगेण मुच्चिह्दी ने य । दुक्खं अणुहवमाणो किच्छेण गमिस्सए कालं ॥१९६६॥  
तो अग्गि व जलं वासाहाविज्जइ निवो जहा एसो । दुक्खं सहिऊण खणं मुच्चइ रोगाओ कम्माओ ॥१९६७॥  
अन्नेहिं वि पडिवन्नं पहाण पुरिसेहिं वेज्जवयणमिणं । एककेणेव माए तं पडिसिद्धं पिहियकप्पेण ॥१९६८॥  
जह जीवं तस्स इमं निय प्हुणो सककुणोमि नो काउं । जइ पुण कालकमेणं कहंचि फिड्ढइ सयं रोगो ॥१९६९॥  
भणियं च ।

चिर पवसिओ विआवइ वाहीघत्थो विउदुइ पुणो वि।बंघणगओ वि मुच्चइ मओ त्ति झीणा कहा लोए॥१९६९॥  
 तो तेहिं पुणो भणियं न हु सोहइ सुन्नमासणं रत्तो । रायालंकारधरो जाव निसन्नो न तत्थ नरो ॥१९७०॥  
 तो ते मए पभणिया जह जीवते इमम्मि अन्न नरं । न हु रज्जम्मि ठवेमि जम्हा सो रज्जगिद्धमणो ॥१९७१॥  
 रज्जं छुद्दावेउं कहं चि नो तीरए पुणो पच्छा । पडुदेहम्मि वि जाए अम्ह निवे अंबुकीचिम्मि ॥१९७२॥  
 तो तेहिं इमं भणियं जह अम्हे नेय अन्नपुरिसस्स । नामं पि हु वि सहेमो रज्जम्मि ठविज्जमाणस्स ॥१९७३॥  
 जइ तुम्हे सयमेव य कहमवि अंगीकरेह निवइत्तं । तो होइ अम्ह सम्मयमन्नह वत्तं पि न सहेमो ॥१९६४॥  
 अंगीकयम्मि रज्जे तुम्हेहिं निवो वि जइ पडुसरीरो । जायइ त्हा वि लट्ठं तं रज्जे तं पुण तुमे ठवह ॥१९७५॥  
 ते एवं चंपंता मए निसिद्धा अणेगज्जीहिं । अन्नसमयम्मि मिलिउं वहुएहिं जणेहिं इय भणियं ॥१९७६॥  
 तह चेव पुण निसिद्धा मए इमे एवमन्नअन्नेसु । समएसु भणंताणं तेसि मज्झय मज्झय कुणंतस्स ॥१९७७॥  
 पडिसेहं बहुवारं मए वि पडिवन्नमन्नसमयम्मि । तेसि वयणं उवरोहओ य जुत्तणाओ य ॥१९७८॥  
 दिसिजत्ता नीहरिए मइ पच्छा रायगोत्तदेवोए । मुद्धकुमारीदेहे अवयरिउं एरिसं भणियं ॥१९७९॥  
 कम्मेण जेण रोगो रत्तो देहम्मि आसि संजणिओ । तं बहुखीणप्पायं संजायं वट्टए इन्दि ॥१९७९॥  
 मज्झकहिओसहेहिं तेगिच्छं कुणह संपयं तुब्भे । अगणियदिणाण मज्जे जह नीरोगो हवइ राया ॥१९८१॥  
 अह पासवत्तिएहिं तह चेव कयम्मि अंबुविचिनिवो । निग्गयकर-चरण-नहो कणयसरिच्छच्छवी जाओ ॥१९८२॥  
 मंडलियाणं दूएहिं पुच्छिओ सो पुणो वि मंतिनिवो । देवो कहिएहिं वि ओसहेहिं कह निम्मिया किरिया ॥१९७३॥  
 अह कहइ मंति रायो एक्केणं ओसहेण कारविओ । नरनाहो वमणविहिं विरेयणं पुण दुइज्जेण ॥१९७४॥  
 तइएण ओसहेण उवलेवो कारिओ सयलदेहे । एएण विहाणेणं राया आरोणामणुपत्तो ॥१९७५॥  
 ओसहकिरियाईयं निमित्तमेत्तं समग्गमेवेयं । सुहकम्मेणं तह देवयाए सव्वं कयं लट्ठं ॥१९८६॥  
 अन्नेणा किमुत्तेणं अम्हं चिय एस कोइ पुणुदओ । जं अम्ह इमो सामी पुणन्नवंगो पुणो जाओ ॥१९८७॥  
 सामिदोहभिसकं बज्जो वि जणो विमुच्चिही मज्ज । तं चिय ससामिभिन्दि पुणो वि रज्जे ठवंतस्स ॥१९८८॥  
 तो मंडलेसराणं दूया जंपंति जुगवमेवेयं । तुम्हं चेव न केवलमम्ह वि सामीण पुन्नमिणं ॥१९८९॥  
 सामिरहियाण तेसि जं जाओ संपयं पुणो सामी । मच्छगिलिगिलिनाओ अन्नह होंतो सुदुवारो ॥१९९०॥  
 एत्थंतरम्मि चिंतइ मंतिनिवो अप्पणो मणे एवं । पेच्छ अहो पुन्नाणं जह माहप्पं परिप्फुरइ ॥१९९०॥  
 निव्ववसायस्स वि जं तस्स पट्टत्तस्स नामसवणे वि । ते चिय दूया एए संपइ जंपंति कह विणयं ॥१९९२॥  
 जे पुव्वं जंपंता निट्ठुरवयणाइं सम्मुहं अम्ह । सव्व ववसायाणं पि हु निय सामित्तं कुणंताण ॥१९९३॥  
 इय चित्तिऊणं भणियं पयडं दूयाणं सम्मुहं तेण । जह चिट्ठह जंपंता संपइ तुब्भे पुरो मज्ज ॥१९९४॥  
 तह तुम्ह सामिणो वि हु जइ जंपिस्संति तो सुहं होही । सव्वत्थ वि कत्थवि कीलिया विहल्लिस्सए नेय ॥१९९५॥  
 दूएहिं तओ भणियं सारो नाणस्स पच्छो चेव । अम्हेहिं समं तुब्भे संपइ पेसेह नियपुरिसे ॥१९९६॥  
 जेण नियसामियाण वि पासाओ एरिसं भणावेमो । अज्ज वि सविसेसं चिय पच्चक्खं तुम्ह पुरिसाण ॥१९९७॥  
 तो मंति नरिदेणं पमुइयचित्तेण तक्खणा चेव । इयबुद्धिमंतपुरिसा हक्कारेउं समाइट्टा ॥१९९८॥  
 दूएहिं इमेहिं समं वच्चह पासम्मि मंडलवईणं । अम्हेहिं जमाइट्ठं तमिमे तेसि कहिस्संति ॥१९९९॥  
 तं सोऊणं किंचि वि जंते जंपंति सम्मुहं तुम्ह । तं तुब्भेहिं सिग्घं कहियव्वं मज्ज आगतुं ॥२०००॥  
 अहमेत्तो दाऊणं पयाणयं निययदेसमज्जम्मि । गंतूणं ठाइस्सं जाव तुमे एस मह पासे ॥२००१॥

तो जइ मंडलियाणं पसंतवयणं कहिस्सह तुमेमे । तो सब्बसेन्नसहिओ पुरओ वि अहं गमिस्सामि ॥२००२॥  
 अन्नह पुण तत्थेवयसेन्नं सब्बं पि सठवेऊण । अप्पपरिवारजुत्तो गंतूणं सामिपासम्मि ॥२००३॥  
 काऊण मंगलीयं समागमिस्सामि सेन्नमज्झम्मि । इय सिक्खविउं सम्माणिउं च सो ते विसज्जेइ ॥२००४॥  
 तम्मि दिणे तत्थेवयवसिऊणं अप्पणा पभाधम्मि । दाऊण पयाणाइं भणिय पएसम्मि चिट्ठेइ ॥२००५॥  
 मंति-निवपेसियनरा दूएहिं समन्निया वि संपत्ता । चउ जोयणंतरट्टियमंडलियाणं समीवम्मि ॥२००६॥  
 कहियं दूएहिं तओ मंतिनिवाइट्टुमग्गओ तेसिं । तं सोउं ते सब्बे समकालं पमुइया जाया ॥२००७॥  
 दिन्नो तेहिं पसाओ उत्तारेऊण नियसरीराओ । वत्थाहरणाईओ दूयाईणं समग्गाणं ॥२००८॥  
 मंतिनरिदस्स नरा सम्माणेउं पुणो वि तस्सेव । संपेसिया समीवे एवं भणिऊण जह अम्हे ॥२००९॥  
 रणबुद्धीए लोयं अइवहुयं मेलियं विसज्जेउं । थेवपरिवारजुत्ता पहुणो पणिवायकरणत्थं ॥२००१॥  
 मंगलियं हय-गय-वत्थ-भूसणप्पभिइयं गहेऊण । नियनियदेसेहितो सिग्घं पि समागमिस्सामो ॥२०११॥  
 ता खेओ एरणज्जो न कोवि अम्हवरिमंतिपवरेण । इन्हि खमियव्वाइं पुव्विल्लाईं दुस्ताइं ॥२०१२॥  
 मंडलिणएहिं दिन्नं सिक्खं इय एरिसं गहेऊण । आगंतूण निवेयंति ते पुरो मंतिरायस्स ॥२०१३॥  
 अहसो पहिट्टुचित्तो तत्तो दाउं पयाणयं पुरओ । वच्चइ नरिदनयरे समन्नियो सब्बसेणेण ॥२०१४॥  
 कारइ रज्जहिसेयं पुणो वि निवइस्स अंबुवीचिस्स । अइगस्यविभूईए समन्नियो रायलोएण ॥२०१५॥  
 तो रायलोयसहिओ पणमइ महिमिलियमत्थओ तत्थ । उवविसिउं कारावइ निवदंसणमन्नलोयस्स ॥२०१६॥  
 नायरपमुहस्स उवायणाइं घेतूणं दारपत्तस्स । गाम-नयरेसु कारइ महसवं पेसिउं पुरिसे ॥२०१७॥  
 गायंतथाइं नच्चंतथाइं पमयाउलाइं पविसंति । सम्माणिऊण दाणेण ताइं अह पट्टुविज्जंति ॥२०१७॥  
 पूडज्जंतिय देवा सम्माणिज्जंति लिगिणो सब्बे । दीणाईणं दाणं दिज्जइ मुच्चंति गुत्तीओ ॥२०१९॥  
 तह कह वि कारिओ तेण मंतिणा ऊसवो पुरे तम्मि । तत्थ समए जणो जह विम्हइओ पासवत्ती वि ॥२०२०॥  
 सचिवस्स सामिभत्ति पासंतो कि पुणो वि दूरत्थो । एत्थ समयम्मि पत्ता मंडलियाणं तहिं दूया ॥२०२१॥  
 विन्नत्तो नमिऊणं मंतिवरो तेहिं सामिणो अम्ह । एता चिट्ठंति इहं तइयपयाणम्मि दिन्नम्मि ॥२०२२॥  
 अम्हे तेहिं निउत्ता जह तुब्भे जाह अग्गओ ट्ठोउं । मंतिस्स कहह वत्तं तो ते सचिवेण परिपुट्ठा ॥२०२३॥  
 तुब्भे वि इहायाया कि बहुयदिणेहिं तेहितो भणियं । तुम्ह पुरिसा जया इह विसज्जिया अम्ह सामीहिं ॥२०२४॥  
 अम्हे तथा निवाणं संगरबुद्धिए संवहेऊण । आवंताणं समुहा पट्टुविया वत्तकहणत्थं ॥२०२५॥  
 अम्ह मुहाओ ते अंबुविचिरन्नो सरीरमारोगं । सोऊण पहसियमुहा सब्बे सहस त्ति संजाया ॥२०२६॥  
 दाउं अम्ह पसायं गहिओ तत्थेव तेहिं आवासो । तम्मि समयम्मि पत्तो रायकलत्तस्स दूओ वि ॥२०२७॥  
 निय पिउणो नरवइणो पासे संपेसिओ कुसलवत्तं । निय भत्तुणो सरीरस्स अक्खिउं गहियलेहकरो ॥२०२८॥  
 तं वाइऊण लेहं तस्सत्थो सेसपुहइवालाणं । तेण कहिओ तओ ते विसेसओ पमुइया जाया ॥२०२९॥  
 तो तेहिं नरिदेहिं इय भणिऊणं विसज्जिया अम्हे । जह अम्हे गंतूणं नियनियदेसेसु अह तत्तो ॥२०३०॥  
 मंगलियं गहिऊणं नरिदपासे समागमिस्सामो । तुब्भे गंतूण इमं निय सामीणं निवेएह ॥२०३१॥  
 तत्तो आगंतूणं मिलिया अम्हे नियाण सामीणं । संवहिउं नियनयराहि नीहरंताण इहभिमुहं ॥२०३२॥  
 तेहिं समंचिय पत्तो दोन्नपयाणे समागया अम्हे । तइयपयाणे पुरओ होऊणं आगया एत्थ ॥२०३३॥  
 एवं जंपंताण वि तेसिं मंडलवईण पुरिसाणं । पच्चंतिय निवईण वि समागया तक्खणे पुरिसा ॥२०३४॥



नमिऊण निवं मंतिं च ते वि साहेति एरिसं तस्स । निय नयरनिगया अम्ह सामिणो संति इह एता ॥२०३५॥  
 पुरओ पट्टविया पुण अम्हे तुम्हं सरूवकहणत्थं । अह चितइ सो मंती विम्हयभरिओ नियमणम्मि ॥२०३६॥  
 देव गिहमज्जठवियं देवयपडिमं जहा जणो नाउं । सयमागंतुं पणमइ देइ नियत्थं ससत्तीए ॥२०३७॥  
 तो विलसइ तं अत्थं पडिमा पडिचारओ जहिच्छाए । मन्निज्जइ य जणेणं पडिमाभत्ति कुणेमाणो ॥२०३८॥  
 पत्थियमपत्थियं पि हु भोयण-वत्थाइयं तथा लहइ । नायरजणपासाओ देवगिहं रक्खमाणो सो ॥२०३९॥  
 जइ पडिमं फेडेउं तट्टाणे ठाइ कह वि सयमेव । तो तस्स पत्तियं पि हु को वि न पाडेइ दिट्ठस्स ॥२०४०॥  
 कणमुट्ठिं पि न ढोयइ करेइ खिसं विसेसओ लोओ । अम्ह वि सो च्चिय नाओ निवभंतं एस संजाओ ॥२०४१॥  
 जे कुव्वंता भत्ति पुव्वं अत्थं नियं पयच्छंता । ते अम्ह संपयं नियपहुम्मि अवहीरिए संते ॥२०४२॥  
 जाया परमविक्खा पारद्धा भीसणं रणं काउं । अम्हेहिं समं संपइ पहुभत्ताणं पुणो अम्हं ॥२०४३॥  
 पुव्वं व सिणेहपरा अणानिहेसकारिणो जाया । ता पेच्छ क्हं माणो मणुपाणमणम्मि विप्फुरइ ॥२०४४॥  
 सामिस्स पभावेणं लोए माहप्पमुवलहंता वि । मन्नंति अप्पणो च्चिय गुणाण तं विलसियं मूढा ॥२०४५॥  
 इय च्चित्तिऊण दूए ङलियाणं महीवईणं च । आवासम्मि विसज्जइ सेसं पि जणा जहाजोग्गं ॥२०४६॥  
 अत्थाणाओ उट्टाविऊण निवइ पि नेइ गिह मज्जे । जाइ सयंपि सगेहे रत्तो कज्जाइं चितेइ ॥२०४७॥  
 पत्ता तइयम्मि दिणे मंडलिया पंच तित्ति नरनाहा । कय मंगलिया रत्तो मंतिस्सय जोग्गयावेक्खं ॥२०४८॥  
 कइवयदिणपज्जंते कय सम्माणा निवाय मंडलिया । सचिवेण सदेसेसुं विसज्जिया हरिसभरियंगा ॥२०४९॥

॥ अंबुवीचिराजकथानकं समाप्तं ॥

ता भो मंति ! गुणेषु वि संतेसु निरक्खणीयमिह पुत्रं । पुरिसस्स विसेसेणं ठविज्जमाणस्स सामिपए ॥२०५०॥  
 तो मंतिणा पभणियं जइ एवं देव ! तो निमित्तणू । दिव्वणू साउणिया हक्कारेउं भणिज्जंति ॥२०५१॥  
 जह पंचन्ह वि मज्जे सुयाण रज्जम्मि जोग्गया जस्स । नियनाणेणं नाउं मज्ज पुरो तं निवेएह ॥२०५२॥  
 तो रत्ता पडिभणियं मणुयाणं रागदूसियमणाणं । कस्स वि कम्मि वि पुरिसे संजायइ पक्खवायमई ? ॥२०५३॥  
 तो तीस वयणेषुं सविज्जइ नेय पच्चओ काउं । नाणविसंवाओ वि हु मइमोहो तेसु संभवइ ॥२०५४॥  
 तो आह निवं मंती पुत्तपरिणाणमन्नह क्हं तु । देवस्स संभविस्सइ विसए रज्जारिहसुथस्स ॥२०५५॥  
 जंपइ तओ नरिदो होही कुलदेवयापसाएण । जं अन्नया वि साहइ भविस्स अत्थं इमा मज्ज ॥२०५६॥  
 निव्वडइ तं तह च्चिय जं देवा दिव्वनाणिणो होति । मणुयाण अवेक्खं न य कुणंति देवत्त भावेण ॥२०५७॥  
 अह च्चित्तिइ नियचित्ते सचिवो एवं अहो इमो राया । वृद्धीए अइनिउणो वीससइ न कस्सइ नरस्स ॥२०५८॥  
 इय च्चित्तिऊण मन्नइ रत्तो वयणं तहत्ति सो मंती । जंपइय कया देवो पुच्छिस्सइ देवयं एयं ॥२०५९॥  
 राया भणइ पभाए सोहणदियहं तओ निसासमए । सुइभूओ पूएउं देवयपडिमं पुरो तीसे ॥२०६०॥  
 सयणं करिस्समह सा सुमिणम्मि क्कहिस्सए फुडं मज्ज । कयमंतनिच्छओ अह राया मंति विसज्जेइ ॥२०६१॥  
 मंती गिहम्मि गंतुं एगंते तिहइ भुज्जपत्तम्मि । रायकयज्जनिच्छयमह तं जत्तेण संवरिउं ॥२०६२॥  
 तंतूहि नियंतेउं अंगीए गुज्जयम्मि निक्खवइ । तं घोडुलए मुंचइ अगंतुं अप्पणा बाहिं ॥२०६३॥  
 उच्चियासणम्मि ठाउं अडिभतरयं तओ नरं एककं । हक्कारेउं जंपइ मज्जाओ अंगियं मज्ज ॥२०६४॥  
 आणेहिं सो वि आणइ तो तीसे गुज्जायाउ कइडेउं । तं भुज्जंतस्स करे समप्पिउं भणइ इय मंती ॥२०६५॥

जेट्टाउ जो कणिट्ठो रायसुओ तस्स एयमप्पेह । एवं च तं भणिज्जह सुहासियाइं अउव्वाइं ॥२०६६॥  
 लिहियाइं एत्थ चिट्ठंति ताइं तुम्हाण चैव उचियाइं । तम्हा हिययत्थाइं कायव्वाइं तए झत्ति ॥२०६७॥  
 तो तेण मंतिपेसियपुरिसेणं तस्स रायउत्तस्स । तं भुज्जं अप्पेउं कहियं जं मंतिणा भणियं ॥२०६८॥  
 कुमरो वि वाइऊणं तं भुज्जं सव्वमेव मणमज्जे । हसिउं जंपइ एयाइं मज्ज पुव्वं सउव्वाइं ॥२०६९॥  
 किं कायव्वमिमेणं भुज्जेण इमं तओ पर्यंपतो । फाडेउं तं अइलहु खंडरयाइं करेऊण ॥२०७०॥  
 नियदेहधूवणत्थं आणियनिद्धूमपावए खिवइ । अह मंतिपेसियनरो तं अणुजाणाविउं गंतुं ॥२०७१॥  
 मंतिस्स कहइ तं कुमरचेट्ठियं भुज्जदहणपज्जंतं । तं सोऊणं मंती वि हरिसिओ चितइ मणम्मि ॥२०७२॥  
 तह पेसियं मए तं लिहियं काऊण अन्नववएसं । तह चैव तेण रक्खियमेयं इयरोहि दीसंतं ॥२०७३॥  
 ता मइमंतो कुमरो गंभीरो रज्जजोग्गओ चैव । जइ पुहईए पुन्नं तो होही तीए एस पई ॥२०७४॥  
 अह सो कुमरो तं भुज्जलिहियमट्ठं कहेइ कीरस्स । एगंतं काऊणं तो कीरो भणइ तं कुमरं ॥२०७५॥  
 तुज्जुवयारं काउं समओ सो एस अज्ज मह जाओ । कल्लदिणे तो तुमए एवं एवं विहेयव्वं ॥२०७६॥  
 कुमरो वि कीरवयणं साभिप्पायं मणे मुणेऊण । कयहरिसो सव्वं चिय पडिवज्जइ तं तह च्चैव ॥२०७७॥  
 तो बीयदिणे गोसे कुमरो कुलदेवयाए देवच्चं । सदेउं भणइ रहे तुज्ज अहं किं पि साहेमि ॥२०७८॥  
 नियगुज्जं जइ न तुमं अन्नस्स कहेसि सुट्ठु वि पियस्स । पडिवन्नं तेण तहा देवयसवहं विहेऊण ॥२०७९॥  
 आह कुमरो निसाए सुत्तो हं अज्ज सुमिणए भणिओ । कुलदेवयाए कल्ले जहा तए पूइयव्वाहं ॥२०८०॥  
 तो भिन्हिऊण दम्मे चउरो कारेहि देवयापूयं । पुच्छंतस्स कहेज्जा मए इमा कारिया पूया ॥२०८१॥  
 संझाए अंधयारे पेक्खिस्समहं पि पूयमागंतुं । इय सिक्खविउं दम्मे समप्पिऊणं तहा चउरो ॥२०८२॥  
 कुमरेण पेसिओ सो दिणावसाणम्मि कारए पूयं । रायकुलदेवयाए भणिए समयम्मि कुमरो वि ॥२०८३॥  
 कक्खाए खिविऊणं कीरं कुलदेवयाए आययणं । वच्चइ ठियम्मि निवमंदिरस्स पुव्वत्तरदिसाए ॥२०८४॥  
 धूवंगाराणयणे देवच्चयमाइसेइ जाइ सयं । कुलदेवयाए पासे पच्छिमभाए मुयइ कीरं ॥२०८५॥  
 उग्गाहिऊण धूयं नमिउं थुणिउं च देवयं ततो । नीहरिउं नियगेहे गच्छइ ततो निवगिहम्मि ॥२०८६॥  
 रायाएसेण तओ पडिहारेणं जणो समग्गो वि । सेवावसरनिमित्तं समागओ एरिसं भणिओ ॥२०८७॥  
 न करिस्सइ अज्ज निवो रयणीए अवसरं तओ तुभे । वच्चह सव्वे वि नियं निवासमह सो कुणइ एवं ॥२०८८॥  
 सो वि कुमरो ततो उट्ठेऊणं पयाइ नियगेहं । राया वि सुई होउं नियसियसियधोयवरवत्थो ॥२०८९॥  
 थेवंगरक्खसहिओ गंतुं कुलदेवयाए भवणम्मि । दट्ठुं पूयं पुच्छइ विसेसपूया कया केण ॥२०९०॥  
 इन्हिमिमा देवीए कहेइ देवच्चओ मए विहिया । राया बेइ किमट्ठं पुज्जयरो कहइ पुत्तकए ॥२०९१॥  
 रत्ता भणियं एसा अज्ज वि सज्जोक्किया तए विहिया । तो अवणिस्सामि तओ एयं एईए उव्वरिपि ॥२०९२॥  
 पूयं करिस्समवरं इय भणिउं पूइउं निवो नमिउं । थोऊण थ तं देवि इच्छयमट्ठं मणे धरिउं ॥२०९३॥  
 तीसे पुरो महीए चेत्तुं संथारयं तओ तम्मि । खणमुवविट्ठो ठाउं निवज्जए पिहियसव्वंगो ॥२०९४॥  
 कीरो मणे वि चितइ एसो च्चिय मज्ज जंपिउं समओ । जावज्जवि न सुयइ एस पत्थिवो पासइ न सुमिणां २०९४॥  
 अन्नह देवीए दंसियम्मि सुमिणम्मि मज्ज वयणाइं । संकं उप्पाएउं डंभं पयडी करिस्संति ॥२०९६॥  
 अह आयरक्खदेवच्चएसु सयणट्ठिएसु दूरम्मि । कीरो जंपइ कोमलसद्धेण फुडक्खरं एयं ॥२०९७॥  
 भो भो महानरसर ! तो राया जग्गमाणओ चैव । तं वयणं सोऊणं विम्हियहियओ विचितेइ ॥२०९८॥

का वि अउवा वाणी एसा मे सवणगोयंरं पत्ता । को संभासइ एवं कोमलवयणेण मं एत्थ ॥२०११॥  
 अहवा अवहियहियओ पुणो वि निसुणेमि सरविसेसाओ । सहस्स कारय नरो जइ पुण जाणिज्जए कोइ ॥२१००॥  
 इय चिंतिउं नरिंदो एगमणो होइ जाव ता लवियं । कीरेण पुण तह च्चिय अह सो उग्घाडिऊण मुहं ॥२१०१॥  
 उवविट्ठो होइ निवो अवलोइय चउदिमिं पि संभंतो । कीरेण तओ भणियं नरिंद ! किं नियसि अन्नत्तो ॥२१०२॥  
 तुज्ज अहं कुलदेवी जंपेमि तुहउत्थि एरिसी चिंता । जं किर मज्ज सुयाणं मज्जे को रज्जपयजोगो ॥२१०३॥  
 होही पत्तो एयं नियताणेणं मए निरिक्खेउं । निच्छइयं इन्दि चिय कहेमि तं तुज्ज निसुणेहि ॥२१०४॥  
 तो उट्ठिऊण हिट्ठो राया भालयलभिलियकरकमलो । उड्ढट्ठिओ पयंपइ देवी ! सपसायमाइसउ ॥२१०५॥ अ  
 कीरो जंपइ नरवर ! जेट्ठस्स-कणिट्ठो सुओ तुज्ज । रज्जमिरीए जोगो पोढपयावो निवो होही ॥२१०५॥ ब  
 तस्स तुमं अहिसेयं रज्जम्मि करेहि गंतुमिन्दि पि । जं सोहणं महत्तं चिट्ठइ रयणीए जाम दुगे ॥२१०६॥  
 एत्तो चैव सुयंतो पडिक्खिओ तंसि संपयं न मए । जग्गंतस्स वि कहियं फुडवाणीए वि तुह एयं ॥२१०७॥  
 सुत्तस्स सुमिणए जइ कहेमि तुह एरिसं सहमहत्तं । तो जाइ अइक्कमिउं तम्हा मा कुणह इह खेवं ॥२१०८॥  
 तो राया हित्ठमणो महापसाओ त्ति जंपिरो झत्ति । कुलदेवयं नमेउं निक्खंतो तीए भवणाओ ॥२१०९॥  
 सव्वायरक्खसहिओ बज्जदुवारस्स ढक्कणनिमित्तं । देवच्चओ वि पगओ निक्खमिउ मह कीरो ॥२११०॥  
 देवी पडिमापच्छिमभागाओ सणियमवणियलचारी । चडिओ देवीगिहमंडवोवरि उट्ठिउं त्तो ॥२१११॥  
 पत्तो कुमारपासे गविलसियं कहइ त्स्स सव्वं पि । पभणइ य एस तह कुमार ! पच्चिओ मज्ज भणियस्स ॥२११२॥  
 इन्दि चिय पुहइवई पेसिस्सइ तुज्ज तणमाहवणं । तो हं पंजरमज्जे संपइ चिट्ठामि पविसेउं ॥२११३॥  
 इय भणियं सो कीरो जा पविसइ पंजरम्मि ता पत्तं । नरवडणो आहवणं तस्स कुमारस्स तत्थ लहुं ॥२११४॥  
 पुव्वग्घाडिपत्तियं कुमारो पुण पंतरे निवेसेउं । जा सेज्जाए निसीयइ ता तमिउं निवनिउत्तेण ॥२११५॥  
 विन्नत्तो पुग्गिसेणं कुमार ! हक्कारए तुमं राया । कुमरेण आसणेणं निमित्तो पुच्छिओ एसो ॥२११६॥  
 रायउले गंतूणं अज्ज वि इन्दि समागया अम्हे । पडिहारेण तयाहं विसज्जिओ सेसलोओ य ॥२११७॥  
 भणियं व जहा राया अवसरमिन्दि करिस्साए नेय । तो केण कारणेणं पुणोहि हक्कारिया अम्हे ॥२११८॥  
 एवं पुच्छंतेण वि तुरंगपल्लाणणम्मि साहणिओ । आइट्ठो वत्थाईणाणयणे सेज्जवालो य ॥२११९॥  
 तो तेण रायपेसियपुग्गिसेण निवेइयं कुमारस्स । जह तीए वेत्ताए पडिहारेण म्ह इय कहियं ॥२१२०॥  
 जं अज्ज महाराओ कुलदेवीमंदिरम्मि रयणीए । सयणं करिही तीसे आराहणकज्जसज्जमणो ॥२१२१॥  
 तो अवसरं न काही विसज्जिओ तेण कारणेणं सो । सव्वो वि सेवयजणो समागओ अवसरनिमित्तं ॥२१२२॥  
 एवं पयंपिऊणं पडिहारे उवरए खणंतरओ । निग्गंतुं नरनाहो कुलदेवीमंदिरम्मि गओ ॥२१२३॥  
 कइवयपुग्गिससमे उट्ठाऊणं तत्थ केत्तियं पि खणं । तत्तो लहु आगंतुं नियपासायम्मि तेण तओ ॥२१२४॥  
 रत्ता ससंभमेणं पंच पहाणाइरायलोयस्स । हक्कारयाइं संपेसियाइं तिन्दि पि कुमराणं ॥२१२५॥  
 तुम्ह कणिट्ठाण तओ कुमरेणं पुच्छिओ तओ एसो । जेट्ठकुमारस्स गयं आहवणं पुहइ नाहस्स ॥२१२६॥  
 तेण भणियं न अज्जं वि पेसिज्जंतं तया जया रत्ता । तुम्हा हवणनिमित्तं पट्टविओ हं इह कुमार ! ॥२१२७॥  
 एत्थंतरम्मि पल्लाणिणए कुमरस्स झत्ति आगंतुं । विन्नत्तं जह तुरओ चिट्ठइ पल्लाणिओ बाहि ॥२१२८॥  
 कुमरो कयसिगारो अह तम्मि तुरंगमे समाहइउं । चलिओ रायाभिमुहो वच्चंतो चितए एवं ॥२१२९॥  
 सच्चं तं मन्निज्जइ कहियं कीरेण मज्जं जं इन्दि । एयस्स वि निय पेसियनरपरिकहणाणुसारेण ॥२१३०॥

जं लहू य कुमाराणं पेसियमवणीसरेण आहवणं । सर्वेसि इयराण थ न उणो जेट्टस्स कुमरस्स ॥२१३१॥  
 इय चित्तंतो पत्तो कुमरो पासम्मि पुहइनाहस्स । नमिउं तस्स निविट्ठो तटंसियनियडदेसम्मि ॥२१३२॥  
 जा खिवइ तत्थ दिट्ठि ता पेच्छइ कहिय लोयसमवायं । पुव्वाभिमूहं सीहासणं च ठवियं रयणमइयं ॥२१३३॥  
 अह सो उट्टुविऊणं वरासणे तम्मि ठाविओ रत्ता । रयणाइमए कलसे आणावेउं सलिलपुत्ते ॥२१३४॥  
 देवीकहिए समए कुमरो कीरंतमंगलसएहि । अहिसित्तो रज्जपए पणओ य निवाइलोएण ॥२१३५॥  
 सते वि जेट्टुपुत्ते एस मए ठाविओ नियपयम्मि । कुलदेवओवएसा ता तुम्ह इमो पहू इन्हि ॥२१३६॥  
 जह च्चेव अहं दिट्ठो पुव्वं तुम्हेहि गरुयभत्तीए । तह दट्टुवो एसो वि संपयं परमविणएण ॥२१३७॥  
 इय सेसे सिक्खविउं पुव्वनिवो सिक्खवेइ नवनिवडं । जह नियपुव्वनिवाणं लज्जं माणेमि तह कुज्जा ॥२१३८॥  
 जेट्टुस्स कणिट्टाण य नियबंधूणं विणीयचित्ताण । जह जोमं दायव्वं सर्वेसि देसगामाई ॥२१३९॥  
 सर्व्यपि रायसोयं कम्मगयं गरुयभक्तिंसंजुत्तं । नियपुत्तं व सथा वि हु पासेज्जा परमपीईए ॥२१४०॥  
 इय पडिवन्ने तस्साएसे निवलोयअहिणवनिवेहि । सो पुव्वनिवो दोन्हंपि कुणइ अब्भत्थणं एयं ॥२१४१॥  
 दिन्नो तुम्हं सामी तस्स वि दिन्नं इमं नियं रज्जं । दोन्नि वि कज्जाइं मए कयाइं इन्हि तु मह कज्जं ॥२१४२॥  
 तुभे कुणह विसज्जह परभवकज्जं ममं पसाहेउं । अत्थि नई नयराओ अट्ठाणे गाउयद्धस्स ॥२१४३॥  
 तीसे तडम्मि गंतुं काऊणं अणसणं परिवसामि । ता जाव मह समप्पइ इहभवसंबंधियं आउं ॥२१४४॥  
 सेसं पुण नीसेसं पुव्वं पि मए कयं नियं कज्जं । कारावियाइं सुरमंदिराइं बहुएसु ठाणेसु ॥२१४५॥  
 दिन्नाइं दाणाइं दीणाणाहाइयाणं सर्वेसि । तह पूइया य सब्बे वि लिगिणो गेगवाराओ ॥२१४६॥  
 तं नियपिउणो वयणं नवेण रत्ता तह त्ति पडिवन्नं । हक्कारिऊण भणियं पंचउलं कम्मठाणस्स ॥२१४७॥  
 नइतीरे समभागे मंडवयं कारवेह वित्थिन्नं । तत्थं य साहारणनिव्वायपवाइयाइं ठाणाइं ॥२१४८॥  
 निम्मावेयव्वाइं जह आइच्चो उ एइ एयस्स । सब्बस्स वि निम्मवियस्स तह य तुभेहि कायव्वं ॥२१४९॥  
 इय भणिऊणं सब्बं विसज्जिऊणं जणं सयं गंतुं । वासगिहे आणावइ सपंजरं तत्थ तं कीरं ॥२१५०॥  
 भणइ य जह सच्चपइन्न जंप जं किचि वंछियं तुज्झ । कीरेण तओ भणियं सेच्छाए मुंच मं इन्हि ॥२१५१॥  
 रत्ता भणियं एयं सिद्धं चि य कित्तु उववणे मज्झं । सब्बम्मि वियरियव्वं तए न गंतव्वमत्तथ ॥२१५२॥  
 सिलियावसरे वित्ते निच्चंपि तुमं उवेज्ज मह पासे । आलावं काऊणं मए समं वि वच्चेज्जा ॥२१५३॥  
 कीरेण तम्मि वयणे तहत्ति पडिवज्जियम्मि नरनाहो । सुत्तो पुणो पहाए समुट्ठिउं विहियतणु किच्चो ॥२१५४॥  
 सुरमंदिरेसु पूयं समग्गालिगीण तहय सम्भाणं । दीणाईणं दाणं कारावइ गुत्तिमुयणं च ॥२१५५॥  
 तेणेव पसंगेणं पंजरं बंधाउ मोयए कीरं । विन्नत्ते पुरिसेहिं नइतीरे निम्मिए झुपे ॥२१५६॥  
 पुव्वनिवं नियजणयं आरोहेउं सुहासणे पवरे । सयमारुहिउं तुरए कलिओ चउरंगसेणाए ॥२१५७॥  
 नइसम्मूहं पचलिओ पत्तो झुपम्मि तत्थ जणयनिवं । उत्तारेउं मुंचइ सो विय मुंडियसिरो होउं ॥२१५८॥  
 आइच्चस्साभिमूहं ठाऊणं अणसणं पवज्जेइ । तस्स समीवे राया सोलस-पडिचारए मुयइ ॥२१५९॥  
 पंचहिं भिच्चसएहि सह मुंचइ तत्थ तंतबालं च । पहरयदाणनिमित्तं तं ताहिवइ वि झुंपाइं ॥२१६०॥  
 पाइक्काणं कारइ चउदिसि तस्स राय झुंपस्स । सट्ठाणे गंतुमणो जा पणमइ पत्थिवो जणयं ॥२१६१॥  
 ता तेण सो निसिद्धो पणमंतो एरिसं च संत्वियं । जे अम्ह पूयणिज्जा पुव्वनिवा आसणे तेसि ॥२१६२॥

संपइ तुमं निविट्ठो तो अम्हाणं पि तंसि नमणिज्जो । जइ न पडिच्छसि पणइं अम्ह तुमं मा करिज्जासि ॥२१६३॥  
 रत्ना भणिओ जणओ जोडि (य) हत्थेण मविणयं एवं । सीहासणे निविट्ठो ताय अहं पुव्वनिवईण ॥२१६४॥  
 जइ इन्हि तो पणइं अन्नस्स न कस्सई करिस्सामि । तुम्हे पुण नमणिज्जा मज्झ सया जेहि तुम्भेहि ॥२१६५॥  
 दिन्नं मे जम्ममिणं तयणकया पालणागुणारुहणं । रज्जं विइन्नमिन्हि दूरेचिट्ठुं एयाइं ॥२१६६॥  
 सव्वाइं कारणाइं अन्नंपि इहत्थि कारणं गरुयं । जं चत्तसव्वसंगो देवो संपइ मुणिसमाणो ॥२१६७॥  
 लिंगं किपि न गहियं देवेण इमो मुणित्तण वि भेओ । मुणिणो उ सुरिदाण वि हवंति नमणिज्ज पयकमला ॥  
 कि पुण अम्ह नरिदाण वंदणिज्जा इमे न जायंति । जो पुण देवेण कओ सत्तासो दुक्करो एसो ॥२१६९॥  
 कयसत्तासो पुरिसो नमंसणिज्जो मुणीण वि हवेइ । का उण गिहीण वत्ता एयं नवनिवइणो वयणं ॥२१७०॥  
 रायमहापुरिसेहिं समत्थियं अणसणी तओ राया । तुण्हक्को होऊणं अवट्ठिओ पणमिओ रत्ना ॥२१७१॥  
 सेसेण वि लोएणं सव्वे वि विसज्जिया तओ तेण । अणसणिणो उट्ठेउं निय-नियठाणेषु संपत्ता ॥२१७२॥  
 रत्ना जेट्ठो भाया भणाविओ पेसिऊण नियपुरिसं । जो तुहभिमओ देसो कहेह तं जेण ते देमि ॥२१७३॥  
 तेणुत्तरं कयमिणं ताओ किपि जीवए ताव । तस्सेव य सेविस्सं पयारविदाइं पासगओ ॥२१७४॥  
 तो देसेण न कज्जं संपइ मे कि पि जम्मि समयम्मि । इच्छा म (ज्झ) भविस्सइ तम्मि सयं चिय कहिस्सामि  
 तं जेट्ठवंधुवयणं कहियं पुरिसेण तेण आगतं । रत्तो सहा निविट्ठस्स तेण सो पेसिओ पुणवि ॥२१७६॥  
 सिक्खविउं जह सेवं तायस्स अहं पि आयगिस्सामि । तह वि मए रज्जभरो तायाएसेण पडिवन्नो ॥२१७७॥  
 तो तुम्हे वि हू देसं गहिऊणं तत्थ कंपि नियपुरिसं । अन्नं पेसेह सयं चिट्ठह पुण ताय पासम्मि ॥२१७८॥  
 ताएण अहं रज्जे अहिसित्तो जेण कारणेण्यं । विइयं चिय सव्वेसिं अमच्चपमूहाण पुरिसाण ॥२१७९॥  
 जइ अत्थि रज्जवंछो तुज्ज तओ तं अहं समप्पेमि । इन्हि चिय गिण्हं तूमं तम्ह अहं सेवओ होमि ॥२१८०॥  
 इय जंपियम्मि रत्ना सहानिविट्ठो जणो समग्गोवि । अन्नोन्नं वयणाइं पलोइऊणं धणइ सीसं ॥२१८१॥  
 चित्तेइ तहा चित्ते अहो इमो को वि अडमहासत्तो । जस्स उदारत्तणमेरिसं तहा विणय-वित्ती य ॥२१८२॥  
 तो जइ जेट्ठो कुमरो पडिवज्जिस्सइ कहं चि रज्जसिरिं । अम्हे हि तह वि एसो निवारियव्वो पयत्तेण ॥२१८३॥  
 तस्स पयच्छंतो रायलच्छिमवणीसुरोगभयचित्तो । पुव्वनरिदेण जओ अम्ह इमो दंसिओ सामी ॥२१८४॥  
 नियहत्थेण निय पए पडिट्ठिओ देवओवट्ठो य । तम्हा वडऊण इमं कहमन्नं सामियं करिमो ॥२१८५॥  
 किंतु घरं मा भणिमो संपइ एयस्स सम्महं कि चि । निय रत्तो जा न सुयं जेट्ठकुमारस्स पडिवयणं ॥२१८६॥  
 अह सो रायनिउत्तो पुरिसो गंतण जेट्ठकुमारस्स । पुरओ साहइ सव्वं नियप्पामि पयंपियं अट्ठुं ॥२१८७॥  
 अह सो चिइ जेट्ठो कुमरो नियमाणसम्मि विम्हइओ । कह तेण घडमाणं भणियं मह भाउणा एयं ॥२१८८॥  
 एवं मणम्मि वि जओ न चितए को वि जं सयं लद्धं । रज्जं दिज्जइ अन्नस्स कस्सई निययपिउणो वि ॥२१८९॥  
 जं रज्जत्थे लोओ घायइ जणयं सहोयरं बंधुं । पुत्तं पि सयं जायं कि पुण सावक्कबंधुस्स ॥२१९०॥  
 को वि पयच्छइ रज्जं सकन्नहियओ सहत्थमारुढं । ता एस मज्झ भावं लहिउं एवं पयपेइ ॥२१९१॥  
 पडिवज्जेमि अहं जइ रज्जगमहणं तओ हवइ मज्झ । केवलमेव लहत्तं न रज्जलाहो न देसो य ॥२१९२॥  
 अह होइ कह वि दोसा तो सो वि सुते य वज्जिओ होइ । तम्हा पुव्वित्तं चिय कीरउ इह उत्तरं इन्हि ॥२१९३॥  
 वीमंसिऊण सम्मं पच्छा जं किपि संगयं होही । तं काहामो इय चित्तिऊण तं उत्तरं देइ ॥२१९४॥  
 सो पुरिसो तं वयणं आगतूणं निवेयए रत्तो । तं सोऊणं राया वि धारिउं मुयइ चित्तम्मि ॥२१९५॥

तो अवसरं विसज्जइ निवासठाणम्मि वच्चइ नियम्मि । कयभोयणे विसज्जिय सिलियावसरे य तम्मि निवे ॥  
 आगंतूणं कीरो काउं गोट्टि खणं समं तेण । वच्चइ उववण मज्जे राया वि खणंतरस्संते ॥२१९७॥  
 गंतुं पिउणो पासं ठाऊण खणंतओ नियत्तेउं । पुण अत्थाणं दाउं विसज्जिउं जाइ वासगिहे ॥२१९८॥  
 इय निच्चंपि कुणंतस्स तस्स ताओ दिणम्मि सत्तमए । पत्तो निहणं सक्कारिओ य रायाइलोएण ॥२१९९॥  
 जेट्टुकुमारो वि सेवं पिउणो काऊण तेत्तिय दिणाणि । निवविरहियवेलाए ताय परोवखे ठिओ स गिहे ॥२२००॥  
 देसंतरगमणाई रायंतरकड्डणाईचित्तेउं । सव्वमणत्थं पच्छा नियत्तचित्तो समीहोउं ॥२२०१॥  
 नियमिभतरपुरिसं सिक्खविउं पेसए निवसमीवे । गंतूण सो निवेयइ निवइ पुरो जह अहं तुज्ज ॥२२०२॥  
 जेट्ठेण भाउणा पेसिओमिह सो एरिसं कहावेइ । जह जीवंतो ताओ इमं मए आसि विन्नत्तो ॥२२०३॥  
 सगं गयाण तुम्हं काएण समं अहं पि कट्ठेसु । आरुहिउं तुम्हं चिय पासम्मि समागमिस्सामि ॥२२०४॥  
 ताएण तओ भणियं जणाण आहाणओ इहं अत्थि । जं गोट्ठी मथाणं संगगमो जायए नेय ॥२२०५॥  
 तो तुह भाया राया जं भणइ तए तमेव कायव्वं । एसो तायाएसो मए पवन्नो कयंजलिणा ॥२२०६॥  
 इय सोउं सो राया मुइयमणो पत्तलं लिहावेउं । अइ विउलसारदेसस्स तस्स हत्थे समप्पेइ ॥२२०७॥  
 वत्थाभरणं पउरं च अप्पिउं तं भणावए एवं । जह तुब्भे गंतूणं जहासुहं वसह नियदेसे ॥२२०८॥  
 अह सो पुरिसो गंतुं जेट्टुकुमारस्स पत्तलाईयं । सव्वं समप्पिऊणं निववयणं साहए सयलं ॥२२०९॥  
 सो वि तहेव अणुट्ठइ जेट्टुकुमारो निवस्स आएसं । अह अन्नया नरिदो तं कीरं जंपए एवं ॥२२१०॥  
 तुज्जुवयाराण मए अणुरूवं नत्थि किं पि निम्मवियं । तो तुह महग्गलहुरयणमालियं बंधेमो कंठे ॥२२११॥  
 कीरेण तओ भणियं नरवर! चुक्कोसि मज्ज तं नूणं । बुद्धीए मारेउं जं वच्छसि मं तुमं इण्हि ॥२२१२॥  
 रन्ना भणियं कह तो कीरो जंपेइ रयणलोहेण । बाणेण कोइ हणिउं मं निहणं नेइ नियमेण ॥२२१३॥  
 भणइ निवो जह मज्ज उववणे कोवि जीवजाईणं । धायं खिविउं न लहइ मा वच्चसु तो तुमं बाहि ॥२२१४॥  
 मोत्तूण उववणं तस्स चेव मज्जे रमाहि सेच्छाए । कीरो भणइ नरेसर मं सकए को वि तुह आणं ॥२२१५॥  
 नय लंधेइ सयन्नो अट्ठेण वि तं जओ कवहुणं । लब्भइ अइप्पभूयं चउहट्टयमज्ज वित्थरियं ॥२२१६॥  
 मइमारियम्मि वि पुणो मज्ज सरीरम्मि होइ जावइयं । पिसियं तावइयं नूण लब्भए अट्टचाएण ॥२२१७॥  
 ता तस्स निमित्तं मं न को विहणिही नरिद ! नियमेण । किंतु अइदुलहसुमहग्गरयणलोहेण निहणेही ॥२२१८॥  
 लद्धूण कं पि समयं तहाविहं जत्थ पेक्खइ न अन्नो । कडिवट्टयपक्खित्तं पच्छानेउ निय गिहम्मि ॥२२१९॥  
 तह कह वि सो करेही वहगो न तुमं पि जह वियाणासि । कम्मि वि काले कस्स वि पासओ मज्ज वुत्तं ॥२२२०॥  
 तत्तो चित्तिहिसि तुमं नरेसर ! नियम्मि चित्तम्मि । जह सो कीरो पगओ पलाइउं पुव्व नियठाणे ॥२२२१॥  
 तिरियाण वणयराणं पासम्मि न अत्थि सव्व सोयाई । ता मज्ज दुगं जुगवं पि जायए निव ! अणिट्टयरं ॥२२२२॥  
 एककं पाणविणासो दुइयं पुण पुव्वकहिय अववाओ । तो नरनाह ! अहं कह महासमुहं तरेऊण ॥२२२३॥  
 बुद्धामि संपयं गोपयम्मि जो रक्खिओ मए अप्पा । गस्यअयाएहितो तं कह इण्हि विणासेमि ॥२२२४॥  
 रन्ना भणियं जइ तुह पडिहासइ नेय संगयं एयं । देसस्स सामियं तं करेमि तो कस्सइ गुस्स ॥२२२४॥  
 जम्हा सुव्वइ लोए कत्थइ राया भुयंगमो अत्थि । आयन्निज्जइ अन्नत्थ मंकडो मणुयनमणिज्जो ॥२२२६॥  
 एए जहा तिरिक्खा वि दोवि पालेति मंडलवइत्तं । मज्ज पसाएण तुमं पि कीर तह होसु देस पहू ॥२२२७॥

कीरो पभणइ पत्थिव! तुमं पि अइउज्जुओसि जं एवं । इयरजणो इव पत्तियसि एरिसाणं पि वयणाणं ॥२२२८॥  
 किं कत्थइ तिरियाणं संभवइ मणुस्सलोयसामित्तं । अहं संभवइ तहा वि हु न मज्झ एत्थत्थि अत्थित्तं ॥२२२९॥  
 तो राया तस्स कए निय कीलामंदिरस्स पासम्मि । तहं मंत्तिगिहसमीवे एक्केक्कं कारए खंभं ॥२२३०॥  
 कंचणमयमइतुंगं थोरं तेसुवरि चउरसं भवणं । चउत्थ-वित्थइसियमेक्केक्कं सव्व कणयमयं ॥२२३१॥  
 चउदारं जालकवाडसंजुयं छज्जएहि रमणिज्जं । बहु निज्जहपसाहियमणे थे सिहरग्गकयकलसं ॥२२३२॥  
 धवलुद्धुयधयकलियं कलकिंकिणिजालमुहलियदियंतं । तइयाए भूमीए पच्छिमदारस्स आसन्नं ॥२२३३॥  
 कीरो कयाइ कीलइ उववणरुक्खे कयाइ खंभगिहे । तत्थे ठिओ सह रत्ता करेइ गोट्टि नरिदो वि ॥२२३४॥  
 तस्स पयच्छइ कालोचियाइं सरसाइं सुंदरफलाइं । निय हत्थेणं पवणीकयाइं अइपरमपीईए ॥२२३५॥  
 अहं अन्नया नरिदं कीरो पभणेइ मं विसज्जेह । दोस्सि दिणे जहं गंतुं पुण्विल्लवणम्मि कीराणं ॥२२३६॥  
 तेसि पुरओ दंसेमि अप्पयं जीवमाणमाणेमि । तहं ते वि इह पएसे पासंति जहा महं समिद्धि ॥२२३७॥  
 इय पडिबन्ने रत्ता गंतूण वणम्मि मिलइ सो तेसि । तं दट्ठुं ते कीरा जाया सव्वे पहिद्धमणा ॥२२३८॥  
 पुच्छंति कहं छुट्टो पासाओ पासबंधयस्स तुमं । सव्वंपि तओ एसो निय वुत्तंतं कहइ तेसि ॥२२३९॥  
 तम्मि दिणे तस्स तओ कुणंति ते गोरवं जहाजोग्गं । बीय दिणे सो सव्वे ते नेइ नरिदनयरम्मि ॥२२४०॥  
 दंसेइ खंभसिहरग्गसंठिए दो वि मंदिरे नियए । तेसि आणंदयरे पवेसए तेसु ते सव्वे ॥२२४१॥  
 पासंति निउण दिट्ठीए सव्वओ ते तओ पसंसंतो । धुणिकुणं सीसाइं चिट्ठंति चिरं गया चोज्जं ॥२२४२॥  
 कीरो वि रायपुरिसं एक्कं कम्मम्मि सिक्खवेऊण । पेसइ रत्तो पासे अत्थाण सहानिविट्ठस्स ॥२२४३॥  
 सो कहइ तस्स गंतुं कन्ने ठाऊण जहं किर-वयंसे । कीरो गहिऊण निए समागओ अत्थि (अइ) बहुए ॥२२४४॥  
 तेसि भोयणकज्जे अणुजाणह अज्ज उववणफलाइं । रत्ता भणियं दिन्नं तस्सेव मए तयं सव्वं ॥२२४५॥  
 तेणागंतुं कहिए निववयणे ते तओ उववणम्मि । गंतुं सव्वे कीरा कुणंति आहारमिच्छाए ॥२२४६॥  
 रत्तो सिलियावसरे वित्तम्मि उवेति खंभगेहम्मि । कीरा निवेण दिट्ठा कहंति पुट्ठा वणसरुवं ॥२२४७॥  
 राया वि तदुचियाइं फलाइं आणाविउं विचित्ताइं । पवणी कारावेउं कीराणपुरो खिवावेइ ॥२२४८॥  
 कीरा वि कयाहारा उट्ठंतं नरवइं भणंतेवं । अम्हे पभायसमए वणम्मि नियए गमिस्सामो ॥२२४९॥  
 अहं ते अणुजाणेउं राया गंतूण अवसरं कुणइ । ते उववणम्मि वसिउं जंति पभाए सठाणम्मि ॥२२५०॥  
 कीरस्स तस्स भज्जा एक्कच्चिय संठिया परं तत्थे । समए दिट्ठा रत्ता पुट्ठा कहिया य कीरेण ॥२२५१॥  
 तो हसिउं नरवइणा भणियं भो भाय! कीरधुत्तोसि । कीराणयणपसंगेण जं तए आणिया कीरो ॥२२५२॥  
 कीरेण विहसिऊणं भणियं अन्नहं नरिद! वीसाओ । तुज्ज न जायइ अम्हाण संतिओ अंगमेत्ताण ॥२२५३॥  
 एगो वंठो वंठो व्व उट्ठिउं नेय नज्जए जंतो । गिहिणीसहिओ पुण सो जहं तहं गंतुं न पारेइ ॥२२५४॥  
 रत्ता भणियं होही वीसासो सुंदरो तथा मज्झ । जणिही भाउज्जाया जया सुयं कीर तुह तुल्लं ॥२२५५॥  
 कीरंगणाए भणियं जणिए वि मए सुए नरवरिद! । तुह भाउणा सरिच्छं को तस्स गुणे विद्याणेही ॥२२५६॥  
 जइ होइ तुज्ज पुत्तो तुज्ज सरिच्छो मुणइ गुणेहितो । सो मज्झ सुयस्स गुणे तुममेव जणेहि तो पढमं ॥२२५७॥  
 पुत्तं अप्पसरिच्छं तो पच्छा जारिसो तए भणिओ । तारिसयं नरपुंगव! अहं पि पुत्तं जणिस्सामि ॥२२५८॥  
 रत्ता भणियं भो कीर ! पुत्तवंतो जयम्मि तुममेक्को । जेण तए संपत्ता अत्तणुरुवा इमा भज्जा ॥२२५९॥  
 एवं गमेइ कालं सो राया तेण कीरजुयलेण । सहकेलि कुणमाणो निच्चंपि कहांहि विविहाहि ॥२२६०॥

कीरेहिं तेहिं जह सा तसं चडंती उवेक्खियावल्ली ! जाया बंधणफलया कुमारइयराण वि तहेव ॥२२६१॥  
 निग्गहमकुणंताणं पढममणत्थेककहेऊ वत्थुस्स । कीराण व परिणामो विणासहेऊ हवइ नूणं ॥२२६२॥  
 जइ कहवि दिव्वजोएण कीरबुद्धोए ते समग्गा वि । छुट्टा कुमार! कीरा तो नेय गर्णज्जए एयं ॥२२६३॥  
 एयं तु कहाणयमेत्तियं चिय इहोवजुज्जए कहिउं । जात्तियमेत्ते कीरा बद्धा पासेसु वाहेण ॥२२६४॥  
 सेसं तु मए कहियं कोउयजणगं ति अगओ तुज्जं । कुमरेण तओ भणियं न अन्नहा मंति ! तुह वयणं ॥२२६५॥  
 जह चेव तए भणियं तह चेव थ चोज्ज कारयं एयं । एकं एत्थमणां कहियं जं कस्स वि न नामं ॥२२६६॥  
 (तो)मंतिणा पभणियं पढमं ऊसुयमणेण पारद्धं । आसि कहाणयमेयं मए कहेउं तओ कुमार ॥२२६७॥  
 नामग्गहणं न कयं कस्स वि संबद्धयं इयाणि तु । जइ कोउयं तुह तओ कहेमि सव्वाइ नामाइ ॥२२६८॥  
 कीरस्स कयं नामं वणंतरे तावसण पडुवयणो । कालानामं बाहो नांदउरं नाम नयरं तु ॥२२६९॥  
 राया सुनंदनामो जेट्टसुओ तस्स चंदणो नाम । बीओ य नांदवद्धणनामो तइओ सुनामो ति ॥२२७०॥  
 जयविजय नामया तुरिय पंचमा ताण भायरो जाया । विमलानई इमाइं कुमार जाणहि नामाइं ॥२२७१॥

॥ कीरकथानकं समाप्तं

सो महइनिहाणमंतोकुमरेणं अंबुविचीमंतिस्स । नामं पुट्ठो साहइ विचारचउरो ति नामेण ॥२२७२॥  
 एस मए दिट्ठंतो तुह परिकहिओ कुमार इन्हि तु । निर्याकच्चे कुणांत्तसं मुंच पमायं पुण रामगं ॥२२७३॥  
 जह न मुणइ नरनाहो तह पच्छन्नं नियं नरं कंप्पि । आइसिऊणं तीसे पहे वहंतीए कथ वि य ॥२२७४॥  
 ल्हिऊण अंतरं चोरघाडिनिवडणमिसेण कारेहि । जत्ति विणासं जायइ पुरओ सव्वापि जह सुत्थं ॥२२७५॥  
 पडिवज्जिऊण वयणं मंतिस्स तह ति तेण कुमरेणं । मंति विसज्जिऊणं निच पुरिसो पेसिओ तीसे ॥२२७६॥  
 आवासे सुद्धिकए सो गंतूणं पुणो नियत्तेउं । साहइ कुमरस्य पुरो जह सा संज्ञाए निक्खंता ॥२२७७॥  
 नियगामस्साभिमुहं संवाहिऊणं तओ पएसाओ । तं सोऊण कुमरो मइमंतं अप्पणो पुरिसं ॥२२७८॥  
 एगंते सिक्खविउं दाऊणं तस्स पत्थियसहाए । मंति भाणयम्मि कज्जे सिग्घं चिय तं निरुवेइ ॥२२७९॥  
 सो पच्छिमरयणीए उट्ठेउं नियसहायसंजुत्तो । धावइ दिसा नियंतो धन्नउरग्गाममणेण ॥२२८०॥  
 दिट्ठा दूराउ तओ सगडारूढा अणुपम्वा पुरओ । वच्चंती सन्नाया एगेण कुमारपुरसेण ॥२२८१॥  
 नाऊण तेण कहिया कुमारनिउत्तस्स रामसीहस्स । तेण वि सोच्चिय कन्ने सिक्खविउं पेसिओ पुरओ ॥२२८२॥  
 पच्छाइयनियवयणो जह उवलक्खइ न कोइ तह गंतुं । एस निउणं निएउं मग्गानडत्थो पांडक्खेइ ॥२२८३॥  
 ता जाव रामसीहो संपत्तो तत्थ तस्स तो कन्ने । होऊण कहइ एवं जह नूणमणुपम्वा एस ॥२२८४॥  
 कम्मयरीए सहिया सगडारूढा धुरिम्म उवविट्ठो । तीए च्चिय कम्मयरो पुरओ चत्तारि पाइक्का ॥२२८५॥  
 आउहसहिया अन्ने पुण चउरो हरिसपालदेवेण । नियअंगरक्खमज्जाउ पेसिया सो हडाईया ॥२२८६॥  
 सोऊण रामसीहो तव्वयणं नियमणम्मि चितेइ । हरिसउरस्सासन्ने कए विणासम्मि नियमेण ॥२२८७॥  
 राया जाणइ तत्तो गवेसमाणो वियाणए अम्हे । धन्नउरग्गामनियडे तम्हा एवं विहेयव्वं ॥२२८८॥  
 इय च्चित्तिऊण सो पुण बालपसाओ निरुविओ तेण । एककेक्क कंडवाय व्व वह्ण ठिण पट्ठीए ॥२२८९॥  
 तीसे दियहम्मि तए गंतव्वं जामिणीए पासम्मि । वसियव्वमलक्खेणं अम्हे पुण गाउयंतरिया ॥२२९०॥  
 तुज्ज वि पट्ठीए ठिया समावयंता पहे भविस्सामो । भोयणसमयम्मि पडिक्खिउं तए अम्ह मिलियव्वं ॥२२९१॥  
 संज्ञाए अम्हे वि हु नियडा होऊण तुह वसिस्सामो । इय रामसीहसिक्खं गहिऊण अणुट्टए सो वि ॥२२९२॥



जह भणिय सरूवेणं वचचइ मग्गम्मि रामसीहो वि । चउवीसाए भिच्चेहिं संजुओ सत्थहत्थेहिं ॥२२९३॥  
 अह मग्गम्मि वहंती अणुपम्बा वासरम्मि अट्टमए । संज्ञासमए पत्ता धन्नउरग्गामसीमाए ॥२२९४॥  
 पच्चासन्ना तत्थ य दोण्हं गामाण अंतरं गरुयं । पच्छिमगामो नियडो पुरओ दूरम्मि धन्नउरं ॥२२९५॥  
 एत्थंतरम्मि सोहडपमुहेहिं रायआयरक्खेहिं । भणिया अणुपम्बाए पाइक्का भो पडिक्खेह ॥२२९६॥  
 जं अत्थि सउणभंती संजाया एत्थ थेविया का वि । एत्तो नियत्तिउं तो पच्छिमगामे कुणह वासं ॥२२९७॥  
 भिच्चेहिं सूरपालस्स जंपियं एत्तियम्मि दूरम्मि । समुवेंताणं कत्थइ सउणभंती न संजाया ॥२२९८॥  
 एत्थागयाण जाओ कुओ वि पक्खाओ एस अवसउणो । नियगामस्स पवेसे पच्चासन्ने समणुपत्ते ॥२२९९॥  
 वचचह पुरओ एत्तिय वेलाए माणिओ उ अवसउणो । तो सोहडेण भणियं तुब्भे सव्वे वि वचचेह ॥२३००॥  
 अम्हे पुण एत्तो च्चिय नियत्तिउं पच्छिमम्मि गामम्मि । वसिउं पभायसमए हरिसउरपुरे गमिस्सामो ॥२३०१॥  
 अह ते अणुपम्बाए भणिया तुब्भे इओ पएसाओ । मा विणियत्तह गामे भंह आगच्छह सह मए वि ॥२३०२॥  
 तो तत्थ पडिक्खह कइ वि वासरे जावएइ मह ताओ । पच्छा सम्माणेउं विसज्जिही सो तओ तुब्भे ॥२३०३॥  
 तो सोहडेण भणियं लज्जामो संपयं महाभागे । दंसंता नियवयणं अम्हे तुह जणणि जणयाण ॥२३०४॥  
 तं तेत्तियं भणित्ता तम्मि दिणे ताण अग्गओ अम्हे । गहिऊण तुमं चलिया तेसि वयणाण मज्झम्मि ॥२३०५॥  
 एकंपि नेय सच्चं जायं तो कह न लज्जिमो इण्हि । ता सव्वहा वि न तए एत्थट्ठे किं पि भणियव्वं ॥२३०६॥  
 पुणरवि अणुपम्बाए ते भणिया जह कहं स पडुणो वि । तुब्भे न कुणह वयणं तुब्भेहिं वि जेण मे कहियं ॥२३०७॥  
 हरिसउरपुरे तइया इय अम्हे नरबरेण आइट्ठा । जं नियगामे नेउं कुसलेण अणुपम्बं मुयह ॥२३०८॥  
 तो सोहडेण भणियं केत्तियदूरम्मि चिट्ठए गामो । तुज्झ इमो पाविज्जइ जो हत्थेणं इहत्थेहिं ॥२३०९॥  
 तो तत्थ तुमं भइे दट्ठुवा जारिसी किर विमुक्का । जं जह किं पि भणह इण्हि तो तुह सव्वहो निय पिउस्सा ॥२३१०॥  
 इय भणिरुण नियत्ता चत्तारि वि पच्छिमस्स गामस्स । सम्मुहमग्गेलग्गा निवपुरिसा सोहडपमुहा ॥२३११॥  
 सउणाइवइयरं ते जेत्तियवेलं ठिया पयंपंता । तम्मि पएसे उब्भा अन्नोन्नमणुपम्बाईया ॥२३१२॥  
 तेत्तिय वेलं सो बिहु बालपसाओ ठिओ पलोयंतो । दूरपएसे उड्ढो ववएसं कं पि काऊण ॥२३१३॥  
 पच्छाउ रामसीहो आगंतुं तत्थ तस्स तो मिलिओ । निय पाइक्केहिं समं बालपसाएण सो भणिओ ॥२३१४॥  
 पच्छाहुत्तो होउं तुमं पडिक्खेहिं सह सहाएहिं । परओ वा आरवो अणुपम्बा जाव संचलइ ॥२३१५॥  
 सो जाव रामसीहो तव्वयणेणं परम्मुहो जाइ । ता ते सोहडपमुहा बालपसाएण चउरो वि ॥२३१६॥  
 आगच्छंता दिट्ठा सम्मुहमेव अप्पणो तओ तेण । गंतूण रामसीहो भणिओ जह दक्खिणपहेण ॥२३१७॥  
 गंतूणं एगतडे अदिस्समाणा हवेह खणमेगं । वोलिंति जाव एए चउरो वि हु सोहडपमुहा ॥२३१८॥  
 निवट्टेऊण इमे अणुपम्बाए समोवओ कहवि । एंता दोसंति जमारओमुहा केणई विहिणा ॥२३१९॥  
 तह चैव रामसीहो तव्वयणेणं तिरोहिओ होइ । बालपसाओ पडिओ पावरिऊणं पहतडम्मि ॥२३२०॥  
 पच्छिमगामाउ इओ सुवासिणी का वि ससुरभवणाओ । रुसिऊणं नीहरिया धन्नउरे जाइ पिउग्गे ॥२३२१॥  
 तीसे वि हु पट्ठीए नणंदिया वयइ तं नियत्तेउं । ताओ दो वि जणोओ बालपसाएण नो दिट्ठा ॥२३२२॥  
 निव्वट्टिएसु सोहडपमुहेसु अणुपम्बा वि संचलिया । पुरओ गामाभिमुही ता जाव पुरो वहे पत्ता ॥२३२३॥  
 तत्थ रहं धारेउं सरोरचिंतानिमित्तमुत्तरिउं । उब्भवहेणं गंतुं वलणम्मि ठिया सकम्मयरी ॥२३२४॥  
 एत्तो सुवासिणीए नणंदिया पट्टिलग्गिया दिट्ठा । तो सा सिग्घं चलिया पहम्मि पत्ता रहसमीवे ॥२३२५॥

तो ते नणंदियाए रहपुरिसा पभणिया जहा भो भो । मह भाउ जायमेयं पडिक्खावह अगगओ जंति ॥२३२६॥  
तो नियगामकुडुंबियधूया सा परिचिय त्ति काऊण । गहिउं कलाइयाए धरिया एककेण पुरिसेण ॥२३२७॥  
पत्ता नणंदिया वि हु तत्थ तओ पुच्छिया एसा । कहियं तीए रूसणयकारणं कि पि ताण पुरो ॥२३२८॥  
पुरिसेहि तओ भणिया सुवासिणी सोहिणि त्ति नामेण । जइ तुह नो पडिहासइ तो मा वच्चिहसि सासुघरए ॥२३२९॥  
परमिह पडिक्खणमवि अणुपम्वा एइ जाव तो तीए । सद्धि रहम्मि चडिया वच्चिज्जा नियपिउघरम्मि ॥२३३०॥  
अत्थंगओ दिणिदो संपइ संजायमंधयारं पि । एगागिणी वयंती तो पडिहिंसि कत्थइ अणत्थे ॥२३३१॥  
तो सोहिणीए भणियं अणुपम्वा कत्थ संपयं पगया । तेहिं वि तीसे कहियं सरीरचित्ताए अत्थि गया ॥२३३२॥  
एत्तो खणंतरेणं बालपसाओ समुट्टिउं जाव । निज्जायइ तो पेक्खइ पविसंते गाममज्झम्मि २३३३॥  
सोहडपमुहे पुरिसे अह सो गंतूण रामसीहस्स । तं साहइ अह सो वि हु संवहिऊणं तओ चलइ ॥२३३४॥  
चित्तिइ य जहा एयं अइलट्टमणुट्टियं निवनरेहिं । जं किर अणुपम्वाए पासाओ ते अवक्कंता ॥२३३५॥  
साहंताणं अहं निक्कज्जं संपयं न हु मणपि । नाणं संपज्जिस्सइ नरवडणो एत्थ विसयम्मि ॥२३३६॥  
बालपसाएण समं समन्निओ पंचवीसहिं जणेहिं । गच्छेइ रामसीहो पुरओ जा ताव तम्मि खणे ॥२३३७॥  
संचरइ न को वि पहे तिमिरावुरिए समीववत्ती वि । दीसइ ननदिट्ठो वि हु नज्जइ जइ परिचिओ वि चिरं  
तं चिय बालपसायं पुरओ पेसेइ रामसीहो तो । सुद्धिनिमित्तं सो वि हु पहपासगओ निएऊण ॥२३३९॥  
पहमज्झट्टियं रहवसहमणुयसमुदायमेत्तमव्वत्तं । सहेण निच्छऊणं कहइ तओ रामसीहस्स ॥२३४०॥  
सो वि तओ ते सब्बमेलेउं एगओ भणइ भिच्चे । जह पहमज्झट्टियरहपुरिसे लउडेहिं ताडेउं ॥२३४१॥  
पंच वि पाडेऊणं मोसं गहिऊणं रहगयं सब्बं । धम्मउरगाममग्गे पहमुत्तरिउं तओ तुब्भे ॥२३४२॥  
दो दो जणामिलेउं भिन्ना भिन्ना पुणो नियत्तेउं । हरिसउरपुरपहेणं वच्चेज्जा जाव वडगामं ॥२३४३॥  
पत्तो जोयणमेगं ववहाणे होइ तस्स गामस्स । देसियकुडीए गंतुं मिलियव्वं तत्थ सब्बेहिं ॥२३४४॥  
इय रामसीहवयणं तह त्ति पडिक्खिऊणं ते सब्बे । आगंतुं पह मज्जे वेगेण कुणंतिं तह चव ॥२३४५॥  
सयमेवरामसीहो अणुपम्वा मारणेक्ककथचित्तो । भयवसपलायमाणं सनणंदं सोहिणिं तत्तो ॥२३४६॥  
अंतरमवियाणंतो ह्णिऊणं तिक्खखगडंडेण । निहणं नेइ खणेणं अदिस्समाणो उ इयरेहिं ॥२३४७॥  
पुव्वत्तपगारेणं पलाइउं ते वि देसियकुडीए । गंतूणं वडगामे मिलिया सब्बे वि एगत्य ॥२३४८॥  
रयणीए पढमजामे चित्ते सुत्ता य तत्थ दो पहरे । पच्छिमजामे दुग-तिग-चउक्क-विदेण नोहरिउं ॥२३४९॥  
मगम्मि पुणो मिलिया वच्चंति पुरो कएण मोणेण । जायम्मि पभायम्मि उ भणिया ते रामसीहेण ॥२३५०॥  
जं जस्स करे चडियं मोसं तस्सेव तं समगं पि । न परोप्परं पि कस्स वि कहियव्वं हंतं तुब्भेहिं ॥२३५१॥  
जइ पुण कहवि कहिस्सह सुणंतकहयं तथाण तो दोन्हं । मोसं अहं गहेउं कुमारस्स समप्पइस्सामि ॥२३५२॥  
दिट्ठं पि न केणइ पुच्छियव्वं मह पुच्छए तथा सो वि । मोसं गहिऊणं मए समप्पियव्वो कुमारस्स ॥२३५३॥  
तस्स य इय भणियव्वे अयमभिपाओ य रामसीहस्स । जं तेसि नियरहसेणं पुच्छंतकहंतएक्को वि ॥२३५४॥  
आयन्नइ तह बहुयं लद्धं केणा वि होइ तो बीओ । मच्छरगहिओ जंपइ तस्स विक्खस्स पुरओ वि ॥२३५५॥  
एएण पयारेणं गुज्जं सब्बं पि पयडयं होइ । एवं सिक्खविऊणं ते सब्बं सो नियय सहाए ॥२३५६॥  
पत्तो कमेण पासे कुमारस्स कहेइ सब्ब वुत्तंतं । कुमरो वि कहइ सब्बं तं पुरओ मइ निहाणस्स ॥२३५७॥  
तयणंतरं पि पत्ता सोहडपमुहा वि साहिउं रत्तो । जह वत्तं नियक्कजे लग्गा एत्तो य पहमज्जे ॥२३५८॥

काउं सरीरचित्तं अणूपम्वा चलइ जाव तो ज्ञत्ति । कोलाहलं सुणेउं कम्मयरीए इमा भणिया ॥२३५९॥  
 एत्थेव पडिक्ख तुमं सुद्धि काऊण जाव एमि अहं । तो जइ चोरा एए होंहिति कहं वि संपत्ता ॥२३६०॥  
 तो हं दूरठिया वि हु लहुयं पाहाणयं खिविस्सामि । तुह पायाणं समुहंतो तं पुरओ पलाएज्जा ॥२३६१॥  
 तो कम्मयरी तत्तो आगच्छइ जाव कइवयपयाइं । ताव फुडं परियाणइ जह पडिया चोरधाडित्ति ॥२३६२॥  
 पुव्वुत्तं संकेयं अणूपम्वाए करेइ तो ज्ञत्ति । सा वि पलायइ पुरओ तुरियगई पाणभीयमणा ॥२३६३॥  
 कम्मयरी पुण तत्थेव संठिधा निहुयमुवविसेऊण । ता जाव(ते) पलाणा चोरा सव्वे गहियमोसा ॥२३६४॥  
 तो नीसइ नाऊण सा पुरो मंदमंद मुवगंतुं । जा पेक्खइ ता पासइ तहेव तं सगडयं जुत्तं ॥२३६५॥  
 पाइक्का पुण पडिया चिट्ठंति कणंतया महियलम्मि । संभासिया य तीए जंपियमेणेण तेसु तओ ॥२३६६॥  
 अइथेवचेयणाणं तीए संवाहिऊण सो विहिओ । उवविट्ठो अन्ने विहु एवं संवाहिया चउरो ॥२३६७॥  
 तो लद्धचेयणेहि तेहिं विदिन्नं पडुत्तरं तीसे । तो तीए ते भणिया चोराण इओ पणट्टाण ॥२३६८॥  
 जाया महई वेला तो उट्ठेउं चडेह गड्ढोए । एक्को सट्ठेक्कओ जो सो खेडउं दोन्न वि जणीओ ॥२३६९॥  
 अम्हे पुण पाएहि वच्चिस्सामो अणूपम्वा य अहं । सुइरं न पडिक्खज्जइ एत्थ ठिएहि इयाणि तु ॥२३७०॥  
 हक्कारेमि अणूपम्बमहं तुमे संबहेह सव्वे वि । इय भणिउं कम्मयरी अणूपम्वाए वयइ पासे ॥२३७१॥  
 जत्थ ट्टाणे गहिओ संकेओ चोरसंकियमणाए । सद्धि अणूपम्वाए तम्मि पएसम्मि गंतूण ॥२३७२॥  
 सा तीए कुणइ सद्दे दो तिन्नि वि जाव को वि पडिसइं । न हु देइ ताव एसा गंतुं पुरओ विसइइ ॥२३७३॥  
 तत्थ वि न कोइ सइं जाव पयच्छेइ ताव सव्वतो । भमिउं भमिउं सद्दे करेइ गरुए य गरुययरे ॥२३७४॥  
 पडिसइं अमुणंती सवाहनयणा नियत्तिउं पत्ता । सगड पुरिसाण पासे तीए सरुवं कहइ तेसि ॥२३७५॥  
 तेहिं भणियं जया इह पहारहत्था समागया चोरा । ज्ञत्ति तया सोहिणिया नणंदसहिंयाइओ नट्टा ॥२३७६॥  
 जइ पुण सा एयासि पलायमाणीण कत्थई मिलिया । तो ताहिं समं गामे पगया धन्नउरए होही ॥२३७७॥  
 तम्हा गम्मउ गामे इन्दि तो तत्थ जइ गया न इमा । कारिस्सामो पच्छा कत्थइ अन्नत्थ से सारं ॥२३७८॥  
 इय मंतनिच्छियं ते काउं सगडम्मि आरुहेऊण । कम्मयरीए सहिया पगया धन्नउरगामम्मि ॥२३७९॥  
 कहियं कम्मयरीए अणूपम्वा संतियाए माऊए । तिहुयणदेवीए पुरो तं सव्वं किं पि पहमज्जे ॥२३८०॥  
 जं वित्तं तं सोउं तीए सोयगितावियाए वि । पढमं चि य भिच्चाणं उवयारो ताव कारावओ ॥२३८१॥  
 रुहिरायइड्ढणमहणसेयणवोलाइपाणमाईहिं । लोणट्टुहलिदाले व घायपट्टाइंबंधेहि ॥२३८२॥  
 तो धूयाए सारा सोहिणिपिउणो गिहम्मि काराविया । कहियं धरेच्चएहिं तिन्हं एक्का वि नो पत्तो ॥२३८३॥  
 तो अधिईए गहिया तिहुयणदेवी परोविउं लग्गा । अह दुग्गपालमाईगामजणो तत्थ बहु मिलिओ ॥२३८४॥  
 नियनियविगप्पसरिसं सव्वेहिं वि जंपियं खणं एक्कं । इय निच्छियं पभाए ससुरगिहे सोहिणी तणए ॥२३८५॥  
 कारेयव्वा सुद्धी जइ तत्थ वि नो भविस्सइ गयासा । अन्नत्थ कत्थइ तया गवेसियव्वा पयत्तेण ॥२३८६॥  
 अह तेहिं बीय दियहे कविट्टुवद्दाभिहाणगामम्मि । पट्टुविओ नियपुरिसो सोहिणि ससुराण गेहम्मि ॥२३८७॥  
 निसिवुत्तं तं कहिउं अणूपम्वा तेण पुच्छिया तत्थ । इह नागय त्ति भणिउं तेहिं विभूओएहिं नियपुरिसो ॥२३८८॥  
 तेण समं पट्टुविओ दो वि तओ सिग्घमेव पहमज्जे । आगंतूणं निउणं कहियपएसे पलोयति ॥२३८९॥  
 दिट्टा नणंदसहिंया सोहिणिया धाइया गया निहणं । तेहिं तओ गंतूणं निय निय गामम्मि परिकहियं ॥२३९०॥  
 तासिं जणएहिं तओ तत्थागंतूणं हुयवहो दिन्ने । तिहुयणदेवीए पुण वयणेणं दुग्गपालस्स ॥२३९१॥

पट्टविया बहुपुरिसा चउर्दिसि पंचजोयणे जाव । गामेसु य नगरेसु य सा तेहि गवेसिया निउणं ॥२३९२॥  
 वत्ता वि नोवलद्धा अणूपम्वा संतिया परंतेहि । तत्तो नियत्तिऊणं कहियं धन्नउरगामम्मि ॥२३९३॥  
 मोत्तूण तओ आसं अणूपम्वाए कुडुंबलोएण । अक्कदियं पभूयं बीए दिवसम्मि तो लेहं ॥२३९४॥  
 अप्पेउं पट्टवियो पुरिसो पासम्मि सूरपालस्स । सो तस्स अद्धमग्गे एंतो गामम्मि तो मिलियो ॥२३९५॥  
 पुट्ठेण तेण कहियं कुडुंबकुसलं मुहेण तस्स पुरो । लेहो न दंसिओ पुण तओ पुणो सूरपालेण ॥२३९६॥  
 सो पुट्ठो केण तुमं कज्जेण समागओसि महं समुहो । तेण भणियं न केणइ विसेसकज्जेण एमेव ॥२३९७॥  
 तुम्हाण सारकरणत्थमागओ दुग्गपालवयणेण । तेण सह सूरपालो पत्तो गामम्मि तो झत्ति ॥२३९८॥  
 तत्थागओ सरूवं धूयाए जाणिऊण अइबहुयं । अक्कदियं पवत्तो निवारिओ कह वि किच्छेण ॥२३९९॥  
 आगंतूण समग्गो गामजणो तस्स दुग्गपालाई । मिलिओ कालकमेणं तो जाओ सो विगयसोओ ॥२४००॥  
 अन्न दिणे आगंतुं केण वि चरडेण अन्नगामस्स । बाहिधणं वरंतं हरियंतो पडियंबुवाए ॥२४०१॥  
 तग्गामनायगेणं पुरिसो पासम्मि सूरपालस्स । संपेसिओ कहेउं सयं तु सहिओ बहु नरेहि ॥२४०२॥  
 चोराणं पट्टिए वलिओ मिलियो ताण तो जायं । तस्स सह तेहि जुज्झं भग्गो घोएहितो वलिओ ॥२४०३॥  
 तम्मि समयम्मि पत्तो संवहिउं सूरपालपट्टइलो । चरडेण तेण दिट्ठो तो भणिओ तो तेण कीस तुमं ॥२४०४॥  
 कज्जेण विणा लग्गो पट्ठीए अम्ह तुज्झ गामस्स । केरडियं पिव इट्ठं न उट्टवेमो कया वि जओ ॥२४०५॥  
 ता जाहि नियत्तेउं परकज्जे मा विणस्सह मुहाए । इय सोऊण कुत्रिएण सूरपालेण सो झत्ति ॥२४०६॥  
 जूज्जेउं पाहुणओ जमस्स संपेसिओ तओ सव्वं । वालेऊणं धणं तं समप्पियं तस्स गामस्स ॥२४०७॥  
 तप्पभिइसूरपालं राउत्तं वाहरेइ सव्व जणो । मारिय चरडस्स सुएण पेसिओ घायगो तस्स ॥२४०८॥  
 गामसमवायमज्जेट्ठियस्स कइया वि सूरपालस्स । अवचित्तस्स पविट्ठो सो घाएउं छुरियहत्थो ॥२४०९॥  
 दिट्ठो य सूरपालेण सो तओ मोडिऊण हत्थाओ । तस्स छुरियं गहेउं पुट्ठो तं केण पट्टवियो ॥२४१०॥  
 कहियं जहट्ठियं तेण तस्स नीसारिउं तओ मुक्को । करुणाए तेण लोओ निवारिओ तस्स लग्गंतो ॥२४११॥  
 राउत्तसूरपालो तप्पभिइं सेवएहि पुरिसेहि । रक्खिज्जइ जत्तेणं लहइ पवेसं न अन्नाओ ॥२४१२॥  
 अह अन्नया अउव्वो पुरिसो एकको समागओ तत्थ । सो एगंते वोत्तुं वंछइ सह सूरपालेण ॥२४१३॥  
 एगंतं पच्छंतो सो पुच्छिज्जइ समीवलोएण । को तं कत्तो कि वा जंपसि इय ताव साहेह ॥२४१४॥  
 सो एवं चिय जंपइ एगंते सव्वमेव साहिस्सं । राउत्तसूरपालस्स अगओ नेय अन्नस्स ॥२४१५॥  
 एवं पयंपमाणे तम्मि विसेसेण संकए लोओ । एगंतं अलहतो गामे अन्नम्मि सो गंतुं ॥२४१६॥  
 मुंडाविऊण सोसं लिगविसेसं च कं पि गहिऊण । एइ पुणो धन्नउरे गामे नेमित्तिओ होउं ॥२४१७॥  
 जीवियमरणं लाहालाहाइ अहं मुणेभि सव्वंपि । एवं सो अप्पाणं पयासए गाममज्झम्मि ॥२४१८॥  
 गामपुरिसेण केणइ पुट्टो जीविय-मणूपम्वा एसो । जंपइ तीसे जणओ जइ पुच्छइ तो कहेमि अहं ॥२४१९॥  
 तेणागंतुं एवं कहियं राउत्तसूरपालस्स । तेण वि भणिओ एसो लहु तं आणेह महं पासे ॥२४२०॥  
 तेणाणीओ हक्कारिऊण तो सूरपालपुरिसेहि । सो निउणं सोहेउं नीओ निय नायगसमीवे ॥२४२१॥  
 तेण वि ऊसारेउं सेसजणं सव्वमेव एगस्स । तस्सेव पुरो कहियं तुह धूया जीवए नूणं ॥२४२२॥  
 चिट्ठइ गरुयमुहेणं तीए सह तुज्झ दंसणं होही । इय कहिए सो जाओ हरिसाऊरिय-मणो झत्ति ॥२४२३॥  
 हक्कारिऊण भज्जं तिहुयण-देविपि अप्पणो पासे । तो कहइ सूरपालो तीसे सव्वंपि तव्वयणं ॥२४२४॥

सोऊण सा वि तं तह हरिसिय-हियया खणेण संजाया । पुच्छइ पुरओ वि तओ पासे नेमित्तियस्सेवं ॥२४२५॥  
 इन्हि चिट्ठइ सा कत्थ अम्ह धूया कहं कहं च तत्थ गया । पयडइ निय सब्भावं सो लिंगीतो पुरो तेसि ॥२४२६॥  
 न हवामि अहं लिंगी न य नेमिती अणूपम्वाए इहं । नियवत्ता कहणत्थं पट्टविओ तुम्ह पासम्मि ॥२४२७॥  
 सीहगिरि मेहलाए सीहउरं नाम अत्थिवरनयरं । अइविसमं मणसा वि हु अलंघणिज्जं विवक्खाणं ॥२४२८॥  
 तत्थासि मेच्छराया बलवंतो दुइमो रिउभडाणं । सो पउरदेसरत्तो पुत्तेणं पुहइसीहेण ॥२४२९॥  
 पिउणो हसिऊणं निग्गएण बहुबुद्धिविककमजुएण । निहओ तं नयरं पुण अदिट्ठियं अप्पणा तेण ॥२४३०॥  
 सो तत्थिट्ठिओ अहिमाणसंजुओ कुणइ कस्स वि न सेवं । चउपक्खियराईणं देसे हणिऊण निव्वहइ ॥२४३१॥  
 जं क्किपि देसमज्जे सारं दुपयं चउप्पयं अपयं । तं नेति तस्स सुहडा हरिऊणं नियबलल्लोहि ॥२४३२॥  
 अन्नम्मि दिणे दुगंतस्स पविट्ठं इमम्मि देसम्मि । तेण निया दो पुरिसा पट्टविया हेरिया एत्थ ॥२४३३॥  
 पोट्टियवसहारूढा समागया तुम्ह गामसीमाए । संजाए पहमज्जे अणूपम्वा तेहि सगडाओ ॥२४३४॥  
 विट्ठा समुत्तरंती तो तीए रूवदंसणाओ ते । जाया विमिह्याहियया चित्ति जहा इमं जुवइ ॥२४३५॥  
 जइ नेउं अप्पेमो अम्हे निय सामिणो तओ एसो । तुसिऊणं अम्हं बहुं पसायं पयच्छेइ ॥२४३६॥  
 इय चित्तिऊण तीसे हरणे कयनिच्छया तओ एए । सबलीवद्दा थक्का निलुक्किउं एगठाणम्मि ॥२४३७॥  
 ता जाव सा पलाणा पडियाए तत्थ चोरघाडीए । अच्चंतमंधयारे गहिया सा एगागिणी पच्छा ॥२४३८॥  
 सा तेहि कलाईए भणिया पोक्करसि जइ तुमं इन्हि । तो छुरियाए इमाए तुह सीसं गिन्हइस्सामो ॥२४३९॥  
 भीयाए तओ तीए न जंपियं क्किपि तेहि तो एसा । आरोवेउं वसहे नीया डुंगाहिवसमीवे ॥२४४०॥  
 कहियं च जहा गहिया तं दट्ठुं सो वि हरिसिओ एयं । गहिऊणसयं चलिओ पुहईसीहस्स अप्पेउं ॥२४४१॥  
 अपरिचियपुरिसगहिया कक्कसवयणेहि तह य भेसविया । उव्विग्गमणा वच्चइ अणूपम्वा मलिणमुह्छाया ॥  
 तो तेण डुंगवइणा सा भणिया खेमरायनामेण । मा काहिसि क्किपि तुमं अम्हाण भयं नियमणम्मि ॥२४४३॥  
 तुह जीवियस्स तह देहलगवत्थाइवत्थुनिवहस्स । अम्हे न विणासयरा न य गिहिणी होसि हीणस्स ॥२४४४॥  
 खत्तियकुलुबभवो जो अम्हाण पहू जयम्मि विक्खाओ । नामेण पुहइसीहो सीहो व्व परक्कमगुणेण ॥२४४५॥  
 सीहगिरिमेहलासंगविसमसीहउरनयरकयवासो । पच्चंतियराईणं अक्कमिऊणं ठिओ भूमि ॥२४४६॥  
 रूवविणिज्जियमयणो दक्खिन्नपरो य गुणविसेसणू । पुव्वाभासी पियजंपओ य सरलो कयणू य ॥२४४७॥  
 किं बहूणा भणिएणं नीसेसगुणेहि निम्मिओ विहिणा । सो तुज्ज पई होही जस्सेग च्चिय पियालच्छी ॥२४४८॥  
 तो अम्ह सामि भज्जा होसि तुमं सेवणिज्जपयकमला । परमविणएण निच्चं नमंसणिज्जा स जणणिव्व ॥२४४९॥  
 तो पयडसु अप्पाणं तुमं पुरो अम्ह वीससेऊण । नियजणणिजणयगामाइयाण नामाइकहणेण ॥२४५०॥  
 तं खेमरायवयणं सोऊण विमुक्कसव्व संकाए । कहियं अणूपम्वाए जह पुट्ठं तस्स सब्बंपि ॥२४५१॥  
 डुंगाहिवो वि सोउं अणूपम्वा वयणमप्पणो तुरयं । उत्तरिऊण समप्पइ तीसे सयमारुहइ वसहं ॥२४५२॥  
 समयम्मि भोधणं कारवेइ अइगोरवेणं तं एसो । तंबोलं दाऊणं पुणो वि मग्गे पुरो वहइ ॥२४५३॥  
 सीहउरनयरसीमागओ वि चित्तेइ सो जहा एसो । छन्ना अप्पेयव्वा पुहईसीहस्स अम्हेहि ॥२४५४॥  
 अम्हा सो दट्ठूणं एवविहुरूवसंजुयं एयं । जायनवजोव्वणभरं करिस्सए अप्पणो भज्जं ॥२४५५॥  
 ततो लच्छी भज्जा तस्स इमं पासिऊण ईसाए । असुहं उप्पाइस्सइ एईए अम्ह पट्टणो य ॥२४५६॥  
 सयमवि डज्जिस्सइ गुरुसवक्किदंसणदुहेण सा वरई । इय चित्तिउं पओसे छन्नं तं ठवइ नियगेहे ॥२४५७॥

अह नियोपुरिसं संपेसिऊण जाणावए पुहइसीहं । कन्ने निहुयं जह खेमरायसुहडो समायाओ ॥२४५८॥  
चोरीए गंतूणं इन्हि तुम्हाण किपि एगंते । सो विन्नविउं वंछइ तो कत्थइ एह अन्नत्थ ॥२४५९॥  
तं भणइ पुहइसीहो लच्छी भज्जा ममत्थि परिकुविया । तीसे पसायणकए किपि अहं वाउलो इन्हि ॥२४६०॥  
जइ न तहाविह मूसुयपओयणं अत्थि कि पि तो गोसे । एभि अहं अन्नह पुण इन्हि पि उवेमि सिग्घंपि ॥२४६१॥  
तो तेण कज्जपरमत्थजाणएणं नरेण सो भणिओ । तह मूसुयं न किंचि वि कज्जं तो एज्जह पभाए ॥२४६२॥  
इय जंपियम्मि सो पुहइसीहरन्ना विसज्जिओ गंतुं । डुंगाहिवस्स साहइ जायम्मि तओ पभायम्मि ॥२४६३॥  
पेसेऊणं पुरओ पुरिसं पासम्मि खेमरायस्स । जाणावेइ नरिदो तुह गेहे आगमिस्सामि ॥२४६४॥  
अह भणइ खेमराओ अणूपम्वं भइणि लहु कुण सिणाणं । तो निय भाउज्जाया वत्थाहरणाइं परिहेहि ॥२४६५॥  
जं पुहइसीहराया इन्हि तुह दंसणत्थमिह एही । तं तीए ख्वजोव्वणलायन्नमएण न हु विहियं ॥२४६६॥  
करचरणवयणसोयंकाऊण सम्माणिऊण तंबोलं । नियसाहावियवेसेण सा ठिया बाहिमुव्वविसिउं ॥२४६७॥  
पत्तो खणंतरेणं तत्थ तओ पुहइसीहनरनाहो । तं दट्टुं उट्टेउं गिहमज्जे सा वि ज्जत्ति गया ॥२४६८॥  
सत्तिमिरठाणम्मि ठिया अणूपम्वा पेक्खए पुहइसीहं । पियइ व निच्चलनयणंजलीहि तस्संगलायन्नं ॥२४६९॥  
पुव्वपवणीकए आसणम्मि राया वि उव्वविसेऊण । तियपरियणं सहागयमोसारइ दूरओ सव्वं ॥२४७०॥  
तो डुंगवई पुरिसं नियं निरूवेइ पंगणदुवारे । तज्जइ तं इह कस्स वि तए पवेसो न दायव्वो ॥२४७१॥  
तत्तो भूनिहियसिरो नमिऊणं पुहइसीहनरनाहं । सहेऊण अणूपम्वमुव्वविसइ तस्स पासम्मि ॥२४७२॥  
विन्नवइय तं चोरीगएहि अम्हेहि संपयं एसा । अवहरिउं आणीया अणूपम्वा नाम तुम्ह कए ॥२४७३॥  
अज्ज वि इमा कुमारी जोव्वणपत्ता वि नेय परिणीया । केण वि तुम्ह निमित्तं चिय एसा रक्खिया विहिणा ॥  
कहियं अणूपम्वाए तस्स समग्गं जहा नियसरूवं । तह तेण पुहइसीहस्स साहियं खेमराएण ॥२४७५॥  
दट्टूण पुहइसीहो नयणमणाणंदयारिणि अह तं । जंपइ पहिडुहियओ डुंगाहिवसम्मुहं एवं ॥२४७६॥  
भो भो अउव्वमेयं थोरयणं कह वि पावियं तुमए । सो बेइ तुम्ह पुन्नोदएण सामियं इमं पत्तं ॥२४७७॥  
तं भणइ पुहइसीहो तट्टोहं तुज्ज किपि जं तुमए । इह समए चोरीए गएण सेसं समाणीयं ॥२४७८॥  
लक्खस्स व कोडीए ठाणं सव्वमेव गहियव्वं । सयमेव तए मज्झा तस्स न मे कि पि दायव्वं ॥२४७९॥  
तो भणइ खेमराओ इमाए वेलाए किपि न हु अन्नं । आणीयं अम्हेहि पयं मोत्तूण वरकन्नं ॥२४८०॥  
तो देइ पुहइसीहो नियंगलगं समग्गमाहरणं । तस्स सवत्थं सो तं विन्नवइ जहा इमं सव्वं ॥२४८१॥  
सामि ! पयच्छह दोन्हं पि मज्झिभिच्चाण ताण जेहि इमा । आणेउं वरकन्ना समप्पिया अम्ह पासम्मि ॥२४८२॥  
तेसि च य दोन्हं कइवए वि दाऊण निय सहायनरे । तेहि समं पट्टविउं तुम्ह समीवे मए एसा ॥२४८३॥  
आसि परिभाविद्या तो सयं अहं चोरियं किर गमिस्सं । तत्तो पुणो नियमणे सामि मए चित्तियं एवं ॥२४८४॥  
जह किर एसा मुद्धा वरई एगागिणी भयवसेण । सकुडुव्वविओगेण य जइ वह वि नियं चयइ जीयं ॥२४८५॥  
तो होइ नारिरयणं एरिसयं हारियं मुहा चव । पावं पुण अम्हाणं गंठिनिवद्धं सया चव ॥२४८६॥  
चोरीविणिहियचित्ता जे अम्ह निच्चमेव चिट्ठामो । अन्नं च जीवमाणी वि जइ इमा तत्थ वच्चेइ ॥२४८९॥  
तह वि इमे अम्ह नरा अन्नाणवसेण लच्छिदेवीए । कन्नम्मि निवडमाणं इममट्टं जइ न रक्खंति ॥२४८८॥

तो अइ गरुयअणत्थो संजायइ चित्तिउं तओ एवं । सधमेव सममिमीए समागओ सामि अहमेत्थ ॥२४८९॥  
 मग्गे समावयंती इमा मए कोमलोहि वयणेहि । चित्ताउ भयं उत्तारिऊण वीसंभमाणीया ॥२४९०॥  
 पिउ-माइ-गामनामाइं पुच्छिया सब्वमेव तमिमीए । निव्वुयमणाए कहियं मज्झ तहा भोयणाइकयं ॥२४९१॥  
 एत्थागया वि एसा छन्ना धरिया मए नियगिहम्मि । इन्हि एगंते तुम्ह दंसिया कहियवुत्तंता ॥२४९२॥  
 ता एयं चिय कारणमेत्था गमणम्मि मज्झ नहु अन्नं । ता देह पसायमिमं तस्सेव य भिच्चजुयलस्स ॥२४९३॥  
 अह भणइ पुहइसीहो गिन्ह पसायं इमं तुमं ताव । तीस दोन्हं पि अहं पसायमन्नं पयच्छिस्सं ॥२४९४॥  
 जम्हा तए वि लब्भो गरुयपसाओ इमम्मि कज्जम्मि । जेण तए नियवुद्धिपउंजिया सुनिउणा एवं ॥२४९५॥  
 इय भणिऊण पसायं सो देइ पडिच्छए तयं इयरो । तत्तो भिच्च-दुगस्स वि धियरइ वत्थाइयं उचियं ॥२४९६॥  
 दोन्नि वि विसज्जिऊणं ते भिच्चे पासिऊण तं कन्नं । पुहईसीहो चित्तइ नियचित्ते विम्हयं पत्तो ॥२४९७॥  
 पेच्छ अहो कह सोहइ नियत्थसामभ्रवत्थजुयला वि । एसा कन्ना य संपुन्नससहरच्छायमुहसोहा ॥२४९८॥  
 पविलभासेवलं पि हु कमलं मलिनं पि मंडलं ससिणो । सोहइ सहावसुह्याण भूसणं जं व तं वऽहवा ॥२४९९॥  
 इय चित्तिऊणं भणिओ पुहईसीहेण खेमरायभडो । भाया तुमं इमीए पेइयवासो तओ कज्जो ॥२५००॥  
 तेण तहा पडिवन्ने तव्वयणे तो अणूपम्वं राया । रोमंचकंपसेएहि जाणित्तं साणुरायमणं ॥२५०१॥  
 संखेवेणं भूसियपसाहियं कारिऊण तत्थेव । तं पच्छन्नं परिणइ कयहरिसो तक्खणे चेव ॥२५०२॥  
 अह एगंते नेउं पच्छाइयमउयतूलिपल्लंके । गाढालिगणचुंवणविहीहि तं निब्भरं रमइ ॥२५०३॥  
 छुहियनरो साहीणं पक्कफलं पाविउं सुरहिमहुरं । को सिग्घं पि न भुंजइ तिहुयणदेवी इमं सोउं ॥२५०४॥  
 तुट्ठा मणम्मि पइवल्लहासुया मायरं सुहावेइ । अह नेमित्तियरूवी सो पुरिसो साहइ पुरो वि ॥२५०५॥  
 काउं पीइकहाओ अणूपम्वाए समं खणं पुहइसीहो । तत्तो निक्खमिऊणं सिक्खवए खेमरायभडं ॥२५०६॥  
 विसए अणूपम्वाए एवं एवं तए विहेयव्वं । इय तं सिक्खविऊणं तओ गओ सो नियावासे ॥२५०७॥  
 हक्कारेउं भंडारियस्स आएसमेरिसं देइ । जह खेमरायसुहडो परभूमि गंतुमइगरुयं ॥२५०८॥  
 कज्जं पसाहिऊणं अम्हाणं आगओ तओ तस्स । पेसेहि पसाएणं दीणाराणं दससहस्से ॥२५०९॥  
 सकुडुंवस्स य जोगं सुंदरवत्थाण कोडियं एकं । मोत्तियहीरयलगं आहरणं कणयरयणमयं ॥२५१०॥  
 पडिवन्नाएसेणं तेण वि तं सब्वमेव तह विहियं । निवकयसंकेओ पुव्वमेव तं खेमराओ वि ॥२५११॥  
 सब्वं अणूपम्वाए अप्पइ निवपेसियं दविणमाई । कारइ पुढो निवासं तीए कए पूरइ वयं च ॥२५१२॥  
 अन्नेण वि केण वि जेणकज्जमुप्पज्जए समगं पि । तं तीसे पच्छन्नं पट्टावइ पुहइसीहनिवो ॥२५१३॥  
 अणुपमदेवि त्ति कयं तीसे नामं सयं नरिदेण । अन्नाया अन्नजणेण चिट्टए सा नियगिहम्मि ॥२५१४॥  
 निच्चं पि पुहइसीहो छन्नो तीसे गिहम्मि गंतूण । हसिउं रमिउं च खणं तीए सह एइ पुण सगिहे ॥२५१५॥  
 अणुपमदेवी तह पुहइसीहराया परोप्परं दो वि । अइघणसिणेह वसओ गयं पि कालं न याणंति ॥२५१६॥  
 अन्नम्मि दिणे तीए रिउन्हायाए निसाए सुमिणम्मि । सीहो गुंजारंतो तासंतो मत्तकरिजूहं ॥२५१७॥  
 नियमहुकुहरे दिट्ठो पविसंतो जगियं तओ तीए । तप्पभिइं वहुइ इमा पुत्तं गढम्मि ओइन्नं ॥२५१८॥  
 तइए मासम्मि डोहलओ तीए एरिसो जाओ । जइ कयनर-नेवच्छा कुंतं गहिऊण नियहत्थे ॥२५१९॥  
 आरुहिउं वरतुरए सन्नद्धसमग्गसेन्नपरियरिया । धारिज्जमाणछत्ता बंदियणेहि पढंतेहि ॥२५२०॥  
 पुरपायारस्स ब्रहिं चउट्टिसि परिभमाभितो एसो । नियमणभावो कहिओ तीए पुरो पुहइसीहस्स ॥२५२१॥

डोहलयपूरणत्थं तीसे तेणा वि भारियालच्छी । एगंते धरिऊणं भणिया जह बंदिणी एगा ॥२५२२॥  
 अइ रूयवई दट्ठं परिणीया सा मए तुह परोक्खे । गुत्ता धरिया एगम्मि मंदिरे एत्तिए दिथहे ॥२५२३॥  
 इन्हि मुहुकुहरविसंतसुमिणेण सूइओ तीसे । जाओ गबभो तह डोहलो य पुव्वोइओ कहिओ ॥२५२४॥  
 लच्छीए तेण तओ लच्छी तं भणइ सिग्घमाणेह । तं मह भइणि पासे मज्झ च्चिय एत्थ गेहम्मि ॥२५२५॥  
 मह नत्थि नियमवच्चंतो मज्झ पुरो वि एरिसं चित्तं । आसि जह कं पि कन्नं परिणेउं तं भणामि अहं ॥२५२६॥  
 एसो मणोरहो मह विणा वि अब्भत्थणाए संपन्नो । ता एत्थ मह पमोओ न उण विसाओ मणं पि मणे ॥२५२७॥  
 पूरेहि डोहलं तो तीए तुमं आणिऊण नियगेहे । सोऊण पुहइसीहो इय तव्वयणं मणे तुट्ठो ॥२५२८॥  
 पुव्वपरिकहियरूवं डोहलयं सो वि पूरण तीसे । अणुपमदेवीलच्छि आराहइ निययजणणि व ॥२५२९॥  
 पेच्छइ लच्छी वि इमं निय धूयाए वि अहियपीईए । इय सा सुहेण कालं गमेइ तत्थट्ठिया निच्चं ॥२५३०॥  
 पढमं पि पुहइसीहो परिणीया एयणुपमदेवीए । भणियो जह धन्नउरे न कारियव्वा तए चोरी ॥२५३१॥  
 गामम्मि तम्मि जम्हा जणओ मह वसइ सूरपालो त्ति । तं गामं सो पट्टइ पइवरिसं रायपासाओ ॥२५३२॥  
 अणुपमदेवीवयणं तं पडिवन्नं तह त्ति तेणा वि । अह अन्नया य चरडो समागओ खत्तिओ तत्थ ॥२५३३॥  
 बहुपरिवारसमेओ पडिवन्नं तेण पुहइसीहस्स । भिच्चत्तं वच्चंतो चोरीए तेण सो भणियो ॥२५३४॥  
 जह धन्नउरगामं मोत्तूणं से सगामनयरेसु । तुभेहिं जहिच्छाए सया वि चोरी करेयव्वा ॥२५३५॥  
 जम्हा सो बलवंतो खरसीसो सावलेवचित्तो य । मारइ परं सयं वा समरम्मि अहिट्ठिओ मरइ ॥२५३६॥  
 ता किं नियपाणेहि संसयमारोविएहिं कायव्वं । अन्ने वि य बहुगामा उचिया चोरीए चिट्ठं ति ॥२५३७॥  
 इय अन्नव्वएसं काऊण निवारिया समग्गावि । अन्ने वि चोरवग्गा तेसि न कहिओ ससंबंधो ॥२५३८॥  
 सो चरडो गामंतरधणं गहेउं पहम्मि वच्चंतो । परवाहराए चडिउं तुम्हेहिं विणासिओ पच्छा ॥२५३९॥  
 तस्स सुएणं अमरिसभरिएणं पुहइसीहनरनाहो । विन्नत्तो जह जणओ मज्झ अविहिया वराहो वि ॥२५४०॥  
 आगंतुमन्नगामा परोवरोहाउ सूरपालेण । निहओ अहं पि तो तं निसाए गंतुं हणिस्सामि ॥२५४१॥  
 तो ह्विकरूण सो पुहइसीहरन्ना निवारिओ एवं । गंतुं नियपाएहिं तुमं पि किं पडसि वग्घमुहे ॥२५४२॥  
 जो परच्छट्ठि जग्गइसो भुल्लइ किं नियाए छट्ठीए । जो परकज्जे जुज्झइ न जुज्झिही सो कह सकज्जे ॥२५४३॥  
 जं वित्तं तुह पिउणो तुज्झ वि तं वच्चही न संवेहो । ता जइ अम्ह वि भणियं करेसि मा गच्छतो तत्थ ॥२५४४॥  
 इय पुहइसीहविणिवारिओ इमो नो गओ सयं तत्थ । तह वि तुह तेण छन्नो पट्टविओ घायगो एगो ॥२५४५॥  
 तं पुहइसीहरन्ना नाऊणं वइयरं इमो पुणवि । हक्कारिऊण भणियो बहु विरूवं सकोवेण ॥२५४६॥  
 तुज्झुव्वरि पुणो तुट्ठो राया जं घायगो तए मुक्को । गहिऊण वि जीवंतो विक्कमकरुणा गुणजुएण ॥२५४७॥  
 तो रन्ना एगंते अणुपमदेवीए सम्मुहं भणियं । जह तं अहिनाणजुयं पेसेउं कं पि नियपुरिसं ॥२५४८॥  
 वारेहिं नियं जणयं अन्नगामस्स वाहराए जहा । सो न चडइ अन्नह पुण केणावि विणासियव्वोत्ति ॥२५४९॥  
 अणुपमदेवीए तओ सिक्खविउं पेसिओ अहं एत्थ । तुज्झ समीवे एवं भणावियं मज्झ पासाओ ॥२५५०॥  
 तुम्हेहिं समं काउं माणुसगइरागइं न इच्छामि । तुम्हे च्चयस्स रन्नो मा परियाणं इमं होउ ॥२५५१॥  
 जह पुहइसीहराया जाभाऊ होइ सूरपालस्स । अन्नट्ट इय संबंधे नाए तुह कुप्पए राया ॥२५५२॥  
 एवं विगप्पए सो जह संकेएण सूरपालस्स । मह मंडलम्मि चोरिं कारेइ धुवं पुहइसीहो ॥२५५३॥  
 संबंधपरिन्नाणाभावे पुण होइ का वि न हु संका । जइवि न होइ चोरी तुह गामे चेव एक्कम्मि ॥२५५४॥



तहचिय सो तुह जाणइ सामत्थं उज्जमं च केवलयं । जा पुण मह सुद्धीए अपरिन्नाणम्मि तुह अधीई ॥२५५५॥  
 सो थेवोच्चिय दोसो इयरह पुण जायए अइमहंतो । इय पुरिसा पेसणकारणम्मि संतेवि गस्यम्मि ॥२५५६॥  
 तुम्ह समीवे पुरिसो संपइ जपेसि ओमए एसो । तं कारणेण इमिणा एयाओ च्चिय समीवाओ ॥२५५७॥  
 मा तुम्हाणं मच्चू संपज्जउ ता इमं सुणेऊण । परवाहराए कहमवि धावेयव्वं न तुम्हेहि ॥२५५८॥  
 एत्तोच्चिय सिक्खविउं एवं तीए अहंपि पट्टुविओ । जणणी-जणए मोत्तुं मह तइयं माणुसं किपि ॥२५५९॥  
 जह अन्नं न विद्याणइ मज्झ समीवाओ तं गयं तत्थ । तह कहवि तेहि सद्धि जंपेयव्वं तए गूढं ॥२५६०॥  
 एत्थागओ तओहं अकहिअकज्जो न जाव पावेमि । तुम्हाण दंसणं तो संजाओ लिगिरूवधरो ॥२५६१॥  
 एयंतु अहिन्नाणं तुम्हं धूयाए साहियं मज्झ । जं हरिसउरपुराओ अहं नियत्ता पहे तुम्ह ॥२५६२॥  
 परओवच्चंताणं तुरयारूढाण तइय दिणपहरे । सगडारूढा मिलिया तह प्हमज्झम्मि संझाए ॥२५६३॥  
 कम्मयरीए खित्तो मह लहु उवलो पलायणनिमित्तं । तो भणइ सूरपालो सब्बचिय एयमहिन्नाणं ॥२५६४॥  
 अणुपमदेवीपेसियपुरिसो सूरपालमुल्लवइ । जइ सब्बमहिन्नाणं पडिवयणं देहि तो मज्झ ॥२५६५॥  
 तं भणइ सूरपालो कयंबसरपट्टणस्स पडिबद्धा । पंचसया गामाणं तेसि सब्बेसि पट्टइला ॥२५६६॥  
 अम्हेहि समं पट्टं ति सब्बकालं पि गह्यपीईए । रायउले जं कज्जं तं मं पुच्छिय पकुव्वंति ॥२५६७॥  
 कि बहुणा ते कज्जम्मि मज्झ रन्नो विहोति निरवेक्खो । देसं पि समगं उज्झिऊण वच्चंति अन्नत्थ ॥२५६८॥  
 तो एएसि कज्जे अहंपि तोलेमि अत्तणो सत्ति । मंडलनिओगिणो इव एए मह उवररंति सया ॥२५६९॥  
 पट्टइलजोगपालो मन्नज्जंतो न तेत्तियमिमेहि । जेत्तिय दूरे मन्नंति मं इमे सब्ब पट्टइला ॥२५७०॥  
 जे मज्झ हत्थमज्जे ते नेथा पुहइसीहरन्नो वि । वसवत्तिणो च्चिय सया कम्मि वि कज्जे समुप्पन्ने ॥२५७१॥  
 अन्नोसि पि निवाणं देसा चिट्ठं ति तुम्ह अइबहुया । ल्हूसेयव्वा सेसा देसो एयस्स वि निवस्स ॥२५७२॥  
 चिट्ठइ बहुओ तुम्हं ल्हूसणजोगो इमं वि मोत्तूण । एगं कयंबसरपट्टणस्स पडिबद्धयं विसयं ॥२५७३॥  
 इय पडिवयणं दाउं भोयणमाई करे वि सम्माणं । तुरियं विसज्जिओ तो सो पुरिसो सूरपालेण ॥२५७४॥  
 गंतूण कहइ अणुपमदेवीए सा वि पुहइसीहस्स । सो वि पडिवज्जिऊणं तह त्ति तं पेसइ पुणो वि ॥२५७५॥  
 राउत्तसूरपालस्स सन्निहाणम्मि सो वि गंतूण । तं पुहइसीहवयणं नीसेसं तस्स साहेइ ॥२५७६॥  
 सम्माणिऊण तेण वि सो पुरिसो पेसिओ पुणो नयरे । सीहउरे गंतूणं साहइ नियसामिसालाणं ॥२५७७॥  
 राया वि पुहइसीहो हक्कारेऊण सब्बपरिवारं । वारइ कयंबसरपट्टणस्स विसयम्मि वच्चंतं ॥२५७८॥  
 संपुत्तेसुं दिणेसुं सुहे मुहुत्तम्मि साणुपमदेवी । पसवइ पवरं पुत्तं सुलक्खणं तीए अह दासी ॥२५७९॥  
 गंतूण पुहइसीहं वद्धावइ सो वि अंगसंलगं । तीसे वत्थाहरणं परितुट्ठो देइ सब्बं पि ॥२५८०॥  
 कारइ बद्धावणयं सीहउरे पुहइसीहनरनाहो । सीहगिरिपायवत्तिसु गामाण वि पंचसु सएसु ॥२५८१॥  
 दिन्नं बारसमदिणे नामं पुत्तस्स कुंतसीहो त्ति । सुमिणस्स डोहलस्स य अणुरूवं पुहइसीहेण ॥२५८२॥  
 हरिसउरे पुण नयरे पंचत्तं उवगओ हरिसपालो । रज्जपए सिरिहरिसो अहिसित्तो रायलोएण ॥२५८३॥  
 अवरोहे कयदोसो हरिसउराओ सुहंकरो नाम । सीहउरे संपत्तो पलाइऊणं कलायरिओ ॥२५८४॥  
 अह कुंतसीहकुमारो अट्टमसंवच्छरं समइकंतो । तस्स कलागहणत्थं समप्पिओ पुहइसीहेण ॥२५८५॥  
 सब्बकला पारगओ सो जाओ थेव दियह मज्झम्मि । जट्टियहप्पभिइं सो उप्पन्नो पुहइसीहगिहे ॥२५८६॥  
 आरबभतट्टिणाओ वड्ढइ सब्बं पि मंदिरे तस्स । धण-धन्न-दुपय-चउपय-रूप-सुवन्नाइयं निच्चं ॥२५८७॥

अह पुहइसीहपत्थिवमभत्थेऊण जाइ सो कुमरो । सयमेव सव्वधाडीसु लद्धविजओ तओ एइ ॥२५८८॥  
 एवं कमेण जाओ सो पोढो साहणेण सेन्नेण । जाया तस्स पसिद्धी सव्वेसु नरिंदगेहेसु ॥२५८९॥  
 एक्को वि पुहइसीहो दुग्गेज्जो आसि सव्वराईणं । किं पुण संपइ जुत्तो पुत्तेणं कुंतसीहेण ॥२५९०॥  
 एवं सव्वत्थकहा कीरइ सव्वेहिं सूरपरिसेहिं । अह अन्नया गएणं धाडीए कुंतसीहेण ॥२५९१॥  
 बत्तीसगइंदाणं हेडामत्ताण दूरमग्गम्मि । निसुया समावयंती सिरिहरिसमहानरिंदस्स ॥२५९२॥  
 गंतूण तत्थ गहिया सा तेण विणासिऊण बहुलोयं । वणिजारयाण विहवो बहुचडिओ तस्स हत्थम्मि ॥  
 तस्सेवयह्यहेडा दिट्ठा मग्गम्मि तेण सा वि तहा । गहिया सविहवसारा अहागओ सो नियपुरम्मि ॥२५९४॥  
 आरोहंताण गयाण पव्वए दुग्गमं मुणेऊण । पव्वयतलम्मि नयरं जं आसि चिरंतणं भट्टं ॥२५९५॥  
 तं तेण समुद्धरिउं पारद्धं तम्मि अह खणिज्जंते । पणहत्तरिकोडीओ पत्ताओ तेण कणयस्स ॥२५९६॥  
 उग्गपरक्कमसम्माणदाणगुणरजिओ जणोपायं । अन्न नरिंदेहितो तस्स समीवं समल्लियइ ॥२५९७॥  
 सिरिहरिसनरिंदो वि हु निययाओ ह्यगयाण हेडाओ । गहियाओ नाऊणं परिकुविओ कुंतसीहस्स ॥२५९८॥  
 पेसेइ बलं विउलं ह्य-गय-रह-जोहसंजुयं पवरं । नियहेरियपासाओ निसुयं तं कुंतसीहेण ॥२५९९॥  
 आगच्छंतं पच्छा दोहिं विभागेहिं नियबलंकाउं । एगत्थ पुहइसीहो ठविओ बीयम्मि ठाइ सयं ॥२६००॥  
 गिरिवलयस्स पवेसे दोसु वि पक्खेसु ते पिया पुत्ता । दो वि ठिया मोवेउं अप्पाणं रक्खगहणेसु ॥२६०१॥  
 कम्मंतरं वहंतं तह चेव कयं तु जुन्ननयरम्मि । ह्यगयहेडाउ तहा मुक्का तत्थेव पयडाओ ॥२६०२॥  
 केत्तिय सेन्नजुयाओ बाहिं उट्ठाविओ इमो सट्ठो । जं दोवि पियापुत्ता कत्थइ धाडीए ते पगया ॥२६०३॥  
 सिरिहरिसहेरिएहिं दट्ठुं तं तारिसं सुणेउं च । गंतुं सेणावइणो कहियं अह सो वि हिट्ठमणो ॥२६०४॥  
 आगच्छइ सिग्घयरं ह्य-गयपंचउल्लगहणबुद्धीए । गिरिवलयस्स दुवारे संपत्तो पवेसिउं लग्गो ॥२६०५॥  
 पुरओ होऊण बलं पहावियं केत्तियंपि नीसंकं । सुन्नं मुणिऊण पुरो करिमाईणं गहणहेउं ॥२६०६॥  
 अगाणीयं मुणिउं आगच्छंतरिऊण अइतुरियं । तं पि बलं संवहियं निवारियं नयरकम्मंतु ॥२६०७॥  
 पक्खरिऊणं तुरए गुडिऊणं गयवरे महामत्ते । सन्नहिऊणं जोहा रणुज्जया तक्खणे जाया ॥२६०८॥  
 दट्ठुण परबलं नियडमागयं जुन्ननयरसेन्नेण । समुहेण उट्ठिऊणं विणिज्जियं तं खणद्धेण ॥२७०९॥  
 पच्छिमबलस्स वत्तं जाव कहावेइ ताव तं रुद्धं । पविसंतं चिय दोहिं वि पिइपुत्तेहिं दुसु दिसासु ॥२६१०॥  
 समकालमुक्कघणवाणधोरणी तोडियं खणद्धेण । सिरिहरिसरायसेन्नं अवि अक्कियल्लग्गबहुघायं ॥२६११॥  
 जायं परोपरुप्पेल्लणेक्करसियं रसं तयं विरसं । पच्छाहुत्तपलायंतभूरिकायरनरसमूहं ॥२६१२॥  
 सम्मूहभिडंतसुहडुवभडं च निवडंत ह्य-गयघडं च । कुंतसिभल्लसेल्लेहिं सल्लियं चुल्लहियं च ॥२६१३॥  
 उल्लसियतिसासुक्ककंतकंठमग्गंतनीरनरनिवहं । सुन्नासणभमिरतुरंगकुंजरं भग्गरहक्ककं ॥२६१४॥  
 नासंपउरपाइक्कक्कथक्कंतथेवनायक्ककं । भणियं करुणाए कुंतसीहकुमरेण तो एवं ॥२६१५॥  
 वक्कह सव्वे वि तुमे सट्ठाणे संपयं मए मुक्का । अंगेण केवलेणं सेसं पुण मुयह एत्थेव ॥२६१६॥  
 सामंतंतंवालेहिं साहणाहिवइसंडलवईहिं । मयमुच्छ्रयनिवडियसेसएहितो जंपियं एवं ॥२६१७॥  
 मुक्का वि तए अम्हे अंगेण वि केवलेण नो गंतुं । सक्कमो निट्ठुरसरपहारसल्लंतसव्वंगा ॥२६१८॥  
 इय जंपमाणया वि हु मुच्छ्रासजलंतलोयणा के वि । वाहणगया वि सहसा पडिउं लग्गा महियलम्मि ॥२६१९॥  
 तो कुंतसीहकुमरो तक्खणमुपन्नगरुथकारुओ । वाणवरिसं मुयंतं नियसेन्नं वारए रुद्धं ॥२६२०॥

ते पुण मा भीसेउं सिरिहरिसनरिदसंतिए सुहडे । हक्कारिऊण केइ वि पट्टवइ नियम्मि आवासे ॥२६२१॥  
 ते वि हु नियपाएहिं केइ वि वच्चंति कह वि किच्छेण । उप्पाडिया य अन्नेसु सुहासणेहिं र्हेहिं च ॥२६२२॥  
 सोहेउं रणभूमि गयजीवियस-परपक्खसुहडाणं । सिहिसक्कारं कारेइ कुंतसीहो तओ कुमरो ॥२६२३॥  
 सिरिहरिसरायसेन्नं अमुणियपरसेन्नमकयसन्नाहं । अन्नायभूमिभागं पविट्टमइसंकडम्मि तथा ॥२६२४॥  
 सन्नद्धबद्धकवयं इयरं पुण परिचियम्मि भूभागे । निग्गमपवेसकुसलं तेसिमओ असरिसं जुज्झं ॥२६२५॥  
 तेण बहूयं पि सेन्नं सत्तूणं कुंत-सीहसेन्नेण । थेवेण वि सहसच्चिय ह्यमहियं सव्वओ विहियं ॥२६२६॥  
 समरुव्वरियं सव्वं ह्यगयरहनिवहमप्पणो चेव । गिन्हेइ कुंत-सीहो आउह गुडपक्खराइतहा ॥२६२७॥  
 समरम्मि घाइयाणं सपक्ख-परपक्ख संतियाण तओ । कारावइ वणकम्मं जहोचियं सव्वसुहडाण ॥२६२८॥  
 संगामपणट्ठेहिं सिरिहरिसनरेसरस्स गंतूण । भग्गनियसेन्नवत्ता कहिया अह सो सुणेऊण ॥२६२९॥  
 संवहइ सयं राया सिरिहरिसो गस्यकोवदुपेच्छो । जायंति बहू असउणा तथा वि सो न गणए किंचि ॥२६३०॥  
 नथराउ नीहरंतस्स तस्स पवलो समुट्ठो । पवणो सम्मुहो संछायंतो सेन्नं सव्वं पि धूलीए ॥२६३१॥  
 भग्गं च तेण छत्तं सिरिहरिसनिवस्स पाडियं चिंधं । थक्कम्मि तओ वाए मंतीहिं निवारिओ एसो ॥२६३२॥  
 जह अज्ज ताव चिट्ठउ पयाणयं पुण वि अन्नदियहम्मि । दायव्वं सुमुहत्ते पडिवन्नमिमं निवेणा वि ॥२६३३॥  
 तत्तो नियत्तिऊणं पत्तो नियमंदिरम्मि सिरिहरिसो । संज्ञाए आगंतुं मंती विन्नवइ सिरिहरिसं ॥२६३४॥  
 नरनाहं एगंते जह देव जया निवो हरिसपालो । तिव्वायंकेण झड त्ति पट्ठिओ परभवपहम्मि ॥२६३५॥  
 पढमे दिणस्स पहरे नीहारेऊण तं विभूईए । वाहि नेउं सक्कारिऊण दिणचरिमजामम्मि ॥२६३६॥  
 संपत्तो पासाए तुब्भेहिं समं इमम्मि निवलोओ । गणए हक्कारेउं बहुमणुस्साण पच्चक्खं ॥२६३७॥  
 रज्जाहिं सेयहेउं तुम्हं निरिक्खावियं मए लग्गं । तेहिं बीयदिणे तं दिणद्धसमए समक्खायं ॥२६३८॥  
 एवं तुम्हं पि समग्गमेव संजायमत्थि संविइयं । विन्नवणिज्जमहिणवं तुम्ह मए देव एत्ताहे ॥२६३९॥  
 रयणीए नियगेहे गंतुं सुत्तुट्ठिओ पभायम्मि । जाव अहं रज्जहिसेयकरणविच्छट्टुमइगरुयं ॥२६४०॥  
 चित्तेमि तुम्हं विसए नियहियए ताव आगओ को वि । मंजिट्ठपच्छायणपडपावरिओ नरो एक्को ॥२६४१॥  
 वाहिं पाहरिएणं सो संलत्तो जहा तए एसो । वावारिउमारद्धो चिट्ठउ मंजिट्ठनवपडओ ॥२६४२॥  
 परमेसो थेवं चियकालं सुंदरयरच्छवी होउं । जलसंगमम्मि जाए विणस्सिही नूणमुवरितु ॥२६४३॥  
 मूलिल्लभूमिगव्वियपवरा एयम्मि सुत्तवाडस्स । जं पुण कज्जं सोहाजणगं रंगो न सो बलवं ॥२६४४॥  
 एवं निसामिऊणं वीमंसियमेरिसं मए तत्तो । जह किर कुमाररज्जाहिसेयचित्ता खणे एसो ॥२६४५॥  
 कन्नम्मि निवडिओ मे आलावो वाहिरिट्ठिनराण । तम्हा इमस्स अट्ठो जो सो सिरिहरिसकुमारस्स ॥२६४६॥  
 रज्जम्मि निवेसिज्जं तस्स निवेएइ भाविणं अट्ठं । तो कि को वि भविस्सइ रिऊसमत्थो कुमारस्स ॥२६४७॥  
 एवं सखणुसहियओ सयणिज्जाओ अहं समुट्ठेउं । तुम्हं रज्जहिसेयस्सुवक्कमेवावडो जाओ ॥२६४८॥  
 निव्वत्तियाहिसेए तुमप्पि निम्मिय विसिज्जयावसरे । गंतूण गिहे भोत्तूण चरिमजामे दिणस्स मए ॥२६४९॥  
 आगंतुयनेमित्ती निसुओ जो आसि अविताहा एसो । पुव्विल्लतइय दियहे सो गंतुमणो त्ति आहूओ ॥२६५०॥  
 पुट्ठो वियणम्मि जहा सिरिहरिसमहानिवस्स रज्जम्मि । जावज्जीवमविग्घं मुहं च निउणं निरुवेहि ॥२६५१॥  
 तो तेणुवउत्तेणं निरुविऊणं निवेइयमिणं मे । जह केत्तियं पि कालं सपयावो विस्सुओ होउं ॥२६५२॥  
 सिरिसिरिहरिसनरिदो मंदपयावो भविस्सए पच्छा । पाविस्सइ परपक्खाओ परिभवं गस्यगस्ययरं ॥२६५३॥

इय तव्वयणं सोउं पुणो वि पुट्ठो मए इमो एवं । परपरिभवम्मि होते जीवियकुसलं निवस्स न वा ॥२६५४॥  
 आह तओ नेमिती होही निवजीवियस्स वि विणासो । पुट्ठो मए तओ सो पुणो जहा निवइणो निहणं ॥२६५५॥  
 होही सयं पि किवा परपासाओ तओ निमित्तणू । आह जह वि पक्खाओ तो पुट्ठो पुण मए एसो ॥२६५६॥  
 जह सो सत्तु नज्जइ कि नामो कत्थ संपयं वसइ । नेमित्तिणा पभणियं न नज्जए एरिसं सम्मं ॥२६५७॥  
 तत्तो ससंभमेणं सपयत्तेणं मए इमो पुट्ठो । जह कि पि तस्स रिउणो चिधं पि वियाणित्तं कहसु ॥२६५८॥  
 तो तेण वि चित्तेउं कहियमिणं जह इमस्स नरवइणो । जो को वि हत्थिहेउं ह्यहेउं दूरदेसाओ ॥२६५९॥  
 मग्गे आगच्छंति ह्हेण गिन्हिस्सए सयं गंतुं । जाणिज्जसु निय पट्ठणो जीयंतकरं तयं सत्तुं ॥२६६०॥  
 तन्नाण पव्वयकए तओ मए चित्तियं जहा किपि । वत्थुग्गहस्समईयं पुच्छामि इमं तओ एसो ॥२६६१॥  
 जइ तं पि वियाणित्तस्सइ तओ करिस्सामि पव्वयमिहो वि । अह तं न मुणित्तस्सइ तो इमं पि नेयं मुसा सव्वं ॥२६६२॥  
 अह पुच्छणिज्ज वत्थुं चित्तेमाणस्स मज्झ चित्तम्मि : । विण्णुरियं झत्ति अणूपम्वाए मरणं तहा जायं ॥२६६३॥  
 तुब्भेहि जहा कहियं मज्झ पुरो तम्मि चेव समथम्मि । तत्तो तीसे नामं अगिन्हयंतेण एमेव ॥२६६४॥  
 सामन्नेणं पुट्ठं अम्हं संबंधिणी सगामाओ । एगा इहा गया आसि पुव्वमेत्तो पुणो चलिया ॥२६६५॥  
 सा नियगामाभिमुहं तत्तो केणा वि अम्हं सा कहिया । वच्चंती अद्धपहे कहे चि पंचत्तमणुपत्ता ॥२६६६॥  
 ता तुब्भे परिभावह एवं सच्चं उयाहु मोसं ति । तो तेण चित्तिऊणं कहियं जह सा न हु मय ति ॥२६६७॥  
 तो एस मए भणिओ अज्ज वि कम्मयरिया वि तीए समं । परलोगगया सुव्वइ दुइज्जिया जेण परिकहियं ॥२६६८॥  
 दोन्ह वि मरणं तासि मज्झ पुरो तेण एरिसं कहियं । जह दोन्नि वि एयाओ दिट्ठाओ मए सदिट्ठीए ॥२६६९॥  
 चोराणं धाडीए खग्गाभिहयाउ परभवगयाउ । कहगोउ मुसावाई मन्निज्जइ नेय सो ताव ॥२६७०॥  
 एवं मए पभणिए भणियं नेमित्तिणा जहा एवं । सव्वं पि मुसा जाओ पुट्ठाओ तए मम समीवे ॥२६७१॥  
 चिट्ठंति ताओ दोन्नि वि अक्खयदेहाओ जीवमाणीओ । कहमेण जाओ कहियाओ ताओ अन्नाओ काओ वि  
 ता तुम्हं कहियं तम्मरणवइयरे पच्चयं कुणंतेण । नेमित्थिस्स वयणं मए अलीयंति चित्तवियं ॥२६७३॥  
 तो तंबोलं दाउं विसज्जिओ सो अणायरेण मए । चित्तम्मि निव्विसंका तओ ठिओहं दिणे कइ वि ॥२६७४॥  
 पुच्छा पुणो वि रयणी पच्छिमजामम्मि जागरंतेण । रज्जहिसेयदिणमुहे नरभणियं तं मए सरियं ॥२६७५॥  
 जह एयं तव्वयणं निवइस्स अणिट्ठसूयगं नियमा । ता नेमित्थियवयणं मन्निज्जइ नन्नहा होंतं ॥२६७६॥  
 जमणूपम्वा य कहिया जीवंती तेण तं पि तह चेव । जइ पुण हो ही जम्हा अचित्तणिज्जो विहिं विलासो ॥२६७७॥  
 तो कारवेमि सुद्धि अणूपम्वाए इमं विचित्तेउं । उट्ठेउं सयणाओ पभायकिच्चं करेऊण ॥२६७८॥  
 जोइसिया आहूया तेपंचवि जेहिं वि गणियं लगं । पुव्वं अणूपम्वाए मए तओ पुच्छिया एए ॥२६७९॥  
 वइयरमणूपम्वाए तहा जहा पुच्छिओ स नेमिती । तेहिं वि तहंवे कहिया सा जीवंती सकम्मयरी ॥२६८०॥  
 गणए विसज्जिऊणं तओ मए पेसिओ निओ पुरिसो । सिक्खवणं दाऊणं गामे धन्नउरनामम्मि ॥२६८१॥  
 गंतूण तत्थ अह सो सुद्धि लहिऊण कइवयदिणेहिं । पुणरवि इहा गओ तेण साहियं एरिसं मज्झ ॥२६८२॥  
 धन्नउरगामसीमागयपहमज्जे रविम्मि अत्थमिए । हरिसउराओ जंती अणूपम्वा तत्थ संपत्ता ॥२६८३॥  
 उत्तिन्ना सगडाओ कम्मयरीए समं गया य दूरयरे । काउं सरीरचित्तं पहवलणतिरोहियसरीरा ॥२६८४॥  
 एत्थंतरे ननंदा सभाउ जाया समीवगामाओ । तम्मि पएसे पत्ता अणूपम्वा संतिए सगडे ॥२६८५॥  
 चिट्ठइ पडिक्खमाणा खणमेगं जाव ताव आगंतुं । तत्थ बहलंधयारे चोराणं निवडिया धाडी ॥२६८६॥

पिट्टेउं पाइक्के तीए गहियं समग्गमवि मोसं । ताओ दो वि जणीओ निहणं नीयाउ केणा वि ॥२६८७॥  
 एत्थ खणे आगच्छइ अणूपम्वा जाव तत्थ ता निसुओ । अन्नयरपुरिससहो सुदारुणो हण हण भणंतो ॥२६८८॥  
 तो भयवसेण भणिया कम्मयरीए अणूपम्वा एवं । परओ पलायहि तुमं चिट्ठामि अहं तु खणमेत्थ ॥२६८९॥  
 जाव इमे परपुरिसा एत्तो अन्नत्थ कत्थ वि वयंति । ताव अहं तुह सहं करिस्समेज्जह तुमं तत्तो ॥२६९०॥  
 विहियं अणूपम्वाए तहेव तत्तो खणंतरस्संते । नीसह् संजाए गएसु अन्नयरपुरिसेसुं ॥२६९१॥  
 कम्मयरी सगडसमीवमागया निवडिए निए पुरिसे । सद्वित्ता उट्टुविउं अणूपम्वाए गयाभिमुही ॥२६९२॥  
 तीसे करेइ सह् मंदे गरुएय तथणु गरुयरे । दूरे दूरयरे वियइओ तओ भमइ सह्ती ॥२६९३॥  
 जाव न तीसे सह् को वि पयच्छइ तओ नियत्तेउं । सा रुयसाणी पत्ता सगडम्मि कहेइ निययाणं ॥२६९४॥  
 तेसि पुरिसाण पुरो ते वि हु जंपंति संपयं गामे । गम्मउ ताव कहिज्जउ तज्जणणीए तओ एसा ॥२६९५॥  
 निय धूयाए सारं सयंपि कारिस्सए समत्तीए । इय भणिऊणं गामे गंतूण तहेव तेहि कयं ॥२६९६॥  
 जणणीए वि हु सारा धूयाए कारिया पयत्तेण । सव्वत्तो पेसेउं पुरिसे गामागराईसु ॥२६९७॥  
 तह वि न लद्धा सुद्धी तीसे कत्तो वि थेवमेत्ता वि । जणओ वि सूरपालो एत्तो गंतुं नियगामे ॥२६९८॥  
 कारइ नियसत्तीए गवेसणं सव्वओ वि धूयाए । तेण वि तीसे सुद्धी मणं पि नो चेव उवलद्धा ॥२६९९॥  
 सा पुण अणूपम्वाए कम्मयरी वाहिणी सयत्तेण । अह् पुरिसेण दिट्ठा चिट्ठंती सूरपालगिहे ॥२७००॥  
 तं पुण सो परियाणइ इहा गया आसि तेण सा दिट्ठा । इय वइयरेण नज्जइ न विणट्ठा अणूपम्वा वि तथा ॥२७०१॥  
 आगंतुगनेमित्तियवत्थववयणयवयणसव्वतं । चित्ते मए विणिच्छियमेत्तो निय पणिहि वयणाओ ॥२७०२॥  
 इय निच्छिओ वि हु तथा अयमट्ठो न कहिओ मए तुम्ह । मा वइयरेण इमिणा तम्मउ देवो विइइहेउं ॥२७०३॥  
 जइ सुद्धिमणुपम्वाए चिट्ठंतीए कहि पि जाणिस्सं । तो पडियारमिहट्ठे पकरिस्समहं पि सत्तीए ॥२७०४॥  
 इयबुद्धीए तुम्हं अकहंतेण वि मए समारद्धा । सुद्धी काउं तीसे थेवा वि परं न उवलद्धा ॥२७०५॥  
 तत्तो मए वि चित्तियमेवं जह एत्थ पुरिसयारस्स । अवयासो को वि न अत्थि जेण दिव्वं महाबलवं ॥२७०६॥  
 अन्नह अणूपम्वा कह् तेण पयारेण छुट्टए तइया । इन्हि पि तेण विहिणा सा कत्थइ रक्खिया अत्थि ॥२७०७॥  
 एगं नेमित्तियवयणमणुपम्वा जीवइ त्ति ता मिलियं । हत्थिहयहरणविसयं बीयं जा मिलइ ता सहिमो ॥२७०८॥  
 इय चित्तिउं विरंमे एमेव ठियस्स संकियमणस्स । तुम्ह हय-हत्थिहेडा गहिया तो कुंत-सीहेण ॥२७०९॥  
 तेण दुइयं पि मिलियं नेमित्तियजंपियं तओ मज्झ । पुरओ वि तस्स वयणे संजाओ पव्वओ मुइठो ॥२७१०॥  
 चित्तियमिणं मए तो जह सा नेमित्तिण जीवंती । कहिया अणूपम्वा चिट्टए तओ कुंत-सीहो सो ॥२७११॥  
 तीसे पुत्तो कि वा काए वि अन्नाए एस संजाओ । एवं वियाणियव्वे मज्झ समीहा समुपन्ना ॥२७१२॥  
 ता जाव तथा तुव्वे सेन्नं पवणी करेह ताव मए । इत्ति निय पणिहिपुरिसो पल्लोए कुंतसीहस्स ॥२७१३॥  
 तज्जणणियेइयहरं जाणेउं पेसिओ गहियसिक्खो । गंतूण तत्थ एसो उवविट्ठो वणियहट्टम्मि ॥२७१४॥  
 वणिवेसधरो पुच्छइ कयाणधग्गं तओ नरो एक्को । आगंतुं सह वणिणण कुणइ नियगहियवयलेक्खं ॥२७१५॥  
 कयलेक्खयम्मि वणिओ पुट्ठो मे पणिहिणा निवेएइ । जह एस जणणि भिच्चो कुमारसिरि कुंतसीहस्स ॥२७१६॥  
 तो तेण पणिहिणामे सो भिच्चो पभणिओ जहा भइ ! सव्वत्थ वित्थरगओ गुणनिवहो कुंतसीहस्स ॥२७१७॥  
 सव्वत्थ इमस्स पिया विइओ नज्जइ न माउणो पक्खो । ता जइ तुमं वियाणसि तो साहसु अह भणइ भिच्चो  
 न रहं नरिदहं रिसिकुलहं वरकामिणिकमलाहं । अवुग्गमणुन पुच्छियइ कउ कुसलत्तणु ताहं ॥२७१९॥

तो भणइ तं सपणिही जइ वि इमं अत्थि तह वि साहेसु । चिट्ठइ मज्झ इहट्ठे जं जायं कोउगं गरुयं ॥२७२०॥  
तो तस्स कहइ भिच्चो सिरिहरिसनरिदसंतिए देसे । अत्थि कयंबसरपुरं तप्पडिबद्धाण गामाण ॥२७२१॥  
दोन्हं पि अंतराले पहमज्झे आगया दिणत्थमणे । तेणेहि का वि कन्ना पत्ता सा एत्थ आणीया ॥२७२२॥  
तो रत्ता परिणीया तीसे पुत्तो य कुंतसीहो त्ति । पिइ-माइगाम नामं पुण मुणइ न को वि एईए ॥२७२३॥  
तो तेण पणिहिणा पुच्छिओ पुणो सो जहा तुममिमीए । नामं किं पि वियाणसि सो कहइऽणुपमदेवि त्ति ॥२७२४॥  
इय सोउं सो पणिही विणिग्गओ तक्खणे तओ भोत्तुं । एतस्स तस्स मिलियं तुम्हं सेन्नं पहे जंतं ॥२७२५॥  
एत्थागएण एयं मह पुरओ तेण साहियं सव्वं । कज्जं विणा मए तं तथा वि कहियं न तुम्ह पुरो ॥२७२६॥  
जेण तथा तस्सुवरि सेन्नं चिय आसि पेसियं उच्चियं । तुब्भेहि पेसियं तं तय वेक्खाए पभूयं पि ॥२७२७॥  
जइ पुण सयं चलंता तुब्भे तस्सुवरितो तथा वि अहं । कहिऊण एरिसं सव्वमेव नूणं निवारंती ॥२७२८॥  
जाव पुण सयं तुब्भे न पट्टिया तदुवरि तथा ताव । अम्हे वि ठिया एमेव विहियं मोणा इयाणितु ॥२७२९॥  
समओ त्ति तुम्ह कहियं मए तओ एरिसं वियाणेउं । तस्साभिमुहं कहमवि देवेण सयं न गंतव्वं ॥२७३०॥  
सोऊण मंतिं जंपियमेयं सिरिहरिसमेइणीनाहो । जाओ किं पि सखेओ भावि अणत्थाभिसंकाए ॥२७३१॥  
मंतिम्मि पुण सतोसो तब्भत्तिमईगुणेण संजाओ । भणइ य मंतिं तुम्हाणुमई एतं करिस्सामो ॥२७३२॥  
रत्ता विसज्जिओ तो मंती वि गओ गिहं मइनिहाणो । बीय-दिणे संजाए निवपणिहि नरेहि आगंतुं ॥२७३३॥  
कहियं तप्पुरओ वित्थरेण परभग्नियबलसरूवं । रत्ता विसज्जिऊणं हेरियपुरिसे इमे तत्तो ॥२७३४॥  
नियगरुयनरे ह्वकारिऊण तं तेसि सव्वमक्खायं । सव्वेहिं वि तेहिं तओ विन्नत्तं एरिसं तस्स ॥२७३५॥  
जह देव ! तुम्ह पासे जाव इयं अत्थि संपयं सेन्नं । तत्तो दुगुणयरवलं पट्टवियं आसि तुम्हेहि ॥२७३६॥  
उवरिम्मि कुंतसीहस्स तं पि गिरदुग्गवलवसेणिमिणा । भग्गं लोला एच्चियं सव्वं गहियं च ल्हसेउं ॥२७३७॥  
गुडपक्खररहसन्नाहपभिइयं रणविणट्टसेसं च । हय-गय-रहकरहाई सयं समग्गं पि संगहियं ॥२७३८॥  
तेण इमो संजाओ संपइ पोढो निसग्गसूरो य । तुम्हे पुण थेव बला तस्सुवरि तओ सयं इन्हि ॥२७३९॥  
तुम्ह न जुज्झइ जत्ता कायव्वा ताव कइव्वयदिणाइं । जइ सो सयं पि एसइ तो जह जुत्तं करिस्सामो ॥२७४०॥  
तेण वि तं पडिबन्नं वयणं जुत्तं पि गरुयपुरिसाण । कत्तो वि कुंतसीहो सरूवमेवं सुणेऊण ॥२७४१॥  
संवहिऊणं गिन्हइ कयंबसरपट्टणं महादुग्गं । अन्नाइं वि दुग्गाइं गिन्हइ दो त्तिन्नि सिग्घं पि ॥२७४२॥  
एवं कयम्मि मिलिओ बट्टलोओ तस्स कुंतसीहस्स । हरिसउरपुराभिमुहो ता चलिओ कयरणुच्छाहो ॥२७४३॥  
भट्टे पट्टविऊणं सिरिहरिसो तेण कुंतसीहेण । एवं भणाविओ जह तुज्झ मए जो इओ मग्गो ॥२७४४॥  
एतस्स एत्तिय दिणे जाव तुमं नागओ इयाणितो । अहमेव सयं पत्तो तुज्जुवरिठियस्स विसठाणे ॥२७४५॥  
हुक्केह संपयं मे जुज्झे दूरम्मि अह पलाएह । अहवा आगतूणं सेवाए मज्झ पविसेह ॥२७४६॥  
एवं भट्टमुहाओ सोउं सिरिहरिसपत्थिवो ज्जत्ति । जाओ घयसित्तहुयासणो व्व कोवेण दिणंतो ॥२७४७॥  
तिव्वलीतरंगभंगुरनिडालवट्टो फुरंत अहरोट्ठो । ताडावइ रणभेरि संवाहइ सव्व नियसेन्नं ॥२७४८॥  
वियलंतमय कवोले गुडियगइं दे खिवावइ स चावं । नारायसेल्लनियरं सन्नाहं खिवावइ निय अणे ॥२७४९॥  
तह कुंतसीह भट्टे विइन्नघाए पुणो वि तस्सेव । पासे पेसइ सहदिन्नवायनियबंदिदिदेण ॥२७५०॥  
तेसि मुहेण भाणइ तं एवं जह तए जइ कहं चि । गिरिदुग्गवलेण छलेण अम्ह सेन्नं असंवूढं ॥२७५१॥  
भग्गंतह गहियाइं पव्वंतिय पट्टणाइं दो त्तिन्नि । ता एत्तिएण वि तुमं गओसि किं गव्वगिरिसिहरं ॥२७५२॥

जा अज्ज वि अहमक्खयदेहो चिट्ठाभि ताव किं पि तए । नयभग्गं न य महियं सव्वं तुह उयर मज्झाओ ॥२७५३॥  
 इन्हि कडिदस्सं निच्छएण जइ जंपिउं न नासिहिसि । कालेण कडिदऊणं आणीओ तंसि स पएहि ॥२७५४॥  
 एसोहं संपत्तो तुह समुहो ज्जत्ति संपइ मुहुत्तं । एमेव चिट्ठिऊणं देज्जसु तो मुणसि सपमाणं ॥२७५५॥  
 इय सिक्खविउं भट्टे पेसेउं कुंतसीहपासम्मि । सिरिसिरिहरिसनरिदो कयसन्नाहो सयं तत्तो ॥२७५६॥  
 सज्जीकए करिदे करकयकुंतो समारुहइ लगो । जाव किर ताव पत्तो तत्थ समंती मइनिहाणो ॥२७५७॥  
 एयंते धरिऊणं विन्नत्तो तेण सो निवो एवं । पुव्वं जं तुम्ह मए सिट्ठं सव्वं पि तं इन्हि ॥२७५८॥  
 किं पम्हुसिऊण गयं तमाह राया सरामि तं सव्वं । तो मंती आह निवं जइ सरह करेह कि एवं ॥२७५९॥  
 पुण मंतिं आह निवो जइ किच्चमिणं न किमवरं किच्चं । मंती पभणइ संपइ वेसंतरकरणओ जुत्तं ॥२७६०॥  
 देसंतरगमणं चिय न उणो सयमेव कालमुहगमणं । जं नीईसु कहिज्जइ च एज्ज पुहइं पि अत्तट्ठे ॥२७६१॥  
 तो आह निवो मंतिं रक्खिज्जइ सव्वकालमेवप्पा । किंतु समरम्मि सो वि हु उवेक्खणीओ न धीरेहि ॥२७६२॥  
 किं च महापुरिसाणं पाणेहि तो वि वल्लहा कित्ती । न उणो कित्तिविणासे खणंपि रक्खंति ते जीयं ॥२७६३॥  
 सुट्ठु वि रुट्ठं दिव्वं जीवियरज्जाणमेव मे हरणं । काउं सक्कइ न उणो कित्तीए कुंदधवलाए ॥२७६४॥  
 जीवंतस्स वि रज्जं मह अन्नो भुंजइ त्ति न सहेमि । गिन्हइ जियंत वित्त य खल्लंको वित्ति कि होइ ॥२७६५॥  
 दोन्हं गईण एणा का वि गई मज्झ संगया नूणं । हणिऊण रिउं राया होमि विवज्जाभि वा समरे ॥२७६६॥  
 उक्तंच—

कुसुमसावःस्येवद्वयी वृत्तिर्मनस्विनः । मूर्ध्नि वा सर्वलोकस्य शीर्यते वन एव वा ॥२७६७॥  
 तइयं पि मंति मंतसि तुमं पि जं मइ विवज्जओ एसो । तुह पट्टुविओ थ कायरमणस्स अन्नं न किं पि पुणो ॥२७६८॥  
 इय सिरिहरिसो राया मंति संबोहिऊण अक्खुहिओ । आरुहिऊण करिदं सबलो नीहरइ नयरओ ॥२७६९॥  
 मंती सब्राहनयणो चित्तइ जह एस खत्तिओ जच्चो । जिण इव सत्तुं मरइ वरणम्मि तइयं न एयम्मि ॥२७७०॥  
 भणियं च—

धवलिहि जुत्तइं विन्नि परतिन्नि कया वि न हुंति । अह उट्टं किं हि भरु चडइ अह मज्झह तुट्टं ति ॥२७७१॥  
 एत्थओ दिव्वे वि मुहे विजयकहा दूरगामिणी नूणं । अप्पायत्तं मरणं जं तस्स तयं धुवं होही ॥२७७२॥  
 एत्तोच्चिय अणत्थसूयगं जायमिइ तथा वयणं । सुत्तं अत्थि न रंगो तह खत्तगुणो इह न पुन्नं ॥२७७३॥  
 इय चित्तिऊण मंती तओ पलाणो समीहियपएसे । राया वि कुंतसीहो संपत्तो नयरबहिभाए ॥२७७४॥  
 सिरिहरिसरायपे सियभट्टेहि तो निसम्म तं वयणं । सन्नद्धसव्वसेन्नो सिरिहरिसा गमणमीहेइ ॥२७७५॥  
 सिरिहरिसो वि नरिदो बहुसेन्नसमन्नियं सुसन्नद्धं । पुरओ पासतो कुंतसीहमइरेण तयभिमुहो ॥२७७६॥  
 धावइ पहरंतो निसियसेल्लनारायनियरवरिसेण । पाडंतो मत्तकरिद-तुरयसुहडाण संघाए ॥२७७७॥  
 दट्ठूण कुंतसीहो तं कुवियकयंतदुद्धरं पुरओ । आगच्छंतं चित्तइ निय भुयदंडे पलोयंतो ॥२७७८॥  
 अज्जेव समरकोहुं पुज्जिस्सइ मज्झ जुज्जमाणस्स । सिरिहरिसमहासुहडेण सह इमेणं ति चितंतं ॥२७७९॥  
 कुमारम्मि कुंतसीहे संपत्तो ज्जत्ति अंतिए तस्स । कोवेण निट्ठुराई सिरिहरिसनिवो पयंपतो ॥२७८०॥  
 अह तस्स पसंसंतो चारहडिगुणं समुट्टए समुहो । सो कुंतसीहसुहडो मत्तगइदम्मि आरूढो ॥२७८१॥  
 सिरिहरिस नरिदेणं कुंतं उप्पाडिऊण पक्खित्तं । कोवेणकुंतसीहस्स सम्मुहं तणं तं ज्जत्ति ॥२७८२॥

अंगं परियत्तेउं टालेउं अप्पणो सरीराओ । सिरिहरिसनिवो हियए कुंतं खिविऊण उक्खित्तो ॥२७८३॥  
 खित्तो य महीवीढे पलालपूलो व्व निहणमणूपत्तो । भग्गं अन्नायगं तं झत्ति पलाणं बलं तस्स ॥२७८४॥  
 तस्सेव पट्टिलग्गो मज्जे नयरस्स अह पविट्ठो सो । गंतूणं रायउले उव्विट्ठो तस्स पासाए ॥२७८५॥  
 आणंदाऊण नियं तं नयरं रक्खए समग्गं पि । तेण वि सोच्चिय चित्ते पडिवन्नो नायगो तत्तो ॥२७८६॥  
 सिरिहरिसरायमरणं सुणिउं अंतेउरं समग्गं पि । निग्गयमब्भित्तरओ भणावियं कुंतसीहेण ॥२७८७॥  
 तुम्हे मह नियजणणी तुल्लाओ पुव्ववत्तणं निययं । गिन्हेऊण तह च्चिय चिट्ठं मा चडह कट्ठेसु ॥२७८८॥  
 अंतेउरेण भणियं सिरिहरिसनरिदकन्नया पणगं । एयं परिणाविज्जह तो अम्ह तए कयं सव्वं ॥२७८९॥  
 इन्दि पुण अम्ह गई पाया सिरिहरिसदेवरायस्स । तो कुंतसीहकुमरो तह त्ति तं मन्नित्तं वयणं ॥२७९०॥  
 सिरिहरिसनिवेण समं दावइ अंतेउरस्स कट्ठाइं । कन्नाओ पुणो संबोहिऊण धारइ गुरुसुहेण ॥२७९१॥  
 सिग्घयरसंढियाणं पांसम्मि समण्णिकुण विन्नत्ति । सिरिहरिसविणासाई सरूवमक्खावए पिउणो ॥२७९२॥  
 बीयम्मि दिणे मिलित्तं सव्वेहिं वि नयरपमुहलोएहिं । सो कुंतसीहसुहडो विन्नत्तो एरिसं अट्ठं ॥२७९३॥  
 रज्जम्मि अत्तणो कारवेह तुम्भे इयाणिमहिसेयं । सामिपरिवज्जियाणं पडिवज्जह अम्ह सामित्तं ॥२७९४॥  
 तो भणइ कुंतसीहो नायरलोयं जहा पुहइसीहो । अम्हं सामी तस्सेवाए समणुट्ठिमो अम्हे ॥२७९५॥  
 तुम्भे वि तो इहट्ठे तं चेव वयविन्नवेह मह जणयं । तेहिं मिलित्तं तत्तो विन्नती पुहइसीहस्स ॥२७९६॥  
 सीहउरे पट्टिविया जह अम्हं पुव्वसामिओ विहिणा । हरिओ इन्दि अन्नं पसिऊणं सामियं देह ॥२७९७॥  
 तत्थ पुण कुंतसीहो नयरारक्खगनिरूवणाईयं । सव्वं करेइ सुत्थं स वाहिरब्भित्तरजणस्स ॥२७९८॥  
 तप्पेसियसंढियगा पत्ता पासम्मि पुहइसीहस्स । ते कुंतसीहविन्नत्तिलेहमप्पंति एयस्स ॥२७९९॥  
 साहित्ति य जह दिट्ठं पुहइसीहो य अवगयतथत्थो । तूट्ठो देइ पसायं संढियगाणं बहुं तेसि ॥२८००॥  
 कहियं अणुपम्वाए संवाहेऊण सिक्खवेऊण । तं पेसइ हरिसउरे पत्थाणे ठाइए सावि ॥२८०१॥  
 एत्थंत्तरम्मि पत्ता हरिसउरनिवासिलोयविन्नत्ति । गहिउं पुरिसा अप्पेति तस्स सो तं निरिक्खेउं ॥२८०२॥  
 ते भणइ जह इहट्ठे अणुपमदेवी मए नियं सिक्खं । दाऊण कुंतसीहस्स सन्निहाणम्मि पट्टिविया ॥२८०३॥  
 चिट्ठइ पत्थाण ठिया तुम्भे सह तीए जाह हरिहसउरे । इयरन्नो आइट्ठं तह चेव अणुट्ठियं तेहिं ॥२८०४॥  
 अणुपमदेवी गंतु हरिसउरे पुहइ सीहसिक्खवणं । कहिऊण कुंतसीहं अहिंसिचावेइ रज्जम्मि ॥२८०५॥  
 सिरिहरिसरायकन्ना पणगं आपुच्छिऊण इच्छंतं । अइगरुयविभूईए परिणावइ कुंतसीहाओ ॥२८०६॥  
 माउवयणेण एसो कयंबसरनयरं संतियं देसं । देइ पसाएण तओ मायामह सुरपालस्स ॥२८०७॥  
 मंडलिया सामंता सीहणियतंतवालमाईया । संगामलगघाया सीहउरे जेट्टिया आसि ॥२८०८॥  
 सिरिहरिसनरेसरसैन्नसंतिया ताण मज्झओ के वि । जे न मया ते सज्जा संजाया आगया तत्थ ॥२८०९॥  
 हरिसउरे आगंतुं अत्थाणे कुंतसीहरायस्स । परमविणएण पणया तेण वि ते विहियसम्माणा ॥२८१०॥  
 नियनिय पएसु ठविया अन्ने वि नरेस राजहाजोगं । उट्टावियाय के वि हु तहेव संठाविया के वि ॥२८११॥  
 सीहगिरिसमीवत्थं देसं पिउणो वि देइ कं पि नियं । अन्ननिवसंतियं पिहु गिन्हेउं तस्स अप्पेइ ॥२८१२॥  
 अणुपमदेवी जाया पुत्ता अन्ने वि संति जे चउरो । तेसु समत्थं पुत्तं सीहउरे ठाविउं पच्छा ॥२८१३॥  
 सयमागच्छइ पासे पुत्तस्स निवस्स कुंतसीहस्स । सो पुहइसीहराया सलहुएहिं तिहिं सुएहिं ॥२८१४॥  
 नयरम्मि कयंबसरे पुत्तं ठविऊण सुरपालो वि । तिहुयणदेवीसहिओ हरिसउरे चिट्ठए य ठिओ ॥२८१५॥



कमलसिरी देवीए पुत्तं अह जणइ कुंतसीहनिवो । नामेण रायसीहं गुणेहि जणयस्स परितुल्लं ॥२८१६॥  
 सहियअसेउसीमालरायसमवायजायजसपसरो । सिरिकुंतसीहराया चिरकालं पालए रज्जं ॥२८१७॥  
 अन्नमि दिणे थेरा समागया के वि तत्थ वाहिम्मि । तेसि वंदणहेउं नयरजणं जाणित्तं जंतं ॥२८१८॥  
 राया वि कुंतसीहो तत्थ गओ कोउगेण रिद्धीए । मायामह-मायामहि जणणी-जणयाइ जणजुत्तो ॥२८१९॥  
 नमिऊण मुणित्तं पंजली तउ उच्चिथठाणउवविट्ठो । आयन्नइ धम्मकहं कहिज्जमाणि मुणित्तेण ॥२८२०॥  
 चुलसीइजोणिलक्खे भवे भमंताण कम्मवसगाण । जीवाण माणुसत्तं दुलहं धम्मो विसेसेण ॥२८२१॥  
 जुज्झ-जल-जलण-बिसहर-केसरि-करि-रोग-चारगभयाइं । धम्मपभावेण जओ ज्ञत्ति पणस्संति जंतूण ॥२८२२॥  
 मत्तकरि-नुरय-रहसंकडम्मि सुहडुब्भडम्मि संगामे । पावंति ज्ञत्ति विजयं अज्जिय धम्मा नरा पुव्वं ॥२८२३॥  
 जे अणुवज्जियधम्मा तेसि तु कमागया वि रज्जसिरी । अच्छिदिऊण गिज्झइ हठेण केणइ सउत्तेण ॥२८२४॥  
 आयन्नऊण एयं सिरिहरिसनिवस्स अत्तणो य मिहो । संजायसमरवइयरमणुसरित्तं कुंतसीहनिवो ॥२८२५॥  
 आपुच्छइ ते थेरं जह भयवं ! पंचगामसयसामी । दुग्गबलेण अजेओ अम्ह पिथा आसि इयरोसि ॥२८२६॥  
 निवइण पुहइसीहो एसो एयस्स अंगजाओइहं । सिरिहरिसो उण राया कमागओ विउलदेसपहू ॥२८२७॥  
 पउरकरि-पुरय-रह-जोहसंजुओ विक्कमी नयपरो य । ता कह एस ममाओ पत्तोभिभवं च मरणं च ॥२८२८॥  
 कह मज्झ रायलच्छी विउला एयस्स संतिया जाया । पसिऊण कहह एयं तुज्जे जं मुणह सव्वं पि ॥२८२९॥  
 अह ते सुओवउत्ता थेरा होऊण तस्स साहेति । जह देसस्स इमस्सेव अत्थि पच्चंतियग्गामो ॥२८३०॥  
 तग्गामठक्कुरस्स उ वयंसगा दोन्नि सेवगा आसि । ते आहइयहेउं अडवीमज्जे परियडंता ॥२८३१॥  
 पासंति साहुजुथलं मग्गपरिब्भट्टमग्गओ जंतं । एगो तेसु दुइज्जं भणइ जहा लिगिणो केइ ॥२८३२॥  
 एए पहरुपरिभट्टा ता एसि दंसिमो नयरमग्गं । इयरेण उ तव्वयणं तस्सुवरोहेण पडिवन्नं ॥२८३३॥  
 पढमो पुरओ गंतुं मुणिणो नमिऊण नयरगामि पहं । दंसइ तेसि बिइओ वि तयणुलग्गो कुणइ एवं ॥२८३४॥  
 पच्छा नियत्तिउमणा अणुजाणावेति जाव ते मुणिणो । दट्टूण जोग्गयं ताव तेहिं साहहिं कहेऊण ॥२८३५॥  
 संखेवेणं धम्मं ते भणिया निरवराहजीवाणं । हिंसानिसेहमंगीकरेति तह मंसपरिहारं ॥२८३६॥  
 इय नियमं दाउणं तेसि मुणिणो गया पुरो मग्गे । ते कयनियमा दोन्नि वि नियत्तिउं निय गिहे पत्ता ॥२८३७॥  
 नियमं पालंताण ताण दिणाइं गयाइं बहुयाइं । अन्नसमयम्मि नायं नियमसरूवं इमं तेसि ॥२८३८॥  
 तग्गामठक्कुरेण पाहुणगे आगयम्मि तो तेण । ते दोन्निवि आइट्टा हरिणदुगं हणिउमाणेह ॥२८३९॥  
 चित्तेण विणा दोहिं वि पडिवन्नं ठक्कुरस्स तं वयणं । भमिऊण वणे हरिणे दिट्ठे वि हु नो हणिससामो ॥२८४०॥  
 आगंतुमुत्तरमिणं काहामो अज्ज न हरिणा दिट्ठु । इय चित्तिऊण दोन्नि वि ते वच्चंता वणाभिमुहं ॥२८४१॥  
 नियनिय मणो विगप्पे पयडंति परोप्परं तओ पुरओ । पत्ता वणे तरुतले दो वि निसीयंति एगतथ ॥२८४२॥  
 जा चिट्ठं ति खणद्धं अचलिय पुव्विल्ल सुद्धपरिणामा । ता मयजूहं पुरओ बोलीणं ता (व) दोन्हंपि ॥२८४३॥  
 जेण पढमं दुइज्जो भणिओ मुणिमग्गदंसणनिमित्तं । सो निव्विगण्पचित्तो वीओ मयजूहदंसणओ ॥२८४४॥  
 चित्तइ अ कथाएसे अम्हे सामो भणिस्सइ विरूवं । तम्हा परतंताणं नअम्ह नियमो पलइ को वि ॥२८४५॥  
 ता किंपि हरिणजूहं मग्गेणिमिणा पुणो वि जइ एइ । ता नूण हणिउमंगं पावेमि पहुपासे ॥२८४६॥  
 दुइयस्स जइ कहिस्संतो मज्झ वि हंतुमेस नो दाही । ता एयमकहिऊण वि इमस्स साहेमि पहुकज्जं ॥२८४७॥  
 इय चित्तिऊण चावं चडावियं तेण अत्तणो ज्ञत्ति । वीएण पुच्छिओ तो कुणइ इमं उत्तरं एसो ॥२८४८॥

जह वणमज्जे एगो सज्जधणू होइ जइ तओ लट्ठं । तत्तो खणंतरेणं मयजूहे उच्छिरंतम्मि ॥२८४९॥  
 चावे सरं ठवेंतो दट्ठं बीएण वारिओ एसो । तह विहु अठायमाणे तम्मि समायडिडउं छुरियं ॥२८५०॥  
 छिन्ना चावपडं चा अपडियछुरियाए मुक्कवाणेण । विद्धो एगो हरिणो थवं गंतुं गओ निहणं ॥२८५१॥  
 तो तेण पडं चाछेयगेण भणिओ बहुं विरूवमिमो । कुद्धो मणे तदुवरिं दुव्वयणं पडं चच्छेएहि ॥२८५२॥  
 तं हंतुमिच्छइ तओ मयहरिणं गिन्हिऊण पहुगेहे । नेऊणतस्स दंसइ कहइ यं नियमित्तवुत्तं ॥२८५३॥  
 तं सोउं सो सामीतदुवरिकुविओ पयंपइ विरूवं । कहण पुणो पसंसइ तेणाणियं च तं हरिणं ॥२८५४॥  
 तस्सेव य पासाओ उक्कतावेइ तो पथावेइ । भुत्तेसु पाहुणेसुं तं भोयइ अप्पणासद्धि ॥२८५५॥  
 पाहुणगभुत्तसेसं मयपिसियं ठक्करो सयं असइ । तस्स वि परिवेसावइ तेण वि भुत्तं तमाकठं ॥२८५६॥  
 भुत्तुट्ठिओ स पहुणे सो आइट्ठो जहा तमाणेहि । नियमित्तं बंधेउं तो तेण पहू इमं पुट्ठो ॥२८५७॥  
 जइ सो करेइ घायं घेणंतो तो किमेत्थ करणिज्जं । आह पहू तुम्हे वि हु करेज्ज घायं तओ एसो ॥२८५८॥  
 तम्ममारणबुद्धीए पहुपासे मग्गिउं जणे पंच । तग्गिहसमुहो चलिओ सो पुण मित्तो वणाहितो ॥२८५९॥  
 आगतुं नियगेहे भोत्तुं सुत्तुट्ठिओ तमावंतं । दुट्ठमणं मूणिऊणं कुविओ अंगेण लहु नट्ठो ॥२८६०॥  
 इयरो तग्गेहगओ तमपावंतो कुडुंबयं तस्स । चारगगिहम्मि धारइ गिहंतु गिन्हइ सयं तस्स ॥२८६१॥  
 सामिमणुत्तविऊणं जायविसूई निसाए अणुतावं । भग्गनियमस्स काउं मरिउं सो नरवई जाओ ॥२८६२॥  
 हरिसउरे सिरिहरिसो नामं कहइदियह नियमपालणओ । तव्वभंगाओ तह मित्तदोहओ परिभवं पत्तो ॥२८६३॥  
 तुह पासाओ रज्जव्वभंसं मरणं च तस्स जो मित्तो । नट्ठो पुव्विल्लभवे सो पाविथसामिसम्माणो ॥२८६४॥  
 चारगमुक्ककुडुंबो नियनियमं पालिऊण जाजीवं । आउक्खयम्मि मरिउं संजाओ तं सिहइराया ॥२८६५॥  
 इय मुणिकहिए जाइ सरिउं पच्चक्खदिट्ठपुव्वभवो । सो कुंतसीहराया तव्वयणे जायपच्चयओ ॥२८६६॥  
 पुच्छइ सिरिहरिसगइ कहइ मुणी तुह रणे निहयसेत्तो । रोहज्जाणे निहओ तए गओ एस नरए तो ॥२८६७॥  
 पुच्छइ अणुपमदेवी मुणि तहा संभमं तया काउं । कह हरिसपालरत्ता नो परिणिया अहं चत्ता ॥२८६८॥  
 तो गणय पुच्छनिवमंतिं मंतणप्पभिइ जाव वह मज्जे । सनणंदभाउ जाया विणासिया कहइ ताव मुणी ॥२८६९॥  
 आसवदारविवागप्पभिइसरूवं (भ) वस्स सेसंपि । साहइ सूरीतो कुंतसीहराया इह भवस्स ॥२८७०॥  
 नियं चरियं धाडिपयाण समरकरणाइयं सरेऊण । भवदुहभीओ सूरि नमिऊण गओ नियं गेहं ॥२८७१॥  
 कमलसिरी कुच्छिभवं नियसुयमहिंसिचिऊण रिद्धीए । रज्जम्मि रायसीहं अत्तसमं विक्कमगुणेण ॥२८७२॥  
 मायामह-मायामहि जणणी-जणएहि सहकलत्तेहि । सेवयलोएण (य) सूरि अंतिए गिन्हिउं दिक्खं ॥२८७३॥  
 सिक्खियजइ किरिओ पढियआगमो पालियामलचरित्तो । मरिऊण समाहिजुओ उप्पन्नो पढम कप्पम्मि ॥२८७४॥

॥ इति श्री कुंतसीहरायकथानकं समाप्तं ॥

पुट्ठं च तए एवं चिट्ठइ जं वक्कम्मपुरिसयाराणं । कि बलियंति तयट्ठे कहियं अक्खाणयं एयं ॥२८७५॥  
 एयम्मि कहिज्जंते अन्नं पि समागयं पसंगेण । जुयलं कहाणयाणं समत्थियं तं पि नीसेसं ॥२८७६॥  
 अत्थो कहाणयाणं एयाणं पत्थुयम्मि वत्थुम्मि । संपइ संजोइज्जइ मुणेहि तं कुमर ! तुममिन्हि ॥२८७७॥  
 इह होइ दुहाकम्मं पावसहावं च पुण्णरूवं च । तत्थ सिरिहरिसरत्तो निव्वडियं पावक्कम्मफलं ॥२८७८॥

ववसाओ पुण विहलो अणत्थ-फलओ य तस्स संजाओ । केवलपुन्नस्स फलं जायं पुणऽणुपमदेवीए ॥२८७९॥  
 कुमर तह अबुविचिस्स निवडणो केवलस्स पुन्नस्स । जायं फल महलो पुण जाओ तम्मं ति ववसाओ ॥२८८०॥  
 पुन्नं ववसाओ वि य उभयं पुण नंदिवडणनिवस्स । समकालफलं जायं रत्तो तह कुंतसीहस्स, ॥२८८१॥  
 ता एसिहपरमत्यो कम्मं असुहंसुहं च जीवाणं । देइ फलमप्पणो केवलं पि न उणो पुरिसयारो ॥२८८२॥  
 अन्नहं कम्मं चिट्ठइ कीरहं जइ अन्नहा पुरिसयारो । तो कम्मणाणुरुवं होइ फलं न उण इयरस्स ॥२८८३॥  
 भणियंच—

धारिज्जइ एंतो जलनिही वि कल्लोलभिन्नकुलसेलो । न हु अन्नजम्मनिम्मियसुहासुहो दिव्वपरिणामो ॥२८८४॥  
 एवं भणिरुण मुणिम्मि उवरए वंदिरुण तो कुमरो । उट्ठइ कुबेरदत्तो मुणी वि वच्चइ सठाणम्मि ॥२८८५॥  
 एत्थतरम्मि जाया पभायपायानिसा तमप्पसरौ । नासइ नहंगणाओ अणागयं सूरकरभीओ ॥२८८६॥  
 संकोइयकरपाओ विगयच्छाओ खणेण संजाओ । कालवसा नासगयं निसंनिएउं निसानाहो ॥२८८७॥  
 तारायणो वि तारावहम्मि तारावइं गलियतेयं । अवलोइऊण विलयं खेएण व झत्ति संपत्तो ॥२८८८॥  
 जेसि जहिच्छं दिन्नो निसिमयरंदो निसावसाणम्मि । कुमुएहि ते वि बद्धा महुरज्जुणिणो वि भमरगणा ॥२८८९॥  
 अहवा जडासयाणं देताण वि दाणमइसयमहग्घं । संगो न होइ सुहओ परिणामे सेवयजणाण ॥२८९०॥  
 पुव्वदिसाए पत्ता दूई अरुणप्पहा दिणिदस्स । कयकुंकुमंगराय व्व सा वि जाया तयागमणे ॥२८९१॥  
 आसाओ वियसियाओ अइद्वारमसेसभुवणवलयस्स । मित्तम्मि उदयपत्ते कस्सव एवं न संभवइ ॥२८९२॥  
 आसि पणट्ठा पुव्वं दियहस्स विवज्जएण जा लच्छी । लद्धे दियहम्मि पुणो सा जाया कमलसंडस्स ॥२८९३॥  
 पसरंतकिरणजाले तरणिम्मि तओ निएवि दिसिभायं । पच्छाहुत्तं वलिओ कुबेरदत्तो निवंगरुहो ॥२८९४॥  
 मुणिवयणायन्नणसंकिय व्व निट्ठापलाइया आसि । जातच्चिरमेतीए कुमरो आलिगिओ गोसे ॥२८९५॥  
 मउलंतनेत्तकमलो वच्चंतो एवमेव सुन्नमणो । खड्डाए खलियपओ पडमाणो जग्गिओ जाव ॥२८९६॥  
 पेच्छइ दिसा विभायं उड्ढो होऊण ताव जाणेइ । अन्नदिसाए लग्गं अप्पाणं तो नियत्तेउं ॥२८९७॥  
 जाव पयट्टिस्सइ किरमंगलउरनयरमगसम्महओ । ता तस्स वा मग्गाउ धाविओ मत्तमायंगो ॥२८९८॥  
 वणकुंजरजूहाओ गज्जंतो दाणसित्तमहिवीढो । उक्खिवियसुंडदंडो दिट्ठिपहे झत्ति ओइन्नो ॥२८९९॥  
 अक्खुहियमणो ठाउं खणमेगं तत्थ चेव तो कुमरो । पासागएगइदे उप्पइओ गयणमग्गम्मि ॥२९००॥  
 तस्सेव पट्ठिभाए पडिउं पाएहि पहणिउं गाढं । उत्तिन्नो पुच्छेणं परम्महो धाविउं तुरियं ॥२९०१॥  
 हत्थी वि कुमरपायप्पहारअइद्वमिओ सकोवमणो । पच्छा हुत्तो वलिउं पहाविओ कुमरमग्गेणं ॥२९०२॥  
 कुमरो वि तस्स आसंदंसंतो वयइ पसरियकरस्स । दूरम्मि तओ नेउं नियत्तए झत्ति वामेण ॥२९०३॥  
 हत्थि वि जानियत्तइ कुमरो गंतूण ताव पुच्छम्मि । तं गिन्हेउं तेणेव सह तओ भमइ चक्कं व ॥२९०४॥  
 तत्तो खणंतरेण आरुहिउं पच्छिमम्मि भागम्मि । खंधम्मि पए काउं झंपं दाउं पुरो ठाइ ॥२९०५॥  
 तत्तो नियत्तिरुणं तयभिमुहो जाव ठाइ सो हत्थी । ताव पुरो पहावइ अइ वेगेणं निवंगरुहो ॥२९०६॥  
 हत्थी वि तयणुमग्गेण धावए जाव केत्तियं दूरं । ताव वलिऊण कुमरो दाहिणभाएण सिग्घं पि ॥२९०७॥  
 गिन्हइ पुणो वि पुच्छे गाढं आयासिऊण तह धरइ । तरइ जहा सो वलिउं न वामओ नेय दाहिणओ ॥२९०८॥  
 मोत्तूण तओ पुच्छं ताडइ पविकडिणमुट्ठिधाएण । पच्छिमजंघा जुयले पुणो वि आरुहइ पट्ठीए ॥२९०९॥  
 एएण पगारेणं पुणो पुणो कह वि तह कओ हत्थी । कुमरेण जहा संतो सो तस्स वसंगओ झत्ति ॥२९१०॥

अह तम्मि आरुहेउं कुमरो नियनयरमगमणुसरइ । अप्फालंतो निय करयलेण कुंभत्थलं तस्स ॥२९११॥  
जं आसि कुमरसेन्नं पच्छाहुत्तं गयं नियत्तेउं । वीसमिऊणं तं जेमिऊण पुण संवहेऊण ॥२९१२॥  
नीहरियं नयरओ समागयं तेत्तिए पएसम्मि । जेत्तिय दूरम्मि पयाइ आसि दिट्ठाइं तुरयस्स ॥२९१३॥  
तत्थ खणं ठाऊणं अन्नोन्नं मंतिऊण दिसिभायं । गहिऊण तओ चलिओ उद्देसेणुत्तरदिसाए ॥२९१४॥  
वामम्मि दाहिणम्मि य तुरयारोहा निरुविया सिग्घा । रयणि पि वहेऊणं बीयदिणे पढमपहरम्मि ॥२९१५॥  
दिट्ठो सम्मुहमेतो आरुहोमत्तहत्थिखंधम्मि । कुमरो कुबेरदत्तो सेन्नेण पसन्नमुहकमलो ॥२९१६॥  
अह सेन्नगयजणेणं परोष्परं पेक्खिऊण वयणाइं । विस्मिह्यमणेण भणियं पेक्ख अहो केरिसं चोज्जं ॥२९१७॥  
एक्कमविणीयं तुरयं नेऊणं आणिओ करी मत्तो । कह कुमरेण वणाओ ता नूणं एस पुननिही ॥२९१८॥  
सेन्नेण पणमिओ तो कुमरो जपेइ मा तुमे नियडा । होज्जह इमस्स वणकुंजरस्स दूरद्विया वयह ॥२९१९॥  
एत्थंतरम्मि पत्ता तुरयारोहावि वामभायाओ । सेन्नेण जे निउत्ता आसि कुमारं गवेसेउं ॥२९२०॥  
नमिऊण तेहि कुमरो विन्नत्तो तावसासमे अम्हे । आसि गया कुणमाणा गवेसणं तुम्ह तो तेहि ॥२९२१॥  
कहियं अम्हाण इमं जह इन्हि अम्ह तावसकुमारा । आसि गया दोन्नि बहि समिहाईणं गहणहेउं ॥२९२२॥  
दिट्ठो तेहि कुणंतो कीलं सह मत्तवण-गइं देण । एक्को रायकुमारागारो तरुणो नरो कोवि ॥२९२३॥  
तं पेक्खिऊण तत्था नियत्तिउं इत्ति ते तओ एत्थ । आगंतूण कहेउं अम्ह गया अन्नदिसिभाए ॥२९२४॥  
तो अम्हे तं तावसवयणं सुणिऊण तक्कहियमग्गे । लग्गा इहागया वरकुमार तुम्हच्चभंतीए ॥२९२५॥  
जा ताव पुन्नवसओ पच्चक्खच्चिय निरिक्खिया तुब्भे । इय सोउं कुमरेणं ते पुट्ठा तत्थ तुब्भेहि ॥२९२६॥  
वक्कस्स दोरिया अत्थि पेक्खिया कत्थई जइ तओ तं । पेच्छेउं लहु आणह तेहि वि कहियं जहा दिट्ठा ॥२९२७॥  
उडयाण छाडयाणं उवरि नारेण बंधणनिमित्तं । वलयंता वक्कलदोरियाओ बहुतावसकुमारा ॥२९२८॥  
चिट्ठं ति इओ नियडा भणिया कुमरेण ते तओ गंतुं । आणिति दोरियं जाइऊण लोहं कुडीसहियं ॥२९२९॥  
वत्थाइ फालिऊणं वेढावेऊण तेहि तं कुमरो । करिकंठकलावं कारवेइ लोहकुडीए उ ॥२९३०॥  
कारेइ अंकुसं पेसए य पुरिसे तुरंगमारुढे । मंगलउरम्मि नयरे पट्टउयकलावमाणेउं ॥२९३१॥  
दूरद्वियसेन्नेणं परियरिओ सब्बओ वि निवकुमरो । जा वच्चइ ता दाहिणदिसाए पत्ता गवेसंता ॥२९३२॥  
कुमरं आसारोहा तं नमिउं ते मिलंति सेन्नस्स । अह कुमरो, अद्धपहे कत्थइ उचियम्मि देसम्मि ॥२९३३॥  
आवासं गिन्हावइ नियसेन्नं सब्बमप्पणा य पुणो । तं मत्तवणगइदं नेऊण जलासए विऊले ॥२९३४॥  
पाणीयं पाएउं कारेऊणं जलावगाहं च । नलिणीनालाहारं गाहेउं केत्तियं वि तओ ॥२९३५॥  
वालइ जाव गइदं नीहरिउमणो तओ निवकुमरो । ताव सरोवरमज्जाउ उट्ठिओ जलकरी एक्को ॥२९३६॥  
तेणागंतूण अहोउ पच्छिमभायम्मि थोरहत्थेण । वणहत्थी सो विनियत्तिऊणं तं हणइ दंतेहि ॥२९३७॥  
अह तस्स वणगइदस्स दंतघाएण ताडिओ वाढं । जलहत्थी इत्ति पलाइऊण सलिले, अगाहम्मि ॥२९३८॥  
गंतुं लुक्को पच्छा पुणो वि सो वणकरीतयणुमग्गे । धावंतो पडिसिद्धो कुमरेण कुबेरदत्तेण ॥२९३९॥  
नीहरिओ वणकुंजरखंधगओ सरवराउ तो कुमरो । निथसेन्नाओ दूरे सल्लइ भक्खम्मि तं नेउं ॥२९४०॥  
आगलइ सयं तत्तो तं त्रियसो वरइ वणकरीभक्खं । आवासम्मि कुमारो आगंतूणं कुणइ निइ ॥२९४१॥  
तो न्हाण-भोयणाई काउं गमिऊण घम्मसमयं च । तत्तो सेन्नं पुरओ पयाणयं दावए कुमरो ॥२९४२॥  
आरुहिऊण सयं पुण खंधे वणसिधुरस्स जा वलइ । मंगलउराउ पत्ता ता तक्खणमासवारा वि ॥२९४३॥

पट्टमइयं कलावं सुवन्नमयदंडं मंकुसं गहिउं । दंसंति तत्थ कुमरस्स सो वितं गहिउं पुरिसं ॥२९४४॥  
 आरोहावइ तुंगे रुक्खम्मि सयं तु तत्थ गंतूण । धारेइ वणगयं तस्स हत्थओ तं गहेऊण ॥२९४५॥  
 पूरेइ कलावं कुंजरस्स कंठम्मि गिन्हइ करम्मि । अंकुसमणुसमयं चिय कोमलवयणेहितं हत्थि ॥२९४६॥  
 पल्हायंतो वच्चइ फासंतो करयलेण कुंभम्मि । हत्थी वि कुमरसामत्थसंविओ पीडगहिओ य ॥२९४७॥  
 अविणासंतो वच्चइ मग्गम्मि विमुक्क सव्वमण खणुसो । संज्ञासमए पत्तो कुमरो नयरस्स बाहिम्मि ॥२९४८॥  
 आवासं दावेउं रयणीए वसइ तत्थ हत्थि तु । रुक्खम्मि अबिलीए आगलइ कओवधारतले ॥२९४९॥  
 कयपवरमंचसोहे नयरम्मि तओ पभायसमयम्मि । पविसइ कुमरो वणवारणस्स खंधे समारूढो ॥२९५०॥  
 पुरओ पच्छा दाहिणउत्तरओ तस्स वणगइदस्स । हत्थसए णेगेण जाइ दूरट्टिओ लोओ ॥२९५१॥  
 पेक्खिज्जंतो कुमरो सविम्हयं सव्वनयरलोएण । पत्तो निय पासाए चिरेण कीरंतमंगलिओ ॥२९५२॥  
 ऊसारावेऊण चिरंतणं कंप्पि करिवरं तत्तो । तस्स कुडीए नेउं तं सयमागलइ वणकरिणं ॥२९५३॥  
 अह पाहरियाइजुयं पट्टगयारोह्यस्स अप्पइ तं । आरोहपउमतारे भणइ य जह वणगयं एयं ॥२९५४॥  
 सलिलं तह भोगं गाहिऊण गच्छेज्ज नियगिहं तुब्भे । तेहि तहा पडिवन्ने कुमरो गंतूण नियगेहे ॥२९५५॥  
 मज्जण य भोयणाई किच्चं काऊण दिणतइय जामे । एइ वणकरिकुडीए आरोह्यपउमतारा वि ॥२९५६॥  
 वणगय वि सयं कुमराएसं काऊण नियगिहम्मि गया । भोत्तूण जाव सयणम्मि संठिया ताव तेहि सुयं ॥२९५७॥  
 जह किर कुमरो पगओ वणगयसालाए तो इमे जत्ति । नियनिय भवणेहितो संपत्ता तक्खणे तत्थ ॥२९५८॥  
 करिलक्खणनुपरिसा भयहेडा वणिजकारिणो य तथा । हक्कारएण कुमरस्स आगया तत्थ सिग्घं पि ॥२९५९॥  
 धवलहरपडिच्छाया निहित्तपल्लकसं ठिओ कुमरो । पुव्वत्तपुरिसवग्गेण परिगओ करीकुडीसमुहो ॥२९६०॥  
 चिट्ठइ अवलोयंतो तं वणहत्थिं सयं समाणीयं । करिलक्खणुपुरिसे आइसइ तओ जहा तुब्भे ॥२९६१॥  
 उट्टेऊणं एयं समंतओ वणगयं पलोएह । लक्खणमिमस्स पच्छा सुहासुहं मज्ज साहेह ॥२९६२॥  
 कुमरा एसाणंतरमुट्टेउं ते वितं पलोएउं । कुमरस्स सन्निहाणे उवविसिउं सविणयं वेत्ति ॥२९६३॥  
 दिट्ठो अम्हेहि करी संगोवंगो वि सव्वओ एसो । गरिमाए रूवेण य न खूणमेयस्स हत्थिस्स ॥२९६४॥  
 नीसेसलक्खणजूओ एस करी भट्टजाइसंभूओ । संठाणमाणकलिओ निवाण आरोहणे उच्चिओ ॥२९६५॥  
 देइ निय सामिणो सिग्घमेव रज्जं महाविभूइं च । संगामे रिऊविजयं कल्लाणपरंपरं च सया ॥२९६६॥  
 तो आह इमे कुमरो लक्खणमक्खेह भट्टजाइस्स । करिणो विवरेण तओ कुमरं ते विन्नवंति इमं ॥२९६७॥  
 तुब्भे कुमारनीसेसत्थपरमत्थजाणया सम्मं । सयलकलातत्तविऊ सयं पि तो कि पुरो तुम्ह ॥२९६८॥  
 कहिउं सक्का अम्हे पुरओ सुरसामिणो किमन्नेण । केण वि तीरंति गुणा वन्नेउं देवलोगस्स ॥२९६९॥  
 तो बेइ पुणो कुमरो अन्ने चिट्ठंति अम्ह पासम्मि । जे उवविट्ठा तेसि पुरउ साहेह मा अम्ह ॥२९७०॥  
 इय भणिया कुमरेणं कहंति ते तस्स भट्टहत्थि गुणे । वट्टुन्नय-संहय-कुभमंडलेणं मणुन्नसिरो ॥२९७१॥  
 दुगुणी कय हत्थग्गेण चुंबमाणो वसुंधरा वीढं । आयंबं पुक्खारागारपुक्खरो आययंगुलओ ॥२९७२॥  
 महुपिगसुहुमनयणो करसंसत्तं समुन्नयगं च । चंपगपीयच्छायं कलयंतो दंतमुसलजुयं ॥२९७३॥  
 संपुन्नविदुकुंभो निद्धच्छायाभिरामदेहो य । मिगचासच्चवलवित्थिन्नकन्नपल्लवविरायंतो ॥२९७४॥  
 अणुविदुमालिया कलियच्चित्तमुहमंडलेण कयसोहो । कन्नेसु तथा चिबुगे सुहुमुगयरोमरेहंतो ॥२९७५॥  
 उधुरबंधुरकंठो सोहणवंसो य पिहुल-पट्टी य । पडिपुन्नकुच्छिभाओ पासेसु मणोहरायारो ॥२९७६॥

आयामुस्सेहसमन्निओ य सूरुओ पलंबरिउ पुच्छो । कुम्माथारेहि छणिदुबिबवट्टेहि पाएहि ॥२९७७॥  
 सुपसत्थेहि न्हेहि गमणेण थ महियलं बिह संतो । उन्नमियपुव्वकाओ नमंतपच्छिमविभाओ य ॥२९७८॥  
 संपुत्रगतसंधीनवपाउसमेहगज्जिसमघोसो । रत्तो-ट्टतालु-जीहो आयंबिरकन्नकरमज्जो ॥२९७९॥  
 आरब्भपुक्खराओ उवक्खरिक्केमेण थूलय-रुहत्थो । उवचियकवोलभाओ वेगजुओ सविणओ दक्खो ॥२९८०॥  
 परजूहभंजणखमो परकुंजरघायजायमयपवहो । कोविज्जंतो कुप्पइ अणुणीओ लहुवसी होइ ॥२९८१॥  
 सव्वसुहलक्खणधरो मत्तंगपइट्ठिओ महाकाओ । होइ कुमारकरिदो उप्पन्नो भद्दजाईए ॥२९८२॥  
 तोआह पउमतारो ते करिलक्खणविथाणए पुरिसे । भद्दगयायामुस्सयपरिणाहपमाणमक्खेह ॥२९८३॥  
 अह ते कहंति जह तलसंधिट्टाणाउ आसणं जाव । सत्तेव होति हत्थाउस्सेहो भद्दहत्थिस्स ॥२९८४॥  
 तह पेवयाउ तिरियं पडिमाणं होति जाव नवहत्था । आयामे परिणाहे नेया मज्झम्मि दसहत्था ॥२९८५॥  
 एककेण तओ करिलक्खणणु पुरिसाण मज्झओ भणियं । अज्जवि-इमस्सं करिणो अम्हेहि न तालुयं दिट्ठं ॥२९८६॥  
 तलक्खणविसेसेण लक्खणिज्जंतु लक्खणणूहि । कुमरो पभणइ पेक्खह उट्ठेउं तंपि लहु तुम्भे ॥२९८७॥  
 सो पभणेइ कुमारं हत्थिपगं भणहं कं पि जणेसो । बियडावइकरिवथणं तेण तओ कारियम्मि तहा ॥२९८८॥  
 उट्ठेउं ते करिणो तालुलं पेक्खऊण साहेति । कुमरस्स पुरो जह तालुलक्खणं दुट्ठमेयस्स ॥२९८९॥  
 कुमरो पुच्छइ किह ते बेति जहा कसिणकंतिलं कामं । तं तारिसं तु पुव्वुत्तबहुगुणग्गामनासयरं ॥२९९०॥  
 तो संभंतो कुमरो उट्ठेउं तं सयं पलोएउं । उवविट्ठो पल्लंके हिट्ठो जंपइ तओ एवं ॥२९९१॥  
 करिलक्खणणुपुरिसाण सम्मुहं जह इमं अइपसत्थं । कसिणं पि तालुकरिणो इमस्स जं दाहिणावत्तं ॥२९९२॥  
 जइ होइ दाहिणावत्त-वज्जियं केवलं पि तं कसिणं । तो जह कहियं तुम्हेहि दूसणं तं तहा हवइ ॥२९९३॥  
 अहवा इमस्स करिणो जइ तहवई तालुदाहिणावत्तं । तह वि कसिणं पि एयं नयणगुणेहि न दोसधरं ॥२९९४॥  
 जम्हा सत्थे भणियं कम्मि वि अंगम्मि हत्थिणो जायं । अवलक्खण-मिधरं गस्स कस्सई लक्खणगुणे णं ॥२९९५॥  
 नासिज्जइ त्ति करिणो एयस्स उ नयणलक्खणं अत्थि । महुपिणनिद्वदिपंतलोयणो जं इमो तम्हा ॥२९९६॥  
 कसिणं पि तालुएयस्स दूसणं अत्तणो न य जणेइ । तो बेति दंतिलक्खविऊ जहा कुमर ! अम्हेहि ॥२९९७॥  
 एत्तो च्चिय विन्नत्तं पढमं च्चिय जह न तुम्ह सककेमो । कि पि कहेउं अम्हे सयलकल-पार-पत्ताण ॥२९९८॥  
 तो भणइ पुणो कुमरो गिरिचरयाई हवंति करिभेया । ते वि इह जाणियव्वा भणंति तो पउमताराई ॥२९९९॥  
 तुम्हे च्चिय ते साहइ तो कुमरो कहइ गिरिचरा एणे । अन्ने होति नइचरा उभयचरा हत्थिणो अवरे ॥३०००॥  
 तत्थ नइचराउ वरो गिरिचराओ गिरिचराओ उभयचरो । पवरो इमो पुण करी उभयचरो उभयगुणभावा ।  
 जं गिरिचरो गुरुम्मि वि थले लहुं चडइ संकइ जलाओ । चुयजलभओ नइचरो थलम्मि आरुहइ तो सिग्घं ॥३००२॥  
 उभयचरो गिरिजललंघणे वि कुसलो जहेस वणहत्थी । जम्हा वणस्स मज्जे पट्ठीए मज्जे धावंतो ॥३००३॥  
 आरुढो थलसीसे मए समं कीलिऊण तो सुइरं । खिन्नो मज्जे वण-ओ इमम्मि तो हं समाहूढो ॥३००४॥  
 मंगलउरस्स मग्गे आगच्छंतेण तो मए एसो । जलपाणकए नीओ सरोवरे इत्तिओ इन्नो ॥३००५॥  
 उंडम्मि जले विह्तिओ जलावगहो अ संकिएणिमिणा । उभयपुण दंसणाओ तो तज्जइ एस उभयचरो ॥३००६॥  
 अन्ने वि गुणाचउरो निरिक्खिधव्वा बुहेहि हत्थीणं । इय कुमरेणं भणिए इयरे पुच्छंति तं सव्वे ॥३००७॥  
 जोडियकरा सविणयं ससंभमं जह कुमार ते वि गुणे । चउरो वि कहसु अम्हं गह्यपसायं करेऊण ॥३००८॥  
 कुमरो कुबेरदत्तो कहइ तओ रुवगरिमवलसत्ते । एए गुणागयाणं चउरो वि जहुत्तरं पवरा ॥३००९॥

रूवं गरिमाय इमं चिद्वृद्ध उभयं पि वन्नियं पुब्बं । बल-सत्त-सरूवं संपयं तु साहिज्जए कमसो ॥३०१०॥  
 तत्थ बलस्स परिक्खा नज्जइ विहिणा इमेण हत्थीणं । कणयस्स व रूप्पस्स व तंबस्स व पलसहस्साइं ॥३०११॥  
 अट्टारस-पट्ठीए आरूढाइं वहेइ जो हत्थी । लीलाए च्चिय दसजोयणाइं सो उत्तमबलड्ढो ॥३०१२॥  
 चोदस सहस्स भारं गहिउं जो जाइजोयणे सत्त । मग्गम्मि एस हत्थी मज्झिमबलसंजुओ नेओ ॥३०१३॥  
 जो दससहस्सभारं गहिऊणं जाइजोयणे पंच । मग्गम्मि एस हत्थी जहन्नबलसंजुओ नेओ ॥३०१४॥  
 अहवा खाइरखंभं सोसयखंभं व निव्वणं सरलं । बारसरयणिपमाणं सतिहाए दोन्नि हत्थे उ ॥३०१५॥  
 परिणाहेणं कलियं चउरो हत्थे महीयलनिहित्तं । जो भिदइ उक्खणिउं पाडइ वा सो बलप्पवरो ॥३०१६॥  
 तं चिय सड्ढतिहत्थं भूमिगयं उवरिदुग्गुणदीहत्तं । दो हत्थदोन्निअंगुलपरिणद्धं जो करीखंभं ॥३०१७॥  
 भिदइ उक्खणिऊणं खिवइ व सिग्घं पि मज्झिमबलो सो । तं पि ति हत्थनिहित्तं भूमीए उवरि दुग्गुणं तु ॥३०१८॥  
 पढमुत्तपमाणाओ थूलं अद्धेण जो तहा कुणइ । सो कुंजरो बुहेहिं जहन्नबलसंजुओ नेओ ॥३०१९॥  
 इन्दि कहेमि सत्तं तं हिययअदीणया सरूवं तु । एयं परिक्खियव्वं करिणो इमिणा विहाणेण ॥३०२०॥  
 उवलेहिं इट्ठयाहिं व विणिम्मियं फलयलोहवणबद्धं । कारेऊणं थडयं दढं ति हत्थूसियं लट्ठुं ॥३०२१॥  
 वित्थारेण छ हत्थं चोदसहत्थाययं विहियपरिहं । सरवायदुगं सोहियभूमियलं सब्ब पासेसु ॥३०२२॥  
 तस्स थडयस्स उभओ पासेसु निवेसिऊण करिजुयलं । कारियवरसिगारं समत्थआरोहयसणाहं ॥३०२३॥  
 ढोइज्जइ अन्नोन्नं जुज्ज कए तत्थ दंतखयदेहो । वेयणमसरिसमुप्पज्जमाणमवगन्निऊणं पि ॥३०२४॥  
 करदंतनिवाएहिं थडयं जो भंजिउं समीहंतो । पडिक्कुंजरं निहंतुं सरइ पुरो नो अवक्कमइ ॥३०२५॥  
 घाएसु पडंतोसु वि पडिघायं चैव कुणइ पुण रुत्तं । गलगज्जिरवाऊरियदियंतभाओ पयत्तेण ॥३०२६॥  
 महया विणियत्तिज्जइ तओ पएसओ कुंजरो किर जो । एसो उत्तमसत्तो नेओ करिलक्खणन्नूहि ॥३०२७॥  
 चउरंगबलसमुहं दुद्धरवरकरिघडा महाभीमं । सम्मुहमुवसप्पंतं जवेण कयकलयलारावं ॥३०२८॥  
 दट्ठुण अभिमुहो धाविऊण वेगेण रोसरत्तच्छो । पडिक्कुंजरकयदिट्ठी जो भिदइ सो वि गुरुसत्तो ॥३०२९॥  
 सट्ठूलसीहपमुहं सत्तं संतासवज्जिओ जो उ । हत्थी गयं च कयगं भिदइ तस्सुत्तमं सत्तं ॥३०३०॥  
 पजलंतं जलजगाला जालसमुट्ठंतसहअत्तत्थो । वियरइ वणम्मि जो सो वि उत्तमो होइ सत्तेण ॥३०३१॥  
 परिसंकंतो आरोहएण जो तिज्जए पुण हडेण । संकुयमाणो दीणो जायंतो मंदमंदयरो ॥३०३२॥  
 अवलोयइ पासाइं चिक्ककाररवं पुणो पुणो कुणइ । दीणेहिं लोयणेहिं पासइ पडिक्कुंजराभिमुहं ॥३०३३॥  
 हयजोहरहत्थमूहं पडिवज्जइ पावगं व पजलंतं । एसो अहमो हत्थी न होइ संगामजोगो ति ॥३०३४॥  
 एसो पुण वणहत्थी उत्तमबलवेगसत्तसंजुत्तो । अइवेगधावियस्स वि मज्झ वणे एस करी ॥३०३५॥  
 पट्ठीए आगतं लहमिलिओ तेण नज्जए वेगो । जं पुण इमस्स समुहो होऊण अहं खणे तम्मि ॥३०३६॥  
 गयणे उप्पइऊणं पडिओ एयस्स पट्ठिभायम्मि । तत्तो वि उप्पएउं भूमी एगओ सिलाउवरि ॥३०३७॥  
 मह पयभारक्कंता अणेग खंडाइं सा सिला जाया । पयघायमगणिउं मे पुण वलिउं धाविओ एसो ॥३०३८॥  
 हत्थीवेगेणं चिय पट्ठीए मज्झ तेण नज्जंति । बलसत्ताइं दोन्नि वि तत्थ बलं नज्जए एवं ॥३०३९॥  
 जं दूरनहत्थलाओ निवडियदढपायघायपीडाए । भूमीए न निवन्नो थेवं नमिउं तहेव ठिओ ॥३०४०॥  
 सत्तं एयस्स पुणो नज्जइ एवं पथाभिघाएण । बिहुरी कओ वि जमिमो पहाविओ मज्झ पट्ठीए ॥३०४१॥  
 अन्नयरपथारेहिं व बलसत्ताइं इमस्स नज्जंति । जं पुच्छे धरिऊणं पच्छा हुत्तो मए एसो ॥३०४२॥

आयडिहो पयत्तेण तह वि चलिओ न एस ठाणाओ । एएण देहसामत्थमुत्तमं नज्जइ इमस्स ॥३०४३॥  
 तह पाणिघायधावणविणियत्तणचक्कभमणपभिईहि । आरोहणावरोहणमाईहि मए समं नीओ ॥३०४४॥  
 तो मइखंधारूढे मग्गे मंगलउरस्स जा एइ । सणियं सणियं खिन्नत्तणेण ता दिट्ठमेएण ॥३०४५॥  
 सम्मुहमागच्छंतं मम सेन्नं तक्खणे वि तो एसो । उक्कन्नो संजाओ तं ह्णिउमणो पलोयंतो ॥३०४६॥  
 किर धाविस्सइ सहसा तयभिमुहो ताव डंगिएहि मए । नाऊण करयलप्फालणेण तह कोमलगिराहि ॥३०४७॥  
 पडिसिद्धो पयईए ठिओ तओ सरवरम्मि पक्खित्तो । विणियत्तंतो तत्तो जलकरिणा पच्छिमपएसे ॥३०४८॥  
 पडो करेण परिवत्तिऊण एएण दंतमुसलोहि । विद्धो सो जलहत्थो नट्ठो परओ पविट्ठो य ॥३०४९॥  
 गंभीरयरे सलिले पट्ठीए तस्स एस वच्चंतो । महया किच्छेण मए नियत्तिऊणं बहिं नीओ ॥३०५०॥  
 एएहि चेट्ठिएहि नज्जइ एयस्स उत्तमं सत्तं । ता सव्वहा वि एसो सव्वेहि गुणेहि पडिपुत्रो ॥३०५१॥  
 एवं कहिऊण ठियं पुच्छइ आरोहओ निवकुमारं । जइ गिज्झइ मोत्तलेणं इमो करी कि तओ लहइ ॥३०५२॥  
 अह कुमरो हेडाउयपुरिसे पुच्छेइ कहह करिमोत्तलं । जंपंति ते वि एवं अम्हे एयस्स हत्थिस्स ॥३०५३॥  
 मुल्लं नो जाणामो जेण न अम्हेहि एरिसो हत्थो । कीओ दिट्ठो निसुओ कया वि कत्थइ सजम्मम्मि ॥३०५४॥  
 एवं पुण जाणामो नियबुद्धीए जहेरिसो हत्थो । कंचणकोडीए वि हु लब्धंतो मुच्चए नेय ॥३०५५॥  
 अन्नेहि तओ भणियं पुन्नममुल्लं जमत्थि कुमरस्स । तेणेस समाणीओ तो मुल्लमिमस्स कह होइ ॥३०५६॥  
 पउंतारेणं भणियं कुमर ! इमो गंधसिधुरो नूणं । अन्ने करिणो एयस्स हेट्ठवासे न जंति जओ ॥३०५७॥  
 एवं कुव्वंताण वि कुमरप्पमुहाण तत्थ करिविसए । नाणाविहमालावं संठियगा झत्ति संपत्ता ॥३०५८॥  
 विस्सउराओ सिरिविस्सकंतपुहइसरेण पट्टविया । नमिउं कुमरकरे ते रायाएसं समप्पंति ॥३०५९॥  
 मुहवयणेण कहंति य जह तुब्भे विस्सकंतनरनाहो । हक्कारइ सिग्घयरं विस्सउरे नियसमीवम्मि ॥३०६०॥  
 कुमरेण वाइऊणं रायाएसं सयं समग्गाण । पुरओ निवेइयमिणं पासनिविट्ठाण नियथाण ॥३०६१॥  
 दोवारिएहि कहियं जं मुहवयणेण एत्थ वि तमेव । रायाएसे लिहियं समागयं अम्ह आवणं ॥३०६२॥  
 एय भणिऊणं कुमरो नियपरियणमाइसेइ संवहिउं । ठावेइ लच्छिवद्वणनामं अह वणगईदस्स ॥३०६३॥  
 बीयम्मि दिणे सो लच्छिवद्वणं सिधुरं समारुहिउं । सिग्घं वच्चइ विस्सउरसम्मुहं गुरुपथाणेहि ॥३०६४॥  
 कइवयदिणेहि पत्तो कुबेरदत्तो पुरम्मि विस्सउरे । पणमइ पिउणो पयपंकथाइं परमाए पीईए ॥३०६५॥  
 पिउणा कुबेरदत्तो गाढं आलिगिऊण इय भणिओ । वच्छ ! तुमं मह जाओ गिहत्थ-धम्मोवधारकरो ॥३०६६॥  
 जह पुव्वं तह संपइ होसु सहाओ सुत्ताहु धम्मम्मि । नियभुयखंभे आरोविऊण सयलं पि रज्जभरं ॥३०६७॥  
 अह सो कुबेरदत्तो रायकुमारो सिरम्मि संघडिउं । ककमलजुयं विल्लवइ एरिसं निययजणयस्स ॥३०६८॥  
 देव ! मह एत्तिय च्चिय इच्छा जह तुम्ह पायपउमाणं । आणं कुणमाणो निच्चमेव चिट्ठामि नियडत्थो ॥३०६९॥  
 कित्तु सिवसोक्खसहायचरित्तधम्ममि उज्जमंतणं । तुम्हाणमंतं रायं करेमि कहं संपयं तत्तो ॥३०७०॥  
 कुणह सकज्जं तुब्भे तुम्हाएसो पमाणमम्हाण । इय विन्नत्तो राया कुबेरदत्तेण कुमरेण ॥३०७१॥  
 हक्कारिऊण गणए हरिसविसप्पंतपुलयकलियंगो । रज्जाहिसेयदियहं कुबेरदत्तस्स पुच्छेइ ॥३०७२॥  
 तइयम्मि दिणे दियहो पभायसमयम्मि तेहि परिकहिओ । राया पवणीकारइ सव्वं अहिसेयसामग्गि ॥३०७३॥  
 पणजोयणववहणे ठियाण सिरिविमलजहमुणिदाण । हक्कारणकज्जेणं पेसइ पुरिसे पयत्तेण ॥३०७४॥  
 जायम्मि तइयदियहे कुबेरदत्तस्स कारए राया । पढमं चिय रज्जपए महाविभूईए अहिसेयं ॥३०७५॥



अह सो कुबेरदत्तो पणओ सामंतमंतिपमुहेहि । जाओ महानरिदो जसभरियसमग्गभुवणयलो ॥३०७६॥  
 कारइ समग्गजिणमंदिरेसु पूयाओ देइ दाणाइं । मोयावइ गुत्तीओ सम्माणइ माणणिज्जजणं ॥३०७७॥  
 पेसियपूरिसेहिं तओ आगंतुं विस्सकंतनरवइणो । कहियं सिरिविमलजसो सूरि एत्थागओ इन्दि ॥३०७८॥  
 अह विस्सकंतरत्ता ते पुरिसा पेसिया समीवम्मि । रत्तो कुबेरदत्तस्स अक्खिउं सूरि आगमणं ॥३०७९॥  
 तेण वि तं सोऊणं तक्कालं चिय समग्गसामग्गी । पिउणो निक्खमणकए कारविया सव्वसत्तीए ॥३०८०॥  
 सिवियाए आरुहिउं निग्गच्छइ विस्सकंतनरनाहो । रत्ता कुबेरदत्तेणग्गमग्गएण भूईए ॥३०८१॥  
 गंतूणं उज्जाणे सिरिविमलजसस्स सूरिणो पासे । गिन्हइ दिक्खं अड्ढाइज्जसएहिं सह नराणं ॥३०८२॥  
 तेसि मज्जे मंती सुबुद्धिनामो वि गिन्हए दिक्खं । सूरिो वि साहूकियं सव्वं सिक्खवइ ते सव्वे । ॥३०८३॥  
 राया कुबेरदत्तो सह अहिणवदिक्खिएहिं साहूहि । नमिऊण सपरिवारं सूरि वच्चइ सठाणम्मि ॥३०८४॥  
 ठाऊण कइवधदिणे कुबेरदत्तेण पुहइनाहेण । वंदिज्जंतो सूरिो सपरियणो वच्चइ विहारे ॥३०८५॥  
 साहू वि विस्सकंतो बारसअंगाइं पढइ सयलाइं । ठाविज्जइ नियगुरुणा आयरियपयम्मि दाऊण ॥३०८६॥  
 सह दिक्खियसाहुगणं परिवारं सो तओ नियगुरुस्स । आणाए विहरंतो विस्सउरे एइ बहुवारं ॥३०८७॥  
 तत्थ य कुबेरदत्तावणीयापमुहतयरलोयाणं । नियदेसणाए जिणवरधम्मम्मि समुज्जमं जणइ ॥३०८८॥  
 राया वि पट्टबंधं कारावइ लच्छिवद्धणकरिस्स । मंगलउरम्मि पुरिसे संपेसइ बुद्धिधणपासे ॥३०८९॥  
 तस्साहवणकए अह सुत्थं काऊण सयलदेसम्मि । आगच्छइ बुद्धिधणो कुबेरदत्तस्स पासम्मि ॥३०९०॥  
 तं ठावइ मंतिपए कुबेरदत्तो नरेसरो नियए । हक्कारयाइं पेसइ सव्वेसि सेवयनिवाण ॥३०९१॥  
 ते वि समागंतूणं हरि-करि-रहमाइएहिं मंगलियं । कुव्वंति तस्स रत्तो कुबेरदत्तस्स भत्तीए ॥३०९२॥  
 खसपरबलसीहाण वि हु नरवइणो दो वि निययदेसाओ । आगंतुं मंगलियं कुणंति अहिणवनरिदस्स ॥३०९३॥  
 खसपरबलसीहाण वि विजए तस्सा-सि पोरिसं पयडं । जं पुण एक्कगेण वि आणीओ वणकरी मत्तो ॥३०९४॥  
 तं सोऊणं सव्वे अत्ते विहु संकिया महीवइणो । पेसंति पाहुडाइं पसायणत्थं सया तस्स ॥३०९५॥  
 ह्यवईओ तह कन्नयाओ पेसंति भूसियंगीओ । जायाइं तस्स एवं तिनिसयाइं कलत्ताणं ॥३०९६॥  
 तेहिं समं विसयसुहं अणुहवमाणो सुरो व्व सुरलोए । पुव्वज्जियसुहकम्मो गमेइ कालं कयाणंदो ॥३०९७॥  
 गामे वा नगरे वा जत्थ न जिणमंदिरं पुरा अत्थि । ठाण्णेषु तेषु सव्वेषु कारए चेइयहराईं ॥३०९८॥  
 रहजत्ताउ पवत्तइ विसिद्धअट्टाहिधाउ कारेइ । पूएइ साहुवग्गं सम्माणइ सावयजणं च ॥३०९९॥  
 इय विष्फुरियपयावस्स तस्स रज्जं पक्षाहमाणस्स । समइक्कंताइं तओ अणेगलक्खाइं पुव्वाणं ॥३१००॥  
 अंतोउरपहाणादेवी अह मयणसुंदरी तस्स । अन्नसमयम्मि पेच्छइ अमरं सुमिणेषु वेसधरं ॥३१०१॥  
 तं पासिउं पबुद्धा कहइ पभायम्मि सा नरिदस्स । सो सुमिणषाढयाणं ते वि हु परिभाविऊणफलं ॥३१०२॥  
 तस्स पक्कंति पुत्तं भविस्समवणीसरं गुरुपयावं । राया वि पूइऊणं हिट्टमणो ते विसज्जेइ ॥३१०३॥  
 गंतूण तओ साहइ सुमिणफलं मयणसुंदरी एसो । सोऊण सा वि हियए परिट्टुदा वइइ तं गब्भं ॥३१०४॥  
 पडिपुत्तवासरेहिं पसवइ पुत्तं मुलक्खणं एसा । रायाणं वद्धावइ आगंतूणं पियंवइया ॥३१०५॥  
 राया वि देइ तीसे अइवहुयं पारिओसियं दाणं । वद्धावणयं कारइ तओ समग्गम्मि देसम्मि ॥३१०६॥  
 बारसमदिणे नामं ठावइ पुत्तस्स अमरदत्तो त्ति । पंचहिं धाईहिं जुओ मुहेण सो वड्डए तत्थ ॥३१०७॥  
 परिवड्डंतो कमसो कलाण सव्वाण पारगो होइ । जोव्वणभरं पवन्नो कन्नाओ महानरिदाणं ॥३१०८॥

परिणाविज्जइ रत्ता विविह्विलासे य कुणइ ताहिं समं । तं रज्जभरसमत्थं नाऊण कुबेरदत्तनिवो ॥३१०९॥  
चित्तइ जइ इह समए भयवं सिरिविस्सकंतमुणिनाहो । विस्सउरे देइ एए तो हं साहेमि नियमटं ॥३११०॥  
अन्नम्मि दिणे उज्जणपालपुरिसेण सो समागतं । वद्धाविओ कहेउं पिउणो सूरिस्स आगमणं ॥३१११॥  
तव्वयणसवणसमकालमेवसित्तो व्व अमयवुट्ठीए । जाओ कुबेरदत्तो राया तव्वदणनिमित्तं ॥३११२॥  
संवहिउं जाइ तओ उज्जाणे वंदए मुणिदस्स । पायारविदज्जलं पुहईयलमिलियपंचंगो ॥३११३॥  
सोऊण तस्स देसणममयरसासारसरिसमुहजणयं । संविग्गमणो मउलियकरकमलो विन्नवइ सूरि ॥३११४॥  
जह पहु तुब्भेहिं अहं पुहई रज्जे निवेसिओ पुक्वं । संजमरज्जम्मि तहा ठवेह मं संपयं इत्ति ॥३११५॥  
तुह पयकमलेहिं समं विरहो एत्ति य दिणे मए सहिओ । पसिऊण सपायासन्न-सेवयं कुणहं मं इहिं ॥३११६॥  
अह भणइ निवं सूरो संपइ तुह संगयं वयरगहणं । रज्जभरुव्वहणखमे जाए पुत्ते अमरदत्ते ॥३११७॥  
नियसोसनिहियहत्थो महापसाओ स्ति जंपिउं राया । सूरि नम्मिऊण तओ गंतूणं निययपासाए ॥३११८॥  
महथा विच्छेदुणं रज्जे अहिंसिचए अमरदत्तं । अह तं अणजाणावइ दिक्खागहणम्मि अप्पाणं ॥३११९॥  
तो अमरदत्तराया कुबेरदत्तस्स कारए रत्तो । निक्खमणमहामहिंमं निम्मावइ उत्तमं सिवियं ॥३१२०॥  
कारेइ जिणहरेसुं पूयाओ पवरवत्थकुमुमेहिं । पडिलाभइ मुणिवग्गं आहारार्हीहिं मुद्धेहिं ॥३१२१॥  
सम्माणइ साहम्मियजणं समग्गं पि परमपीईए । दीणाणाहार्हणं जहिच्छियं दावए दाणं ॥३१२२॥  
पिउणो निक्खमणमहाहिसेयमुट्टवइ रयणकलसेहिं । अह तं कारेऊणं सिगारं मणहरागारं ॥३१२३॥  
आरोहइ सिवियाए उवरिधरिज्जंतधवलछत्तेणं । चमरेहिं ढलतेहिं मयंककरजालविमलेहिं ॥३१२४॥  
पुरओ पेच्छणएणं जणमणहरणेण कीरमाणेण । सवणसुहदायणेण गिज्जंतेणं च गेएण ॥३१२५॥  
वेयालियकयकोलाहलेण वज्जंततूरनिवहेण । हय-गय-रहजोहेहिं चउर्दिस विहियवेदणे ॥३१२६॥  
सिविया पच्छिमभाए गच्छंतेणं च अमरदत्तेण । भूवेण लच्छिवद्धणगइंदखंधाहिरूदणे ॥३१२७॥  
पुरिसाण सहस्सेणं उक्खित्तं सिवियमहसमारूढो । राया कुबेरदत्तो वच्चइ अइगुरुविभूईए ॥३१२८॥  
नयरवहिं उज्जाणे तीसे अवरोहिऊण सिवियाए । तिपयाहिणीं करेउं वंदइ मुणिपुंगवं तत्तो ॥३१२९॥  
एगदिसाए होउं मोत्तूणं सब्बमेवलंकारं । पंचहिं मुट्ठीहिं तओ लोयं काऊण सयमेव ॥३१३०॥  
आगतं विस्सकंतस्स सूरिणो चरणकमलपासम्मि । विन्नवइ जहा भयवं ! दिक्खं मे देह सयमेव ॥३१३१॥  
पंचनमोक्कारसमुच्चारणपुक्वं गुरु वि सामइयं । आरोवइ तस्स सयं जईण किरियं च सिक्खवइ ॥३१३२॥  
अह सो कुबेरदत्तो संजाओ परमसंजओ एवं । अत्ते वि तेण सद्धिं पंचसया बुद्धिधणपमुहा ॥३१३३॥  
पव्वज्जं पडिवन्ना तत्तो सिरिविस्सकंतमुणिनाहो । पव्वज्जा माहप्पं वन्नइ नीसेसदुहदलणं ॥३१३४॥  
तह तीसे दुलहत्तं तं सोउं अमरदत्तनिवपमुहा । जइ धम्मम्मि असत्ता धम्मं पुच्छंति गिहिजोग्गं ॥३१३५॥  
सूरो वि कहइ तेसि अगारिधम्मं सवित्थरं ते वि गिहिधम्मं पडिवन्ना निम्मलसम्मत्तसंजुत्तं ॥३१३६॥  
अह वंदिऊण सूरि सपरियणं अमरदत्तनरनाहो । नियमंदिरम्मि वच्चइ समग्गनियसेत्तपरियरियरिओ ॥३१३७॥  
वंदिज्जंतो निवअमरदत्तपमुहेण नयरलोएण । सूरि वि कइवयदिणे ठाऊणं तम्मि नयरम्मि ॥३१३८॥  
मंगलउरम्मि वच्चइ निज्जामइ तत्थ विमलजससूरि । सो वि कयउत्तमट्ठो पज्जंते जाइ नेव्वाणं ॥३१३९॥  
साह कुबेरदत्तो विहरंतो नियगुरूहिं सहभुवणे । अंगाइं समगाइं वि करेइ कंठोट्टुमुक्काइं ॥३१४०॥  
अह सो कुबेरसाहू समग्गसुयसागरस्स पारगओ । सूरिपए ठविऊणं सह दिक्खियसाहुपंचसए ॥३१४१॥

परिवारे दाऊणं अणुनाओ महियलम्मि विहरेइ । पइगामं पइनगरं पडिबोहंतो भवियल्लोयं ॥३१४२॥  
 सिग्गिस्सकंतसूरी पुव्वाणमणेगसयसहस्साइं । परियायं पालेउं सिज्जइ धुयसव्वकम्मंसो ॥३१४३॥  
 सूरी कुबेरदत्तो मुट्टरं महिभंडलम्मि विहरेउं । पडिबोहं काऊणं बहुयाणं भवियसत्ताणं ॥३१४४॥  
 तह साहु-साहुणीणं दिक्खेऊणं अनेगसहसाइं । पव्वज्जापरियायं पालेऊणं चिरंकालं ॥३१४५॥  
 ठविऊणं नियठाणे रायरिसि कं पि सयलगुणजुत्तं । पज्जंते संलिहिउं मासं काउं अणसणं च ॥३१४६॥  
 मरिउं समाहिजुत्तो सणकुमारम्मि देवलोगम्मि । उक्कोसठिई जाओ सुरिदसामाणिओ देवो ॥३१४७॥  
 सो तत्थ पुत्तसमुदयसमज्जिउं सुरविमाणचररिद्धि । अणुहवमाणो कालं गमेइ सुहसायरनिमग्गो ॥३१४८॥

॥इयं सिग्गिमुणिसुव्वयजिणिदचरिए सिग्गिसिग्गिचंदसूरिविरइए तइयं चउत्थं च भवग्गहणं समत्तं ॥

पंचमो वज्जकुंडलकुमारभवो ।

तइओ तहा चउत्थो सिग्गिमुणिसुव्वयजिणिदचरियम्मि । कहिओ मए भवो पंचमं तु इन्हि पवक्खामि ॥३१४९॥  
 एयम्मि जंबुदीवे अवरविदेहम्मि भद्दसालस्स । पच्छिमओ पुव्वेणं वक्खारगिरिस्स देवस्स ॥३१५०॥  
 सीओया उत्तरओ दाहिणओ नीलवंतसेलस्स । गंधावइ त्ति नामेण अत्थि विजयं जयपसिद्धं ॥३१५१॥  
 सोगंधिओत्ति नामं विजए एयम्मि विज्जए देसो । मेइणिवलयपसिद्धो धणेण धन्नेण य समिद्धो ॥३१५२॥  
 बहुसुग्गिहकयदेहो अबलाणं पिउयरयणधणकलिओ । वरविसयगामरम्मो सोहइ जो तरुणपुरिसो व्व ॥३१५३॥  
 तत्थत्थि सुवित्थिन्नं नामेणं गंधमायणं नगरं । ईसरपासायपरंपराहि सोहंतदलनिवहं ॥३१५४॥  
 अंवरयलचुंभिरदेवमंदिरेहि समूसियधएहि । उल्लसिरसारकेसरसिरीए संगीभिरमणिज्जं ॥३१५५॥  
 कुंकुम-कप्पूरागुरुचंदण-कत्थूरिया सरिच्छेहि । कयविककयसं कामिज्जमाणबहुसुरहिदव्वेहि ॥३१५६॥  
 उच्छलियबहलपरिमलमणवरयरणंतवेणुवीणाहि । गुजंतमहरमहुरझंकारविरावमणहरणं ॥३१५७॥  
 उत्तुंगधवलपायारसिहरविज्जाहरीण पंतीहि । विलसंतबाहिरदलं लच्छीलीला निवासं च ॥३१५८॥  
 पुहईविमालसरवरविहूसणं जडपसंगपरिमुक्कं । जं सोहइ हसियसहस्सवत्तासमविबभमं भुवणे ॥३१५९॥

॥ छहि गाहाहि कुलयं ॥

जेण पयावो पडिवक्खपक्खपुहईसराण समरेसु । नियकरवालजलेणं पसमं संपाविओ ज्जत्ति ॥३१६०॥  
 पणमंतअणेयनरिदरुंदमाणिककमउडकिरणेहि । जस्स पयासिज्जइ पोरिसस्स पसरो सथावसरे ॥३१६१॥  
 सो वज्जनाहिचक्की तं पालइ पलयनीयपडिवक्खो । तस्संतेउरपवरा भज्जासि सुहावई नाम ॥३१६२॥  
 नामाणुरुवचरियादंसणचंकमणवयणमाईहि । सब्बेसि पि जणाणं मणाइं जं सा सुहावेइं ॥३१६३॥  
 निय भत्तुणा समाणं विसयसुहं तीए अणुहवंतीए । अन्न-समथम्मिं सुमिणे सथणिज्ज-गयाए रयणीए ॥३१६४॥  
 दिट्ठिपहं पडिवन्नो पुरंदरो चंदधवलवरवत्थो । नाणारयणविहूसणविसेसभासुरियसव्वंगो ॥३१६५॥  
 वामे एक्कम्मि करे कलयंतो वज्जमुज्जलजुइत्तलं । ब्रीएण समप्पंतो करेण मणिकुंडलंसकरे ॥३१६६॥

रविमंडल-समतेयं विरयंतं अंधयारविद्धंसं । जंपंतो गिन्ह इमं होही एक्कं पि तुह एयं ॥३१६७॥  
 अइसयसोहा हेउं एयस्स पहावओ असेसं पि । सेयं संपज्जिस्सइ अन्नं पि न संसओ एत्थ ॥३१६८॥  
 तम्मि नियहत्थपत्ते पडिबुद्धा सा कहेइ गंतूण । पासम्मि भत्तुणो वज्जनाहिणो चक्कवट्टिस्स ॥३१६९॥  
 साहेइ सो वि तुह देविनंदणो को वि सुंदरो होही । जो वड्ढंतो कमसो मं च तुमं निव्वयं काही ॥३१७०॥  
 जम्हा कल्लाणपरंपराए अच्चंतकारणं एसो । देवि सुमिणो मणुन्नो तुमए निज्जाइओ अज्ज ॥३१७१॥  
 एवं चिय होउ इमं देवगुरुणं पसायओ देव । इय पभणंती देवी बंधइ वत्थंचले गंठि ॥३१७२॥  
 सुमिणं पमंसिऊणं पुणो पुणो वज्जनाहिणा रत्ता । देवी विसज्जिया वासमंदिरं निययमणुपत्ता ॥३१७३॥  
 चित्तंती पुणरुत्तं सुमिणत्थं चक्कवट्टिणा कहियं । देवी सुहावई निय मणम्मि गरुयं वहइ हरिसं ॥३१७४॥  
 अह सो कुबेरदत्तो देवो चविउं सणकुमाराउ । कप्पाओ उप्पन्नो तीसे देवीए गब्भम्मि ॥३१७५॥  
 अह सा सुहेण गब्भं वहमाणी पुत्तडोहलादेवी । पडिपुत्तेसु दिणेसुं पसवइ पुत्तं कमलनेत्तं ॥३१७६॥  
 जाए व वज्जनाहीराया वद्धाविओ समागतुं । कलहंसी नामाए दासीए पुत्तजम्मेण ॥३१७७॥  
 पीऊसवरिससरिसं सवणेसु सुहं समप्पयंतीए । तीसेसम्मि वि देहे उप्पाइयबहलपुलयाए ॥३१७८॥  
 आसत्तमकुलदालिहृदंतिनिहलणपच्चलं तीसे । वियरइ दाणं पंचाणणं व सनिवो तओ इत्ति ॥३१७९॥  
 कारइ वद्धावणयं गरुयविभूईए सयलनयरम्मि । दहदियंहाइं नरिंदो बारसमे वासरे पत्ते ॥३१८०॥  
 पुत्तस्स वज्जकुंडलनामं सुमिणाणुसारओ कुणइ । अह सो सुहेण वड्ढइ पंचहिं धाईहिं हरियरिओ ॥३१८१॥  
 तो अट्टम्मि वासे पासम्मि समप्पिओ कलागुरुणो । बावत्तरि पि गिन्हइ कलाओ लेहाइपयाओ लहं ॥३१८२॥  
 अह सो जोव्वणपत्तो अणेयराईसराण तणएहिं । सेविज्जंतो उज्जाणकाणणार्ईसु परिभमइ ॥३१८३॥  
 जणणीए जणयस्स य इयरजणाणं च नयणपहपत्तो । अमयरसेण व तेसिं सिचंतो सव्वगत्ताइं ॥३१८४॥  
 जणयाणं समणोवासयाण संगेण तस्स संजाया । जिणधम्मे पडिबत्ती पुव्वभवव्भासओ य तहा ॥३१८५॥  
 पूएइ जिणप्पडिमं घरम्मि चेइयहरम्मि तह गंतुं । वंदेइ जइ जणं सुणइ देसणं परमसद्धाए ॥३१८६॥  
 कामरइ पमट्टाणं रुयवईणं नरिंदकन्नाणं । पंचसए परिणावइ तं जणओ वज्जनाहिनिवो । ३१८७॥  
 तस्स कए पासायं कारइ सिरिवज्जनाहिचक्कवई । पंचहिं पासायसएहिं संजुयं तुंगरमणिज्जं ॥३१८८॥  
 तत्थ ठिओ सो कुमरो ताहिं समं अप्पणो पणइणीहिं । भुंजइ विउले भोए पुव्वज्जियमुक्कयसंजणिए । ३१८९॥  
 अह वज्जनाहिचक्की ठवेइ तं वज्जकुंडलकुमारं । जुवरायत्ते समयंतरम्मि दाऊण वहुदेसं ॥३१९०॥  
 मइसागरो त्ति मंती चिट्ठइ सिरिवज्जनाहिचक्कस्स । मंत्तिस्स तस्स तणओ नामेणं मइनिहाणो त्ति ॥३१९१॥  
 सो वज्जकुंडलेणं नियमंडलचित्तगो समाइट्ठो । इट्ठवयंसो विस्संभठाणमाबालकालाओ ॥३१९२॥  
 अन्नसमयम्मि सिरिचक्कवहित्थणयस्स सभवणगयस्स । पत्तोदारम्मि नरिंदनंदणो वीरसेणो त्ति ॥३१९३॥  
 आपुच्छिऊण कुमरं पडिहारेणं पवेसिओ मज्जे । एसो दूराओ च्चिय पणओ पाएसु कुमरस्स ॥३१९४॥  
 पट्ठीए दिन्नहत्थो कुमरेणं दिट्ठिंदसियम्मि तओ । सो आसणे निसन्नो पुट्ठो य पओयणं कहइ ॥३१९५॥  
 कुमरपयसेवणं चिय कुमरो पडिहारमाइसइ तत्तो । कारेयव्वो सेवं मज्ज तए एस निच्चं पि ॥३१९६॥  
 कुमरेण पुणो पुट्ठो देसाउ कुओ समागओ तं सि । तो भणइ वीरसेणो एगंतो विन्नवेयव्वं ॥३१९७॥  
 अह चक्कवट्टिपासे संवहिउं वज्जकुंडलो कुमरो । सेवाकज्जम्मि गओ पुणो नियत्तो मुहुत्तंते ॥३१९८॥  
 रायसुयवीरसेणो रायउले वज्जकुंडलेण समं । पगओ समागओ तह कुमरेण विस्सज्जिओ अह सो ॥३१९९॥

नमिऊण नियावासे चलिओ कुमरस्स वयणओ तत्तो । पडिहारेण सपुरिसं पेसेउं पुच्छिओ एवं ॥३२००॥  
 दुपएहि चउपएहि य सह तुम्हं केत्तिओ य परिवारो । वड्डपुरिसेण भणियं माह्वराएण तो तस्स ॥३२०१॥  
 तीसं आसा वीसं करहा गोणा तहेव पन्नासं । साउहपुरिसाण सए दो कम्मयराण सयमेगं ॥३२०२॥  
 पडिहारपेसिएणं पुरिसेणं एरिसं तओ भणियं । सव्वस्स इमस्स कए गेन्हह कणचोण्डं तुब्भे ॥३२०३॥  
 कोट्टागारे गंतुं जुगवं चिय एककमेकमासस्स । उचियं महाखले तह गिन्हह खडकडवमाईयं ॥३२०४॥  
 माह्वराएण तओ पलोइयं वीरसेण मुहसम्महुं । तेण भणियं पसाओ समए सयमेव मग्गिस्सं । ॥३२०५॥  
 इय वीरसेण वयणं तेणागंतूण पेसिय नरेण । पडिहारस्स निवेइयमेसो वि कहेइ कुमरस्स ॥३२०६॥  
 आयत्तिऊण कुमरो तं वयणं नियमणम्मि धारेउं । तुन्हिक्को होऊणं सकम्मनिरओ हवइ पच्छा ॥३२०७॥  
 रायसुयवीरसेणस्स वज्जकुंडलकुमारपयसेवं । इय कुणमाणस्स पभूयवासरा तत्थ अइकंता ॥३२०८॥  
 अन्नम्मि दिणे सो वीरसेणनामो नरिदअंगरुहो । गंतूण नियत्तो वज्जकुंडलकुमारसेवाए ॥३२०९॥  
 हट्टनिविट्ठो चिट्ठइ तस्सासो तोयपायणनिमित्तं । पल्लाणिणएण नीओ अज्ज वि नो एइ तत्थ खणे ॥३२१०॥  
 बहुआसवारसहिओ नीहरिओ वज्जकुंडलकुमारो । हट्टस्स समीवेणं वच्चंतो पेक्खिओ तेण ॥३२११॥  
 कुमरस्स वि तम्मि गया दिट्ठी तो ज्जत्ति उट्ठिओ एसो । पयचारेण वि चलिओ पुरो ठिओ कुमरदिट्ठीए ॥३२१२॥  
 अह तं जा पडिसेहइ कुमरो ता पाइऊण पाणीयं । पल्लाणिणएण तुरओ आणेउं अप्पिओ तस्स ॥३२१३॥  
 वग्गा गहिओ पयचारिएण धावंतएण तम्मि तओ । वेएण वीरसेणो आरुहो धावमाणो वि ॥३२१४॥  
 दिट्ठो य आरुहंतो कुमरेणं वज्जकुंडलेणासो । चित्तम्मि चमक्कारो संजाओ तस्स तो ज्जत्ति ॥३२१५॥  
 पल्लाणिथस्स हत्थे पम्हसिया चम्मलट्टिया आसि । जा तेण सा पक्खित्ता तयभिमूही महियले पडिया ॥३२१६॥  
 वेयपहावियतुरयं अधरं तेणेव तेण सा गहिया । नमिऊण महियलाओ पलोइयं तं पि कुमरेण ॥३२१७॥  
 तो सविसेसं जाओ तस्स मणे विम्हओ कुमारस्स । गंतूण तओ पुरओ उज्जाणतरूण छायाए ॥३२१८॥  
 वीसंतो खणमेगं आसगओ वज्जकुंडलकुमारो । आइसइ सेल्लहत्थे आसारोहे तओ एवं ॥३२१९॥  
 एककेक्केण तुब्भे सेल्लाई खिवह रुक्खसमुहाइं । कस्स व केत्तियदूरे सेल्लं वच्चइ व खुप्पइ वा ॥३२२०॥  
 जेणेवं जाणिज्जइ तो तेहिं कयं तहेव सव्वेहिं । थेवंतरियाइं आरओ य परओ रुक्खेसु ॥३२२१॥  
 खुत्ताइं सेल्लाईं दुत्ति-चउ-पंचंगुलप्पमाणाइं । तो वीरसेणवयणं निरिक्खियं चक्किरणएण ॥३२२२॥  
 उत्तरिऊणं तुरयाउ तेण तो खित्तमुक्खिवेऊणं । सेल्लं दुगुणं भूमि गयमत्तेसि समीवाओ ॥३२२३॥  
 चिच्चिणितस्स खंधं भेतुणं निग्गयं समग्गं पि । सेल्लस्स फलं दंडो पुण खंधंभंतरम्मि ठिओ ॥३२२४॥  
 तं दट्टूण कुमारो विससविम्हइयमाणसो जाओ । पुच्छइ य वीरसेणं कम्हा तुमए तुरंगाओ ॥३२२५॥  
 उत्तरिऊणं खित्तं सेल्लं किं हयठिएण न पमुक्कं । तो भणइ वीरसेणो मह थामं न सहए तुरओ ॥३२२६॥  
 सेल्लं वि मुयंतस्स य आयासो होइ पायकडएसु । तेणक्कंतो पट्टीए घोडओ रुहिरमुग्गिइ ॥३२२७॥  
 अहवा महीए निवडइ कुमार ! एएण कारणेण तओ । उत्तरिउं तुरयाओ खित्तं सेल्लं मए एयं ॥३२२८॥  
 तो उत्तरिउं कुमरेण अप्पिओ तस्स अप्पणो तुरओ । भणियं च तुह वलमिमो सहइ न वा इय परिक्खेह ॥३२२९॥  
 अह तत्थ वीरसेणो आरुहिउं थोर चयसाहाए । तिरियं गयाए दोहि वि इत्थेहि अइदढं विडिउं ॥३२३०॥  
 उरुहिं भीडिऊणं तुरयं उप्पाडिऊण पुहइतलं । अट्टंगुलाइं छड्डाविऊण दंसइ कुमरस्स ॥३२३१॥  
 तो निरवलं वरय परिचलंत पाओ खणेण संजाओ । तुरओ तरलच्छिजुओ नियजीयं चइउकामो व्व ॥३२३२॥

कुमरेण वीरसेणो अह भणिओ मुंचमुंच लहु तुरयं । उरुगहाज एयं विवज्जिही अन्नहा एसो ॥३२३३॥  
तो कुमरवयणसमणंतरं पि सिदिलीकओ तुरगो सो । सिग्घंपि वीरसेणेण सत्थदेहो तओ जाओ ॥३२३४॥  
तो जाव विम्हियमणो सो चिट्ठइ वज्जकुंडलकुमारो । ताव धणुवाणहत्था केइ वि तत्था गया जोहा ॥३२३५॥  
देसंतराउ दूराओ रायसेवाविहाण कज्जेण । कुमरेण पेक्खिऊणं ते आलत्ता पयत्तेण ॥३२३६॥  
तो भणइ वीरसेणो समकालमिमे मुयंतु वाणगणं । भामंतो कुंतमहंतं सब्बं टालइस्सामि ॥३२३७॥  
तो कुमाराएसेणं जोहा मुंचति वीरसेणम्मि । सरनियरंतं टालइ तहेव सोतो नियमणम्मि ॥३२३८॥  
तव्विक्कमेण तूसइ तणओ चक्कस्स अह नियावासे । गंतूण सो असेसं सेवयलोयं विसज्जेइ ॥३२३९॥  
सेवाए वीरसेणो बीयम्मि दिणे समागओ संतो । एगंते होऊणं पुट्टो कुमरेण सो एवं ॥३२४०॥  
जह भद ! तए पुब्बं इय भणियं आसि निययवुत्तंतं । एगंते तुम्ह पुरो कयावि सब्बं कहिस्सामि ॥३२४१॥  
तो तं कहेहि संपइ भणिओ कुमरेण एरिसं अह सो । सद्दइ माहवरायं कहावए तस्स पासाओ ॥३२४२॥  
सो कहइ एत्थ देसो अत्थि सुसेणो त्ति तत्थ पुहइवई । नामेण सिधुवीरो तस्स सुओ वीरसेणोत्ति ॥३२४३॥  
जुवरायपयं पालइ अह जाओ तस्स चुल्लमाऊए । पउमसिरीए पुत्तो नामेणं सिधुसेणो त्ति ॥३२४४॥  
तम्मि कलागहणखमे संजाए सिधुसेणनरनाहं । भणिउं पउमसिरीए जुवरायत्ते निओ पुत्तो ॥३२४५॥  
संठाविओ इमो पुण तीए फेडाविओ सदेसम्मि । अन्नं पि गाममाई दिज्जंतं वारियंतस्स ॥३२४६॥  
एवंपि एस पियरं सेवइ निच्चं पि परमभत्तीए । तह वि य सो सेविज्जइ सब्बेण विरायलोएण ॥३२४७॥  
तं दट्ठुं पउमसिरी गया पओसं भणइ पुहइवई । सब्बस्सं हरिऊणं जेट्टुसुयं अंगमेत्तेणं ॥३२४८॥  
नीहारेहि सदेसाउ तस्स रत्ता तओ समगं पि । विहवं अवहरिऊणं नियपुरिसो एवमाइट्टो ॥३२४९॥  
जह मज्जाए सेणं गंतूण वीरसेणवरकुमरं । भणह तुमं जेणेसो एक्कगेणेव ममदेसं ॥३२५०॥  
नीसेसं चइऊणं कत्थ वि अन्नत्थ वच्चए देसे । सो पुरिसो भणइ तओ देव ! न सक्केमि इय वोत्तुं ॥३२५१॥  
कुमरस्स सम्मुहमहं ता अन्नं कं पि आइसह एत्थ । रत्ता अन्नो भणिओ तेण वि तह चव पडिसिद्धं ॥३२५२॥  
एवं चउरो पंचय भणिया अन्ने वि तेहि वि निसिद्धं । दट्ठुं तओ विलक्खं रायाणं जंपए अन्नो ॥३२५३॥  
लिहिऊण सहत्थेणं भुज्जे अत्थं इमं समप्पेह । तुब्भे मज्झ समीवे तो हं कुमरस्स अप्पेमि ॥३२५४॥  
तह चव तओ रत्ता लिहिऊण गलंतलोयणजलेण । पुत्तस्स सिणेहेणं थरहरमाणेण हत्थेण ॥३२५५॥  
तस्स समीवाओ तं भुज्जं अप्पाविंयं कुमारस्स । एत्थंतरम्मि तो वज्जकुंडलो जंपए एवं ॥३२५६॥  
जइ सिधुवीररत्तो एत्तियमेत्तो वि वीरसेणम्मि । अत्थि सिणेहो तो कि इय एयं सो पवासेइ ॥३२५७॥  
माहवराएण तओ विन्नतो वज्जकुंडलकुमारो । पउमसिरीपरिणीया पट्टणा अम्हं जया पढमं ॥३२५८॥  
पत्थेऊण पयत्तेण गाढअणुरायगहियहियएण । पउमसिरीए विहिओ वयणनिबंधो तया एसो ॥३२५९॥  
विन्नतीओ चउरो जइ मज्झ करेहि समय भणियाओ । तो परिणावेमि अहं अप्पाणं तुह समीवाओ ॥३२६०॥  
पडिवन्नम्मि नरिदेण तम्मि अट्टम्मि पत्थियं तत्तो । पत्तं पउमसिरीए सहत्थलिहियं नरिदाओ ॥३२६१॥  
तेण वि तं लिहिऊणं तिब्बणुरत्तेण अप्पियं तीसे । तत्थ नियधम्महत्थो तव्वयणेणं पुणो लिहिओ ॥३२६२॥  
भुज्जम्मि वि लिहिऊणं एसट्टो तेण वीरसेणस्स । पट्टुविओ जह जाणइ इमो सपिउणो परवसत्तं ॥३२६३॥  
एएण कारणेणं एयम्मि तिबो तिबद्धनेहो वि । एयस्स सब्बमेवं करेइ भज्जोवरोहेण ॥३२६४॥  
आयन्निऊण एयं धुणइ सिरं वज्जकुंडलकुमारो । जंपइ य अहो ! इत्थी वसंगया गरुयपुरसा वि ॥३२६५॥

तं नत्थि जं अकज्जं न कुणंति विमुक्कसव्वजणलज्जा । अहं भणइ वीरसेणो एसो दोसो न तायस्स ॥३२६६॥  
 अम्हं चिय कम्माणं विवरीयत्तं समग्गमेवेयं । अहवा अणुकूलत्तं जं दिट्ठं तुम्ह पयजुयलं ॥३२६७॥  
 तत्तो माह्वराओ पुणो वि विन्नवइ चक्किणो तणयं । तासि विन्नत्तीणं चउन्ह मज्जाओ एककाए ॥३२६८॥  
 विन्नत्तीए रज्जं पत्थइ पुत्तस्स पउमसिरिदेवी । बीयाए वीरसेणस्स कारए वित्तिविच्छेयं ॥३२६९॥  
 तइयाए सव्वस्सं ल्हूसावइ तस्स तह चउत्थीए । देसाउ वीरसेणं निव्वासइ एकक अंगेण ॥३२७०॥  
 अहं एस वीरसेणो भूज्जं पिइपेसियं निएऊण । वाया संकडपडियं नाऊण तओ नियं जणयं ॥३२७१॥  
 पभणइ भूज्जसमण्णगपुरिसस्स पुरो पिउस्स वयणेण । जीयंपि चएमि अहं देसच्चायस्स का वत्ता ॥३२७२॥  
 निय परिधणं पि जंपइ भत्तो जो को वि सेवओ मज्ज । केणा वि तेण न मए वच्चंतेणं समं इन्हि ॥३२७३॥  
 एत्तो आगंतव्वं जाव न देसं चयामि तायस्स । अम्ह कलत्तेहि पि हु कायव्वो एस आएसो ॥३२७४॥  
 इय भणिऊणं चलिओ खग्गसहाओ नियाउ गेहाओ । लंघेऊणं पिउणो देसं कमसो गओ पुरओ ॥३२७५॥  
 जे पाणीयं पाउं बहि गया आसि केत्तिया विहया । ते पुरिसे पेसेउं सव्वे वि मए कया गुत्ता ॥३२७६॥  
 परिवारो वि समग्गो मेलेऊणं मए इमं भणिओ । सिरिसिधुवीररत्तो देसाओ अन्नदेसम्मि ॥३२७७॥  
 पत्तस्स वीरसेणस्स रायउत्तस्स सन्निहाणम्मि । गंतूणं मिलियव्वं सव्वेण वि तेण जस्सत्थि ॥३२७८॥  
 कस्स वि भत्ती तुम्हं मज्जे कुमरम्मि वीरसेणम्मि । पडिवन्नं तेण तओ परिवारेणं तह कयं च ॥३२७९॥  
 दीणाराण सहस्सं सोलस तुरए अहं पि घेत्तूण । मिलिओ आगंतूणं इहावयंतस्स एयस्स ॥३२८०॥  
 अन्ने आसा करहा गोणा य पहम्मि अन्न लोएण । पाहुन्नयम्मि दिन्ना गेहागयवीरसेणस्स ॥३२८१॥  
 तो वज्जकुंडलेणं भणिओ कह एत्तिओ वि परिवारो । दीणारसहस्सेणं एत्तिय दियहाइं निव्वहइ ॥३२८२॥  
 माह्वराओ साहइ जो देसो आसि वीरसेणस्स । दिन्ना जणएण तहि कुसुमपुरं अत्थिवरनयरं ॥३२८३॥  
 तत्थ निव्वसेइ सेट्ठी पियमित्तो नाम सावगो इब्भो । जिणभवणकए भूमो दिन्ना से वीरसेणेण ॥३२८४॥  
 निप्फन्ने जिणभवणे आयाणं कारियं अइपभूयं । अन्नेसु वि कज्जेसुं पेक्खिज्जइ गोरव्वेणोसो ॥३२८५॥  
 जाओ य सिधुसेणो सामी नयरस्स तस्स जम्मि दिणे । तण्णभिइं सो पियमित्तसेट्ठिकारियजिणहरस्स ॥३२८६॥  
 कुणइ उव्वद्वमसइं मच्छरओ वीरसेणकुमरस्स । पियमित्तसेट्ठिणा तो ववहारो तत्थ संवरिओ ॥३२८७॥  
 जिणहरपडिवंधेणं सो चिट्ठइ केवलेण अंगेण । पारदो ववहारो वित्थरओ वणियउत्तेहि ॥३२८८॥  
 तेण इह गंधमायणपुरे तओ वीरसेणमिहनाउं । आगयमेसो लेहेण भाणए निययवणिउत्ते ॥३२८९॥  
 सोलुत्तरमेक्कसयं दीणाराणं दिणेदिणे देज्जा । कुमरस्स वीरसेणस्स चिट्ठए जा इमो तत्थ ॥३२९०॥  
 तो दंति वणिउत्ता ते अम्हं पुव्वभणियदीणारे । पइदियहं चिय जायइ तेण तओ भोयणाईयं ॥३२९१॥  
 तो वज्जकुंडलेणं भणियं अम्हं पि पासओ तुब्भे । एवइए दीणारे गिन्हह पइवासरं चव ॥३२९२॥  
 माह्वराएण तओ विन्नत्तं वज्जकुंडलस्सेवं । तुम्ह पसाएण न अम्ह वट्टए किं पि इह खूणं ॥३२९३॥  
 तुम्हेहिं पसन्नेहिं गरुयफलं एत्थ किं पि ईहेमो । तो आह चक्किणतणओ तुम्ह अहं तं पि पूरिस्सं ॥३२९४॥  
 जइ तुम्हं पडिहासइ कहेह तो संपयं पि तं मज्ज । माह्वराओ जंपइ कहेमि इन्हि पि तं तुम्ह ॥३२९५॥  
 जण्णभिइ वीरसेणो विणिग्गओ सिधुवीरपासाओ । तण्णभिइ तस्स जाया अरई गरुई नियमणम्मि ॥३२९६॥  
 तह वि जणाणं लज्जाए अन्नसरं सो करेइ निच्चंपि । रज्जंपि चितए अबहुमाणयं सिधुवीरनिवो ॥३२९७॥  
 तेणं चिय खेएणं देहे तस्मुट्ठिओ गुरुवाही । वेज्जाणं पडियारा सव्वे पिहु विहलया होति ॥३२९८॥

जे अम्ह पेसिय नरा पच्छन्ना पउमखेडनयराओ । इह एंति ते कहंति य जइ कइ वि दिणे निवो जियइ ॥३२९९॥  
तस्स विरुवं मा होउ कि पि अम्हाण जीविणा वि । सो सिधुवीरनिवई जीवउकालं अइपभूयं ॥३३००॥  
किंतु जइ दिव्ववसओ जायइ सगम्मि तस्स पत्थाणं । रज्जम्मि सिधुसेणो होइ तओ तम्मि समयम्मि ॥३३०१॥  
अम्हवरि गुरुपसायं काऊणं वज्जनाहिनिवनाहं । विन्नविउं अम्हं खग्गवत्तलादाविधव्वत्ति ॥३३०२॥  
देसस्सुवरि सुसेणस्स काउमेयं पि जुज्जइ न अम्ह । जम्हा तुम्ह पसाएण होइ अन्नह वि निव्वा हो ॥३३०३॥  
सो एक्क जणयजाओ लहुभाया होइ वीरसेणस्स । तो नियपुत्तो व्व इमो परिह्वणिज्जो न एयस्स ॥३३०४॥  
अन्नो वि को वि जइ तस्स सिधुसेणस्स परिह्वं काउं । इच्छइ सो वि इमेणं निवारियव्वो समत्थेण ॥३३०५॥  
किंतु पियमित्तनामो पियमित्तं वीरसेणकुमारस्स । सुयणो परोवयारी बहुसयणाईसरो सेट्ठी ॥३३०६॥  
निक्कारणं पि सो देह्विहवधम्मण पावए पोडं । निच्चं पि सिधुसेणाउ वीरसेणप्पओसेण ॥३३०७॥  
एत्तियमित्तं पि दुहं वि सहंतो तत्थ चिट्ठए एसो । जिणहरभंगस्स निवारणत्थमत्थपयाणेण ॥३३०८॥  
जो को वि सिधुसेणस्स पासवत्ती निसेवओ लोओ । तं पियमित्तो उवयरइ सव्वया अत्थदाणेण ॥३३०९॥  
पियमित्तस्सेव न केवलस्स कज्जेण कीरए एवं । तस्स वि य सिधुसेणस्स संतियं कारणमिहत्थ ॥३३१०॥  
जं सो निहोसविसिट्ठलोयपीडं च धम्मघंसं च । कुवंतो रक्खिज्जइ अन्नह वुड्डइ महापावे ॥३३११॥  
एएसि दोहं चिय कज्जं एयं न केवलं चैव । निवलोयस्स हियमिणं सव्वस्स सुसेणदेसस्स ॥३३१२॥  
जम्हा नरिदलोओ आसि समगो वि वीरसेणस्स । अइसय भत्तो तम्मि वि करिस्सए सो बहुपओसं ॥३३१३॥  
कोहेण य लोहेण य अविवेण य समग्गदेसस्स । उप्पाइस्सइ जह तह उवट्ठवं नीयजणसंगी ॥३३१४॥  
एएहिं कारणेहिं इमम्मि अट्ठे कुमार तुह पाया । अम्हेहिं विन्नविज्जंति संपयं अइपयत्तेण ॥३३१५॥  
अह वज्जकुंडलो सो माहवरायस्स वयणविन्नासं । सोऊण विम्हियमणो पडिवज्जइ सव्वमेवेयं ॥३३१६॥  
दावेऊणं तेसि तंबोलं दो वि ते विसज्जेइ । सिरिवज्जकुंडलो अह सकिच्चकरणुज्जओ होइ ॥३३१७॥  
सिलियावसरे गंतुं रायउले चक्कवट्ठिणो पुरओ । साहेइ वीरसेणं समागयं अप्पणो पासे ॥३३१८॥  
तस्स सरुवं पि समग्गमेव परिकहइ चक्कवट्ठिस्स । सेसं मोत्तूणं खग्गवत्तलापत्थणं एक्कं ॥३३१९॥  
सोऊण चक्कवट्ठी पउमसिरी सिधुवीरचरियाइं । चित्तइ नारीसु नराण पेम्ममइदारुणविवागं ॥३३२०॥  
अह वज्जनाहिणा चक्कवट्ठिणा वज्जकुंडलो भणिओ । जह तुमए दट्ठव्वो सगोरवं वीरसेणो सो ॥३३२१॥  
तो वज्जकुंडलेण मत्थयविणिहित्तहत्थजुयलेण । पडिवणं तं वयणं निय पिउणो चक्कवट्ठिस्स ॥३३२२॥  
अह चक्कवट्ठिणा सो विसज्जिओ वज्जकुंडलो कुमारो । नियमदिरम्मि गंतुं सकिच्च साहणपरोहोइ ॥३३२३॥  
अह तस्स वीरसेणस्स वज्जकुंडलकुमारपयसेवं । कुणमाणस्स गयाइं अन्नाइंवि कइवयं दिणाइं ॥३३२४॥  
अन्नम्मि दिणे पुरिसो समागओ पउमखेडनयराओ । कहियं तेण सरुवं एगंते वीरसेणस्स ॥३३२५॥  
जह सिधुवीररत्ता नाऊणं नियसरीरमइविहरं । रज्जम्मि सिधुसेणो निवेसिओ सव्व पच्चवखं ॥३३२६॥  
सिक्खविओ जह सव्वं परिपालेज्जा नएण नियदेसं । तो तद्वियह निसाए दिवं गओ सिधुवीरनिवो ॥३३२७॥  
वारसमं अज्जदिणं रज्जनिवट्ठिस्स सिधुसेणस्स । माहवरायस्स तओ तं कहियं वीरसेणेण ॥३३२८॥  
तो दो वि उट्ठिऊण आइच्चे अणुइए वि गंतूण । पासम्मि वज्जकुंडलकुमारस्स कहंति तं सव्वं ॥३३२९॥  
तो जाव वज्जकुंडलकुमारो संबहइ चक्कवट्ठिस्स । पासम्मि गंतु कामो ताव खणद्धेण आगंतुं ॥३३३०॥  
कन्नम्मि कि पि कहियं पुरिसेणेक्केण वीरसेणस्स । तेणा वि वज्जकुंडलकुमारस्स निवेइयं कन्ने ॥३३३१॥



हक्कारेउं पुरिसो आवासाओ समागओ मज्झ । गंतूण तत्थ तो हं पुणो वि हइ आगमिस्सामि ॥३३३२॥  
 तो वज्जकुंडलेण समणुत्ताओ नियम्मि आवासे । जा जाइ वीरसेणो ता दिट्ठो सागरो नाम ॥३३३३॥  
 पियमित्तवणियपुत्तो तेण त्तिहि आसणे समासीणो । तो तेण वीरसेणो पणओ लहु आसणं मोतुं ॥३३३४॥  
 एगते उवविट्ठो विन्नत्तो तो इमं जहा इन्हि । कुसुमउराओ पियमित्तपेसिओ आगओ पुरिसो ॥३३३५॥  
 लेहं गहिऊण इमं तो हत्थाओ इमस्स तं गहिउं । वाएइ वीरसेणो जावतओ तत्थिमं लिहियं ॥३३३६॥  
 रज्जम्मि सिधुसेणं निवेसिउं सिधुवीरनरनाहे । सगं गओ तओ मे कहावियं आसराएण ॥३३३९॥  
 जह पुव्वं अम्हेहि जीवन्ते सिधुवीरनाहे । दंसेउमिमस्स भयं निवारिओ सिधुसेणनिवो ॥३३३८॥  
 तुह जिणमंदिरभंगं कारितो एत्तियाइं दियहाइं । संपइ निरंकुसो एस रक्खिउं तीरणे नेय ॥३३३९॥  
 तो अम्ह भरवसेणं न चिट्ठियव्वंतए मणागं पि । जो को वि तुज्ज अन्नो पुरइ उवाओ स कायव्वो ॥३३४०॥  
 तो सिधुसेणराया जिणहरभंगं करिस्सए जइमे । तो कय पच्चक्खाणो भक्खेवि विसं मरिस्सामि ॥३३४१॥  
 मइ जायम्मि परोक्खे मज्झ सुओ वीरसेणकुमरस्स । वणिउत्तोहि सागरपमुहेहि भलावियव्वो त्ति ॥३३४२॥  
 एवं पियमित्तणं सागरपमुहाण वणियपुत्ताण । संपट्टवियं लेहं अवहारेऊण कयखेओ ॥३३४३॥  
 तो वीरसेणकुमरो सागरसमुहं पयंपए एवं । तह कह वि करिस्समहं जिणहरभंगो जह न होइ ॥३३४४॥  
 पेसेउं निधलेहं जाणावेयव्वमेरिसं तुमए । पियमित्तस्स जहा सो न कि पि अधिइं मणे कुणइ ॥३३४५॥  
 इयसिक्खं दाऊणं विसज्जिऊणं च सागरं सगिहे । माहवराएण सम्मतं लेहं अत्तणो हत्थे ॥३३४६॥  
 गहिऊण पुणो सिग्घं समागओ वज्जकुंडलसमीवे । दंसेइ तस्स लेहं सो वि निएऊण तं तत्तो ॥३३४७॥  
 वच्चइ नरिंदभवणे सहिओ कुमरेण वीरसेणेण । तम्मि समयम्मि चक्की अज्ज वि नो देइ अत्थाणं ॥३३४८॥  
 पडिहाराओ जाणाविऊण सिरिवज्जनाहिचक्किस्स । गंतूण सन्निहाणे एगो विन्नवइ एगते ॥३३४९॥  
 सव्वंपि सरुवं सिधुसेणरायस्स संत्तियं सम्मं । पियमित्तसेट्ठिपेसियलेहं च पयंसए तस्स ॥३३५०॥  
 अह खग्गवत्तलादावणम्मि विन्नवइ वीरसेणकए । चक्की वि तक्खणे खग्गवत्तलं तो लिहावेइ ॥३३५१॥  
 हक्कारावेउं वीरसेणमप्पेइ तं सयंतस्स । सम्माणेऊण विसज्जए एयं तओ एसो ॥३३५२॥  
 नमिऊण चक्कवट्ठि विणएण सवज्जकुंडलकुमारं । निय आवासे गंतुं सिग्घं संवहिउमारद्धो ॥३३५३॥  
 अह वज्जकुंडलो विहु विसज्जिए अवसरम्मि चक्किस्स । नियमंदिरम्मि पत्तो नाउं तो वीरसेणेण ॥३३५४॥  
 आगंतुं विन्नत्तो गमणत्थं मंडलेसु सेणम्मि । एगते नेऊणं पुट्ठो सो चक्कितणएण ॥३३५५॥  
 तुह पास थेवच्चियं सामग्गी जेत्तियं तुमं भणसि । तेत्तिय सेन्नं सह पट्टवेमि तुमए अहं इन्हि ॥३३५६॥  
 हसिऊण वीरसेणेण जंपियं कि करिस्सए अन्नं । सेन्नं मे एएण वि सेन्नेण अहं गहिस्सामि ॥३३५७॥  
 रज्जं तस्स समीवाउ दुव्विणीयस्स सिधुसेणस्स । कि च जइ तस्स ससुरो माउलओ वा समागंतुं ॥३३५८॥  
 न करिस्सइ साहेज्जं जम्हा ते निवइणो महाबलिणो । तेसु समागच्छतेसु तुम्ह वत्तं कहाविस्सं ॥३३५९॥  
 इय विन्नत्तो सो वज्जकुंडलो वीरसेणकुमरेण । दाउं वत्थाहरणाइ तस्स तो तं विसज्जेइ ॥३३६०॥  
 अह वीरसेणकुमरो नमिऊणं वज्जकुंडलकुमारं । वच्चइ सकज्जसाहणसमुज्जओ लहु पयाणेहि ॥३३६१॥  
 अह चक्काहिवतणओ उवसमओ बहुय असुहकम्माणं । विहवाइ फलं भन्नइ जिणपडिमाई सुविणिओगं ॥३३६२॥  
 तो पूयइ पइदियहं गिहम्मि वाराओ तिन्निजिणपडिमं । अट्ठिहि वि पयारेहि नाणाविह भंगिरमणिज्जं ॥३३६३॥  
 वंदइ नमंसइ तहा अविरलरोमंचकुइज्जंतो । एवं चियचिइभवणे वंदइ साहू सुणइ धम्मं ॥३३६४॥

एककेके जिणभवणे वच्चइ निच्चं पि कारए अब्बं । बहिगामेसु वि नियडेसु जाइ सड्ढेहि वाहरिओ ॥३३६५॥  
जत्ता विसेससमए गहिऊणं चक्कवट्टिणो आणं । इय वज्जकुंडलो सो तिवग्गजुत्तं गमइ कालं ॥३३६६॥  
अह कइवयदियहाणं पज्जंते वीरसेणकुमरेण । माहवराओ पासम्मि पेसिओ चक्कितणयस्स ॥३३६७॥  
तं पणमिऊण सो तेण पुच्छिओ तस्स कहइ संखितं । जं वीरसेणकुमरेण वेडियं पउमखेडपुरं ॥३३६८॥  
तो वज्जकुंडलेणं कुमरेण ससंभमेण सो पुट्टो । केत्तियसेत्तेण पुरं पवेडियं वीरसेणेण ॥३३६९॥  
अह सो माहवराओ कहइ संखं समग्गसेत्तस्स । पनरसहत्थिसयाइं ह्याण अड्ढाड्ढया लक्खा ॥३३७०॥  
चउरोपाइक्काणं कोडीओ रहवराण पुण संखा । का वि मए विन्नाया न तारिसी निच्छयसमेया ॥३३७१॥  
तो वज्जकुंडलेणं माहवराओ पुणो वि सो पुट्टो । कह तस्स एत्तियबलं जायं मे कहसु वित्थरओ ॥३३७२॥  
सो कहइ वीरसेणो एत्तो ठाणा पड्ढम्मि वच्चंतो । जेसि केसि पि गओ मज्झेणं टक्कुराणं ॥३३७३॥  
सव्वेहिं तेहि धरिओ पाहुणओ तुरय-करहमाईहिं । सम्माणिओ य एवं संजायं तस्स तुरयाणं ॥३३७४॥  
सहसदुगं अब्भहियं करहाण सयाइं अट्ट अहियाइं । चडिएहिं पायलेहिं य पाइक्काणं दसहस्सा ॥३३७५॥  
भणियं च तेहि एवं जं किं पि पओयणं तुहम्हेहिं । तं सव्वं कहियव्वं अम्ह तए निव्वियप्पेण ॥३३७६॥  
एसो पुण नीसेसो तुम्ह पसायस्स विलसियविसेसो । सो चेव वीरसेणो अन्नहएएण मग्गेण ॥३३७७॥  
आयाओ पुव्वं पि हु दिट्ठो केण वि परं न आलत्तो । जं अज्ज वि तस्स तथा आसि पसाओ न तुम्ह कओ ॥३३७८॥  
गंतूण तओ गहिओ आवासो वीरसेणकुमरेण । एत्तिय सेत्तेण समं सुसेण देसस्स सीमाए ॥३३७९॥  
गहिऊण खग्गवत्तलमुवागओ वीरसेणवरकुभरो । सव्वत्थ वि वित्थरिओ एस पवाओ पुरा चेव ॥३३८०॥  
तत्थट्टिएण तत्तो मंडलियाईण पेसिया इमिणा । सव्वेसि निय दूयासिक्खवणं एरिसं दाउं ॥३३८१॥  
जह सिधुवीररत्तो अंगरुहो हं च सिधुसेणो य । पट्टुत्तत्तं दोन्हं पि अम्ह सममेव तो तुम्ह ॥३३८२॥  
पढमसुओ अहिगारी रज्जस्स अहं इमो मह विसेसो । रज्जपड्ढा विहिया नरवइणा सिधुसेणस्स ॥३३८३॥  
तस्स वि नरवइणो जो सामी सिरिवज्जनाहिचक्कवई । तेण विइन्नं रज्जं मज्झमुसेणम्मि देसम्मि ॥३३८४॥  
एवं विचित्तिऊणं उचियं जं किं पि कुणह तुब्भे । जइ मं समीहह तओ आगंतूणं मह समीवे ॥३३८५॥  
गिन्हह आवासं अन्नहा उ होऊण सिधुसेणस्स । पक्खम्मि जुज्ज सज्जा आगच्छह सम्मुहा मज्झ ॥३३८६॥  
गंतूणं तेहि तओ दूएहिं सव्वमंडलवईणं । सामंतडंडणाय गतं ताहि व साहणवईणं ॥३३८७॥  
तं वीरसेणवयणं कहियं तेहि वि पयंपियं एवं । जं अम्ह समीहा वीरसेणकुमरस्स नत्तस्स ॥३३८८॥  
दूएहिं तओ भणियं जइ एवं सव्वमेव तो तुब्भे । संवहिउं आगच्छह कडए सिरिवीरसेणस्स ॥३३८९॥  
मंडलियाईहिं तओ भणियं जह संपयं पि नो अम्हे । आगतुं तत्थ खमा कित्तु निए सोयरे पुरिसे ॥३३९०॥  
थेवेण विसेत्तेणं समन्निए तत्थ पेसइस्सामो । समयंतरम्मि अम्ह सयंपि तत्थागमिस्सामो ॥३३९१॥  
दूएहिं तओ भणियं पेसह इन्हिं पि सोयरे पुरिसे । तो केण विणियपुत्तो केण वि भत्तिज्जओ तह य ॥३३९२॥  
अन्नेण वि निय भाया एवं केणा वि कोवि पट्टुविओ । नियसत्ती अणुरुक्खं दव्वं पि हु पेसियं तेहि ॥३३९३॥  
दीणाराणं लक्खो तह पियमित्तस्स वाणिउत्तेणं । वारेहिं दोहिं तीहिं वि पट्टुविओ वीरसेणस्स ॥३३९४॥  
एगं लक्खं संगइ अहं गहेऊण तस्स पासाओ । वच्चिस्सामि समीवम्मि वीरसेणस्स कुमरस्स ॥३३९५॥  
अन्नेसि पि बहूणं सुसेणदेसे निवासिवणिथाणं । धणवंताण समीवे मग्गिज्जइ इच्छियं दव्वं ॥३३९६॥  
आणेऊणं केइ वि वणिणो सयमेव दितिं नियदविणं । जंपत्ति जया तुम्हं होइ तथा अम्ह दायव्वं ॥३३९७॥

एण पयारेणं दक्खेण न किपि विज्जए खूणं । जे के वि वित्ति रहिया सेवंता आसि ते सब्बे ॥३३९८॥  
 खत्तियकुमरा मोत्तूण सिधुसेणं समागया पासे । कुमरस्स वीरसेणस्स संजुया सब्ब सबलेण ॥३३९९॥  
 पावति ते मणागं भोयणमेत्ताइ वीरसेणाओ । तेण वि ते परितुट्ठा सेवंति भविस्स आसाए ॥३४००॥  
 एवं सेन्नं बहुयं संजायं वीरसेणकुमरस्स । आसाण वीस सहसा पाइक्काणं पि लक्ख दुगं ॥३४०१॥  
 इय सिधुसेण रत्ता नायं जह वीरसेण दूएहि । गंतूण कि पि भणिया मह मंडलिया इणो सब्बे ॥३४०२॥  
 तो तेण संकिएणं मंडलियाईण आहवणहेउं । नियपुरिसा पेसविया तेहि वि कयमुत्तरं एयं ॥३४०३॥  
 संबहिऊणं कइवयविणपज्जंते समागमिस्सामो । आगतुं दूएहि कहियमिणं सिधुसेणस्स ॥३४०४॥  
 संकियमणेण दूए पेसउं तेण ते पुणो भणिया । निय अंगेणं तुब्भे आगच्छह ताव सिग्घं पि ॥३४०५॥  
 जम्हा तुब्भेहि समं गुरुकज्जं मंतणिज्जमिह अत्थि । मंडलियाईहि वि उत्तरंकयं संकिएहि तओ ॥३४०६॥  
 अम्हे आहया वीरसेणकुमरेण पेसिउं दूए । अम्हेहि अपडिवन्ने लोभेउं अम्ह सुयपमुहा ॥३४०७॥  
 दूएहि तेहि नीया पासे कुमरस्स वीरसेणस्स । घेत्तूण साहणं सह राउत्तेहि पभूएहि ॥३४०८॥  
 पुब्बं पि ते सखणुसा इओ तओ गंतुकामया आसि । दूएहि तेहि भणिया गया तओ झत्ति उट्टेउं ॥३४०९॥  
 अम्ह समीवे तुम्हं आगतूणं गयाण इन्हि तु । पणिहिपुरिसेहि कहियं जह ते सेन्नं अइपभूयं ॥३४१०॥  
 गहिऊण वीरसेणाउ तुम्ह देसे उवद्विस्संति । तेणा गंतुं रत्तो पासम्मि न सक्किमो इन्हि ॥३४११॥  
 जइ सिधुसेण राया करेइ उवरिम्मि वीरसेणस्स । कडयंतो संबहिउं अम्हे विहु तत्थ वच्चामो ॥३४१२॥  
 जं वि य अणत्थदारं संरुद्धे तम्मि चेव पढमं पि । का वि हिययम्मि संका संजायइ नेय अम्हं पि ॥३४१३॥  
 पुब्बं पि मत्तियमिणं दूयमुहेहि परोप्परं तेहि । जं सिधुसेणरत्तो दूयाण पुरो भणेयव्वं ॥३४१४॥  
 एण कारणेणं तुल्लं चिय जायमुत्तरं तहिं । साहणियतंतवालेहिं साहियं सयमिणं तइया ॥३४१५॥  
 गंतूण सिधुसेणस्स जह गओ अम्ह संतिओ अमुगो । दूएहि वीरसेणस्स कडिढओ अम्ह (अ) कहेउं ॥३४१६॥  
 तो सिधुसेणराया तंसि उवरि मणागमवचित्तो । होउं पुणं उज्जुमणो जाओ सयमेव कहणाओ ॥३४१७॥  
 कहिए विसयं मंडलवईण वयणेषु पच्चओ न तथा । तह वि निव सिधुसेणो संसइ य मणोवि पेसेइ ॥३४१८॥  
 नियदंडनायगेणं सह ते सामंतमंडलियपमुहे । निय सामग्गीसहिए सम्माणेउं कइवएवि ॥३४१९॥  
 कोट्टयवलमज्जाओ निरूवए तत्थ मत्तहत्थिसयं । पंचासहयसहस्से पंचयपाइक्कलक्खाइ ॥३४२०॥  
 एवं पभूयवलसमुदएण सह पेसिओ महाणंदो । नामेण दंडनाहो जाइ अखंडप्पयाणेहि ॥३४२१॥  
 गंतूण तं समग्गं सेन्नं कुमरस्स वीरसेणस्स । मिलिऊण संपयट्टं पविसेउं देसमज्जम्मि ॥३४२२॥  
 सह वीरसेण कुमरेण आगयं सिरिनिवासठाणम्मि । तत्थ महाभंडारियपुरिसो एणो समागतुं ॥३४२३॥  
 कुमरस्स वीरसेणस्स साहए भूमि वि णिहियं दव्वं । पुब्बिल्ल नरिदाणं खणाविउं तं समग्गं पि ॥३४२४॥  
 संगहियं कुमरेणं ठाणं एककाए कणयकोडीए । नाऊण सिधुसेणो राया एवं मणे कुविओ ॥३४२५॥  
 सयमेव वीरसेणाभिमुहं जा चलइ ताव पडिसिद्धो । माउलयनंदणेणं महिदराएण सो झत्ति ॥३४२६॥  
 भणियं च तेणं एवं सेन्नं जं कि पि चिट्टए तस्स । पासम्मि वीरसेणस्स संतियं तुज्ज तं सब्बं ॥३४२७॥  
 गंतूण तस्स मिलियं केहि वि वयणेहि तेण भोलवियं । संपइ तुमं पि वच्चसि सेन्नेणं जेण सह तत्थ ॥३४२८॥  
 तस्स वि को मुणइ मणं तत्थ गयंतं पि तं समप्पेउं । तस्सेव वीरसेणस्स जइ मिलइ को निवारेइ ॥३४२९॥  
 दो चित्तो जेण इमो परिवारो तुम्ह संतिओ सब्बो । ता वस्स वि वीसासो काउं सक्किज्जए नेय ॥३४३०॥

जुगवं पि फेडिऊणं चिरंतणं सव्वमेव नवमवरं । काउं न तीरए संपयं पि सत्तुम्मि समुइस्से ॥३४३१॥  
 मज्जेण थेव च्चिचय जइ फेडिज्जंति केइ वि तओ ते । गंतूणं वीथपक्खे मिलंति तुह होंति निरवेक्खा ॥३४३२॥  
 अन्ने अफेडिया विहु अण्णभएणं चएवि तुह पासं । वच्चंति वीरसेणं एवं तुम्हेहि वि सयं पि ॥३४३३॥  
 सो होइ कओ पोढो सयंपि तुब्भं हवेह असहाया । ता अत्तसमीवकयं सेत्तं रक्खेह गयसेसं ॥३४३४॥  
 जइ कह वि वीरसेणो उवविट्ठाण वि इहेव तुम्हाणं । आगच्छिही तहा वि हु दुग्गासयणं करिस्सामो ॥३४३५॥  
 न उणो अम्हे ज्ज्जंतणेण समं संपयं गहिस्सामो । साहेज्ज बलेण दुहा चित्तस्स इमस्स सेत्तस्स ॥३४३६॥  
 पेसेउं निय दूए लच्छीरमणाभिहाण नयराओ । राया अणंगदेवो अम्ह पिधा तुम्ह माउलओ ॥३४३७॥  
 हक्कारिज्जउ रयणत्थलाउ पुण मयणदेवनरताहो । तुम्ह ससुरो बलिट्ठा दो वि नरिदा इमे इन्हि ॥३४३८॥  
 संपत्तेसु इमेसुं दोसु वि भूमीसरेसु तो जत्ता । उवरिम्मि वीरसेणस्स कीरए सावट्ठं भेहिं ॥३४३९॥  
 सेत्तं पि दुहा चित्तं जं चिट्ठइ तुम्ह तंपि सासकं । जायइ न मिलइ तत्तो गंतूणं वीरसेणस्स ॥३४४०॥  
 पडिवज्जिऊण एयं महिंदरायस्स जंपियं तेण । मुक्को कडयारंभो नरवइणा सिधुसेणेण ॥३४४१॥  
 तत्तो पहाणपुरिसा रयणत्थललच्छिरमणनयरेसु । दोन्हं पि नरिदाणं पासे संपेसिया ज्जत्ति ॥३४४२॥  
 एयं च अम्ह सव्वं जाणावइ संधिक्किग्गहनिउत्तो । नामेण जयाणंदो पच्छन्ने पेसिउं पुरिसे ॥३४४३॥  
 नामेण सूरदेवो रायाएसाण लेहओ अत्थि । कायत्थो सो वि इमं जाणावए अम्हं ॥३४४४॥  
 तो आह वज्जकुंडलकुमारो जह एरिसम्मि परिवारे । जं सिधुसेणराया जीवइ अज्ज वि तमच्छरियं ॥३४४५॥  
 माहवराओ अह विन्नवेइ तं वज्जकुंडलकुमारं । नूण न जीवइ एसो जइ रूसइ वीरसेणो से ॥३४४६॥  
 किन्तु परमेत्तियं चिय पओयणं तस्स वीरसेणस्स । जं रज्जं गहिऊणं कीरइ देसो सुही सव्वो ॥३४४७॥  
 तह तंपि संटविस्सइ जइ सो वयणं करिस्सए तस्स । तो बेइ वज्जकुंडलकुमारो एवं न संभवइ ॥३४४८॥  
 सा मित्तं होइ कयं पढमं देसम्मि जम्मि किर जेण । सो तम्मि चेव देसे कह सव्वकइ सेवओ होउं । ॥३४४९॥  
 तम्हा एस वराओ न भराडो न य भविस्सए भंडो । दुन्हं वि गईण चुक्को जाओ तह सोयणिज्जो य ॥३४५०॥  
 अह तं माहवराओ विन्नवए वज्जकुंडलं एवं । एत्तिय दूरं करुणा जइ तुम्हं सिधुसेणम्मि ॥३४५१॥  
 तो दिज्जउ आएसो एत्थागमणम्मि वीरसेणस्स । सव्वंपि तत्थ चइउं जह सो अंगेणं इह एइ ॥३४५२॥  
 तो हिसिऊणं चक्किस्स नंदणो तं भणेइ जह एवं । भणियं मए सरूवं न उण अहं तस्स सावेक्खो ॥३४५३॥  
 इच्छामि वीरसेणं चेव अहं गरुयमुत्तइं नेउं । साहेह पत्थुयमिओ माहवराओ तओ कहइ ॥३४५४॥  
 तो उच्छुवाडनामे नियडे गामम्मि उच्छुचरणत्थं । गय साहणं नरिदेण पेसियं सिधुसेणेण ॥३४५५॥  
 नाऊण वीरसेणो सयं गओ आससाहण समेओ । वहिऊण अहोरत्तं गिन्हइ गयसयतिगं तत्थ ॥३४५६॥  
 दोन्नि य तुरयसहस्से पेसेऊणं तओ सिरिनिवासे । गयसाहणं समगं सयंगओ वाहवल्लीए ॥३४५७॥  
 गामे चरेहिं नीओ तत्थ तुरंगाण सोलससहस्सा । गहिया वल्लिनिबद्धा चरमाणा कोरडितेण ॥३४५८॥  
 अन्नैसि पुण संतियमेस न केसिपि गिन्हइ तणं पि । कोडुंबियवणियाईण रक्खए ते विसेसेण ॥३४५९॥  
 देइ परओ वि तत्तो पयाणयं सिरिनिवासनयराओ । कालेण तओ नीओ गामे वणवट्टनामम्मि ॥३४६०॥  
 सो वीरसेणकुमारो खणाविऊणं सुवन्नकोडिदुगं । अहियं तत्थ वि गिन्हइ पुव्वनरिदाण निययाण ॥३४६१॥  
 इय सिधुसेणराया सोउं जाओ जलंतकोवग्गी । हक्कारिऊण मंतइ महिंदराएण सह एवं ॥३४६२॥  
 जह जह सहिमो अम्हे तह तह अम्हाण मत्थए चडइ । सो दुट्टवीरसेणो ता एवं फुरइ मह चित्ते ॥३४६३॥

होउ वरं मच्चू वि हु पराहवो तह वि तीरणे नेय । साहउं परपक्खाओ ता जामि सयं पि तस्सुवरि ॥३४६४॥  
 जंपइ मंहिदराओ तो एवं जइ वि पुव्वभणियं मे । न तरह काउं तुम्भे तह वि न जुसं सयं तुम्हा ॥३४६५॥  
 गंतुं तस्साभिमुहं मं चेव य पट्टवेह मा अन्नं । पुव्विल्लदंडनाहो व्व अन्नहा सो वि तं काही ॥३४६६॥  
 अह सिधुसेणराया तं चेव मंहिदरायमाइसइ । सत्तहिं हत्थिसएहिं मत्तेहिं समं तुरंगाणं ॥३४६७॥  
 एककेणं लक्खेणं पाइक्काणं च सट्ठिलक्खेहिं । निववीडयं गहेउं मंहिदराओ विणिक्खंतो ॥३४६८॥  
 एककेकजोयणाइं दाऊण पयाणयाइं सो तिन्नि । दो तिन्नि दिणाइं ठिओ पुव्वुत्तं मिलइ जा सेन्नं ॥३४६९॥  
 साहणियतंतसामंतमंडलाहिवइपमुहलोएणं । पुव्वुत्तसेन्नसंखा संजाया झत्ति तो तत्थ ॥३४७०॥  
 संकियचित्तो अन्नम्मि वासरे केवले वि नाइक्के । मेलेऊणं जंपइ मंहिदराओ रहे एवं ॥३४७१॥  
 दुद्धेण होइ दड्ढो जो सो दहियं पि असइ फुक्केउं । महणंदेण नरिदो पुरा वि जं वच्चिओ अत्थि ॥३४७२॥  
 तेण भणामो एवं जइ संवइऊणं<sup>१</sup> वीरसेणस्स । तुम्भे मिलिस्सह तओ पढमं पिइओ न वच्चामि ॥३४७३॥  
 तेसिं मज्जे एककेणं जंपियं गरुयिरिद्धिं<sup>२</sup> मंतेण । जा जीवसि ताव न तं कहं चि अम्हे परिच्चयामो ॥३४७४॥  
 इय भणिरे तम्मि तओ मंहिदराओ मुहाइं अन्नेसि । सब्बेसिं पि पलोयइ तेहिं वि तह चेव पडिवन्नं ॥३४७५॥  
 जंपइ मंहिदराओ पुण एवं ते पर्यपियं तुम्ह । जइ सच्चं चिय एवं उप्पायह पच्चयंतो मे ॥३४७६॥  
 जह कह वि तेण भणिओ तस्स तहा पच्चओ कओ तेसिं<sup>३</sup> । अह सो मंहिदराओ निव्वुयहियओ पुरो चलिओ  
 अवसउणे संजाए अद्धपहे चेव दाउमावासं । कइवयदिणाइं तत्थेव संकिओ सो विलंबेइ ॥३४७८॥  
 तो वीरसेण दूया सब्बेहिं नायगाण तत्थ गया । तेसिं पुरओ कहियं तेहिं जहा अत्थि अम्हेहिं ॥३४७९॥  
 एरिसयं पडिवन्नं मंहिदराएण सह जहा अम्हे । तं जीवंतं चइउं कत्थ वि अन्नत्थ न वयामो ॥३४८०॥  
 दूएहिं तओ भणियं तुम्हेहिं वीरसेणकुमरेण । सह पडिवन्नं जं तं मुसा करिस्सह किमिन्हिं पि ॥३४८१॥  
 तेहिं तओ पडिभणियं भविस्सए तं पि अन्नहा नेय । जम्हा तुम्हेहिं समं अम्हे लोहं न काहामो ॥३४८२॥  
 गंतूण तओ कहिउं<sup>४</sup> दूएहिं इमं पि वीरसेणस्स । तेण छलेणागंतुं मंहिदराओ हओ राओ ॥३४८३॥  
 सब्बं पि तस्स सेन्नं मिलियं गंतूण वीरसेणस्स । पुव्वुत्तसेन्नसंखा इय जाया वीरसेणस्स ॥३४८४॥  
 सोऊण सिधुसेणो मंहिदरायस्स तं तहा मरणं । मिलियं च वीरसेणस्स अक्खयं सब्बमविसेन्नं ॥३४८५॥  
 संभमसमाउलमणो चिणाविउं झत्ति पुरपओलीओ । पायारे आरोहइ पहाण जोहे<sup>५</sup> जयंताइ ॥३४८६॥  
 पेसेइ पुणो वि पुरिसे पासे माउलयससुरराईण । तो सयमक्कंदइ मज्झ संठिओ पउमखेडस्स ॥३४८७॥  
 एगंतमंतियाइं मंहिदरायस्स ताइं सुमरंतो । ससिणेहाइं हियाइं परिणामसुहावहाइं च ॥३४८८॥  
 मुच्छं गच्छइ चेयइ पुणो वि कंदेइ उच्चसद्देण । ताडइ सिरं च हिययं दोहिं वि हत्थेहिं पुणस्संतं ॥३४८९॥  
 पाए पसारिऊणं रंड व्व रुयंतओ न विरमेइ । विलवेइ बहुपयारं चिंतंतो तस्स चरियाइं ॥३४९०॥  
 हा भाय ! नेह निब्बर पाहुणओ तंसि आगओ मज्झ । निककहणेण मए पुण कओसि कीणा स पाहुणओ<sup>६</sup> ॥३४९१॥  
 नाऊण मम अणत्थो होंतो अंगीकओ सयं तुमए । परजीवियस्स कज्जे न को वि निय जीवियं चयइ ॥३४९२॥  
 को अन्नो तुह तुल्लो महीयले सयणवच्छलो होही । को वा परोवयारी को वा निय जीयनिरवेक्खो ॥३४९३॥  
 हांति जए दायारो बहुयस्स वि के वि निययविहवस्स । जो देइ नियं जीयं तुमं व दिट्ठो न सो को वि ॥३४९४॥  
 को मं तणयम्मि ठिओ मंतिस्सइ दीहकज्जपरिणामं । कस्स पुरो जंपिस्सं नियदुक्खमलक्खणो अहयं ॥३४९५॥

१- पयाणपाइं जे । २- मं चा भय पा० । ३- तेहिं पा० । संवइऊण पा० । ४- हिउं दु.पा. । ५- जयंतामइ पा. ६- दूणा ओ पा०

किं ते वन्नामि अहं पन्नं किं वा परक्कमं असमं । को एक्को तुज्जं गुणो सक्किज्जइ वन्निउं भाय ॥३४९६॥  
 इच्चाइ बहुपयारं विलवंतो सिधुसेणनरनाहो । पउमसिरीए कहमवि संबोहेऊण संठविओ ॥३४९७॥  
 नयरं च पउमखंडे सव्वत्तो वेढियं समागतुं । कुमरेण वीरसेणेण सव्वसेत्तेण नियएण ॥३४९८॥  
 एत्तो अणंगदेवो सोऊणं सिधुसेणपुरिसाओ । मरणं महिंदरायस्स झूरए बहुपयारंहे ॥३४९९॥  
 अह सो संठविऊणं अप्पाणं जलियकोवदुप्पेच्छो । उवरिम्मि वीरसेणस्स सव्वसेत्तेण संचलिओ ॥३५००॥  
 तिहिं सहस्सेहिं गयाणं तिहिं लक्खेहिं च पवरतुरयाणं । लक्खेण रह्वराणं पंचहिं पाइक्ककोडीहिं ॥३५०१॥  
 एत्तियमेत्तेणं चिय सेत्तेण समन्निओ मयणदेवो । राया चलिओ नवरं किचूणा रह्वरा तस्स ॥३५०२॥  
 तो वज्जकुंडलेणं माह्वरायस्स सम्मुहं भणियं । केत्तियमेत्तं सेत्तं साहिज्जे तुम्ह पेसेमि ॥३५०३॥  
 माह्वराएण तओ विन्नत्तो वज्जकुंडलकुमारो । कज्जं सेत्तेण न किं पि अम्ह तुम्हे सयं चलह ॥३५०४॥  
 कुसुमपुरं जा नयरं पियमित्तजिणिदभवणजत्ताए । दंसणमिसेण चक्कि अणुव्वेऊण इइवि दिणे ॥३५०५॥  
 बारसहिं जोयणेहिं कुसुमपुराउ पुरं पउमखंडं । तत्थ ठियाण वि तुम्हं भएण एहिंति ते नेय ॥३५०६॥  
 तो वज्जकुंडलेणं माह्वरायाओ सिक्खवेऊणं । पियमित्तवाणिओत्तो पट्टविओ चक्किपासम्मि ॥३५०७॥  
 सागरनामो भरिउं सुवन्नथालं विचिच्चरयणेहिं । चक्किस्स ढोइउं तं विन्नत्तो तेण सो एवं ॥३५०८॥  
 जह देव अम्ह सामी पियमित्तो नाम अत्थि कुसुमपुरे । तेणत्थि कारियं तत्थ मंदिरं तित्थनाहस्स ॥३५०९॥  
 तत्थ भविस्सइ जत्ता रहभमणं वित्थरेण गरुएण । तेणेस तत्थ ईहइ आगमणं देवपायाणं ॥३५१०॥  
 अह कह वि देवपाया तत्थ पडुप्पंति संपइ न गंतुं । आइसह वज्जकुंडलकुमरं पसिऊण तो अम्ह ॥३५११॥  
 हक्कारिऊण चक्की कुमरं तो वज्जकुंडलं भणइ । गमणत्थं कुसुमपुरे पडिवज्जइ सो वि तं वयणं ॥३५१२॥  
 अह सो नियसेत्तेणं तह चक्किनिरुविएण सह चलिओ । पणवीससहस्सेहिं मत्ताणं पवरहत्थीणं ॥३५१३॥  
 पंचहिं रहलक्खेहिं दसहिं उ लक्खेहिं जच्चतुरयाणं । तह पनरसकोडीहिं पाइक्काणं सदप्पाणं ॥३५१४॥  
 तम्मि समए पयट्टो हेमंतरिऊभरेण लोयाणं । तरुणाण वि थेराण व कंपावंतो सरीराइ ॥३५१५॥  
 सूरुो वि सीयलेण वि मंदपयावो कओ तथा तेण । कस्स वि कहिं पि समए जयम्मि उल्लसइ माहप्पं ॥३५१६॥  
 जा सरयतावतविओ आसि जणो ता निसाए सेवंतो । पढमं पि चंदपाए सुसीयले परमपीईए ॥३५१७॥  
 हेमंते उण पसरंतनिबिडहिमपूरपीडिओ लोओ । पुव्वं पि दिणमुहे उण्ह-किरणपाए निसेवेइ ॥३५१८॥  
 जेण जया संजायइ पओयणं तं तथा पयत्तेण । भयइ जणो पयईए न वल्लहो को वि कस्स वि य ॥३५१९॥  
 निव्विवरभित्तिभाए कुट्टिमभवणस्स मज्झउवरए । सोवंति नरा धणियो संघडियकवाडसंपुडए ॥३५२०॥  
 गिन्हंति सीयरक्खं तत्थ वि ते ईसि सीयपरिभूया । दियहे य अग्गिसगडिं नियनियडाओ न फेडंति ॥३५२१॥  
 एरिसयसीययाले वट्टंते चक्कवट्टिणो तणओ । माह्वराएण समं वच्चइ पंथे सपरिवारो ॥३५२२॥  
 गंतूण पंजलेणं मग्गेणं ताव जाव सिरिखेडं । गिन्हइ तत्थावासं सवित्थरं चक्किणो तणओ ॥३५२३॥  
 सिरिखेडाओ दाहिणउत्तरओ छच्च जोयणे दो वि । नयरं च पउमखेडं तह कुसुमपुरं च जह संखं ॥३५२४॥  
 तत्तो माह्वराओ गंतूणं वीरसेणकुमरस्स । साहेइ वज्जकुंडलकुमरं सिरिखेडसंपत्तं ॥३५२५॥  
 दाऊण वीरसेणो सिक्खं तं वज्जकुंडलसमीवे । पेसइ पुणो वि सिग्घं सो गंतुं तस्स विन्नवइ ॥३५२६॥  
 जह वीरसेणकुमरो कुमार तुह पाय-पंकयज्युस्स । मज्झ मुहेणं एयं विन्नत्तिं कुणइ विणयजुओ ॥३५२७॥  
 आसन्ना दो वि निवा अणंगदेवो य मयणदेवो य । संपत्ता मज्झ तओ तुम्हागमणं अहं तेसिं ॥३५२८॥

जाणाविस्समुवाएण केणई तोभएण ते तुम्ह । जह जंति नियत्तेउं अह वि भया एंति मह समुहं ॥३५२९॥  
तो तं चउत्थदियहे तुम्ह समीवम्मि पेसिउं पुरिसं । गल्याए वि निसाए जाणाविस्सामि सव्वं पि ॥३५३०॥  
जइ ते होति नियत्ता ता तुब्भे वयह कुसुमपुरनयरे । अह एंति समरसद्धाए सम्मूहा मज्झतो ज्जत्ति ॥३५३१॥  
अद्धं सेत्तं धरिउं अत्तसमीवम्मि सेस अद्धं तु । तुब्भेहि मज्झ पासे पेसेयव्वं अकयखेवं ॥३५३२॥  
तो काऊण पसायं मज्झुवरि दिणाइं जाव चत्तारि । तुम्हेहिं चिट्ठियव्वं सिरिखेडे चेव नयरम्मि ॥३५३३॥  
इय वज्जकुंडलेणं पडिवज्जेउं विसज्जिओ ज्जत्ति । माहवराओ पासम्मि वीरसेणस्स तेणा वि ॥३५३४॥  
सागारा अक्खोहा दक्खा परचित्तजाणया पुरिसा । पच्चुत्तरम्मि कुसला दोन्हं पि निवाण पासम्मि ॥३५३५॥  
सिक्खविउं पट्टविया गंतूणं ते वि ताण साहेति । दोन्हं पि नरिदाणं जह अम्हे चक्कितणएण ॥३५३६॥  
संपेसिया समीवे तुम्हाणं तेण भाणियं एवं । जह अम्ह वीरसेणो आगंतुं सेवओ जाओ ॥३५३७॥  
सो सिधुवीरनिवन्नंदणो ति काउं स गोरवं दिट्ठो । अम्हेहि तस्स दाउं पारद्धो जीवलोओ य ॥३५३८॥  
तेण न गहिओ भणियं च एरिसं मज्झ जीवलोएण । इन्हि न किपि कज्जं जत्थ दिणे विन्नवेमि अहं ॥३५३९॥  
तुम्ह तथा विन्नत्ती एक्का तुम्हेहिं सारियव्वा मे । इय भणिउं सेवंतो ठिओ इमो ताव जाव पिया ॥३५४०॥  
निसुओ इमेण परलोयपट्टिओ तो अणेण आगंतुं । विन्नत्तो ज्जत्ति अहं जह मज्झ सुसेणदेसस्स ॥३५४१॥  
दावेह खग्गवत्तलमेस तओ वारिओ मए एवं । एक्कंगो कह तं सिधुसेणमवणेसि रज्जाओ ॥३५४२॥  
तम्हा अन्नं देसं विउलं दावेमि तुज्ज जत्थ तुमं । अणुहवसि रज्ज लच्छि असंकिलेसो चिरंकालं ॥३५४३॥  
अह तेण नियं अहिमाणदुक्खमसमं निवेइउं अम्ह । एसो च्चिय देसो खग्गवत्तलाए तओ गहिओ ॥३५४४॥  
अम्हेहि तओ दिन्नो एक्को वि जणो न तस्स साहेज्जे । जं सिधुवीरपुत्ता दो वि इमे अम्ह तुल्ल ति ॥३५४५॥  
एयं च आसि नायं मए जहा एस भग्गमयपसरो । एही तओ विलक्खो जमेस अधणो य असहाओ ॥३५४६॥  
तइया दाविस्स महं जहो चियं कं पि देसमेयस्स । अहिमाणग्गहगहिओ गमिस्सए अहव परलोयं ॥३५४७॥  
तो सुकयदुक्कयाणं होही ण भायणमिमो नियकयाणं । एयं पुण आसि मणे वि अम्ह न जहा इमो एवं ॥३५४८॥  
खिविऊण पउमखेडे सत्तंतमवि सिधुसेणमवणीसं । पाडिस्सइ संकडए वसीकया सेसदेसजणो ॥३५४९॥  
ता जाव संपयं चक्कवट्टिआणाए कुसुमपुरनयरे । संचलिओ हं पियमित्तसेट्टिजिणभवनजत्ताए ॥३५५०॥  
पत्तो मिरिखेडपुरे ताव जणाओ इमं मए निसुयं । जह पउमखेडनयरं पवेट्ठियं वीरसेणेण ॥३५५१॥  
तह सिधुसेणरत्तो साहेज्जत्थं अणंगदेवनिवो । आगच्छंतो निसुओ दुइज्जओ मयणदेवो य ॥३५५२॥  
तो तुम्ह एयमुच्चियं न होइ जं एक्क जणयजायाणं । एएसि दोन्हं पि हु परोप्परं जुज्जमाणाणं ॥३५५३॥  
एक्कस्स कुणइ तुब्भे साहेज्जं दुइययं परिभवेह । अह एवं पि करिस्सह तो पक्खे वीरसेणस्स ॥३५५४॥  
अत्तो को वि भविस्सइ बलवंतो जस्स पासओ तुब्भे । अवखयदेहा देसे पुण न गमिस्सह नियत्तेउं ॥३५५५॥  
जं वज्जकुंडलेणं कहावियं तुम्ह तं इमं कहियं । अम्हेहिं तओ इन्हि विसज्जहा जेण वच्चामो ॥३५५६॥  
तो तेहि वज्जकुंडलपुरिसा भीएहि भासियाइय ते । जह अम्ह वज्जकुंडलकुमरो सामी तओ जुत्तो ॥३५५७॥  
तेणुवएसो दिन्नो आएसो तस्स संतिओ अम्हं । सीसस्सुवारिं कज्जं न कि पि णे सिधुसेणेण ॥३५५८॥  
अम्हे तुम्हेहिं समं आगंतुं वज्जकुंडलकुमारं । पणमिस्सामो अहवा तुब्भे वच्चह पुरो सिग्घं ॥३५५९॥  
मोत्तूण सेत्तमज्जे संठवगं कं पि तारिसं पुरिसं । छडया होउं पच्छा अम्हे वि समागमिस्सामो ॥३५६०॥  
इय भणिऊणं सम्माणिऊण वत्थेहि भूसणेहि च । दोहि पि नरिदेहि विसज्जिया ज्जत्ति ते पुरिसा ॥३५६१॥

गंतूण तेहि कहियं निवभणियं वीरसेणकुमरस्स । तेण वि ते सिरिखेडे पट्टविया तक्खणे चव ॥३५६२॥  
 सिक्खवणं दाऊणं जह तुब्भे निय पर्यपियं सव्वं । तेहि नरिदेहि समं तप्पडिवयणं च कहिऊण ॥३५६३॥  
 कुमरस्स वज्जकुंडलनामस्स तओ य अग्गओ तस्स । तेहि निवईहिं दिन्नं वत्थाहरणाइं ढोइज्जा ॥३५६४॥  
 जइ सो तुम्ह ममपइ तं गिन्हिज्जह तओ समग्गं पि । तह विन्नविज्जह इमं जया निवा दो वि ते तुम्हे ॥३५६५॥  
 पासम्मि मयणदेवो अणंगदेवो य एंति तुम्हेहिं । तइया मेलेय व्वो तेसिं सट्ठस्स सट्ठो त्ति ॥३५६६॥  
 इन्हिं निम्मिं पि वहिउं पभायसमयाओ आरओ तत्थ । गंतूण वज्जकुंडलकुमरो तुब्भेहिं दट्ठव्वो ॥३५६७॥  
 तेण सह मए गहिओ संकेओ अत्थि अज्जदियहाओ । अइकंतपंचमदिणे माहवरायस्स वयणेण ॥३५६८॥  
 सा चव इमा संकेयजामिणी अज्जवट्टए जाया । तो सो निसिं पि सव्वं चिट्ठिस्सइ अज्ज जग्गतो ॥३५६९॥  
 मह दूयस्स नियंतो मग्गं एंतस्स तो न तुम्हेहिं । कत्थ वि पहे पमाओ निदालुद्धेहिं कायव्वो ॥३५७०॥  
 इय सिक्खं गहिऊणं ते पुरिसा वीरसेणपासाओ । एंति सिरिखेडमग्गे एत्तो सो चक्किणो तणओ ॥३५७१॥  
 तीए चव निसाए जिणपडिडं पूइऊण संज्ञाए । सयणतलम्मि निवन्नो पडिहारं एवमाइसइ ॥३५७२॥  
 सव्वेसिं नायमाणं जाणावह पेसिउं निए पुरिसे । जह अज्ज चिट्ठिव्वं सव्वेहिं वि संवहेऊण ॥३५७३॥  
 तुम्हेहिं रयणीए जम्हा कुमरो कहिं पि आएसे । तुम्हे पेसिस्सइ तो तहेव ते भाणिया तेण ॥३५७४॥  
 अह पासनिसन्नं वज्जकुंडलो सहचरं नियं भणइ । जिणमित्तसावगं जह जग्गेयव्वं मए अज्ज ॥३५७५॥  
 चिट्ठइ चिरं निसाए कज्जेणं कुमरवीरसेणस्स । तो मह विणोयहेउं कं पि कहं सोहणं कहह ॥३५७६॥  
 वीररसपोसयं तह सव्वण्णुमयाणुविद्धमइरसियं । जग्गइ मह पासजणो सुहेण तह तीए अक्खित्तो ॥३५७७॥  
 अन्नं सुहासियभासएण भणिओ इमं तु जिणमित्तो । जा मज्झ रोयइ कहा कहेसि जइ तं तुमं तो हं ॥३५७८॥  
 जग्गिस्सं अन्नह पुण करिस्समिन्हिं पि नूण निदमहं । अन्नं इमो भणिओ कुण निदं किं तुमा दीहं ॥३५७९॥  
 तो वज्जकुंडलेणं हसिऊणं पढमओ इमं भणिओ । अक्खेहिं केरिसी तुह चित्तस्स कहा सुहावेइ ॥३५८०॥  
 सो जंपइ मज्झ कहा रोयइ पुरिसस्स संतिया तस्स । जो परकज्जम्मि दुहं सुदी वि होंतो सयं सहइ ॥३५८१॥  
 जह इन्हिं सहसिं तुमं हेमंतमहाहिमस्स दुहमसमं । एएण एत्तिएणं सेन्नेण समं समग्गेण ॥३५८२॥  
 चइऊण गंधमायणनयरम्मि निवायमत्तणो भवणं । एत्थागओसि पद्धरभूमीए जग्गसिं निसिं च ॥३५८३॥  
 तो जंपइ जिणमित्तो तं कं पि कहं अहं कहिस्सामि । जा तुज्ज वि कुमरस्स य अच्चंतं सम्मया होही ॥३५८४॥  
 तो वज्जकुंडलो तं जिणमित्तं पुच्छए तए एमा । कत्थ निमुया कहा जं कहिस्ससे संपयं अम्ह ॥३५८५॥  
 सो भणइ वरिसयालो जो एस गओ अहं तयवसाणे । समणुन्नविउं तुब्भे गओ ठिओ सयणमिलणत्थं ॥३५८६॥  
 दासउरे तत्थ तया समागया सूरिणो मुजसनामा । सह परिवारेण ठिया दियहाणं मासमेक्कं ते ॥३५८७॥  
 तच्चरणपज्जुवासणकारणओ हं पि संठिओ तत्थ । तेत्ति य दियहाणि पुणो सुयं मए तेसिं पासाओ ॥३५८८॥  
 जिणपूयाफलकहणावसरे सिरिचंदकित्तिणो रत्तो । विक्कमनिहिणो चरियं भुवणचमक्कारसंजणयं ॥३५८९॥  
 चंदकित्तिनिवकहा—  
 सो पुव्वभवे जंबुदीवेरवयस्स दाहिणद्धम्मि । मालुयगामे पयईए भइओ गह्वई आसि ॥३५९०॥  
 सो भूईसरनयरे नियकज्जेणागओ धणइडस्स । जिणहरठियस्स सइडस्स अंतिए जत्तसमयम्मि ॥३५९१॥  
 निय सट्ठाए उवरोहिऊण सइडस्स अप्पिउं दव्वं । पूयं बलिं च कारइ जिणस्स सविसेसमन्नदिणे ॥३५९२॥  
 सइडेण निद्ध महराहारेहिं भोइओ इमो सगिहे । लज्जाए सो वि भुत्तो अब्भहियं पि हु न परिचत्तं ॥३५९३॥  
 तेणाजिन्नेणो मरिउं पूयाफलेण संजाओ । सिरिचंदकित्तिराया पुरो वि कित्तीमे तच्चरियं ॥३५९४॥



एरवयद्धे तत्थेव अत्थि वित्थिन्नगामनयरेहि । अइरमणिज्जपएसो देसो नामेण हरिकेसो ॥३५९५॥  
 सब्वत्थ भूइकलिओ वित्थिन्नजडासओ वि साहारो । जो चउराणण गोविंदबहुमओ सोहइ हरो व्व ॥३५९६॥  
 तत्थत्थि पवरनयरं चंदउरं नाम अमरपुरसरिसं । सुरयणसहस्स रोहिरमच्छरसाऊरियदियंतं ॥३५९७॥  
 जत्थ वणि-विवणिठाणं नयरसिरीवयणपंकयसमाणं । पसरंतदंतहीरयपंती दित्तीहि रेहंतं ॥३५९८॥  
 पविसंतपवरपूगीफलमुज्जलनायवल्लिदलललियं । उल्लसियवह्लकप्पूरपरिमलं जाइफलकलियं ॥३५९९॥  
 जस्स बहि पायारो सुहासिओ सहइ साहुपुरिसो व्व । क्विसीसयसयकलिओ रावणरइओ व्व संगामो ॥३६००॥  
 वेयइहगिरिवरो इव विचित्तविज्जाहरीहि रमणिज्जो । परपुरिसदुप्पवेसो महासईहिययभावो व्व ॥३६०१॥  
 पायारसमं तेणं रेहइ वरवारिपूरिया परिहा । हिमगिरिसंकाए समागय व्व गंगामहासरिया ॥३६०२॥  
 चंदकरविमलकित्ती तं पालइ चंदकित्तिनरनाहो । करवालपुक्खरे जस्स निवसिरी इयररायसिरी ॥३६०३॥  
 जो को वि मग्गणजणो तं मग्गइ एक्कसिं पि गंतूण । सो होइ मग्गणिज्जो इयरेसिं सब्वकालं पि ॥३६०३॥  
 सो अन्नया नरिंदो पडिबुद्धो रयणिविरमसमयम्मि । जा चितंतो चिट्ठइ सेज्जगओ रज्जकज्जाइ ॥३६०४॥  
 ता किपि सुमरिऊणं सयणिज्जाओ समुट्ठिओ ज्जत्ति । विहियपभायावस्सयकम्मो पडिहारमाइसइ ॥३६०६॥  
 गंतूण तुमं अत्थाणमंडवं कारवेहसारवियं । तम्मिगए तं वयणं तह त्ति पडिबज्जिउं पच्छा ॥३६०७॥  
 कयदेवपवरपूओविरइयअइपवरवत्थिसिगारो । सब्वंगभूसणधरो सिरम्मि कयकुसुमसेहरओ ॥३६०८॥  
 विन्नत्तो पडिहारेण ज्जत्ति आगंतुमउलियकरेण । अत्थाणमंडवो देववट्टए कारिओ पउणो ॥३६०९॥  
 तव्वयणाणंतरमेव पत्थिवो तत्थ सणियमागंतुं । उवविसइ रयणरेहंतकणयसीहासणस्सुवरि ॥३६१०॥  
 रायाएसेण तओ पडिहारो मुयइ सेवयजणोहं । दारगयं सो वि नरिंदपणमणं काउमूवविसइ ॥३६११॥  
 निय निय ठाणे सामंतमत्तिमंडलियतंतवालाई । अह सो सणियं सणियं जम्मि वि निक्खिवइ नियदिट्ठि ॥३६१२॥  
 अत्थाणजणे राया तब्भारक्कंतमिदिसिरं तस्स । संघडियपाणिंसंपुडिबिहियावट्ठंभमवणमइ ॥३६१३॥  
 अत्थाणजणाउ बहि पि पेसए जाव सो निवो दिट्ठि । ता नियइ कुट्टिमयलं मणिमयमुट्ठंतकिरणोहं । ३६१४॥  
 कुंकुमरसच्छडासेयसोणमुत्तिद्विकिधत्तामरसं । अत्थाणमंडवसिरीवयणं व पमोयपहसंतं ॥३६१५॥  
 कुंकुमकयंगारायं विप्फारियलोयणं नियंतं व । वसुहाहिवमच्चभ्युपयावविप्फुरियमाहप्पं ॥३६१६॥  
 जाव तओ ठाणाओ दिट्ठि साहरइ नेय नरनाहो । तम्मि पएसे सहस त्ति ताव तेओ परिप्फुरिओ ॥३६१७॥  
 सहसंपुपयासाओ चउम्भुणो तं पलोइऊण तओ । अइविम्हयं व्हंतो अत्थाणजणं निरुवेइ ॥३६१८॥  
 तत्थ वि तेयप्पसरो तारिसओ चेव तो नियसरीरे । जाव निवेसइ दिट्ठि तत्थ वि रयणाहरणपडलं ॥३६१९॥  
 मासलियकिरणजालं अवलोयइ अह सहागओ वि जणो । मुहकमलाई पलोयइ परोप्परं तं तह नियतो ॥३६२०॥  
 अह पडिहारो पेक्खियपुव्वदिसिं विन्नवेइ रायाणं । पुव्वदिसाए दीसइ देवदुइज्जं व रविबिंबं ॥३६२१॥  
 तो अच्छरियाऊरियहियएणं जाव रायलोएण । सच्चवियं रत्ता वि यता दिट्ठंतं तह च्चेव ॥३६२२॥  
 जा किं पि वियप्पइ पुहइसामिओ माणसम्मि विम्हइओ । वेयालिएण एक्केण ताव सहस त्ति विन्नत्तो ॥३६२३॥  
 तुज्झ पयावसमाणत्तलंभरसिओ दिणेसरो देव । एयं करेइ रुवं दुइज्जमभहियतेइल्लं ॥३६२४॥  
 एत्थंतरे समग्गो अत्थाण जणो परोप्परं भणइ । चिट्ठउ अम्हेहिं अम्ह पुव्वपुरिसेहिं वि न इट्ठं ॥३६२५॥  
 एरिसयं कत्थइ न य सुयं पि जं संपयं पलोएमो । ता किं उप्पाओ को वि उट्ठिओ अयमयंडे वि ॥३६२६॥  
 नेमित्तियसच्चाएसस्स वि किं वयणमन्नहा होही । तं जेण अम्ह पहुणो कल्लाणपरंपरा कहिया ॥३६२७॥

निमिसंतरेण तत्तो सम्मुहमेंतं निएवि तं तेयं । वेयालियाण अन्नेण एरिसं जंपियं पुण वि ॥३६२८॥  
 तं देवतरणिबिं दुइज्जमेयं समेइ तुह पासे । सेवाकज्जेण व तुह पयावतुल्लत्तमलहंतं ॥३६२९॥  
 एवं रायपमुहस्स सब्वलोयस्स विम्हियमणस्स । खणमेत्तेण पविट्ठो कन्ने किकिणिझणक्कारो ॥३६३०॥  
 तयणंतरं खणेणं अणेयवरकणयखंभपतीहि । सोहतं नयणपहं ओइसं मणिमयविमाणं ॥३६३१॥  
 धुवंतधयवडायं पयडसिरीयं पसंतबहुतेयं । जाव सलीलं राया अवलोयइ ताव तं झत्ति ॥३६३२॥  
 अत्थाणमंडवस्सा न दूरओ न य समीवओ पत्तं । तम्मि निविट्ठा चिट्ठंति तित्ति सिगारिया पुरिसा ॥३६३३॥  
 वरहारकडयकेऊरकुंडलाईहि भूसणसएहि । भूसियसव्वसरीरा सोहंता मुरकुमार व्व ॥३६३४॥  
 तं मज्जाओ जुयलं उत्तिन्नं झत्तिगयणमग्गेण । तं धरणीयलसम्मिलियजाणकरयलसिरं पणयं ॥३६३५॥  
 निवइपयाणं पुरओ तेसि दोन्हं पि आसणाइं निवो । दावेऊणं जंपइ तुम्हे एएमुवरि उवविसह ॥३६३६॥  
 तो ते दोन्नि वि पुरिसा उड्ढा होऊण सिरिनिहियहत्था । विणएण विन्नवंति न अपसाओ देवकायव्वो ॥३६३७॥  
 अम्हाणं जं अम्हे तुम्ह वि आएसओ निसीएमो । नो आसणेसु देवो अम्हाण वि सामिणो पुज्जो ॥३६३८॥  
 तुम्हाएसो ता मत्थयम्मि अम्हाण देव ! सविसेसं । परमत्थि एत्थ कारणमइगरुयं तं निसामेह ॥३६३९॥  
 नियसामिएण अम्हे ऊसुयकज्जेण तुम्ह पायाणं । पासम्मि-पेसिया तं आयन्नह विन्नविज्जंतं ॥३६४०॥  
 अम्ह प्हू वेयड्ढे दाहिणसेट्टीए रयणउरनयरे । मणिचूडो नामेणं निवसइ विज्जाहरतरिदो ॥३६४१॥  
 अम्ह मुहेणं सो विन्नवेइ देवस्स पायपउमाणं । नियपडिवन्नं संपइ पालिज्जउ देव ! अइरेण ॥३६४२॥  
 तो चित्तइ नरनाहो तं चिय एयं फुडं समावडियं । रयणिविरमम्मि जं अज्जसुमरियं आसि अम्हेहि ॥३६४३॥  
 जं किर सो च्चिय दिवसो अट्टमओ एस अज्ज संपत्तो । जत्थ मए संकेओ खयरेण समं कओ आसि ॥३६४४॥  
 पुण विन्नत्तं खयरेहिं तेहिं मा देव ! कीरउ विलंबो । जं जाणंतो चिट्ठइ कज्जं देवो वि सयमेव ॥३६४५॥  
 तेणेरिसं विमाणं दिणमणितेयाउ अब्भहियतेयं । रयणमयं पेसवियं देवस्सारोहणनिमित्तं ॥३६४६॥  
 अन्नह अम्हे एमो नहमग्गेणव केवलेणेह । एरिसविमाणवित्थरकरणाकिलेसेण कि कज्जं ॥३६४७॥  
 तं खयराणं वयणं सुणिऊणं सेसमंतिणो सब्वे । चित्तंति नियनियमणे किपि रहस्सं इमं कज्जं ॥३६४८॥  
 तो अम्हाण न कहियं नरवइणा एयमप्पणो चेव । चित्ते धरिउं मुक्कं सुहुममई वा महामंती ॥३६४९॥  
 जाणिस्सइ धुवमेयं जमकहियं कि पि कज्जमेयस्स । न मुयइ कया वि निवई ता अम्ह किमेत्थ चिताए? ३६५०॥  
 सुहुममइ वि हु मंती विम्हइओ नियमणम्मि चित्तेइ । कि अच्चव्वभुयमेयं वयंति विज्जाहरा एए ॥३६५१॥  
 जं सो को मणिचूडो खयरिदो एत्थ आगओ कइया । कइया मंतिमयेयं तेण समं अम्ह नरवइणा ॥३६५२॥  
 जइ ताव अम्ह रत्ता रहस्स कज्जं ति साहियं नेयं । ता कि न सो वि केणा वि आगओ हंत इह दिट्ठो ॥३६५३॥  
 एयाण वि दोन्हं पि हु मज्जाओ को वि आगओ न सुओ । पासम्मि निवस्स मए रायासन्नाओ वि जणाओ ॥३६५४॥  
 अहवा कि मम एयाए संपयं एत्तियाए चिताए । इन्हि चिय होही पयडमेव सब्वं पि जं एयं ॥३६५५॥  
 जम्हा उत्तरमेयाण कि पि राया करिस्सए ताव । तत्तो च्चिय उत्तरओ जइ पुण जाणिज्जए कि पि ॥३६५६॥  
 इय चित्तिऊण वयणं नरवइणो पेच्छए महामंती । राया वि तम्मि मंतिम्मि पेसए मंथरं दिट्ठि ॥३६५७॥  
 लज्जाए संकुयंतो जंपइ य ससंभमो महामंति । कज्जमिणं अम्हेहिं तुम्ह न कहियं पमाएण ॥३६५८॥  
 अन्नह कह न कहेमो तुम्हाण वि जणयनिव्विसेसाण । ता अवराहो एसो खमियव्वो अम्ह तुम्हेहिं ॥३६५९॥  
 सुव्वउ कज्जरहस्सं मज्जा कंहंतस्स तं इयाणि पि । इय नरवइणा भणिए खयरकुमारण मज्जाओ ॥३६६०॥

विज्जुसिहो नामेणं एक्को जंपेइ जोडियकरग्गो । अच्छलियं मम तुम्हं किं पि अहं विन्नविस्सामि ॥३६६१॥  
 देव ! न जुत्तं एयं जं किर गरुयाण जंपमाणं । अणणुत्ताओ अन्नो पभासए अंतरे भासं ॥३६६२॥  
 नियमामिकज्जकरणम्मि ऊसुओ परमहं न सक्केमि । कालविलंबं सहिउं तेण न मे एस अवरारो ॥३६६३॥  
 गरुयपसायं काउं देवो आरूहउ इह विमाणम्मि । सव्वं पि वइयरमिमं मंतिस्स अहं कहिस्सामि ॥३६६४॥  
 तो चित्तेइ नरिदो जुत्तमिणं खेयरेण विन्नत्तं । तं चिय एयं जायं जं वुच्चइ इयरलोएण ॥३६६५॥  
 एक्केणं कज्जेणं कज्जाइं हवंति दोन्नि वि कयाइं । च्या वि सिंचिया होंति तप्पिया तहय पियरो वि ॥३६६६॥  
 गरुयाण लज्जणिज्जं नियपोरिसपयडणं सयं काउं । जम्हा तत्तो छुट्टामि ताव एक्कं इमं कज्जं ॥३६६७॥  
 त्रीयं पुणं नियपडिवन्नपालणं साहियं हवइ सिग्घं । सप्पुरिसाणं तं चिय जं करणिज्जं पयत्तेण ॥३६६८॥  
 इय चित्तिऊण भणिओ सुहुममई निवडणा महामंती । एसो वि कहउ जं अत्थि उमुयं अम्ह कज्जमिणं ॥३६६९॥  
 सयमकहणावराहो अम्ह न तुम्हेहिं को वि गहियव्वो । जम्हा कत्थ वि कज्जे एगंतो नत्थि विवुहाण ॥३६७०॥  
 अन्नं च तुम्ह अइसुहुमबुद्धिवाचाररज्जुसंजमिए । सव्वत्थ वि कयसुत्थे रज्जे चित्ता न मे अत्थि ॥३६७१॥  
 मामित्तमेत्तमेव य केवलमहमणुहवंतओ एत्थ । कोलामि जहिच्छाए वेयड्ढनगे वि गंतुण ॥३६७२॥  
 तं चिय करिस्समिन्हि उउव्वठाणम्मि खेयरिदस्स । अब्भत्थणाए तत्तो पुणं सिग्घमिहागमिस्सामि ॥३६७३॥  
 कज्जवसा ठायव्वं जइ तत्थ भविस्सए बहुदिणाणि । तो खेयरजुयलाओ तुम्हं जाणावइस्सामि ॥३६७४॥  
 एगागिणो वि देसंतरम्मि वच्चंतयस्स अवसेरी । मज्झ न तुम्हेहिं मणम्मि का वि थेवा वि कायव्वा ॥३६७५॥  
 सेणासहस्स समहियसामत्थो तुम्ह बुद्धिउवएसो । जं सुंदरो सहाओ सया वि मह अत्थि सन्निहिओ ॥३६७६॥  
 अन्नं पि अत्थि भणियव्वमेत्थ तं सुणउ सावहाणमणो । अत्थाणजणो सव्वो जो अम्ह समीहए सेवं ॥३६७७॥  
 मइवेयड्ढनगम्मि वि गयम्मि केणा वि मंतिणो वयणं । तेण न हु खंडियव्वं अम्हाण वि माणणिज्जस्स ॥३६७८॥  
 इय भणिऊण नरिदो खग्गगाहिस्स पासओ खग्गं । गहिऊण य कोयंडं कोयंडधरस्स पासओ ॥३६७९॥  
 पासम्मि सभण्णइ खेयरस्स तो विज्जुमालिनामस्स । तेणेव दिन्नबाहुं दाहिणहत्थेण गहिऊण ॥३६८०॥  
 सीहासपाउ सहसा समुट्ठिओ सहसहागयजणेण । विज्जुसिहेणं भणिओ तडित्तेओ खेयरो तइआ ॥३६८१॥  
 कुणह विमाणं आसन्नमेत्थ आरूहइ पत्थिवो जेण । तो रन्ना पडिसिद्धो स परवक्कमपयडणानिमित्तं ॥३६८२॥  
 निय परियणस्स पुरओ जह सो सव्वो वि निव्वुओ होइ । मह असहायत्तणओ मणं पि न मणे कुणइ अधिडं ॥३६८३॥  
 एय भावेणं भणियं तेणेत्थ टियम्मि इह विमाणम्मि । आरोहणं करिस्सं अह उप्पइउं गयणमग्गे ॥३६८४॥  
 पेक्खंतस्स सविम्हयमत्थाणजणस्स पत्थिवो तत्थ । आरूढो सहसच्चिय सिहो व्व करिदकुंभयडे ॥३६८५॥  
 खयरो वि विज्जुमाली नरवइणो अणुपयं तहारूढो । रायावि विमाणगओ अत्थाणजणं खणं नियइ ॥३६८६॥  
 जयसट्ठो समकालमेव सव्वेण तेण उग्घट्टो । भणियं पुणो पुणो तह पुणो वि देवो भवउ अम्ह ॥३६८७॥  
 आणंदभरनिरंतरनयणाणं दंसणिज्जमुहकमलो । नमणिज्जपायपउमो सिरचुबियमेइणितलाण ॥३६८८॥  
 अह तम्मि विमाणवरे पुव्वाभिमुहं रएण वच्चंतं । जुगवं पि समग्गसभा जणेण दिट्ठी पग्गिडुविया ॥३६८९॥  
 ता जाव तं विमाणं नयणाणमगोयरम्मि संपत्तं । तत्तो नियत्तिऊणं दिट्ठि ट्ठाणे पुण निविट्ठो ॥३६९०॥  
 सव्वो अत्थाणजणो विम्हयरसपरवसो मिहो वयइ । किं किं एयस्स नरेसरस्स -एक्कं पसंसेमो ॥३६९१॥  
 सव्वं पि जओ चरियं जणियच्छरियं जणस्स सव्वस्स । दक्खिन्नमणन्नसमं पडमं चिय जेण एयरस्स ॥३६९२॥  
 तत्तो साहसमउलं परोवयारित्तणं तओ अहियं । तत्तो परक्कमो पुण जयस्स सव्वस्स अब्भहिओ ॥३६९३॥

किंवहुणा भणिणं सव्वे वि गुणा न वन्निउं सक्का । अम्हारिसेण केणइ एयस्स महानरिदस्स ॥३६९४॥  
 इय अवियक्कियसंजायरायविरहेण दुम्मिय मणस्स । अत्थाणजणस्स चिरं कहापबंधो इमो जाओ ॥३६९५॥  
 अह सुहुममईमंती विज्जुसिहे खेयरम्मि नियदिट्ठि । पेसेइ पडिक्खंते पत्थावं पत्थुयं वोत्तुं ॥३६९६॥  
 अह सो मउलियकरकमलसंपुडो तस्स कहिउमाढत्तो । जह अज्ज वासराओ जं नवमदिणं अइक्कंतं ॥३६९७॥  
 तस्स रयणीए तइए जामे आउज्जनट्टुगेयाणं । महुरज्झुणीहिं सवणंतरेसु पविसंतएहिं तओ ॥३६९८॥  
 सेज्जगओ पडिबुद्धो सहसच्चियचंदकित्तिनरनाहो । तं निसुणंतो चित्तइ पेच्छणयमउव्वयं एयं ॥३६९९॥  
 किंपि कंहिं पि ट्ठाणे चिट्ठइ संजायमाणमसमाणं । ता किं कस्स वि गेहे इव्वभस्स महुसवो को वि ॥३७००॥  
 अहवा न एस सहो मज्जे नयरस्स कित्तु बाहिम्मि । पुव्वदिसाए पासे मणोरमुज्जाणदेसस्स ॥३७०१॥  
 तत्थ य नायरलोअस्स पेच्छणं ताव नेय संभवइ । किं चेरिसं न कत्थइ पेच्छणयं दिट्ठमम्हेहिं ॥३७०२॥  
 ता किंपि जाणियव्वं तत्थ वि गंतूण एयमम्हेहिं । इय चंदकित्तिराया चित्तेऊणं नियमणम्मि ॥३७०३॥  
 तो सयणिज्जतलाओ उट्टेउं बंधए दढं केसे । गाढीकरेइ परिहाणगंठिमा वंधए छुरियं ॥३७०४॥  
 तह अंगमुत्तरीएण छाइउं पाणिगहियवरखग्गे । पजलंतमणिपईवाउ वासभवणाउ निग्गंतुं ॥३७०५॥  
 छेयत्तणेण परिवंचिऊण जगंतए वि जामिल्ले । पत्तो पुव्वपओली पासे वलिउं तओ तिरियं ॥३७०६॥  
 आरूढो पायारे पयडीसु पए कमेण ठावंतो । तत्थट्ठिओ पएसे जत्थ य अट्टालओ अत्थि ॥३७०७॥  
 खणमेगं तत्थ निरिक्खिऊण पायारबाहिरुद्देसं । उप्पइओ गयणयले विहंगनाहो व्व अइदूरे ॥३७०७॥  
 तो लंघिऊण परिहं महानई वित्थडं तओ परओ । दूरयरं गंतूणं पुहईए संठिओ उड्डं ॥३७०९॥  
 निवडंतस्स य तो तस्स तत्थ पयघायकंपिया पुहई । वेयणमसहंती घुम्मिय व्व जाया खणं एककं ॥३७१०॥  
 पेच्छणयसट्टसवणाणुसारओ पट्ठिओ पुरो तत्तो । जंतो कमेण पत्तो मणोरमुज्जाणमज्झम्मि ॥३७११॥  
 हरिसेण वहसिरेहिं कुसुमेहिं मग्गपायवगएहिं । उवणीयं गंधमुवायणं व गिन्हंतओ तत्थ ॥३७१२॥  
 वच्चइ कमेणपुरओ जह जह आसन्नओ तओ होइ । तह तह सो पेच्छणयं कल्लगट्ठियं व निसुणेइ ॥३७१३॥  
 पाउवमुत्तालचलंतनच्चणीचरणरणिरनेउरयं । वज्जंतवेणुवीणा झुणिमसिणियगाइणी सट्ठं ॥३७१४॥  
 आउजियकरफालियपडहमुद्दंगाइआउजमुहेहिं । उट्टंतगरुयसट्ठेहिं आह्वं तं व तं वि निवडं ॥३७१५॥  
 एवं तस्स वयंतस्स तत्थ कोऊह्लाउलमणस्स । पत्तं नयणाण पहे जुयाइजिणमंदिरं झत्ति ॥३७१६॥  
 तं फलिहसिलाघडियं पसरंतोहिं करेहिं निययोहिं । ओसारिऊण तिमिरं दावेयं तं व अवयासं ॥३७१७॥  
 बहलदलनीलपायवपडलस्सवभंतरम्मि दीसंतं । तं सहइ धवलवन्नं गयणे सरयव्वभखंडं च ॥३७१८॥  
 तस्स य पुव्वाभिमुहस्स जाव जिणमंदिरस्स दारग्गे । सोवाणसन्निहाणे गच्छइ ता पेच्छए पुरओ ॥३७१९॥  
 मज्जे पजलंतमणिप्पवई व पसरंतघणपहाजालं । दूरो सारियतिमिरं तडिच्छडाडोवपिगलयं ॥३७२०॥  
 तो जाव गरुयसंभवसेण सोवाणपतिसु पयाइं । देतो तुरियं तुरियं उवरिं आरोहइ नरिदो ॥३७२१॥  
 गंतूण वलाणयदारमग्गओ तत्थ पेसए दिट्ठि । ताव न सो उज्जोओ न पेच्छणं नेय गेयझुणी ॥३७२२॥  
 एगपएच्चिय सव्वं कंहिंपि नट्टुं न पेच्छए किंचि । निहायंतं व जिणिदमंदिरं केवलं नियइ ॥३७२३॥  
 अह चित्तइ सो रया किमेयमच्चव्वभुयं पलोएमो । नडपेक्खणं व खणदिट्ठुनट्टुव्वं समग्गं ॥३७२४॥  
 पेच्छामि सुमिणयं किं किं वा मइविव्वभमो समुप्पन्नो । किं को वि दिवयाईं देसेइ ममेरिसं किं पि ॥३७२५॥

अत्रा जं वा तं वा किपि इमं होउ किं वियप्पेहि । पेक्खामि ताव पुरओ किमत्थि एयस्स मज्झम्मि ॥३७२६॥  
 इय चित्तिऊण जिणमंदिरस्स मज्झम्मि पविसइ नरिंदो । जा ताव पुरो पेच्छइ तवणिज्जमयं जिणपडिमं ॥३७२७॥  
 तहंसणाउ सहसत्ति तस्स जाओ मणम्मि आणंदो । गलियं नयणेसु जलं अंगम्मि समुग्गओ पुलओ ॥३७२८॥  
 तो धरणीयलमम्मिलियजाणुकरयलसिरेण पणिवाओ । पुहईसरेण विहिओ पडिमाए तयणुउवविसिउं ॥३७२९॥  
 मउलियकरकमलजुओ सो चित्तिउमेरिसं समाढत्तो । पेच्छ अहो ! सुकयाणं परिणामो केरिसो मज्झ ॥३७३०॥  
 अमयरमवरिससरिसं उप्पायंतो सुहं सरीरम्मि । परमप्पा को वि इमो जमज्ज देवो मए दिट्ठो ॥३७३१॥  
 ता भवियव्वमवस्सं केणइ कल्लाणसमुदएणं मे । आसन्नेणं चि य एत्थ संसओ नत्थि थेवो वि ॥३७३२॥  
 एत्तो चेव विचित्ता कित्तिज्जइ दिव्वपरिणई लोए । अन्नइ काउं चित्तियमन्नइ जं परिणमइ कज्जं ॥३७३३॥  
 तुच्छिदियसुहजणयं पेच्छणयं एत्थ पेच्छिउं पत्तो । ताव अहं जायं पुण दंसणमेयस्स देवस्स ॥३७३४॥  
 जं अकयसुकयकम्मस्स पाणिणो सब्बहा वि अइ दुलहं । रोरस्स व रयणमहानिहाणमासत्तमकुलाओ ॥३७३५॥  
 जं जेण पावियव्वं जया कयाई तया स तं लहइ । बहुयं पि उज्जमतो न अन्नसमयम्मि पावेइ ॥३७३६॥  
 अन्नइ इहेव नयरे मज्झ वसंतस्स एत्तिओ कालो । अइकंतो मग्गेण य गओहमेण बहुवारं ॥३७३७॥  
 गमियमवन्नए सब्बया वि परमेयमेयबुद्धीए । अरहंतसंतियमिमं देवहरं किं पि अत्थित्ति ॥३७३८॥  
 मज्झम्मि पविसिऊणं कयावि पुण कोउएण वि न एसो । देवो मए महप्पा पलोइओ अकयपुत्तेण ॥३७३९॥  
 इय चित्तिऊण एग्गमाणसो अइकयत्थमप्पाणं । मन्नंतो नरनाहो तं देवं थुण्णिउमाढत्तो ॥३७४०॥  
 ते च्चिय धन्ना मणुया तेसि जीयं पि मन्निमो सहलं । जे निययजम्ममज्जे नियति तं एक्कवारं पि ॥३७४१॥  
 जे उण पइदियइं च्चिय संचियसुहकम्मनिम्मलप्पाणो । तुह मुहकमले दिट्ठि महयरिलीलं नयति नियं ॥३७४२॥  
 तेसि तु किं भणामो ते च्चिय भुवणत्तए वि सारयरा । तुह दंसणओ निच्चं दलंति जे पुव्वपावाइं ॥३७४३॥  
 तुह गुणपरमत्थं जाणिऊण जे देवसंथुणंति तुमं । थोयव्वा अन्नेसि पि हुंति ते नूणमइरेण ॥३७४४॥  
 तुह गुणलवं पि नाहं नाह ! वियाणामि निरुवएसो जं । तह वि गुरुभत्तिभरिओ भणामि विन्नत्ति वयणमिणं  
 जं किं पि तिजयसामिय ! तुह उवरिकयाए होइ भत्तीए । तं संपज्जउ सेयं सया वि मह होउ अन्नेण ॥३७४६॥  
 अन्नपि कुणह एक्कं करुणं काऊण मज्झ उवरिम्मि । नियपयकमलेहितो वालेयव्वा मह न भत्ती ॥३७४७॥  
 इय थुण्णिऊणं तह पणमिऊण जिणपडिममसमभत्तीए । सो चंदकित्तिराया विणिग्गओ जिणहराउ बहि ॥४८॥  
 तत्तो नयराभिमुहं गंतुं जा किर कओ अभिप्पाओ । नरनाहेणं सहसत्ति ताव पुव्वे दिसाभाए ॥३७४९॥  
 दिट्ठं वियंभमाणं किसुयकुसुमारुणं किरणजालं । गयणग्गविलग्गं पासिऊण तं चितइ स एवं ॥३७५०॥  
 संज्जभरायसरिसं किमेयमुब्भासए इओ एवं । संज्ञाराओ नह्वइ ताव इमो जन्न संभवइ ॥३७५१॥  
 दिवसावसाणसमए ह्वेज्ज सो पच्छिमाए आसाए । एसा पुण पुव्वदिसा रयणीय बहू अइक्कता ॥३७५२॥  
 ता कि पभायपाया जाया रयणी वि एस अरुणुदओ । एसो वि न घडइ च्चिय अहिज्जंतो मणे सम्मं ॥३७५३॥  
 नक्खत्तेणं जेणं विहाइ रयणी इमम्मि मासम्मि । तं मत्थयप्पएसो अज्ज वि थेवं अइक्कतं ॥३७५४॥  
 तो दिसि दाहो किमिमो सो वि न संभमइ छिन्नमूलो जं । सो होइ एस भूमीतलस्स संलग्गओ चेव ॥३७५५॥  
 गामो को वि पलित्तो ह्वेज्ज कि एस इह पएसम्मि । सो वि न संभवइ जओ जेतिय दूरे इमो तेओ ॥३७५६॥  
 तट्ठाणाओ परओ गामो संबसइ सुद्धपुव्वाए । ऊसरभूमित्तणओ दवो वि न हु एत्थ संभवइ ॥३७५७॥  
 न य मणुयाण दाहट्ठाणं एयं कयावि संजायं । सम्मं चित्तिज्जंतो अग्गिस्स न एस तेओ वि ॥३७५८॥

जम्हा धूमसिहा इह समुल्लसंती न दीसए का वि । न य जाला वि जलंती अवलोइज्जइ कविलकंती ॥३७५९॥  
कुंकुम-कुसुंभ-केसरसरिसच्छाओ अवट्टिओ एसो । विलसइ तेयविसेसो ता कि पि इमं न जाणामि ॥३७६०॥  
अहं किं बहुणा परिकप्पिएण तत्थेव झत्ति गंतूण । अवणिज्जउ हिययाओ एस असेसो वि संदेहो ॥३७६१॥  
इय चित्तिऊण राया आसन्नो जाव तस्स तेयस्स । गच्छइ ता सो तेओ अगोयदिसाए संकंतो ॥३७६२॥  
तो चितइ पुहइवई विज्जुप्पुंजो किमेस संचलिओ । नियठाणाओ अहवा विसंवयइ दूरमेयं पि ॥३७६३॥  
जम्हा खणे खणे सो अदंसणी होइ दीसए तह य । दंसणपहमचयंतो एसो पुण चलइ ठाणाओ ॥३७६४॥  
ता किं सो च्चिय एसो तेओ जो देवमंदिरे दिट्ठो । इन्हि मए अदिट्ठो होऊण इह ट्टिओ पयडो ॥३७६५॥  
पेच्छणएण सयं सो दिट्ठो पुंवि मए परं तत्थ । तेणेव सह पणट्ठो एसो पुण केवलो तेओ ॥३७६६॥  
निउणं पि निरूविज्जंतमेयमम्हाण निच्छयपहम्मि । उयरइ नेय कहमवि अत्थि पुणो निच्छओ एसो ॥३७६७॥  
पुरिसविसेसेण सचेयणेण केणइ अहिट्टिओ एस । तेयविसेसो चिट्टइ कहन्नहा संकमइ एवं ॥३७६८॥  
ता जत्थ तत्थ वच्चउ एसो एयस्स जाव परमत्थो । तेयस्स न विन्नाओ मए नियत्तामि नो ताव ॥३७६९॥  
इय चित्तिऊण तुरियं जाव गओ अग्गओ पुणो राया । ताव पहापुंजो सो संकमिओ दाहिणदिसाए ॥३७७०॥  
तस्साणुमगलग्गो पहाविओ पत्थिवो पुणो जाव । नेरइयाए दिसाए गयंतओ तं पहाजालं ॥३७७१॥  
तत्थ वि जाव पवत्तो बद्धपइन्नो नरेसरो गंतुं । ताव तओ तेयाओ परिप्फुडा निग्गया वाया ॥३७७२॥  
तीए सो पडिसिद्धो जह भो भो ! भूमिगोयरा इन्हि । मा एहि सम्मुहो मे अवराहा तित्ति ते खमिया ॥३७७३॥  
गरुया वि मए पढमं करुणं काऊण नियय गरिमाए । जइ एसि संपयं पुण तो मा भणिहिसि न मे कहियं ॥३७७४॥  
जइ दीहजीवियव्वं अभिवंछसि अत्तणो तुमं कह वि । ता जाहि नियं गेहं पियसु जलं सीयलं सुइरं ॥३७७५॥  
अहं सव्वस्स वि भणियस्स तस्स अक्खुहियमाणसो भणियं । पच्चुत्तरं नरिदो करेइ पच्छाणपुव्वीए ॥३७७६॥  
जं किं पि जंपियमिणं अहो महापुरिस ! जंपियं तुमए । तं सव्वमसंबद्धं तस्स फलं किं चिं वि न अत्थि ॥३७७७॥  
जं ताव तए भणियं पियसु जलं सीयलं ति किर वयणं । तत्थ हिमकालरयणीए पच्छिमाए तिसा कस्स ॥३७७८॥  
तीए विणा वि तोयं न तुच्छ कालं पि को वि आवियइ । सुइरं पि तस्स पाणं महाविरुद्धं कह न होइ ॥३७७९॥  
जं च पर्यपियमेयं तुमए नियमंदिरे वयाहि त्ति । तत्थ गिहं मे पुहई तत्थेव ठिओमिह सयकालं ॥३७८०॥  
जं च तए भणियमिणं दीहं जइ जीवियं समहिलससि । तत्थ वि किं संदेहो भणिज्जए सिद्धवत्थुम्मि ॥३७८१॥  
जे जीवा संसारे सुरेसरई वि कीडपज्जंता । ते जीयमत्तणो दीहमेव सव्वेवि इच्छंति ॥३७८२॥  
जं भणियं तुह खमिया महावराहा मए पुरा तित्ति । तं सव्वहा वि विवरीयमेव जं तुज्ज अवराहा ॥३७८३॥  
सव्वे वि मए खमिया महं नयरे जं समागओ तं सि । मज्ज अपुच्छाए जहिच्छमेत्थवियरेसि रयणीए ॥३७८४॥  
तहं मज्जवि अप्पाणं गोवेसि न होसि पयडरूवेण । पट्ठीए एंतस्स वि परओ परओ पलाएसि ॥३७८५॥  
एवं कयावराहो जेण मए तंसि ने य निग्गहिओ । तेण खमियं पि न मए तुज्ज तुमं मज्ज खमओसि ॥३७८६॥  
एएण पगारेणं अहो महापुरिससव्वमेवेयं । तुमए पर्यपियं जं तं जायं पलवियप्पायं ॥३७८७॥  
इय दूसेउं कमसो जुत्ति जुयं परपर्यपियं सव्वं । तुन्हिक्को संजाओ जाव मही मंडलाहिवई ॥३७८८॥  
ताव पुणो वि पहामंडलाउ तत्तो विणिग्गया वाणी । सव्वमहो तं वुच्चइ जं पुहई अप्पचंग त्ति ॥३७८९॥  
एक्केक्कसो समग्गं पि अम्ह दूसेसि जंपियं तुट्ठो । अप्पाणं तु न जाणसि दंतो अणुचियमुवालंभे ॥  
जेहं तीह रयणियरा कस्स वि ते दैति दंसणं न नियं । पत्थंतस्स वि पासम्मि सुंठियस्सा वि मणुयस्स ॥३७९१॥

नायं इमं पि न तए एत्तिय कालेण निवइणा होउं । उत्ताणो भमसि मुहाए अप्पणो जंपियव्वेण ॥३७९२॥  
 अह भणइ पुहइनाहो भद् जओ एरिसं मए नायं । रयणीए तेण भमामि नयरबाहिम्मि एगोहं ॥३७९३॥  
 रयणीयरे नियंतो निय नयरोवइवस्स रक्खट्ठा । तेसि नयरपवेसं निवारिउं निग्गहत्थं च ॥३७९४॥  
 बेइ नरिदाभिमुहं पुणो वि सा तेयनिग्गया वाणी । रे कप्पडिय ! न चिट्ठसि तुन्हिक्को निठ्ठुरं बेंतो ॥३७९५॥  
 जह जह सहामि जंपामि कोमलं तह तहारुहसि सीसे । विच्चुयडक्कस्स व पायवेयणामंतरहियस्स ॥३७९६॥  
 दुव्वयणेहि इमेहि नूणं तं होसि लोगपालस्स । पाहुणओ दाहिणदिसिग्गयस्स नत्थेत्थ संदेहो ॥३७९७॥  
 अह जंपइ पहसंतो पुणो वि पुहईसरो सलीलाए । सच्चमिणं तुह वयणं न कोवि अन्नो वयइ एवं ॥३७९८॥  
 अहमेत्थ लोगपालो संपइ चिट्ठामि दाहिणदिसाए । तस्स मम पाहुणो तं ह्वेसि उक्खायखग्गस्स ॥३७९९॥  
 दुव्वयणाइं वयंतो इमाइं पागयजणस्स उचियाइं । अवियक्कंतो चित्तम्मि किंचि विसमं समं वा वि ॥३८००॥  
 पुण वि सकोवं सा वयइ भारईं तेयमंडलप्पभवा । तुह नूण पुन्नकालो वट्टइ तेणेह कड्डेउं ॥३८०१॥  
 आणीओ सिह्ठेणं संपइ तो जंपए पुणो राया । को एरिसं वियाणइ वोत्तुं अन्नो तुमं मोत्तुं ॥३८०२॥  
 पुन्नं भन्नइ सुकयं तस्स य कालो कहिज्जए समओ । सो मज्झ वट्टइ तओ तेणाहं एत्थं आणीओ ॥३८०३॥  
 जत्थ दुरायारो तं दिट्ठीए मज्झ गोयरं पत्तो । तो निग्गहिऊण तुमं होहिस्स महं सुही इन्हि ॥३८०४॥  
 पुण भणइ निवं वाणी विणिग्गया तेयमंडलाहिंतो । पंडिच्चेणं तह पोरिसेण अइमोडिओ तं सि ॥३८०५॥  
 एस तुमं संपइ पावमज्झपजलंतकोवजलणस्स । जालासु अकाले च्चिय लीलं सलहस्स अणुहवसि ॥३८०६॥  
 अह जंपइ पुहइवई कोवसिही तुज्झ पसिमिही झत्ति । मज्झ विलसंतपुक्खरउज्जलतरवारिधाराए ॥३८०७॥  
 अह निवदुव्वयणसराभिघायपरिताडिओ व्व हिययम्मि । तस्सुल्लसंतनिम्मलमउहजालस्स मज्झाओ ॥३८०८॥  
 पुरिसविसेसो सहसत्ति कोवि अइपयडदंसणो जाओ । सव्वंगं रयणाहरणभासुरो सुरकुमारो व्व ॥३८०९॥  
 तेण करवाललट्ठी झत्ति समायडिढया झलक्कंती । विज्जुलय व्व कराला करयलगहियाए अह तीए ॥३८१०॥  
 सो हक्कइ नरनाहं फोडितो नहयलं व सट्ठेण रे दुट्ठ ! धिट्ठिमफलं नियं इयाणिं पि अणुहवसु ॥३८११॥  
 जइ तुब्भ का वि सत्ती तो पुरिसो होसु किं पडिक्खेसि । अह तं पुहईनाहो साज्वन्नं भणइ हसिऊण ॥३८१२॥  
 पुव्वं चिय पुरिसो हं विहिणा चिट्ठामि निम्मिओ ताव । होमि विसेसेण पुणो संपइ पुरिसो तुहाणाए ॥३८१३॥  
 किं एत्तियसंरंभं काऊण वि अइचिरं विलंबेसि । अज्ज वि पहरसि सिग्गं इय भणिउं कडिडुं खगं ॥३८१४॥  
 नरनाहो निक्खोहो जाव ठिओ तस्स सम्मुहो ताव । तेण पुरिसेण मुक्को खग्गपहारो नरिदस्स ॥३८१५॥  
 रत्ता वि तस्स खग्गो दुखंडिओ नियय खग्गदंडेणं । खंडिज्जंतो अभिट्ठिऊण सो खंडए मउडं ॥३८१६॥  
 जमजीहाए सरिच्छा पच्छा आयडिढया छुरी तेण । सा वि तह च्चेव निवेण मुट्ठिसेसा कया झत्ती ॥३८१७॥  
 गुरुमच्छरेण अह सो लगंतो बाहुडंडजुज्जेण । गहिउं वामकलाईए वामहत्थेण नरवइणा ॥३८१८॥  
 नियमत्थयस्स उवरिं वाराओ तिन्नि भामिऊण तओ । मुक्को मंदं मंदं दयाए भूमीए मुच्छाओ ॥३८१९॥  
 निन्नट्ट सव्वचेट्ठो चिट्ठइ कट्ठं व जाव निप्फंदो । सो पुरिसो ताव नरेसरेण करुणापरवसेण ॥३८२०॥  
 नियमुत्तरीयवत्थंचलेण काऊण पवणमइपबलं । संवाहिऊण अंगेसु लद्धचेयन्नओ विहिओ ॥३८२१॥  
 चलिओ सासो उम्मीलियाइं नयणाइं च्लियमगेहिं । तस्स नरिदेण तओ सपुच्छिओ भद् ! किं तुज्झ ॥३८२२॥

अज्ज वि बाहइ अंगं कि पि तओ सो पुरोगयं दट्ठं । रायाणं झत्ति समुट्ठिऊण जुज्झुज्जुओ जाओ ॥३८२३॥  
 अपहुप्पंतो सो तस्स देहसामत्थओ नरिदस्स । विज्जाबलेण लग्गो समच्छरो जुज्झुउं तत्तो ॥३८२४॥  
 उप्पाडिऊण रक्खं मुयइ नरिदस्स सम्मुहं गरुयं । सो पुरिसो तमपत्तं नरेसरो अंतरे चैव ॥३८२५॥  
 एतं खंडाखंडि अणेगहा कुणइ खग्गंडेण । अह सो पुरिसो गयणे उप्पायइ पव्वयं गरुयं ॥३८२६॥  
 सो मत्थयप्पएसे निवस्स निवडेइ अज्ज वि न जाव । ताव तओ ठाणाओ ओसरिऊणं निवो झत्ति ॥३८२७॥  
 छेयत्तणेण गयणे उप्पइऊणं गिरिस्स तस्से व । सिहरम्मि समारूढो गिरीनिविट्ठो महीए ॥३८२८॥  
 विज्जासामत्थेणं पुणो वि सो पव्वओ सह निवेण । तेण समुक्खित्तो अंबरम्मि दूरयरमइरेण ॥३८२९॥  
 राया वि गंडसेलं पव्वयसिहराउ ढालिउं एक्कं । सयमुप्पइऊण गओ महीयले झिलइ तं उवलं ॥३८३०॥  
 तेण तहा तं सेलं अच्छोडइ महियलम्मि निवडंतं । सयसिक्करो दिसासुं जह वच्चइ तक्खणे चैव ॥३८३१॥  
 अह तस्स विक्कमगुणं निवस्स तं तारिसं निएऊण । चित्तचमक्कारविहाणपच्चलं सयललोयस्स ॥३८३२॥  
 मोत्तूण समरसरंभमवणओ पायपंकयजुयम्मि । सो पुरिसो झत्ति करेइ खामणं पयंपंतो ॥३८३३॥  
 जं कि पि कन्नकडुयं पजंपियं संपयं मए तुम्ह । कायस्स तह किलेसो जो विहु उप्पाइओ को वि ॥३८३४॥  
 एत्तिय कालं काऊणमसमसंगामवइयरं एयं । होऊण पसन्नमणो सव्वं तं खमह मह इन्हि ॥३८३५॥  
 अह तं गहिउं हत्थेण पत्थिवो झत्ति उट्टवेऊण । एगपएसे नेउं उव्वेसेउं भणइ एवं ॥३८३६॥  
 जइ अवराहो विहिओ भइ ! तए होइ कोइ अम्ह मणं । तो तत्थ खामणमिणं कायव्वं होइ तुह जुत्तं ॥३८३७॥  
 काऊण वि उवयारं जं खामसि तं पुणो अइ विरुद्धं । अह विम्हइओ दूरं सो पुरिसो जंपए एवं ॥३८३८॥  
 अच्छरियं जणइ इमं तुह वयणं मह मणम्मि नरनाह ! । जं अवयारं पि कयं जंपसि उवयारभावेण ॥३८३९॥  
 अह राया तं पुरिसं आह जहा भइ ! निसुण इह जुत्ति । जह अत्थि तए विहिओ उवयारो संपयं मज्झ ॥३८४०॥  
 जं ताव कन्नकडुयं कि पि तए मज्झ सम्मुहं भणियं । तेण मए विन्नायं जं एरिसनिट्ठुरगिराहिं ॥३८४१॥  
 सव्वो वि जणो एवं दूमिज्जइ माणसेण दुक्खेण । ता सव्वहा वि न मए भणियव्वं एरिसं कडुयं ॥३८४२॥  
 कस्स वि जणस्स समुहं रंकस्स वि सेवियावराहस्स । तत्तो तुह वयणाओ एस विवेओ समुप्पन्नो ॥३८४३॥  
 अज्जावयाउ बालत्तणम्मि जगई जणाउ रज्जम्मि । जो न गुणो मम जाओ सो अज्ज तुमाउ संपन्नो ॥३८४४॥  
 समरसमारंभेण वि कायकिलेसो तहाविहो को वि । मज्झ न जाओ कि पुण वाया मम पयम्मि सो पडियो ॥  
 वायामो पुण निच्चं उव्वेच्च पुरिसेण होइ करणिज्जो । तत्तो जायइ देहस्स लाघवाई गुणो जेण ॥३८४६॥  
 तस्स पमायवसेणं कयस्स पक्खो वि समहिओ जाओ । तत्थज्ज उज्जममहं कारविओ केत्तियं पि तए ॥३८४७॥  
 एयाए जुत्तीए दो उवयारा तए कया मज्झ । तत्थ तुह तेण खेओ थेवो वि न होइ कायव्वो ॥३८४८॥  
 तं सच्चवियं तुमए जं वुच्चइ सज्जणो सुरुट्ठो वि । कुणइ परस्सुवयारं अविद्यारो न उण अवयारं ॥३८४९॥  
 आयन्निऊण इयराय जंपियं जुत्तिसंजुयं सव्वं । नियमाणसम्मि चितइ सो विम्हयपरवसो पुरिसो ॥३८५०॥  
 एयस्स अहो गरिमा अहो विवेओ अहो खमा असमा । सुयणत्तमहो उच्चियण्णया अहो वयणविन्नासो ॥३८५१॥  
 ता सव्वहा वि मह चितियस्स कज्जस्स साहगो एसो । संभाविज्जइ नियमा कहेमि ता हियमेयस्स ॥३८५२॥  
 इय चित्तिऊण भणिओ पुरिसेण नरेसरो तओ तेण । जह चंदकित्तिनामो तुमं नरिदो जयपसिद्धो ॥३८५३॥  
 निय कित्तिभरियभुवणंतरो य सव्वत्थ नज्जसे पयडो । जइ तुम्हे अणुजाणह कहेमि तो तुम्हमप्पाणं ॥३८५४॥



अह रत्ना पडिभणिओ सो पुरिसो भद् ! कहसु वीसत्थो । सव्वं पि को तुमं किं निमित्तमेत्थागओसि त्ति ॥३८५५॥  
 केण व कज्जेण तए एत्तियमित्तो कओ समारंभो । इय सोच्चा निववयणं सो पुरिसो कहिउमाढत्तो ॥३८५६॥  
 इह एरवएवासे वेयड्ढे दाहिणाए सेढीए । रयणउरनयर सामी आसि नरिंदो रयणचूडो ॥३८५७॥  
 तस्संतैउरपवरा रयणवई नाम पिययमा आसि । तेसिं जाओ पुत्तो मणिचूडो नाम गुणकलियो ॥३८५८॥  
 पुण संजाया धूया तस्सुवरिगएहिं बहुयवासेहिं । तीसे य जम्मकाले नियदेहपहाहिं सूइहरं ॥३८५९॥  
 नीसेसं पि पहासियमओ कथं से पभावई नाम । सा ससिकल व्व निच्चं वड्ढइ धाईपरिग्गहिया ॥३८६०॥  
 सा पुव्वज्जिय सुकया नयणमणाणंदयारिणी जाया । अंतैउरपमुहाणं सव्वेसिं रायलोयाणं ॥३८६१॥  
 हत्थाओ हत्थंतरमणुसमयं संचरेइ सा तेसिं । निदायंती कहमवि जइ मुच्चइ तेहिं सयणिज्जे ॥३८६२॥  
 अन्न समयम्मि नयरे जिणिंदस्स मंदिरे जाओ । जत्ता महुसवो तत्थ सव्वविज्जाहरा मिलिया ॥३८६३॥  
 राया वि रयणचूडो सव्वेण वि परियणेण संजुत्तो । तत्थ गओ वंदित्ता देवे एगत्य आसीणो ॥३८६४॥  
 तयणंतरं खणेण दो चारणसमणया समायाया । गुणचंदो मुणिचंदो नामेणं गयणमग्गेण ॥३८६५॥  
 ते अभिवंदिय देवे तस्सेव य रयणचूडरायस्स । आसन्नम्मि विइन्नासणे निसत्ता समागतुं ॥३८६६॥  
 ते पणमिऊण राया तेहिं समं जाव चिट्ठइ कुणंतो । धम्मवियारकहाओ ता तत्थ समागया धूया ॥३८६७॥  
 धाईकडीए चडिया पभावई रयणभूसियसरीरा । तिवरिसजम्मा अव्वत्त तं जंपिरीकन्नसुहजणणी ॥३८६८॥  
 तं रयणचूडविज्जाहरेसरो पासिऊण सहस त्ति । गिन्हइ तीसे पासाउ अप्पणो पाणिजुयलेण ॥३८६९॥  
 तो तेसिं समणाणं पणामए पायपउमजुयलेसु । कोमलवयणेण तओ ते वि हू तं धम्मलाभंति ॥३८७०॥  
 पिउणो पाणिठियच्चिय तोसाविय संतवयणसयवत्ता । पप्फुल्लनयणनलिणामुहकमलाइं पलोयंती ॥३८७१॥  
 तेसिं चैव मुणीणं जा चिट्ठइ ताव तं तहा दट्ठुं । गुणचंदमुणीपभणइ सुयम्मि दाऊणमुवओगं ॥३८७२॥  
 भद्दे ! तुज्झ भविस्सइ भत्ता खयरिंदपणयपयकमलो । खयराण चक्कवट्ठी अओ करिज्जासि बहुधम्मं ॥३८७३॥  
 चारणमुणिस्स तं तस्स जंपियं पासवत्तिणा पिउणो । मणिचूडेण वि निसुयं अग्नेण वि खयरवग्गेण ॥३८७४॥  
 तत्तो खणंतरेणं चारणमुणिणो गया नियट्ठाणं । राया वि रयणचूडो नियया वासम्मि संपत्तो ॥३८७४॥  
 अह केत्तियम्मि काले अइकंते गयणवल्लहपुरम्मि । जो आसि चक्कवट्ठी खयराणं सो गओ निहणं ॥३८७६॥  
 एयं च रयणचूडेण राइणा मेहमालिनामाओ । निय सेवयाउ निसुयं समागयाओ तओ नयरा ॥३८७७॥  
 तो रयणचूडखयरसरो तओ तं गिरं निसामेउं । वज्जाहओ व्व जाओ गंडयलनिहित्तकरकमलो ॥३८७८॥  
 चित्तइ मणम्मि एवं अचित्तियं कह अहो इमं जायं । तस्स गुणचंदमुणिणो वयणं किं अन्नहा होही ॥३८७९॥  
 धूया पभावई मे संपइ जोव्वणसिंरिं समारुहइ । तीए परिणयणकालो होही ता किं करेयव्वं ॥३८८०॥  
 इय निच्चमुव्वहंतो चित्ताभरपूरियं नियं चित्तं । कालं गमेइ दुहिओ खयरनरिंदो रयणचूडो ॥३८८१॥  
 अह अन्नया मुणिंदो गुणभद्दो नाम चारणमुणीहिं । बहुएहिं परियरियो समागओ तम्मि नयरम्मि ॥३८८२॥  
 नाऊणं तं समागयमुज्जाणे रयणचूडखयरिंदो । सहस त्ति वंदणत्थं तस्स गओ परमभत्तीए ॥३८८३॥  
 तं वंदिऊण पहरिसवसेण पुलइज्जमाणसव्वंगो । कत्थ वि उचियपएसे उवविसिउं सविणयं सुणइ ॥३८८४॥  
 गुणभद्दमुणिंदेणं कीरंति धम्मदेसणं पवरं । लद्धावसरो पच्छा पुच्छइ नियसंसयमसेसं ॥३८८५॥  
 भयवं ! समए एक्कम्मि एत्थ आसी समागओ साहू । गुणचंदो नामेण तुम्हाणं चैव सो सीसो ॥३८८६॥  
 जत्ता समयम्मि जिणिंदमंदिरे तेण सन्निसन्नेण । मम हत्थसंठियाए धूयाए ति वरिसवयाए ॥३८८७॥

समुहं पभावईए भणियं जं तुज्ज होहिई भत्ता । खयरण चक्कवट्टी तं वयणं अन्नहा जायं ॥३८८८॥  
तो किं तेण वि गुणवंतएण मुणिणा अजाणियं भणियं । तो सूरिणा सभणिओ सा परिणीया किमन्नेण ॥३८८९॥  
तो भणियं खयरनरेसरेण सा अत्थि अज्ज वि कुमारी । कित्तु सखेयरचक्की अरिसीहो निहणमणुपत्तो ॥३८९०॥  
बेइ मुणिदो खयरिंदमेवमुल्लवसि तो तुमं कम्हा । जं संजायं गुणचंदसाहुणो अन्नहा वयणं ॥३८९१॥  
राया जंपइ भयवं कह पुण तं अन्नहा न संपन्नं । गुणचंदसाहुवयणं तुम्हे मह संसयं हरह ॥३८९२॥  
तो सूरी उवओगं सुयम्मि दाऊण भणइ खयरिंदं । गुणचंदेण जमुत्तं भावत्थं तस्स नो मुणिसि ॥३८९३॥  
गुणचंदवयणतत्तं एयं जो को वि तुज्ज धूयाए । भत्ता भविस्सए सो होही खयरण चक्कि त्ति ॥३८९४॥  
तीसे पुव्वभवज्जियपुत्ताए पाविऊण भट्टित्तं । पढममचक्की वि नरो पच्छा होही खयरचक्की ॥३८९५॥  
पुव्वं पि खयरचक्की जो उण सो नेय तुज्ज धूयाए । होही भत्ता खयरिंद एस मुणिवयणभावत्थो ॥३८९६॥  
राया विन्नवइ पुणो सूरिं भयवं ! किमन्नजम्ममि । पुन्नं कयमेयाए जेणेसा एरिसपभावा ॥३८९७॥  
तो आह मुणिवरिंदो खयरिंद सुणेह जह कयं तीए । पुन्नं अन्नम्मि भवे तं तह साहेमि तुह सव्वं ॥३८९८॥

राईमई कहा—

इह चैव य एरवएवासे विस्सउरमत्थि वरनयरं । तत्थासि रामदेवो नामेण वणी धणसमिद्धो ॥३८९९॥  
तस्स य भज्जा राईमइ त्ति रुवाइगुणगणसमिद्धा । अन्नसमयम्मि केणइ कज्जेण गओ सउज्जाणं ॥३९००॥  
दट्टूण तत्थ साहुं कं पि तओ वंदए पहिट्टुमणो । सोऊण तओ धम्मं पडिबुद्धो सावओ जाओ ॥३९०१॥  
गंतूण तओ गेहं नियमहिलाए पुरो पसंसेइ । तं साहुं सा चिट्ठइ मोणेण न किं पि जपेइ ॥३९०२॥  
सो चित्तइ मह गिहिणी जइ एसा विहु करेइ जिणधम्मं । तो मज्ज सुहेणं चिय धम्मो निव्वहइ निव्विग्घो ॥  
इय चित्तिऊण भणिया सा तेण तुमं पि एहि दंसेमि । जेण तुह पवरसाहुं तं धम्मो जेण मह कहिओ ॥३९०४॥  
तस्सुवरोहेण गया सा तेण समं मुणिसस पासम्मि । मुणिओ धम्मो वि परं न परिणओ को वि चित्तम्मि ॥३९०५॥  
तो पणमिऊण साहुं समागया नियगिहं सह पिएण । सो रामदेवसड्ढो देवालयसंठियाओ तओ ॥३९०६॥  
आइच्चप्पभिईणं पडिमाओ सव्वदेवरूवाणं । गेहाओ नीहारइ ठावइ जिणसत्तियं पडिमं ॥३९०७॥  
पूएइ पइदिणं चिय तं सो वंदेइ च परमभत्तीए । राइमई पुण न कुणइ जिणपडिमाए पणामाई ॥३९०८॥  
नियभत्तीए किच्चि वि तस्सुवरोहेण जइ कुणइ किपि । सो पन्नवेइ बहुहो वि सा तारिसी चैव ॥३९०९॥  
चित्तम्मि वहइ खेयं नीहारियपुव्वदेवरूवाणं । आणेउं पच्छन्नं गिहेगदेसे ठावइ ताइ ॥३९१०॥  
पूएइय पइदियहं तं नाउं रामदेवसड्ढो वि । चित्तइ जह पेच्छ अहो कम्माणं परिणइ चित्ता ॥३९११॥  
रूवाई गुणनिवहो जह एईए विणिम्मिओ विहिणा । जिणधम्मम्मि परिणई तह न कया तेण थेवं पि ॥३९१२॥  
अहवा सव्वगुणाणं सव्वत्थ वि दीसए न समुदाओ । कम्मि वि विरलम्मि जणे जइ होज्जा सुकयपुन्नम्मि ॥३९१३॥  
एईए ताव दीसइ होंतो न जिणिदधम्मपरिणामो । सावयधूयं परिणेमि कं पि ता मग्गिउं इन्दि ॥३९१४॥  
मइ अन्नत्थ गयम्मि वि जह सा भत्ति करेइ सयमेव । जिणपडिमाए साहुण देइ तह भत्तपाणाई ॥३९१५॥  
अह सो कस्स वि वत्थव्वयस्स सड्ढस्स कारणं कहिउं । पत्थेऊणं धूयं मोहिणिनामेण परिणेउं ॥३९१६॥  
आणेइ नियम्मि गिहे तं दट्टूणं समागयं तत्थ । चित्तइ राइमई विहु परिणीया साविया एसा ॥३९१७॥  
उवरिं मज्ज इमेणं दइएण जिणिदधम्मतिसिएण । तरुणेण विहविणा विहु न उणो विसयाणुराएण ॥३८१९॥  
ता जइ एएण समं संपइ रूसणयमाहवेमि अहं । तोहं होमि न किच्चि वि एसा घरसामिणी होइ ॥३९१९॥

पुव्वं पि ताव न कयं मए मणुञ्जं इमस्स जंपइणो । चित्तं नाऊण इमा जिणपडिमा पूइया नेय ॥३९२०॥  
 जइ वि मम नत्थि भावो हिययम्मि तथा वि भत्तुणो चित्तं । अणुवत्तेयव्वं चिय जस्स पसाएण विलसामि ॥३९२१॥  
 अज्ज वि न कि पि नट्टुं चिट्ठइ मह एत्तियम्मि वि गयम्मि । जा अज्ज वि पसरमिमा नवरिणीया न पावेइ ॥  
 ताव सयं चिय सव्वं करेमि एयस्स भत्तुणोभिमयं । जह पुव्वठिई एच्चियटिओ सया एस मह वहइ ॥३९२३॥  
 इय चित्तिऊण एसा संवरिऊण विसायछायं पि । होऊण पसन्नमुही राइमई भणइ निय दइयं ॥३९२४॥  
 नाह ! पसाओ एसो मज्झ महंतो तए कओ अज्ज । जं मह बहिणी एसा मज्झ सहाया समाणीया ॥३९२५॥  
 सोऊण तीए वयणं तो चित्तइ रामदेववरसड्ढो । इय नायं आसि मए जह एसा रुसिही मज्झ ॥३९२६॥  
 जा पेच्छामि इमं ता सविसेसं पहसियाणणा जाया । ता किं पि अउव्वमिमं जायं धम्मप्पभात्रेण ॥३९२७॥  
 इय चित्तिऊण तो रामदेववरसावओ इमं वयइ । दइए जह चैव तए जंपियमेयं तहच्चेव ॥३९२८॥  
 एसो च्चिय अभिप्पाओ मह चित्ते कि पि जं तुमं किच्चं । गिह संतियं न सक्कसि काउं तं कारविस्सामि ॥३९२९॥  
 एईए पासाओ इय बेंतो रामदेवसड्ढो सो । चित्तइ नियम्मि चित्ते जिणपडिमा पूयणाईयं ॥३९३०॥  
 राइमईए विट्ठु एवमेव परिचितियं नियमणम्मि । तम्मि खणे दइयगिरं अणंतरुत्तं निसामेउं ॥३९३१॥  
 अह सो पयइं जंपइ किं तु परं तुज्ज भीयचित्तेण । न मए तुज्ज वि कहियं पढममिमं आढवंतेण ॥३९३२॥  
 ता सु दरमेव इमं जायं जं सम्मयं तुह मणे वि । सा वेइ संमयं चिय मह तं जं तुम्ह अभिरुइयं ॥३९३३॥  
 इय तव्वयणं सोउं चित्तइ सो सावओ नियमणम्मि । मन्नामि इमं जइ तुह जिणंदधम्मे वि होइ रुई ॥३९३४॥  
 राइमई पुण चित्तइ जिणपडिमा पूयणाइयं इन्हि । जइ वि करिस्सामि अहं तह वि इमो मन्निही कवडं ॥३९३५॥  
 जम्हा आइच्चाई पडिमाणं पूयणाभिओगो मे । दइएण मज्झ दिट्ठो चिट्ठइ तम्हा तमभिसंकं ॥३९३६॥  
 एयस्स माणसाओ केण वि फेडेमि नियउवाएण । इय चित्तिउं विणिच्छिय तदुवाया सायरं तत्तो ॥३९३७॥  
 एसा जंपेइ जहा अन्नपि तुहत्थि किं पि कहियव्वं । नाह मए तं पि तुमं एगगमणो निसामेहि ॥३९३८॥  
 एगम्मि अईयदिणे भणियाहं माणुसेण केणा वि । वियणम्मि कुलकमागयदेवयरूवाण जं चाओ ॥३९३९॥  
 अज्ज तुह पिययमेणं विहिओ तं तेण संगयं न कयं । होइ अणिट्ठं गरुयं नियमा एवं कुणंताणं ॥३९४०॥  
 ताइं गहिऊण तम्हा गिहेगदेसे ठवेह ताव तुमं । पूइज्जसु पच्छन्नं पच्छा अणुवत्तिउं दइयं ॥३९४१॥  
 तस्स वि पासाओ पूयमेसि निच्चं पि कारविज्जाहि । तं कयमेत्तियकालं तत्थ पमाणं तुमं इन्हि ॥३९४२॥  
 तं भणइ रामदेवो ! मुद्धे ! केणा वि विप्पलद्धासि । सव्वमपमाणमेयं जं भणियं तेण तुह समुहं ॥३९४३॥  
 सव्वण्णुच्चिय देवो नोसेसमुरासुरिंदनयचलणो । आइच्चाइदेवा सव्वे विय सेवया तस्स ॥३९४४॥  
 जह होइ चक्कवट्टी सव्वेसि इयरनरवराईणं । नमणिज्जपायपउमो तह सेससुराण एस जिणो ॥३९४५॥  
 जो चक्कवट्टी सेवं चइऊणं करइ इयर नरसेवं । केरिसयं तस्स फलं हवेज्ज तत्तो तुमं कहसु ॥३९४६॥  
 अह चित्तइ राइमई निय चित्ते नूणमेस मह भत्ता । लुच्चियसिरेण तेणं मुक्को धत्तुरिऊण दढं ॥३९४७॥  
 तो चिट्ठइ गिन्हंतो इट्टाले एस कणयबुद्धीए । जं पुण जच्चसुवन्नं तं इंगालं व परिहरइ ॥३९४८॥  
 जो पच्चक्खो देवो आइच्चो सयलभुवणवल्लयस्स । तं चइउमदिट्ठो जो को वि जिणो तं मुणइ देवं ॥३९४९॥  
 किं मज्झ अप्पेण समं उत्तरपच्चुत्तरेहिं रइएहिं । को वि न अत्थो सिज्जइ होइ अणत्थो परं एक्को ॥३९५०॥  
 ता मन्नामि असेसं एयस्स पयंपियं इमं इन्हि । जो देवो मज्झ मणे तत्तो तं को वि नो हरइ ॥३९५१॥  
 इय चित्तिऊण भणियं राइमईए जहा तुहाएसो । निच्चं मज्झ पमाणं कएण किं बहुवियारेण ॥३९५२॥

तुट्ठेण तओ भणिया राइमई रामदेवसड्ढेण । साहु पिए संलवियं तए इमं मज्झ मणहरणं ॥३९५३॥  
तम्हा देव य रूवाइं ताइं नेऊण कत्थ वि चएह । जिणपडिभाए पूयं करेहि निच्चं पि भत्तीए ॥३९५४॥  
पडिबज्जिऊण तं तह वयणं नियभत्तुणो तओ गंतुं । सा राइमई मुंचइ सही गिहे देवरूवाइं ॥३९५५॥  
तं तज्जइ एयाइं पूएयव्वाइं पइदिणं तुमए । पूयामोत्तं पुण मज्झ पासओ तं गहिज्जासि ॥३९५६॥  
तद्वियहप्पभिइं सा जिणपडिमं वित्थरेण पूयंती । वंदंती वि य निच्चं हिययं दइयस्स अवहरइ ॥३९५७॥  
जइ एंति के वि कइया वि साहुणो तत्थ ताण पासम्मि । वच्चइ सा भत्तीए वंदइ धम्मं च निसुणेइ ॥३९५८॥  
अह रामदेवसड्ढो चितइ नियमाणसम्मि परितुट्ठो । एईए दूसणमेयमेक्कमेवासिअइगरुयं ॥३९५९॥  
जं न कुणंती धम्मं जिणभणियं संपयं पुण इमं पि । जं काउं पारद्धा तो एईए न मुल्लं पि ॥३९६०॥  
इय चित्तिऊण अहिणवपरिणीयं सावयस्स सो धूयं । मोत्तूण गरुयमायरमुदा स चित्तेण पासइ ॥३९६१॥  
राइमई वि सर्वाक्क तं मोहिणिनामियं सिणेहेण । पढमं पासइ कइवयदिणाणि वीसासजणणत्थं ॥३९६२॥  
तीसे दइयस्स तहा जिणपडिमा पूयणं मितं पच्छा । वावारइ इय भणियं तुमं पि कारेज्ज से धम्मं ॥३९६३॥  
चित्तम्मि पुणो चितइ छुट्ठाहं तंतलीए एयाए । एसच्चिय कुणउ इमं जा जाया सावयकुलम्मि ॥३९६४॥  
अइपवलमहामिच्छत्तकम्मपडलस्स उदयओ तीसे । थेवं पि न संजाओ मणम्मि जिणधम्मपरिणामो ॥३९६५॥  
तीसे उवरिम्मि जहा चित्तं उत्तरइ भत्तुणो दूरं । तह सिक्खवइ सर्वाक्क पइणो निहुयं सुणंतस्स ॥३९६६॥  
तं सावयस्स धूया आलस्सं तुह न जुज्जए तेण । काउं कया वि भदे जिणवंदणपूयणाईसु ॥३९६७॥  
अह मोहिणी वि चितइए सा मह देइ सोहणं सिक्खं । होऊण सवक्की विहु कह पेच्छइ मोहिया मज्झ ॥३९६८॥  
सड्ढो वि रामदेवो नियचित्ते एरिसं विचितेइ । राइमई अइ सच्छा सवक्कवेहं न धारेइ ॥३९६९॥  
जेट्ठा भइणी लहुयं भइणि जह कह वि पालए का वि । तह एसा सब्बं पिहु करेइ तत्तिं सवक्कीए ॥३९७०॥  
एईए वि निमित्तं कुंकुमवत्थाइयं समगं पि । पत्थेइ मज्झ पासो एसा सयमेव सयकालं ॥३९७१॥  
इय सा पइपभिईणं मायाए माणसाइं रंजंती । सब्बत्थ वि लद्धजसा राइमई हरिसिया जाया ॥३९७२॥  
बुद्धिपओगेण पुणो तहा तहा सा करेइ जह तीसे । उवरिं पई परिणयो सब्बो वि पओसमुहव्वहइ ॥३९७३॥  
जह जह य मोहिणी सा दूसिज्जइ परिणणेण पइणा य । तह तह सा राइमई तुट्ठा चितइ नियमणम्मि ॥३९७४॥  
जह तइया कयमेयं मए मणुवं जया पलोएउं । परिणीयं पि सर्वाक्क अहं न जाया पयडकोवा ॥३९७५॥  
तेण उवाएण तओ निय सामित्तं मए न हारवियं । एसा वि नियसवक्की मोहिणिया किकरि व्व कया ॥३९७६॥  
जइ पुण हिययकसाओ बाहिम्मि मए पयासिओ होंतो । तो तइयच्चिय छारो जाओ मह मत्थए होंतो ॥३९७७॥  
सा मोहिणीवराईं सवक्कमायं अयाणमाणीउ । उज्जुयमइत्तणेण तीसे दासि व्व वट्टेइ ॥३९७८॥  
एक्कं चिय दुक्खं भाणसम्मि निच्चं पि सा इमं वहइ । जंपइ पासाउ कया वि चारयं नेय पावेइ ॥३९७९॥  
इय मायाए कम्मं उवज्जिऊणं मया समाणी सा । राइमई थलगामे कम्मि वि दुग्गयकुहुं वम्मि ॥३९८०॥  
सत्तन्हं धूयाणं उवरिं सा अट्टमी पुणो जाया । तो तीसे पियरेहि बहु धूया जम्मदुहिएहि ॥३९८१॥  
नामं पि न से दिन्नं तओ जणेणं सयं पि उल्लविया । निन्नामिय त्ति एसा तं चिय नामं तओ जायं ॥३९८२॥  
माया पिऊण सयणाण इयरलोयाण तह य सब्बेसिं । जाया अणिट्ठरूवा दिट्ठा वि जणेइ उव्वेयं ॥३९८३॥  
अकए कए वि सब्बो तीसे उवरिं विरूववयणाइं । जंपंतो को वि जणो कया वि हु नेय वि रमेइ ॥३९८४॥  
जइ पुण परिणयण कहं कुणंति केणा वि सद्धिमेईए । माया पिऊणि तो सो परम्महो ठाइ सह सत्ति । ॥३९८५॥

मग्गम्मि भमंती जइ दिट्ठि पहे पडइ कस्स वि जणस्स । सो बेइ अलक्खणि के कीस तुमं आगया एत्थ ! ॥३९८६॥  
आगतूणं अमहं मुहंडयं दंसियं नियं एयं । दिट्ठे मुहम्मि तुह अज्जभोयणं कत्थणे होही ॥३९८७॥  
जइ पुण कज्जवसेणं संभासइ कं पि कोमलगिरा वि । तो सो झडत्ति ताडइ मुहम्मि तं लेट्ठुमाईहिं ॥३९८८॥  
इय दुव्वयणाईहिं दूमिज्जंती मणम्मि अणवरयं । निदायंती कहम वि जइ दुहस्स अंतरं लहइ ॥३९८९॥  
झूरेइ तओ निच्चं अप्पाणं कि मए महापावं । जम्मंतरम्मि विहियं जेण अहं एरिसी जाया ॥३९९०॥  
गामम्मि तम्मि चिट्ठुउ गामंतरसंतिएण वि नरेण । केणा वि न परिणीया जोव्वणसमयं पि सा पत्ता ॥३९९१॥  
दुक्खेण गमइ दियहे निव्विन्ना जीवियस्स वि नियस्स । अह काउं उड्डमुहं सा नीहरिया स गामाओ ॥३९९२॥  
एग्गम्मि गया गामे कइवय गामंतराई लंघेउं । तत्थ भमंती भिक्खं न लहइ गासं पि कत्थ वि य ॥३९९३॥  
एग्गम्मि घरे दिट्ठो अज्जा संघाडओ तओ तीए । पडिलाभिज्जंतो गोरवेण तो सा विचित्तेइ ॥३९९४॥  
धन्नाओ एयाओ लहंति जाओ सगोरवं भिक्खं । पडिसेहंतीओ वि हु गेहे गेहे पुणो अहयं ॥३९९५॥  
सित्थं पि न पावेमि दुव्वयणाई लहेमि सुद्धाई । ता एयासिं पासम्मि जामि वंदामि एयाओ ॥३९९६॥  
मोत्तूण तओ भिक्खाभमणं अज्जाण पिट्ठुओ लग्गा । दूरे दूरम्मि ठिया ताव गया जाव अज्जाओ ॥३९९७॥  
नियवसहिं पत्ताओ तओ ठिया दारएग्गदेसम्मि । सा ताव जाव अज्जाउ भुं जिउं पट्टियाउ बहिं ॥३९९८॥  
तो तीए वंदियाओ ताओ जंपंति धम्मलाभो त्ति । सट्ठेण सुमहुरेणं पसन्ननयणाणणाउ तओ ॥३९९९॥  
तो चित्तइ सा एवं पमोयपूरिज्जमाणसव्वंगा । अज्ज मह कन्नकुहरे पविट्ठमेयं सुभं वयणं ॥४०००॥  
एयाणं वयणाओ विणिग्गयं पणमणिज्जपायाणं । एयासिं चिय जायं मं दट्ठुं वयणमकसायं ॥४००१॥  
सव्वणाणं नयणाण य जह मज्ज सुहं इमाहिं संजणियं । अन्नं पि तह भविस्सइ एयाहिं तो सिवं सव्वं ॥४००२॥  
इय चित्तिऊण लग्गा पुणो वि पट्ठीए ताण अज्जाणं । भुक्खियतिसिया वि पमोयपासओ अमयसित्त व्व ॥४००३॥  
दट्ठूण पट्टिलग्गं अज्जाउ तं भणंति कि भद्दे ! अमहेहिं समं चलिया एसि तुमं कारणं कहसु ॥४००४॥  
निन्नामियाए भणियं एमेव उवेमि तुम्ह दंसणओ । जं जाओ को वि अउव्व पहरिसो मज्ज हिययस्स ॥४००५॥  
अज्जाहिं तओ चित्तियमेयं निय माणसम्मि जं एसा । का वि वराई दुहिया धम्मस्स भविस्सए जोग्गा ॥४००६॥  
इय चित्तिऊण भणिया अज्जाहिं इमा वयाहिं तं भद्दे ! अमह वसहीए तत्थय वंदेहिं पवत्तिणिं गंतुं ॥४००७॥  
निन्नामिया वि तासिं वयणेण उवस्सयम्मि गंतूण । वंदइ पवत्तिणिं सा वि पुच्छए का तुमं भद्दे ! ॥४००८॥  
तो तीए नीसेसं नियं सरूवं निवेइयं तीसे । ता जाव स गामाओ समागया तत्थ वसहीए ॥४००९॥  
एयं पुणो वि कहियं भिक्खगयाए मए इहग्गामे । जाव न कत्थइ सित्थं पि पावियं चित्तियं ताव ॥४०१०॥  
जं भुक्खाए मरंती करेमि कि संपयं अओ गंतुं । कत्थ वि चयामि जीयं पव्वयसिहराउ पडिऊण ॥४०११॥  
अहसा पवत्तिणीए भणिया भद्दे ! न एव म विहीए । पाणच्चायम्मि कए दुक्खाणं छुट्टए कोइ ॥४०१२॥  
अहिययराई ताई जायंति विससओ वि जीवस्स । तेण विहीए मरणं कुण जो भणिओ जिणिंदेहिं ॥४०१३॥  
निन्नामियाए भणिया पवत्तिणीं तं कहेह मज्ज विहिं । जेण मयाणं न पुणो एरिस दुक्खाई जायंति ॥४०१४॥  
कहइ पयत्तेण तओ पवत्तिणी तीए बालमरणाणं । नीसेसं पि सरूवं पंडियमरणाण य तहेव ॥४०१५॥  
सा ताई सुणेऊणं पवत्तिणिं भणइ गरुयविणएण । सामिणि करेह तह जह पुणो वि दुक्खं न पावेमि ॥४०१६॥

तुह पायाणं सरणं पत्ताहं संपयं तओ भणसि । जं किं पि तुमं तमहं करेमि इह संसओ नत्थि ॥४०१७॥  
नीया पवत्तिणीए सुमंगलाए इमा तओ झत्ति । पासम्मि नियगुरूणं कल्लाणनिहाणनामाणं ॥४०१८॥  
तेहिं वि दिन्ना दिक्खा नाऊणं समणधम्मजोगत्तं । तीसे कयं च नामं सुनामियज्ज त्ति तो नमिउं ॥४०१९॥  
कल्लाणनिहाणगुरुं पवत्तिणीए समं गया वसहिं । गहिऊण तओ सिक्खं दुविहं पि करेइ पवरवयं ॥४०२०॥  
अह सा सुनामियज्जा सुमरती गिहनिवासदुक्खाइं । निरवज्जं कुणइ वयं सब्वज्जाणं पि बहुविणयं ॥४०२१॥  
कइवयदिणपज्जंते कल्लाणनिहाण मुणिवरिदस्स । लोयालोयपयासं उप्पन्नं केवलं नाणं ॥४०२२॥  
मिलिया बहवे देवा केवलमहिंमं करेति तो तस्स । तेहिं कयकणयकमले उवविट्ठो कहइ सो धम्मं ॥४०२३॥  
बंधति जहा कम्मं मिच्छत्ताईहिं कारणेहिं जिथा । तव्वसगया य जह ते सहंति नरगाइसु दुहाइ ॥४०२४॥  
जह सुहगुरु संजोयं लद्धूणं पत्तनिम्मलविवेया । खविऊण कम्मजालं लहंति ते मोक्ख-सोक्खं च ॥४०२५॥  
सा वि हु सुनामियज्जा सुमंगलाए पवत्तिणीए समं । तस्स अभिव्रंदणत्थं तत्थ गया देसणं सुणइ ॥४०२६॥  
लद्धावसरा पुच्छइ सुनामियज्जा पवत्तिणि मुहेण । कम्मेण जेण जायं बहु दुक्खं मे गिहत्थाए ॥४०२७॥  
तो केवलिणा भणियं पए पए दुक्खकारणं कम्मं । बंधंते च्चिय चिट्ठइ रागदोसाणुगो जीवो ॥४०२८॥  
पुव्वभवे पुण तुमाए गहियाए अइमहंतईसाए । उत्तारियाइं पइपरियणस्स चित्ताइं मायाए ॥४०२९॥  
ससवक्कीए मोहिणिनामाए उवरिसा तओ तेसिं । जायारो सट्ठाणं तुमं पहिद्वाय तं दट्ठुं ॥४०३०॥  
सव्वो वि एस अत्थो सवित्थरो तेण अग्गओ तीसे । परिकहिओ केवलिणा सा तं सोऊण नीसेसं ॥४०३१॥  
संजायजाइसरणा गुरुसंवेगं गया नियमणम्मि । पुण केवलिणा भणिया जइ पव्वज्जं न गिन्हंती ॥४०३२॥  
इह जम्मे तं भहे! तो अज्ज वि कम्ममेयमइबहुयं । जम्मंतरेसु देतं तुह दुक्खं दाहणविवाणं ॥४०३३॥  
हासेण वि जं जीवो कम्मं बंधेइ तं पि दसगुणियं । देइ फलं जं च पुणो बज्झइ घणरागदोसेहिं ॥४०३४॥  
तस्स विवागो जम्मंतराण बहुयासु कोडकोडीसु । समइक्कंतासु विनेयपावए कहमविसमत्तिं ॥४०३५॥  
तं सोऊणं भीया सुनामियज्जा मणे वि चित्तेइ । दुल्लहसामग्गि पाविऊण एयं इह भवम्मि ॥४०३६॥  
एएणं चिय देहेण पुव्वकम्माइं सव्व सत्तीए । काऊण तवं घोरं खोडेमि पुणो वि को मृणइ ॥४०३७॥  
जम्मंतरम्मि एसा सामग्गी जायए न वा अम्ह । ता संपयमप्पाणं छोडेमि इमाउ कम्माओ ॥४०३८॥  
इय चित्तिऊण तीए विन्नत्तो केवली जहा भयवं ! । देहि ममभिग्गहमिमं जं जाजीवं मए कज्जो ॥४०३९॥  
छट्ठाइतवविसेसो कायव्वं अबिलेण पारणयं । नाऊण निव्वहंतं तीसे तं केवली देइ ॥४०४०॥  
छट्ठ-ट्ठम-दसम-दुवालसाइ अह सा करेइ घोर-त्तवं । पारणयमंबिलेणं सहेइ सीयायवाईयं ॥४०४१॥  
पणुवीसं वाससयं काउं सा एरिसं तवं घोरं । परिसुसियरुहिरमंसा जाया चम्मट्ठिसेसतणू ॥४०४२॥  
काऊणमणसणं वासराइं तीसं समाहिसंपन्ना । मरिऊण समुप्पन्ना देवी सोहम्मकप्पम्मि ॥४०४३॥  
सक्कस्स अग्गमहिंसी सत्तयपलिओवमाईं सा आउं । तत्थ परिवालिऊणं आउखएणं तओ चविउं ॥४०४४॥  
उप्पन्ना तुम्ह घरे धूयत्ताए पभावई एसा । तस्स तवस्सणुभावा खयरेसर ! एरिसी जाया ॥४०४५॥  
एयं पभावईए कहणावसरम्मि तत्थ पत्ताए । सव्वं पि सयं निसुयं सरिया पुव्वा य नियजाई ॥४०४६॥  
तो पणमिऊण सूरिं सिरम्मि आरोविऊण करजुयलं । विन्नवइ सामि सच्चं सव्वंपि इमं तए कहियं ॥४०४७॥  
नायं मए वि एयं जाईसरणेण संपयमसेसं । तुम्ह कहंताणं इह एग्गमणं सुणंतीए ॥४०४८॥

जह एयं नाणदिवायरेहिं तुम्हेहिं मज्झ पट्टु कहियं । अन्नं पि कहसु तह मे पुणो भविस्सइ कया वि वयं ॥४०४९॥  
 अह पभणइ तं सूरी अज्ज वि तुह कम्ममत्थि भोगफलं । तमणुह्विउण पच्छा वयं पि वच्छे! तुमं लहसि ॥४०५०॥  
 एत्थंतरम्मि पुच्छइ तं सूरिं रयणचूडखरिदो । भयत्रं! को परिणेही पभावइं अम्ह धूयमिमं ॥४०५१॥  
 सूरी पभणइ रायं परिणेही चंदकित्तिनरनाहो । चंदउर नयरसामी पभावइं तुज्ज धूयमिमं ॥४०५२॥  
 तो पणमिउण सूरिं समुट्ठिओ रयणचूड खरिदो । सद्धि पभावईए नियमावासं समणुपत्तो ॥४०५३॥  
 रयणउराओ सूरी कत्थइ अन्नत्थ विहरिओ तत्तो । पत्ता पभावई वि हू जोव्वणलच्छि मणभिरामं ॥४०५४॥  
 अह अन्नया कयाई सिद्धाययणम्मि सव्वखयरेहिं । पारद्धा जत्ता तत्थ सो गओ रयणचूडो वि ॥४०५५॥  
 तस्संतेउरसहिया पभावई कन्नया वि तत्थ गया । सव्वंगं रयणाहरणभूसिया भासुरसरीरा ॥४०५६॥  
 इंदउरनथरवासी खयरो नामेण कणयकेउ त्ति । खरिदकणयचूडस्स नंदणो आगओ तत्थ ॥४०५७॥  
 दिट्ठा पभावई तेण तत्थ भत्तीए जिणवरं देवं । वीणारवपरिहवकारिणीए वाणीए वंदंती ॥४०५८॥  
 जाओ निच्चलदिट्ठी तत्तो सो चित्तलिहियमुत्ति व्व । ईसाईएणोवहओ हिययम्मि सरंहे मयणेण ॥४०५९॥  
 सा वंदिउण देवं पभावई जणणिवग्गपासम्मि । आगतुं उवदिट्ठा दिट्ठो दिट्ठीए वि न सोउ ॥४०६०॥  
 वित्ते जत्ता समये नियनियठाणं गओ समग्गो वि । विज्जाहराण लोओ मणं विणा कणयकेऊ वि ॥४०६१॥  
 विरहावत्था पडिओ सो चिट्ठइ जाव वासभवणम्मि । न करेइ भोयणं पि हु ता नायं कणयचूडेण ॥४०६२॥  
 मित्ताओ तस्स सव्वयनामाओ पुव्वभणियभावाओ । सिद्धाययणे दट्ठुं पभावइं पेक्खमाणं तं ॥४०६३॥  
 तो पेसिउण माणुसमेवं राया भणावए कुमरं । तं कुणसु ताव भोयणमुवरि करिस्सामि तुह इट्ठं ॥४०६४॥  
 इय नियज्जणयाएसं सुणिउणं कणयकेउवरकुमरो । लज्जासंकुइयतणू चित्तइ ताएण विन्नाओ ॥४०६५॥  
 नूणमणोगयभावो मज्झ तओ तेण एस आएसो । पट्टुविओ संपइ ता कहं पि जइ अवलवेमि अहं ॥४०६६॥  
 लज्जावसेण एयं तहा वि पच्छा वि पयडयं होही । तम्हा न किं पि अन्नं उत्तरमिह जुज्जए काउं ॥४०६७॥  
 पडिवज्जिउण तायाएसं संपइ गहेमि आहारं । होयव्वं न हु लज्जालुएण कज्जत्थि पुरिसेण ॥४०६८॥  
 इय चित्तिउण भणियं कुमरेण कणयकेउणा एवं । आइसइ किं पि ताओ जं तं चिय मे पमाणंति ॥४०६९॥  
 भणिउण तक्खणे च्चिय पारद्धो एस भोयणं काउं । पेसियपुरिसेण इमं कहियं गंतुं नरिदस्स ॥४०७०॥  
 दाउण सो वि सिक्खं पेसेइ पहाण खेयरं तत्तो । बहूपरिवारसमेयं पामे सिरिरयणचूडस्स ॥४०७१॥  
 गंतूण तेण भणिओ त्रिणएणं रयणचूडखरिदो । जह इंदउरनरिदेण पेसिया कणयचूडेण ॥४०७२॥  
 अम्हे तुम्ह समीवे तुम्हेहिं समं इमो अहिलसेइ । काउं विउलसिणेहं विहवाइगुणेहिं तुल्लत्ता ॥४०७३॥  
 सो पुण ह्ठोइ सिणेहो अवच्चसंबंधओ महानिबिडो । तेणम्ह पहू पत्थइ पभावइं नाम तुह धूयं ॥४०७४॥  
 नियपुत्तस्स निमित्तं गुणनिहिणो कणयकेउनामस्स । दोन्ह वि बहूवराणं एसि उचिओ हवउ जोगो ॥४०७५॥  
 तो रयणचूडराया चित्तइ जह सूरिणा समक्खाओ । भत्ता पभावईए मह पुरओ चंदकित्तिनिवो ॥४०७६॥  
 तो अन्नस्स न दाउं वरस्स जुज्जइ पभावई धूया । न य कणयचूडदूयस्स अग्गओ कहिउमिइ जुत्तं ॥४०७७॥  
 तम्हा अन्नं परिकप्पिउण दाउण उत्तरं किं पि । एसो विसज्जियव्वो इय चित्तेउं रयणचूडो ॥४०७८॥  
 राया पभणइ दूयं किं पि अजुत्तं न भाणियं एयं । तुम्ह पहुणा परं किं कारणमिह एरिसं अत्थि ॥४०७९॥  
 सिद्धालयजत्ताए परओ इह आसि आगओ सूरी । गुणभट्टो नामेणं तप्पासे देसणं सोउं ॥४०८०॥  
 भवसुहविरत्तचित्ता अम्हं धूया पभावई जाया तीए गिहागयाए विन्नत्तो हं जहा ताय! ॥४०८१॥

पव्वज्जा गहणत्थं गुणभट्टमुणिदसन्निहाणम्मि । मं अणुजाणह काउं महापसायं उवरि मज्झ ॥४०८२॥  
 इय तव्वयणं सोउं जाओ हं वज्जताडिय सिरो व्व । सजलनयणेण पच्छा मए इमा धारिऊण करे ॥४०८३॥  
 महया निबंधेणं निवारिया जाव कइ वि दियहाइं । मज्झुवरोहेण तओ गिहट्टिया गमइ सा कालं ॥४०८४॥  
 संपइ जओ कुणंतो अत्थित्तं चिट्ठए कणयचूडो । मह धूयाए तोइहं कईवयदियहाण मज्झम्मि ॥४०८५॥  
 केणा वि उवाएणं एयं संबोहिऊण तुह पट्टणो । जाणाविस्सामि लहुं तओ तुमं कणयचूडस्स ॥४०८६॥  
 गंतूण कहसु एवं जह सो खेयं न किं पि नियचित्ते । कुणइ तह तं भणिज्जसु इय सिक्खविऊण तं दूयं ॥४०८७॥  
 सम्माणेऊण तहा विसज्जए रयणचूडखयरिदो । गंतूण सो वि साहइ तं सव्वं कणयचूडस्स ॥४०८८॥  
 तेण वि तं चिय दूयं पेसेउं कणयकेउकुमरस्स । सव्वं कहावियमिमं तं सोउं सो वि सहसत्ति ॥४०८९॥  
 वज्जाहओ व्व सीसे संजाओ कणयकेउवरकुमरो । अब्भहियदेहदाहो गहिओ गुहचित्तखेएण ॥४०९०॥  
 मयणसरविहरियंगो चिट्ठइ सो सुन्नमाणसो सययं । संभासिओ न जंपइ अह जंपइ तो असंवद्धं ॥४०९१॥  
 तं तह दट्टूण तओ संजाओ तस्स परियणो सव्वो । अइगरुयखेयभरिओ परोप्परं मंतए निहुयं ॥४०९२॥  
 अह तस्सुवरि जाया कणगवई नाम अत्थि तव्वभइणी । तीए हक्कारेउं पियंकरी नाम निय धाई ॥४०९३॥  
 भणिया जहा मए जेट्टबंधुणो कणयकेउनामस्स । निसुयं सरीरकारणमओ तुमं तस्स पासम्मि ॥४०९४॥  
 गंतुं सरीरवत्तं पुच्छसु वयणेण मज्झ सिग्घं पि । गंतूण तत्थ अह सा पभणइ तं कणयकेउमिणं ॥४०९५॥  
 तुह लहु भइणीए अहं कणगवई नामियाए तुह पासे । पट्टविया सोऊणं तुज्झ सरीरस्स अपहुत्तं ॥४०९६॥  
 चिट्ठइ सयं तु एसा केण वि कज्जंतरेण गरुएण । अक्खणिया संपइ तेण नागया तुम्ह पासम्मि ॥४०९७॥  
 तो स सरीरसरुव्वं कहेहि मम अग्गओ समगं पि । तो भणइ कणयकेऊ चिट्ठइ मह सुंदरं देहं ॥४०९८॥  
 तीए भणियं सच्चं जइ न कहसि तुज्झ अत्थि तो सवहो । अइ गरुओ खेयरपत्थिवस्स सिरिकणयचूडस्स ॥४०९९॥  
 तो तेण सव्वलोयं सेसं ओसारिऊण सा भणिया । कस्स वि अहं रहस्सं न कहेमि परं इमं कित्तु ॥४१००॥  
 तायस्स तए सवहो दिन्नो गरुओ ममत्थितो तेण । सक्केमि न निन्हविउं कहेमि सव्वं पि तुह सच्चं ॥४१०१॥  
 कहियव्वं न हू कस्स वि पुरओ तुमए इमं पियस्सा वि । तीए भणियं कि महं एत्तियमविनेय जाणामि ॥४१०२॥  
 कह वीसत्थो सव्वं कुमारनीसकिओ तुमं मज्झ । जइ न गुणो वि भविस्सइ ता नूण न दूसणं होही ॥४१०३॥  
 तो तेण पुरो तीसे सव्वं पि रहस्स मत्तणो कहियं । तीए भणिओ कुमरो जइ एवं तो अहं जाभि ॥४१०४॥  
 पासे पभावईए तं मन्नावेमि तुज्झ भज्जत्तं । हिट्टेण तेण भणियं ममावि एवं मणे आसि ॥४१०५॥  
 जह तत्थ कं पि पेसेमि खेयरि एस निच्छओ न कओ । आसि पियंकरि जं किर पेसेयव्वा तुमं चेव ॥४१०६॥  
 तो लट्टिमिमं जायं तए सयं चिय जमेवमुल्लुवियं । ता जाहि तत्थ एयं कैणगवईए न कहियव्वं ॥४१०७॥  
 इय पडिवज्जेऊण वि एसा गंतूण कहइ सव्वं पि । वियणो कणगवई एतव्भाववियाणणट्टाए ॥४१०८॥  
 कणगवईए भणिया पिरंकरी भालणा जहा मज्झ । कहियं नियं रहस्सं तुज्झ तहाहं पि साहेमि ॥४१०९॥  
 एत्तिय दिवसाइ मए तुज्झ वि पुरओ न साहियं एयं । लज्जाए गोवेउं धरियं नियमणगयं चेव ॥४११०॥  
 संपइ जाओ समओ तत्थ तुमं कणयकेउकुमरेण । जं पेसियासि पियसहि मज्झ वि तत्थत्थि जं कज्जं ॥४१११॥  
 जत्थ समए गयाहं सिद्धाययणम्मि देवजत्ताए । तत्थ तया दिट्ठिपहं पत्तो मणिचूडकुमरो मे ॥४११२॥  
 तो हं हिययम्मि झडत्ति ताडिया मयणवाणसेणीए । निच्चलदिट्ठी तं चिय पासंती संठिया सुडरं ॥४११३॥  
 दिट्ठा जणणीए अहं पासनिसन्नाए कणयरेहाए । नाऊण मज्झ भावं मिसेण संभासिया तीए ॥४११४॥



वच्छे ! जं जं किंचि वि एयम्मि जिणिदमंदिरे अत्थि । तं तं रमणिज्जयरं पासंताणं मणं हरइ ॥४११५॥  
 जत्थ निविट्ठा दिट्ठी तत्थ ठिया चैव चिट्ठइ चिरं पि । न तओ ठाणाउ मणं पि वंछए गंतुमन्नत्थ ॥४११६॥  
 ता एत्तो वि निवेससु दिट्ठि मंडवगएसु रुवेसु । वरसालहं जियासु य अच्छरसाणं सरिच्छासु ॥४११७॥  
 एवं भणिऊण तओ जणणी मह मणविणोयकरणत्थं । दंसइ जिणिदिबिबं तस्स य पूयाइयं पच्छा ॥४११८॥  
 नाओ मए वि भावो जणणीए जं इमा मुणेऊण । मह मणभावं गूहइ जाणइ किरणज्जिही एसा ॥४११९॥  
 जत्ता समयाणंतरमिहागयाहं समं सजणएण । मोत्तूण नियं चित्तं मणिचूडकुमारपासम्मि ॥४१२०॥  
 दाहज्जरेण विहरियदेहा चिट्ठामि जाव सयणिज्जे । पडिया तल्लुवेत्ति कुणमाणी निदमलहंती ॥४१२१॥  
 सव्वं रयाणं पि तओ सहीहि गंतूण साहियं एयं । मह माआए पुरओ नीसेसं कणयरेहाए ॥४१२२॥  
 सा वि समागंतूणं मं पुच्छइ पुत्ति वाहए तुज्ज । कि कि अगे केणा वि कारणे णेरिसं कहसु ॥४१२३॥  
 न य जाणंतीए विहु तीसे कहियं मए सजणणीए । लज्जासंकुइयाए उत्तरमेयं कयं तत्तो ॥४१२४॥  
 अम्मो अहं न जाणे सरूवमेयस्स नियसरीरस्स । जइ जाणिस्सह तुब्भे किं चि सहावं सधूयाए ॥४१२५॥  
 हसिऊण कणयरेहा निहुयं नियहिययमज्जगयमेव । जंपइ पुत्ति ! अनायं सरूवमेयं न मे अत्थि ॥४१२६॥  
 सिद्धाययणे जत्ताए जग्गिया जं चिरं तुमं तत्थ । तेण अजिन्नं जायं बाहइ सीसं तणू उन्हा ॥४१२७॥  
 सिगारिया गया तं तत्थ तओ बहुजणस्स दिट्ठी वि । लग्गा संभाविज्जइ तत्थ वि जत्तं करिस्सामि ॥४१२८॥  
 कत्तो वि हु आणिसं तहाविहं मंतवाइयं कं पि । तक्करफासेण तओ जत्ति तुमं सज्जिया होसि ॥४१२९॥  
 एत्थंतरे मए चितियं जहा मज्ज मणगयं भावं । जंपइ जणणी सव्वं पि गोवयंती वियड्ढत्ता ॥४१३०॥  
 मं बेइ पुणो जणणी रसजरणत्थं सुएहि तं ताव । गंतूण तुह सरूवं कहेमि एयं अहं रन्नो ॥४१३१॥  
 जह सो कं पि उवायं करेइ तुह देहसज्जया हेउं । इय भणिऊणं जणणी मज्ज गया रायपासम्मि ॥४१३२॥  
 कहियम्मि तस्स तीए मज्ज सरूवम्मि जंपियं तेण । ठाणे कयाणुराया कणयवई कन्नया अम्ह ॥४१३३॥  
 तो तस्स दाउमेसा उच्चिय च्चिय रयणचूडतणयस्स । कि तु अहिमाणवसओ न देमि तस्सप्पणो धूयं ॥४१३४॥  
 तो पुट्ठो जणणीए मह जणओ केरिसं तुहाभिमाणं । सिट्ठं च तेण तीसे सच्चयपासाउ जं निसुयं ॥४१३५॥  
 सिद्धाययणद्वियरयणचूडधूयं पभावइं दट्ठुं । जह कणयकेउकुमरो जाओ वम्महसराभिहओ ॥४१३६॥  
 जह निय खेयरपुरिसं पेसेउं मग्गिओ रयणचूडो । धूयं पभावइं जह तेण निसेहो कओ तीसे ॥४१३७॥  
 कहिऊण एवमाई भणिया ताएण तो कणयरेहा । दइए मह अहिमाणो संजाओ कारणेणिमिणा ॥४१३८॥  
 तो जणणीए भणियं इह अहिमाणस्स कारणं नत्थि । जं रयणचूडखयरेण जंपियं कि पि न अजुत्तं ॥४१३९॥  
 ताएणा तओ भणियं नियंगरूहदुक्खदूमिणएण मए । गुरुनेहं दंसेउं एसो मग्गाविओ धूयं ॥४१४०॥  
 जइ वि हु न तस्स दुट्ठो भावो हिययम्मि वट्टए को वि । तह वि मम पत्थणाभंगसंभवो अत्थि अहिमाणो ॥४१४१॥  
 जइ रयणचूडराया पभावइं देइ कणयकेउस्स । तो मणिचूडस्स फुडं कणगवइं देमि नेयरहा ॥४१४२॥  
 एसा मज्ज पडन्ना तुमं तु गंतूण कहसु धूयाए । एवं जह किर तुह वंछियत्थसिद्धिं लहं चैव ॥४१४३॥  
 तुज्ज जणओ करिस्सइ एवं सोऊण जह विमुक्कासा । होऊणं सा निय जीविय व्व मुज्जेइ न झडत्ति ॥४१४४॥  
 तयणंतरं दिणेसुं समइकंतेसु केलिएसुं पि । तव्विसए मंतेउं जहोचियं आयरिस्सामो ॥४१४५॥  
 नाऊण तायमणनिच्छयं तओ कि पि जंपियं नेय । तस्साभिमुहं जणणीए मज्ज आगंतुमियकहियं ॥४१४६॥  
 विगयाणंदमुहीए जह पुत्ति ! पिया तुहिच्छियपयत्थे । दुयमुज्जमं करिस्सइ पमाणमुड्डं तुह दिव्वं ॥४१४७॥

इय भणिऊणं मुक्काइं तीए अंसूणि झत्ति नयणेसु । नायं तओ मए जह सज्जं पिउणो न मे कज्जं ॥४१४८॥  
तेणेसा मह जणणी मिलाणमुहंपंकया पयंपती । मुयइ नयणंसुवायं अइरित्तदुहं मुयंति व्व ॥४१४९॥  
तो जइ अहं विसन्नं अप्पाणं कहइ दंसइस्सामि । पईए तो होही अइदुहिया मह दुहेणेसा ॥४१५०॥  
संवरिऊणागारं तो जंपेमि तहा जहा एसा । संतं पि मज्ज विसए झडत्ति दुक्खं परिच्चयइ ॥४१५१॥  
इय चित्तेऊण मए भणिया जणणी पसन्नवयणाए । मा अम्मो ! मज्ज कए मणं पि खेयं मणे वहसु ॥४१५२॥  
अंबाए तायस्स य न होइ दोन्हं पि जं कुणंताण । तेण विणा वि सरिस्सइ अट्टेण मणोहरेणा वि ॥४१५३॥  
सोऊण मज्ज वयणं एयं जाया खणेण मह जणणी । निव्वुयहियया तत्तो पयडइ मह ताय सब्भावं ॥४१५४॥  
जंपइय तहा एवं वच्छे ! लट्ठं तए कयं एयं । जं नियचित्तं तत्तो ठाणाउ नियत्तियं झत्ति ॥४१५५॥  
जम्हा पभावईए विसयविरत्ताए दुल्लहो लंभो । तयभावे तुज्ज समीहियं पि मन्ने असज्जं ति ॥४१५६॥  
दोन्हं पि तुम्ह भइणी भाऊणं संत्तियं ममासि दुहं । तत्थ तुह विसयमिन्हि मज्ज मणाओ गयं दुक्खं ॥४१५७॥  
संपइ भणेमि तायं तुज्ज जहा सो गवेसए अन्नं । अणुरूवं कं पि वरं जो तं सिग्गं पि परिणेइ ॥४१५८॥  
भणिया मए सजणणी तओ जहा मज्ज परिणयणचित्तं । मा कं पि कुणह तुब्भे मह भाया हवउ नीरोगो ॥४१५९॥  
ताव तओ नीसेसं भविस्साए सुंदरं मम न खूणं । उय मह वयणं सोउं गया सठाणं तओ जणणी ॥४१६०॥  
तयणंतरं तु मणिचूडसंगमोवायचित्तपसयन्हा । जाया दुहजलहिनिमग्गमाणसा सब्बहा वि अहं ॥४१६१॥  
कि तु निग्गट्टायारं न को वि जाणे इमं बहिं अन्नो । बंधुदुहदुक्खिया वि हु गया न तव्वत्तपुच्छत्थं ॥४१६२॥  
मोत्तुं तुमं न अन्ना सहियणमज्जम्मि तारिसी अत्थि । जा कणयकेउपासे पेसिज्जइ पुच्छिउं वत्तं ॥४१६३॥  
आमि तुमं पुण पगया सुरही गामम्मि भाइणेज्जीए । सीयाए संबोहणहेउं नियपइपस्सुट्टाए ॥४१६४॥  
नत्थेव तओ लग्गाइं तुज्ज दियहाइं कइवयाइं पि । अहम वि टिया पियंकरि पडिवालेंती तुहागमणं ॥४१६५॥  
जं वेलं विन्नाया तुमं मए एत्थ आगया अम्मो । तक्कालेच्चिय हक्कारिऊण पट्टावियासि लहुं ॥४१६६॥  
पामम्मि कणयकेउस्स भाउणो पढममेव तो पच्छा । इन्हि नियं सरूवं मए पुरो तुज्ज अक्खायं ॥४१६७॥  
ता कणयकेउकज्जम्मि पट्टिया संपयं तुमं अम्मो । मज्ज वि साहिज्जसु निच्छएण कज्जं गया तत्थ ॥४१६८॥  
अहं सा जंपइ एयं अज्ज तए साहियं जओ मज्ज । अहमवि तओ तुह पुरो कहेमि सब्बं ससब्भावं ॥४१६९॥  
तुह जणणीए सुरहीगामे संपेसिऊण नियपुरिसं । हक्कारिऊण मं एत्थ अक्खियं अज्ज रयणीए ॥४१७०॥  
मह पुरओ नीसेसं तुज्ज मरूवं तओ पभायम्मि । तुह वयणेण गयाहं समीवओ कणयकेउस्स ॥४१७१॥  
सोऊण तस्स वयणं तक्कज्जं साहिउं कयमणाए । तुज्ज वि कज्जं काउं मए मणे धरियमिणमासि ॥४१७२॥  
इन्हि तु विसेसेणं तुह कज्जे उज्जमं करिस्सामि । जं नियमुहेण तुमाए एत्तियमब्भत्थिया हं तो ॥४१७३॥  
मुत्ताहारं कंतं एयं गूणसंगयं निए कंठे । कुण एरिसाण सुपुरिसजए वि उच्चिओ तुमं चेव ॥४१७४॥  
एयाए गाहाए जत्तं हारं समप्पिउं तीसे । पासे पियंकरीए कणगवई तं विसज्जेइ ॥४१७५॥  
भणइय तह तेण तया अहं पि दिट्ठा सिणिद्धदिट्ठीए । तो पडिबज्जिस्सइ सो तुह विन्नत्ति न संदेहो ॥४१७६॥  
उय कणगवई सिक्खं गहिउं हारं च सा पियंकरिया । जा संचलिया पासे तूरंती कणयकेउस्स ॥४१७७॥  
मग्गम्मि ताव दिट्ठो एंतो सो सच्चओ तओ तीए । एगंते नेऊणं भणिओ जं मे कहहं सब्बं ॥४१७८॥  
आसि तया तं पासे खयरकुमारस्स कणयकेउस्स । सिद्धाययणम्मि जया पभावई तेण सा दिट्ठा ॥४१७९॥  
तीसे भावो नाओ को वि तए कणयकेउणो उवरिं । तेण भणियं तया हं पासिओ चेव चिट्ठंतो ॥४१८०॥

कुमारस्स कणयकेउस्स किं तु तीसे न भावलेसो वि । विज्जइ पभावईए कुमारम्मि उदासदिट्ठी सा ॥४१८१॥  
 तो तं विसज्जिऊणं गंतूणं कणयकेउवरकुमरो । भणिओ तीए संपइ रयणउरे पट्टियम्मिह तओ ॥४१८२॥  
 दिन्नाइं तेण तीसे वरवत्थाइं सुवन्नसंकलिया । कंकणजुयलं च तथा पभावईए पुण निमित्तं ॥४१८३॥  
 पंचसरोवरहारो समण्णिओ पवरवत्थसंजुतो । ततो पियंकरीए सो पडिसिद्धो इमं भणिउं ॥४१८४॥  
 गंतुं पभावईए भावं चित्तस्स ताव जाणामि । ततो तस्स समुचियं जं किंचि वि तं करिस्सामि ॥४१८५॥  
 जइ पुण तइ निन्नेहा सा चिट्ठइ तो इमं पकीरंतं । जायइ लाहवजणयं इय तीसे जंपियं सोउं ॥४१८६॥  
 हाराइवालिकुणं गहियं तं कणगकेउणा सव्वं । सा भणिया कणगवई अणुजाणिस्सइ तुमं जंति ॥४१८७॥  
 तीए भणियं एयं काऊणं उत्तरं मए एसा । अप्पाणं मोयविया जह तत्थ ममत्थि माउसिया ॥४१८८॥  
 कमलसिरी नामेणं रयणउरे तेण तीए मिलणत्थं । तत्थ गमिस्सामि अहं जं दिट्ठाए मए तीसे ॥४१८९॥  
 बोलीणो बहुकालो तइंसणऊसुया अहं ततो । गंतूण तत्थ तीसे सरीरसारं करिस्सामि ॥४१९०॥  
 इय सोउं हिट्ठेणं विचितियं कणगकेउणा चित्ते । धूत्ती चिट्ठइ एसा जाणइ कूडुत्तरं काउं ॥४१९१॥  
 एसा मज्झ वि कज्जं साहिस्सइ नूणमेरिसं मन्ने । इयचित्तिउं विसज्जइ पियंकरिं इत्ति सो कुमरो ॥४१९२॥  
 गंतुं सा रयणउरे कुणइ उवाएण दंसणं तीए । सद्धि पभावइए एगंते कहइ तो तीसे ॥४१९३॥  
 अणुरत्तो अइमेत्तं तुज्झुवरिं कणयकेउवरकुमरो । जप्पभिइं तं दिट्ठा सिद्धाययणे ठिया तेण ॥४१९४॥  
 तद्विसाओ आरब्भ तस्स निहा छ्हातिसा सव्वं । एग पए च्चिय नट्ठं चिट्ठइ सो सुक्ककट्ठं व ॥४१९५॥  
 कीरउ कएणा सामिणि ता तस्सुवरिं स तुम्ह दासत्तं । पडिवज्जिस्सइ भीओ विसमाउह्बाण-घायणं ॥४१९६॥  
 अहे भणिया महरसरं पभावईए पियंकरी एवं । किपि अजुत्तं न तए लवियं एयं परं किंतु ॥४१९७॥  
 सिरिगुणभट्टमुण्डिस्स देसणा सा जया मए निसुया । तद्विसाओ आरब्भ मज्झ जाया वयसमीहा ॥४१९८॥  
 ताओ परं विसज्जइ नवयग्गाहणम्मि मं तओ एवं । चिट्ठामि गिहम्मि ठिया पुणो वि तायं भणिस्सामि ॥४१९९॥  
 तो जइ न विसज्जिस्सइ ताओ मं कहवि दिक्खगहणत्थं । तो जं तया भविस्सइ उचियं तमहं करिस्सामि ॥४२००॥  
 अहं सा पियंकरीए पभावई जंपिया जहा ताव । एसो अत्थो चिट्ठउ अन्नं विन्नत्तियं सुणह ॥४२०१॥  
 मणिचूडकुमारेणं सह मे जह दंसणं हवइ सिग्घं । तह कारवेहि संपइ एसो च्चिय मे महं पसाओ ॥४२०२॥  
 नियदासि पेसेउं पभावई दंसणं करावेइ । मणिचूडकुमारेणं सह इत्ति पियंकरीए तओ ॥४२०३॥  
 उचियपडिवत्तिकरणान्तरमेसाकराविउं वियणं । दंसेउं तं हारं पियंकरी भणइ मणिचूडं ॥४२०४॥  
 जह इंदउरे नयरे धूया खयरिंदकणगचूडस्स । रुवाइगुणनिहाणं कणगवई नाम अत्थित्ति ॥४२०५॥  
 सीए कओ वराहो सिद्धाययणे गयाए जत्ताए । निज्झाइओ चिरं जं तं तत्थ तिरिच्छदिट्ठीए ॥४२०६॥  
 तं असहंतो तद्विणपभिइं वाणेहि तं हणइ मयणो । सो तुम्ह रुवविजिओ दासत्तं कुणइ निच्चं पि ॥४२०७॥  
 जो को वि तुम्ह पाए निज्झाएउं मुहं पलोएइ । वंकाए दिट्ठीए तस्स न सो सहइ थेवं पि ॥४२०८॥  
 ता तं तीसे दंडे गिन्हैहि करं करेण निययेण । पच्छा करेहि दासि तमप्पणो जाव जीवं पि ॥४२०९॥  
 भोयावहि मयणाओ हम्मंति वाणधारणीहि इमं । तह तीए पट्टवियं ढोयणए गिन्हहारमिमं ॥४२१०॥  
 भुज्जं च सकरलिहियं इह वद्धं छोडिऊण वाएहि । इयभणिउं सा अप्पइ हारं कुमरस्स सो गहिउं ॥४२११॥  
 मणिचूडो तं भुज्जं छोडेउं वाइउं अवगयत्थो । चित्तइ हिट्ठो हियए पियंकरीए जहा लवियं ॥४२१२॥  
 वंकाए उत्तीए गाहाए वि हु इमाए तह अत्थो । लिहिओ कणगवईए अत्थंतरसूयगो एसो ॥४२१३॥

तो मणिचूडो हारं पहिदुहियओ खिवेइ नियकंठे । इय जंपंतो एक्को गाहत्थो ताव एस कओ ॥४२१४॥  
 वीयं गाहत्थं पुण इन्हि तुह मंतणेण साहिस्सं । तुह विन्नत्ती एसा मणे निहित्ता मए सक्वा ॥४२१५॥  
 एत्थ पुण कारणं पि हु तुज्झ पुरो संपयं पि साहेमि । तीसे मज्झ वि तुल्लो परोप्परं ताव अणुराओ ॥४२१६॥  
 एत्तियदिणाइं जाओ तह वि विलंबो जमेत्थ वत्थुम्मि । तमणेण कारणेणं पभावई कणगचूडेण ॥४२१७॥  
 मग्गाविया समीवे मह पिउणो कणयकेउणो हेउं । तेण न सा पडिवन्ना कारणओ ताव कत्तो वि ॥४२१८॥  
 एईए संकाए मज्झ पियाकणगचूडपासम्मि । मग्गावइकणगवइं मज्झ निमित्तं सयं नेय ॥४२१९॥  
 तो कणगवई पासे पेसिस्सं जाव माणुसं कं पि । तीसे भावं नाउं करिस्समवहारसंकेयं ॥४२२०॥  
 ताव तुमं संपत्ता तीए संपेसिया इह सयंपि । नाओ तुह पासाओ तीसे भावो मए सक्वो ॥४२२१॥  
 ता कहमु तुमं एयं मह पिउणो पत्थणाए कणगवइं । सो देइ कणगचूडो मज्झ निमित्तं अह न देइ ॥४२२२॥  
 भणियं पियं करीए कणगवइए तुमम्मि अणुरायं । नाऊण कणगरेहाए जंपिओ कणगचूडनिवो ॥४२२३॥  
 पडिमिद्धा तेण परं पभावईए अलाभकोवेण । कणगवई तुह दाउं नरवइणा कणगचूडेण ॥४२२४॥  
 तो मणिचूडो पभणइ पियं करि भणसि जेणुवाएण । तेणाहं कणगवइं हरामि अहसा भणइ कुमरं ॥४२२५॥  
 पिउणो आसं मोत्तुं कणगवईए वि पेसिया अहयं । तुज्झ समीवम्मि तओ जओवहारत्थिणी सा वि ॥४२२६॥  
 सा जाइ कामपडिमं पूएउं नंदणम्मि उज्जाणे । अट्टमि चउहसीसुं तया तुहावहरिउं समओ ॥४२२७॥  
 इय नव्वणं सोउं मणिचूडो कणगवइ कयं गाहं । एवविहस्स जोग्गा मयत्थि भुवणे तुमं चैव ॥४२२८॥  
 इय कय नवुत्तरद्वं सत्तसरे बंधिऊण हारम्मि । एएण जुयं तत्तो आहरणं कंकणाईयं ॥४२२९॥  
 रयणमयं वत्थाणि य पियं करीए समप्पिउं भणइ । तं एयं जह एयं कणगवईए तमप्पेज्जा । ॥४२३०॥  
 संदेसं च कहेज्जा इमं जहा अज्ज दिवसओ छट्ठे । दिवसम्मि अट्टमितिही जा होही तीए मणिचूडो ॥३२३१॥  
 आगंतुं इंदउरे उज्जाणे नंदणम्मि तत्थ गयं । कामपडिमागिहाओ हरिस्सए तं जइ न विघ्नं ॥४२३२॥  
 अन्नं कि पि भविस्सइ इय सिक्खविउं पियं करि कुमरो । वत्थाहरणेहिं तहा सम्माणेउं विसज्जेइ ॥४२३३॥  
 अह सा मणिचूडकुमारजणियसम्माणहरिसिया तत्तो । उप्पइउं इंदउरे कणगवईए गया पासं ॥४२३४॥  
 मणिचूडपेसियं तं वत्थाहरणं समप्पिउं तीसे । गाहं च हारवद्वं कहइ तओ तेण संदिट्ठं ॥४२३५॥  
 कणगवई तं दट्ठुं मणिचूडकुमारपेसियपसायं । गाहं च वाइऊणं तस्सं दिट्ठं च सुणिऊण ॥४२३६॥  
 जाया पहिदुहियया अवगूहइ तं पियं करि पढमं । अह देइ नियंगयं वत्थाहरणाइयं तीसे ॥४२३७॥  
 परिहइ सयं तु मणिचूडपेसियं वत्थभूसणाईयं । हारं च खिवइ नियकंठकंदले तयणुराएण ॥४२३८॥  
 तो कणयकेउकज्जं पुच्छइ सिद्धं न व त्ति तप्पासे । सा कहइ न सिद्धं जं पभावईए न पडिवन्नं ॥४२३९॥  
 तो ठाउं खणमेगं ससहोयरदुक्खदुक्खिया एसा । जंपइ पियं करि जह तए न एयं कहेयव्वं ॥४२४०॥  
 तस्म पुरो जह एसो आसा लग्गो गमेइ दियहाइं । काइं वि जाव हरिउं मणिचूडो नेइ मं तत्थ ॥४२४१॥  
 पच्छा तह कह वि अहं पभावइं निय नणंदरं वोच्छं । जह सा पडिवज्जइ मज्झ भाउयं भट्टिभावेण ॥४२४२॥  
 तो तुममप्पाणं गोविऊण चिट्ठेह तेंत्तिय दिणाइं । इय तीए पडिवन्ने सहसा दारम्मि संपत्तो ॥४२४३॥  
 सच्चय नामो खयरो कणगवई पेसिउं तओ दांसि । बाहिं तं पुच्छावइ कज्जेणं केण पत्तोसि ॥४२४४॥  
 सो आह जहा केण वि दूराओ गयणमग्गओ एंती । दिट्ठा पियं करी तो खेयरमियरं समुद्दिस्स ॥४२४५॥  
 एमेव तेण जंपियमेवं जह पेच्छ गयणमग्गम्मि । केत्तिय दूराओ इमा पियं करी चिट्ठए एंती ॥४२४६॥

तो तेण पेक्खिऊणं गयणाभिमुहं तमेव अणुभणियं । तं कणयकेउकुमरो गिहमज्झगओ सुणेऊण ॥४२४७॥  
 बाहिं निक्खंतो जाव पेक्खए ताव तेण सा दिट्ठा । पविसंती इह भवणे सयमेव पियंकरी तत्तो ॥४२४८॥  
 पट्टविओ हं तीसे हक्कारणकारणेण तेण लहुं । नियगिहमज्झेण तओ समागओ संपइ गिहम्मि ॥४२४९॥  
 तं दासीए गंतुं कणगवईए निवेइयं सव्वं । तीए सयं पि निसुयं गिहमज्झठियाए भञ्जंतं ॥४२५०॥  
 अह कणगवई जंपइ पियंकरिं तं जओ परिन्नाया । मह भाउणा तओ तस्स अंतिए संपयं जाहि ॥४२५१॥  
 किंतु तए कहियव्वं जहट्टियं ने य अगओ तस्स । एयं चिय वत्तव्वं तुहिच्छियं निच्छियं होही ॥४२५२॥  
 कइवयदिणाण मज्जे अह सा पडिवज्जिऊण तव्वयणं । सह सच्चएण पगया पासम्मिउ कणयकेउस्स ॥४२५३॥  
 सोवालंभं सा कणयकेउणा भासिया जहा भदे ! दिट्ठासि गयणमग्गे तं दूराओ मए मंती ॥४२५४॥  
 ता कत्थ गयासि तुमं तीए भणियं गयमिह तुह कज्जे । सो भणइ तो न किं तं पढमं पत्तासि मम पासं ॥४२५५॥  
 सा भणइ सुन्नयाए एमेव गयमिह कणगवइगेहे । तत्थ गयाए नायं मए तओ तयभिसंकाए ॥४२५६॥  
 न नियत्ताहं तत्तो गिहम्मि तीसे तहेव य पविट्ठा । तीए सह माउसिया मिलणाइ कहं करेऊण ॥४२५७॥  
 जाव किर आगमिस्सं तुह पासं ताव सच्चओ पत्तो । मम हक्कारणहेउं तो तेण सहेह पत्ताहं ॥४२५८॥  
 तो भणइ कणयकेऊ पियंकरिं कहसु पत्थुयं इन्दि । सा जंपइ सिज्जिस्सइ कालविलंबेण तुह कज्जं ॥४२५९॥  
 सो भणइ किं तए सा पभावई पभणिया तहा तीए । किं कयमुत्तरमेव सवित्थरं मज्झ साहेसु ॥४२६०॥  
 जंपइ पियंकरी तो कवोलवाएण तुज्झ किं सज्जं । बहुणाकएण नियवंच्छियत्थ सिद्धीए तुह कज्जं ॥४२६१॥  
 तो भणइ कणयकेऊ जं न कहसि वित्थरं तुमं मज्झ । जं सुन्नमणासि गया कणगवई मंदिरे पढमं ॥४२६२॥  
 तं मन्नामि न सिद्धं मह कज्जं किं पि तत्थ तुह भदे ! ता जह पुव्वं तुमए सवहं दाऊण पुट्ठो हं ॥४२६३॥  
 तह तुज्झ वि देमि अहं सवहे बहुए तुमं सजणयस्स । जणणीए य गुरुणं तह नियकुलदेवयाए य ॥४२६४॥  
 तह कणयचूडरओ देवीए तह य कणयरेहाए । देहम्मि कुणसि दोहं जइ सव्वं नेयसाहेसि ॥४२६५॥  
 दिन्नसवहाए तत्तो पियंकरीए जहट्टियं तस्स । अक्खायं निय भणियं पभावई पभणियं तह य ॥४२६६॥  
 सोऊण कणगकेऊ तं चित्तइ दाहगहियसव्वंगो । जाव न दिक्खं गिन्हइ सा अज्ज वि ताव तं ज्जति ॥४२६७॥  
 गंतुं पभावई अवहरामि जीवामि अन्नहा नाहं । इय चित्तिऊण संवहइ एस रयणउरगमणकए ॥४२६८॥  
 मणिचूडो वि कुमारो पगुणो अट्टमि दिणोवरिं होउं । ताव ठिओ जाव दिणं तं चिय गमणस्स संपत्तं ॥४२६९॥  
 तो निय समग्गसामग्गिसंगओ जाव गंतुमारद्वो । सो मणिचूडकुमारो समुट्ठिओ ताव हलबोलो ॥४२७०॥  
 अंतेउरस्स मज्जे जाओ तो रायलोयसंखोहो । धावंति उक्खयाउ हत्था सुहडा सठाणाओ ॥४२७१॥  
 किं किं एयं जायंति जंपिरा जंति रायभवणम्मि । तं सोउं मणिचूडो वि जाइ तत्थेव वेगेण ॥४२७२॥  
 राया वि रयणचूडो कोलाहलसवणओ नियं पुरिसं । अंतेउरम्मि पेसइ पुच्छेउं कलयलसरूवं ॥४२७३॥  
 सो गंतूणं अंतेउरम्मि पुरिसोवबुद्धपरमत्थो । गंतूण रायपासे कहेइ एवं जहा देव ! ॥४२७४॥  
 धूया पभावई तुह जाव सपासायसिहरमारूढा । रयणउरनयरसोहं पासंती चिट्ठए ताव ॥४२७५॥  
 इंदउराओ नयराओ नंदणो कणयचूडरायस्स । आगंतु कणगकेऊ तं अवहरिउं अवक्कंतो ॥४२७६॥  
 मणिचूडेण वि एयं पासनिविट्ठेण रयणचूडस्स । सोऊण सयं जंतो कुढावए तस्स पट्ठीए ॥४२७७॥  
 राया निवारिओ मग्गिओ य गंतुं सयं पि आएसो । तेण अणुन्नाओ पट्ठिओ य सो तस्स पट्ठीए ॥४२७८॥  
 दिट्ठो जंतो सो नहपहेण इंदउरमग्गमज्जेउं । उत्तरसेढी समुहं मणिचूडेणं कणगकेऊ ॥४२७९॥

तो हक्किओ सरोसं वच्चसि रे दुट्टु ! कत्थ गिन्हेउं । भइणिं पभावइं मह ता मुंचसु सिग्घमेवेयं ॥४२८०॥  
 अन्न (ह) न अत्थि तुह जीवियव्वमिन्हिं पि होसि पाहुणओ । कीणासस्स विणस्सहिं मा आलेणेव तं तम्हा ॥  
 अह भणइ कणगकेऊ नियजीवियरक्खणत्थमवहरिया । एसा पभावई संपयं (म) ए झंखसि किमालं ॥४२८२॥  
 इय गव्वजंपिरा ते परोप्परं खेयरेसरकुमारा । गुरुरोसददुओट्टा अम्भिट्टा दो वि जुज्जेउं ॥४२८३॥  
 इयरा इयरोहं समं खयरा जुज्जंति उभयसेत्तेसु । हम्मंता विज्जंता परोप्परं खम्मावणोहिं ॥४२८४॥  
 मणिचूडकुमरसेत्तेण ताडियं कणगकेउणो सेत्तं । अह तं ज्झत्ति पणट्ठं दिसोदिंसिं कत्थइ कहिं पि ॥४२८५॥  
 मणिचूडेण वि सो कणगकेउकुमरो पणासिओ ज्झत्ति । गहिउं पभावई जिय विमाणमारोविउं नीया ॥४२८६॥  
 निय नयरे रयणउरे रत्ता वद्धावणं च कारवियं । कुमरो वि कणयकेऊ पत्तो इंदउरतयरम्मि ॥४२८७॥  
 अह कणयचूडराया सोऊणं विलसियं नियसुयस्स । संजायगरुयखेओ हक्कारेऊण तं भणइ ॥४२८८॥  
 कीस तए कयमेयं कज्जमणालोइयं सयं चेव । अम्हाण वि न हु कहियं फलं पि तो तारिसं जायं ॥४२८९॥  
 जं रयणचूडराया संपइ खयरेसराण मज्झम्मि । बहुयाणं बलवंतो तो तेण समं जह तहेव ॥४२९०॥  
 होइ विरोहो काउं न संगओ तुज्ज दिक्ककुर्यस्स । इह तुह कज्जे चिंता अम्हाण वि निवसइ मणम्मि ॥४२९१॥  
 सक्कम्मि परं कज्जे आरंभो कीरए विवेईहिं । अन्नह पुण कीरंते जह तुह जायं तथा होइ ॥४२९२॥  
 विज्जाए सहाएण व अप्पाणं बहुबलं विहेऊण । अइ गरुयकज्जकरणे पयट्ठियव्वं तओ होइ ४२९३॥  
 जइ निच्छएण एयं करणिज्जं माणसम्मि तुह वसइ । अप्पाणं सप्पाणं कीए वि जत्तीए तो कुणह ॥४२९४॥  
 अह कणयकेउकुमरो निय पियरं कणयचूडखयरिदं । अणुजाणावेऊणं उत्तरसेट्ठीए वच्चेइ ॥४२९५॥  
 निय भयणिं कणगवइं अवहरणभएण नेइ तत्थेव । मणिचूडम्मि कुमारे बद्धणुरायं वियाणेउं ॥४२९६॥  
 तत्थत्थि लच्छिरमणं नयरं सुरनाहनयररमणिज्जं । तं पालइ रणसीहो बहुविज्जालद्धमाहणो ॥४२९७॥  
 पासम्मि कणगकेऊ तस्स गओ कुणइ पइदिणं सेवं । अन्नदिणे रणसीहो तं जंपइ कहसु निय कज्जं ॥४२९८॥  
 सो एगंते सव्वं तस्स पुरो निय सरुवमक्खेइ । तो तेण तस्स दिन्ना परविज्जा छेयणीविज्जा ॥४२९९॥  
 तह परबलखोहणिया पुणो वि विज्जा दुइज्जिया दिन्ना । दुन्हं पि हु विज्जाणं कहिओ तह साहणोवाओ ॥  
 गहिऊण दोवि विज्जाओ ताओ रणसीहखयरनाहाओ । तो कणगकेउकुमरो आगंतूणं नियावासे ॥४३०१॥  
 एगंते होऊणं कहेइ सव्वस्स ताओ विज्जाओ । सुणइ कहिज्जं तीओ ससाहणाओ वि कणगवई ॥४३०२॥  
 जवणीए अंतरिया मंतिज्जं तंपि तेहिं तह एयं । आयन्नइ जह सिद्धे विज्जाजुयलम्मि एयम्मि ॥४३०३॥  
 कज्जजुयं सिज्जिस्सइ जेण कओ परिभवो रणे अम्ह । सो निहणं निज्जिस्सइ मणिचूडो कज्जमेक्कमिणं ॥  
 कज्जं दुइज्जयं पुण पभावइं नियबलेण हरिऊण । परिणिस्सामि हडेणं तो विज्जासाहणं करिमो ॥४३०५॥  
 ते मतिऊण एवं दोसिं वि रणसीहखयररायस्स । गंतूण सन्निहाणे पत्थंति तहाविहसहायं ॥४३०६॥  
 विज्जासाहणहेउं अह कणगवई मणम्मि अइभीया । लिहिउं विज्जाजुयलं भुज्जम्मि ससाहणोवायं ॥४३०७॥  
 विज्जाणं च पभावं परोप्परं कणयकेउ सव्वाणं । एगंतमंतियं तह तो तं भुज्जं समप्पेउं ॥४३०८॥  
 हत्थे पियं करीए पच्छन्नं तं च पेसए ज्झत्ति । मणिचूडकुमरपासे सा गंतुं तस्स तं देइ ॥४३०९॥  
 सो छोडिऊण वायइ मंतिय अहियं च तत्थ लिहियमिणं । ते कणगकेउ सव्वा जा विज्जाओ न साहंति ॥४३१०॥  
 ताव तए सिग्घं चिय साहेयव्वा उ दो वि विज्जाओ । जेण तुह परिभवं ते रणम्मि काउं न सक्कंति ॥४३११॥  
 अह अवगयलेहत्थो सम्माणेउं पियं करिं ज्झत्ति । तत्थेव पुणो पेसइ सो मणिचूडो वरकुमारो ॥४३१२॥

पुच्छइ पन्नत्तिमहाविज्जं को मज्झ उत्तरसहाओ । विज्जा साहणकम्मे होही तो तीए तं कहिओ ॥४३१३॥  
 चंदउरनयरसामी लद्धजसो चंदकित्तिनरनाहो । तो जाव तुज्ज पांसे एही किर कुमरमणिचूडो ॥४३१४॥  
 ताव सिरिरयणचूडेण राइणा अप्पणो समीवम्मि । आहूओ मणिचूडो तस्स पुरो तेणिमं कहियं ॥४३१५॥  
 जह अज्ज दिवसचरिमे समागओ सो पुणो वि गुणभइओ । सूरी इह उज्जाणे तं सुणिउमहं गओ तत्थ ॥४३१६॥  
 तव्वेलं पुण सीसम्मि वेयणा आसि तुज्ज संजाया । तेण तुमं नाहूओ वच्चंतेणं मए तत्थ ॥४३१७॥  
 तो वंदित्ता सूरि तस्स सुयादेसणा मए तत्थ । थेवा वि तओ कहियं मज्झ इमं सूरिणा तेण ॥४३१८॥  
 अज्ज मह अवहिणाणं विमलज्जवसाणाओ सम्पुपन्नं । तेण तुह थेवमाउं नाउं अहमागओ एत्थ ॥४३१९॥  
 कहणत्थं तुह बीसं दिणाणि जीयं जमत्थि एत्ताहे । जं होइ किंपि जुत्तं इन्हि नरनाह तं कुज्जा ॥४३२०॥  
 तो पणमिऊणं सूरी विन्नत्तो मउलियग्गहत्थेण । ज्जत्ति मए जह भयवं ! मज्झ पसाओ कओ गरुओ ॥४३२१॥  
 तुम्हेहिं जं पसुत्तो पमायनिद्दाए बोहिओ इयहं । मणिचूडकुमारं रज्जभारमारोविउं इन्हि ॥४३२२॥  
 गिन्हिस्सं दिक्खमहं भयवं ! तुह पायपउमपासम्मि । इय विन्नविउं सूरि वंदित्ता एत्थ पत्तोमिह ॥४३२३॥  
 ता गिन्ह तुमं रज्जं दिक्खं गिन्हामि पुण अहं इन्हि । इय सोऊणं रत्तो आएसं ज्जत्ति सो जाओ ॥४३२४॥  
 वज्जाहउ व्व सीसे नयणेसु गलंतवाहजलपवहो । गुरुसोयरुद्धकंठो न किं पि जंपेइ पडिवयणं ॥४३२५॥  
 तो रयणचूडरत्ता मणिचूडो तक्खणे उवालद्धो । एत्थि दिणाणि अम्हे एवं जाणंतया होता ॥४३२६॥  
 अम्हेहिं अत्थि जाओ पुत्तो अइपयडिवक्कमो एसो । रंड व्व रोयसि तुमं ता इन्हि एरिसे कज्ज ॥३२२७॥  
 इय भणिऊणं रत्ता सयमेवयलूहियाइं नयणाइं । मणिचूडकुमारस्सासन्निसन्नस्स तो भणिओ ॥४३२८॥  
 सो एवं जं उट्ठसु सप्पुरिसकयं करेहि धीरत्तं । रज्जधुरं धारेउं संपइ मं निव्वुयं कुणसु ॥४३२९॥  
 एरिसिया तुह भत्ती मम उवरि ममेवहारसे कज्जं । अन्नसरपत्तं इन्हि काऊण सिणेहमबुहाण ॥४३३०॥  
 इय भणिओ सो रत्ता मणिचूडो धीरिमं करेऊण । संठवियप्पा जंपइ तुम्हाएसो पमाणं मे ॥४३३१॥  
 तो राया मेलेउं समग्गसामंतमत्तिमंडलिए । तं रज्जे अहिंसिच्चइ सिक्खवई तयं परियणं च ॥४३३२॥  
 तो रयणचूडराया रयणवईए समं पिययमाए । मणिचूडरायपमुहेण सब्वलोएण परियरिओ ॥४३३३॥  
 अइगरुयविभूईए गंतुं गुणभइसूरिणो पासे । गिन्हइ दिक्खं लोओ नियत्तए सेसओ सब्वो ॥४३३४॥  
 मणिचूडरायपमुहो अहं राया तं जणं विसज्जेउं । मणिचूडो चंदउरे इहागओ विज्जुसिहसहिओ ॥४३३५॥  
 रयणीए तइय जामे उत्तरसाहगपओयणनिमित्तं । पासम्मि चंदकित्तिस्स निवइणो सुहपसुत्तस्स ॥४३३६॥  
 सो हं मणिचूडनिवो पओयणेणागओ इमेणेह । जं पुण एवं माया कया मए तत्थिमो हेऊ ॥४३३७॥  
 निद्दा खोह भएणं अम्हेहिं कओ न तुम्ह पडिबोहो । तो कालजावणत्थं आगंतुं नयरवाहिम्मि ॥४३३८॥  
 जा पेच्छणयारंभं कारिस्सं कीर मणोरमुज्जाणे । तावगयं दिट्ठिपहे जुयाइजिणमंदिरं मज्झ ॥४३३९॥  
 गंतूण तत्थ पडिमं नमिउं थुणिउं च तो समारद्धं । विज्जासत्तीए मए पेच्छणयमिमेण भावेण ॥४३४०॥  
 जमिहकए पेच्छणए तिमि वि कज्जाइं होति विहियाइं । जिणवरभत्तीनियमणविणोयणं तुम्ह पडिबोहो ॥  
 तो चंदकित्तिरत्ता भणियं सच्चं पर्यपियं तुमए । पेच्छणयसहसवणेण जग्गियं जेण अम्हेहिं ॥४३४२॥  
 अहं खयरिदो जंपइ विज्जाए मणिपईवधारीओ । गायण-वायण-नच्चणि समुदाओ तत्थ निम्मविओ ॥  
 विज्जुसिहो पुण एवं सिक्खविउं पेसिओ तुह समीवे । जग्गइ जया नरिदो तया तए मज्झ कहियव्वं ॥४३४४॥

एत्थंतरम्मि होउं विज्जुसिहो ज्ञत्ति पयडरूवेण । मणिचूडस्स समप्पइ मउडं खंडीकयं समरे ॥४३४५॥  
 तं नरनाहो पुच्छइ खयरिंदसमीवओ किमेयं ति । सो भणइ तुज्ज खग्गेण खंडिओ एस मे मउडो ॥४३४६॥  
 नरनाहेणं भणियं खग्गो च्चिय आहओ तथा तुज्ज । खित्तो खग्गपहारो खयरिद ! मए न मउडस्स ॥४३४७॥  
 खयरिदेणं भणियं तुह खग्गहएण मज्ज खग्गेण । धाराए निविट्ठेणं एस दुखंडी कओ मउडो ॥४३४८॥  
 तो नरवइणा भणियं हाहा एयं न सुंदरं जायं । खयरिदेणं भणियं सुंदरमेवम्ह जायमिणं ॥४३४९॥  
 भणियं नरेसरेणं कह हाणि सुंदरं तुमं वयसि । खयरिदो भणइ तओ जं गुणजणणी इमा हाणी ॥४३५०॥  
 जइ अंतरे न होतो एसो मउडो तथा पहारस्स । तो तेण मज्ज सीसं ज्ञत्ति दुखंडी कयं होतं ॥४३५१॥  
 तत्तो आसि समत्ताकहा समग्गा वि मज्ज संगामे । ता मउडमत्थए च्चिय पडियं सव्वं दुरियमेयं ॥४३५२॥  
 तो भणियं नरवइणा साहिज्जउ पत्थुयं पुणो पुरओ । तो खयरिदो जंपइ विज्जुसिहो तुह पमुत्तस्स । ॥४३५३॥  
 वासभवणस्स दारे पच्छत्तो ताव सठिओ जाव । तं पडिबुद्धो तत्तो निग्गंतुं आरओ चलिओ ॥४३५४॥  
 पच्छा तुह पट्ठीए लग्गो एसो वि आगओ निहुओ । पायारे आरुहिउं उप्पइउं गयणमग्गम्मि ॥४३५५॥  
 परिहाए अइदूरं तुह निवयंतस्स पयनिहाएण । अइगरूओ पडिसद्दो समुट्ठिओ कंपिया पुहइ ॥४३५६॥  
 जम्मि खणे तव्वेलं चिय पडिसद्दो सकन्नकुहरम्मि । अम्ह पविट्ठो घोरो तह थरहरियं जिणाययणं ॥४३५७॥  
 तो जाओ संबोहो मह हियए संतिमवि करिताण । कि एसो त्रेयालो समुट्ठिओ दीसए को वि ॥४३५८॥  
 पारद्धम्मि विवरपेच्छणम्मि भत्तीए एत्थ जिणभवणे । कि एसो भूकंपो जाओ सह भेरवरवेण ॥४३५९॥  
 जा एवं संखुद्धो चित्तामि खणं स ताव संपत्तो । विज्जुसिहो मह पासे तुरियं तुरियं अइपहिट्ठो ॥४३६०॥  
 तो पुच्छिओ मए सो कि पडिबुद्धो स चंदकित्ति निवो । विज्जुसिहेणं भणियं पडिबुद्धो सो इह वि पत्तो ॥४३६१॥  
 तो संलत्तो समए कत्थतओ तेण अक्खियं सव्वं । मज्ज जह पेच्छणारावसवणओ तंसि पडिबुद्धो ॥४३६२॥  
 जह सयणगाएज तए पेच्छणयगया कया बहुवियप्पा । जह उट्ठिऊण तत्तो संवहिउं तं पवत्तोसि ॥४३६३॥  
 संवहमाणम्मि तुमम्मि तेण जह चित्तियं कहिं गमिही । एस निवोत्ति तओ जह तुह पडिबोहाओ आरब्भ ॥  
 तुह मणचिंतियभावा पन्नत्तीए पयासिया तस्स । एमाइ जाव जिणहरसमीवदेसागओ तंसि ॥४३६५॥  
 तं सोच्चा विज्ञाओ मए तुमं पेच्छणाणुरत्तमणो । तो तुह चित्तुक्कंठा जणणत्थं पेच्छणं पुणवि ॥४३६६॥  
 पारद्धं अइसयवित्थरेण अहं तं पुणो वि मे कहिओ । विज्जुसिहेणं जिणमंदिरस्स दारम्मि संपत्तो ॥४३६७॥  
 तो तुह धीरत्तपरिक्खणत्थमेयं ज्ञडत्ति संवरियं । पेच्छणयं नीसेसं मुत्तं च कयं जिणाययणं ॥४३६८॥  
 तो पच्छन्नेण मए निरिक्खिओ तंसि कि करेसित्ति । जइ भीओसि न पविससि अहं नो पविसिहिंसि तो अंतो ॥  
 ताव तुमं निकखोहो खणंतरं विम्हयं मणे काउं । मज्जम्मि गओ जिणमंदिरस्स दिट्ठो तए देवो ॥४३७०॥  
 तो वदिऊण देवं नीहरिउं जिणगिहाउ वाहिम्मि । जा वच्चसि पासाए नियम्मि ता तं पुणो वि मए ॥४३७१॥  
 साहसपरिक्खणत्थं तुह भणिया जालमालिणी विज्जा । जं पुव्वदिसाए मह समंतओ कुण पहाजालं ॥४३७२॥  
 एवं कयम्मि तीए तं दट्ठुं कोउमेण तं चलिओ । लीलाए तस्स समुहं मणपि न मणम्मि संखुहिओ ॥४३७३॥  
 सेसं तुज्ज समक्खं जायं सव्वं पि तत्थ किं कहिमो । पहजालदंसणेण वि तं निकखोहं पुणो नाउं ॥४३७४॥  
 चित्तम्मि मए निच्छियमेवं जं एस ताव अइ धीरो । नियमाणसम्मि कि पुण सारीरबलं परिक्खामि ॥४३७५॥  
 तो विज्जुसिहो भणिओ मए इमं जं तए अदिस्सेण । टायव्वमुदासेणं मइ जुज्जंते वि सह इमिणा ॥४३७६॥  
 कज्जेणं तेण तए सट्ठि जुज्जं मए समारद्धं । जं जुज्जे पुण जायं तुमंपि तं जाणसि असेसं ॥४३७७॥



जो को वि अहं कज्जेण जेण एत्थागओ तयं सब्बं । एयं निवेइयं तुहं उड्ढं तुब्भे पमाणं ति ॥४३७८॥  
 अह आह चंदकित्तीनरनाहो खयरनाहमणिचूडं । जं किपि तुमं जंपसि तमहं संपइ करेमि त्ति ॥४३७९॥  
 तो वयइ खेरिंदो मणिचूडो दिवससत्तगेणव । साहेयव्वा सघरे परविज्जा छेयणी विज्जा ॥४३८०॥  
 परबलखोहणिया पुण सुन्नारन्नम्मि विसमसेलम्मि । साहेयव्वा विज्जा बहूवसग्गा तहा एसा ॥४३८१॥  
 एक्को विज्जा साहगपुरिसो एक्कोय उत्तर-सहाओ । दोच्चिय पुरिसा तीसे विज्जाए साहणे जंति ॥४३८२॥  
 विज्जाए कीरमाणे धोक्वसग्गे निरिक्खिउं इयरो । संखुहइ उत्तर-साहगमिच्छामि तुममेव ॥४३८३॥  
 नियगेहगओ दिणसत्तगेण परविज्जछेयणि विज्जं । साहेऊणं तत्तो गमिस्समहमट्टमे दिवसे ॥४३८४॥  
 नीलंजणम्मि सेले तम्मि दिणे दिणमुहे वि तुह पासे । पेसिस्सं खयरजुयं तओ तुमं झत्ति एज्जाहि ॥४३८५॥  
 तो चंदकित्तिरन्ना भणियं नीसंसयं करेमेवं । वच्च तुमं सट्टाणे मणिचूडो भणइ तो एवं ॥४३८६॥  
 सिरनिहियपाणिजुयलो महापसाओ त्ति संपयं अम्हे । नहमग्गेणं नेमो नियपासायं तुमं ताव ॥४३८७॥  
 पच्छा वि गमिस्सामो निय नयरे तो नरेसरो झत्ति । उट्ठेउं तेहिं समं गयणेण गओ सगेहम्मि ॥४३८८॥  
 मणिचूडो खयरिंदो पणमेउं चंदकित्तिनरनाहं । विज्जुसिहेणं सह खेयरेण पत्तो नियं नयरं ॥४३८९॥  
 निय गिहगएण तो तेण तत्थ परविज्जछेयणी विज्जा । संसाहिया दिणेहिं सत्तिहिं तो एत्थ पेसविया ॥४३९०॥  
 अम्हे अज्जट्टमवासरम्मि सूरुग्गमस्स समयम्मि । विज्जुसिहो हं तह विज्जुमालिनामो दुइज्जो य ॥४३९१॥  
 दोहं पि निग्गयाणं अम्ह तओ ठाणओ पुणो पच्छा । पट्टविओ तडितेओ तइओ विज्जाहरो पट्टणा ॥४३९२॥  
 विज्जाए कारवियं रयणविमाणं इमं गहेऊण । रवि मंडलाउ अब्भहियतेयपसरेण दिपंतं ॥४३९३॥  
 एवं एयं कहियं सवित्थरं सब्बमेव तुम्ह मए । सिरिचंदकित्तिरन्नो वेयड्ढे कारणं गमणे ॥४३९४॥  
 वरमंति संपयं मे आएसं देह जेण वच्चामि । सो तेण मंतिणा तो विसज्जिओ पट्टिओ झत्ति ॥४३९५॥  
 सब्बे अत्थाण जणा विज्जुसिहाओ तयं सुणेऊण । आणंदपूरियमणा पेक्खंति मुहाइं अन्नोन्नं ॥४३९६॥  
 सीसाइ धुणेऊणं वयंति एवं अहो महाराओ । सामी अम्हाणमिमो सब्बेसिमंचितमाहप्पो ॥४३९७॥  
 मणुयाणंचितपिज्जो न एस विज्जाहरा वि जस्सेवं । सेवं अमरकुमारारागारा पकरंति दास व्व ॥४३९८॥  
 अह रयणउरे नयरे आगमणं चंदकित्ति नरवइणो । पडिवालितो चिट्टइ खयरिंदो जाव मणिचूडो ॥४३९९॥  
 तडितेयविज्जुमालीहिं संजुओ ताव झत्ति संपत्तो । सो वि निवचंदकित्ती तत्थ विमाणे समाहूदो ॥४४००॥  
 ओयरियविमाणाओ पासाए जाइ जाव नरनाहो । ता उट्टिऊण मणिचूडखेरिंदेण सो नमिओ ॥४४०१॥  
 अइ पहरिसेण तेण वि गाढं आलिगिओ खयरराया । एगंते गंतूण सो वि तओ चंदकित्तिस्स । ॥४४०२॥  
 रायस्स देइ विज्जाउ जाउ सिज्जंति पट्टियमेत्ताओ । नहगामिणिपमुहाओ दो वि तओ झत्ति वच्चंति ॥४४०३॥  
 नीलंजणम्मि सेले पत्थुयविज्जाए साहणनिमित्तं । तत्थगुहाए एक्काए दारदेसम्मि मंडलयं ॥४४०४॥  
 काऊणं तत्थ ठिओ मणिचूडो जवइ पाणिजावेण । विज्जं एग्गमणो नियदेहे मंतकयरक्खो ॥४४०६॥  
 राया वि चंदकित्ती कोयंडकिवाणपाणिउवउत्तो । नासन्नम्मि न दूरे तस्स ठिओ चिट्टइ नियंतो ॥४४०६॥  
 सब्बाओ वि दिसाओ एवं गमिऊण दो अहोरत्ते । तइयम्मि दिणे आसन्नतरुवरणं फले पत्ते ॥४४०८॥  
 समयवि पडिए गहिऊण तेहिं दोहिं पि पारणं विहियं । पच्छा पुणो वि नियनिय वावारे संठिया दो वि ॥४४०९॥  
 अन्ने वि अहोरत्ते दोन्नि गए एवमेव निव्विग्घे । तइयं पि पारणदिणं तहेव अह रयणि पारंभे ॥४४०९॥  
 भीसणवेयालाई उवसग्गा उट्टिया महाघोरा । तो जाव नवमवासरपारंभे उग्गओ सूरुओ ॥४४१०॥

ते चंदकित्तिपुहईसरेण सव्वेवि टालिया तस्स । निय पुल्लपहावेणं तह सारीरेण य बलेण ॥४४११॥  
तम्मि समयम्मि सिद्धा विज्जा मणिचूडखेयरिदस्स । खेडयखग्गकरग्गा पच्चक्खा तत्थ होऊण ॥४४१२॥  
भणियं च तीए समयम्मि जम्मि तुह जायए भए कज्जं । तम्मि समयम्मि तुमए सरियव्वाहं जहा एमि ॥४४१३॥  
तो तदुचियपडिवात्ति काउं तं विज्जदेवयं ज्ञत्ति । ततो विसज्जिऊणं समागया दो वि रयणउरे ॥४४१४॥  
मणिचूडचंदकित्ती खेयरमणुएसरा तओ तत्थ । न्हायविलित्ता भुत्ता मुहं पसुत्ता य सेज्जासु ॥४४१५॥  
तो चंदकित्तिरायं पभावई तत्थ आययं सोउं । तहंसणूसुयमणा गमेइ वासं व नाडि पि ॥४४१६॥  
राया वि चंदकित्ती पभावईदंसणे कयहिलासो । उक्कलिया उलहियओ खणं पि दुक्खेण बोलेइ ॥४४१७॥  
मणिचूडो खेरिंदो पडिबुद्धो सिग्घमेव जोइसियं । हक्करिऊण पुच्छइ पभावईए विवाहदिणं ॥४४१८॥  
तेण वि तइए दियहे पाणिग्गहणस्स साहियं लग्गं । तो मणिचूडनिव्रेणं विवाहजोग्गा समग्गा वि ॥४४१९॥  
कारविया सामग्गी समागए लग्गवासरे तत्तो । अइ गरुयविभूईए पभावइ चंदकीत्तीणं ॥४४२०॥  
जणियं पाणिग्गहणं वद्धावणयं च कारियं नयरे । अइगरुयपबंधेणं जाया जुगवंपि जं तेसि ॥४४२१॥  
तत्थूसवा महंता एए जाओ नवो निवो तस्स । सिद्धागरुई विज्जा पभावई तह य परिणीया ॥४४२२॥  
जायं च संगममुहं पभावईएय चंदकित्तिस्स । सा रयणी बोलीणा तेसि एक्कं मुहुत्तं व ॥४४२३॥  
अह पेसविया पुणरवि कणगवईए पियंकरी तत्थ । मणिचूडरायपासे तीए तस्सेवमक्खायं ॥४४२४॥  
परबलखोह्णिविज्जं पसाहयं तररा कणयकेउस्स । जोयं महंतविग्घं उत्तरसाहगवराहेण ॥४४२५॥  
तो सो विलक्खहियओ इंदउरे संपयं समायाओ । कहियं च नियय पिउणो पुरो सरुवं समग्गं पि ॥४४२६॥  
पिउणा भणियं जइ तुह चित्ते सवमइ परिभवो को वि । तो तत्थ पुणो गंतुं रणसीहनिवस्स पासम्मि ॥४४२७॥  
पत्थेहि पुणो अन्नं उत्तरसाहगमईवबलवतं । धीरं निक्खोह्मणं विज्जं साहेहि तो एयं ॥४४२८॥  
जइ पुण निय चित्ताओ उत्तारेऊण परिभवो मुक्को । तो निच्चित्तो होउं चिट्ठसु निय मंदिरम्मि ठिओ ॥४४२९॥  
बद्धामरिसो धीरो कज्जारंभेसु विग्घनिहओ वि । पुण पुण तत्थ पयट्टइ साहइ कज्जं अह मरेइ ॥४४३०॥  
इय सोउं पिउवयणं विन्नत्तो कणयकेउणा जणओ । तायजियं तस्स नमे पराभवो एस पम्हूसइ ॥४४३१॥  
ता वच्चिस्सामि पुणो करिस्समहमुज्जमं इहत्यम्मि । ताएण अणुत्ताओ वच्चिस्सइ सो पुणो तत्थ ॥४४३२॥  
इन्हि पि अप्पणा सह जइ मं सो नेइ तो पुणो विग्घंजइ पुण विज्जा सिज्जइ तस्स तओ होइ अइविग्घं ॥४४३३॥  
जइ तुह विज्जा सिद्धा तो हं सिग्घं तएव हरियव्वा । अहव न सिद्धा साहसु तो काउं उज्जमं गरुयं ॥४४३४॥  
मणिचूडेणं भणियं सिद्धा मा मज्ज संपयं विज्जा । सिरिचंदकित्तिरत्तो भइणीवइणो पसाएण ॥४४३५॥  
को एत्थ कालखेवो संपइ कल्लं चउइसीए वि । पुव्वोइयसंकेयट्टाणम्मि अहं समागंतुं ॥४४३६॥  
अवहरिउं कणगवइं नूणं परिणेमि इह समाणेउं । तो तं गंतूण तहिं संवाहेउं तयं मुयमु ॥४४३७॥  
मणिचूडस्साएणं लहिऊणं पट्टिया पियंकरिया । इंदउरे गंतूणं कणगवईए निवेएइ ॥४४३८॥  
हरिसेणं कणगवई हियए देहे य तो अमायंती । पउणी होऊण ठिया पभायदिवसस्स उवरिम्मि ॥४४३९॥  
सयणम्मि पसुत्ता सा खणे खणे जग्गए बहिं जाइ । जोएइ जहा रयणीए केत्तियं सेसमज्जविय ॥४४४०॥  
रयणीए विहायाए संबहिऊणं पियंकरी सहिया । कामपडिमानिमित्तं गहिऊणं पूयउवगरणं ॥४४४१॥  
कइवयपरिवारजुया संपत्ता जाव नंदणुज्जाणे । ता संपत्तो खयरेसरो वि तत्थेव मणिचूडो ॥४४४२॥  
कणगवईए तस्स य परोप्परं दिट्ठिमेलओ जाओ । हिययम्मि प्हसियाइं दोन्नि त्रि तो ज्ञत्ति उक्खित्ता ॥४४४३॥

मणिचूडेणं एसा सव्वस्स वि परियणस्स मज्झाओ । एगागिणी तओ तीए सेसलोएण वाहरियं ॥४४४४॥  
 गंतूण कणयचूडस्स कणयकेउस्स साहियं एयं । कणगवई मणिचूडेण खेयरिदेण जं हरिया ॥४४४५॥  
 तव्वयणसवणसमणंतरं पि ते दोवि धाविया तुरियं । पिडपुत्ता नियखेयरबलेण सव्वेण संजुत्ता ॥४४४६॥  
 लग्गा पट्ठीए तस्स झत्ति मणिचूडखेयरिदस्स । सो वि हु पत्तो सिग्धं निय खेयरसेन्नमज्झम्मि ॥४४४७॥  
 तपट्ठीए पत्तं हक्कतं कणगचूडसेत्तंपि । तं दट्ठुण रुट्ठो मणिचूडो निय विमाणम्मि ॥४४४८॥  
 कणगवईं मोत्तूणं रक्खवाखेयरबलेण संजुत्तं । चलिओ तेसि समुहं सीहो व्व कुरंगजूहाणं ॥४४४९॥  
 अट्ठिभट्टाईं दोन्नि वि खेयरबलाईं समच्छरं झत्ति । तेसि अग्गाणीयं मणिचूडस्सग्गसेत्तेण ॥४४५०॥  
 भग्गं झत्ति पणट्ठं पत्तं सरणम्मि कणयचूडस्स । तो कणगकेउकुमरो समट्ठिओ रोमदट्ठोदट्ठो ॥४४५१॥  
 तो तेण भज्जमाणं अग्गाणीयं नियं निएऊण । मणिचूडखेयरिदेण ताडियं तस्स तं सेत्तं ॥४४५२॥  
 अइवेगमुक्कअइतिकखवाणपसरेण मुच्छियं सव्वं । पहरंतस्स य चावं दुखंडियं कणगकेउस्स ॥४४५३॥  
 अन्नं पि जाव चावं गहिउं पणुणी करिस्सइ किरेसो । ता उप्पइउं गंतूण तव्विमाणम्मि सो बद्धो ॥४४५४॥  
 मणिचूडखेयरिदेण जीवियं तस्स नेय निग्गहियं । करुणाए कणगवईए तह य लज्जं कुणंतेण ॥४४५५॥  
 तो कणगचूडराथा मणिचूडं पहरिउं समारद्धो । सो वि सरधोरणीए मणिचूडेणं कओ विहुरो ॥४४५६॥  
 पच्छा खंडियधय-दंडचंडकोयंडवाणपसरो सो । झत्ति खुरुप्पेण उरंम्मि ताडिओ पाविओ मुच्छं ॥४४५७॥  
 बद्धो सो वि गहेउं जाव नियत्तिस्सए जिय विवक्खो । नाऊण रणारंभं ता पत्तो चंदकित्ती वि ॥४४५८॥  
 तं दट्ठुं मणिचूडो गंतुं इंदउरनयरमिच्छंतो । सिरिचंदकित्तिरायं आपुच्छइ तत्थ गमणत्थं ॥४४५९॥  
 तयणुत्ताओ वलिओ मणिचूडो तेण चैव संजुत्तो । मुच्छियमयसेसा खेयरा य नट्टा परबलस्स ॥४४६०॥  
 ते दोवि पट्ठिलग्गे एंते दट्ठुण मणुयखेयरिदे । बहुविज्जाहरबलसंजुए य तो ते मणे खुहिया ॥४४६१॥  
 परबलखेयरा सव्वे तेसि दोन्हं पि सेवमावत्ता । तेहिं च कणयचूडो राया तह कणगकेउ य ॥४४६२॥  
 केहिं वि खेयरेहिं समं रयणउरे पेसिया इमे दो वि । निक्खित्ता गुत्तीए कणगवई पुण समं नीया ॥४४६३॥  
 तो पत्ता इंदपुरे मणिचूडो चंदकित्तिराया य । भीओ य नयरलोओ धीरविओ तेहिं सव्वो वि ॥४४६४॥  
 अह संपत्ता ते कणगचूडखेयराहिवस्स पासाए । मणिचूडचंदकित्ती खेयरमणुएसरा दो वि ॥४४६५॥  
 तेसि माहण्यं पासिऊण सो नयरसंतिओ लोओ । विम्हइयमणो जंपइ सुरिदसमविककमा एए ॥४४६६॥  
 एक्को वि हु मणिचूडो सु दुज्जओ इयर खेयरलोयाण । किं पुणे इमिणा सिरिचंदकित्तिणा संजुओ रत्ता ॥४४६७॥  
 ता अम्हं सामि एहिं विणामियं जं इमेहिं सह समरो । पारद्धो पयडपरक्कमेहिं दोहिं पि गव्ववसा ॥४४६९॥  
 संपइ अम्हं पट्टविरहियाण सरणं न को वि अत्तोत्थि । एएमिं चिय सेवं पडिवज्जामो तओ गंतुं ॥४४६९॥  
 इय मंतिऊण सव्वे नयरजणा पवरडोयणयहत्था । पत्ता नरिददारे पडिहारनिवेइया तत्तो ॥४४७०॥  
 पुरओ नरिदपासे पत्ता अप्पिपति द्योयणाईं कमा । कप्पूरागुरुवर-वत्थ-कंचणाहरणमाईणि ॥४४७१॥  
 तो पणमिऊण सविणयमारोवियकरउडा सिरग्गम्मि । इय विन्नविति इन्हि तुम्हे अम्हाण होह पहू ॥४४७२॥  
 मणिचूडेणं मणियं जइ एवं चंदकित्ति नरनाहो । तो अहिसिच्चउ रज्जे अह वेति इमे कुणह एवं ॥४४७३॥  
 तो गरुयविभूईए अहिसित्तो खेयराहिवपयम्मि । सिरिचंदकित्तिराया मणिचूडाईहिं सव्वेहिं ॥४४७४॥  
 पट्टविया रयणउरे पभावईए समाणयण हेउं । विज्जाहरा पहाणा तं गहिउं ते समायाया ॥४४७५॥

तो पुच्छिऊण दिवसं महाविभूईए खयरराएण । कणगवई परिणीया मणिचूडेणं पहिट्ठेण ॥४४७६॥  
 कणगवई पुण हियए वहेइ हरिसं च तह विसायं च । हरिसस्स कारणमिणं मणिचूडो जं वरो लद्धो ॥४४७७॥  
 एयं च कारणं पुण गरुयविसायस्स जं कणगचूडो । जणओ वद्धो खित्तो गुत्तिए, कणयकेउय ॥४४७८॥  
 पारट्ठं पउरेणं वद्धावणयं पुरम्मि वित्थरओ । मूलिल्ले पासाए सयं ठिओ चंदकित्तिनिवो ॥४४७९॥  
 मणिचूडो खयरिदो ठिओ पुणो कणयकेउ पासाए । ते दो वि निव्वुयमणा निति दिणे केत्तिए तत्थ ॥४४८०॥  
 मणिचूडं खयरिदं पुच्छेउं चंदकित्तिनरनाहो । चंदउरे विज्जुसिहं पेसइ तह विज्जुमालि च ॥४४८१॥  
 सुहममइमतिपासे कहणत्थं निययखेमवत्ताए । तह पुच्छिउं मरुवं रज्जम्मि वि दुत्थमुत्थस्स ॥४४८२॥  
 तो ते दोन्नि वि खयरा गंतूणं तत्थ मंतिपवरस्स । पुरओ कहेति मरुवं चरियं सिरिचंदकित्तिस्स ॥४४८३॥  
 मंती वि तक्खणं चिय आहवणं सब्बरायलोयस्स । पेसेऊण सयं पुण संपत्तो रायभवणम्मि ॥४४८४॥  
 तो पणमिऊण रत्तो सीहासणमप्पणो समुचियम्मि । ठाणम्मि ममुवविट्ठो तेहि सयं दोहि खयरेहि ॥४४८५॥  
 पत्तो खणंतरम्मि वि नीसेसो रायसेवयजणो वि । सामंत-मंति-मंडलिय-तंतवालाइओ तत्थ ॥४४८६॥  
 सीहासणं पणमिउं रत्तो मंति च ते वि सब्बे वि । सट्ठाणेषु निसत्ता कयपड्विती जहाजोम्मं ॥४४८७॥  
 तो मुहममईमंती तेमि तं दंसिऊण खयरदुगं । कहइ जहा एए ते दोन्नि वि खयरा समायाया ॥४४८८॥  
 अम्ह प्हू विन्नविउं नीओ वेयड्ढपव्वए जेहि । सकुसलकहणत्थमिमे पुणो वि इह पेसिया तेण ॥४४८९॥  
 कहियं अम्ह सरुयं सब्बं एएहि संपयं तुम्ह । अक्खावेउं एए पडिवालेउं इहाणीया ॥४४९०॥  
 तो मंतिपभणिएहि दोहि वि खयरेहि तेहि अक्खायं । सब्बं पि निवसरुदं अत्थाणजणस्स तस्स पुरो ॥४४९१॥  
 पुण वेति मंतिणं ते अम्हं एसो वि अत्थि आएसो । सिरिचंदकित्तिपट्ठणो जं पुच्छेज्जा सुहं रज्जे ॥४४९२॥  
 तो मंती ते पभणइ देवपयावेण पडिहयणपसरा । पभवंति न ताव रिऊ तहेव विणएण वट्ठेति ॥४४९३॥  
 अम्ह पमाया कह वि हु बाहिज्जइ जइ परोप्परं लोओ । पुच्छेयव्वो सो वि हु तुम्हेहि सयं इहायाओ ॥४४९४॥  
 इय मंतिणा पभणिउं आहवणं पेसिउं पुरजणस्स । अत्थाणजणो भणिओ कहेह तुव्वे नियसहवं ॥४४९५॥  
 विज्जुसिहविज्जुमालीण खयरणं कहेति तो सब्बे । अत्थाणजणा अम्हं लवो वि असुहस्स नो अत्थि ॥४४९६॥  
 देवस्स पसाएणं एयंचिय बहुयममुहमम्हाणं । जमइगवा बहुदियहा दिट्ठाणं देवपायाणं ॥४४९७॥  
 एत्थंतरम्मि पत्तो नायरलोओ वि तत्थ नीसेसो । कयउचियपणामाई सो वि निविट्ठो जहट्ठणो ॥४४९८॥  
 मंतिवयणेण सो वि हु कहेइ तं चिय पुरो नहयराण । नीसेसं जं कहियं अत्थाणजणेण ताण पुरो ॥४४९९॥  
 तो ते भणंति खयरा भयवसओ एस चिट्ठइ निवस्स । रज्जभरं तुम्ह तओ खिविउं सो जाइ तत्थ सयं ॥४५००॥  
 परमेस कमो पट्ठणो जं निय [सेवय]जणाण सुहदुक्खं । पुच्छाविज्जइ जइ वि हु सुहेण चिट्ठति ते दूरे ॥४५०१॥  
 जं कि पि तुम्ह कज्जं कहियव्वं चंदकित्तिरायस्स । तं अम्ह कहइ संपड वेयड्ढे जेण वव्वामो ॥४५०२॥  
 अह सुहममई जंपइ एवं देवस्स विन्नवेयव्वं । तुव्वेहि अम्ह वयणं जं अक्खेरो न कायव्वा ॥४५०३॥  
 इह देसस्स पुरस्स व एगमाणुस्स वि य । कज्जमसिउं साहह संपयमन्नं पि तत्थ तुमे ॥४५०४॥  
 देवेण किनु सिग्घं निय पाया अम्ह दंसियव्व त्ति । भणिउं मंती खयरे ते सम्माणइ विसज्जिइ य ॥४५०५॥  
 अह गंतूणं ते चंदकित्तिरायस्स स-मणिचूडस्स । साहंति तयं सब्बं तओ पहिट्ठा दुवे ते वि ॥४५०६॥  
 वट्ठण गुणकलावं माहणं चंदकित्तिनिवडस्स । सब्बे वि तम्मि जाया कयाणुराया महाखयरा ॥४५०७॥

जे के वि खेरिदा दाहिणसेढीए तत्थ निवसंति । ते सब्बे नियचित्ते वहंति गच्छं अवट्ठं ॥४५०८॥  
 जइ को वि अम्ह अन्नो करिस्सए परिभवं बलीखयरो । तो गंतुं कहिस्सामो वत्तं सिरिचंदकित्तिस्स ॥४५०९॥  
 इय आसाए सब्बे करेति ते चंदकित्तिनरवइणो । बहु अणुणयं सया वि हू समीवमाणंतु सयमेव ॥४५१०॥  
 तो जो जो अप्पबलो खेरिदो इयर खेरिदेण । पारब्भइ आगतुं सो सो वत्तं कहइ तस्स ॥४५११॥  
 तो चंदकित्तिराया पक्खे होऊण तस्स तं इयरं । मूलाओ उच्छेयइ ठवेइ निय सेवयं तत्थ ॥४५१२॥  
 एवं कमेण सब्बे दाहिणसेढी गया नहरिदा । उवसाहिऊण सेवं पवेसिया अत्तणो तेण ॥४५१३॥  
 तो मणिचूडाईहिं मिलिऊणं सब्बखेरिदेहिं । विज्जाहरचक्किपए अहिस्सित्तो चंदकित्तिनिवो ॥४५१४॥  
 जायं वद्धावणयं खेरिदा दोयणेमु आणति । रहकरितुरए-कन्ना-वत्थाहरणाइयमसेसं ॥४५१५॥  
 तो खयरचक्कवट्टीकन्ना वज्जं समग्गमवि अन्नं । गिण्हइ कन्नाओ पुण पभावइं पुच्छिउं लेइ ॥४५१६॥  
 परिणेइ विभूइए भज्जाण सयं कमेण तो जायं । पडिसेहंतस्स वि तस्स निवइणो चंदकित्तिस्स ॥४५१७॥  
 पट्टमहादेवित्ते पभावईं तेण ठाविया तत्तो । विज्जाहरचक्किपयं एवं सो विलसइ जहिच्छं ॥४५१८॥  
 अहं मणिचूडं खेरिदमन्नया चंदकित्तिनरनाहो । आइसइ जहा गंतुं रयणउरे कणयचूडनिवं ॥४५१९॥  
 मुयसु तुमं गोत्तीए कइहेउं कणयकेउणा सद्धि । आएसेणंम्हाणं तहा तमेवं भणिज्जासि ॥४५२०॥  
 पडिवज्जिऊण सेवं अम्हाणं गिन्ह इच्छिए नयरे । कम्मि वि रज्जं अहवा इंदउरं पि हू तुमं गिन्ह ॥४५२१॥  
 इय खयरचक्कवइणो सिक्खं गहिऊण चंदकित्तिस्स । मणिचूडखेरिदो सिग्घं गंतूण रयणउरे ॥४५२२॥  
 मोयावइ गुत्तीए सकणयकेउं पि कणयचूडनिवं । आणावइ पासाए नियम्मि अहं तं सपुत्तं पि ॥४५२३॥  
 ते दोवि तओ उच्चियासणेसु पडिवत्तिपुव्वयं ठविया । आहूया कणगवईं वि तत्थ मणिचूडराएण ॥४५२४॥  
 अहं जणयकणयचूडस्स निवडिया सा पएसु विणएण । नयणाइं बाहजलपूरियाइं सहमा कुणेमाणी ॥४५२५॥  
 तो तीसे आसीसा दिन्ना जणएण हरिसियमणेण । पुत्ति तुमं जा जीवं पि अविहवा सूहवा हवसु ॥४५२६॥  
 अहं उट्टविउं पिउणा उच्छं ठाविऊण सा भणिया । जह पुत्ति वंछियं तुह नियपुत्तेहिं सयं जायं ॥४५२७॥  
 ससिणेहेण वि होउं जणएण मए न ताव तं विहियं । ता कम्मपरिणइ च्चिय सुहासुहाणं जए जणणी ॥४५२८॥  
 अम्हे सयं जइ तथा तुज्ज कुणंता समीहियं कह वि । अम्हाण वि एस विही न होज्जमन्निज्जाए एवं ॥४५२९॥  
 पिउउच्छंगाओ उट्टिऊण तो कणयकेउणो पासे । उइहं ठिया पणमिया तेण वि सागस्यविणएण ॥४५३०॥  
 भणियं च भइणि सब्बं अवरद्धं मज्झ संपयं खमसु । तुज्ज समीहियकज्जे मए वि विग्घो कओ आसि ॥४५३१॥  
 तो तीए आसीसावयणं उक्कित्तियं इमं तस्स । अक्खइओ तह अजरामरो य भाउय तुमं होज्जा ॥४५३२॥  
 अहं सा मणिचूडनिवस्स वयणओ उट्टिऊण नियठाणं । संपत्ता कणगवईं मणिचूडेणं तओ तेमि ॥४५३३॥  
 पिउपुत्ताणं पुरओ आएसो खयरचक्कवट्टिस्स । कहिओ सब्बो वि तओ मणिचूडो वेति ते एवं ॥४५३४॥  
 जं खयरचक्कवट्टी एवं वियरेइ अम्ह आएसं । अपरिचिओ वि हू होउं तं सब्बं तुम्ह दक्खिन्नं ॥४५३५॥  
 तुम्हेहिं वि अम्हाणं अकयं मुक्कं न किं पि जं समरे । तह अत्तवसगयाण वि न अम्ह जीयं तथा हरियं ॥४५३६॥  
 जम्हा जीवियदाणं अब्भहियं सयलइयरदाणाणं । ससमुदा वि हू पुहईं न होइ तक्कोडिमं से वि ॥४५३७॥  
 जइ दावसि तं रज्जं अम्हं दावेहिं इच्छियं तो तं । इच्छियमेयं जं संजमस्स रज्जं पणिण्णामो ॥४५३८॥  
 मणिचूडेणं भणियं सुजुत्तमेवं विव्रेयवताण । सबसेण वि ताएणं तणं व चत्तं नियं रज्जं ॥४५३९॥

गिहवासिगिद्धचित्ताण रज्जवच्छाउ होंति एयाउ । विसयविरत्ताण पुणो रमइ मणो संजमे चेव ॥४५४०॥  
 तं होसि अम्ह समुरो जणओ व्व तओ पुरा वि नमणिज्जो । संपइ विसेसओ पुण सिरस्स उवरिं वयकइच्छो ॥  
 जो अम्ह सालओ कणयकेउकुमरो न सो वि हासस्स । ठाणं संपइ किं पुण गोरविओ जेट्ठबंधु व्व ॥४५४२॥  
 एयं पि तुम्ह ठाणं अप्पणयं चेव जत्थ अप्पणओ । जामाऊ दिक्करिया वसेइ भइणी य भइणिवई ॥४५४३॥  
 ता चिट्ठह वीसत्था एत्थेव य ताव जाव इह एइ । ता य गुरूगुणभट्ठो अवहिल्लाणी मृणिप्पवरो ॥४५४४॥  
 तुम्हाण वंछियत्थं पच्छा सव्वं पि पूरइस्सामि । संपइ ष्हाणाईयं करेह ता अवसरप्पत्तं ॥४५४५॥  
 तो उट्ठिऊण मणिचूडवयणसवर्णतरं पिया-पुत्ता । गज्जणहरं पविट्ठा न्हाया ते दो वि वित्थरओ ॥४५४६॥  
 तह गरुयगोरयेणं कराविया भोयणं विलेवणयं । दिन्नं तंबोलं तह कुसुमाहरणं तु न गिहीयं ॥४५४७॥  
 अइवहुयपत्थणाहिं वि विइज्जमाणं निरीहभावेणं । तो अहिययरं जाओ मणिचूडो तेसु अइभत्तो ॥४५४८॥  
 एवं चिट्ठंताणं निम्मलभावाण ताण तत्थ तओ । उज्जाणे संपत्तो गुणभट्ठो नाम वरसूरी ॥४५४९॥  
 नाऊणं तं समागयमइपहरिसवसविसट्ठरोमंचो । मणिचूडखेयरिंदो जाणावइ कणगचूडस्स ॥४५५०॥  
 आयन्निऊण कन्नामयं व तो सूरिणो समागमणं । सो वि सपुत्तो जाओ आपणंदुच्छलियघणपुलओ ॥४५५१॥  
 तो कणगचूडरायं सकणगकेउं पि पत्थणा पुव्वं । कारवए सिंगारं पवरं मणिचूडखेयरिंदो ॥४५५२॥  
 वीइज्जंतो सियचामरेहिं सिरधरियधवलवरच्छतो । आरूढो मत्तमहागयम्मि कयपवरसिगारो ॥४५५३॥  
 रायं तु कणयचूडं आरोवेउं महागइंदम्मि । अइगरुविभूईए काऊणं अप्पणो पुरओ ॥४५५४॥  
 अन्नम्मि तहावरवारणम्मि आरोविउं कणयकेउं । काऊण अप्पणो तं दाहिणभाए विभूइजुयं ॥४५५५॥  
 परियरिओ सव्वत्तो तत्तो चउरंगिणीए सेणाए । संपत्तो उज्जाणे ओयरिउं करिवराओ तओ ॥४५५६॥  
 मणिचूडखेयरिंदो संजुत्तो कणयचूडनरवइणा । तह कणयकेउणा वि य भत्तीए नमइ तं सूरिं ॥४५५७॥  
 सेसं पि साहुवगं नमिऊण कमेण सूरिपासम्मि । आगंतुं उवविट्ठा पुच्छंति य रयणचूडस्स ॥४५५८॥  
 मुणिणो सरूवमक्खेइ मुणिवरो तेसिमग्गओ सध्वं । पढमं चिय गहियवओ जाजीवं अणसणं कुणइ ॥४५५९॥  
 पढिऊण केत्तियं पि ह सामायारिं जईण जाणेउं । कुणइ जहोइयकिरियं त्रिणयं तह सव्वसाहणं ॥४५६०॥  
 वेयावच्चं च तहा बालाईयं समुज्जओ कुणइ । निच्चुज्जम्मिउ सज्जाए खणे खणे अभिरओ होइ ॥४५६१॥  
 कुणइयकाउस्सग्गं धम्मज्जाणं झियाइ तत्थ टिओ । तस्स कुणंतस्सेवं गयाइ अट्टारसदिणाइ ॥४५६२॥  
 एगे णूणे वीसइम वासरे रयणचूडसाहुस्स । सोहम्मे संजायं समाहिपत्तस्स देवत्तं ॥४५६३॥  
 तं सोऊणं मणिचूडखेयरिंदस्स माणसे जाओ । किं पि विसाओ तह पहरिसो य अह सूरिणो पासे ॥४५६४॥  
 सो पुच्छइ जिण-धम्मं गंभीरसरेण कहइ सूरी वि । संसारे जे जीवा सुहेसिणो ताव ते सव्वे ॥४५६५॥  
 जाणति सुहोवायं नेव परं किंपि तं पकुव्वति । ते कम्मं मोहवसा जेणाणुहवंति दुक्खाइं ॥४५६६॥  
 जम्हा नट्टुविवेया जं चिय दुक्खं मुणंति तं चेव । सोक्खस्स सरूवेणं परमत्थसुहं अयाणंता ॥४५६७॥  
 कोहो माणो माया लोभो चत्तारि हुंति हु कसाया । तग्गहियाणं जायइ विवज्जओ तेण जीवाणं ॥४५६८॥  
 माणकसाओ अहिओ मणुएसु कहिज्जए जिणिंदेहिं । तव्वसगया य मणुया हवंति सेल व्व अइधइहा ॥४५६९॥  
 नमणारिहेसु विनयं कुव्वंति न किंतु अत्तणो चेव । कीरंतं पणिवायं सव्वेहिं वि ते समीहंति ॥४५७०॥  
 पच्छा केण वि बलवंतएण तो तेसिं भज्जए दप्पो । पडिभग्गदप्पपसरा लहंति बहुमाणसं दुक्खं ॥४५७१॥

माणमदुक्खोवहया विदंति रडं न कत्थ वि कया वि । अरईए घणकम्मं वंधंति तओ भमंति भवं ॥४५७२॥  
 रज्जे वि होइ लोभो केसि पि हु माणमारुहंताण । तमपावंता तो ते हवति कोहानलुज्जलिया ॥४५७३॥  
 अपहुप्पंता पच्छा मायाए पविसिऊण मज्झम्मि । वीसासेऊण तओ हणंति पियरं पि भायं पि ॥४५७४॥  
 विहवज्जणे वि इच्छा गरुई पाएण माणवंताण । संजायइ पुरिमाणं चितंताणं मणे एवं ॥४५७५॥  
 अत्रेहितो अम्हे विउलमिरीया कहं पि जइ होमो । तो गरुयविहविणो वि हु अम्हं चिय एंति पासम्मि ॥४५७६॥  
 सम्माणपयं होमो अम्हे च्चिय रायपमुहलोयाणं । पत्तसिरीया पच्छा इच्छंति पराण णीणत्तं ॥४५७७॥  
 पेच्छंति उच्छलंतं अत्तं जइ निययपुत्तजोएण । इच्छंति तस्म विग्गं काउं वि विहप्ययारोहिं ॥४५७८॥  
 पूयाए विहवस्स य तं काउं कइ वि जइ न पारेंति । तो देहस्स वि चूकंति तस्स केणइ उवाएण ॥४५७९॥  
 तो रत्ता विस्साया खणेण पाविति शंघणं तत्तो । सव्वस्सस्म विहरणं लहंति जीवियविणासं पि ॥४५८०॥  
 जइ को वि कइ वि किंचि वि कया वि कहियं करेइ न खणेण । ता तम्मि कुणइ कोवं माणीमणुओ मणे को वि  
 गरुए वि हु निय कज्जे जायम्मि न जाइ तस्स पासम्मि । गरुयस्स वि बहुजणमाणणिज्जवयणस्स वि जयम्मि  
 अवलेवकलुसियमणो तस्स य शिन्हेइ दूसनसयाइं । जस्स वि तस्स वि पुरओ अविज्जमाणाइं विसया वि ॥४५८३॥  
 जइ सो गरुओ जाणइ गरुयमवायं करेइ तो तस्स । असमाणविग्गहं पि हु कुणंति इय माणिणो मणुया ॥४५८४॥  
 इह लोगम्मि वि लह्तिउं दुक्खणं परंपराउ परलोए । नरगाईणं दुक्खाणं भायणं होति सययं पि ॥४५८५॥  
 एत्थंतरम्मि चितइ नियचित्ते कणयचूडखयरिदो । अम्हं वि अणुगयमेयं संजायं किं पि वक्खाणं ॥४५८६॥  
 अम्हं सुयस्स न दिन्ना पभावई पत्थिया वि अम्हेहिं । जं रयणचूडरत्ता तेणअहिमाणेण न मए वि ॥४५८७॥  
 दिन्ना इच्छंती वि हु कणगवई रयणचूड-पुत्तस्स । तीसे हरणम्मि तहा न चितियं अप्पसामत्थं ॥४५८८॥  
 अहिमाणगहग्घत्थेण तेण मइ संगरोसमारद्धो । तस्सअहिमाणस्स फलं इहेव ता अम्हं निव्वडियं ॥४५८९॥  
 पुण भणइ गुरुअहिमाणसोक्खकंखाणं दुक्खमियकहियं । विसयमुहत्थीण दुहं वन्निज्जइ किं पि इन्हितु ॥४५९०॥  
 विमय-सुह-लंपडाणं दुल्लह-इत्थी-जणे वि अहिलासो । संजायइ अलहंता तं ते झिज्जंति हिययम्मि ॥४५९१॥  
 अहं कहमवि मोहवमा तत्थ पयट्ठंति हहविहाणेण । पावंति तो अणत्थं पाणाणं वि केइ चुक्कंति ॥४५९२॥  
 परलोयदुहं पुक्कुत्तमेव पावंति नियमओ ते वि । एवं सोक्खमईए जीवा दुक्खे पयट्ठंति ॥४५९३॥  
 एयम्मि अंतरे कणयकेउकुमरो वि चितए एवं । अम्हं पि समुचिया किं चि देसणा एस संजाया ॥४५९४॥  
 जमणिच्छंतीए वि हु पभावईए मए उवरिरागो । बद्धो अलहंतोहं तओ इमं हरिउमारद्धो ॥४५९५॥  
 तो पत्तपरिभवो वि हु अहिमाणाओं तहाणुरायाओ । न ठिओ तुन्दिक्कोहं काउमुवायं पुण पयट्ठो ॥४५९६॥  
 कणगवई हरणे पुण जणएण वि मणे चितियं किं पि । अहिमाणग्गहिणं फलंतओ तस्स उवलद्धं ॥४५९७॥  
 भणइ गुरु ता अहिमाण-विसय-सोक्खाउ नियमणं जत्ति । विणियत्तेउं देयं परमत्थसुहम्मि विदुहेहिं ॥४५९८॥  
 तं पुण परमत्थसुहं मोक्खम्मि गयणं गम्मए मोक्खे । कम्मक्खएण सोउण कम्मखओ होइ दिक्खाए ॥४५९९॥  
 दिक्खं पि कुणंताणं विसय-विरत्ताणं माण-मुक्काणं । सोक्ख-समाणं सोक्खं संभवई इहेव जीवाण ॥४६००॥  
 तो कणयचूडराया स कणयकेऊ वि उट्ठिउं गुरुणो । वंइइ भणइ य इमं कीरउ दिक्खा पसाओ मे ॥४६०१॥  
 पुडवं पि ताव चित्तं विसय-विरत्तं ममासि गिहवासे । तुम्होवएस-सवणा जाओ पुण संपइ विसेसो ॥४६०२॥

आह गुरु जुत्तमिणं अम्हे वि पओयणेण एएण । इह संपइ संपत्ता इय वोत्तुं देइ तेसि वयं ॥४६०१॥  
मणिचूडखेरिदो गुणभट्टमणिदमद्विउं नमिउं । विन्नवइ जोडियकरो भयवं ! संपइ असक्को हं ॥४६०४॥  
सव्वविरईए गहणे ता गिहि-धम्मं पयच्छ मह इन्हिं । गुरुणा वि तस्स दिन्नो गिहि-धम्मो विमलसम्मत्तो ॥४६०५॥  
तो वंदिऊण एसो निय पामाए समागओ तत्तो । वंदइ निच्चं सूरि सपरियणं गंतुमुज्जाणे ॥४६०६॥  
सिरिगुणभट्टो मूरो तथ वि कइवयदिणाइं टाऊण । मणिचूडमणुत्तविउं पविहरिओ अन्नटाणम्मि ॥४६०७॥  
मणिचूडो इंदउरे गंतुणं चंदकित्तिरायस्स । माहेइ कणयचूडस्स कणयकेउस्स वयसहणं ॥४६०९॥  
तो चंदकित्तिराया सविम्हओ नियसिरं ध्रुणेऊण । भणइ जह द्वक्करमिणं कयमेएहि वयसगहणं ॥४६०९॥  
खिज्जंति रज्जकज्जे तं अलहंता वि के वि दीणमणा । सप्पुरिसा पुण रज्जं गिन्हंति न दिज्जमाणं पि ॥४६१०॥  
अह भणिओ मणिचूडो तरवडणा चंदकित्तिणा एवं । अम्हेहि साहियाइं इह ताव ममग्गकज्जाइं ॥४६११॥  
अन्नं न किच्चि वि तहाकरणिज्जं अम्हे संपयं अत्थि । चंदउरनयररज्जं सुखं चिट्ठं बहुदिणाणि ॥४६१२॥  
ता संपइ वच्चासो अम्हे सिच्चं पि चंदउरनयरे । इंदउरनयरतत्ती ताए समग्गा वि कायव्वा ॥४६१३॥  
तो मणिचूडो राया-सिरम्मि आगेविऊण करजुयलं । विन्नवइ चक्कवडिं खयरणं चंदकित्तिमिणं ॥४६१४॥  
कीरउ एवं संपइ दाहिण-सेडीए एत्थ खयरिदा । चिट्ठंति केइ जे ते अम्हे य ताए समं एमो ॥४६१५॥  
पुरओ जाणाविज्जउ चंदउरे सव्वरायलोयाणं । नयरस्स य जह ते वि हु तुम्हागमणं मुणेऊण ॥४६१६॥  
कुव्वंति कं पि भत्ति तो दाउं चंदकित्तिणा सिक्खं । वसुकेउ वासवा दोच्चि खेयरा पेसिया तत्थ ॥४६१७॥  
खयरिदाणं तेसि आइट्टा दारसेवया झत्ति । सिरिचंदकित्तिरत्ता जं तुम्हे निययसामीणं ॥४६१८॥  
गंतुणं जाणावह गमिस्सए चंदकित्तिरत्ताहो । चंदउरे ता तुब्भे आगंतुं मिलह तस्स लहुं ॥४६१९॥  
तो आएसाणंतरमेवगयादारसेवया सव्वे । नियनिय खयरिदाणं पासम्मि कहंति तं सव्वं ॥४६२०॥  
तो ते वि तक्खणं चिय आएसं खयरचक्किणो सोउं । नियनिय सामग्गीए समागया तस्स पासम्मि ॥४६२१॥  
अह चंदकित्ति-खेयर-चक्किकाऊण सव्वसामग्गि । मणिचूडाईहिं समं खयर-नरिदेहिं संचलिओ ॥४६२२॥  
एग्गम्मि वरविमाणे अणेगमणि-खंभपंतिसोहंते । सयमारुढो सीहासणम्मि पवरे समासीणो ॥४६२३॥  
कन्नतरालधोलंतकुंडलो मउडमंडियसिरगो । वच्छथल-लूलियहारो कंकण-केऊरकयसोहो ॥४६२४॥  
धरिय-धवलायवत्तो वीइज्जंतो य सेय-चमरेहिं । विज्जाहरकामिणि-पाणिपंकयकंतदंडेहिं ॥४६२५॥  
मणिचूडखेरिदो निय दाहिणबाहुसन्निहाणम्मि । उव्वेसिओ विइन्ने विभिन्नसीहासणे तत्थ ॥४६२६॥  
वाम-भुयस्स समीवे निव्वेसिया गोरवारिहा खयरा । संगामसोहपमुहा तेहिं संमं दोसु वि दिसासु ॥४६२७॥  
संलावं विरयंतो कहापबंधंतरेसु पेच्छंतो । पुरओ पारडं पवरपेच्छणं नहयरवहूहिं ॥४६२८॥  
सक्को व्व विमाणगओ सोहम्मसहाए सोहमाणो सो । विज्जाहररायाण वि मणे जणंतो चमक्कारं ॥४६२९॥  
अप्फालिय-गहिर-अणेग-तूर-सहेहिं वित्थरंतेहिं । पडिमदियदिसि-चक्केण संथुणिज्जंतमहिमो व्व ॥४६३०॥  
अन्नम्मि विमाणे पुण पभावई इयर सव्वदेवीहिं । नियदासीहिं सिगारियाहिं सहिया ममारुढा ॥४६३१॥  
सव्वंगे वि रयणाहरणेहिं विहूसिया विरायंती । अच्छरसा परियरिया मुरपहुणो अग्गमहिसि व्व ॥४६३२॥  
एवं महाविभूईए भासमाणो समग्गनह-मग्गं । रविणा सह छायंतो खयरिदाणं विमाणेहिं ॥४६३३॥  
उज्जोयंतेहिं दिसाणणाइं पसरंतकिरणजालेहिं । सिरिचंदकित्तिनिवरविपयाव-समहिंइिडएहिं व ॥४६३४॥  
सुरहि-विलेवणं-कुसुमेहिं खेयरेहिं विलगलग्गोहिं । पवियंभमाणअइघणसोरव्व-विरायमाणेहिं ॥४६३५॥



चंकमणवेयकंपियकणंतकलकिकिणीवियाणेहि । नीहरिय-महुर-महुर-झंकार-रवाउलेहि च ॥४६३६॥  
 विज्जाहररज्जं साहिऊण निय नयरमावयंतस्स । गयण-पहेणं तस्सेव खेरिदाणचक्किस्स ॥४६३७॥  
 गयणसिरीए गयणंगणम्मि हरिसेण पयरिएहि व । वियसियतामरसेहि नाणाविहवन्नसुहएहि ॥४६३८॥  
 वसुकेउ-वासवेहि दोहि वि खयरेहि चंदउरनयरे । मंतुणं निवभवणे निवसेवयलोयमज्झम्मि ॥४६३९॥  
 पवरम्मि आसणे संठियस्स सुहुममइ-सचिव-तिलयस्स । पुरओ कहियं जह चंदकित्तखरिदवरचक्की ॥४६४०॥  
 संवहमाणो चिट्ठइ आगमणत्थं इमम्मि नियनयरे । पट्टविया तेणम्हे तुम्हं जाणावणट्टाए ॥४६४१॥  
 इयविज्जाहरवयणं सोऊणं सुहुममइमहामंती । हरिसियचित्तो सह सब्बरायलोएण कारेइ ॥४६४२॥  
 कोडुंविपुसिएहि सब्बत्थ महूमवं पुरे तम्मि । कुंकुम-रस-सित्त-समग्ग-मग्गमूसिय-पडायं च ॥४६४३॥  
 अहिणवपट्टं सुय-वेडिएहि मत्ता-वऊल-रुइरेहि । विहियबहुभूमिएहि आलिगंतेहि गयणयलं ॥४६४४॥  
 ऊसिय-धवलद्रएहि रणंतकलकिकिणीकलावेहि । विरइयसव्वुत्तमवेस-वेसविलयाहि कलिएहि ॥४६४५॥  
 ठाणेठाणम्मि निवेसिएहि उच्चैहि मंचनिवहेहि । अच्छरसासहिएहि व सुरिदपेसियविमाणेहि ॥४६४६॥  
 सोहंतरायमग्गं मग्गम्मि अलभमाणअवयासं । पुरिसेहि पहरिसाओ इओ तओ संचरंतेहि ॥४६४७॥  
 गेहेगेहम्मि निबद्धतोरणं गिज्जमाण-संगलयं । अप्फालिय-वरतूरं हरिस-पणच्चंत-तरुणियणं ॥४६४८॥  
 वसुकेउ-वासवेहि विज्जासामरस्यओ नयरबाहि । कारियपासाएहि खरिदाणं निवासकए ॥४६४९॥  
 मणुइंद-नयर-सोहा विणिज्जिएणवे अमरनयरेण । विरइज्जमाणसेवं विरायमाणं विसेसेण ॥४६५०॥  
 वसुकेउ-वासवा मलिअणुमया सम्मूहा तओ चलिया । एतस्स चंदकित्तस्स नहयले अंतरे मिलिया ॥४६५१॥  
 साहेति पणमिऊण जह चंदउरम्मि देवनयरम्मि । सुहुममइमंति पमूहो चिट्ठइ उक्कंठिओ लोओ ॥४६५२॥  
 तुम्ह पयपंकयाणं दंसणकज्जम्मि कयपवेसमहो । मंतिपुरओ कहामो तुम्हागमणं पुरो गंतुं ॥४६५३॥  
 सिरिचंद-कित्तिणा ते अणुनाया आगया पुणो तत्थ । मंतिस्स कहंति जहा नियडो पत्तो खयरचक्की ॥४६५४॥  
 तं सोऊणं मंती विणिग्गओ सम्मूहं नरिदस्स । सामंति-मंति-मंडलिय-तंतवालाइलोएण ॥४६५५॥  
 थइडेहि हयवराणं घडाहि तह मत्त-गयवराणं च । पंतीहि रहवराणं संघाएहि पयवराणं ॥४६५६॥  
 नायर-जणो वि सब्बो निय नियविदेण झत्ति नीहरिओ । अणुमग्गेणं चिय तस्स मंतिणो सब्बविभूईए ॥४६५७॥  
 पमयाउलाइं गायण-वायण-यंदाइं बंदि-निवहो य । पहरिसपरवसप्पा सब्बो नीहरइ नयराओ ॥४६५८॥  
 एवं कयसमुदाओ ताव गओ सो जणो समग्गो वि । जाव कमेणं पत्तो मणोरमुज्जाणपरभाए ॥४६५९॥  
 पत्ता विमाणपंती नयणपहं तत्थ तस्स लोयस्स । तं इट्ठुं सो जाओ अणिमिसनयणो मुरजणो व्व ॥४६६०॥  
 विम्हइयमणो चित्तइ सब्बो वि हु पुरजणो जहा पेच्छ । केरिसमच्छरियमहो इमस्स अम्हाणं सामिस्स ॥४६६१॥  
 एक्केण विमाणेणं एक्कंणे णेव निग्गओ तइया । नियनयराओ गिरिकाणणाओ केसरिकिसोरो व्व ॥४६६२॥  
 संपइ पुण संपत्तो बहूयसहस्सेहि सह विमाणेणं । विज्जाहर-कोडीहि य भिच्चत्तणमुव्वहंतीहि ॥४६६३॥  
 सप्पुरिसाणं जायइ सोहाए निमित्तमेवपरिवारो । सिद्धी पुण कज्जाणं ताणं निय भूयबले वसइ ॥४६६४॥  
 इय चित्तंतस्सेव थ पच्चोणी निग्गयस्स लोयस्स । सो संपत्तो सहसत्ति तस्स पासे खयरचक्की ॥४६६५॥  
 भूमीए आसन्नं कारावेऊण तो नियविमाणं । मणिचडव;हुलगो तत्तो उत्तरइ नरनाहो ॥४६६६॥  
 वसुकेउ-वासवा पुण कहंति मंतिस्स पुच्छिया तेण । एक्केक्केणं नामाइं खेरिदाणं सब्बेसि ॥४६६७॥

भिइ-माइ-नामपुव्वं पभावई पमहुसव्वदेवीणं । नामाई कंहिति तहा एक्केक्केणं पससेउं ॥४६६८॥  
 अत्रे वि खेयरिदा उत्तिन्ना न्निियविमाणओ सव्वे । नियपरिवारसमेया दीसंता सुरकुमार व्व ॥४६६९॥  
 पणमइ मंती मिरिचंदकित्तिपुहईसरस्स पाएसु । सो वि समुट्टुविऊणं आलिगइ तं पयत्तेण ॥४६७०॥  
 पणया अत्रेवि कमेण मंतिणो मंडलीयसामंता । साहणियतंतवालाइया य तह नायरजणा य ॥४६७१॥  
 सव्वंवि पत्थिवेणं ते जह जोगं जहक्कमं चैव । अवगूहियाय संभासियाय तुब्भे ठिया लट्ठा ॥४६७२॥  
 जंपति ते वि नियमत्थयम्मि आरोविऊण करजुयलं । तुह पायपसाएणं लट्टु च्चिय सव्वया अम्हे ॥४६७३॥  
 मिरिचंदकित्तिराया मणिचूडं मंतिणो पयंसेइ । नामुक्कित्तणपुव्वं तव्वाहविलग्नियहत्थो ॥४६७४॥  
 एमो एम महणा खयरी सरोजस्स कज्जमुट्टिसिउं । वेयड्ढगिरिम्मि गया अम्हे पत्ता य रिद्धिमिमं ॥४६७५॥  
 मणिचूडम्म वि कहियं एवं जह एस सो महामंती । जस्सुवरिरज्जभरमुज्जिऊण अम्हे गया तइया ॥४६७६॥  
 अह मुक्को निययाओ हत्थाओ चंदकित्तिणा रत्ता । मणिचूडो खयरिदो आलिगइ मंतिणं झत्ति ॥४६७७॥  
 अन्नोवं किंपि तओ थैवपि कुणांति उच्चियमालावं । कुसलकहा पुच्छई ते दोन्नि वि मंति-खयरिदा ॥४६७८॥  
 मणिचूडो देइ पुणो बाहुं मिरिचंदकित्तिरायस्स । मंति वि जोडियकरो निय पहुणो संमुहो होइ ॥४६७९॥  
 मंजुलया बाहुलयं अवलंबउं पभावई देवी । ओइन्ना अन्नाओ वि देवीउ विमाणमज्झाओ ॥४६८०॥  
 तामि पिट्टु देवीणं मंतिप्पमुहो जणो समग्गो वि । भूनिहियजाणुकरयलसीसो महसत्ति तं नमिओ ॥४६८१॥  
 अह चंदकित्तिराया तहेव मणिचूडबाहुसंलग्गो । पयचारेणं चलिओ जुयाइ जिणमदिराभिमुहो ॥४६८२॥  
 गंतूण तत्थ मज्जम्मि पविसिउं तित्थनाहपडिमाए । पंचंगं पणिवायं करेइ सो परमभत्तीए ॥४६८३॥  
 जोडियकरो मिरग्गे विन्नवइ य देव! जह पणामो । इह्लोय-फलेणं मह पुव्वं फलिओ तहा इन्हि ॥४६८४॥  
 एस पणामो जायउ परलोय-फलस्स दायगो मज्झ । इय भणिऊण निसीयइ तहाविहे कम्मि वि पएसे ॥४६८५॥  
 देवी पभावई इयरदेवीसहिया जिणेसरं नमिउं । पट्टिमि निसीयइ खयर-चक्किणो चंदकित्तिस्स ॥४६८६॥  
 खयरिद-नारिदाईजणो वि नमिउं जिणं उच्चियदेसे । उवविसइ दिट्टिसन्नाए सामिणो चंदकित्तिस्स ॥४६८७॥  
 आइमइ पाउलाइं चंदउरपुराउ आगयाइं तओ । पेक्खणयकरणहेउं करंति तह चैव ताइं पि ॥४६८८॥  
 दट्ठूणं पेक्खणयं खणपि तो उट्टिऊण पणोउं । जिणपडिमं नीहरिउं बाह्निम्मि विमाणमारुहो ॥४६८९॥  
 देवीओ वि विमाणे एगम्मि रुमाह्दंति सव्वाओ । आरुहा खयरिदा सेसा नियनियविमाणेसु ॥४६९०॥  
 भूमिगोयरनरिदा सामंता मंतिणो य मंडलिया । करि-करिणी-तुरय-रहाइ-वाहणेसुं समारुहा ॥४६९१॥  
 पुव्वोववाच्चियाए टिईए तत्थट्टिओ विमाणम्मि । चंदउरनयरसम्महमह वच्चइ चंदकित्तिविओ ॥४६९२॥  
 पच्छिमभायम्मि ठियं विज्जाहरचक्किणो विमाणस्स । वयइ विमाणं देवी णियरविमाणाइं पासेसु ॥४६९३॥  
 हेट्ठा य भूमिगोयर-रायाणो उवरि वरविमाणमया । वच्चंति खेयरिदा तेसि छायां पकुव्वंता ॥४६९४॥  
 मिरिचंदकित्तिराया खयरनरिदा य चंदउरसोहं । पेच्छंता जंति कमेण सव्वओ दिन्नदिट्ठीया ॥४६९५॥  
 ठाणे ठाणे मंचेसु पेच्छणाइं थिराइं पेच्छंता । सिबियासु रहवरेसु य बलाइं ताइं पलोयंता ॥४६९६॥  
 नयरवओलीदारं परोष्परं करितुरंगमाईणं । संघट्टेण सदुक्खो होइ पवेसो चिरेण तहा ॥४६९७॥  
 पुव्ववओलीदारं परिच्चएऊण जंति अन्नन्नं । जे दारंते तत्थ वि भीडिज्जंता नियत्तंति ॥४६९८॥  
 तेष विलंबेइ चिरं पविसंते भूमिगोयरे पुरओ । मिरिचंदकित्तिखेयर-चक्कीगयणे थिरविमाणो ॥४६९९॥  
 मुरभवणोवरि केइ वि आरुहा नयर-नारि-नर-वग्गा । गुह्तरुवरेसु केइ वि के वि गया हम्मिय-तलेसु ॥४७००॥

पायारोवरि केइ वि के वि वरंडेसु तुंगंतुंगेसु । के वि विवणीण पंतिसु पवेसभवलोइउं रत्तो ॥४७०१॥  
 खयरविमाणेसु गया दिट्ठी भूगोयराण अविद्यन्हा । नयर-भवणेसु विहिया न तियत्तइ खयर-जण-दिट्ठी ॥  
 नयर-नर-नारि-वग्गो वयइ समग्गो पभावइं दट्ठुं । चित्तम्मि विम्ह्यगओ पभावई सा इमा देवी ॥४७०३॥  
 जीए पहावो कहिओ विज्जुसिहेण पुरा नरिद-गिहे । सो निव्वडिओ संपइ फलेण स विसेसओ चव ॥४७०४॥  
 धन्नो अम्हाण प्हू जस्सेसा वहइ गेहिणी-सइं । जा नियसोहग्गेण सुरंगणाणं दलइ माणं ॥४७०५॥  
 एसा वि हू धन्नयरा जा सक्क-परक्कमं प्हुं अम्ह । संपत्ता भत्तारं सुदुल्लहं सुर-वहणं पि ॥४७०६॥  
 जीवंतु चिरं कालं अम्हाण वि जीविण्ण एयाइं । राया तस्स कलत्तं च जेहिं एयं कयं नयरं ॥४७०७॥  
 ह्वालोयणतिसियअणिमिस-नयणत्तणेण वट्ठतं । मण्यनिवासं पि विरायमाणममराण भवणं व ॥४७०८॥  
 आयन्नं तो नायरजणाणमुल्लावमेरिसं कमसो । पत्तो निय पासायं तत्थुत्तिन्नो विमाणओ ॥४७०९॥  
 देवी पभावई चिय समं समग्गाहिं अन्नदेवीहिं । उत्तरिऊण विमाणा अवरोह-गिहेसु संपत्ता ॥४७१०॥  
 सिरिचंदकित्तिरत्ता मणिचूडनरेसरस्स आवासो निय पासायासन्ने दिन्नो जुवरायपासाए ॥४७११॥  
 सेसा वि खेरिंदा नरिदआणाए संठिया सब्बे । वसुकेउ-वासवेहिं दंसियपासाय-पंतीसु ॥४७१२॥  
 सेसो वि मंतिपमुद्दो विसज्जिओ चंदकित्तिणा रत्ता । सब्बो वि जणो नियनिय आवासं झत्ति संपत्तो ॥४७१३॥  
 अह चंदकित्तिराया अठ्ठिभतरए भणेइ नियपुरिसे । सब्बेसि खेयणाणं पाहुन्नय-पेसण-निमित्तं ॥४७१४॥  
 मणिचूडखेयरस्स वि आवासे सेसपरियण-निमित्तं । भोयणमाई पेसइ तंबोल-विलेवणाईय ॥४७१५॥  
 जह अप्पणो तह च्चिय मणिचूडनिवस्स न्हाणमाईयं । कारविउमप्पणासह तं भुंजावइ महाराया ॥४७१६॥  
 सिलियावसरे तत्तो सुहुममई मंति-सेहरो पत्तो । पुट्ठो य तेण विणओ णएण सिरिचंदकित्तिनिवो ॥४७१७॥  
 वेयड्ढनगे दाहिणसेढीविजयस्स वइयरं सब्बं । तेण मणिचूडराया तं तस्स कहेउमाणत्तो ॥४७१८॥  
 तेण वि तस्स सरूवं जहवत्तं सब्बमेवअक्खायं । पुव्वनिसुयं पि सच्चिवेण तं सुयं विम्ह्यमणेण ॥४७१९॥  
 तेणेव समं मणिचूडराइणा चंदकित्तिरायस्स । विक्कमकहं कुणंतो ठिओ खणं तत्थ सो मंती ॥४७२०॥  
 मंति-मणिचूडपमुहं विसज्जिऊणं जणं समग्गं पि । सिरिचंदकित्तिराया सेज्जाए ठाइ खणमेणं ॥४७२१॥  
 अह उट्ठिउं खणं ते काउं तक्कालकिच्चमवरं पि । तइए जामम्मि करेइ अवसरं चंदकित्तिनिवो ॥४७२२॥  
 भूगोयरा नरिंदा सामंता मंतिणो य मंडलिया । नयर-निवासीय-जणो निओगिणो सेवयजणा य ॥४७२३॥  
 गामाय देस-विसया जह सत्तीए कुणंति मंगलियं । विजयं काऊण समागयस्स सिरिचंदकित्तिस्स ॥४७२४॥  
 रह-करि-तुरंगमेहिं वत्थाहरणेहिं कणय-रुप्पेहिं । वेगसर-कर-रह-गो-महिस-रुव-पमुहेहिं वत्थुहिं ॥४७२५॥  
 पविसंति पाउलाइं कुणंति कलहट्ठयं पहिट्ठाइं । चारण-मग्गण-बंदियण-वंद-कोलाहलसयाइं ॥४७२६॥  
 सिरिचंदकित्तिविकिमग्गुणवन्नं विसय संपयट्ठाइं । ठाणे ठाणम्मि समुच्छलति निवभवणपंगणए ॥४७२७॥  
 राया वि चंदकित्ती मंगलियसमागयाणि वत्थुणि । गिन्हंतो वियरंतो य उच्चियलोयस्स चाएण ॥४७२८॥  
 तोहइ वरिसासु महोयहिं व्व सरिया सहस्स सलिलाइं । संगिन्हंतो देतो मेहाण जलं जहिच्छाए ॥४७२९॥  
 लंतस्सय देतस्स एवं सिरिचंदकित्तिनिवइस्स । अट्टअहोरत्ताइं समक्कंताइं निमित्तं व ॥४७३०॥  
 सम्माणिऊण सब्बे अह विज्जाहरनिवे विसज्जेइ । मणिचूडं पुण तत्थेव धारए सपरिवारं पि ॥४७३१॥  
 साहेइ तस्स पुरओ नियभावं जह मणोरमुज्जाणे । जिणभवणे कारेउं वरजत्तं अत्थि मह वंछा ॥४७३२॥  
 तं सावओसि तम्हा जाणसि सब्बं पि तत्थ करणिज्जं । सो भणइ तत्थ एवं त्हावि इहनयरवत्थेव ॥४७३३॥

हक्कारिऊण सव्वे महिड्ढिए सावए इमं भणह । कारिस्सामो अम्हे मञ्जोरमुज्जाणजिणभवणे ॥४७३४॥  
 जत्तमइ वित्थरेणं तो तुम्भे तत्थ निच्चमागंतुं । मज्झम्मि सयं होउं तक्करणिज्जं करावेह ॥४७३५॥  
 सावगधम्मि कमो एसो जं किर महिड्ढिएहिं पि । सावयजणेहिं रोरो वि सावओ पत्थणिज्जोत्ति ॥४७३६॥  
 जिणजत्ता पारंभे कायव्वो को वि एत्थ न हु गव्वो । धम्मम्मि जं सहाओ करणिज्जो होइ अन्नो वि ॥४७३७॥  
 अह चंदकित्तिराया जिणभट्ठप्पभिइए महिड्ढीए । हक्कारिऊण सव्वे तव्विसए भणइ तह चव ॥४७३८॥  
 ते विहु कयप्पणामा पमोयपूरिज्जमाणसव्वंगा । जंपंति जहा एयं अम्हं चिय देव-गुरुकज्जं ॥४७३९॥  
 जं जिणजत्ता कज्जे देवो अम्हाण देइ आएसं । सद्धावईए जायइ निमंतणं जह तहा तंपि ॥४७४०॥  
 परलोयविरुद्धम्मि वि कज्जे जइ कह वि आइसइ देवो । अम्हे तं पि गणेमो महापसाओ त्ति नियचित्ते ॥४७४१॥  
 जं पुण परलोयहियं सयंपि करणिज्जमम्ह देवो वि । तं चिय आइसइ तयं उम्माहिय-मोरलवियं व ॥४७४२॥  
 इय ते पयंपमाणे सड्ढे सोऊण हरिसिओ राया । चित्तइ इमे कयत्था जिणभत्ती एरिसी जेसिं ॥४७४३॥  
 अहमवि कयब्रह्मपुत्रो जस्स पुरे वसइ एरिसो लोओ । जिणधम्मणुरत्तमणो इय चित्तेऊण ते भणइ ॥४७४४॥  
 अत्थमहाए तुम्भे एत्तिथकालं अहं वियाणंतो । इन्दि तु मज्झ जाया धम्मसहाया वि अडपवरा ॥४७४५॥  
 अह ते विसज्जिऊणं तंबोलाईहिं विहियसम्माणा । मणिचूडं खयरिदं भणइ इमं चंदकित्तिनिवो ॥४७४६॥  
 जह पुव्वं रत्तीए इहागएणं नए कयं तइया । एत्थेवय जिणभवणे पेच्छणयं अइमणाभिरामं ॥४७४७॥  
 नह एककेकं निच्चं पेच्छणयं संपयं पि कारेज्जा । मणिचूडेणं भणियं तुम्हाएसो पमाणं ति ॥४७४८॥  
 जं अम्हाणं ढलियं घयमेयं सत्तुयाण मज्झम्मि । एकं तुम्हाएसो दोच्चं कज्जाजिणे जत्ता ॥४७४९॥  
 एत्थंतरम्मि चित्तइ मणिचूडो खेयरेसरो एवं । जइ इह समए कह विहु गुणभट्टो एइ वरसूरी ॥४७५०॥  
 नो मंजायइ लट्ठं जत्ता करणे सयं पयट्ठस्स । उयवूहणं कुणंता ते भावमिस्स वड्ढंति ॥४७५१॥  
 नो निच्छएण एसो अम्हाणं समहिओ अइविवेई । सड्ढो होइ वियड्ढो पभावईए सरिस्सधम्मो ॥४७५२॥  
 जिणभट्टसावएणं आगंतुं चंदकित्तिनरत्ताहो । विन्नत्तो जुत्ति जुयं देव ! जहा दोन्ह दिवसाणं ॥४७५३॥  
 पज्जंतम्मि भविस्सइ कल्लाणदुगं जुगाइदेवस्स । जम्मस्स य दिक्खाए ता तम्मि दिणे इमो जुत्तो ॥४७५४॥  
 जत्ताए पारंभो कीरंतो अम्ह संमयं एवं । उड्ढं देवाएसो जह होइ तहा पयट्टामो । ॥४७५५॥  
 नो भणइ चंदकित्ती तुम्हे च्चिय जाणया इहत्थम्मि । ता जम्मि कम्मि वि दिणे तुम्ह मयं तम्मि कारेह ॥४७५६॥  
 कुंकुम-कप्पूरागुरुपमुहाणं सव्वसारदव्वाणं । न्हवणोवयारियाणं कुणंति ते पेच्छणं रत्तो ॥४७५७॥  
 राया नियभंडारियपासाओ ताइं ताण दावेइ । ते गहिऊणं सव्वं पउणं काऊण मुंचंति ॥४७५८॥  
 वत्तमि दिणे पभाए जिणभट्ठप्पभिइणे समग्गा वि । आगंतूणं सड्ढा रायाणं विन्नवंति इमं ॥४७५९॥  
 जह देव ! चेत्तबहुलस्स अट्टमी सा भविस्सइ पभाए । देवस्स जीए कहियं कल्लाणदुगं पुरा आसि ॥४७६०॥  
 ता देव ! पभायम्मि वि देवेणं उग्गयम्मि सूरम्मि । आगंतव्वं सिग्घं जह कीरइ न्हवण-पारंभो ॥४७६१॥  
 रत्ता विसज्जिया ते तह त्ति पडिवज्जिऊण तव्वयणं । निवभवणाओ बाहिं विणिग्गाया आगयं सूरि ॥४७६२॥  
 नोउं मणोरमम्मी उज्जाणे जंति तं नमेउं ते । तस्स कहंति निवो इह जिगभवणे कारिही जतं ॥४७६३॥  
 अह आगंतुं भणिओ मणिचूडो तेहिं जह इहायाओ । इन्दि गुणभट्टपहू भणह निवं वंदइ जहा तं ॥४७६४॥  
 भट्टगभावम्मि ठिओ पुव्वं पि हु एस वट्टए ताव । जइ सुणइ सूरि-देसणमासु तओ सावओ होइ ॥४७६५॥  
 मणिचूडो आह तओ इय वसइ मणे ममावि तो एयं । लट्ठं तुम्भेहिं कयं जं कहियं सूरि आगमणं ॥४७६६॥

इय भणिउं दाऊणं तंबोलं ते विसज्जए सइहे । जाइ सयं मणिचूडो पासे निवचंदकित्तस्स ॥४७६७॥  
 गंतूण तस्स सो विन्नवेइ जह देव ! आगओ एत्थ । अत्थि गुणभट्टसूरी मणोरमुज्जाणआसन्नो ॥४७६८॥  
 पासम्मि जस्स ताओ पव्वइओ अम्ह रयणचूडनिवो । ता तस्स वंदणत्थं गम्मउ संपइ मुणिदस्स ॥४७६९॥  
 तुम्हेहि जस्स भवणे जुयाइदेवस्स अत्थि पारद्धा । जत्ता संपइ जाणइ तस्स गुणे एस नीसेसे ॥४७७०॥  
 अन्नं पि अत्थि नाणं एयस्स अइदियं जओ मुणइ । पुट्टमईयं सव्वं अणागयं वट्टमाणं च ॥४७७१॥  
 आगंतूणं कहियं एएण मणीसरेण तायस्स । वीसदिणाणं मज्झे आउं तह चेव तं जायं ॥४७७२॥  
 विन्नत्तिमेवमाथन्निरुणमणिचूड-खेरिदस्स । मुणिदंसणाहिलासी जाओ सिरिचंदकित्तिनिवो ॥४७७३॥  
 सूरिस्स समागमणं कुओ वि नाउं पभावई एवि । पट्टविया मंजुलया नरिदपासम्मि विन्नविउं ॥४७७४॥  
 तीए वि तम्मि समए आगंतुं चंदकित्तिनरनाहो । विन्नत्तो जह देवी पभावई देवपायाणं ॥४७७५॥  
 एवं विन्नवइ जहा गुणभट्टमुणिदवंदणनिमित्तं । जामि अहं आएसं जइ देवो देइ मह इन्दि ॥४७७६॥  
 तो भणइ चंदकित्ती मंजुलयं जह तुमं भणहि गंतुं । देविं जह संवहिउं सा चिट्ठइ संपयं सिग्घं ॥४७७७॥  
 अम्हे वि तस्स वंदणकज्जेणं झत्ति जं गमिस्सामो । तो अम्हेहि समं सा वि जाइ तुह सामिणी जेण ॥४७७८॥  
 गंतूण तीए कहियं पभावईए तओ पहिट्ठासा । संवहिउं झत्ति ठिया रायाहवणं ममीहंती ॥४७७९॥  
 नियदासी पासओ पभावईए कहावए राया । जह अम्हे संचलिया तुमं पि आगच्छ सिग्घं पि ॥४७८०॥  
 अन्नाहिं वि देवीहि समन्निया सा वि तो तयं सोउं । साहइ अन्नासिं पि ह देवीणं ताउ सोऊणं ॥४७८१॥  
 एवं पहिट्ठहियया संवहिउं तो पभावईए वि । सहं जंति रहारूढा अणुमग्गेणं नरवडस्स ॥४७८२॥  
 गंतूणं उज्जाणे ओथरिउं वाहणाउ नरनाहो । सिरिचंदकित्तिनामो नमइ मुणिदं कयाणंदो ॥४७८३॥  
 देवीओ वि सव्वाओ उत्तरिउं तथणु रहवरोहितो । वंदति तं मुणिदं तहेव मणिचूडखेरिदो ॥४७८४॥  
 सेसो वि ह परिवारो नीसेसो पणमए मुणिवरिदं । अह रत्ता सहं सव्वे उच्चियपएसे निसीयंति ॥४७८५॥  
 सूरी वि धम्मलाभं तेसिं दाऊण देसणं कुणइ । जं किर अणाइजीवा अणाइकम्मं अणाइभवो ॥४७८६॥  
 मिच्छत्ताईया वि ह अणाईया कम्मबंधणनिमित्तं । जीवाण हुंति बद्धा तेण तओ ते भमंति भवे ॥४७८७॥  
 नरएसुं तिरिएसु य कुच्छियमणुएसु हीणदेवेषु । दुक्खाइं सुत्तिक्खाइं निरंतराईं पि विसहंता ॥४७८८॥  
 तत्ताउ वि भट्टाओ अणंतगुण ताव संगया नरया । तेसुप्पन्ना जीवा खणे खणे निरयवालैहि ॥४७८९॥  
 सिय-भल्ल-कुंत-तोमर-सएहि विज्झंति तिक्ख-वासीहि । कट्ठं व तच्छियंति य पच्चंति य तेल्ल-कुंभीसु ॥  
 कंदंति य विलवंति य करुणाइं भणति पायपणयसिरा । तह वि ह ते दीणमुहा मुच्चंति न निरयपालैहि ॥४७९१॥  
 तिलमित्तखंडिया वि ह पव्वयपडणेण चुन्नियंगा वि । दइद्धा वि ह भग्गा वि ह न मरंति पुणो तहा हुंति ॥४७९२॥  
 इह माहहिमाओ वि ह अणंतगुणसीयला महानिरया । चिट्ठंति केइ तेसु य तत्तेहिं तो दुहमणं तं ॥४७९३॥  
 इच्चाइनरय-दुक्खं वास-सहस्सेण जीहसहसजुओ । जइ कहइ को वि तह वि ह न तरइ सव्वं पि तं कहिउं ॥  
 मणुएसु दासपेसत्तणाइदुक्खं तु तुम्हं पच्चक्खं । आरा-कसंकुसाईं घाय-वहाईयतिरिएसु ॥४७९५॥  
 हीणेषु सुरे दुहं परआणा करणओ अइ महंतं । पररिद्विदंसणे तह जायइ ईसानलममूत्थं ॥४७९६॥  
 इय नाउं मिच्छत्तं पढमं चिय ताव होइ चइयव्वं । गहियव्वं सम्मतं सोक्खनिमित्तं तयत्थीहि ॥४७९७॥  
 अह पुच्छइ नरनाहो मिच्छत्तं होइ केरिसं जस्स । परिहारो कायव्वो केरिसयं तं च सम्मतं ॥४७९८॥  
 तुम्हेहि जस्स गहणं कायव्वं कहियमम्ह तं सव्वं । पुण स वियारं अक्खह करिमो जह तह तहच्चेय ॥४७९९॥

आह गुरुमिच्छत्तं तं भन्नइ जस्स उदयओ जीवा । वीवरीयं सव्वं पि हु तत्तं पेच्छंति विउसा वि ॥४८००॥  
 देवत्तगुणो एक्को वि नत्थि जस्सेह तंपि देवं ति । मन्नंति गुरुगुणेहिं मुक्कं पि गुरुत्तबुद्धीए ॥४८०१॥  
 पावं पि हु बुद्धीए धम्मस्स गणेंति एरिसं एयं । मिच्छत्तं तित्थयरेहिं वन्नियं मुणसु नरनाह ॥४८०२॥  
 जो देव-गुणेहिं जुओ सो देवो जो य गुरुगुणसमेओ । सोउ गुरु निरवज्जो जो उण सो निच्छिओ धम्मो ॥४८०३॥  
 एसो अज्जवसाओ जायइ जीवस्स कोवि जो विमलो । तं सम्मत्तं ति वयंति जिणवरा विमलनाणधरा ॥४८०४॥  
 न य रागो न य दोसो न य मोहो होइ जस्स सो देवो । जो रागाईहिं जुओ सो उण नेओ अदेवो ति ॥४८०५॥  
 रागो कलत्तसंगेण नज्जए पहरणाण वहणेण । दोसो फुडो मुणिज्जइ मोहो वि अजुत्त-वयणेहिं ॥४८०६॥  
 रागाइदोसमुक्को अरहंतो चैव सो परं देवो । तस्सेवाणाए ठिया गुरुणो वि सुसाहुणो नेया ॥४८०७॥  
 जे कोह-माणमुक्का माया-लोभेहिं वज्जिया निच्चं । रुद्धंति इंदियपसरा दयावरा सव्वजीवेसु ॥४८०८॥  
 सत्तसु य मित्तेसु य समच्चिता चत्तपुत्त-संबंधा । इच्चाइगुणगणजुया परोवाएसम्मि उज्जुत्ता ॥४८०९॥  
 सो च्चिय धम्मो जत्थ य मणेण वयणेण तह य काएण । वारिज्जइ परपीडा कीरंती निच्चकालं पि ॥४८१०॥  
 अलिय-वयणं न भन्नइ मिन्हिज्जइ ने य परधणमदिन्नं । मुच्चइ मेहणवच्छा मुच्छा न निए वि देहम्मि ॥४८११॥  
 रयणी-भोग्यणविरई एवं सावज्जजोगपरिचत्तो । सव्वत्थ वि निरवज्जो धम्मो पडिवज्जियव्वो उ ॥४८१२॥  
 एवं कहियगुणेहिं रहिओ न गुरु ने य धम्मो वि । जो तं पि गुरुं मन्नइ धम्मं वा तस्स मिच्छत्तं ॥४८१३॥  
 तप्पभवं पुण दुक्खं इन्हि चिय वन्नियं पुरो तुम्ह । ता मिच्छत्तं मोत्तुं सम्मतं गिन्ह जह भणियं ॥४८१४॥  
 सम्मत्तम्मि पवन्ने रुद्धाई नरय-तिरिय-गमणाई । नर-सुर-सिव-सोक्खाई हवंति करयलगयाइ व ॥४८१५॥  
 अह आह चंदकित्ती भयवं ! तुम्हेहिं जह इमं कहियं । मिच्छत्तं सम्मतं भवस्सरुवं च तं सव्वं ॥४८१६॥  
 चित्तम्मि अत्रयं मे तहत्ति इन्हि समाइसह किच्चं । अह ओहीनाणेणं नाऊण गुरु जहाएसो ॥४८१७॥  
 सम्मत्तमेत्तजोगो संपइ तं चैव तो पयच्छामो । एयस्स इय विचिंतिय भणइ जहा राय गिन्हाहि ॥४८१९॥  
 मिच्छत्तचायनियमं सो वि य गिन्हेइ उट्टिऊण तओ । जह अज्जप्पभिइ मए तिविहं तिविहेण मिच्छत्तं ॥४८१९॥  
 परिचत्तं सम्मतं पुण पडिवन्नं तहेव जा जीवं । संका-कंखाईया परिचइयव्वा य अइयारा ॥४८२०॥  
 सामंत-मंतिमाई वि के वि सम्मत्तमहिणवं पत्ता । जेसिं न आसि पुवं तहावरोहं गणाओ वि ॥४८२१॥  
 अह पुण विन्नवइ गुरुं नरेसरो जह जुयाइजिणभवणे । कल्ले कल्लाणदिणा आरब्भे भविस्सए जत्ता ॥४८२२॥  
 ता काऊण पसायं अम्हाणं उवरि तेत्तियदिणाणि । एत्थ पडिक्खेयव्वं आगंतव्वं च जिण-भवणे ॥४८२३॥  
 तह पडिवन्ने गुरुणा तं नमिउं जिणहरम्मि गंतूण । देवमभिवंदिऊणं राया पत्तो नियावासं ॥४८२४॥  
 सेसं विसज्जिऊणं मणिचूडनरेसराइपरिवारं । आइसइ सुत्तहारं हक्कारेऊण जह एगं ॥४८२५॥  
 फलिहरयणामयं कुण जुयाइजिणदेवसतियं पडिमं । सव्वावयवविभत्तं नयणमणाणंदसंजणयं ॥४८२६॥  
 जिणभइसावयं तह हक्कारेऊण भणइ नरनाहो । जह एस मुत्तहारो तज्जेयव्वो तए निच्चं ॥४८२७॥  
 निष्फायइ जह सिग्घं जुयाइजिणपडिममेत्थआभारो । तुज्ज च्चिय मीसेसो अम्हे पुण इह निराभारा ॥४८२८॥  
 तो पडिवन्नाएसो दोवि विसज्जेइ सो महाराओ । तंबोलपयाणाई काऊणं गस्यसम्माणं ॥४८२९॥  
 सिरिचंदकित्तिराथा सयं सकज्जेसु वावडो होइ । जायम्मि पभायम्मिओ हक्कारेउं समाइसइ ॥४८३०॥  
 नयरारक्खं दुज्जोहणमेवं जं तए समगो वि । चारयगिहाउ लोओ मोत्तव्वो ज्जत्ति इन्हि पि ॥४८३१॥

तज्जेऊणं ठाणंतराई तह हिडिकारए पुरिसे । रक्खेयव्वं नयरं सबाहिरब्भितरं तुमए ॥४८३२॥  
 तह कह वि जहा जायइ उवह्वो नेय कस्सइ जणस्स । रोरस्स वि अट्टु दिणे अज्जप्पभिइं जओ को वि ॥४८३३॥  
 धारेयव्वो न मए गुत्तीए कयमहावराहो वि । जाव समप्पइ जत्ता जुयाइ जिणदेव-भवणम्मि ॥४८३४॥  
 सो वि पडिबज्जेऊणं तहत्ति पुहईसरस्स आएसं । रत्नाणुत्ताओ उट्टिऊण तं तह अणुट्ठेइ ॥४८३५॥  
 कयपाभाइयकिच्चो संवहिउं चंदकित्तिनरनाहो । सह अवरौहेण तहा मणिचूडेणं खयरवइणा ॥४८३६॥  
 गंतूणं उज्जाणे पढमं गुणभट्टसूरिणो नमिउं । चिइवंदणाविहाणं पुच्छेइ पढेइ जाणइया ॥४८३७॥  
 जिणभवणगमणकज्जे सूरि आमंतिऊण उट्ठेइ । जाइ तओ जिणभवणे जुयाइदेवस्स सिग्घं पि ॥४८३८॥  
 गुरुकहियविहाणेणं करेइ चिइवंदणं सपरिवारो । पेक्खेइ तओ निउणं फुल्लहरं सावएहि कयं ॥४८३९॥  
 सिप्पिकरोडाईहि बहुभंगिकएहि नयणमणहरणं । अवलोयइ बलिकम्मं अणेगभंगीहि निम्मवियं ॥४८४०॥  
 एत्थंतरम्मि पत्तो गुणभट्टमुणीसरो सपरिवारो । अभिवंदिऊण देवे देवाभिमुहो समासीणो ॥४८४१॥  
 कुकुम-कप्पूरागुरु-चंदणरस-सुरहि-सलिल-संपुञ्जं । रयणमयमेगकलसं गिन्हइ सिरिचंदकित्तिनिवो ॥४८४२॥  
 देवस्स दाहिणदिसीए ठाइमणिचूडखेरिदो उ । गहिऊण तारिसं चिय कलसं वा मे ह्वइ भाए ॥४८४३॥  
 वज्जंत-बहुविहाउज्ज-वंद-पडिसद्-पूरिय-दियंतं । ढालंति जिणेसर-बिब-मत्थए दो वि ते कलसे ॥४८४४॥  
 पच्छा आगंतूणं गुणभट्टमुणिद-वंदणं काउं । दोन्नि वि कत्थइ उचिए ठाणम्मि तओ निसीयति ॥४८४५॥  
 सेसो पुण न्हवणविही सव्वो वि हु सावएहिं निम्मविओ । तयणंतरं तु रइया जिणस्स अंगम्मि वरपूया ॥४८४६॥  
 पारद्धं पेच्छणयं पढमं चंदउरवासिलोएण । विज्जाहरेहि तत्तो विहियं नट्टं मणभिरामं ॥४८४७॥  
 उत्तारिऊण तत्तो आरत्तियमइमहंतवित्थरओ । मंगल-दीवं च तहा वंदंति कमेण तो देवं ॥४८४८॥  
 गुणभट्टसूरिणा सह तत्तो तं वंदिऊण सव्वे वि । निग्गंतूणं जिणमंदिराओ ते जंति सट्टाणे ॥४८४९॥  
 सत्तं पवत्तइ तओ अवारियं चंदकित्तिनरनाहो । एवं अट्टुदिणाइं जाया जत्ता विभूईए ॥४८५०॥  
 अट्टुदिणम्मि पडिमा जुयाइदेवस्स फलिहरयणमई । निप्फइउमाणीया तत्थेवयसुत्तहारेण ॥४८५१॥  
 तीसे तत्थ पइट्टा कारविया वित्थरेण नरवइणा । अइविउलदव्वदाणेण तोसिओ सुत्तहारो वि ॥४८५२॥  
 तं चेव य नवपडिमं जिणस्स आरोविऊण रहमज्जे । भामेइ सयलनयरे महाविभूईए तिन्नि दिणे ॥४८५३॥  
 वित्ताए जत्ताए नेऊणं नियगिहम्मि तं पडिमं । ठावइ विचित्तठाणे दिणाइं दस वित्थरेण तओ ॥४८५४॥  
 पूयं बलि च कारइ तीसे पडिमाए चंदकित्तिनिवो । तह सेसजिणहरेसु य कारइ पूयं कइवएसु ॥४८५५॥  
 निच्चं निच्चं पि तहा जह गेह-जिणिद-पडिम-पूयाए । सह सव्वजिणहरेसु वि दसदिणमज्जे ह्वइ पूया ॥४८५६॥  
 पढमं घरजिणपडिमं पूएउं वित्थरेण तो जाइ । उज्जाणे जिणभवणे तो वच्चइ सूरि वसहीए ॥४८५७॥  
 तत्तो कयपूएसुं अत्तेसु जिणालएसु वच्चेइ । निच्चं करेइ एवं विवइडमाणाए भत्तीए ॥४८५८॥  
 अंते दमाहियाए वित्थरओ संघभोयणं कुणइ । पडिलाभइ वत्थेहि चउविहसंघं पहिट्टुमणो ॥४८५९॥  
 जत्ता सहा य साइयइणं तु सम्माणए विसेसेण । तत्तो बहओ वि जणो जिण-अम्मसमुज्जओ जाओ ॥४८६०॥  
 सम्माणिऊण तत्तो थिसज्जए खेरिद-मणिचूडं । संगामसीहखयरं इंदउरे पेसए रक्खं ॥४८६१॥  
 नमिउं पभाइइं तो अणुत्तणम्मि जाइ मणिचूडो । तेणेव समं वच्चइ खयरौ संगामसीहो वि ॥४८६२॥  
 रायाणमणुत्तविउं विहारमत्तथ कुणइ सूरीवि । रायातमणुव्वइउं नियत्तिउं एइ सट्टाणं ॥४८६३॥  
 अरजिणपडिमं निच्चं तिकालमवि वित्थरेण पूएइ । पइदियहं पि पभाए जुयाइजिणमंदिरे जाइ ॥४८६४॥

सेसेसु जिणहरेसुं विसेसकज्जम्मि सावयजणेहिं । आमंतिओ नरिंदो वच्चइ सयमेव कइया वि ॥४८६५॥  
 एवं जिणिदधम्मं तस्स कुणंतस्स तह य नीईए । पालंतस्स य रज्जं विसयसुहं अणुहवंतस्स । ॥४८६६॥  
 वच्चइ कालो एत्तिय कयाइ जे के वि साहुणो गुणिणो । गुणभद्रसूरिपमुहा तेसि पासम्मि गंतूण ॥४८६७॥  
 जीवाइपयत्थाणं कुणइ वियारं पढेइ किपि नवं । गिन्हइ अणुव्वयाइं महव्वएसुं कयहिलासो ॥४८६८॥  
 वेयड्ढनगवराओ खयरनरिंदा वि एंति जंति तहा । अणवरयं चि य पासे रत्तो सिरिचंदकित्तिस्स ॥४८६९॥  
 राया वि तत्थ वच्चइ खयरिंदेहिं निमंतिओ कज्जे । सिद्धाययणे जत्ताकरणत्थं जाइ सयमेव ॥४८७०॥  
 अन्नेसु वि सासयजिणहरेसु नंदीसराइठाणेषु । अंतेउरसहिओ वि हु सपरियणो जाइ कइया वि ॥४८७१॥  
 अह अन्नया निसाए पच्छिमजामे पभावई देवी । पासित्ता पविसंतं सीहं नियवयणकुहरम्मि ॥४८७२॥  
 पडिबुद्धा नरवइणो साहइ पडिभणइ सो वि तुह पुत्तो । देवि ! भविस्सइ भुवणम्महियपयावो न संदेहो ॥४८७३॥  
 तुम्हाणं वयणमिणं एवं होउ त्ति सा वि पभणंती । बंधइ गंठि नियउत्तरीयवत्थंचले इत्ति ॥४८७४॥  
 अह पडिपुन्नदिणेहिं पसवइ पुत्तं पभावईदेवी । सव्वंगलक्खणधरं सुकुमालं पाणिपाएसु ॥४८७५॥  
 कारइ वद्धावणयं राया नयरम्मि सयलदेसे य । दसमदिणे अरिसीहो त्ति ठवइ पुत्तस्स तो नामं ॥४८७६॥  
 दसदिवसाणं मज्झे नायरलोएण सयलदेसेण । रत्तो वद्धावणए वत्थाहरणाइ आणीयं ॥४८७७॥  
 पुत्तं पभावईए जायं नाऊण निययनयराओ । वत्थाहरणे गहिउं चंदउरे एइ मणिचूडो ॥४८७८॥  
 नामकरणस्स दिवसे रत्तो संतेउरस्स वियरेइ । सोवत्थाहरणाई पभावईए विसेसेण ॥४८७९॥  
 सुहुममइमहामंतिप्पमुहाण वि देइ गल्लपुसिणाणं । सव्वेसिं जहजोगं वत्थाहरणाइं मणिचूडो ॥४८९०॥  
 अन्ने वि खेरिंदा समागया वत्थभूसणसणाहा । रत्तो करेति उच्चियं परिवारसमन्नियस्सा वि ॥४८८१॥  
 रायावि तम्मि दियहे भूगोयर एय खयरवग्गं च । भोयणवत्थाइहिं सम्माणेउं विसज्जेइ ॥४८८२॥  
 अह वड्ढंतो कमसो समप्पिओ अट्टमम्मि वासम्मि । आयरियस्स समीवे कय सम्माणस्स सो रत्ता ॥४८८३॥  
 पन्नाए उज्जमेणय गहियाउ कलाउ तेण सिग्घं पि । गहियकलो सो रत्ता जुवरायपयम्मि संठविओ ॥४८८४॥  
 अह ओहीनाणेणं समयं नाऊण आगओ इत्ति । सिरिगुणभद्रायरिओ चंदउरे बाहिरुज्जाणे ॥४८८५॥  
 गुणसिरिपवत्तिणी वि हु समागया तत्थ तम्मि समयम्मि । नाऊण गओ राया उज्जाणे सूरिपासम्मि ॥४८८६॥  
 अंतेउरमरिसीहो कुमरो अन्नो वि रायपरिवारो । रायाणुमगलग्गो सूरिसमीवे समणुपत्तो ॥४८८७॥  
 ते सव्वे भत्तीए सूरि नमिऊण तत्थुवविसंति । सूरि वि गहिरसट्ठेण देसणं कुणइ तेसि तओ ॥४८८८॥  
 ते भवनिव्वेयकरं वक्खाणं सूरिणो निसामेउं । जाओ रायाइजणो इत्ति पभूओ वयाभिमुहो ॥४८८९॥  
 तो उड्डिऊण राया सूरि विन्नवइ जाव अरिसीहं । कुमरं ठवेमि रज्जे तावागंतूण गिन्हामि ॥४८९०॥  
 दिक्खं भवक्खयकरिं भयवं ! तुम्हं पयाण पासम्मि । इय भणिउं नमिऊण य सूरिं तो चंदकित्तिनिवो ॥४८९१॥  
 वच्चइ निय पासायं तत्थ गओ पमुहलोयस्स । साहइ निय हिययगयं भावं तो ते वि बैति इमं ॥४८९२॥  
 तुम्हे च्चिय अम्ह गई जह गिहवासे तहेव वयगहणे । तो अरिसीहं कुमरं भणइ जहा गिन्ह रज्ज भरं ॥४८९३॥  
 जह अम्हे साहेमो तए सहाएण इत्ति परलोयं । तो विन्नवइ कुमरो रायं जह देवपायणं ॥४८९४॥  
 पासे भूमिनिविट्ठस्स निव्वुई मह मणस्स संभवइ । जा सा रज्जे सीहासणम्मि संजायइ न मज्ज ॥४८९५॥  
 किं तु न देवा एसो सक्किज्जइ लंघिउं तओ इन्हि । सोच्चिय मज्ज पमाणं अह राया भणइ जुत्तमिणं ॥४८९६॥



जाणावइ मणिचूडं वेयड्ढनगम्मि सैसखयरेवि । संगामसीहपमुहे पेसेउं तत्थ खयरदुगं ॥४८९७॥  
 तत्तो नायसरुवा समागया ते वि रायपासम्मि । तो अरिसीहकुमारं रज्जे अहिसिचइ तरिदो ॥४८९८॥  
 विमलमइं सुहुममइस्स नंदणं ठावए य मंति-पए । अहि-अरिसीहनरिदस्स रज्जलोयं समप्पेइ ॥४८९९॥  
 अरिसीहमहाराओ जिणहर-पुयाइयं महामहिमं । कारेइ विभूईए निक्खमणे चंदकित्तिस्स । ॥४९००॥  
 अह कय सुहसिगारो आरुढो मत्तसिधुरक्खंधे । गंतूण सूरिपामे गिन्हइ दिक्खं निवो इत्ति ॥४९०१॥  
 सुहुममइमंतिपमुहा पुरिससयातिन्नि निवइणा सद्धि । पव्वइया भूगेयरखेयरवग्गाण मज्जाओ ॥४९०२॥  
 देवीओ वि पभावइ पमुहाओ सपरिवारसहियाओ । गिन्हंति वयं संमारदुक्खनिव्विन्नहिययाओ ॥४९०३॥  
 जह चंकमणं ठाणं भोयण-सयणासणं च कायव्वं । जह भासियव्वमेमाइसिक्खवेऊणसव्वं पि ॥४९०४॥  
 जइजणकिरियं गुणसिरिपवत्तिणीए समप्पए सूरी । गुणभट्टो पंचमए पभावइ पमुहुअज्जाणं ॥४९०५॥  
 साहूण चंदकित्तिप्पमुहाणं सयतिगं सपासम्मि । सिक्खविऊणं किरियं अज्जावइ अइपयत्तेण ॥४९०६॥  
 साहू य चंदकित्ती बारमअंगाइथेवदियहेहि । पडिपुत्ताइं अहिज्जइ अह सूरिपए पइट्टविओ ॥४९०७॥  
 सो नियगुहणा तं चिय समप्पिउं सयतिगं सुसाहूणं । अह चंदकित्तिसूरी विहरइ सह तेहि देसेमु ॥४९०८॥  
 पडिबोहंतो बहु भविय-कमल-संडाइं चंदभाणु व्व । दिक्खेउं बहुसीसे सुहुअज्जवसाण संपत्तो ॥४९०९॥  
 उप्पन्नविमलनाणो सूरिपए ठाविउं नियं सीसं । मासं विहियाणसणो धूय-कम्मो सो सिवं पत्तो ॥४९१०॥  
 एत्थंतरम्मि मउलिय-कर-जुयलं मत्थए निवेसेउं । कुणइ पणामं सिरिचंदकित्तिणो सूरिणो कुमरो ॥४९११॥  
 सो वज्जकुंडलो तह जिणमित्तं सावगं पसंसेइ । जह अज्ज तए अम्हे अमयरसेणेव संसित्ता ॥४९१२॥  
 सिरिचंदकित्तिचरियं जं कहियं वित्थरेण इय एवं । तो जिणमित्तो पभणइ अज्ज वि संखित्तमेद्रेयं ॥४९१३॥  
 तुम्ह मए परिकहियं तेण पुणो सुजसभूरिणा तइया । मासेणं दियहाणं सवित्थरं एयमक्खायं ॥४९१४॥  
 पुव्वभवरिद्विवन्नणनियकारियपूयदंसणपमोओ । रायभवजणय-जणणीवन्नणसुमिणाइवन्नणयं ॥४९१५॥  
 गव्वभम्मि डोहलो जम्मकालवद्धावणं कलागहणं । जोव्वण-कीलावन्नण-रज्जहिसेयाइयं सव्वं ॥४९१६॥  
 तेहि अइवित्थरेण कहियं मुक्कं मए पुण समग्गं । पुव्विल्लं रज्जाओ आरव्व निवेइयं तुम्ह ॥४९१७॥  
 तो वज्जकुंडलेणं भणियं जिणमित्तं तुज्ज वि न तुच्छा । अवहारणम्मि सत्ती जेण तए एत्तियं कहियं ॥४९१८॥  
 इय भणिऊणं दिन्नाइं तस्स वत्थाइं कणयसंकलिया । हत्थकड्याइं चारुयबीडं कुमरेण तुट्ठेण ॥४९१९॥  
 अह जंपियं मुहासयपुरिसेणं कुमररंजिणं तए । दिन्नं एयस्स इमं अहं तु किं देमि तुट्ठो वि ॥४९२०॥  
 जस्स मह नत्थि किं चि वि भणियं तो वज्जकुंडलेणं । मज्ज वि पासाउ तए बहु चिट्ठइ दिन्नमेयस्स ॥४९२१॥  
 सो जंपइ कह एवं वेइ कुमारो न जो तुमं देसि । कस्सइ पसंसवयणं पसंसिओ तेण एम तए ॥४९२२॥  
 तेण भणियं पसंमा करेइ किं दाणवज्जिया संती । कुमरेण तओ भणियं तं जायड नेय दाणण ॥४९२३॥  
 जं होइ पसंसाए सो भणइ कुमार जाणिओ तंसि । जेण पसंसं पुरओ करेमि निदेमि दाणं तु ॥४९२४॥  
 कुमरेण तओ भणियं कहेह किं कारणं तए नायं । सो भणइ कारणमिणं न किपि इच्छसि तुमं मज्ज ॥  
 दाउं कवइयं पि हु निग्गामिउं केवलं पसंसाए । वंछसि तो तीए न किपि मे विज्जए कज्जं ॥४९२५॥  
 गालीसयं पि दिज्जमु अम्ह तुमं बहुयदविणदाणजुयं । बहुयाहिं वि गालीहिं देहाउ न फिट्टए खंडं ॥४९२६॥  
 दव्वेण पुणो गेहे अल्लानिब्लाय होइ सारवणा । कीरंति विलासा बहुविहाय हियइच्छया तेण ॥४९२७॥  
 इच्छाइ तेण सद्धि केली किल केलिएण कुणमाणो । सुवियड्ढवयणगोठिं जा चिट्ठइ चक्किणो तणओ ॥४९२९॥

ता रयणीए पच्छिमचउघडियं अत्ति वज्जियं तत्थ । तं जाव वज्जकुंडलकुमरो विम्हियमणो सुणइ ॥४९३०॥  
जंपडय जाव एवं पासनिमन्नाण मम्मइ ताण । दीहा वि इमा रयणी कह पेक्खच्चणं व बोलीणा ॥४९३१॥  
पडिहारेणागतुं विन्नत्तो ताव सो इमं कुमरो । जह वीरसेणपुरिसा चिट्ठंति समागया दारे ॥४९३२॥  
आयन्निरुण एवं कुमरो संभंतमाणसो सहसा । उट्ठेउं सयणाओ ठिओ निविट्ठो पयंपंतो ॥४९३३॥  
अत्ति पवेसेह इमे पवेसिया तेण ते वि आगतुं । नमिउं कुमरं दिन्नासणेसु सणियं निसीयंति ॥४९३४॥  
अह भणिया कुमरेणं विन्नवह पओयणं नियं तुब्भे । ते बेत्ति केवलाणं तुम्ह पुरो विन्नविस्सामो ॥४९३५॥  
अह वज्जकुंडलो सो दूराओ सारिरुण सेसजणं । सयमेक्को तत्थ ठिओ दओय जणा वीरसेणस्स ॥४९३६॥  
विन्नत्तं तेहिं तओ पयंपियं जं सयं मह निवेहिं । पच्चुत्तरं च तेसिं कहियं सव्वं पुरो तस्स ॥४९३७॥  
तह दंसियं समग्गं अणंगदेवाउ मयणदेवाउ । लद्धं वत्थाइयं तेसिं चियं तेण तं दिव्वं ॥४९३८॥  
विन्नत्तं तेहिं पुणो तेसिं निवईणं विन्नवताणं । देज्जह सट्ठं तुब्भे जमिमे अम्हेहिं पट्टविया ॥४९३९॥  
कुमरेण तओ भणियं सव्वं चियं एयमन्नहा नेय । जे वीरसेणपुरिसा ते वि हू अम्हेच्चया चेव ॥४९४०॥  
इय भणिरुणं ते वज्जकुंडलेणं विसज्जिउं तत्तो । काउं सरीरकिच्चं जिणपडिमाए कया पूया ॥४९४१॥  
काऊण तत्थ वियणं तओ पमुत्तो मणुन्नसयणम्मि । पडिबुद्धो दिणपहरे तत्तो काऊण सिंगारं ॥४९४२॥  
अत्थाणे उवविट्ठो समागया नायगा समग्गा वि । सेवाकज्जेण तओ संपत्ता ते वि दो वि निवा ॥४९४३॥  
नमिरुण वज्जकुंडलकुमरं दिन्नासणेसु उवविट्ठा । तेणंगदेवनिव-मयणदेवपुहईसरा दो वि ॥४९४४॥  
मउलिय-कर-कमलजुया विणयपरा विन्नवंति तो कुमरं । नियं देसाओ अम्हे आगच्छंता पउमखेडे ॥४९४५॥  
नो सिधुसेणपक्खे होऊणं किंतु वीरसेणस्स । तं निहणं तस्स निवारणाय मज्झत्थबुद्धीए ॥४९४६॥  
जह जीवंतो सो होइ तुम्ह पायाण सेवओ पुणवि । अह तुम्ह संतिएहिं पुरिसेहिं अम्ह परिकहियं ॥४९४७॥  
गंतूण तत्थ एवं जह चिट्ठइ वज्जकुंडलकुमारो । संपत्तो सिरिखेडे तो अम्हे आगया एत्थ ॥४९४८॥  
तो वज्जकुंडलेणं भणियं जह निमुयमासि अम्हेहिं । अन्नारिसं तओ ते पट्टविया तुम्ह पासम्मि ॥४९४९॥  
सो सिधुसेण राया संपइ मह एउ मन्निहाणम्मि । जह चक्कवट्ठिणो तं काऊणं सेवयं तत्तो ॥४९५०॥  
ठावेमि पुणो देसे कम्मि वि तं नायगं जहा तत्थ । सो चिट्ठइ रज्जसिरिं अणुहवमाणं नियमुहेण ॥४९५१॥  
अह तेहिं मउलियकरं पणमियसीसेहिं दोहिं वि निवेहिं । विन्नत्तो चक्किमुओ जह अम्हे सिधुसेणस्स ॥४९४२॥  
तस्स पहू तो एसो तुब्भेहिं कओ भविस्सइ पुणो वि । परमिन्हिं पेसेउं नियपुरिसे वीरसेणाओ ॥४९५३॥  
दावेह धम्मदारं तस्स जहा पउमखेडमज्जाओ । सो निगंतुं पावइ एइ तओ तुम्ह पासम्मि ॥४९५४॥  
अह कुमरेणं अन्नो नियं पुरिसो पेसिओ पउमखेडे । दोन्ह वि निवाणं तेसिं पच्चक्खं सिक्खवेऊण ॥४९५५॥  
पासम्मि वीरसेणस्स तस्स पुरिसा य पेसिया पुरओ । छन्नं सिक्खविउं तेहिं तस्स तं साहियं गंतु ॥४९५६॥  
तेहिं वि दोहिं पि निवेहिं पेसिया सिधुसेणपासम्मि । कुमरपुरिसेणं मत्तिनियपुरिसा सिक्खवेऊण ॥४९५७॥  
तो सिधुसेण-समुरय-माउलया दो वि मेइणीवइणो । भणिया कुमरेण जहा मए समं एह कुसुमपुरे ॥४९५८॥  
तत्थेव आगमिस्सइ मह पासै सिधुसेणनरनाहो । पडिवन्नं तेहिं तओ तह त्ति तं कुमरआइट्ठं ॥४९५९॥  
नियवाणिउत्तमागरवयणेणं पुव्वमेवमव्वं पि । पियमित्तेणं पवणं जत्तनिमित्तं कयं आमि ॥४९६०॥  
तां तत्थ वज्जकुंडलकुमरे पत्तम्मि अत्ति पारट्ठा । पियमित्तेणं जत्ता कुसुमपुरे निययजिणभवणे ॥४९६१॥

अह कुमरवज्रकुंडलपेसियपुरिसेण वीरसेणाओ । लद्धं नयरपवेसे माउल-ससुराण य नरेहि ॥४९६२॥  
 पविसे वि सिधुसेणो राया संबोहिऊण नयराओ । नीहारिओ समीहियजणेण सहिओ य जणणीए ॥४९६३॥  
 नयरम्मि वीरसेणो पुरजणकयमंगलो पविट्ठो य । अहिसित्तो सुहलग्गे निवाइलोगेण रज्जम्मि ॥४९६४॥  
 जत्ता पारंभदिणाउ पंचमे वासरम्मि संपत्तो । कुमराइपुरिससहिओ कुसुमपुरे मिधुसेणो वि ॥४९६५॥  
 जिणभवणे गमणत्थं संवहमाणो नियम्मि आवासे । गंतूण तेण कुमरो पणओ महिनिहियसीसेण ॥४९६६॥  
 नियहत्थो पट्ठीए चरणविलग्गस्स तस्स कुमरेण । दिन्नो उच्चियालावो सह तेण कओ खणं एकं ॥४९६७॥  
 तत्तो विसज्जिओ सो माउलयअणंगदेवआवासे । गंतूण तस्स कंठे लग्गेऊणं खणं रत्तो ॥४९६८॥  
 भायं महिदरायं सुमरंतो तस्स नाम गिन्हंतो । अपेइ तओ एवं जह मज्झ न रज्जपरिभंसो ॥४९६९॥  
 तह दुक्खं उप्पायइ महिदराओ मओ जह मुहाए । सुमरिज्जंतो दूमेइ मह मणं अविरयं चेव ॥४९७०॥  
 अहणंगदेवराया पयंपए सिधुसेणनरनाहं । न य होइ सोयणिज्जं महिदरायस्स मरणमिणं ॥४९७१॥  
 जेण नियजणयभइणीसुयस्स तुह पाणरक्खणनिमित्तं । निय पाणा परिचत्ता सो चेव पसंसणिज्जो णे ॥४९७२॥  
 जाएण जए जीवेण ताव नियमेण कम्मि वि खणम्मि । जत्तेण रक्खिएण वि मरियव्वं केणइ मिसेण ॥४९७३॥  
 ता जइ कस्स वि पाणे रक्खंतेणं मरिज्जए तेण । ता किं न होइ लद्धं जसमक्खयमज्जिणं तेण ॥४९७४॥  
 ता सव्वहा वि न तए महिदरायस्स वइयरे खेओ । कायव्वो को वि मणे मणं पि जइ मन्नसि तुमं मं ॥४९७५॥  
 माउलयभाइणेज्जा ते एवं कयपरोप्परालावा । कज्जंतरवक्खित्ता संवुत्ता तो मुहुत्तं ते ॥४९७६॥  
 निवसिधुसेण भज्जा अह पउमसिरिं अणुन्नवेऊण । निय पिउणो आवासे मयणसिरी पट्टिया तत्तो ॥४९७७॥  
 सेट्ठी पियमित्तो वि हु नाऊणं सिधुसेणमायायं । तस्स समीवे गंतुं तं पणमेउं निमतेइ ॥४९७८॥  
 नियभवणे भोयणकारणाय तेणा वि माउलो पुट्ठो । सो वेइ सिधुसेणो अज्ज दिणे अमह पाहुणओ ॥४९७९॥  
 तो पियमित्तो तत्थ ठिओ वि आणाविउं नियगिहाओ । घय-सालि-दालि-पक्कन्न-माइ-वत्थाइआहरणं ॥४९९०॥  
 पउमसिरीए सहियस्स सिधुसेणस्स ढोयए पुरओ । गाहेइ विणयपुव्वं विसज्जिओ तेण जाइ गिहं ॥४९९१॥  
 तत्तो पयाइजिणमदिरम्मि कारेइ न्हवणमाईयं । पुव्वागओवविट्ठे चक्काहिवनदणे तत्थ ॥४९९२॥  
 पियमित्तसेट्ठिपेसियपुरिसेणाभंतिओ समायाओ । जत्ता पज्जंतदिणे तत्थ निवो वीरसेणो वि ॥४९९३॥  
 महया विच्छडेणं जिणिदपडिमा रहो परिव्वभमिओ । कुसुमपुरनयरमज्जे चउविहसंषेण परियरिओ ॥४९९४॥  
 सट्टाणपविट्ठरहे पियमित्तो वज्रकुंडलेणेवं । भणिओ भण जिण-भवणे जं किज्जउ एत्थ आयाणं ॥४९९५॥  
 तो पियमित्तो विन्नवइ चक्कितणयं जहा समाइसह । नरनाहवीरसेणं ज(त)ह तत्ति कुणइ जिण-भवणे ॥४९९६॥  
 सेसं न क्किपि खूणं तुम्ह पसाएण मज्झ वि इहत्थि । पोढो मए वि विहिओ समुग्गओ चिट्ठइ इमस्स ॥४९९७॥  
 तो जिणहरतत्तिकए आइसिउं वीरसेणनरनाहं । तं तह अणंगदेवं विसज्जिउं मयणदेवं च ॥४९९८॥  
 निवसिधुसेणसहिओ सुवं गओ वज्रकुंडलकुमारो । पियमित्तमणुन्नविउं कओ चिओ तेण नियठाणे ॥४९९९॥  
 तत्थ निवसिधुसेणो कुमरेणं चक्कवट्टिणा सद्धि । कारेऊणं दंसण भोलग्गं तो कओ निच्चं ॥४९९०॥  
 अह अन्नदिणे सूरी समागओ सुजसनामओ तत्थ । तव्वंदणाय चलिओ चक्की परिवारसंजुत्तो ॥४९९१॥  
 तेण सह वज्रकुंडलकुमारो वि गओ ससिधुसेणनिवो । सव्वे वि वंदिऊणं सूरिं पासेसु उवविट्ठा ॥४९९२॥  
 सूरी वि देइ तंसि धम्मवएसं जहा वि वेईहिं । लद्धेण माणुस-भवं दुलहं जिण-इम्मसंजुत्तं ॥४९९३॥

न पमाओं कायव्वो विहवाइसु वज्जिऊण पडिबंघं । अणवरयमेवजत्तो करणिज्जो चरण-धम्मम्मि ॥४९९४॥  
 पवणाहयसुरमंदिरसिहरपडायग्गचंचलो विहवो । सरयव्वभविव्वभमं जोव्वणं च जीयं च विज्जुचलं ॥४९९५॥  
 मयणाणं संघाओ परियणव्वगो य कज्जकयनेहो । इह जम्मम्मि वि विहडइ विणा वि कज्जेण गयलज्जो ॥४९९६॥  
 इच्चाइ अणिच्चत्ते भवस्स कहियम्मि सूरिणा तेण । विसयकसायविदारं अणेगभवकोडिकडुयम्मि ॥४९९७॥  
 संसार-सुह-विरत्तो सहस च्चिय वज्जनाहिचक्कहरो । रज्जम्मि वज्जकुंडलकुमरं अहिंसिचिउं तत्तो ॥४९९८॥  
 पव्वज्जं पडिवज्जइ समं सहस्सेण नरवराईणं । देवी सुहावई वि ह तेत्तियरायाइधुयाहि ॥४९९९॥  
 राया वि मिधुसेणो पुव्वं पि महिदरायमरणेण । रज्जव्वभंसाइपराभवेण दूमियमणो आमि ॥५०००॥  
 आयन्नियधम्मकहो विसेसओ भवदुहाण निव्वित्तो । पडिवत्तो पव्वज्जं तेणेव य चक्किणा सद्धि ॥५००१॥  
 सो वज्जनाहिंसाह चिट्ठेउं कइ वि यामरे तत्थ । मुज्जसायरिएहि समं अन्नत्थ गओ विहारेण ॥५००२॥  
 अह वज्जकुंडलनिवो फेडेउं केवि केवि ठावेउं । नियमंडलम्मि तत्तो विजयइदनरिददेसेमु ॥५००३॥  
 चालितो ठावेत्तो परियडइ अणेयमेइणीवइणी । रह-करि-तुरंगवत्थाहरणाइउवायणाइं व ॥५००४॥  
 तेहितो गिन्हंतो कारितो गामनगरमाईसु । अहिणवज्जिणभवणाइं जिन्नाइं समुद्धरंतो य ॥५००५॥  
 पूया जत्ताउ तहा कारावितो बहुप्पयाराओ । रहभवणाइं भवियाण भरिसंतोसज्जणयाइं ॥५००६॥  
 इय सो अणुक्कमेणं संपत्तो गंधमायणपुरम्मि । नायरज्जणेणं विहिओ मूसवो तम्मि पविसंते ॥५००७॥  
 जिणसासणप्पहावणपरायणो वज्जकुंडलो राया । निसेसनिहयकंठयमणुपालितो नियं रज्जं ॥५००९॥  
 संपज्जंतजहिच्छियमणोरहो असरिसं विसयसोक्खं । अणुहवमाणोणेगाउ गमइ वासाण कोडीओ ॥५००९॥  
 कामरइदेवीए भाया नामेण कामदेवो त्ति । इवस्स संपयाए पच्चक्खो कामदेवो व्व ॥५०१०॥  
 सयलकलापारगओ अहिगयनीसेससत्थपरमत्थो । दक्खो दक्खिन्नपरो कयण्णुओ उच्चियकारी य ॥५०११॥  
 मुयणो सरलसहावो परोक्यारी पियंवओ सुहओ । गंभीरो थिरपगई उयारचित्तो पसंतो य ॥५०१२॥  
 सो वज्जकुंडलनरेसरस्स आसन्नसेवओ सययं । मणवीसासट्टाणं परमं वीसंभभवणं च ॥५०१३॥  
 तेण सह सयाकालं कुणइ निवो वज्जकुंडलो केलि । नियपासाओ गंतुं कहिं पि से देइ न खणं पि ॥५०१४॥  
 कइया वि वज्जकुंडलनरनाहो गंधमायणपुराओ । आसाण साहणेणं वाहिम्मि विणिग्गओ भमिउं ॥५०१५॥  
 तेण सह कामदेवो वि निग्गओ वरतुरंगमारूढो । भमिऊण वज्जकुंडलपुहईनाहे नियत्तंते ॥५०१६॥  
 तुरय-खुर-खणिय-घण-रेण-नियर-अंधारियम्मि दिसिचक्कं । दिट्ठीहिं अदीसंते पुरओ वि टिए सहत्थे वि ॥५०१७॥  
 तुरयाउ कामदेवो पडिओ भूमीए केण वि न दिट्ठो । इयरतुरंगाणं खुरेहिं खंडिओ सो गओ निहणं ॥५०१८॥  
 तो पासार्याम्मि निए संपत्तो वज्जकुंडलनरिदो । सेसो वि सेवयजणो गेहम्मि गओ नियनियम्मि ॥५०१९॥  
 अह विहियमज्जणविहो जिणिद-बिबच्चणं करेऊण । भोयणभवणम्मि गए भूवाले भोयण-निमित्तं ॥५०२०॥  
 सह भोयणपुरिसेसु वि पडिहारनिउत्तएहिं पुरिसेहिं । सव्वत्तो कयसद्दे सव्वेसु समागएसु लहं ॥५०२१॥  
 मोत्तूण कामदेवं तो राया जाव पेसए दिट्ठि । एकं चिय ताव न तं पेक्कइ सेसं जणं सव्वं ॥५०२२॥  
 तो रत्ता पडिहारो पुट्ठो जह केण कारणेज्ज । दीसइ न कामदेवो तो पडिहारेण विन्नत्तं ॥५०२३॥  
 नामुच्चारणपुव्वं सव्वेसि कारिओ मए सहो । जहलया तहज्ज वि न मुणेमि सनागओ कह वि ॥५०२४॥  
 तो वज्जकुंडलेणं निव्वेण भणिओ पुणो वि पडिहारो । पेसेउं कं पि वि नुहं पुण निउणं तं गवसेह ॥५०२५॥  
 जइ होज्ज एत्थ न इमो गिहे वि तो गंतुमेयमाणेह । रायाएसाणंतरमेव तओ पेमिओ तेण ॥५०२६॥

पडिहारेणं पुरिसो सिक्खविऊणं नरिदसदिट्ठं । बाहिं गिहे य अह सो गंतूणं झत्ति विणियत्तो ॥५०२७॥  
 आगंतूणं माहइ रत्तो पुरओ जहा मए गंतुं । गेहे वि कामदेवो पुट्ठो तत्थ वि परं तत्थि ॥५०२८॥  
 गिहमाणुसेहिं कहियं गोसग्गे निग्गओ नियगिहाओ । जं एसो तं अज्ज वि न एइ बाहिं कहिं पि ठिओ ॥५०२९॥  
 तो तत्थं पंचवल्लहसाह्णिणणं निवेइयं रत्तो । जम्मि तुरयम्मि चडिउं तुम्हेहिं समं गओ एसो ॥५०३०॥  
 सो ताव मए दिट्ठो तुरओ बद्धो तुरंगसालाए । रत्ता भणिउं गंतुं पुच्छ तुमं थाणवालं तं ॥५०३१॥  
 केणाणेउं तुरओ समप्पिओ एत्थ सो वि गंतूण । साह्णिओ पुच्छेउं तमागओ कहइ नरवइणो ॥५०३२॥  
 जह सो तस्स तुरंगो केण वि पुरिसेण ने य आणीओ । सुत्तासणो सयंचिय समागओ दिन्नमुहकविओ ॥५०३३॥  
 पल्लाणेण समेओ तो रत्ता जंपियं विचितेउं । तुरयाउ कामदेवो पडिओ बाहिंम्मि कत्थ वि य ॥५०३४॥  
 इय व्रोत्तूणं संभंतमाणसो झत्ति उट्ठिओ राया । परिवेसियं पि मुक्कं तहेव थालम्मि नो भुत्तं ॥५०३५॥  
 पयच्चारणं चलिओ गवेसणं तस्स कामदेवस्स । काउं कामरई वि हु नाउं चलिया सह निवेण ॥५०३६॥  
 पच्छा साह्णिणणं पल्लाणेऊण ढोइओ तुरओ । तत्थारूढो राया रहम्मि देवीओ कामरई ॥५०३७॥  
 दिण्णुवओणेण तओ रत्ता विमंसियं इमं जह सो । दिट्ठिपहम्मि ठिओ मे गओ तहा आगओ तत्तो ॥५०३८॥  
 ता जाव साह्णाइं मिलियाइं चउदिसि पि आगंतुं । संजायं तत्थ तओ रयंधयारं महाघोरं ॥५०३९॥  
 तो रेणुभएण मए अइसिग्घं निय तुरंगमो मुक्को । सेसा वि आसवारा वेएण पहाविया तत्तो ॥५०४०॥  
 संजाओ संघट्टो परोप्परं तत्थ आसवाराणं । संभाविज्जइ पडिओ तो सो तत्थेव नत्तय ॥५०४१॥  
 इय चित्तिऊण राया तम्मि पएसम्मि वच्चए जाव । पुरओ होउं दिट्ठो पडिओ सो ताव तेण तहिं ॥५०४२॥  
 तुरय-खुर-खुन्न-देहो निहणं पत्तो रओहुदुल्लक्खो । दट्ठूण झत्ति तं वज्जकुंडलो नरवई जाओ ॥५०४३॥  
 मउलंतलोयणजुओ निवडिओ कामो तुरंगपिट्ठाओ । पासट्ठिएहिं ओयारिऊण खित्तो रहे तत्तो ॥५०४४॥  
 कामरईदेवीए दिट्ठो राया तहट्ठिओ तेहिं । मज्झम्मि खिप्पमाणो रहस्स कसणीकयमुहेहिं ॥५०४५॥  
 देवीए संभमाउलहिययाए पुच्छियं किमेयं ति । तेहिं तओ जह वत्ते कहिए देवी खणं दिट्ठि ॥५०४६॥  
 खिविऊण कामदेवे पडियम्मि महीयले विगयजीए । वलिउं सखेयहियया रहम्मि वच्चइ महीवइणो ॥५०४७॥  
 चंदणरसकयसेयं मऊरपिच्छाण तालियंटेण । वीएऊणं तं चंपिउं च हियए सहत्थेण ॥५०४८॥  
 संभासइ महुरगिरा जा देवी ताव नरवई सणियं । उम्मिलिऊण नयणाइं हुक्कारेऊण उट्ठेइ ॥५०४९॥  
 जंपइय जहा सव्वं चंदणकट्टाइपगुणयं कुणह । जह कामदेवकाओ सक्कारिज्जइ सयं गंतुं ॥५०५०॥  
 तक्खणमेव तओ ते पवणीकाऊण चंदणाइयं । तस्सुक्खिवंति देहं गस्यविभईए तट्ठाणा ॥५०५१॥  
 तो वयइ वज्जकुंडलराया जह एस कामदेवोमं । भइणिवइं भइणिमिमं चइऊण सयं गओ एक्को ॥५०५२॥  
 तह वि हु अम्हे एयस्स पिट्ठुओ पिट्ठुओ संपयं गमिस्सामो । इय भणिऊणं तस्सणुमग्गेण गओ रहारूढो ॥५०५३॥  
 वच्चंतो वयइ इमं कह देवि इमो सहोयरो तुज्ज । निट्ठुरचित्तो जाओ अम्हे हक्कारए नेय ॥५०५४॥  
 वच्चंतो गामंतरमेसो तुह दिज्जए उवालंभो । एवमसंवढाइं वयणाइं तस्स सुणिऊण ॥५०५५॥  
 भीया मणम्मि देवी कामरई चितए कहम्मिमोवि । राया वियक्खणाणं सिरोमणी वयइ विगलमई ॥५०५६॥  
 नेहेण कामदेवस्स नूणमेयस्स मोहियं हिययं । हा दिव्व! कि अकडे पहरमि अम्हाण उवरुवरिं ॥५०५७॥  
 अवहरिऊणं गुणरयणमायरं भायरं इमं एक्कं । अम्हाण पाणनाहस्स एरिमि कुणमि किमवत्थं ॥५०५८॥  
 इच्चाइ चित्तिऊणं रायाणं पभणए तओ देवी । जो देव कामदेवो तए वि सह निट्ठुरो एवं ॥५०५९॥

मंजाओ सो नूणं कयग्घनरसेहरो जए सयले । नो तुममिमस्स नामं पि देव मा गिन्ह मह पुरओ ॥५०६०॥  
 इच्चाइब्रह्मप्यारं पयंपमाणी मणं नरवइस्स । उत्तारइ कामरई अभिक्खणं कामदेवाओ ॥५०६१॥  
 जं किपि नरिदो कामदेवविरहानलेण वि हू रमणो । पलवइ तप्पडिवयणं पुणो पुणो देइ सा देवी ॥५०६२॥  
 गरुयं पि सट्ठोयरमरण-दुक्खमवहीरियं ममगं पि । तीए रत्तो मुच्चत्तविगमचित्ताउरमणाए ॥५०६३॥  
 सो कामदेवदेहस्स दाहकालम्मि धारिओ तीए । दूरिट्ठिओ चेंव निवो काऊण कहांहि विक्खेवं ॥५०६४॥  
 तत्तो ठाणाउ तओ पभ्यपरिवारपरिगओ राया । देवी वयणेण नियत्तिऊण पत्तो नियगिहम्मि ॥५०६५॥  
 जिणमिनेणं भणिया कामरई-देविदिवसपज्जंतो । जाओ एस भविस्सइ अइवेला भोयणे तुम्ह ॥५०६६॥  
 ता किपि पाणधारणमेत्तं तुब्भे करेह कवलगहं । जइ वि न तुम्हाणं कावि अत्थि निय जीवियावेक्खा ॥५०६७॥  
 तह वि हू गव्भट्टियजीवरक्खणं तुम्ह होइ कायव्वं । तो देवीए भणियं निवम्मि भुत्तम्मि भुंजिस्सं ॥५०६८॥  
 जं किं चि वि भवियव्वं गव्भस्स भविस्सए तमेयस्स । तो जिणमित्तो पभणइ रायाणं देव भुंजेह ॥५०६९॥  
 राया जंपइ एतं अहं पडिक्खेमि कामदेवमिह । गंतूण तुमं तुम्हा हक्कारेऊण तं एहि ॥५०७०॥  
 जिणमित्तो भणइ तओ न अम्ह हक्कारिएण सो एइ । तो रत्ता कामरई भणिया गंतूण देवि तुमं ॥५०७१॥  
 आपणेहि नियसट्ठोयरमट्ठाण जमेसच्चिट्टए रूट्ठो । जाव न उट्टइ देवी गिन्हइ बाहुम्मितो राया ॥५०७२॥  
 उट्ठेहि त्ति भणंतो पुणो पुणो उट्टए तओ एसा । वच्चइ नियम्मि ठाणे राया विसिज्जिउं लोयं ॥५०७३॥  
 सेसं सव्वं पि तओ एगो होऊण भणइ जिणमित्तं । मा वीहेसि तुमं मे इमाण असमंजसगिराणं ॥५०७४॥  
 कारणवसेण एयं अणुट्ठियं चिट्टए मए सव्वं । विगलत्तं मह चित्तस्स वट्टए न उण थेंवं पि ॥५०७५॥  
 भोत्तूणं तं पि कारणमहं कहिस्सामि तुज्ज सव्वं पि । ता कि पि संपइ तुमं भोयणजायं समाणेहि ॥५०७६॥  
 जा अत्थमइ न सूरो ता कामरई पि भणह गंतूण । संबोहेऊण मए राया भुंजाविओ इन्हि ॥५०७७॥  
 देवि! तुमं पि हू भुंजसु भुत्ताए तुज्जतो कहिस्सामि । तुह मंतियाइं वयणाइं जाइं कहिऊण नरनाहो ॥५०७८॥  
 मत्ताविउं मए तो कारविओ भोयणं पहिट्टमणो । इय वयणेहि पडिवन्नभोयणं तं करेऊण ॥५०७९॥  
 इह आगंतुं भुंजसु मए समं एरिसं निवाएसं । साहेउं जिणमित्तो पत्तो तह इत्ति भुत्तो य ॥५०८०॥  
 सेमंतेउरपमट्ठो सव्वो वि हू रायपरियणो भुत्तो । दूरो सारियनीसेससेसलोओ निवो तत्तो ॥५०८१॥  
 सिक्खविउणं पेसइ जिणमित्तं कामरइसमीवम्मि । अह गंतुं सो तीसे पासे एवं पयंपेइ ॥५०८२॥  
 देवि! मए जं भणियं आसि पुरो तुम्ह भोयणम्मि कए । आगंतुं साहिस्सं तं संपइ निमुण साहेमि ॥५०८३॥  
 अह तीए अणुत्ताओ सो साहइ देवि रायपासाओ । उट्ठेउमागयाणं तुम्हं इह निय निवासम्मि ॥५०८४॥  
 दट्ठूणं सुन्नमणं निवइं नेहेण कामदेवेस्स । भोयणमवि अकुणंतं चित्तंतो जाव चिट्ठामि ॥५०८५॥  
 ता मज्झ मणे फुरिओ एस उवाओ जहा कइवयं पि । एवं एवं वोत्तुं भोलवियं निवइणो चित्तं ॥५०८६॥  
 कारेमि भोयणमिमं इय चित्तेउं अहं नरिदस्सं । पासाओ उट्ठेउं बाहि गंतुं खणं ठाउं ॥५०८७॥  
 अंतो पुणो पविट्ठो उवविट्ठो वज्जकुंडलसमीवे । तस्साभिमुहं भणियं मए इमं देव! इन्हि मे ॥५०८८॥  
 बाह्मिगयस्स मिलिया कामरई देवि पेसिया दासी । तीए मह कहियमिणं जह देवीए तुहाभिमुहं ॥५०८९॥  
 एवं भणावियं जह देवेणं कामदेवमाणेउं । पट्टवियाहं चिट्ठामि कित्तु छुहिया न सक्केमि ॥५०९०॥  
 गंतुं महं जम्हासो दीहे मग्गम्मि वट्टए पगओ । छुहियम्मि पुणो देवे कहमवि य अहं न भुंजामि ॥५०९१॥

अत्रेहि गएहि पुणो बहुएहि वि आगमिस्सइ न एसो । ठाणं पि तस्स अन्नो न जाणए जत्थ सो अत्थि ॥५०९२॥  
 ता जइ आणीएणं कज्जं तेणत्थि कि पि नरवइणो । ता भुंजउ एससयं अहं पि जह भुंजिउं इत्ति ॥५०९३॥  
 वच्चामि तत्थ एवं गंतूण तुमं कहेहि नरवइणो । तेणागंतूण मए निवेइयं देव ! तुम्ह इमं ॥५०९४॥  
 इय सोऊण नरिदो हिट्ठमणो इत्ति उट्ठिउं भुत्तो । तो आगंतुं कहियं तुमं पि भुंजावियासि मए ॥५०९५॥  
 संपइ तुह देवि इमं चिट्ठइ अम्हेहि विन्नवेयव्वं । जं कइ वि दिणे अप्पानन्दसियव्वो निवस्स तए ॥५०९६॥  
 जह अम्हे आमाए लग्गमिमं भोयणं कराव्वेमो । गहिऊण कामदेवं देवी अज्जह व कल्लम्मि ॥५०९७॥  
 नूणं समागमिस्सइ इय एवंत्रिह क्हाविणो एण । भुंजंतो नरनाहो न च्चकए ताव देहाओ ॥५०९८॥  
 कालक्कमेण तह माणसाउ सोमो वि विगलए तस्स । सुन्नत्तणं पि फिट्ठइ तत्तो सुत्थं हवइ सव्वं ॥५०९९॥  
 पडिवन्नं देवीए जिणमित्तपयंपियं तओ एवं । भणियं च सुंदरो तुह एस उवाओ मणे फुरिओ ॥५१००॥  
 आसि अहं अइ भीया अभुंजमाणे नरेसरे पुव्वं । इन्हि तुह वयणेहि मणं पि निव्वयमणा जाया ॥५१०१॥  
 ता गच्छ तुमं पासे निवस्स इन्हि मणोगयं भावं । नाउं नाउं तदुचिय क्हाहि कुज्जारइं तस्स ॥५१०२॥  
 इय सिक्खत्रिओ तीए जिणमित्तो जंपए जहा देवी । एसोच्चिय कायव्वो तुम्हाएसो मए निच्चं ॥५१०४॥  
 तस्स समीवाउ अहं खणं पि दूरे न कत्थइ गमिस्सं । सेसाणं पि जणाणं रायाणं दंसइस्सामि ॥५१०४॥  
 दूरगयं खणमेक्कं जह ते तं पणमिऊण वच्चंति । सच्चिवाइणो सच्चित्ते कुणंति खेयं च न ह कं पि ॥५१०५॥  
 इय वोत्तूणं देवीए अणुमओ निग्गओ तओ एसो । एइ निवस्स समीवे कहेइ सव्वं जहा भणियं ॥५१०६॥  
 राया वि केणइ समं अन्नेण न जंपए मणागं पि । जिणमित्तमुहेणं चिय सव्वेसि देइ आएसं ॥५१०७॥  
 जिणमित्तो उण तेसि कहेइ जमज्ज वि निवो ससोगो त्ति । सो वि जणो नरवइणो मज्जं न मणइ तहा कि पि  
 तत्तो दूरगओ च्चिय चिट्ठइ निच्चं निवस्स आणाए । जं जिणमित्तो जंपइ तं चेव ससंभमो कुणइ ॥५१०९॥  
 जइ उट्ठिऊण वच्चइ कत्थइ कज्जम्मि कह वि जिणमित्तो । निवपासाओ तह वि ह विन्नवइ न को वि नरनाहं  
 गरुयम्मि वि उप्पन्ने कज्जे एतं सहंति जिणमित्तं । तस्स कहिऊण पच्छा दूरे गंतूणं चिट्ठंति ॥५१११॥  
 कज्जन्थिणो मणुस्सा जिणमित्तो तयणु पुच्छिउं निवइं । हक्कारिऊण तेसि उचियं निहेसयं देइ ॥५११२॥  
 दो तिननि वि दियहाइं एवंचिय वज्जकुंडलनिवेण । गमियाइं तओ पृठ्ठो जिणमित्तेणं जहा देव ! ॥५११३॥  
 तुम्हेहिं ममाएसो दिव्वो पढम्मि वासरे आसि । एरिसओ जह एयं कवडेण कयं मए सव्वं ॥५११४॥  
 कारणवसेण तं पि ह तुह पुरओ कारणं कहिस्सामि । अज्ज वि तुम्हेहिं न तं कहियं मे कह हतो इन्हि ॥५११५॥  
 अह वज्जकुंडलनिवो हसिउं जिणमित्तमेवमुल्लवइ । सुण जेण कहेमि अहं इय भणिउं कहिउमाढत्तो ॥५११६॥  
 कामरईदेवीए वालत्ताओ वि कामदेवम्मि । अइगरुओ पडिवंधो संजाओ कह वि कम्मवसा ॥५११७॥  
 जाव दियहस्स मज्जे वारं एक्कं पि एस नो दिट्ठो । तीए ताव न जायइ थेवो वि मणम्मि संतोसो ॥५११९॥  
 एएण कारणेणं परिणीयाए वि तीए आणीओ । एस इह अप्पणा सह निच्चं जह सा इमं नियइ ॥५११९॥  
 तो जइ एसा एयस्स कह वि आयन्नए दुहं जायं । थेवं पि सरीरे रोगमाइयं तह वि होइ इमा ॥५१२०॥  
 जयजीविय व्व नेहेण मोहिया तक्खणेण मुच्छाए । जइ पुण पच्चक्खं निय तं पेक्खइ निहणमणुपत्तं ॥५१२१॥

तो तक्खणे वि एसा नियं जीयं चयइ नत्थि संदेहो । एइए वि विन्नाए गब्भो वि विणस्सए नूणं ॥५१२२॥  
 गब्भो पुण एइए पहाणसुमिणेण सूडओ अत्थि । सो होही सयलस्स वि इमस्स सामी महियलस्स ॥५१२३॥  
 उग्गपयात्रो निहलियसयलदरियारिदण्णमाहूपो । जमिमस्स पढम संभवदिणम्मि दिट्ठो मुहपविट्ठो ॥५१२४॥  
 सुमिणम्मि रयणिपच्छिमजामे सेज्जाए मुहपमुत्ताए । देवीए दिणनाहो तेयइहो निहयतमपसरो ॥५१२५॥  
 नासियतारयनियरो उच्छाइयहरिणलंछणच्छाओ । तेण असामन्नगुणो संभाविज्जइ इमो गब्भो ॥५१२६॥  
 देवीए गब्भस्स य दोन्हं पि मए विणासरक्खट्ठा । निययं सरूवमेवं पयासियं अग्गओ तीसे ॥५१२७॥  
 निय भाउणो वि पासाउ जेण अम्हाण उवरि पडिवंधो । देवीए अइगरुओ तो मं दट्ठण निच्चेट्ठं ॥५१२८॥  
 संजायगरुयदुक्खा मज्झ समीवं समागया देवी । वायपयाणाईयं उवयारं काउमारुद्धा ॥५१२९॥  
 मुच्छाविगमे वि हु मे असमंजसभामियाइं मुणिऊण । कयगुरुमणसंतावा जाया पम्हट्टुभाउदुहा ॥५१३०॥  
 दट्ठण वि निहणगयं सहोयरं तस्स दुक्खमेईए । न मणं पि मणे जायं मम दुक्खेणं सदुक्खाए ॥५१३१॥  
 \*जह पवरदव्वहाणीए अन्नमणुन्नयरदव्वहाणी । जायाए तिरोहिज्जइ उप्पायंती मणे दुक्खं ॥५१३२॥  
 तह भाउमरणदुक्खं समुभवंतं मणम्मि देवीए । मह मणसुन्नत्तणजणियगरुयदुक्खेण अंतरियं ॥५१३३॥  
 तो जिणमित्तो सीसं धुणिऊणं वज्जकुंडलनरिंदं । विल्लवइ देवं एसा न हु बुद्धी होइ अन्नस्स ॥५१३४॥  
 एसगरुओ अणत्थो देवेणं रक्खिओ नियमईए । एमेवयनिग्गमिही अज्ज वि देवो कइदिणाइं ॥५१३५॥  
 जं आसि भयं तुम्हाण माणसे देव तं गयं ताव । मन्नामि अहं इन्हिं किं कीरइ दुम्मणा देवी ॥५१३६॥  
 तो वज्जकुंडलेणं भणियं जिणमित्तं अज्ज वि चउत्थं । दियहं एयं देवीए भाउणो परभवगयस्स ॥५१३७॥  
 तो अम्ह तिमित्तं जइ देवीए फिट्टुए कह वि दुक्खं । उग्घडइ तह वि तीए मणम्मि लहु भाउमरणदुहं ॥५१३८॥  
 जिणमित्तो भणइ तओ संजायं संपयं हयप्पसरं । तं भाउमरणदुक्खं देवीए एत्तिय दिणेहिं ॥५१३९॥  
 होंतं चिय ताव न तं संभाविज्जइ कहं पि अह होइ । तो थेवं चिय किं चि वि तम्हा मुच्चउ कवडमेयं ॥५१४०॥  
 सेसो वि जणो सब्बो कीरउ साणंदमाणसो इन्हिं । निय आलावाईहिं देवी वि हू लहउ परमसुहं ॥५१४१॥  
 तो वज्जकुंडलनित्रो जंपइ जिणमित्तजारिसं भणसि । तं अत्थि तारिसं चिय तह वि अणत्थस्स संदेहे ॥५१४२॥  
 पडियारो कायव्वो सुदुद्धिपुरिसेहिं ता तुमं गंतुं । पभणसु पभायसमए देवि जह अज्ज रयणीए ॥५१४३॥  
 सुत्तेण मए दिट्ठो सुमिणो किर गोत्तदेवया रत्तो । आगंतुं मं पभणइ जह इह नयरे जिणहराईं ॥५१४४॥  
 चिट्ठंति जाइं काइं वि तंमि मज्झाउ पइदिणं चेव । एककेक्कम्मि जिणहरे जइ पूयं कुणइ कामरईं ॥५१४५॥  
 देवी एग्गमणा अचित्तमाणीय सयणगिहत्तंति । ता जाव समत्थिज्जइ सब्बजिणहरेसु जिणपूया ॥५१४६॥  
 तो पढमे च्चिय दियहे पूयारंभस्स जायए राया । सत्थमणो सयमेवय उवेइ जिणमंदिरेसुं पि ॥५१४७॥  
 इय भणिऊणं देवी सा सहसच्चिय अदंसणीहूया । अहम वि तो पडिबुद्धो ठिओ य जग्गंतओ चेव ॥५१४८॥  
 चित्तंतो य तहेयं सच्चं सुमिणं किमेयमह वि तहं । वीमंसियं मए तो जह कीरउ ताव जिणपूया ॥५१४९॥  
 सब्बजिणमंदिरेसुं तो जइ सच्चो हवेज्ज सुमिणत्थो । तो लट्ठं अह वितहो तहावि धम्मो कओ होइ ॥५१५०॥  
 इय निच्छिऊण पच्छा समागओ हं तुहं तिए इन्हिं । कहिओ सुमिणो य मए जं उचियं देवि! तं कुणह ॥५१५१॥



इय वज्रकुंडलाओ सिक्खं गहिउं तओ पभायम्मि । गंतूणं जिणमित्तो देवीए कहइ अह सा वि ॥५१५२॥  
 कामरई तद्वयणं जत्तिजुयं जाणिऊण तं चेव । जिणमित्तं जिणमंदिरपूयाकरणत्थमाइमइ ॥५१५३॥  
 सो तीए सह वच्चइ जिणभवणे कारए य वरपूयं । जिणमित्तो तो गंतुं साहइ एवं नरिदस्स ॥५१५४॥  
 राया वि पहिट्ठमणो कामरई भाववुद्धिजणणत्थं । जिणमित्तं सिक्खविउं पुण पेसइ तीए पामम्मि ॥५१५५॥  
 सो गंतुं जिणभवणे देवीए कहइ कन्नमूलम्मि । वद्धाविज्जसि तं देवि संपयं जं निवो जाओ ॥५१५६॥  
 सत्थमणो सुपसत्थं जंपइ मव्वं पि संपइ जओ हं । हक्कारिऊण भणिओ तेणेवं कामदेवस्स ॥५१५७॥  
 नेहेण मोहिओ हं जिणमित्तदिणाइं एत्थियाइं ठिओ । उग्गयमत्थमियं वा न किं पि नायं मए जमिह ॥५१५८॥  
 इन्हि चिय चेयन्नं लद्धं ता कह भविस्सए देवी । सा कामरइ नेहेण भाउणो विहरिया संती ॥५१५९॥  
 तत्तो मए पभणियं एवं चिय देव! होंतयं आसि । तीसे परं तुह दुहं आगंतुं उव्वरिमंजायं ॥५१६०॥  
 तेण नियमाइमरणद्वभवं दुहं तत्थ नेय सम्मायं । तो जं तुह सालयविरहसंभवं दुक्खमुप्पन्नं ॥५१६१॥  
 तस्सोवसमणहेउं पूयंती भमइ सा जिणहरेसु । जिणपडिमाओ ओयाइयाईं देंती बहुविहाइं ॥५१६२॥  
 तो आह निवो चिट्ठइ कामरई कत्थ संपयं देवी । अह जिणहरे ठिया इह मए तुमं तस्स लहु कहिया ॥५१६३॥  
 तो वज्रकुंडलेणं रत्ता भणियं पहिट्ठचित्तेण । जत्थ गया सा देवी चिट्ठइ तत्थेव गच्छामि ॥५१६४॥  
 इय भणिऊणं तग्गो संवहिउं वज्रकुंडलो इत्ति । एत्थागमणत्थं तो अहं पुरो होउमिहपत्तो ॥५१६५॥  
 निववत्ता कहणत्थं जह जायइ सुमिणपच्चओ तुम्ह । इन्हि जामि इओहं पुणागमिस्सं सह निवेण ॥५१६६॥  
 इय पभणंतो एसो देवीए अणुमओ जिणगिहाओ । नीहरिउं तं रत्तो कहइ मव्वं पि गंतूण ॥५१६७॥  
 तो सोऊणं राया हरिसियच्चित्तो गइंदव्वंधम्मि । आरुढो बहुपरिवारसंजुओ जिणहरे पत्तो ॥५१६८॥  
 न्हवण-विलेवण-पूयणमाइयं तत्थ वित्थरसमेयं । कारेऊणं पत्तो पुणो वि निययम्मि पासाए ॥५१६९॥  
 भोयणसमयाणंनरमामेऊण कामरइ-देवि । नियसुह-दुक्खालावं ख्वणं निवो कुणइ तीए समं ॥५१७०॥  
 वीयम्मि चेइयहरे पुणो पभाए पयाइ पुहइवई । देवीए मह कारइ तहेव तत्थ वि न्हवणमाई ॥५१७१॥  
 दो तिस्सि वि अत्ताइं वि दिणाइं एक्केक्कजिणहरे गंतुं । तो रत्ता जिणमित्तो सिक्खविउं भाणिओ देवि ॥५१७२॥  
 अह तेण नियगिहगयादेवी नियउत्तरेण विवत्ता । जह देविए मेक्केक्कजिणहरे पूयकरणेण ॥५१७३॥  
 लग्गिस्सइ बहुकालो एवं सीयंति रज्जकज्जाइं । रत्तो निच्चं पि जिणिंदमदिरे चिट्ठमाणस्स ॥५१७४॥  
 तह अप्पदुइज्जाए तुज्ज वि देहम्मि जायए ब्राहा । उव्विद्वुए सुइरं जिणभवणे चिट्ठमाणीए ॥५१७५॥  
 तो कामरई जंपइ जिणमित्तकिमेत्थ कोरए इन्हि । सो आह सेमजिणहरनिवहे जुगवं कुणह पूयं ॥५१७६॥  
 सा वयइ जुगवमेवय सव्वेसुं मेसचेइयहरेसु । पूयाकरणं दुक्करमहकीरइ तह वि कह गंतुं ॥५१७७॥  
 मक्किज्जइ तेसु सयं जिणमित्तो भणइ अत्थिह उवाओ । पुच्छइ देवी सो केरिसो त्ति तो आह सो एवं ॥५१७८॥  
 एक्कम्मि जिणाययणे सयं तुमं चिट्ठ समएसु पुणो । नियपडिविवाइं ठवेहि देवि सा वेइ मह सत्ती ॥५१७९॥  
 नत्थि पडिविब्रकरणे जिणमित्तो भणइ संपइ नवाइं । कारेमि न ताइं अह पुव्वं पि कयाइं चिट्ठंति ॥५१८०॥  
 पुत्तेहि तुज्ज सा भणइ कह मए ताइं नेय नायाइं । जिणमित्तो वेइ तुमं मुणसि मए ताइं कहियाइं ॥५१८१॥  
 देवी जंपइ जिणमित्त एयमच्चब्भुयं तुमं भणसि । ता कहसु सिग्घमेवय फिट्ठइ मह जेण संदेहो ॥५१८२॥  
 सो भणइ देवि! पढमं परिणीया वज्रकुंडलेण तुमं । तयणंतरमेगूणं भज्जा सय पंचगं तेण ॥५१८३॥

परिणीयं देवि तओ एगूणाइं पि पंचविसयाइं । निवभज्जाणं ताणं तुह पडिबिवाइं भुभन्ति ॥५१८८॥  
 देवी पभणइ एव कयम्मि आराहिओ हवइ सुमिणो । आमं ति सो वि जंपइ अह तं पडिवज्जिउं दवी ॥५१८९॥  
 जिणमित्तं भणइ पुणो कारेहि इमं नरिदपासाओ । सेसाणं देवीणं दावेऊमं समाएसं ॥५१८९॥  
 अह जिणमित्तो देवि अणुन्नवेऊण उट्टिउं एइ । रत्तो पासे साहेइ तस्स देवीए पडिवयणं ॥५१८९॥  
 अह राया जिणमित्तं कंचुइणा सह समग्गदेवीणं । पासम्मि पेसिऊणं आएसं दावए एयं ॥५१८९॥  
 जह कामरइ देवी पूयइ जिणमंदिरेसु पडिमाओ । तुब्भे वि कुणह पूयं एक्केक्के चेइयहरम्मि ॥५१८९॥  
 जह केत्तिओ वि धम्मो तुम्हं पि हू जायए पभायम्मि । ता संवहिउं वच्चह उट्टिउंसुं जिणहरेसुं ॥५१९०॥  
 पडिवत्ते देवीहि पूओवगरणजुयाउ सव्वाओ । पेसइ ताउ पभाए पुढो पुढो जिणहरेसु निवो ॥५१९१॥  
 इय निव्वत्तियपुओ सव्वेसु वि जिणहरेसु जुगवं पि । राया गमेइ कालं आराहतो तिवम्मं पि ॥५१९२॥  
 उण्णत्तकहियपूरियडोहलया सा वि कामरइदेवी । अइगरुयपमोयजुया सुहंसुहेणं वहइ गव्भं ॥५१९३॥  
 समयम्मि तओ पसवइ पुत्तं पउमदलदीहनयणजुयं । अइ पवररुयवंतं नियदेहपहाहयतमोहं ॥५१९४॥  
 वद्धावयअंतेउरजणस्स दाउं जहिच्छियं दाणं । कारइ वद्धावणयं समग्गनयरम्मि नरनाहो ॥५१९५॥  
 सम्माणिय मयलजणं बारसमे वासरम्मि पुत्तस्स । सुमिणाणुसारि नामं पयावदेवो त्ति ठवइ निवो ॥५१९६॥  
 अह वड्डइ सो कमसो निवभवणे पंचधाइ परिगहिओ । समयम्मि कलायरियस्स अप्पिओ गहियसव्वकलो  
 पत्तो जोव्वणलच्छि निवेण परिणाविओ सुह्वाण । कन्नाणं अट्टसयं महानरिदेहि जायाणं ॥५१९८॥  
 ठविओ जुवरायपए रत्ता दिन्नो य तस्स बहुदेसो । वित्थारियजसपसरो निय जणयं सेवए एमो ॥५१९९॥  
 अह वज्जकुंडलनिवो नाऊणं रज्जभारवहणखमं । पुत्तं पयावदेवं रज्जे ठविउं समीहेइ ॥५२००॥  
 गहिउं वयं मयं पुण चित्तं भवसख्खमइविरसं । सुमरंतो मरणं तारिसं च तं कामदेवस्स ॥५२०१॥  
 पालइ रज्जमकामो निव्विन्नो भीमभवनिवासस्स । पडिवालितो एतं तहाविहं कं पि मुणिपवरं ॥५२०२॥  
 सो वज्जनाहिसाहू दुक्करतव-चरणवारिपूरेण । पक्खालियकम्ममलो संपत्तो सासयं सोक्खं ॥५२०३॥  
 तयणु सुजसो वि सूरी पडिबोहिय भविय-कमल-वणसंडो । ठविऊण नियट्टाणे विमलजसं नामगणनाहं ॥५२०४॥  
 तव-दवहुयासणेण डहिऊण असेसकम्मवणगहणं । अवगाढो गयबाहं सासयसुहसागरमगाहं ॥५२०५॥  
 इय जणपरंपराए सुणिऊणं वज्जकुंडलनिवो वि । संसारासारत्तं पइक्खणं भावइ मणम्मि ॥५२०६॥  
 अह विमलजसो सूरी विहरंतो गंधमायणपुरम्मि । पत्तो कमेण चउनाणसंजुओ तम्मि समयम्मि ॥५२०७॥  
 सोऊण तं समागयममयरसेणेवसित्तसव्वंगो । निज्जाइ वज्जकुंडलनरनाहो ज्जत्ति नयराओ ॥५२०८॥  
 गंतूण तत्थ सूरि वंदइ आणंदगलियनयणजलो । उवविसिउमुच्चियदेसे पढमं चिय पुच्छइ सरुवं ॥५२०९॥  
 सुजसाणं सूरीणं निय पिउणो वज्जनाहिमुणिणो य । विमलजससूरीणो वि हू सवित्थरं तस्स साहेत्ति ॥५२१०॥  
 नियमत्थयम्मि दोन्नि वि हत्थे आरोविऊण तो राया । कुणइ पणामं पहरिसगलंतबहुबहलबाहजलो ॥५२११॥  
 जंपइय जहा दुहमयभवप्पवंचाउ मोइओ अप्पा । दोहि वि भयवंतेहि तेहि महासत्तवंतेहि ॥५२१२॥  
 जं ते सासयसोक्खं संपत्ता एत्तिण मह तोसो । तेसि पायापणया पुणो मए जं न तं दुक्खं ॥५२१३॥  
 ते आगया य बहुसो सुजसमहासूरीणो इह पुरम्मि । सह वज्जनाहिमुणिणा करुणापीऊसजलनिहिणो ॥५२१४॥  
 कित्तु तथादेसेसुं इयरनरिदाण चालणत्तिमित्तं । अम्हे परिब्भमंता तेण न तहंसणं जायं ॥५२१५॥

अन्नेमु वि देसेसुं ते मृणिणो विहरिया दयानिहिणो । जत्थ म्हे वच्चंता तत्थ परं तेन संपत्ता ॥५२१६॥  
 सो अम्हं चिय दोसो कम्मस्स सुहंतरायजणगस्स । न ह् च्चितामणिसंगो कया वि जायइ अउत्तस्स ॥५२१७॥  
 तेहिं सयं नियठाणे ते तुम्हे ठाविया गुणममुहा । अम्हाण ते वि तेसि तुल्ला अहवा दि अम्भहिया ॥५२१८॥  
 मेहस्स उन्नयस्स व तुह मग्गं मह पलोयमाणस्स । इन्दि मणिनाह गया बहुदियहा दुहियहिययरस ॥५२१९॥  
 तुह पायपंकयाणं इन्दि आगमणसवणसमकालं । तं मह दुहं पलाणं पलोयणं ताण कि भणिमो ॥५२२०॥  
 नाह मणोरहबीयं जं मह हिययम्मि वावियं आमि । एत्तियकालं संपड तं तुह आगमणसवणणं ॥५२२१॥  
 अंकुरियं पल्लवियं दंसणओ संपयं कुसुमियं व । पहु दिक्खादाणणं तं सहलं कुणह् इन्दि तु ॥५२२२॥  
 अह विमलजसो सूरी आह इमं वज्जकुंडलनरिदं । संसारम्मि असारं इम्मि दुक्खाणं खाणिम्मि ॥५२२३॥  
 सोक्खस्स लवो वि खणं पि नत्थि चउसु वि गईसु जीवाणं । मोत्तूणं मोक्खमेक्कं सोउणं भिज्जइ नरभवम्मि ॥  
 लद्धूणं वि मणुयभवं मोत्तूणं मोक्खसाहणोवायं । जे तुच्छं विसयसूहं सेवता तं गमेति मूहा ॥५२२५॥  
 ते तस्स महामूढस्स सालिसा होति वियलियविवेया । दहिऊणं चंदणं जो करेइ इंगालवाणिज्जं । ॥५२२६॥  
 ता उच्चियमिणं काउं तुम्हाणं विवेयवंतपुरिसाणा । जुत्तो न कालखेवो बहुविग्घं होइ जं सेयं ॥५२२७॥  
 सो वज्जकुंडलनिवाणुमग्गलग्गं समागयं तत्थ । अतेउरं पि मव्वं पासनिमव्वं गुणइ एयं ॥५२२८॥  
 तेण वि विन्नत्तो वज्जकुंडलो मेइणीसरो एवं । अम्हं वि दिक्खं डाउं चरणे विन्नवह् सूरिस्स ॥५२२९॥  
 तुम्हेहिं विमुक्काणं अम्हाणं वि नत्थि का वि अन्नगई । जो चैव तुम्हं मग्गो अम्हेहिं वि सोणुतव्वो ॥५२३०॥  
 सूरीहिं सयंचियं जंपियं तओ एवमेव तुम्हं पि । जुत्तो विसेसओ पुणं निवम्मि एवं कुणंतम्मि ॥५२३१॥  
 ओरोहेणं समं चियं राया हरिसियमणो समुट्ठेउं । तमिऊणं सूरिचरणे विग्घं पत्तो नियावायं ॥५२३२॥  
 आमंतिऊणं पुत्तं पयावदेवं पयासए तस्स । नियासिप्पायं पयाणं तह् पालणोवायं ॥५२३३॥  
 सो वज्जकुंडलनिवो सुहे म्हुत्तम्मि तस्स अहिसेयं । रज्जपए निव्वत्तं पवित्ररेणं गुम्भरेण ॥५२३४॥  
 अह सो पयावदेवो य्हानरिदत्तणं समणुपत्तो । रायाइसयललोएणं पणमिओ परमविणएण ॥५२३५॥  
 अह सो वि तक्खणे च्चियं निक्खमणत्थं नियस्स जणयस्स । कारेइ रयणकंचणं-रूपमयाणेगकलमेहिं ॥५२३६॥  
 अहिसेयमंगलूहणं-विलेवणं दिव्व-वत्थपरिहाणं । नाणाविहरयणाहरणभूमणं कुसुमसंजमणं ॥५२३७॥  
 इयं कारियसिगारं आरोहेऊणं कंचणरहम्मि । सिरिवज्जकुंडलनिवं एमेवतेउरं तस्स ॥५२३८॥  
 पविभत्तेसु रहेसुं आरोवेऊणं रइयसिगारं । मत्तगईदारूढो अणुगच्छंतो स परिवारो ॥५२३९॥  
 राया पयावदेवो कारियपूयो जिणिदभवणसु । दीणाणाहाईणं दावित्तो विविहदाणाइं ॥५२४०॥  
 बंदीहिं पढिज्जंते गिज्जंते मंगले कुलवहूहिं । ठाणट्टाणे पमयाउलेहिं कीर्त्तपेच्छणए ॥५२४१॥  
 नेउ सयं समप्पइ सूरिस्सं विहीए देइ सो दिक्खं । जिणमिन्नाइजणाणं मएहिं पंचहिं मट्टनिवग्गं ॥५२४२॥  
 कामरइ पमुहाणं पंचण्हसयाणं रायभज्जणं । मिक्खविउं मणिकरियं पवत्तिणीए ममप्पेइ ॥५२४३॥  
 अज्जाणं पंचसए मूणीणं ते धरइ अप्पणो पासो । राया पयावदेवो साक्यधम्मं पयज्जेइ ॥५२४४॥  
 अह वंदिऊणं सूरिं समग्गपरिवारसंजुयं तत्तो । राया पयावदेवो पयाइनिययम्मि पासाम् ॥५२४५॥  
 अह वज्जकुंडलमुणीं सिद्धंतमहिज्जए गुम्समीवे । कामरई पमुहो वि ह् आगममज्ज गणो पट्टइ ॥५२४६॥  
 राया पयावदेवो पइदियहं वंदए समागंतुं । सूरिं मपरियणं महं नवदिक्खियजणय-जणणीहिं ॥५२४७॥  
 अह विमलजसो सूरी ठाऊणं कइ वि वामरे तत्थ । विहग्गं अन्नत्थं तओ नियपग्गारेणं संजुत्तो ॥५२४८॥

अन्नं वि ष्टु कडवि द्विणे अज्जाओ तत्थ संवसेऊण । वदिज्जंतियो निवेण जंति तत्तो विहारम्मि ॥५२४९॥  
 पन्नाइ उज्जमेण य विणाएण य वज्जकुंडलणगारो । निय नामं व समग्गं दुवालसंगं कुणइ सिग्गं ॥५२५०॥  
 अणुओगमणुक्काउं ठावेऊणं च गणहर-पयम्मि । तह् जिणमित्ताइयं समप्पिऊणं च परिवारं ॥५२५२॥  
 देसेसु त्रिमज्जइ वज्जकुंडलं गणहरं विहारेण । विमलजसो सूरिवरो सयं पि अन्नत्थ विहरेइ ॥५२५२॥  
 अह वज्जकुंडलणी अप्पाणं संजमेण य तवेण । भावेमाणो नाणाविहदेसेसुं विहरिऊण ॥५२५३॥  
 पडिन्नोहभणगाणं काऊणं भवियकमलसंडाणं । नाऊण सुयवलेण नियडे निय आउपज्जंतं ॥५२५४॥  
 ठविऊण नियठाणे तहाविहं कं पि गुणगणनिहाणं । अणगारं तस्स गणं समप्पिऊण समग्गं पि ॥५२५५॥  
 काऊण विचित्तेणं तवेण संलेहणं मरीरस्स । कोहाइकसायाण य नीलम्मि नगम्मि गंतण ॥५२५६॥  
 पच्चक्खिऊण भत्तं मासं दियहाण अणसणं काउं । पाओवगमणपुव्वं कालं पत्तो समाहीए ॥५२५७॥  
 कप्पम्मि वंभलोए उपपन्नो सुरवरो महिड्डीओ । दससागरोवमाऊ तत्थ वि भुंजइ विउलभोए ॥५२५८॥

इय मिरिमुणिसुव्वयजिणिदचरिए मिरिसिरिचंदसूरिविरइए पंचमं छट्ठं च भवगहणं समत्तं  
 सिरिमुनिसुव्वयजिणिदस्स सप्तमो भवो

सिरिवम्मकुमार चरियं—

पंचमओ तह छट्ठो मिरिमुणिसुव्वयजिणिदचरियम्मि । कहिओ मए भवो सत्तमं तु इन्हि पवक्खामि ॥५२५९॥  
 एत्थेव जंबुईवि भारहवायम्मि दाहिणे अद्धे । मज्झिम-खंडे वर-गाम-नयरनियरेहिं संकिन्नो ॥५२६०॥  
 देसो अत्थिं गमिद्धो सुगमिद्धो मयलमेइणीवलए । नामेण सुरसेणो कणेहिं सूरौ बहुविहेहिं ॥५२६१॥  
 जलयागमग्ग समए घणमालासामलस्स गयणस्स । परिभमिरबलायावलयकलियबहुमज्जभायस्स ॥५२६२॥  
 उव्वहइ मिरि पसरियतवहरियं जत्थ मेइणी वलयं । महरं वियरंतअणेयधवलनोमंडलाइन्नं ॥५२६३॥  
 सरए सियदभ-निव्वरतहंगणाभोयविव्वभमं वइइ । नवकलम-सालि-तंदुल-रासीहिं कुडुम्बिखलभूमी ॥५२६४॥  
 हेमंतम्मि महाहिमहया वि संधिज्जए कमललच्छी । जत्थ जलागयजुवई वयणेहिं खणं सरवरसु ॥५२६५॥  
 सिसिरम्मि काणणाणं तलेसु घणपडियपन्नपूरेसु । सिहरेसु नवगुणवहलपल्लवूलसियसोहेसु ॥५२६६॥  
 चंकमणकिलेताणं मज्झन्हादिणिदत्तवियपहियाण । अकयपयत्ताण वि होंति सत्थरासीयलच्छाया ॥५२६७॥  
 महुरा वि परह्यरवा जत्थ वसंतम्मि तरुणपहियाण । संभरिय-पिययमा जपियाण उव्वेयया होंति ॥५२६८॥  
 गिम्हम्मि वि उम्हघणे दिया वि दीहरपहे वि पहियजणो । आसन्नासन्नजलासयम्मि न कुणइ जलुव्वहणं ॥५२६९॥  
 ठाणट्ठाणा वारियसत्ते लव्वंतमणहरा हारे । नाणाविहासु देसियकुडीसु संपत्तसुहवासे ॥५२७०॥  
 मोहंधमणुयकारियकामुयजणदइयकामसत्तेसु । जुवइजणसंगमसुहे मुहाए संपज्जमाणम्मि ॥५२७१॥  
 आरोग्गमालनिव्वहे सव्वच्चिगिच्छं गगणसमाइन्ने । नीरोगी कीरंतेसु सायरं रोगिपुरिसेसु । ॥५२७२॥  
 इय सव्वपयारेहिं जम्मि समुप्पज्जमाणदेहसुहा । चिरपवसिया वि पहिया नियगेहसुहस्स न सरंति ॥५२७३॥  
 इय एवमाइवहुगुणसुहए देसम्मि अत्थि पुरी । चंदउरी नामेण रमणिज्जा अमयनयरि व्व ॥५२७४॥  
 बहु वुहगुरु-कडरिमिगणसहिया हसइ व्व जा सुरिदउरि । एककेक कइगुरुवुहं समन्नियं मत्तहिं रिसोहिं ॥५२७५॥  
 देसे कत्थइ जं अत्थि किं पि सव्वं पि वत्थु तं तत्थ । कप्पतरुलयाए इव पाविज्जइ पुत्रवतेहिं ॥५२७६॥  
 तं नयरिं परिवालइ राया नरपुंगवो जयप्पयडो । अनिवारियकरपसरो सया विवाएय चावे य ॥५२७७॥  
 विधउरिउकरडिधडकरडपाडणप्पयडपोरिसप्पसरो । पसरंतसियजसोहो सोहोहामियतियसनाहो ॥५२७८॥  
 सव्वावरोहपवरा तस्स नरिदस्स सहयरी आसि । पुन्नसिरी नामेणं पुन्नससिच्छायमुहकमला ॥५२७९॥  
 तीए समन्निओ सो महान्तिदो विरायइ जणम्मि । मयरदुओ व्व नियभारियाए समलंकियो सक्खं ॥५२८०॥  
 पंचप्पयारनिरुव्वम-विसयसुहासत्तमाणसाण तओ । जिणधम्मरयाण य ताण वासरा अइगय । बहुया ॥५२८१॥

अह अत्रया निसाए नियवासहरम्मि रयणरइयम्मि । पजलंतमणिपईवप्पहा पहा वोसरियत्तिमिरे ॥५२८२॥  
 नवणीयाउ वि अडमउयफासमुह्यम्मि रम्मसयणिज्जे । पुन्नसिरीदेवीए सुत्ताए पच्छिमे जामे ॥५२८३॥  
 मियवत्थ-सियविलेवणसिय-कुसुमाहरण-भूसियसरीरा । सुमिणम्मि सिरी दिट्ठा वियसियसयवत्तसमवयणा ॥  
 इय जंपंती जं तुह वम्महसमरुवधारओ पुत्तो । उत्तमसत्तनिवासो भविस्सई सव्वगुणजुत्तो ॥५२८५॥  
 तं दट्ठं पडिबुद्धा सा हरिसुब्भिन्नवहलरोमंचा । नरपुंगवस्स रत्तो पुरओ गंतूण साहेइ ॥५२८६॥  
 सोऊण सो वि तीसे तं वयणं नियमणे कयाणंदो । सुमिणस्स फलं साहइ जं मं गुणजुत्तपुत्तस्स ॥५२८७॥  
 तं नरवइणो वयणं अहिणंदंती पुणो पुणो देवी । तयणुन्नाया वच्चइ साणंदमणा नियं भवणं ॥५२८८॥  
 सा तत्थ रयणिसेसं गुरुदेवकहाहिं अइपसत्थाहिं । गमइ जहा तिद्दाए न पामए कुसुमिणं किं पि ॥५२८९॥  
 अह वज्जकुंडलसुरो चइऊणं बंभलोयकप्पाओ । पुत्तत्तेणुववन्नो तीसे देवीए गव्भम्मि ॥५२९०॥  
 गव्भस्स तस्स पुत्तोदएण रत्तो असेसरज्जम्मि । सव्वपसत्थपयत्थाण पगरिसो पइदिणं होइ ॥५२९१॥  
 नरपुंगवस्स रत्तो पुव्वं जे के वि पत्थिवा गरुया । संगरसंरंभेण वि पणिवायमुवागया ने य ॥५२९२॥  
 ते सव्वे विसयं चिय संधिं काऊण सेवमावन्ना । पुन्नसिरिदेवीगव्भाणुभावओ तस्स सहस त्ति ॥५२९३॥  
 तइए मासम्मि तओ संजाओ डोहलो इमो तीसे । न्हाय-विलित्ताहं जइ सव्वत्तमरइयासिगारा ॥५२९४॥  
 आरुद्धा मत्तमहाकरिम्मि सिरिधरियधवलवरच्छता । वीइज्जंती चामरजूएण ससिजुण्हूरुइरेण ॥५२९५॥  
 चउरंगिणीए सेणाए परिगया सव्वचेइयहरेसु । वरसुरहिकुसुमनिम्मासियाउ पूयाउ पेक्खामि ॥५२९६॥  
 तह सिधाडग-वच्चर-चउक्क-तिग-पमुहसव्वमग्गोसु । नयरीए वियरंती दीणाणाहाण दाणाइं ॥५२९७॥  
 इच्छाए पयच्छामित्ति जाणिऊणं तओ नरिदेण । पूरियडोहलया सा सुहंसुहेणं वहइ गव्भं ॥५२९८॥  
 अह वइद्धंतो कमसो सो गव्भो पइदिणं पि पीणेइ । लायन्नविसेसुज्जलजणणीए अंगुवंगाइं ॥५२९९॥  
 तं गव्भमुव्वहंती पुन्नसिरी सहइ सा महादेवी । अंतो निहित्तुपुन्निदुबिबसरयव्भमाल व्व ॥५३००॥  
 पडिपुन्नेसु दिणंसुं पसत्थतिहि-वार-करण-नक्खत्ते । जोगे लभो य सुहे उच्चट्टाणट्टियगिहेसु ॥५३०१॥  
 पसवइ सुहेण पुत्तं वियसियसयवत्तपत्तसमनेत्तं । सरयव्भविप्पमुक्कं मयंकिंबं व पडिपुन्नं ॥५३०२॥  
 उज्जोयंतं नियदेहदित्तिपसरेण सूइभवणस्स । अब्भंतरं समग्गं पि भुवणवल्यस्स व विसालं ॥५३०३॥  
 तं पेक्खिऊण सहसा पहाविया सुवयणा तओ दासी । उमुयपयसंचारा रणंतमणि-नेउरसणाहा ॥५३०४॥  
 अक्कंताणं अम्हं अइवियड-नियंबिबिभारेण । वेगेण गमणसत्ती न विज्जए सामिणी तओ तं ॥५३०५॥  
 सणियं सणियं अम्हे पुरओ चालेहि इय भणंति व्व । तीसे चरणामु महुररणंतमणिनेउरमिसेण ॥५३०६॥  
 गुरुत्थणभारक्कंतं भज्जिस्सइ त्ति तुह किसं मज्झं । इय वारइ व्व रणिरा रसणा तं सिग्घगमणाओ ॥५३०७॥  
 अहसा गइवेग-समुल्लसंतघणसासरुद्धहियया वि । गंतूणं वद्धावइ नरनाहं पुत्त-जम्मणेण ॥५३०८॥  
 अमयरससेयसरिसेण तीए वयणेण तेण नरनाहो । अंकुरिय-पहरिसायारजायरोमं पव्भारो ॥५३०९॥  
 नियदेहाओ ओयारिऊण नीसेसमाहरणभारं । तीसे चेवय कंठे आरोवइ भार भग्गो व्व ॥५३१०॥  
 कारियवद्धावणओ वित्थरओ तीए सव्व नयरीए । जह जोग्गं सम्माणियनीसेसज्जणो तओ राया ॥५३११॥  
 बारसमवासरे सुमिणदंसणस्साणुसारओ नामं । मिरिवम्मो त्ति नरिदो ठावइ पुत्तस्स अह तस्स ॥५३१२॥  
 तज्जणणीए दिट्ठा सुमिणम्मि सिरी जओ तहा तीए । वम्महसरिसो पुत्तो होंतो तीसे समाइट्ठो ॥५३१३॥

अह सो पंचहिं धाडहिं परिगओ पइदिणं पि वड्ढंतो । नवससहरो व्व गयणे भवणे नरपुंगवनिवस्स ॥५३१४॥  
 नीसेसनरिदजणस्स खीरनीरायरम्मि व मणम्मि । सलिलस्स व कल्लोले हरिसस्स पवित्थरं नेइ ॥५३१५॥  
 संचरइ कराउ करं महगघरयणं व थेवकयमुल्लं । सिरिवम्मकुमारो निवजणस्स विम्हयपवन्नस्स ॥५३१६॥  
 अह जपिउं पवत्तो अब्वत्तक्खरगिराहिं सो कुमरो । संजणइ परमसोक्खं कस्स ण सवणंतरालेसु ॥५३१७॥  
 तं चिय संभासंतो अवरोहजणो खणं न विरमेइ । नियसट्टविणिज्जियमत्तकोडलावेणुवीणरवं ॥५३१८॥  
 अवरोहसुंदरीणं सोउं तस्सेव वयणमहिलासो । सिद्धिलीकयसुय-सारियविहंग-पाढणपयत्ताण ॥५३१९॥  
 निरुवमरूवं नवणीयमउयफासं सुगंधिनीसासं । परहुय-सुमहुर-सइं सिरिवम्मकुमारमणवरयं ॥५३२०॥  
 नयणेहिं निहालंतो आलिंगंतो य निययहियएण । नासाए नीसासं अग्घायंतो य तह तस्स ॥५३२१॥  
 सवणेहिं निसुणंतो वयणं नरपुंगवाइरायजणो । सुहमिदियाण पावइ तेणेवकेण वि चउन्हं पि ॥५३२२॥  
 कणयघडियम्मि सगडे नाणाविहरयणजालजडियम्मि । अह सो लग्गकरग्गो चंकमणविलासमब्भसइ ॥५३२३॥  
 अइकोमलाइं सुहलक्खणाइं अहिणवकइ व्व संकंतो । सणियं सणियं ठावइ पथाइं सिरिवम्मवरकुमारो ॥५३२४॥  
 इयपइदिणं कुणंतो कमेण चंकमणपच्चलो जाओ । सो कत्थइ अविलग्गो वि कुट्टिमे चलइ लीलाए ॥५३२५॥  
 कुंकुम-रमच्छडासेयसोहिरे कुट्टिमम्मि मणिबद्धे । तम्मि चलंते कुमरे पयपडिंबिबे सुउट्ठंति ॥५३२६॥  
 सत्थिय-सरोय-कलस-च्छत्तायाराइं लंछणवराइं । काइं पि जाइं तेसुं घणसाररणे रेहाओ ॥५३२७॥  
 अवरोहवहूओ पूरयंति कोऊहलेण सिक्खेउं । तारिसरूवाइं सयं पि जेण जाणंति आलिहिउं ॥५३२८॥  
 नाणावन्नमहामणिविणिम्मिएहिं तुरंगमाईणं । पडिरूवेहिं जहिच्छं अह सो कीलइ निवकुमारो ॥५३२९॥  
 कुमरो परिप्फुडक्खरवाणीए जंपिरो जया जाओ । न तथा कस्सइ सो जंपिऊण विरमंतओभिमओ ॥५३३०॥  
 नियकणयपंजराणं पासे कुमरस्स संचरंतस्स । गिहकीर-सारियाओ कुणंति बहुचाडुवयणाइं ॥५३३१॥  
 तप्पडिवयणायन्नणसयन्हिययाउ कंखमाणीओ । सिक्खेउं तस्स परिप्फुडक्खरुच्चारसक्कारं ॥५३३२॥  
 चउ-पंच-वरिसजम्मो सिरिवम्मो जाव सो निवकुमारो । जाओ ताव उरब्भं, तरुणं आणाविउं राया ॥५३३३॥  
 चारेऊणं हरियं जवाइयं कारिऊणं बलवंतं । मुहदिन्नलोहकडियालियं च हत्थे गहियवग्गं ॥५३३४॥  
 एककेणं पुरिसेणं दक्खेणं भूमिसंठिएणेव । कारियं चंकमणसमं जाणावियं वग्गसंचारं ॥५३३५॥  
 परिकम्मिऊण एवं कंचणकवियं मुहम्मि दावेउं । कयपट्टसुत्तवग्गं आरोवियपवरपल्लाणं ॥५३३६॥  
 आयडिडय पट्टाड्ढं कंठंमि कणंतकिकिणीजालं । चउसु वि चरणेसु तहा वज्जिरसंजमियघग्घरियं ॥५३३७॥  
 आरुहणत्थं अप्पइ तं सिरिवम्मस्स तस्स कुमरस्स । कयसिगारो सो वि हु तत्थारुद्धो परिब्भमइ ॥५३३८॥  
 पासायपंगणे दसुदिसासु पासट्टिएहिं पुरिसेहिं । धारिज्जंतो आसणत्थेज्जत्थ कइ वि दियहाइं ॥५३३९॥  
 तयणंतरं सयं चिय आरोहइ तत्थं अवरपुरिसाण । साहेज्जेण विणा वि हु वाहेइय तं जहिच्छाए ॥५३४०॥  
 पुरओ धावंतेहिं समाणजम्मैहिं सेवयसुएहिं । दाहिणकरग्गसंठियमसिकसिणियकट्टुखग्गोहिं ॥५३४१॥  
 वामकरुप्पाडियखेडएहिं इयचाडुयं भणंतेहिं । जयजीवनंदसुइरं अवहारह आसणं कुमर ॥५३४२॥  
 अवरोहचारिणीओ दासीओ पइखणपि तस्सुवरि । उत्तारिऊण लोणं खिवंति सव्वासु वि दिसासु ॥५३४३॥  
 दक्खा खज्जूराईणि खाइमाइं तहा बहुविहाइं । तस्सुवरि भमाडेउं खिवंति तह चेव सव्वत्तो ॥५३४४॥  
 मोत्तूण खग्गखेडयजुयलाइं महीयलम्मि अह तुरियं । सेवयडिभा अहमहमियाए धावंति गहणत्थं ॥५३४५॥

तसि दक्खाईणं दक्खा गिन्हंति ताइं केवि लहूं । तो ते तह धावंते दट्टूणं ह्मइ सो कुमरो ॥५३४६॥  
 पासाओवरि भूमीए संठिओ तं तहा पयारेण । पहसंतं नियकुमरं निज्जाएऊण नरनाहो ॥५३४७॥  
 पुगी-फल-फालीहिं हियए हणित्तं वरोहदासीओ । उड्डं अवलोयंतीउ तज्जेए ताउ दिट्ठीए ॥५४४८॥  
 तो ताउ विसेसेणं आणावेउं फलाइं विविहाइं । काउं निउंछणाइं कुमरस्स खिंविं दूरम्मि ॥५३४९॥  
 एवं पकीलमाणो पइदियहं बहुविहाहिं कीलाहिं । कइयावि कोउएणं अमोगवणियाइमु पयाइ ॥५३५०॥  
 सो नरपुंगववरनाहनंदणो तत्थ रायहंसाणं । तणएहिं ममं कीलइ मुइयमणो अप्पसरिमेहिं ॥५३५१॥  
 सुविसुद्धो भयपक्खेहिं महर-सहेहिं सुंदरगईहिं । कमलाहारेहिं तहा निम्मलमाणम कयरईहिं ॥५३५२॥  
 दियहंतरेहिं वड्डे देहो कुमरस्स तस्स चरिएहिं । हरिसो निवस्स हियए गेहे विहवो य पुत्तेहिं ॥५३५३॥  
 अह तं नाऊण निवो कलगहणो य वयम्मि वट्टंतं । पेसेऊणं पुरिसं हक्कारावइ कलायरियं ॥५३५४॥  
 जयसम्मं नामेणं संपत्तो एस तक्खणे चैव । उज्जाओ संजुत्तो पुत्तेणं चंडसम्मणे ॥५३५५॥  
 अह तं पुहईं नाहो आसण-फल-फुल्लदाणमाईहिं । सम्माणेऊण पमन्नवयणकमलो वयइ एवं ॥५३५६॥  
 तुम्हे देहेण ददा ठिया तओ भणइ जोडियकरग्गो । जयसम्मो उज्जाओ अज्जेवददत्तमुवजायं ॥५३५७॥  
 देहे मणे य अम्हं संजाए तुम्ह दंसणे देव । अह राया जयसम्मं बेइ जहा अवहिया भुणह ॥५३५८॥  
 तुम्हाण पुव्वपुरिसा कमेण आरब्भसुबहुकालाओ । अम्हं पुव्वनिवाणं कलाण उव्वएसया जाया ॥५३५९॥  
 इन्हि पुण अम्हाणं तुम्हाण य कह वि विउलपुत्तेहिं । अम्ह सिरिवम्मकुमरो कुलप्पईवो समुण्णो ॥५३६०॥  
 जोग्गो य कलागहणस्स संपयं चिट्ठए इमो जाओ । तो कम्मि वि सुहृदियहे एयं नेऊण सयमव ॥५३६१॥  
 अम्हे तुम्हं सगिहट्टियाण सिग्घं समप्पइस्सामो । जह कह वि गुणारूढो होइ इमो तह करिज्जाहिं ॥५३६२॥  
 तो जयसम्मो एयं तह त्ति पडिवज्जेए निवइवयणं । अह राया तंवालं दावेऊणं सकण्णूरं ॥५३६३॥  
 जयसम्ममुवज्जायं विसज्जेए सायरं स पुत्तं पि । उट्ठेउं हिट्टमणा गिहं गया ते वि पिइ-मुत्ता ॥५३६४॥  
 हक्कारावइ गणयं राया तं पुच्छिऊण तक्कहियं । ओज्जायरम कहावइ दियइं तेणणुमए तम्मि ॥५३६५॥  
 तिहि-वार-करण-नक्खत्त-जोगलग्गोसु सोहणेमु तओ । कीरंतमंगलेहिं कंचण-ग्यणाडकलपट्टि ॥५३६६॥  
 क्रयमज्जणं विलित्तं अहिणक्कोसीसचंदणरसेणं । कयसेयक्कुमुम-सेहरमुज्जलमुनियत्थवरवत्थं ॥५३६७॥  
 अइविमलथूलमुत्ताहलाण हारेहिं भूसियसरीरं । तुहिणायत्तं व विलमिरपुत्तिमसरउंदुकर-नियरं ॥५३६८॥  
 तं आरोवइ राया नियमुच्छंगं करिदमारूढो । सिरधरियधवलछत्तो इलंतमियचाम्पपीलो ॥५३६९॥  
 करि-तुरय-रहारूढेहिं संति-सामंत-मंडलवईहिं । परिवारिओ समंता अणेषपाइक्कलक्कंवि ॥५३७०॥  
 सिरिवम्मलेहसाला पवेसमायन्नऊण तं सब्बो । धावइ नयरस्स जणो निरिक्खणत्थं दुयगईए ॥५३७१॥  
 मग्गम्मि अमायंतो उभओ भागेसु भवणपंतीसु । आरूढो अवलोयइ दुइज्जतइयाइभूमिसु ॥५३७२॥  
 नरनाहसीहदाराउ पभिइजयसम्ममंदिं जाव । आवण-गिहाइं मग्गो नरनारिमयाइं जायाइं ॥५३७३॥  
 भक्खाइं जाइं काइं वि फलाइं नारंग-दक्खमाईणि । ओल्लाणि य सुवकाणि य तेमि भरियाइं थालाइं ॥५३७४॥  
 पुरिसाण य महिलाण य सिरिसु ठवियाइं पिट्ठो जंति । अवरोहवड्डनारी जतो य वक्खइ रहारूढो ॥५३७५॥  
 सामग्गीए इमाए नरपुंगवपत्तिवो नियगिहाओ । सिरिवम्मकुमरसहिंओ संचलिओ रायमग्गम्मि ॥५३७६॥  
 अंबरकुहरं पूरंतएहिं तूरेहिं तारसहेहिं । वज्जंतैहिं दूरयरपसरिएहिं पडिरवेहिं ॥५३७७॥

आहवमाणेहि दिमिवहूओ वेणेण लेहसालाए । पयिसंतस्स महूसवदंसणहेउं निवसुयस्स ॥५३७८॥  
 उट्टामसट्टवदियणवदंधीसिज्जमाणुणनिवहं । अच्छरसासारिच्छयकुलवहूकयमंगलुगारं ॥५३७९॥  
 ठाणट्टाणपगच्चंतपवरपमयाउलेहि कयहरिमं । गायंतमुहरगायण-गायणिरवदिन्नकन्नसुहं ॥५३८०॥  
 जीवउ पुत्तंसमं तरपुंगवपत्थिवो चिरंकालं । उच्चाइनयर-नारीजणाण वयणाइं सुणंतो ॥५३८१॥  
 पत्तो कमेण जयसम्ममदिरद्वारदेसपासम्मि । वंदणमालाकलिए ऊसियमियअयवडाडोवे ॥५३८२॥  
 थंभग्ग-पलंविरे-वेवत्तामरुपील-विलसिर-सिरीए । विमलायं सपडिप्फलियदिणयरालयपजलंतं ॥५३८३॥  
 पवणविधट्टुणरण्णिरिकिकिणीजालमुहलियदियंतं । पत्थं तिच्चसकुमरं पत्थिवमंतो पवेसत्थं ॥५३८४॥  
 चंदण-रगकयटिककय-मंगल-कलसेहिं सलिल-पुत्रेहिं । सयवत्त-पिहाणेहिं अवलंबियकुसुममालेहिं ॥५३८५॥  
 उभओ भागे ठविएहिं सोहिए तत्थ चिट्टुइ नरिदो । जाव खणंता जयसम्मगेहिणी संमुहा पत्ता ॥५३८६॥  
 कइवयकुलनारीहिं मंगलगेयं पकुव्वमाणीहिं । करकयअक्खय-वत्ताहिं पवरनेवच्छधारीहिं ॥५३८७॥  
 तह नियपुत्तवहूए समन्निया सुप्पसन्नमुहकमला । जयविजयप्पमुहाओ आसीसाओ पयच्छंती ॥५३८८॥  
 रायकुमारभिम्हे दोहिं त्रि हत्थेहिं तिन्निवाराओ । पक्खिविऊणं ससि-संखउज्जले अक्खए तत्तो ॥५३८९॥  
 जोडियकरा पयंपइ देवो पकरेउ आरओ विजयं । मउलियहत्थो अह वयइ पत्थिवो कीरण एवं ॥५३९०॥  
 उज्जायभारियाए अह पुरओ पट्टियाए नियगेहे । दारस्स मज्झ भाए पविसइ राया कुमरसहिओ ॥५३९१॥  
 चंदण-रगच्छडासेयपसमियासेसंपसुमुहयम्मि । कयपंचवन्नकुसुमप्पयरेण विरायमाणम्मि ॥५३९२॥  
 पट्टुविऊणं पुरिसं पडिसिद्धो आसणाउ उट्ठंतो । जयसम्मो नरवइणा ठिओ आसणे चैव ॥५३९३॥  
 सालगणीलग्गे गयवरम्मि सिरिवम्मसंजुओ राया । तत्तो ओयरिऊणं पविसई द्वाइसरी भवणे ॥५३९४॥  
 पुव्वं कारियपूयं तप्पडिमं पूइऊण पुण राया । परिहावइ पट्टुणं सेएण महग्घमुल्लेणं ॥५३९५॥  
 तप्पुरओ ढोयावइ फलपडिपुत्ताइं विउलथालाइं । तीसे उभओ पासे पुंजीकयपोत्थयाइं तओ ॥५३९६॥  
 पूएउं परिहावइ अह नमिउं वंदिउं च तं देवि । नरनाहो स कुमारो निग्गतुं एइ बाहिम्मि ॥५३९७॥  
 जयसम्मउवज्जाओ उवविट्ठो जत्थ चिट्टुए ठाणे । विरडयमणुन्नवेसो परियरिओ सीसवग्गेण ॥५३९८॥  
 दट्ठूण पत्थिवं तत्थ आगयं मोत्तुमेकमुज्जायं । नीसेसा विहु सीसा समुट्टिया कयनिवपणामा ॥५३९९॥  
 पुव्वठविश्रामणेषुं उवविट्ठा पत्थिवाइणो सव्वे । जह जोग्गं सिरिवम्मो कुमरो पणमइ गुरुपएसु ॥५४००॥  
 सिक्खविओ नरवइणा वत्थाहरणाइं ढोयए तस्स । वामनिविट्टुस्स तहा पुत्तस्स वि चंडसम्मस्स ॥५४०१॥  
 अवरोहवड्डनारी आभरणजुयाइं पवरवत्थाइं । जयसम्मभारियाए सवहुए ढोयए नेउं ॥५४०२॥  
 दोन्हं पि कणिट्टाणं माहवमइ-वद्धणाभिहाणाणं । पुत्ताणं जोग्गाइं समप्पए पवरवत्थाइं ॥५४०३॥  
 एक्केक्कं कणयमयं दोरं तह कंकणाण जुयलं च । तंबोलं च पयच्छइ कप्पूरदलेहिं संजुतं ॥५४०४॥  
 भूसन्नाए राया तंबोलं दावए सधणसारं । जयसम्म-चंडसम्माण सीसवग्गस्स तह चैव ॥५४०५॥  
 जयसम्मवामपासे पुरओ उच्चियासणम्मि ठवियम्मि । सिरिवम्मकुमारो उवविसइ जयसम्मवयणेण ॥  
 अह नरपुंगवराया जयसम्मं वयइ एरिसं वयणं । एस सिरिवम्मकुमारो अम्हेहिं समप्पिओ तुम्हं ॥५४०७॥  
 आरोहेयव्वो तह गुणेषु तुम्हेहिं तो इमो इन्हिं । जह अम्ह मणोरहपूरणक्खमो जायए जत्ति ॥५४०८॥  
 तो जयसम्मो निवइं पयइ जहा को मऊरअंडाइं । चित्तेइ कोवसंखं धवलेइ सहावसियवन्नं ॥५४०९॥  
 उत्तमकुलप्पसूयाण जायए जं सहावसंसिद्धो । सव्वो वि गुणकलावो निमित्तमेतं गुरु होइ ॥५४१०॥



मइवद्धणो वि कारियवरसिगारो कुमारपासम्मि । आगंतूण निसीयइ तम्मि खणे सजणयाणाए ॥५४११॥  
 काऊण नमोक्कारं पढमं सव्वण्णुणो ति जयगुरुणो । पच्छा सरस्सईए देवीए परमविणएण ॥५४२२॥  
 तेसि दोन्हंपि, तओ, पयच्छए माइयाए परिवार्डि । जयसम्मउवज्जाओ परिप्फुडुच्चरियवत्तेहि ॥५४१३॥  
 एवं दुइयं तइयं वारं दाऊण ताण परिवार्डि । जाव चउत्थं वारं उज्जाओ दाउमारद्धो ॥५४१४॥  
 ता पडिसेहेऊणं पुहईनाहेण जंपियं एयं । उज्जाय पुच्छ कुमरं तुहागया माइया नो वा ॥५४१५॥  
 उज्जाएण तह च्चिय पुट्ठो कुमरो पयंपए एवं । पढमाए चेव इमा परिवार्डीए ममायाया ॥५४१६॥  
 तो विम्हयं पवन्नो उज्जाओ भणइ पढ कुमर सयं । पढिया कुमरेण तओ फुडक्खरा अय्यनिया जत्ति ॥५४१७॥  
 सीसं धुणिऊण तओ जयसम्मो पुच्छए नियं पुत्तं । अवहारिया तए कि मइवद्धणमाइया एमा ॥५४१८॥  
 सो भणइ संपयं चिय चउत्थ वारं पढंतए कुमरे । चिट्ठइ मज्ज वि एसा समागया माइया ताय ॥५४१९॥  
 पिउणो आणाए तओ पढिया तेण वि फुडक्खरा तह य । तो जयसम्मो दंसइ लिहिऊणं पट्टए वत्ते ॥५४२०॥  
 गुरुणो वयणेण तओ तहेव कुमरो वि वन्न-समवायं । सव्वं पि लिहइ पट्टे सुद्धावयवं विगयसंको ॥५४२१॥  
 अच्चवभुयमवहारणसत्ति इट्ठूण तस्स जयसम्मो । एक्केक्कस्स वि वन्नस्स दंसए णे य संजोए ॥५४२२॥  
 वन्नंतरसरसहिए वयणुच्चारणेण संजुए लिहिउं । तस्सणुलगो कुमरो तह चेवुच्चारए लिहए ॥५४२३॥  
 सव्वे वि विम्हियमणा पहाणपुरिसा नरेसरस्स तओ । उत्तारयंति कमसो कुमरस्सुवरि निउंछणयं ॥५४२४॥  
 अवरोहवुड्ढनारीजणावि ओयारिऊण लूणाइं । कड्ढंति भालवट्टे तस्स समीटिक्कयाइं तओ ॥५४२५॥  
 तो जयसम्मो जंपइ वण्णुच्चारम्मि ताव कुसलत्तं । संपन्नं सव्वक्खरसंजोयजुए वि अइपवरं ॥५४२६॥  
 नायर-लिवीय जाया इमस्स अइरेण परिचिया सव्वा । सेसाओ वि लिवीओ दंसियमेत्ताउ गिन्हेइ ॥५४२७॥  
 परिमिन्हि अइवेला जाया कुमरो वि भुक्खिओ होही । तो मुच्चउ अवसेसं पुणो पभायम्मि भणियव्वं ॥  
 अन्नं च अज्ज पढमं दियहं तो एत्थ थंवओ चेव । पारंभो कीरंतो संजायइ खेमजणओ ति ॥५४२९॥  
 एक्केण तओ भणियं तत्थ नरिदस्स नम्मसच्चिवेण । उज्जाय तओ तुमए अप्पारंभो कओ एसो ॥५४३०॥  
 अन्ने पोढा वि नरा जं न अहिज्जंति चउहिं मासेहि । तं तेत्थिय घडियाहि वि तए इमो पाढिओ कुमरो ॥५४३१॥  
 तेण वयणेण सव्वे निवपुरिसा नियमणम्मि हसिऊण । तत्तो मोणेण ठिया वारइ दिट्ठीए तं च निवो ॥५४३२॥  
 तो जंपइ उज्जाओ इय तं परिहासजंपिरं पुरिसं । सव्वं चिय भो एयं अन्नावेखाए तुह वयणं ॥५४३३॥  
 कुमरं तु पडुच्च असच्चमेव जम्हा इमस्स पन्नाए । एग पए च्चिय सव्वं भणियव्वं होइ सत्थं पि ॥५४३४॥  
 धन्नेगमाणगस्स उ आहारो होइ जस्स पुरिसस्स । तस्सेग पाइलीए अप्पाहारत्तणं हवइ ॥५४३५॥  
 धन्नस्स सेइयाए भुत्ताए होइ जस्स पुण तित्ती । तस्सेगमाणगेण वि भन्नइ आहारथेवत्तं ॥५४३६॥  
 जह एयं किर एवं सत्थारंभे वि तह मुणेयव्वं । पन्नाए माणेणं सत्थारंभस्स थंवत्तं ॥५४३७॥  
 जयसम्मणेण कुमरो पुट्ठो जह वच्छ ! तंसि अइ व्हिओ । कुमरेण तओ भणियं अज्जे व्हुहं नेय जाणामि ॥५४३९॥  
 एवं चिय जाणेहं जइ अज्ज वि कि पि सुव्वए तुम्ह । पभणताणं वयणं एत्तो उट्ठिज्जए नेय ॥५४३९॥  
 कुमरस्स इमं वयणं जयसम्मो नरवरो य सोऊण । अइपरमपमोएणं पूरियहियया दुयं जाया ॥५४४०॥  
 अह जयसम्मो निवइं वयइ जहा देव ! अन्नजम्मम्मि । पढियाउ समग्गाओ कलाओ चिट्ठंति कुमरेण ॥५४४१॥  
 एयम्मि पुणे जम्मे चित्तेयव्वाउ केवलमिमाओ । जह अज्जदिणंअहीयं को वि हू चितइ दिणे वीए ॥५४४२॥  
 आरोगं मग्गामो केवलमेयस्स देव ! कुमरस्स । चिट्ठंति सयं सिद्धा अन्ने सव्वे वि पढणगुणा ॥५४४३॥

एत्थंतरम्मि तत्तो समुट्टिऊणं गओ सजणणीए । वसम्मि माहवो तेण पत्थिया भोयणं एसा ॥५४४४॥  
 तीए भणियं पुत्तय ! लहुए नियभाउयम्मि छुहियम्मि । तुह ममुचियं न भोत्तुं जेटुस्स सहोयरस्स तओ ॥५४४५॥  
 तेण भणियं मए सो आहओ परमुवागओ ने य । तो जणणीए भणियं किं सो चिट्ठइ पकुव्वंतो ॥५४४६॥  
 तेण भणियं न किञ्चि वि एमेव य सो म्हाइं पासंतो । चिट्ठइ उज्जाय-निवाण भासमाणण अन्नोन्नं ॥५४४७॥  
 तीए पुण सो भणिओ निहयं हक्कारिऊण आणेहि । मइवट्ठणसिरिवम्मो दोन्नि वि तं मज्झ वयणेण ॥५४४८॥  
 जेण तए सह ते वि हु दोवि कुमारा करंति कि पि लहुं । भोयणमेत्तं जह पित्तदूसणं दीवए ने य ॥५४४९॥  
 अह माह्वेण गंतुं ते पत्तेयं पि कन्नलगणेण । भणिया दोन्नि वि जुगवं उज्जायमुहं पलोयंति ॥५४५०॥  
 उज्जायस्स वि तो माह्वेण होऊण कन्नमूलम्मि । साहियमेयं तेणावि ते दुवे सन्निया तत्तो ॥५४५१॥  
 मइवट्ठण-मिरिवम्मा समुट्टिया इत्ति तो निवकुमारो । रत्तो मुहम्मि दिट्ठि खिवइ तओ वेइ उज्जाओ ॥५४५२॥  
 रत्ता संपइ अम्हं समप्पिओ तस्मि तो तए भणियं । अम्हं चिय करणिज्जं रत्तो वि सयं भणंतस्स ॥५४५३॥  
 उज्जायवयणमेयं समत्थियं पत्थिवेण तो इत्ति । दो वि चलिया कुमारा पडिसेहेउं इमं भणिया ॥५४५४॥  
 जयसम्मेणं तुब्भे गिन्हह पढमं सरस्सई सेसं । तीसे पभावओ जह विसेसओ होइ तुम्ह सुयं ॥५४५५॥  
 देवी पडिमाए पुरओ आणावेऊण केत्तियाइं च । सीसाण समीवाओ थालाईं तेसि मज्जाओ ॥५४५६॥  
 एक्कं वक्खा थालं अप्पेउं पेसिओ नरो एक्को । तेहिं समं भज्जा सोमसिरीए समीवम्मि ॥५४५७॥  
 सा भाणियाय एवं पढमं पि इमं सरस्सई सेसं । दाऊण कुमाराणं दायव्वं भोयणं सेसं ॥५४५८॥  
 तेसु गएमु तत्तो नीसेसाइं पि सेसथालाईं । पविभंजिउं पयच्छइ सेसाणं सब्बसीसाणं ॥५४५९॥  
 तो जयसम्मेण पुणो पारद्धा पत्थिया कहा कहिउं । नरपुंगवस्स पुरओ पुहइवइणो जहा देव ! ॥५४६०॥  
 विज्जागहणम्मि समुज्जयस्स पुरिसस्स दस गुणा होति । पंचेवयबाहिरिया अन्धितरया वि पंचेव ॥५४६१॥  
 आरोग्गबुद्धिविणया उज्जमसत्थाणुरायनामाणो । पंचवि अन्धितरया बाहिरया पुण इमे अन्ने ॥५४६२॥  
 पोत्थयमायरिओ तह निवासठाणं सहाय आहारो । एएमु बुद्धिपमुहा चिट्ठंति गुणा नव कुमारे ॥५४६३॥  
 गंभीरया गुणो पुण बालस्स वि को वि निरुवमो चव । एयस्स देवगुणमंदिरस्स सिरिवम्मकुमरस्स ॥५४६४॥  
 कंठागए वि जाए जं एसो माइयाए पाढम्मि । गिन्हइ दिज्जंतीओ परिवाडीओ थिरप्पगई ॥५४६५॥  
 पुट्ठेण तओ कहियं कंठगया मज्झ माइया जाया । परिवाडीए भंगभएण अक्खियं न उण सयमेव ॥५४६६॥  
 इच्चाइकुमरपन्नाइ गुणगणं तस्स वन्नयंतस्स । जयसम्मस्स तरिदो निमुणंतो जाइ नो तित्ति ॥५४६७॥  
 एत्थंतरम्मि पत्तो तत्थ कुमारो वि भोयणं काउं । अह सो निवेण भणिओ वच्छ ! तुमं चिट्ठु एत्थेव ॥५४६८॥  
 आराहंतो निय गुरुपयाइं गिन्हंतओ कलानिवहं । जइया एस विसज्जइ तइया तं निय गिहं एही ॥५४६९॥  
 इय सिकखविउं कुमरं मोत्तूणं तस्स सन्निहाणम्मि । परिवारं च समुचियं सहियं अवरोहदासीहिं ॥५४७०॥  
 जयसम्मेण वि कुमरस्स दंसियं मंदिरं चउदुवारं । सययं निवासठाणं दो भूमीयं सुवित्थिन्नं ॥५४७१॥  
 तो उट्टिऊण रत्ता सयमेव पलोइयं इमं गंतुं । जयसम्मो वि समं चिय नरवइणा तत्थ संपत्तो ॥५४७२॥  
 भणिओ इमो निवेणं उज्जायनरिदमंदिरसमाणं । गिहमेयं अन्नेहिं वि भूसियं भूरिभवणेहिं ॥५४७३॥  
 आह तओ जयसम्मो कलिगदेसाउ आगओ आसि । को वि पुरा निवपुत्तो तस्स निमित्तं तओ एयं ॥५४७४॥  
 तुम्हाण पुव्वपुरिसेण केणई कारिऊण से दिन्नं । ठाऊण इह चिरं सो पिउणा हक्कारिओ पच्छा ॥५४७५॥  
 रज्जोव्वेसणत्थं गओ सदेसम्मि ठाविओ रज्जे । तो अम्ह पुव्वपुरिसस्स पत्थिवेणं इमं दिन्नं ॥५४७६॥

जयसम्ममणुन्नविउं कुमरं मोत्तूण तस्स पासम्मि । नरपुंगवो नरिदो पत्तो निययम्मि पासाए ॥५४७७॥  
 सिरिवम्मकुमारो वि हु गुरुविणयं पइदिणं पि कुणमाणो । समुच्चियपडिवत्तीए विणयवग्गं च रंजंतो ॥५४७८॥  
 कयउज्जमो अहिज्जइ कलाकलावं गुरुवएसेण । एग्गधारियमणो इंदियमोक्खस्स निरवेक्खो ॥५४७९॥  
 आगंतूणं नरपुंगवस्स पुहईसरस्स पासम्मि । कुमरसरीरपउत्ति निच्चपि कहेइ परिवारो ॥५४८०॥  
 कुमरसमीवाओ समाभयाण पुरिसाण सत्तिहाणम्मि । सो त्रि अउव्वमउव्वं वत्थुं पेमइ कुमरजोगं ॥५४८१॥  
 जं किं पि वत्थुसारं उवेइ तं सव्वमेव सो कुमरो । उज्जायस्स समप्पइ उज्जाओ किपि जं देइ ॥५४८२॥  
 तस्सुवरोहं काउं तं पि हु सो गिन्हिऊण निय हत्थे । माह्वमइवद्वणपभिइयाण वियरइ वि भंजेउं ॥५४८३॥  
 पुन्नसिरी वि हु जणणी नियदासीणं समप्पिउं पासे । कइया वि किचि किचि वि जं पेमइ कुमारपाआगं ॥५४८४॥  
 तं पि हु पुव्वुत्तेणं विहिणा सव्वं पि नेइ उवओमं । इय तत्थ तस्स चिट्ठंतयस्स कुमरस्स छम्मासा ॥५४८५॥  
 समइक्कंता तत्तो चिंता नरपुंगवस्स नरवइणो । संजाया जह इन्हि कुमरं गंतूण पेच्छामो ॥५४८६॥  
 तो पुरिसं पेसेउं पुरओ जाणावए नियागमणं । उज्जायस्स सयं चिय उच्छा वच्चइ गिहे तस्स ॥५४८७॥  
 कयसमुच्चिय पडिवत्ती तत्थ निसीयइ तओ नरवरिदो । भूमिलियजाणुकरयल-सिरेण पणओ कुमारेण ॥५४८८॥  
 हरिसभरनिवभरंगो समुट्ठिओ पणमिऊण जा कुमरो । ताव नरिदेण पसारिऊण नियवाहपरिहज्जयं । ॥५४८९॥  
 आलिगिओ मुनिविडं हियएण समंतओ खणं एक्कं । उच्छंमम्मि समारोविऊण पुट्ठो सरीरमुहं ॥५४९०॥  
 तेण य पणयसिरेणं जोडियहत्थेण तो इमं भणियं । ताव तुह पायपंकयपसायओ मज्झ निच्च सुहं ॥५४९१॥  
 तो विणय-वयण-विज्ञास-रंजिओ तं निवो नियवकाओ । ओयारिऊण आइसइ आसणे उवविम नियम्मि ॥५४९२॥  
 रायाएसाणंतरमेव तओ आसणम्मि निययम्मि । उवविसिऊणं जोडियकरो ठिओ सो निवाभिमुहो ॥५४९३॥  
 अह नरपुंगवराया जयसम्मं पुच्छए उवज्जायं । किं किमहीयं कुमरेण संपयं पढइ किं एसो ॥५४९४॥  
 तो जयसम्मो साहइ ससंभमो नरवरस्स जह देव । पढमं कला नीसेसा कया कुमारेण साहीणा ॥५४९५॥  
 आईए लेहकला पज्जंते सउणरुयकला होइ । जं एस कमो कहिओ कलाण बावत्तरी एवि ॥५४९६॥  
 तो विमिहएण भणियं नरवइणा उज्जमेण एएण । सेस कलाउ पडिस्सइ कुमरो केवइय कालेण ॥५४९७॥  
 जावुत्तरं करिस्सइ जयसम्मो ताव नम्मसचिवेण । नरवइणो मणभावं विवरीयं जाणमाणेण ॥५४९८॥  
 सहसच्चिय संलवियं एवं जह देव ! एत्तिए कहिए । नायं मए सयं चिय पुरओ जावइय कालेण ॥५४९९॥  
 सव्वाणं पि कलाणं भविस्सए पारगामिओ कुमरो । रत्ता भणियं साहसु तेण पलत्तं तओ एवं ॥५५००॥  
 छम्मासेणेगकला देव ! अहीया जओ कुमारेण । संवच्छरेण पडिही दो चैव कलाउ तो एस ॥५५०१॥  
 एएण लेक्खएणं कलाणं सव्वाणं पारगो होही । छत्तीसहिं वासेहिं एस कुमारो न संदेहो ॥५५०२॥  
 तो राया कयभिउडो सम्मुहुमल्लवइ नम्मसचिवस्स । जं किं चि वि ताव तए पलवंतेणेव ठायव्वं ॥५५०३॥  
 अह निय वयणदुवारे दो वि करे ठाविऊण सो इत्ति । जाणुवरि नामियमुहो कय मोगो संठिओ निहुओ ॥५५०४॥  
 तो जयसम्मो जंपइ जेणभिपाएण गणियमेएण । तेण नियमेण जायइ ताव इयं कालपरिमाणं ॥५५०४॥  
 नरपुंगवेण भणियं मणियं एएण नियमणे एवं । जं किर अक्खममाणो बेंतो चिट्ठइ इमं राया ॥५५०६॥  
 विमहइए ण मए पुण पर्यपियं एरिसं जओ मज्झ । मासेहिं दसेहिं एसा पढमकला अवगया सम्मं ॥५५०७॥  
 माया मह सालगओ कुणंतओ उज्जमं सयं पि अहं । उज्जाओ सविसेसं उच्छाहंतो ममं पढणे ॥५५०८॥

उज्जायस्स वि एमो अभिपाओ आसि निय मण तइया । जइ जणयस्साणाए वच्चइ नरपुंगवो कहवि ॥५५०९॥  
 तुरियं त्रियं पियवामे एत्तो अगिहीयं सक्कणपडलो । थेवेण वि तो एसा मम कित्ती होइ अन्नस्स ॥५५१०॥  
 तह वि हु मए गहीया लेहकला थोव उण वरिसेण । एमो छम्मासेण वि जं पढिओ तं इमं चोज्जं ॥५५११॥  
 अह जयसम्मो पभणइ जइ सेच्छाए लहंतओ पडिउं । एसो चउमासेण वि तो लेहकलं वियाणंतो ॥५५१२॥  
 अहं चेत्र य एयं चक्खुभएणं परं न सिग्घयरं । पाढेमो किं तु जहा सुहेण वेहस्स लीलाए ॥५५१३॥  
 ता तुभं किं पि इमं पुच्छहं सेच्छाए जहं कहइ एसो । तो रत्ता सो पुटओ दुसु तिसु ठाणंसु तिसमेसु ॥५५१४॥  
 कुमरो अंसकियमणो जहद्वियं सक्कमेव साहेइ । तो रंजिएण रत्ता दिन्नो पट्ठीए तस्स करो ॥५५१५॥  
 भणियं च जहा एसा पढमच्चियदुग्गमा कला होइ । एयाए नायाए सेसकलाओ सुनेयाओ ॥५५१६॥  
 लेहकलमनाऊणं जो सेसकलाओ ईहए नाउं । सो मगाइ चिरगयअहिपयाइं नियितमसिसलिलम्मि ॥५५१७॥  
 अह वयइ नम्मसच्चियो जइ देवो देइ मज्झ अच्छलियं । तो हिययगयं अट्ठं उज्जायं कं पि पुच्छामि ॥५५१८॥  
 तो पत्थिवेण भणियं अच्छलियं चैव तुज्झ सयकालं । दिन्नं चिट्ठइ अहंहेहि पुच्छ ता तं जहिच्छाए ॥५५१९॥  
 अह सो जंपइ जह मज्झ ताव पढणं कलाण दूर गयं । एयम्मि भवे तह वि हु जाणामि इमाण नामाइं ॥५५२०॥  
 नाम परिघ्राणेण वि जेण अहं इयरलोयमज्झम्मि । जाणंतयं व जाणावयामि अप्पाणयं परमं ॥५५२१॥  
 ता काऊण पमायं उज्जाओ कहउ ताइं मह इन्दि । अह जयसम्मो जंपइ सुणेहि सम्मं कहेमि जहा ॥५५२२॥  
 लेहं गणियं रूवेइ नट्टइ तह गीयं वाइयं चैवइ । सरगयं पोक्खरगयं समतालं जूयं च १० जणवायं ॥५५२३॥

११पासयगय १२ अट्ठावय १३ पोरेकव्वं १४ तहेव दगमट्ठी १५ । अन्नविही १६ पाणविही १७ वत्थविहि १८  
 विलेवण-विहीय १९ ॥५५२४॥  
 सयणविही २० तह अज्जा २१ पहिलिया २२ मागहीय २३ गाहा य २४ । गीईया य २५ सिलोगो २६ जत्तीओ  
 य कणयाण २७-२८ ॥५५२५॥  
 तह चुज्जजुत्ति २९ आभरणविही ३० तरुणीयणस्स पडिकम्मं ३१ । थो ३२ नर ३३ हय ३४ गय ३५ गोणाण  
 लक्खणं ३६ कुक्कुडस्स तहा ३७ ॥५५२६॥  
 अह छत्त ३८ डंड ३९ असि ४० मणि ४१ कागणि संबट्टलक्खणाइं च ४२ । तह वत्थुविज्ज ४३ खंधारमाण ४४  
 नगरस्स माणं च ४५ ॥५५२७॥  
 वूहं ४६ पडिवूहं ४७ तह चार ४८ पडिचार ४९ चक्कवूहाइं ५० । गरुल ५१ मगडाण वूहं ५२ जुज्झ ५३ निजुज्झाइं  
 तह चैव ५४ ॥५५२८॥  
 जुज्झाइ जुज्झ ५५ लट्ठी ५६ मुट्ठी ५७ बाहू ५८ लयाण जुज्झाइं ५९ । ईसत्थ ६० रुपवायं ६१ धणुवेय ६२ हिरत्त-  
 पागो य ६३ ॥५५२९॥  
 पागो उ सुवन्नस्स य ६४ वट्ठिय खेइं च ६५ सुत्तखेइं च ६६ । नालियखेइं ६७ तह पत्तछेज्ज ६८ कडछेज्ज ६९  
 सज्जीवं ७० ॥५५३०॥  
 निज्जीवं ७१ सउणरुयं ७२ इमाइं नामाइं सत्थ भणियाइं । तुज्झ मए कहियाइं कलाण बावत्तरीए वि ॥५५३१॥  
 तेण कहिज्जंताइं वि कलाण नामाइं भुज्जखंडम्मि । एयाइं समग्गाइं वि लिहिऊण करम्मि गहियाइं ॥५५३२॥  
 पुण किं पि जंपिऊणं जयसम्मेणसमं पुहइनाहो । तमणुत्तविउं वच्चइ निय पासायं सपरिवारो ॥५५३३॥

सिरिवम्मकुमारो वि हु पयचारेणं गिहस्स जा दारं । अणुगंतूणं पियरं तयणुत्ताओ नियत्तेइ ॥५५३४॥  
 गृह आणा परतंतो ह्वइ नरिदो वि गंतुमवरोहं । पुन्नसिरीदेवीए पुरओ साहेइ जह अज्ज ॥५५३५॥  
 अम्हे कुमारपासे आसि गया पटइ सो पयत्तेण । निच्चं समाहियमणो ददो य बाढं सरीरेण ॥५५३६॥  
 तो देवीए राया विन्नत्तो देव ! तुम्ह आएसो । जइ होइ अहं पि तओ गंतुं पेच्छामि सिरिवम्मं ॥५५३७॥  
 अह रत्ता सा भणिया देवि ! कुमारस्स ताव चित्तम्मि । अम्हाणं तुम्हाण य न वट्टए दंसणुक्कंठा ॥५५३८॥  
 पढणासत्तमणो सो मन्नइ सव्वं पि अंतरायं व । संभासणमन्नेसि सिणेहजुत्ताण वि जणाण ॥५५३९॥  
 पडिबोहिऊण एवं देवि पुहईसरो सकज्जेसु । जाओ पसत्तचित्तो इय काले केत्तिए वि गए ॥५५४०॥  
 विन्नत्तो देवीए पुणो वि नरपुंगवो महाराओ । जह कुमरदंसणकए अरई बाढं मह मणम्मि ॥५५४१॥  
 तो रत्ता पुन्नसिरीदेवी भणिया मए सह तुमं पि । कुमरस्स दंसणत्थं पभायसमयम्मि गच्छेज्जा ॥५५४२॥  
 नरवइणो तं वयणं सोऊणं तक्खणे वि सा देवी । आणंदपूरियमणा जाया सुयदंसणासाए ॥५५४३॥  
 बीय दिणे पेसेउं पुरिसं जाणावए नियगमणं । जयसम्मस्स नरिदो सयं पि वच्चइ तयणु तत्थ ॥५५४४॥  
 पुन्नसिरी वि हु देवी रायाएसेण पिट्टओ एइ । जंपाण समारूढा बहुदासीवग्गपरियरिया ॥५५४५॥  
 जयसम्मगिहम्मि तओ वियणं काऊण जवणियं दाउं । मज्झम्मि समोइत्ता अह सा जंपाण मज्झाओ ॥५५४६॥  
 कयसमुच्चियपडिवत्ती सोमसिरीए तओ निसत्ता सा । बाहिम्मि आयरक्खेहिं रक्खिए नयरसंचारे ॥५५४७॥  
 देवीए पेसविया दासी वच्चइ कुमारपासम्मि । जयसम्मस्स निवस्स य पासे सो चिट्ठइ निविट्ठो ॥५५४८॥  
 भणिओ सो दासीए कुमार ! तुह दंसणत्थमिहदेवी । चिट्ठइ उज्जायगिहम्मि आगया एहि तं तत्थ ॥५५४९॥  
 दोच्चं तच्चं पि इमं भणिओ वि न जाव जंपइ कुमारो । तीए तो विन्नत्तो नरपुंगवमेइणीनाहो ॥५५५०॥  
 आइसह देव ! कुमरं जह देवि पणमए इमो गंतुं । रत्ता भणियं मुद्धे ! न मुणसि किं एत्तियं पि तुमं ॥५५५१॥  
 जदियहाओ पभिइं अम्हेहिं समण्णिओ इमो कुमरो । एयस्स उवज्जायस्स तट्ठिणाओ समारब्भ ॥५५५२॥  
 कुमरम्मि अम्ह आणा पयट्टए ने य का वि तो इन्दि । उज्जायमणुन्नविउं नेहि कुमरं जणणिपासे ॥५५५३॥  
 तीए तहेव काउं नीओ जणणीए अंतिए कुमरो । काऊण पणामं दूरओ वि भूमिलियजाणुसिरो ॥५५५४॥  
 उट्ठंतो देवीए गाढं आलिगिओ मुयं तीए । आणंदजलं नणुप्पलेहिं अंके तओ ठविओ ॥५५५५॥  
 परिचुंबिओ य सीसे भणिओ य जहा कहं तुमं पुत्त ! एग पए च्चिय जाओ अइ निट्ठुरमाणसो एवं ॥५५५७६॥  
 जं अम्ह दंसणकहामेत्तं पि तए कयावि ने य कयं । मज्झम्मि एत्तियाणं समइक्कंताण दिवहाणं ॥५५५७॥  
 अम्हे पुण तुह दंसणविरहानलडज्जमाणहिययाइं । एक्कं पि खणं न लहंतयाइं नियमाणसम्मि रइं ॥५५५८॥  
 देवीवयणेणिमिणा बाहोल्लियलोयणो खणं होउं । तुन्हिक्को चेव ठिओ कुमरो ओणयमुहो किं पि ॥५५५९॥  
 देवीए दट्ठूणं कुमारवयणं जलोल्लनयणंतो । नियउत्तरीयवत्थंचलेण परिमज्जउं सणियं ॥५५६०॥  
 अवगूहिओ कुमारो हियएण समं पुणो वि अइगाढं । भणियं च वच्चइ! अधिइं मा काहिसि कं पि नियचित्ते ॥५५६१॥  
 इन्दि तुह मुहकमलस्स दंसणे मज्ज हिययमज्जाओ । सव्वा वि गया अरई सिता अमएण व तणु मे ॥५५६२॥  
 तो निक्खणु सो होउं पूरेहि मणोरहे सजणयस्स । गिन्हेऊण कलाओ नीसेसाओ वि सिग्घं पि ॥५५६३॥  
 इय जाव पयंपंती चिट्ठइ देवी! समं कुमारेण । ता जयसम्मस्स सुओ समागओ माहवो बाहिं ॥५५६४॥  
 हक्कारिऊण भणिया तेण तओ एवमप्पणो जणणी । अम्मो ताएण अहं पट्टविओ कुमरपासम्मि ॥५५६५॥  
 एवं ममाउ एसो भणाविओ जह समागएण तए । सह अलावं काउं इओ गमिस्सइ गिहं निवई ॥५५६६॥

ता सिग्धं चिय देवि अणुन्नवेऊण आरओ एहि । एवं माह्ववयणं सोमसिरीए तओ गंतुं ॥५५६७॥  
 कञ्जलियाए कहियं दासीए तीए अक्खियं एयं । देवीए तीए वि हृ विसज्जिओ ज्जत्ति तो कुमरो ॥५५६८॥  
 सो पणमिऊण जणणि जयसम्मसमीवमागओ तुरियं । कुमरस्स अणुपएण वि देवी संपेसिउं दासि ॥५५६९॥  
 निवमणुजाणावेउं तत्तो नियमंदिरम्मि संपत्ता । एत्थंरम्मि रत्ता कहंतरं पत्थुयं मोत्तुं ॥५५७०॥  
 जयसम्मो परिपुट्ठो कुमरेणं कइकलाओ पढियाओ । सो कहइ सुत्तओ अत्थओ य सब्वाओ गहियाओ ॥५५७१॥  
 करणेण पुण थेवाउ चेव गमियाउ परिचयमिमेण । जामु न तथा किलेसो उप्पज्जइ को वि कायस्स ॥५५७२॥  
 जुज्ज निजुज्जाइ कलाउ जाउ बहुकायपरिसमकरीओ । तासि अठ्भासो करणओ उ काही इमो इन्हि ॥५५७३॥  
 गिन्हेइ पौढिमगुणं जाव सरीरं इमस्स कुमरस्स । एक्केण अहव देहि उ गएहि संवच्छरेहि इमो ॥५५७४॥  
 संजाइस्सइ जोग्गो जेण पविट्ठस्स लेहसालाए । जायाइ पंचसंवच्छराइं मासेण अहियाइं ॥५५७५॥  
 तह अट्ठवरिसजम्मो आसि तथा तो इमेहि मिलिएहि । संवच्छराइं तेरस हवन्ति एयस्स इन्हि तु ॥५७६॥  
 अन्नाइ वि दोन्नि जया गमिही संवच्छराइं तो एसो । पन्नरसवरिसजम्मो सब्वायासक्खमो होही ॥५५७७॥  
 अह नरपुंगवराया आह जहा विमलमइ जुयस्सा वि । इयरजणस्सावेक्खाए ताव सिरिवम्मकुमरेण ॥५५७८॥  
 सिग्धं चिय गहियाइं कलाण सब्वाण चेव सत्थाइं । कि तु जह लेहसत्थं छम्मासेहि वि गहियमिमिणा ॥५५७९॥  
 तीए अवेक्खाए सेससत्थगहणं चिरेण कालेण । कुमरेण कयं मम ताव एरिसं फुरइ चित्तम्मा ॥५५८०॥  
 तुम्हाण वि कि एवं पडिहासइ अह ममेव एगस्स । इय जपियम्मि रत्ता जयसम्मो वयइ तो एवं ॥५५८१॥  
 एयस्स असत्तोए कालविलंबो न को वि संजाओ । कारविओ अज्जयणं सविलंबमिमो मए चेव ॥५५८२॥  
 देहस्स अक्खमत्तं सिग्धकला गहणओ य चक्खुभयं । एयस्स संकिऊणं कालविलंबो मए विहिओ ॥५५८३॥  
 कुमरस्स दंसणत्थं पुव्वि तुम्भे इहागया जइया । तइया उ सइलक्खणमेवासि परिफुडमिमस्स ॥५५८४॥  
 तत्थ परिक्खा चिट्ठइ पुव्वं पि कया इमस्स देवेण । इन्हि तु कव्वसत्ति परकय कव्वस्स बोहं च ॥५५८५॥  
 देवो परिक्खओ तओ कीरइ एवं ति जपिउं रत्ता । भणियं कुमारहारं कंठगयं मज्झ वन्नेहि ॥५५८६॥  
 छंदेणपुट्ठुहेणं लहुण च्चिय ताव सक्कयगिराए । आएसो त्ति भणंतो कुमरो कव्वं भणइ ज्जत्ति ॥५५८७॥  
 हारोयं ज्ञापयत्येवं, देवत्वदुरसिस्थितः । सवृत्ताः सद्गुणामुक्ता वसन्ति हृदये तव ॥५५८८॥  
 कसिणट्ठमी दिणससि दंसेऊणं नहम्मि नरनाहो । भणइ पुणो वि कुमारं किं चि वि गरुएण छंदेण ॥५५८९॥  
 वन्नेहि इमं पि तओ कुमरो पुच्छेइ काए भासाए । राया आइसइ जहा पुव्वाए चेव भासाए ॥५५९०॥  
 छंदंतरं निय मणे चित्तेऊणं खणंतओ कुमरो । सिग्धं पि भणइ कव्वं एगग्गमणे निवाइजणे ॥५५९१॥  
 नरेन्द्रशुभ्रेण यशोभरेण जितद्युतिः सन्नतिलज्जितः शशी ।  
 न चेदिदं तक्थमुज्ज्वलेऽहनि प्रकाशयत्येष न कान्तिमात्मनः ॥५५९२॥  
 तो रजिएण रत्ता भणियं अम्हेहि नो अलंकारो । निट्ठिड्ठो को वि इमस्स पढमअठ्भासकारिस्स ॥५५९३॥  
 तहं विसयं कुमरेणं सालंकाराइं दोन्नि वि कयाइं । कव्वाइं इमाइं जओ पढमे कव्वे अलंकारो ॥५५९४॥  
 भणियो सिलेस नामो दुइज्जए पुणणुमाणनामो य । तो अइदुक्करमेयं कीरंते सिग्धकव्वम्मि ॥५५९५॥  
 पढमं चिय अम्हेहि अत्थं एयस्म निट्ठिसतेहि । आसि इमं विन्नायं जं एसो चित्तिऊणं चिरं ॥५५९६॥  
 छंदपूरणमेत्तं करिस्साए जेण दुक्करं ताव । छंदरहियं पि मोक्कलसक्कयकरणं सुबहुयाण ॥५५९७॥  
 किं पुण छंदनिबद्धं तत्थ वि सवणिज्ज सइविन्नासो । तत्थ चिय अलंकारो एक्केकं दुक्करं एयं ॥५५९८॥

संसेहिं वि त्रिउसेहिं रत्तो पामम्मि सत्तिविट्ठेहि । एयं तरिदवयणं ममत्थियं तह वयंवेहि ॥५५९९॥  
 तो जंपइ जयसम्मो पाययभासाए संपयं कव्वं । कारेह देव कुभरं सिरिवम्मं आह तो राया ॥५६००॥  
 हत्थंगुलीगयं मे नीलमणिं गणयमुट्ठियाजडियं । गाहावंधेणं चिय वत्तेहि तओ भणइ कुमरो ॥५६०१॥  
 नीलमणिपहापडलं निवंगुलीयम्मि कणयरुड्ढरं । अहिणवधणवंदं पि व विज्जुलया पिमलं सहइ ॥५६०२॥  
 सोऊण इमं गाहं तरपुंगवपत्थिवो पयंपेइ । उवमालंकारजुया कुमरेण कया इमा गाहा ॥५६०३॥  
 तो जंपइ जयसम्मो निरलंकारं तरिदकुमरस्स । एक्कं पि न संजायइ वयणं तो संपयं तुव्वे ॥५६०४॥  
 अपभंस-पिसायाणं भासाए कव्वकरणमाइसह । ता विउर पंडिणं भणियं किमिमाहि भासाहि ॥५६०५॥  
 नामं पि गिज्जमाणं जासि कव्वेसु जणइ उव्वेयं । सोयाराणं दूरे तव्वामा विरइयं कव्वं ॥५६०६॥  
 एक्क चिचय पढमं सक्कयस्स वाणी बुहाण मणहरणी । उज्जा उवरोहेणं इमा वि गाहा निवणं मुया ॥५६०७॥  
 आह पुणो जयसम्मो पाडिज्जउ को वि पंडिओ कव्वं । कि पि अउव्वं विसमं सक्कयमहवा वि पागययं ॥५६०८॥  
 वक्खाणिऊण अत्थं तस्स जहा जत्ति माहए कुमरो । भूसन्नाए रत्ता तो पढणे पेरिओ विउरो ॥५६०९॥  
 सो आह कुमरकिंचि वि पढामि पन्होत्तरं पुरो तुज्ज । सक्कय भासाए कयं वेइ कुमागे पढ जहिच्छं ॥५६१०॥

अथ विदुरः पठति--

कथं संबोधयते पृथ्वी, का प्रिया पृथिवी भुजाम् । कः शक्तोऽपि क्रियामन्दः, कीदृशः स्यात्कृती नृपः ॥५६११॥  
 ततो विमृश्य कुमारः कथयति । कविलालमः--  
 तो वयइ विउर विवुत्तो कुमार एयंए परिस्सार्थं । अ वि चित्तियं पि तुरियं इहिं अन्नं निमामेहि ॥५६१२॥  
 सक्कयभासाए चिचय अहिणवपन्होत्तरं पडिज्जंतं । अट्टदत्तपउमबंधेण उत्तरं जम्म दायव्वं ॥५६१३॥  
 इत्युक्त्वा पुनरयं पठति--

को भर्ता मानुषीणां हरगलवसतिः कश्च कः स्वर्गं सखा ।  
 शब्दो वाच्यः किमुच्चः समरभुविभयं कः पुमात्रो विद्यते ।  
 स्थाप्यः कोऽधिज्य चापे जगदनभिमतः कश्च को वा नृपेण ।  
 ग्राह्यः पाश्चात्प्रजानां निगदपुरजिते कस्तु कामस्य केतुः ॥५६१४॥

एयं पि खणं वीमंसिऊण कुमरेण माणसे नियए । कहियं झड ति विउरस्स अग्गओ उत्तरं एयं ॥५६१५॥

तद्यथा--नागसुताधीशमकरः ॥

विउरेण तओ भणियं अवगयमेयं पि जं कुमारेण । तं पन्होत्तरपढणे अवगयमम्हं पि कोउययं ॥५६१६॥  
 तो वेइ चउरविबुहो न सक्कयं केवलं पडिस्सामो । पन्होत्तरमम्हे कि तु मीमियं पागयगिगए ॥५६१७॥

इत्युक्त्वा पठत्यसौ । तद्यथा--

संबोधयन्ति विबुधाः प्रधानकमलं कथं प्रकथयाशु । मयणकयज्ञाणविग्धो भण को किर केरिसो जाओ ॥५६१८॥  
 भासाचित्तयमेयं पन्होत्तरमेत्थ उत्तरं देयं । गयपच्चागयजुत्तीए कुमर परिचिचित्ऊण तए ॥५६१९॥  
 जो जीए भासाए पन्हो इह चिट्टए कओ कुमर । तीए चिचय भासाए देयं तस्सुत्तरं कमसो ॥५६२०॥

अस्यापि कुमारो विमृश्यान्नरमाह ॥ तच्चथा ॥ उत्तर-सरो रुहा ॥

चउरेण तओ भणियं एयं परिचित्तिऊण अम्हेहि । गश्यपयत्तेण कयं नायं कुमरेण लीलाए ॥५६२१॥

इत्युक्त्वा पुनरयं पठति —

पौलोमी परिपृच्छति पर्यन्तं कश्चकार गोत्रस्य । मंत्री पृच्छति नृपति जगतः को बल्लभो देव ॥५६२२॥

इदमपि ज्ञात्वा कथयति कुमारः । सचिवासवः । इदानीं चित्राङ्गदः पठति ।

का बल्लभा सर्वजगज्जनानां को वा भवेयुर्वर्णिजामभीष्टाः ॥

को वाहनं सत्वरगामिपुमां कां वञ्चकाश्चित्त-गतां वहन्ति ॥५६२३॥

किं शस्त्रनिष्पत्तिषु वस्तु मुख्यं को वा ध्वनिः स्यात्प्रतिषेध वाची ।

अन्हो निशायाश्च चतुर्थं भागः किमुच्यते बुद्धिमताभिर्वेहि ॥५६२४॥

का प्रेयसी दानवसूदनस्य सम्बोधनीयश्च तथायमेव । रसापनोदं प्रविधाय धीरैर्विधीयते को विरतौ स्फुरन्त्यां ॥५६२५॥

मानार्थमाख्याति च कोऽजघातुः संबोधनं किं कुसुमायुधस्य ।

सम्पूर्णं सर्वत्रयवबलिष्ठं करोत्यशक्तं पुरुषं जवात्कः ॥५६२६॥

आविःकुर्वन्नपि स्नेहं हितत्वं दर्शयन्न पि । विश्रंभभूमिः सुधियां कः पुमान्नोपजायते ॥५६२७॥

पंचमिलोगेहि इमं पठियं पन्होत्तरं तओ वयइ । चित्तंगओ कुमारं एयं पि वियाणियं तुमए ॥५६२८॥

जइ कह वि तओ पुणरवि पढामि पन्होत्तरं न ते पुरओ । कुमरेण तओ भणियं जइ कुणसि तुमं पइन्नमिमं ॥५६२९॥

तो हं जाणंतो वि हू न कहिस्सं उत्तरं पुरो तुज्ज । चित्तंगएण भणियं इमा पइन्ना मए मुक्का ॥५६३०॥

काऊण गुरुपसायं अम्हवरिं तुमं कुमार एयस्स । पन्होत्तरस्स उत्तरमवियप्यं चेव साहेहि ॥५६३१॥

लीलाए परिभावइ जाव कुमारो न ताव जाणाइ । तो निउणयरो होउं एगगमणो वि चित्तेइ ॥५६३२॥

तह वि हू अवियाणंतो चित्तंगयपंडियस्स पासम्मि । पुच्छइ ततावलिं सो तो इयरो कहइ एयस्स ॥५६३३॥

ता ता ततः ॥

सोऊण ततावलियं एयं इयरेहिं पासवत्तीहि । विवुहेहिं नियहियए सविम्हयं चित्तियमिणं ति ॥५६३४॥

चिट्ठंति मुवहुयाइं पन्हाइं उत्तरं तु अइलहूयं । चउअक्खरेहिं कहियं जाणिस्सइ कहइ मं कुमरो ॥५६३५॥

कुमरेण ततावलियं सम्मं परिभाविऊण नियहियए । खणमित्तेणं चिय जाणिऊण कहियं पुरो तस्स ॥५६३६॥

मायामयः ॥

सोऊण उत्तरमिणं चित्तंगयपंडिओ सिरं धुणिउं । विम्हियहियओ कुमरं पसंसए साहु साहु मई ॥५६३७॥

तुज्ज कुमारविभिन्नं जेण तए एणिं पि दुरवगमं । पन्होत्तरं तओ तुह नत्थि दुइज्जो जए मइमं ॥५६३८॥

अन्ने भणति विउरपमुद्दा सव्वे वि पंडिया नत्तो । तुट्ठोसि तुमं एकओ उत्तरसवणेण एएण ॥५६३९॥

जो जाणंतो चिट्ठसि पुव्वं पि सयं कयस्स एयस्स । पन्होत्तरस्स अट्ठं अवियाणंता पुणो अम्हे ॥५६४०॥

कह संतुडा होमो ता कुमरो अम्ह निय गृहेणेव । एयस्स कहइ अट्ठं तूसामो जेण अम्हे वि ॥५६४१॥

तो सिरिवम्मकुमारो हसिऊणं भणइ सुणह भो विउसा । सविसग्गस्स वि मायामयसइस्सेह वक्खाणं ॥५६४२॥

पंचमु वि सिलोगेसुं चोइसपन्हाइं एत्थ चिट्ठंति । अंतिमपन्हस्सुत्तरमेसो सहो समग्गो वि ॥५६४३॥

सेसाणं पुण तेरमपन्हाणं उत्तराई खंडेउं । चउरो वाराउ इमं सहं तत्तो कहिज्जति ॥५६४४॥



तत्थेस खंडणविही पयाण सव्वाण संतिओ तुम्ह । माहिज्जइ अणुकमसो एगगमणा निसामेह ॥५६४५॥  
 पढमं चि य मा सद्दो आया सद्दो तओ य सविसग्गो । मयसद्दो सत्रिसग्गो माया सद्दो स अणुमारो ॥५६४६॥  
 अय सद्दो सविसग्गो मा सद्दो या म सद्द सत्रिसग्गो । ई सद्दो य अ सद्दो तह केवलओ विसग्गो य ॥५६४७॥  
 मा सद्दो ए सद्दो आमय सद्दो विसग्गसंजुत्तो । एएमि सब्बेसि एसा ठवणा मुण्येव्वा ॥५६४८॥  
 मा१ आया२ मयः३ माया४ अयः५ मा६ यामः७ ई८ अ९ः । १० मा११ ए१२ आमयः१३

मुणितं वक्खाणमिणं विउराईया वि पंडिया सब्बे । चित्तंगओ व्व जाया पसंसगा कुमरपत्ताए ॥५६४९॥  
 अह रत्तो दासीए माहवियाए पयंपियं कुमर । जत्थ य निवडंति घणा कुणंति कि चुन्निया तत्थ ॥५६५०॥  
 एए य महाविउसा चित्तंगयमाइणो पढंति जहिं । को पढिउं अहिगारो इत्थीमेत्तस्स मम तत्थ ॥५६५१॥  
 कित्तु परं नियपियमहि गोट्टोसु गया अहं पि जंपेमि । एवं जह किर पढियं मए वि विउसाण मज्झम्मि ॥५६५२॥  
 रायकुमारस्स पुरो एगं पन्होत्तरं तओ मज्झ । कुमरनिसामेहि खणं महापसायं करेऊण ॥५६५३॥  
 कुमरेण अणुन्नाया पढइ तओ पागयाए भासाए । माहविया नियहियए मुव्वहंती गरुयहरिसं ॥५६५४॥  
 संबोहिज्जइ कुंजरो किह तहा चामीयरे कि कया । मुन्नारेहि सिरि लहंति मणिणो जच्चा वि तेयम्मिणो ॥  
 वाहि वोहसु को निसेहणझुणी सूरोहि अक्खिज्जए । धाऊ को य गई निवित्तिकहणे संडा तहा केरिसा ॥५६५५॥  
 तीईए सब्बकालं वट्टता केरिसा नरा हंति । वियरंति सूरचंदा उज्जोयंता जयं कह वा ॥५६५६॥  
 सिरिवम्मकुमारेणं एयं पि विचित्तिऊण खणमेगं । कहियं माहवियाए उत्तरमेयस्स गयणत्था ॥५६५७॥  
 अह सा उट्ठेऊण वत्थंचलमुवरिमयस्स लहं । कुमरस्स भामिऊणं पुणो निविट्ठा नियट्ठाणे ॥५६५८॥  
 तो नरपुंगवराया जयसम्मणेणं समं करेऊण । कुमरपडिबद्धमेव य कहं खणं उट्ठिउं तत्तो ॥५६५९॥  
 पुव्वपओगेणेव य निवमणुगंतूण दारदेसाओ । विणियत्तिउं कुमारो पत्तो जयसम्मपासम्मि ॥५६६०॥  
 अह वच्छराण दोन्हं पज्जंते करणओ विसेसाओ । अब्भसइ कलाओ आयरेण जा पंचवरिसाइं ॥५६६१॥  
 दसहिं वरिसेहिं एवं तीसेसासु वि कलामु निम्माओ । कायकयध्भासेण वि जाओ नरपुंगवं गरुहो ॥५६६२॥  
 तो चंडसम्मनामं जयसम्मो पेसिऊण नियपुत्तं । नरपुंगवस्स रत्तो जाणावइ एरिसं अट्ठं ॥५६६३॥  
 तह पुच्छावइ दियहं पुणो वि कुमरस्स निय गिहे गंतुं । गणयाओ नाऊणं साहइ राया वि तइयदिणं ॥५६६४॥  
 साहियदिणम्मि तत्तो पवेससमओववन्नियविहीए । निग्गच्छइ निवकुमरो जयसम्मोज्जायगेहाओ ॥५६६५॥  
 नवरं एस विसेसो जं कुमरो मत्तकरिवरकखधे । सयमेव समारूढो गहिऊणं अंकुसं हत्थे ॥५६६६॥  
 जयसम्मो उज्जाओ निवपेसियवरकरेणुमारूढो । दाहियपासम्मि ठिओ समागओ निवकुमारस्स ॥५६६७॥  
 निवपेसियहय-गय-साहणेहिं परिवेडिया तओ दो वि । कयमंगलोवयारे पविसंति नरिददारम्मि ॥५६६८॥  
 ओयरियकरेणूओ जयसम्मो विहियउच्चियपडिवत्ती । निवपासम्मि निसन्नो सिरिवम्मो उण गइंदाओ ॥५६६९॥  
 ओयरिउं नमइ निवस्स तेण आलिगिऊण सो गाढं । सीसम्मि चुं विऊण य निवेसिओ पायवीढम्मि ॥५६७०॥  
 पुट्ठो य कायकुसलं इमो वि जोडियकरो नमियसीसो । विन्नवइ निवं जह देव ! तुम्ह पायपसाएण ॥५६७१॥  
 तो जयसम्मणेणं समं कुमारकलगहणसंगयकहाओ । काऊण पीडदाणं तस्स नरिदेणं बहुदिन्नं ॥५६७२॥  
 जीए करेणुयाए आरूढो आगओ नियगिहाओ । उज्जाओ तस्सेवयसा वि विइन्ना पसाएण ॥५६७३॥  
 अह तं विसज्जिऊणं उज्जायं उट्ठिओ नरवरिदो । सिरिवम्मकुमारं पट्टवेइ जणुणोए पासम्मि ॥५६७४॥

गंतूण तत्थए सो कयप्पणामोवग्ग्हिओ तीए । परिच्चुबिऊण य सिरि निवेसिओ आसणे उच्चिए ॥५६७५॥  
 काऊण पीइपुव्वं आलावं कं पि सह सजणणीए । तयणुनाओ तत्तो नमिउं सेसाण देवीणं ॥५६७६॥  
 लद्धासीसो तासिं पासाओ निग्गओ निवसमीवं । पत्तो दिन्नं तेणा वि तस्स जुवरायधवलहरं ॥५६७७॥  
 तत्थ कयमज्जणविही आगंतुं बालसेवयजणेहिं । पणओ बहुएहिं तओ कुमरेण वि तेहिं सब्वेहिं ॥५६७८॥  
 सह आलावो विहिओ जहोच्चिओ ताण तोस संजणओ । अह पत्तनिवाएसे विसज्जिऊणं जणं सेसं ॥५६७९॥  
 नियपरियणपुरिसेहिं संजुत्तो केत्तिएहिं वि तओ सो । देवालयमज्जठियस्स पूयमाणस्स जिणपडिमं ॥५६८०॥  
 रत्तो पासम्मि गओ भत्तीए पणमए तओ पडिमं । थुणइय जह सत्तीए निवो वि पूयं करेऊण ॥५६८१॥  
 देवे त्रदेऊणं कुमरेणं समंतओ विणिक्खिमिउं । गंतुं भोवणसालाए भोयणं कुणइ सह तेण ॥५६८२॥  
 परिवारेण य सेसेण संजुओ विहिय भोयणो तत्तो । सिलियावसरं काउं विसज्जए कुमरपमुहजणं ॥५६८३॥  
 दिणसेसं गमिऊणं संज्झा समयम्मि देइ आएसं । निय सेवयपुरिसाणं जहा पभायम्मि तुब्भेहिं ॥५६८४॥  
 कारेयव्वा पूया इह नयरगएसु चेइयहरेसु । एवं काऊण तओ आगंतुं मज्झ कहियव्वं ॥५६८५॥  
 तेहिं वि तहेव काउं आगंतुं नरवरस्स विन्नत्तं । राया वि कुमरसहिओ पासइ पूयं जिणहरेसु ॥५६८६॥  
 अन्नम्मि सोहणदिणे जुवरायपयम्मि ठावए कुमरं । अइगरुयविभूईए कमागयं देइ देसं च ॥५६८७॥  
 देसम्मि निरूवेउं कुमरो मइमंदिरं सच्चिवपुत्तं । चिट्ठइ तत्थेव सयं निवइं विणएण सेवंतो ॥५६८८॥  
 वच्चइ निच्चं पि जिणिदमंदिरे पूयए य पडिमाओ । वंदइ भत्तीए तओ गुरुणो य समागए तत्थ ॥५६८९॥  
 सुणइ खणं वक्खाणं जाओ एवं कमेण अइकुसलो । जिणवयणे सिरिवम्मो करेइ कइया वि बहुगोठिं ॥५६९०॥  
 वाहइ कया वि आसे करेइ कीलं कया वि हत्थीहिं । आरूहइ कया वि रहं धावइ कइया वि पाएहिं ॥५६९१॥  
 कइया वि खग्गखेडयहत्थो कइया वि कलियकोयंडो । कुणइ कलाणव्भासं कासि पि कया वि सो कुमरो ॥५६९२॥  
 निय पासायम्मि ठिओ समं वयसेहिं कुणइ कइया वि । परिहाससुंदरकहं इय वच्चंतेसु दियहेसु ॥५६९३॥  
 वम्महकेलिकुलहरं कमेण नवजोव्वणं समणुपत्तो । सुविभत्तसव्वदेहं वित्थरियविलासलायन्नं ॥५६९४॥  
 जह जह सरीरसोहा पसरइ तह तह गुणा वि सविसेसं । पसरंति तस्स भुवणे जाया मरिसव्वअणुदियहं ॥५६९५॥  
 पसरताणं तेसिं च दाउमवयासमहिलसंतेहिं । दुज्जणयणवयणेहिं संकुइयं ज्जत्ति सव्वत्थ ॥५६९६॥  
 तस्स ससिणो व्व गुणकिरणपसरणा सत्तु-मित्त-निवनिवहा । कमल-कुमुयायरा इव संकुइया वियसिया तह य  
 जो को वि सेवयजणो नरिदसामंतमंडलियपमुहो । नरपुंगवस्स रत्तो पविसइ दारम्मि सो सव्वो ॥५६९८॥  
 सेसो य जणो न कयाइ जाइ जो रायसन्निहाणम्मि । सो वि विणा वि हू कज्जेण तस्स कुमरस्स पासम्मि ॥५६९९॥  
 दंसणआलावत्थो वच्चइ निच्चं पि न य चिराओ वि । तत्तो निग्गंतुं को वि वंछए तयणुनाओ वि ॥५७००॥  
 महया किच्छेण गओ वि नियगिहे कुमरगुणकहानिरओ । चिट्ठइ चिरं पि कज्जंतरेसु न पयट्टए कह वि ॥५७०१॥  
 उज्जाणाइसु वच्चइ जया कयाइ वि पहाणतुरयम्मि । आरूढो अहव मयंधसिधुरक्खंधदेसम्मि ॥५७०२॥  
 तइया नयरस्स जणो इत्थी बालाइओ समग्गो वि । कत्थागच्छइ कुमरो अइकंतो केणव पहेण ॥५७०३॥  
 इच्छाइ वाहरंतो धावइ पट्टीए को वि को वि पुणो । निय मंदिरग्गसिहरे आरोहइ को वि पायारे ॥५७०४॥  
 अन्नो वि को वि कत्थइ विणियत्तं ते वि तम्मि एमेव । तद्दंसणअवियन्हो वियरइ नयरीजणो निच्चं ॥५७०५॥  
 अन्नम्मि दिणे नरपुंगवस्स अत्थाणमंडवगयस्स । सामंतमंतिमंडलिय-सुहडकोडीपरिवुडस्स ॥५७०६॥

तस्स य दाहिणभुयदंडसन्निहाणम्मि जाव उवविट्ठो । निवमुहनिविट्ठदिट्ठी चिट्ठइ सिरिवम्मवरकुमरो ॥५७०७॥  
 ताव पणिवायपुव्वं आगंतुं झत्ति दारवालेण । विन्नत्तो नरनाहो जोडियनियपाणिजुयलेण ॥५७०८॥  
 जह देव! दारदेसे चिट्ठंति समागया नरा दो वि । दुव्वलदेहामलिणियदंडीखंडेहि ठइय-तणू ॥५७०९॥  
 बद्धवणपट्टया बाहु-जंघमूलेसु देव! पायाणं । इच्छंति दंसणं ते तेसि को देव! आएसो ॥५७१०॥  
 तो झत्ति पवेसेहि त्ति जंपिए नरवरेण पडिहारो । तेसि पवेसणत्थं नियत्तिऊणं वयइ दारे ॥५७११॥  
 राया वि कलुसियमणो चितइ जह केवि किं इमे वरया । केहिं वि चोरेहिं पहम्मि पमुसिया आहया य तहा  
 गरुओ एस पमाओ मंडलआरक्खिएहितो विहिओ । जं एवमुट्टवकारओ जणो वियरइ जहिच्छं ॥५७१३॥  
 अह ते वि परोप्परमेवजुज्झया कारणेण केणा वि । तह वि हु निओगियाणं पमायपरिविलसियं एयं ॥५७१४॥  
 किमेमेहिं वियप्पेहिं अहवा एए सयं मुहेणे व । इन्हि चिय जहवत्तं सरुवमम्हं कहिस्संति ॥५७१५॥  
 एत्थंतरम्मि पत्ता पडिहारपवेसिया नरा दो वि । पुव्वकहियस्स रूवा नमिऊण निव्वं समुवविट्ठा ॥५७१६॥  
 भूसन्नाए पुट्ठा निवेण ते जोडिऊण करजुयलं । अन्नोन्नं वयणाइं पलोइऊणं तओ एक्को ॥५७१७॥  
 इयरेण अणुन्नाओ विन्नवइ निव्वं इहत्थि भरहम्मि । वासवउरं ति नयरं वासवदत्तो तहिं राया ॥५७१८॥  
 वासवसिरी य भज्जा तस्स नरिदस्स ताण संजाया । नामेण वसंतसिरी धूया अइसयपवररूवा ॥५७१९॥  
 जीसे पासम्मि ठिया मयरद्वयसुंदरी वि दासि व्व । पडिहासइ सेसाणं नारीणं कहं पि को कुणइ ॥५७२०॥  
 सा गहिय समुचियकला कमेण अह जोव्वणं समणुपत्ता।देवाण विहरइ मणं मणुयाण न का वि पुण गणणा ॥५७२१॥  
 समहिगयसत्थपरमत्थसाहणे भारइ व्व पच्चक्खा । जुत्तिजुयं जंपंती सक्खं मुत्ति व्व सुरगरुणो ॥५७२२॥  
 उज्जाणसंठिया सा पडिमं कामस्स पूयए निच्चं । अट्टाहियं च कारइ वसंतसमयम्मि पइवरिसं ॥५७२३॥  
 एत्तो दंतउरपुरे अत्थि नरिदो महाबलो नाम । तस्स य सुदंसणो नाम नंदणो अत्थि गूणकलिओ ॥५७२४॥  
 तस्स य समीवसेवयनरेण एक्केण कज्जजोएण । तत्थागएण दिट्ठा सा अट्टाहियसमयमज्जे ॥५७२५॥  
 तेण कयसकज्जेणं गंतूण तओ पुरम्मि दंदउरे । कहिया कुमरस्स सुदंसणस्स पुरओ वसंतसिरी ॥५७२६॥  
 रूवाइगुणसमेया तं सोऊणं सुदंसणो जाओ । मयणसरपहरविहुरो अरइसमुट्टम्मि निबुट्ठो ॥५७२७॥  
 तस्स वयसेहिं इमो अट्ठो नाउं महाबलनिवस्स । कहियो तेण वि दूयं पट्टविउं वासवउरम्मि ॥५७२८॥  
 वासवदत्तो राया धूयं मग्गाविओ वसंतसिरी । नियमुयसुदंसणकए तेण वि कयमुत्तरं एयं ॥५७२९॥  
 जह किर सयंबरामंडवो मए चिट्ठए समारद्धो । धूयाए वसंतसिरी नामाए विवाहकज्जम्मि ॥५७३०॥  
 तत्थ महाबलराया कुमरो य सुदंसणो तहा अन्ने । रायाणो रायसुया य सुवहूणो आगमिस्संति ॥५७३१॥  
 जो को वि तीए दिट्ठो पडिहासिस्सइ नियस्स चित्तस्स । तस्स खिविस्सइ एसा वरमालं कंठदेसम्मि ॥५७३२॥  
 वासवदत्तस्स इमं पडिवयणं तेण दूयपुरिसेण । गंतूण महाबलपत्थिवस्स कहियं इमेणावि ॥५७३३॥  
 जायाणावियं सुदंसणकुमरस्स इमो वि तीए अणुरायं । नियहियथाओ न मुयइ बाहिं जाणावए न उणो ॥५७३४॥  
 एत्तो य वसंतसिरी जत्ता समयम्मि मयणपडिमाए । देसंतरागयाणं बंदिजणाणं च वणियाणं ॥५७३५॥  
 वयणेहिं कुमरसिरिवम्मगुणगणुगन्धिभणेहिं दढं । सवनप्पत्तेहिं हया मयणसरेहिं व हिययम्मि ॥५७३६॥

अह तीए वणसिरी पियवयंसिया निहुयमेवसवणम्मि । होउं भणिया जह जत्तकरणओ अज्ज मे भयव्वं ॥३७॥  
मयरद्धओ पसन्नो तीए भणियं क्हं वसंतसिरी । आह तओ जइ न कुणसि रहस्स भेयं इमं मज्झ ॥५७३८॥  
तो माहेमि असेसं तुज्ज पुरो नियमणोगयं भावं । तो वणसिरी पयंपइ कुमरि किमेवं समुल्लवसि ॥५७३९॥  
कि कइया वि मए तुह रहस्सभेओ पुरा वि अत्थि कओ । तो वयइ वसंतसिरी मा रूससु पियसहि तुमं मे ॥५७४०॥  
परिहासो एस कओ एमेव मए तए सह वयंसि । हिट्टमणाए जं किर सिद्धं वसमी हियं मन्ने ॥५७४१॥  
जेण इह सव्वकालं कुओ वि देसंतराउ के विनरा । एंति तहा वन्नति य नियनिय देसाहिवकुमारे ॥५७४२॥  
मज्झ मणं न मणंभिं हू अणुरायं तेसु बंधइ कया वि । चंदउरिसामिणो पुण नरपुंगवमेइणीवइणो ॥५७४३॥  
तणयस्स नाममेत्ते गहिए सिरिवम्मवरकुमारस्स । सहस त्ति गरुयपरिओ सपूरियं मे मणं जायं ॥५७४४॥  
चिट्ठंतु ताव दूरे सरइं दुकरुज्जलागुणा तस्स । तदंसणूसुयत्तं जणेइ तन्नाममेत्तं पि ॥५७४५॥  
ता एस पभावो वम्महस्स सव्वो वि भगवओ तस्स । संकमिऊण मह मणे जेण कओ एरिसो भावो ॥५७४६॥  
अह वणसिरी पयंपइ वसंतसिरिपेसिऊण नियपुरिसं । अब्भितरयं कंचि वि चंदउरीए वरपुरीए ॥५७४७॥  
रुवाइगुणा सव्वे वि तस्स सिरिवम्मवरकुमारस्स । जाणिज्जंतु तओ पुण अणुराओ तम्मि तुह जुत्तो ॥५७४८॥  
तो वयइ वसंतसिरी पियसहि ! को संसओ इमो तुज्ज । जं किर तस्स गुणाणं ईहेसि परिकखणं काउं ॥५७४९॥  
वम्महदेवेणं चिय तस्स कया चिट्ठए गुणपरिकखा । तं अहिगिच्च कओ मे जेणेवं गाढमणुराओ ॥५७५०॥  
तो भणइ वणसिरी जह सामिणि कि दूसणं हवइ एत्थ । जइ नियपुरिसो एगो पेसिज्जइ तस्स पासम्मि ॥  
जो तं पलोइऊणं वीसइदिणे पुणो वि इह एइ । तीए उवरोहेणं मन्नइ एयं वसंतमिरी ॥५७५२॥  
अब्भितरयं पुरिसं दिन्न दुइज्जं निरुवए तत्तो । चंदउरी गमणत्थं तो जंपइ वणसिरी एवं ॥५७५३॥  
एक्को चित्तयरजुवा पेसिज्जउ सह इमेहिं तत्थ जहा । सिरिवम्मकुमाररुवं सो लिहिऊणं इहाणेइ ॥५७५४॥  
एयं पि कयंतीए पट्टविओ सो वि तेहि सह तत्थ । ते तिन्नि वि गंतूणं चंदउरीए तओ तत्तो ॥५७५५॥  
विणियत्ता कयकज्जा वीसहि दिवसेहिं वासवउरम्मि । पत्ता पुणो वि मिलिया वासवदत्तस्स धूयाए ॥५७५६॥  
तत्थ वसंतसिरीए पुरओ फलयम्मि दंसियं लिहियं । सिरिवम्मकुमाररुवं चित्तयरसुएण भणियं च ॥५७५७॥  
जं तस्स मए रुवं दिट्ठंतं सव्वमेवपडिपुत्तं । लिहिउं न सविकयं किंतु किं पि उद्देसमित्तमिणं ॥५७५८॥  
लिहिऊण आणियं इह इय सोऊणं तओ वसंतसिरी । संजाया कसणमुही सा पुट्टा वणसिरीए तओ ॥५७५९॥  
हरिसट्ठाणे वि तुमं सामिणि जायासि कीस कसणमुही । तो वयइ वसंतसिरी सहि ! तुह पच्छा कहिस्सामि ॥५७६०॥  
पुच्छामि ताव संपइ एयं पुरिसं समागयं तत्तो । सेसं सिरिवम्मकुमारसंतियं वरगुणकलावं ॥५७६१॥  
अह तीए पुच्छिओ सो पुरिसो साहेइ तस्स कुमरस्स । सोहग्गवयणविन्नासवायपमुहो गुणसमूहो ॥५७६२॥  
लेसेण वि वन्नेउं सव्विज्जइ ने य तियसगुरुणा वि । अम्हारिसो य मणुओ अप्पमई केरिसो तत्थ ॥५७६३॥  
दाऊण वसंतसिरी पसायमेए विसज्जए तत्तो । चित्तफलयं समीवे अप्पेउं वणसिरीए तओ ॥५७६४॥  
एगंते होऊणं नियमुहकसणत्तकारणं कहइ । तीसे पुरओ पियसहि एयं पि हू चित्तफलयम्मि ॥५७६५॥  
जं अत्थिलिहियरुवं दीसंतं तं पि विमहयं जणइ । जं पुण तस्स सरीरे चिट्ठइ साहावियं रुवं ॥५७६६॥  
तं किं पि अणन्नसमं लक्खगुणेणं पहाणयं होही । एय महं चित्तंती भीया जाया विविन्नमुही ॥५७६७॥  
को जाणइ तस्साहं पडिहासिस्सामि किन्न दिट्ठा वि । अह वणसिरी पयंपइ सच्चं सामिणि तए भणियं ॥५७६८॥  
किंतु परं सव्वे ण य वम्महदेवो समीहियवरस्स । जइ तुह दाया होही तुमं पि रुच्चसि तओ तस्स । ॥५७६९॥

ता तुज्ज पत्तयालं करणिज्जं संपयं किमेत्थ तओ । जंपेइ वसंतसिरी सयंवराहं गभिस्सामि ॥५७७०॥  
 तायं विन्नविऊणं ठाणटियस्सेव तस्स कुमरस्स । तो वणसिरीए भणियं जइ तत्थ गया तुमं कह वि ॥५७७१॥  
 तस्स न रुच्चसि चित्ते भविस्सए तो अईव लहुयत्तं । तो नियरुवं लिहिऊण तस्स पेसिज्जए इन्हि ॥५७७२॥  
 तो जइ सो दट्ठणं तुह रुवं होइ साहिलासमणो । तो इह सयं पि एही अहवा वच्चसि जइ तुमं पि ॥५७७३॥  
 तत्थ तहा वि हु लट्ठं तो एवं जंपए वसंतसिरी । एवं तया हु कीरइ होइ जया संसओ मज्ज ॥५७७४॥  
 जाव पुण निच्छओ मे एसो च्चिय इह भवम्मि मह भत्ता । ताव न को वि वियप्पो कीरंतो सुंदरो होइ ॥५७७५॥  
 कि च सिरिवम्मकुमरो गरुओ दक्खिन्नसंजूओ दूरं । मं तत्थ सयं पि गयं नूणं चिय नो परिच्चयइ ॥५७७६॥  
 ता वणसिरि गंतूण वइयरमेयं तुमं ममंवाए । वासवसिरीए पुरओ साहेहि जहा इमा तायं ॥५७७७॥  
 विन्नविऊणं कारइ संवाहं मह सयंवरागमणे । तीए तह चेव कयं इयराए वि साहियं रत्तो ॥५७७८॥  
 [हक्कारिऊण रत्ता धूया भणिया तओ वसंतसिरी । पुत्ति ! सयंवरसंडवमिहेव कारेमि तुह हेउं ॥५७७९॥  
 हक्कारेमि समग्गे नरवइणो निवइन्दणे तह य । वमुहावलपसिद्धे वरेहि सेच्छाए तेभु वरं ॥५७८०॥  
 तो आह वसंतसिरी ताय ! अजुत्तं न तुम्ह वयणमिणं । जइ होइ मज्ज चित्ते वरविसए संसओ कोवि ॥५७८१॥  
 कीरइ एवं पि तओ जाव पुणो वि गयंससयं चेव । मज्ज मणो अणुरत्तं कुमरे सिरिवम्मन्तामम्मि ॥५७८२॥  
 ताव कहं कारिज्जंति सेसभूसामिणो कुमाराय । मग्गागमणपरिस्स ममणत्थमत्थक्खओ तुम्ह ॥५७८३॥  
 अह तीसे निब्बंधं वासवदत्तो निवो मुणेऊण । संवाहिऊण एयं कइवयकरि-तुरय-रहसहियं ॥५७८४॥  
 बहुपुरिससहायजुयं बहुवत्थाहरणदविणसंजुत्तं । चंदउरी नयरीए आगमणत्थं विसज्जेइ ॥५७८५॥  
 सा जाव वसंतसिरी अज्ज वि नियनयरओ न नीहरइ । सामग्गीए कयाए संचिट्ठइ पणुणिया जाया ॥५७८६॥  
 ताव इमं नाऊणं मुदंसणेणं महाबलसुएण । सिक्खवणं दाऊणं तीसे पासम्मि नियपुरिसा ॥५७८७॥  
 अब्भितरया दक्खा सुजुत्तिजुयवयणकोसलसमेया । पट्टविया संपत्ता ते नयरे वासवउरम्मि ॥५७८८॥  
 मयणपडिमागिहे तेहि का वि पुट्ठा वसंतसिरिदासी । जह तुम्ह सामिणीए वयंसिया कारहस्स पयं ॥५७८९॥  
 उवलाभियाय तीए तंबोलाईहिं पवरवत्थुहिं । कहिया धणसिरि नामा पुणो वि सा पत्थिया तेहि ॥५७९०॥  
 अम्हुवरोहेण तुमं तीए सह दंसणं करावेहि । पडिवज्जिऊण तीए करवियं ज्जत्ति तं तेसि ॥५७९१॥  
 उवयरिऊणं तंबोलमाइणा तेहि साहियं तीसे । जह अम्हे पट्टविया सुदंसणेणं निवसुएण ॥५७९२॥  
 तुह सामिणीए पासे विन्नत्ती तेण कारिया तीसे । अम्ह समीवाउ इमा जहा अहं मयणचरडेण ॥५७९३॥  
 दूरं दूमिज्जंतो चिट्ठामि असरणो अणाहो य । तो केरं काऊणं अप्पणियं रक्ख मं तत्तो ॥५७९४॥  
 गिन्हेऊण करं मह तुमं सहत्थेण अप्पणो दासं । काऊणं मं वि मुंचह जेण सुही होमि सयकालं ॥५७९४॥  
 तो वणसिरीए भणियं तुम्हेहिं इहागएहिं वि किमेयं । नो विन्नायं जमिमा कयसंवाहा वसंतसिरी ॥५७९६॥  
 चलिया चंदउरीए सिरिवम्मकुमारवद्धअणुराया । तेहि तओ संलवियं अम्हेहिं य अम्ह पहुणाय ॥५७९७॥  
 [दंतउरे विन्नायं पुणो वि तो वणसिरीए ते भणिया । जइ नायं चिय एयं तो कह तुब्भे इमं वयह ॥५७९८॥  
 तेहि तओ सा भणिया आएसगरेहिं सामिणो वयणं । करणिज्जं चिय भहे ! तत्थ वियारो न कायन्वो ॥५७९९॥  
 ता अम्हाणं उवरि महापसायं तुमं करेऊण । नियसामिणीए पुरओ कहेहि विन्नत्तियं एयं ॥५८००॥  
 तो वणसिरीए एवं वियक्कियं नियमणम्मि जह एयं । साहिज्जउ तीए पुरो उभयं पि जहाकयं होइ ॥५८०१॥

एकं महाणुभावा एए पडिवज्जिया मए होति । अन्नं च तीए चित्तं जाणिज्जउ केरिसं होइ ॥५८०२॥  
 गाढाणुरागमइयं पत्थणयं एरिसं सुणेऊण । किं रज्जइ तीए मणं सुदंसणे अह न थेवं पि ॥५८०३॥  
 इयचित्तिऊण भणियं तेसि सम्मुहमिमं वणसिरीए । तुम्हाणुवरोहेणं कहेमि गंतूण कुमरीए ॥५८०४॥  
 इय भणिऊणं तीए कहियम्मि इमम्मि रायधूयाए । भणियं तीए वणसिरि मए सुयं तुह कहंतीए ॥५८०५॥  
 एरिसमणिद्ववयणं अन्नो जइ कहइ तो अहं कत्ते ! ठविउं चिट्ठामि व उट्ठिउं व अन्नत्थवच्चामि ॥५८०६॥  
 तो वणसिरीए भणियं सामिणि ! जाणामि एरिसमहं पि । जं सिरिवम्मकुमारे अणुरत्तमणाए तुह धणियं ॥  
 अन्नपुरिसस्स गहियं नामं पि न कन्नसोक्खसंजणयं । कित्तु सुदंसणपुरिसेहि मज्झ दिन्ना बहू सवहा ॥५८०८॥  
 तुह संतिया मए तो तेसि सवहाण भंगभीयाए । तुह कहियमिणं अन्नह अणभिमयं तुज्झ कह बेमि ॥५८०९॥  
 ता काऊण पसायं कहेहि जं किपि उत्तरं तेसि । देमि तओ वेइ इमा जं किचि वि रुच्चए तुज्झ ॥५८१०॥  
 अह आमंतुं तीए तेसि पुरिसाण साहियं एवं । कहियम्मि तुम्ह वयणे मए पुरो रायधूयाए ॥५८११॥  
 तीए मह पासाओ भणाविया एरिसं तओ तुब्भे । जह मह वयणं गंतुं सुदंसणस्सेयमक्खेह ॥५८१२॥  
 जुत्तं ताव इमं चिय अब्भत्थंतो तुमं सयं चेव । जं किरपडिवज्जिज्जसि अणुराओ जस्स तुह एसो ॥५८१३॥  
 सिरिवम्मो पुण कुमरो अदिट्ठपुव्वो तहेव सो मज्झ । नामं पि तो वियाणइ सयंगया तत्थ तस्स अहं ॥५८१४॥  
 कि रुच्चिस्सामि न वा एयं पि न ताव जाणए को वि । गहगहियं होइ जहा तह जायं तह वि मे हिययं ॥५८१५॥  
 सिरिवम्ममेव कुमरं चिट्ठइ ज्ञायंतमेयमणवरयं । कयसामग्गी वि अहं गंतुमणा जइ वि चिट्ठामि ॥५८१६॥  
 तह वि हु नियजणणीए तत्थेव य कइवयाइं दियहाइं । चिट्ठामि विलंबं कारिया तओ तेत्तिय दिणाण ॥५८१७॥  
 मज्झम्मि नियं चित्तं संबोहेउं नियत्तइस्सामि । सिरिवम्मकुमाराओ तो तुज्झ कहावइस्सामि ॥५८१८॥  
 एयं कुमरीवयणं तुम्हे गंतूण कहह निय पट्ठणो । तेहिं भणियं इहेव य तेत्तियदियहाइं चिट्ठामो ॥५८१९॥  
 तो वणसिरीए भणिया ते एवं जह इहट्ठिया तुब्भे । किं व करिस्सह कज्जेण विरहिया एत्तियदिणाणि ॥५८२०॥  
 जइ अम्ह सामिणीए मणं भविस्सइ सुदंसणस्सुवरि । तो पेक्खिस्सह तं सिग्घमागयं दंतउरनयरे ॥५८२१॥  
 अह अन्नहा तया पुण चंदउरीए पुरीए संपत्तं । तं निसुणिस्सह तत्थेव संठिया बहुया बहुयलोयाओ ॥५८२२॥  
 अह तेहिं सुदंसणपेसिएहि पुरिसिएहि वणसिरी भणिया । संपज्जिस्सइ जइ मणसमीहियं सामिणो अम्ह ॥५८२३॥  
 तो नियमा अदलिहं तुज्झ कुडुंबं पि कारइस्सामो । हसिऊण वणसिरीए तओ य ते एरिसं भणिया ॥५८२४॥  
 इन्हिं चिय अदलिहं अम्ह समग्गं पि चिट्ठइ कुडुंबं । सिद्धे इमम्मि कज्जे होज्जह अदलिहया तुब्भे ॥५८२५॥  
 इय वणसिरीए भणिया ते वि हु हसिऊण निग्गया तत्तो । मोत्तूण तत्थ पुरिसं सिक्खं दाऊण कन्नम्मि ॥५८२७॥  
 दंतउरपुराभिमुहं सयं तु वच्चंति मंदमंदगई । पत्थयकज्जअसिद्धि वि णिच्छिऊणं निराणंदा ॥५८२७॥  
 एत्तो य वसंतसिरी वासवदत्तस्स निवइणो धूया । तइयम्मि दिणे चलिया चंदउरि पुरीए मग्गम्मि ॥५८२८॥  
 पणिहिपुरिसेण गंतुं पट्ठीए सुदंसणस्स पुरिसाणं । पविसंताणं दंतउरपुरवरे साहियं एयं ॥५८२९॥  
 तेहिं तु कहियमेयं गंतूण सुदंसणस्स कुमरस्स । सोऊण सो वि एयं चउरंगबलेण विउलेण ॥५८३०॥  
 संबहिउं सिग्घं चिय दंतउराओ पुरिओ नीहरिओ । वट्ठाबंधस्स कए रागंधो धाविओ तीसे ॥५८३१॥  
 सा य वसंतसिरी पुण पिउणो देसं वि लंघिउं सव्वं । देसंतरम्मि पत्ता नरवइणो सूरपालस्स ॥५८३२॥  
 एत्थंतरेसु दंसणकुमरो वि विलंघिऊण नियदेसं । सीमाए संपत्तो चिट्ठइ गहिऊण आवासं ॥५८३३॥

सा य पुण वसंतसिरी गुलखेडपुरस्स गाउयदुगेण । वज्जाउहदेवीए पुरस्स पायारबाहिम्मि । ॥५८३४॥  
 गहिया वासा चिट्ठइ जाव तओ तीए जणपवायाओ । जोयणदुगंतराले सुदंसणो संठिओ निसुओ ॥५८३५॥  
 तो तीए भीयाए वड्ढमणुस्सेहि सह कओ मंतो । पुरमज्जे पविसेउं आवासं गिण्हिऊण ठिया ॥५८३६॥  
 हेरियपुरिसा य सुदंसणस्स कडयम्मि पेसिया दोन्नि । नाऊण तेहि सुद्धी कहिया तीसे समागंतुं ॥५८३७॥  
 जह किर सुदंसणेणं कुमरेणं पेसिऊण नियपुरिसे । गुलखेडपुरनिओई भणाविओ दूसलो एवं ॥५८३८॥  
 नामेण वसंतसिरी नियधूया मज्झ पढमओ दाउं । वासवदत्तनिवेणं पडिवन्नासा य पुण इन्हि ॥५८३९॥  
 नियइच्छाए चलिया सिरिवम्मकुमारवद्धअणुराया । चंदउरीए पुरीए सयंवरत्तेण संवहिउं ॥५८४०॥  
 सा संपयं पविट्ठा चिट्ठइ देसम्मि तुम्ह देवीए । वज्जाउहनामाए पुरस्स वाहि कया वामा ॥५८४१॥  
 एयं हदेण वि तओ अहं गहिस्सामि एत्थ तुम्हेहि । अम्हुवरि न एसियव्वं न य तीसे कि पि साहेज्जं ॥५८४२॥  
 कायव्वं अन्नह पुण सिणेह नासो तए कओ होही । सह सूरपालरत्ता अम्हाणं निप्पलं चव ॥५८४३॥  
 तो दूसलेण तेसि पुरिसाणं उत्तरं इमं दिन्नं । निय पंचउलेण समं आलोएऊण तो तुम्ह ॥५८४४॥  
 पच्चत्तरं करिस्सं लग्गेयव्वं न ताव तुम्हेहि । तीसे जाव न कहियं पडिवयणं तुम्ह अम्हेहि ॥५८४५॥  
 एत्तियमेत्तं निसुयं अम्हेहि गएहि तस्स कडयम्मि । जं दाही पडिवयणं सो तस्स तयं न याणामो ॥५८४६॥  
 एयं सोऊण तओ वड्ढमणुस्सेहि सह पुणो एसा । मंतेइ तेहि भणियं वासवदत्तस्स नरवड्ढो ॥५८४७॥  
 एयं सोऊण तओ वड्ढमणुस्सेहि सह पुणो एसा । मंतेइ तेहि भणियं वासवदत्तस्स नरवड्ढो ॥५८४७॥  
 जाणाविज्जइ एयं सिग्धं चिय पेसिऊण नियपुरिसे । जह सो संवाहं पेसिऊण तं नेइ नियपासे ॥५८४८॥  
 तीए भणियं पुणरवि वलिऊण अहं न जामि पिउगेहे । जइया तइया वि मए गंतव्वमिओ पुरो चव ॥५८४९॥  
 वत्तामेत्तं पि नियं एरिसयं तस्स नो कहावेमि । उत्तिन्ना जेण अहं इन्हि जणयस्स सत्ताए ॥५८५०॥  
 मोयाविऊण जम्हा जणयाण समीवओ मए अप्पा । आयत्तो सिरिवम्मस्स कारिओ निवकुमारस्स ॥५८५१॥  
 तो वड्ढमणुस्सेहि भणियं जइ एस निच्छओ तुज्ज । देवी तओ गुलखेडे नयरे दूसलसमीवम्मि ॥५८५२॥  
 पेसेउं निय पुरिसं सकारणं अप्पणो इहागमणं । साहिज्जउ तस्स पुरो सुदंसणस्स य तह मक्खं ॥५८५३॥  
 लद्धम्मि तयणुतस्सुत्तरम्मि जं किपि संगयं होही । परिभावेऊण तयं समयणुरूचं करिस्सामो ॥५८५४॥  
 इय मंतिऊण पुरिसो पट्टविओ तत्थ सो वि गंतूण । संदिट्ठं कहिऊणं मुणिऊणं उत्तरं तस्स ॥५८५५॥  
 आगंतूणं साहइ वसंतसिरिनामियाए कुमरीए । पुरओ वड्ढमणुस्साणं च जहा दूसलेण इमो ॥५८५६॥  
 कुमरो सुदंसणो माणुसाउ निययाउ भाणिओ एवं । जह न वसंतसिरीए लग्गेयव्वं तए कहवि ॥५८५७॥  
 जा सूरपालरत्तो आएसो ने य आणिओ अम्ह । एयं सोऊण तओ सुदंसणेणं इमं भणियं ॥५८५८॥  
 तुम्हाण वयणमेयं अहं करिस्सामि जइ वसंतसिरी । एत्तो निग्गंतूणं अन्नत्थ गमिस्सए ने य ॥५८५९॥  
 तो दूसलेण वि इमं पडिवन्नं तस्स जंपियं तह य । तुम्हे वि भाणियाइं मम पामाओ इमं वयणं ॥५८६०॥  
 जह तुम्हेहि न कत्थइगंतव्वं केत्तियाइं वि दिणाइं।अन्नह सुदंसणो तुम्ह लग्गिही निग्गमंताण ॥५८६१॥  
 आर्यन्निऊण एवं वड्ढमणुस्सा तहा वसंतसिरी । जायाइं सत्थहिययाइं मंतियं तेहि तो एवं ॥५८६२॥  
 कालविलंबो लद्धो जा चिट्ठइ केत्तिगो वि तावड्ढो । पेसेउं नियपुरिसे नरपुंगवरायपासम्मि ॥५८६३॥  
 जाणाविज्जइ एवं जह सो पेसेइ कं पि संवाहं । अम्ह इह संठियाणं तो गम्मइ तेण सह तत्थ ॥५८६४॥  
 चंदउरीए निव्विग्घमेव इय मंतनिच्छयं काउं । अम्हेहि समं सामल्लनामो सिक्खं च लेहं च ॥५८६५॥

दाउमिहागमणकए आणत्तो निग्गओ य संबहिउं । देवी पुराउ तत्तो जाव बहि ताव पेक्खेइ ॥५८६६॥  
तक्खणमेव समागयमेक्कं परिवारपरिगयं पुरिसं । रुक्खच्छायाए ठियं आरूढं पवरतुरयम्मि ॥५८६७॥  
तो सामलेण भणियं अम्हाणं सम्मूहं जहा एसो । को वि नवल्लो दीसइ टक्कुरओ आगओ एत्थ ॥५८६८॥  
तो पुच्छेउं नज्जइ को वि इमो तयणु भणियमम्हेहि । दूरतरुच्छायाए होउं तुब्भे पडिक्खेह ॥५८६९॥  
अम्हे गंतूण जहा पुच्छेऊणं इमं वियाणंमो । तो तेण कयम्मि तथा पुट्ठो अम्हेहि सो गंतुं ॥५८७०॥  
पाइक्कस्स समीवे एक्कस्स न जाव बेइ सो किपि । ठक्कुरसमीचपुरिसेण जंपियं ताव एक्केण ॥५८७१॥  
माह्वराओ एसो कुमरस्स सुदंसणस्स कडयाओ । वज्जाउहदेवीए वंसणहेउं इहायाओ ॥५८७२॥  
अम्हे वि तेण पुट्ठा तुब्भे के इह पुरम्मि वत्थव्वा । केइ वि कि वा अन्ने अन्नत्तो आगया एत्थ ॥५८७३॥  
अम्हेहि तओ भणियं अम्हे अन्नयरनयरवत्थव्वा । कज्जेण इहायाया इन्हि पुरओ गमिस्सामो ॥५८७४॥  
इय भणिउं संचलिया तत्तो ठाणाओ तक्खणे चव । अम्हे सामलपासम्मि आगया तस्स कहिऊण ॥५८७५॥  
माह्वरायसरुवं संचलिया आरओ पहे लग्गा । आसम्मि वि लग्गो एइ सामलो सेसयाउ पुणो ॥५८७६॥  
पायचरासत्तनरा अम्हेहि समं तथाउ दिणपहरो । एक्को च्चिय कि चूणो पच्छिमओ चिट्ठए तत्तो ॥५८७७॥  
जोयणतिगमागंतुं गामे एगम्मि संज्जसमयम्मि । फुरियतिमिरम्मि पत्ता जावम्हे ताव तित्ति जणा ॥५८७८॥  
आउहसहिया अन्ने वि आगया तत्थ देसियकुडीए । अम्हेहि समं वुत्था रयणीए एगठाणम्मि ॥५८७९॥  
संजायम्मि पभाए पुणो वि अट्ठ वि समुट्ठिउं अम्हे । लग्गा मग्गे एमो जाव तओ ते वि तित्ति जणा ॥५८८०॥  
उट्ठेउं पट्ठीए लग्गा अम्हाण एंति थेवेण । अमिलंता तो एक्को अम्ह नरो मंदमंदगई ॥५८८१॥  
एत्तो पच्छा पडिओ एस तओ तेहि कारिऊण कहं । पुट्ठो गमणपओयणमक्खेइ जहट्ठियं तेसिं । ॥५८८२॥  
पच्छा आगंतूयं मिलिओ अम्हाण एस अम्हेहि । छज्जोयणाइं आगंतुमेगगामम्मि तो भुत्तं ॥५८८३॥  
ते पुण तित्ति वि पुरिसा कहिं पि पगया तओ खणं अम्हे । वोसमिऊणं तत्तो किचूणे तइयजामम्मि ॥५८८४॥  
चलिया आगच्छामो ताव पुणो तेमि तिन्ह पुरिसाणं । मज्झाओ दोन्नि जणा पुरो ठिया पेक्खिया जंता ॥५८८५॥  
ते पच्छाइयवयणा पच्छाहुत्तं खणे खणे दिट्ठि । दिता वयंति पुरओ तो ते अम्हेच्चय नरेण ॥५८८६॥  
सन्नाया जह एए पभायपुरिसाण तिन्ह मज्झाओ । दो वि जणा जेहिं कया मए समं सुबहुवत्ताओ ॥५८८७॥  
केण वि कज्जेण परं ठयंति एए नियाइं वयणाइं । संकियमण व्व तम्हा न सोहणा निच्छियं एए ॥५८८८॥  
एवं जंपंताणं अम्ह उवेंताण संकियमणाण । पुणरवि अगोयरत्तं ते पत्ता अम्ह दिट्ठीए ॥५८८९॥  
एत्थंतरम्मि पत्तो सहस्सकिरणो वि अत्थगिरिसिहरं । लोओ वि संचरंतो न दीसए तारिसो को वि ॥५८९०॥  
तो दोन्निजणा दिट्ठा पुरओ एंता समसुयगईए । ते पुट्ठा अम्हेहिं केत्तियदूरे पुरो गामो ॥५८९१॥  
तेहि तओ संलवियं दोन्हं गामाण मज्झभायम्मि । पत्ता चिट्ठह तुब्भे गव्वूयदुगं हवइ एत्तो ॥५८९२॥  
अग्गिमगामो तह पच्छिमो य दीसंति जे पुरो रुक्खा । अल्ला वि भराडीए देवउलं चिट्ठए तेसु ॥५८९३॥  
एत्तो परओ एगम्मि गाउए चिट्ठए पुरो गामो । इयतव्वभणियं सोउं सिग्घयरं आरओ चलिया ॥५८९४॥  
अम्हे पत्ता य लहं जाए तमसम्मि तम्मि वए संडे । जत्थच्छइ देवीए भवणं अल्ला वि नामाए ॥५८९४॥  
साहावियं च तिमिरं एक्कं अन्नं च अइघणा तरुणो । निय हत्थो वि न सुज्जइ तत्थ तओ तम्मि समयम्मि ॥५८९६॥  
उभओ पक्खाउ नरा बहवे हण हण हणत्ति पभणंता । सर-वरिसं मुंचंता समुट्ठिया दुट्ठपरिणामा ॥५८९७॥  
तम्मि तमसंधयारे अहिणवघणमंडलस्स सारिच्छे । विज्जुलय व्व झलक्कंति उज्जला ताण करवाला ॥५८९५॥



मोत्तूण तो तुरंगं हक्कंतो सामलो वि खगकरो । तेहि सह अप्पच्छट्ठो अब्भिट्टो जुज्झंते बाढं ॥५८९९॥  
 तिननि जणा तेसि पि हु विणासिया तेण घाडया बह्वे । पच्छा सयं पि पत्तो सपरियणो सामलो निहणं ॥५९००॥  
 अम्हे पुण तम्मि खणे जलपाणनिमित्तमासिदूरगया । क्वस्स सन्नहाणे ठिया तओ कलयलं सोउं ॥५९०१॥  
 जा वच्चामो पुरओ पेच्छामो ताव सामलं तेहि । परिवेदियं समंता जुज्झंतं तह य हम्मंतं ॥५९०२॥  
 अम्हेहि चितियंतो पुरओ जुज्झंति सामलाईया । पडिक्खं निग्गंतुं अलहंता मरणकयमइणो ॥५९०३॥  
 अम्हेहि ताव एए तीरंति न रक्खिउं इमेहितो । जुज्झंतेहि वि तो कि जमस्स वसहि मुहा जामो ॥५९०४॥  
 तम्हा रक्खेऊणं अप्पाणं आवईए एयाए । नियसामिणीए कज्जं साहेमो अग्गओ गंतुं ॥५९०५॥  
 इय चित्तिऊण अम्हे पच्छाहुत्तं च ओसरेमाणा । दिट्ठा तेहि तओ ते पहाविया केत्तिया वि जणा ॥५९०६॥  
 मुक्काओ भल्लीओ पलायमाणाण तेहि अम्हाण । जंधासु य बाहासु य लग्गाहि ताहि विहुरंगा ॥५९०७॥  
 गड्ढाए पविसेउं ठिया निलुक्का तओ तमंधम्मि । अम्हे अपासमाणा विणियत्तेउं गया ते वि ॥५९०८॥  
 पच्छा अम्हेहि इमे एवं आयन्निया पयंपता । अन्नोन्नं जह भो भो लेहं गिन्हह गवेसेउं ॥५९०९॥  
 एसि चिय मज्झाओ कहियं एककेण विज्जए अम्ह । जह आसवारपासे चिट्ठे विन्नत्तिया लेहो ॥५९१०॥  
 एएणं लेहेणं नेऊणं दंसिएण तो सामी । मन्निस्सइ अम्हाणं लट्ठं काऊण नियचित्ते ॥५९११॥  
 एत्तियमेत्तं निसुयं अम्हेहि फुडं पयंपियं तेसि । तयणंतरं तु वेयणविहुरेहिं न याणियं किं पि ॥५९१२॥  
 एगमुहुत्तंते पुण संपावियचेयणेहि अम्हेहि । जाव विइन्नो कन्नो निमुणेमो ताव नो किं पि ॥५९१३॥  
 तेसि परपुरिसाणं समरसमारंभमायरंताण । हक्काईयं नेव य सत्थावत्थाण आनावं ॥५९१४॥  
 नाऊण निज्जुणंतो सणियं सणियं तओ वि णीहरिउं । जावागया पएसे जुज्झस्स न ताव पेक्खामो ॥५९१५॥  
 एककंपि तत्थ पुरिसं ओ जंपइ को वि संचलइ अहवा । ते च्चिय चिट्ठंति परं जे निहया महियले पडिया ॥  
 तो गंतूणं अम्हे देवीए मंदिरस्स मज्झम्मि । अल्लावि नाभियाए जाव निएमो सयणठाणं ॥५९१७॥  
 पाएसु ताव लग्गो पाणियभरिओ घडो य करगो य । तस्सलिलेणं वाए धोऊणं फालिऊणं तहा ॥५९१८॥  
 नियमुत्तरीयखंडं वणेसु तो पट्टया दढं बद्धा । तिसिएहिं तहा पीयं पाणीयं सिचियं देहं ॥५९१९॥  
 एगपएसे सुत्ता रयणीए तत्थ तो पभायम्मि । उट्ठेउं अम्हेहि पलोईया सामलाईया ॥५९२०॥  
 निहणगया छप्पुरिसा तह अन्ने तिननिघायगजणा य । एककेकेणं परिहियवत्थेण समं पुणो सेसं ॥५९२१॥  
 सव्वं पि तेहिं नीयं तुरंगमप्पमुहमप्पणा सद्धि । एत्थंतरे स भज्जो पत्तो देवच्चओ तत्थ ॥५९२२॥  
 तं तह दट्ठूण तओ तेणम्हे पुच्छिया तओ कहियं । तस्सम्हेहिं जहद्वियं पुट्ठो य तहा इमो एवं ॥५९२३॥  
 गयजीवियाण एसि देहाणं कहभविस्सए दाहो । तेण कहियं जहा इह रोराइं एंति बहुयाइं ॥५९२४॥  
 पडियाइं दाह्गाइं इओ पएसाओ ताइं दूरम्मि । गहिऊण भारएसुं बंधेऊणं तओ नेउं ॥५९२५॥  
 गामे वा नगरे वा विक्केउं ताइं निव्वहंति सया । तो तेसि पासाओ आणावेऊण तह चैव ॥५९२६॥  
 मुल्लेण दाह्गाइं तेहि तओ कीरणं सरीराण । एयाण अग्गिदाहो अम्हेहिं इमो तओ भणिओ ॥५९२७॥  
 तं चिय कारेह इमं अम्हे मोल्लं तु तेसि दाहामो । जह भणियं तेण कयं मयतणुवत्थाण मुल्लेण ॥५९२८॥  
 तत्तो टाणाओ तओ सणियं सणियं समागया अम्हे । वेसणवल्लीगामे तत्थ य लोहारगेहम्मि ॥५९२९॥  
 उत्तिन्ना तह भुत्ता भोयणमुल्लं च किंचि से दिन्नं । वीयम्मि दिणे पत्तो तत्थ वणिज्जारओ एक्को ॥५९३०॥  
 सो चंदउरिपुरीए आगामी भाउएण तो तस्स । वसहेसु समाहूढा दसमदिणे एत्थ संपत्ता ॥५९३१॥

सो चंदउरिपुरीए आगामी भाडएण तो तस्स । वसहेसु समाख्ठा दसमदिणे एत्थ संपत्ता ॥५९३१॥  
 भोयणभाडयमट्टे अम्हेहि तस्स निययवत्थाइं । दिन्नाइं चलिट्टाईं गहियाइं इमाइं जिन्नाइं ॥५९३२॥  
 देव ! वसंतसिरीए वासवदत्तस्स मेईणीवइणो । धूयाए तुम्ह पायाण कारिया एस विन्नत्ती ॥५९३३॥  
 विन्नत्ता अम्हेहि गंपइ देवो पमाणमिह अट्टे । जइ न करिस्सह तुम्भे सिग्घं चिय तप्पडीयारं ॥५९३४॥  
 तो निमुणिस्सह तुरियं तीसे परलोयमग्गपत्ताए । वत्तं नीसंदेहं जं जुत्तं कुणह तं इन्हि ॥५९३५॥  
 जं सामलस्स मरणं जायं मग्गम्मि नूण तं तेण । माहव्वराएणं चिय कारवियं इय वियक्केमो ॥५९३६॥  
 नरपुंगवेण भणियं एवंचिय एयमिह न संदेहो । तुम्हे पुरमज्जाओ नीणंता पेक्खिया तेण ॥५९३७॥  
 तुम्हेहि तओ गंतुं पुव्वं तस्सेव पुच्छियं नामं । अप्पाणं तु न कहियं एमेव य निग्गया तुम्भे ॥५९३८॥  
 तस्स स परिवारस्स वि तो जाया तुम्ह संतिया संका । पट्टिए तिन्नि जणा पट्टविया हेहि । त त्तो ॥५९३९॥  
 अन्ने पुण बहुयजणा पच्छन्ना तेण पेसिया कहवि । तो तेहि तिहि जणेहि तुम्हेच्चय पुं / वासाओ ॥५९४०॥  
 नाऊण मूलसुद्धि जह एए वाहरं चडावेउं । वच्चंति गहियलेहा नरपुंगवर / वासम्मि ॥५९४१॥  
 तुम्हेच्चएण कणइ पुरिसेण न नायमेरिसं जमिमे । दुट्टहियय त्ति कि पुण पहिया केचित्त विन्नायं ॥५९४२॥  
 तव्वेलं चिय एए तुम्ह न लग्गा इमेण कज्जेण । दियहो बहइ य मग्गो आसन्नं तह य गुलखेडं ॥५९४३॥  
 एएण कारणेणं दूरे गंतूण सुखगहणम्मि । रत्तीए अंधयारे लग्गा तुम्हाण वियणम्मि ॥५९४४॥  
 तो जारिसं चिय इमं तुम्हेहि वियक्कियं तहेव तयं । दूएहि तेहि भणियं जं देवो आणवेइ त्ति ॥५९४५॥  
 जं पुण अम्हे छुट्टा तं केवलमेव देव ! तेएण । तह य वसंतसिरीए महया पुन्नपगरिसेण ॥५९४६॥  
 ताण कहंताण इमं रायसहासन्निविट्टलोयस्स । सव्वस्स वि संजाओ अइग्गओ विम्हओ हियए ॥५९४७॥  
 सिरिवम्मकुमारोवरि तीसे पेम्मं मणे वि भावंतो । जाणइ रायजणो जइ संवाहे गम्मए तीसे ॥५९४८॥  
 कितु परं नरपुंगवनरवइणी मुहविणिग्गयं वयणं । पडिवालितो चिट्टइ न कि पि जंपेइ निवभोओ ॥५९४९॥  
 विन्नविऊणं दोसु वि तेसु ठिएसुं निवो पडिहारं । आइसइ जहा एए कारेउं मज्जणं तत्तो ॥५९५०॥  
 परिहावेउं सुंदरवत्थाइं भोयणं च कारेउं । आवासे वीसामह हक्कारिस्सामि तो पच्छा ॥५९५१॥  
 तेवि हु दूया भणिया नरपुंगवपत्थिवेण जह तुम्भे । उट्ठेह ताव इन्हि सव्वं लट्ठं करिस्सामि ॥५९५२॥  
 इय आइट्टा रत्ता उट्ठेउं पणमिऊण रायाणं । ते दो वि हु नीहरिया दूया तत्तो समंतोहि ॥५९५३॥  
 नियपुरिसो पडिहारेण पेसिओ रायदिन्नमाएसं । तेसि संपाडेउं तो राया संधि-विग्गहियं ॥५९५४॥  
 पुच्छेइ अट्टपुत्तो कोवि हु तुह संतिओ समायाओ । देसाउं सूरपालस्स जाणए जो इमं सुद्धि ॥५९५५॥  
 तेण तओ विन्नत्तं सपणामं जोडिऊण पाणिजुयं । देव ! समओ इयाणिं चिट्टइ कस्स वि य आगमणे ॥५९५६॥  
 अह रत्ता पडिभणियं संधीरणेण संधि-विग्गहनिउत्ते । एएहि विन्नत्तं पडिहासइ केरिसं तुम्ह ॥५९५७॥  
 सच्चं उयाहु मोसंतो जंपइ संधिविग्गही एव । पडिहाइ देव ! सच्चं व सव्वमेएहि विन्नत्तं ॥५९५८॥  
 जम्हा सुजुत्ति जुत्तं एयं सव्वं पि न उण अन्नडंतं । इह अक्खरं पि एककं संभाविज्जइ नियमणम्मि ॥५९५९॥  
 तो रत्तानिक्खवियादिट्ठी अन्नेसु मंति पमुहेसु । अह ते वि जोडियकरा सप्पणिवाया वयंतेवं ॥५९६०॥  
 जं चेव देव ! संधीरणेण देवस्स पायपउमाणं । विन्नत्तं अम्हाण वि तं चेव मणम्मि विप्फुरइ ॥५९६१॥  
 तो पत्थिवेण भणियं अम्हाण वि एस चेव अभिपाओ । जो तुम्हेहि पवुत्तो जाव इमं जंपए राया ॥५९६२॥  
 ताव पुणो पडिहारो विन्नवइ नरेसरं कयपणामो । वामणसामिपहाणेण सह गया आसि जे पुरिसा ॥५९६३॥

तेसि मज्झाओ दोन्नि आगया संति दारदेसम्मि । को आएसो तेसि वयइ निवो लहु पवेसेहि ॥५९६४॥  
 रायाएसाणंतरमेव तओ ते पवेशिया तेण । नमिऊण निवं उच्चियासणेसु तह सन्नविट्ठाय ॥५९६५॥  
 उक्खिविय भूविभाएण पुच्छिया ते निवेण जंपंति । देवाएसेण इओ वामणसाभी य अम्हे य ॥५९६६॥  
 निवसूरपालपासे गया पुरो तस्स कहियमम्हेहि । देवाइट्ठं कज्जं तेण वि सम्माणिया अम्हे ॥५९६७॥  
 तत्थ ठिया बहुदियहे अन्नम्मि दिणे इहा गमणहेउं । अणुजाणावणकज्जेण अण्णणो तस्स नरवइणो ॥५९६८॥  
 पासम्मि गया अम्हे अत्थाणगयस्स उच्चियपडिर्वत्ति । काऊणं उवविट्ठा खणं च संभारिया रत्ता ॥५९६९॥  
 तो दूसलस्स पुरिसा निओइणो सूरपालरायस्स । संपत्ता पडिहारेण सूइया तन्नखणे तत्थ ॥५९७०॥  
 काऊण पणामं नरवइस्स पायाण अगओ तेहि । मुक्का दूसलपेसियविन्नत्ती भुज्जपरिलिहिया ॥५९७१॥  
 रायाएसेण य लेहएण गहिऊण वाइया एसा । तत्थ य लिहियो अट्ठो निमुओ अम्हेहि एरिसओ ॥५९७२॥  
 नामेण वसंतसिरी वासवदत्तस्स निवइणो धूया । नरपुंगवनिवनंदणसिखिबम्मकुमारमणुरत्ता ॥५९७३॥  
 चलिया सयंवरा सा समागया तुम्ह देसमज्झम्मि । वज्जाउहदेवीए पुरम्मि आवासिया अत्थि ॥५९७४॥  
 तीसे य गहणहेउं हडेण पुत्तो महाबलनिवस्स । चउरंगविउलसेन्नेण संजुओ तुम्ह देसस्स ॥५९७५॥  
 सीमाए संपत्तो नामेण सुदंसणो कयावासो । तस्स वसंतसिरीए जोयणदुगमंतरं अत्थि ॥५९७६॥  
 सो य मए पडिसिद्धो सुदंसणो चिट्ठए दिणे कइ वि । इह अत्थे आएसो सिग्घं देवेण दायव्वो ॥५९७७॥  
 विन्नत्तीए अट्ठं एवं सुणिऊण जाव सो राया । पच्चत्तरं करिस्सइ ताव पुणो दारवालेण ॥५९७८॥  
 आगंतुं विन्नत्तो काऊणं मत्थयम्मि नियहत्थे । जह देव! सुदंसणकुमरसंतिओ दारदेसम्मि ॥५९७९॥  
 पत्तो चिट्ठइ दूओ इच्छइ देवस्स पेच्छिउं पाए । तो झत्ति पवेशेहि ति जंपिए सूरपालेण ॥५९८०॥  
 पडिहारेण अणुमओ पविसेउं सो वि पणमिउं निवइं । विन्नत्तीए लेहं मुच्चइ पुरओ निवपयाणं ॥५९८१॥  
 तह चेव वाइयम्मि तम्मि वि लेहे समागओ लिहियो । एसो अट्ठो जं किर वासवदत्तेण नरवइणा ॥५९८२॥  
 पडिवन्ना नियधूया दायव्वा अम्ह जा वसंतसिरी । नामेण सा सयं पुण नरपुंगवरायपुत्तम्मि ॥५९८३॥  
 अणुरत्ता सिखिबम्मे कुमरम्मि तओ सयंवरा चलिया । पिउणो असम्मएणं संपत्ता तुम्ह देसम्मि ॥५९८४॥  
 वज्जाउहदेवीए पुरम्मि आवासिया इमा अत्थि । एयमहं गिन्दिस्सं तुम्हेहि न रूसियव्वं मे ॥५९८५॥  
 तुम्हे मह नियपिउणो महाबलाओ वि पूयणिज्जयरा । तेणाहं तुम्ह पुरो कहं कहावेमि एरिसयं ॥५९८६॥  
 जइ पुण अन्नस्स निवस्स मंडले होइ कहमवि पविट्ठा । एसा तया न कस्स वि एरिसयमहं कहावेमि ॥५९८७॥  
 गहिया होइ मए लहु अकहियवत्तेण एत्तियदिणेहि । एसा वसंतसिरिया ता एवं चित्तिउं तुब्भे ॥५९८८॥  
 काऊण मज्झ उवरिं गहयपसायं नियस्स तणयस्स । पेसह आएसं दूसलस्स जह सो मए सट्ठि ॥५९८९॥  
 तुम्हाण विरोहं ने य आणए जायए य मज्झत्थो । सोऊण एयमट्ठं अह जंपइ सूरपालनिवो ॥५९९०॥  
 जुत्तं विन्नत्तं सब्बमेव एयं सुदंसणेणम्ह । किंतु विसंवाओ केत्तिओ वि इह अत्थि लेहम्मि ॥५९९१॥  
 एयं सुदंसणेणं कहाविथं आसि अम्ह पडिवन्ना । वासवदत्तेण इमा निय धूया मे वसंतसिरी ॥५९९२॥  
 दूसललेहम्मि पुणो एवं न समागयं तओ एयं । परिभाविऊण सम्मं वियरिस्सं उत्तरं तुम्ह ॥५९९३॥  
 संपइ पुण आवासे वच्चह तुब्भे तओ समुट्ठेउं । एए गया निउत्तो निवेण पुरिसो समतेहि ॥५९९४॥  
 जो आवासपयाणाइगोरवं कारवेइ सब्बं पि । तेसि तो एककेण सहानिचिट्ठेण पुरिसेणं ॥५९९५॥  
 विन्नत्तो नरनाहो देव ! इमं किपि सुव्वइ अउव्वं । जं किर सुदंसणो वि हु सविणयमेवं पयंघेइ ॥५९९६॥

अह रत्ना पडिभणियं चिट्ठंति इम्मि जंपियव्वम्मि । तस्स अणेगाइं कारणाइं अन्नह पुणो एवं ॥५९९७॥  
 निग्गच्छंति न वयणाइं तस्स वयणारविंदकुहराओ । जं चिय तुब्भे जाणह तस्स सरुवं तयं चैव ॥५९९८॥  
 सयमवि बहुएण बलेण संजूया चिट्ठए वसंतसिरी । एक्कं कारणमेयं बोयं पायारमज्झ गया ॥५९९९॥  
 तइयं तु कारणाणि गाउयदुगअंतरम्मि चिट्ठेइ । अम्हाणं दंडवई दूसलनामो महाबलवं ॥६०००॥  
 तुरियं पुण परभूमी पंचमयं सह मए विरोहाओ । पच्छा वि भयं गइयं इय बहुओ कारणकलावो ॥६००१॥  
 इय वात्तुणं राया समुट्ठिओ आमणाओ सहस ति । पडिहारेण उ सव्वो विसज्जिओ नियगिहे लोओ ॥६००२॥  
 वामणसामी अम्हे आवासे आगया तओ सव्वे । भणियं च अम्ह समुहं तो वामणसामिणा एवं ॥६००३॥  
 अज्जावमरो न तहा संजाओ को वि अम्ह विन्नवणे । नरवइणो कज्जंतरवक्खित्तमणस्स जायस्स ॥६००४॥  
 कितु परं गुरुलाहो अन्नो अम्हाण अज्जसंजाओ । जं खु वसंतसिरीए विन्नाओ वइयरो एसो ॥६००५॥  
 जं अम्ह सामिणो नंदणम्मि अणुराइणी सयंवरणे । चलिया चिट्ठइ एसा पडिवक्खेणं पडिक्खलिया ॥६००६॥  
 ता इन्दि चिय तुब्भे वच्चह नरपुंगवस्स नरवइणो । गंतूणं जाणावह सरुवमेयं जहा निसुयं ॥६००७॥  
 पडिवन्नं अम्हेहि तं वा मणसामिणो तओ वयणं । किर संवहिउं लगा भुच्चा चउहट्टयम्मि गया ॥६००८॥  
 उवविट्ठा चिट्ठामो वणिणो एगस्स जाव हट्टम्मि । तो तयणुलगावणिहट्टसंठिया के वि दोन्निरा ॥६००९॥  
 जंपंति परोप्परमेरिसं जहा कि पि कि तए निसुयं । अज्ज न वाइयभणिए एक्केण तओ भणइ वीओ ॥६०१०॥  
 न य कि पि तारिसं जइ तुमं तु जाणेसि तो कहह अम्हं । इयरो साहेइ तओ पयाणयं निवकुमारस्स ॥६०११॥  
 बीओ पुच्छइ कत्थव केणव कज्जेण तो कहइ इयरो । गुलखेडम्मि गमिस्सइ कज्जं तु इमं जणपयडं ॥६०१२॥  
 तत्थ वसंतसिरीए गंतूण करिस्सए सहायत्तं । इयरो पुच्छइ कारणमन्नं पि किमत्थि इह कि पि ॥६०१३॥  
 सो वेइ अत्थि इयरो जंपइ कि तं कहेहि सो भणइ । साहेमि तुज्ज तं कितु जइ तुमं नेय साहेसि ॥६०१४॥  
 अन्नस्स पुरो कस्सइ सो वेइ सयं पि ताव एरिसयं । न कहेमि अहं कस्सइ कि पुण विणिवारिओ तुमए ॥६०१५॥  
 तो इयरेण दिसाओ पलोइयाओ न को वि आसन्नो । आसी तत्थ दुइज्जे हेट्टे अम्हे पडंतरिया ॥६०१६॥  
 आसन्ना वि न दिट्ठा जवणियछिड्डेण सोउ अम्हेहि । दिट्ठो दिसामु दिट्ठि देंतो निसुओ य साहेतो ॥६०१७॥  
 एरिसयं तस्स पुरो जं किर सा असमरुवसंपन्ना । चिट्ठेइ वसंतसिरी तं वंछइ सयमिमो गहिउं ॥६०१८॥  
 सिरिसूरपालरायस्स नंदणो वीरपालनामो ति । जणओ वि न जाणइ तस्स एरिसं मणगयं भावं ॥६०१९॥  
 सयमेव य विन्नविउं राधाणं दूसलस्स साहेज्जे । अप्पा आणविओ वीरपालनामेण कुमरेण ॥६०२०॥  
 सो पुच्छइ एरिसयं कहं रहस्सं तए परिन्नायं । कहइ इयरो जहा मे बालवयंसो रिसी नाम ॥६०२१॥  
 अत्थेत्थ सो उ संपइ आसन्नो वीरपालकुमारस्स । तेण मह कहियमेयं केणइ नियकारणवसेण ॥६०२२॥  
 एयं सोउण तओ झडत्ति अम्हेहि नियसमावासे । आगंतूणं कहियं वामणसामिस्स सव्वं पि ॥६०२३॥  
 तेण भणियं जहम्हं सुदंसणाओ भयं तहा नत्थि । जह वीरपालकुमारस्स संतिया वट्टए संका ॥६०२४॥  
 नियमंडलस्स मज्झे काउं सव्वं पि सक्कए एसो । ता तुब्भे इन्दि चिय एत्तो निग्गच्छह जवेण ॥६०२५॥  
 रत्तिदियाय वहिउं चंदउरीए पुरीए गंतूणं । नियसामिणो कमाणं पुरओ साहेह सव्वमिमं ॥६०२६॥  
 तो तक्खणाउ चलिया अम्हे पंचमदिणिम्म इह पत्ता । विशत्तं देवस्स वि एत्तो देवो पमाणंति ॥६०२७॥  
 अह सूरपालनयराउ आगए दो वि ते विसज्जेउं । बुद्धिनिहाणो मंती नरपुंगवराइणा भणिओ ॥६०२८॥  
 जं चैव वसंतसिरी दूएहिं पढममेव विन्नत्तं । अम्हेच्चय पुरिसेहिं वि तं चैव निवेइयं इन्दि ॥६०२९॥

ता संवाओ जाओ उभयाण वि जंपिएसु दूयाणं । तम्हा संदेहो इह वत्थुम्मि न को वि कायव्वो ॥६०३०॥  
 जइ वि वसंतसिरीए अंगीकारो न को वि अम्हेहिं । विहोओ चिट्ठइ अज्ज वि त्हा वि तीए सयं वरिओ ॥६०३१॥  
 सिरिवम्मकुमारो तस्स अतिए आगमं कुणंतीए । जायं च वहुनिवाणं रज्जेसु पसिद्धमेयं पि ॥६०३२॥  
 पुव्वं वामवदत्तो महाबलो तयणु सूरपालो य । पुरिओ य अहं एए चउरो वि निवा मुणाति धुवं ॥६०३३॥  
 अन्नैसि पि निवाणं रज्जेसु दिणे दिणे इमो अट्ठो । पसरंतो मन्निज्जइ दूएहि एतं जेतैहि ॥६०३४॥  
 तो जइ सुदंसणेणं अहया वि हु वीरपालकुमरेण । केण वि घेप्पइ सा तह वि होइ गुरुपरिभवो अम्ह ॥६०३५॥  
 ता इन्हि चिय कीरउ उवक्कमो एत्य अह भणइ मंती । निमिसद्धं पि न कीरइ देव! विलंबो इहट्ठुम्मि ॥६०३६॥  
 ठाणाओ उट्ठिज्जइ एतो विहिए उवक्कमे गरुए । बेइ निवो दोन्नि निवे अंगीकारुण गंतव्वं ॥६०३७॥  
 तो दंडाहिवसेत्तम्मि पेसिए तत्थ होइ न हु सिद्धी । तम्हा सयमेव माए गंतव्वं एत्थ नियमेण ॥६०३८॥  
 मंती भणइ इहट्ठे तुम्हेहिं चिय गएहि होइ परं । एसो न को वि नियमो पडिबिबं को वि जो तुम्ह ॥६०३९॥  
 तेण वि गएण सिज्जइ जम्हा पुरओ वि रायकुमराण। सुव्वइ समागमो न उण पत्थिवा के वि तत्थ गया ॥६०४०॥  
 अह सिरिवम्मकुमारो जोडियहत्थो नरेसरं नमिउं । विन्नवइ जहा एयं अम्ह पसायं कुणउ देवो ॥६०४१॥  
 चिट्ठंतु देवपाया पवित्तयंता इहेव चंदउरि । नियदंसणेण तोसं उप्पायंता पुरजणस्स ॥६०४२॥  
 जा पत्थिवो न जंपइ कि पि तओ उट्ठिऊण पाएसु । पिउणो निक्खिउणं नियसीसं वयइ सिरिवम्मो ॥६०४३॥  
 जइ मइ चिट्ठंतम्मि वि देवो विजयं करिस्सए कडए । तो देवेण सयं चिय काउरिमत्तं ममट्टुवियं ॥६०४४॥  
 ता जत्तागमणमिमं आइसउ ममेव संपयं देवो । इय निबंघं नाउं कुमरस्स तओ नरवरणेण ॥६०४५॥  
 विन्नो तस्साएसो निरुवियं सव्वमेव नियसेत्तं । तेण सह पहाणयरं तओ विइत्तं निवेण सयं ॥६०४६॥  
 बीडयमिमो गहेउं सिरिवम्मो निग्गओ तओ ज्जत्ति । पत्थाणे ठाऊणं भुत्तो नयरीए बाहिम्मि ॥६०४७॥  
 हक्कारिऊण तो दोन्निनियनरे समुचिए समाइसइ । जह सूरपालरत्तो देसे गुलखेडनयरस्स ॥६०४८॥  
 आसन्नद्वियवज्जाउह देवीए पुरस्स मज्झम्मि । गहियावासा चिट्ठइ निववासवदत्तअंगरुहा ॥६०४९॥  
 नामेण वसंतसिरी तीसे पासम्मि ताव पुव्वं पि । गंतूणं तुम्भेहिं अविलंबगईए दोहि पि ॥६०५०॥  
 कहियव्वं तप्पुरओ एरिसयं जो तए निओ पुरिसो । सामनामो नरपुंगवस्स रत्तो समीवम्मि ॥६०५१॥  
 सत्तहि जणेहि सहिओ पट्टुविओ आसिसो पहे जंतो । कुमरसुदंसणपुरिसेहि मारिओ पंचजणसहिओ ॥६०५२॥  
 सेसेहि पुणो दोहि उ वाइयदेहेहि तत्थ गंतूण । सव्वं निवस्स पुरओ कहियं तेण वि निवकुमारो ॥६०५३॥  
 सिरिवम्मो आइट्ठां संवाहे तुम्ह आगमणहेउं । एतो चिट्ठइ मग्गे न का वि अधिई तओ तुमए ॥६०५४॥  
 कायव्वा नियचित्ते इमस्स अट्टस्स तुज्ज कहणत्थं । सिरिवम्मणेणं अम्हे पट्टुविया अगओ होउं ॥६०५५॥  
 इय तीसे कहिऊणं तत्तो जोयणदुगंतरठियस्स । पासम्मि सुदंसणनामयस्स कुमरस्स गंतूणं ॥६०५६॥  
 पढमं चिय नरपुंगवनिववयणेणं इमं इमं तस्स । कहियव्वं तुम्हेहिं तो जइ मल्लइ न सो एवं ॥६०५७॥  
 दुबुद्धिसेहरो तो निरवेक्खं मज्झवयणओ पच्छा । एवं एवं एसो भणियव्वो निव्वियप्पेहि ॥६०५८॥  
 भणिऊण सुदंसणकुमरमेरिसं तो नियत्तिउं तत्तो । वज्जाउहदेवीए पुरम्मि एज्जह पुणो तुम्भे ॥६०५९॥  
 इय सिक्खं दाऊणं विसज्जिऊणं च ते दुवे वि जणे । सामंतमहासाहणियमंडलाहिवइणो तत्तो ॥६०६०॥  
 हक्कारिऊण सव्वे नरपुंगवरायनंदणो भणइ । जे के वि तुम्ह सेन्ने घडियाए जोयणं जंति ॥६०६१॥  
 तुरया करहा य तहा जियस्समादीहमग्गमणम्मि । आरोहया य तेसि निव्वाडेऊण ते सव्वे ॥६०६२॥

पंचन्हं दियहाणं पज्जत्तं संबलं गहेऊण । मज्झ समप्पह इन्हि जह तेहिं समं अहं एत्तो ॥६०६३॥  
 संज्ञाए नीहरिउं बहिउं राओ दिया य परमदिणे । पन्नासजोयणं ते वज्जाउहदेवि पुरवाहिं ॥६०६४॥  
 आवासं गहिऊणं करेमि तो भोयणं व सयणं वा । तुम्हे पुण सिविरजुया पच्छा सणियं पि एज्जाह ॥६०६५॥  
 सिरिवम्मकुमारो जंपिऊण एवं ठियम्मि मोणेणं । मंडलियाईहिं तओ विन्नत्तो सविणयं एसो ॥६०६६॥  
 जो तुम्ह समाएसो गो कीरइ इन्हिमेव अविंलंबो । कितु परं तुव्भेहिं सह अम्हे आगमिस्सामो ॥६०६७॥  
 सयमेव सिविरमज्जे मोत्तुणं कं पि अप्पणो पुरिसं । पडिवन्नं कुमरेणं वि तद्देव तेहिं वि कयं ज्जत्ति ॥६०६८॥  
 अह सिरिवम्मकुमारो पंचहिं सह मत्तकरिवरसएहिं । तह जच्चतुरंगणं पन्नासाए सहस्सेहिं ॥६०६९॥  
 पंचहिं रहसहसेहिं तीस सहस्सेहिं पवरकरहाण । संखित्तेण बलेणं एत्तियमेत्तेण संचलिओ ॥६०७०॥  
 तिहि-नक्खत्तमुहुत्तं गणाविद्यं किं पि नेय गणयाओ । न य सउणो न निमित्तं अवेविखयं किं पि तेण तया ॥६०७१॥  
 न य परबलबद्धत्तं न य थेवत्तं नियस्स सेन्नस्स । एमेव सीहपोओ व्व पट्टिओ मयकुलस्सुव्वरिं ॥६०७२॥  
 एत्तो य मामलं सारिऊण अह्ला वि देविभवणाओ । पुरिसेसुं आगएसुमाहवराओ तओ चलिओ ॥६०७३॥  
 वज्जाउहदेवीए पुराउ कडए सुदंसणस्स गओ । साहइ तस्स पुरो जह तुव्भेहिं कुमारअहमेत्तो ॥६०७४॥  
 आसि वसंतसिरीए सहवपरियाणणट्टुमाइट्टो । जा तत्थ गओ ता तक्खणे वि देवीपुराहितो ॥६०७५॥  
 एक्को तुरयविग्गो विणिग्गओ पवरपोरिसो पुरिसो । सत्तहिंसाउहपुरिसेहिं संजुओ पायचारीहिं ॥६०७६॥  
 इच्चेवमाइसव्वं विस्थरओ गहिंयं पुरो तस्स । ता जाव तेण पेसियपुरिसेहिं सामलो निहओ ॥६०७७॥  
 अप्पच्छट्ठो पच्छा तेजि गहिंयं जमासि ह्यपमुहं । लेहेण संजुयं तं सव्वं पि ह् दंसियं तस्स ॥६०७८॥  
 सो वि सुदंसणकुमरो वाएउं लेहमवगयतयत्थो । तुट्ठो माहवरायं पसंभए जंपए य तहा ॥६०७९॥  
 अन्न वि तुमं पुरित्ते पच्छन्ने के वि कम्मयरुवे । तत्थ निरुवेहिं जहा पुणो वि ते माणुसं किं पि ॥६०८०॥  
 वज्जाउहदेवीए पुरमज्जाओ वसंतसिरितणयं । नरपुंगववासवदत्तपत्थिवाणं समीवम्मि ॥६०८१॥  
 गच्छंतं नाऊणं कहेति लहू तुज्झ तो तुमं पुरिसे । पेसेउं तस्स करेसि निग्गहं जेण कइ वि दिणे ॥६०८२॥  
 दोन्हं पि नरिदाणं एएमि वाहयाए को वि जणो । नागच्छइ जा सिज्झइ अम्हाणं कज्जमेयंति ॥६०८३॥  
 माहवराएण सुदंसणस्स वयणं तह त्ति तं ज्जत्ति । पडिवज्जिऊण विहियं इममेवं वट्टए ताव ॥६०८४॥  
 एत्तो य वीरपाले गुलखेडाभिमूहविहियपत्थणो । तेहिं सुदंसणदूएहिं सूरपालो निवो पुण वि ॥६०८५॥  
 विन्नत्तो पच्चत्तरसेंसि देइ अह मए सिक्खं । इह अट्ठे दाऊणं पट्टुविओ चिट्टुए इन्हि ॥६०८६॥  
 नियकुमरवीरपालो गुलखेडपुरमिं तेण सह तुव्भे । वच्चह तत्थ गओ सो नाऊण करिस्सए लट्ठं ॥६०८७॥  
 इय भणिऊणं ते सूरपालरत्ता भिमज्जिय। ज्जत्ति । नाऊण तस्स वयणं अणायरं निग्गथा तत्तो ॥६०८८॥  
 मिलिया न वीरपालस्स ते सुदंसणकुमारकडयम्मि । ज्जत्ति गया तस्स पुरो जहट्टियं सव्वमक्खंति ॥६०८९॥  
 तेण वि तो सोऊणं वीमंसियमत्तणो मणे एवं । जइ वि गमीहियकज्जं संभाविज्जइ न सिज्जं तं ॥६०९०॥  
 तह वि नमे इन्हि चिय एत्तो ठाणाओ जुज्जए गंतुं । अन्नह जणो भणिस्सइ भीयमणो वीरपालाओ ॥६०९१॥  
 नट्ठो अणागयं चिय सुदंसणो तो समागए संते । कुमरम्मि वीरपाले गुलखेडपुरमिं तयणअहं ॥६०९२॥  
 ठाऊण कडवयदिणे इहेव नियमंडलस्स मज्झम्मि । तह य वसंतसिरीए नाऊण विणिग्गमं एत्तो ॥६०९३॥  
 नियठाणम्मि गमिस्सं इय वित्तेउं टिज्जम्मि तम्मि तओ । वीयम्मि दिणे पत्तो गुलखेडे वीरपालो वि ॥६०९४॥  
 सिरिसूरपालरत्तो अंगसहो विज्जमेन्नपरिकलिओ । पवरकरि-तुरय-रह-जोहसंजुओ गुहविभूईए ॥६०९५॥

तेण नियाभिप्पाओ वसंतसिरिकन्नयाए विसयम्मि । कहिओ दूसलदंडाहिवस्स पुरओ ममगो वि ॥६०९६॥  
 तेण वि भणियं सरणागयस्स ढुक्किज्जए जमेयं पि । ताव न लट्ठं कि पुण नरवइणो सूरपालस्स ॥६०९७॥  
 पुरओ अन्नं पडिवज्जिऊण एत्थागओ कुणसि अन्नं । एयं तु अइविरुद्धं तुम्हं अम्हं च परिणामे ॥६०९८॥  
 इय दूसलेण एसो पडिसिद्धो सूरपालनिवतणओ । ज्ञत्ति वसंतसिरीए परिणयणमइं नियत्तेइ ॥६०९९॥  
 तो वीरपालकुमारो दूसलदंडाहिवं भणइ एवं । एईए उवरि मए नियत्तिओ नियअभिप्पाओ ॥६१००॥  
 परमेईए रुयं अइसयभूयं निसम्मइ जणाओ । ता कि केणइ गंतूण तुज्ज पुरिसेण तं दिट्ठं ॥६१०१॥  
 विन्नवइ दूसलो तं अम्हं नरो को वि अंतिए तीए । न गओ तीसे पुरिसा पओयणेणं महं समोवे ॥६१०२॥  
 एति असइं कहेंति य पुट्ठा ते तीए रुवमब्भहियं । तो भणइ वीरपालो पेसेऊणं निए पुरिसे ॥६१०३॥  
 तीसे पासम्मि तओ पेक्खाविज्जइ जहाविहं रुवं । तो भणइ दूसलो कि निरत्थयं पेक्खिणमिणा ॥६१०४॥  
 जम्मि न गंतव्वं चिय गामे मगो वि संतिओ तस्म । कि पुच्छिज्जइ एमेव निप्फलो विव्वहलोएण ॥६१०५॥  
 तो भणइ वीरपालो तह वि हु सिरिसूरपालनरवइणा । अम्हे पट्टविया इह तीसे साहेज्ज करणत्थं ॥६१०६॥  
 एवं जाणाविज्जइ पडिवन्नं दूसलेण वि तओ तं । दोहिं वि पहाणपुरिसो एक्केक्को मिक्खवेऊणं ॥६१०७॥  
 पट्टविओ तत्थ तओ गंतूणं तेहिं दोहिं वि जणोहिं । कहियं तीसे पुरओ जह रत्ता सूरपालेण ॥६१०८॥  
 नियकुमारवीरपालो साहेज्जे तुम्हं पेसिओ एत्थ । गुलब्वेडपुरे पतो सो चिट्ठइ भाणियंतेण ॥६१०९॥  
 तुम्हाण सम्मुहमिणं भणसि तुमं जत्थ कत्थई तत्थ । नेउं संपावेमो वासवदत्तस्स वा पासे ॥६११०॥  
 सिरिवम्मकुमारस्स व तीए भणियं जहा मदेसस्स । सीमं लंघावेउं नरपुंगवदेसमज्जम्मि ॥६१११॥  
 नेऊणं मं मुंचइ दियहाणं दोन्ह-तिन्ह वा अंते । अम्हेचचय लोओ को वि कत्थई संपयं पगओ ॥६११२॥  
 जम्हा चिट्ठइ तत्तो जाव इमो मिलइ एगठाणम्मि । संवहइ य ताव अहं तुम्हाण क्हावइस्सामि ॥६११३॥  
 अहं तुम्हे लहु एज्जह तो दूसलवीरपालपुरिसेहिं । दोहिं वि तं पडिवन्नं अहं तीए ताण संमाणं ॥६११४॥  
 वरयत्थाईहिं कयं विसज्जिया ते वि उट्ठिऊण गया । साहेति वीरपालस्स तारिसं दूसलजुयस्स ॥६११५॥  
 तो वीरपालकुमारो वसंतसिरिअंगचंगिमणूणस्स । पन्हं करेइ नियपुरिसअंतिए कहइ सो तस्स ॥६११६॥  
 एक्काए जीहाए वसंतसिरिनामियाए कन्नाए । रुवं न वन्नियमइं सक्केमि कुमार थवें पि ॥६११७॥  
 जइ होइ पडिच्छंदो वसंतसिरिरुयसंतिओ दिट्ठो । कत्थइ मए तओ हं कुमार साहेमि तुह पुरओ ॥६११८॥  
 वज्जाउहदेवीए पडिमा किर एत्थ अब्भहियरूवा । सा वि वसंतसिरीए पायंगुट्ठेण वि न तुल्ला ॥६११९॥  
 सो एवं जंपतो निवारिओ दूसलेण हा एयं । मा भणसु पुणो एसा जं सच्चो वाइया देवी ॥६१२०॥  
 सो जंपइ तेणं चिय अहं पि सच्चं भणामि नो अलियं । अलियवयणेण जम्हा एसा वि पकुप्पए देवी ॥६१२१॥  
 तो वयइ वीरपालो जइ एवं तो सथं पि अम्हाणं । सा दट्टुवा चिट्ठइ तो जंपइ दूसलो एवं ॥६१२२॥  
 सा ताव वसंतसिरी हक्कारेउं न जुज्जए एत्थ । तुम्हे वि तत्थ गंतुं जहा तहा ने य सक्केह ॥६१२३॥  
 कहं दंसणं भविस्सइ तीए सह तुम्हं पत्थिवकुमार । सो वयइ मए लद्धो चिट्ठइ एक्को इह उवाओ ॥६१२४॥  
 सो केरिसो त्ति पुच्छइ दंडाहिवदूसलो कहइ कुमारो । वज्जाउहदेवीए दंसणहेउं गमिस्सामि ॥६१२५॥  
 तो देविं पूएउं पूयादंसणकए वसंतसिरि । हक्कारिउं करिस्सं तीए सह दंसणं तत्थ ॥६१२६॥  
 तो दूसलो पयंपइ जं किचि वि संगयं कुमारस्स । पडिहासइ निय चित्ते तं कुणउ किमम्हं भणिएण ॥६१२७॥  
 तो वीरपालकुमारो दंडाहिवदूसलं पि सह नेइ । देवी भवणम्मि तओ सो चितइ दूसलो एवं ॥६१२८॥

कुमरस्स मणे भावो न सुंदरो एरिसं कुणंतस्स । काहि कं पि अणत्थं तदंसणमोहिओ एसो ॥६१२९॥  
 ता वज्जाउहनामे देवि तुमं तह करेसु जह एसो । ने य वसंतसिरीए देहावयवं पि पेक्खेइ ॥६१३०॥  
 तुज्ज अहं अट्टदिणे जत्तं अइवित्थरेण कारिस्सं । इय चित्तंतो पत्तो कुमरेण समं इमो तत्थ ॥६१३१॥  
 कयपूओ देवीए कुमरो हक्कारए वसंतसिरि । कयभुत्तरं इमीए दिट्ठीए अत्थि मह बाहा ॥६१३२॥  
 कुमरो भणावइ तओ तमहं पडिजागरेमि आगंतुं । तीए भणावियंतो पडिजागरणं कयं चेव ॥६१३३॥  
 तुम्हेहि अम्ह वत्तं पुच्छंतैहि इहट्टिएहि पि । ता न खडप्फडियत्वं म्हाए गरुया जओ तुम्भे ॥३१३४॥  
 तो दूस्सरेण भणिओ कुमरो जं किञ्चि समुच्चियं तुम्ह । तं कयमिन्दिह तु इओ गम्मइ गुलखेडनयरम्मि ॥६१३५॥  
 तो वीरपालकुमरो तह चेव करेइ उट्टिउं तत्तो । वच्चइ गुलखेडपुरे एत्तो मुणियस्स ख्वेण ॥६१३६॥  
 माहवराएण सुदंसणस्स गंतूण साहियं एवं । जह दोन्हं तिन्हं वा दिणाण मज्जे वसंतसिरि ॥६१३७॥  
 बोलाविऊण निवसूरपालपुत्तो नियस्स देसस्स । सीमं छट्ठावेउं नरपुंगवदेससीमाए ॥६१३८॥  
 नेऊण नियत्तिस्सइ तओ सयं वीरपालवरकुमरो । इय तव्वयणं सोउं सुदंसणो नियमणे तुट्ठो ॥६१३९॥  
 चित्तइय जह नियत्ते तत्तो कुमरम्मि वीरपालम्मि । सज्जा मज्ज भविस्सइ वसंतसिरिकन्नया नूणं ॥६१४०॥  
 तो एत्तो जम्मि दिणम्मि वीरपालेण सह वसंतसिरी । वच्चिस्सइ तम्मि दिणे रयणीए पयाणयं दाउं ॥६१४१॥  
 नियमंडलमज्जेणं गंतूणं गोविण्ण सेन्नेण । पविसेउं नर पुंगवमंडलमज्जे वसंतसिरि ॥६१४२॥  
 एगागिणिं गहिस्सं इय चित्तेउं तओ विसज्जेइ । माहवरायं एसो एत्तो सिरिवम्मकुमरेण ॥६१४३॥  
 जे आसि दोन्नि पुरिसा पट्टविया ते समागया तत्था । तेहिं वसंतसिरीए कहियं सिरिवम्मसंदिट्ठं ॥६१४४॥  
 सिरिवम्भेणं अम्हे तुज्ज समीवम्मि पेसिया एवं । तेसि वयणं सोउं पढमं जाया वसंतसिरी ॥६१४५॥  
 उच्छलियबहलपुलया पहरिसपगलंतनयणजलनिवहा । अहिणववियसियसयवत्तविउलविमलाणणच्छायाइ ॥१४६॥  
 तयणंतरं तु सामलमरणे निसुयम्मि जायसोया वि । नयणेसु जलपवाहं तहट्टियं चेव उव्वहइ ॥६१४७॥  
 नवरं विसरिसमेयं देहे सयलो वि मउलियो पुलओ । संकुडयं झत्ति मुहं तीसे जायं च अलिमल्लिणं ॥६१४८॥  
 सिरिवम्मो तुम्ह समीवमेइ एयं निसामिउं तत्तो । उल्लसियगरुयहरिसा पुव्वसरुवा पुणो जाया ॥६१४९॥  
 इय बद्धामरिसेहिं मल्लेहिं व तक्खणे वि अन्नोत्तं । तीसे मणम्मि रंगे व्व हरिस-सोएहिं विप्फुरियं ॥६१५०॥  
 मज्जणभोयण-तंबोल-वत्थमाईहिं गरुयसम्माणं । तेसि दोन्हं पि हु कारवेइ अह सा वसंतसिरी ॥६१५१॥  
 अह अणुजाणावेउं वसंतसिरिकन्नयं तओ चलिया । दूया दो वि सुदंसणकुमारकडयम्मि गंतुमणा ॥६१५२॥  
 संज्ञाए संपत्तो तत्थ तओ पुव्वकहियसेन्नेण । संजुत्तो सिरिवम्मो पुरबाहिं लेइ आवासं ॥६१५३॥  
 नाऊण वसंतसिरी सिरिवम्मं कु मरमागमं तत्थ । उल्लसियगरुयहरिसा न माइ देहे न वा गेहे ॥६१५४॥  
 अह सिक्खवणं दाउं सा पेसइ पियवयंसियं निययं । वणसिरिनामं सिरिवम्मकुमरपायाण पासम्मि ॥६१५५॥  
 वत्थाहरण-विलेवणतं बोलाई पयत्थसंजुसं । गंतूण तत्थ सा ढोइऊण तं तस्स सव्वं पि ॥६१५६॥  
 जंपइ जोडियहत्था तं एवं अम्ह सामिणीकुमर । विन्नवइ वसंतसिरी तुम्ह पयाणं जह मणेमे ॥६१५७॥  
 तुह संगमाहिलासो तुह गुणसवणेण पढममं कुरिओ । चित्ताभिलिहियरूवावलोयणे तयणु पल्लविओ ॥६१५८॥  
 जणयाणुन्नाए एत्तियम्मि दूरे समागमेण पुणो । साहपसाहावित्थरमणुपत्तो गमणविकखंभे ॥६१५९॥  
 दुव्वाइओ मणं पि हु पुणो वि तुह दूयकहियसंदेसे । लद्धसुवाओ जाओ तुम्हागमणेण पुण इन्दिह ॥६१६०॥



संपत्तकुसुमसोहो संजाओ संपयं पुण जहा सो । फलइ महायस! तह कुणसु झत्ति पसिऊण अम्हुवरि ॥६१६१॥  
 अह सिरिवम्मो ऊमुयहियओ वि तमाहवणसिरि एवं । तुह सामिणिदूएहि चंदउरिगएहि जम्मि खणे ॥६१६२॥  
 नरपुंगवनिवपुरओ कहिज्जमाणं इमं मए निसुयं । जह सिरिवम्मकुमारे कयाणुराया वसंतसिरी ॥६१६३॥  
 एंती पहे निरुद्धा सुदंसणेणं महाबलसुएण । तप्पभिइ मए नायं जइ कह वि विहंगमो होउं ॥६१६४॥  
 उप्पइउं नहमग्गे गंतुं परिणेमि तं वसंतसिरि । अह दिन्नाए सोहं जणएणं झत्ति इह पत्तो ॥६१६५॥  
 तायनिरुवियसेन्नस्स मज्झ सो थेवमेव गहिऊण । सारं सेत्रं सेसं सिबिरेण समं कयं एतं ॥६१६६॥  
 तो हं इम्मि कज्जे सयमेव समूसुओ अइसएण । किंतु जणयाण पढमो पुत्तो हं पढमपरिणयणं ॥६१६७॥  
 मज्झ इमं तेसि असमक्खं कह णु जुज्झए काउं । ता भणह तं जहा सा वि सहइ जा जामि चंदउरि ॥६१६८॥  
 तो भणइ वणसिरी सिरिवम्मकुमारं जहा तुमं सुहिओ । न मुणसि परस्स पीडं तो एवं वयसि लीलाए ॥६१६९॥  
 जा अम्ह सामिणी पुण तुह गुणसवणुब्भवाणुराएण । पकुवियमयणमहाभडसरोहं ताडिज्जए निच्चं ॥६१७०॥  
 सा पीडं अतरंती सहिउं मन्नइ खणं पि वाससमं । तेण सयं पि पयट्टा कुमार! तुह पविसिउं सरणे ॥६१७१॥  
 जं पुण पभणसि एवं नियपियराणं करेमि न परोक्खे । परिणयणं पि न जुत्तं वोत्तुं तुह तं पि निवतणय! ॥६१७२॥  
 जम्हा तुह पियरोहिं वासवदत्ताउ पत्थिउं एसा । न हु आणीया तो कह सयं विवाहे वि तुह दोसो ॥६१७३॥  
 किं चि सयं परिणयणे तुह दूसणमिणमहं हरिस्सामि । अपरिणयणमि दोसं देवं पि न तुज्झ अवहरिही ॥६१७४॥  
 सिरिवम्मो आह कहं तो पभणइ वणसिरी जहा कुमार। न विही वि तं वि वन्नं जीवाविस्सइ वसंतसिरि ॥६१७५॥  
 सोऊण वणसिरीए वयणमिणं नियमणम्मि सिरिवम्मो । चितइ अच्चावत्था मयणेण कया वसंतसिरी ॥६१७६॥  
 नूणं तेण स कोवं सोवालंभं च पियसही तीसे । एसा एवं जंपइ सदुक्खहियया निरुवयारं ॥६१७७॥  
 ता जइ पत्थणभंगे सुयम्मि सा जीवियं नियं चयइ । तो होइ गुरु अणत्थो एसो विहिओ मए चव ॥६१७८॥  
 जावज्जीवं पि तओ पच्छायावो न फिट्टइ ममेसो । हवइ य जयम्मि सयले अयसो गुरुयणपकोवो य ॥६१७९॥  
 ता पत्तयालमिन्हि एयं चिय नूण मज्झ करणिज्जं । जं परिणिज्जइ एसा अबिलंबं चित्तिउं एवं ॥६१८०॥  
 सो आह वणसिरि जह झत्ति तुमं संपयं पि गंतूण । पवणं विवाहजोग्गं कारेहि अहं जहा एमि ॥६१८१॥  
 धुवलग्गम्मि करिस्सं परिणयणं तुज्झ सामिणीए अहं । इय सा लद्धा एसा कुमारपात्ताउ उट्ठेउं ॥६१८२॥  
 गंतूण वसंतसिरीए साह एसा वि वड्डपुरिसाणं । कहिऊणं कारावइ पउणं सव्वं विवाहकए ॥६१८३॥  
 सिरिवम्मो वि कुमारो भणिए समयम्मि तत्थ गंतूण । संखेवेणं परिणेइ रायधुयं वसंतसिरि ॥६१८४॥  
 रइसुहमणहुविऊणं निद्धं काऊण रयणिविरमम्मि । कयपाभाइयकिच्चो उवविट्ठो जाव चिट्ठेइ ॥६१८५॥  
 ताव सुदंसणकडयाउ दूयपुरिसा समागया दो वि । तं पणमिऊण साहेति अग्गओ तस्स ते एवं ॥६१८६॥  
 अम्हे कुमार तुम्हाएसेणं पढममेत्थ आगंतुं । कहिऊण वसंतसिरीए अग्गओ तुम्ह आएसं ॥६१८७॥  
 तं अणुजाणावेउं गया सुदंसणकुमारकडयम्मि । काऊण तेण सह दंसणं तओ भणियमम्हेहि ॥६१८८॥  
 जह अम्हे पट्टविया नरपुंगवनिवइणा तुह समीवे । तेण भणावियमेवं जह अम्ह महाबलो राया ॥६१८९॥  
 मित्तं तस्संगरुहो तुमं तु सिरिवम्मकुमारठाणम्मि । अम्हेहि जहा एसो सिवखवियव्वो तह तुमं पि ॥६१९०॥  
 जह सिरिवम्मविभूईए होइ अम्हं मणम्मि परिओसो । तह तुज्झ वि विभवेणं जायइ अम्हाणमाणंदो ॥६१९१॥  
 तो जइ नियपीईए पडिवज्जइ कह वि तं वसंतसिरि । तो परिणेहि तुममिमं असंगयं किं पि नो एयं ॥६१९२॥  
 हढवित्तीए वि इमं तुह गिन्हंतस्स किं पि न भणामो । एवं पि कह वि एसा तुह भज्जा होइ तो होउ ॥६१९३॥

परमेयं न भविस्सइ वरमेसा चयइ सव्वहा जीयं । सिरिवम्माओ अन्नं तह वि न मन्नइ इमा दइयं ॥६१९४॥  
 तीसे जीयच्चाए पुण जाए तुज्ज अवजसो होही । ता मोत्तुमसग्गहमेयमप्पणो जाहि ठाणम्मि ॥६१९५॥  
 मा इह परलोगाणं दोन्हं पि हु कुणह अप्पणो नासं । इच्चाइ वइयरे साहियम्मि सयलम्मि तस्स पुरो ॥६१९६॥  
 कयभिउडीभंगेणं तेण तओ जंपियं जहा एयं । सिक्खं तस्से व नियस्स देउ सिरिवम्मकुमरस्स ॥६१९७॥  
 सो नरपुंगवराया अम्हं तु महाबलो महाराओ । चिट्ठइ सिक्खादाया तस्सेवगिरं करिस्सामो ॥६१९८॥  
 जइ रुच्चिस्सइ चित्तस्स मज्झ अन्नह न तं पि पकरिस्सं । अम्हेहि तओ भणियं जं रुच्चइ तं तुमं कुणसु ॥६१९९॥  
 किंतु सिरिवम्मवयणं एक्कं इन्हि तुमं निसामेहि । सो आह वयह अम्हेहि जंपियं तेण संदिट्ठं ॥६२००॥  
 इय तुह जह नरपुंगवराया अइ उज्जुओ सुयणपभई । अप्पं व पेच्छइ परं न उण वियाणइ खलसरूवं ॥६२०१॥  
 ता वयणमिस्स तए मणपि कन्नम्मि नेय करणिज्जं । एस वसंतसिरीए अहं करिस्सामि परिणयणं ॥६२०२॥  
 तत्थागंतूणं तुह पेच्छंतस्स वि भणिज्ज मा एवं । जं न मए विन्नायं जइ सक्कहि तो निवारेहि ॥६२०३॥  
 एवं सो अम्हाणं वयणं सुणिउं सुदंसणो कुमरो । को वायंबिरवयणो बेइ जहा एउ सिरिवम्मो ॥६२०४॥  
 सिग्गं चिय पाहुन्नं करेमि जह तस्स जोग्गयं कि पि । इय भणिउं तेणम्हे विसज्जिया आगया एत्थ ॥६२०५॥  
 इय विन्नविउण टिया दोन्नि वि सिरिवम्मवरकुमारेण । उववूहियसम्माणियविसज्जिउं जाव पारद्धा ॥६२०६॥  
 एत्थंतरम्मि पुरिसा पट्टविया दोन्नि वीरपालेण । पत्ता सिरिवम्मकुमारअंतिए विहियपडिवत्ती ॥६२०७॥  
 जंपति जह भणावइ तुब्भेइय वीरपालवरकुमरो । निय देसाओ तुम्हे समागया अम्ह देसम्मि ॥७२०८॥  
 अम्हेहि दायव्वं पाहुन्नयभोयणं तओ तुम्ह । तुम्हेहि वि दायव्वं विवाहविहिभोयणं अम्ह ॥६२०९॥  
 तो पढमं पि करिस्सह किं तुम्हे किं गिहम्मि अम्हाणं । भुंजिस्सह अह अम्हे भुंजाविस्सह नियावासे ॥६२१०॥  
 तो जंपइ सिरिवम्मो दोन्हं एक्कं पि संपयं नेय । सक्का अम्हे काउं कज्जंतरमत्थि जं जायं ॥६२११॥  
 ते वीरपालपुरिसा बेंति तओ कि तयं ति आह तओ । सिरिवम्मो जह पढमं सुदंसणो अम्ह पाहुन्नं ॥६२१२॥  
 काही चिट्ठति जओ निमंतया पेसिया इमे तेण । अम्हाणमियभणेउं ते पुरिसा दंसिया तेसि ॥६२१३॥  
 तो वीरपालपुरिसेहि पुच्छिया ते कहेंति पुव्वुत्तं । तेहिं तओ सिरिवम्मो पुट्ठो किं वीरपालस्स ॥६२१४॥  
 अम्हे गंतुं कहिमो सो आह जहासुयं इमेहितो । इय भणिउं तंबोलं दाउं ते तेण पट्टविया ॥६२१५॥  
 गंतूण तेहिं कहियं तं सव्वं वीरपालकुमरस्स । तेण वि ते सिक्खविउं पुणो वि संपेसिया तत्थ ॥६२१६॥  
 सिरिवम्मकुमरपासे साहेंति जहा भणावए तुब्भे । इय वीरपालकुमरो सुदंसणेणं समं अम्हे ॥६२१७॥  
 सव्वं पि भणिस्सामो तुम्हेहि अज्ज अम्ह होयव्वं । पाहुणएहि सिणेहं अम्हुवरि पकुव्वमाणेहि ॥६२१८॥  
 एत्थंतरे वणसिरी वसंतसिरि पेसिया समागंतुं । होऊण कन्नमूले विन्नवइ कुमारसिरिवम्मं ॥६२१९॥  
 जह अम्ह सामिणीए संजाए एत्थ गमणविग्गम्मि । तुह दंसणदुलहत्तं चितंतीए नियमणम्मि ॥६२२०॥  
 वज्जाउहदेवीए पूयं काऊण इच्छियं एवं । ओयाइयं जहा मे कयम्मि सिरिवम्मकुमारेण ॥६२२१॥  
 पाणिग्गहणे न्हवणं विलेवणं पूयवत्थसक्कारं । काऊणं तुह पुरओ पेच्छणयं कारइस्सामि ॥६२२२॥  
 सव्वं पि अहोरत्तं मट्टसवं तुज्ज मंदिरे काहं । सो इन्हि देवीए मणोरहो पुरिओ मज्झ ॥ ६२२३॥  
 तो मज्जे होऊणं तुम्हे कारेह सव्वमवि एयं । पडिवज्जिऊण एवं कुमारेण विसज्जिया एसा ॥६२२४॥  
 तो वीरपालपेसियदूयाणं उत्तरं कुणइ एयं । जह ताव सुदंसणकुमरवइयसे का वि नो वत्ता ॥६२२५॥

तुम्हेहि कायव्वा अन्नह एसो भणिससए पच्छा । जीवंतो तिरिवम्मो मज्झ न छुट्टंतओ आसि ॥६२२६॥  
 जइ वीरपालकुमारो कुणंतओ तस्स नेय साहेज्जं । भोयणविसयम्मि पुणो असंगयं कि पि नो अत्थि ॥६२२७॥  
 कित्तु परं अज्ज अहं अक्खणिओ केणई सकज्जेण । तो जायम्मि पभाए जंपिस्सइ कि पि जं कुमरो ॥६२२८॥  
 तं तव्वं पि करिस्सं अज्जपुणो किं पि नो भणेयव्वं । इय भणिऊणं दोत्थि वि ते सिरिवम्मो विसज्जेउं ॥६२२९॥  
 वज्जाउहदेवीए गंतुं कारेइ ष्णवणमाईयं । अइ वित्थरेण तत्तो तइए जामम्मि आगंतुं ॥६२३०॥  
 तत्थेक्केण नरेणं कत्ते होऊण वणसिरी भणिया । गंतूणवसंतसिरीए निहयमेयं निवेएहि ॥६२३१॥  
 जो तुम्हेहिं निउत्तो कडयम्मि सुदंसणस्स आसि पुरा । सो गंतूणं तत्तो समूसुओ मुद्धिकहणत्थं ॥६२३२॥  
 इह संपत्तो चिट्ठइ अह सा गंतुं इमं कहइ तीसे । एसा वि वणसिरिं पेसिऊण सिरिवम्मकुमरस्स ॥६२३३॥  
 जाणावइ इममट्ठं सो वि हु हक्कारिऊण तं पुरिसं । कयपणिवायं पुच्छइ सो वि सवत्थं नियं हत्थं ॥६२३४॥  
 दाउं नियमहुदारे होइ कुमारस्स कन्नमूलम्मि । कुमरो वि तस्स वयणायन्नणविणिहित्तनियचित्तो ॥६२३५॥  
 पेच्छणय जणे चक्खुं सव्वत्तो निक्खिवेइ सुपसन्नो । इयरो वि पणिहिपुरिसो विन्नवट्ठ इमस्स वीसत्थो ॥६२३६॥  
 सामि वसंतसिरीए आणाए सुदंसणस्स कडयम्मि । एत्तो गओम्हि भइणीवइधणदुयसन्निहाणम्मि ॥६२३७॥  
 सो दविणवयनिउत्तो निच्चं पि सुदंसणस्स सन्निहिओ । गूढाण वि पुरिसाणं संबलयपसायदायारो ॥६२३८॥  
 सो मज्झ वि पासाओ तेसि दावेइ संबलाईयं । पाएण तेण जाणेमि गूढकज्जं पि तस्साहं ॥६२३९॥  
 तुम्ह च्चय दूएहि गंतूण सुदंसणस्स पासम्मि । जम्मि खणे पढमं चियं नरपुगवरायसंदिट्ठं ॥६२४०॥  
 महुरक्खरमक्खेउं तुह वयणं निट्ठुरं तओ कहियं । तम्मि खणे तेसु विसज्जिएसु कोवारुणमुट्ठेण ॥६२४१॥  
 माहवराओ हक्कारिऊण निव्वच्चिओ इमेणेवं । जह तुज्ज पमाएणं वसंतसिरिपेसियनरेहिं ॥६२४२॥  
 जाणावियं सरूवं एयं नरपुंगवस्स नरवइणो । एवमुवालंभेउं तेणेस विसज्जिओ ज्जत्ति ॥६२४३॥  
 अह पासर्वत्तिपुरिसेहिं जंपियं जह कुमार एत्ताहे । चिट्ठंताण न जुत्तं इह गम्मउ सठाणे ॥६२४४॥  
 सो आह इमं चित्ते मज्झ वि संवसइ संपयं कित्तु । सिरिवम्मदूयवयणेहिं दूमिओहं मणे वाढं ॥६२४५॥  
 तत्तो मए वि तेसि पुरओ उट्ठंतगरुयकोवेण । साहंकारं वयणं भणियं उवहासगव्वं च ॥६२४६॥  
 तेणिन्हि तस्स समागयस्स कडयम्मि कं पि काऊण । सच्चवणं तो पच्छा सठाणमेत्तो गमिस्सामि ॥६२४७॥  
 इय भणिऊण सुदंसणकुमरे विरयम्मि पासवत्तीहि । विघत्तं जं जुत्तं पडिहासइ तुम्ह तं कुणह ॥६२४८॥  
 एयमईयअणंतरदिणपच्छिमअद्धजामसमयम्मि । संजायं अज्ज पुणो पढमे दिणसइहपहरम्मि ॥६२४९॥  
 माहवराएण वियाणिऊण नियपणिहिपुरिसपासाओ । गंतूण सुदंसणकुमरअग्गओ एवमक्खायं ॥६२५०॥  
 जह सिरिवम्मकुमारो वज्जाउहदेवि मंदिरे अज्ज । पूयं कारावेंतो संचिट्ठइ तत्थ उवविट्ठो ॥६२५१॥  
 पेच्छंतो पेच्छणयं अच्छिस्सइ तत्थ चेव सयलदिणं । भोयणकए खणं जइ जाइ तओ तं न याणामि ॥६२५२॥  
 रयणीए पहरतिगं पढमं कारिस्स एय जागरयं । एयं कुमार चिट्ठइ सिरिवम्मसरूवमज्जदिणे ॥६२५३॥  
 इय कहिए एस सुदंसणेण उववूहिऊण पुण भणिओ । अन्नं पि निय निरुवियनराण पासउ नाऊण ॥६२५४॥  
 मज्झ विसेससरूवं तए कहेयव्वमिह समागंतुं । इय भणिउं तेणेसो विसज्जिओ विहियसम्माणो ॥६२५५॥  
 अह नियसेणाहिवई नरसीहो नामतेण आहूओ । तुम्ह च्चयं सरूवं पुव्वुत्तं तस्स कहिऊण ॥६२५६॥  
 इय सो आइट्ठो जह वज्जाउहदेविमंदिराउ जया । नीहरिउं सिरिवम्मो गंतूणं सुयइ नियठाणे ॥६२५७॥

तम्मि समयम्मि एत्तो गंतूणं सेन्नसंजुएण तए । तत्थ खिविऊण धाडि नियत्तियव्वं लहुं चए ॥६२५८॥  
 पडिक्खिज्जउं सुदंसणवयणं एयं तओ समुट्ठेउं । नरसीहदंडनाहो ह्यसाहणसामियाईयं ॥६२५९॥  
 हक्कारावेऊणं कन्ने छन्नं च सिक्खवेऊणं । जं जं विसज्जइ तओ सो सो गंतुं नियावासे ॥६२६०॥  
 निव्वाडेउं लग्गो तुरगे अइ सुंदरे तहा सुहडे । एवं दट्ठूण अहं इहागओ झत्ति कहणत्थं ॥६२६१॥  
 तं सिरिवम्मो पुच्छइ तुह किं नामं ति सो तओ कहइ । वाउकुमारो ति पुणो पुच्छइ कुमरो तुमं भुत्तो ॥६२६२॥  
 सो आह तक्खणे च्चिय भोत्तूणं निग्गओ अहं तत्तो । तो सिरिवम्मो तं उव्वूहेउं सुवहुदाऊण ॥६२६३॥  
 तंबोलं घणसारेण संजुयं तह य सिक्खवेऊण । तं पेसेइ सुदंसणकडए पुण सुद्धिकरणत्थं ॥६२६४॥  
 तम्मि गए सिरिवम्मो नियसेणाहिव इमाइ सइ कन्ने । एवं एवं च तए गंतूण इओ करेयव्वं ॥६२६५॥  
 आएसो ति भणित्ता विणिग्गओ सो तओ अह कुमारो । सिरिवम्मो पेच्छणयं पेच्छइ तह चए तत्थ ठिओ ॥६६॥  
 अह सो वाउकुमारो निसीहसमए समागओ तत्थ । कन्ने होउं साहइ एवं सिरिवम्मकुमरस्स ॥६२६७॥  
 जह तुब्भेहिं इओहं विसज्जिओ दियह तइयजामम्मि । पत्तो कडयम्मि सुदंसणस्स दिणपच्छिममुहुत्ते ॥६२६८॥  
 तम्मि खणे नरसीहेण दंडवइणा सुदंसणकुमारो । विन्नतो जह सारं निव्वाडेऊण भागतियं ॥६२६९॥  
 सेन्नस्स करीहिं विणा पगुणं काऊण चिट्ठए मुक्कं । जम्मि समयम्मि तुब्भे आइसह अहं खणे तम्मि ॥६२७०॥  
 झत्ति इओ तम्मि पओयणम्मि वच्चांमि अह कुमारेण । भणियं सुदंसणेणं विसेसवत्तं निसामेहि ॥६२७१॥  
 ताव मए जा निमुया इन्हि चिय चिट्ठए पणिहिपासे । सो आह कहउ कुमरो इयरो साहेइ तुट्टमणो ॥६२७२॥  
 लद्धण वसंतसिरि पमोयपम्हट्टइयरकायव्वो । सिरिवम्मो वज्जाउहदेवीभवणे पमत्तमणो ॥६२७३॥  
 जं चिट्ठए सयं तं गणइ च्चिय नेय को वि इन्हि तु । अन्नो तस्स पमाओ जं मृणइ नियं पि नो सेन्नं ॥६२७४॥  
 सो कत्थइ वच्चंतं सेच्छाए जेण पच्छिमे पहरे । दियहस्स तस्स कडयाउ निग्गओ को वि कत्थ वि य ॥  
 निय निय कज्जेण जणो जहेव उज्जाणियाए वच्चंति । एमेव के वि तह ते वि निग्गयावत्तमकहंता ॥६२७६॥  
 सिरिवम्मस्स भणित्ता एवं जह सूरउदयसमयम्मि । अम्हे सिग्घं पि पुणो कडयम्मि समागमिस्सामो ॥६२७७॥  
 तो सेणाहिवनरसीह जासि समयम्मि जम्मि तत्थ तुमं । तम्मि वि खणे खमो तंसि कुमरसिरिवम्मकडयम्मि ॥  
 काउं उवट्ठवं ल्हूसिउं च ठियसेसह्यगयाईयं । किन्तु परं सिरिवम्मो गहियव्वो चिट्ठए हत्थे ॥६२७९॥  
 एएण कारणेणं विलंबियव्वं च ताव जा एसो । वज्जाउहदेवी मंदिराउ वच्चइ नियावासे ॥६२८०॥  
 तो रयणिपढमकिंचूणजामसमयम्मि नीहराहि तुमं । तह कह वि हु जत्तेणं जह न मृणइ परजणो को वि ॥६२८१॥  
 इय सो सुदंसणाओ लद्धाएसो तओ समुट्ठेउं । नरसीहदंडनाहो आवासे अत्तणो वयइ ॥६२८२॥  
 तत्तो अब्भित्तरथं नियपुरिसं पेसिऊण कं पि तओ । सहगामि सुहडनायगलोगं एवं भणावेइ ॥६२८३॥  
 जह रयणिपढमघडिया पणगं तुब्भे भएह निट्टमुहं । उड्ढं सव्वं पि निसं भविस्सए तुमह जागरओ ॥६२८४॥  
 इय गंतूणं भणिए तेण तओ तेहिं तं तहा विहियं । नरसीहो वि चउट्ठिसिकडयस्स बहिं पवरसुहडे ॥६२८५॥  
 बाणनिवायदुगंते निरुविउं परपवेसरक्खट्ठा । नियसन्निहियं पुरिसं तह एवं सिक्खवेउं च ॥६२८६॥  
 कुमरसुदंसणगुड्डुरदारे घडियाहरे जया घडिया । वज्जंति पंचतइया अहं पमुत्तो तए झत्ति ॥६२८७॥  
 बोहेयव्वो ति तओ सुत्तो जायम्मि भणियसमयम्मि । तेण निउत्तनरेणं पबोहिओ झत्ति नरसीहो ॥६२८८॥  
 संवाहेउं सेन्नं पुव्वुत्तं सव्वमेव गहिऊणं । नीहरिउं कडयाउ पुरो निउत्तेहिं पुरिसेहिं ॥६२८९॥  
 उवरिमपुरिसपयारं रक्खंतेहिं नियस्स देसस्स । सीमाए संपत्तो एत्तो गाउय दुग्घेसे ॥६२९०॥

तत्थ तओ पक्खरिया तुरया सुहडा य गहियसन्नाहा । संजाया सव्वे वि हु तओ पुरो तुम्ह कडयस्स ॥६२९१॥  
 सुद्धीए जाणणट्टा पट्टविया तीसपणिहिणो पुरिस्सा । भमिउं कडयर्वाहि तेहिं तस्स गंतुं कहियमेयं ॥६२९२॥  
 सिरिवम्मकडयचउपक्खओ वि ठाणंतराइं चिट्ठंति । तेण पुरओ न गंतुं सक्किज्जइ कडयमज्झम्मि ॥६२९३॥  
 परमेवं जाणिज्जइ दूरट्टिएहि वि जहा न मज्झम्मि । कडयस्स तस्स लोओ बहुओ अत्थि त्ति जं तत्थं ॥६२९४॥  
 अइनीसदं सुव्वइ तहाविहो कोइ नेय आयंसो । अइनिव्वभरो पसुत्तो कडयजणो तत्थ सव्वो वि ॥६२९५॥  
 तह वि हु पाहरियाणं जागरणकए परोप्परं सहा । सुव्वंति जामिणीए एत्थ पुणो सुव्वइ न तं पि ॥६२९६॥  
 तो नरसीहो चित्तड केत्तियमेत्तो वि चिट्टए लोओ । सिरिवम्मस्स समीवे वज्जाउहदेविभवणम्मि ॥६२९७॥  
 के वि पुणो कडयाओ निग्गंतूणं गया सकज्जेसु । ते उण पभायसमए समागमिस्संति कयकज्जा ॥६२९८॥  
 एण कारणेणं थेवमणुसत्तणेण मज्झम्मि । पाहरिया नो मक्का वाहिं ठाणंतरे ठविया ॥६२९९॥  
 एत्थंतरम्मि माहवरायस्स नरोहिं दोहिं आगंतुं । नरसीहस्स निवेइयमेवं जह आगया अम्हे ॥६३००॥  
 वज्जाउहदेवीए पुरस्स पायारबाहिरपएसा । सव्वासु वि बद्धाइं तत्थ पओलीसु दाराइं ॥६३०१॥  
 बाहिरिठिएहिं निसुओ निव्वभरगंधव्व-नट्टनिग्घोसो । अम्हेहिं तेण नज्जइ अज्जवि तत्थत्थि सिरिवम्मो ॥६३०२॥  
 नरसीहदंडवइणा भणियं इन्निह निसाए दो जामा । जाया एक्को जामो अन्नो वि पडिक्खियव्वो मे ॥६३०३॥  
 उड्डं जइ सिरिवम्मो देवीभवणाउ नीहरेऊण । एइ न एइ व कडए नियम्मि तह वि हु अहं धाडिं ॥६३०४॥  
 दाऊण तत्थं तं ल्हूसिउं च सव्वं तओ नियत्तिस्सं । तम्मि भणंतम्मि इमं झड त्ति केणा वि तोच्छीयं ॥६३०५॥  
 सोऊण छीयसदं नरसीहो नियमणे मणागं पि । जाओ खणं सखणुसो तओ भणावेइ मुहरक्खे ॥६३०६॥  
 सेन्नस्स नियस्स पुरो निरुविए दोहिं कंडवाएहि । जह परपुरिसपवेसो रक्खेयव्वो पयत्तेण ॥६३०७॥  
 अह जेहिं इओ गंतुं तुम्ह सरूवं निवेइयं तस्स । ते तेण समाइट्टा जह एगमुहुत्तपज्जंतं ॥६३०८॥  
 तुम्हेहिं पुणो वज्जाउहदेविपुरस्स वहिपएसम्मि । गंतुं पडिक्खियव्वं जा तइओ होइ निसिजामो ॥६३०९॥  
 पच्छा आगंतूणं सिरिवम्मसरूवमग्गओ अम्ह । कहियव्वं झत्ति जहा विणिग्गओ सो तओ नो वा ॥६३१०॥  
 एयं च मए मूलाउ तेण सद्धि समागएण सयं । आयन्नियं च दिट्ठं तओ अहं तक्खणा चैव ॥६३११॥  
 नियबुद्धिपवंचेणं ते सव्वे वंचिऊण कडयजणे । नीहरिऊणं ततो तुम्ह समीवम्मि इह पत्तो ॥६३१२॥  
 अह एयं सोऊणं वाउकुमारस्स जंपियं सव्वं । सिरिवम्मकुमारेणं एसो एवं समाइट्ठो ॥६३१३॥  
 एत्थेवयपुरमज्जे धणवणिहट्टम्मि कुण तुमं निदं । चिट्टामि जाव पेच्छणयदंसणे वावडमणोहं ॥६३१४॥  
 पच्छा कम्मि वि कज्जे जाए हक्कारिऊण आएसं । तुज्ज पयच्छिस्समहं इय भणिओ सो तह करेइ ॥६३१५॥  
 सिरिवम्मकुमारो पुण पलोयमाणो तहेव पेच्छणयं । चित्तइ मणम्मि पच्छिमसिबिरस्स सरूवमागंतुं ॥६३१६॥  
 अज्ज वि को वि न साहइ मज्ज पुरो तं समागयं नो वा । जइ होइ आगयं तो कीरइ सुत्तं तयणुरूवं ॥६३१७॥  
 अह नागयं तया पुण इहेव जागरमिसेण गमयामो । चरणं पि रयणिजामं नरसीहो जाव आगंतुं ॥६३१८॥  
 अम्ह कडयम्मि सुत्ते धाडिं दाउं नियत्तए पच्छा । पट्टीए गंतूणं जहोचियं तस्सणुट्ठेमो ॥६३१९॥  
 इय कयचित्ताणंतरमेवयसिरिवम्मकुमारपासम्मि । झत्ति रणसीहसणावइपुरिसो सुंदरो नाम ॥६३२०॥  
 संपत्तो विन्नत्तं तेण इमं तस्स जह कुमार इओ । गहिऊण तुहाएसं गएण कडयस्स मज्झम्मि ॥६३२१॥  
 रणसीहदंडवइणा सिक्खविऊणं अहं सिबिरसमुहो । पट्टविओ दसहिं जुओ पवरहयारोहपुरिसेहि ॥६३२२॥  
 वच्चंतस्स तओ मे पहम्मि एगस्स जोयणस्सं ते । सिबिरं संमुहमेतं मिलियं दिणपच्छिममुहुत्ते ॥६३२३॥

तं किर तहेव वहिउं रयणीए वसिस्सए इहागंतुं । तो सिबिरमज्झमुक्को पहाणपुरिसो मए भणिओ ॥६३२४॥  
 कन्नम्मि जोगराओ कुमरेण तुहेवमेवमाइट्ठं । तो तेण तक्खणे च्चिय वहमाणं वारिउं सिबिरं ॥६३२५॥  
 तत्थेव य आवासो गहिओ अह रयणिपढमपहरंते । वीसमियसव्वकडए सेत्तं जं किपि जुज्झखमं ॥६३२६॥  
 तं सव्वं पि हु संवाहिऊण सन्नाहआउहाईयं । आरोवेउं करहेसु तेण सह आरओ चलिओ ॥६३२७॥  
 सयमेसो सेसं पुण सिबिरं सव्वं पि अक्खमं जुज्जे । तत्थेव य आवासे मुक्कं सह सीहराएण ॥६३२८॥  
 अह एस जोगराओ मग्गे एंतो पुणो मए भणिओ । जह रायमुयाएसो एसो मे चिट्ठइ पुणो वि ॥६३२९॥  
 जं जोगरायमेंतं मग्गे मोत्तूण पुण तुमं एज्जा । तो हं पुरो गमिस्सं कुमारपासे तुमं तु गओ ॥६३३०॥  
 अढपहे ट्ठाएज्जा जाव पुणो एमि तुज्झ पासम्मि । इय तं भणिउं तत्तो तुह पायंतिय महं पत्तो ॥६३३१॥  
 इय सोऊण सुंदरविन्नत्तं ज्झत्ति कुमारसिरिवम्मो । सिक्खविऊणं पेसइ पुणो वि तं तस्स पासम्मि ॥६३३२॥  
 गंतूण तेण कहियं सेत्तनिउत्तस्स जोगरायस्स । गाउयदुगपज्जंते ठियस्स सेत्तेण सहियस्स ॥६३३३॥  
 तुह सिरिवम्मकुमारो एवं आइसइ जह समग्गं पि । सेत्तं सन्नाहेउं दोहिं विभागेहिं काऊणं ॥६३३४॥  
 एक्को सेत्तविभागो नियबंधवखेमरायसंजुत्तो । परसेत्तागमणमुहे अम्ह च्चय कडयवाहिम्मि ॥६३३५॥  
 नियडो अब्भितरओ ठाणंतरमुक्कनिययसुहडाण । पेसेउं धरियव्वो बीयं पुण सेत्तपविभागं ॥६३३६॥  
 गाहियं सयमेवतुमं धाडिपयाणुज्जयारिसेत्तस्स । परओ पक्खे दूरे ठाएज्ज परेहिं अत्ताओ ॥६३३७॥  
 मुहुमुक्कपणिहिपुरिसो तओ जया परबलं सठाणाओ । अम्ह कडयस्स समुहं संचलइ तया तयणुमग्गे ॥६३३८॥  
 लग्गो तुमं ससेत्तो एज्जसु सणियं तओ खणे जत्थ । परबलमम्हवलेणं सकडयनियडट्टिएण समं ॥६३३९॥  
 अब्भिट्टइ तम्मि खणे जह सत्तीए पहारसीलेण । तुमए आगंतूणं परस्स सेत्तम्मि होयव्वं ॥६३४०॥  
 वज्जाउहदेव्णीए भवणाओ तया अहं पि नीहरिउं । करिसेत्तेण करिस्सामि खेमरायस्स साहेज्जं ॥६३४१॥  
 तो तुमए नेयव्वा सव्वे वि हु अत्तणा समं करिणो । एक्कं पि खेमरायस्स कुंजरं मा हु अप्पेज्जा ॥६३४२॥  
 इय सुंदरेण कहिए कुमारसिरिवम्मसंतियाएसे । निहयं तक्खणमेवयतहाकयं जोगराएणं ॥६३४३॥  
 अह तं अण्णवेउं आगंतुं सुंदरो कहइ सव्वं । सिरिवम्मस्स इमो वि हु पेच्छणयं संवरात्तेउं ॥६३४४॥  
 तक्खणमेवयवज्जाउहदेविपुराओ पिययमा सहिओ । सपरियरो निग्गंतुं गंतूण नियम्मि आवासे ॥६३४५॥  
 सत्तट्टजणे दक्खे वियणे दाऊण निहयसिक्खवणं । पेसेऊणं सत्तद्धसत्तुसेत्तस्स संमुहए ॥६३४६॥  
 कज्जगयसेसतुरया सव्वे करिणो य कडयमज्झाओ । सन्नाहाइसमेया ओसारेऊण जे दूरे ॥६३४७॥  
 आमि ठविया समीवे गुलखेडपुरस्स ते समाणेउं । पक्खरिऊणं गुडिऊण सुहडसमहिट्टिए काउं ॥६३४८॥  
 आरुहिऊण गइंदे सयं पि कयसुदढदेहसन्नाहो । रणतूराइं पवणीकाऊणं दिवीयधरे य ॥६३४९॥  
 वारेऊणं सहं बंदियणाणं तहेव तूराणं । सन्निहय निहियवन्हीण दोवियाणं चउज्जोयं ॥६३५०॥  
 कडयनिवेसाउ बहि नीहरिउं खेमरायसेत्तस्स । मज्झम्मि ट्टिओ गंतुं निहुओ सिरिवम्मवरकुमरो ॥६३५१॥  
 पंचविसए गइंदाण दाणसंसित्तमेइणीवीडे । पंतीए ठवइ कमसो नियम्मि सेत्तम्मि सव्वत्थ ॥६३५२॥  
 एत्तो सत्तट्टजणाए सिक्खविउं पुरा कुमारेण । पट्टविया परसेत्ते ते ज्झत्ति निराउहा हीउं ॥६३५३॥  
 कय गामेल्लयवेसा नीहरिऊणं नियाउ कडयाओ । पुरओ नियट्टाणंतरनराण कज्जं कहेऊण ॥६३५४॥  
 पुरओ चलिया परसेत्तसंमुहा गह्यगरुयसहेण । अत्तोत्तं कुव्वंता कहाउ गामीणगोह व्व ॥६३५५॥  
 परसेत्तसंतिएहिं अह ते मुहरक्खएहिं गहिऊण । पुट्टा एवं जह एत्तियाए रयणीए के तुब्भे ॥६३५६॥

उत्तर सयम्मि इहो कयसंकेएहिं तेहिं पुव्वंपि । ज्झत्ति पउत्तं अम्हे कालवलीगामवत्थव्वा ॥६३५७॥  
 कोडुंबिया नमंसणहेउं वज्जाउहाए देवीए । आसि गया तत्थ तओ दिट्ठो सिरिवम्मवरकुमरो ॥६३५८॥  
 पेच्छणयं कारेतो ठिया तओ तत्थ चैव सयलदिणं । रयणिं च एत्तियं इक्खमाणया कोउयवसेण ॥६३५९॥  
 संपइ पुण उग्घडियं पेच्छणयं निग्गओ जणो सब्बो । देवीपुराउ तत्तो सिरिवम्मो रायकुमरो य ॥६३६०॥  
 निययावासे पत्तो चलिया अम्हे वि नियगिहाभिमुहा । मुंचह कुणह पसायं जह वच्चामो नियग्गामे ॥६३६१॥  
 मुहरक्खएहिं भणियं कह मुंचामो महंतरयणीए । को जाणइ के वि तुमे चोरा जारा व बंदी वा ॥६३६२॥  
 गामेल्लएहिं भणियं तुम्हाणं पच्छिमेहिं पुरिसेहिं । ठाणंतरट्टिएहिं मुक्का अम्हे कहियवत्ता ॥६३६३॥  
 तुम्हे कह नो मुंचह एगस्स वि ठक्कुरस्स पडिबद्धा । सेवगपुरिसा होउं नरसीहनरेहिं तो भणियं ॥६३६४॥  
 को सो एगो च्चिय अम्ह ठक्कुरो तो भणंति गामेल्ला । सिरिवम्मो वरकुमरो तुम्ह न कि ठक्कुरो एसो ॥६३६५॥  
 नरसीहनरेहिं तओ पडिबद्धं धुत्तिमाए तव्वयणं । सो च्चिय अम्ह वि सामी कि तु विभिन्नम्मि ठाणम्मि ॥६३६६॥  
 तेण वि मुक्का अम्हे चिट्ठामो तो न जाव विन्नायं । सम्मं अम्हेहिं सयं ताव कहं उवरिमे पुरिसे ॥६३६७॥  
 पत्ते गुहरयणीए एमेव विसज्जिमो तओ तुम्हे । चिट्ठह मुहत्तमेगं तो साहेउं वि मुंचामो ॥६३६८॥  
 इय भणिऊणं एगो पुरिसो नरसीहदंडवइपासे । गंतूण तव्वइयरं साहइ सो बेइ जह तेसिं ॥६३६९॥  
 पच्छाहुत्तं गंतुं दायव्वं नेय न विय नियपासे । धारेयव्वा सुइरं एए अन्नह कुणेमाणा ॥६३७०॥  
 वट्ठेणं सट्ठेणं कोलाहलमियरभूरिलोयस्स । जाणाविस्संति तओ न कज्जसिद्धी हवइ अम्ह ॥६३७१॥  
 पुरओ बोलावेउं पेसह सिग्घं पि जा न जाणंति । अम्ह सरुवं किंचि वि एए गामेल्लया पुरिसा ॥६३७२॥  
 अह नरसीहाणाएसो पुरिसो सिग्घमेव आगंतुं । ते गामेल्ले सब्बे तह चैव विसज्जए निहुए ॥६३७३॥  
 एत्तो जे नरसीहेण दंडनाहेण आसि वि णिउत्ता । पुव्वं पुरिसा सिरिवम्मसुद्धिपरियाणणनिमित्तं ॥६३७४॥  
 तेसिं खणं पडिक्खणकए निवन्नाण वियणट्ठाणम्मि । निहा समागया जग्गियं तओ तेहिं सविलंबं ॥६३७५॥  
 अह ते सिग्घं पि गया वज्जाउहदेवि पुरवाहिं जाव । ताव न पेच्छणयज्झाणि सुणंति न जणोहनिग्गोसं ॥६३७६॥  
 तो ते पओलिदारे कवाडपिहियम्मि नियडया होउं । पुच्छंति दारवालं दारुभंतरठियं एवं ॥६३७७॥  
 जह सिरिवम्मकुमारो मज्झाओ निग्गओ तओ तेण । कहियं सो नीहरिउं इओ गओ एत्तियखणेण ॥६३७८॥  
 नियठाणम्मि वि पत्तो संभाविज्जइ तहा पसुत्तो य । इय सोउं ज्झत्ति नियत्तिऊण ते पच्छओ गंतुं ॥६३७९॥  
 नरसीहदंडवइणो तम्मग्गनिहालणं कुणंतस्स । साहेतिं जहादिट्ठं निसुयं च पओलिपुरिसाउ ॥६३८०॥  
 तं सोउं नरसीहो चलिओ सिरिवम्मसंमुहो ज्झत्ति । गामेल्लया वि पुरिसा मुक्का नरसीहपुरिसेहिं ॥६३८१॥  
 सिग्घं चिय गंतूणं सन्नद्धबलस्स जोगरायस्स । पुरओ साहेतिं जहा सिरिवम्मकुमारसिक्खाए ॥६३८२॥  
 एवं एव अम्हे समागया एत्थ तुम्ह पासम्मि । इह तेण तुहाइट्ठं जह सेन्नं खेमरायस्स ॥६३८३॥  
 आगंतूण मए सयमहिट्ठियं चिट्ठए करिबलेण । जम्मि खणे तं पाससि अम्ह बले दीविउज्जोयं ॥६३८४॥  
 सुणासि रणतूरसइं गरुयं बंदियणपढणनिग्घोसं । तम्मि खणे जाणेज्जा जह जुज्जं चिट्ठए होतं ॥६३८५॥  
 तो सुंदरेण कहियं अम्हा एवं तुमं करेज्जासि । एवं कहिऊण ठिया चिट्ठंति इमे खणं जाव ॥६३८६॥  
 ता तक्खणे पुरा जोगरायपट्टवियहेरियनरेहिं । आगंतूणं कहियं नरसीहबलं पुरो चलियं ॥६३८७॥  
 तो तयणुमग्गलग्गो नियसेन्नसमन्निओ सउच्छाहो । संचलइ जोगराओ पत्तो नरसीहसेन्नम्मि ॥६३८८॥

सिरिवृन्निमुव्वयजिणिदचरियं काउं । पुरओ पत्ते नरपुंगवं गहसेन्नपुरिसेहि ॥६३८९॥  
विहिओ दीवुज्जोओ पहाओ संगामतूरसंधाओ । सिरिवृन्निमुव्वयजिणिदचरियं कुव्वमाणेहि ॥६३९०॥  
वेयालियवंदेहि पारद्धो गहयकलयलारावो । तं दट्ठं नरसीहो सविम्हो चित्तइ मणम्मि ॥६३९१॥  
कह अम्हे विन्नाया इमेहि कहवावि एत्तियं सेन्नं । अवियक्कियंपि मिलियं रिऊण सन्नद्धगयतुरयं ॥६३९२॥  
अहवा न एस समओ चिताए कित्तु पहरणावसरो । इय चित्तिऊण सुहडा सयं समुच्छाहिया जुज्जे ॥६३९३॥  
ते जुज्जंता परबलअग्गाणीएण तक्खणे भग्गा । ते भज्जंते दट्ठं सयं समुट्ठेइ नरसीहो ॥६३९४॥  
पहरंतेण इमेणं परसेन्नमुहं परंमुहं नीयं । तं ओसरंतमवलोइऊण रोसारुणच्छिमुहो ॥६३९५॥  
उट्ठेइ खेमराओ दुव्विसहो मुत्तिमं व जमराओ । पहरणतो पडिक्खं परंमुहं तक्खणे नंतो ॥६३९६॥  
अह तं अरुद्धपसरं परसेन्नं संमुहं तथा एतं । पेक्खेउं संभंतो नरसीहो चित्तए एवं ॥६३९७॥  
जह परसेन्नं एयं ससामि समहिट्ठियं पयइ सूरं । सन्नद्धं सिंधुरसंजुयं च थेवंपि तो दुज्जयं ॥६३९८॥  
ता कि कज्जेण विणा निय सेन्नपरिक्खयं करावेमि । इय चित्तिउं नियत्तइ जाव इमो समरमज्जाओ ॥६३९९॥  
तो पच्छा संपत्तो उज्जोयाईहि कहियचिधेहि । नाऊण जुज्जसमयं दंडवई जोगराओ वि ॥ ६४००॥  
तो नरसीहस्स पुरो कहियं नियसेन्नसंतियनरेहि । जह पच्छा वि न लब्भइ गंतुं परबलसमीवाओ ॥६४०१॥  
जं जोगरायसुहडो हय-गय-साहणसमन्निओ पच्छा । पहरंतो संपत्तो सिरिवृन्निमुव्वयजिणिदचरियं ॥६४०२॥  
तं वयणं सोऊणं नरसीहो चित्तए पुणो एवं । ताव च्चिय रक्खिज्जइ अप्पा जा फुरइ तदुवाओ ॥६४०३॥  
इण्ह तु समावडियं मरणं नियमेण संकडगयाण । अम्हाणंता जुत्तं परसेन्ने पहरिउं चैव ६४०४॥  
भणियं तथा य केणइ भइयव्वं ताव चैव य भयाउ । जा नेइ भयं पत्ते भयम्मि ठाएज्ज तयभिमुहो ॥६४०५॥  
इय चित्तिऊण भणियं तेण नियं पट्टिसंठियं सेन्नं । जइ नासिस्सह तुब्भे तथा वि भे आगओ मच्चू ॥६४०६॥  
तम्हा नीसंकेहि होऊणं संमुहेहि तुम्हेहि । पच्छागयरिउसेन्ने नियसत्तीए पहरियव्वं ॥६४०७॥  
अग्गिमसेन्नम्मि पुणो सिरिवृन्निमुव्वयजिणिदचरियं ससत्तीए । पहरिस्समहं सेन्नेण संजुओ केत्तिएणा वि ॥६४०८॥  
इय नरसीहेण समं कयमंतविणिच्छयं सरोसच्छं । कुमारसुदंसणसंपेसियं बलं मरणदिन्नमणं । ॥६४०९॥  
दो पक्खसंठिएण वि सिरिवृन्निमुव्वयजिणिदचरियं सह समारद्धं । जुज्जेउं समुज्जिऊण नियजीयनिरवेक्खं ॥६४१०॥  
इय वट्ठेते अइघोरसंगरेणेण सुहडसंजुत्तो । सेणावइ नरसीहो निहणं पत्तो खणद्धेण ॥६४११॥  
पंचत्तगयं नाउं नरसीहं दंडनायगं तत्तो । जायं ज्जत्ति विसन्नं सेसं सेन्नं असेसं पि ॥६४१२॥  
संखुद्धं भयवेविरगतं तुरियं पलायणपवत्तं । गंतुं च अपावतं सन्नाहाउहहए चइउं ॥६४१३॥  
दीणाइं पयंपतं गिण्हेंतं अंमुली उदंतेहि । मुक्कं सदंसणवलं सिरिवृन्निमुव्वयजिणिदचरियं ॥६४१४॥  
जायं तओ पभायं सूरेण हयम्मि नहयले तिमिरे । सिरिवृन्निमुव्वयजिणिदचरियं दप्पिट्ठरिउसेन्ने ॥६४१५॥  
सिरिवृन्निमुव्वयजिणिदचरियं ओयरइ मुक्कसन्नाहो । सेसंपि संवसेन्नं सन्नाहं आउहं मुयइ ॥६४१६॥  
गुडपक्खराउ ओयारिऊण करिणो तुरंगमा तह य । आलाणक्खंभेसुं वल्लीसु य संजमिज्जंति ॥६४१७॥  
सोहिज्जइ रणभूमि उप्पाडिज्जंति धाइयासुहडा । सपरबलसनियाणवि वणकम्मं कीरए तेसि ॥६४१८॥  
अह सिरिवृन्निमुव्वयजिणिदचरियं हक्कारेऊण केलुयं नाम । पणिहि नरं एगंते तस्स पुरो साहइ असेसं ॥६४१९॥  
जह जाओ संगामो रयणीए पच्छिमम्मि जामम्मि । जह निज्जियं परबलं जह निहो सत्तुसेन्नवई ॥६४२०॥



जह परसेन्नतुरंगा सन्नाहा आउहाणि गहियाणि । तं सव्वं कहिऊणं सिग्घं चिय पेसए एयं ॥६४२१॥  
 रणसीहदंडवइणो पासे सव्वस्स तस्स कहणत्थं । तक्कालुचियं तह जोगरायपमुहस्स निययस्स ॥६४२२॥  
 परिवारस्स समग्गस्स वि दाऊणं पुढो पुढो सिक्खं । सिरिवम्मो निद्दासुहमणुहवइ सयं निवकुमारो ॥६४२३॥  
 परबलतुरंगमाउहसन्नाहाईण सव्ववत्थूण । कारेइ जोगराओ संखं पंचउलपासाओ ॥६४२४॥  
 घाइयतुरंगमाण वि कारइ वणपट्टबंधणाईयं । अन्नं पि समुचियं जं करेइ कारेइ तं सव्वं ॥६४२५॥  
 अहवीरपालकुमारो नाऊणं रयणिसमरसंरंभं । पेसेइ निए पुरिसे सिरिवम्मकुमारपासम्मि ॥६४२६॥  
 अह सन्निहियनरेहि कुमार सिरिवम्मसंतिएहि तओ । उचियासणपडिबत्ति काउं उववेसिया एए ॥६४२७॥  
 कहियं च ताण पुरओ अह जायं अज्ज सयलरयणीए । जागरणं सिरिवम्मस्स तेण इन्हि इमो सुत्तो ॥६४२९॥  
 चिट्ठइ खणंतरेणं उट्टिस्सइ इहेव उवविट्ठा । तुम्हे पडिक्खहक्खणं तेहिं तओ जंपियं एयं ॥६४२९॥  
 रयणीए जहा जाओ संगामो तह सरूवमक्खेह । तुम्हे वि अम्ह पुरओ पच्चक्खं तं जओ तुम्ह ॥६४३०॥  
 सिरिवम्मनरेहिं तओ हक्कारेऊण तत्थ आणीओ । नामेण जोगराओ पहाणपुरिसो कुमारस्स ॥६४३१॥  
 सो वीरपालपुरिसेहिं पुच्छिओ साहए रणसरूवं । कहिऊण तम्मि मोणेण संठिए जग्गियं इत्ति ॥६४३२॥  
 सिरिवम्मकुमारेण वि सन्निहियनरेहिं साहियं तस्स । जह वीरपालकुमारेण पेसिया संति नियपुरिसा ॥६४३३॥  
 तुम्ह समीवम्मि पओयणेण चिट्ठंति दारिउवविट्ठा । अह सो कयासिगारो आगंतुं तत्थ उवविट्ठो ॥६४३४॥  
 तो वीरपालपुरिसा नमिऊणं विन्नवंति तं एवं । अम्हे निसिवुत्तंतं पुच्छेउं पेसिया एत्थ ॥६४३५॥  
 कुमारेण वीरपालेण तं पुणो जोगरायपासाओ । अम्हेहिं परिन्नायं इन्हि आइसह जह गंतुं ॥६४३६॥  
 साहेमो नियपट्ठणो सिरिवम्मेण वि विसज्जिया एए । तंबोल पयाणाई काऊणं गरुयसम्माणं ॥६४३७॥  
 गंतूण वीरपालस्स साहिए तेहिं तम्मि वुत्तंते । सिक्खविऊणं दूसलदंडवई तेण पट्टविओ ॥६४३८॥  
 सिरिवम्मस्स समीवे संपत्तो विहियउचियपडिबत्ती । उवविट्ठो सो जंपइ जह अम्हे वीरपालेण ॥६४३९॥  
 कुमारेण तुम्ह पासे दाउमुवालभमेत्थपट्टविया । इय तेण भाणियं जह अम्हे निवसूरपालेण ॥६४४०॥  
 तुम्हाणं साहेज्जे पेसविया तो न कीस तुम्हेहिं । अम्हाण वि परिकहियं कुणमाणेहिं रणं एवं ॥६४४१॥  
 अह सिरिवम्मकुमारो तं जंपइ जह न उच्छहेऊण । अम्हेहिं रणं गहियं किं तु निविट्ठान आवासे ॥६४४२॥  
 अम्हाणुवरि सेन्नं तेणेव सुदंसणेण पट्टवियं । तम्मि समयम्मि तुम्हं कहिउं कह तीरए वत्ता ॥६४४३॥  
 एत्थंतरम्मि पत्तो पुरिसो रणसीहपेसिओ तत्थ । नमिऊण तेण कहियं एवं सिरिवम्मकुमरस्स ॥६४४४॥  
 बंधेउं संगहिओ हत्थेण सुदंसणो निवकुमारो । रणसीहदंडवइणा इह एतो चिट्ठए इन्हि ॥६४४५॥  
 अह सिरिवम्मकुमारो अपयासियसव्वपहरिसविद्यारो । पुव्वपयइट्ठिओ चेव पुच्छए तस्स पासम्मि ॥६४४६॥  
 अम्हेहिं पेसिओ जो केलुयओ नाम दंडनाहस्स । रणसीहस्स समीवे सो पत्तो तत्थ किं नेय ॥६४४७॥  
 अह रणसीहस्स नरो पणमेउं साहए कुमारस्स । जम्मि समए कुमारो सुदंसणो बंधिउं गहिओ ॥६४४८॥  
 तम्मि समयम्मि पत्तो सो तत्थ निवेइयं च तेण तओ । रणसीहदंडवइणो तुम्हाइट्ठं समग्गं पि ॥६४४९॥  
 पच्चक्खं तस्स सुदंसणस्स जह जह सुणेइ सो एवं । मलिनं मलिणयरं वयणमप्पणो तह तह करेइ ॥६४५०॥  
 तं सोऊणं दूसलदंडवई विम्हओ नियमणम्मि । चितइ सिरिवम्मकुमारसंतियं विक्कममउव्वं ॥६४५१॥  
 तं बुद्धिगुणं निउणं जस्सारंभो फलेण निव्वडइ । सव्वं पि अहोरत्तं वज्जाउहदेविभ्रवणम्मि ॥६४५२॥  
 कल्लम्मि ठिओ एसो अचितियं सिद्धमज्ज तं कज्जं । जं अन्नस्स न सिज्जइ वरिसेण विचित्तमाणस्स ॥६४५३॥

ता सव्वहा विपन्ना पोरिसपुत्ताण पगरिसो एसो । गंभीरया वि एयस्स असरिसी का वि सा भुवणे ॥६४५४॥  
 अन्नस्स जा न दीसइ रिउगहणकहाए कल्लपत्ताए । नमणं पि विम्हओ पहरिसो य परिदंसिओ इमिणा ॥६४५५॥  
 पुण सिरिवम्मो पुच्छइ केत्तिय यं करितुरंगमाईयं । गहियं रणसीहेणं तत्थ सुदंसणकुमारस्स ॥६४५६॥  
 सो कहइ ताव गहियं रहकरितुरगाइयं समगं पि । एवं चिय जाणेहं सम्मं न मुणेमि पुण संखं ॥६४५७॥  
 परच्चककं नाऊणं नट्ठो जे के वि भाणवा तत्थ । तेहिं वि न किपि नीयं अन्नं अंगेणउ पलाणा ॥६४५८॥  
 अह दूसलदंडवई सिरिवम्मं कुमरमेरिसं भणइ । पुव्वमुक्कालंभो वीरपालकुमरेण तुम्हाणं ॥६४५९॥  
 अक्खाविओ तओ पुण निमंतणं सव्व सेत्तसहियाण । कारावियं समीवाउ मज्झ तो मत्तउ कुमारो ॥६४६०॥  
 पडिवन्नं सिरिवम्मेण तस्स सेणाहिवस्स तं वयणं । दावेऊणं घणसारसंजुयं पवरतंबोलं ॥६४६१॥  
 जाव कुमारो एयं विसज्जए ताव ज्झत्ति संपत्तो । रणसीहदंडनाहो तो सिरिवम्मेण कुमरेण ॥६४६२॥  
 दूसलदंडाहिवई पुणो वि भणिओ जहा पडिक्खेह । खणमिहसेणाहिवई रणसीहं अम्ह पेक्खेह ॥६४६३॥  
 अह उट्टिउ कामो वि ह एसो जो को तुम्ह आएसो । संजायइ सो कीरइ इय जंपंतो तहेव ठिओ ॥६४६४॥  
 उवविट्ठो दूसलदंडणायगो नियमणे वि चित्तेइ । कह गंभीरं भणियं कुमरेण अहो इमं वयणं ॥६४६५॥  
 जह रणसीहं पेक्खह सुदंसणं पासह त्ति नो भणियं । जम्हा सगव्वमेयं पडिहाइ भणिज्जमाणं पि ॥६४६६॥  
 रणसीहदंसणे पुण भणिज्जमाणम्मि होइ सुयणत्तं । चित्तम्मि इच्छिओ पुण सुदंसणो दंसिउमिमस्स ॥६४६७॥  
 अन्नह परिवारे इह अन्ने वि इमस्स संति वरपुरिसा । रणसीहेण सरिच्छा ते सव्वे किं न दंसेइ ॥६४६८॥  
 ता एसो च्चिय भावो एयस्स मणम्मि जो मए नाओ । एत्तो रणसीहेणं ओयारेउं रहवराओ ॥६४६९॥  
 बद्धं सुदंसणं दंसिऊण सिरिवम्मनिवकुमारस्स । भणियं सुदंसणो एस तुम्ह सेवं समायरइ ॥६४७०॥  
 अह सिरिवम्मेण इमो भणिओ जह बंधणाउ मोएउं । एयं सुदंसणं गुरुसुहेण जत्तेण य धरेह ॥६४७१॥  
 अह सिरिवम्माएसाणंतरमेएण तह कयं ज्झत्ति । सयमागंतूण तओ पणओ सिरिवम्मचरणेसु ॥६४७२॥  
 गाढं तेण वि अवगूहिऊण मुक्को इमो समुट्ठेउं । दिन्नासणम्मि जा किर उवविसिउं वंछए ताव ॥६४७३॥  
 भणियं सिरिवम्मेणं जह एसो सूरपालरायस्स । चिट्ठइ सेणाहिवई नामेणं दूसलो पत्तो ॥६४७४॥  
 तो रणसीहो दिट्ठि दूसलदंडाहिवम्मि पेसेउं । तस्साभिमुहो चलिओ समुट्ठिओ सम्मुहो सो वि ॥६४७५॥  
 दो वि तओ अन्नोन्नं गाढं अवगूहणं करेऊण । जोडियहत्था पुच्छंति कुसलवत्तं सरीरस्स ॥६४७६॥  
 नियनियठाणम्मि तओ उवविट्ठा दूसलेण तो भणिओ । रणसीहो जह तुमए सच्चवियं निययमभिहाणं ॥  
 किर जाणिऊण दिन्नं अम्मपियरेहिं तुम्ह इय नामं । रणसीहो तं जंपइ एस पयावो कुमारस्स ॥६४७८॥  
 अन्नह पुण का सत्ती एवंविहकज्जसाहणे अम्ह । तो दूसलो पयंपइ एवंचिय तं जह तए भणियं ॥६४७९॥  
 कितु पयावो वि परं पत्तविसेसं समीहए नूणं । रविणो तेओ जह दप्पणम्मि पवियंभए अहियं ॥६४८०॥  
 मसिमलिणम्मि वि तह खप्परम्मि कि एस लहइ माहप्पं । ता अम्हुवरि पसाओ अडगरुओ एस निम्मविओ ॥८१॥  
 सिरिवम्मकुमारेणं तए समं दंसणं कयं अज्ज । जं अम्हाणं इच्चाइ जंपिऊणं ठिओ मोणं ॥६४८२॥  
 अह सिरिवम्मकुमारो इमं विसज्जइ इमो वि गंतूण । नियया वासे साहइ तं सव्वं वीरपालस्स ॥६४८३॥  
 सो वि मुहुत्तं सिरिवम्मकुमारगुणकहं काउं । सह दूसलेण पच्छा सकज्जसाहणपरो होइ ॥६४८४॥  
 सिरिवम्मकुमारो वि हु अवसरलोयं विसज्जए सव्वं । रणसीहं पुण आइसइ जह तुमं गंतुमावासं ॥६४८५॥  
 एज्जह पुणो वि सिग्घं समागओ सो वि तह विहेऊण । तो सिरिवम्मकुमारो वियणे होऊण रणसीहं ॥६४८६॥

पुच्छइ सव्वसरूवं विन्नवइ इमो वि मूलओ पभिइं । जह वज्जाउह देवी भवणनिविट्ठेहिं तुम्हेहिं ॥६४८७॥  
 अइगयदिणस्स तइए जामम्मि अहं इमं समाइट्ठो । अम्ह पमायं जह किर सुदंसणेणं विगप्पेउं ॥६४८८॥  
 अम्हुवरि कया पउणा चिट्ठइ धाडी निसाए विरमम्मि । तो अप्पबलो होही एमो पच्छा तए गंतुं ॥६४८९॥  
 छन्नेणं सेन्नेणं जीवंतो चेव एस गहियव्वो । तो तक्खणं चिय मए तुम्ह समीवाउ आगतुं ॥६४९०॥  
 पढमं पि तुम्ह सिक्खं कन्ने कहिऊण पेसिओ समुहो । सह दसहिं आसवारेहिं सुंदरो एंतसिबिरस्स ॥६४९१॥  
 तो मंडलियाइभडा सिक्खविया जह मुहेण तुम्हेहिं । भणियव्वं एरिसयं जह सामी अम्ह पेच्छणए ॥६४९२॥  
 वज्जाउहदेवीए आसत्तो चिट्ठए समग्गं पि । रयणिं तत्थ गमिस्सइ तो अम्हे अज्ज नीसंका ॥६४९३॥  
 निय निय कज्जाइं साहिऊण अन्नन्न नियडनयरेसु । पुण एसामो सिग्गं सूरुग्गमणमयम्मि ॥६४९४॥  
 इय काउण पघोसं निय निय विदेण थोव-थोव्णेण । आउहसहिया सन्नाहविरहिया तुरयमारूढा ॥६४९५॥  
 नीहरिउमिओ तुम्हे पढमं अन्नन्ननयरग्गोसु । सूरत्थमणाउ आरओ वि सव्वे वि गच्छेज्जा ॥६४९६॥  
 पच्छा रयणीए मुहे पसरंते बहलतिमिरनिउरंवे । जो जत्तो सो तत्तो नियत्तिउं निहुयं निहुयपयं ॥६४९७॥  
 निवसुरपालमंडलमज्जगवणवल्लिगामपरभागे । वासवपुरमग्गिंए अइवित्थिन्नम्मि वणसंडे ॥६४९८॥  
 मिलियव्वं सव्वेहिं वि तुम्हेहिं तओ जया परो को वि । पुच्छेज्ज तत्थ तुम्हे तो एवं तस्स भाहेज्जा ॥६४९९॥  
 वासवदत्तनिन्नेणं वसंतसिरिनामियाए धूयाए । सह पट्टवियं सेन्नं जं आसि तयं नियत्तमिणं ॥६५००॥  
 परिणीयाए तीए विसज्जियं सव्वमेव इण्हि तु । वासवपुरम्मि वच्चइ इय सिक्खविया तह गया तो ॥६५०१॥  
 गहपालो वि हू एवं सिक्खविउं पढममेववणसंडे । तम्मि मए पट्टविओ बलेण सह केत्तिएणा वि ॥६५०२॥  
 अह तेसुं निग्गएसुं अइविरलतुरंगमाणुसं जायं । सव्वं पि अम्ह कडयं कलियं केवलकरिबलेण ॥६५०३॥  
 पच्छा निग्गयसेसं पायलसेन्नं जमासि किं पि ठियं । तं मज्जाओ नीहारिऊण कडयस्स बाहिम्मि ॥६५०४॥  
 सव्वत्तो कंडनिवायजुयलपज्जंतभूपएसम्मि । ठाणंतरंसेसुं ठवियं निरंतरं तो मए सव्वं ॥६५०५॥  
 किंतु परंपरसेन्नागमणमुहे तं मए पभूययरं । मुक्कं इयरठाणेसुं ठवियं थेव थेवंतु ॥६५०६॥  
 तह ते ठाणंतरिया इय भणिया जह कमेण जग्गंता । तुम्हे रक्खेज्जह सव्वरयणिमिहपरनरपवेसं ॥६५०७॥  
 परसेन्नागमणमुहठाविया नराइयविसेसओ भणिया । जइया परबलध्वाडिं एति पासह तया तुम्हे ॥६५०८॥  
 तत्तो पलाइऊणं आगतुं ज्झत्ति कडयमज्जम्मि । ठिय पुरिसाणं पकहेज्ज जह तओ ते वि नासेउं ॥६५०९॥  
 दुइएणं पक्खेणं नीहरिऊणं पुरम्मि गुडखेडे । वच्चंति तेहिं सद्धिं तुम्हे वि वएज्ज तयभिमुहा ॥६४१०॥  
 इय ते भणिउं पच्छा सोहेउं कडयमज्जमइनिउणं । नीहारियं उवरिमं लहू तत्तो माणुसमसेसं ॥६५११॥  
 एत्थंतरम्मि तरणी अत्थगिरिदग्गसिहरमारूढो । तो कज्जपेसियाणं हयाण मुहडाण य निमित्तं ॥६५१२॥  
 पक्खरसन्नाहाई आरोहेऊण, करह-रहुउवरिं । पवणीकाऊणमए मुक्कं जा होइ घणतिमिरं ॥६५१३॥  
 हक्कारिउं मए तो पीलुवई तुम्ह वयणओ भणिओ । जह अद्धरत्तसमए गहिउं गयसासणं सव्वं ॥६५१४॥  
 निहुयं घटाहिं विणा पयनिग्गडयवज्जियं तुमं एत्तो । कडयाउ नीहरिउं दूरे गुलखेडपुरपासे ॥६५१५॥  
 गंतूणं ठाएज्जा गुढेचरमाइयं पि जाणेसु । आरोवेउं सह अत्तणा तए तत्थ नेयव्वं ॥६५१६॥  
 तह आवासेसुं ठिया जे के वि तुरंगमा तयारोहा । सव्वे भणिया जह करिबलेण सह नीहरंतेण ॥६५१७॥  
 तुम्हेहिं वि गंतव्वं आरुहिउं निय निएसु तुरएसु । पक्खरसन्नाहाई सह नेयव्वं र्हारूढं ॥६५१८॥

तह तुम्ह दविणकंचणकप्पडकोसाहिगारिणो सव्वे । इय भणिया जम्मि खणे पीलुवई गयबलं गहिउं ॥६५१९॥  
नीहरिइ इओ तइया तुम्हेहि विनियनियं गहेऊण । भंडागारं सह तेण कडयमज्झाओ गंतव्वं ॥६५२०॥  
अन्ने वि मए भणिया नियकडयनिवासिणो जणा एवं । जं किं पि सारभूयं तुम्हत्थि तयं समग्गं पि ॥६५२१॥  
गहिऊणं तुम्हेहि कुमारकोसाहिगारिलोएण । सह एत्तो कडयाओ गंतव्वं नीहरेऊण ॥६५२२॥  
किं बहुणा आवासे एक्केक्कं रक्खगं वि मोत्तूण । सेसं दुपयं चउपयमपयं व न किपि धरियव्वं ॥६५२३॥  
आवासरक्खगा वि हु एवं भणिऊण ते वि मोत्तव्वा । ठाणंतरिया पुरिसा जम्मि खणे तुम्ह आगंतुं ॥६५२४॥  
साहेति आवडंति परबलधाडि तथा मुहं तीसे । परिहरिउं तुम्हेहि अन्नयरदिसाए कडयाओ ॥५५२५॥  
नीहरिउं गंतव्वं आवासे उज्झिऊण सिग्घं पि । इय तेसि दाऊणं सिक्खमहं उवरओ जाव ॥६५२६॥  
ता जामिणीए जाओ समओ पढमस्स अद्धजामस्स । अब्भुल्लसंतवहलंधयारदुप्पेच्छनियहत्थो ॥६५२७॥  
अह सत्ताहप्पमुहं पवणीकयमासि जं मए पुव्वं । तं गहिऊण गओ हं वणवल्लीगामवणसंडे ॥६५२८॥  
तम्मि समयम्मि पत्तं सेन्नं सेसपि तत्थ आगंतुं । जं दिणचउत्थजामे कडयाओ निग्गयं आसि ॥६५२९॥  
जाओ निसीहममओ खणंतरे तत्थ कोवि पहियजणो । चं कमइ ने य कत्थ वि मग्गे कह वि हु विहिवसेण ॥  
संवाहेऊण तओ सेन्नं सव्वं पि तेण सहिओहं । संपट्टिओ महाबलनिवमंडलसमुहं तत्तो ॥६५३१॥  
मज्झम्मि तस्स गंतुं दंतउरपुरस्स मग्गमणुसरिउं । तत्तो सुदंसणकुमारकडयमग्गस्स संमुहयं ॥६५३२॥  
वलिओ सणियं सणियं समागओ ताव जाव तं कडयं । होइ सुदंसणतणयं ववहाणे जोयणेक्कस्स ॥६५३३॥  
तत्तो अप्पदुइज्जो कालियओ पेसिओ मए पुरओ । सिक्खविऊण सुदंसणकडए गंतूण सो तत्थ ॥६५३४॥  
कस्सइ कहइ महाबलपराएण सुदंसणस्स संवाहे । दुज्जोहणदंडवई पट्टविओ चिट्टए एत्तो ॥६५३५॥  
कन्नपरंपरणं कुमरेण सुदंसणेण इय निसुयं । केण कया एस कहा इय सोहेउं इमो गहिओ ॥६५३६॥  
नीओ पासम्मि सुदंसणस्स पुट्ठो कहेइ तं चेव । पुच्छेइ सेन्नसंखं सुदंसणो कालिओ कहइ ॥६५३७॥  
आसारोहसहस्सा पन्नासं पंचरहसहस्सा य । उट्टेसेणं चिट्टइ इय संखा तस्स सेन्नस्स ॥६५३८॥  
अन्नं पि सुबहूसेन्नं एतं सुव्वइ पुणो वि पट्ठीए । अह पमुइओ पयंपइ सुदंसणो अप्पणो पुरिसं ॥६५३९॥  
पासठियं जह सारमपेच्छ कहं अम्ह जायमणुकूलं । लद्धूणवसंतसिरि सिरिवम्मो ताव मूढप्पा ॥६५४०॥  
तीए पासट्टियाए पेच्छणया लोयणम्मि आसत्तो । चिट्टइ न मं अवेक्खइ उसीसयसंठियं एत्थ ॥६५४१॥  
न मुणइ निय सेन्नं पि हु विसोदिसि अप्पच्छंदयं जंतं । भज्जाए वि हु सेन्नं नीहरियं जाइ नियठाणे ॥६५४२॥  
वणवल्लिगामपएसे वच्चंतं तं पि केणई दिट्ठं । इय केणइ मह सिट्ठं अम्ह च्चय कडयपुरिसेण ॥६५४३॥  
तो सारमेण भणियं भरवसओ तस्स चिट्टए हियए । दूसलदंडाहिवत्रीरपालकुमराण संबद्धो ॥६५४४॥  
अह जणेइ सुदंसणकुमरो जह दोवि तस्स ते वत्तं । जणिस्संति मयस्स व बंधेउं अहव गहियस्स ॥६५४५॥  
तो कालिओ विचितइ एमेव महुत्तयं पडिक्खेह । तो मुणिहिसि को बज्झइ को वा मरइ ति नियमेण ॥६५४६॥  
तो सारमेण भणियं कुमार तुम्हे महाबलनिवस्स । चित्तस्स अपडिहासं तए ण एयम्मि कज्जम्मि ॥६५४७॥  
पढमं चिय नीहरिया तत्तो तुम्हे कहं नियसरूवं । अक्खायेउं सक्कह सयमेव महाबलनिवस्स ॥६५४८॥  
तह वि हु जं संवाहो पट्टविओ तेण तुम्ह सयमेव । तं मन्ने विन्नायं आगमणं वीरपालस्स ॥६५४९॥  
सिरिवम्मकुमारस्स य तेण दुइज्जो पुणो वि संवाहो । पट्ठीए पट्टविओ संभाविज्जइ नियमईए ॥६५५०॥

तो कालिएण एयं विचितियं माणसम्मि निययम्मि । जह एए मह वयणे जाया कय पच्चया दो वि ॥६५५१॥  
 तम्हा बीसासकए कहेमि अन्नपि कि पि एतेसि । इय चित्तिऊण जंपइ दुज्जोहणदंडनाहस्स ॥६५५२॥  
 को वि कहंतो निसुओ दूरगएणं मए इमं वयणं । जह धाडी पट्टविया कि तु न सम्मं मए नायं ॥६५५३॥  
 किं सिरिवम्मस्सुवरि तुम्हेहि पेसिया उया हु पुणो । सिरिवम्मेषं कुमरेण पेसिया सामि तुम्हवरि ॥६५५४॥  
 दुज्जोहणेण तत्तो सिक्खविउं पेसिओ अहं एवं । जह गंतूण सुदंसणकडयम्मि तुमं कुणह सुद्धि ॥६५५५॥  
 पक्खरिऊणं तुरए अम्हे होऊण गहियसन्नाहा । तुह पट्टीए एमो इय सिक्खं तस्स गहिऊण ॥६५५६॥  
 जाव अहं इह पत्तो कडए पेच्छम्मि ताव सच्चपि । सुत्थं चेव तओ हं विम्हयपत्तो विचितेमि ॥६५५७॥  
 तुम्हाणं चिय धाडी सिरिवम्मुवरि भविस्सए पगया । तो दुज्जोहणसमुहं गंतूणं तं निवारेमि ॥६५५८॥  
 पक्खरइ जह न तुरए सन्नाहं गाहए न वि य सुहडे । पत्तो सुदंसणेणं भणियं गंतुं कुणह एवं ॥६५५९॥  
 तो सारमेण भणियं कयसन्नाहो वि एउ सो एत्थ । जह सामग्गी दीसइ तह सो पेसिज्जइ पुरो वि ॥६५६०॥  
 नरसीहदंडवइणो संवाहे मा कया वि (वि)णियत्तो । सो वीरपालकुमरेण जाणिउं होज्ज पडिरुद्धो ॥६५६१॥  
 तत्तो निवारिओ सो कुमरेण सुदंसणेण वच्चंतो । दुज्जोहणस्स समुहो विन्नत्तो तेण तो कुमरो ॥६५६२॥  
 तह वि हु वच्चामि अहं गंतुं दुज्जोहणस्स साहेमि । तुम्ह कडयस्स सुत्थं जह सो थिरमाणसो एइ ॥६५६३॥  
 तो अणुनाओ एसो कुमरेण सुदंसणेण मह पासे । आगंतूणं साहइ उत्तरपच्चत्तरं सव्वं ॥६५६४॥  
 तं चेव पुरो काउं समागओ हं सुदंसणावासे । तम्मि समयम्मि जाओ पहाविया सो दिणिदस्स ॥६५६५॥  
 सुज्जइ मुहं मुहेणं सिरिक्कसन्नाह छाइयं कितु । सेअं तेहिं न नायं अप्पणयं किं परस्सेयं ॥६५६६॥  
 पुव्वं पि मए सव्वं संकेयं गाहिऊण नियसेअं । मुक्कं जह अमुगखणे अमुगं अमुगं करेयव्वं ॥६५६७॥  
 अह गडुदारगओ ओयरिऊणं अहं तुरंगाओ । मज्जे जया पविट्ठो अन्ने वि तया बहू सुहडा ॥६५६८॥  
 पडिहारवारिया वि हु झत्ति पविट्ठा पणोल्लिउं एयं । पुरओ कयप्पणामस्स मज्ज आलिगणनिमित्तं ॥६५६९॥  
 बाहू सुदंसणेणं पसारिया दो वि तो मए गहिओ । गाढं हियएण समं सेसा सेसेहिं पडिरुद्धा ॥६५७०॥  
 केहिं वि करिणो रुद्धा केहिं वि तुरया रहा य अन्नेहिं । उग्घुट्ठं गरुयसरं एवं कडयस्स मज्जम्मि ॥६५७१॥  
 जह सिरिवम्मकुमारो कुमरस्स सुदंसणस्स आरुट्ठो । सोऊण इमं सद्धं भीओ लोओ पलाणो य ॥६५७२॥  
 अट्ठहिं जणेहिं सद्धि बद्धो कुमरो सुदंसणो झत्ति । खित्तो रहम्मि अन्ने अन्नेसु रहेसु पक्खित्ता ॥६५७३॥  
 एत्थंतरम्मि पत्ता पुरिसा नरसीहकडयमज्जाओ । भीया पलायमाणा ते गहिया अम्ह पुरिसेहिं ॥६५७४॥  
 आणीया मह पासे पुच्छिस्सं जाव ते अहं कि पि । ता केलुयओ पत्तो तुम्हेहिं पेसिओ तत्थ ॥६५७५॥  
 सव्वं पि तेण कहियं तुम्ह समाइट्टमग्गओ मज्ज । ते वि मए तो पुट्ठा नरसीहनरा तह कहिसु ॥६५७६॥  
 बद्धो रहम्मि पच्छा सुदंसणो दंसिओ मए तेसि । भणिया य ते जहेयं जोहारह अप्पणो सामि ॥६५७७॥  
 तेहिं वि काऊण तहा मुक्को नयणेसु अंसुजलनिवहो । पच्छा मए वि मुक्का भणिया वच्चइ जहेच्छं ॥६५७८॥  
 तो तुम्ह पयसमीवे पुरिसो सपेसिओ मए अन्नो । गहिय सुदंसणकुमरस्स संतिया वत्तमव्वखेउं ॥६५७९॥  
 पहवियरणपरिसंतो धरिओ तत्थेव केलुओ उ मए । कुमरसुदंसणकडयस्स संतिया तयणु आवासा ॥६५८०॥  
 उप्पाडावेऊणं सव्वे तस्सेव करहमाईसु । आरोहावेऊण य मए समाणाविया एत्थ ॥६५८१॥  
 गुडपक्खरसन्नाहाउहपमुहं सव्वमेववक्खरयं । तस्सेव वाहणेसु आरोवेऊण आणीयं ॥६५८२॥

अड्ढाइज्जसहस्सा आणीया पवरहत्थिरुवाणं । तीसतुरंगसहस्सा वीससहस्सा रहाणं तु ॥६५८३॥  
 तेसि चव सुदंसणपुरिसाण समीवओ मए निसुओ । तत्थागओ ह्याणं वीससहस्साहिओ लक्खो ॥६५८४॥  
 अट्टरहाण सहस्सा करिणो पुण जेतिया मए निसुया । सव्वे वि तेत्तिया चव अम्ह इत्थम्मि आरुढा ॥  
 रहतुरया पुण नरसीहदंडवइणो सहा गया एत्थ । के वि ह तेसि संखं जाणिस्सह कं पि जइ तुम्हे ॥६५८६॥  
 अह सिरिवम्मकुमारेण जोगरायस्स पेसियं जत्ति । हक्कारयं खणेणं संपत्तो सो वि तत्थ तओ ॥६५८७॥  
 पुट्ठो साहइ संखं तुरंगमाणं सहस्स पणसीई । पंचरहाण सहस्सा संपत्ता अप्पणो हत्थे ॥६५८८॥  
 तो कुमरेणं भणियं रहसंखा ताव पुज्जए सयला । तुरयाण पण (पंच ?) सहस्सा पुज्जंति न ते पुण पलाणा ॥  
 के वि भविस्संति मया केवि पलाणा सहासवारेहि । इच्चाइ कहं काउं विसज्जिथा दो वि ते जत्ति ॥६५९०॥  
 रणसीहजोगराया सेज्जाए सठिओ सयं कुमरो । सिरिवम्मो एगागी एवं चितइ नियमणम्मि ॥६५९१॥  
 निरुवमकलत्तलाहो संजाओ मज्झ सत्तुविजओ य । पहरिसलेसं पि परं दोन्नि वि न इमे मह कुणंति ॥६५९२॥  
 जह एयस्स सुदंसणकुमरस्स पराहवो सम्पुत्तो । चित्तिज्जंतो जणयइ परमविसायं मणे मज्झ ॥६५९३॥  
 धी धी भवस्सखं जत्थ किलिस्संति जंतुओ एवं । विसएसु पसत्तमणा अणवेक्खियकज्जपरिणामा ॥६५९४॥  
 नीइए संपन्ना जे वि सया पुव्वपुन्नजोएण । ते वि निसेविज्जंता भयजणया होंति परलोए ॥६५९५॥  
 जे उण नीइविरुद्धा चित्तिज्जंता वि ते इहभवे वि । अरइ जणेंति गरुयं अयसं परपरिभवं तह य ॥६५९६॥  
 इच्चाइ चित्तयंतस्स तस्स हक्कारयं समायायं । कुमरेण वीरपालेण पेसियं भोयणनिमित्तं ॥६५९७॥  
 अह सिरिवम्मकुमारो संबहिउं परियणेण थेवेण । रणसीहजोगरायइएहि पुरिसेहि य समेओ ॥६५९८॥  
 तुरयारुढो पत्तो गुलखेडपुरम्मि तत्थ एगम्मि । चेइयहरम्मि गंतुं पूएउं वंदिउं देवे ॥६५९९॥  
 हयमारुढो पगओ पासाए वीरपालकुमरस्स । कयसमुच्चियपडिवत्तीए परोप्परं दो वि ते कुमरा ॥६६००॥  
 जा मणिमयासणेसुं खणं निसन्ना कुणंति आलावं । ता वीरपालकुमरो विन्नत्तो दूसलेणं ॥६६०१॥  
 भोयणजायं पगुणं संजायं चिट्टए सममां पि । कित्तु परं थेवो च्चिय परिवारो एत्थ आणियो ॥६६०२॥  
 सिरिवम्मकुमारेणं तो तं पभणइ सूरपालसुओ । सेसं पि हु परिवारं आणावह अप्पणो तुब्भे ॥६६०३॥  
 अह सिरिवम्मो पभणइ अम्हेहि समं सया वि जावइओ । भुंजइ परिवारो एस तेत्तिओ आगओ अत्थि ॥  
 जो उण गिन्हइ निच्चं कणभत्तं सो न आणियो एत्थ । तो भणइ वीरपालो दूसलदंडाहिवं एवं ॥६६०५॥  
 जह पुच्छेऊण तुमं पंचउलमिमस्स रायतणयस्स । कणहत्तयगाहीणं सव्वेसिं देहि कणहत्तं ॥६६०६॥  
 आएसो त्ति भणित्ता कुमरं विन्नवइ वीरपालं सो । जह तुम्ह भाउजाया आणीया नेय कुमरेण ॥६६०७॥  
 तो भणइ वीरपालो जं चिय कज्जं तमेव नाणीयं । अम्हाण भाउएणं जस्स कए एत्तिओ विहिओ ॥६६०८॥  
 अइगरुओ संरंभो देसंतरलंघणाइओ एसो । तो जाहि दूसल तुमं पच्छेउं भाउयं अम्ह ॥६६०९॥  
 आणेह वसंतसिरिं माया अम्हाण जाणए एवं । जइ पेक्खिस्सइ अन्नो एयं तो लग्गिगही चक्खू ॥६६१०॥  
 तो हसिऊणं जंपइ सिरिवम्मो जह मए इमा भणिया । अइआयरेण तह वि हु न मन्नियं तीए आगमणं ॥  
 तो आह वीरपालो सिरिवम्मं कुणइ भोयणं तुब्भे । भुंजिस्सामि अहं पुण इहागयाए धुएं तीए ॥६६१२॥  
 तो पभणइ सिरिवम्मो रणसीहं दंडणायगं एवं । जह दूसलेण सद्धिं गंतूण तुमं वसंतसिरिं ॥६६१३॥  
 मज्झ वयणेण एवं पभणह जह वीरपाल पासाओ । नीहरिउ मिओ अम्हे न लहिस्सामो चिरेणावि ॥६६१४॥

जा भोयणं न विहियं तं पुण अम्हे तया लहिस्सामो । तुममागमिस्ससि जया सुदीहकालेण वि य एत्थ ॥६६१५॥  
अह रणसीहो दूसलसेणावइसंजुओ तया गंतुं । विन्नवइ वसंतसिरि आवासे सा वि तव्वयणं ॥६६१६॥  
सोऊणं सिग्घं चिय संपत्ता वीरपालपासाए । तेण वि पणया एसा ससंभमेणं सबहुमाणं ॥६६१७॥  
पुरओ ह्योऊण सयं हक्कारेऊण अप्पणो भज्जं । वीरमईनामेणं तेण तओ एवमाइट्टा ॥६६१८॥  
जेट्टाणिया तुह इमा समागया चिट्टए तओ एवं । पणमह पाएसु तुमं भुंजावह गोखेण तहा ॥६६१९॥  
सम्माणह बहुवत्थालंकाराइहिं अइमहग्गेहिं । अन्नं पि हु करणिज्जं सव्वं पि करेह ईए ॥६६२०॥  
तीए ससंभमाए पडिवज्जेऊण तस्स तं वयणं । पाएसु पणमिऊणं नीया सगिहे वसंतसिरी ॥६६२१॥  
तत्तो नियत्तिऊणं ससंभमं वीरपालवरकुमरो । सिरिवम्मकुमारसहिओ भोयणसालाए संपत्तो ॥६६२२॥  
समुच्चियपडिवत्तीए उवविट्टा दो वि भोयणनिमित्तं । अह सिरिवम्मकुमारो रणसीहं एवमाइसइ ॥६६२३॥  
कह ते सुदंसणो चिट्ठंति तए कया इमं आह । बंधाओ मोएउं सव्वे नियलेसु पक्खित्ता ॥६६२४॥  
रक्खणहेउं गहपालसाहणाहिवइणो समीवम्मि । उग्गणिया ते चिट्ठंति धारिया तेण पविभत्ता ॥६६२५॥  
एक्को एक्कस्स मूहं न पेक्खए नेय सुणइ सहं पि । पुण सिरिवम्मो तं भणइ जह तुमं भोयणं तेसि ॥६६२६॥  
जोग्गं गहिऊणं कं पि माणुसं पट्टवेह एत्तो वि । अह रणसीहो कुमारं सिरिवम्मं विन्नवइ एवं ॥६६२७॥  
जइ ते एवं जंपंति कह वि अम्हे जहा नियलखित्ता । नो भोयणं करेमो तत्थट्ठे किं विहेयव्वं ॥६६२८॥  
आह तओ सिरिवम्मो संबोहेऊण तह ठिया चेव । तह वि हु ते कारिज्जह भोयणमह जइ न मन्नंति ॥६६२९॥  
ओसारिऊण नियलाइं तह वि ते भोयणं करावेह । कित्तु पयत्तेण परं तेसि रक्खा करेयव्वा ॥६६३०॥  
आएसो त्ति भणित्ता तहेव पट्टवइ भोयणं तेसि । रणसीहो दंडवई सयं तु तत्थेव भुंजेइ ॥६६३१॥  
सिरिवम्मवीरपालोहिं रायकुमरेहिं सह असंभंतो । गंधरस(वण्ण ?) फासेहिं संजुयं रसवई परमं ॥६६३२॥  
कुमारो सुदंसणो पुण गहिओ माणसिय दुक्खनिवहेण । ज्ञाणपवन्नो जोइ व चिट्टए किं पि चित्ततो ॥६६३३॥  
पेच्छह जह परिणामो कम्माणम चित्तणिज्जमाहप्पो । अन्नह कओ उवाओ निव्वडिओ अन्नहा कह वि ॥६६३४॥  
जं सिरिवम्मकुमारे काउमपिट्ठं मए समारद्धं । तह चेव तं समग्गं अम्हं चिय निव्वडियं अंगे ॥६६३५॥  
लोयम्मि जं निसम्मइ तं सच्चं चेव नूणमक्खणं । जं चित्तिज्जइ असुहं परम्मि तं एइ सधरम्मि ॥६६३६॥  
जारिसओ च्चिय पढमं मइमोहो उट्ठिओ मह मणम्मि । पज्जंते वि हु सो एस तारिसो चेव निव्वडिओ ॥६६३७॥  
अन्नाणुराइणीए वसंतसिरिकन्नयाए उवरि जो । बद्धो मए णुराओ पढमो तावेस मइमोहो ॥६६३८॥  
बीओ पुणजं सेन्नं बंधणहेउं ममेव आवडियं । तं चेव मूढमइणा हियबुद्धीए मए गहियं ॥६६३९॥  
कूडं कयं मए जं तं सिरिवम्मणेण सव्वमवि नायं । जं पुण तेण कयं तं थेवं पि मए न विन्नायं ॥६६४०॥  
ता सव्वहा वि एसो पन्नापुत्तेहिं समहिओ मज्ज । एएण सह विरोहो थेवो वि न काउमुच्चिओ मे ॥६६४१॥  
ता एत्तियम्मि वि गए मुच्चउ एएण सह विरोहमती । अंधो वि हु विणियत्तइ कुड्डे लग्गाए ठेप्पाए ॥६६४२॥  
इच्चाइचित्तयंतं रणसीहाएसओ सयं गंतुं । गहपालो साहणिओ सुदंसणं भणइ तो एवं ॥६६४३॥  
सिरिवम्मकुमारेणं तुम्ह कए रसवई गोहऊण । पट्टविया अम्हे इह ता तुब्भे भोयणं कुणह ॥६६४४॥  
अह तेण भणियमेयं पाएसु ठियम्मि चेय नियलम्मि । भोत्तव्वं अम्हेहिं किं वा ओसारिए तम्मि ? ॥६६४५॥

तो गहपालो जंपइ सिरिम्मो ताव जाणए एवं । जह तुम्हाण पएसुं खित्ताइं सति नियलाइं ॥६६४६॥  
तेण परं तक्विसए आएसो को वि तेय मह दिन्नो । भोयणमेव गहेउं तुम्ह कए पेसिओ मि अहं ॥६६४७॥  
ता एवं चिय तुम्भे भुंजह मा कं पि कुणह (हा?) मण (णे?) खेयं । तो आह तं सुदंसणकुमरो खेओ मह न को वि  
एमेव मए पुट्टं तुम्ह समीवे सरूवमेवेयं । अवधारिणो वि मह तेण भोयणं पेसियं जमिमं ॥६६४९॥  
तं पि अहं बह्मन्ने अन्नं पुच्छामि जं पुणो किं त्ति । तं दट्ठूणं तस्सेव हिययगरुयत्तणं विउलं ॥६६५०॥  
आह तओ गहपालो कुमार ! जह जंपियं तए एवं । तं तह चेव न थेवं पि अन्नहा तस्स गरुयत्तं ॥६६५१॥  
सच्चाइ जंपिऊणं परिवेसेऊण तस्स गहपालो । गंतूण सारमाई भोयणहेउं तओ भणइ ॥६६५२॥  
ते वि सुदंसणकुमरं भुत्तं संपुच्छिऊण भुंजति ॥ : भुंजते काउं सयं गओ झत्ति गहपालो ॥६६५३॥  
गुलखेडे नयरम्मि पासाए वीरपालकुमरस्स । सिरिबम्मकुमाराइसु भोत्तूणं उट्टमाणेसु ॥६६५४॥  
भुत्तुट्ठियस्स पुरओ कहियं रणसीह दंडणाहरस । गहपालेण सुदंसणकुमरो जह मुक्कअहिमाणं ॥६६५५॥  
कयनियपच्छायावं सिरिबम्मकुमारगुणगहणपुव्वं । वयणं पर्यपिऊण नियलगओ चेव य पभुत्तो ॥६६५६॥  
इय सेणावइ रणसीहकन्नलगो कहं तओ दिट्ठो । गहपालो सिरिबम्मेण पुच्छिओ किं कहेसि त्ति ॥५७॥  
जोडियकरेण तत्तो रणसीहेणं निवेइयं तस्स । जह कहियमिमेणेयं सुदंसणो जेमिओ कुमरो ॥६६५८॥  
तेणेव सरूवेणं ठिओ तओ वीरपालवरकुमरो । आइसइ दूसलं गहपालं भुंजावह इमं ति ॥६६५९॥  
नेऊण तेण एसो गहपालो गोरवेण गहएण । भुंजाविओ तओ सो भोत्तूण समागओ तत्थ ॥६६६०॥  
कप्पूरागुहमयनाहिमीसवरचंदणेण निम्मवियं । संचरियं तयणु विलेवणं च कमसो सम्ममाण ॥६६६१॥  
घणसारचंदणेहिं सुरहीकयवरपुगफालीहिं । नवसरसनायवल्लीदलाण तह वीडएहिं च ॥६६६२॥  
तत्तो कमेण दिन्नं तंबोलं सधणसारमडपउरं । एलालवंगकवकोलजाइपलपमुहवत्थुजुयं ॥६६६३॥  
अह वीरपालकुमरो सिरिबम्मेणं सणकुमारेण । काऊण चिरं कालं पीइकहाओ बहुविहाओ ॥६६६४॥  
वत्थालंकारेहिं पवरतुरंगेहिं करिवरेहिं च । तं सम्माणेऊणं जहजोगं सपरिवारं पि ॥६६६५॥  
हत्थे जोडेऊणं विसज्जिउं तह वसंतः । रिदेविं । तस्स पिया वीरमई अणुगंतूण य नियत्तेइ ॥६६६६॥  
सिरिबम्मो वि कुमारो सभारिओ सपरिवारसंजुत्तो । तत्तो निगंतूणं निययावासम्मि संपत्तो ॥६६६७॥  
चित्तइ जह सिद्धपओयणो वि चिट्ठामि केत्तिए वि दिणे । एत्थेव जाव धाइयपुरिसा तुरया य हींति खमा ॥६६६८॥  
जं च वसंतसिरीए सह बोलावयमुवागयं सेन्नं । तेत्थिदिणाइं तं पि हुं चिट्ठउ एत्थेव गोट्ठीए ॥६६६९॥  
अह कुमारवीरपालो दूसलदंडाहिवेण सह गोट्ठि । कुणमाणो रयणीए पमइयचित्तो वयइ एवं ॥६६७०॥  
चारु तए कयमेयं जमेत्थ हक्कारिया वसंतसिरी । तदंसणेण जम्हा नयणफलं गहियमम्हेहिं ॥६६७१॥  
लोओ जं वन्नंतो तीसे रूवं तमप्पयं चेव । जं दिट्ठं अम्हेहिं तं तत्तो लक्खगुणियं तु ॥६६७२॥  
इच्चाइ जंपिऊणं मुत्तो पवरम्मि वासभवणम्मि । उट्ठेऊण पभाए वच्चइ पासम्मि नियपिउणो ॥६६७३॥  
दूसलसेणाहिवई तं अणुगंतूण तेण सिक्खविउं । विणियत्तिओ सठाणे पत्तो सिरिबम्मकुमरस्स ॥६६७४॥  
पेसेउं नियपुरिसं कहावइ जहज्ज वीरपालेण । पिउपासे वच्चंतेण मज्झ सिक्खा इमा दिन्ना ॥६६७५॥  
जाव सिरिबम्मकुमरो इह चिट्ठइ ताव तस्स पासम्मि । गंतव्वं निच्च तए कायव्वं तह तथाइट्ठं ॥६६७६॥  
ता इन्दि पि समीवे तुम्हाण उव्वंतओ अहं कित्तु । तस्सेव य कज्जेणं अक्खप्पिओ किं पि चिट्ठामि ॥६६७७॥



चरिमे जामे उ सयं पि तुम्ह पासे हभागमिस्सामि । इन्हि तु इह ठियस्स वि कज्जं मे कहह जइ अत्थि ॥६६७८॥  
 तो सिरिवम्मकुमारो तं जंपइ संपयं इमं कज्जं । अम्हे गुलखेडपुरे सव्वेसु वि चेइयहरेसु ॥६६७९॥  
 न्हवण-विलेवण-पूयण-परिहावण-पेच्छणाइयं सव्वं । कारिस्सामो तह जह समप्पए अट्ठहि दिणेहि ॥६६८०॥  
 तम्हा मालायारा कुसुमाणं विक्कयं कुणेभाणा । अन्नत्थ वारियव्वा इच्छिय जिणमंदिरेसु जहा ॥६६८१॥  
 पज्जत्ता संपज्जइ पूया तह सावया समग्गा वि । मेलेउं भाणियव्वा न्हवणाइकए जहा सव्वं ॥६६८२॥  
 पउणं कुणंति अम्हे इन्हि चिय तत्थ आगमिस्सामो । इय भणिउमप्पिऊणं दव्वं कुसुमाइमुल्लकए ॥६६८३॥  
 नियपुरिसं साहारणनामं सह तेण दूसलनरेण । पेसइ हक्कारेउं इय भणइ तओ वसंतसिरिं ॥६६८४॥  
 जह अम्हाणं देवो अरिहंतो चेव इयरदेवाण । दंसणमेत्तं पि न होड संगयं कुव्वमाणाणं ॥६६८५॥  
 पूयापेच्छणयाईकारवणं पुण समग्गमवि दूरे । चिट्ठउ कित्तु परं तुह उवरोहेणं मए विहियं ॥६६८६॥  
 इन्हि तु तए किंचि वि भणियव्वं नेय सम्मुहं मज्झ । एरिसमियरसुराणं पूयाईकरणविसयम्मि ॥६६८७॥  
 नुज्झ वि जुत्तं एयं करणिज्जं संपयं जहा मोत्तुं । अन्ने सव्वे देवे पडिवज्जिज्जइ जिणो देवो ॥६६८८॥  
 जइ पाविज्जइ राया मित्तं तो तस्स सेवयजणेण । बहुएण वि कि कौरउ इय लब्भंते जिणे देवे ॥६६८९॥  
 कि सेसदेवयाहिं तस्सेव य किकराहिं कायव्वं । जाणसि तुमं पि एयं सव्वं पि मणे वियारंती ॥६६९०॥  
 गिहजिणपडिमापूयं मज्झ तिकालं पकुव्वमाणस्स । सन्निहिया होऊणं तुमं पि निच्चं पलोएज्जा ॥६६९१॥  
 ज्झ त्ति वसंतसिरीए वयणे पडिवज्जियम्मि एयम्मि । तो सिरिवम्मकुमारो तीए सह संवहेऊण ॥६६९२॥  
 नियसामग्गीसहिओ चलिओ गुलखेडनयरमग्गम्मि । दूसलसेणाहिवई नियपुरिसाओ निसामेउं ॥६६९३॥  
 सिरिवम्मस्साएसं तहेव कारेइ सावएहिंतो । चेइयहराण संखा जावइया तम्मि नयरम्मि ॥६६९४॥  
 काऊण विभाएहिं अट्ठहिं सव्वा वि सा तओ तेहिं । एक्केक्कम्मि विभाए एक्केक्कदिणम्मि परिठवियं ॥६६९५॥  
 न्हवणाई कायव्वं जावइयं तेहिं मग्गियं दविणं । साहारणस्स पासे तावइयं अप्पियं तेण ॥६६९६॥  
 तम्मि दियहे चिरंतणचेइयभवणम्मि भुवणविक्खाए । एक्कम्मि सयलसंघं मेलेऊणं तओ तेहिं ॥६६९७॥  
 दूसलसेणावइणो कहावियं तेण पेसिउं पुरिसो । सिरिवम्मस्स कहेउं सो मिलिओ तस्स अद्धपहे ॥६६९८॥  
 एतस्स सम्मुहो च्चिय दूसलवयणं कहेइ सव्वं पि । सो वि परित्तुट्ठियओ दयावए तस्स तंबोलं ॥६६९९॥  
 पुव्वकहियम्मि पत्तो चेइयभवणम्मि कुमारसिरिवम्मो । पंचविहाभिगमेणं पविसेउं तत्थ भत्तीए ॥६७००॥  
 विहिपुव्वं पूएउं जिणिदिंबिबाइं तत्थ सव्वाइं । वंदेऊण य हरिसुल्लसंतसव्वंगरोमंचो ॥६७०१॥  
 जहजोग्गं काऊणं पडिवत्ति तयणु सयलसंघस्स । उचियपएसे उच्चियासणम्मि तत्तो निसीएइ ॥६७०२॥  
 कुमराणुमगलग्गा सव्वं पि करेइ तह वसंतसिरी । दूसलसेणाहिवई वि तत्थ पत्तो कुमरपासे ॥६७०३॥  
 ण्हवणसमयम्मि पढमं सिरिवम्मो गिन्हए सयं कलसं । सेसा गहिया सेसेहिं सावएहिं पहाणेहिं ॥६७०४॥  
 तत्थ न्हवणम्मि वित्ते तत्तो इच्छियजिणिदभवणेसु । गंतूण केइ सड्ढा कुणंति न्हवणाइं सव्वम्मि ॥६७०५॥  
 तयणु विलेवण-पूयण-परिहावणमाइयम्मि सव्वम्मि । सिद्धम्मि पढमचेइयहराउ निग्गंतुकामेण ॥६७०६॥  
 सिरिवम्मकुमारेणं दूसलसेणावई इमं भणिओ । कइवयचिइभवणेसु अन्नेसु वि जाव गंतव्वं ॥६७०७॥  
 ताव भविस्सइ दूरं उस्सूरं ता इहेव धवलहरे । तुम्हन्चयनरवइणो भोयणमम्हे करिस्सामो ॥६७०८॥  
 तो चरमे दिणजामे आपावेऊण कडयमज्झाओ । नियमावासमिहेव य गुलखेडे दावइस्सामो ॥६७०९॥  
 तत्तो इयरदिणेसुं निच्चं निययम्मि चेव आवासे । भुंजिस्सामो पूया जाव समप्पइ जिणहरेसु ॥६७१०॥

गुलखेडसंठिएसुं सव्वेसु वि दूसलो तओ भणइ । भोयणसयणनिमित्तं ठाणं तुम्हाण इणमेव ॥६७११॥  
 चिट्ठइ अम्हं नरिदस्स मंदिंरं जइ पुणो समगं पि । कडयं आणावह तो तेण समं एउ आवासो ॥६७१२॥  
 अहं सिरिवम्मो पभणइ कडयं सव्वं पि अज्ज वि न एत्थ । आणाविस्सामि अहं जम्हा चिट्ठंति समरहया ॥६७१३॥  
 तत्थ बहू नरतुरया चालिज्जंताण ताण इन्दिं पि । जं जायइ बहुपीडा तेसिं कज्जेण कडयं पि ॥६७१४॥  
 ठाइस्सइ तत्थेव य कइवयदियहाइं जाव रुज्जंति । तेसिं अगे घाया तो पभणइ दूसलो एवं ॥६७१५॥  
 जइ एवं तो चिट्ठउ तत्थेव कुमार तुम्ह आवासो । जं वज्जाउहदेवीभरणम्मि अहं पि अट्ट दिणे ॥६७१६॥  
 पूयं काराविस्सं जम्हा अम्हाण वंछियमिमीए । दिन्नं सिग्घं पि तओ देमो ओयाइयं तीसे ॥६७१७॥  
 इन्दिं तुम्हेहि परं पारद्धा चिट्ठए जिणहरेसु । पूया काउं तत्तो थेवे वि दिणे विलंबिस्सं ॥६७१८॥  
 पच्छा तुम्हे वि निराकुले अहं नेमि देविभरणम्मि । आह तओ सिरिवम्मो तं जुत्तं जं विलंबेसि ॥६७१९॥  
 पूयाकरणं देवीए मंदिरे एरिसं पुण न जुत्तं । देवीपूयं अम्हाण दंसिउं जं समीहेसि ॥६७२०॥  
 जं जेट्टसुककपडिवयदियहो अज्जेस सत्तंहिं दिणेहिं । अग्गेहिं तओ होही ि जणहरपूयापरिसमत्ती ॥६७२१॥  
 नवमीदिणम्मि एत्तो अम्हे पच्छा सुहं गमिस्सामो । जइ पुण अन्ने वि दिणे चिट्ठामो अट्ट एत्थेव ॥६७२२॥  
 तो होइ समासन्नो समओ मेहागमस्स तत्थ जलं । जइ पडइ तओ गमणं जायइ दुक्खेण कडयस्स ॥६७२३॥  
 तो दूसलेण भणियं तम्मि दिणे तुम्ह संगयं किं पि । जं पडिहासइ तं चिय करेज्ज तुम्हे इयाणि तु ॥६७२४॥  
 चिट्ठइ इह धवलहरे चिट्ठउ तत्थेव तुम्ह आवासो । इय दूसलस्स वयणं पडिबज्जेऊण सिरिवम्मो ॥६७२५॥  
 आइसइ निए पुरिसे तत्थेव य रसवईए करणत्थं । जाइ तओ निगंतुं सेसेसु सयं जिणहरेसु ॥६७२६॥  
 तेसु जिणबिबमंडणपूयणपरिहावणं बलिविहाणं । आरत्तियं च दट्ठुं वंदेऊणं तओ देवे ॥६७२७॥  
 निवभरणगमणसमए विणयणओ मुणिजणं निमंतेइ । पडिलाभणानिमित्तं आहारेणं चउविहेण ॥६७२८॥  
 ते वेत्ति वट्टमाणो जोगो तो सावए निमंतेइ । पभणंति ते वि एवं एयं चिय भोयणं दिन्नं ॥६७२९॥  
 लट्ठं अम्हं तएज्जं कुमार ! वावारिया सहायत्ते । अम्हे जिणपडिमाणं न्हवणाइविहिम्मि सुहजणए ॥६७३०॥  
 इच्चाइ उत्तराई कुणमाणे भीडिऊण ते सड्ढे । भोयणहेउं मन्नाविउं सयं कुमरसिरिवम्मो ॥६७३१॥  
 पत्तो निवधवलहरे वसंतसिरिसंजुओ मुणी सड्ढा । नियनियठाणम्मि गया अहं सिद्धं रसवईं नाउं ॥६७३२॥  
 सिरिवम्मो दूसलमाणवेइ मुणिसावयाहवणहेउं । अहं दूसलेण पट्टावियम्मि हक्कारए तेसिं ॥६७३३॥  
 पत्तो खणंतरेणं सणियं सणियं खणेण मुणिवग्गो । कुमरेण वसंतसिरी हक्कारेऊण तो भणिया ॥६७३४॥  
 तुह पुण्णुदएण इमे समणा समणी य आगया एत्थ । आहारदाणमैसिं तो देहिं तुमं जहिच्छाए ॥६७३५॥  
 कुमराएसेण तओ उट्ठेऊणं इमा तह करेइ । बहुयं देंतीए वि हु तीए गहियं मुणिजणेण ॥६७३६॥  
 थेवं चिय किं पि तवो आयंबिलनिव्विगइय जुयमुणिणो । कहिऊणं पडिसेहियमियरं लट्ठं पि सव्वं पि ॥६७३७॥  
 तत्तो सावयवग्गं सगोरवं भोइऊण नीसेसं । काउं तंबोलाई सम्माणं बेइ तो कुमरो ॥६७३८॥  
 तो जोडियकरजुयलो अन्ने वि य सत्तवासरे एवं । तुम्हेहिं विहेयव्वो अम्हाणमणुगहो एसो ॥६७३९॥  
 इय पडिवन्ने वयणे विसज्जिउं सावए तह विहेउं । भुत्ताभुत्तसपरियणसुदंसणाईण तत्तिं च ॥६७४०॥  
 अनिवारियसत्ताइं पयट्टिऊणं पुरस्स दारेसु । गिहपडिमा पूएउं भुंजइ सह दूसलाईहिं ॥६७४१॥  
 दिणसेसं गमिऊणं जिणपडिमं पूइऊण संज्ञाए । रयणीए सयणगओ पुच्छइ भज्जं वसंतसिरिं ॥६७४२॥  
 अज्ज जिणमंदिरेसुं तए पिए ! पेक्खियं ण्हवणमाई । दिन्नं मुणीण दाणं तं भण्य तुहं केरिसंभाइ ॥६७४३॥

तो भणइ वसंतसिरी आणंदमयं दिणं समगं पि । अज्ज गयं मम पिययम! बुद्धाए अमयकुंडे व्व ॥६७४४॥  
जं नियजम्मप्पभिइं मए न दिट्ठं सुयं व अणुहूयं । तं पाणनाह ! जुगवं पि अज्ज मे सव्वमवि जायं ॥६७४५॥  
उप्पज्जमाणनवनवपहरिसपूरिज्जमाणहियएहिं । होइज्जइ तं सुमरंतएहिं तीरइ न उण वोतुं ॥६७४६॥  
किं जिणपडिमारुवं किं न्हवणविही किमच्चणविहाणं । किं सावयसमवाओ बेमि किमेक्केक्कमिच्चार्इ ॥६७४७॥  
किं वा जईण परिचत्तसव्वसंगण गुणमहग्घाण । वन्निज्जइ माहप्पं अच्चंतनिरीहचित्ताण ॥६७४८॥  
उयरत्थे वि न लोहो जेसि तवसुसियअंगुवंगण । परिहरियविहसाणं निरवेक्खाणं सजीए वि ॥६७४९॥  
जइ होंति अम्ह पेइयगुरुणो इह कह्वि आगया एवं । तो ते सव्वस्से वि हु दिन्ने न लहंति परिओसं ॥६७५०॥  
ते चित्तयंति एवं जइ जजमाणं पि विक्किउं कह्वि । पारसउलाइठाणे अतिविउलो थिप्पए अत्थो ॥६७५१॥  
ता इन्हि मज्झ मणे एसो च्चिय परिणओ धुवं धम्मो । देवो य इमो एए थ सुगुरुणो तुम्ह जेभिमया ॥६७५२॥  
जो नाह ! पहरिसो मे जाओ तइ पाणवल्लहे लद्धे । सो जिणधम्मो लद्धे संजाओ समहिओ अज्ज ॥६७५३॥  
तो जंपइ सिरिवम्मो मज्झ वि जो तुज्झ पाणिगहणम्मि । जाओ हरिसो सो अज्ज दुगुणिओ एरिसे जाए ॥६७५४॥  
इय जंपिऊण गुरुदेवधम्मगुणवत्तणं विसेसेण । कुणइ वसंतसिरीए पुरओ सुइरं इमो हिट्ठो ॥६७५५॥  
जह पासियम्मि वत्थे निबिडो होऊण लग्गए रंगो । तह भावियाए तीसे धम्मवएसो वि सो लग्गो ॥६७५६॥  
काऊण धम्मगोठि एवं सह पिययमाए खणमेगं । सिरिवम्मो निवकुमारो निहासुहमणुहवेऊण ॥६७५७॥  
उट्ठेउं निसिविरमे किच्चं पाभाइयं विहेऊण । गिहिपडिमाए पूयं अट्टपयारं करेऊण ॥६७५८॥  
जिणमंदिरेसु जा किर गमिस्सए ताव दारवालेण । आगंतुं विन्नत्तो एवं सिरिवम्मवरकुमारो ॥६७५९॥  
वासवउराउ वासवदत्तेण नरेसरेण पट्टविओ । चिट्ठइ पहाणपुरिसो दारे नामेण वरदत्तो ॥६७६०॥  
कुमरेण समाइठो पडिहारो ज्जत्ति तं पवेसेइ । सो वि कयप्पणिवाओ कुमरेणालिगिओ तत्तो ॥६७६१॥  
तस्स गुरुसंभमेणं दावियमुच्चियासणं इमो तम्मि । उवविट्ठो परिपुट्ठो कुमरेणं कहिउमाढत्तो ॥६७६२॥  
जह ग्लखेडपुराओ गएहिं वणिएहिं वासवउरम्मि । रत्तो वासवदत्तस्स साहियं जह वसंतसिरी ॥६७६३॥  
वज्जाउहदेवीए पुरम्मि पत्ता महाबलनिवस्स । अंगरुहेण सुदंसणनामेण तओ समागंतुं ॥६७६४॥  
पडिखलिया वच्चंती चंदउरीए पुरीए तो एवं । नाऊण सूरपालेण पत्थिवेणं नियंगरुहो ॥६७६५॥  
नामेण वीरपालो पभूयबलसंजुओ सहायत्ते । दूसलसेणावइणो दुइज्जओ पेसिओ तत्थ ॥६७६६॥  
जेण सुदंसणकुमारं वसंतसिरिकन्नयाए लग्गंतं । दो वि निवारेंति इमे तह चंदउरीए नयरीए ॥६७६७॥  
सिरिवम्मकुमारो वि हु वज्जाउहदेविपुरवाहिं पत्तो । करि-तुरिय-जोहपउरं सेन्नं घेत्तूण संझाए ॥६७६८॥  
अम्हे वि तम्मि समए कयसंवाहा तओ विणिकखंता । सत्थवसेणं मग्गे वूढा रयणिं असेसं पि ॥६७६९॥  
पच्छा य तत्थ जायं किं पि न तं जाणिमो तओ एवं । सोउं वासवदत्तेण राइणा चित्तियं एवं ॥६७७०॥  
चित्ठंति मए पुरिसा वसंतसिरिकन्नयाए सह बहुया । पट्टविया एक्को वि हु तेसु न तीए मम समीवे ॥६७७१॥  
एवंविहवत्ताए कहणत्थं पेसिओ तओ एयं । सच्चं उयाहु मोसं सम्मं जाणिज्जए नेय ॥६७७२॥  
इय चित्तिऊण दियहं तं चेव विलंबिऊण रयणीए । हक्कारेऊण अहं इय भणिउं एत्थ पट्टविओ ॥६७७३॥  
जइ वणियाण इमाणं वयणं सच्चं कहंचि तो तुमाए । भणियव्वो सिरिवम्मो जहा इमो इह समागंतुं ॥६७७४॥  
अम्ह समीवे परिणइ वसंतसिरिकन्नयं अहं कहंचि । तत्थेव य परिणीया तेण इमा होइ तह वि तए ॥६७७५॥

सिरिवम्मवसंतसिरीजुयलं अब्भत्थिउं मम गिराए । एत्थ समाणोयव्वं पाटुणयं मज्झ कइवि दिणे ॥६७७६॥  
सिरिवम्मो आह तओ वासवदत्तेण भाणियं जुत्तं । अम्ह वि काउं उचियं इमं परं असमओ एसो ॥६७७७॥  
तत्थागमणे अम्हाण संपयं पाउसो जओ नियडो । मग्गे वच्चंताणं जइ वि न वुट्ठि कुणइ मेहो ॥६७७८॥  
तह वि हू तत्थ गथाणं निवडइ नियमेण पाणियं तत्तो । विणियत्तिउं न सक्कं जाव न जाओ सरयसमओ ॥६७७९॥  
तो जंपइ वरदत्तो कुमार ! किं दूसणं तओ होही । जइ ठाइस्सह तुब्भे कइवयमासे कह वि तत्थ ॥६७८०॥  
तो पभणइ सिरिवम्मो एयं चिय दूसणं हवइ गरुयं । जं नरपुंगवरत्तो आणाए विणा चिरं अम्हे ॥६७८१॥  
देसंतरम्मि गंतुं चिट्ठामो तो भणेइ वरदत्तो । वासवउरम्मि तुब्भे वच्चह वच्चामि अहमिन्हि ॥६७८२॥  
एत्तो चंदउरीए नरपुंगवपत्थिवस्स जहवत्तं । साहेउं रूसंतं तमुवरि तुम्हाणं रक्खेमि ॥६७८३॥  
पुण पभणइ सिरिवम्मो एयं न हू होइ संगयं कह वि । जं मुंडिऊण सीसं पुच्छिज्जइ तयणु नक्खत्तं ॥६७८४॥  
चेइयहरेसु इन्हि अहं गमिस्सामि तं वसंतसिरिं । गंतुं पासह पच्छा तुमं पि एज्जह जिणगिहेसु ॥६७८५॥  
तं इय भणिऊण तओ हक्कारेऊण वणसिरिं भणइ । जह मह वयणेण तुमं गंतुमिमं भण वसंतसिरिं ॥६७८६॥  
तुह पिउणा वरदत्तो पहाणपुरिसो इहत्थि पट्टविओ । तं आलविऊण तुमं तेण समं जिणहरे एज्ज ॥६७८७॥  
इय वणसिरिं भणेउं तंबोलं दाविऊण वरदत्तं । पट्टावइ तीए सह वसंतसिरिअंतिए कुमरो ॥६७८८॥  
अह सावयपट्टवियं पत्तं हक्कारयं जिणगिहाओ । कुमरस्स तह। कहियं केणइ पल्लाणिया करिणी ॥६७८९॥  
तो उट्ठिऊणं कुमरो आसणओ वयइ ओवरयमज्जे । वरवत्थाहरणेहिं काऊणं तत्थ सिगारं ॥६७९०॥  
जा निग्गओ करेणुं आरुहिउमणो तओ वणसिरीए । सो विन्नत्तो जह पहू ! सामिणिपासे खणं एह ॥६७९१॥  
अह वणसिरिवयणेणं गओ कुमारो वसंतसिरिपासे । उट्ठेउं वरदत्तो तत्तो बाहिम्मि उवविट्ठो ॥६७९२॥  
कुमरस्स वसंतसिरी दाऊणं आसणं सहत्थेण । विन्नवइ भउलियकरा जह वरदत्तेण मह पुरओ ॥६७९३॥  
कहियं नियमागमणप्पओयणं तह य तस्स तुम्हेहिं । जं दिन्नमुत्तरं तं पि साहियं तेण तो इन्हि ॥६७९४॥  
काउं गरुयपसायं मज्झुवरि कुमार ! निययविन्नत्तिं । एरिसयं पट्टावह तुब्भे नरपुंगवनिवस्स ॥६७९५॥  
वासवदत्तनिवेणं हक्कारयमत्थि अम्ह पट्टवियं । वासवपुरगमणत्थं तत्थुचियं किच्चमाइसह ॥६७९६॥  
अज्ज दिणेण सह जओ सत्त दिणाइं भविस्सए एत्थ । तुम्हाणमवत्थाणं तेत्तियदियहेहिं पुरिसो वि ॥६७९७॥  
तुम्हक्चओ गहेउं नरपुंगवनिवइणो समाएसं । एत्थागमिस्सइ तओ तस्साइट्ठं करिज्जासि ॥६७९८॥  
तीसे उवरोहेणं कुमरेणं तक्खणे विलंबेउं । विन्नत्तो पट्टविया पिउणो नरपुंगवनिवस्स ॥६७९९॥  
आरुहिण करेणुं तओ गओ जिणहरम्मि सिरिवम्मो । तयणु वसंतसिरीए सह वरदत्तो वि तत्थ गओ ॥६८००॥  
जह पढमदिणं अन्ने वि पंच दियहा तहेववइक्कंता । सिरिवम्मस्स कुमारस्स जिणहरासत्तहिययस्स ॥६८०१॥  
अह सत्तमम्मि दियहे नरपुंगवनिवइणो समीवाओ । पडिलेहं गहिऊणं पेसियपुरिसो समायाओ ॥६८०२॥  
गोसग्गे गिहपडिमापूयं काऊण उट्ठियस्स तओ । सिरिवम्मस्स समप्पइ तं लेहं सो पणमिऊण ॥६८०३॥  
कुमरो वि छोडिऊणं तं वायइ जाव ताव तत्थ लहुं । तस्स नरपुंगवेणं वासवपुरगमणमणुनायं ॥६८०४॥  
हक्कारिउं वणसिरिं तं अप्पावइ वसंतसिरिहत्थे । लेहं सयं तु पुच्छइ वत्तं लेहारयसमीवे ॥६८०५॥  
सो कहइ इओ चलिओ चंदउरीए अहं दिणे तइए । पढमे पहरे पत्तो अत्थाणगाए नरवरम्मि ॥६८०६॥  
तं पणमिऊण तप्पायअग्गओ ठाविओ मए लेहो । सो आसन्ननिसन्नेण वियडिउं अप्पिओ हत्थे ॥६८०७॥  
नरपुंगवस्स रत्तो पहिट्ठुचित्तेण तेण सब्बं पि । लेहत्थं अवगमिऊण विम्भिणं अहं पुट्ठो ॥६८०८॥

लेहम्मि एत्तियं चिय लिहियं एत्थागयं वसंतसिरी । अम्हेहिं परिणीया वासवदत्तो पिया तीसे ॥६८१०॥  
 वासवपुरम्मि अम्हे हक्कारंतो य चिट्ठए इण्हि । सेसं तु सुदंसणवइयराइयं किपि नो लिहियं ॥६८११॥  
 ता कि पि जाणसि तुमं कह हूओ सो सुदंसणो कुमरो । तो जहवत्तं सव्वं तस्स मए साहियं सम्मं ॥६८१२॥  
 सोऊण तओ राया सपरियणो हरिसपरवसो जाओ । जंपइ जहा कुमारो निरहंकारो अहो वूरं ॥६८१३॥  
 इय जंपिऊण रत्ता लिहाविओ एस तक्खणे लेहो । जेमावियस्स हत्थे ससंबलो अप्पिओ मज्झं ॥६८१४॥  
 दिन्ना य इमा सिक्खा जह सिरिवम्मो तए महगिराए । इय भणियव्वो मा तं कस्स वि गच्छेज्ज वीसंभं ॥६८१५॥  
 तह गस्यपयत्तेणं रक्खिज्जह अत्तणो सया देहं । इय निवसिक्खे गहिउं ठाणाओ तओ अहं चलिओ ॥६८१६॥  
 अज्ज इहं संपत्तो अहं तं सम्माणिउं विसज्जेइ । कुमरो सयं तु गंतुं वसंतसिरिमेवमुल्लवइ ॥६८१७॥  
 पहंसंतो जह पेइयहरगमणुक्कंठियाए जो तुमए । सुयणु! विहिओ उवाओ तहेव सो तुज्झ लहु फलिओ ॥६८१८॥  
 तो आह वसंतसिरी पिययम! परिहासओ वि मा एवं । पुण पभणिस्सह तुब्भे न मए पिउघरगमणहेउं ॥६८१९॥  
 इय विन्नत्ता तुब्भे कित्तु जहा तुम्ह तत्थ पगयाण । रूवाइगुणे दट्ठुं पियराइं मज्झं तूसंति ॥६८२०॥  
 हक्कारिया वि तेहि वच्चह तुब्भे न तत्थ जंतेण । निट्ठुरयाए दोसो तुम्हाण वि मा इमो होउ ॥६८२१॥  
 इय आलावं काउं खणं पि कुमरो समं पिययमाए । संबहिऊणं वच्चइ सयं जिणिंदाण भवणेसु ॥६८२२॥  
 तयणु वसंतसिरी वि हु हक्कारेऊण तत्थ वरदत्तं । वासवउरे गमिस्सइ सिरिवम्मो तस्स इइ कहिउं ॥६८२३॥  
 संबहिऊणं वच्चइ तेणेव समन्निया जिणहरेसु । न्हवणाइ पेक्खिऊणं कुमरो तीए सह नियत्तो ॥६८२४॥  
 निवपासायम्मि गओ निव्वत्तियभोयणाइनियकिच्चो । सेज्जाए गओ चिट्ठइ जाव खणं ताव संपत्तो ॥६८२५॥  
 दूसलसेणाहिवई लेहं गहिऊण पुरिससहियं तं । सिरिवम्मस्स समप्पइ हत्थे जंपइ य तह एवं ॥६८२६॥  
 जह एसो मम लेहो पट्टविओ सूरपालनरवइणा । तुम्हं आहवणत्थं हत्थम्मि इमस्स पुरिसस्स ॥६८२७॥  
 अवहारिऊण लेहं तं कयमुत्तरामिमं कुमारेण । पिउणो आणा अम्हं इण्हि वासवउरे गंतुं ॥६८२८॥  
 तत्तो विणियत्तो पुण करिस्समेयं पि कि पि न अजुत्तं । इय वोत्तूणं एयं विसज्जेए विहियसम्माणं ॥६८२९॥  
 तत्तो खणंतरेणं विन्नत्तो पुण वि दारवालेण । रत्ता महाबलेणं पट्टविओ चिट्ठए पुरिसो ॥६८३०॥  
 अह कुमराएसेणं पवेसिओ तेण सो समागतुं । अप्पेउं कुमरकरे लेहं तो तं नमसेइ ॥६८३१॥  
 कुमरो वि करं दाउं पट्ठीए तस्स तं निमंतेइ । उच्चियासणेण सो वि हु उवविसिउं पंजलीहोइ ॥६८३२॥  
 कुमरो वि वियडिऊणं लेहं पेक्खेति तत्थ लिहियमिणं । अम्हेहिं तुम्ह पासो पट्टविओ चिट्ठए पुरिसो ॥६८३३॥  
 नामेणं सिरिहरिसो पमाणभूओ य अम्ह रायउले । तत्तो जं किपि इमो जंपइ तुब्भेहिं तं सव्वं ॥६८३४॥  
 सोउं अणुट्ठियव्वं तत्थ वियप्पो न कोइ कायव्वो । इय लेहत्थं अवहारिऊण तं पुच्छए कुमरो ॥६८३५॥  
 तुम्हं सिरिहरिसो इय नामं ? आमं ति जंपए एसो । तं आह पुणो कुमरो संदेसं कहह नियपहुणो ॥६८३६॥  
 तो जंपइ सिरिहरिसो कहेमि तुम्हे सुणेह उवउत्ता । रत्ता महाबलेणं तुम्हाण कहावियं एयं ॥६८३७॥  
 अम्ह सुदंसणकुमरो पुत्तो एक्को य वल्लहो तह य । कित्तु परं आणाए न वट्टए एस कहया वि ॥६८३८॥  
 मंतीण महापुरिसाण पासओ एस पेगवारं पि । सिक्खाविओ न सिक्खइ तहावि वियरइ जहिच्छाए ॥६८३९॥  
 नाऊण तो सहावं उत्तारेऊण निययचित्ताओ । मुक्को देसच्चायं न कारिओ मंतिवयणेण ॥६८४०॥  
 एसो अइदुहंतो दमिओ तुम्हेहिं सुइरकालाओ । तो अम्हे परितुट्ठा तुम्हाणमिमेण कज्जेण ॥६८४१॥  
 दाहामो नियधूयं परिणयणत्थं अणन्नसमरूवं । पियदंसणं ति नामं सुदंसणस्सेव लहुभइणि ॥६८४२॥

एयाओ वरिसाओ तइय (ए) संवच्छरम्मि अइकंते । आसि मए नेमिती पुट्ठो एक्को तथा एवं ॥६८४३॥  
 जह किर सव्वगुणाणं कुलहरभूयाए अम्ह धूयाए । ईए को भत्ता होही भुवणम्मि अणुरूवो ? ॥६६८४४॥  
 तेण गहिऊण पन्हं सम्मं वीमंसिऊण इय भणियं । जइ तुब्भे नो रूसह कहेमि धूयावरं तो हं ॥६८४५॥  
 तो आह महाबलमेइणीवई किमिह रूसियव्वं? ति । जइ किर निमित्तदिट्ठं अदुट्ठभावो तुमं कहसि ॥६८४६॥  
 कहइ तओ नेमिती सुदंसणं तुज्झ नंदणं को वि । जो बंधिऊण खिविही नियगुत्तीए नरिदसुओ ॥६८४७॥  
 तुह धूयाए भत्ता सो होही निच्छएण अणुरूवो । इय नेमित्तियवयणं मिलियं इन्हि सुणेऊण ॥६८४८॥  
 तुम्हाहवणकए इह पट्टविओ हं महाबलनिवेण । धूयापाणिग्गहणं कारिस्सइ तत्थ तुह एसो ॥६८४९॥  
 जइ कारणेण केणइ तुम्हाणं तत्थ होति नागमणं । तो संवाहेऊणं पियदंसणनामयं धूयं ॥६८५०॥  
 पेसइ महाबलनिवो चंदउरिपुरीए तुम्ह पासम्मि । तत्थेव य परिणयणं तीसे तुम्हेहि कायव्वं ॥६८५१॥  
 तो पभणइ सिरिवम्मो वासवदत्तेण निवइणा पढमं । पट्टवियं हक्कारयमणंतंरं सूरपालेण ॥६८५२॥  
 तइयं महाबलेणं इन्हि तत्थइम्ह निययतायस्स । आएसो आयाओ गमणत्थं वासवउरम्मि ॥६८५३॥  
 पढमं चिय तत्थ तओ भविस्सए ताव अम्ह गंतव्वं । तत्तो विणियत्ताणं नरवइणो सूरपालस्स ॥६८५४॥  
 नयरम्मि सारिवइ केमेण अम्हाण होइ गंतव्वं । तह वि ह न गमिस्सामो तत्थइम्हे किंतु दंतउरे ॥६८५५॥  
 पासम्मि महाबलनरवइस्स नूणं समागमिस्सामो । जोइयहत्थो तत्तो सपणामं वयइ सिरिहरिसो ॥६८५६॥  
 कइया कुमारमगं तुम्हागमणस्स महबलनरिदो । अबलोयउ दंतउरे सो आह जया विसज्जेही ॥६८५७॥  
 वासवदत्तनरिदो नियनयराओ ममंतया नियउ । मगं महाबलो मे दंतउरे आवयंतस्स ॥६८५८॥  
 इय सिरिवम्मकुमारेण जंपिए जुत्तिजुत्तवयणम्मि । ता पभणइ सिरिहरिसो एयं चिय संगयं होइ ॥६८५९॥  
 तुब्भे तओ विसज्जह मं इन्हि सह मए नियं पुरिसं । पट्टवह कं पि जह सो अम्ह पहू लहइ परिओसं ॥६८६०॥  
 तो जंपइ सिरिवम्मो जइ कह वि सुदंसणेण कुमरेण । सह दंसणं करिस्ससि तो तं काउं तुमं होहि ॥६८६१॥  
 निव्वुयमणो इयाण जेण तए सह इओ नियं पुरिसं । कं पि निरुवेऊणं तुमं विसज्जेमि सिग्घं पि ॥६८६२॥  
 तो पभणइ सिरिहरिसो आएसो नत्थि तस्स मिलणत्थं । दिन्नो महाबलेणं मज्झ तओ कह मिलेमि अहं ॥६८६३॥  
 तो सिरिवम्मो दाउं तंबोलं तं विसज्जए तस्स । दावेइ य आवासं दूसलपुरिसं भणेऊण ॥६८६४॥  
 तो हक्कारेऊणं रणसीहं भणइ लहू तुमं गंतुं । अप्पट्टमं सुदंसणकुमरं नियलाओ मोएउं ॥६८६५॥  
 न्हवियविलित्तं कयकुसुमसेहरं पवरपरिहियदुगुल्लं । काउं मं जाणावह तह ति वोत्तुं तओ एसो ॥६८६६॥  
 लोहाराहवणत्थं पेसेउं माणुसं पयं पत्तो । कुमरसुदंसणपासे नियपहुभणियं कहइ तस्स ॥६८६७॥  
 सो कारणं पपुच्छइ रणसीहो भणइ मज्झ अक्खायं । कि पि न सिरिवम्मणेणं किंतु मए अवरपुरिसाओ ॥६८६८॥  
 नायं जहा महाबलरत्ता पियदंसणं नियं धूयं । दाउं सिरिहरिसो नाम पेसिओ नियमहापुरिसो ॥६८६९॥  
 सिरिवम्मस्स समीवे तेण तओ एयमेवयमुल्लवियं । तं सोऊण सुदंसणकुमरो जंपइ घडइ एवं ॥६८७०॥  
 नेमित्तियस्स वयणं मज्झ वि तत्थट्ठियस्स कन्नगयं । सिरिवम्मणेण सयं चिय ता एस कओ पसाओ मे ॥६८७१॥  
 अह, लोहारे पत्ते सुदंसणाईण नियलभंगाई । पहुभणियं कारेउं तओ सयं गंतुं रणसीहो ॥६८७२॥  
 सिरिवम्मस्स सरूवं विन्नवइ इमो वि अवसरनिविट्ठो । सव्वेसुवविट्ठेसुं सपरेसु वि सेवयजणेसु ॥६८७३॥

रणसीहं भणिऊणं हक्कारावइ सुदंसणं तत्थ । अप्पट्टमो वि एसो आगतुं नमइ सिरिवम्मं ॥६८७४॥  
उक्खिवियबाहुजुयलो सिरिवम्मो नियडमागयं एयं । आलिगइ अइगाढं दाविय उच्चियासणे तत्तो ॥६८७५॥  
उववेसइ आसन्नं देइ सहत्थेण तस्स तंबोलं । वरकप्परसणाहं सो गिन्हइ दोहिं हत्थेहिं ॥६८७६॥  
अह एयं सिरिवम्मो संभासइ संभमेण गरुएण । जह किर महाबलेणं रत्ता इह अम्ह पासम्मि ॥६८७७॥  
कज्जंतरेण केणइ पट्टविओ आणओ इमो अज्ज । वड्डुमणुस्सो सिरिहरिसनामओ सो उ अम्हेहिं ॥६८७८॥  
अज्जेव सिद्धकज्जो कओ गमस्सइ पुणो वि दंतउरे । एएण तुम्ह विसए जइ वि हु नामं पि नो गहियं ॥६८७९॥  
तह वि हु अम्हेहिं तुमं मुक्को सि जओ महाबलनिवेण । अम्ह जणएण सद्धि साजन्नं काउमारद्धं ॥६८८०॥  
अम्हेहिं वि तस्स तओ कायव्वं पीइवद्धणं कि पि । तं पुण इमम्मि समए तुह मोयणओ हवइ पवरं ॥६८८१॥  
जंपइ सुदंसणो तो जइ पिउणो अम्ह पीइमिच्छेह । काउं तुम्भे तोहं धरियव्वो होमि गुत्तीए ॥६८८२॥  
जं चित्ते धारिता जंपता तह थ चिट्ठह मुहेण । तं न कुणह कितु इमं विवरीयं आयरह तुम्भे ॥६८८३॥  
तो पभणइ सिरिवम्मो दुव्विणयं तस्स तुज्झ संजमणं । इच्छइ महाबलनिवो न उणो तुह देहमेत्तस्स ॥६८८४॥  
तं पुण दुव्विणयत्तं विसमावडियं तुमं विमोत्तूण । नट्ठं कंहं पि संपइ तो तं जाओसि निहोसो ॥६८८५॥  
जइ तुम्हं पडिहासइ तो इन्हि वयह सपिउणो पासे । जंपइ तओ सुदंसणकुमारो विणओणओ एवं ॥६८८६॥  
सव्वो वि जणो चिट्ठइ तत्थ गुणो जत्थ अत्तणो होइ । सव्वगुणेणं पवरो पुरिसस्स गुणो पुणो एसो ॥६८८७॥  
जं गुरुजणस्स वयणे बहुमाणो होइ सो उ मह जाओ । तुम्ह समीवाओ तओ तुमं न इच्छामि तो तुमहं ॥६८८८॥  
सोऊण तओ एवं सुदंसणं सविणयं पयंपंतं । विम्हियमणो विचितइ सिरिहरिसो एरिसं चित्ते ॥६८८९॥  
अन्नं कि पि सख्वं कुमरस्स सुदंसणस्स संजायं । संपइ जमिमो सुव्वइ जंपतो अवरवाणीए ॥६८९०॥  
परपरिभवदोसो वि हु इमस्स ता परिणओ गुणत्तेण । जच्चस्स सुवन्नस्स व ह्यवहतावो विमुद्धिकए ॥६८९१॥  
तो पभणइ सिरिवम्मो किमजुत्तं किर इहेव चिट्ठ तुमं । जामि जया दंतउरे अहं तथा तं पि वच्चेज्जा ॥६८९२॥  
किर चिट्ठसि एत्थ तुमं मज्झ समीवे महाबलनिवेण । हक्कारिओ निउत्तो सुदंसणो तो वयइ एवं ॥६८९३॥  
नेयं मत्तामि अहं जओ महाबलनिवस्स लंघेउं । आणं इहागओ तो होमि कंहं तेण विणिउत्तो ॥६८९४॥  
हसिऊणं सिरिवम्मो मोणं काउं खणं तओ भणइ । रणसीहदंडणायग ! तए सुदंसणकुमारस्स ॥६८९५॥  
चत्तारिसहस्साइं दावेयव्वाइं पवरत्तरयाणं । एगो करहसहस्सो मज्झाणाए पसाएण ॥६८९६॥  
एयस्स संतिओ तह अप्पेयव्वो समग्गआवासो । कारेथव्वा वित्ती भिच्चसहस्साण पंचन्हं ॥६८९७॥  
अह सिरिवम्मस्साणं तह त्ति पडिडिज्जिऊण रणसीहो । काऊण अंजलिं मत्थयम्मि आरोवए तत्तो ॥६८९८॥  
अह चित्तंति सुदंसणसिरिहरिसा दो वि नियमणम्मि इमं । सिरिवम्मस्स कमेयस्स वन्निमो गुणमिहेक्केक्कं ॥  
किं सुयणत्तं कि वा गरुयत्तं किमुय समुच्चियन्नुत्तं । किं व कयण्णत्तं कि व अज्जवं कि व दक्खिन्नं ॥६९००॥  
बंधेऊणं गहिओ जस्स सुओ सह समग्गविहवेण । तस्स पिया पियवयणाइं जंपए जइ वि बहुयाइं ॥६९०१॥  
तह वि कह तेसु जुज्जइ विबुहस्स तह त्ति पच्चओ काउं । कयपच्चओ उ एसो अज्जवमेयस्स तो एयं ॥६९०२॥  
पुव्वं कलत्तगहणे जीवियविहवाण तयणु अवहरणे । जो होइ अज्जवसिओ बंधेउं तम्मि गहियम्मि ॥६९०३॥  
अट्टदिणाणं मज्झे कह मोक्खो तस्स कीरए झत्ति । मोक्खे वि कए कह वा सुहायमाणं वयणमेवकं ॥६९०४॥

जंपंतस्स पसाओ कीरइ जुगवं पि एत्तिओ सो वि । ता सव्वहा वि एसो केवलगुणपुंजनिम्मविओ ॥६९०५॥  
जो विहियविप्पियाण वि एवं सुयणत्तणं पयासेइ । सो अणवराहलोए उवयारी चेव सयकालं ॥६९०६॥  
जो एयस्स मणम्मि वि असुंदरं को वि चितए मूढो । नियअंगे च्चिय निवडइ तं तस्स न एत्थ संदेहो ॥६९०७॥  
ते एवं चितंता विसज्जिए अवसरम्मि सिरिवम्मं । नमिऊण उट्टिया दंसियम्मि पगया नियावासे ॥६९०८॥  
उट्ठेउमवसराओ सिरिवम्मो तित्थनाहपडिमाए । भत्तीए काऊणं पूयं तह वंदणं तत्तो ॥६९०९॥  
गोट्ठीए गमिऊणं रयणि थेंवं पि सह सुहिजणेहिं । वासहरे सेज्जाए सयणं काउं पभायम्मि ॥६९१०॥  
कयआवस्सयकिच्चो पूएउं वंदितं च जिणपडिमं । कयसिंसारोवसरे उवविसिउं तक्खणे चेव ॥६९११॥  
कुमारसुदंसणजोगं पेसइ पत्ताणियं पवरकरिण । तत्थारुहिउं एसो पत्तो सिरिवम्मपासम्मि ॥६९१२॥  
सिरिवम्मो तो पुच्छइ रणसीहं जो मए तुहाएसो । संज्जाए आसि दिन्नो तए कओ सो किमज्ज वि नो ॥६९१३॥  
तो रणसीहो जंपइ को वि कओ को वि कीरए लग्गो । किंतु सयं तुम्हेहिं दिट्ठा तुरया भविस्संति ॥६९१४॥  
अप्पेयव्वा एयस्स जंपए तो कुमारसिरिवम्मो । जिणमंदिरेसु गंतुं समागया इय करिस्सामो ॥६९१५॥  
एत्थंतरम्मि पत्तो सिरिहरिसो तत्थ सो वि कुमरेण । सिरिवम्मणेणं पुट्ठो गंतूण सुदंसणस्स तुमं ॥६९१६॥  
आवासे वि हु मिलिओ कि न तओ जंपए सिरीहरिसो । आवासगमणवज्जं पि सिद्धमेवेव मे कज्जं ॥६९१७॥  
एयस्स समीवाओ पलाइउं जो जणो गओ तत्थ । दंतउरे निवपासे कहंतओ सो मए निसुओ ॥६९१८॥  
सव्वमिमस्स सरूवं एएण वि मम सरूवमववुद्धं । जेणागओमिह कज्जेण एत्थ तं इयरलोयाओ ॥६९१९॥  
दंसणकज्जं तु परोप्परं पि एयस्स मम य संसिद्धं । एत्थेव तुह समीवागयस्स कल्ले य अज्ज तहा ॥६९२०॥  
तव्वयणं सोऊणं सिरिवम्मो चितए अहो दूरं । चित्तं सुदंसणाओ महाबलनिवस्स उत्तिन्नं ॥६९२१॥  
तेणेस सिरीहरिसो अहिगिच्च सुदंसणं वयइ एवं । अइनिरवेक्खं जम्हा जाणइ नियसामिणो चित्तं ॥६९२२॥  
कवडं ति न उण एयं संभाविज्जइ सुदंसणो जेण । दुस्सीलत्तेण जए विक्खाओ आसि पुवं पि ॥६९२३॥  
जह संपयं पयंपइ सुदंसणो तह पुरा वि निव्वडिही । जइ एसो तो होही जणओ एयम्मि पीयमणो ॥६९२४॥  
सिरिहरिसो आह तओ मए समं जो गमिस्सइ दुइज्जो । दंतउरम्मि निरूवह तं कं पि नियं महापुरिसं ॥६९२५॥  
पभणइ तो सिरिवम्मो अहं गमिस्सामि वासवउरम्मि । जइया तइया तुब्भे दंतउरे पट्टविस्सामि ॥६९२६॥  
कि होसि ऊसुयमणो इण्हि चिय ताव तो सिरीहरिसो । सपणामं बेइ जहा तुम्हाएसो पमाणं मे ॥६९२७॥  
तो सिरिवम्मो तत्तो उट्ठेऊणं करेणुमारुहिउं । वच्चइ तेहिं समं चिय सव्वेसु जिणिदभवणेसु ॥६९२८॥  
निव्वत्तियण्हवणाई आगंतूणं तओ नियावासे । सेसं विसज्जिऊणं रणसीहं धारए एककं ॥६९२९॥  
जे पगहिया सुदंसणकडयाओ ते तुरंगमे सव्वे । तत्थ समाणावेउं पलोइऊणं सयं निउणं ॥६९३०॥  
एक्केक्केणं तत्तो चउरो निव्वाडए ह्यसहस्से । रणसीहो तेसु तओ निव्वाडेउं ह्यसहस्सं ॥६९३१॥  
सिरिवम्मस्स समीवे आगंतुं विन्नवेइ जह एसो । तुरयसहस्सो तरुणो रययं बलवं गुरुपमाणो ॥६९३२॥  
तो एए धरिऊणं अन्ने दिज्जंति एसि ठाणम्मि । सिरिवम्मो बेइ तओ लक्खणहीणा इमे तुरया ॥६९३३॥  
लक्खणमट्टुपयारं सत्थेसु कहिज्जए तुरंगाणं । आवत्तवन्नसत्तच्छायागंधो गई य सरो ॥६९३४॥  
अट्टमयं सारीरं तत्थावत्तो हवेइ अट्टविहो । आवत्तो तह सुत्तीसंघाओ मुगुलभवलीढं ॥६९३५॥  
सयवाइपाउयद्धं अट्टमिया णाउया विणिद्धिटा । आवत्ताणं संखा तेवीसहियं सयं होति ॥६९३६॥



तेसु ध्रुवा आवत्ता दस हंति तुरंगमाण नियमेण । तेरसहियं सयं पुण सेसं आगंतुआवत्ता ॥६९३७॥  
 तेसु वि सत्तत्तीसं आवत्ता सुंदरा मुणेयव्वा । छावत्तरिआवत्ता सेसा पुण निंदिया नेया ॥६९३८॥  
 आवत्ताण दसहं ध्रुवाण ठाणाइं होंति छ च्चेव । उरसिररंधुवरंधा चउसु वि दो दो य आवत्ता ॥६९३९॥  
 एक्को निडालदेसे होइ दुइज्जो पवाणदेसम्मि । ठाणेसु छसु वि एएसु होंति एवं दसावत्ता ॥६९४०॥  
 एए सट्टाणठिया पयक्खिणा सुप्पहा पसत्था य । एएहिं विणा तुरओ थेंवाऊ अलक्खणो असुहो ॥६९४१॥  
 इण्हि तु पवक्खामो वीसं ठाणाइं सुप्पसत्थाइं । जायंति जेसु सुहया आवत्ता सत्तत्तीसं तु ॥६९४२॥  
 सिक्केसु दोन्नि ठाणा आवत्ता तेसु होंति दोन्नेव । होंति निडाले चउरो आवत्ता तेसु बारस उ ॥६९४३॥  
 वच्छम्मि तिन्नि ठाणा आवत्ता तेसु ति चउ पंचेव । केसंतकन्नबाहूखंधा दो दो भवे ठाणा ॥६९४४॥  
 कंठे तहा निगाले रंधे एएसु ठाणमेक्केक्कं । एवं ठाणावत्ता सुपसत्था पभणिया सब्ब ॥६९४५॥  
 एएसु को वि किच्चि वि करेइ तुरयाह्विस्स पवरफलं । धण-भूमि-रज्ज-मित्ताइ लाहमरिजयमरोगाई ॥६९४६॥  
 संखं मन्ना नासा खंधो जाणू तिगं गलो कउहं । कुच्छि-हणु-कक्खपासा भूमज्जं पुच्छमूलं च ॥६९४७॥  
 ओट्ठो णाही-आसण-जंधा-सीवणि अवाणमाईणि । छावत्तरिठाणाइं एक्केक्को तेसु आवत्तो ॥६९४८॥  
 एए सब्बे असुहा एएसिं को वि किंपि पकरेइ । ह्यसामिणो विरूवं मरणभयाबंधणाईयं ॥६९४९॥  
 एवं वन्नाईया सरपज्जंता वि लक्खणा नेया । असुहा सुहा हयाणं ह्यपट्टणो तव्विहफला य ॥६९५०॥  
 सारीरयं इयाणि तुरयाणं लक्खणं पवक्खामि । जीहा कंठनिबद्धा तीए उवरिं तु तालु भवे ॥६९५१॥  
 हेट्टा सूणा पीणो हणुयनिबद्धाउ होंति दाढाओ । दाहिणवामा अहरुत्तरा य ताओ चउ वि भेया ॥६९५२॥  
 तासि मज्जे दंता अहरुत्तरया वि बारस हवंति । एतेसु वंजणेहिं नेयं तुरयाण वयमाणं ॥६९५३॥  
 दंताणं उवरिं पुण विबुहेहिं उत्तरा विणिद्धिटा । दंतावरणा ओट्टा तेसि संघीउ सिक्किणिओ ॥६९५४॥  
 अहरोट्टस्स य हेट्टा चिउयं उवरिं तु उत्तरोट्टस्स । होति पवाणं तस्स य उइहं पोत्थो त्ति निहिट्ठो ॥६९५५॥  
 पासेसु तस्स नासाउडजुयलं पोत्थलोयणंतरए । घोणा तीसे पासेसु कित्तिया गंडवासाओ ॥६९५६॥  
 मज्जम्मि अस्सुवाया तेसिं उवरिं च अस्सुवायाणं । नयणाइं ताण अच्छयाणाइं वम्माइं नेयाइं ॥६९५७॥  
 नयणाणं मज्जम्मि उ कसिणं तह सुक्किलं च नायव्वं । वम्मवुरिगया लोयणकूडा भुमयाउ नेयाओ ॥६९५८॥  
 नयणाणं पेरेता अवंगनामा उ होंति नायव्वा । अच्छीण मज्जभाए कणीणिया होइ बोधव्वा ॥६९५९॥  
 भुमयाथुवाण मज्जे होइ निडालं तु उवरिं तस्स ध्रुवं । कन्नंतरम्मि य सिरं मत्थयमेयस्स अणुलगं ॥६९६०॥  
 तस्स य उभओ भाए कन्ना मज्जम्मि संखकन्नाणं । नायव्वा होंति कडा अवंगकडपासओ संखा ॥६९६१॥  
 संखकडाणं उवरिं घाडा बाहिम्मि तह कवोलाणं । होइ हणु जत्तु तं चिय हणुगलनाडीणसंधीए ॥६९६२॥  
 होइ निगालो कन्नाण पासओ पिट्टओ य विदुजुयलं । अन्ने उ कंठनाडीपासेसु विदू पयंपति ॥६९६३॥  
 अंसाण सिरस्स य अंतरम्मि गीवा य तदुवरिं क्खंधो । खंधुवरिं केसराइं केसंता केसपासठिया ॥६९६४॥  
 जत्तु पुरो होइ बाहा मज्जे वहकाकसाण जत्तु भवे । जत्तु कउहाण मज्जे विबुहेहिं काकसा कहिया ॥६९६५॥  
 कउहं तु काकसाए मज्जे तह आसणस्स निहिट्ठं । कउहाणंतरमासणमक्खायं लक्खणण्णूहि ॥६९६६॥  
 अह पिट्ठं तव्वंसो अंसा कउहस्स होंति संबद्धा । एम जुयमंसमूलाणुगयं तुरयाण होइ गलो ॥६९६७॥  
 कंठस्स निगालस्स य मज्जे गलवच्छमज्जओ कंठो । कंठस्स अहे वच्छं कोडो हियवच्छमज्जम्मि ॥६९६८॥  
 कोडस्स अहे बाहू बाहूण अहे हवंति जाणूणि । जाणूणभंतरओ किणा अहे होंति जंधाओ ॥६९६९॥

पुरओ पच्छा य तह। कलि त्ति एए वि होति वन्नेण । उवरि खुरीए जंघाए हेट्टओ होइ वलिहत्थो ॥६९७०॥  
 वलिवत्थमनीवत्था कुच्चा तम्मज्जओ पुणो वि किणा । कुच्चाणं पुण हेट्टा खुरसंधी कुट्टिया भणिया ॥६९७१॥  
 तत्तो खुरा मह सिहा खुरपच्छा पन्हि सीसपन्हीओ । एवं चिय पायतलं पायतलट्टा य मंडुक्की ॥६९७२॥  
 कक्खा उ बाहुपच्छा कोडोयरमज्जओ भवे हिययं । नाहियहियाण मज्जे उयरं तत्तो परा नाही ॥६९७३॥  
 गामाइं कक्खाणं पच्छा तत्तो हवंति कुच्छीओ । कुच्छीणुवरि कुकुंडुरतिगमज्जे होति कुप्पाओ ॥६९७४॥  
 गत्ताण तिण्ह संधी होइ तियं तयणु साहियं जहणं । तयणंतरं च कहिओ पुच्छुवरिं जहणनीरोहो ॥६९७५॥  
 तस्सुभयओ वि कहियाओ भासलाओ ह्यस्स विबुहेहिं । कहिया रोहिणिसंधीतिगस्स पासेसु दोसु वि य ॥६९७६॥  
 जहणस्स अहे पुच्छं नीरोहं तं तु वत्तिया तत्तो । होइ सवाला पुच्छेण छाइयं पुण गुयं होइ ॥६९७७॥  
 गुयभासलाण हेट्टा फिउपिडा वट्टया य तदुभयओ । होति अवाणस्स अहे आसाणं सीवणी नाम ॥६९७८॥  
 सत्थीण अंतराले वसणा तेसिं च अग्गओ सिंसिणं । रंधा तह उवरंधा ऊरूणं अंतरे होति ॥६९७९॥  
 सत्थी उ पंडुमूले ऊरूण अहे य वत्तसत्थीणि । हेट्टा य वत्तसत्थीण जाणियव्वाओ थूराओ ॥६९८०॥  
 थूराणं पुण हेट्टा नायव्वा होति मंदिराओ त्ति । तासिं पि पुणो हेट्टा तप्पुव्वाओ य नेयाओ ॥६९८१॥  
 तुरयसरीरावयवाभिहाणकहणं कयं समग्गं पि । एएसु लक्खणाइं होति सुहाइं च असुहाइं ॥६९८२॥  
 रणसीह ! तो इमं जं तुरयसहस्सं तुमं कहसि मज्ज । केणइ केणइ अवलक्खणेण तं दूसियं सव्वं ॥६९८३॥  
 एयस्स संतिया जं एए तुरया अओ इमस्सेव । अप्पेमि इमे अन्नह एरिसए देमि नेव अहं ॥६९८४॥  
 सेणावइरणसीहं इय बोहेऊण तस्स पासाओ । तुरए पट्टावेउं सुदंसणकए सयं तत्तो ॥६९८५॥  
 काऊण मज्जणाईं गिहपडिं पडिऊण मृणिवग्गे । पडिलाभियम्मि भुत्ते सावयवग्गे समग्गे य ॥६९८६॥  
 भोयणसमयम्मि तओ हक्कारेउं सुदंसणं कुमरं । सिरिहरिसं वरदत्तं अन्ने वि य दूसलाईए ॥६९८७॥  
 तेहिं समं भोत्तूणं दावेऊणं सुदंसणाईणं । तंबोलं गहिऊणं सयं च घणसारसंजुत्तं ॥६९८८॥  
 खणमेगं गमिऊणं कहाहिं आइसइ दूसलं तत्तो । रहजत्तं कारिस्सं पभायपभिईं दिणे तिन्नि ॥६९८९॥  
 तेण तए मोत्तव्वा गोत्ती सव्वा वि तिन्नि वि दिणाइं । कारेयव्वममारीघोसणयं सयलनयरम्मि ॥६९९०॥  
 एवंविह आएसे ससंभमं दूसलेण पडिवन्ने । सेसं विसज्जइ जणं सकज्जनिरओ सयं होति ॥६९९१॥  
 नवमदिणाओ पभिईं रहजत्तं कारिऊण भूईए । संधं वत्थाईंहिं सम्माणेऊण नीसेसं ॥६९९२॥  
 खामेउं अणुजाणाविउं च वासवपुरम्मि गमणत्थं । पत्थाणे ठाइ सयं जत्ता अणुकूलदियहम्मि ॥६९९३॥  
 सम्माणिउं विसज्जइ सिरिहरिसं तेण सह निरूवेउं । नियपुरिसं केलपसायनामयं सिक्खवेऊण ॥६९९४॥  
 एगं सुवन्नलक्खं दाऊण सुदंसणस्स कुमरस्स । तत्तो देइ पयाणं पुरओ वासवपुराभिमुहं ॥६९९५॥  
 गहियावासम्मि तओ सहप्पणा भोयणं करायेउं । दूसणसेणाहिवइं सम्माणेउं विसज्जेइ ॥६९९६॥  
 वच्चइ सयं तु पुरओ सिरिवम्मगमणसाहणनिमित्तं । वासवदत्तसमीवे वरदत्तो पेसए पुरिसं ॥६९९७॥  
 तत्तो पुरिसाओ निसामिऊण सिरिवम्मकुमरपरिणीयं । नियधूयं तह सेत्तेण तस्स लीलाए बंधेउं ॥६९९८॥  
 गहियं सुदंसणं पहरिसेण पूरिज्जमाणसव्वंगो । वासवदत्तनरिदो तस्स बहुं कुणइ सम्माणं ॥६९९९॥  
 एत्तो कज्जवसेणं केणइ तत्थागयाए तम्मि खणे । वासवसिरिदेवीसंतियाए दासीए तं निसुयं ॥७०००॥  
 तत्तो तीए रहसूसुयाए राया न किं पि नियकज्जं । विन्नत्तो विन्नत्तं तं पुण गंतूण देवीए ॥७००१॥  
 जा तीए समं देवी चिट्ठइ पहरिसकहाओ कुव्वंती । वासवदत्तनरिदो ताव सयं चेव ओरोहे ॥७००२॥

गंतूण इमं जंपइ पुरओ वासवसिरीए देवीए । धूयापरिणयणेणं वद्धाविज्जसि तुमं देवि ॥७००३॥  
 देवी पडिभणइ तओ धूया जामाउयाण आगमणे । वद्धाविज्जह तुब्भे वि देव ! तो विम्हओ राया ॥७००४॥  
 देवि पुच्छइ तुमए कह विन्नायं इमं तओ देवी । जंपइ जह कह वि तए तह चेव मए वि नरनाह ! ॥७००५॥  
 तो भणइ निवो निउणो देवि ! इमो तुज्ज पणिहिवावारो । सा बेइ इमं नाउं ऊणं कम्मं करिज्जासि ॥७००६॥  
 इय काऊणं गोट्टि खणं पि देवीए सह तओ राया । निग्गंतुं तं पुरिसं पेसइ वरदत्तापासम्मि ॥७००७॥  
 इय सिक्खं दाऊणं जह वरदत्तो तए भणेयव्वो । आसन्ने सिरिवम्मे संपत्ते तं अणुन्नविउं ॥७००८॥  
 जह सो पुरओ होउं आगंतुं मिलइ मज्झ अह एसो । गंतूणं वरदत्तस्स एरिसं कहइ निववयणं ॥७००९॥  
 पच्चासन्नम्मि गए कुमरे वासवउरस्स सिरिवम्मे । तं अणुजाणावेउं तत्थ सयं जाइ वरदत्तो ॥७०१०॥  
 वासवदत्तस्स पुरो सिरिवम्मं आगयं निवेएइ । तव्विसए करणिज्जं मंतइ राया वि तेण समं ॥७०११॥  
 अह वासवदत्तनिवो सह वरदत्तेण बीयदियहम्मि । तस्स नियविभूतीए पच्चोणीए वि णीहरइ ॥७०१२॥  
 वासवउरसीमाए गंतूण सयं विलंबए राया । पेसइ वरदत्तं पुण समुहं सिरिवम्मकुमरस्स ॥७०१३॥  
 तेण सहागंतूणं वासवदत्तं कुमारसिरिवम्मो । करिणिगओ वि पणमइ पंजलियाए निहियसीसो ॥७०१४॥  
 वासवदत्तो वि स सागओ समालिगिऊण सिरिवम्मं । संभासिऊण किंचि वि पवेसए नयरमज्झम्मि ॥७०१५॥  
 ऊसियअंयतोरणपुन्नकलसकयमंगलोवयारम्मि । देवउल-हट्ट-वर-तरु-पायारट्टियपुरजणम्मि ॥७०१६॥  
 अइगरुयपभोएणं तं उत्तारइ नियम्मि पासाए । पढमं पि वसंतसिरी वि तत्थ आगंतु पणमेइ ॥७०१७॥  
 पिउणो पाएसु पिया वि तं समालिगिउं णिउच्छंणे । उव्वेसिऊण चुंबइ सिरम्मि तह देइ आसीसं ॥७०१८॥  
 अह रयणमए पट्टे कोमलवरतूलियासणाहम्मि । ठवइ वसंतसिरीए समन्नियं कुमरसिरिवम्मं ॥७०१९॥  
 वासवसिरिपमुहाओ हवकारेऊण सब्बदेवीओ । बहुमंगलाइं कारइ तेसि दोन्हं पि ताहिं तो ॥७०२०॥  
 सिरिवम्मो उट्ठेउं कमेण तासिं समग्गदेवीणं । कुणइ पणामं ताओ आसीसं देति तस्स इमं ॥७०२१॥  
 होसु अजरामरो तं उट्ठेऊणं तओ वसंतसिरी । अवगूहिऊण देवीउ ताओ अतिनिब्भरसिणेहा ॥७०२२॥  
 पणमइ पएसु तासिं तीसे इय देति ताओ आसीसं । सयकालं पि तुमं पुत्ति ! अविहवा सूहवा हवसु ॥७०२३॥  
 सिरिवम्मकुमारं पेक्खिऊण राया सहावरोहेण । पहरिसपूरियहियओ सविम्हओ इति विंचितेइ ॥७०२४॥  
 कयमणुरूवं विहिणा वसंतसिरिकन्नयं विहेऊण । जं सिरिवम्मेण समं ईए संगमो विहिओ ॥७०२५॥  
 अम्हाण वसंतसिरी अणुरूववरोवलंभविसयम्मि । अइगरुययरी चिता आसि मणे सा गया इन्हि ॥७०२६॥  
 दट्ठूणं सिरिवम्मं नियरूवविणिज्जयामरसिरीयं । सब्बगुणाण निहाणं भत्तारमिमीए संपत्तं ॥७०२७॥  
 इच्चाइ चित्तिऊणं विसज्जिओ तेण पत्थिवेणोसो । अन्नम्मि चित्तयम्मोवसोहिए पवरपासाए ॥७०२८॥  
 वासवसिरिदेवीए धरिया तत्थेव पुण वसंतसिरी । सिरिवम्मस्स निमित्तं पट्टवियं मज्जणाईयं ॥७०२९॥  
 कयमज्जणाइकम्मो कयसिगारो जिणंदभवणेसु । गंतूणं देवे वंदिऊण पत्तो नियावासे ॥७०३०॥  
 वासवदत्तस्स सुओ सुरिददत्तो त्ति निययदेसाओ । तम्मि दियहम्मि पत्तो आएसेणं सजणयस्स ॥७०३१॥  
 हवकारिऊण भोयणसमए निवमंदिरे सभाणीयं । सो सिरिवम्मकुमारं पणमइ अइगरुयविणएण ॥७०३२॥  
 तं सिरिवम्मस्स कहइ नरवरो एस सलाओ तुम्ह । होइ वसंतसिरीए सहोयरो जेहओ भाया ॥७०३३॥  
 तो बाहुदंडजुयलं पसारिऊणं कुमारसिरिवम्मो । गाढं आलिगइ तं सुरिददत्तं सिणेहेण ॥७०३४॥  
 वासवदत्तो भोयणकए निसन्नं कुमारसिरिवम्मं । पुच्छइ सुदंसणो कह न दीसए आगओ एत्थ ॥७०३५॥

तो सिरिव्मो पभणइ नयरपवेसे वि तेण विन्नत्तं । एवं मज्जे जहा हं अलक्खिओ आगमिस्सामि ॥७०३६॥  
 वासवदत्तस्स पुरो अप्पाणं न पयडं करिस्सामि । लज्जावसेण तम्हा न मज्ज खूणं तए गिज्जं ॥७०३७॥  
 भुंजते सिरिव्मो वासवदत्तेण कन्नमूलम्मि । सिक्खविउं पट्टविओ वरदत्तो तस्स पासम्मि ॥७०३८॥  
 गंतूण तेण भणिओ सुदंसणो जह तुहाहवणहेउं । वासवदत्तनिवेणं पट्टविओ हं तओ तुब्भे ॥७०३९॥  
 आगच्छह मिग्गं चिय भोयणसालाए चिट्ठइ निविट्ठो । सिरिव्मो निवकुमरो तुब्भे एते पडिक्खंतो ॥७०४०॥  
 भणियं सुदंसणेणं सिरिव्मं कुमरमहमणुन्नविउं । चिट्ठामि ठिओ इह सीसवेयणावाहिओ बाढं ॥७०४१॥  
 नयरपवेसे वि अहं न पविट्ठो तेण सह अओ चेव । तम्हा भुंजउ कुमरो कुमरस्स न खूणमिह किं पि ॥७०४२॥  
 वरदत्तो भणइ तओ करिस्सए तुम्ह जंपियं कुमरो । सिरिव्मो भुजिस्सइ परं न भुजिस्सए राया ॥७०४३॥  
 वासवदत्तो जाव न तए कयं तत्थ भोयणं गंतुं । भणियं सुदंसणेणं तओ जहा मज्ज विन्नत्ति ॥७०४४॥  
 तुमए सुणाविऊणं वासवदत्तो निवो परूसंतो । रक्खेयव्वो तत्तो वरदत्तो जंपए एवं ॥७०४५॥  
 किं पि नियमाणुसं पेसिऊण तुब्भे इमं भणावेह । पेसइ सुदंसणो अह तेण समं सारमं तत्थ ॥७०४६॥  
 विन्नत्ते तेण तओ वासवदत्तो सुदंसणावासं । पडिपुन्नं पेसइ सिद्धरसवइं सारमेण समं ॥७०४७॥  
 चत्तारि पवरतुरए वत्थाहरणाइं तह गहेऊण । वरदत्तं पि निरूवइ सुदंसणत्थं महीनाहो ॥७०४८॥  
 वासवदत्तुवरोहेण तं समगं सुदंसणो गहिउं । सम्माणेऊण तओ पुणो विसज्जेइ वरदत्तं ॥७०४९॥  
 जे य वसंतसिरीए समं गया आसि केइ गुरुपुरिसा । वासवदत्तस्स पुरो विन्नत्तं एरिसं तेहि ॥७०५०॥  
 जं सिरिव्मनिमित्तं समुराईणं कए य जं नीयं । रहकरितुरुंगमाई वत्थाहरणाई अम्हेहिं ॥७०५१॥  
 तं कस्स वि नो दिन्नं चिट्ठइ सब्वं पि इह समाणीयं । जेणद्धपहे जाओ संखेवेणं चिय विवाहो ॥७०५२॥  
 परओ य न संजायं गमणं अम्हे इहेव आयाया । वासवदत्तेण तओ तेसिं पासाओ तं सब्वं ॥७०५३॥  
 आणावेउं कयभोयणस्स सिरिव्मवरकुमारस्स । विहियविलेवणतंबोलकुसुमदामोवयारस्स ॥७०५४॥  
 परिवारस्स य जहजोगयाए दाऊण तं विसज्जेइ । अह वासवदत्तनिवो वासवसिरिपमुहदेवीणं ॥७०५५॥  
 साहइ जह कारिस्सं विवाहवद्धावणं दिणे चउरो । पउरपरिवारलोयं कमेण भुंजावइस्सामि ॥७०५६॥  
 ता तुब्भे सयमेवय अंतेउरचारिनारिवग्गाओ । बद्धावयागयाणं पुरनारीणं महिड्डीणं ॥७०५७॥  
 कारिज्जह उवयारं पीप्पलितंबोलकुसुमदाणाई । तं निववयणं सब्वाहिं ताहिं तह चेव पडिक्खं ॥७०५८॥  
 कमलसिरोपमुहाणं अट्टुन्हं कन्नगाण माऊहिं । विन्नत्तो नरनाहो जह पढममुवागए एत्थ ॥७०५९॥  
 सिरिव्मम्मि कुमारे मंगलकरणुज्जयाहिं अम्हेहिं । सिद्धि समागयाहिं कमलसिरोपमुहकन्नाहिं ॥७०६०॥  
 जप्पभिइं चिय विट्ठो सो ताहिं सिणिद्धविट्ठिजुयलेहिं । तप्पभिईं चिय ईसाइएण वाणंगसुहडेण ॥७०६१॥  
 हिययम्मि ताडियाओ निव्वरबाणेहिं निह्यमणेण । ताओ वियणत्ताओ अज्ज वि गिण्हंति नाहारं ॥७०६२॥  
 तो कारिस्सह तुब्भे उवयारं कं पि ताण कन्नाण । तं वयणं सोऊणं वासवदत्तो तओ राया ॥७०६३॥  
 तत्थ वसंतसिरीए मुहं पलोएइ सा वि पणयसिरा । जंपइ जह अम्ह सहाइणीओ कीरंतु एयाओ ॥७०६४॥  
 तो राया सिरिव्मं भणावए पेसिऊण वरदत्तं । परिणयणत्थं कन्नाण ताण अट्टुन्हं वि नियाण ॥७०६५॥  
 तो सिरिव्मो जंपइ वासवदत्तेण पुहइनाहेण । गरुओ अम्ह पसाओ कओ जमेवं समाइट्टुं ॥७०६६॥  
 कितु परं एककेण वि जस्स कलत्तेण निव्वुई होइ । कह सो बहुयकलत्ताइं परिणए निष्फलं चेव ॥७०६७॥  
 अम्ह वसंतसिरीए एक्काए वि निव्वुई मणे जाया । तेणियरकन्नगाणं परिणयणं नेय इच्छामो ॥७०६८॥

गंतूणं वरदत्तेण साहिए एरिसे कुमरवयणे । वासवदत्तेणं तत्थ पेसिया तो वसंतसिरी ॥७०६९॥  
 तीसे उवरोहेणं सिरिवम्मेणं इम्मि पडिवन्ने । राया गणए हक्कारिऊण लगं गणावेउं ॥७०७०॥  
 सिरिवम्मसमीवाओ परिणावइ अट्टगं पि कन्नाणं । मोधूलियवेलाए अइगह्याए विभूईए ॥७०७१॥  
 अन्ने वि तिन्नि दियहे गमइ विवाहसवेण नरनाहो । अह सिरिवम्मकुमारो गुलखेडपुरे व्व तत्थ पुरे ॥७०७२॥  
 एक्कारसहि दिणेहि सव्वेसु वि जिणहरेसु न्हवणाई । रहजत्ताई निव्वत्तिऊण निव्वुयमणो जाओ ॥७०७३॥  
 नवहि कलत्तेहि समं पंचपयारे वि माणुसे भोए । भुंजतो संचिट्टइ सुदंसणाईहिं कयसेवो ॥७०७४॥  
 अह अन्नदिणे वासवदत्तनरिंदं निसन्नमत्थाणे । विन्नवइ जोडियकरो पडिहारो देव ! दारम्मि ॥७०७५॥  
 नामेण आसराओ तुरंगदमगो समागओ अत्थि । को तस्स समाएसो भणइ निवो लहु पवेसेहि ॥७०७६॥  
 पडिहारेण विमुक्को पविसेउं सो वि पणमिऊण निवं । जोडियकरो निविट्टो उचियट्टाणे निवइसमुहो ॥७०७७॥  
 तो आह तं नरिंदो समप्पिओ आसराय ! तुह जइया । पढमं मए तुरंगो सारंगो नाम सारंगो ॥७०७८॥  
 तुज्ज तथा आएसो आसी किर एरिसो मए दिन्नो । वाहणविहिनिप्फन्नं काऊण तुरंगमं एयं ॥७०७९॥  
 बहुहेहिं वि दियहेहिं मए समं संसणं तुमं कुज्जा । ता कि तए तह च्चिय तं विहियं अज्ज वि न किं वा ॥  
 तो आह आसराओ देवाएसं किमन्नहा को वि । कुणइ नरो कल्लाणं जो इहई अत्तणो भुवणे ॥७०८१॥  
 अह वासवदत्तनिवो पुणो वि तं पभणए मए तुज्ज । अहणा कत्तियमासे समप्पिओ अज्ज वि तुरंगो ॥७०८२॥  
 ता अट्टमे वि मासे कह सिक्खं गाहिओ तए एसो । तो सिरिवम्मकुमारो नरिंददाहिणदिसिनिसन्नो ॥७०८३॥  
 विन्नवइ निवं जह देव ! घडइ एवं पि उभयसंजोगे । जइ भव्वजाइ तुरओ वरसिक्खावगकरे चडइ ॥७०८४॥  
 उत्तमजाई तुरओ पयईए चव होइ सुविणीओ । तस्सासदमगपुरिसो निमित्तमेत्तं परं होइ ॥७०८५॥  
 जम्हा मुणिऊण मणं आसारोहस्स सो पयट्टेइ । सिक्खाए सिग्घं चिय होइ तओ तस्स न पयासो ॥७०८६॥  
 आसदमओ वि मइमं तुरयसरूवं वियाणिऊण तओ । तह तह गाहइ सिक्खं जह गिन्हइ तं इमो सिग्घं ॥७०८७॥  
 ता एत्थ थ्वेकालत्तणेण मा कुणह विम्हयं किं पि । तुव्वे पासह तुरयं वाहिज्जंतं इमेणेव ॥७०८८॥  
 पच्चक्खम्मि पयत्थे पुच्छिज्जंतो करेइ किं सक्खी । पाणिम्मि निवड्ढे कंकणम्मि कुणइ व किमायंसो? ॥७०८९॥  
 वासवदत्तनरिंदो सिरिवम्मकुमारजंपियं एयं । सोउं साहिप्पायं उट्टइ सीहासणाहितो ॥७०९०॥  
 सिरिवम्मं पि कुमारं हक्कारइ अप्पणा समं तत्तो । आइसइ आसरायं हयदमगं जह इमो गंतुं ॥७०९१॥  
 पल्लाणावेऊणं सारंगतुरंगमं तओ तम्मि । सयमारुहिऊण तुमं एज्जह हयवाहियालीए ॥७०९२॥  
 इय तं भणिऊण तओ एगाए करेणुगाए आरुहिउं । सह सिरिवम्मेण सयं वच्चइ नयरस्स वाहिम्मि ॥७०९३॥  
 हयवाहियालिथडए गंतूणं तत्थ उत्तरइ तत्तो । सहयारासोयसमाणसाहिसाहाकयच्छाए ॥७०९४॥  
 सीहासणे निसीयइ नियदाहिणवाहुदंडआसन्ने । सिरिवम्मं उववेसइ विभिन्नदिन्नासणे पवरे ॥७०९५॥  
 तत्थ कुमारेण समं कहाउ परिओसवुड्ढिज्जणणीओ । वासवदत्तनरिंदो खणमेगं काउमाढत्तो ॥७०९६॥  
 अह सो वि आसराओ लद्धाएसो नरिंदपासाओ । पल्लाणियं तुरंगं सारंगं आरुहेऊण ॥७०९७॥  
 विखाए विखाए (?) पत्तो हयवाहियालि देसम्मि । ओइन्नो दिट्ठिपहे वासवदत्तस्स नरवइणो ॥७०९८॥  
 तं दट्टूणं रत्ता सिरिवम्मो रायनंदणो भणिओ । पेक्खह कुमार ! एत्तो सारंगतुरंगमं एतं ॥७०९९॥  
 आरूढआसदमगं अह कुमरो तत्थ निक्खवइ दिट्ठि । तत्तो पुणो वि राया कुमारमेवं पयंपेइ ॥७१००॥  
 केरिसओ तुम्ह इमो तुरंगमो माणसम्मि पडिहाइ । केरिसओ वा एसो आसारोहो ह्यारूढो ? ॥७१०१॥

इय जंपंतम्मि नरेसरम्मि सो आसरायह्यदमगो । आसन्नयरो पत्तो हिंडावेंतो तयं तुरयं ॥७१०२॥  
तो सविसेसं कुमरो सआसवारं निरिक्खिउं तुरयं । विन्नवइ निवस्स पुरो पुव्वं तज्जाइरूवगुणे ॥७१०३॥  
देव ! तिविहा ह्याणं उत्तिम मज्झाऽहमा हवइ जाती । तत्थुत्तमा तिभेया ताइयतुक्खारखतुलाणा ॥७१०४॥  
ताइयजातिप्पभवो तुरंगमो एस उत्तमो तेण । संठाणं पि मणुन्नं इमस्स जणनयणमणहरणं ॥७१०५॥  
जं कन्नवसणमेहणमणिबंधा आसणं च पंचमयं । वन्निज्जंति ह्याणं लहूणि ह्यलक्खणन्नूहिं ॥७१०६॥  
मोत्तुं मेहणमियरे ठाणा चउरो वि नयणपच्चक्खा । लहूणो तयणुस्सारेण नज्जए मेहणं पि लहु ॥७१०७॥  
तह केसकेसराणि य रामाणि तणुच्छवी अइमिऊणि । जाणुजहणाणणाइं निम्मंसाइं इमस्स तहा ॥७१०८॥  
गीवा य ऊसियग्गा खुरा य अइकक्खडा अखंडा य । कडिपट्टिखंधभालं वच्छं अच्छीणि पिहुलाइं ॥७१०९॥  
दिट्ठी दसणा हेसारवो य तिवि वि ह्यस्स निद्धाइं । वन्निज्जंति इमस्स उ दीसइ दिट्ठी सिणिद्धयरा ॥७११०॥  
हेसारवदसणा वि हु असुयअदिट्ठा वि सुंदरा चेव । सेसंगचंगिमाए संभाविज्जंति एयस्स ॥७१११॥  
आरब्भ खुरग्गाओ उस्सेहो होइ काकसं जाव । उत्तिममज्झिमअहमो ह्याण अंगुलपमाणेणं ॥७११२॥  
सयमेगमंगुलाणं अडसीइ असीइअंगुलाइं तहा । तिविहो वि उस्सओ इय कमेण तुरयाण नायव्वो ॥७११३॥  
पढमो च्चिय उस्सेहो संभाविज्जइ ह्यस्स एयस्स । जम्हा महप्पमाणो पडिहासइ एस दीसंतो ॥७११४॥  
आयामो वि ह्याणं तिविहो जेट्ठो य मज्झिम कणिट्ठो । सट्ठी-पन्ना-चत्तासहियं अंगुलसयं कमसो ॥७११५॥  
उस्सेहसभो नेओ परिणाहो उत्तिमाइओ कमसो । परिणाहाया मा वि हु पढमा एयस्स णायव्वा ॥७११६॥  
अवरं पि देव ! एवं सन्नावत्ताइयं ह्यसरूवं । अत्थि इह तं च नज्जइ कालासन्नाइभावेण ॥७११७॥  
इय ह्यसरूवनाणे पगब्भयं अप्पणो पयासेउं । तुरयारोहसरूवं पभासए किं पि निवतणओ ॥७११८॥  
देव ! इमो ह्यदमओ मणुन्नमुत्ती जुवा बलिट्ठो य । सुथिरासणो थिरोरु थिरजाणू सुथिरपट्ठी य ॥७११९॥  
चलजंघपायजुयलो उन्नयखंधो नयंसतिगभागो । उयरम्मि निव्वियारो उज्जुकिओ पासजुम्मम्मि ॥७१२०॥  
उन्नयवच्छो बाहूसु संवुडो नेयनेयवियडो य । गंभीरभीसणसरो मोरो व्व अवंचियसिरो य ॥७१२१॥  
ह्यच्छायाकन्ननिहित्तिट्ठिसेसो इमस्स गुणनिवहो । ह्यहिययनाणमादी जो उचिओ आसदमगाणं ॥७१२२॥  
तं पयडिस्सइ एसो आसो च्चिय संपयं पुरो तुम्ह । वाहिज्जंतो तह तह एएणं वाहणविहीए ॥७१२३॥  
इय सिरिवम्मकुमारेण जंपिए जुत्तिसंगए वयणे । राया हरिसियहियओ तुरयम्मि निवेसए दिट्ठि ॥७१२४॥  
सिरिवम्मो वि कुमारो उवसंहरिऊण वयणवित्थारं । थिरदिट्ठी अवलोयइ चंकम्मंतं तयं तुरयं ॥७१२५॥  
अह आसरायनामो तुरंगदमगो जहा तुरंगं तं । वाहणविहिणा वाहइ अणुक्कमेणं तहा भणिमो ॥७१२६॥  
दढ चित्तविभाएणं दुविहं ह्यवाहणं बुहा बेंति । संगामुवओगि दढं जणविम्ह्यकारयं चित्तं ॥७१२७॥  
होति दढं चउभेयं उजुसारणवामदाहिणविहीहिं । चित्तविहीणं नेयं उजुसव्वं अग्गओ गमणं ॥७१२८॥  
विवरीएहिं पएहिं पच्छाहुत्तं ह्यस्स जं सरणं । तं सारणं पि हवइ हु मंडलए दाहिणं वामं ॥७१२९॥  
इह नेयाओ धाराओ पंच ह्यवाहणणुपुरिसेहिं । धाराणं बहिभूयं सहावगमणं तु होति गई ॥७१३०॥  
तत्तो पुलाए गमणं ह्यस्स जं सा उ पढमिया धारा । तयणंतरं तु दुइया धारा जवसम्मया नाम ॥७१३१॥  
तत्तो वि परं तइया धारा जवमज्झिम त्ति नामेण । तयणु चउत्थी धारा जवुत्तमा नामनायव्वा ॥७१३२॥  
धाराण चउण्हं पि हु अब्भहिया होइ पंचमी धारा । अच्चुत्तमजवनामा पडिसद्धं वाहणमिमीए ॥७१३३॥  
पढमासु चेव धारासु चउसु तुरयाण वाहणं भणियं । सुषसत्थं कुसलेहिं सव्वेहिं वि सव्वकम्मोसु ॥७१३४॥

पंचमधाराणुगए तुरए कुसलो वि वाहगो जम्हा । कम्मकरणम्मि अखमो होइ महावेगविहुरंगो ॥७१३५॥  
 होति नवमंडलाई अट्टारसधणुहपरिमियं पढमं । दो दो धणुह वि हीणाइं होति सेसाइं अणुकमसो ॥७१३६॥  
 दो धणुहपरीमाणं संजायइ जाव मंडलं नवमं । कमसो इमेसु तुरओ वाहेयव्वो सुबुद्धीहि ॥७१३७॥  
 साहेयव्वा धारा पढमं चिय पढममंडले पढमा । तीए सिद्धाए अह सेसाओ तिन्नि धाराओ ॥७१३८॥  
 साहेयव्वाउ ह्यस्स मंडले तम्मि चेव तत्तो य । दुइयाइमंडलेसु वि चउरो चउरो य धाराओ ॥७१३९॥  
 साहेयव्वाउ कमेणिमिणा जा होइ मंडलं नवमं । नवभेयमंडले इय चउ चउ धारा जुए सिद्धे ॥७१४०॥  
 दिज्जइ मुहम्मि कवियं तुरयस्स तहेव मंडलद्वेण । गोमुत्तीनाम भवे धारा एसा वि सव्वत्थ ॥७१४१॥  
 साहेयव्वा पइमंडलं पि एक्केक्कपुव्वधाराए । अट्टमनवमे परिवज्जिऊण दो चेव मंडलगे ॥७१४२॥  
 उज्जुपभिईण भणिओ एसो पाएण साहणम्मि कमो । कम्मावेक्खाए वइक्कमो वि कथइ करेयव्वो ॥७१४३॥  
 नट्टायारं वित्तं तुरयाणं रूवदायगं होइ । ते य पमाणजुया वि न तुरया रेहंति जेण विणा ॥७१४४॥  
 तं पुण वित्तं तिविहं झपाकरणं च कूडनामं च । समपायाइयभेया पुणो भन्ने तं दुवालसहा ॥७१४५॥  
 उड्डं वग्गागहणे रागाइहओ य होइ जं तुरओ । सममुप्पडंतपाओ सा झपा तइयधाराए ॥७१४६॥  
 करणं दुइज्जधाराणुगयं समपायपभिडभेएहि । भणियं पंचपयारं तं ह्यवाहणविहिबूहि ॥७१४७॥  
 पढमं समपायं तह दुइज्जयं वत्तदाहिणं होति । तइयं तु वत्तवामं चउत्थयं हरियदाहिणयं ॥७१४८॥  
 पंचमयं हियवामं कूडं पुण होति पढमधाराए । तं चलथिरभेएणं दुविहं विवर्हेहि निद्विट्ठं ॥७१४९॥  
 तत्थ चलं चंकममाणपायमेगत्थ संठियं च थिरं । तत्थ चलं पुण तिविहं तत्थेगं दिस्स दाहिणयं ॥७१५०॥  
 दुइयं तु दिस्सवामं विक्खित्तपयं तु तइययं होति । तिविहं थिरं पि नेयं अग्गट्टियदाहिणं एगं ॥७१५१॥  
 दुइयं पायडवामं तइयं समपायमेव नायव्वं । भरहुत्तं जह नट्टं तंडवलासेहि दुविभेयं ॥७१५२॥  
 कूडं पि तहा नेयं तंडवनामं च लासनामं च । इय वन्नियस्सरूवं दढं पि चित्तं पि तं तुरयं ॥७१५३॥  
 कारेऊणं सो आसरायनामो तुरंगदमगवरो । तुरियाए धाराए उट्टावेडं निवाभिमुहं ॥७१५४॥  
 थडयस्स नियडदेसे आणेउं खंचएझड त्ति तओ । खंचणसमकालं चिय उड्डं सो संठिओ तुरओ ॥७१५५॥  
 रेहाए चेव तओ परितुट्टमणो निवो पयपेइ । पेक्ख कुमार ! कहेसो इमेण सिक्खाविओ तुरओ ॥७१५६॥  
 कुमरो उ निरिक्खेउं तं तुरयं कन्नदिट्ठिपमुहेसु । देहावयवेसु तहेव चिट्टए जंपइ न कि पि ॥७१५७॥  
 तो राया तं कुमरं पुणो वि पुच्छइ तहेव सविसेसं । कुमरो वि जोडियकरो होउं चिट्टइ कयपणामो ॥७१५८॥  
 न उणो जंपइ किंचि वि तओ नरिदो पुणो वि जंपेइ । कि कुमर ! तं न जंपसि किंचि वि तुरयस्स गुणदोसं ॥७१५९॥  
 तो सिरिवम्मकुमारो जंपइ तुब्भेहि देव ! पच्चक्खे । दिट्ठे तुरयसरूवे कि अम्हे एत्थ जंपामो ॥७१६०॥  
 अह वासवदत्तनिवो कुमारवयणं इमं सगब्भं ति । नाऊण संकियमणो पुणो वि कुमरं भणइ एवं ॥७१६१॥  
 दिट्ठं चिय पच्चक्खं तुरयसरूवं मए कुमार ! परं । पुच्छामि अभिप्पायं तुज्झ अहं विम्हयपवन्नो ॥७१६२॥  
 अत्थाणनिविट्ठेणं मए जया आसरायह्यदमगो । पुट्ठो तुरयसरूवं तया सयं नियमईए तए ॥७१६३॥  
 वीमंसिऊण भणियं समत्थियं तेण आसरायस्स । वयणं मज्झ पुरो जं तहेव तं जायमवियप्पं ॥७१६४॥  
 ! इन्दि नियदिट्ठीए दट्ठूण वि तुरयचेट्टियं सक्खं । पुट्ठो वि मए न तुमं जंपसि किंचि त्ति मे संका ॥७१६५॥  
 अह मउलियकरकमलो सपणामं भणइ कुमरसिरिवम्मो । वेमि अहं नियभावं जइ देवो देइ अच्छलियं ॥७१६६॥

तो वासवदत्तनिवो जंपइ एवं कुमारसिरिवम्मं । अच्छलियं चिय तुह सव्वकालमविरुद्धवाइस्स ॥७१६७॥  
 कुमरो विन्नवइ निवं हक्कारह देव ! आसरायं पि । एत्थ नियसन्निहाणे तस्स समक्खं जहा बेमि ॥७१६८॥  
 उत्तरिउं तुरयाओ रायाएसेण आसराओ वि । ह्यदमगो आगंतुं तत्थुवविट्ठो उचियठाणे ॥७१६९॥  
 विन्नवइ तओ निवइं सिरिवम्मो देव ! आसराएण । एस तुरंगो बाहिम्मि वाहिओ न उण मज्झम्मि ॥७१७०॥  
 तो जंपइ नरनाहो कुमार ! तुह जंपियस्स भावत्थो । अज्ज वि न मुणिज्जइ को वि ता तुमं कहसु पयडत्थं ॥७१७१॥  
 पुव्वं पि अम्ह तुरया सव्वे बाहिम्मि चेव नयरस्स । एएण आसराएण वाहिया सुंदरा जाया ॥७१७२॥  
 मज्झस्स बाहिरस्स य अम्हेहि न किं पि अंतरं नायं । एत्तियदिणाणि ता कहसु कुमर ! को एत्थ परमत्थो ॥७१७३॥  
 तो सिरिवम्मकुमारो पभणइ मज्झं व बाहिरं वा वि । नयरस्स न नायव्वं किं पुण नेयं ह्यस्सेव ॥७१७४॥  
 देहं ह्यस्स बज्झं चित्तं तस्सेव होइ मज्झं तु । वाहियभिमस्स देहं न उ चित्तं आसराएण ॥७१७५॥  
 जम्हा ह्यस्स चित्तं वट्टइ सकसायमज्जवि इमस्स । छट्ठावेऊण कसायमेस नो वाहिओ इमिणा ॥७१७६॥  
 मेत्तीए आणेउं दढं च चित्तं च दुविहमवि सिक्खं । तुरओ गहाविओ एस तेण न सुवाहिओ देव ! ॥७१७७॥  
 हसिऊण तओ राया सिरिवम्मं कुमरमेवमाइसइ । किं तुम्हं घारियाहिं पयोयणं किं व काणेहिं ? ॥७१७८॥  
 जह जह आसारोहो कारइ तह तह करेइ जइ तुरओ । ऋट्ठेण व तुट्ठेण व तो तस्समणेण किं कज्जं ? ॥७१७९॥  
 तो पभणइ सिरिवम्मो देव ! जहा तुम्हं को वि सामंतो । वप्पिट्ठो तुट्ठमणो सुविउलसम्माणदाणेहिं ॥७१८०॥  
 दंसेइ सुबहुविणयं बाहिम्मि विणा वि गव्वविगमेण । तस्स जया वि न जायं सम्माणं किं पि दाणं वा ॥७१८१॥  
 सो पयडइ ज्ञ त्ति तया वि अत्तणो चित्तदुट्ठिमं गूढं । तह कालेण इमस्स वि ह्यस्स दोसो फुडो होइ ॥७१८२॥  
 आह निवो कह कलियं कुमर ! तए तुरयचित्तदुट्ठत्तं । कहइ कुमारो कल्लाण थड्ढिमाए मए नायं ॥७१८३॥  
 लोयणजुयलेण तहा उभओ पासावलोयणपरेण । इय कुमरवयणमायन्निऊण विम्हियमणो राया ॥७१८४॥  
 ह्यदमगआसरायस्स सम्मुहं पेसए नियं विट्ठिं । अह सो मउलियपाणी पणयसिरो विन्नवेइ निवं ॥७१८५॥  
 जह सिरिवम्मकुमारो विन्नवइ तहेव देव ! सव्वमिमं । एत्तीए चेव मए तुरंगमो वाहिओ एसो ॥७१८६॥  
 जम्हा उत्तमतेओ तामसभावाहिओ इमो तुरओ । दंडेण वसीकाउं नेय मए पारिओ तेण ॥७१८७॥  
 तो आसरायवयणेण कुमरवयणे सपच्चओ जाओ । राया विम्हयपूरियहियओ सीसं नियं धुणइ ॥७१८८॥  
 आरुहिऊण करेणुं अह सो कुमरेण सह गओ सगिहं । ह्यदमगो वि निवाएसेणारूढो तयं तुरयं ॥७१८९॥  
 अह निच्चं नरवइणा अहिगाहिगोरवेण दीसंतो । भमइ सिरिवम्मकुमारो समयं गिम्हस्स तत्थेव ॥७१९०॥  
 जत्थ य गिम्हे विरहग्गितवियपहियंगणाविमक्केहिं । नीसासेहिं व निच्चं उण्हुन्हयरा दिणा होति ॥७१९१॥  
 गिम्हसमयस्स आणं पयासमाण व्व सव्वभुवणम्मि । वियरंति जहिच्छाए जणाण संतावया वाया ॥७१९२॥  
 तम्मि समयम्मि जाओ संतावयरो जणस्स मित्तो वि । सुयणो वि दुज्जणत्तं पयडइ दियहाणुभावेण ॥७१९३॥  
 वड्ढंतपयावे दिणयरम्मि दियहा वि होति वड्ढता । जो होइ जस्स तणओ तस्स सिरीए सिरी तस्स ॥७१९४॥  
 हेमंते जेण हिमेण ह्यप्पयावो रवी कओ आसि । इन्हिं तिक्कपयावं तरणिं दट्ठूण तं नट्ठं ॥७१९५॥  
 तरणी वि गवेसंतो हिमं न पावेइ जाव कत्थ वि य । सोसेइ ताव तप्पक्खसंगयाइं जलाइं पि ॥७१९६॥  
 अच्छंतं संतवियं दट्ठूण महिं महीरूहा तत्तो । तह कुक्खेण व जाया पयणुच्छाया पइदिणं पि ॥७१९७॥  
 सव्वंसहा वि कक्कसरविपायहया वि दाहिणी जाया । पुहई अइनिम्मिहिया वमइ सिहिं चंदणलया वि ॥७१९८॥  
 मज्झन्हे पाणहिया रहिया प्पहिया महीए डज्झंता । दाउं च उवालंभं धावन्ति महीरूहाभिमुहं ॥७१९९॥



दट्ठुण पाडलच्छो गिम्हो भुवणं समग्गमवि तवियं । वियइल्लफुल्लदसणो हसइ व नियवीगियसगव्वो ॥७२००॥  
 इह पाएण मणुस्सा वियरंति दिवा वणंतरालेसु । थेवस्स वि रवितेयस्स नेय दिन्नपपवेसेसु ॥७२०१॥  
 सरियासु सरवरेसु य पुक्खरणीसु य जलस्स अवगाहं । सुइरं विरयति तथा पविसंति निगुंजझुपेसु ॥७२०२॥  
 जलजंतसलिलधारा सित्तेसु चउट्ठिसि व्हि अंतो । लिपंति तणुं चंदणरसेण घणसारमीसेण ॥७२०३॥  
 अच्छाइं सण्हाइं लहूणि परिहेंति तह दुगुल्लाइं । कप्पूरागुरुकंदुरुतुरुक्कधूवेण सुरहीणि ॥७२०४॥  
 वायामायवमंबिलकडुलवणरसे य नेय सेवंति । न करेति मज्जपाणं पियंति सीयलजलं विउलं ॥७२०५॥  
 नवभिम (म्म) यभायणसंठियाणि सुरहीणि सीयलाइं च । महुराइं पाणगाइं पियंति बहुसक्करजुयाइं ॥७२०६॥  
 अन्नं पि साउ सीयं दवं घयं सालिखीरदक्खाओ । नालियरवारिसक्करमनिलम्मि उ तालियंटाण ॥७२०७॥  
 हारं मालं कमणुपुलेहि कलियं मुणालवलं च । चंदणविलित्तदेहं जुवइं च इमाइं सेवंति ॥७२०७८॥  
 धारागिहेसु दियहे सुयंति रयणीए अंबरतलम्मि । सयणम्मि सुरहिवियसियकुसुमसूहेहि अत्थरिए ॥७२०९॥  
 गहिए वसंतरज्जे गिम्हेण तओभिसंकियमण व्व । मयणं वसंतमित्तं थेवं सेवंति तरुणा वि ॥७२१०॥  
 इय वन्निएण विहिणा सिरिवम्मेण वि नरिदतणएण । गभियम्मि गिम्हसमए वासारत्तो समणुपत्तो ॥७२११॥  
 जत्थ गयणाडवीए मेहमहामहिहरेसु मलिणेसु । दावानलजालाओ व विज्जुलयाओ झलक्कंति ॥७२१२॥  
 गज्जारवो विसट्टइ सट्ठो व्व फुडंतवंसनिवहाण । खज्जोयगणुज्जोया वाउद्धया सिहिकण व्व । ७२१३॥  
 रुद्धो रविकरपसरो जलहरनिवहेहि नहयले सयले । तेण कयं जलसोसं सुमरंतेहि व कुविएहि ॥७२१४॥  
 गिम्हसमएण भुवणं सव्वं संतावियं निएऊण । कालनिवेण निउत्तो पाउससुहडो तदुवरिम्मि ॥७२१५॥  
 तेण सहस त्ति गयणे गज्जंती गयघड व्व घणमाला । सज्जीकया झरंती मयप्पवाहं व जलनिवहं ॥७२१६॥  
 गिम्हसमयस्स उम्हा भुवणं अवठंभिऊण आसिट्ठिओ । जो तस्स नासणकए विसज्जियं तेण जलसेन्नं ॥७२१७॥  
 आवडियमेत्तमेव य जलसेन्नं तेण उम्हसुहडेण । तह गसियं सव्वं पि हु जह न ठिओ वत्तकहगो वि ॥७२१८॥  
 तत्तो सधिसेसं चिय वियंभियो उम्हसुहडसंघाओ । सव्वम्मि वि भुवणयले नियसामत्थेण परितुट्ठो ॥७२१९॥  
 तह तं वियंभमाणं दट्ठुं नियपक्खपरिभवं च तओ । रुट्ठं घणेहि तुट्ठं व वारिधारासरसएहि ॥७२२०॥  
 निन्नासिऊण उम्हं सयलं पि महीयलम्मि लद्धपयं । जायं जलं विवक्खे ह्यम्मि सव्वो लहइ लच्छि ॥७२२१॥  
 उच्चपएसेसु जलं अलद्धठाणं अहोठियं गंतुं । उन्नइपत्तो अन्नुवरि देइ होउं न इयरस्स ॥७२२२॥  
 अतिसयरसुक्कडाओ अंतोकलुसत्तणं वहंतीओ । असतीउ व्व नईओ उम्मग्गेणं पयट्ठाओ ॥७२२३॥  
 जत्थासि न जलंबिदू वि ते वि जाया जलासया विउला । जो होइ जया उइओ तस्स तया पसरए पक्खो ॥७२२४॥  
 नवनिग्गयहरियंकुरनियरा सव्वत्थ वसुमती सहइ । घणवारिसिसिरमारुयसंगेणुद्धु सियरोम व्व ॥७२२५॥  
 पुव्वमणावरणाए पकीलियं सह घणेहि पुहईए । अह हित्थाए व नवतणपडेण पच्छाइओ अप्पा ॥७२२६॥  
 चिरकालमिलियजलहरसुहिसंगमपमुइयं सिहिकुडुवं । केयारवेहि गायइ नच्चइ विप्फारियसिहंडं ॥७२२७॥  
 उद्दामदप्पकलियं ददुं रुकुलमहिणवं समुब्भूयं । उच्चयरकयविरावं थुणइ व जलवाहमाहप्पं ॥७२२८॥  
 ठाणठाणेषु ठिया सहंति इह इंदगोवसंघाया । घणगहियजलहिजलसहियमुक्कदलियप्पवाल व्व ॥७२२९॥  
 परपुरिसमभिसरंतं घणतिमिरबलेण पंसुलीवगं । सव्वंगं पि धुणंती तडिल्लया किर निवारेइ ॥७२३०॥  
 जलभरभिन्नं वसुहं सुहेण फालेंति पामरा पुरिसा । लीलाए परिभविज्जइ परेहि जडसंगओ सव्वो ॥७२३१॥  
 सव्वंसहा वि सययं दिन्ननिवासा वि सयलरयणाण । लोहसएहि खोणी खणिज्जए नंगलग्गेहि ॥७२३२॥

पाएण इह मणुस्सा पुराणगोहमसालिजवभत्तं । भुञ्जति पियंति तथा कूवसमुत्थं जलं लहुयं ॥७२३३॥  
 परिसुक्कं लहुनिद्धं उण्हं लवणंबिलं च सेवंति । जेण न कुप्पइ पवणो न पीणसोतं व इयरं पि ॥७२३४॥  
 चिट्ठंति अदूरासन्नमुक्कअंगारसगडिए भवणे । घंसणउव्वट्टणन्हाणधूमगंधागुरुपिया य ॥७२३५॥  
 आरूढा जंति करेणुयासु वरवत्थकुसुमकयसोहा । वायाममक्ककिरणे पयगमणं दियहसयणं च ॥७२३६॥  
 नइजलपाणं अइमेहुणं च वज्जंति अतिदवाहारं । इय अतिकंते पाउसकालम्मि समागओ सरओ ॥७२३७॥  
 मेहावरणविमुक्कं जायं सयलं पि नहयलं विमलं । परिमुक्कपंकपडला जाया मग्गा वि पाएण ॥७२३८॥  
 कालवसा जइ वि रवी मेहेहिं कओ तिरोहियपयावो । कइवि दिणाइं तह विहु पुणो वि जाओ दुगुणतेओ ॥७२३९॥  
 सविसेसं (सं) पत्तो जुन्हाविमलत्तणं मयंको वि । कुसुमियकासपयासियमुहीउ जाया दिसिवहूओ ॥७२४०॥  
 बहुसलिलपाणवसओ उट्टियसासं वसुंधरं दट्ठं । उन्हुणहेहिं करेहिं फासइ निच्चं सहस्सकरो ॥७२४१॥  
 संपन्नतदुलाइं दियंतपसरंतपरिमलगुणाइं । सालिवणाइं कीरा सरंति पायडियमुहराया ॥७२४२॥  
 अब्भवहरिऊणं पइदिणं ति सुस्साउ अहिणवंकूरं । उवचयसंपत्तपयं जायं गोमंडलं सयलं ॥७२४३॥  
 चत्तकलसुत्तणाइं अंतो विमलत्तणं पवन्नाइं । सेवंति रायहंसा जलासयाइं पि नीसंकं ॥७२४४॥  
 उम्मगापरिब्भमणं पुव्विल्लं अत्तणो सरैऊण । लज्जाए व नईओ परिसंकुइयाओ जायाओ ॥७२४५॥  
 इह कुव्वंति मणुस्सा विरेयं (णयं ?) रहिरकड्डणं पायं । अब्भवहरन्ति सीयं लहुयं अन्नं च पाणं च ॥७२४६॥  
 गोहमसालिसट्टियजवमुग्गे सक्करं महुपडोलं । दक्खं साउ कसाए तित्ते य रसे निसेवंति ॥७२४७॥  
 रविकरत्तं दियहे निसाए पल्हाइयं ससिकरेहिं । सलिलं पियंति निव्विसमगत्थिउदएण निम्मवियं ॥८२४८॥  
 सिसिरोसीरविलित्ता पलहुयविमलंबरा सकुसुमा य । सेवंति चंदजुण्हं उण्हहरं जाभिणिमुहम्मि ॥७२४९॥  
 तित्ति दहिआयवखारतेल्लवससम्मुहानिलं मज्जं । दियहे निट्ठाकरणं वज्जंति तु सारसंगं च ॥७२५०॥  
 एवं पयट्टमाणे समए सरयस्स कुमरसिरिवम्मो । दंतउरे गंतुमणो लद्दावसरो निवं जाव ॥७२५१॥  
 किर विन्नविस्सइ तओ ह्यसाहणिणं तत्थ आगंतुं । विन्नत्तं देव ! जहा सारंगतुरंगमो इण्ह ॥७२५२॥  
 अइसयदुट्ठो जाओ दंतेहिं पुरोठियं नरं डसइ । पच्छागयं तु निहणइ पच्छिमपाएहिं समतालं ॥७२५३॥  
 वल्लीए तेण इमं छोडेउं को वि सक्कए नेय । दूरट्टिएहिं उल्लालिऊण निक्खिप्पए धासो ॥७२५४॥  
 तस्स पुरो पाणीयं निक्खिप्पइ गरुयकट्टजोएण । अट्ठोइज्जइ खाणं पुण न को वि बंधइ दिणं तइय ॥७२५५॥  
 पुरओ पुण बज्जंतं कहकह वि हु आसि जाव दुट्ठत्तं । थेवं चिय पयडंतो इण्ह माणाहिओ जाओ ॥७२५६॥  
 इय ह्यसाहणिणं विन्नत्ते नरवई कुमरभणियं । पुव्वुत्तं सरिऊणं विम्हयपूरिज्जमाणमणो ॥७२५७॥  
 सिरिवम्मकुभारेणं सह गंतुं मंदुराए तं तुरयं । कहियसरूवं दट्ठुं तं कुमरं एवमाइसइ ॥७२५८॥  
 जह चैव तए कहियं पुरा सरूवं इमस्स तुरयस्स । तह चैव य तं जायं तां सिकखावेहिं तुममेयं ॥७२५९॥  
 रत्तो उवरोहेणं तं तह पडिवज्जिऊण कुमरेण । विन्नत्तं देव ! जहा वित्ते सरए इय करिस्सं ॥७२६०॥  
 जम्हा गिम्हाईयं उउत्तिगं सव्वसत्थयारेहिं । ह्यवाहणे निसिद्धं हेमंताइतियमणुनायं ॥७२६१॥  
 रत्ता भणियं इण्ह सरयस्स तिभागमेव अवसेसं । तम्मि गयम्मि तुरंगो वाहेयव्वो तए एसो ॥७२६२॥  
 किंतु परं इह एयं न को वि सक्कइ खाणपाणेहिं । परिपालेउं तम्हा निययावासम्मि नेहिं तुमं ॥७२६३॥  
 अह रत्तो वयणाणंतंरं पि कुमरेण नियनरा तरुणा । बत्तीसं आहूया मल्ल व्व महाबलिट्टयरा ॥७२६४॥  
 चत्तारि खाइराओ दीहयराओ दढाओ वलियाओ । आणावेउं तत्तो एक्केक्का अप्पिया वलिया ॥७२६५॥

अट्टन्हं अट्टन्हं तेसिं पुरिसाण हत्थजुयलेसु । चउरो चउरो पुरिसा लग्गा एककेक्कवलियंते ॥७२६६॥  
 चउसु वि दिसासु तत्तो पविसेउं मंदुराए जुगवं पि । भीडंति तं तुरंगं चउसु वि गत्तेसु अइगाढं ॥७२६७॥  
 अट्टउडकप्पडेणं वामं पाणिं पवेढिऊण तओ । गहिऊण दाहिणेणं करेण कुमरो खइरकीलं ॥७२६८॥  
 गंतूण सयं तुरयं मुहकुहरे गिन्हए तलविभाए । वामकरेणं दाहिणकरेण कीलं खिवइ वयणे ॥७२६९॥  
 तिरियं करजुयलेणं तत्तो तं गिण्हिउं उभयभाए । अच्छीसु तस्स पट्टं बंधावइ चउपुडं तत्तो ॥७२७०॥  
 अतिथूलकक्खडेहिं वालागरडेहिं दोहिं दोरेहिं । बंधावेऊण मुहं धरावए दोसु पक्खेसु ॥७२७१॥  
 एककेण दावणेणं अग्गिमपच्छिमपयाइं दाहिणओ । बंधावइ दुइएणं अग्गिमपच्छिमपए वामे ॥७२७२॥  
 फेडावइ वलियाओ तत्तो चउरो वि तुरयपासाओ । छोडावइ वल्लीए सारंगतुरंगमं तत्तो ॥७२७३॥  
 नियआवासे नेयाविऊण मुहरज्जुबद्धपट्टेहिं । दोहिं उ चम्ममएहिं बंधावइ दोसु पक्खेसु ॥७२७४॥  
 ऊरुट्टियवल्लीए तह कह वि जहा सुहेण चालेइ । गीवं उभओ पासेसु देहकंडूयणनिमित्तं ॥७२७५॥  
 वालागरडे दोरे छोडावइ दो वि वयणबंधाओ । ओसारावइ तह दिट्ठिबद्धयं पट्टयं तस्स ॥७२७६॥  
 खद्धं खद्धं घासं खिवावए तस्स अग्गओ उच्चियं । दूरट्टियपुरिसाणं पासाओ अइपयत्तेण ॥७२७७॥  
 चम्ममयकुंडियाए चम्ममयाइं करेवि कडयाइं । सलिलस्स तं भरेउं खिविउं कडएसु दढवंसं ॥७२७८॥  
 दोसु विभाएसु दुवे समत्थपुरिसा तमुक्खिवेऊण । तस्स तुरयस्स पुरओ सणियं नेऊण ठावेति ॥७२७९॥  
 खाणं पि सलिलनाएण पइदिणं तस्स दिज्जइ ह्यस्स । इय सारंगं तुरयं कुमरो पालइ अहन्नदिणे ॥७२८०॥  
 आरुहिउमियरतुरयं बाहिं नयरस्स परिभमेऊण । ह्यवाहणस्स उच्चियं ठाणं अवलोयइ विवित्तं ॥७२८१॥  
 जत्थ विहारो नयरं आरामो देउलं मढो वडवा । रायपहो पाहाणा कंटयवम्मी य गड्ढाओ ॥७२८२॥  
 ऊसरं विय सरिसेलो हत्थियमुहं च तुरयतासयरं । एएसिं मज्झाओ नियडं किंचि वि न जत्थत्थि ॥७२८३॥  
 अंतो कट्ठिणा उप्पि पंसुयपयरेणपेलद्वा पुहई । न य उन्नया न निन्ना विवज्जिया खाणुक्खेहिं ॥७२८४॥  
 तं ठाप्पं दट्ठूणं विन्नविऊणं नरेसरं तत्तो । धणुहसयलियपमाणे समचउरंसम्मि भूभाए ॥७२८५॥  
 कारावइ परिवेढं नवरयणिपमाणवेणुवाडीहिं । फेरावइ जवणीओ बाहिं जह को वि न हु अन्नो ॥७२८६॥  
 अभितरम्मि पासइ कीरंतं किपि तह तयासन्नं । गुडुरमंडवियाईं नियआवासं दयावेइ ॥८२८७॥  
 तीसे य कारियाए अहिणवयरवाहवाहियालीए । पुव्वदिसिवंकदारं सतोरणं कारण एगं ॥७२८८॥  
 अन्नदियहम्मि सरए वित्तं हेमंतउउसमारंभे । पायकयदामणं विय सारंगतुरंगमं कुमरो ॥७२८९॥  
 दावेउं अविलाणं वयणे चउपासठवियपुरिसेहिं । हत्थतलगहिय दीहरअतिनिट्टुरचम्मलट्ठीहिं ॥७२९०॥  
 परिवेढियमुभओ पासधरियअविलाणरस्सि हत्थेहिं । चालिज्जंतं दोहिं उ तरुणनरेहिं समत्थेहिं ॥७२९१॥  
 मत्तं व वणगइदं सुदुद्धरं नियलियं चउपएसु । कुडिलाए दिट्ठीए पासंतं पासठियलोयं ॥७२९२॥  
 सणियं आणेऊणं पुव्वदुवारेण वाहियालीए । अंतो परिसेऊणं अतिदुट्ठाणं तुरंगाणं ॥७२९३॥  
 सत्थभणिएण सिक्खावणविहिणा तह नियाभिपाएण । दाऊण वालदोरिय जंतं पुरओ य पच्छा य ॥७२९४॥  
 छोडावेउं पयदावणाइं पारंभओ पुलावेउं । वंसेइ दुट्ठिमं जम्मि जम्मि अंगम्मि सो तुरओ ॥७२९५॥  
 हम्मइ तहिं तहिं चिय कसाभिघाएहिं पासपुरिसेहिं । जंतनि जंतणयाए बाढं छिज्जइ य देहम्मि ॥७२९६॥  
 एएण पओगेणं एगंतरवासरम्मि पुव्वणहे । खेडिज्जइ ते (सो) तुरओ पोसिज्जंतो पयत्तेण ॥७२९७॥  
 नवविहियवाहियालीमज्झम्मि न अत्थि कस्स वि पवेसो । मोत्तूण अप्पनवमं तं कुमरं तं च नवतुरयं ॥७२९८॥

वाहणदियहे पुक्कवपओगओ आणिकुण तं तुरयं । हयवाहियालिमज्जे जंतविही कीरए तस्स ॥७२९१॥  
वाहणविहिम्मि विहिए दामेऊणं पएसु सो तुरओ । छोडियजंतो काउं निज्जइ वाहिम्मि नियठाणे ॥७३००॥  
हयवाहियालिनियडे दिन्नावासे नियम्मि कुमरो वि । सिरिवम्मो गंतूणं भोयणसयणाइयं कुणइ ॥७३०१॥  
नियगुड्डुरनियडाए कुडीए बंधावए तुरंगं पि । तं सारंगं तह तस्स कारए उच्चियपडियारं ॥७३०२॥  
जम्मि दिणे वाहिज्जइ न तुरंगो तम्मि उभयकाले वि । वाहणदिणे उ कुमरो अवरणहे जाइ नियपासे ॥७३०३॥  
इय कहियउवाएणं वाहिज्जंतो तुरंगमो एसो । कइ वि दियहाइं कोवं काऊणं अहिगमहिगयरं ॥७३०४॥  
पच्छादूमिज्जंतो देहे जंतैहि कसनिवाएहि । सणियं सणियं लग्गो छड्डेउं अंतरकसायं ॥७३०५॥  
कुमरो वि अदूरासन्नदेसपरिसंठिओ मुणेऊण । तुरयसरूवं तो देइ वाहगाणं उच्चियसिक्खं ॥७३०६॥  
तत्तो कमेण तुरए थेवकसाए हवंतए तम्मि । कुमरो हयपासद्वियनराण पासाओ एककेक्कं ॥७३०७॥  
हत्थं हयपट्ठीए दावेइ कमेण तम्मि सहियम्मि । कइवयदिणपज्जंते थडियं बंधावए तत्थ ॥७३०८॥  
तोए वि हु सहियाए गएसु कइवयदिणेसु पल्लाणं । आरोहावइ पिट्ठे तम्मि वि सहिए इयरपुरिसं ॥७३०९॥  
तत्तो य दुट्ठहयदमणसमुच्चिएहि विणा वि जंतैहि । केवलपल्लाणजुयं आरूढ नरस्स पासाओ ॥७३१०॥  
खेडावइ तं तुरयं तह वि न दंसइ वियारलेसं पि । सो जाव तओ कुमरो तं नाऊणं विगयदप्पं ॥७३११॥  
सियपक्खसुहतिहीए दिणयरचंदाण अन्नयरवारे । हत्थोत्तरसवणस्सिणिमज्जे एगयररिक्खम्मि ॥७३१२॥  
पट्टिनिवेशियसुंदरपल्लाणे वयणदिन्नअविलाणे । पुक्काभिमुहं ठविए सारंगे वरतुरंगम्मि ॥७३१३॥  
वामकरणहियवग्गो दाहिणकरताडियासणपएसो । चाडुवयणं भणंतो जहणं जंघाए फासंतो ॥७३१४॥  
आरूढो झत्ति अणेयबंदिद्विदेहिं संथुणिज्जंतो । निग्गंतूणं निययावासाओ वाहियालीए ॥७३१५॥  
पत्तो दुवारदेसे सेसजणं वाहिमेव धारेउं । अट्ठहिं जणोहिं सद्धि पविसेउं मज्झभायम्मि ॥७३१६॥  
सत्थभणिएण विहिणा वाहइ एवं कमेण दियहेहि । अइकतेहिं केहिं वि तं तुरयं सव्वमवि सिक्खं ॥७३१७॥  
दढचित्तविभाएहिं सिक्खावेउं करेइ निवजोग्गं । दंसइ पुराणहयवाहियालिपत्तस्स तस्स पुरो ॥७३१८॥  
रत्ता सपरियणेणं पंसंसिओ सतुरओ वि सो कुमरो । तस्तुवरिं भामियाइं निउंछणाइं बहुजणेहिं ॥७३१९॥  
हयदमगमोसरायं तो पुच्छइ पत्थिवो हयसरूवं । सो वयइ संपयमिमो कुमरेण सुवाहिओ विहिओ ॥७३२०॥  
सव्वंगेसु वि नज्जइ मुक्ककसायत्तणं इमस्स जओ । जावज्जीवं पि तओ दंसिस्सइ एस न वियारं ॥७३२१॥  
अह राया हक्कारइ कुमरं सिरिवम्ममप्पणो पासे । आलिगइ अतिगाढं उववेसइ सन्निहाणम्मि ॥७३२२॥  
सव्वंगं आहरणं वत्थाइं देवदूससरिसाइं । आणावेउं राया पयच्छए झत्ति कुमरस्स ॥७३२३॥  
तह वत्थाहरणाती किं पि निवो देइ आसरायस्स । अह सिरिवम्मकुमारो रायाणं विन्नवइ एवं ॥७३२४॥  
देवेण जया दिन्नो आएसो तुरयवाहणे मज्झ । तइया हं दंतउरे गंतुमणो विन्नवणहेउं ॥७३२५॥  
देवपयाणं पासे समागओ आसि तयणु देवेण । दिन्नाएसे एयम्मि नो मए किं पि विन्नत्तं ॥७३२६॥  
ता इन्हिं मं देवो अणुजाणउ जेण जामि दंतउरे । पुक्कं पि नियावासो मए बहिं दाविओ अत्थि ॥७३२७॥  
नववाहियालिवंसे जवणीओ संवरावऊ देवो । तो रत्ता पञ्चदिणे तत्थ विलंबाविओ कुमरो ॥७३२८॥  
अह राया सुहदियहे सारंगतुरंगं समारुहिउं । हिंडा (व)इ सो वि मणं निवस्स नाउं तहा चलइ ॥७३२९॥  
तो राया मुइयमणो उभओ कालं पि तम्मि तुरयम्मि । आरूढो पइदिणमेव हिंडए तत्थ तत्थ वि य ॥७३३०॥

उज्जाणकाण्णाइसु वसंतसमओ य वट्टए तइया । अन्नदिणे अवरण्हे राया धारागिरिम्मि गो ॥७३३१॥  
 कीलानदीए मज्झे पवेसए तं तुरंगमं तत्तो । सो न विसइ नइतीरा पच्छाहुत्तं नियत्तेइ ॥७३३२॥  
 इय दो तिल्लि वि वारे कयम्मि राया कुमारसिरिवम्मं । पच्छा एतं हक्कारिऊण आपुच्छए एवं ॥७३३३॥  
 कीस कुमार ! न तुरओ पविसइ कीलानदीए मज्झम्मि । कुमरो जंपइ देवस्स एस दंसइ नियं विणयं ॥७३३४॥  
 राया पयंपइ कहं कहइ कुमारो पलंबमेयस्स । पुच्छं तं तिमिमज्जइ जइ पविसइ एस नदिमज्झे ॥७३३५॥  
 तं तीमियं चलंतं तीमइ देवस्स देहवत्थाइं । ताइं विणस्संति तओ पुच्छं पगतीए पुण पयलं ॥७३३६॥  
 ता देव ! संजमिज्जउ इमस्स पुच्छं जहा इमो झत्ति । पविसइ नईए मज्झे निवेण तह कारियम्मि तओ ॥७३३७॥  
 पविसेउं उत्तिन्नो तुरओ कीलानतीए परतीरे । रायाइजणो तत्तो सब्बो वि हु विम्मिहयं पत्तो ॥७३३८॥  
 भणइ निवो कुमर ! मए एवं विन्नायमासि नियचित्ते । जं किर इमो तुरंगो थवं पि न गिन्हए सिक्खं ॥७३३९॥  
 तुज्ज परं कि पि इमं कुसलत्तं तुरयवाहणकलाए । कुमर ! अउब्बं जमियरतराण न मणे वि विप्फुरइ ॥७३४०॥  
 विन्नवइ निवं कुमरो देवाणाराहणाए फलमेयं । अम्हारिसाण अण्ह किमेरिसी जायए सत्ती ॥७३४१॥  
 उत्तमजाती एसो देव ! तुरंगो परं कुसंगेण । जाओ दुट्ठसहावो न उणो नियजाइदोसेण ॥७३४२॥  
 जातीए दुट्ठसीला जे तुरया ताण मज्झयारम्मि । बालत्तणाओ आरब्भ एस मुक्केराए चिन्तो ॥७३४३॥  
 कहवि हु तत्तो नवभायणेसु जो लगए य सक्कारो । सो बंभेण वि सक्को कहं चि नो अन्नहा काउं ॥७३४४॥  
 ता देवपयावेणं संजाओ एस दोसपरिमुक्को । अम्हारिसस्स न गुणो इह को वि वियंभइ मणं पि ॥७३४५॥  
 अह वासवदत्तनिवो सिरिवम्मं भणइ कि पि पत्थेहि । पत्थेइ अत्तणो तो विसज्जणावीडयं एसो ॥७३४६॥  
 राया वि तयभिपायं नाऊणमकामओ वि सकलत्तं । संवाहिऊण सम्माणिऊण तं लहु विसज्जेइ ॥७३४७॥  
 सो वि अखंडेहि पयाणएहि दंतउरनयरमणुपत्तो । रत्ता महाबलेणं पवेसिओ गुरुविभूतीए ॥७३४८॥  
 उत्तारिओ मणुत्ते पासाए गोरवेण गरुएण । मज्जणभोयणमाई कराविओ सपरिवारो वि ॥७३४९॥  
 जोइसिंएणं कहिए तस्सेव दिणस्स संससमयम्मि । पाणिग्गहणं कारइ तेण समं निययधूयाए ॥७३५०॥  
 पियदंसणनामाए धूयाकरभोयणम्मि नरनाहो । सिरिवम्मस्स पयच्छइ करितुरयरहाइयं पवरं ॥७३५१॥  
 तम्मि खणम्मि कुमारो सुदंसणो सह महाबलनिवेण । लज्जं भंजावेउं कराविओ दंसणं तेण ॥७३५२॥  
 चउहिं दियहेहिं तत्तो पाणिग्गहणूसवाम्म वत्तम्मि । अट्ठीहिं दिणेहिं कारइ तम्मि पुरे जिणवरगिहेसु ॥७३५३॥  
 सब्बेसु वि ण्हवणाती रहजत्ताई य गुरुविभूईए । जह गुलखेडम्मि पुरे तहेव अह निव्वुओ होउं ॥७३५४॥  
 रत्ता महाबलेणं निच्चं गुरुगोरवेण दीसंतो । तत्थेव गमइ दियहे कइवि तओ अन्नदियहम्मि ॥७३५५॥  
 देसंतराओ को वि हु वाणिज्जयरो समागओ तत्थ । विक्कयहेउं बहुविहमणिरयणाइं गहेऊण ॥७३५६॥  
 मणिभंडायारनिउत्तरायपंचउलपेसियनरेण । सो हक्कारेऊणं नीओ पंचउलपासम्मि ॥७३५७॥  
 तेण वि हक्कारेउं मणिरयणवियारजाणए वणिए । मुत्तं कारावेउं बहुमणिरयणाइं गहियाइं ॥७३५८॥  
 वइरफलहाइं काइं वि कयमुल्लाइं तहेव गहियाइं । वरवत्थवेदियं एक्कमेव वइरं तओ तेण ॥७३५९॥  
 छोडेऊणं वणिजारएण तेसिं परिक्खगनराण । पुरओ पयंसियं तेहिं करयले गिण्हिऊण कमा ॥७३६०॥  
 सब्बेहिं वि उव्वत्तेऊणं बहुसो निरिक्खियं सुइरं । धारातलकोणविमुद्धलक्खणं उज्जलं विउलं ॥७३६१॥  
 कागपय-बिदुरेहा तासाइविवज्जियं तओ नाउं । तं पंचउलस्स करे सविम्मह्यं अप्पियं तेहिं ॥७३६२॥

पंचउलेण वि विम्हियमणेण कमसो करम्मि घेतूण । पारयत्तिऊण तं सब्बओ वि सुइरं निरिक्खेउं ॥७३६३॥  
 भणियं जह एरिसयं अम्हेहि कयाइ कत्थ वि न दिट्ठं । सुमहल्लं तेइल्लं तासाइविवज्जियं वइरं ॥७३६४॥  
 ता भणह मुल्लमेयस्स केरिसं तो परिक्खगा पुरिसा । जंपति जहा अम्हे न मुणेमो मुल्लमेयस्स ॥७३६५॥  
 जम्हा अदिट्ठपुव्वं एरिसमम्हाण तो न अम्हेहि । एवविहस्स मुल्लं सयं कयं नेव अत्तेहि ॥७३६६॥  
 कीरंतं पि हु दिट्ठं तो पंचउलेण तस्स वइरस्स । सामी वाणिज्जयरो पुट्ठो सो वि हु भणइ एवं ॥७३६७॥  
 जस्स इमे वि न मुल्लं मुणंति मणिरयणमुणियपरमत्था । तस्स वियाणामि क्हं मुल्लमहं कप्पडियपाओ ॥७३६८॥  
 तो पभणइ पंचउलं तए क्हं गहियमप्पणा एयं । तो भणइ वणिज्जयरो मए खणंतेण धरणिअलं ॥७३६९॥  
 लद्धं कत्थइ एयं अहवा अन्नाणओ मए दिन्नं । मुल्ले सुवन्नलक्खं इमस्स तो किं पमाणमिणं ॥७३७०॥  
 दिट्ठस्स वत्थुणो जं तुम्हं पडिहाइ समुचियं मोल्लं । तं देह किमन्नेणं कवोलवाएण बहुएणं ॥७३७१॥  
 अह तत्थ मुद्दहत्थो तं वइरं नियकरे गहेऊण । एगागी उट्ठेउं तओ गओ निवसमीवम्मि ॥७३७२॥  
 हत्थम्मि समपेउं तं वइरं तस्स कन्नमूलम्मि । होऊण तओ साहइ परिक्खगातीहि जं भणियं ॥७३७३॥  
 अह राया तं वइरं नियकरयलसंठियं पलोएउं । विम्हयपवन्नहियओ जंपइ तं मुद्दहत्थमिमं ॥७३७४॥  
 तुम्हं परिक्खगाण य आलोकयंताण किं पि जं उचियं । मुल्लं पडिहासइ तं करेह वणिजारयमएण ॥७३७५॥  
 एयं रायाएसं गहिऊणं तं च वइरवररयणं । सो ज्ञ त्ति मुद्दहत्थो मणिभंडायारमणुपत्तो ॥७३७६॥  
 पंचउलपरिक्खगवणिजारयसमुदायसम्मएण तओ । पन्नासमुवन्नसयाइं तस्स मुल्लं परिट्ठविउं ॥७३७७॥  
 तेणेव य समुदाएण सह गओ नरवइस्स पासम्मि । साहेइ वइरमोल्लं सो वि य वणिजारओ वइरं ॥७३७८॥  
 तं ठविऊणं निवपायअंतिए विन्नवेइ देव ! इमं । वइरं सुवन्नलक्खं लहउ कवडुं अहव काणं ॥७३७९॥  
 तह वि मए मुल्लेणं विणा वि देवस्स पायपूयाए । दिन्नमिणं भत्तीए गिण्हामि न मुल्लनामेण ॥७३८०॥  
 एक्कं कवडियं पि हु देवस्स समीवओ अहं तम्हा । जं देइ पसाएणं देवो तं चिय अहं गिन्हे ॥७३८१॥  
 अह राया तं पभणइ न किं पि मुल्लं इमस्स वइरस्स । एमेव तए दिन्नं नियभत्तीए इमं मज्झ ॥७३८२॥  
 पंचसहस्सा कणयस्स पुण इमे तुह मए पसाएण । दिन्ना ता गिन्हे तुमं अह सो वणिजारओ हत्थे ॥७३८३॥  
 सीसम्मि निवेसेउं महापसाओ त्ति नयसिरो भणइ । रायाएसेण तओ सो पंचउलेण सह जाइ ॥७३८४॥  
 राया पायतलाओ तं वइरं करयलम्मि गहिऊण । जा चिट्ठइ पेच्छन्तो समागओ ताव सिरिवम्मो ॥७३८५॥  
 रायाणं पणमेउं पवरे दिन्नासणम्मि उवविट्ठं । तं भणइ निवो एयं कुमार ! वइरं पलोएसु ॥७३८६॥  
 रत्ता अप्पिज्जंतं कुमरो दोहि वि करेहि गहिऊण । तं वइरं अवलोयइ विम्हियचित्तो पयत्तेण ॥७३८७॥  
 किं पि अउव्वं वत्थुं कहिं पि देवेण पत्तमेयन्ति । पभणंतो परिचितइ ताव इमं सब्बदोसेहि ॥७३८८॥  
 परिमुक्कं जुत्तं तह गुणेहिं सव्वेहिं किंतु एयस्स । गंधो फासो य तहा किं चि वि किं चि वि विसंवयइ ॥८७८९॥  
 तो घसिऊण करेहि अग्घायइ तं पुणो पुणो जाव । तोलइ य करयलेणं तो नाओ तेण परमत्थो ॥७३९०॥  
 जह एयं जाइल्लं न होइ वइरं विजाइयं नूणं । इय निच्छिऊण जाओ ईसिं मउलियमुहो जाओ ॥७३९१॥  
 तो पुच्छइ रायाणं संपन्नं देव ! कह इमं तुम्ह ? । राया वि तस्स पुरओ जहडियं कहइ सव्वं पि ॥७३९२॥  
 तो मोणेण ठिउ च्चिय सो अप्पइ तं निवस्स हत्थम्मि । राया संकियचित्तो तो पुच्छइ कुमारसिरिवम्मं ॥७३९३॥  
 साहसु कुमार ! दोसं गुणं व कंचि वि इमस्स वइरस्स । तो जंपइ सिरिवम्मो देव ! सिरि मुंडिए संते ॥७३९४॥  
 नक्खत्तं पुच्छिज्जइ जति तो देवो वि दिन्नमुल्लस्स । वइरस्स इमस्स गुणं पुच्छउ दोसं व मम पासे ॥७३९५॥

१. मुहच्छाओ पा.

तो आह निवो कुमारं नटुं चिट्टुइ न कि पि अज्ज वि य । जइ तुम्ह इमं वइरं पवरं पडिहाइ नो कह वि ॥७३९६॥  
 तो मुल्लं वारिज्जइ दिज्जंतं तस्स वइरवणियस्स । तो जंपइ सिरिवम्मो न होइ जुत्तं इमं मज्झ ॥७३९७॥  
 देवस्स विसेसेणं न जुत्तमेयं तु छुहियरंकस्स । कवलो मुहप्पविट्ठो जं कडिड्ज्जइ पुणो बाहि ॥७३९८॥  
 तो नरनाहो चितइ जुत्तमिणं जंपियं कुमारेण । किच्च माए मुक्कम्मि वि इमम्मि वइरम्मि नो लब्धं ॥७३९९॥  
 किंचि वि तस्स समीवे मुल्लं वणिजारयस्स जं तेण । नियधुत्तिमाए छलिए अहं भणतेण इय वयणं ॥७४००॥  
 सव्वसहापच्चक्खं जं किर वइरं माए इमं दिन्नं । देवस्स सभत्तीए ता मुल्लमहं न गिन्हिस्सं ॥७४०१॥  
 जइ देइ पसाएणं देवो गिण्हामि तो अहं कणयं । इय पडिड्ज्जंतेणं माए वि इह हारियं चेव ॥७४०२॥  
 ता कुमार जंपियं चिय पमाणमिह कीरमाणमुचियं मे । इय चित्तिऊण जंपइ राया कुमारं तओ एवं ॥७४०३॥  
 जइ वि न पवरं होही वइरमिमं तह वि तस्स पासाओ । वणिजारयस्स मुल्लं अहं न उद्दालइस्सामि ॥७४०४॥  
 ता कहसु निव्विसंकं कुमार ! दोसं इमस्स वइरस्स । इय जंपियम्मि रत्ता जहट्टियं कहइ सिरिवम्मो ॥७४०५॥  
 जह लोहसंभवमिमं वइरागारं धरेइ पडिपुत्तं । न उणो जच्चं वइरं एयं वइरागरप्पभवं ॥७४०६॥  
 भणइ निवो अतिगहयं कस्स वि विन्नाणमेयमेरिसयं । लोहेण जेण घडियं वइरं बहुलोयदुल्लक्खं ॥७४०७॥  
 तो सिरिवम्मकुमारो जंपइ लोहेण न धडियं एयं । देव ! सयं नपफन्नं विहिवसओ लोहघाउम्मि ॥७४०८॥  
 आह निवो इह अट्ठे कुमार ! को पच्चओ तओ कुमरो । विन्नवइ निवं जह पच्चयं पि देवस्स दंसिस्सं ॥७४०९॥  
 वणिजारयं समीवे काऊण जहा वियाणए सो वि । अह रायाएसेणं पत्तो वणिजारओ वि तहिं ॥७४१०॥  
 पुट्ठो निवेण एसो गहियं कणयं तए ? इमो आह । देवपसाओ सो मंगलं ति गहिओ माए सिग्घं ॥७४११॥  
 तो रत्ता नियहियए हसियं एएण तस्स वयणेण । जह एस संकियमणो करेइ इय अत्तणो रक्खं ॥७४१२॥  
 इय चित्तिऊण रत्ता पयडं चिय सो तओ इमं भणिओ । तुह वइरस्स परिक्खं करिस्सए संपयं कुमरो ॥७४१३॥  
 सो आह देवसंतियमेयं वइरं न होति महं तणयं । तां हं न पुच्छियव्वो इह देवो कुणउ नियहइयं ॥७४१४॥  
 अह रायाएसेणं तेल्लं नवल्लोणभरियभंडं च । कुमरो आणावेउं तं वइरं करयले गहिउं ॥७४१५॥  
 सव्वसहापच्चक्खं भणइ जहा लोहसंभवं एयं । वइरं न होइ जच्चं इमा परिक्खा इमस्स तओ ॥७४१६॥  
 तेल्लेण मक्खिऊणं एयं खिविऊण लोणमज्झम्मि । धरिऊण अहोरत्तं कड्ढेयव्वं दिणे बीए ॥७४१७॥  
 लग्गिस्सइ जइ कट्टो एत्थ तओ नूण लोहमेवेयं । अहं न वि लग्गो कट्टो तो जच्चं चिय इमं वइरं ॥७४१८॥  
 इय भणिऊणं तेल्लेण मक्खिउं तं खिवेइ लोणम्मि । वत्थेण लोणभंडस्स बंधए तो मुहपएसं ॥७४१९॥  
 दावेइ गंठि मुहं वणिजारयपासओ तओ तत्थ । तदुवरिजलहमट्टियपिडे दावइ निवइमुहं ॥७४२०॥  
 अत्थाणसमीवट्टियधवलहरोवरयमज्झभायम्मि । तं भंडं ठविऊणं दावइ मुहं कवाडेसु । ७४२१॥  
 बाहिम्मि जामइल्ले ठावति नरनाहसंतिए तत्तो । उट्टुइ सहं नरवइणा कुमरो वच्चइ नियावासे ॥७४२२॥  
 बीयदिणे अवरण्हे अत्थाणगए महाबलनिवम्मि । ओवरयदारमुहं विहडावेऊण मज्झाओ ॥७४२३॥  
 बाहिं कड्ढावेउं भंडं लोणस्स तस्स मुहमुहं । फेडावेऊण तओ तं वइरं कडिडुं तत्तो ॥७४२४॥  
 दट्ठुं विलगगकट्टं कुमरो वणिजारयस्स दसेउं । अप्पइ निवस्स हत्थे सो अप्पइ सव्वसव्भाणं ॥७४२५॥  
 अहं सो रायाइजणो तं तह दइठ्ठूण अविहं जायं । कुमरेण भणियवयणं विम्हइओ धुणइ सीसाइं ॥७४२६॥  
 भणइ य अहो अउव्वं रयणपरिक्खासु किं पि कुसलत्तं । सिरिवम्मस्स कुमारस्स जं न दीसइ कहिं पि जए ॥७४२७॥  
 इय जंपंतम्मि सहायणम्मि वणिजारओ विलक्खमुहो । विन्नवइ निवं महं देव ! जो कओ को वि तुम्हेहिं ॥७४२८॥

कंचणदाणपसाओ सो ढोइय वइरमणुसरेऊण । तं च परिकखाए जायमन्नहा संपयं चेव ॥७४२९॥  
 तो तं पसायकणयं देवस्स अहं समप्पइस्सामि । रत्ता भणियं भुज्जो वि एरिसं मा तुमं भणसु ॥७४३०॥  
 जं दिन्नं तुज्ज मए दिन्नं चिय तं सुवन्नमविसंको । भुंजाहिं तुमं मा कुणसु कस्सई तत्थ अभिसंको ॥७४३१॥  
 कित्तु परं कहसु तुमं मूलुप्पत्ति इमस्स वइरस्स । अच्छलियं इह अट्ठे तुह तो नो भाइयव्वं ति ॥७४३२॥  
 इय सुणिऊणं रत्तो वयणं वणिजारओ पसन्नमुहो । कहइ जहा देव! अहं केणइ कज्जेण आसि गओ ॥७४३३॥  
 लोहाभरप्पएसे तत्थ निविट्ठस्स मज्झ पासठिया । कम्मयरा लोहदलं घणेहिं चिट्ठंति फोडंता ॥७४३४॥  
 लोहदलस्स य मज्झे जगज्जगंताइं लोह खंडाइं । पिट्ठियरुप्पसमाइं दीसंति बहुइं ताइं च ॥७४३५॥  
 काइं वि घणाहयाइं उक्खुडिऊणं पडंति दूरम्मि । मज्झ वि समीवदेसे पडियाइं ताइं बहुयाइं ॥७४३६॥  
 अन्नम्मि खणे एगं खंडं लोहस्स उप्फिडेऊण । पडियं महउच्छंगे तं च अहं जाव पेच्छामि ॥७४३७॥  
 उच्छंगसंठियं चिय ताव मए वइरसन्निहं दिट्ठं । छक्कोणं अट्ठतलं तओ मए गोविउं धरियं ॥७४३८॥  
 तो हं तस्स भमेण अन्नाइं वि तत्थ लोह खंडाइं । पडियाइं पलोएंतो चिरं ठिओ निउणदिट्ठीए ॥७४३९॥  
 दिट्ठं परं न किंच वि मए दुइज्जं तहाविहं तत्थ । पत्थुयकज्जम्मि तओ सिद्धे तत्तो समुट्ठेउं ॥७४४०॥  
 नियठाणे पत्तो हं तओ जया पुव्वगहियरयणाइं । इह आणीयाइं मए एयं पि तया समाणीयं ॥७४४१॥  
 सोऊण तस्स वयणं एयं राया विसेसओ तुट्ठो । कहइ पुरो सब्भाणं जह सिरिवम्मणेण कुमरेण ॥७४४२॥  
 एयं पि आसि कहियं मज्झ पुरो जमिममघडियं लोहं । सयमेव य निप्फन्नं तं पि हु जायं तह च्चेव ॥७४४३॥  
 तं सोउं सविसेसं रायजणो तं पसंसए कुमरं । भणइ य मुल्लं सब्बस्स अत्थि न कुमार बुद्धीए ॥७४४३॥  
 राया महाबलो अह सिरिवम्मकुमार एवमाइसति । जस्सु च्चियं नो दाउं सक्किज्जइ तस्स सब्बस्सं ॥७४४५॥  
 देंतो होइ अदोसो पुरिसो ता तुह गुणोचियं देयं । नत्थि मह कित्तु एयं रज्जं गिण्हाहिं सब्बं पि ॥७४४६॥  
 कुमरेण जुत्तिपुव्वं बहुहा पडिसेहिए वि जाव निवो । निब्वंधं कुव्वंतो नो विरमइ ताव पडिभणियं ॥७४४७॥  
 गहियं किर रज्जमिणं मए परं सालयस्स निययस्स । दिन्नं कुमरस्स सुदंसणस्स ता ठवह जुवरज्जे ॥७४४८॥  
 एयं तुब्भे तत्तो पडिसेहंतं पि तं निवं कुमरो । सिरिवम्मो मन्नावइ जाव तओ तं भणइ राया ॥७४४९॥  
 तुब्भेहिं समं किंचि वि मंतेयव्वं इहत्थि तम्मि कए । जं किं पि भणसि जुत्तं तत्तो तमहं करिस्सामि ॥७५०॥  
 अह एगंते होउं महाबलो भणइ कुमरसिरिवम्मं । चिट्ठइ कणिट्ठभाया सुदंसणस्सेव सोयरओ ॥७४५१॥  
 नामेण हरिसदेवो सो वि सगो तुज्ज सालओ होइ । तुम्ह वयणेण एयं ठावेमि अहं नियपयम्मि ॥७४५२॥  
 सो य सुदंसणकुमरें कारागारे तए निहित्तम्मि । सिरिहरिसम्मि मए तुह पासे पट्टाविए जाओ ॥७४५३॥  
 निवलकखणसंजुत्तो रज्जुचिओ साहिओ य गणएहिं । दुव्विणयदूसिओ जेट्ठओ उ तुम्हं पि पच्चक्खो ॥७४५४॥  
 इय भणिऊण महाबलरायम्मि ठियम्मि मोणभावेण । तो सिरिवम्मकुमारो अणूसुओ पंजली भणइ ॥७४५५॥  
 देवेण समाइट्ठं जोग्गो रज्जस्स जं किर कणिट्ठो । निवलकखणाइं गुणओ तं पडिवन्नं तह च्चेव ॥७४५६॥  
 जं पुण दुव्विणयाओ जेट्ठम्मि अजोग्गया परिट्ठविया । देवेण देवपुरओ विन्नप्पइ तत्थ अत्थम्मि ॥७४५७॥  
 सामन्नविहविणो वि हु होंति अवच्चाइं अविणयपराइं । तरुणत्तणम्मि किं पुण तह होंति न रायजायाइं ॥७४५८॥  
 चत्तं दुव्विणयत्तं पि तेण संपइ तहा जहा अन्नो । को वि न सक्कइ चइउं रज्जस्स तओ इमो जोग्गो ॥७४५९॥  
 चिट्ठंते वि हु जेट्ठे जोग्गे रज्जस्स कह कणिट्ठम्मि । देव ! ठविज्जइ रज्जं कमलंघणमायरेऊण ॥७४६०॥  
 एयं पि आसि जइ तुम्ह अभिमयं तो कहं पढममेव । तुम्हेहिं एस ठविओ सब्बेसि माणणिज्जपए ॥७४६१॥



तयणु महाबलराया जंपइ पढमं पि अम्ह सचिवेण । आसि निसिद्धं एयं परं मए एरिसं विहियं ॥७४६२॥  
 इण्हि तु तस्स दोसे दिट्ठे सचिवेण अहमुवालद्धो । तो तेण समं सुवियारमंतिणा जंपउ कुमारो ॥७४६३॥  
 तो तुह जस्स य जं होइ सम्मयं तं अहं अणुट्ठेमि । अह एयं निववयणं पडिवज्जइ कुमरसिरिवम्मो ॥७४६४॥  
 अह राया सुवियारं मंति हक्करिउं भणइ एवं । कुमरसुदंसणविसए सद्धिं सिरिवम्मकुमरेण ॥७४६५॥  
 तुम्हेहिं मंतिऊणं जं किंचि वि उभयसम्मयं होइ । तं अम्ह कहेयव्वं इय भणिउं उट्ठियं तत्तो ॥७४६६॥  
 जवणियपिहिए सयणे गंतूण निवज्जए तयासन्ने । मंतिकुमराण वयणं जंपिज्जंतं निसामेइ ॥७४६७॥  
 चितइ य अम्ह मंती नियबुद्धीए गुहं पि तियसाण । मन्नइ जडं व इण्हि नायव्वमिमस्स सामत्थं ॥७४६८॥  
 मइनिज्जियसुरगुरुणा कुमरेण समं पर्यपमाणस्स । कुमरेण मंतिणा सह काऊणं कं पि आलावं ॥७४६९॥  
 तक्कालुचियं अन्नं पत्थुयवत्थम्मि तो पर्यपेइ । सचिव ! सुदंसणविसए को तुम्हं फुरइ अभिपाओ ? ॥७४७०॥  
 जोग्गो रज्जस्स इमो अहव न जोग्गो? तओ भणति मंती । कुमर! जया होसि तुमं तया न अन्नस्स अवयासो  
 कज्जविणिच्छयकरणे इय भणिए मंतिणा भणइ कुमरो । धणियं पि सुमइणो जइ अम्हे तह वि हु सिमुप्पाया  
 तुम्हे परिणयमइणो थेरा बहुदिट्ठकज्जपरिणामा । जं जाणह तं अम्हे कहमवि नो जाणिउं सक्का ॥७४७३॥  
 तो मंती भणइ जहा वलिपलियाइं न कि पि जाणंति । कज्जविणिच्छयजणणी पन्ना सा तुम्ह इइविमल्ला ॥७४७४॥  
 थेरेहिं वि अम्हेहिं वइरपरिक्खा न सक्किया काउं । तुम्हेहिं दिट्ठमेत्तम्मि तम्मि निव्वाडियं तत्तं ॥७४७५॥  
 तो जंपइ सिरिवम्मो पुणरुत्तेणं किमेत्थ भणिएण । एयम्मि रायवसे कमेण तुम्हाण मंतिपयं ॥७४७६॥  
 ता इह कज्जं अन्नं पि सह तए होइ मंतिउं उचियं । कह पुण रज्जारिहपुरिसमंतणं होति तुह वज्जं ॥७४७७॥  
 जम्हा सुहमसुहं वा इहच्चयं तुम्ह सव्वमारुहइ । आगंतुया उ अम्हे विणासिउं चेव वच्चामो ॥७४७८॥  
 न उण थिणट्ठे कज्जे अम्हाणं किंचि एइ मज्झम्मि । तुम्हाणं चियं चिता संजायइ तत्थ सव्वा वि ॥७४७९॥  
 किंच महाबलरत्तो तुम्हाणुमएण सव्वमवि कज्जं । कायव्वं पडिहासइ न अन्नहा निच्छओ एसो ॥४८०॥  
 तो सुवियारो पभणइ रत्ता सह को वि निच्छओ तह वि । तुम्हेहिं अत्थि विहिओ इह कज्जे अम्ह वि परोक्खे ॥  
 कुमरो जंपइ काउं इच्छामो निच्छयं बहुं अम्हे । किंतु महाबलराया तुम्हेहिं विणा न तं कुणइ ॥७४८२॥  
 पभणइ पुणो वि मंती रत्ता सह तुम्ह कोवि संलाबो । जो जाओ इह कज्जे तं साहह ताव पढमं पि ॥७४८३॥  
 तो कुमरो तं साहइ सव्वं पि हू तस्स मंतिणो पुरओ । ता जाव तत्थ रत्ता मंती हक्करिउं वृत्तो ॥७४८४॥  
 अह पभणइ सो मंती आयन्नसु कुमरा कारणं जमिह । कुमरसुदंसणविसए पडिसेहे मज्झ कायव्वे ॥७४८५॥  
 दंतउराओ दाहिणदिसाए चउकोसअंतरे अत्थि । खीम्बजदेवीए पुरं जणसंकिन्नं सपायारं ॥७४८६॥  
 तीसे देवीए भोप्पयस्स आएसकारओ एक्को । तस्स य धूया सा बालविहविया दुलहिया नाम ॥७४८७॥  
 सा य सहावेणं चियं रुवेण मणोहरा विसेसेण । जोव्वणमारोहंती तओ पिया से विंचितेइ ॥७४८८॥  
 जह देमि कस्सइ इमं धरगरणेणाणुह्वंपुरिसस्स । नाऊण तस्स भावं भोप्पेण तओ निसिद्धो सो ॥७४८९॥  
 भणियं च जहा एयं अहं सहत्थेण कस्सइ नरस्स । दाहामि तए चिता कायव्वा का वि न इमीए ॥७४९०॥  
 भोप्पयभएण अह सा तीसे जणएण कस्स वि न दिन्ना । जम्हा लुट्ठमणो सो तीसे सयमेव संजाओ ॥७४९१॥  
 धूयत्ताए संभासिऊण समुहेण तंसि सुत्तम्मि । जोव्वणपत्तं पि तओ न सेवए लोयलज्जाए ॥७४९२॥  
 एमेव दिट्ठिहूहं धरेइ सयलं पि सो अहोरत्तं । आएसदाणमिसओ तह चेव गमेइ दियहाइं ॥७४९३॥  
 वत्थाईयं पि न देइ सुंदरं भोप्पओ तओ तीसे । जमिमा कयसिगारा लोएण विणासियव्वं त्ति ॥७४९४॥

देवीपुरस्स तस्स य अदूरदेसम्मि अत्थि वणसंडं । आरन्न छाणयाइं आपेउं जाइ सा तत्थ ॥७४९५॥  
 तीसे तत्थ गयाए अन्नम्मि दिणे महाबलनिवो वि । तत्थगओ आहेडयकज्जेण तओ जणं सेसं ॥७४९६॥  
 तेण ठविऊण दूरे धणुवाणकरेण अग्गओ गंतुं । जालीए पविसेउं हरिणाण तिरोहिओ अप्पा ॥७४९७॥  
 तत्थ ठिओ सो राया तं पासइ दुलहियं जहिच्छाए । छाणयगहणनिमित्तं हिंडंती अडइयनियमं ॥७४९८॥  
 तो हरिणहणणहेउं जो तत्थ गओ किरासि नरनाहो । सो चिय सयं विणिहओ मयणेण मुत्तिक्खवाणेहिं ॥  
 तो जालीनियडट्टियछाणयगहणत्थमागयं बालं । तं कामाउरहियओ सयं पवेसेइ तत्थ निवो ॥७५००॥  
 नियमुह्खित्तं कप्परखंडमद्धं करेण गहिऊण । तीसे मुहम्मि खिविउं तं रमइ निवो जहिच्छाए ॥७५०१॥  
 सुरयपसंगे वित्ते तं पुच्छइ बालियं निवो तत्तो । कासि तुमं ससिवयणे ! किं ते नामं च ? इच्छाई ॥७५०२॥  
 अह सा निवस्स पुरओ पुव्वुत्तं नियसख्वमक्खेउं । सव्वं पि तओ सिग्घं सजलाइं करेइ नयणाइं ॥७५०३॥  
 तो राया तं पुच्छइ कीस तुमं दुलहिए ! सजलनयणा । सा कहइ निवस्स तओ मं परिभुत्तं विद्याणेउं ॥७५०४॥  
 भोप्पो दढं हणिस्सइ रत्ता भणियं महाबलो नाम । निवई अहं कहिज्जमु तओ तुमं पुरओ मं ॥७५०५॥  
 नामम्मि मज्झ गहिए न भणिस्सइ किं पि सम्महं तुह सो । सा भणइ एत्थ वयणे कह होही पच्चओ तस्स ॥७५०६॥  
 तो रत्ता नामंकिय नियमुद्दारयणमप्पियं तीसे । भणियं च इमं दट्ठुं भविस्सए पच्चओ तस्स ॥७५०७॥  
 अह सा पसन्नवयणा मुद्दारयणं निवाओ गहिऊण । नियपरिहणगंठीए गोवेउं जानिमज्झाओ ॥७५०८॥  
 नीहरिऊणं छाणयपिडयं आरोविऊण सीसम्मि । पत्ता भोप्पयभवणे एगंते एडए पिडयं ॥७५०९॥  
 दट्ठूण भोप्पओ तं हन्कारइ जाव अप्पणो पासे । ताव निवअंगसंभोगसंभवो परिमलो सुहओ ॥७५१०॥  
 तीसे देहाओ भोप्पएण अग्घाडओ तओ तेण । घडिया भिउडी भीमा भणिया य इमा जहा दुट्ठे ! ॥७५११॥  
 पाविट्ठे ! निल्लज्जे ! किमज्ज एयं तए समायरियं । बाहिम्मि निग्गयाए जमेस गंधो तुह उवेउ ॥७५१२॥  
 तीए भीयाए तओ जहट्टियं सव्वमेव अक्खायं । पच्चयहेउं मुद्दारयणं च पयंसियं तस्स ॥७५१३॥  
 एत्थंतरम्मि केणइ कस्स वि कहियं जहा निवो अज्ज । देवीवणसंडे आगओऽत्थि आहेडयनिमित्तं ॥७५१४॥  
 तं वयणं सोऊणं मुद्दारयणं च तं निएऊण । सो जायपच्चओ चत्तसव्वकोवो दुयं जाओ ॥७५१५॥  
 अह तीसे पासाओ गहिउं तं रायमुद्दियारयणं । एगंते गोवेउं धारइ सो अतिपयत्तेण ॥७५१६॥  
 तह दुलहियं पि रागं समुज्झउं उज्जएण चित्तेण । धूयं व नित्यं पासइ सगोरवं कारइ न कम्मं ॥७५१७॥  
 राया पुणो वि सारं ईए करिस्सए इय मतीए । आहारवत्थमाइ पि तीसे सो देइ सारयरं ॥७५१८॥  
 दुलही वि उ रिउण्हाया आसि दिणे तम्मि जम्मि परिभुत्ता । रत्ता सा वणसंडे संभूओ तेण गव्भो सो ॥  
 पाउव्भूयं गव्भं नाऊणं भोप्पएण तो पुट्टा । कस्सेसो तुह गव्भो तो कहइ जहट्टियं एसा ॥७५२०॥  
 वच्चंतंमु दिणेसु दाहिणकुच्छीए डोह्लेणं च । नाओ गव्भे पुत्तो निवस्स जाणाविओ तेण ॥७५२१॥  
 रत्ता वि सपच्चयवयणसवणसंभरियनिययचरिएण । पुत्तरहिएण दुलही तत्तो आणाविद्या एत्थ ॥७५२२॥  
 पूरियडोह्लयाए तीसे पडिपुन्नमासदियहेसु । जाओ सुदंसणो कारिओ य काले कलगहणं ॥७५२३॥  
 एसो थेंवं पयडियदुव्विणओ तह वि वल्लहत्तेण । मज्झ निवारंतस्स वि ज्वरायपए कओ रत्ता ॥७५२४॥  
 कलगहणं कुव्वंते इमम्मि पियदंसणा समुप्पन्ना । काराए तए खित्ते उप्पन्नो हरिसदेवो वि ॥७५२५॥  
 एस सुदंसणकुमरो दिणे दिणे दंसए य दुव्विणयं । जइ सिक्खवइ नरिदो तहा वि सिक्खं न य करेइ ॥७५२६॥  
 तत्तो य वसंतसिरीगहणनिमित्तं जया इमो चलिओ । तइया निवेण खित्तो देसो एयस्स कोट्टाए ॥७५२७॥

तत्थगयस्स उ जं किं पि जायमेयस्स तं समग्गं पि । जाणंतं च्चिय चिद्धह तुम्भे वि तओ न भणियव्वं ॥७५२८॥  
 इय भणिकुणं सच्चिवम्मि उवरए भणइ कुमरसिरिवम्मो । वित्थरभणियस्स इमस्स मंति ! को एत्थ परमत्थो  
 मंती पभणइ कुमरो सुदंसणो दुब्बिणीयभावेण । बाहिट्ठियाए माऊए गम्भसंभूइओ तह य ॥७५३०॥  
 रज्जस्स अजोग्गो च्चिय लहू उ न तहा तओ उ सो जोग्गो । भणति तओ सिरिवम्मो एयं चिय तुम्ह वत्तव्वं ? ॥  
 आमं ति मंतिभणिए सिरिवम्मो भणइ तत्थ पडिवयणं । तुम्हेहि दूसणदुगं सुदंसणे जं समुल्लवियं ॥७५३२॥  
 तत्थेगंतेण सयं परिचत्तं दूसणं अविणयस्स । दुइयं तु दूसणं पि हु न होइ निउणं मुणंताण ॥७५३३॥  
 जणणी जणओ य जओ दोण्हं पि हु भाउयाण एगाइं । मज्जेण बाहिरेण य न विसेसो कीरए तेसि ॥७५३३॥  
 तत्तो य भणइ मंती अत्थि विसेसो कुमार ! अतिगरुओ । बाहिं जाए गम्भे संकट्टाणं वहइ लोओ ॥७५३५॥  
 अह पभणइ सिरिवम्मो कमपरिहारे अकीरमाणम्मि । संका न का वि जायइ कीरंते तम्मि पुण संका ॥  
 उप्पाइज्जइ तुम्हेहि चेव लोए अविज्जमाणा वि । जह जेट्ठे जोग्गम्मि वि संते लहुओ कओ रज्जे ॥७५३७॥  
 कि कारणमिह एवं वियक्कमाणो जणो सयं चेव । तं संभरेइ कहइ व तस्स पुरो एवमन्नो वि ॥७५३८॥  
 जस्सासि संसओ सो वि निच्छयं कुणइ एत्थ वत्थुम्मि । कमलंघणे उ अकए वयणवयासो न कस्स वि य ॥  
 पुण पभणइ सुवियारो कुमार ! लोओ न जंपए जइ वि । जाणइ तहा वि एयं अमुणंतो को वि इह नत्थि ॥७५४०॥  
 सिरिवम्मो भणइ तओ सच्चिव ! सरीरम्मि जाइं अंगाइं । मुत्तपुरीसविसज्जणटाणाइं लज्जणिज्जाइं ॥७५४१॥  
 ताइं वियाणइ लोओ परोप्परं ताव तह वि गोवेइ । वथाईहिं न पयडीकाऊण सयं पि दंसेइ ॥७५४२॥  
 तम्हा तुम्ह वि एवं जाणिज्जंतं पि निययवयणिज्जं । गोविज्जंतं चिय पवरमियरहा होति दोसयरं ॥७५४३॥  
 लोइयदिट्ठंतेणं एवं पडिबोहिओ महामंती । भणइ सुवियारं एयं नामं चिय केवलं मज्झ ॥७५४४॥  
 अत्थो एयस्स पुणो कुमार ! गहिओ तए च्चिय समग्गो । ता जं च्चिय वयसि तुमं तं चिय किच्चं इह न इयरं ॥  
 तो पभणइ सिरिवम्मो जइ तुम्ह वि सम्मयं सच्चिव ! एयं । तो विन्नविऊण निवं कारेह इमं सयं चेव ॥७५४६॥  
 राया वि जवणियंतगरओ कुमारस्स जत्तिवयणाइं । सोऊण समग्गाइं सविम्हओ धुणइ नियसीसं ॥७५४७॥  
 अह उट्ठिऊण मंती विन्नविऊणं महाबलं निवइं । जुवरायपए ठावइ सुदंसणं तक्खणे चेव ॥७५४८॥  
 वंधेउं धिप्पंते सुदंसणे तस्स संतियं किं पि । जं आसि पुरा गहियं रह-करि-हय-करहमातीयं ॥७५४९॥  
 तम्मज्जाओ बहुयं समप्पियं वालिऊण तस्सेव । सिरिवम्मकुमारेणं नियं च वत्थाइयं दिन्नं ॥७५५०॥  
 नयरम्मि सारिवट्ठे गंतुं मोयाविओ तओ अप्पा । रत्ता महाबलाओ तेण वि रह-करि-हयातीहिं ॥७५५१॥  
 सम्माणेऊण विसज्जिओ गओ सारिवट्ठनयरम्मि । सिरिवम्मो रायमुओ तत्थ वि पुव्वं व भणियव्वं ॥७५५२॥  
 सव्वं पि विभूतीए नयरपवेसो विवाहकरणं च । सव्वेसु जिणहरेसुं अट्ठहिं दियहेहिं ण्हवणाई ॥७५५३॥  
 पूयापेच्छणयाई रहजत्ता चउविहस्स संघस्स । पडिलाहणं च नवरं रयणवईए करग्गहणं ॥७५५४॥  
 अह सूरपालराया सहानिसन्नो दिणम्मि अन्नम्मि । दाहिणपासम्मि ठियं संभासइ कुमरसिरिवम्मं ॥७५५५॥  
 दंतऊरपुरठियाणं तुम्हाण मए सुवन्नलक्खेण । मरगयरयणं गत्थं गहियं देसंतरनराओ ॥७५५६॥  
 तं देवयाअहिट्ठियमच्चिज्जइ केवलं चिय सया वि । न उणो आहरणाइसु उवगरइ कहि पि गत्थत्ता ॥७५५७॥  
 तम्मि निहालिज्जंतं फुरंघणविमलकिरणजालम्मि । पडिहासए चउम्भुयलच्छीपडिमाए आगारो ॥७५५८॥  
 दंसिस्सए इयाणि आणावेऊण तुम्ह पुरओ तं । तो जंपइ सिरिवम्मो तं बहुमुल्लेण गहियं ति ॥७५५९॥  
 तो अम्ह दंसणिज्जं जम्हा संभवइ पवररयणाण । मुल्लं एत्तियमेत्तं पि कित्तु जं देवयामुत्ती ॥७५६०॥

पडिबिबियं च दोसइ तत्थ तओ अम्ह विम्हओ गरओ । वट्टइ मणम्मि तेणेव दंसणं तस्स इच्छामि ॥७५६१॥  
 अह देवहरावसराओ सूरपालेण मेइणीवइणा । आणाविऊण मरगयरयणं तं दंसियं तस्स ॥७५६२॥  
 भणियं च तुम्ह एयं दंसिज्जइ कारणेण एएण । जं तुम्हे रयणाणं सव्वेसि मुणह परमत्थं ॥७५६३॥  
 जं दंतउरम्मि महाबलस्स वइरं पलोइउं तुमए । कहियं लोहमयं ति य जणिओ तह पच्चओ तत्थ ॥७५६४॥  
 तं तत्तो एत्थ समागएहिं बहुएहिं साहियं अम्ह । एवं निवेण भणिए सिरिवम्मो तं निरिक्खेउं ॥७५६५॥  
 भणइ जहा एयं पि ह तहेव जइ होइ कारिमं तो किं ? । रत्ता भणियं हासो उयाह सच्चं इमं वयणं ॥  
 जंपइ तओ कुमारो तुम्हेहिं वि जणयनिव्विसेसेहिं । सह को इह परिहासो तो राया भणइ जइ एवं ॥७५६७॥  
 तो साहह परमत्थं अह कुमरो भणइ मरगयं एयं । जच्चं न होइ कि पुण कायं परिकम्मणगुणेणं ॥७५६८॥  
 मरगयमणि व्व नज्जइ पेक्खिज्जंतं वियक्खणेहिं पि । जं पुण अंतो दीसइ पडिमापडिबिबमेयं तु ॥७५६९॥  
 पडिम च्चिय फलिहमती अंतो एयरस च्चिट्टइ निहिता । रत्ता भणियं संघी इह कत्थइ दंसए नेय ॥७५७०॥  
 तो कह अंतो पडिमा खित्ता एयस्स तो कहइ कुमरो । तेल्लम्मि बोलिऊणं कट्टेउं मुंचए ताव ॥७५७१॥  
 एगं मूहत्तमेत्तं पयडो संज्जायए तओ संघी । रत्ता भणियं एवं पि कुमर ! काऊण दंसेहिं ॥७५७२॥  
 तो विन्नत्तं कुमरेण देव ! एमेव सुंदरं एयं । दीसंतं पडिहासइ विणासिएणं किएण ? ॥७५७३॥  
 तो भणइ पुणो राया इमस्स कि कारिमाए सोहाए ? । तह कुणसु जह विणस्सइ एयं मह कोउयं एत्थ ॥  
 तत्तो सिरिवम्मेणं कयम्मि पुव्वोववन्नियविहिम्मि । पयडीहूए संघिमि कट्टिडया मज्झभायाओ ॥७५७४॥  
 जह भणिया सिरिपडिमा दिट्ठा रायाइसव्वोलोएण । सीसाइं धुणंतेण य पसंसिओ कुमरमतिविहवो ॥७५७६॥  
 तो भणइ निवो कुमरं सिरिवम्मं जह तए कए एवं । हरिसेण विसाएण य अम्हे दोहिं पि परिगहिया ॥७५७७॥  
 रयणपरिक्खा कुसलत्तणेण तुह अम्ह वट्टिडओ हरिसो । अन्नेसु वि नियरयणेसु जायसंकस्स उ विसाओ ॥७५७८॥  
 ता कुमर ! रयणभंडायारं सव्वं पि मे निरिक्खेहिं । नाऊण कारिमं जह रयणं अन्नं पि छड्डेमि ॥७५७९॥  
 कुमरेण तओ भणियं मा देवो कुणउ एत्तियं संकं । एगम्मि कहवि रयणे जइ जाया एरिसा जुत्ती ॥७५८०॥  
 ता किं सव्वत्थ वि ते परिक्खगा मूढमाणसा जाया ! एत्तियमेत्तेणं चि अहं पुणो जाणओ जाओ ॥७५८१॥ ।  
 एस धुणक्खरनाओ होति च्चिय देव ! कस्सइ कयावि । ता गयसंको होउं इह देवो मुंचउ विसायं ॥७५८२॥  
 राया भणइ धुणक्खरनाओ एसो न तीरए वोत्तुं । जं वइरपरिक्खाए वि तुह मती कुमर ! निव्वडिया ॥७५८३॥  
 एवं पि होउ अहवा तह वि धीई मज्झ जायए तइया । देइ जया नियदिट्ठि कुमरो मह रयणकोसम्मि ॥७५८४॥  
 सिरिवम्मो भणइ तओ विउलो तह देव ! रयणभंडारो । नो वरिसेण वि तीरइ निरिक्खेउं थेवमेत्तो वि ॥७५८५॥  
 तो जाइं अहिणवाइं बहुणा मुल्लेण संति गहियाइं । ताइं चिय थेवाइं देवो दंसउ किमत्तेहिं ॥७५८७॥  
 तो रत्ता कयमेवं कुमरेण वि पेक्खिऊण रयणाइं । कहियाइं ताइं रत्तो सव्वाइं वि विगयदोसाइं ॥७५८७॥  
 तो राया सव्वसहासमक्खमेवं पसंसए कुमरं । जह नरपुंगवराया एक्को च्चिय महियले धन्नो ॥७५८८॥  
 जस्स सिरिवम्मकुमरो पुत्तो नीसेसगुणगणावासो । एगे च्चिट्ठति सुया जाया अन्नेहिं निवईहिं ॥७५८९॥  
 न मुणंति बोरबिटं जे तह वि भंमंति उद्धुक्खंधा । सिरिवम्मो इव अन्ने सव्वं पि मुणंतया निहुया ॥७५९०॥  
 रे वीरपाल ! वंछसि तुमं पि जइ अत्तणो गुणे होते । तो कम्मयरो सिरिवम्मसंतिओ होसु कइ वि दिणे ।  
 अह वीरपालकुमरो रत्ता जणएण जंपिओ एवं । ईसि हसिऊण पभणइ मउलियपाणी पणयसीसो ॥७५९२॥  
 जणएण जस्स पाया हवंति पक्खालिया सहत्थेहिं । पुत्तो कह तस्स न होइ किकुरो देव ! सयकालं ॥७५९३॥

अम्हे सिरिवम्मकुमारकिकरा चैव देव ! चिट्टामो । उट्टुंतगुणसंकमणवइयरे निच्छओ नत्थि ॥७५९४॥  
 सिरिवम्मो पुण नियगुणकहासमायन्नणेण सव्वंगं । संकुयइ अहोदिट्ठी रक्किरसंगेण कुमुयं व ॥७५९५॥  
 इय पइदिणं पि परिवड्ढमाणआणंदनिब्भरमणेण । सम्माणिज्जंतो नरवरणेण सिरिवम्मवरकुमरो ॥७५९६॥  
 तत्थेव कइ वि दियहे गमेइ अह अन्नवासरे तत्थ । सिरिउरवइणो धूया चंदसिरी नाम संपत्ता ॥७५९७॥  
 तीसे इमा पइन्ना राहावेहं करेइ जो को वि । सो मं परिणइ अन्नह नो परिणावेमि अप्पाणं ॥७५९८॥  
 एवं च तीए पेसियपुरिमेहिं सूरपालरायस्स । पुरओ आगंतूणं सहानिसन्नस्स विन्नत्तं ॥७५९९॥  
 तेण वि तेसिं वयणं अणुमन्नेउं विसज्जिया लहु ते । अह सूरपालराया विसज्जे सयलमत्थाणं ॥७६००॥  
 तत्तो उट्ठेऊणं एगंते वीरपालमंगरुहं । हक्कारिऊण पुच्छइ राहावेहम्मि सामत्थं ॥७६०१॥  
 सो न कहइ निच्छयओ नियसत्ति तत्थ तो वयइ राया । एवं राहावेहे न जुज्जे तुज्जा आरंभो ॥७६०२॥  
 मज्जे वि न जुत्तमेयं सत्तिजुयस्स वि जओ दुवे दोसा । मह कन्नालोहो तुह राहावेहे अकुसलत्तं ॥७६०३॥  
 कन्ना वि अपरिणीया जइ वच्चइ तह वि दूसणं गरुयं । तम्हा सिरिवम्माओ राहावेहं करावेउं ॥७६०४॥  
 एसा परिणाविज्जइ समागया दूरदेसओ कन्ना । तो भणइ वीरपालो एयं चिय जुज्जे इण्हि ॥७६०५॥  
 अह तक्खणे वि रत्ता भणिओ हक्कारिऊण सिरिवम्मो । सव्भावकहणपुच्छं तेण वि उच्चियं ति पडिवन्नं ॥७६०६॥  
 अह अन्नसोहणदिणे सा राहावेहपुव्वयं तेण । परिणीया चंदसिरी अणुरुवा गरुविभूतीए ॥७६०७॥  
 अह नरपुंगवरत्ता सिरिवम्मकुमारमागयं नाउं । नयरीम्म सारिवहे पट्टुविया नियमहापुरिसा ॥७६०८॥  
 तस्साहवणनिमित्तं आगंतुं तेहिं सूरपालस्स । रत्तो तं विन्नत्तं तेण वि सम्माणिउं सिग्घं ॥७६०९॥  
 सह सव्वकलत्तेहिं विसज्जिओ सो अखंडियपयाणो । चंदउरीए पुरीए पत्तो सिरिवम्मवरकुमरो ॥७६१०॥  
 नयरीए आसन्नं समागयं जाणिऊण सिरिवम्मं । नरपुंगवो वि राया पच्चोणीए वि णीहरिओ ॥७६११॥  
 गामनगरागराणं लोओ वि समागओ बहू तत्थ । नयरीपवेसदियहं सोउं सिरिवम्मकुमारस्स ॥७६१२॥  
 मंचाइमंचकलिया चंदउरी अमरलोयनयरी व्व । कुमारागमणम्मि कया अणागयं निवनिओगेण ॥७६१३॥  
 सिरिवम्मो वि कुमारो दिट्ठिगए सजणए गयवराओ । ओयरिऊण पणमइ महीयले मिलियपंचंगो ॥७६१४॥  
 राया वि करिदाओ ओरुहिउं कयपणासमंगरुहं । उट्टुविउं अवगूहइ अइगाढं मुत्तमिव नेहं ॥७६१५॥  
 निययसरीरस्संतो तस्स सरीरं पवेसयंतो व्व । अह सीसे चुंबेउं विसज्जिए तम्मि नरनाहं ॥७६१६॥  
 करिणीहितो हेट्ठा ओयरिऊणं कुमारभज्जाओ । पणमंति उत्तरीयावरियमुहीओ महियलम्मि ॥७६१७॥  
 जाणुसिरकरयलाइं मेलेऊणं तओ कुमारेण । सह जे समागया ते मंडलियाती नमंति निवं । ॥७६१८॥  
 रत्ता सहागओ अह जणो सभज्जं पि नमइ सिरिवम्मं । सेसाण वि आगतुयवत्थव्वजणाण अन्नोत्तं ॥७६१९॥  
 उच्चियविही संजाओ तओ निवो नियगइंदमारुढो । नियनियवाहणजाणं कुमाराइजणो वि आरुढो ॥७६२०॥  
 पविसइ पुरीए मज्जे निवेण सह णेगयरपओलीहिं । भीडिज्जंतो गाढं परोप्परं अतिघणत्तणओ ॥७६२१॥  
 इयरजणो पायारे चरंडए भंदिरे य उवउले । हट्टे रुक्खे य तहा अन्नम्मि वि उच्चठाणम्मि ॥७६२२॥  
 कुमारपवेसालोयणकुऊहलाउलियमाणसो चडिओ । सेसो अलद्धाणो इओ तओ वियरइ महीए ॥७६२६॥  
 मत्ताण वि हत्थीणं दुट्ठताण वि ह्याण मज्जेणं । रहसंकडे वि पविसइ सुहडोव्वरणे जयहिलासी ॥७६२४॥  
 पुरओ राया पच्छा सिरिवम्मो तयणु तस्स भज्जाओ । पुरओ उभओ पासे पच्छा य पयाइसेस जणो ॥७६२५॥

चिरपरिचिओ वि देसंतरेसु नियविक्कमं पयडिऊण । जं परिणिऊण भज्जाओ आगओ अज्जियजसोहो ॥  
 तेण सिरिवम्मकुमरो पत्थव्वस्स वि जणस्स संजणइ । आजम्ममदिट्ठो इव अवलोयणकोउयं गरुयं ॥७६२७॥  
 सिरिवम्मकुमारस्स वि चंदउरी परिचिया वि चिरकालं । साणंदजणविणिम्मियसोहाइसया समंतेण ॥७६२८॥  
 ठाणे ठाणम्मि निबद्धभेयनट्टाइमणहरायारा । सविसेसदंसणिज्जा जाया पुव्वं अदिट्ठ व्व ॥७६२९॥  
 नयरि निज्जायंतो पेच्छिज्जंतो य नयरिलोएण । थुइमंगलवयणाइं निसुणंतो पेच्छयजणस्स ॥७६३०॥  
 रायाणुमगगलगो सहइ विसंतो पुरीए सिरिवम्मो । अमरावइनयरिए सक्केण समं जयंतो व्व ॥७६३१॥  
 पत्तो निवधवलहरे पढमं पि निवेण सह तओ तेण । अणुनाओ गंतूणं नियजणणि नमइ पुन्नसिरि ॥७६३२॥  
 सा वि हरिसंसुपूरियनयणा अवगूहए दढं तणयं । सीसम्मि चुंबिऊणं आसीसं देइ तो तस्स । ॥७६३३॥  
 जणणीए तो एसो कुसलकहापसिणपुव्वमालावं । किं पि करेऊण खणं विसज्जिओ चुल्लमाऊणं ॥७६३४॥  
 कंचुइवयणेण समागयाण तत्थेव कुणइ पणिवायं । ताओ वि दिति आसीसमुत्तरीयं अंचलं भमिउं ॥७६३५॥  
 ताहिं वि सममालावं काऊणं किं पि जाइ निवपासे । तं नमिऊणं तेण वि विसज्जिओ वयइ नियभवणं ॥७६३६॥  
 तयणु वसंतसिरीपभिइयाओ सव्वाओ तस्स भज्जाओ । पुन्नसिरीपमुहाणं नमंति सव्वाण सासूणं ॥७६३७॥  
 नमिउट्टियाउ ताओ कमेण आलिगियाओ सासूहि । आलिगणावसाणे पएसु तासि पुण पडंति ॥७६३८॥  
 लद्धासीसाउ तओ ताओ दिन्नासणेसूवविसंति । जो पुत्तदंसणेणं जाओ देवीण परिओसो ॥७६३९॥  
 सो अणुरुववहूणं दंसणओ बहुगुणो समुप्पन्नो । ते ह्वविम्हियाओ देवीओ जाव चिट्ठंति ॥७६४०॥  
 पासंतीओ अणिमिसदिट्ठीहिं वहुयणस्स वयणाइं । ताविह खणे वहुणं वहुमहेलीहिं आणेउं ॥७६४१॥  
 नाणाविहवत्थाणं आहरणाणं च णंगठाणाइं । पुन्नसिरीए पुरओ मोत्तुं उग्वाडिऊणं च ॥७६४२॥  
 सव्वाइं दंसियाइं एक्केक्कीए वहुए अभिहाणं । अणुकमसो गहिऊणं एयं अमुगीए अमुगीए ॥७६४३॥  
 वत्थाहरणातीयं आणीयं देवि ! सव्वदेवीणं । जोग्गं देवस्स इमं एयं च पहाणपुरिसाणं । ॥७६४४॥  
 तह विन्नत्तं एवं खज्जगसुक्कफलउल्लफलभरिया । चिट्ठंति वहु सगडा समागया दारदेसम्मि ॥७६४५॥  
 अप्पावह थालाइं खिविऊणं तेसु खज्जगतीयं । एत्थ जहा आणिज्जइ देवीए पायमूलम्मि ॥७६४६॥  
 अह तीए कंचुगिणं पेसेउमिमं कहावियं रत्तो । सो वि हु पडिहाराओ अप्पावेऊण थालाइं ॥७६४७॥  
 आगंतुं ओरोहे उवविट्ठो सव्वमप्पणो बिइयं । अप्पावइ देवीणं वत्थालंकारमातीयं ॥७६४८॥  
 जंपइ य निवो देवीणं सम्मुहं जह पुणो वि नियपुत्तं । परिणावह धूयाओ अन्नेसि महानरिदाण ॥७६४९॥  
 जह वत्थाहरणाणं लाहो पुण एत्तिओ हवइ तुम्ह । बेंति तओ देवीओ अम्हं तुम्ह पसाएण ॥७६५०॥  
 वत्थाहरणातीहिं न किं पि खूणं पुरा वि सविसेसो । अज्ज वि अन्नो लाहो देवाओ हवइ णे निच्चं ॥७६५१॥  
 अह राया नाऊणं देवीवयणस्स तस्स भावत्थं । पयडं पि ईसिहसिओ देवीण मुहाइं पासंतो ॥७६५२॥  
 सेसं जं निवजोग्गं पहाणपुरिसाण जोग्गयं जं च । तं रत्ता भंडारे नियए अप्पावियं सव्वं ॥७६५३॥  
 एत्थंतरम्मि खज्जगसुक्कोल्लफलाणभरियथालाइं । तह वंससुंडयाइं कम्मयरेहिं च दासीहिं ॥७६५४॥  
 आणेउं मुक्काइं तत्थ तओ ताहिं वहुमहिलाहिं । रत्तो निवेइयाइं अह दट्ठुं ताइं भणइ निवो ॥७६५५॥  
 कीयं पि होति अन्नं दक्खाखज्जूरखारकातीयं । सज्जोक्कं पक्कन्नं इन्हिं चिय कह इमं जायं ॥७६५६॥  
 ताहिं तओ पडिभणियं हिज्जो दियहावसाणसमयम्मि । एत्तो कोसदुगंते गहिओ कुमरेण आवासो ॥७६५७॥  
 जम्मि खणे तक्काले तत्तो अम्हेहिं पेसिया पुरिसा । इह तेहिं खज्जगावणवणिया भणिया धणं दाउं ॥७६५८॥

ते अकरिसु समगं पक्कन्नमिमं निसाए मज्झम्मि । सेसं तु जहा भणियं तुम्हेहिं तहेव संपन्नं ॥७६५९॥  
 तो जंपइ नरनाहो जह सासूओ न कि पि जंपंति । तह पढमं पि व्हहिं गलगहो तासिमेस कओ ॥७६६०॥  
 तो पुन्नसिरि मोतुं भणंति सेसाओ सब्बदेवीओ । देव ! तए चेव कओ गलगहो अम्ह सुहहेऊ ॥७६६१॥  
 एयाओ व्हओ पुण गलगहं आयरंतु नियपइणो । तो कइअवकयभिउडी भूमिवती भणइ देवीओ ॥७६६२॥  
 एवं जंपंतीओ क्हं न लज्जह तुमे व्हणं पि । देवीओ बेंति तओ कि तुब्भे देव ! कुप्पेह ॥७६६३॥  
 जं देवेगं भणियं लवियं तं चेव एयमम्हेहिं । तो पुन्नसिरी जंपइ कि कुब्बह देव ! परिहासं ॥७६६४॥  
 आइसह जमिह किच्चं तो राया भणइ तुम्ह ढोयणियं । एयं व्हहिं विहियं ता कुणह सयं पि जं रुइयं ॥७६६५॥  
 इय भणितं नीहरिओ राया ततो पयाइ नियठाणं । रत्ना पुरा वि नाउं सुयपरिणयणं बहुवहूण ॥७६६६॥  
 सोलसवरभवणाइं व्हूण हेउं कुमारभवणस्स । नियडाइं कारियाइं बाहिरवासा य तावइया ॥७६६७॥  
 अह पुन्नसिरी देवी तं खज्जगपभिइयं जहा होइ । कायव्वं तह काउं विसज्जे सेसकम्मयरे ॥७६६८॥  
 कइवयदासीसहियं व्हूयणं तत्थ चेव धारेउं । मज्जियभुत्तपसाहियमसेसदेवीजुया काउं ॥७६६९॥  
 वत्थाहरणाईहिं नवेहिं कारेइ पवरसिगारं । नियमाणुसाउ रत्तो जाणावइ एरिसं ततो ॥७६७०॥  
 वत्थालंकारादी पवरं पेसइ निवो व्हूजोगं । सासूवयणेण तओ दिणावसाणम्मि सब्बाओ ॥७६७१॥  
 वच्चंति व्हओ नियनिवासभवणेसु अहिणवकएसु । तासि परिवारो पुण बाहिरवासेसु गंतु ठिओ ॥७६७२॥  
 कुमरो वि नियावासे वित्थरकयमज्जणो ससिगारो । जिणहरवदियदेवो पिउणा सह भोयणं काउं ॥७६७३॥  
 तत्थेव खणं ठाउं तयणुत्ताओ नियम्मि आवासे । गंतुं वीसमइ मुहुत्तगं तु राया वि वीसमिउं ॥७६७४॥  
 खणमेगं सेज्जाए चउत्थजामम्मि गंतुमत्थाणे । उवविसइ तओ नाउं एवं सिरिवम्मकुमरोज्जि ॥७६७५॥  
 सगिहाओ गंतूणं निवइं नमिऊण तस्स दाहिणओ । दिन्नासणे निसीयइ अह आगंतूण पडिहारो ॥७६७६॥  
 विन्नवइ निवं जह देव ! दारि चिट्ठइ महायणं सयलं । मंगलियकरणहेउं समागयं गहिय ढोयणयं ॥७६७७॥  
 परिणेऊण कुमरो सिरिवम्मो आगओ त्ति कारणओ । वद्धावेउं पमयाउलाइं तह संति पत्ताइं ॥७६७८॥  
 अह तं निववयणेणं पवेसए उभयमासु पडिहारो । राया महायणाओ ससंभमं ढोयणं गहिउं ॥७६७९॥  
 तं सम्माणइ आसणतंबोलालावकरणमातीहिं । पेच्छणयं कारेउं तहेव पमयाउलाइं पि ॥७६८०॥  
 तो भणइ नियमणुस्से परिणीयागयकुमारं सिरिवम्मं । अहिमिच्च पभायप्पभिइ ऊसवं कारइस्सामि ॥७६८१॥  
 तो तुब्भेहिं पभाए महायणप्पमुहनयरमहयरया । सामंतमंडलाहिवसाहणवइतंतवाला य ॥७६८२॥  
 सब्बे निमंतिववा कारेउं भोयणं जहा एए । सम्माणिज्जंति जहोच्चिएण वत्थाइदाणेण ॥७६८३॥  
 अह तेहिं निवाएसे पणयसिरेहिं तह त्ति पडिवन्ने । राया अत्थाणजणं विसज्जिउं जाइ नियठाणे ॥७६८४॥  
 अत्थमणगए सूरे नियभवणगए व्हूयणे सब्बे । गंतूण सयं राया नियावरोहस्स साहेइ ॥७६८५॥  
 तं तणयविवाहूसवकारवणारंभमाइसति तह तो । नयरमहिडिडियनारीजणस्स वद्धावणनिमित्तं ॥७६८६॥  
 आयायस्स सयं चिय तुब्भे कारेज्ज पवरसम्माणं । इच्चाइ जंपिऊणं इयरं नियकिच्चमायरइ ॥७६८७॥  
 आरब्धपभायाओ कारेइ महूसवं जहाभणियं । मंगलियाइं गिण्हइ जणो उ सम्माणए तह तं ॥७६८८॥  
 बंदियणकलयलेहिं नडनट्टातीहिं पेच्छणेहिं च । आणदगुंदलेणं गमेइ सत्तट्टुदियहाइ ॥७६८९॥  
 तयणंतरं कुमरो विन्नविऊणं निवं जिणहरेसु । अट्टाहिं दिणेहिं कारइ सब्बेसु वि ऊसवं गरुयं ॥७६९०॥  
 कारेइ य रहजत्तं चारगमुयणं अमारिघोसणयं । असणाइएहिं वत्थाइएहिं सब्बं पि सिरिसंघं ॥७६९१॥

पडिलाभइ सक्कारइ सम्माणइ गद्यभत्तिराएण । एक्कारसदियहाइं गमेइ इय परमतोसेण ॥७६९२॥  
 इय ऊसवम्मि वित्ते बहिगामागरसभागए लोए । सयले विसज्जियम्मि वासारत्तम्मि संपत्ते ॥७६९३॥  
 जिणसासणप्पभावणपरायणो जणयविणयसंपन्नो । रंजंतो सब्वज्जणं गमइ दिणे कुमरसिरिवम्मो ॥७६९४॥  
 जो पयतीण पयाण य निवम्मि नरपुंगवम्मि अणुराओ । सो सिरिवम्मकुमारे दुगुणयरो वट्टए निच्चं ॥७६९५॥  
 नरपुंगवो वि राया सिरिवम्मकुमारगुणगणं दट्ठुं । तं रज्जे ठविऊणं परभवहियमिच्छए काउं ॥७६९६॥  
 नट्टगुणलद्धकित्तीवित्ते कोमुइमहूसवे तत्थ । देसंतरं भमंती समागया नट्टिया एगा ॥७६९७॥  
 लायन्नरुवजोव्वणविन्नाणगुणेहिं लोयमणहरणा । अवसरगयस्स रत्तो सा पडिहारेण विन्नत्ता ॥७६९८॥  
 तयणुन्नाएण पवेसिया य काऊण उच्चियपडिवत्ति । उवविट्ठा निवपुट्ठा साहइ सव्वं नियसरुवं ॥७६९९॥  
 जह कंचीनयरीए वत्थव्वा हं अणंगसेणाए । वरगणियाए धूया नामेणं कामसेण ति ॥७७००॥  
 अहिणवसिक्खियनट्टा लद्धपससा निवाइलोयाओ । तयणुन्नाया तत्तो निग्गतूणं ससमुदाया ॥७७०१॥  
 आउज्जियवेणुवीणावायगसहिया भमामि देसेसु । अप्पुव्वं पासंती नियनट्टगुणं पयासंती ॥७७०२॥  
 तत्तो तुम्ह पसिद्धि सिरिवम्मकुमारगुणपसिद्धि च । सोउं उक्कंठाए समागया हं इह इयाणि ॥७७०३॥  
 विट्ठा य देवपाया दिट्ठं सिरिवम्मकुमारमुहकमलं । आइसह जइ इयाणि तो नट्टविहिं पयसेमि ॥७७०४॥  
 इय तीए विन्नत्ते राया पासइ मुहं कुमारस्स । कुमरो वि मउलियकरो विन्नवइ निवं जहा इण्ह ॥७७०५॥  
 अतिवेला संजाया कल्लदिणे उग्गमंतसूरे वि । एउ इमा संवहिउं जह दीसइ कोउयमिमीए ॥७७०६॥  
 इय कुमरेणं भणिए विसज्जिया नट्टिया नरिदेण । पगया नियम्मि ठाणे समागया पुण पभायाम्म ॥७७०७॥  
 नियसमुदाएण समं संवहिऊणं निवो वि अत्थाणे । कुमरेण सह निसत्तो नट्ट विहिण्णुहिं य नरेहि ॥७७०८॥  
 रायाएसेण तओ कुंकुमचंदणरसेहिं सित्तम्मि । रंगम्मि कामसेणा पविसइ कयचारुसिगारा ॥७७०९॥  
 कच्छियचरणगपयडियअणंगभवणंतऊरुखंभज्या । अइसच्छकंचुयंतरदीसंतपओहराभोया ॥७७१०॥  
 संचरणरणिरमणिनेउरेहिं चरणेहिं सावहाणमणं । नीसेसं पि कुणंती रायसहासन्निविट्टजणं ॥७७११॥  
 आउज्जे वज्जंते वंसे उब्भिज्जमाणकलसदे । महुररवगायणेहिं गिज्जंते गहियतालम्मि ॥७७१२॥  
 कन्नसिरतयणभुमयागीवाकरचरणचारुसंचारं । तह महिचारीकरणंगहारवलणेहिं मणहरणं ॥७७१३॥  
 सत्थोवइट्टुविहिणा तंतीसरतालगीयरवमीसं । विम्ह्यमुप्पायंती पणच्चिया कामसेणा सा ॥७७१४॥  
 तत्थ य रायसहाए एगो देसंतरागओ वंठो । नरपुंवनिवसेवं पडिवन्नो चिट्टइ निविट्ठो ॥७७१५॥  
 सो य तरुणो सुरूवो चाई कुसलो कलासु सयलासु । उच्चियन्नू सविसेसं वियाणओ गेयनट्टेसु ॥७७१६॥  
 तेण पणच्चंतीए तीसे नियअंगओ नवोज्झगओ । उत्तारिऊण दिन्नो गहिओ तीए करजुएण ॥७७१७॥  
 आरोविऊण सीसे महापसाओ ति जंपमाणीए । तं दट्टूण नरिदो रुट्टो वंठम्मि इय हेउं ॥७७१८॥  
 जह किर पणच्चमाणी पुरओ अम्हाण चिट्टए एसा । पडिपुन्नं नट्टुविहिं न दंसए ताव अज्ज वि य ॥७७१९॥  
 अम्हे वि पयच्छामो न चायमज्ज वि इमीए तो कम्हा । पढमं पि एस वंठो होऊणं देइ नियचायं ॥७७२०॥  
 सिरिवम्मो उण पुट्टो वंठे कुवियं निवं निएऊण । नियकंठाओ उत्तारिऊण वंठस्स कंठम्मि ॥७७२१॥  
 निक्खवइ कणयदोरं तदंसणओ निवो सिद्धिलकोवो । वंठम्मि झत्ति जाओ सविम्हओ कुमरचरियम्मि ॥७७२२॥  
 नट्टपरिसमंती ( मत्ती? ) ए नट्टुविऊ पुच्छए निवो पुरिसे । साहह नट्टुसरुवं जं इण्हं नच्चियमिमीए ॥७७२३॥  
 ते दोसगुणा नट्टुस्स सविवरं अक्खिऊण नरवइणो । साहेति जहेयं चारु नच्चियं सव्वमेईए ॥७७२४॥  
 अह नियसमुदायसमन्निया वि सम्माणिया निवेणेसा । वत्थालंकारेहिं विउलेण य अत्थदाणेण ॥७७२५॥



सो नरवइणो चाओ अरुट्टुपुट्टाए कामसेणाए । गहिओ तओ नरिदो एगते पुच्छइ कुमारं ॥७७२६॥  
 जइ नट्टियाए चाओ दिन्नो वंठेण असमए वि तओ । कीस कुमार ! पसाओ तए कओ तखणे तस्स ? ॥७७२७॥  
 आह तओ सिरिवम्मो तस्स पसाओ मए तयणुरुवो । न कओ तुम्ह भएण संभावणमेत्तमेव कयं ॥७७२८॥  
 जह सेसजणो जाणइ न कओ वंठेण अणुचिओ चाओ । अन्तह कह सिरिवम्मो करेइ एयस्स सम्माणं ? ॥७७२९॥  
 राया जंपइ कह पुण नाणचियं तस्स मन्नसे चायं । तो विन्नवइ कुमारो कयावहाणो सुणउ देवो ॥७७३०॥  
 नच्चंतीए दाहिणपओहरे कामसेणगणियाए । उह पाणिरुहए दीसंते कंचुयंतरिए ॥७७३१॥  
 आगम्म समल्लीणा दूमंती मच्छिया पयमुहेहि । गोफुरणं काऊणं सिग्घं उट्टाविया तीए ॥७७३२॥  
 पारद्वनट्टुट्टाणगवाधाओ रक्खिओ तथा होंते । एयं गुरुविन्नाणं सच्चवियं तीए दट्टुणं ॥७७३३॥  
 परितुट्टुणं वंठेण रहसवसओ नियंगओ ज्झगओ । उत्तारिऊण दिन्नो तीसे सेसट्टुविरहम्मि ॥७७३४॥  
 एयं तस्साणुचियं न मन्नियव्वं तु उच्चियमेवेयं । जं रहसवसे दाणं घाओ रोसम्मि विप्फुरिए ॥७७३५॥  
 देवस्स वि परिसाए अन्नाणदोसो हमेण अवणीओ । सच्चवियठाणं तोसं जाणावतेण वंठेण ॥७७३६॥  
 जे नट्टुविऊ पुरिसा देवेणिह दंसणत्थमाणीया । पुट्टेहि वि न य तेहि सिट्ठं गोफुरणविन्नाणं ॥७७३७॥  
 सामन्नेणं दोसा गुणा य नट्टुस्स साहिया तुम्ह । एईए नच्चियस्स उ निट्टोसत्तं च अक्खायं ॥७७३८॥  
 सहिययहिययचमक्कारकारओ जो गुणो पुण इमीए । सो कह वि न सक्को तेहि जाणिउं पयडदिट्टो वि ॥७७३९॥  
 ता निउणमती एसो गुणाणुरागी य चायसीलो य । तो अरिहइ देवाओ सम्माणपयं इमो गरुयं ॥७७४०॥  
 इय सिरिवम्मकुमारस्स जपियं निसुणिऊण नरनाहो । उव्वहमाणो हिययम्मि विम्हयं चितए एवं ॥७७४१॥  
 जइ इह समए कुमरो सिरिवम्मो कहवि नागओ होंते । वासवदत्तातीणं निवईणं मंडलेहितो ॥७७४२॥  
 तो अविदेएण अहं गरुयमकज्जं कुणंतओ इण्ह । पुव्वज्जियं असेसं पि नियजसं लहु फुसंतो य ॥७७४३॥  
 निक्कारणकावेणं वंठं सगुणं पि निग्गहिउमेयं । वित्थारंतो सयलम्मि मंडले नियमकित्तं च ॥७७४४॥  
 ता एयम्मि समत्थे गुणनिए नंदणम्मि चिट्ठंते । एयावेक्खाए निग्गुणस्स वड्डुस्स मह इण्हं ॥७७४५॥  
 न खणं वि खमं काउं रज्जं ससिणो उ ताव पहपसरो । जाव न उएइ सूरौ तम्मि ठिए सो न कि पि भवे ॥७७४६॥  
 इय चित्तिऊण पुच्छइ पुणो वि राया कुमारसिरिवम्मं । दिन्नो वंठेण नियंगलगगज्जगओ वि एईए ॥७७४७॥  
 गहिओ जंपतीए महापसाओ त्ति सिरठियकराए । जं पुण मए विइन्नं वत्थाहरणाइ बहु तीसे ॥७७४८॥  
 तमणायरेण गहियं तीए दूरे पसायभणणं तु । कहसु कुमार ! निमित्तं किमिह महासंसओ मज्झ ॥७७४९॥  
 अह विन्नवइ कुमारो देव ! इमं नज्जए पयडमेव । सगुणो जणो गुणन्नत्तणेण तूसइ परस्स परं ॥७७५०॥  
 थेवं बहुं व दिन्नं अवेक्खाए नेय तेण वंठस्स । गुणजाणगत्तणेणं तुट्टाए तीए तं विहियं ॥७७५१॥  
 नियविहवावेक्खाए चाओ वि बहुं विसज्जिओ तेण । परिहाणप्पावरणोइरित्तसव्वस्स दाणेण ॥७७५२॥  
 देवेण पुणो तीसे विन्नाणगुणं अजाणित्तं चाओ । दिन्नो सो वि न विउलो नियविहवस्साणुसारेण ॥७७५३॥  
 तो एवं मुणिऊणं देवेण न रुसियव्वमेएसि । दोण्हं पि नट्टियाए वंठस्स य दोसरहियत्ता ॥७७५४॥  
 एवं कुमारवयणं सज्जित्तियं निसुणिऊण नरनाहो । गयसंसओ स सुट्टो कुमारमेव तओ भणइ ॥७७५५॥  
 देह पुण नट्टियाए पसायमिण्ह पि समहियं अन्नं । वेइ कुमारो इण्हं पि तुम्ह दाउं पुणोऽणुचियं ॥७७५६॥  
 अहमेव नियावासे नेऊणं संपयं पि एतीए । देवकयपसायसमं कंचि वि चायं पयच्छिस्सं ॥७७५७॥

गामाइ जीवलोओ करणिज्जो को वि देव ! वंठस्स । इण्हि मज्झन्हे वा तो राया भणइ सिरिवम्मं ॥७७५८॥  
 तुब्भेहिं समं किचि वि मज्झणहे ह (अत्थि?) मज्झ वत्तव्वं । तम्मि कए वत्तव्वे वित्तं वंठस्स कारिस्सं ॥७७५९॥  
 इय भणिऊणं राया अत्थाणजणं विसज्जए सव्वं । कुमरो वि निवाणुमओ नियआवासम्मि गंतूणं ॥७७६०॥  
 कयइच्छियसम्माणं विसज्जए कामसेणवरगणियं । भोयणकरणाणन्तरमेगंते कुमरसिरिवम्मो ॥७७६१॥  
 रत्ता भणिओ एवं आसि मए भणियमत्थि वत्तव्वं । किचि तए सह तं पुण एयं निहुओ निसामेहि ॥७७६२॥  
 गणियागुणतुट्ठेणं वंठेणं तीए सज्जगओ दिन्नो । वंठगुणरजिएणं तस्स तए पुण कणयदोरो ॥७७६३॥  
 तुज्झ वि गुणेण तुट्ठो अहं अओ देमि तुज्झ नियरज्जं । आह निवं अह कुमरो तुब्भे दाऊण मह रज्जं ॥७७६४॥  
 किं अप्पणा करिस्सह ? भणइ निवो दिक्खिओ भविस्सामि । जम्मंतरे वि कम्मि वि ह्योमि जहा दुक्खिओ न अहं  
 तो बेइ निवं कुमरो जइ भवनिव्वेयओ वयगहणं । तुब्भे करेह तो हं वाघायं तुम्ह न करेमि ॥७७६६॥  
 जाणंतो वि सरूवं भवस्स सव्वं पि सव्वदुहजणयं । इह अट्टे पडिकूलं जं किं पि अहं पयंपेमि ॥७७६७॥  
 सो होइ मह न विणओ न विवेओ नेय हियगरत्तं पि । तम्हा तुम्हाएसो पडिवन्नो च्चिय मए एसो ॥७७६८॥  
 कित्तु परं जम्मि दिणे तुम्हे गिन्हह वयं तथा मज्झ । एगदिणेणं पुवं रज्जभरो अप्पियव्वो त्ति ॥७७६९॥  
 तो बेइ निवो तुह इण्हिमेव ईहेमि अप्पिउं रज्जं । वयगहणं पुण सूरिम्मि आगए कम्मि वि करिस्सं ॥७७७०॥  
 तो जंपइ सिरिवम्मो देव ! इमं नेय संगयं होत्ति । देवस्स वि आएसं पडिवज्जिस्सामि नो एयं ॥७७७१॥  
 नाऊण कुमरनिच्छयमेयं पडिवज्जए तह च्चेव । तं तव्वयणं राया तत्तो उवविसइ अत्थाणे ॥७७७२॥  
 वंठस्स वरग्गामं देइ पसाएण पवरतुरयं च । वत्थाहरणाणि य आयवत्तसहियाणि नरनाहो ॥७७७३॥  
 केसु वि दियहेसु गएसु तत्थ चउनाणसंजुओ सूरी । आपणदणाभिहाणो समोसडो पुव्वउज्जाणे ॥७७७४॥  
 तं नाऊण नरिदो पओससमए पमोयपडहच्छो । हक्कारिऊण कुमरं नीसेसं रायलोयं च ॥७७७५॥  
 सूरीण समागमणं वयगहणम्मि य नियं अभिप्पायं । तेसि पुरओ कहिउं समणुत्ताओ तओ तेहिं ॥७७७६॥  
 अतिगरुयविभूईए पढमे पहरे निसाए सिरिवम्मं । अहिंसिच्चइ नियरज्जे पयइपयाणं पमोएण ॥७७७७॥  
 रायाइसव्वलोएण पणमिओ सो महानिवो जाओ । तं नरपुंगवराया अणुजाणावइ वयनिमित्तं ॥७७७८॥  
 सिरिवम्ममहाराओ तह त्ति पडिवज्जिऊण पिउवयणं । आइसत्ति तक्खणे च्चिय सिबियानिम्मावणम्मि नरे  
 के वि पभाए जिणवरपूयाचारगविमोयणाईसु । नयरी महसवारं भणत्थमवरेनिरूवेइ ॥७७८०॥  
 तत्तो विसज्जिऊणं सेसजणं निदमणुहवेऊण । निसिविरमे उट्टेउं रुप्पसुवन्नाइकलसेहिं ॥७७८१॥  
 गरुयथरविभूतीए मज्जावेऊण सजणयं तत्तो । दिव्वेहिं दूसेहिं आभरणेहिं महरिहेहिं ॥७७८२॥  
 हारद्धहारकेऊरकडयमणिमउडकुंडलातीहि । कारेउं सिगारं आरूढं पवरसिबियाए ॥७७८३॥  
 धरियधवलायवत्तं ढलंतससिविमलचामरुप्पीलं । पुरओ पढंतंबदियणवंदउट्टामकयसइं ॥७७८४॥  
 अप्फालियबहुतूरं चउरंगबलेण विहियपरिवेढं । अच्चिज्जंतं नयरीनरतारीनयणनलिणेहिं ॥७७८५॥  
 सम्माणियसुहिसयणं दीणाणाहाइयाण दिन्नघणं । मग्गठियजिणहराणं पणमंतं सिरनिहित्तकरं ॥७७८६॥  
 विरइय वरसिगारो आरूढो करिवरम्मि मत्तम्मि । अणुगच्छंतो राया सिरिवम्मो जाति उज्जाणे ॥७७८७॥  
 दट्ठूण तओ पुरओ सिलायले फासुयम्मि उवविट्ठं । आपणदणं मुणिदं बहुसमणसमूहपरियरियं ॥७७८८॥  
 पुन्निमनिसामयंकं व नहयले तारयाण मज्झगयं । ओयरिऊणं जाणाओ वाहणाओ य पित्तिपुत्ता ॥७७८९॥

दोन्नि वि तिउणपयाहिणपुव्वं नमिऊण सविणयं पुरओ। उड्ढा हवति मजलियकरकमला विन्नवेइ तओ।।७७९०।।  
 नरपुंगवो नरिदो भयवं ! भीयं भवाउ मं रक्ख । नियदिक्खा दाणेणं तुह सरणगओ अहं इन्हि ।।७७९१।।  
 आह गुरू नरपुंगव ! जुत्तमिणं तुज्ज न उण पडिबंधो। अहमवि नियनाणेणं नाउं तुह दिक्खविहिसमयं।।७७९२।।  
 इह संपत्तो इन्हि अह तस्स उवट्टियस्स विहिपुव्वं । नरपुंगवस्स दिक्खं देइ मुणियो दयाजलही ।।७७९३।।  
 सिक्खवइ य जइ किरियं इरियाभासाइयं समगं पि । सिरिवम्मनरिदाइसु तो जहठाणं निविट्ठेसु ।।७७९४।।  
 नवजलहरनिग्घोसो आणंदणमुणिवरो कइइ धम्मं । भो भो एगग्गमणा होउं भव्वा ! निसामेह ।।७७९५।।  
 एत्थ अणाइम्मि भवे चउगइगहणम्मि संसरंताण । जीवाणं नत्थि सुहं सुहाहिमाणं तु मत्तिमोहो ।।७७९६।।  
 जं नरयतिरियनरसुरभेया चउरो गतीओ संसारे । तत्थ नरयम्मि दुक्खं ताव पसिद्धं चिय जणम्मि ।।७७९७।।  
 जणसुइपरंपराए गुरुमुहिनिसुयाओ आगमाओ वा । कस्स वि य विसंवाओ न विज्जए नारयदुहम्मि ।।७७९८।।  
 जम्हा गुरुदुहपडियं जीवं दट्ठूण इह जणो भणइ । एस वराओ दुक्खं नरयस्स व अणुहवइ तिव्वं ।।७७९९।।  
 तिरियदुहं सक्खं चिय सीयायव-खुहपिवासरोयभवं । पट्ठीए खंधेण य गुरुभाइव्वहणजणियं च ।।७८००।।  
 गलबंधवयणकवियाइखिवणगलपुच्छकन्नकप्पणयं । दहणंकणकुसकसाकंधाआराइघायकयं ।।७८०१।।  
 मणुयत्तणे वि पच्चक्खमेव दुक्खं सुतिक्खमिह सव्वं । दालिदुदुब्भगतणदासत्तणरोगसोभवं ।।७८०२।।  
 ध्रणिणं पि लोभवसओ बहुविभवज्जणकिलेससंभूयं । दिन्नम्मि अलब्भंते दव्वे रिणिएहि सह होति ।।७८०३।।  
 कलहो घोरो संतावकारओ जीवियंतजणओ य । चोराइविलुत्तधणे वणिउत्तविणासिए दव्वे ।।७८०४।।  
 वणिजम्मि जायछेए आएण विणा वयम्मि जायंते । समविहवजणविरोहे रत्ता विहिएऽवमाणम्मि ।।७८०५।।  
 कम्मि वि गरुए दोसे खलेहि उब्भाविए असंभूए । पारद्वकज्जविग्घे इट्ठुविओयम्मि संपत्ते ।।७८०६।।  
 आणाएऽवट्ठते दुपरियणे दुम्मुहे कलत्ते य । भाउम्मि सोयरे दव्वफेइए वंचणे मित्ते ।।७८०७।।  
 दुलहे दइए महिलायणम्मि लद्धे वि अणणुरत्तम्मि । अणुरत्तम्मि वि जह तह पुणो रूसमाणम्मि ।।७८०८।।  
 परपुरिसकयणुराए परपरिभुत्ते गए परेण समं । अहवा केणइ निवबल्लहाइणा हट्ठपरिग्गहिए ।।७८०९।।  
 पुत्ते अजायमाणे जाए वि अणेगणत्थसंजणए । धूयावहूयणाइसु दुस्सीलयमायरंतेसु ।।७८१०।।  
 इच्चाइकारणेहि तेसि जं होइ माणसं दुक्खं । तं जाणइ सब्बसू वोत्तुं पुण सो वि न समत्थो ।।७८११।।  
 सारीरं पुण दुक्खं पढमं चिय ताव गब्भमज्जम्मि । निरओवमे दुग्धे मुत्तपुरीसाणुलित्तम्मि ।।७८१२।।  
 परमतमसंधयारे मंसवसारुहिरनिवहभरियम्मि । निवसंतस्स अहोमुहसंकोइयअंगुवंगस्स ।।७८१३।।  
 भणियं च—सूतीहि अग्गिबन्नाहि संभिन्नस्स निरंतरं । जावइयं जायए दुक्खं गब्भे अट्ठगुणं तओ ।।७८१४।।  
 जम्मसमए वि दुक्खं जोणीजंताउ निप्पिडंतस्स । गब्भाओ अणेगगुणं संजायइ आरसंतस्स ।।७८१५।।  
 भणियं च—जायमाणस्स जं दुक्खं मरमाणस्स जंतुणो । तेण दुक्खेण संतत्तो न सरइ जाइमप्पणो ।।७८१६।।  
 जायस्स वि जंपिउमक्खमस्स आहारमहिलसंतस्स । रोयंतस्स दुहं चिय देहम्मि वि दूमियंतस्स ।।७८१७।।  
 रिखणखमस्स किचि वि अनाणओ जलियजलणमातीसु । हत्थाइपक्खवंतस्स होइ दाहाइ गुरुदुक्खं ।।७८१८।।  
 चंक्रमणखमस्स उ उच्चनीयठाणेसु चडणपडणेहि । करचरणभंगसिरफुडणमातियं होति दुहमसमं ।।७८१९।।  
 जर-खास-सिंभसीसच्छि-कन्न-पोट्टाइसूलवियणाहि । अतिसार अरिसकंडूपित्तानिलखोभमातीहि ।।७८२०।।  
 वुड्ढत्तणेण कमसो रुवविलासं समग्गअंगाण । सामत्थमिदियाण य सोयाईणं हरंतेण ।।७८२१।।  
 नीसामूससवसे सचेट्टियं कायमायरंतेण । जं उप्पज्जइ दुक्खं नराण तं सब्बपच्चक्खं ।।७८२२।।

देवभवम्मि वि हीणे उप्पन्नाणं महादुहं होइ । परआणाकरणेण परिड्ढिदंसणअसहणेण ॥७८२३॥  
 जे वि महिड्ढियदेवा ते वि हु नाऊण अप्पणो चवणं । वत्थोवरागलोयणनिमेसमातीहि आसन्नं ॥७८२४॥  
 उवभुज्जमाणअवभुयदेविड्ढिविओगमन्नजम्मे उ । सुणियाए रासहीए अहवा डुबीए गब्भम्मि ॥७८२५॥  
 उप्पत्ति जाणंतस्स का वि सा जायए महाअरती । हिययम्मि जं वियाणइ सव्वन्नू चेव न हु अत्तो ॥७८२६॥  
 चउसु वि गतीसु एवं सुहस्स लेसो वि नत्थि संसारे । अन्नाणजणियमभिमाणमेव मोत्तूण केवलयं ॥७८२७॥  
 इच्चाइअणंतरकहियसयलभवदुहविवज्जिओ मोक्खो । सो होइ कम्मखयओ कम्मखओ उण चरित्ताओ ॥७८२८॥  
 चारित्तं मणुयत्ते तं दिट्ठंतैहि चुल्लगाईहि । दसहिं कहियं जिणेहि दुलहं रयणं व जलहिगयं ॥७८२९॥  
 मिच्छत्तहयविवेया जम्हा जीवा निबद्धघणकम्मा । कालमणंतं पि भवे पुणरावत्तं परिभमंता ॥७८३०॥  
 तं कि पि न कम्मं अज्जिणंति पावंति जेण मणुयत्तं । एएण कारणेणं एयं अइदुल्लहं होति ॥७८३१॥  
 तम्मि वि लद्धे आरियखेत्तं जाती कुलं बलं ह्वं । आरोग्गमाउ-बुद्धी-समणोग्गह-सवणसद्दहणं ॥७८३२॥  
 एक्केक्कमुत्तरोत्तरभेयं अतिदुल्लहं नरत्तं व । लद्धूण तं पि सव्वं केइ वि जीवा पमायपरा ॥७८३३॥  
 कामत्थमूढहियया मुहाए हारंति अह तओ भट्टा । पुणरवि अणंतकालं निरयाइदुहं अणुहवंति ॥७८३४॥  
 ता भो कहांचि लद्धं एयं मणुयत्तपाइसामग्गि । मा नेह मुहा भुज्जो पुव्वं व अणंतवाराओ ॥७८३५॥  
 जिणभणियचरित्तराहणेण तं कुणह सफलयं इण्ह । सिग्घं पि जहा मुच्चह दुस्सह भवदुह-पवंचाओ ॥७८३६॥  
 इय सूरिणा पभणिए सवित्थरे जइगिहत्थभेएण । दुविहम्मि वि परिकहिए धम्मं रायाणुगयलोओ ॥७८३७॥  
 नयरनिवासी य जणो पडिबुद्धो को वि गिण्हए दिक्खं । को वि हु गिहत्थधम्मं पडिवज्जइ को वि सम्मत्तं ॥७८३८॥  
 अह सिरिवम्मो राया पुच्छइ सूरि कयावि मम भयवं ! । संपज्जिस्सइ दिक्खा आह गुरु पच्छिमवयम्मि ॥७८३९॥  
 भणइ निवो मह वंछा इण्हि पि हु अत्थि दिक्खगहणम्मि । कित्तु परं रज्जखमो न सहाओ अत्थि मे को वि ॥७८४०॥  
 आह गुरु एत्तो च्चिय कालविलंबो माए तुहज्जखाओ । जमियरदेवीण सुया होहिंति अजोग्गया रज्जे ॥७८४१॥  
 जो य वसंतसिरीए पढमो पुत्तो भवेस्सए जोग्गो । होऊण सो वि पोंढो लोयंतरपट्टिओ होही ॥७८४२॥  
 तयणु वसंतसिरीए पुणो भविस्सइ दुइज्जओ पुत्तो । नामेण कित्तिवम्मो तं नयरज्जे तुम ठविउं ॥७८४३॥  
 पडिवज्जसि पव्वज्जं तो पुच्छइ मुणिवरं तओ राया । आराहगो भविस्सं गहियवओ हं न वा अंते? ॥७८४४॥  
 दिण्णुवओगो नाणे सविसेसं भासए तओ सूरी । तित्थयरनामगोयं बंधेउं तुममिह भवम्मि ॥७८४५॥  
 आउक्खयम्मि पाणयकप्पे विमलप्पभे विमाणम्मि । उप्पज्जिहसि महिंइदियदेवो देविदसमविहवो ॥७८४६॥  
 वीसअयरोवमाऊ तत्तो आउक्खएण चविऊण । इह भारहम्मि वासे होहिंसि वीसइमतित्थयरो ॥७८४७॥  
 मुणिमुद्वउ त्ति नामं एवं सोऊण परमहरिसेण । पूरिज्जमाणहियओ जाओ सिरिवम्मनरत्ताहो ॥७८४८॥  
 सिरनिहियमउलियकरो सपणामं पभणए मुणिप्पवरं । तं नत्थि कि पि सेयं तुम्ह पसाएण होइ न ज ॥७८४९॥  
 पुव्वं पि आसिं सिरिवम्मपत्थिवे तग्गुणाणुराएण बहुमाणो सव्वस्स वि मुणिवर वयणेण पुण मुणिउं ॥७८५०॥  
 पुरओ तित्थयरत्तं तस्स भविस्सं तओ विसेसेण । समणणाण वि बहुमाणठाणमसमं इमो जाओ ॥७८५१॥  
 अह सिरिवम्मो राया सूरिं नमिऊण सपरिवारं पि । वच्चइ नियम्मि ठाणे गंतुं वंदइ पुण पभाए ॥७८५२॥  
 सूरी वि कइवि दियहे नमिज्जमाणो निवाइलोएण । ठाऊण तत्थ विहरइ अन्नत्थ तओ सपरिवारो ॥७८५३॥  
 सिरिवम्मस्स य रत्तो पच्चंतनिवेहिं मंडलीएहि । सामंताइहिं एय मंगलीयकरणत्थमाणेउं ॥७८५४॥  
 रहकरितुरयातीयं वत्थाहरणाइ विउलमुवणीयं । तेण वि ते जहजोग्गं विसज्जिया विहियसम्माणा ॥७८५५॥

तेण नयविक्रमेहिं पसाहियं सुविउलं महीवलयं । उट्टाविया य ठविया तत्थ अणेगे महीवइणो ॥७८५६॥  
 देतेहिं नरिदेहिं धूयाओ तस्स परिणयणहेउं । जायाइं पंचमहिलासयाइं सुररमणिसरिसाइं ॥७८५७॥  
 गामे वा नगरे वा पुराणचेइयहराइं सयलाइं । तेणुद्धरियाइं कारियाइं तह अहिणवाइं च ॥७८५८॥  
 रहजत्ताओ अट्टाहियाओ कारेइ सयलदेसम्मि । साहम्मियवच्छल्लं कुणइ मुणीणं च विणयाइं ॥७८५९॥  
 आणंदणो वि सूरी नरपुंगवसाहुणा समं तत्थ । आगच्छइ बहुवारं<sup>१</sup> रायाइजणोवयारकए ॥७८६०॥  
 सिरिवम्मनिवइकित्ती सयलजए सखकुंददलधवला । दियहे दियहे पसरइ सियपखमयंकजुण्ह व्व ॥७८६१॥  
 एवं पुरिसत्थतियं निसेवमाणस्स तस्स बहुकाले । वच्चंते जह भणियं मुणिणा तह चेव संजायं ॥७८६२॥  
 पुत्तविसयम्मि सव्वं अह जाए कित्तिवम्मकुमारम्मि । गहियकले रज्जखमे सो चिट्ठइ दिक्खगहणमणो ॥७८६३॥  
 नरपुंगवो उ साहू नियगुरुणा सह बहिं विहरमाणो । पालियनिम्मलसीलो गओ समाहीए सुरलोयं ॥७८६४॥  
 आणंदणो वि सूरी ठविउं नंदणमुणिं नियपयम्मि । पडिवन्नउत्तिमट्ठो अंतगडो केवली सिद्धो ॥७८६५॥  
 अह नंदणे मुणिदो बहुसीससमन्नो विहरमाणो । चंदउरीए पत्तो पुव्वुज्जाणे समोसरिओ ॥७८६६॥  
 नाऊण तं समागयमाणंदसुनिवभरो तओ राया । रज्जम्मि अत्तणो कित्तिवम्ममभिसिचिउं तणयं ॥७८६७॥  
 जह नरपुंगवराया महाविभूतीए गंतुमुज्जाणे । सिरिवम्मनिवो दिक्खं गिण्हइ नंदणगुरुसमीवे ॥७८६८॥  
 अन्ने वि तयणुराएण मंतिणो मंडलि(ली)य सामंता । आसन्नसेवयाती गिण्हंति वयं समं तेण ॥७८६९॥  
 सव्वो वि रायलोओ चंदउरिनिवासिनायरजणो य । सिरिवम्मणे विमुक्को मन्नइ सुन्नं व अप्पाणं ॥७८७०॥  
 सेसे वि सयलदेसे गामागरनगरपट्टणमडंबे । जेण सुयं तस्स वयं तेण परुल्लं गह्यसइं ॥७८७१॥  
 मन्नतेण अणाहं अप्पाणं कतिवयाइं दियहाइं । भत्तं पि न भुत्तं आयरेण गुरुखेयभरिएण ॥७८७२॥  
 देवी वि वसंतसिरी कइवयदेवीहिं अणुगयाहिं समं । गिण्हइ वयं समीवे पवित्तिणीए विणीयाए ॥७८७३॥  
 गह्किण्ण दुविहसिक्खं सो अहिणवसाहुसाहुणीवग्गो । नियगुरुगुरुणीपासे जहोचियं आगमं पढइ ॥७८७४॥  
 सिरिकित्तवम्मराया सयं तहा सेसजणुवरोहेण । विन्नविऊणं सूरिं धारइ तत्थेव मासदुगं ॥७८७५॥  
 राया जणणीहिं समं सपरियणेणं च नायरजणेण । गंतूणं उज्जाणे नमिउं सूरिं सपरिवारं ॥७८७६॥  
 सिरिवम्मरायरिसिणो एगंते आगमं पढंतस्स । गंतूण सन्निहाणे निच्चं उवविसइ भत्तीए ॥७८७७॥  
 सिरिवम्मो पुण साहू पढमं चिय ताण पणिवयंताण । दाऊण धम्मलाभं एगम्मणो पुणो पढइ ॥७८७८॥  
 दूरे आलावकहा दिट्ठिक्खेवं पि तेसु न करेइ । सो निम्ममो महप्पा एगंतेणं भवविरत्तो ॥७८७९॥  
 अह मासदुगे वत्ते सिरिवम्ममुणिं तओ समं गुरुणा । बाहिं विहरिउकामं रायाइजणो समग्गो वि ॥७८८०॥  
 अणुगच्छिऊण दूरे पुण पच्चागमणहेउविन्नत्ति । काऊण पडिनियत्तो मुयमाणो बाहजलपवहे ॥७८८१॥  
 सिरिवम्मो वि महप्पा महामुणी खंतिविणयसंपन्नो । गुरुणा सह विहरन्तो पडिउं एक्कारसंगाइं ॥७८८२॥  
 चित्तेइ पच्छिमवए मए गिहीयं वयं तओ इण्ह । जावज्ज वि मम सत्ती का वि सरीरे परिप्फुरइ ॥७८८३॥  
 ताव तवोकम्मम्मिवेयावच्चे य उज्जमेमि अह । इय चित्तिऊण सूरी तेण तयट्ठम्मि विन्नत्तो ॥७८८४॥  
 सो वि सुए उवउत्तो नाऊणं तस्स थेवमेवाउं । तं भणइ जहा जुत्तं तुह संपइ एरिसं काउं ॥७८८५॥  
 जम्हा थेवं आउं सिरिवम्मो पुच्छए कतिपमाणं ? । सूरी साहइ संवच्छराइं पंचेव तो तस्स ॥७८८६॥  
 अह सिरिवम्मो साहू विन्नवइ गुहं कयंजली सीसे । भयवं महापसायं काऊण अभिगगहं मज्ज ॥७८८७॥  
 देह इमं जाजीवं जहन्नमवि अट्टमं तवोकम्मं । काउं पारेयव्वं मए सया अबिलेणेव ॥७८८८॥

दसमदुवालसमाती तवोविहाणम्मि मम पुण जहिच्छा । बालगिलाणादीणं वेयावच्चं च कायव्वं ॥७८८९॥  
 आह गुरू नियडागयपाउसकालं इमं तुमं गंतुं । चंदउरीए पुरीए काउं कइवयमुणिसहायओ ॥७८९०॥  
 तो ततो आगतुं निव्विग्धं नियसमीहियं कुणह । जं कित्तिवम्मपभित्तीहिं पत्थणा अत्थि ते विहिया ॥७८९१॥  
 अन्नह पुण अविहियदंसणस्स तुह परभवम्मि पत्थाणं । नाऊण ताण खेओ मणम्मि भावी अइमहंतो ॥७८९२॥  
 इय गुरुवयणं सोउं सिरिवम्ममुणी विचित्तए एवं । किं सयणेहिं मम कम्मनिज्जराहाणिजणएहिं ॥७८९३॥  
 किंतु मए गुरुवयणं न लंघणिज्जं तत्थ गंतव्वं । इय चित्तिऊण गुरुणो वयणं तं तह अणुट्ठेइ ॥७८९४॥  
 गंतुं चंदउरीए ठाउं चउमासगं निवाईण । उप्पाइऊण परमं संतोसं ते अणुन्नविउं ॥७८९५॥  
 दाउं मिच्छा दुक्कडमागतूणं पुणो गुरुसमीवे । गहिऊण पुव्वभणियं अभिग्गहं पालिउं सम्मं ॥७८९६॥  
 अरहंताई वच्छल्लयाइ ठाणाइं सेविऊण तओ । तित्थयरनामगोयं बंधेउं विहियसंलेहो ॥७८९७॥  
 आलोयणं च दाउं महव्वयाइं च उच्चरावेउं । काऊण खमियखामियमणुनाओ तो नियगुरूहिं ॥७८९८॥  
 पडिवज्जिउं अणसणं सिलायले फासुए गिरितडम्मि । सिरिनिलयनयरनियडे पाओवगमेण ठाऊण ॥७८९९॥  
 संचिट्ठइ दो मासे सुहझाणपरायणो पइखणं पि । सव्वाउयम्मि खीणे समाहिणा पाणए कप्पे ॥७९००॥  
 सिरिवम्मकुमारदेवभवो—

विमलप्पहे विमाणे जोयणलक्खाइं तं अणेगाइं । विक्खंभायामेणं चउरस्सं सव्वरयणमयं ॥७९०१॥  
 आगासपइट्टाणं दगरयकुंदिदुधवलमेयस्स । पुढवीए बाहल्लं तेवीसं जोयणसयाइं ॥७९०२॥  
 पायारेणं कणयामएण तं सव्वओ वि परिखित्तं । सो पायारो उच्चत्तणम्मि जोयणसया तित्ति ॥७९०३॥  
 पायारस्स य मूले विक्खंभो तस्स जोयणाण सयं । मज्जे पन्नासं जोयणाइं उप्पि तु पणुवीसं ॥७९०४॥  
 कविसीसगाइं तत्थ य नाणामणिमयदसद्धवन्नाइं । जोयणमायामेणं विक्खंभेणं तु तस्सद्धं ॥७९०५॥  
 उड्डं उच्चत्ते पुण देसूणं जोयणं हवइ तेसि । तस्स विमाणस्स पुणो बाहाए एगमेगाए ॥७९०६॥  
 मणिकणगनिम्मियाइं सहस्ससंखाइं होंति दाराइं । पंचसयायामाहं विक्खंभेणं तयद्धाइं ॥७९०७॥  
 तावइयं च पवेसे ते मणिमयधूभियाणगा दारा । ईहामियउसभतुरंगमगरवालगविहंगाणं ॥७९०८॥  
 किन्नरतररूह-कुंजर-वणलयपउमलयसरभचमराणं । भत्तीहिं बहुविचित्ता खंभुगयवइरवेईया ॥७९०९॥  
 विज्जाहरजमलगजुयलजंतजुत्ता पभासमाणा य । रूवगसहस्सकलिया अच्चिसहस्सेहिं सोहंता ॥७९१०॥  
 नयणमणाणंदयरा सुहफासा सस्सिरी य रूवा य । तेसि दाराणं एत्थ वन्नओ तह भणेयव्वो ॥७९११॥  
 जह रायपसेणइए खंभकवाडिदकीलपरिहाण । उल्लोयभित्तिगोमाणसीण तह कणगकूडाण ॥७९१२॥  
 मणिरयणवालरूवगलीलट्टियसालहंजियातीण । तह नागदंतलंबियधूवघडी सिक्कयाईण ॥७९१३॥  
 पडिदारमुभयभागे चंदणकलसाण ठावियाणं च । सोलससोलससंखाण सव्वरयणामयाणं च ॥७९१४॥  
 सुरहिवर परिपूरियाण आवारिविद्धकंठमालाण । कमलपइट्टाणाणं पउमुप्पलकयपिहाणाण ॥७९१५॥  
 तह जालकडगघंटातोरणवणमालछत्तमातीण । वत्थूणं वित्थरेणं अइमहया वन्नओ भणिओ ॥७९१६॥  
 तस्स विमाणस्स चउट्ठिसि पि चत्तारि संति वणसंडा । एएसि आयामो विमाणआयामओ अहिओ ॥७९१७॥  
 विक्खंभे पुण जोयणसयाइं ते होंति पंच पंचेव । पुव्वेण असोगवणं दाहिणओ सत्तिवन्नवणं ॥७९१८॥  
 पच्चत्थिमेण चंपगवणमुत्तरओ य होंति चूयवणं । ते वणसंडा सव्वे पागारेणं परिकिखत्ता ॥७९१९॥  
 किण्हा किण्होभासा इच्चाईं होंति वन्नओ तेसि । वणसंडाणं अंतो बहुसमरमणिज्जभूभागा ॥७९२०॥

आयंसतलसमाणा उवसोहंता मणीहि य तणेहि । नाणाविहवन्नेहि मउएहि महासुगंधेहि ॥७९२१॥  
 तेसि मणीण तणाण य पुव्वावरदाहिणुत्तरमुहेहि । अनिलेहि चलताणं सुइसुहओ उट्टए सद्दो ॥७९२२॥  
 किन्नरमिहुणप्फारद्धनट्टुविहिजोगगीयरवमहुरो । तेसि वणसंडाणं देसे देसे य बहुयाओ ॥७९२३॥  
 वावीओ खुड्डुखुड्डियाओ पुक्खरिणिदीहियाओ य । गुजालियाओ सरपंतियाओ बिलपंतियाओ य ॥७९२४॥  
 अच्छाओ सन्हाओ तवणिज्जतलाओ रययकूडाओ । वइरामयपासाणाओ रययमयवाल्याओ य ॥७९२५॥  
 सुहओयारुत्ताराओ सब्बओ विविहरयणबद्धाओ । चउकोणाओ सीयलनिम्मलसलिलोहपुन्नाओ ॥७९२६॥  
 आसवरसाओ काओ वि खीररसाओ य होंति काओ वि । इक्खुरसाओ काओ वि उदगरसाओ य काओ वि ॥  
 उप्पलसोमंघियपुंडरीयमहुंपुंडरीयनलिणेहि । छन्नाओ मुणालेहि सयवत्तसहस्सवत्तेहि ॥७९२८॥  
 छप्परिच्छोलिलिहिज्जमाणतामरसपरिमलाओ य । चाउट्टिसि पि तासि वावीणं होंति पत्तेयं ॥७९२९॥  
 चत्तारि तिसोपाणगपडिरूवा वन्नओ य एतेसि । सक्कविमाणमरू तिसोपाणगपडिरूवाण जह तेओ ॥७९३०॥  
 वावीपमूहासु य तामु जाव बिलपंतियावसाणासु । तत्थ य तत्थ य देसे देसे य तहि तहि चेव ॥७९३१॥  
 उप्पायपव्वयाती अणेगरूवा य पव्वया होंति । ते सुयहंसासणमातियाइं विविहासणाइं च ॥७९३२॥  
 सब्बरयणामयाइं अच्छाइं जाव दंसणिज्जाइं । तेसु य वणसंडेसुं तहि तहि तत्थ तत्थेव ॥७९३३॥  
 आलिघरगाइणो बहुविहा य चिट्ठंति मणिमया घरगा । तेसु य विविहाइं आसणाइं हंसासणातीणि ॥७९३४॥  
 तेसु य वणसंडेसुं तहि तहि तत्थ तत्थ देसेसु । बह्वे मंडवगा जाइमल्लियामंडवातीया ॥७९३५॥  
 तेसु य मंडवएसुं पुढविसिलावट्टगा य अतिबहुया । चिट्ठंति घट्टमट्टा हंसासणसंठियातीया ॥७९३६॥  
 नवणीयतूलकोमलफासा रयणामया य अच्छा य । तेसु य वेमाणियदेवदेविसंधा सयाकालं ॥७९३७॥  
 निसियंति सयंति य आसयंति चिट्ठंति तह तुयट्टंति । कीलंति रमंति हसंति इच्छियं उवलभंति तहा ॥७९३८॥  
 तेसि वणसंडाणं चउण्ह बहुमज्झदेसभायम्मि । पत्तेयं पत्तेयं पासायवडेंसया रम्मे ॥७९३९॥  
 उच्चत्तेणं जोयणसयाइं नवनवतयद्धवित्थिन्ना । सब्बरयणामयावन्नओ य तेसि भणयव्वो ॥७९४०॥  
 तेसु य पासाएसुं नियनियपरिवारसंजुया चउरो । वणसंडसरिसनामा वसंति देवा महिड्ढीया ॥७९४१॥  
 तस्स विमाणस्संतो बहुसमरमणिज्जमत्थि भूभायं । वणसंडविहूणो एत्थ वन्नओ सेसओ नेओ ॥७९४२॥  
 तस्स बहुमज्झदेसे ओवारियलयणमत्थि एमयरं । एगं जोयणलक्खं विक्खंभायामओ तं च ॥७९४३॥  
 पउमसरवेइयाए एगाए सब्बओ परिक्खत्तं । गाउयदुगउच्चाए पणधणुसयवित्थिडाए य ॥७९४४॥  
 पइठाणखंभपट्टीफलगाइसमत्थमेत्थ निम्मवियं । वइरोहि विविहेहि य वेरुलियातीहि रयणेहि ॥७९४५॥  
 एसा य एगमेणेण हेमजालेण कणयजालेण । एवं घंटामुत्तागवक्खंखिखिणिमणीणं च ॥७९४६॥  
 जालेणेणेणं च पउमजालेण रयणजालेण । सब्बत्तो परिखित्ता ते वि य दामा समग्गा वि ॥७९४७॥  
 तवणिज्जामयलंबूसगा य एमाडवन्नणिज्जाओ । पउमवरवेइयाए तहि तहि तत्थ तत्थेव ॥७९४८॥  
 हयसंधाडा बह्वे भणियव्वा जाव उसभसंधाडा । सब्बरयणामया ते अच्छा तह जाव पडिरूवा ॥७९४९॥  
 देसूणजोयणदुगं वित्थिण्णेणं समंतओ एसा । वणसंडेणेणेणं परिखित्ता वन्नणिज्जेण ॥७९५०॥  
 तस्सोवारियलयणस्स चउट्टिसि वन्नएण संजुत्ता । चत्तारि तस्सोमाणगपडिरूवा होंति नायव्वा ॥७९५१॥  
 लयणस्सिमस्स बहुमज्झदेसभायम्मि अत्थि रयणमओ । एणो पासायवडेंसगो महातुड्ढिसिहरगो ॥७९५२॥  
 नव चेव जोयणसया उच्चत्तेणं तयद्धवित्थिण्णो । अत्तेहि चउट्टिह एसो पासायवडिसगवरोहि ॥७९५३॥

चाउदिसि पि परिसंठिएहि उच्चत्तवित्थरेहि तु । मूलप्पासायाओ अद्धपमाणेहि परिखित्तो ॥७९५४॥  
 एए चिय पासाया पत्तेहि चउहि चउहि अत्तेहि । पासाएहि तयद्धप्पमाणजुत्तेहि परिखित्ता ॥७९५५॥  
 एवं सोलस एए पत्तेयं चउहि चउहि अत्तेहि । पासायवड्ढेसेहि तयद्धमाणेहि परिखित्ता ॥७९५६॥  
 एवं चउसट्ठि इमे पासाया उद्धडमुस्सओ एसि । बारसहियं सयं जौयणाण गाउयदुग्गम्भहियं ॥७९५७॥  
 छप्पन्नजौयणाइं विक्खंभो एगगाउयम्भहियो । एवं मिलिया सव्वे पणसीती होति पासाया ॥७९५८॥  
 पासाएसु इमेसुं सव्वेसु वि वन्नओ भण्यव्वो । उल्लोया तह सीहासणाइं परिवारसहियाइं ॥७९५९॥  
 पासायाणं सव्वेसिमुवरि अट्टु होंति मंगलगा । छत्ताइच्छत्तझयाइवन्नओ तेसु नायव्वो ॥७९६०॥  
 मूलप्पासायस्स उ उत्तरपोरत्थिमे दिसीभाए । चिट्ठइ सहा सुहम्मा नामं जौयणसयायामा ॥७९६१॥  
 विक्खंभम्मि सयद्धं बावत्तरि जौयणाइं उस्सेहे । खंभसएहि अणेगेहि सन्निविट्ठेहि सोहंती ॥७९६२॥  
 वइरवरवेइयातोरणाइवरसालहंजियातीओ । विन्नेयो इह सव्वो वि वन्नओ जाव पडिरूवा ॥७९६३॥  
 पुव्वुत्तरदाहिणओ तीसे दाराइं तिन्नि नेयाइं । उच्चत्ते सोलस जौयणाइं विक्खंभओ अट्टु ॥७९६४॥  
 तावडयं च पवेसे सेयाइं कमलथूभियागाइं । एमाई भणियव्वं वणमालावन्नओ जाव ॥७९६५॥  
 एतेसि दाराणं उवरिमभागम्मि होंति नायव्वा । अट्टु य मंगलगा झया य छत्ताइ छत्ता य ॥७९६६॥  
 तेसि दाराण पुरो नेओ मुहमंडवो य एगो । जौयणसयमायामे विक्खंभे जौयणसयद्धं ॥७९६७॥  
 सोलस य जौयणाइं उच्चत्ते होति साइरेगाइं । तेसि मुहम्मसहाए जह नेओ वन्नओ सव्वो ॥७९६८॥  
 पुव्वुत्तरदाहिणओ तेसि मुहमंडवाण दाराइं । विक्खंभायामपवेसमाणमेसि पि तं चैव ॥७९६९॥  
 पत्तेयं पत्तेयं तेसि मुहमंडवाण पुरओ उ । पेच्छाघरमंडवया मुहमंडवसरिसवत्तव्वा ॥७९७०॥  
 पेच्छाघराण तेसि मज्जे अक्खाडगो य एक्केक्को । सव्ववइरामया ते तेसि बहुमज्झभायम्मि ॥७९७१॥  
 मणिपेढी एक्केक्का विक्खंभायामओ य एयाओ । अट्टुजौयणाइं चत्तारि उ होंति उच्चत्ते ॥७९७२॥  
 तासि मणिपेढीणं उवरि सीहासणाइं पत्तेयं । तेसि च सपरिवाराण वन्नओ एत्थ भणियव्वो ॥७९७३॥  
 तेसि पेच्छाघरमंडवाण पुरओ य होंति पत्तेयं । मणिपेढियाओ जौयण सोलस आयामविक्खंभे ॥७९७४॥  
 उच्चत्ते अट्टु य जौयणाइं तासि च उवरि पत्तेयं । एक्केक्को थूभो जौयणाइं सोलस य आयामे ॥७९७५॥  
 तह विक्खंभे उच्चत्तेण उ ताइं पि साइरेगाइं । सव्वरयणामया ते थूभा कुंदिदुसमवन्ना ॥७९७६॥  
 अच्छा जा पडिरूवा तेसि थूभाण उवरिभायम्मि । अट्टु य मंगलगा झया य छत्ताइ छत्ता य ॥७९७७॥  
 तेसि थूभाणं चउदिसि पि मणिपेढियाओ पत्तेयं । अट्टुव जौयणाइं विक्खंभायामओ होंति ॥७९७८॥  
 ताणुवरि पेढियाण जिणपडिमाओ हवन्ति चत्तारि । संपलियंकिनिसन्नाओ जिणवरुस्सेहमाणो ॥७९७९॥  
 थूभाण अभिमुहीओ इमेहि नामेहि होंति नेयाओ । उसभाय (इ ?) वड्ढमाणा चंदाणणवारिसेणा य ॥७९८०॥  
 थूभाण तेसि पुरओ मणिपेढीओ हवन्ति पत्तेयं । सोलस य जौयणाइं विक्खंभे तह य आयामे ॥७९८१॥  
 अट्टुव जौयणाइं उच्चत्तेण तु होंति नेयाओ । तासि च पेढियाणं चेइयस्सुक्खा हवन्तुवरि ॥७९८२॥  
 उच्चत्तेणट्टु उ जौयणाइं दो गाउयाइं उव्वेहो । दो जौयणाइं खंधो विक्खंभो जौयणस्सद्धं ॥७९८३॥  
 छज्जौयणाइं विडिमा तस्स य बहुमज्झदेसभागम्मि । अट्टुव जौयणाइं विक्खंभायामओ होंति ॥७९८४॥  
 सव्वमेणं पुण जौयणाइं अट्टुव साइरेगाइं । तेसि चेइयस्सुक्खाणं (च ?) वन्नओ एस विन्नेओ ॥७९८५॥  
 वइरामया य मूला कंदारिट्टामया य अतिविउला । वेरुलियमया खंधा विडिमा पुण होंति रययमया ॥७९८६॥



पढमाओ विसालाओ सालाओ जायरूवमइयाओ । नाणारयणमयाओ साहपसाहाउ विविहाओ ॥७९८७॥  
 वेरुलियमया पत्ता तवणिज्जमयाइं पत्तबेटाईं । जंबूणयमिउपल्लवसुकुमालपवालकयसोहा ॥७९८८॥  
 पवरंकरुगसिहरा विचित्तमणिरयणसुरहिकुसुमभरा । कुसुमभरनमियसाला अहियं मणनयणसुहजणया ॥८९॥  
 अमयरससमरसफला सच्छाया सप्पभा सुहसिरीया । उज्जोयंता पासाइया य ते जाव पडिह्वा ॥७९९०॥  
 तेसिं चेइयरूक्खाणमुवरि चिट्ठंति सोत्थियाईया । अट्टु य मंगलगा झया य छत्ताइछत्ता य ॥७९९१॥  
 तेसिं पुरओ चेइयरूक्खाणं मणिमयाओ पेढीओ । अट्टुजोयणाइं विक्खंभायामओ होति ॥७९९२॥  
 उच्चत्तेणं चउजोयणाइं अच्छाउ दंसणिज्जाओ । पत्तेयं पत्तेयं तासिं उवरिं महिदझओ ॥७९९३॥  
 सट्ठिं च जोयणाइं उड्डं उच्चत्तणम्मि नायव्वो । उव्वेहे विक्खंभे एगेगं जोयणं होति ॥७९९४॥  
 वडरामया य लट्ठी वट्ठासु सिलिट्ठमट्टुपडिघट्ठा । वरपंचवन्नकुडभीसहंस्सपरिमंडियभिरामा ॥७९९५॥  
 छत्ताइछत्तकलिया वाउद्धुयविंजयवेजयंतीया । गयणतलमणुलिहंती पासातीया य अभिह्वा ॥७९९६॥  
 अट्टुमंगल जुया सक्षया छत्ताइछत्तजुत्ता य । तेसिं महिदझयाणं पुरओ पत्तेय पत्तेयं ॥७९९७॥  
 नंदा पुक्खरणीओ एगं जोयणसयं तु आयामे । विक्खंभे पन्नासं उव्वेहे जोयणा दस उ ॥७९९८॥  
 उदगरसेणं अमओवमेण पुन्नाओ ताओ पत्तेयं । पउमवरवेइयाए वणसंडेण य परिगयाओ ॥७९९९॥  
 तासिं पुक्खरणीणं नंदाणं त्तिदिसितोरणाइजुया । चिट्ठंति तिसोमाणगपडिह्वा वन्नणिज्जाओ ॥८०००॥  
 मज्झम्मि सुहंम्माए सभाए मणिपेढियासमा रुइरा । सोलस य जोयणाइं विक्खंभायामओ होति ॥८००१॥  
 उच्चत्ते अट्टु य जोयणाइं तीसे य उवरिभायम्मि । चेइयखंभो माणवगनामओ सव्वरयणमओ ॥८००२॥  
 उच्चत्तं सट्ठिं जोयणाइं एगं तु जोयणं तस्स । आयामो विक्खंभो अडयालीसं च अंसीओ ॥८००३॥  
 अडयालीसं कोडीओ तह य अडयाल होति विग्गहिए । सेसं जहा महिदज्जयस्स तह नेयमेयस्स ॥८००४॥  
 बारस बारस उवरिं हेट्ठा य विमोत्तु जोयणाइं तओ । मज्जे छत्तीस इ जोयणेसु चिट्ठंति बहुफलगा ॥८००५॥  
 रूपसुवन्नमयां तेसु नागदंता य सत्ति वडरमया । तेसुं च लंबमाणा रययमया सिक्कगा बहवे ॥८००६॥  
 तेसुं च सिक्कएसुं वडरामयवट्टुगोलगसमुग्गा । तेसु य निक्खत्ताओ चिट्ठंति जिणाण सकहाओ ॥८००७॥  
 ताओ विमलप्पभवरविमाणसंवासि देवेनिवहाण । सुबहूण अच्चणिज्जाओ वंदणिज्जाओ सयकालं ॥८००८॥  
 तस्स य चेइयखंभस्स उवरिं अट्टु होति मंगलगा । झयछत्ताईछत्ता पुरत्थिमेणं तु खंभस्स ॥८००९॥  
 तस्स मणिपेढियाजोयणाइं अट्टुव होइ आयामो । तावइयं विक्खंभे उच्चत्ते जोयणा चउरो ॥८०१०॥  
 तीसे उवरिं सीहासणं च परिवारवण्णयसमेयं । खंभस्स पच्छिमेणं मणिपेढी पुव्वपरिमाणा ॥८०११॥  
 तीसे य उवरिं एगं सवित्थरं अत्थिं देवसयणिज्जं । तस्स य नाणामणिमयपडिपाया होति नायव्वा ॥८०१२॥  
 सोवन्निया य पाया नाणामणिघडियपायसीसाइं । जंबूणयामयाइं गत्ताइं होति नेयाइं ॥८०१३॥  
 नाणामणिमयविच्चा रययमती तूलिया मूणोयव्वा । तवणिज्जमया गंडोवहाणिया तत्थ विन्नेया ॥८०१४॥  
 तह बिब्बोयणमिहलोहियक्खरयणेण होति निम्मवियं । तं सयणिज्जं उभओ समुन्नयं अवणयं मज्जे ॥८०१५॥  
 सालिगणवट्ठीयं सुरसरिपुलिणावदालसालिसयं । ओयविथखोमदोंगुल्लपट्टुनिम्मियपडिच्छयणं ॥८०१६॥  
 सुइरइयरयत्ताणं रत्तंसुयसंवयं सुरम्मं च । रयनवणीयाईणगकोमलयरतूलिफासं च ॥८०१७॥  
 तस्सुत्तरपोरत्थिमदिसीए मणिपेढिया मणभिरामा । विक्खंभायामे अडजोयणउच्चत्तणे चउरो ॥८०१८॥  
 तीसे य उवरिं सट्ठिं जोयण उच्चत्तणम्मि उव्वेहे । विक्खंभम्मि य जोयणमेगं खुट्ठो महिदझओ ॥८०१९॥

वहरामया य लट्टी सुसिलिट्टा वट्टसंठिया लट्टा । अट्टट्ट मंगला उवरि सक्षयच्छताइच्छता य ॥८०२०॥  
 तस्स य खुड्डुमहिदज्जयस्स पच्चत्थिमेण चोप्पालो । नामं पहरणकोसो विमाणवइणो सुरिदस्स ॥८०२१॥  
 सव्ववहरामओ सो अच्छत्तप्पभिइवन्नयसमेओ । तत्थ य निक्खित्ताइं पहरणरयणाइं चिट्ठंति ॥८०२२॥  
 फलिहरयणाइयाइं खग्गयाधणुहपभिइयाइं च । सुबहूणि उज्जलाइं सुतिक्वधाराइं निसियाइं ॥८०२३॥  
 उवरि च सुहम्माए सहाए अट्टट्ट संति मंगलगा । तह छात्ताइच्छत्ता तीसे उत्तरपुरत्थिमओ ॥८०२४॥  
 एगं सिद्धाययणं आयामे जोयणाण सय एगं । विक्खंभे य तयद्धं बावत्तरि जोयणा उच्चं ॥८०२५॥  
 सोहम्मसहासरिसो सव्वो इह वन्नओ मूणेयव्वो । तस्स बहुमज्जभाए एगा मणिपेढिया रम्मा ॥८०२६॥  
 सोलसजोयणमाणा उवरितले देवच्छंदओ तीसे । सोलस य जोयणाइं विक्खंभायामओ होति ॥८०२७॥  
 उद्धं उच्चत्तेणं हवंति ताइं पि साइरेगाइं । सव्वरयणामओ अच्छओ य सो जाव पडिस्सवो ॥८०२८॥  
 तत्थ जिणुस्सेहपमाणमत्थि जिणनाहपडिमअट्टसयं । तासि जिणपडिमाणं विन्नेओ वन्नओ एवं ॥८०२९॥  
 तवणिज्जनिम्मियाइं करचरणतलाइं अंकमयनक्खा । ते नक्खा अंतोलोहियक्खपडिसेगजुत्ता य ॥८०३०॥  
 जंघा-जाणू-उरू-सरीर-लट्टी य कणयमयमेयं । तवणिज्जमती नाही रिट्टमती रोमराती य ॥८०३१॥  
 तवणिज्जमया चुच्चुय सिरिवच्छा सिलुपवालमय उट्टा । फलिमयाओ (उण ? ) दंता तवणिज्जय ताणुजीहा य  
 वरकणयमती नासा सा अंतो लोहियक्खपडिसेगा । अंकमयं अच्छजुयं अंतो पुव्वुत्तपडिसेगो ॥८०३३॥  
 रिट्टमईओ ताराओ होंति पुलगामतीउ दिट्टीओ । रिट्टामतीउ तह अच्छिपत्तभमुहाओ नेयाओ ॥८०३४॥  
 कणगामया य सवणा कणगमतीओ निडालवट्टीओ । वइरमई सीसवडी तह तवणिज्जामती नेया ॥८०३५॥  
 केसंतकेसभूमी रिट्टमया उवरि मुद्धया नेया । पत्तेयं पत्तेयं ताहि जिणनाहपडिमाणं ॥८०३६॥  
 चिट्ठंति पिट्ठभाए उद्धाओ छत्तहारपडिमाओ । धारंतीओ धवलाइं आयवत्ताइं विमलाइं ॥८०३७॥  
 तह उभओ पासेसुं पत्तेयं चमरधारपडिमाओ । चिट्ठंति धरंतीओ नाणामणिडंडसियचमरे ॥८०३८॥  
 पुरओ तहेव दो दो पडिमाओ नागभूयजक्खाणं । तह कुंडधारपडिमाओ मणिमईओ य अच्छाओ ॥८०३९॥  
 तासि जिणपडिमाणं पुरओ भिगारकलस-घंटाणं । थालीणं पातीणं आयंसणं च अट्टसयं ॥८०४०॥  
 पत्तेयं पत्तेयं रथणकरंडाण वायकरगाण । हयकंठाणं गयकंठाणं जावुसभकंठाणं ॥८०४१॥  
 तह पुप्फलोमहत्थगचंगेरीणं च पुप्फ-पडलाण । जालो महत्थपडलाण होति पत्तेयमट्टसयं ॥८०४२॥  
 तह तेल्लसमुग्गाणं जाव य अजणसमुग्गाणं च । तह धूवकडच्छूणं पत्तेयं होति अट्टसयं ॥८०४३॥  
 तस्स य सिद्धाययणस्स उवरि अट्टट्ट होंति मंगलगा । छत्ताइच्छत्ता विय झया य रयणामया रुइरा ॥८०४४॥  
 उववायसहा सिद्धाययणस्सुत्तरपुरत्थिमे अत्थि । सोहम्माए सहाए गमेण इह वन्नओ नेओ ॥८०४५॥  
 जावट्टुजोयणाइं मणिपेढी तत्थ देवसयणिज्जं । तह तस्स वन्नओ अट्ट अट्टमंगलझयाती य ॥८०४६॥  
 तीसे उववायसहाए अत्थि उत्तरपुरत्थिमे भाए । हरओ एगं जोयणसयमायामेण वित्थिओ ॥८०४७॥  
 पन्नासजोयणाइं उव्वेहेणं तु जोयणा दस उ । हरयस्स तस्स उत्तरपुरत्थिमे अत्थि दिसिभाए ॥८०४८॥  
 महती अहिसेयसहा जहा सुहम्मा सहा तहा नेया । मणिपेढी सीहासणमिहदामा जाव चिट्ठंति ॥८०४९॥  
 तत्थ य विमाणपहुणो अहिसेओवगरणं बहुं अत्थि । अट्टट्टमंगलाइं ज्ञओ य छत्ताइच्छत्ता य ॥८०५०॥  
 तीसे अहिसेयसहाए अत्थि उत्तरपुरत्थिमे भाए । विउलालंकारसहा जहा सुहम्मा तहा नेया ॥८०५१॥  
 मणिपेढी अट्ट य जोयणाइं सीहासणं सपरिवारं । तत्थ य विमाणपहुणो चिट्ठंति बहु अलंकारा ॥८०५२॥

तीसेज्जकारसहाए अत्थि उत्तरपुरत्थिमे भाए । ववसायसहा महती उववायसहासमसहवा ॥८०५३॥  
 एत्थ य पोत्थयरयणं विन्नेओ तस्स वन्नओ एवं । रयणामयपत्ताइं रिट्टामयकंठियाओ य ॥८०५४॥  
 तवणिज्जमओ दोरो नाणामणिनिम्मिओ हवइ गंठी । वेहलियमयलिवासण रिट्टमयं छंदणं ह्योति ॥८०५५॥  
 तवणिज्जमती तह संकला य रिट्टामती मसी तत्थ । वइरामयलेहणि अक्खराइं रिट्टामयाइं तु ॥८०५६॥  
 सत्थं च धम्मियं इह ववसायसहाए तीए दिसिभाए । उत्तरपोरत्थिमए नंदा नामत्थि पुक्खरिणी ॥८०५७॥  
 हरयसमाणसरूवा तीसे उत्तरपुरत्थिमे भाए । अत्थि महंतं एगं बलिपीढं सव्वरयणमयं ॥८०५८॥  
 तम्मि विमाणे पट्टमं उववायसहाए जम्मठाणम्मि । देवत्तेणुवन्नो सिरिवम्ममहानरिदरिसी ॥८०५९॥  
 पज्जत्तो सव्वाहि वि पज्जत्तीहि मुहुत्तमज्जम्मि । तरणपुरिसो व्व जाओ सपमाणसमन्नियसरीरे ॥८०६०॥  
 तस्स य देहपमाणं रयणीओ त्तिन्नि दोहिं जुत्ताओ । एक्कारसभाएहि वीसइ अइरोवमा आउं ॥८०६१॥  
 अह सो चित्तइ एवं पुब्बि पच्छा व कि मए किच्चं । कि व कयं मे सेयं पुरा भविस्सइ हियट्टाए ॥८०६२॥  
 एयं सिरिवम्मसुरस्स चित्तिं जाणिऊण तम्मि खणे । सामाणियतियसगणा तस्स समीवम्मि संपत्ता ॥८०६३॥  
 मउलियकमलायारं आरोवेउं सिरम्मि करजुयलं । जयविजएणं वद्धाविऊण एवं वयंति तओ ॥८०६४॥  
 देवाणुपिया ! विमलप्पभे विमाणम्मि एत्थ अत्थि वरं । सिद्धाययणं एगं पडिमाणं तत्थ अट्टसयं ॥८०६५॥  
 जिणसंतियाण चिट्ठइ जिणदेहुस्सेहसमपमाणानं । तह य सुहम्मसहाए माणवए चेइयक्खंभे ॥८०६६॥  
 वइरामएसु गोलयवट्टसमुग्गेसु सन्निखित्ताओ । चिट्ठंति सुवहयाओ जिणिदचंदाण सकहाओ ॥८०६७॥  
 ताओ देवाणुपिया ! तुम्हाण तहा विमाणवासीणं । अग्नेसिं पि बहूणं तियसाणं पूयणिज्जाओ ॥८०६८॥  
 तो देवाणुपियाणं एयं चिय पढममेव करणिज्जं । पुब्बि पच्छा वि य एयमेव सेयं हियट्टाए ॥८०६९॥  
 अह सो सिरिवम्मसुरो तेसिं सामाणियाण वयणमिणं । सोच्चा पहिट्ठहियओ सयणिज्जाओ समुट्ठेइ ॥८०७०॥  
 तो उववायसहाए दारेण पुरत्थिमेण नीहरिउं । हरयम्मि पुरत्थिमतोरणेण पविसेइ लीलाए ॥८०७१॥  
 अह पुब्बत्तिमोमाणगपडिह्वगएण तत्थ ओयरइ । जलमवगाहेऊणं करेइ जलमज्जणं तत्तो ॥८०७२॥  
 जलकिट्ठं च करेत्ता जलाहिसेयं करेइ आयंतो । चोक्खो तो मुइभूओ हरयाओ बहिं समुत्तरइ ॥८०७३॥  
 तत्तो अहिसेयसभं उवगच्छइ तं पयाहिणेमाणो । पुब्बेणं दारेणं अणुपविसेऊण तो तत्थ ॥८०७४॥  
 पुडवाभिमुहो सोहासणम्मि मणिनिम्मियम्मि उवविसइ । हरिसभरनिभरेहि देवसमूहेहिं परियरिओ ॥८०७५॥  
 तो सामाणियदेवा सहावित्ताभिओगिए देवे । एवं वयंति भो भो देवाणुपिया ! दुयं तुव्भे ॥८०७६॥  
 सिरिवम्मसुरस्स उवट्टवेह इदाहिसेयमइविउलं । सुमहग्घं सुमहत्थं अह ते अभिओगिया देवा ॥८०७७॥  
 सामाणियदेवेहि एवं वुत्ता पमोयपडहच्छा । तव्वयणं विणएणं सिरनिहियकरा पडिसुणित्ता ॥८०७८॥  
 उत्तरपुरत्थिमं दिसिमवक्कमित्ता तओ समुग्घायं । वेउव्वियं करित्ता सुवन्नकलसाण अट्टसयं ॥८०७९॥  
 एवं रूपमयाणं अट्टसयं जाव भोमकलसाणं । एवं भिगाराणं आयंसाणं च थालाणं ॥८०८०॥  
 पाईणं सुपइट्टाण तह य चित्ताण मणिकरंडाण । तह पुप्फलोमहत्थगचंगेरीपडलमाणं च ॥८०८१॥  
 छत्ताणं चामराणं तेलसमुग्गाण एवमन्नेसिं । अंजणसमुग्गाणं जा धूवकडच्छुयाणं च ॥८०८२॥  
 पत्तेयं पत्तेयं अट्टहिं अहियं सयं विउव्वंति । तो साहावियवेउव्वियं य कलसाइए गहिउं ॥८०८३॥  
 ते आभिओगियसुरा गंतुं खीरोयहिम्मि गिण्हंति । सलिलं सयवत्तसहस्सवत्तनीलप्पलातीणि ॥८०८४॥  
 एवं च पुक्खरोए सव्वेसु दहेसु सव्वतित्थेसु । सव्वमहासरियासु य अंतरसरियासु सव्वामु ॥८०८५॥

रत्तारत्तवईसु य गंगासिधूसु गिन्हिउं सलिलं । उप्पलसयवत्तसहस्सवत्तमातीणि गिण्हंति ॥८०८६॥  
 वासहरनगवरेसुं वक्खारगिरीसु नागदंतेसु । मंदरगिरीसु वेयइडनगोसु य दोहवट्टेसु ॥८०८७॥  
 तह भट्टसालपभिडसु सव्वेसु वणेसु सव्वपुप्फाई । सव्वाइं वि मल्लाइं सव्वे गंधे य तुयरे य ॥८०८८॥  
 सव्वे सिद्धत्थे वि य सव्वाओ ओसहोओ गिण्हंति । भरहेरवएसु य चक्कवट्टिविजएसु सव्वेसु ॥८०८९॥  
 मागहवरदामप्पमुहसव्वतित्थाण मट्टियं तह य । गंगाइसमग्गमहानईण उभओतडसमुत्थं ॥८०९०॥  
 गिण्हंति मट्टियं अह मिलंति ते अग्गओ समग्गा वि । तत्तो पाणयकप्पे जंति विमाणम्मि विमलपभे ॥८०९१॥  
 अहिसेयस्स सहाए सिरिवम्मसुरं सुहासणनिसत्तं । वद्धावेंति जएणं विजएण य सिरनिहित्तकरा ॥८०९२॥  
 अह महरिहं महत्थं विउलं इंदाहिसेयमेयस्स । ते अभिओगियदेवा उवट्टुवेंति य पहिट्टमणा ॥८०९३॥  
 तो तं सिरिवम्मसुरं चउरो वेमाणियामरसहस्सा । तह तिग्नि उ परिसाओ सत्तेव अणीयअहिवइणो ॥८०९४॥  
 जावन्ने वि सुबहुया तम्मि विमाणे निवासिणो देवा । वेउव्विएहिं साहाविएहिं वरवारिपुत्तेहि ॥८०९५॥  
 कमलपइट्टाणेहिं चंदणरसरइयचारुचचेहिं । पउमपिहियाणणेहिं आविद्धगुणेहिं कंठेसु ॥८०९६॥  
 सुकुमालकरयलपरिग्गहिएहिं अट्टसमहियसएण । सोवन्नियकलसेहिं इय जा भोमेज्जकलसेहिं ॥८०९७॥  
 एवमणेगसएहिं कलसाणमसेसजलविसेसेहिं । सव्वाहिं मट्टियाहिं सव्वेहिं तूयरेहिं च ॥८०९८॥  
 जा सव्वोसहिसिद्धत्थएहिं सव्वाए सुरसमिद्धीए । अहिसिचंति पहिट्टा महया इंदाहिसेएण ॥८०९९॥  
 वट्टंते अहिसेए तम्मि अणेगप्पयारत्तुराणं । पहयाणनिनाएहिं फुडड व गयणं समग्गं पि ॥८१००॥  
 विमलप्पहे विमाणे रयरेणुविणासणं विरलफुसियं । वासंति केइ देवा सुरहिं गंधोदयं वासं ॥८१०१॥  
 इच्चाइ जहा जिणजम्ममज्जणे कणयसेलसिहरम्मि । चउविहदेवनिकाया पहरिसचेट्ठं अणुट्ठेंति ॥८१०२॥  
 तह सिरिवम्मसुरस्स वि कीरन्ते मज्जणे हरिसचेट्ठं । कुव्वंति उ विमलप्पभविमाणवत्थव्वया देवा ॥८१०३॥  
 निव्वत्तिएइहिसेए सामाणियपमुहसव्वसुरनिवहा । नियसीसनिहियहत्था विणएण तओ वयंति इमं ॥८१०४॥  
 जय जय नंदा जय जय भद्दा भद्दं सया वि ते भवउ । अजियं जिणाहिं पालेहिं तह जियं वससु जियमज्जे ॥८१०५॥  
 इंदो विव देवाणं चंदो विव तारयाण असुराणं । चमरो इव धरणो इव नागाण नराण भरहो व्व ॥८१०६॥  
 बहुसागरोवमाइं सामाणियदेवचउसहस्साणं । जावायरक्ख देवाण सोलसन्हं सहस्साणं ॥८१०७॥  
 अन्नेसिं च बहूणं विमलपहविमाणवासिदेवाणं । आहेवच्चं जाव य पालेमाणो य विहराहि ॥८१०८॥  
 एत्तं पउत्तजयजयसहो सामाणियाइदेवेहिं । सो सिरिवम्मसुरवरो अहिसेयसहाए पुरिमेण ॥८१०९॥  
 दारेण नीहरित्ता तत्तो णु पयाहिणीकरेमाणो । विसइ अलंकारसभं पुरत्थिमिल्लेण दारेण ॥८११०॥  
 गंतूण तओ पुरओ मणिमयसीहासणम्मि उवविसइ । तत्थ निसत्तस्स तओ नेउं सामाणिया देवा ॥८१११॥  
 आलंकारियभंडं सव्वं पि उवट्टुवेंति तस्स पुरो । अह सो सिरिवम्मसुरो पम्हलसुकुमारसुरहीए ॥८११२॥  
 गंधकसाई । नियं लूहेऊणं समग्गमवि अगं । गोसीसं चंशणेणं सरसेणाणुलिपए तत्तो ॥८११३॥  
 कणयखचियंतभायं धवलं आगासकलिहविमलपभं । ह्यलीलाए अइरेणपेलवं नयणमणहरणं ॥८११४॥  
 तणुसुहयमउयफासं नियंसए देवदुसवरजुयलं । हारद्धहारमेगावलिं च तत्तो पिणिधेइ ॥८११५॥  
 मुत्तावलिं च रयणावलिं च तह अंगयाइं केऊरं । कडयाइं तुडियाइं कडिसुत्तं मुट्टियाओ य ॥८११६॥  
 सुरविक्कंठवुरचिमुपालवंकुंडलाइं मउडं च । चूडामणिं पिणिधेइ मल्लेहिं चउव्विहेहिं तओ ॥८११७॥

गंठिमवेढिमपूरिमसंघाइमएहि कप्पकख च । अप्पाणमलंकियभूसियं करेऊण तत्तो य ॥८११८॥  
 दहरमलयसुगंधियगंधेहि भुकुंडए समगतणुं । दिव्वं च सुमणदामं पिण्णिधए तयणु सो देवो ॥८११९॥  
 वरकेसमल्लवत्थाहरणालंकारभेयभिन्नेण । चउविहलंकारेणं अलंकिओ भूसिओ संतो ॥८१२०॥  
 आलंकारियभवणाओ पुव्वदारेण निक्खमेऊण । आयाहिणीकरेंतो ववसायसहं वयइ तत्तो ॥८१२१॥  
 तत्थ पुरमिल्लदारेण विसइ सीहासणम्मि उवविसइ । तो सामाणियदेवा तस्साणेउं समप्पेंति ॥८१२२॥  
 पोत्थयररणं सो तं गिन्हइ उग्घाडिऊण वाएइ । धम्मियमिह ववसायं अवहारेऊण चित्तम्मि ॥८१२३॥  
 पोत्थयररणं पडिनिक्खवेइ सीहासणाउ उट्ठेइ । ववसायसहाए पुरत्थिमेण दारेण नीहरइ ॥८१२४॥  
 नंदापुक्खरिणीए पुव्वेणं तोरणेण पविसेउं । पुव्विल्लतिसोमाणगपडिरूवेणं समोपरइ ॥८१२५॥  
 पक्खालइ करचरणे चोक्खो होऊण परमसुइभूओ । सेयं महंतमेगं रययमयं विमलजलपुत्रं ॥८१२६॥  
 मत्तगयमहारहमुहसमागिइं गिन्हिऊण भिगारं । उप्पलसयवत्तसहस्सवत्तमाईणि गिण्हेइ ॥८१२७॥  
 नंदापुक्खरिणीओ नीहरइ तओ समग्गदेवेहिं । सामाणियपमुहेहिं केहिं वि करकलियकलसेहिं ॥८१२८॥  
 जा वरधूयकडच्छुयकरेहिं केहिं वि पहिदुहियएहिं । पच्छा अणुगम्मंतो देविड्ढीए समग्गाए ॥८१२९॥  
 महयाहयतलतन्ती-ताल-मुइंगप्पवाइयरवेण । सिद्धाययणे वच्चइ पविसइ पुव्विल्लदारेण ॥८१३०॥  
 गंतूण पुरो देवच्छंदठियाणं जिण्णिदपडिमाणं । आलोयम्मि पणामं करेइ आणंदपडिपुत्तो ॥८१३१॥  
 गहिऊण लोमहत्थं जिणपडिमाओ पमज्जए तत्तो । गंधोदएण न्हावेइ सुरहिणा चंदणरसेण ॥८१३२॥  
 गोसीसेणं लिपइ जिणपडिमाणं समग्गगायाइं । तयणु नियंसावइ देवदूसजुयलाइं अहयाइं ॥८१३३॥  
 वरपुप्फमल्लगंधाणचुन्नवत्थाण कुणइ आरुहणं । आहरणारुहणं तह करेइ पडिमासु सव्वासु ॥८१३४॥  
 वरसुरहिकुसुममालाकलावकलियं करेइ तं ठाणं । करगहियविमुक्कदसद्धवन्नकुसुमोवयारं च ॥८१३५॥  
 अच्छिहिं सन्हेहिं सयलेहिं तंदुलेहिं सेएहिं । रययामएहिं अट्टुमंगले आलिहइ पुरओ ॥८१३६॥  
 तयणंतरं च चंदप्पहरयणविसुद्धवेहलियडंडं । कंचणमणिरयणविचित्तभक्तिकलियं विमलछायं ॥८१३७॥  
 डज्जंतं पवरकालागुरुसुरहितुरुक्ककुंदुरुक्कं च । गंधुत्तमाणुविद्धं सुगंधवट्टिं विणिमुयंतं ॥८१३८॥  
 वेहलियमयं गहिउं कडच्छयं जिणवराण पत्तेयं । दावेऊणं धूयं सथुणइ तओ जिणवरिदं ॥८१३९॥  
 अट्टसएणं वित्ताण अपुणरुत्ताण अत्थजुत्ताण । थुण्णिउं पच्चोसक्कइ सत्तट्टुपयाइं तत्तो य ॥८१४०॥  
 अंचइ वामं जाणूं भूमीए दाहिणं निवेसेइ । तिक्खुत्तो मुद्धाणं धरणियले तो निवाडेइ ॥८१४१॥  
 ईसिं पच्चुन्नमिउं करयलजुयलं सिरम्मि ठविऊण । पयओ वयइ नमोत्थुणमिच्चवाईं सव्वसक्कथयं ॥८१४२॥  
 वंदइ नमंसइ तओ सिद्धाययणस्स मज्झबहुभाए । गंतूण तं पमज्जइ करपगहियलोमहत्थेण ॥८१४३॥  
 दिव्वोदगधाराए अब्भुक्खेऊण चंदणरसेण । पंचंगुलितलमालिहइ मंडलं वित्थडं तत्थ ॥८१४४॥  
 पयरं काऊण दसद्धवन्नकुसुमेहिं दावए धूयं । सिद्धाययणस्स तओ वच्चइ दारम्मि दाहिणए ॥८१४५॥  
 तो तत्थ दारवेड्डाए बालरूवे य सालहंजीओ । लोमगहत्थेण पमज्जिऊण दिव्वोदगस्स तओ ॥८१४६॥  
 धाराए अब्भुक्खइ चच्चइ गोसीसचंदणरसेण । पुप्फारुहणं जावाभरणारुहणं समायरइ ॥८१४७॥  
 वरसुरहिकुसुममालाकलावकलियं करेत्तु दावेइ । कालागुरुवरधूवं तो दाहिणदारभायस्स ॥८१४८॥  
 मुहमंडवम्मि वच्चइ तस्स य बहुमज्झदेसभायम्मि । लोमगहत्थेण पमज्जिऊण अब्भुक्खइ जलेण ॥८१४९॥  
 पंचंगुलितलमालिहइ मंडलं सुरहिचंदणरसेण । पयरइ दसद्धवन्नाइं तत्थ गंधड्ढकुसुमाइं ॥८१५०॥

उग्गाहइ वरधूवं तत्तो मुहमंडवस्स तस्सेव । पच्चत्थिमम्मि दारे अह उत्तरखंभंपतीए ॥८१५१॥  
तो पुव्विल्ले दारे तत्तो वि य दाहिणम्मि दारम्मि । तो दाहिणिल्लपेच्छाघरमंडवमज्झबहुभागे ॥८१५२॥  
अक्खाडयमणिपेढी सीहासणगेसु पच्छिमे दारे । तो पुव्विल्ले दारे तो दाहिणचेइयत्थूभे ॥८१५३॥  
तो तस्स पच्छिमुत्तरपुव्वुल्लयदाहिणासु पडिमासु । तो दाहिणचेइदुमे अह दाहिणए महिदझए ॥८१५४॥  
तो दाहिणिल्लनंदापुक्खरिणीतोरणत्तिसोमाणे । तत्तो सिद्धाययणं अणुप्पयाहिणीकुणेमाणे ॥८१५५॥  
उत्तरनंदापोक्खरिणितोरणे वयइ तह तिसोमाणे । तत्तो य उत्तरिल्ले पयाइ एसो महिदझए ॥८१५६॥  
तो उत्तरचेइदुमे तत्तो उत्तरगचेइयत्थूभे । तो पच्छिमाइचउदिसिठियासु तित्थयरपडिमासु ॥८१५७॥  
तो उत्तरपेच्छाघरमंडवबहुमज्झदेसभायम्मि । तो पुव्विल्ले दारे तत्तो उत्तरदुवारम्मि ॥८१५८॥  
अह सो सिरिवम्मसुरो वच्चइ दाहिणगखंभंपतीए । तत्तो उत्तरमुहमंडवस्स बहुमज्झभायम्मि ॥८१५९॥  
तो पच्चत्थिमदारे तत्तो (उण?) उत्तरिल्लदारम्मि । तत्तो य दाहिणिल्लाए वच्चए खंभंपतीए ॥८१६०॥  
अह सिद्धाययणस्स पुरत्थिमदारम्मि वच्चए एसो । तत्तो य पुव्वमुहमंडवस्स बहुमज्झभायम्मि ॥८१६१॥  
तत्तो दाहिणदारे तत्तो पच्छिमगखंभंपतीए । तो उत्तरिल्लदारे तत्तो पुव्विल्लदारम्मि ॥८१६२॥  
तत्तो पुव्विल्लम्मि वि पेच्छाघरमंडवे तहा सव्वं । एवं थूभे य जिणपडिमासु य चेइयदुमेसु ॥८१६३॥  
तत्तो य महिदझए नंदापुक्खरिणि तोरणे तत्तो । तह तीए तिसोमाणगपडिरूवे अच्चणं कुणइ ॥८१६४॥  
इय भणियकमेण इमो पुव्वुत्तसमत्थवत्थुसंघायं । लोमगहत्थेण पमज्जिऊण पुव्वं तओ पच्छा ॥८१६५॥  
गंधोदयधाराए धोऊणं पूयए सुपुप्फेहिं । उग्गाहए य धूयं कालागुरुकुंदुरुप्पभवं ॥८१६६॥  
जो को वि इह विसेसो सो भन्नइ सव्वदारदेसेसु । सह सालहंजियाहिं तह चव य वालरूवेहिं ॥८१६७॥  
मेयाउ दारवेड्डाओ खंभंपतीसु होंति न इमाओ । चिट्ठंति केवलं सालहंजिया वालरूवा य ॥८१६८॥  
मुहमंडवपेच्छाघरमंडवगाणं तु मज्झबहुभाए । पंचंगुलितलमंडलयालिहणं चंदणरसेण ॥८१६९॥  
कि बहुणा ? जह चव य सिद्धाययणस्स मज्झबहुभाए । दारे य अत्थि भणियं तह सेसे मज्झदारे य ॥८१७०॥  
जह सिद्धाययणजिणपडिमाणं तह य थूभपडिमाणं । आलोए च्चिय पणमणपमुहं काऊण पज्जंते ॥८१७१॥  
अट्ठोत्तरवित्तसयत्थुइकरणाणंतरं तु सक्कथयं । संपुत्रं भणिऊण वंदेइ तहा नमंसेइ ॥८१७२॥  
तो पुव्विल्लयनंदापुक्खरिणीतोरणे तिसोमाणे । परिमज्जणाइ काउं धूवं उग्गाहए तत्तो ॥८१७३॥  
पुव्विल्लदुवारणं पविसेऊणं पुणो सुहम्मसहं । गंतूणं माणवगे चेइयखंभम्मि वइरमए ॥८१७४॥  
गोलगवट्टसमुग्गे लोमगहत्थेण संपमज्जेउं । उग्घाडिउं च तत्तो जिणसकहाओ पमज्जेइ ॥८१७५॥  
गंधोदएण धोयइ अच्चेइ सुगंधपवरमल्लेहिं । दावेइ पवरधूवं जिणसकहाओ पुणो वि तओ ॥८१७६॥  
गोलगवट्टसमुग्गेसु निक्खिवेऊण सुयइ तह चव । माणवचेइयखंभं पमज्जए लोमहत्थेण ॥८१७७॥  
दिव्वोदगेण धोयइ चच्चइ गोसीसचंदणरसेण । पुप्फारुहणातीयं काऊणं दावए धूयं ॥८१७८॥  
तो माणवचेइयखंभपुव्वओ मणिमयाए पेढीए । सीहासणं पमज्जइ लोमगहत्थेण तत्तो उ ॥८१७९॥  
दिव्वोदएण धोयइ इच्चाई जाव दावए धूवं । खंभस्स पच्छिमे मणिपेढीए देवसयणिज्जे ॥८१८०॥  
काउं पमज्जणाती धूवपयाणावसाणमच्चणियं । तत्तो सयणिज्जुत्तरपुव्वे खुड्डामहिदझए ॥८१८१॥  
गंतूण तहेव पमज्जणाइयं सव्वमायरइ तत्तो । तस्सेव महिदझयस्स पच्छिमे जाइ दिसिभाए ॥८१८२॥

तत्थ य पहरणकोसं चोप्पालं नाम पूयइ तहेव । तयणु सुहम्मसहाए नीहरइ पयाइ सम्मुहओ ॥८१८३॥  
 उक्वायस्स सहाए तीसे गंतूण दाहिणे दारे । तत्थ सुहम्मसहाए गमेण पूयं कुणइ सक्वं ॥८१८४॥  
 तत्तो पुरित्थिमिल्लं नंदापुक्खरिणिमेइ तीसे वि । तोरणगतिसोमाणगपडिरूवे पूयइ तहेव ॥८१८५॥  
 हरए वि कुणइ एवं अहिसेयसहाए वच्चए तत्तो । मणिपेढीसीहासणपमुहं तत्थ वि तह्उच्चेइ ॥८१८६॥  
 तत्तो पुरित्थिमिल्लं नंदापुक्खरिणिमच्चइ तहेव । तयणु अलंकारसहं अहिसेयसहाविहाणेण ॥८१८७॥  
 तो ववसायसहाए उवेइ तत्थ वि य लोमहत्थेण । पोत्थयरयणं परिमज्जिऊण दिक्वंबुधाराए ॥८१८८॥  
 धोयइ पवरेहिं तओ पूयइ कुसुमेहिं सुरहिगंधेहिं । उग्गाहेइ य धूवं कालागुरुकंदुरुपभवं ॥८१८९॥  
 मणिपेढियं च सीहासणं च तत्तो पमज्जणापुवं । धूवुग्गाहणपज्जंतमच्चए वच्चए तयणु ॥८१९०॥  
 पुव्विल्लाए नंदापुक्खरिणीए तमेव तत्थ वि य । काउं बलिपेढीए गंतूण बलि विसज्जेइ ॥८१९१॥  
 अह सो सिरिवम्मसुरो सद्दावित्ताभिओगिए देवे । आइसइ जहा भो भो देवाणुपिया ! लहुं तुब्भे ॥८१९२॥  
 विमलप्पभे विमाणे इमम्मि सब्वत्थ तियच्चउक्केसु । सिवाडगेसु चच्चरचउम्मुहेसुं महपहेसुं ॥८१९३॥  
 पागारेसुं अट्टालएसु चरियासु गोपुरेसुं च । उज्जाणेसु वणेसु य वणराईसु य कुणह पूयं ॥८१९४॥  
 इय तेण ते पभणिया आणंदसुनिब्भरा तओ गंतुं । सक्वं पि तहा काउं आगतुं तस्स साहेति ॥८१९५॥  
 अह सो पुक्खरिणीए गंतुं काऊण करचरणसंयं । तत्तो निग्गतूणं एइ सहाए सुहम्माए ॥८१९६॥  
 सामाणिया (इ) सुरनियरपरिसओ तूरमंगलरवेण । पुव्विल्लदुवारेणं पविसेऊणं सुहम्मसहं ॥८१९७॥  
 सीहासणे निसीयइ पुव्वदिसाअभिमुहो तओ तस्स । अवरुत्तरेण तह उत्तरेण उत्तरपुरित्थिमओ ॥८१९८॥  
 चउरो साहस्सीओ सामाणियसुरवराण चउसुं पि । रयणमयाणं सीहासणाण सहसेसूवविसंति ॥८१९९॥  
 दाहिणपुरित्थिमेणं अंबिभतरपरिसा संभव सुराण । उवविसइ दिवइडसयं मणिमयसीहासणेसु तओ ॥८२००॥  
 अड्ढाइज्जसयाइ दाहिणदिसिमज्जपरिसदेवाणं । पच्चत्थिमदाहिणओ बाहिरपरिसाए देवाणं ॥८२०१॥  
 चत्तारि सयाइं मणिमएसु सीहासणेसुवविसंति । पच्चत्थिमेण सत्त उ अणीयवइणो निसीयंति ॥८२०२॥  
 चउसु वि दिसासु तत्तो पत्तेयं आयरक्खदेवाणं । चउरो चउरो सहसा सोलस मिलिया उ सव्वेसि ॥८२०३॥  
 चिट्ठंति सया सन्नद्धबद्धकवया पिणद्धगेवेज्जा । आविद्धविमलवरचिधपट्टया आउहकरग्गा ॥८२०४॥  
 तिणयाइं संधियाइं धणूणि वरवइरधडियकोडीणि । करकलियाइं बहंता कंठकलावं च निसियमुहं ॥८२०५॥  
 वम्मकर खगकरा पासकरा केइ गहियदंडकरा । रक्खोवगया गुत्ता विणएणं किकरसमाणा ॥८२०६॥  
 एवं इंदो व्व इमो सहानिविट्ठो सुरेहिं परियरिओ । वत्तीसपत्तबद्धं पेच्छइ नाडयविहिं विविहिं ॥८२०७॥  
 तस्स परिवारदेवा मणिमयमउडेहिं दिप्पमाणसिरा । चूडामणिमंडियमत्थया य वित्थरियकंतिल्ला ॥८२०८॥  
 कत्तंरुइरमणिमयकुंडलविणिहिज्जमाणगंडयला । कंठट्टियवणमाला वच्छत्थललुलियहारलया ॥८२०९॥  
 नाणामणिकंकण-कडय-तुडिय-केऊरथंभियभुयग्गा । पजलंतमुहियाजालकलियसयलंगुलीनिवहा ॥८२१०॥  
 रयणकडिमुत्तयासत्तमल्लदामा नियत्थवरवत्था । गोसीसचंदणकयाणुलेवणा सुरहिनीसासा ॥८२११॥  
 आजम्मं रोयअरामलसेयविवज्जया विमलदेहा । थिरतारुत्ता अणिमिसनयणा मणसाहियत्था य ॥८२१२॥  
 वामकरंगुलिरहनहमुहेसु पंचसु वि पंच सुरगिरिणो । लीलाए च्चिय आरोवयंति सयवत्तपत्तं व ॥८२१३॥  
 उच्छालेति समुट्ठे भामेति य भूमिमंडलं गयणे । इच्छाउ अणेयपयारसत्तिणो कामरूवा य ॥८२१४॥

होति महंता अणुणो गुरुणो लहुणो अदिस्सदिस्सा य । एरिस्समुरपरियरिओ करेइ कीलासहस्साइं ॥८२१५॥  
 सच्छंदं वियरइ काणणोसु उज्जाणदीहियाइसु य । वच्चइ कयाइ जिणजम्ममज्जणाइसु सहिदेण ॥८२१६॥  
 तित्थयरसमोसरणाइसु जाइ कयाइ अप्पणा चैव । इय सों सुरलोयसिरिं अणुहवमाणो गमइ कालं ॥८२१७॥  
 इय सिरिमुणिसुव्वयजिणिदचरिए सिरिसिरिचंदसूरि वरइए सत्तमं अट्टमं च भवग्गहणं समत्तं ॥८२१८॥  
 सिरिमुनिमुव्वयजिणिदस्स नवमो भवो—

सत्तमओ अट्टमओ सिरिमुणिसुव्वयजिणिदचरियम्मि । कहिओ मए भवो संपथं तु नवमं पवक्खामि ॥८२१८॥  
 अत्थि इह भरह्वासे नाणाविहसाससंपयासुहओ । देसो वच्छानामो गोमहिसाईहि अभिरामो ॥८२१९॥  
 तत्थित्थि सुवित्थित्रा छप्परिच्छोलिसच्छहजलोहा । जमुणानामेण नई गोवजणाणंदसंजणी ॥८२२०॥  
 उत्तमअणेयरयणप्पसुइसंपत्तपरमसोहाए । मसिलेह व्व महीए चक्खुभएणं कया विहिणा ॥८२२१॥  
 जलपाणाअहिलासेणं उभयतडोइन्नधवलगोवग्गा । निच्चं पि जा विरायइ नवधणराइ व्व सबलाया ॥८२२२॥  
 मज्जंतनयरनारीसरीरसंकंतहरिणनाहिरसो । परिमलगुणेण नज्जइ जत्थ गएणं जणेण लहुं । ॥८२२३॥  
 तीसे नदीए तीरे कोसंबी नाम अत्थि वरतयरी । उत्तुंगपवरपायारपरिगया सपरिहा रम्मा ॥८२२४॥  
 नीसेसनयरसोहागुणोहकलिया कया पयावइणा । अमरपुरीपडिच्छंदयदंसणहेउं व मणुयाण ॥८२२५॥  
 मणिपासायपणासियतमसाए सया वि जत्थ रयणीओ । कुमुयसरोयवणाणं वियासनिद्वाहि नज्जंति ॥८२२६॥  
 जत्थ य पाउससमए तुंगयरनिकेयणग्गसिहरेहि । कयच्छिहु व्व जलहरा किरंति घणवारिधाराओ ॥८२२७॥  
 हेमंतसिसिरसमए वि जत्थ दिणनाहमणिमयगेहेसु । रविकरपंसुग्गयसिहिकणोहसंजणियउण्हेसु ॥८२२८॥  
 निव्वसंता नायरया निदाहसमओवयारमणुरत्ता । दियहेसु हवंति विमुक्ककुंकुमुव्वट्टणातीया ॥८२२९॥  
 ससिकंतमयगिहेसु निसामु चंदंसुंसंसजलेसु । गिम्हे वि जत्थ पाउससिरि व मणया अणुहवंति ॥८२३०॥  
 तं परिवालइ नयरि राया रायन्नवंसंसंभूओ । सुमुहो नामेण च्छणमयंकमंडलसमाणमुहो ॥८२३१॥  
 जो सुरस्स पयावं ससिणो सोमत्तणं मइं गुरुणो । रुवं पुरंदराओ परक्कमं पंचवयणाओ ॥८२३२॥  
 गंभीरत्तं वरसागराओ फलिहोवलाओ विमलत्तं । तेयं मणीण गहिऊण नूण विहिणा विणिम्मविओ ॥८२३३॥  
 जो बहरहियाण बलं सरणमसरणाण निद्धणाण धणं । देइ सुहं दुहियाणं होइ सुबंधू अबंधूण ॥८२३४॥  
 गुरुबालवुद्धनारीजतिजणपरिवालणं पयत्तेण । जो कुणइ निओ जणओ व्व रंजणं तह पयाणं च ॥८२३५॥  
 नयक्कमपरिकलियं इय रज्जं तस्स पालयंतस्स । समइक्कंतो कालो को वि हु रइसुहनिमग्गस्स ॥८२३६॥  
 अह अन्नया कयाई अत्थाणगयस्स तस्स नरवइणी । पडिहारेणागंतुं विन्नत्तं मउलियकरेण ॥८२३७॥  
 उज्जाणवालपुरिसो देव ! बहि चिट्ठए दुवारस्स । अह रत्तो वयणेणं पवेसिओ तेण तो जत्ति ॥८२३८॥  
 सो वि नमिऊण निवइं विन्नवए देव ! जह तुहुज्जाणे । आगंतूणं दिन्नो महूलच्छीए समावासो ॥८२३९॥  
 तथा हि—दिन्नसहयारसाहामंजरिपरिभोयपउरवित्तीयं । कलयंठिकुलं कलकूइएहि कहइ व्व लोयस्स ॥८२४०॥  
 कालपरिणाभरन्ना विइन्नरज्जा जयम्मि महूलच्छी । इण्हि ता एईए सव्वो वि जणो कुणउ सेवं ॥८२४१॥  
 हरिऊण हडेण पियगुलोदपमुहाण काणणतरुण । कुसुमसभिद्धी अकुल्लमल्लियाईसु संठविया ॥८२४२॥  
 चिरमणुहूयं पि हुयासणस्स हरिऊण अंगसोहग्गं । तप्पडिक्कवम्मि जलम्मि शंति संचारियमिमीए ॥८२४३॥  
 निइहिऊणं सिसिरेण फेडिया आसि जाओ नलिणीओ । तासि पुणो विदिन्ना सिरीविलासा महूसिरीए ॥८२४४॥  
 उल्लसिरलहरिसरिसरवरेसु काऊण मज्जणविहाणं । सुरहितरुकुसुमसंगमसंजणियमणुन्नसोरब्भा ॥८२४५॥  
 दाहिणदिसापवाया तीए सहाया वि अखलियप्पसरा । वियरंति भुवणवलए सेविज्जंता विलासीहि ॥८२४६॥



कुसुमासवपाणासत्तमत्तमहुयरगणा रुणरुणता । गायंति व महुलच्छीसोरज्जसमिद्धिमणुसमयं ॥८२४७॥  
 जीसे साहिज्जं पाविऊण मयरदओ महासुहो । पवियरइ जहिच्छाए वसीकुणंतो जयं सव्वं ॥८२४८॥  
 तस्स सरनियरनिवडणविहुरियहियएहि भीरुवग्गेहि । माणं मोत्तूण गयं सरणम्म अभीयवग्गस्स ॥८२४९॥  
 सो वि मयणस्स वसगं नाऊणं हिययवेहविसयम्मि । तेसि हिययं नियहिययपंजरक्खित्तमुव्वहइ ॥८२५०॥  
 वम्महभडस्स महिसिरिसाहेज्जसमुब्भडस्स आणाए । भीयमणो मिहूणगणो अतिघणनेहो वि अन्नोन्नं ॥८२५१॥  
 नाणाविहवंधेहि दंतेहि नहेहि केसगहणेहि । कुणइ परिमुक्कलज्जो सुरयमहासमरसरंभं ॥८२५२॥  
 के वि समाणवया वि हु परोप्परं निबिडनेहवद्धा वि । उट्टंति लउडवाएहि घम्ममाणा तयाणाए ॥८२५३॥  
 ते पुण अन्नेहि सुवन्नसिगियामुहविमुक्कसलिलेहि । सिचिज्जंति पुणो पुण चेयणसंपायणत्थं व ॥८२५४॥  
 वज्जंतअण्यपयारतूरनिग्घोसबहिरियदियंतो । नयरनरनारि नियरो नच्चंतो तह य गायंतो ॥८२५५॥  
 ब्राहि वच्चंतो चच्चरीसु महुलच्छिरज्जलंभम्मि । कुणइ व वद्धावणयं पेच्छयज्जणकयमणाणं ॥८२५६॥  
 इय विन्नविऊणं उवरयम्मि उज्जाणवालए तम्मि । विहियपसायम्मि विसज्जियम्मि राया सयं तत्तो ॥  
 संचलइ सव्वनियपरियणेण परिवेदिओ समंतेण । पुरओ अण्फालियविहुररवज्जणियसवणसुहो ॥८२५८॥  
 आरूढो मत्तमहागयम्मि सिरधरियधवलवरुत्ततो । वारविलासिणिकरकमलचलियसियचामरुप्पीलो ॥  
 कोसंबीनयरीए रायपहे मंदिरोवरिगयाणं । तरनारिसमूहाणं नयणसहस्सेहि दीसंतो ॥८२६०॥  
 वीइज्जंतो तह उत्तरीयपेरंतपल्लवसएहि । नियउच्छंगयाणं बालाणं पुच्छमाणाणं ॥८२६१॥  
 दंसिज्जंतो मायापियरोहि कहंतएहि अहिनाणं । नियभंगुलीसिहाहि जा वच्चइ केत्तियं पि पंहं ॥८२६३॥  
 ता नियमंदिरसिहरारूढा घरिणी कुविदवीरस्स । नामेणं वणमाला दिट्ठिपहे तस्स ओइन्ना ॥८२६३॥  
 रूवेण जोव्वणेण य सोहग्गेण य सुरंगणाणं पि । दप्पं निहलयंती तओ सविमूयरसो राया ॥८२६४॥  
 तं सविसेसं लग्गो पलोइउं पायमूलओ पभिइ । दीहरसिणिद्धपमूललोयणनालेहिं व पियंतो ॥८२६५॥  
 कुम्मुन्नएहिं सोणियतलेहिं वियसंतनहमऊहेहिं । चलणेहिं मणुन्नाहिं जंघाहिं य पिजरपहाहिं ॥८२६६॥  
 वरकयलिगभसुकुमारएण वट्टेण ऊरुजुयलेण । अमरतरंगिणिपुलिणोवमेण वित्थिण्णजहणेण ॥८२६७॥  
 सुरसरिआवत्तसमाणनाहिवलएण तिवलिकलिएण । खामेणं मज्जेणं डिभगमुट्टीए गिज्जेणं ॥८२६८॥  
 उत्तुंगथोरथणमंडलावरुद्धेण उरविभाएण । तिणिसलयकोमलेणं बाहुलयाजुयलएणं च ॥८२६९॥  
 हत्थेहिं असोयमहीरुहग्गपल्लवसमाणसाहेहिं । रेहातियं कियाए गीवाए कंबुसरिसाए ॥८२७०॥  
 संपुन्नसरयससिमंडलस्स सोहं विडंबयंतं । वयणेणं नयणेहिं य इंदीवरदलविसालेहिं ॥८२७१॥  
 ससिमंडलद्धसरिसेण भालवट्टेण चिहुरभारेण । अलिउलकज्जलसामलवन्नेण तरंगिणं च ॥८२७२॥  
 इय अंगोवयवेणं एक्केक्केण वि इमा मणं हरइ । कि पुण सव्वावयवाण समुदओ तीए दीसंतो ॥८२७३॥  
 अवि य—तम्मि समयम्मि एसा वामकरेणं नियंसणं ल्हसियं । इयरेण संठवंती पयडियथणमुत्तरीयं च ॥  
 दिट्ठा सुमूहनिवेणं अह सो लग्गो वियप्पिउं एवं । कि एसा वणलच्छी ? कि व रई वम्महविउत्ता ? ॥८२७५॥  
 अच्छइभुयरूवाणं जुवतीणं मच्चलोयसाराणं । निम्मवणत्थं विहिणा कि पडिछंदो कओ एसो ? ॥८२७६॥  
 कि कत्थ वि अवराहे गरुयम्मि पुरंदरेण रुट्टेण । अच्छरसा का वि इमा पवासिया सगलोयाओ ? ॥८२७७॥  
 अवि य—कलहंसीणं जह रायहंसिया कुमुइणीण नलिणि व्व । कप्पलय व्व लयाणं ताराण व रोहिणी पवरा ॥

जह अच्छराण मज्जे तिलोत्तमा इयरतरुपखूढाण । जह मंजरीण मज्झम्मि मंजरीपारियायस्स ॥८२७९॥  
इयराण उउसिरीणं मज्झं जह रेहए वसंतसिरी । सब्वजुवतीण मज्जे विरायए तह इमा बाला ॥८२८०॥  
अंगोवंगपइद्वियसुहलकखणपुत्रसुंदरसरीरा । दोलावइ हिययाइं एसा दिट्ठा मुणीणं पि ॥८२८१॥  
सा वि अणवरयपेसियलोगणबाणेहिं सुमुहनरनाहं । विधंती नोवरमइ वियसियसयवत्तसमवयणा ॥८२८२॥  
सुमुहो वि तक्खणं चिय वम्महपरिमुक्कबाणपसरेण । सल्लियसव्वसरीरो । वणमालामयमणो जाओ ॥  
पुरओ गंतुमसक्को तत्थेव गयागयाइं कारेइ । करिणं अवसं व कुविदमंदिरासत्तमग्गम्मि ॥८२८४॥  
मइसागरनामेणं सचिवेण तओ मणोगयं भावं । नाऊणं विन्नत्तो सुमुहमहामहिवती एवं ॥ ८२८५॥  
जह देव ! सेवयजणो मिलिओ सब्बो वि चिट्ठए इन्हि । किमिह मुहाए विलंबो कीरह गम्मउ पुरो सिग्घं ॥  
सोऊण मंतिवयणं कि पि तओ जायचेयणो राया । चोएऊण गइदं मंदं मंदं गओ पुरओ ॥८२८७॥  
संपत्तो उज्जाणं फलकुसुमनमंतसाहिसिहरोहिं । पणमंतं व निवइणो जमुणावत्तं ति नामेण ॥८२८८॥  
पवणपकंपिरसुमणसमूहपवियंभमाणमयरदं । मयरदमत्तमहुयरविरावकयकामिणिवियारं ॥८२८९॥  
कामिणिवियारदंसणसंजणियजुवाणपरमपरिओसं । परिओसवसवियंभियकामुयकलगीयकयसोहं ॥८२९०॥  
इय तत्थ जणियसोहे उज्जाणवरम्मि नरवरो सुमुहो । कीलागिहम्मि पविसइ निसुणंतो परहुयरुयाइं ॥८२९१॥  
तत्थ वि तं वणमालं मणम्मि अणवरयमुव्वहंतस्स । तस्स न खणं पि सोक्खं संजायइ सुन्नहिययस्स ॥८२९२॥  
आयारिणियकुसलो मंती मतिसागरो मुणेऊण । नरवइणो मणभावं चितइ एवं नियमणम्मि ॥८२९३॥  
जह एस ताव राया वणमालादेहदंसणभवेण । वम्महमहाभुयंगेण उग्गारलेण निडुसिओ ॥८२९४॥  
केणावि उवाएणं पुच्छेऊणं इमं महीनाहं । पयडावेमि तओ हं मणोगयं सब्वसब्भावं ॥८२९५॥  
इय चित्तिऊण मंती पुच्छइ सुमुहं निवं जहा देव ! । जो दीसइ मणमोहो तुम्हाण इमो समुब्भूओ ॥८२९६॥  
तस्स किर कारणाइं एयाइं फुरंति माणसे मज्झ । सत्तुसमुत्थं व भयं पयइपकोवो व अइगरहओ ॥८२९७॥  
अह वल्लहदंवीए ह्वेज्ज मन्नू कओ अतिमहंतो । तत्थ तुह ताव तिक्वप्पयावदलियारिवग्गस्स ॥८२९८॥  
सत्तुसमुत्थं न भयं संभाविज्जइ मणम्मि सुमिणे वि । सम्माणदाणमुइया पयई वि न कुप्पए तुम्ह ॥८२९९॥  
सव्वस्स वि अणुकूलं काउमणाणं सया वि तुम्हाण । परभावजाणयाणं देवी वि न तुम्ह रूसेइ ॥८३००॥  
एयाण कारणाणं वइरित्तं जमिह कारणं कि पि । देवेण चेव कहियं तमहमियाणिं वियाणिस्सं ॥८३०१॥  
जइ कह वि गोवणिज्जं न होइ एयं कहेउ तो देवो । तो ईसि विहसिऊणं पभणइ मतिसागरं राया ॥८२०२॥  
तं अम्ह बालमित्तं बीसंभट्टाणमतिविणीओ य । सुविथक्खणो सहाओ हिएक्कनिरओ सि सयकालं ॥८३०३॥  
ता तुज्झ गोवणिज्जं कि पि रहस्सं कया वि मे नत्थि । पुच्छंतस्स विसेसेण संपयं वियण ठाणम्मि ॥८३०४॥  
सो को वि अम्ह कुविओ मतिरयणनिहाण ! चिट्ठए इन्हि । जस्स न पडिमल्लो एत्थ को वि अन्नो तिहुयणे वि ॥  
सो कयरो ? इय पुट्ठे सचिवेण नरेसरो तओ भणइ । खंदमहिं दाईया कुणंति दासत्तणं जस्स ॥८३०६॥  
सो देवो नामेणं अवराहं कं पि संपयं मज्झ । दट्ठूणपकुविओ तो अकासि एय मम अवत्थं ॥८३०७॥  
सो अवराहो एसो गिहाओ वणलच्छिपेच्छणनिमित्तं । इह आगच्छंतेणं का वि मए बालिया दिट्ठा ॥८३०८॥  
सा सब्वंगं पि तओ पलोइया साहिलासदिट्ठीए । जाव मए ता कुविओ देवो सहस ति मज्झुवरि ॥८३०९॥  
उत्तमकुलप्पसूओ एस पयापालणे मए ठविओ । अन्नो वि अनीइपरो निवारियव्वो तओ इमिणा ॥८३१०॥  
सयमेव कहं एसो सुमुहो नीइं विलंघए तत्तो । इय चित्तिऊण नूणं विहिणा कुविएण पढमं पि ॥८३११॥

सिग्घं पवेसिया सा तिक्खा असिधेणुय व्व मह हियए । वयणमुप्पायंती सव्वसरीरम्मि वणमाला ॥८३१२॥  
 तयणंतरं पि मयणो निरुविओ तेण पहरिउं मज्झ । तेण वि नियबाणेहि एयावत्थं अहं नीओ ॥८३१३॥  
 अहं मंती भणइ निवं देव ! वियाणामि तं अहं बालं । वीरयकुविक्खरिणीं सया वि नामेण वणमालं ॥८३१४॥  
 मा कुणउ कं पि खेयं देवो एयम्मि वइयरे तम्हा । तह कह वि करिस्समहं जह सा देवस्स वसमेइ ॥८३१५॥  
 तो आह सुमुहनिवई मा मा जपेह एरिसं सचिव ! तुह पुच्छंतस्स मए जहट्टिओ साहिओ एसो ॥८३१६॥  
 नियचित्तस्स विगप्पो काउं इच्छामि न उण काएण । जम्हा मणम्मि वि इमं अचित्तणिज्जं कुले अम्ह ॥८३१७॥  
 जइ वि हु दिव्ववसेण मणोवियारो इमो समुप्पन्नो । तह वि न कुले कलंकं नियम्मि आणेमि ससिविमले ॥८३१८॥  
 जइ वि कुविओ विही मे हरिस्सए तह वि जीवियं चेव । इह परलोयविरुद्धं मं कारेउ न सो सक्को ॥८३१९॥  
 विन्नवइ तओ मंती देवो जाणेइ नीइसत्थाइ । सव्वपुरिसत्थमूलं तत्थ वि रक्खाविओ अप्पा ॥८३२०॥  
 आह तओ सुमुहनिवो सेयं मरणं पि विमलसीलस्स । मइलियसीलस्स पुणो न सुहं चिरजीवियव्वं पि ॥  
 जइ ता तुमं मम हिओ तो मा मह देसु एयमुवएसं । अज्जेऊणं पावं जेण अहं दुग्गइं जामि ॥८३२२॥  
 मइसागरो पयंपइ न भायणं तमिह जस्स न पिहाणं । पावं पि तं न भुवणे पायच्छित्तं न जस्सत्थि ॥८३२३॥  
 ता अत्ताणमियाणि कहमवि विसमाउहाउ रक्खेउं । पावस्स तस्स पच्छा पायच्छित्तं चरेज्जासि ॥८३२४॥  
 आह तओ नरनाहो पायच्छित्तेण पावकम्मस्स । होज्ज विणासो अयस्स मज्जणं कह विहेयव्वं ॥८३२५॥  
 मतिसागरेण भणियं तहा करिस्सामि देव ! जह अन्नो । को वि न याणइ एयं तुज्ज रहस्सं नयरमज्जे ॥८३२६॥  
 किं च निरवच्चयाणं जइ तुम्ह हवेज्ज कह वि परलोए । गमणमियाणि एएण वइयरेणं तओ देव ! ॥८३२७॥  
 रज्जं रट्टं च पयाउ धम्मठाणाइं पुव्वपुरिसाणं । एगसमएण सव्वं पावेज्ज त्रिणासमवियप्प ॥८३२८॥  
 इय जंपियम्मि राया न पयच्छइ जाव कि पि पडिवयणं । तो मंतिणा पभणियं गम्मउ सिग्घं पि देव ! इओ ॥८३२९॥  
 नयरीमज्झम्मि नियम्मि मंदिरे ताव संपय तत्तो । कालोचियं भविस्सइ जं कि पि तयं करिस्सामि ॥८३३०॥  
 सिवियं आरुहिऊणं उज्जाणवणाओ अहं नराहिवई । नियपरिवारसमओ पविसइ कोसंबिनयरीए ॥८३३१॥  
 गंतूणं पासाए विसज्जिऊणं च सव्वपरिवारं । वासहरे पविसेउं सयणिज्जे ठाइ तं बालं ॥८३३२॥  
 अणवरयं ज्ञायंतो एगग्गमणो सुदीहनोसासे । उण्हन्हे विमुयंतो मणं नियत्तेउमतरंतो ॥८३३३॥  
 मतिसागरसचिवेणं एस पघोसो पयासिओ बाहिं । जह नरवइणीं सीसं बाहइ चिरचक्खु दोसेण ॥८३३४॥  
 सयमागंतूण गिहे हक्कारावेइ पुरिसपासाओ । अत्तेइयाहिहाणं परिवायगलिगिणिं निउणं ॥८३३५॥  
 पेसेइ तओ एयं वणमालाए वसीकरणहेउं । गंतूण तग्गिहे सा तीए सह दंसणं कुणइ ॥८३३६॥  
 कयसमुचियपडिवत्ती जंपइ आसणपरिग्गहं काउं । पुत्ति ! अहं तुह गेहे निच्चं पि उवेमि पाएण ॥८३३७॥  
 कित्तु वियसंतवयणा दीसंती अन्नया सया वि तुमं । अज्ज पुण मउलियमुही कह दीससि सुन्नहियया य ॥  
 अन्नं च सव्वकालं नियसुह-दुक्खं तुमं पुरो मज्झ । आसि पुरा साहेंती ता सुयणु ! कहेसु इन्हि पि ॥८३३९॥  
 जं कि पि तुज्ज बाहइ मज्जे देहस्स तयणु वणमाला । जंपइ अज्जे ! बाला का वि जहा मंडलं ससिणो ॥  
 गयणंगणाओ गहिउं इच्छइ जह वा खरी वरतुरंगं । सीहकिसोरं व सिवा कलहंसं वायसवहु व्व ॥८३४१॥  
 मयणत्ता परिभोत्तुं वंछेइ अहं पि अज्ज तह मूढा । दुल्लहजणसंजोयं देवोवहया अहिलसामि ॥८३४२॥  
 अज्ज वि पुव्वुत्ताणं संजोओ होइ कह वि दिव्ववसा । जं पुण पत्थेमि अहं सुमिणे वि हु दुल्लहो मज्झ ॥  
 तेण समं संजोगो तेणहं मयणदाहजरगहिया । न लहामि खणं पि रइं चिट्ठामि विमुक्कजीयासा ॥८३४४॥

अत्तेइया पर्यंपइ तओ जहा मंत-ओसहाईणं । विज्जाण सउघ्णाण य कि पि असज्जं न भुवणे वि ॥८३४५॥  
 ता कहसु निव्वियप्पं खामोयरि ! मा खणं चिरावेसु । जेण समीहियमट्ठं सिग्घं चिय तुज्ज साहेमि ॥८३४६॥  
 वणमाला भणइ तओ अज्जे ! अज्जेव करिवराहूढो । उज्जाणवणाभिमुहं वच्चंतो सुमुहनरनाहो ॥८३३७॥  
 सगिहासन्नो दिट्ठो जया मए साहिलासदिट्ठीए । आरब्भ तओ समयओ संगमं तस्स ज्ञायंती ॥८३४८॥  
 इममेरिसं अवत्थं पत्ता हं जारिसं तुमं नियसि । अत्तेइया पर्यंपइ सगव्वमेयं तओ वयणं ॥८३४९॥  
 चंदो सूरुो सक्को ईसाणो वा हवेज्ज जइ को वि । आणेमि तं पि गयणंगणाओ मंतेहि तुह पासे ॥८३५०॥  
 मणुयाहिव्वमेत्तस्स उ का वत्ता एगपुरनिवासिस्स । अज्जेव पओसे जइ घडेमि न तए समं एयं ॥८३५१॥  
 तो हं पज्जलियहुयासणम्मि नूणं खिव्वेमि अप्पाणं । इय काऊण पइच्चं अत्तेई निग्गया तत्तो ॥८३५२॥  
 वणमालाभवणाओ गंतुं मतिसागरस्स सचिव्वस्स । सव्वं कहेइ वियणे हिट्ठो सो होइ हिययम्मि ॥८३५३॥  
 सम्माणिऊण अत्तेइयं तओ कि पि सिक्खवइ कन्ने । पच्छा विसज्जिऊणं तं सचिवो चितइ सकज्जं ॥८३५४॥  
 अह पत्तम्मि पओसे पसमियनीसेसजंतुसंतावे । सुद्धमयंकमऊहे विलासिमणुयाण सुहजणए ॥८३५५॥  
 अत्तेई गंतूणं वीरकुविदस्स मंदिरे तुरियं । वणमालाए साहइ पुत्ति ! मए तुइ समीवाओ ॥८३५६॥  
 एत्तो गंतूण नियम्मि आसए जावएत्तियं वेवं । तह कहवि मंतजावो एगगमणाए परिविहिओ ॥८३५७॥  
 जह सो सुमुहनरिदो सव्वंगं विसमबाणसरविट्ठो । चिट्ठइ मणम्मि तं चिय ज्ञायंतो परमजोइ व्व ॥८३५८॥  
 एयं मह विज्जाए कहियं कन्नम्मि तो मए जावो । संवरिओ ज्जत्ति इहागया अहं तुज्ज पासम्मि ॥८३५९॥  
 ता सिग्घं चिय इन्हि एहि तुमं नेमि जह निवसमीवे । जावज्जवि य कुविदो न वीरओ मंदिरं एइ ॥८३६०॥  
 अत्तेइयाए वयणे एयम्मि गयम्मि कन्नकुहरम्मि । वणमाला संजाया मय व्व उज्जीविया ज्जत्ति ॥८३६१॥  
 डढ्ढा सिसिरेण जहा होइ वसंते पुणो वि सच्छाया । नलिणी तह वणमाला तव्वयणायन्नणे जाया ॥८३६२॥  
 अह सिग्घं तीए समं विणिग्गया नियगिहाओ वणमाला । पत्ता नरिदभवणे सिग्घं सचिव्वस्स सरिऊण ॥८३६३॥  
 अत्तेइया असच्चं भणइ जहा अम्ह सीसिणी एसा । निव्वल्लहेण केणइ परिभूया आगया एत्थ ॥८३६४॥  
 तो रत्ता सह एईए दंसणं कारवेह सिग्घं पि । सचिव्वेण तओ भणियं मज्ज इमं वइयरं कहह ॥८३६५॥  
 अत्तेई भणइ तओ पडियारं काउमक्खमा तुब्भे । एयम्मि वइयरं तो कह तुम्ह कहिज्जए एयं ॥८३६६॥  
 तो भणियं सचिव्वेणं अणवसरो संपयं नरिदस्स । पासे गंतुं अन्नस्स तो अहं जामि सयमेव ॥८३६७॥  
 इय भणियं उट्ठे उं गंतुं सचिव्वेण साहियं रत्तो । जह वणमाला तुम्हं किंच पि विन्नविउकामा ॥८३६८॥  
 चिट्ठइ दुवारदेसे पत्ता को देव ! तीए आएसो । तो चितइ नरनाहो एसो सो खलु महाणत्थो ॥८३६९॥  
 समुवट्ठिओ पुणो वि हु अहवा सचिव्वस्स चेट्ठियं कि पि । इय चित्तिऊण भणिओ रत्ता मइसागरो एवं ॥८३७०॥  
 तं चिय तव्वयणममच्च ! निसुणियं उत्तरं सयं देहि । विन्नवइ तओ निवइ सचिवो जह देव ! सयमेव ॥  
 भणिया बहुहा वि मए एसा एवं न मन्नए किंतु । इय जंपेइ चिरेण वि एत्तो नाह गमिस्सामि ॥८३७१॥  
 जाव न सयं मुहेणं विन्नत्तो नरवई मए सुमुहो । तो जइ आएसो देवसंतिओ होइ ता एयं ॥८३७२॥  
 कढ्ढावेऊण खुरेहिं अंगरक्खाण पासओ बाहि । नेयावेमि खणेण वि तो राया आइसइ मंति ॥८३७३॥  
 जइ एसो च्चिय तीए विणिच्छओ निम्मिओ नियमणम्मि । तो कारिज्जउ एसा मए समं दंसणं वरई ॥८३७४॥  
 भवियव्वयावसेणं मंती एवं निवेण आइट्ठो । हिट्ठो हियए गंतूण आणए तत्थ वणमालं ॥८३७५॥

सा वि सविथारलोयणमवल्लोयंती निरंतरं बाला । दिट्ठा निवेण पम्हुट्टसव्वनियमणविवेण ॥७३७७॥  
 ताव च्चिय विबुहाण वि मणम्मि निम्मलविवेयदीवस्स । विप्फुरणं संजायइ झडप्पए अज्ज वि न जाव ॥८३७८॥  
 तं तरुणिलोललोयणविकखेवसुदीहरंचलसमीरो । अह नाउं सचिवो निवदिट्ठीभावं अवक्कतो ॥८३७९॥  
 नाऊण साणुरायं राया तं कारिऊण उवयारं । अट्ठासणे निवेसइ रमणमईए विगयसंको ॥८३८०॥  
 एत्तो च्चिय वारिज्जइ गरुयपयत्तेण सव्वसत्थेसु । मायाए भइणीए दुहियाए वा सहेगंतो ॥८३८१॥  
 जम्हा इंदियगामो सुदुद्धरो होइ मत्तहत्थि व्व । भंजंतो सीलवणं गुरुवएसंकुसअभीओ ॥८३८२॥  
 समरे सुतिकखखग्गाभिघायसंघायमवि महासुहडा । विसहंति सुलीलाए न मुयंति मणं पि धीरत्तं ॥८३८३॥  
 सविलासजुवइर्लालाकडक्खविकखेवतिकखबाणाणं । पुण वाओ वि विलग्गो तेसिं धीरत्तणं हरइ ॥८३८४॥  
 अह निय पासनिसन्नं सज्जसपवियंभमाणउक्कपं । कलिऊणं तं बालं सज्जसपरिवज्जिओ राया ॥८३८५॥  
 वरमज्जपाणविहिणा हरिऊणं सज्जसं निरवसेसं । रमइ अवगूहिउणं सिक्कारुक्कंपिरथणोहं ॥८३८६॥  
 परिभुत्तरइसुहं पि हु विसज्जिउं तं न इच्छए बालं । सुमुहनिवो तहंसणपइसमथपवडिड्याणंगो ॥८३८७॥  
 अवरोहे च्चिय धारइ तीए सह निबिडनेहनिरयाए । एगन्तरइपसत्तो गयं पि कालं न याणेइ ॥८३८८॥  
 अह वीरओ कुविदो आगच्छइ जाव मंदिरे नियए । ताव न पेच्छइ भज्जं वणमालं तत्थ ललमाणं ॥८३८९॥  
 अत्तेसिउं पयत्तो तत्तो संभंतमाणसो एसो । अंतोगिहस्स गंतुं उर्वारिं च बहिं च सहन्तो ॥८३९०॥  
 वणमाले ! वणमाले ! कत्थ गया ? किं करेसि परिहासं ? । चक्कं व भमइ रयणीए विरहिओ चक्कवाओ व्व  
 एत्तियदिणाणि दइए ! कयावि कोवो तए कओ नेय । मज्जुवरि चंदवयणे ! सया वि अणुरत्तचित्तस्स ॥८३९२॥  
 सुमरामि अहं मुद्धे ! न किं पि तुह विप्पियं कयं इन्हि । जइ पुण तुमं वियाणसि तो खमसु ममेक्कमवराहं ॥८३९३॥  
 जइ वि तुमं अइकुविया न देसि दीणस्स दंसणं मज्ज । करुणं काऊणं तहा वि सइमेक्क सुणावेसु ॥८३९४॥  
 हिययं फुडिऊण जहा न जाइ मम जीवियं हयासस्स । इच्चाइ पलवमाणो जाओ उम्मत्तओ सहसा ॥८३९५॥  
 सविहवसारं पि धरं चइऊण विणिग्गओ तयिरिमज्जे । तियचच्चरेसु वियरइ घरमढदेवउलवावीसु ॥८३९६॥  
 आरामेसु पवासु य सहासु सरिसरवरेसु रायपहे । सव्वंगमलविलित्तो खरंदिओ खेलमाईहि ॥८३९७॥  
 विलुलंतमलजडीकयकेसकलावो गलंततयणजुओ । फुडियकरचरणजुयलो दीहरसंजायनहरोमो ॥८३९८॥  
 जरचीवरखंडनियंसणो य घणरेणुगुंडियसरीरो । करकलियकप्परो भिक्खमगिरो वियरइ जहिच्छं ॥८३९९॥  
 कयपरिवेढो डिभगसएहिं कलयलखं कुणंतेहिं । कीलाए वेलवंतेहिं एहिं दंसेमि वणमालं ॥८४००॥  
 इय भणिऊणं नेऊण कहियठाणम्मि तं भणंति तओ । अम्हेहिं आसि दिट्ठा एत्थ पाएसम्मि खणमेक्कं ॥८४०१॥  
 इन्हिं तु गया कत्थ वि न याणिमो जंपए तओ अत्तो । एककेण मज्ज कहिया सा चिट्ठइ अमगुठाणम्मि ॥८४०२॥  
 तयभिमुहो तो धावइ तत्थ वि तं जाव पेच्छए नेय । तो पलवइ वणमालागुणे सरंतो बहुपयारं ॥८४०३॥  
 पुच्छंतो पइगेहं वणमाला अत्थि एत्थं कत्थ वि य ? । सपत्ता मह रुट्ठा जह दिट्ठा कह वि ता कहह ॥८४०४॥  
 तं सि पिए ! जंपंती दइय ! तुमं पाणवल्लहो मज्ज । ता किं न देसि दंसणमिण्हि मह विलवमाणस्स ॥८४०५॥  
 जइ आसि अहं दइए ! पाणेहितो वि वल्लहो तुज्ज । निक्कारणं पि ता किं इन्हिमउत्तो तए चत्तो ॥८४०६॥  
 अहवा वि वल्लहो च्चिय तुज्ज अहं तेण मह मणं तुमए । नीयं सहप्पण च्चिय नियमणसाहारणनिमित्तं ॥८४०७॥  
 अहवा न मज्ज रुट्ठा तं सि पिए ! किंतु रुवलुद्धेणं । देवेण दाणवेण व खयरेण व अवहडा नूनं ॥८४०८॥

अयसो च्चिय तेण परं गहिओ मूढेण तं हरंतेण । मह विरहम्मि तुमं पुण जीवसि न खणं पि पइवइए! ॥८४०९॥  
 तुह विरहे जं दुक्खं मज्झ अहं तं सहेमि मह विरहे । जं तुज्झ दुहं तं पुण दइए! सहिउं न सक्केमि ॥८४१०॥  
 हा वणमाले! हा कमललोयणे! हा छणिहुसमवयणे! । हा पीणघणत्थणि! कत्थ तं पुणो दीससे सुयणु! ॥८४११॥  
 तं तुह हसियं तं तुज्झ जंपियं तं पलोइयं तुज्झ । तं तुह रमियं च पिए! कत्थगओ हं लहिस्सामि ॥८४१२॥  
 इय तं दट्ठूण जणो घरघरदारम्मि जंपिरं दीणं । सो नत्थि नयरिमज्जे न परुत्तं जेण धाहाहिं ॥८४१३॥  
 एवं च सो वराओ पेम्मपिसाएण विनडिओ संतो । तत्थ अणेयं कालं पडिपडिओ दुक्खसंततो ॥८४१४॥  
 अन्नम्मि दिणे डिभगसहस्सपरिवारिओ कलयलेण । कीरंतेणं पत्तो उवंगणं रायभवणस्स ॥८४१५॥  
 मिलिओ नरिदलोओं सयलो कोऊहलेण तत्थ तओ । तेण कयतालसहो मोहेण पणच्चिओ तत्तो ॥८४१६॥  
 सोऊण गरुयकलयलसइं तं सुमुहनरवरिदो वि । वणमालाए सह पिययमाए किं किं किमेयं? ति ॥८४१७॥  
 जंपंतो संपत्तो तत्थ पएसम्मि जाव पेक्खेइ । तं वीरयं कुविदं अतिबीभच्छं पणच्चंतं ॥८४१८॥  
 मयणमणमोहियमणं जरडंडीखंडनिवसणं दीणं । फुडिउदरुक्खकेसं सुक्कं कीलं व दवदइं ॥८४१९॥  
 उरकयसरावमालं मुत्तासुइपंकगोव्वरविलित्तं । वणमाले! वणमाले! त्ति जंपिरं दुक्खपरिकलियं ॥८४२०॥  
 पुणपुणनियनामग्गहणसवणओ जायगरुयसंकाए । संगोवंगं पि तयं निउणं अबलोयमाणीए ॥८४२१॥  
 वणमालाए उवलक्खिऊण सो दंसिओ नरिदस्स । जह एसो सो नरवर ! मह भत्ता वीरयकुविन्दो ॥८४२२॥  
 मज्झ विओए जाओ एरिसओ एस पेम्मगहगहिओ । उम्मत्तओ वराओ अहं तं सोऊण सुमुहनविओ ॥८४२३॥  
 वणमाला समं चिय दोन्नि वि गहियाइं गरुयसोएण । तक्खणमेव परोप्परमेवं च पयंपमाणाइं ॥८४२४॥  
 एसेस सो वराओ वीरयनामो कुविंदकुलजाओ । अम्हाण चेट्टिएणं एयमवत्थंतरं पत्तो ॥८३२५॥  
 हा निग्घणं कयमिणं कम्मं अम्हेहिं निहयमणेहिं । धि द्धि एयं अम्हाण चेट्टियं विगयसीलाण ॥८४२६॥  
 किं एत्तो विय पावं महामहंतं ह्वेज्ज तिजए वि । विसयपसत्तेहिं कयं जं एयं कह वि अम्हेहिं ॥८४२७॥  
 इहपरलोयविरुद्धं धम्मसुईनिदियं महापावं । हा हा मोहवसा कयमेयं अम्हेहिं अहमेहिं ॥८४२८॥  
 ते धन्ना सप्पुरिसा विसयपसंगं समग्गमुज्जेउं । इहपरलोए य हियं कुणंति जे धम्ममणवरयं ॥८४२९॥  
 कत्तो अम्हाण पुणो धम्मस्स लवो वि गलियसीलाण । पावपसत्ताणं केवलं पि पावं कुणंताण ॥८४३०॥  
 पुव्वपुरिसाण भग्गो अम्हेहिं कलंकिओ विसुद्धो वि । एयं महामहंतं पावट्टाणं कुणंतेहिं ॥८४३१॥  
 ता एत्थ वंदणिज्जा ते च्चिय पुरिसा जयम्मि सयलम्मि । जे मुक्कविसयसंगा कुणंति उग्गं तवच्चरणं ॥८४३२॥  
 इय एवमाइगाढं अणुत्पत्ताइं ताइं हिययम्मि । विज्जूए गयणाओ पडिऊणं दो वि दइइइं ॥८४३३॥  
 अन्नोन्नं नेहेण य परिणामेण य सुहेण दोणहं पि । मरिऊणं उप्पत्ती जाया हरिवासखेत्तम्मि ॥८४३४॥  
 मेरुस्स दाहिणेणं निसडो नामेण अत्थि कुलसेलो । तह य महाहिमवंतो तेसि दोन्हं पि मज्झम्मि ॥८४३५॥  
 तं हरिवासं खेतं वसइविसालं वसुंधरा जस्स । मणिकुट्टिमं व विमला विचित्तउज्जाणरमणिज्जा ॥८४३६॥  
 रयपंककंटयातीहिं विरहिया सव्वओ समा रम्मा । तह दंसमसगमंकुणजूयाइविवज्जिया निच्चं ॥८४३७॥  
 न य चंदमूरियाणं उवराओ तत्थ जायइ कया वि । न य तिव्वायववाया सीयनिवाया व जायंति ॥८४३८॥  
 जायंति तत्थ मणुया जुगवं नरनारिजुयलधम्मणेण । सयलपुरिसित्थिलक्खणकलिया पइभज्जभावेण ॥८४३९॥  
 कीलंति जहिच्छाए अहमिदा अमरमिहुणसारिच्छा । रोयजरापरिमुक्का अकालमच्चूपरिच्चत्ता ॥८४४०॥

पयणुकसाया पयईए भद्दया सुप्पसंतचित्ता य । अप्पिच्छा मुच्छावज्जिया य मणिमोत्तियाईसु ॥८४४१॥  
 करिकरहतुरंगाइसु संतेसु वि चउपएसु जीवेसु । तप्परिभोगविमुक्का अणूसुया कामचारी य ॥८४४२॥  
 परिविजियपवणवेगा मच्छरवेराणुबंधपरिमुक्का । दोपलिओवमआऊ दोकोससमूसियसरीरा ॥८४४३॥  
 अट्टावीसहियसयं पिट्टिकरंडाण जायए तेसि । छट्टुस्स य पज्जते आहारमिमे समीहंति ॥८४४४॥  
 आहारमाइ सव्वं तेसि संपज्जए समीवाओ । कप्पघरणीरूहाणं ते होंति पुणो दसपयारा ॥८४४५॥  
 मत्तंगया य भिगा तुडियंगा नाम होंति तइया उ । दीवसिहा जोइसिहा चित्तंगा नाम चित्तरसा ॥८४४६॥  
 मणियंगा अट्टमया गेहागारा य अणिगिणा दसमा । एयाइं नामाईं गुणा य एंसि इमे होंति ॥८४४७॥  
 मत्तंगएसु सुस्साउमइररसपुन्नकोसगागारा । भिगेसु थालकच्चोलमाइबहुभायणायारा ॥८४४८॥  
 तुडियंगेसु चउव्विहआउज्जागारफलविसेसाउ । तयवितयं घणसुसिरं ते उण भेया इमे चउरो ॥८४४९॥  
 वीणापमुहं च तयं वितयं पुण होति पडहमाईयं । नालाईयं तु घणं सुसिरं पुण काहलाईयं ॥८४५०॥  
 दीवसिहा उण तरुणो उज्जोयगरा हसंति दीव व्व । जोइसिहा उण रविमंडलं व उव्भासया होति ॥८४५१॥  
 चित्तंगएसु कुसुमा हवंति वरसुरहिपंचवन्ना य । चित्तरसेसु विचित्ता हवंति सुरसाउआहारा ॥८४५२॥  
 मणियंगेसु बहुविहा नेउरकेऊरहारमाईया । भूसणभेया जायंति भासुरा सोहंसजणया ॥८४५३॥  
 गेहागारेसु पुणो पायारेहिं समंतओ गुत्ता । सोवाणपतिकलिया विचित्तसालाभिरमणिज्जा ॥८४५४॥  
 रइहरगवक्खपच्छन्नपयडओवरयकुट्टिमयलेहिं । नाणाविहेहिं कलिया होंति निवासा अतिविसाला ॥८४५५॥  
 अइसन्हइरसुकुमालफासतेइत्तवत्थसंवाया । जायंति अणिगिणेसुं सारिच्छा देवदूसाणं ॥८४५६॥  
 इय दसविहकप्पट्टुं मसंपाइयपवरभोगउवभोगा । सग्गे सुर व्व मणुया न मुणंति गयं पि ते कालं ॥८४५७॥  
 जइ वि सयमुग्गयाइं सरसाइं तत्थ सालिमाईणि । धन्नाइं संति तह वि हु ताइं न भुंजंति नरतिरिया ॥८४५८॥  
 किंतु महिमट्टियासाहिकुसुमपत्ताइया वि साउरसा । हंति अणंतगणेणं सक्करदक्खारसाओ वि ॥८४५९॥  
 तेसि चियं परिभोगं कुणंति ते तह परोप्परं तिरिया । सीहभुयंगाईया अकूरभावा न खायंति ॥८४६०॥  
 आउम्मि थोवसेसे मिहुणं जणिऊण ते नरा तत्तो । कालं काऊण सुरा हवंति सोहम्मकप्पम्मि ॥८४६१॥  
 थेवकसायत्तणओ तिरियाण वि तत्थ आउयखयम्मि । उप्पत्ती संजायइ कप्पे सोहम्मनामम्मि ॥८४६२॥  
 मिहुणत्तेणुववन्नाइं ताइं दोन्नि वि इमम्मि खेत्तम्मि । हरिनामेणं सुमुहो हरिणीनामेण वणमाला ॥८४६३॥  
 दिव्वजुइदिव्वदेहं दिव्वाहरणं च दिव्ववरवत्थं । दिव्वविलेवणलित्तं विहूसियं दिव्वकुसुमहिं ॥८४६४॥  
 सुसुयंधिगंधमणुवमसिरीजुयं मिहुणयं इमं तत्थ । पुव्वोववन्नियगुणे उवभुंजइ उत्तमे भोए ॥८४६५॥  
 एत्तो य सो कुविदो उम्मत्तो वीरगोऽभिहाणेण । विज्जुनिवाएण हए सुमुहनिवे सवणमालम्मि ॥८४६६॥  
 बालतवं काऊणं दीहरनहरोमकेसमलविट्ठो । परिवालिऊण आउं मरिउं सोहम्मकप्पम्मि ॥८४६७॥  
 किव्विसियदेवाणं मज्जे देवत्तणेण उप्पन्नो । दट्ठूण देवरिद्धि पउंजए जाव सो अबहिं ॥८४६८॥  
 पेक्खेइ ताव निययं पुव्विल्लमणुस्सभवगयं देहं । तं हरिहरिणीजुयलं तत्तो दारावहारकयं ॥८४६९॥  
 सरिऊण पुव्ववेरं महुघयसित्तो व्व हुयवहो जाओ । रत्तच्छो दुप्पेच्छो पज्जलिओ गरुयकोवण ॥८४७०॥  
 वेरुद्धरणनिमित्तं संपत्तो झ त्ति तम्मि खेत्तम्मि । हरिवासम्मि समीवे तेसि कुट्ठो कयंतो व्व ॥८४७१॥  
 फुरुफुरुंरंतअहरो मारेउं जाव वंछए ताइं । निरुवक्कमाउयसं मयाण सुरलोयगामित्तं ॥८४७२॥

नाऊण ताव तेसि बहुदुक्खुप्पायणं तओ काउं । दुग्गइगमणोवायं चित्तेऊणं नियमणम्मि ॥८४७३॥  
अइदीहरं पि देहं उवसंहरिऊणं देवसत्तीए । काऊणं भरहमणुयाणुसारओ धणुसयपमाणं ॥८४७४॥  
सह कप्पपायवेहिं सो देवो ताइं दोन्नि वि इमम्मि । आणेइ भरहवासे देसे अंगाभिहाणम्मि ॥८४७५॥  
चंपाए नयरीए तत्थ य इक्खागुवंससंभूओ । नामेण चंदकित्ती राया पंचत्तमणुपत्तो ॥८४७६॥  
सो य अउत्तो तत्तो ते सब्बे सामिवज्जिया जाया । सामंतमंतिसहिया नायरया सामियं अन्नं ॥८४७७॥  
निवलक्खणगुणजुत्तं अन्नेसंता भमंति नयरीए । अह सो उवसोहंतो देवो दिब्बाए रिद्धीए ॥८४७८॥  
तेसिं पुरओ ठविउं तं मिहुणं कप्पपायवेहिं समं । पभणइ भो भो तुब्भे अमच्चपउरा ! ससामंता ! ॥८४७९॥  
मज्झ निसामेह गिरं तुम्हाण नरीसरो विहिवसेण । एस अउत्तो पत्तो पंचत्तं संपयं तत्तो ॥८४८०॥  
तुब्भे गवेसयंता चिद्धह अन्नं नराहिवं कं पि । तेण मए तुम्ह कए हरिवासाओ समाणीओ ॥८४८१॥  
एसो असेसनरवइलक्खणसमलंकिओ गुणनिवासी । हरिनामो एसो उण हरिणीनामा इमस्स पिया ॥८४८२॥  
नीसेसगुणगणजुया आणीया एत्थ चंपनयरीए । ता वज्जपउमसत्थियचक्ककुसभूसिओ एसो ॥८४८३॥  
सिरिवच्छंकियवच्छत्थलो य तुम्हाण सामिओ होउ । नयविककमसंपन्नो पुहईए पालणसमत्थो ॥८४८४॥  
सव्वोउया व एए कप्पमहापायवा फलसमिद्धा । मिहुणस्स इमस्स मए अहारत्थं इहाणीया ॥८४८५॥  
एसिं च पायवाणं फलाइं गहिऊणं मंसरसएणं । सावयविहगादीणं संजोएऊणं तुम्हेहिं ॥८४८६॥  
एएसिं दोण्हं पि हु आहारो पइदिणं पि दायव्वो । भक्खेहिं य पाणेहिं य अउव्वउव्वेहिं पउरेहिं ॥८४८७॥  
उवयरियव्वाइ इमाइं तयणु सुयलावयाइमंसेहिं । मंसरसाईहिं य केवलोहिं भुंजावियव्वाइ ॥८४८८॥  
एसेव य आहारो एएसिं देहबलकरो होही । इंदियपल्हायणओ वीरियसंवद्धणो तह य ॥८४८९॥  
देवस्स इमं वयणं तह त्ति पडिवज्जिऊणं परमेण । विणएण सीसविणिहियकरंजली कयपणामा य ॥८४९०॥  
ते सब्बे वि हु सामंतमंतिनरनाहनायरप्पमुहा । आरोहेऊणं रहवरम्मि हरिसेण तं मिहुणं ॥८४९१॥  
धारिज्जंतेणं उवरि धवलछत्तेण छणससिसमेण । नीहारहारनिम्मलढलंतवरचामरेहिं च ॥८४९२॥  
पुरओ अप्फालियबहुपयारतूरोहगहीरघोसेहिं । पडिसहियसयलदियन्तरालमुहलीकयनहेहिं ॥८४९३॥  
उट्टामसद्दंबदियणवंदउग्घुट्टजयजयरवेण । पेच्छणयगीयवाइयनट्टेहिं य कीरमाणेहिं ॥८४९४॥  
नयरीए पवेसेउं नेऊणं नरिंदमदिरे तत्थ । हरिणो विच्छड्डेणं कुणंति रज्जम्मि अहिसेयं ॥८४९५॥  
तित्थम्मि वट्टमाणे सीयलनाहस्स चंपनयरीए । ठविउं हरिं नरिंदं सुरलोए सो सुरो पत्तो ॥८४९६॥  
देवोवइट्टमंसाहाराइपओगओ पइदिणं पि । तं उवयरंति पुव्वुत्तमंतिसामंतमाईया ॥८४९७॥  
अह सो हरी नरिंदो परमपरक्कमनएहिं महिवलयं । तिजलहिमेहलमेरं पसाहए पणयसामंतं ॥८४९८॥  
रयणाइं जाइं काइं वि वेरिंनरिंदाण आसिं रज्जेसु । कल्लाहिं समं गहियाइं ताइं एएणं सव्वाइं ॥८४९९॥  
मंसाइपवित्तीए मुरसत्तीए य तस्स मिहुणस्स । अपवत्तिऊणं आउस्स तो ठिती पलहुया जाया ॥८५००॥  
पंचपयारे भोए एसो बहुयाइं वासलक्खाइं । भुंजंतो हरिणीए जणयइ पुत्तं पवरकित्ति ॥८५०१॥  
पुहईवइ त्ति नामं जाओ एसो कमेण गहियकलो । सूरु सरलो चाईं दक्खिन्नपरो खमावंतो ॥८५०२॥  
हरिनरवईं वि सह पिययमाए हरिणीए विहियबहुपावो । मरिऊणं गओ नरयं तिब्बमहावेयणं घोरं ॥८५०३॥  
हरिवासाओ हरिओ हरिनामो नरवईं इमो जेण । एयस्स तेण वंसो हरिवंसो नाम संजाओ ॥८५०४॥



अहं पुहइवई रज्जे अहिसित्तो सव्वरायलोएण । अखलियपयावपसरो जाओ जसभरियभुवणयलो ॥८५०५॥  
 सागरसीमाए वसुमईए सामी महानिवो जाओ । कालेण समुप्पन्नो महागिरी नाम तस्स सुओ ॥८५०६॥  
 अहिसिचिऊण रज्जे एयं अहं पुहइवई महाराओ । गिन्हेऊणं दिक्खं काऊण तवं दिवं पत्तो ॥८५०७॥  
 काऊण एगच्छत्तं रज्जं पसरंतनिम्मलजसोहो । राया महागिरी वि हं हिमगिरिनामम्मि पुत्तम्मि ॥८५०८॥  
 रज्जं निवेसिऊण दिक्खं गहिऊण कम्मसंघायं । सव्वं पि खवेऊणं अक्खयसोक्खं गओ मोक्खं ॥८५०९॥  
 राया वि हिमगिरी हिमगिरि व धवलं जसं महियलम्मि । वित्थारिऊण सव्वत्थ वसुगिरिं नियसुयं तत्तो ॥८५१०॥  
 ठविऊणं नियरज्जे विमलं पडिवज्जिऊण पव्वज्जं । निट्टविऊणं कम्मं समग्गमवि सिवपयं पत्तो ॥८५११॥  
 नयविक्रमसंपन्नं रज्जं परिवालिउं वसुगिरी वि । गिरिनामयम्मि पुत्ते आरोवेऊण रज्जभरं ॥८५१२॥  
 गहिऊण वयं खविऊण कम्मनिचयं गओ पयं परमं । गिरिनरवई वि पुत्तं मित्तगिरि ठाविउं रज्जे ॥८५१३॥  
 जिणवइमयप्पभावणमणहं काऊण कयतवविसेसो । आउक्खए महिड्ढियदेवो वेमाणो जाओ ॥८५१४॥  
 एएणणुक्कमेणं हरिवंसे सव्वजयपसिद्धम्मि । कालेण असखेज्जा संजाया वसुमतीवइणो ॥८५१५॥  
 नयविक्रमचायाईहि निम्मलेहिं गुणेहिं परिकलिया । नियनियपुत्तेसु निवेसिऊण रज्जस्स पव्वभारं ॥८५१६॥  
 दिक्खं गहिऊण जिणिददेसियं के वि खवियकम्मंसा । मोक्खम्मि गया केइ वि जाया वेमाणिया देवा ॥८५१७॥  
 एवं समइक्कंतेसु एत्थ पुरिसंतरेसु बहूएसु । मगहाभिहाणदेसे कुसग्गनामम्मि वरनयरे ॥८५१८॥  
 ओरोहचरियरेहंतगरुयपायारविहियपरिवेदे । सुनिविडकवाडसंपुडदुपवेसपओलिदारम्मि ॥८५१९॥  
 सुविसिट्ठवट्टसंठियकविसीसयसेणिसोहमाणम्मि । विउलट्टालयमालामंडियपायारसिहरम्मि ॥८५२०॥  
 चक्कमुसंढिगयाहिं सयग्घिवग्घीहिं परभयकरम्मि । छेयायरियविणिम्मियदढफलि (हं) महिदकीलम्मि ॥८५२१॥  
 उव्विद्धविउलगंभीरखायवलएण सव्वओ कलिए । आरामुज्जाणागडतलायवप्पिणगुणाणुगए ॥८५२२॥  
 हलसयसहस्स संकट्टलट्टपन्नत्तसेउसीमम्मि । उच्छुजवसालिकलिए गोमहिसगवेलगप्पउरे ॥८५२३॥  
 परचक्कागमसंभवभयपरिमुक्कम्मि रिद्धिसुसिद्धे । सिघाडगतिगचच्चरचउक्कपरिभत्तिसुहयम्मि ॥८५२४॥  
 पमुइजणजाणवए अणेगमाणवगणेहिं संकिन्ने । वरतुरयमत्तकुंजररहपहगररेहिरपहम्मि ॥८५२५॥  
 पायारगूढगोउरतोरणरायंतभवणदेवउले । देवउलसिहरधुव्वंतधवलधयसुहयगयणयले ॥८५२६॥  
 पणकामिणिपाडयसंचरंतकामियणरइयवरगेए । मुट्ठिगतडनट्टगजल्लमल्लवेलवगाणुगए ॥८५२७॥  
 आइक्खगलासगलंखमंखतूणइलकहगपवगंहिं । तालायरेहिं तहं तुंबवीणिएहिं च संकिन्ने ॥८५२८॥  
 उक्कोडियगायागंठिभेयभडतक्करेहिं परिमुक्के । तहं खंडरक्खरहिए खेमे निरुवद्ववसुभिकखे ॥८५२९॥  
 वीसत्थसुहावासे अणेगकोडीकुडुंबियाइन्ने । निच्चूसवसयकलिए परोप्परं कलहपरिमुक्के ॥८५३०॥  
 जत्थ फलिहज्जलोवलविणिम्मियाइं जिणिदभवणाइं । सिहरद्वियकंचणकलसकंतिसकंमणकविलाइं ॥८५३१॥  
 कीलासेलनिमित्तं नरवइणो पेसियाइं सुरवइणा । सिहराइं सुमेरुस्सुव टाणट्टाणेसु रेहंति युग्गं ॥८५३२॥  
 जिणहरसिहरेसु रणंतकिकिणीमूलधयवडग्गाइं । उड्डुल्लसियाइं कंहंति व जिणभत्ताण उड्डगइं ॥८५३३॥  
 अहवा कि उवरिगयं चिट्ठसि ओथरहिं हेट्टुओ झत्ति । जहं अट्ट वि दिसिभाला तुमहं सुरनरवरपुराण ॥८५३४॥  
 दोन्हं पि सुदरासुदरत्तणं सुनिउणं वियारंति । एवं सग्गनिवासीण पुरवरं अक्खिवंति व्व ॥८५३५॥  
 कइया वि पवणवसओ अंबिभतरसम्मूहं चलंताइं । तुरियं आगंतूणं एयं पासहं महानयरं ॥८५३६॥  
 जइ कहं वि अत्थि कत्थ वि पलोइयं एरिसं महियलम्मि । तुव्वेहिं भंमंतेहिं इय पहियजणं भणंति व्व ॥८५३७॥

कइया वि बाहिरमुहं उद्धुयमाणाइं माह्यवसेण । ओसरह दूरदूरं सिग्घं संवरह गज्जरवं ॥८५३८॥  
अन्नह इह नयरनरिदकुंजरा भंजिऊण आलाणं । पयलोहसंकलं तोडिऊण सुदढं पि कोवेण ॥८५३९॥  
परमिधुरगंधस्स वि असहंता अत्ति सम्मुहं तुम्ह । धाविस्संति त्ति दुयं दिसिकरिणो वारयं तिब्बं ॥८५४०॥

अट्टुहि गाहाहि कुलयं—

नवजोव्वणलच्छीमणहराण मुररमणिसरिस्सूवाण । मयणकरिकुंभविब्भमपओहरक्कंतहिययाण ॥८५४१॥  
अलिउलकज्जलसामलवेणीडंडेहि अतिपलंबेहि । गमणवसेणुप्पइउं पुणो पुणो निवयमाणेहि ॥८५४२॥  
गिरिकडयविसालनियंबविभारेण मंथरगइत्तं । आलोडिऊण विक्कयवेलावइकमणसंकाए ॥८५४३॥  
सिग्घयरगतिनिमित्तं पेल्लंतेहि व विराममाणीणं । आलावायन्नजणियतन्हमत्थित्तरहियं पि ॥८५४४॥  
खीराइमुल्लपुच्छणपरायणं नयरतरुणनरवगं । कमलदलदीहरेहि नयणेहि निरिक्खिऊण खणं ॥८५४५॥  
अवगयतव्भवाणं तप्पडिवयणं अभासमाणं । ममिऊण अवन्नाए वच्चंतीणं पुरो मग्गे ॥८५४६॥  
गोवजुवईण मत्थयविन्नत्थेसुं महंतकुंभेसु । अंतो विणिहिताइं खीराणि दहीणि य घयाणि ॥८५४६॥  
समुवेंताइं चउ(ह)ट्टुएसु निच्चं पि जत्थ नज्जंति । सोऊण लवणजलहिं पीयं एक्केण चुलुएण ॥८५४८॥  
हेलाए च्चिय मुणिणा अगत्थिनामेण नियमणे भीया । जो खारं पि समुहं एवं आविडय सव्वं पि ॥८५४९॥  
निद्धे महुरे य कहं सो अम्हे छट्टिही अपरिपीए । इय च्चित्तिऊण नियनियजलमाणुसियाण सीसेसु ॥८५५०॥  
आरोवियकलसेसुं अप्पाणं गोविऊण अइनिहयं । खीरदहिघयसमुद्दा पविसंता सरणहेउं च ॥८५५१॥

एक्कारसहिं गाहाहि कुलयं—

कन्नाडलाडमेवाडगउडकरहाडचोडदविडाण । सिंहलकलिगमालवतिलंगवंगंगमगहाण ॥८५५२॥  
कुंकणकच्छसुरट्टामरहट्टयसिधुअंधदेसाण । गुज्जरगज्जणयाईण जणवयाणं जणो जत्थ ॥८५५३॥  
निवसंतो नज्जइ किर कइवयकालागमिस्स संहारं । आसंकिऊण विहिणा तयणंतरमणुयसग्गकए ॥८५५४॥  
नीसेसदेससंभवनाणाविहमणुयजाइबीयाणं । निरुवद्वं ति नाउं आणेउं संगहो व्व कओ ॥८५५५॥

चउहिं गाहाहि कुलयं—

जत्थ य पुक्खरिणीओ फलिहृज्जलसाउसलिलनिवहेण । कुंभुब्भवमुणिपाणासंक्रियचित्तेहिं तियसेहिं ॥८५५६॥  
नीरायरमज्जाओ आयदुडेऊण रक्खणनिमित्तं । खित्तेणं अमएण व पडिपुन्नाओ समंतेण ॥८५५७॥  
तडनियडरूढनवनिबिडविडविपंतीहिं पत्तछायाओ । अच्चब्भुयभूइसमन्नियस्स तस्सेव नयरस्स ॥८५५८॥  
दंसणहेउं वसुहावहए आणंदबाहभरियाओ । उन्नामियभुमयाओ पसारियाउ व्व दिट्टीओ ॥८५५९॥  
जत्थ य सरोवरेसुं पुरसरुणीहिं जलस्स भरिऊण । दोहिं वि करेहिं गहिउं उक्खित्ता नियसिरस्सुव्वरिं ॥८५६०॥  
आरोहणकज्जेणं कुंभा सोहंति हिययदेसत्था । थणकलससमाणत्तणजाणणहेउं व सठविया ॥८५६१॥  
जत्थ य पुरजुवईणं सीसे जलभरियठवियकुंभाणं । सरतीरनिग्गयाणं समीवसंचरियदइयाणं ॥८५६२॥  
चेलंचलमाह्यसंगादीवियाणंगअगणिदाहेण । सव्वंगविहुरियाणं निवदंति घडा सिरंहेतो ॥८५६३॥  
सीयत्तकारणेहिं अम्हेहिं सिरम्मि संठिएहिं पि । कह तप्पति इमाओ वरईओ इय विसन्न व्व ॥८५६४॥

तिहि गाहाहि कुलयं—

जत्थ वहुमुहसोहाआणयणत्थं व अत्तणो विवे । विडडेइ संघडेइ य कलाओ चंदो पइदिणं पि ॥८५६५॥

सुरभवणसिहरकंचणकलसपहाजालपिजरच्छायं । जस्सुवरि अंबरयलं विरायए किर नहसिरीए ॥८५६६॥  
तस्स नयरस्स सोहं अउव्वमवलौडऊण तुट्टाए । उल्लोउ व्व समंता पीयलपट्टंसुएण कओ ॥८५६७॥  
अहवा तन्नियरनिवासिसगुणधम्मियजणस्स कित्तीणं । मुरलोयपट्टियाणं दिन्नो छडओ व्व वुसिणेण ॥८५६८॥

तिहिं गाहाहिं कुलयं-

तम्मि नयरम्मि रम्मे उत्ताणयनयणपेच्छणिज्जम्मि । अभिरूवे पडिरूवे पासाइयदंसणिज्जम्मि ॥८५६९॥  
जाओ सुमित्तनामो महानरिदो सुरिदसमविहवो । गंभीरो मेहावी सूरुो चाई सुखो य ॥८५७०॥  
पुव्वाभासी सरलो दक्खिन्नपरो पियंवओ सुयणो । धीरो मच्छरमुक्को कयन्नओ पियमुणिजणो य ॥८५७१॥  
धम्मत्थकामलक्खणपुरिसत्थतियस्स सेवओ निच्चं । सब्बकलापारगओ सोमो बद्धो य तेयस्सी ॥८५७२॥  
महयाहिम्वंतमहंतमलयमंदरमहिंदसारयरो । अच्चंतसुद्धदीहररायन्नयवंससंभूओ ॥८५७३॥  
माणुम्माणपमाणयसव्वंगसुजायसुंदरावयवो । सुकुमालपाणिपाओ अहीणपंचिदियसरीरो ॥८५७४॥  
लक्खणवज्जणजुत्तो ईहापोहाइमइगुणसमेओ । तह सामभेयदंडुवपयाणनीईसु सुपउत्तो ॥८५७५॥  
सरइंदुकुंदसियजसपसरपसाहियसमग्गमहिवलओ । आजलहिंसीममेइणिसीमंतिणिभालतलतिलओ ॥८५७६॥  
निम्मलनियगुणनियमियगोमंडलपालणं कुणंतेण । कोमलकरवावारेण जेण सुइजसपयं पत्तं ॥८५७७॥  
जस्स ससिसंखधवला जणयंति गुणा न कस्स अच्छरियं । जे एगसरूवा वि हु अणेगविहकज्जसंजणया ॥८५७८॥  
मित्ताण उज्जलाइं मुहाइं मलिणाइं पुण अमित्ताण । सेवयजणहिययाइं रत्ताइं कुणंति जं एए ॥८५७९॥  
वावत्तरिकलनिलओ अविहंडियमंडलो सयाकालं । मयसंगविप्पमुक्को चत्तो दोसायरत्तेण ॥८५८०॥  
सविसेसपहापसरो संपज्जइ मित्तसंगमे पत्ते । कमलावभासओ जोयअउव्वरायत्तणं वहइ ॥८५८१॥ युग्गम्  
जस्स गुणे गिज्जते सोउं कयमच्छरेण वि मणम्मि । तक्कोवासंकियमाणसेण सावं अदंतेण ॥८५८२॥  
बाहिं दंसियगुरुपहरिसेण हसिऊण तियसनाहेण । तं चिय सेवह मह लह्यबंधवं तत्थ गंतूणं ॥८५८३॥  
इय आणत्ता सग्गं चइउं किर आगयाओ देवीओ । नज्जति वारनारीओ सीहदारे विसंतीओ ॥८५८४॥  
सिहिपिच्छकुच्चएहिं समुल्लसंतेहिं उवरिभायम्मि । सिहरुग्गयअहिणववणराईहिं विरायमाणेहिं ॥८५८५॥  
सुवियडकुंभयडविभायघडियंसिंदूररेणुनियरेहिं । उग्घाडियनवगेरुयखाणीहिं व सोहमाणेहिं ॥८५८६॥  
गुरुगंडमंडलाभोयगलियघणदानवारिनिवहेहिं । निज्जरझरंतसलिलप्पवाहउवसोहिएहिं व ॥८५८७॥  
दो पासेसु पलंबिरसवित्थरत्थरणरेहमाणेहिं । पुणरवि परूढसुवियडपक्खउडसमन्निएहिं च ॥८५८८॥  
भुज्जो वि पुरंदरवज्जधायभीरूहिं सरणपत्तेहिं । कुलसेलेहिं व रेहइ करीहिं भवणंगणं जस्स ॥८५८९॥

पंचहिं गाहाहिं कुलयं-

तस्सनयविककमेहिं पालंतस्स य कमागयं रज्जं । पउमावइ ति नामं आसि पिया सब्बगुणकलिया ॥८५९०॥  
सव्वतेउरपवरा वियसियसयवत्तपत्तसमनयणा । सुकुमालपाणिपाया अहीणपंचिदियसरीरा ॥८५९१॥  
सयलसुपसत्थइत्थीलक्खणवज्जणमणुन्नसव्वंगी । अमयकरसोमकंतायारा पियदंसणसरूवा ॥८५९२॥  
सिसुमुट्टिगिज्जमज्जा कोमुइरयणिपरविमलसोममुही । वरकणयकुंडलुल्लियगंडयलमंडलाभोया ॥८५९३॥  
रयणाहरणविहूसियसव्वंगी चारुविहियसिगारा । सिरकयकुसुमामेला पच्चक्खा अमररमणि व्व ॥८५९४॥

अहं अन्नया कयाइ वि एसा पउमावई महादेवी । अमरविमाणसमाणम्मि वासभवणम्मि निययम्मि ॥८५९५॥  
 निव्वणमहग्घसुंदराहविणिम्मवि(य) उब्भिय (ए) क्वंभे । खंभुग्गयसुविभत्तंगुवंगवरसालहंजीए ॥८५९६॥  
 वरवत्थुकम्मकुसलेण विस्सकम्मोवमेण वड्डइणा । निप्फाइयम्मि नीसेसभवणपडिच्छंदयत्थं व ॥८५९७॥  
 वरसालहंजियासुं उज्जलवरवहुपयारवत्तेहिं । कणयरसेण य ठाणुचियलिहियसुइचित्तकम्मम्मि ॥८५९८॥  
 मणिकणयरयणथूभियविडंगजालदड्ढचंदनिज्जूडे । सुविभत्तचंदसालाकलियम्मि विलासनिलयम्मि ॥८५९९॥  
 सरसच्छधाऊवलरइयरइरवत्तम्मि उचियठाणेसु । अरणेदृयअब्भगसेडियाहिं धवलीकए बाहिं ॥८६००॥  
 घणघट्टलट्टुमट्टुम्मि विमलआयंसतलसमाणम्मि । अब्भितरम्मि सुविचित्तलिहियसुइचित्तकम्मम्मि ॥८६०१॥  
 नाणाविहजाइदसद्धवत्तमणिबद्धकुट्टिमत्तलम्मि । पउमलयपुप्फजातीपडिमुवरितलालिहियचित्ते ॥८६०२॥  
 नवचंदणरसचच्चियमंगलकलसेहिं कंचणमएहिं । सपउममुहेहिं कुसुमच्चिचएहिं सोहंतदारम्मि ॥८६०३॥  
 लंबियमणिमुत्ताकणयदामसंजणियदारसोहम्मि । कयकुसुमपयरपम्हलमिउसणसणाहमज्जम्मि ॥८६०४॥  
 चंदणकालागुरुकुंदुरुक्ककप्परवरतुरुक्काण । उज्जंतधूवअइमघमधंतगंधाभिरामम्मि ॥८६०५॥  
 गंधवरगधिए सव्वओ वि वरगंधवट्टिभूयम्मि । मणिकिरणनियरनासियनीसेसतमंधयारम्मि ॥८६०६॥  
 तम्मज्जागए सयणे सालिगणवट्टिए उभयओ वि । विव्वोयणसंजुत्ते समुन्नए दोसु अंतेसु ॥८६०७॥  
 अमरसरिपुलिणवालयउट्टालयसालिसे विसालम्मि । ओयवियखोमदोगुल्लपट्टपच्छाइयत्तलम्मि ॥८६०८॥  
 पच्चुत्थुयम्मि अत्थरयमलयनवतयकुसत्तलिबेहिं । सुविरइयरयत्ताणे रत्तंसुयसंवुए रम्मे ॥८६०९॥  
 आईणरूवनवणीयबूररवित्तुल्लफासम्मि । मज्झिमरत्तम्मि पसुत्तजग्गिरी चिट्टुए जाव ॥८६१०॥  
 ताव सिरिवम्मदेवो तिनाणसहिओ गहेसु बहुएसु । उच्चट्टाणगहेसुं सावणसियपनरसितिहीए ॥८६११॥  
 चंदम्मि सवणरिक्खेण संगए पाणयाओ कप्पाओ । चविउं पुत्तत्तेण तीसे गव्वम्मि उप्पन्नो ॥८६१२॥  
 अहं सक्को आसणकंपनायजिणगव्वसंभवो झ त्ति । आणंदपुलइयत्तणू उप्फुत्तियनयणकमलवणो ॥८६१३॥  
 संभमवसचलियकिरीडकडयमणिकुंडलाइआहरणो । रयणमयाओ सीहासणाओ उट्टेइ परितुट्टो ॥८६१४॥  
 ओरुहइ पायवीढाओ ओमुयइ रयणपाउयाओ य । एगाए साडियाए काऊणं उत्तरासंगं ॥८६१५॥  
 भालतलघडियकरकमलसंपुडो सम्मुहं जिणवरस्स । सत्तट्टेव पयाइं अणुगच्छइ तयणु नियजाणुं ॥८६१६॥  
 वामं अंचित्ता दाहिणं तु धरणीयले निवेसित्ता । तिक्खुत्तो मुद्धाणं संघट्टइ मेइणीवीडे ॥८६१७॥  
 काऊण अंजलि मत्थयम्मि सक्कत्थयं तओ भणइ । तत्तो इह आगंतुं कुसगनयरम्मि वासहरे ॥८६१८॥  
 सुहसयणिज्जनिवन्नं देवि पउमावईं पणमिऊण । संथुणइ पंजलिउडो सोहम्मवईं पहिट्टुमणो ॥८६१९॥  
 वंदामि देवि ! पायपंकयाइं सुलक्खणवराइं । जीए तए नियउयरे तिलोयबंधू जिणो धरिओ ॥८६२०॥  
 कस्स न सलाहणिज्जा तिजयम्मि वि एत्थ हवसि देवि ! तुमं । जीए तुह कुच्छिकुहरे उप्पन्नो तिजयकप्पतरु ॥  
 तुज्ज तिसंजं पि नमो सामिणि ! सुगिहीयनामधेज्जाए । तिहूयणभवणपईवं उयरम्मि जिणं वहंतीए ॥८६२२॥  
 संपाइयं तए च्चिय तिजए इत्थित्तणस्स माहूपं । तिहूयणांचितामणिणो जिणस्स जायडसि जं जणणी ॥८६२३॥  
 इय थुणिउं जिणंजणणि तीसे कहिऊण जिणवरुप्पत्ति । भरिउं रयणेहिं गिहं वच्चइ तियसालयं सक्को ॥८६२४॥  
 अहं नियउयरम्मि जिणं अवयरमाणम्मि तम्मि सुमिणाडं । गयवसहमाइयाइं पासइपउमावईं देवी ॥८६२५॥  
 तं जहा—चंदुज्जलचउदंतं गंडत्थलगलियमयजलपवाहं । उल्लसिरथोरहत्थं गिरिदरुदं सियगइंदं ॥८६२६॥

ससिसंखसुद्धवन्नं ढिक्कियसद्देण दिन्नकन्नसुहं । तिक्खवलियग्गसिगं निग्गयखंधं महावसहं ॥८६२७॥  
 सरइंदुकुंदधवलं लीलाए विर्यममाणमुहकुहरं । पंचाणणं सुतरुणं उन्नामियदीहनंगूलं ॥८६२८॥  
 वियसंतसेयतामरससंठियं देवयं महालच्छि । कीरंतंइहसेयं उभयपासगयवणगइंदेहि ॥८६२९॥  
 पसरंतबहलपरिमललुब्भंतभमंतभूरिभमरउलं । वियसंतपवरबहुकुमुमदामजुयलं अतिपलंबं ॥८६३०॥  
 जुन्हाजलपक्खालियतमपंकप्पसरमसरिससिरीयं । सरयनिसानाहमखंडमंडलाभोयमकलंकं ॥८६३१॥  
 नासियनीसेसनिसंधयारनियरं फुरंतकरपसरं । निह्लियकमलणिहं दिणमणिणो मंडलं दित्तं ॥८६३२॥  
 जच्चतवणिज्जनिम्मियनिम्मलदढदीहदंडसंजमियं । धवलधयमुल्लसंतं रणंतमणिक्किणीजालं ॥८६३३॥  
 गोसीसरसचंदणकयतिलयं विमलवारिपडिपुन्नं । वियसियपउमपिहाणं कुंभं लंबियसुमणमालं ॥८६३४॥  
 पालीए सिंहरुग्गयअण्येवणराइरायमाणीए । परिखित्तं पवरसरं विमलजलं कमलकयसोहं ॥८६३५॥  
 रयणायरं अवारं उल्लसिरमहल्लवारिकल्लोलं । कल्लोलुच्छालियरयणजालतारइयनहविवरं ॥८६३६॥  
 मणिखंभभित्तिकलियं कणंतकलक्किणीहि कयसोहं । धुवंतधवलधयवडविरायमाणं वरविमाणं ॥८६३७॥  
 नाणावन्नमणीणं फुरंतकिरणेहि रइयचित्तं व । सयलदिसिभित्तिभाएसु भासमाणं रयणरासिं ॥८६३८॥  
 निद्धूमधगधगतं केसुयजासुयण-कुसुमसंकासं । वड्डंतकविलजालाकलावमनलं महादित्तं ॥८६३९॥  
 चोदस एयाइं महासुमिणाइं कमेण नियमुहंबुरुहे । पविसंताइं सा पा (सि) ऊण पडिबुज्जाए देवी ॥८६४०॥  
 अह पडिबुद्धा एसा पीइमणा परमपत्तसोमणसा । आणंदियचित्ता हरिसवसविसप्पंतहियया य ॥८६४१॥  
 ऊसवियरोमकूवा घणधाराहयकयंबकुसुमं व । सुमिणाइं ताइं ओगिन्हिऊण उट्टेइ सयणाओ ॥८६४२॥  
 पच्चोरुहइ य मणिपायवीढअं अचवलं असंभंतं । अतुरियमविलंबिययं हंसवहूसुलियगतीए ॥८६४३॥  
 वच्चइ सुमित्तनरनाहअंतिए तं पियाहिं कंताहिं । इट्ठाहिं मणुत्ताहिं य ओरालाहिं मणामाहिं ॥८६४४॥  
 कल्लाणाहिं सिवाहिं मंगल्लाहिं च सस्सिरीयाहिं । हिययप्पल्हायणकारणीहिं हिययंगमाहिं च ॥८६४५॥  
 गंभीररिभियमहुरक्खराहिं वग्गूहिं संलवेमाणी । सणियं सणियं पडिबोहिऊण अह तेण अणुनाया ॥८६४६॥  
 सीहासणम्मि नाणाणिकंवरयणमत्तिचित्तम्मि । उवविसति तओ वीसत्थविग्गहा अंजलि काउं ॥८६४७॥  
 नियमत्थयम्मि आरोविऊण विणएण नरवइं एवं । विन्नवइ जहा इन्हि देव ! मए सुमिणया दिट्ठा ॥८६४८॥  
 एए गयवसहाई चउदस निययाणणम्मि पविसंता । ता साहेह भविस्सइ को एएसि फलविसेसो ? ॥८६४९॥  
 अह नरवइं सुमित्तो एयं पउमावईए देवीए । आयन्निऊण वयणं समुब्बहंतो परमहरिसं ॥८६५०॥  
 ओगिन्हिऊण सुमिणे साहावियविमलबुद्धिविह्वेण । वीमंसिऊण साहइ तेसि सुमिणाण फलमेयं ॥८६५१॥  
 देवाणुपिए ! दिट्ठा कल्लाणफलां तए इमे सुमिणा । पुव्वभवज्जियवहूपुन्नगरिसस्साणभावेण ॥८६५२॥  
 एत्तो संपज्जिसइ तुह सुहलाओ य अत्थलाओ य । भोगोवभोगलाओ सुयलाओ इड्डिलाओ य ॥८६५३॥  
 आरोग्गतुट्ठिदीहाउयत्तकल्लाणमंगलविवड्डी । अवि य नव्हं मासाण तह य अद्धमदिणाण ॥८६५४॥  
 समइक्कंताण तुमं अम्हाणं कुलवड्डेसं देवि ! । कुलकेउं कुलदीवं कुलवित्तिकरं कुलाधारं ॥८६५५॥  
 कुलजसकरं च कुलनंविकारयं कुलविवद्धणं एवं । कुलपायवं च कुलपव्वयं च सुकुमालकरचरणं ॥८६५६॥  
 पसवेसि दारयं सो य दारओ मुक्कवालभावो य । विन्नयपरिणयमेत्तो जोव्वणलच्छि समणुपत्तो ॥८६५७॥  
 सूरुो वीरो विक्खायविक्कमो कित्तिभरियभुवणयत्तो । वित्थिन्नविउलबलवाहणो य होही महाराया ॥८६५८॥  
 तम्हा एए मव्वे देवाणुपिए ! तए महासुमिणा । कल्लाणफला दिट्ठा सुहलाभाईण संजणगा ॥८६५९॥

एवं अभिक्खणं त्रिय सुमिणाणुववूहणं कुणंतम्मि । नरनाहम्मि सुमित्ते तत्तो पउमावती देवी ॥८६६०॥  
 अतिहट्टुतुट्टुहियया पाणिजुयं जोडिऊण तं एवं । जंपइ देवाणुपिया ! एमेव इमं जहा वयह ॥८६६१॥  
 इय जंपती देवी रत्तो वयणं पडिच्छए सम्मं । अह सा सुमित्तरत्ता अब्भणुनाया समुट्ठेउं ॥८६६२॥  
 भद्दासणाओ वच्चइ नियसयणिज्जं निसीयए तत्थ । चितइ य जहा एए कल्लाणा सुमिणया मज्झ ॥८६६३॥  
 निद्दापमाइणीए मा पडिहम्मंतु पावसुमिणेहिं । तो देवयगुरुपडिबुद्धियाहिं सुकहाहिं जागरइ ॥८६६४॥  
 अह सो सुमित्तराया जाए पच्चसकालसमयम्मि । इय कीडुंबियपुरिसे सद्दावेउं समाइसइ ॥८६६५॥  
 जह भो देवाणुपिया ! अज्ज विसेसेण कुणहं खिप्पं पि । बाहिरियमुवट्टाणस्स सालमइपरमरमणिज्जं ॥८६६६॥  
 गंधोदगच्छडाहिं सित्तं सम्मज्जियं च उवलित्तं । कुसुमेहिं पंचवन्नेहिं सुरहिसरसेहिं कयपयरं ॥८६६७॥  
 डज्जंतपवरकालागुरुधूवतुरुक्ककुंदुरुक्केहिं । अत्तिमघमघंतंगंधं सुगंधवरगंधवट्टि व ॥८६६८॥  
 एवं काऊण सयं कारेऊण य परेहिं सिग्घं पि । तो तुब्भे मज्झ पुरो आगंतूणं निवेएह ॥८६६९॥  
 इय ते सुमित्तरत्ता आणत्तागुरुपमोयपडहत्था । गंतूणं तं तह सव्वमेव निव्वत्तिऊण तओ ॥८६७०॥  
 आगंतूण सुमित्तस्स निवइणो अग्गओ निवेएंति । अह सो सुमित्तराया पाउपभायाए रयणीए ॥८६७१॥  
 उम्मीलंतं पंकयवणम्मि अह पंडरे पभायम्मि । रत्तासोयपगासे किसुयसुयमुहसमाणम्मि ॥८६७२॥  
 गुंजद्धबंधुजीवगपारावयपायलयणच्छाए । जसुयणकुसुमपज्जलियजलणतवणिज्जकलसनिभे ॥८६७३॥  
 लक्खारसहिंमुल्याइरेगरुणप्पहेदिणयरम्मि । उइयम्मि पहापसरेण पवसिए अंधयारम्मि ॥८६७४॥  
 पसरंतनयणविसयप्पगासवियसंतदंसिए लोए । उट्टइ सयणिज्जाओ निक्खमिउं वासभवणाओ ॥८६७५॥  
 अट्टणसालाभिमुहं आगच्छइ तत्थ पत्रिसिऊण तओ । वायामजोग्गवग्गणवामट्टणमल्लजुज्जाई ॥८६७६॥  
 काऊण परिस्संतो सयपागसहस्सपागतेल्लेहिं । पसरंतसुरहिं गंधेहिं सव्वओ पीणणिज्जेहिं ॥८६७७॥  
 मयणिज्जदीवणिज्जेहिं दप्पणिज्जेहिं बिहणिज्जेहिं । सव्विदियपल्हायणजणएहिं विरइयव्वभंगो ॥८६७८॥  
 पुन्नसुकुमालकोमलतलपाणिपएहिं तरुणपुरिसेहिं । छेएहिं दक्खेहिं मेहावीहिं च कुमलेहिं ॥८६७९॥  
 पट्टेहिं निउणसिप्पोवगएहिं जियस्समेहिं निरुएहिं । अब्भंगमट्टणुव्वलणकरणनिम्मायगत्तेहिं ॥८६८०॥  
 ठावेऊण नवणीयमउयफासम्मि तेल्लचम्मम्मि । मंसट्टिरोमसुहकारएहिं संवाहणविहीहिं ॥८६८१॥  
 अबगयनीसेसपरिस्समो कओ अह सुमित्तनरनाहो । अट्टणसालाओ निक्खमेइ मज्जणहरे विसइ ॥८६८२॥  
 जालकडयाभिरामे विचित्तमणिरयणकुट्टिमयलम्मि । वरन्हाणमंडवे सव्वओ वि सुइपरमरमणिज्जे ॥८६८३॥  
 तत्थ वरनाणवीढे नाणामणिरयणभत्तिचित्तम्मि । पुव्वाभिमुहनिसन्नो गंधोदयपुप्फउदएहिं ॥८६८४॥  
 संवाहिओ समाणो पुणो पुणो सुद्धसलिलकलसेहिं । कल्लाणपवरमज्जणविहिणा बहुकोउयसएहिं ॥८६८५॥  
 निव्वत्तियम्मि मज्जणकम्मम्मि सुगंधवरकसाईए । पम्हलसुकुमालाए लूहियगतो समंतेण ॥८६८६॥  
 अह य सुमहग्घदूसाइं परिहिओ चारुचंदणरसेण । अणुलित्तसव्वगतो सुइवन्नमंडणाणुगओ ॥८६८७॥  
 पसरंतबहलपरिमलमालाकयसेहराभिरामसिरो । आविद्धमणिसुवन्नो कप्पियहारुड्हारो य ॥८६८८॥  
 तिसरयपालंबपलंबमाणकडिसुत्तकयमहासोहो । गेवेज्जअंगुलिज्जगकेऊराभरणभासुरिओ ॥८६८९॥  
 मणिकडयतुडियथंभियभुयजुयलो अहियरुयसस्सिरिओ । वरकणयकुंडलुज्जोइयाणणो मउडदित्तसिरो । ८६९०॥  
 हारोत्थयपिहवत्थो मुदियमालाहिं पिगलंगुलिओ । पालंबलंबमाणयपडेण कयउत्तरासंगो ॥८६९१॥  
 मणिकणयरयणरेहिरसुविउलआविद्धवीरवरवलओ । कि वहुणा सुयलकियविहूसिओ कप्परुक्खो व्व ॥८६९२॥

छत्तेण धरिज्जंतेण निहिय कोरिटमल्लदामेण । वारविलासिणिकरकमलचलियसियचामरूपीलो ॥८६९३॥  
 आलोयविहियमंगलजयजयसद्दो जणेहि परियरिओ । राईसरतलवरडंडणायगेहि अणेगेहि ॥८६९४॥  
 माडंबियकोटुंबियमंतिमहामंतिपीढमद्देहि । दोवारियगणगअमच्चचेडसत्थोहपुत्तेहि ॥८६९५॥  
 सेट्टीहि संपरिवुडो सेणावइसंधिवालदूएहि । धवलमहामेहविणिगओ व्व सोमो सयलमुत्ती ॥८६९६॥  
 गहरिक्खतारयाणं मज्झगओ सोमदंसणायारो । सोहंतो नरनाहो मज्जणभवणाओ नीहरइ ॥८६९७॥  
 बाहिरगयं उवट्टाणसालमागच्छए तओ तत्थ । पुव्वाभिमुहो निसीयइ मणिमयसीहासणे पवरे ॥८६९८॥  
 अह सो मुमित्तराया अदूरदेसम्मि अप्पणो तत्थ । उत्तरपुरत्थिमाए दिसाए सवियासठाणम्मि ॥८६९९॥  
 सियवत्थेहि पच्चत्थुयाइं परिविहियसंतिकम्माइं । सिद्धत्थाइअणेयप्पयारमंगलियवत्थेहि ॥८७००॥  
 भद्दासणाइं अट्ट उठवावए तयणु पंचवत्तेहि । मणिरयणेहि मंडियमहिययरं दंसणिज्जसिरि ॥८७०१॥  
 वरपट्टणसंभूयं सुमहग्घं विविहभत्तिसयचित्तं । ईहामियउसहतुरंगमगरनरविहगवालाण ॥८७०२॥  
 किन्नररुक्कुंजरसरभचमरवणलयसरोरुहलयाणं । भत्तीहि विचित्तं कणगखच्चियपेरंतपविभागं ॥८७०३॥  
 जवणियमब्भित्तरियं अंछावइ तयणु तीए मज्झम्मि । अत्थरगमिउमसूरगउत्थइयं धवलवत्थेण ॥८७०४॥  
 पच्चत्थुयं विसिट्टं सरीरसुहजणयफासंसंजुत्तं । पउमावइदेवीए भद्दासणगं उवावेइ ॥८६०५॥  
 अह कोडुंबियपुरिसे सद्दावित्ता समाइसति राया । जह भो देवाणुपिया ! अट्टं गमहानिमित्तस्स ॥८७०६॥  
 सुत्तत्थविऊ बहुसत्थजाणए सुमिणपाढए पुरिसे । सिग्घं चिय सद्दावह सुमित्तरन्नाइयपवुत्ता ॥८७०७॥  
 ते कोडुंबियपुरिसा पमोयपूरिज्जमाणसव्वंगा । सीसरइयंजलिउडा देवाएसं करेमो त्ति ॥८७०८॥  
 जंपता निववयणं अब्भुवगच्छंति परमविणएण । तत्तो मुमित्तनिवइस्स अंतियाओ विणिक्खमिउं ॥८७०९॥  
 मज्झमज्जेण कुसग्गनामनयरस्स सुमिणपाढगाण । गेहेसु उवागंतुं कहंति तेसि निवाएसं ॥८७१०॥  
 तं सोऊणं ते सुमिणपाढया हरिसउल्लसियहियया । न्हाया कयबलिकम्मा कयमंगलकोउगाइया ॥८७११॥  
 परिहियपवइदुगुत्ता अप्पवराहरणलंकियसरीरा । मुद्धनिवेसियदुव्वा सिद्धत्था नियगिहेहितो ॥८७१२॥  
 निक्खमिऊणं खिप्पं कुसग्गनयरस्स मज्झमज्जेणं । वच्चंति मुमित्तनरिदमंदिरद्वारदेसम्मि ॥८७१३॥  
 एगत्य मिलेऊणं सव्वे पविसंति रायभवणम्मि । अत्थाणमंडवगयं तओ सुमित्तं नराहिवइं ॥८७१४॥  
 वद्धावेंति जएणं विजएण य तयणु तेण नरवइणा । अच्चिय वंदिय पूइय सक्कारियसुकयसम्माणा ॥८७१५॥  
 पत्तेयं पत्तेयं पुव्वनिहित्तुसु आसणवरेसु । विणिसीयंति तओ सो मुमित्तराया महादेवि ॥८७१६॥  
 पउमावइं निवेसइ भद्दासणगम्मि जवणियंतरिए । तो पुप्फफलसुपूरियहत्थे ते सुमिणसत्थणू ॥८७१७॥  
 परमेणं विणएणं जंपइ जह अज्ज रयणिविरमम्मि । पउमावइदेवीए गयवसहाईं महासुमिणा ॥८७१८॥  
 चउदस दिट्ठा तेसि सुमिणाणं केरिसं फलं होही ? । एवं देवाणुपिया ! परिभावेउं मम कहेह ॥८७१९॥  
 इय ते सुमित्तरन्ना भणिया आणंदपूरियप्पाणो । सुमिणे सम्मं ओगिन्हिऊण ईहं अणुविसंति ॥८७२०॥  
 तत्तो परोपरेणं वीमसेऊण तेसि सुमिणाणं । अहिगयपरमत्था पत्थिवस्स एवं निवेएंति ॥८७२१॥  
 जह अम्ह सुमिणसत्थे सुमिणा बावत्तरिं विणिदिट्ठा । सामन्नेणं तेसि अपसत्था साहिया तीसं ॥८७२२॥  
 बायालीसपसत्था तेसु विं तीसं हवंति अतिपवरा । एतेसि तीसाए उत्तममुमिणाण मज्झाओ ॥८७२३॥  
 एए गयवसहाईं चउदस सुमिणे जिणिदजणणीओ । पासंति जिणिदम्मी गब्भे उप्पज्जमाणम्मि ॥८७२४॥  
 अहवा वि गब्भवासे अवयरमाणम्मि चक्कवट्टिम्मि । पासंति इमाइं महासुमिणाइं चक्कजणणीओ ॥८७२५॥

एएसि चिय चउदससुमिणाणं के वि सत्त अन्नयरे । पासंति महासुमिणे जणणीओ वासुदेवाणं ॥८७२६॥  
 बलदेवमायरो पुण चउरो सुमिणाइं तेसु पासंति । मंडलियचरमदेहाण मायरो दोन्नि एक्कं वा ॥८७२७॥  
 ता सामि ! इमे सुमिणा दिट्ठा पउमावईए देवीए । जे ताण फलं मन्ने उप्पज्जिस्सइ सुओ तीसे ॥८७२८॥  
 तिजयपहू तित्थयरो बत्तीससुरिदयपणयपयकमलो । अहवा वि चक्कवट्टी बत्तीससहस्सनिवनमिओ ॥८७२९॥  
 ता सामि ! इमे सुहया देवीए पलोइया महासुमिणा । कल्लाणरिद्धिआरोगभोगसुहसिद्धिसंजणया ॥८७३०॥  
 एएसि एक्को वि ह्हु सुमिणो दीसइ पभ्यपुत्तेहि । कि पुण जुगवं चउदस एए एवंविहा सुमिणा ॥८७३१॥  
 एवं भुज्जो भुज्जो ते सब्बे सुमिणपाढगा पुरिसा । पउमावइ देवीए दिट्ठे सुमिणे पसंसंति ॥८७३२॥  
 अह सो सुमित्तराया इममट्ठं सुमिणपाढगेहितो । सोच्चा पहिट्ठुहियओ कयंजली जंपए एवं ॥८७३३॥  
 एमेव इमं भो भो देवाणुपिया ! जहा वयह तुब्बे । तं तह चेव त्ति पुणो पुणो तमट्ठं पडिच्छेइ ॥८७३४॥  
 तो सुमिणपाढए ते आहारेणं चउव्विहेणं पि । वरवत्थगंधमल्लालंकारेणं च विउलेण ॥८७३५॥  
 सक्कारइ सम्मानइ विउलं तह जीवियारिहं तेसिं । पीईदाणं दलयइ तओ इमे पडिविसज्जेइ ॥८७३६॥  
 उट्ठेइ तओ सीहासणाउ राया पयाइ पासम्मि । पउमावइदेवीए जहनिमुयं साहए तीसे ॥८७३७॥  
 तत्तो सा पउमावइदेवी सोच्चा सुमित्तरवइणो । पासम्मि एयमट्ठं पहिट्ठुहियया वियसियच्छी ॥८७३८॥  
 तं सुमिणट्ठं सम्मं पडिच्छए सविणयं अविणयंगी । एत्थंतरम्मि गयणंगणाउ चारणमुणी एक्को ॥८७३९॥  
 अवइन्नो सो रत्ता दिन्नम्मि वरासणे सुहनिसन्नो । सह पिययमाए पणओ पुट्ठो य फलं सुमिणयाण ॥८७४०॥  
 अह सो दिन्नुवओगो नाणम्मि वियाणिऊण परमत्थं । चारणसमणो साहइ पुरओ रत्तो सुमित्तस्स ॥८७४१॥  
 जह नरवर्दि ! एते सुमिणा अइउत्तमा जिणमयम्मि । परिकहिया तह बहुहा सब्बे पुव्वंपि दिट्ठफला ॥८७४२॥  
 तो एसि सुमिणाणं पभावओ सयलभुवणनमणिज्जो । पुत्तो तुम्ह भविस्सइ अरहा हरिवंसकुलतिलओ ॥८७३॥  
 मुणिसुब्बओ त्ति नामं वीसइमो तित्थनायगो एत्थ । तिसमुद्दमेहलाए महिमहिलाए पई होउं ॥८७४४॥  
 समयम्मि चत्तरज्जो दिक्खं गहिऊण घाइकम्मखए । उप्पन्नविमलनाणो तित्थस्स पवत्तणं काही ॥८७४५॥  
 इय कहिउं सो साहू तमालदलसामलम्मि गयणयले । उप्पइओ सूरु इव तवतेएणं पभासंतो ॥८७४६॥  
 इय मुणिवयणं सोउं राया पउमावई तहा देवी । दोन्नि वि जायाइं विसेसपहरिसूससियहिययाइं ॥८७४७॥  
 तह ठाऊण मुहत्तं तत्तो पउमावई महादेवी । रत्ता समणुत्ताया वासहरे वच्चइ नियम्मि ॥८७४८॥  
 ण्हाया कयबलिकम्मा भुंजंती विउलभोगभोगाइं । तं अच्चब्भुयभूयं गब्भं उव्वहइ सा देवी ॥८७४९॥  
 जे पुव्वं उप्पन्ना रोगईया उव्ववा के वि । देसम्मि तम्मि आसी ते तित्थयराणुभावेण ॥८७५०॥  
 सब्बे वि समुव्वसंता रिद्धिसमिद्धा वसुंधरा जाया । पणया पच्चंतियपत्थिवा वि सब्बे समत्था वि ॥८७५१॥  
 रहकरितुंगमणिकणगरयणवत्थाइवत्थुदाणेण । पूएंति ते सुमित्तं नरनाहं जिणपभावेण ॥८७५२॥  
 पउमावई वि देवी गब्भपभावेण दोहले जाए । जिणवयणामयपाणं करेइ कन्नजलीहिं सया ॥८७५३॥  
 पूयइ जिणविबाइं भत्तीए वंदए जतिजणं च । विहिणा पडिलाभेई चउव्विहाहारपभिईहिं ॥८७५४॥  
 जिणपवयणप्पभावेणपरायणा सा विसेसओ कालं । गमइ परिवालयंती सुद्धाइं सावयवथाइं ॥८७५५॥  
 वड्डंतो सो गब्भो पयडइ पउमावईए देवीए । सह देहोवचएणं सोहग्गविसेसलायन्नं ॥८७५६॥  
 तं गब्भमुव्वहंती देवी पउमावई विराएइ । अंतोनिहितसूरा विमला सरयब्भमाल व्व ॥८७५७॥



पुन्नम्मि मासनवगे गएसु अद्धदुमेसु दियहेसु । जेटुकसिणट्टमीए रयणीए अहडरत्तम्मि ॥८७५८॥  
 अइसांहणम्मि लग्गे सुहे मुहुत्तम्मि उत्तमे जोए । लग्गे सुहगहदिट्टे होराए उदडवयणाए ॥८७५९॥  
 वहएसुं च गहेसुं उच्चट्टाणट्टिएसु मुहएसु । एक्कारस्सम्मि ठाणे ठिएसु पावग्गहेसुं च ॥८७६०॥  
 सवणतइयंसपत्ते चंदे उइए य जणमणाणंदे । मयरे रासिम्मि सुहे सुहं पसुत्ते जणे सयले ॥८७६१॥  
 वेरुलियरिट्टमरगयवरिट्टवन्नं अणन्नसमरूवं । पुत्तं अढ्भुयभूयं पसवइ पउमावई देवी ॥८७६२॥  
 तम्मि जिणजम्मसमए सव्वे संसारवासिणो जीवा । किं पि अउव्वं सुहमणुहवंति निरए वि नेरइया । ८७६३॥  
 सव्वे सउणा जइणो जाया बाया पयाहिणावत्ता । निप्फन्नसव्वसासं संजायं मेइणीवलयं ॥८७६४॥  
 पुप्फफलोहिं समिद्धा संजाया पायवा समग्गा वि । वियसियकमलवणाइं जायाइं सरोवरइं पि ॥८७६५॥  
 तम्मि खणे अहलोए वत्थव्वा अट्ट दिसिकुमारीओ । भोगंकर भोगवती सुभोग तह भोगमालिणिया ॥८७६६॥  
 तोयधरा य विचित्ता य पुप्फमाला अणिदिया तह य । नियनियकूडेसु महापासायवडंसएसुं च ॥८७६७॥  
 पत्तेयं पत्तेयं चउहिं सामाणियाण सहसेहिं । चउहिं मयहरियाहिं नियनियपरिवारसहियाइं ॥८७६८॥  
 सत्ताहिं अणिएहिं तहा अणियाहिं वतीहिं सत्ताहिं तहेव । सोलसहिं आयरक्खगसाहस्सीहिं तहउत्तेहिं ॥८७६९॥  
 बहुएहिं देवेहिं देवीहिं य वाणमन्तरीहिं समं । पवराहिं गीयवाइयनट्टाइं पलोयमाणीओ ॥८७७०॥  
 चलियाइं आसणाइं दट्टूण पउत्तओहिनाणेण । जाणंति जंबुदीवं जायं भरहम्मि तित्थयरं ॥८७७१॥  
 उदुठेऊणं रयणासणाउ सहस त्ति पंजलिउडाओ । तिक्खुत्तो मुट्टाणं धरणीए निहट्टु पणमंति ॥८७७२॥  
 अह ताओ अन्नमन्नं सदावित्ता मित्तंति एगत्य । जंपंति परोप्परमेरिसं च जह जंबुदीवम्मि ॥८७७३॥  
 भरहम्मि समुप्पन्नो वोसइमो तित्थनायगो तत्तो । तीयपडुप्पन्नाणागयाण अहलोयवासीणं ॥८७७४॥  
 अट्टण्ह दिसिकुमारीण जीयमेयं जिणस्स जम्ममहं । काउं ता गच्छामो अम्हे वि हु भगवओ तस्स ॥८७७५॥  
 गंतुं निव्वत्तेमो जम्मणमहिंमं ति निच्छिऊण तओ । नियआभिओगियसुरे सदावित्ता वयंतेवं ॥८७७६॥  
 जह भो देवाणुपिया ! खिप्पं पि अणेगखंभसयकलियं । चउगाउयप्पमाणं पवरविमाणं विउव्वित्ता ॥८७७७॥  
 झत्ति, समागतूणं अम्ह निवेएह एवमाणत्ता । ते हट्टुत्तुहियया तं तह किच्चा निवेएति ॥८७७८॥  
 अह अट्ट वि एयाओ दिसाकुमारीओ हट्टुहिययाओ । नियनियपरिवारसमन्नियाओ तेमुं विमाणेसु ॥८७७९॥  
 आरुहिउं सव्वाए इड्डीए जुईए गीयनट्टेणं । ताए उक्किट्टाए गतीए चंडाए चवलाए ॥८७८०॥  
 जेणेव य जिणजम्मणभवणं तेणेव आवयंति तओ । तेसु विमाणेसु ठिया तह चेव कुणंति तिक्खुत्तो ॥८७८१॥  
 आयाहिणप्पयाहिणमह ते उत्तरपुरत्थिमदिसीए । दिव्वे जाणविमाणे ठवेति ईसिं महियलम्मि ॥८७८२॥  
 चउरंगुलमपत्ते तत्तो पच्चोरुहंति तेहितो । दिव्वविमाणेहितो नियनियपरिवारसहियाओ ॥८७८३॥  
 सव्वाए इड्डीए सव्वाए जुईए गीयनट्टेणं । जेणेव जिणो भयवं जणणी जेणेव य जिणस्स ॥८७८४॥  
 तेणेव उवागंतुं तित्थयरं जणणिसंजुयं चेव । तिक्खुत्तो आयाहिणपयाहिणीकिच्च पणमंति ॥८७८५॥  
 काऊण कमलमुगुलायारं करसंपुइं सिरे तत्तो । तित्थयरमायरं संथुणंति एवं नमो तुज्झ ॥८७८६॥  
 नियकुच्छिधरियरयणे! दिन्नपईवे! समग्गतिजयस्स । जं होसि जगप्पहणो जगमंगलकुलनिवासस्स ॥८७८७॥  
 जगचक्खुणो य जगवच्छलस्स तह जगहिएक्ककारिस्स । जगमग्गदेसयस्स य जगसरणस्स य तुमं जणणी ॥८७८८॥  
 ता धन्ना सिं तुमं चिय कयउन्ना तं सि तं सि मुकयत्था । अम्हे देवाणुपिए! वत्थव्वाओ अहोलोए ॥८७८९॥  
 अट्ट दिसिकुमारीओ तत्तो इह आगयाओ नियकिच्चे । तित्थयरस्स भगवओ जम्मणमहिंमं करिस्सामो ॥८७९०॥

तुब्भाहि भाइयव्वं न तओ इय जंपिउं विउव्वंति । पवणं सव्वोउयसुरहिकुसुमगंधेण अणुविद्धं ॥८७९१॥  
 तिरियं पवायमाणं मंदं अत्तिमउयपासमुहजणयं । तेण तओ जं किच्चि वि असुइयचोक्खं दुरभिगंधं ॥८७९२॥  
 कट्ठं वा पत्तं वा तणं व डगलं व कयवरं वा वि । तं सव्वं जिणजम्मणभवणस्स चउट्टिसिभिभाए ॥८७९३॥  
 आहुणियं आहुणियं जोयणपरिमंडलाउ खेत्ताओ । वाहिम्मि एगदेसे एडेंति तओ जिणवरस्स ॥८७९४॥  
 जिणजणणीए य तहा नासन्ने नाइदूरदेसम्मि । आगंतूणं चिट्ठंति जिणगुणे गायमाणीओ ॥८७९५॥  
 अह उड्डल्लोयवत्थव्वयाउ अट्ठेव दिसिकुमारीओ । पुव्वोववन्निएणं एंति सरूवेण हिट्ठाओ ॥८७९६॥  
 मेहंकरा मेहवई सुमेह तह मेहमालिणि सुवच्छा । तह वच्छमित्तनामा बलाहगा वारिसेणा य ॥८७९७॥  
 आयाहिणाइपुव्वप्पओगओ सव्वमेव काऊण । जिणनाहेण समं चिय जिणजणणीए पणमिऊण ॥८७९८॥  
 अप्पाणं च कहित्ता तओ विउव्वंति अब्भवहल्लयं । काऊण सलिलवासं पसमेति रयं असेसं पि ॥८७९९॥  
 तत्तो वियसंतदसद्धवन्नगंधड्डसरसकुसुमाइ । वासित्ता कालागुरुतुरुक्कवरकंदुरुक्काणं ॥८८००॥  
 उज्झंतपवरधूवेण सव्वओ सुरवराभिगमजोगं । काऊणं चिट्ठंति य तहेव परिगायमाणीओ ॥८८०१॥  
 तह अट्ठेव पुरत्थिमरुयगाओ एंति दिसिकुमारीओ । पुव्वुत्तसमिद्धीए एएहिं नामधेज्जेहिं ॥८८०२॥  
 नंदुत्तरा य नंदा आणंदा नंदिवद्धणा चेव । विजया य वेजयंती जयंति अवराइया तह य ॥८८०३॥  
 सेसं सव्वं पि तहेव जाव जिणजणणिपुव्वदिसिभाए । आयंसगहत्थाओ गायंतीओ परिवसंति ॥८८०४॥  
 अह दाहिणरुयगाओ अट्ठेव उव्विति दिसिकुमारीओ । पुव्वोववन्नियाए देविड्डीए मणहराए ॥८८०५॥  
 नामेण समाहारा य सुप्पदिन्ना य सुप्पबुद्धा य । लच्छिमई सेसवई जसोहरा चित्तगुत्ता य ॥८८०६॥  
 अट्टमिया नामेणं वसुंधरा सव्वमेव तं सेसं । नवरं जिणजणणीए गंतूणं दाहिणदिसाए ॥८८०७॥  
 वरसुरहिविमलजलनिवहपूरिए कुसुमदामकयसोहे । भिगारे गहिऊणं परिगायंतीउ चिट्ठंति ॥८८०८॥  
 पच्चत्थिमरुयगनिवासिणीओ तह अट्टु दिसिकुमारीओ । तीए च्चिय देविड्डीए एंति एएहिं नामेहिं ॥८८०९॥  
 इलदेवि सुरादेवी पुहवी पउमा व एगनासा य । नवमियनामा भट्टा सीया तह होइ अट्टमिया ॥८८१०॥  
 जिणजणणीए जिणस्स य गंतूणं पच्छिमे दिसाभाए । करकलियतालियंटाओ महुरसद्वेण गायंति ॥८८११॥  
 अह उत्तरिल्लरुयगाओ एंति अट्ठेव दिसिकुमारीओ । दिव्वाए नियसव्विड्डीए एतेहिं नामेहिं ॥८८१२॥  
 होइ अलंबुसा तह मिस्सकंसि तह पुंडरीकि वारुणिया । हासा सव्वपहा तह हिरी सिरी अट्टमी चेव ॥८८१३॥  
 तेणेव विहाणेणं वंदित्ता जिणवरस्स जणणीए । ठाऊण उत्तरेणं चामरहत्थाउ गायंति ॥८८१४॥  
 तह विदिसिरुयगवत्थव्वयाउ चत्तारि दिसिकुमारीओ । चित्ता य चित्तगणगा सतेरा सोयामणी नाम ॥८८१५॥  
 नियसव्वसुरिड्डीए आगच्छित्ता तहेव वंदित्ता । जिणजणणीए जिणस्स य चउसु वि विदिसासु ठाऊण ॥८८१६॥  
 पजलंतविमलवरदीवियाओ गहिऊण पाणिकमलेहिं । चिट्ठंति जिणस्स गुणे गायंतीओ कलरवेण ॥८८१७॥  
 अह मज्झिमरुयगनिवासिणीओ चत्तारि दिसिकुमारीओ । एंति रुया य रुयसा नामेण सुरुय रुयगवती ॥८८१८॥  
 दिव्वविमाणेहितो ओयरिऊणं जिणं च जणणिं च । तह चेव य पणमित्ता पगासइत्ता य अप्पाणं ॥८८१९॥  
 चउरंगुलवज्जं जिणवरस्स कप्पेति ताओ तो नालं । खणिऊण विवरयं निक्खवंति तं तस्स मज्झम्मि ॥८८२०॥  
 नाणाविहरयणेहिं वइरेहिं य पूरिऊणं तं तत्तो । उवरि हरियालपेढं तस्स निबंधंति अह तिदिंसि ॥८८२१॥  
 जिणजम्मणभवणाओ पवरे कयलीहरे विउव्वंति । तेसिं कयलिहराणं बहुमज्झद्वेसभायम्मि ॥८८२२॥

तिननि य चउसालाइं पवराइं विउव्वयंति भवणाइं । तेसि मज्जे सीहासणाइं मणिरयणचित्ताइं ॥८८२३॥  
 नवणीयतूलकोमलफासेहि मसूरएहि सहियाहि । वरपट्टसुयपच्चत्थुयाइं सह पायवीडेहि ॥८८२४॥  
 तिननि विउव्वंति तओ नियकरयलसपुडेण तित्थयरं । तित्थयरमायरं पुण संगिन्हेऊण बाहाहि ॥८८२५॥  
 दाहिणकयलीहरचाउसालसीहासणम्मि नेऊण । भयवंतं तित्थयरं समायरं सन्नित्तेसित्ता ॥८८२६॥  
 अब्भंगित्ता सयपाग-सहस्सपागेहिं सुरहि-तेल्लेहिं । उव्वट्टित्ता य महासुगंधिणा गंधवट्टेण ॥८८२७॥  
 नेति तओ पोरत्थिमकयलीहरचाउसालमज्जम्मि । तत्थ वि निसियावित्ता मणिमयसीहासणे पवरे ॥८८२८॥  
 मज्जावित्ता गंधोदएण पुप्फोदएण उदएण । सव्वालंकारविभूसियं च किच्चा तहेव तओ ॥८८२९॥  
 उत्तरकयलीहरचाउसालसीहासणम्मि नेऊण । निसियावित्ता तित्थेसरं समं निययमाऊए ॥८८३०॥  
 तत्तो ताओ सदावेऊणं आभिओगिए देवे । एवं वयंति जह भो देवाणुपिया ! इओ तुब्भे ॥८८३१॥  
 खिप्पामेव य गंतूण चुल्लहिमवंतपव्वयवणाओ । गोसीसरसचंदणतरूणकट्टाईं आणेह ॥८८३२॥  
 अह ते एवं मज्झिमरुयगागयदिसिकुमारि देवीहिं । आणत्ता हिट्टमणा तहेव आणंति कट्टाईं ॥८८३३॥  
 अह ताओ देवीओ अरणि सरगेण निम्महेऊण । अप्पाइत्ता अगणि संधुक्कित्ता तओ तत्थ ॥८८३४॥  
 पक्खिविऊणं गोसीसरसचंदणतरूणकट्टाईं । पज्जालिऊण समिहाकट्ठेहि कुणंति तो होमं ॥८८३५॥  
 काऊण भूइकम्मं बंधेऊणं च रक्खपोट्टलियं । नाणारयणविचित्ते तत्तो दो वट्टपाहाणे ॥८८३६॥  
 घेत्तूण लोगनाहस्स कन्नमूलम्मि टिट्ठियावेति । पभणंति य वारतियं भवउ भवं ! पव्वयाउ ति ॥८८३७॥  
 तत्तो तित्थयरं करयलेहिं गहिऊण तस्स जणणिं तु । बाहाहिं गिन्हेऊणं जम्मणभवणम्मि आणेउं ॥८८३८॥  
 सयणिज्जे सोवेउं तीसे पासे ठवेति तित्थयरं । तत्तो पासठियाओ परिगायंतीओ चिट्ठंति ॥८८३९॥  
 एत्थंतरम्मि सक्को सहसक्खो पागसासणो मघवं । सोहम्मकप्पसामी पुरंदरो वज्जपाणी य ॥८८४०॥  
 दाहिणलोगइडपहू एरावणवाहणो सुरिदो य । बत्तीसविमाणावासलक्खरक्खापसत्तो य ॥८८४१॥  
 वरकंचणमयचंचलकुंडलविलिहिज्जमाणगंडयलो । आलइयमालमउडो अरयंवरवत्थधारी य ॥८८४२॥  
 भासुरवरखोदिधरो पालंबपलंबमाणवणमालो । पवरिड्ढी पवरजुई पवरबलो पवरकित्ती य ॥८८४३॥  
 कप्पे सोहम्मम्मि सोहम्मवडिंसाए विमाणम्मि । सोहम्माए सहाए सीहासणंसि सक्कंसि ॥८८४४॥  
 चुलसीए सामाणियसहसाण चउण्ह लोगपालाण । नियपरिवारजुयाणं अट्टुहं अग्गमहिंसीणं ॥८८४५॥  
 तिण्हं परिसाण तहा तेत्तीसाए(य)तायतीसाणं । सत्तण्हं अणियाणं सत्तण्हं अणियहिंवेईणं ॥८८४६॥  
 चुलसीतिसहस्साणं चउग्गुणाणायरक्खदेवाणं । अत्तेसि पि बहूणं सोहम्मगकप्पवासीणं ॥८८४७॥  
 वेमाणियदेवाणं देवीण य आभिओगियाणं च । सामित्तं भट्टित्तं आहेवच्चं करेमाणो ॥८८४८॥  
 वरनट्टुगीयवाइ(य)तंतीतलतालघणमुइंगरवं । पेच्छणयं पेच्छंतो दिव्वाइं भोगभोगाइं ॥८८४९॥  
 भुंजंतो जा चिट्ठइ ता तस्स सुरेसरस्स सहस्स त्ति । नाणामणिरयणेहिं रुचिरं सीहासणं चलइ ॥८८५०॥  
 तं चलियं पासित्ता सक्को ओहिं पउंजए ज्जत्ति । भगवंतं तित्थयरं आभोगति ओहिणा तत्तो ॥८८५१॥  
 परितुट्टुहिट्टुहियओ आणंदिपपरमपीइसोमणसो । ऊसवियरोमकूवो धाराहयनीवकुसुमं व ॥८८५२॥  
 संभमवसओ सट्टाणचलियमउडाइसव्वलंकारो । अब्भुट्टित्ता सीहासणाउ ओरुहइ पायवीडे ॥८८५३॥  
 मणिरयणमंडियाओ वेरुलियवरिट्टुरिट्टुघडियाओ । ओमुयइपाउयाओ भामंडलभासमाणीओ ॥८८५४॥  
 एगाए साडियाए काऊणं तयणु उत्तरासंगं । अंजलिमउलियहत्थे मत्थयदेसम्मि नेऊण ॥८८५५॥

अणुगच्छइ तित्थयरभिमुहं सत्तट्टु चव य पयाइं । अंचइ वामं जाणूं दाहिणयं निवेसइ धरणीए ॥८८५६॥  
 तिकखुत्तो मुद्धानं तो संघट्टइ वसंधरावीढे । अह ईसि उन्नामेउं कयंजली भणइ सक्कथयं ॥८८५७॥  
 पडिपुन्नं पि नमोत्थुणमिच्चाइपयाउ पभिइ जाव पयं । संपत्ताणं ति तओ नमोत्थुमुणिसुब्बयर्जिणस्स ॥८८५८॥  
 अरहंतस्स भगवओ आइगरस्सेवमाइ ता भणइ । जाव पयं संपाविउकामस्सेयं भवइ अंते ॥८८५९॥  
 तत्तो जंपइ एवं वंदामि अहं इहट्टिओ चव । भगवंतं तित्थयरं तत्थ ठियं सो वि भुवणपहू ॥८८६०॥  
 तत्थेव ठिओ पासउ मं एत्थ ठियं ति भासिउं भुज्जो । वंदइ नमंसइ जिणं पुव्वाभिमुहो तओ होउं ॥८८६१॥  
 सीहासणे निसीयइ संपेहइ एवमप्पणो चित्ते । उप्पन्नो खलु भगवं तित्थयरो जंबुदीवम्मि ॥८८६२॥  
 ता एयं सक्काणं तीयपडुपन्नणागयाणं पि । जीयं जं किर कीरइ जम्मणमहिमा जिणिदस्स ॥८८६३॥  
 गच्छामि अहं पि तओ जम्मणमहिमं करेमि जगगुरुणो । एवं संपेहिता सद्दावइ तक्खणे तत्तो ॥८८६४॥  
 हरिणेगमेसिनामं पाइत्ताणीयअहिवइं देवं । इय आणवेइ जह भो देवाणुपिया ! तुमं खिप्पं ॥८८६५॥  
 सोहम्मसहं गंतुं मेघोघरसियगभीरयरसहं । घंटं सुघोसनामं जोयणपरिमंडलं सुसरं ॥८८६६॥  
 तिकखुत्तो उल्लालेमाणो एवं वयाहि गुरुसइं । भो आणवेइ सक्को देविदो देवगणराया ॥८८६७॥  
 गच्छइ भो भो सक्को देविदो जंबुदीवभरहम्मि । तित्थयरस्स भगवओ जम्मणमहिमाए करणत्थं ॥८८६८॥  
 ता तुभे वि य णं भो देवाणुपिया ! समग्गइड्डीए । सव्वबलेणं सव्वायरेण सव्वजुईए य ॥८८६९॥  
 सव्वाए विभूईए सव्वेणं समुदयप्पगरिसेण । सव्वेहिं नाडएहिं ओरोहेहिं च सव्वेहिं ॥८८७०॥  
 सुइपुप्फगंधमल्लालंकारविहूसणाहिं सव्वाहि । सव्ववरतुडियतंतीमुइंगतलतालसद्देण ॥८८७१॥  
 नियपरिवारसमेया नियजाणविमाणवाहणाह्ढा । पाउब्भवह समीवे सक्कस्स अकालपरिहीणं ॥८८७२॥  
 हरिणेगमेसिदेवो अह सो सक्केण देवराएण । इय पभणिओ समाणो आणंदसमुल्लसंतमणो ॥८८७३॥  
 सक्कस्स अतियाओ पडिनिक्खमिऊण गच्छए तत्तो । सोहम्माए सहाए तत्थ सुघोसं महाघंटं ॥८८७४॥  
 तिकखुत्तो उल्लालइ अह तीए मेहगहिरसद्दाए । उल्लालेमाणीए सोहम्मे तम्मि कप्पम्मि ॥८८७५॥  
 एगूणे सव्वेसु वि बत्तीसविमाणसयसहस्सेसु । तक्खणमेगूणाइं घंतालक्खाइं बत्तीसं ॥८८७६॥  
 जुगवं पि पयट्टाइं काउं कणकणरवं समग्गाइं । तो सोहम्मो कप्पो पासायविमाणमालासु ॥८८७७॥  
 निक्कुडनिवडियघंटासद्दसमुदठंतपडिनिनायाणं । लक्खेहिं अणेगेहिं निरंतरं संकुलो जाओ ॥८८७८॥  
 तत्तो तेसि सोहम्मकप्पवत्थव्वयाण बहुयाण । वेमाणियदेवाणं देवीण पमत्तचित्ताण ॥८८७९॥  
 विसयसुहमुच्छियाणं एगंतेणेव रइपसत्ताण । पसरियघंटाघोसायन्नणपडिबुद्धिचित्ताण ॥८८८०॥  
 उग्घोसणकोऊह्लविइन्नकन्नाण अवहियमणाण । सो पायत्ताणीयाहिवइ हरिणेगमेसिसुरो ॥८८८१॥  
 घंटाखम्मि संते तहिं तहिं तत्थ तत्थ देसम्मि । महया महया सद्देण एवमुग्घोसणं कुणइ ॥८८८२॥  
 हंद सुणंतु भवंतो सव्वे सोहम्मकप्पवासिसुरा । सोहम्मकप्पवइणो इणमो वयणं हियसुहत्थं ॥८८८३॥  
 भो आणवेइ सक्को इच्चाइ ताव जाव पज्जंते । पाउब्भवह समीवे सक्कस्स अकालपरिहीणं ॥८८८४॥  
 तत्तो ते वेमाणियदेवा देवीगणा य इममदठं । सोऊण हट्टुत्तु जाव विसप्पंतहियया य ॥८८८५॥  
 अप्पेगइया वंदणपूयणसक्कारवत्तियं अन्ने । दंसणकोऊहल्लेण केइ सक्काणुवित्तीए ॥८८८६॥  
 अन्नोन्नं अणुवित्ति कुणमाणा केइ केइ जीयं ति । एमाइ कट्टु सव्वे नियनियइड्डीए सव्वाए ॥८८८७॥  
 पाउब्भवति सक्कस्स अंतिए देवदेविसंघाया । कालपरिहाणिवज्जं अह ते दट्ठूण देविदो ॥८८८८॥

संपन्नपरमहरिसो सदावित्ताभिओगियं देवं । पालयनामं तत्तो तस्सेयं देइ आएसं ॥८८८९॥  
 भो भो देवाणुपिया ! अणेगखंभसयसन्निवेसवरं । लीलट्टियबहुविहसालभंजियाजालपरिकलियं ॥८८९०॥  
 ईहामियउसभतुरंगमगरनरविहगवालपडिरूवं । किन्नररुक्कुंजरसरभवणलयाभत्तिसुविभत्तं ॥८८९१॥  
 खंभुगयवइरामयविचित्तवरवेइयाभिरामयरं । विज्जाहरजमलगजुयलजंतसंजोयरमणिज्जं ॥८८९२॥  
 रूवगसहस्सकलियं अच्चिसहस्सेहि अच्चियसुरूवं । नयणमणाणंदयरं सुहफासं सस्सिरीयं च ॥८८९३॥  
 सुभकंतदरिसणिज्जं घंटावलिवलियमणहरविरावं । अतिमिसिमिसैतमणिरयणघंटियाजालपरिखित्तं ॥८८९४॥  
 जोयणलक्खायामं उव्विद्धं पंचजोयणसयाइं । सिग्घं जइणं दिव्वं जाणविमाणं विउव्वाहि ॥८८९५॥  
 पच्चप्पिणाहि खिप्पामेव य आणत्तियं इमं मज्झं । अहं सो पालगदेवो सक्केणं एवमाणत्तो ॥८८९६॥  
 हट्टुपरितुट्टुहियओं हरिससमूससियरोमकूवो य । करयलपरिग्गाहीयं काऊणं अंजलि सीसे ॥८८९७॥  
 पडिसुणइ सक्कवयणं एवं देवो तहं त्ति विणएणं । तत्तो उत्तरपोरत्थिमं अवक्कमइ दिसिभायं ॥८८९८॥  
 गंतूणं तत्थं तत्तो विरइय वेउव्वियं समुग्घायं । निसिरइ डंडमसंखेज्जजोयणाइं तओं ज्जत्ति ॥८८९९॥  
 रयणाणं वइराणं वेरुलियाणं च लोहियक्खाणं । अंकाणं पुलागाणं फलिहाणं मसारगल्लाणं ॥८९००॥  
 रिट्टाणमंजणाणं रयणाणं तहेव जायरूवाणं । जोइरसाणं सोगंधियाणं अंजणपुलागाणं ॥८९०१॥  
 परिसाडणं अहावायरणं काऊणं दिव्वसत्तीए । आयाणमहासुहुमाणं पोग्गालाणं तओं कुणइ ॥८९०३॥  
 दोच्चं पि तहेव तओं किच्चा वेउव्वियं समुग्घायं । दिव्वं जाणविमाणं जहं भणियं अहं विउव्वेइ ॥८९०३॥  
 तस्स विमाणस्स तओं पुरत्थिमेणं च दाहिणेणं च । तहं उत्तरेणं तिन्नि उ कुणइ तिसोमाणपडिरूवे ॥८९०४॥  
 तेसु तिसोमाणगपडिरूवेसुं अत्थि वइरमयमिस्सा । रिट्टुमयं पइठाणं वेरुलियमया पुणो खंभा ॥८९०५॥  
 रूपसुवन्नमयाइं फलगाइं लोहियक्खमइयाओं । सूईओं सव्वाओं वइरामइयाओं संधीओं ॥८९०६॥  
 बाहाहि जुया अवलंबणाउ नाणामणीहि निम्मविया । पासाइयदंसणिया सव्वे वि य जावपडिरूवा ॥८९०७॥  
 तयणु तिसोमाणगपडिरूवपुरो सतोरणे विउव्वेइ । तेत्तोरणा उ नाणामणिनिम्मविएसु खंभेसु ॥८९०८॥  
 उव्विद्वुसन्निविट्ठेहि ताररूवेहि बहुपयारेहि । उव्वेया ईहामियउसभतुरंगमविहंगाणं ॥८९०९॥  
 किन्नरनररुक्कुंजरवालगमगराइवणलयाईणं । पउमलयाईणं य मणहराणं भत्तीहि सुविचित्ता ॥८९१०॥  
 खंभुगयवइरामयविचित्तवरवेइयाभिरामा य । विज्जाहरजमलगजुयलजंतसंजोयरमणिज्जा ॥८९११॥  
 अच्चिसहस्साणुगया रूवगसहस्सेहि भासमाणा य । नयणमणाणंदयरा सुहफासा सस्सिरीया य ॥८९१२॥  
 पासाईया जाव य पडिरूवा तेसि तोरणाणं तु । उप्पि मंगलगा अट्टु अट्टु संठाविया एए ॥८९१३॥  
 सोत्थियसिरिवच्छा बद्धमाणकलसा य नंदियावत्ता । भट्टासणदप्पणमच्छया य रमणिज्जसंठाणा ॥८९१४॥  
 तेसि च तोरणाणं उप्पि किण्हा य नील पीया य । रत्ता मुक्किलया चामरज्जया संठिया बह्वे ॥८९१५॥  
 ते वइरामयडंडा सच्छा सण्हा य रूपवट्टा य । जलयामलगंधीया सुक्कमिया जाव पडिरूवा ॥८९१६॥  
 तहं तोरणाणं उप्पि घंटाजुयला पडागइपडागा । छत्ताइं छत्ता हत्थया य सोगंधियाईणं ॥८९१७॥  
 तहं पुंडरीयमहुंपुंडरीयसयवत्तसहसवत्ताणं । कुमुदुप्पलनलिणाणं य पसत्थया हत्थया बह्वे ॥८९१८॥  
 सव्वरयणामया ते अच्छा सन्हा य जाव पडिरूवा । तस्स विमाणस्स तओं विउव्वए मज्झं भूभायं ॥८९१९॥  
 बहुसमरमणिज्जयरं मयलंछणमंडलस्स सारिच्छं । मायंडमंडलस्स व आयंसगमंडलस्सहवा ॥८९२०॥  
 सरतलपाणितलस्स व आलिगणपुक्खरस्स व समाणं । विहगवघवराहोरब्भसीहचम्माणं सरिसं वा ॥८९२१॥

कीलगसहस्स वि तयं फुल्लावलिपउमपत्तभत्तीहि । सोत्थियसोवत्थियपूसमाणगुणलयविभत्तीहि ॥८९२२॥  
चित्तेहि सप्पहेहि सस्सिरिएहि तहा सछाएहि । मणिरयणेहि नाणाविहेहि तह पंचवन्नेहि ॥८९२३॥  
किण्हेहि य नीलेहि य लोहियवन्नेहि पीयवन्नेहि । मुक्किलएहि तेहि उवसोहंतं अइसएण ॥८९२४॥  
जे तत्थ किण्हमणिणो ते कज्जलखंजणं जणेहितो । जीमूयगवलगुलियाकोइलजंबूफलेहितो ॥८९२५॥  
किण्हकणवीरकिण्हासोयाऽऽगासाऽलिकिण्हकेसेहि । तह किण्हबंधुजीवाउ समहियं किण्हवन्नधरा ॥८९२६॥  
जे तत्थ नीलमणिणो ते नीलीभंगवासपिच्छाओ । सुयपिच्छमोरगीवा वणराईहलिदुगूलाओ ॥८९२७॥  
नीलकणवीरनीलासोयायसिकुसुमबाणकुसुमेहि । तह नीलबंधुजीवाउ समहियं नीलवन्नधरा ॥८९२८॥  
जे तत्थ सोणमणिणो ते सिदूराओ सुयमुहाओ वि । जासुयकुसुमकेसुयकुसुंभकुंकुमसमीवाओ ॥८९२९॥  
बालिदगोवबालिदुरायबालप्पवालपासाओ । संज्जभबालदिणयरकिमिरायसिलप्पवालाओ ॥८९३०॥  
ससरुहिरवराहोरब्भरुहिरनररुहिरसन्निहाणाओ । रत्तुप्पलपत्ताओ लक्खारसलोहियक्खाओ ॥८९३१॥  
रत्तकणवीररत्तासोयाओ पारियायकुसुमओ । तह रत्तबंधुजीवाउ समहियं रत्तवन्नधरा ॥८९३२॥  
जे तत्थ पीयमणिणो ते चंपगकुसुमकणगनिघसाओ । कोहंडीघूसेडीसुवन्नजूहीणकुसुमाओ ॥८९३३॥  
हरियालहलिहाभेयपीयकणवीरपीयसोयाओ । तह पीयबंधुजीवाउ समहियं पीयवन्नधरा ॥८९३४॥  
जे तत्थ मुक्किलाभा मणिणो ते अंकसंखकुंदाओ । बयहंसबलागाकुंदहारसरयंभवन्नाओ ॥८९३५॥  
दगधंतधोयकलहोयपट्टनवसालिपिट्टुपुंजाओ । कप्पूरपूरपारयफलिहोवलचंदकंताओ ॥८९३६॥  
सिहिपिच्छमिंजियाभिसमृणालियाकलहदंतमुसलाओ । दहिपिडकुमुयसंडा लवंगदलपुंडरीयाओ ॥८९३७॥  
सेयकणवीरसेयासोयाओ मल्लियापसूणाओ । तह सेयबंधुजीवाउ समहियं मुक्किलच्छाया ॥८९३८॥  
तेसि मणीण गंधो कोट्टुपुडाणं व तगरपुडयाणं । एलापुडाण चंपयपुडाण दमणयपुडाणं वा ॥८९३९॥  
चोयपुडाणं कुंकुमपुडाण चंदणउसीरपुडयाण । मरुयगपुडाण जाईपुडाण जूहियपुडाणं वा ॥८९४०॥  
केयइपुडाण पाडलिपुडाण कप्पूरमियमयपुडाण । तह मल्लियापुडाणं न्हाणामल्लियपुडाणं वा ॥८९४१॥  
पडिवाए वाउभिज्जमाण कुट्टिज्जमाणयाणं वा । रंभिज्जमाणउक्किरियमाणपडिभायमाणान ॥८९४२॥  
तह भंडाओ भंडंतरम्मि संकामइज्जमाणान । जे निस्सरंति गंधा ओराला मणहरमणुत्ता ॥८९४३॥  
घाणमणनिव्वुइकरा तेहितो बहुगुणं मणामयरा । तेसि मणीण फासो आईणगरुयधूयाण ॥८९४४॥  
नवणीयहंसगब्भगसिरोसकुसुमाण पउमगब्भस्स । बालदलाण व फासा जे तेहितो वि अतिमउओ ॥८९४५॥  
अह सो पालयदेवो जाणविमाणस्स तस्स दिव्वस्स । बहुमज्जम्मि विउव्वइ पेच्छाघरमंडवं विउलं ॥८९४६॥  
खंभसयसन्निविट्ठं अच्चब्भुययवइरवेइयाकलियं । तोरणवरविरइयसालहंजियासंगरमणिज्जं ॥८९४७॥  
संठाणविसिट्ठसिलिट्ठलट्टवेरुलियविमलवरखंभं । नाणामणिरयणेहि कणगेहि सव्वओ खचियं ॥८९४८॥  
उज्जलबहुसमसुविभत्तदेसभायं च नयणमणसुहयं । ईहामियउसभनुरंगमगरनरविहगभत्तीहि ॥८९४९॥  
किन्नररुक्कुंजरसरभचमरवालगाअणेगभत्तीहि । वणलयपउमलयाणं बहुविहभत्तीहि य विचित्तं ॥८९५०॥  
बहुविहिवन्नघंटापडागपरिमंडियग्गसिहरं च । कंचणमणिरयणेहि दिणिम्मियत्थूभियाभिमयं ॥८९५१॥  
चवलं मिरीइकवयं विणिम्मयुंतं च विरइउल्लोयं । गोसीसरत्तचंदणविइन्नपंचंगुलितलं च ॥८९५२॥  
उवचियचंदणकलसं चंदणघडसुकयतोरणदुवारं । आसित्तोसित्तं सुइवग्गारियसुमणदामं च ॥८९५३॥  
तह पंचवन्नवरसुरहिकुसुमपयरोवयाररुइरं च । इज्जंतपवरकालागुरूध्वसुगंधिगंधं च ॥८९५४॥

दिव्वघणतुडियसहायन्नणसंपत्तअच्छरसमूहं । पासाईयं तह दंसणिज्जमभिरूवपडिरूवं ॥८९५५॥  
 तस्स य पेच्छाघरमंडवस्स रमणिज्जयं बहुसमं च । सक्काभिओगियसुरो विउव्वए सव्वभूभायं ॥८९५६॥  
 एयस्स वन्नओ पुण सव्वो पुव्विल्लओ भणेयव्वो । जाव मणीणं फासो तस्स तओ उवरिभायम्मि ॥८९५७॥  
 ईहामियाइनाणाविहरूवगमणहरं विउव्वेइ । पउमलयभत्तिचित्तं उल्लोयं जाव पडिरूवं ॥८९५८॥  
 तस्स य मज्झपएसे बहुसमरमणिज्जभूमिभायम्मि । वइरामयं विउव्वइ महंतमक्खाडगं एगं ॥८९५९॥  
 अक्खाडयस्स तस्स य रम्मे बहुमज्झदेसभायम्मि । मणिपेदियं विउव्वइ किरणइडं जाव पडिरूवं ॥८९७६०॥  
 अट्ठेव जोयणाइं विक्खंभायामओ भन्ने एसा । चत्तारि जोयणाइं पुण बाहल्लेण नायव्वा ॥८९६१॥  
 तीसे य पेडियाण् उवरिं सीहासणं विउव्वेइ । सीहासणस्स तस्स य भणियव्वो वन्नओ एसो ॥८९६२॥  
 तवणिज्जामइयाचक्कलाओ रयणामया य पुण सीहा । सोवन्निय, य पाया पायाणं सीसगाइं पुणो ॥८९६३॥  
 नाणामणिमइयाइं जंबूणयनिम्मियाइं गत्ताइं । नाणामणिमइयाइं विवाइं तत्थ सव्वाइं ॥८९६४॥  
 तं सीहासणमीहामियउसभतुरंगमगरविहगाण । किन्नरनरकुंजरसरभचमररुखालगाणं च ॥८९६५॥  
 वणलयपउमलयाण य भत्तीहिं विसेससंजणियसोहं । सारो य वियमहामणिरयणविणिम्मवियपयवीढं ॥८९६६॥  
 अत्थरगमलयनवतयकुसत्तमउसिहकेसराईहिं । पच्चत्थुयाभिरामं सुडविरइयवररयत्ताणं ॥८९६७॥  
 ओयविय खोमदोगुल्लपट्टसंपाइयप्पडिच्छयणं । रत्तंसुयसंबुडयं नयणमणाणंदसंजणयं ॥८९६८॥  
 आइणगरुयनवणीयबूररवितूलफासमउययरं । सीहासणस्स तस्स य उवरिं एगं विजयदूसं ॥८९६९॥  
 संखंककुंदगरयअमयहिमच्छीरफेणपुंजपभं । सव्वरयणामयं रम्मसन्हमच्छं विउव्वेइ ॥८९७०॥  
 बहुमज्झदेसभाए तस्स तओ विमलविजयदूसस्स । वइरामयं विउव्वइ अंकुसमेगं महपमाणं ॥८९७१॥  
 अह तम्मि अंकुसम्मि मुत्तादामं विउव्वए एगं । कुंभिवक्तस्स तओ चउट्टिसिं अद्धकुंभिक्के ॥८९७२॥  
 चउरो मुत्तादामे अग्ने वि विउव्वए तदद्धुच्चे । ते पुण मुत्तादामा तवणिज्जामइयलंबूसा ॥८९७३॥  
 नाणामणिंरयणअणेगविहवहाररुद्धहाररेहिरया । ईसिमसंपत्ता अन्नमन्नमाणंदसंजणया ॥८९७४॥  
 एतेहिं मंदमदं पुव्वावरदाहिणुत्तरदिसाहिं । दोलिज्जंता अनिलेहिं सव्वओ महुरसइेण ॥८९७५॥  
 ओरालेण मणुत्तेण मणहरेणं च कन्नसुहएण । तं ठाणं पूरंता अइवसिरीए विरायंति ॥८९७६॥  
 सो आभिओगियसुरो सुरिदसीहासणस्स तस्स तओ । अवरुत्तरेण तह उत्तरेण उत्तरपुरत्थेण ॥८९७७॥  
 चउरासीए सुरवइसमाणविहविल्लदेवसहसाणं । चलसीई भद्दासणसाहस्सीओ विउव्वेइ ॥८९७८॥  
 पुव्वदिसाए अट्टण्ह अग्गमहिसीण दाहिणपुरत्थे । अडिंभतरपरिसाए दुवालसन्हं सहस्साणं ॥८९७९॥  
 तह दाहिणेण मज्झिमपरिसाए चउदसण्ह सहसाणं । दाहिणपच्चत्थिमओ बाहिरपरिसाए देवाणं ॥८९८०॥  
 सहसाण सोलसण्हं पच्छिमओ सत्तअणियहिंविईणं । सुरसंखाए भद्दासणाइं एवं विउव्वेइ ॥८९८१॥  
 तस्स य सुरवइसीहासणस्स पुव्वेण दाहिणेण तहा । अवरणे उरुत्तरेण य देवाणं आयरक्खाणं ॥८९८२॥  
 चुलसीई चुलसीती रएइ भद्दासणाण सहसाइं । तस्स य वन्नावासो जाणविमाणस्स दिव्वस्स ॥८९८३॥  
 एवं खु पन्नविज्जइ हेमंतसमुग्गयस्स नवरविणो । खड्दरिगालाणं वा पज्जलियाणं तमनिसाए ॥८९८४॥  
 किसुयवणस्स अहवा जासूणवणस्स पारियायस्स । सव्वत्तो वि ह संकुसुमियस्स जा जायए सोहा ॥८९८५॥  
 तत्तो वि असंखगुणा तस्स विमाणस्स वन्नओ सोहा । गंधो फासो य पुणो जहा मणीणं तहा नेओ ॥८९८६॥  
 अह सो पालगदेवो जाणविमाणं तहाविहं दिव्वं । वेउव्वियं करेत्ता उवेइ सक्कस्स पासम्मि ॥८९८७॥

करयलपरिग्गिहीयं काऊणं अंजलिं नियसिरम्मि । निव्वत्तियं विउव्विय जाणविमाणं निव्वेएइ ॥८९८८॥  
 तत्तो सोहम्मवई पालगदेवस्स अंतिए एयं । अट्टुं सोऊण पहिट्टुमाणसो तक्खणे जाओ ॥८९८९॥  
 दिव्वं सव्वालंकारभूसियं जिणवराभिगमजोग्गं । रुवं उत्तरवेउव्वियं तओ सो विउव्वित्ता । ८९९०॥  
 अट्टुहिं परिवारसमन्नियहिं सह अग्गमहिसिदेवीहिं । गंधव्वाणीएणं नट्टाणीएण य समेओ ॥८९९१॥  
 पुव्वतिसोमाणेणं पयाहिणंतो विमाणमारुहिउं । सीहासणे पुरत्थाभिमुहो होउं निसीएइ ॥८९९२॥  
 सामाणिया तिसोमाणगपडिरूवेण उत्तरिल्लेण । तह चेत्र आरुहेऊण ज्ञत्ति सीयंति पत्तेयं ॥८९९३॥  
 पुव्वट्टावियभद्दासणेसु सेसा वि देवदेवीओ । एमेव दाहिणेणं आरुहिऊणं उव्विसंति ॥८९९४॥  
 एवं तम्मि विमाणम्मि देवरायस्स समभिरुद्धस्स । सोत्थियसिरिवच्छाई पुरओ अट्टुट्टु मंगलगा ॥८९९५॥  
 संपट्टिया कमेणं तयणं पुणो पुन्नकलसंभिगारा । दिव्वा छत्तपडागा सचामरा वैजयंती य ॥८९९६॥  
 वाएण धुव्वमाणा समूसिया गयणमणुलिहेमाणा । संपट्टिया पुरत्था अणंतरं आणुपुव्वीए ॥८९९७॥  
 तयणंतरं च वेगलियविमलडंडं समूसियं पुरओ । उव्वसोहियं पलंबिरकोरिठयमल्लदामेण ॥८९९८॥  
 कोमुइमयंकमंडलविलंबयं विमलमायवत्तं च । सीहासणं च मणिरयणभत्तिचित्तं सपयवीढं ॥८९९९॥  
 रयणमयपाउयाजोयसंजुयं किकरामरणोहिं । बहुएहिं परिग्गहियं संपट्टियमाणुपुव्वीए ॥९०००॥  
 परिघट्टुमट्टुसिलिट्टुलट्टुसुविसिट्टुसंठियवईए । वइरामयलट्टुए लद्धपइट्टुओ अइपगिट्टुओ ॥९००१॥  
 कुडभीण सहस्सेहिं दसद्ववत्तेहिं सव्वओ कलिओ । वाउद्धुयविजयपडागछत्तअइछत्तचिचइओ ॥९००२॥  
 जोयणसहस्समाणो आयामेणं महग्गमणुलगो । संपट्टिओ पुरत्था अणुपुव्वीए महिदइओ ॥९००३॥  
 कयउव्वभडमिगारा भडचडगरपहगरेण अतिमहया । पंच अणीया पंच य अणीयवइणो पुरो चलिया ॥९००४॥  
 तयणंतरं तु बहवे अभिओगियदेवदेविसंधाया । रुव्वेहिं नियनिएहिं नियनिएहिं विसेसेहिं ॥९००५॥  
 नियनियविहीहिं नियनियनिज्जोएहिं च तह नियनियेहिं । नेवच्छेहिं उव्वसोहमाणया पहरिसतुरता ॥९००६॥  
 सक्कस्स देवरायस्स अग्गओ मग्गओ य पासेसु । परिवेढं कुणमाणा संचलिया आणुपुव्वीए । ॥९००७॥  
 तयणंतरं च सव्वे सोहम्मनिवासिदेवदेवीओ । नियनियदेविद्धीए देवजुईए य सोहंता ॥९००८॥  
 सक्कस्स देवरओ पुरओ पच्छा य उभयपासेसु । संपट्टिया पहिट्टा उज्जोयन्ता गयणमग्गं ॥९००९॥  
 अह सो देवाहिवई सक्को सोहम्मकप्पमज्जेणं । तं दिव्वं देविद्धिं उव्वदंसंतो समणुपत्तो ॥९०१०॥  
 कप्पस्स उत्तरिल्लं निज्जाणपहं तओ पगिट्टाए । चंडाए जवणीए ओव्वयमाणो सुरगतीए ॥९०११॥  
 तिरियमसंखेज्जाणं मज्झं मज्जेण दीवजलहीणं । नंदीसरवरदीवे दाहिणपोरत्थिमम्मि नगे ॥९०१२॥  
 रइकरनामम्मि समागंतूण तओ कमेण देविद्धिं । तं दिव्वं देवजुइं दिव्वं देवाणुभावं च ॥९०१३॥  
 दिव्वं जाणविमाणं पडिसाहरमाणओ खणेणेव । जेणेव जंबुदीवो जेणेव य भारहं वासं ॥९०१४॥  
 जेणेव जम्मनयरं जिणस्स जेणेव जम्मभवणं च । तेणेव उवागंतुं जाणविमाणट्टिओ चैव ॥९०१५॥  
 महयाहयतलतंतालमुइंगप्पाइयरवेण । तिक्खुत्तो आयाहिणपयाहिणं तस्स काऊण ॥९०१६॥  
 तो तं जाणविमाणं उत्तरपोरत्थिमे दिसीभाए । चउरंगुलेण भूमीं अप्फुसमाणं ठवेऊण ॥९०१७॥  
 अग्गमहिसीहिं सद्धिं अट्टुहिं दोहिं तहा अणीएहिं । गंधव्वाणीएणं नट्टाणीएण य समेओ ॥९०१८॥  
 पुव्वेण तिसोवाणगपडिरूवेणं तओ विमाणाओ । पच्चोरुहइ सुरिदो तत्तो सामाणियसुराणं ॥९०१९॥  
 चुलसीइसहस्साइं तस्स विमाणस्स उत्तरिल्लेण । पच्चवरोहंति तिसोवाणगपडिरूवेणं तु ॥९०२०॥



अवसेसा सव्वे वि हू देवा देवी य दाहिणिल्लेण । पच्चवरोहंति तिसोवाणगणपडिरूवणेव ॥९०२१॥  
 अह सक्को देविदो सामणियसुरसहस्सचुलसीए । सेसेण य सव्वेणं सुरपरिवारेण परियरिओ ॥९०२२॥  
 सव्विह्डीए जाव य दुंदुहिनिग्घोसनाइयरवेण । जेणेव य तित्थयरो भयवं तित्थयरजणणी य ॥९०२३॥  
 तेणेव उवागंतुं आलोए चैव झ त्ति पणमेइ । पणमित्ता आयाहिणपयाहिणं कुणइ तिक्खुत्तो ॥९०२४॥  
 करयलपरिग्गिहीयं तत्तो कारुण अंजलिं सीसे । एवं वयइ जहा ते नमोत्थु कुच्छीधरियरयणे ! ॥९०२५॥  
 इच्चाइ दिसिकुमारीगमेण संथुणइ ताव जिणजणणीं । पज्जंते ह्वइ इमं जाव पयं तं सि सुकयत्था ॥९०२६॥  
 तो पयइइ अप्पाणं देवाणुपिए ! तिलोयनमणिज्जे ! । सक्को नामेण अहं देविदो देवगणराया ॥९०२७॥  
 तित्थयरस्स भगवओ जम्मणमहिमं पसाहइस्सामि । तत्तो महाणुभावे तुब्भाहिं न भाइयव्वं ति ॥९०२८॥  
 भणिउं जिणजणणीए दाउं अवसोर्याणि विउव्वेउं । तित्थयरप्पडिरूवं तीसे पासम्मि ठावेउं ॥९०२९॥  
 पंच विउव्वइ सक्के एक्को सक्को तओ उ आयंतो । चोक्खो परमपवित्तो होऊण विलित्तकरजुयलो ॥९०३०॥  
 गोसीसचंदणेणं सरसेण सुगंधिणा कयपणामो । अणुजाणइ मे भयवं ! ति कट्टु भगवंतमरिहंतं ॥९०३१॥  
 करयलउडेहिं गिण्हइ ससंभमो सह्रिसो तयणुएक्को । सक्को अणुमग्गओ छणिंदुमंडलसमसिरीयं ॥९०३२॥  
 धरइ धवलायवत्तं उवरि जिणिंदस्स दोन्नि सक्का उ । पासेसु चामरे उक्खिवंति ससिकुंददलधवले ॥९०३३॥  
 एक्को सक्को पुरओ करयलकलिएण कुलिसडंडेण । अणुकद्धइ इय एवं सक्को अत्तेहिं वि बहूहिं ॥९०३४॥  
 भवणवइवाणमंतरजोइसवेमाणिएहिं देवेहिं । देवीहिं य परियरिओ जाव महादुंदुहिरवेण ॥९०३५॥  
 ताए उक्किट्टाए देवगतीए य चंडचवलाए । जेणेव मंदरगिरी पंडगवणमंडियसिरग्गो ॥९०३६॥  
 जेणेवइहिसेयसिलाए अत्थि सीहासणं रयणरुइरं । तेणेव उवागंतुं पुव्वाभिमुहो निसीएइ ॥९०३७॥  
 अह ईसाणे कप्पे सुलहरो वसह्वाहणो इंदो । उत्तरलोगद्धपहू अरयंबरवत्थधारी य ॥९०३८॥  
 इच्चाइ जहा सक्को तह इंदा सेसया वि भणियव्वा । जावइच्चुयकप्पिदो नेयमिणं नवर नाणत्तं ॥९०३९॥  
 बत्तीसट्टावीसा बारस तह अट्टु चउसयसहस्सा । पन्ना चत्त छ सहसा सय चउ ति कमा विमाण्णं ॥९०४०॥  
 चुलसी असीइ बावत्तरि सत्तरि सट्टिय पन्न चत्ताला । तीसा वीस दसेण य कमेण सामाणियसहस्सा ॥९०४१॥  
 पालय पुप्फय ( ति ) सोमाणसा य सिरिवच्छनं दियावत्ता । कामगमे पीइगमे मणोरमे विमलनामे य ॥९०४२॥  
 तह होइ सव्वओ भइनामओ सक्कमाइयाण इमे । कप्पिदाण दसन्ह वि विमाणनिम्मावगा नेया ॥९०४३॥  
 आइमतईयपंचमसत्तमनवमाण कप्पइदाण । हरिणेगमेसिनामा पायत्ताणीयअहिवइणो ॥९०४४॥  
 घंटा सुघोत्सनामा निज्जाणपहो ह्वेज्ज उत्तरओ । दाहिणपुरत्थिमिल्लो रइकरगो पव्वओ होइ ॥९०४५॥  
 दोच्चचउत्थच्छट्टुमदसमाणं तु कप्पइदाण । पायत्ताणीयवई नामेणं लहू परक्कमओ ॥९०४६॥  
 घंटा य महाघोसा निज्जाणपहो ह्वेज्ज दक्खिणओ । उत्तरपुरत्थिमिल्लो रइकरगो पव्वओ तेओ ॥९०४७॥  
 ईसाणिंदाईणं अच्चुयकप्पाहिवावसाणाणं । आसणकंपाईयं सक्कस्स व सव्वमिहू नेयं ॥९०४८॥  
 सव्विह्डीए गंतूण मंदरे जाव पज्जुवासंति । नवरं जिणिंदजम्मणघरगमणाई न भणियव्वं ॥९०४९॥  
 अह चमरो असुरिंदो सरायहाणीए चमरवंचाए । सोहम्माए सहाए चमरे सीहासणम्मि ठिओ ॥९०५०॥  
 चउसट्टीए सामाणियाण सहसेहिं तायतीसेहिं । तेत्तीसाए देवेहिं चउहिं तह लोगपालेहिं ॥९०५१॥  
 अग्गमहिसीहिं पंचहिं परिवारजुयाहिं तिहिं उ परिसाहिं । सत्तहिं उ अणीएहिं अणोयहिवईहिं सत्तहिं उ ॥५२॥  
 अत्तेहिं य परियरिओ जहेव सक्को इमं तु नाणत्तं । पायत्ताणीयवती दुमो य घंटा य ओघसरा ॥९०५३॥

वेडव्वियं विमाणं इमस्स पन्नासजोयणसहस्सा । जोयणसयाइं पंच उ नायव्वो पुण महिदन्नओ ॥१०५४॥  
 अभिओगिओ उ देवो विमाणनिम्मावगो मुणेयव्वो । सेसं तं चिय जा मंदरम्मि गंतुं समोसरइ ॥१०५५॥  
 एवं चिय असुरिदो बली वि नवरं तु सट्टिसहस्साइं । सामाणियदेवाणं चउग्गुणा आयरक्खा उ ॥१०५६॥  
 पायत्ताणीयस्स उ महादुमो नाम अहिवती नेओ । महओधसरा घंटा सेसं तं चैव विन्नेयं ॥१०५७॥  
 अह नागकुमाराणं इंदो धरणो त्ति सो वि तह चैव । नवरं नाणत्तमिणं छस्सामाणियसहस्सा उ ॥१०५८॥  
 मेहस्सरा य घंटा पायत्ताणीयअहिवई नेओ । नामेण रुदसेणो पणुवीसं जोयणसहस्सा ॥१०५९॥  
 होइ विमाणं अद्दाइज्जाइं सयाइं पुण महिदन्नओ । सेसाण वि एवं चिय इंदाणं भवणवासीणं ॥१०६०॥  
 असुरिदवज्जियाणं नवरं असुराण ओधसरघंटा । नागाणं मेघसरा होइ सुवन्नाण हंससरा ॥१०६१॥  
 विज्जुणं कोंचसरा घंटा अग्गीण होइ मंजुसरा । घंटा य मंजुघोसा दिसाकुमाराण विन्नेया ॥१०६२॥  
 सूसरघंटा उदहीण होइ दीवाण महुरसरघंटा । वाऊणं णंदिसरा थणियाणं णंदिघोसा उ ॥१०६३॥  
 चउसट्ठी सट्ठी व खलु छ च्च सहस्सा उ असुरवज्जाणं । सामाणिया य एए चउग्गुणा आयरक्खा उ ॥१०६४॥  
 पायत्ताणीयाणं अहिवइणो रुदसेणनामाणो । जम्माणं भूईणाणं हवति नामेण नंदक्खा ॥१०६५॥  
 धरणे य वेणुदेवे हरिकंतेग्गिसिहपुत्तजलकंता । अमियगती वेलंवे घोमे नव दाहिणदिसिदा ॥१०६६॥  
 भूयाणंदो तह वेणुदालिनामो हरिस्सहो तइओ । तह अग्गिमाणवो तयणु पंचमो हवइ हु वसिट्ठी ॥१०६७॥  
 जलपहमियवाहणया पहंजणो नवमओ महाघोसो । नागाइनिकायाणं एए नव उत्तरदिसिदा ॥१०६८॥  
 चमरबलिप्पमुहाणं सव्वेसिं भवणवासिइंदाण । अभिओगिया य देवा विमाणनिप्फायगा नेया ॥१०६९॥  
 वंतरजोइसिया वि हु नेयव्वा एवमेव नवरं तु । चउसामाणियसहसा चउरो पुण अग्गमहिसीओ ॥१०७०॥  
 सोलससहसा तणुरक्खायाण जोयणसहस्सपरिमाणं । होइ विमाणं जोयणपणुवीससयं महिदन्नओ ॥१०७१॥  
 वंतरपिसायभूया जक्खा तह रक्खसा य नायव्वा । किन्नरकपुरिसमहोरगा य गंधव्व अट्टमया ॥१०७२॥  
 कालसुरूवा तह पुत्तभट्ठीमा य किन्नरो तह य । सप्पुरिसो अइकाओ गीयरई चैव अट्टमओ ॥१०७३॥  
 एएसि अट्टण्ह वि दाहिणदिसिवाणमंतरिदाण । मंजुसराओ नामेण होति घंटाओ नेयाओ ॥१०७४॥  
 महकालो पडिक्खो होति तहा माणिभट्टमहभीमा । किपुरिसमहापुरिसा महकाओ तह य गीयजसो ॥१०७५॥  
 एएसि अट्टण्ह वि उत्तरदिसिवाणमंतरिदाण । घंटाओ नेयाओ नामेणं मंजुघोसाओ ॥१०७६॥  
 पायत्ताणीयाण अहिवइणो तह विमाणकारी य । जम्माण उईणाण य हवति अभिओगिया देवा ॥१०७७॥  
 जोइसियसुरिदाणं घंटाओ होति सुस्सरनिघोसा । सेसं तं चिय जा मदिरे जिणं पज्जुवासंति ॥१०७८॥  
 अह अच्चयदेविदो सदावित्ताभिओगिए देवे । इय आइसइ जहा भो देवाणुपिया ! दुयं तुव्वे ॥१०७९॥  
 सुमहग्घमतिमहत्थं सुपसत्थं सव्वजयकयाणंदं । नित्थयरउभिसेयभुवदुव्वेह विउलं महरिहं च ॥१०८०॥  
 नियपहु लद्धाएसा तओ इमे हरिसऊससियहियया । सिरनिहियमउलियकरा आणं विणएण पडिमुणिएं ॥१०८१॥  
 उत्तरपुरत्थिमं तह दिसिभागमवक्कमित्तु वेउवियं । काऊणं समुग्घायं कलसाणं कंचणमयाणं ॥१०८२॥  
 अट्ठीत्तरं सहस्सं तह रूपमयाण मणिमयाणं च । रूपमुवन्नमयाणं तह कंचणमणिमयाणं च ॥१०८३॥  
 तह रूपमणिमयाणं तहेव मणिरूपकंचणमयाणं । भोमेज्जाणं च तहा कलसाणं सहस्समदुहियं ॥१०८४॥  
 तह चंदणकलसाणं भिगाराणं तहेव थालाणं । सुपइट्ठाणं आयंसगाण पाईण तह चैव ॥१०८५॥  
 चित्ताणं रयणकरंडगाण जा सव्वपुप्फपडलाणं । सीहासणाणं छत्ताणं चामराणं च तह चैव ॥१०८६॥

तेल्लसमुग्गाणं सरिसवयसमुग्गाण तालियंटाण । पत्तेयं पत्तेयं अट्टसहस्सं कडच्छूणं ॥९०८७॥  
 वेउव्वियं च साभावियं च तं गिन्हिऊण सव्वं पि । खीरसमुद्दे गंतूण खीरसलिलं पगिन्हंति ॥९०८८॥  
 पउमाइं उप्पलाइं जाव य सयवत्तसहसवत्ताइं । गिण्हंति एवमेव य पुक्खरवरसागराओ वि ॥९०८९॥  
 भरहेरवयाईणं वि मागहमाईणं सव्वतित्थाण । गंगाइमहासरियाण गिण्हिउं मट्टियं उदयं ॥९०९०॥  
 चुल्लहिमवंतपभिइयसमग्गवासहरपव्वएहिंतो । सव्वे पुप्फे गंधे मल्ले सव्वोसहीओ य ॥९०९१॥  
 सिद्धत्थए य गहिउं पउमद्दहपभिइ सव्वहरयाण । सलिलुप्पलमट्टियमाइयं च सव्वं गहेऊण ॥९०९२॥  
 एवं च सव्वकुलसेलवट्टवेयट्टडचक्किविजएसु । वक्खारपव्वएसुं अंतरसरियासु सव्वासु ॥९०९३॥  
 उत्तरकुरुमंदरभइसालनंदणवणाइएसुं च । गिण्हंति जाव सिद्धत्थए य सरसं च गोसीसं ॥९०९४॥  
 सिरिखंडं तह दिव्वं सुमणसदामं सुगंधवरगंधं । गिण्हेउं एगयओ मिलंति तो जंति पहूपासे ॥९०९५॥  
 अह अच्चुयदेविंदो सामाणियपमूहसव्वसुरसहिओ । साहावियवेउव्वियकलसेहिं तेहिं सव्वेहिं ॥९०९६॥  
 वरपउमपिहाणेहिं सुगंधिवरवारिपरिण्हिं च । चंदणकयचच्चेहिं ताए सव्वाए इट्टीए ॥९०९७॥  
 सव्वाउज्जाणमहानिनायनिवहेण सव्वजत्तेण । अहिंसिचइ तित्थयरं महया महयाऽहिसेएण ॥९०९८॥  
 अह तम्मि अइमहत्थे जिणाहिसेयम्मि वट्टमाणम्मि । इंदाईया देवा वरचामरछत्तकयहत्था ॥९०९९॥  
 धूवकडच्छुयवरकलसपुप्फगंधाइधारियकरग्गा । हट्टपहट्टा करकलियकुलिससूलाइणो पुरओ ॥९१००॥  
 चिट्ठंति पंजलिउडा आसियसम्मज्जिओवलित्तं च । पकरंति केइ देवा जाव य वरगंधवट्टिसमं ॥९१०१॥  
 वासंति केइ देवा हिरन्नवासं सुवन्नवासं च । आहरणरणवासं तह फलपुप्फाइवासं च ॥९१०२॥  
 वरगंधमल्लवासं केइ वि वासंति चुन्नवासं च । वायंति केइ चउविहमाउज्जं घणतयं वितयं ॥९१०३॥  
 सुसिरं च तहा केइ वि देवा गायंति चउविहं गेयं । उक्खत्तं च पयत्तं मंदं रोईदियं चैव ॥९१०४॥  
 नच्चंति केइ देवा चउव्विहं नट्टमचियं चडुयं । आरभडं च भसोलं चउव्विहं अभिणयं के वि ॥९१०५॥  
 अभिणंति तियसनिवहादिट्टुं तिय पाडियं तियं चैव । सामंतोवाइययं च लोगमज्जावसाणिययं ॥९१०६॥  
 बत्तीसविहं दिव्वं नट्टाविहं के वि दंसयंति सुरा । उप्पयनिवयपवत्तं संकुइयपसरियं नाम ॥९१०७॥  
 संभंतं नाम तहा नट्टाविहं दिव्वममरसंघाया । उवदंसयंति केइ वि केइ वि पीणंति तियसगणा ॥९१०८॥  
 एवं वुक्कारंति य लासेंति य तंडवंति वगंति । अप्पोडेति य केइ वि सीहनिनायं च कुव्वंति ॥९१०९॥  
 सव्वाइं वि के वि कुणंति के वि ह्यहेसियाइं कुव्वंति । केइ वि मयमत्तगय व्व गुलुगुलायंति सुरनिवहा ॥९११०॥  
 रहघणघणाइयं के वि सुरगणा केवि तिन्नि वि कुणंति । उच्छालेंति य केइ वि पच्छोलेंति य सुरा के वि ॥९१११॥  
 अच्छिदंति य तिवइं केइ वि तह पायददरं देंति । भूमिचवेइं दलयंति के वि रावेंति गुरुसदं ॥९११२॥  
 एवं संजोगा वि हु भणियव्वा के वि तह सुरसमूहा । हक्कारंति य पोक्कारंति य तह ओवयतेगे ॥९११३॥  
 तह उप्पयंति एगे एगे य परिप्पवंति य जलंति । केइ वि तवंति केइ वि गज्जंति य विज्जुयायंति ॥९११४॥  
 वासंति के वि देवा देवुक्कलियं करंति तह के वि । देवकहक्कहमेगे तह देवतुहत्तुहं के वि ॥९११५॥  
 रुवाइं विउव्वित्ता वि गियाइं के वि तह पणच्चंति । एमाइ विभासेज्जा जहेव विजयस्स देवस्स ॥९११६॥  
 जा सव्वओ समंता आहावेंति य तहा पहावेंति । एवं अच्चुयइंदो परिवारसमन्निओ सामि ॥९११७॥  
 अभिसिचित्ता करयलपरिगिणीयं सिरिम्मि काऊण । अंजलिबद्धं वट्टावेइ जएणं च विजएण ॥९११८॥  
 इट्टाहिं य कंताहिं य ताहिं मणुत्ताहिं तह मणामाहिं । वग्गूहिं जाव जयजयसदं हट्टो पउंजेइ ॥९११९॥

पम्हलसुकुमालाए गंधकसाईए जाव सुरभीए । लुहइ गायाइं जिणस्स जाव तं कप्पहक्खं व ॥९१२०॥  
 पकरेइ अलंकियभूसियं तओ दंसए य नट्टुर्विहिं । अच्छेहिं य सण्हेहिं य रययामयतंदुलेहिं तओ ॥९१२१॥  
 अच्छरसाओ सामिस्स अग्गओ आलिहंति भत्तीए । अट्टुमंगलाइं दप्पणभद्दासणाईणि ॥९१२२॥  
 पाडलिमल्लियचंपयअसोगपुत्रागबउलतिलयाणं । सहयारमंजरीनवमालियकणवीरकुंदाणं ॥९१२३॥  
 कुज्जयकोरिटयदमणगाण कुसुमेहिं पंचवन्नेहिं । पसरंतपरिमलेहिं करकिसलयविप्पमुक्केहिं ॥९१२४॥  
 जाणुस्सेहेपमाणं करेइ पयरं पुरो जिणवरस्स । वेरुलियवइरदंडं कंचणमणिभत्तिचित्तं च ॥९१२५॥  
 वेरुलियमयं परिगिण्हऊण हत्थे कडच्छुयं तत्तो । कालागुरुपवरस्तुक्ककुंदक्काण वरधूयं ॥९१२६॥  
 गंधुत्तमाणुविट्टं विणिम्मयंतं समतओ धूमं । उग्गाहिऊण तत्तो सत्तट्टुपयाइं ओसरइ ॥९१२७॥  
 काऊण दसंगुलियं नियसीसे अंजलिं तओ थुणइ । अट्टुसएण महावित्ताणं पवरत्थजुत्ताणं ॥९१२८॥

नमोऽस्तु तुभ्यं भूवनेकभूषण !, स्वभावविध्वस्तसमस्त दूषण ! ।

सम ग्रमत्यमिरलोकलोचन ! प्रमोदसन्दायक दुःखमोचन ! ॥९१२९॥

वंशस्थनामछन्दः ॥

भवार्णवप्रपतितजन्तुसन्ततेः, समुद्धृता दृढतरयानपात्रहे ।

जिनोत्तम प्रवितर मे भवे भवे, निजक्रमद्वितयमुपासितुं मतिम् ॥

रुचिरानाम छन्दः ॥

मिथ्यात्वदुद्धरमदोद्धुरसिन्धुरेन्द्रविध्वंसनैकमृगराजकिशोरकल्प ! ।

कल्पाहि पत्निजगदधिजनेप्सितार्थसम्पादने दमदयावसते ! जयत्वम् ॥

वसन्ततिलकानामछन्दः ॥

तव चरणसरोजाराधनाद्धीधनानाममरनरशिवश्री सङ्गमो यद्यपि स्यात् ।

मम मनसिसमीहा नास्ति तस्मिस्तथापित्वदमलमुखचन्द्रालोकबद्धस्पृहस्य ॥

मालिनीनामछन्दः ॥

यत् त्वमुपागतोऽसि नयनविषयमधुना, नाथ ! पलायितं तदशुभगतिभिरिह मे ।

सद्गतिसङ्गमेन लघुगतमभिमुखतां कि प्रभुदर्शनान्न भवति शुभमसुमताम् ॥

ऋषभगजविलसितं नामछन्दः ॥

समस्तभुवनत्रयीविततमण्डपस्योपरि, स्फुरन्ति गुणवल्लयस्तव सितांशुतुल्यत्विषः ।

फलन्ति विविधैः फलैः सपदि ता उपात्ता जनैरनञ्जनगिरापि यत् तदिदमद्भुतं भाति मे ॥

॥पृथ्वीनामछन्दः ॥

दिवः स्वामि ! त्वं मे जितवरविनम्रामरशिरः, श्रवन्मन्दारखक्कुसुमरजसा रञ्जितपदम् ।

तथा नान्तस्तोषं जनयति तथा नाथ ! भवतः, पदद्वन्द्वस्याग्रे भुवि लुठितमात्मीयवपुषः ॥

॥शिखरिणीनामछन्दः ॥

त्रैलोक्यस्यापि प्रलयकरणे पालने च प्रगल्भ ! श्रीसर्वज्ञ ! त्वां तरणिसदृशं दैवयोगादवाप्य ।

मोहध्वान्तं मे हृदयकुहरादाशु नष्टं समस्तं, संसाराब्धिर्गोपदमिव मया लीलया लंघितोऽयम् ॥

कुसुमितलतावल्लिता नामछन्दः ॥

यत् त्वां ध्यायति नित्यमप्यविचलं चेतस्तदेवोज्ज्वलम्,  
 त्वन्नामाक्षरमालिकां वदति या श्रव्यध्वनिः सैव वाक् ।  
 ये त्वद्रूपविलोकनैक निरते ते एव शस्ये दृशौ,  
 यस्ते नाथ ! पदप्रणामरसिको मूर्धा स एवोत्तमः ॥

शार्दूलविक्रीडितं नामलन्दः ॥

इच्चाइ थुणेऊणं नच्चासन्नम्मि नाइदूरम्मि । जोडियहत्थो अच्चुयसुरेसरो पज्जुवासेइ ॥ ११३८॥  
 एवं जह अच्चुइंदो तहेव वेमाणियाऽमरपहूणो । सेसा वि भाणियव्वा ईसाणिदावसाणा उ ॥११३९॥  
 भवणवइवाणमंतरजोइसिया चंदमूरपज्जंता । पत्तेयं पत्तेयं नियनियपरिवारसंजुत्ता ॥११४०॥  
 अहिसिचंति जिणिदं तहेव तं जाव पज्जुवासति । अह ईसाणसुरिंदो काऊणं पंच रुवाइं ॥११४१॥  
 जह सक्को तह चेत्र य गिन्हइ करयलउडेण तित्थयरं । सोहासणे पुरत्थाभिमुहो होउं निसीएइ ॥११४२॥  
 सेसं तं चिय नवरं पुरओं करकमलकलियवरसूलो । सुस्सूसंतो चिट्ठइ अह सक्को देवगणराया ॥११४३॥  
 तित्थयरस्स भगवओ चउसुं पि दिसामुहेसु चत्तारि । धवलवसहे विउव्वइ दहिघणगोखीरसंखनिभे ॥११४४॥  
 अभिरुवे पडिरुवे पासार्इए य दंसणिज्जे य । तेसि चउन्हं पि तओ धवलाणं पवरवसभाणं ॥११४५॥  
 अट्टहि सिंगेहितो विमलाओ अट्ट वारिधाराओ । निग्गच्छंति तए णं ताओ उड्डं नहयलम्मि ॥११४६॥  
 उप्पइऊणं दूरे सव्वाउ वि एगओ मिलेऊणं । तित्थयरस्स भगवओ उड्डपएसम्मि निवयंति ॥११४७॥  
 तयणंतरं तु सक्को तहेव सामाणियाइसुरसहिओ । अहिसेयाइ विहेउं थुणइ जिणं अच्चुइंदो व्व ॥११४८॥  
 तत्तो विउव्विऊणं रुवाइं पंच पुव्वनाएणं । गहिऊणं तित्थयरं समगसुरविदपरियरिओ ॥११४९॥  
 जम्मणभवणे नेउं माऊए अंतियम्मि ठावेइ । जिणपडिरुव्वं ओसोयणिं च अवणेइ तो झत्ति ॥११५०॥  
 एगं च खोमजुयलं कुंडलजुयलं व महरिहं दिव्वं । तित्थयरस्स भगवओ ठावेइ ऊसीगम्मि तओ ॥११५१॥  
 तवणिज्जामयलंबूसगं सुवन्नंण मंडियं दिव्वं । नाणामणिरयणेहि विचित्तहारइड्डहारेहि ॥११५२॥  
 उवसोहेमाणं सव्वओ वि सिरिगंडदामगं एगं । तित्थयरस्स भगवओ उल्लोयतलम्मि लंबेइ ॥११५३॥  
 जह भगवं तित्थयरो अणिमिसट्टिओ तं पलोयंतो । अणुसमयं चिय चिट्ठइ सुहंसुहेणाभिरसमाणो ॥११५४॥  
 अह सक्को वेसमणं एवं आइसइ जह तुमं खिप्पं । भो भो देवाणुपिया ! जम्मणभवणे जिणिदस्स ॥११५५॥  
 कोडीउ हिरन्नस्स उ बत्तीसं तह सुवन्नकोडीओ । बत्तीसं नंदाइं बत्तीसं तह य भट्टाइं ॥११५६॥  
 सोहग्गरुवजोव्वणलायन्नगणे य साहराहि तओ । पच्चप्पिणाहि एयं आणत्तियमेवमाइट्टो ॥११५७॥  
 सक्केणं वेसमणो सट्टावेऊणं जंभए देवे । तेसि सक्काएसं साहइ सोऊणं तं ते वि ॥११५८॥  
 निप्फाइऊणं भिग्घं गंतुं पंजलिउडा कयपणामा । वेसमणस्स निवेएंति सो वि सक्कस्स विन्नवइ ॥११५९॥  
 अह सक्को देविदो सट्टावित्ताभिओगिए देवे । एयं वयइ जहा भो देवाणुपिया ! दुयं तुव्वे ॥११६०॥  
 उवमंतूणं भगवओ जम्मणनयरम्मि सव्वठाणेसु । सिघाडगतिगच्चच्चरचउक्कचउमुहमहपहेसु ॥११६१॥  
 महया महया सट्टेणुग्घोसेमाणया इमं वयह । हंइ सुणंतु भवंतो बहवे देवा य देवीओ ॥११६२॥  
 भवणवइवाणमंतरजोइसवेमाणिया ! जिणवरस्स । जिणजणणीए य तहा जो को वि असोहणं चित्तं ॥११६३॥  
 काही तस्सज्जगमंजरि व्व फुट्टिहिइ सत्तहा सीसं । इय अभिओगियदेवा ते सक्केणं समाणत्ता ॥११६४॥  
 हट्टपरितुट्टहियया तहेव निप्फाइऊणं तस्साणं । सिग्घं पि समागंतुं सक्कस्स पुरो निवेएंति ॥११६५॥

तत्तो ते बहवे भवणवासिजोइसियवाणमंतरिया । वेमाणिया य देवा वयंति नंदीसरे दीवे ॥९१६६॥  
 तत्तो पुरत्थिमिल्ले अंजणगमहानगम्मि गंतूण । सोहम्मवई इंदो करेइ अट्टाहियामहिमं ॥९१६७॥  
 तस्सेव लोंगपाला चत्तारि वि चउसु दहिमुहनगोसु । ईसाणिंदो पुण उत्तरिल्लअंजणनगे गंतुं ॥९१६८॥  
 दाहिणदिसिअंजणपव्वयम्मि गंतूण चमरअसुरिंदो । बलिअसुरिंदो पुण पच्छिमम्मि अंजणनगे गंतुं ॥९१६९॥  
 सासयजिणभवणेसुं करेति अट्टाहियामहामहिमं । एएसि लोंगपाला चउरो चउरो य तिण्हं पि ॥९१७०॥  
 कुव्वंति य अट्टाहियमहिमं चउचउसु दहिमुहनगोसु । अट्टाहियं करित्ता सब्बे वि गया सठाणेसु ॥९१७१॥  
 तत्तो चउव्विहम्मि वि देवनिकायम्मि भुवणनाहस्स । निव्वत्तिऊण मज्जणमहं गए नियनियट्टाणं ॥९१७२॥  
 अच्चबभुयजिणजम्मणमज्जणयमहूसवं पलोयंती । संजायजागरा जामिणी वि निदं व काउमणा ॥९१७३॥  
 वज्जिरपाभाउयतूरनिवहनिगोसोभोयहियय व्व । अवकंता पउमावइदेवी पुण झत्ति पडिबुद्धा ॥९१७४॥  
 पजलंतमुनिम्मलमणिपईवपसरंतकिरणजालेहि । निन्नासियतमसेहि पयासिए सूइभवणम्मि ॥९१७५॥  
 पासइ पुत्तं मरगयवन्नं गोसोसचंदणविलित्तं । नियपासनिवन्नं पुत्तिमिदुजुन्हासियं व नहं ॥९१७६॥  
 नवपारियायमदारमालईपमुहविहकुसुमेहि । पसरंतपरिमलेहि मिलंतअलिवलयमुहलेहि ॥९१७७॥  
 जिणमुहनीहरियनिसगसुरहिनीसासलद्धगंधेहि । थुणमाणेहि व तं सब्बओ वि ओमालियसरीरं ॥९१७८॥  
 बद्धमणिमउडगेवेज्जकडयकेऊरकिरणरेहंतं । सामलदेहं मेहं व अहिणवं सुरधणुच्छुरियं ॥९१७९॥  
 एगं कुंडलजुयलं दिव्वं तह देवदूसजुयलं च । ऊसिसगम्मि ठवियं जिणस्स पेच्छइ तओ एसा ॥९१८०॥  
 उल्लोयलंबियं तह तवणिज्जामयपलंबलंबूसं । सिरिगंडदाममेगं दिट्ठिपहे ठावियं पहुणो ॥९१८१॥  
 पाउब्भूयं गब्भाउ जिणवरं जाणिऊण हरिसेण । चिरविरहृक्कंटाए ओयरमाणं व सगसिरिं ॥९१८२॥  
 दट्ठूण तओ देवी नियमइ विहवेण जाणिऊणेवं । जह किर सक्केण कओ सक्कारो जिणवरस्स इमो ॥९१८३॥  
 तो सव्विसेसं परिओसपरवसा माणसम्मि संजाया । सा पउमावइदेवी न माइ देहे न वा गेहे ॥९१८४॥  
 वज्जंतजामिणीविरमतूरसंधायवोसजणिएहि । पडिसदेहि जिणिदस्स जम्मभवणं कहेइ व्व ॥९१८५॥  
 जिणजम्मणं जणाणं पुरओ परिओसमुव्वहेमाणं । सुत्तविउद्धविहंगमरवेहि तरुणो वि अन्नोन्नं ॥९१८६॥  
 कुव्वंति संकहं पिव जिणिदजम्मस्स पहिरिषवसेण । पडिबुद्धो पउमावइदासीवग्गो वि एत्ताहे ॥९१८७॥  
 ताओ मुणिउं नियसामिणीए जायं जिणेसरं पुत्तं । काओ वि कं पि कुव्वंति तत्थ मंगल्लमुवयारं ॥९१८८॥  
 जूवमुसलाण उब्भडमायसरक्खं दुवारदेसम्मि । चंदणकलसाण निवेसणं च एमाइ अन्नं च ॥९१८९॥  
 अह सुवयणाभिहाणा पहाविया चेडिया अइतुरंती । विन्नवइ सुमित्तं तरवरिदमेवं जहा देव ! ॥९१९०॥  
 वद्धाविज्जइ तुब्भे जएण विजएण सुकयलब्भेण । भुवणब्भुदएक्कनिबंधणेण पुत्तस्स जम्मेण ॥९१९१॥  
 (तो) तं वयणं अमयमयक्खरं व तीसे निसामिऊण तओ । जाओ सुमित्तराया सुहजलहिनिमग्गमुत्ति व्व ॥९१९२॥  
 आसत्तभवणिदलिदभावनिद्लणपच्चलं तत्तो । तीसे देइ पसाएण अत्थजायं बहं राया ॥९१९३॥  
 धोयावेऊण तहा सीसं दासित्तणाउ मोएइ । तं सुवयणाभिहाणं सुवयणसेणीनिहाणं व ॥९१९४॥  
 आसत्तभवणिदलिदभावनिद्लणपच्चलं तत्तो । तीस दइ पसाएण अत्थजायं बहुट राया ॥९१९५॥  
 धोयावेऊण तहा सीसं दासित्तणाउ मोएइ । तं सुवयणाभिहाणं सुवयणसेणीनिहाणं व ॥९१९६॥  
 ओरोहचरो लोओ जो जो को वि हु कहेइ आगंतुं । तस्स पुरो सुयजम्मं तं तं सो कुणइ अदलिहं ॥९१९७॥  
 नयरारक्खं हक्कारिऊण तो एवमाइसइ राया । भो भो देवाणुपिया ! कुसग्गनयरे समग्गेअवि ॥९१९८॥

चारगनिरुद्धमणुयाण मोयणं माणवड्ढणं तह य खिप्पामेव करावेह नयरमेयं च नीसेसं ॥११९१॥  
 सग्भितरबाहिरयं आसियसम्मज्जिओवलित्तं च । संघाडगतिगचच्चरचउक्कचउमुहपहपहेसु ॥१२००॥  
 मंचाडमंचकलियं ऊसवियचलंतधयवडाडोवं । गोसीसरत्तचंदणविइन्नपंचगुलितलं च ॥१२०१॥  
 उवचियचंदणकलसं चंदणघडसुकयतोरणदुवारं । वग्घारियसुविउलवट्टमल्लमालाकलावं च ॥१२०२॥  
 नवसरसमुगंधिदसद्धवण्णकुसुमोवयारकयसोहं । कालागुरुपवरतुरुक्कधूवगंधुद्धुयभिरामं ॥१२०३॥  
 मुट्टिगनडनट्टगजल्लमल्लवेलंबगाइरमणिज्जं । आइक्खगलासगकहगपवगमंखेहिं संकिन्नं ॥१२०४॥  
 तह लंखतुंबवीणियअणेगतालायराणुगयमग्गं । ऊसवियजूवसहसं करेह कारेह य लहुं पि ॥१२०५॥  
 इय सो सुमित्तरत्ता आइट्ठो नयररक्खगो पुरिसो । परितुट्टहट्टहियओ तव्वयणं परमविणएण ॥१२०६॥  
 विन्नसिऊणं पंकयमुगुलायारं करंजलि सीसे । इ त्ति पडिस्सुणिऊणं तयंतियाओ विणीहरइ ॥१२०७॥  
 एत्यंतरम्मि अहणोदएण कुंकुमकयंगराय व्व । जाया पुव्वदिसिवहू जिणजम्मविवड्ढियाणंदा ॥१२०८॥  
 सेसाओ वि दिसाओ जायाओ वियासनिम्मलमुहीओ । आरूढो उदयाचलसिहरग्गं सहसकिरणो वि ॥१२०९॥  
 दंसणकुऊहलेण व कुसग्गनयरम्मि कीरमाणस्स । जिणपुंगवजम्ममहसवस्स अच्छरियभूयस्स ॥१२१०॥  
 तत्तो नियपुरिसपरंपराहि उग्घोसपुव्वयं एवं । कारेउं सयलपुरे नयरारक्खो कहइ रत्तो ॥१२११॥  
 राया वि मज्जणविहि काऊणं पुव्ववन्नियविहीए । विरइयवरसिंगारो महाविभूर्इए आगंतुं ॥१२१२॥  
 अत्थाणमंडवे मणिमयम्मि सीहासणे निसीएइ । सव्विड्ढीए सव्वज्जुईए सव्वेण वि बलेण ॥१२१३॥  
 सव्वसिरीए सव्वायरेण सव्वेण समुदएणं च । सव्वेण संभमेणं तह सव्वाए विभूसाए ॥१२१४॥  
 ओरोहेणं सव्वेण सव्वपगईहिं सव्वनट्टेहिं । समकालपवाइयविविहतूरसंघायघोसेण ॥१२१५॥  
 अमिलायमल्लदामं पमुइयपक्कीलियं अड्डं च । अभडपवेसं करसुंकमुक्कमधरिममदेज्जं ॥१२१६॥  
 पारद्वकोउयसयं गणियावरनाडइज्जपरिकलियं । सपुरजणं जाणवयं दहदियहाइं करावेइ ॥१२१७॥  
 इयरम्मि जणे जाए देसे नयरे गिहे व गामे वा । उप्पज्जइ संतोसो जिणिदजम्मे उ तिजए वि ॥१२१८॥  
 पज्जलियम्मि पईवे भवणे एगम्मि चेंव उज्जोओ । संजायइ सहसकरम्मि उग्गाए सयलभुवणे वि ॥१२१९॥  
 पच्चंतियरायाणो सामंता मंतिणो य मंडलिया । पोरजणा जाणवया सव्वे वि हु हरिसपडहत्था ॥१२२०॥  
 नियविहवस्सणुक्खं गहिऊणं मंगलीयमइविउलं । एंति निरंतरमन्नोन्नमग्गपडिरुद्धसंचारा ॥१२२१॥  
 सइए साहस्सियए सयसाहसिए य गिन्हई दाए । देइ य तहेव तुट्ठो राया अह तस्स तणयस्स ॥१२२२॥  
 पढमम्मि वासरम्मी अम्मापियरो करेंति ठिइवडियं । कारेंति तइयदियहे दंसणियं चंदसूराणं ॥१२२३॥  
 छट्टम्मि वासरे कारवेंति सव्वं निंसिं पि जागरियं । एक्कारसमे दियहे निव्वत्तियजायकम्मम्मि ॥१२२४॥  
 पत्ते बारसमदिणे उवक्खडावेंति विउलमाहारं । चउविहमसणाईयं तओ निमंतंति सव्वं पि ॥१२२५॥  
 मित्तनियनाइसंबंधिपरियणं सयणवग्गमवि सव्वं । हरिवंसखत्तिए तह कारेउं मज्जणाईयं ॥१२२६॥  
 भोयणवेलाए मंडवम्मि सह तेहिं भोयणं किच्चा । भुत्तुत्तरम्मि चोक्खे आयंते परमसुइभूए ॥१२२७॥  
 ते वत्थगंधमल्लालंकारेणं जहोचियं सव्वे । सक्कारिऊण सम्माणिऊण तेसि पुरो एवं ॥१२२८॥  
 वयइ सुमित्तो राया गब्भसवइन्नम्मि दारए एत्थ । मुणिवंदणदाणरया सुव्वयकरणुज्जमपरा य ॥१२२९॥  
 संजाया पउमावइदेवी तह गब्भपढमदियहम्मि । मुणिणा वि चारणेणं सुमिणफलं साहमाणेण ॥१२३०॥  
 एयं चिय वागरियं तम्हा एयस्स होउ इममेव । मुणिसुव्वओ त्ति नामं इय भणिए तेहिं अणुनाओ ॥१२३१॥

ठावेइ निवो नामं जिणस्स तं चेव पुव्वमुवइत्ठं । जायइ जया तिसा वा छुहा व तइया जिणो निययं ॥१२३२॥  
 हत्थंगुलि नियमुहे पक्खिवइ सुरा य परिणमावेति । तत्थ समग्गरसाइं भक्खाइं अणेगरूवाइं ॥१२३३॥  
 सव्वेसि पि जिणाणं बालत्ते होइ एस आहारो । धावन्ति न ते थन्नं पुव्वज्जियसुक्यपडभारा ॥१२३४॥  
 तयणु महंतीभूया अबभवहारंति रसवइं सिद्धं । उसभस्स उ गिहवासे देवकओ आसि आहारो ॥१२३५॥  
 किच्च जिणमायरो होंति लीणगढभाओ ताण य जिणेसु । जररुहिरकलमलाईणि जाय माणेसु न हवंति ॥१२३६॥  
 अह वड्डइ सो भयवं सुरलोयचुओ अणोवमसिरीओ । दासीदासपरिवुडो परिकिन्नो पीढमद्देहि ॥१२३७॥  
 नरनाहमंतिसामंतसेट्टिमंडलवईण तणएहि । सरिसवएहि सेविज्जमाणचरणारविदजुओ ॥१२३८॥  
 कारइ तस्स निमित्तं सुमित्तराया अणेगरूवाइं । खेलणयाइं नाणामणिरयणसुवन्नमइयाइं ॥१२३९॥  
 सुंदरदारुमयाइं काइं वि वरलिहियचित्तकम्माइं । रहकरितुरंगवसहागिईणि मणनयणहरणाइं ॥१२४०॥  
 भयवं तिनाणसहिओ अवगयसंसारसव्वपरमत्थो । बालो वि सरीरेणं अबालचरिओ सहावेण ॥१२४१॥  
 कोउयरहिओ वि सयं समाणवयसेवयाणुरोहेण । कीलइ तेहि जहिच्छं तेसि मणरंजणट्टाए ॥१२४२॥  
 ढोइयखेलणयाणं उचियं जं किच्चि होइ न दुइज्जं । तं आणिऊण तियसा ढोयंति सयं पि जयपहुणो ॥१२४३॥  
 पइदियहं पि पवइड्डइ तणुलट्ठी तस्स तिजयनाहस्स । पूरंती कंतिभरं सियपक्खमयंकलेह व्व ॥१२४४॥  
 पुव्वभवज्जियजिणनाहपुन्नपडभारजणियखोहेहि । चउविहदेवेहि निरंतरं पि एतेहि जंतेहि ॥१२४५॥  
 जिणरूवदंसणुक्कंठिएहि जिणपायपणइलुद्धेहि । सग्गपुरं व विरायइ कुसग्गनयरं तयाकाले ॥१२४६॥  
 जायम्मि तिजयनाहे अडसंवच्छरपमाणवयजुत्ते । सुयनेहमोहियमणो चित्तेइ सुमित्तनरनाहो ॥१२४७॥  
 जह संपयं कुमारो वयम्मि वट्टइ कलागहणजोग्गे । अप्पेमि कलायरियस्स ता इमं सोहणे दियहे ॥१२४८॥  
 एयं जणयवियप्पं जाणइ जिणपुंगवो सनाणेण । तह वि हु न कि पि जंपइ चिट्टइ एमेव गरिमाए ॥१२४९॥  
 अन्नम्मि दिणे राया सहावेऊण नियसमीवम्मि । लेहायरियं उववेसिऊण जा कि पि जंपेही ॥१२५०॥  
 ता तम्मि खणे मुणिसुव्वओ वि पिउणो पणामकरणत्थं । पत्तो तत्थ तओ सो कयपणिवाओ नरिदेण ॥१२५१॥  
 आलिगिऊण गाढं चुंबेऊणं सिरम्मि उच्छंणे । संठविओ उज्जायं पुच्छइ नरनाहपासम्मि ॥१२५२॥  
 को एस अउव्वो ताय ! अंतिए तुम्ह चिट्टइ निसन्नो ? । राया कहइ जहसो लेहाइकलाणुवज्जाओ ॥१२५३॥  
 तो मुणिसुव्वयनाहो पिउणो मइविबभमावणयणत्थं । जं जं विसमट्टाणकलाण जाणइ न उज्जाओ ॥१२५४॥  
 तं तं पुच्छइ तस्संतियम्मि नियनाणनायपरमत्थो । उज्जाओ पुण सव्वत्थ उत्तरं कुणइ न मुणेमि ॥१२५५॥  
 अह मुणिसुव्वयनाहो पुच्छियठाणाइं कहइ तस्स सयं । विवरेउं सो वि तह त्ति पंजली पडिसुणइ सव्वं ॥१२५६॥  
 अह बालस्स वि मुणिसुव्वयस्स वयणाइं अइपगब्भाइं । पन्हेसु उत्तरेसु य सोऊणं सयलनिवलओ ॥१२५७॥  
 पमुइयमणो विचित्तइ न विम्हओ को वि एत्थ वत्थुम्मि । जं एस जिणो जाणइ जणसामन्नं कला तत्तं ॥१२५८॥  
 इंदियअगोयरं पि हु अबहिन्नाणेण जो मुणइ वत्थुं । राया वि रंजिओ लज्जिओ य सुयगुणसबुद्धीहि ॥१२५९॥  
 चित्तइ विमूढमइणा कहं मए अणुचियं समारद्धं ? । नाणनिही वि जिणो जं इट्ठो सिक्खविउमियराओ ॥१२६०॥  
 वेसमणो रोरओ अदलिदीकाउमीहिओ नूणं । पूरेउं पारद्धो जलही ओसायसलिलेहि ॥१२६१॥  
 निग्गुणसक्कारगुणाहियावमाणुव्वभवं महापावं । अविवेयजणियमयसं अवणीयं मज्झ तणएण ॥१२६२॥  
 ता गोविउं जहट्टियमट्ठं काऊण उत्तरं अवरं । उज्जायमिमं सगिहे विसज्जिमो चित्तिउं एव ॥१२६३॥  
 जंपइ लेहायरियं मए तुमं एत्थ कारणेणिमिणा । सदाविओ जहा तुज्ज संसयं छिदइ कुमारो ॥१२६४॥



इय भण्णिऊणं सम्माण्णिऊणं तं नियगिहे विसज्जेइ । राया कुमरं मुणिसुव्वयं तु आलिगिउं गाढं ॥१२६५॥  
 काऊणं कं पि सभुच्चियमालावं तग्गुणाणुरायस्स । पहरिससुरियहियओ तओ विसज्जेइ मुहुत्तंते ॥१२६६॥  
 सव्वत्थ वि वित्थरिओ एस पघोसो जहा कलायरिओ । मुणिसुव्वयकुमरेणं कलासु गयसंसओ विहो ॥१२६७॥  
 तट्ठिणपभिइं मुणिसुव्वयस्स कुमरस्स पट्टिमणुलगो । कलगहणत्थी परिभमइ सुबहुलोओ विसेसेण ॥१२६८॥  
 मुणिसुव्वओ वि सेवयजणाणुरोहेण देइ उवएसं । विसए सव्वकलाणं अन्नत्थ वि संसयं हरइ ॥१२६९॥  
 करितुरएहिं र्हेहिं य कयाइ कीलेइ काणगाईसु । पुव्वुत्तसव्वसेवयजणेहिं परिवारिओ संतो ॥१२७०॥  
 पाउब्भओ कमसां तस्स सरीरम्मि जेव्वणुब्भेओ । पूरंतो सव्विसेसं लायन्नरसेण अंगाइं ॥१२७१॥  
 तस्स मुहे सामलए नवुग्गया सहइ संसुरोमाली । अंजणछायातीलुप्पलम्मि लीणाल्लिमाल व्व ॥१२७२॥  
 नवधणतमालसामलमरुणाहरचरणकरयलनहेहिं । संझब्भपाडलं नहयलं व पडिहाइ तस्संगं ॥१२७३॥  
 अहवा कह उवमिज्जइ तस्स सरीरं न जस्स तिजए वि । पाविज्जइ उवमाणं निज्जियसुरमणुयरूवस्स ॥१२७४॥  
 चंकमियपलोइयजंपियाइनाणाविलासचेट्ठाहिं । तियसाण वि हरइ मणं दिट्ठो मुणिसुव्वयकुमारो ॥१२७५॥  
 अच्चब्भुयजिणरूवालोयणकोऊहलेण केइ जणा । केइ वि तव्विन्नाणाइसयायन्नणकउक्कंठा ॥१२७६॥  
 के वि बहुपुन्नकारणतद्दंसणसंभवाहिलासेण । इय के वि कि पि कारणमहिगिच्च वि दूरदेसाओ ॥१२७७॥  
 एति कुसग्गे नयरे अणवरयमणेयलोयसंघाया । तेहिं अउव्वमउव्वं सोहंतं वहइ निच्चं पि ॥१२७८॥  
 सोऊण सुरगणेहिं सया वि सेविज्जमाणपयजुयलं । पुत्तं सुमित्तरत्तो भीयमणा के वि दुट्ठनिवा ॥१२७९॥  
 जिणपुन्नपरिसुव्वभूयविउलबलवाहणं निएऊण । के वि तरिदा जिणजणयभावओ जायबहुमाणा ॥१२८०॥  
 रहकरितुरंगदिव्वंसुयदिव्वाहरणरयणपमुहाइं । पेसंति पाहुडाइं पणमंति सयं पि आगंतुं ॥१२८१॥  
 कि जंपिएण बहुणा तइया भरहद्धकक्कवट्टि व्व । जाओ सुमित्तराया तव्वासिनरिदनमणिज्जो ॥१२८२॥  
 मुणिसुव्वओ वि भयवं सुपसत्थसमत्थलक्खणेहिं जुओ । वट्ठंतो भोग्गमे वयम्मि संपुन्नसव्वंगो ॥१२८३॥  
 पुत्तिमससिसमवयणो विसट्ठकंदोट्टदीह्वरनयणो । कुंदकलिओहदसणो सुगंधिनीसासरूससणो ॥१२८४॥  
 पुरपरिह्वीह्वीह्वीह्वी सुरकुंजरकरसरिच्छसयलोरू । चंदद्धभालफलओ मरगयसिलवियडवच्छयलो ॥१२८५॥  
 परिणाविओ सुमित्तेण पत्थिवेणं अणेयनिवईण । कन्नाओ अणन्नसमाणरूवपरिणिज्जियरईओ ॥१२८६॥  
 ताहिं समं सदाईविसयसुहं सोऽणुहवइ पंचविहं । निरुवममरगणाण वि सलाहणिज्जं पइदिणं पि ॥१२८७॥  
 वज्जंतवेणुव्वीणाविलासिणीगेयसद्दमणहरणं । पेच्छणयनइयविहिं पासंतो गमइ दियहाइं ॥१२८८॥  
 विज्जाहरमिह्णणाणं किन्नरमिह्णणाण वा वि अन्नोन्नं । जायम्मि विसंवाए गेयवियारे व नट्टम्मि ॥१२८९॥  
 पासे समागयाणं संसयमवहरइ ते वि भत्तीए । नाणाविहनट्टविहिं दंसित्ता जंति सट्ठाणे ॥१२९०॥  
 तइलोयस्स वि विम्हयजणणं एवं विलाससुहमसमं । अणुहवमाणस्स पभावइ ति भज्जा जिणिदस्स ॥१२९१॥  
 पसवइ सुव्वयनामं पुत्तं सुकुमालपाणिपायजुयं । कमलदलदीहनयणं पुत्तिमससिविबसमवयणं ॥१२९२॥  
 अह मुणिसुव्वयनाहं वाससहस्साइं सत्तसइडाइं । पालियकुमारवासं रज्जे अहिसिचइ सठाणे ॥१२९३॥  
 अइग्गयविभूईए सुमित्तराया सुरा वि नियभत्ति । तत्थ कुणंति मुणंता तीए सुकयत्थमप्पाणं ॥१२९४॥  
 ठविऊण जिणे रज्जं राया पउमावईए देवीए । सहिओ गिन्हइ दिक्खं पासे केसि पि सूरीणं ॥१२९५॥  
 परिवालऊण विमलं पव्वज्जं पाविऊण पज्जंतं । परमं समाहिमरणं दोन्नि वि माहिदक्कप्पम्मि ॥१२९६॥  
 उप्पत्ताइं देवत्तणेण मुणिसुव्वओ वि जयनाहो । नीईए परिवालइ पुहइं तिसमुद्दमज्जायं ॥१२९७॥

वासाण सहस्साइं पनरस अह अन्नया सरयकाले । संपत्ते मुणिसुव्वयराया विलयाहिं परियरिओ ॥१२९८॥  
 कुलगिरिसिहस्सुत्तुंगे पासायवडिसयम्मि आरूढो । पासइ सरयस्स सिरिं सव्वत्तो दिन्नदिट्ठीए ॥१२९९॥  
 कासेहिं नईकच्छा केयारा सालिमंडलेहिं च । कमलेहिं सरा गिरिणो वणवणसंडेहिं संछन्ना ॥१३००॥  
 कारंडहंसभेरुंडचक्कवायाइविहगनिवहेहिं । सेविज्जति नईओ निम्मलसलिलोहसुहयाओ ॥१३०१॥  
 दिक्कंतदित्तगोविससंसग्गुवजायगरुयसोहग्गा । दीसंति गोउलेसुं वियरता मुइयगोवग्गा ॥१३०२॥  
 पुरपरिसरसरलमहीरूहेसु संजमियमत्तमायंगा । कुसुमियसत्तच्छयगंधवाहिणा गंधवाहेण ॥१३०३॥  
 अग्घाइएण पडिगयमयगंधासकिणो ठइयकन्ना । जायंति चिरं गंधागमणस्स विसिं पलोयंता ॥१३०४॥  
 एरिसयं सरयसिरिं मुणिसुव्वयनरवरस्स खणमेगं । पासन्तस्स नहयले जीमूया झत्ति संभूया ॥१३०५॥  
 हरगलतमालकज्जलकोइलगवलाइइरेयसामलया । अंधारीकयनीसेसदिसिं वड्ढवयणतामरसा ॥१३०६॥  
 देविंदचावकलिया समरम्मि महाभड व्व गज्जंता । उत्थरिया वरिसेउं जलधारासरसमूहेहिं ॥१३०७॥  
 विज्जुलयाओ पयडीहवंति आलोयकोउएणं व । तहियं खणे खणे च्चिय भीय व्व पुणो निलुक्कति ॥१३०८॥  
 तं जाव विमह्यमणो मुणिसुव्वयजिणवरो पलोएइ । ताव सहस ति उट्ठियपयंउपवणेण कत्तो वि ॥१३०९॥  
 विक्खित्तं दिसिदिसिमेहमंडलं ससुरचावविज्जुलयं । जायं विमलं गयणं गणं पि पुवं व सवियासं ॥१३१०॥  
 तं दट्ठूण विंचितइ जिणेसरो जह इम्मि संसारे । सव्वे चिय संजोया मुलहविओया खणेणव ॥१३११॥  
 मोत्तूण मुत्तिठाणं न किं पि थिरमियरमत्थि सुहजणयं । ता तम्मि चैव संपइ जुत्तो मह उज्जमो काउ ॥१३१२॥  
 इय सव्वविरइगहणाभिमुहे जायम्मि तम्मि जिणनाहे । सोहम्मकप्पहृणो चलियं सीहासणं झ ति ॥१३१३॥  
 अह सो पउत्तओही मुणइ जिणिदं वयाभिमुहचित्तं । तो उट्ठिऊण सीहासणाउ सत्तट्ट य पयाइ ॥१३१४॥  
 गंतूण सम्मुहं जिणवरस्स हरिसेण पुलइयसरीरो । तिक्खुत्तो मुट्ठानं धरणियले सन्निवेसेउं ॥१३१५॥  
 ईसिं पच्चुन्नमिउं अंचित्ता वाममत्तणो जाणुं । नमिऊण दाहिणं महियलम्मि रइयंजली तत्तो ॥१३१६॥  
 काऊण संथवं पुण मणिमयसीहासणम्मि ठाऊण । चित्तेइ जीयमेयं जं अरहंताण सव्वेसि ॥१३१७॥  
 निक्खममाणान इमं अत्थपयाणं करंति किर सक्का । तिन्नेव य कोडिसया अट्टासीइं च कोडीओ ॥१३१८॥  
 असिई य सयसहस्सा कणयस्स समावसाण दाणट्टा । एवं सपेहिता वेसमणं झ ति आइसइ ॥१३१९॥  
 जह भो देवाणुपिया! मुणिसुव्वयजिणवरो वयग्गहणं । काउमणो वच्छरियं दाणं दाउं अहिलसेइ ॥१३२०॥  
 इन्दि ता तस्स धरे गंतूणं साहराहि एवइयं । चामीयरं ति एयं वेसमणो सक्कआएस ॥१३२१॥  
 सिरसा पडिच्छिऊणं पहिट्ठहियओ कयत्थमप्पाणं । मन्नंतो देइ तयं जंभगदेवाण आएस ॥१३२२॥  
 ते वि पडिस्सुणिऊणं तह ति तव्वयणमरहओ भवणे । गंतूण कणयरासिं तावइयं झ ति वासंति ॥१३२३॥  
 गंतूण तओ एए वेसमणस्सेरिसं निवेयंति । सो वि पहिट्ठो गंतुं एवं सक्कस्स विन्नवइ ॥१३२४॥  
 तो भयवं तियचच्चरचउक्कचउमुहमहापहपहेसु । अन्नेसु वि ठाणेसुं कुसग्गतयरम्मि सव्वेसु ॥१३२५॥  
 पइदियहं पहियाणं कप्पडियाणं करोडियाणं च । वाहियरोरसणाहाजणाहाण रिणेण घत्थाण ॥१३२६॥  
 दविणाहिलातियाणं अन्नेसिं पि हु पभायओ पभिइं । जा दियहद्धं दावइ वरवरियाओसणापुवं ॥१३२७॥  
 कंचणदाणमच्छिन्नं एगेगदिणम्मि दिज्जए एगा । कोडी कणयस्स तहा अट्ठेव अणूणगा लक्खा ॥१३२८॥  
 अन्नं पि तत्थ मणिरयणवत्थकरितुरयअत्थमाइयं । जं जो मग्गइ तं सो लहेइ नीसंसयं चैव ॥१३२९॥  
 तह तत्थ कुसग्गपुरे अंतो वाहिम्मि ठाणठाणे य । कारावेइ महाणससालाओ जिणो विसालाओ ॥१३३०॥

तत्थ य बहुपुरिसेहिं विइधरुइभत्तवेतणेहिं च । विउलं चउव्विहं पि हु आहारमुवक्खडावेइ ॥१३३१॥  
 तो जोएइ सणाहो को वि अणाहो व रोरकप्पडिओ । पासंडी व गिहत्थो तस्स सुहासणवरगयस्स ॥१३३२॥  
 वीसत्थस्स जहिच्छियमाहारं दावए चउविहं पि । तो तत्थ कुसग्गपुरे परोप्परं एवमालावो ॥१३३३॥  
 वट्टइ सव्वत्थ वि तियचउक्कचच्चरमहापहपहेसु । जह मुणिसुध्वयजिणपुंगवस्स निक्खमिउकामस्स ॥१३३४॥  
 भवणे भोयणजायं लब्भइ सव्वाहिलाससंपन्नं । अहवा केत्तियमेयं इमस्स सिवसोक्खदाइस्स ॥१३३५॥  
 इय दिज्जंते दाणे समग्गदेसेसु पसरिया कित्ती । तेसु जणो अन्नोन्नं एवं संलवइ जह भो भो ॥१३३६॥  
 एह वयंसा ! सिग्घं जहा कुसग्गे पुरम्मि गंतूण । पेच्छामो भयवंतं अचित्तिचित्तामणिसरिच्छं ॥१३३७॥  
 जेणिहभवम्मि सुहिणो होमो अम्हे सुवन्नलाभेण । परलोए तद्दंसणसंभूयपभूयपुत्रेण ॥१३३८॥  
 अन्नभवज्जियबहुपावपभवदुक्खोहदूमियाणग्ग्ह । एसो च्चिय भुवणत्तयसामी सरणं न अन्नो त्ति ॥१३३९॥  
 इय भावेणं केसु वि देसंतरओ जणेसु एतेसु । केसु वि संपत्तसमीहिएसु जंतेसु सट्ठाणं ॥१३४०॥  
 तह वत्थव्वजणम्मि वि संचरमाणम्मि तस्स नयरस्स । बाहिम्मि विमज्झम्मि व जाया मग्गा दुसंचारा ॥१३४१॥  
 मग्गणजणाण एवं पूरिज्जंतेसु इच्छियत्थेसु । संवच्छरप्पमाणो कालो तइया कुसग्गपुरे ॥१३४२॥  
 संजाओ लोयाणं कप्पहुमदिन्नवच्छियत्थफलो । पमुइयनीसेसजणो सूसमकालावयारो व्व ॥१३४३॥  
 विज्जुलयाचवलेण वि विहवेण न जो परस्स जणइ सुहं । सो कह गिरिदरुदं संजमभरमुव्वहेहिं त्ति ॥१३४४॥  
 जाणावणहेउं पिव जणस्स दिन्नं विसेसओ पहुणा । संवच्छरप्पमाणं दाणं तहया जहिच्छाए ॥१३४५॥  
 सइ विह्वम्मि सया वि हु दीणाणाहाइयाण दायव्वं । दाणं सप्पुरिसेणं विसेसओ दिक्खकालम्मि ॥१३४६॥  
 धणमुच्छापरिचाओ करुणा दुहिएसु पवयणपसंसा । तज्जणिओ सुहबंधो दाणेण गुणा इमे होति ॥१३४७॥  
 अलमेत्थ वित्थरेणं अणवरयधणप्पयाणधारहिं । नवजलहरो व्व मणुयाण समियदालिदुहदाहो ॥१३४८॥  
 भयवं हरिकुलतिलओ चित्तेइ मणम्मि निक्खमाभि त्ति । अह बंभलोयकप्पे रिट्टम्मि विमाणपत्थडए ॥१३४९॥  
 लोगतियतियसवरा नियनियमणिमयमहाविमाणेसु । नियनियपासायवड्ढेसएसु पत्तेय पत्तेयं ॥१३५०॥  
 सामाणियामराणं चउहिं सहस्सेहिं तिहिं उ परिसाहिं । सत्तहिं अणिएहिं तहा सत्तहिं अणियाहिर्वेहिं च ॥१३५१॥  
 अट्टहिं उ सहस्सेहिं दुगुणेहिं आयरक्खदेवाणं । तह बंभलोयवत्थव्वएहिं अन्नेहिं वि बहूहिं ॥१३५२॥  
 देवेहिं संपरिवुडा नाडयविहिगीयवाइयरवेहिं । भोगाइं भुंजमाणा विहरंति इमेहिं नामेहिं ॥१३५३॥  
 सारस्सयमाइच्चा वन्ही वरुणा य गट्ठोया य । तुसिया अवाबाहा अग्गिच्चा चव रिट्टा य ॥१३५४॥  
 तो तेसिं देवाणं पत्तेयं आसणाइं कंपति । अह ते देवा अवाहिं पउंजिऊणं वियाणंति ॥१३५५॥  
 जह मुणिसुध्वयसामी इन्हिं तिजएक्कहियरओ भयवं । चित्तम्मि संपहारइ निक्खमणमहं करेमि त्ति ॥१३५६॥  
 ता जीयमिणं लोगतियाण देवाणं जं जिणिंदाणं । निक्खमणमणाणं ते करंति संबोहणं गंतुं ॥१३५७॥  
 ता गच्छामो अम्हे वि सामिसंबोहणं करेमो त्ति । संपेहेउं उत्तरपुरत्थिमम्मि दिसिविभाए ॥१३५८॥  
 अवकमिऊणं तत्तो काउं वेउविदयं समुग्घायं । इच्चाइ जाव परमेसरस्स पासम्मि गंतूण ॥१३५९॥  
 गयणंगणट्टिय च्चिय सखिखिणीएहिं पंचवन्नेहिं । वत्थेहिं नियत्थेहिं अईवउवसोहमाणंगा ॥१३६०॥  
 इट्ठाहिं कंताहिं मणपल्हायणकरीहिं वग्गूहिं । अट्टसइयाहिं ताहिं पुणहत्तविवज्जियाहिं च ॥१३६१॥  
 अभिणंदमाणया अभिभुणमाणा तह य एवमाहंसु । जय जय नंदा जय जय भट्टा जय नंद भट्टं ते ॥१३६२॥

जय जय मुणिवरवसभा ! भयवं ! बुज्जाहिं लोगतियनाहा । हियमुहनिस्सेसकरं धम्मं तित्थं पवत्तेहि ॥१३६३॥  
जयजयसदं इच्चेवमाइभत्तीए ते पउंजेउं । वंदति नमंसति य जहागयं जंति भुज्जो वि ॥१३६४॥  
इय लोयंतियदेवेहिं बोहिओ भुवणबंधवो भयवं । मुणिसुव्वओ महप्पा सुव्वयनामं नियं पुत्तं ॥१३६५॥  
महयाविच्छड्डुणं अहिंसिचइ नियसमिद्धरज्जम्मि । अह सो राया जाओ नमिओ सामंतमंतीहिं ॥१३६६॥  
आपुच्छिओ भगवया निक्खमणत्थं तओ नियमणुस्से । सदाविऊण आइसइ एरिसं गुरुपयत्तेण ॥१३६७॥  
जह भो देवाणुपिया ! खिप्पामेव य सुवन्नकलसाण । अट्टोत्तरं सहस्सं जाव य भोमेज्जकलसाणं ॥१३६८॥  
अन्नं च महत्थं महरिहं च जं किच्चि सव्वमेव तयं । तिहुयणपहुणो समुवट्टवेह अहिसेयपाउग्गं ॥१३६९॥  
अह ते सुव्वयरायाएसाणंतरमसेसमवि एयं । खिप्पं उवट्टवित्ता तस्स निवेएंति गंतूण ॥१३७०॥  
एत्थन्तरम्मि सीहासणस्स कपेण दिन्नउवओगो । सोहम्मकप्पनाहो जाणइ मुणिसुव्वयजिणस्स ॥१३७१॥  
निक्खमणाभिप्पायं तो जह जम्माहिसेससमयम्मि । तव चेवुत्तरवेउव्वियजाणविमाणमारुढो ॥१३७२॥  
सव्वग्गमहिंसिपरिसासामाणियआयरक्खदेवेहिं । सत्तिहि उ अणीएहिं सत्तिहि य अणीयनाहेहिं ॥१३७३॥  
अत्रेहिं वि बहुएहिं सोहम्मगदेवदेविनिवहेहिं । परियरिओ वज्जहरो समागओ सामिपासम्मि ॥१३७४॥  
तेणेव य दिव्वेणं जाणविमाणेण संजुओ सक्को । आयाहिणीकरेउं भयवंतं तिन्नि वाराओ १३७५॥  
उत्तरपुत्थिमाए दिसाए चउरंगुलेण धरणियले । उव्विऊणमसंपत्तं जाणविमाणं तयं दिव्वं १३७६॥  
तो दिव्वाओ तत्तो जाणविमाणाओ तियसगणसहिओ । पुव्वुत्तरजम्मोहिं दारेहिं ओरुहेऊण ॥१३७७॥  
सुरनियरप्फालियतूरनिवहनिग्घोसपूरियदियंतो । तिक्खुत्तो आयाहिणपयाहिणीकुणइ जिणनाहं ॥१३७८॥  
वंदइ नमंसइ तओ अदूरनियडम्मि पज्जुवासेइ । सोहम्मवई एवं नेया सेसा वि कप्पिदा ॥१३७९॥  
भवणवइवाणमंतरजोइसिया वि हु ससामिणो सव्वे । तह चेव समागंतुं भगवंतं पज्जुवासंति ॥१३८०॥  
अह अच्चुयदेविदो सदावित्ताभिओगिए देवे । एवं वयइ जहा भो देवाणुपिया ! दुयं चेव ॥१३८१॥  
मुणिसुव्वयस्स तुब्भे तिलोयनाहस्स महरिहमहत्थं । निक्खमणाहिसेयमुट्टवेह विउलं महिद्धीयं ॥१३८२॥  
अह ते तस्साएसं तह त्ति पडिवज्जिऊण हट्टमणा । अहिसेयं अ त्ति उवट्टवेति जम्माहिसेयसमं ॥१३८३॥  
अह ते दिव्वा कलसा सव्वे वि य तेसु चेव कलसेसु । नरनाहसंतिएसुं सुरसत्तीए अणुपविट्ठा ॥१३८४॥  
अह सो सुव्वयराया सामि सीहासणम्मि रयणमए । पुव्वाभिमुहं संठाविऊण न्हावेइ भूईए ॥१३८५॥  
कणयकलहोयमणिमाइयाण कलसाण जाव भोमाण । पत्तेयं पत्तेयं अट्टोत्तरएण सहसेण ॥१३८६॥  
सव्वोदएहिं सव्वोसहीहिं सव्वाहिं मट्टियाहिं च । समकालपवाइयसयलतूरनिग्घोसनिवहेण ॥१३८७॥  
अहिंसिचइ अह तम्मि उ अहिसेयमहिम्मि वट्टमाणम्मि । मुणिसुव्वयस्स पहुणो के वि सुरिन्दा गहियछत्ता ॥८८॥  
केवि करकलियससहरकरनिम्मलचारुचामरुपीला । विमलजलपुन्नमंगलकलसकरा के वि देविदा ॥१३८९॥  
धुव्वकडच्छुयहत्था के वि हु वरपुप्फगंधमल्लकरा । चिट्ठंति पंजलिउडा पुरओ केइ वि पहिट्टमणा ॥१३९०॥  
अप्पे वि देवदेवी निवहा बहवे वि हत्थगयकलसा । भिंगारथालपाईआयंसगवायकरगकरा ॥१३९१॥  
सुपइट्टुवित्तकरंडपुप्फचंगेरिपुप्फपडलकरा । सीहासणे तेल्लसमुग्गच्छत्तिसियचामरकरग्गा ॥१३९२॥  
धुव्वकडच्छुयहत्था पुरओ चिट्ठंति पंजलिउडा य । अप्पेगइया देवा कुसग्गनयरं समग्गं पि ॥१३९३॥  
कुव्वंति महपहाइसु सित्तं सम्मज्जिओवलित्तं च । विजयसुरस्स व मज्जणमहम्मि धावंति वग्गंति ॥१३९४॥

तो सो दोच्चं पि निवो सीहासणमुत्तरामुहं ठविउं । अहिसिचइ तत्थ जिणं सेयापीएहिं कलसेहिं ॥१३९५॥  
तोऽलंकारसभाए पुव्वाभिमुहासणे निसन्नस्स । सामिस्स पुरो इंदा उवणेन्ति बहू अलंकारे ॥१३९६॥  
तो गंधकसाईए सुकुमालाए पहस्स अंगाई । पुव्वं लूहंति तओं सरसेणं चंदणरसेण ॥१३९७॥  
गोसीसेणऽणुलिपंति सव्वगायाइं भगवओं तत्तो । नासानीसासमीरवोऽज्जयं चक्खुहरणं च ॥१३९८॥  
सुहवन्नफरिसजुत्तं हयलालापेलवाइरेणं च । धवलं सुवन्नखचिचयंतकम्ममागासफलिहपहं ॥१३९९॥  
अहयं दिव्वं वरदेवदूसजुयलं नियंसयावेति । कडिसुत्तयं पिणिधंति तयणु जिणकंठदेसम्मि ॥१४००॥  
निम्मलसुजायनित्तलमुत्तामणिनिम्मियं अणेगसरं । सुपमाणगुणं रमणिज्जपिट्टियागोच्छपल्लवियं ॥१४०१॥  
धवलमहापन्नगनाहसन्निहं उरनहड्डहरिणकं । ससिकरसिसिरं नवकुंदकुसुमअइरेगगोरपहं ॥१४०२॥  
आहरणपडीहारं हारं अवलंबयंति हिययहरं । तयणु मणिरयणजालोवगूढसंखेण रुइरेण ॥१४०३॥  
सोहंतमज्झभायं नाणामणिरयणभत्तिसुविचित्तं । पालंबं च पिणिधंति अप्पणो सुप्पमाणेण ॥१४०४॥  
तो तवणिज्जमयाइं चलंतसोदामणिप्पगासाइं । विमलाइं मिसिमिसिताइं रयणपरिमंडियाइं च १४०५॥  
गंडपरिपुच्छगाइं मुइलच्छीदीवगाइं रुइराइं । कन्नेसु कुंडलाइं तओं पिणिधंति ते पहुणो ॥१४०६॥  
सुहवन्नगंधफासं अमंगलासंतिरोगदोसहरं । दुद्धरिसं वरलक्खणगुणोववेयं पवित्तं च ॥१४०७॥  
भूरयणसव्वसारं देविदत्तरिदमुद्धकयनिलयं । चूडामणि अणघं तओं तिणिधंति ते हट्टा ॥१४०८॥  
तयणंतरमइरुग्गयसहस्सकरमंडलं व दिप्पंतं । विमलवरजच्चसुविउलजंबूणयदलविणिम्मवियं ॥१४०९॥  
मंगलं सस्सिरियं सोलसवररयणकलियपविभागं । मोत्तियपयरगलंबंतदामकलियं मिसिमिसंतं ॥१४१०॥  
अइपेच्छणिज्जरूवं अइसयमइविह्वनिउणनिम्मवियं । पचलंतमहुरमणिरयणवंटिया जालसट्ठालं ॥१४११॥  
विलसंतकिरणजालं आभरणवडंसयं पभासंतं । सीसम्मि निवेसंति य पहुणो रयणुक्कडं मउडं ॥१४१२॥  
हारं च अड्डहारं केऊराइं च अंगयाइं च । तुडियाइं पलंबाइं तहेव पायावलंबाइं ॥१४१३॥  
कणगावलिमुत्तावलिरयणावलि-मुरविकंठमुरवीओं । एक्कावलिपमुहाइं च भूसणाइं पिणिधंति ॥१४१४॥  
दिव्वं च सुमणदामं सव्वोउयपंचवन्नकुमुमकयं । तत्तो दइरयसुगंधिमलयगंधे पिणिधंति ॥१४१५॥  
नाणामणिकणगविचित्तरयणरइए महारिहे विमले । तेलोक्कवीरवलए तओं विसिट्ठे पिणिधंति ॥१४१६॥  
गंठिभवेडिमपूरिमसंघाइमएण चउविहेणं पि । मल्लेण कप्परूक्खं व भूसियं तयणु कुव्वंति ॥१४१७॥  
तत्तो य सुगंधाइं गंधाइं पक्खिन्नंति देहम्मि । एवं चिय वासाइं खिन्नंति जा सुरहिचुन्नाइं ॥१४१८॥  
पत्तेयं पत्तेयं सिरम्मि काऊण अंजलि तत्तो । इट्टाहि कंताहि ओरालाहि मणुत्ताहि ॥१४१९॥  
कल्लाणाहि सिवाहि धन्नाहि मंगलाहि वग्गूहि । अभियुणमाणा अभिनंदमाणया एवमाहंसु ॥१४२०॥  
जय जय नंदा जय जय भट्टा जय विजय नंद भहं ते । जय खत्तिवरवसभा ! कसायइंदियमहासेन्नं ॥१४२१॥  
अजियं जिणाहि इदियसेन्नं परिपालयाहि विजियं च । सुसमणधम्मं सुहयं जियस्स मज्जे वसाहि त्ति ॥१४२२॥  
बहुदिणपक्खे मासे उउ अयणे वच्छरे अपरिभीओं । सव्वपरीसहवग्गस्स हवउ धम्मो अविघंते ॥१४२३॥  
एवं जयजयसहं पउंजिउं दंसयंति ते नट्टं । तत्तो सुव्वयराया सट्ठावित्ता नियमणूसे ॥१४२४॥  
एवं आइसइ जहा खिप्पामेव य उवट्टवह तुग्गभे । भो भो देवाणुपिया ! अपराजियनामियं सीयं ॥१४२५॥  
बहुखंभसयनिविट्टं लीलट्टियसालहंजियाकलियं । ईहामियउसभतुरंगमगरविहगाण वालाण ॥१४२६॥  
रुहरभचमरकिन्नरनरकुंजरवणलयणभत्तीहिं । सुविभत्तं महुरस्सरघंटावलिमुहलियदियंतं ॥१४२७॥

सुभक्तदरिसणिज्जं रणंतमणिघंटियापरिक्खत्तं । अब्भुग्गयवरतरवडरवेइयापरिगयं सुहयं ॥१४२८॥  
 विज्जाहरजमलगजंतजुत्तमच्चिसहस्सचेंचइयं । रुवगसहस्सकलियं भिसिसीसीणं भि (ब्भि) सिमिणं च ॥२९॥  
 चक्खुल्लोयणलेसं सुहफासं सस्सिरीयरूवं च । सिधं तुरियं चवलं पुरिससहस्सेण वहणिज्जं ॥१४३०॥  
 धणुपन्नासायामं पणुवीसधणूणि तह य वित्थिन्नं । छत्तीसधणुद्विद्वं इय ते रत्ता समाइट्टा ॥१४३१॥  
 हट्टा गंतूण तओ उवट्टवित्ता तहेव तं सीयं । माहेति पुणागतं कयंजलिउडा पुरो तस्स ॥१४३२॥  
 अह अच्चुयदेविदो सदावित्ताभिओगिए देवे । एवं वयइ जहा भो देवाणुपिया ! दुयं तुब्भे ॥१४३३॥  
 समुवट्टवेह सीयं अपराजियनामियं इयं पमाणं । जाणविमाणस्स व नवरं वन्नओ एत्थ नायव्वो ॥१४३४॥  
 अह तेऽभिओगियसुरा अच्चुयइंदेण एवमाणत्ता । तह चेव य तं सीयं उवट्टवेत्ता निवेयंति ॥१४३५॥  
 अह सा सुरिदसीया तं चेव नरिदकारियं सीयं । सुरसत्तीए पविट्टा अह सो मुणिमुक्वयजिणिदो ॥१४३६॥  
 सीहासणाओ अब्भुट्टिऊण गंतूण सीयमारुहइ । अपराजियाभिहाणं तत्थ पुरस्थाभिमुहमुत्ती ॥१४३७॥  
 सीहासणे निसन्नो कुलमयहरिया तओ जिणिदस्स । न्हाया कयबलिकम्मा नियत्थमंगल्लसुइवत्था ॥१४३८॥  
 अपेहिं महघेहिं आहरणेहिं विहूसियसरीरा । गहिऊण हंसलक्खणमेगं पडसाडयं पवरं ॥१४३९॥  
 आरुहिऊणं सीयं दाहिणपासम्मि भुवणनाहस्स । भट्टासणे निसीयइ तह उवगरणं गहेऊण ॥१४४०॥  
 सामिस्स अब्भधार्ई वामे पासम्मि सन्निसीएइ । तयणु पुण पिट्टभाए एगा नवजोव्वणा जुवई ॥१४४१॥  
 छणससिसमाणवयणा धणपीणुन्नयपओहराभोगा । विविहविलासनिवासा अच्चुब्भडरइयसिगारा ॥१४४२॥  
 सरइंदुकुंदहिमरययहंसकोरिटमल्लवरदामं । धवलंबरायवत्तं धारेंति चिट्टइ सलीलं ॥१४४३॥  
 तत्तो उभओ पासे पहस्स दो चेव पवरतरुणीओ । चिट्टंति चामरे चंदसुंदरे दोन्नि गहिऊण ॥१४४४॥  
 उत्तरपुरत्थिमेणं एगा तरुणी जलस्स पडिपुन्नं । मत्तगइंदमुहागिइभिगारं चिट्टइ गहेउं ॥१४४५॥  
 दाहिणपुरत्थिमेणं एगा तरुणी सुचारुसिगारा । गहिऊण तालविटं चिट्टइ वरकणगमयडंडं ॥१४४६॥  
 केई भणंति एयं सव्वं कुव्वंति देवदेवीओ । तत्तो सक्काईया देविदा सामिणो पुच्छा ॥१४४७॥  
 सरइंदुकुंदहिमरयपहाइं वेरुलियविमलडंडाइ । जंबूणयविरइयकन्निगाइं वरवडरसंधीणि ॥१४४८॥  
 सव्वरयणामयाइं चंदागारोवमाइं विमलाइं । अट्टोत्तरवरकंचणघडियसलागासहस्साइं ॥१४४९॥  
 भत्तीहिं विचित्ताइं कोरिटयमल्लदामकलियाइं । चिट्टंति धरेमाणा लीलाधवलायवत्ताइं ॥१४५०॥  
 तत्तो अच्छरसाओ उभओ पासेसु तित्थनाहस्स । मणिरयणखचियकंचणनिम्मियडंडाभिरामाओ ॥१४५१॥  
 सव्वरयणामईओ दगरयकुंदिदुसन्निगासाओ । अच्छाओ चामराओ वीएमाणीओ चिट्टंति ॥१४५२॥  
 अह कोइंबियपुरिसे सदावेऊण सुव्वओ राया । एवं वयइ जहा भो देवाणुपिया ! दुयं तुब्भे ॥१४५३॥  
 वरतरुणपुरिससहसं सरिसवयं सरिसरइयवरवेसं । सरिसाभरणविहूसियदेहं सदावह ममंते ॥१४५४॥  
 सदावियं समाणं तेहिं तओ तं समागयं अत्ति । विन्नवइ सुव्वयनिवं देव ! समाइसहं जं कज्जं ॥१४५५॥  
 अह सो सुव्वयराया तं पुरिससहस्समेवमाइसइ । जह अचराइयसीयं जिणस्स तुब्भे परिवहेह ॥१४५६॥  
 तो ते सुव्वयरत्ता इणमाणत्ता वहंति तं सीयं । अह तीसे सीयाए उवरिल्लं दाहिणं बाहं ॥१४५७॥  
 गिन्हइ सोहम्मवई ईसाणिदो उ गिन्हए बाहं । उवरिल्लमुत्तरिल्लं चमरो उण असुरगणराया ॥१४५८॥  
 हेट्टिल्लं दाहिणियं बाहं गिन्हइ बली उ असुरिदो । हेट्टिल्लमुत्तरिल्लं सीयाए गिन्हए बाहं ॥१४५९॥  
 अब्भेसा भवणवईवंतरवेमाणिथा य जोइसिया । तं अचराइयसीयं गिन्हंति जहारिहं देवा ॥१४६०॥

सिबियारूढस्स जिणस्स पढमओ अट्ट अट्ट मंगलगा । एए पुरओ संपट्टिया जहा आपुण्वीए ॥१४६१॥  
 सिरिवच्छमच्छदप्पणभट्टासणकलसनंदियावत्ता । तह वद्धमाणसोत्थियनामाणो सव्वरयणमया ॥१४६२॥  
 गयणयलमणुलिहंती समूसिया विजयवेजयंती य । वाउद्धुयाभिरामा पुरओ संपट्टिया कमसो ॥१४६३॥  
 तयणंतरं च चलियं वेरुलियभिसंतविमलवरडंडं । कोरिटमल्लदामोवसोहियं चंदबिबनिभं ॥१४६४॥  
 विमलं सियायवत्तं समूसियं तयणु रयणनिम्मवियं । सीहासणं मह्रिहं सपाउयाजोयपयवीढं ॥१४६५॥  
 बहुकिकरामरेहिं परिखित्तं ससियच्छत्तिभिगारं । संपट्टियं पुरत्था तयणु तुरंगण अट्टसयं ॥१४६६॥  
 वियडुद्धुरबंधुरकंधराण चलचवलचंचलगईण । मुहदिसजच्चकंचणकवियाण मणुल्लवगण ॥१४६७॥  
 लंधणवगणधावणखमाण कयपवरभूसणाणं च । संपगहियाणं किकरेहिं वरतरुणपुरिसेहिं ॥१४६८॥  
 तयणन्तरमट्टसयं कंचणकोसीपिण्डदंताण । सारोहगमत्तमहागयाण संपट्टियं पुरओ ॥१४६९॥  
 तयणु सछत्तपडागा तोरणघंटाण नदिघोसाण । सकणगतेणिसदारुणलोहसंजमियनेमीण ॥१४७०॥  
 सुसिलिट्टचक्कमंडलधुराण आइन्नतुरयजुत्ताण । कुसलनरच्छेयसारहिसंपगहियाण सज्जाण ॥१४७१॥  
 कंचणगवक्खजालगखिखिणिघंटावलीपरिगयाण । बत्तीसतोणपरिमंडियाण कंकडगजुत्ताण ॥१४७२॥  
 चावसरपहरणावरणभरियसंगामजोग्गविहयाण । अट्टोत्तरं सयं रहवराण संपट्टियं पुरओ ॥१४७३॥  
 तयणंतरं च सन्नद्धबद्धकवयाण गहियचावाण । उप्पीलियतूणाणं पिण्डवरविमलचिधाण ॥१४७४॥  
 संपट्टियमट्टसयं पुरओ वरतरुणजोहपुरिसाण । तयणु तुरंगणीयं गच्छइ तत्तो गयाणीयं ॥१४७५॥  
 तत्तो य रहाणीयं पयत्ताणीयमणुवयइ तत्तो । तत्तो वइरामयवट्टसंठिउक्किट्टलट्टिठिओ ॥१४७६॥  
 वरपंचवन्नकुडभीसहस्सपरिमंडियाभिरामो य । छत्ताइछत्तकलिओ अंबरतलमणुलिहंतसिहो ॥१४७७॥  
 जोयणसहस्समेगं समूसिओ पट्टिओ महिदसओ । पुरओ तत्तो असिलट्टिगाहिणो कुंतगाहा य ॥१४७८॥  
 चावग्गाह्म तह पासगाहिणो चामरग्गाहा के वि । पोत्थयगाहा फलगग्गाहा तह पीढयग्गाहा ॥१४७९॥  
 वीणग्गाहा केइ वि क्यूग्गाहा हडप्पयग्गाहा । तत्तो य डंडिणो मुडिणो य तह ढंडिणो जडिणो ॥१४८०॥  
 केइ वि सिंहडिणो पिच्छिणो य संपट्टिया पुरो बहवे । हासकरा डमरकरा खेडुकरा चाडुयकरा य ॥१४८१॥  
 दवकारगा य कदंपिया य कुक्कुइयगा य गायंता । वाएंता नच्चंता तह य हसंता रमंता य ॥१४८२॥  
 हासावेता य रमावेता भासेंता य सासेंता । सावेता रक्खंता तह आलोयं करेता य ॥१४८३॥  
 जयजयसहं च पउंजमाणया पट्टिया पुरो बहवे । तत्तो उग्गाभोगा रायन्ना खत्तिया चेव ॥१४८४॥  
 तह सत्थवाहपमुहा न्हाया परिविहियसंतिबलिकम्मा । सुनियत्थविमलवत्था अप्पमहग्गाहरणधारी ॥१४८५॥  
 केइ वि पायविहारेण के वि तुरगोहिं तरलतुरगोहिं । केइ वि पवररहेहिं केइ वि जंपाण जाणेहिं ॥१४८६॥  
 के वि करिदारूढा मह्या नरवग्गुरापरिखित्ता । सामिस्स पुरो पच्छा पासेसु य पट्टिया कमसो ॥१४८७॥  
 एवं बहवे देवा देवीओ नियनिएहिं रूवेहिं । तह नियनियवेसेहिं नियनियएहिं निओगेहिं ॥१४८८॥  
 नियनियचिधेहिं जुया पुरओ तह पिट्टओ उभयपासे । संपट्टिया कमेणं तत्तो सुव्वयमहीनाहो ॥१४८९॥  
 न्हाओ कयबलिकम्मो विलित्तदेहो नियत्थवरवत्थो । हारोत्थयपिह्वच्छो कुंडलउल्लिहियगंडयलो ॥१४९०॥  
 मणिमउडदित्तिसिरओ जहा सुमित्तो निवो तहेवेसो । सव्वंगभूसणधरो रेहंतो कप्परुक्खो व्व ॥१४९१॥  
 नरवसहो नरसीहो अब्भहियं रायतेयलच्छीए । दिप्पंतो मत्तमहाहत्थिवरक्खंधमारूढो ॥१४९२॥

कोरिंटमल्लदामोवसोहिणं सियायवत्तेणं । उवरिधरिज्जतेणं चलंतसियचामरेहि च ॥१४९३॥  
 इड्डीए अमरवइव्व रेहमाणो विसालवरकित्ती । ह्यगयरहजोहसमुब्भडाए चउरंगसेणाए ॥१४९४॥  
 विउलाए परिकलिओ महया भडचडगरेण परिखित्तो । अणुमग्गेणं गच्छइ मुणिसुव्वयसामिणो तस्स ॥१४९५॥  
 अह सो तिजयस्स पडू वीसधणूसियपमाणतणुलट्ठी । समचउरंसो तह वज्जरिसहनारायसंघयणो ॥१४९६॥  
 अणुलोमवायवेगो कंकगहणीकवोयपरिणामो । सव्वायंकविमुक्को पउमुप्पलगंधिनीसासो ॥१४९७॥  
 सेयरयजल्लदोसेहि वज्जिओ निरुव्वलेववरदेहो । उज्जोवियंगुवंगो छायाए निद्धविमलाए ॥१४९८॥  
 घणनीलकुडिलमिउसुहुमदाहिणावत्तनिद्धसिरकेसो । तवणिज्जसरिसनिम्मलसुणिद्धकेसंतभूमी य ॥१४९९॥  
 भरहायवत्तसरिसुत्तिमंगदेसो छणिदुसमवयणो । निव्वणसमलट्टमयंकमंडलद्धोवमनिडालो ॥१५००॥  
 आणामियचावसमाणचारुसुसिणिद्धकसिणभुमयजुओ । रइरमणंदोलयसमसवणो मंसलकवोलतलो ॥१५०१॥  
 पडिबुद्धकमलनयणो गरुलाययउज्जंतुंगसमनासो । विबीफलसरिसोट्टो एसिकलसियघणदसणपंती ॥१५०२॥  
 दालिमदुमकुसुमसिलप्पवालदलरत्तालुतलजीहो । मंसलपसत्थसंठियसद्दलसिसालहणुदेसो ॥१५०३॥  
 सारयघणथणियगभीरमहुरनिग्घोसकोचसारसरो । सुविभत्तट्टियमंसू चउरंगुलकंबुवरगीवो ॥१५०४॥  
 वरमहिसवराहगइंदवसहसद्दलसीहसमखंधो । पुरपरिहअमरकुंजरकरपीवरवट्टभुयडंडो ॥१५०५॥  
 रत्तलमउयमंसलपसत्थलक्खणअच्छिद्वरपाणी । पीवरसुजायवट्टियअंगुलितणुतंबनिद्धनहो ॥१५०६॥  
 ससिसूरसंखसोत्थियचक्ककुसकुलिसपाणितललेहो । संगयपासो पुरवरकवाडवित्थिन्नवक्खयडो ॥१५०७॥  
 सिरिवच्छरइरवच्छो वरविहगसुजायपीणयरकुच्छी । झससरिसुयरो वियसंतपउमगंभीरवरनाही ॥१५०८॥  
 वरवइरवलियमज्झो सुमउयरमणिज्जरोमराई य । सुपसत्थवरतुरंगमकेसरिअइरेगवट्टकडी ॥१५०९॥  
 ह्यवरसुजायगुज्झो गयससणसुजायसन्निहोरू य । मत्तवरवारणगई सामुग्गनिमग्गजाणू य ॥१५१०॥  
 एणीमणुन्नवट्टाणुपुव्वजंधो निगुढगुप्फो य । सुपइट्टुकुम्मचलणो कमसंहयपीवरंगुलिओ ॥१५११॥  
 उभयतणुतंबसिणिद्धपायनक्खो सुरत्तचरणतलो । नगनगरमगरसागरचक्कवरंकियकमंबुरुहो ॥१५१२॥  
 पडिपुन्नपुरिसलक्खणअट्टोत्तरसहसभूसियसरीरो । सुनिगूढपव्वसंधीमरगयमणिकिरणसमत्तेओ ॥१५१३॥  
 असमाणं माणवरायतेयलच्छीए दिप्पमाणतणू । दिट्टो वि अदिट्टो जह जणयंतो दंसणुक्कठं ॥१५१४॥  
 अइविककंतो वीरो सूरु पुरिसोत्तमो पुरिससीहो । पुरिसवरपुंडरीओ वसिऊणं गेहवासम्मि ॥१५१५॥  
 वासाण सहस्साई बावीसं पंच सयसमहियाई । दिक्खासमयं नाउं रज्जे ठविऊण नियपुत्तं ॥१५१६॥  
 जीयं ति कट्टु लोगंतिएहि देवेहिं विहियपडिबोहो । विमलोहिनाणदंसणसंपणो विसयसुह्विमुहो ॥१५१७॥  
 चेच्चा धणं च धन्नं रज्जं रट्टं पुरं जणवयं च । कोसं कोट्टागारं चेच्चा मणिरयणकणयं च ॥१५१८॥  
 मोत्तियसंखपवालप्पमुहं नीसेसविहवविच्छडुं । छट्टेउं दाऊण य संवच्छरियं महादाणं ॥१५१९॥  
 फग्गुणविसुद्धवारसिदिणम्मि अपराजियाए सीयाए । सनरामरपरिसाए अणुगम्मंतो थुणंतीए ॥१५२०॥  
 संखियचक्कियमंगलियपूसमाणेहिं वद्धमाणाहिं । तह घंटियनिवहेहिं इट्टाहिं ताहिं वग्गूहिं ॥१५२१॥  
 अभिनदिज्जंतो अभियुव्वंतो सव्वइडिडनिवहेण । सव्वेण समुदएणं सव्वेणं संभमेणं च ॥१५२२॥  
 समकालपवाइयसयलतूरसंधायगरुयघोसेण । पूरियनहेण मज्झंमज्जेण कुसगनयरस्स ॥१५२३॥  
 जेणेव य नीलगुहाभिहाणमुज्जाणमत्थि रमणिज्जं । सो तिजयपडू पाहारेत्था तेणेव गमणाए ॥१५२४॥  
 अह पडुणो तस्स तहा नीहरमाणस्स के वि सुरनिवहा । सन्धिंतरबाहिरयं कुसुगनयरं समंतेण ॥१५२५॥



सम्मज्जिओवलित्तं जहाहिसेए तहेव कुब्बंति । निवयंति उप्पयंति य जाव पहावेति वग्गंति ॥१५२६॥  
सिघाडगतिगचच्चरचउक्कचउमुहमहापहपहेसु । अत्थत्थिया य कामत्थिया य लाभत्थिया चेव ॥१५२७॥  
इय अन्ने विय बहवे नरनारिदेवदेविसंधाया । इट्ठाहि वग्गूहि अभित्थुणंता इय वयासी ॥१५२८॥  
जय जय मंदा अय जय भट्टा जयविजय नंद भट्टं ते । जय खत्तियवरवसभा ! भगवं बुज्झाहि लोगपह ॥१५२९॥  
सब्बजगज्जीवाणं हियसुहनस्सेसकारयं पवरं । निक्कारणकरणापर ! पवत्तहा धम्मतित्थं ति ॥१५३०॥  
अय जय नंद तवेणं जय जय जिण ! नंद संजमेणं च । दंसणनाणचरित्तेहि उत्तमेहि अभग्गेहि ॥१५३१॥  
अजियाइं इंदियाइं जिणाहि पालह जियं समणधम्मं । सियविग्घो सयकालं वसाहि तं सिद्धिमज्जम्मि ॥१५३२॥  
निहणाहि विजियतिजए रागदोसे महाबले मल्ले । धिइधणियवद्धकच्छो तवेण महाहि कम्मरिउं ॥१५३३॥  
आणेण उत्तमेणं सुक्केण पयायसत्तुपरिचत्तो । तेलोक्करंगमज्जे हराहि आराहणपडागं ॥१५३४॥  
वित्तिमिरमणुत्तरं खिप्पमेव पाउणह केवलं नाणं । गच्छह य पयं परमं जिणदिट्ठेणुज्जुमणेण ॥१५३५॥  
सेत्रं परीसहाणं निहणित्ता अभिभवित्तु उवसग्गे । हवउ अविग्घं धम्मे तुह त्ति अभिणंदिय थुणंति ॥१५३६॥  
पिंडीहवंत तेलोक्कलच्छिनीसेससमुदओ एवं । भयवं अभिथुब्बंतो उ वयणमालासहस्सेहि ॥१५३७॥  
पेच्छिज्जंतो फुल्लंतनयणमालाण सयसहस्सेहि । नंदिज्जंतो उल्लसियहिययमालासहस्सेहि ॥१५३८॥  
छिप्पंतो य मणोरहमालाण अणेगसयसहस्सेहि । पत्थिज्जंतो वरह्वकंतिगुणनिवहसहस्सेहि ॥१५३९॥  
हत्थेण दाहिणेणं बहूण नरनारिदेवदेवीण । सययं पडिच्छमाणो अंजलिमालासहस्साइं ॥१५४०॥  
समइच्छंतो उत्तुंगभवणपंतीण बहुसहस्साइं । उप्पायंतो परमं पमोयमवलोयमाणाण ॥१५४१॥  
गेयज्जुणिम्मि महुरे तंतीतलतालतुडियरवबहले । जयजयसहुग्घोसेण मंजुणा मासलिज्जंतो ॥१५४२॥  
हयहेसियसदेहि हत्थीणं गुलगुलाइयरवेहि । रहधणघणाइएहि जणस्स गुरुकलकलरवेहि ॥१५४३॥  
सब्बत्तो पसरंते निक्खमणमहूसवं जिणवरस्स । कहिउं व सब्बभुवणोयरम्मि अच्छरियसंजणयं ॥१५४४॥  
गिरिकंदरदरिविवरेसु भवणपासायदेवनिलएसु । सिघाडगतिगचच्चरचउक्कचउमुहमहपहेसु ॥१५४५॥  
आरामुज्जाणसंभाकाणणपमुहेसु सुवहुठाणेषु । उट्ठियपडिसइसहस्ससंकुले नहयले होते ॥१५४६॥  
कविलम्मि जायमाणे गयणयले मुरहिग्घचन्नेहि । इज्जंतवरागुरुकदुरुक्कधूवस्स धूमेहि ॥१५४७॥  
वासिज्जंतो सयलम्मि जीवलोए निरंतरालम्मि । धावंते पउरजणे डओ तओ बोलबहलम्मि ॥१५४८॥  
जाव कुसगं नयरं जाव सुराणं विमाणभवणाइं । ताव सुरदेविनियरे निरंतरं संचरंतम्मि ॥१५४९॥  
मज्जंमज्जेणं चिय कुसगतामस्स तस्स नयरस्स । जेणेव य नीलगुहा जेणेव असोयवरसाही ॥१५५०॥  
तेणेव उवागच्छइ आगच्छित्ता असोयतरुहेट्टा । सीयं धारेइ तओ पच्चोरुहिऊण सीयाए ॥१५५१॥  
सयमेष अलंकारे सब्बे ओमुयइ आणुपुव्वीए । तस्स य कुलमहयरिया ओरुहिउं तयणु सोयाए ॥१५५२॥  
वरहंसलक्खणेणं मिउणा पडसाडएण तं सब्बं । मल्लाभरणालंकारमाइयं सा पडिच्छेइ ॥१५५३॥  
छिन्नगुणहारविगलंतविमलमुत्ताहलप्पगासाइं । असूणि विणिमुयंती कंदंती तह य विलवंती ॥१५५४॥  
भगवंतं सुणिसुब्बयसामि एवं पभासए पयया । तडलोयसुप्पसिद्धे हरिवंसकुले विसालम्मि ॥१५५५॥  
जाओ सि तुमं जाया! गोयमगोत्तो तुमं सि खलु जाया! । उइओइयकुलनरवइसुमित्तपुत्तो सि तं जाया! ॥१५५६॥  
सुविमुद्धजच्चखत्तियगोत्तसमुब्भूयखत्तियाणीए । पउमावइदेवीए देहूप्पन्नो सि तं जाया! ॥१५५७॥

बहुपुरिसज्जियमुइजसहरिवंसवडेंसओ सि तं जाया! । जच्चो सि खत्तिओ तं जाया! तं गब्भसुकुमालो ॥१५५८॥  
 अप्पडिमरूवजोव्वणलायन्नगुणालओ सि तं जाया! । जाया! तुमं सि अहियं सस्सिरिओ पीहणिज्जो य ॥१५५९॥  
 अहियं तुमं सि जाया! पलोयणिज्जो य पत्थणिज्जो य । देविदनरिंदेसुं पसरियकित्ति सि तं जाया! ॥१५६०॥  
 तिक्खं चं कमियव्वं गरयं आलबियव्वमिह जाया! । असिधार व्व महव्वयमणुचरियव्वं तए जाया! ॥१५६१॥  
 तं घडियव्वं जाया! परक्कमेयव्वमिह तओ जाया! । अस्सि च तए अट्ठे पमाइयव्वं न ह्नु खणं पि ॥१५६२॥  
 अह तव्वयणाणंतरमाह प्हू एवमेव एयं ति । सयमेव पंचमुट्ठियलोयं तो कुणइ सो सामी ॥१५६३॥  
 अह सक्को देविदो राया तियसाण ईसि नमियंगो । सामिस्स हंसलक्खणपडेण केसे पडिच्छेइ ॥१५६४॥  
 सुरअसुरसिद्धगंधव्वनहयरागयणमगमोगाढा । जयजयरवमुहलमुहा मुयंति वासे सुरहिगंधे ॥१५६५॥  
 तत्तो अणुजाणउ मे भयवं ति पभासिऊण देविदो । जिणकेसे नेऊणं खीरसमुट्ठिमि पक्खिवइ ॥१५६६॥  
 तो मुणिसुव्वयसामी नमो त्थु सिद्धाणमिइ भणेऊण । सामाइयं चरित्तं पडिवज्जइ सुद्धपरिणामो ॥१५६७॥  
 पडिवज्जंते चरणं जिणम्मि सुरमणुयतूरनिग्घोसो । खिप्पामेव निलुक्को वयणेणं सक्कतणएण ॥१५६८॥  
 सामाइयं करेमी सावज्जं सब्बमेव वावारं । पच्चक्खामी जावज्जीवं तिविहं पि तिविहेण ॥१५६९॥  
 इच्चाई उच्चारइ जाव पयं होइ वोसिरामि त्ति । नवरं भंते! त्ति पयं भयवं नो भणइ जीयं ति ॥१५७०॥  
 छट्ठेणं भत्तेणं सामी सामाइयं समारूढो । अवरत्ते तप्पभिइं मणुस्सधम्माउ उत्तन्नो ॥१५७१॥  
 संपत्तो मणपज्जवनामं नाणं तओ तियसनाहो । सामिस्स अंसदेसे निवेसए देवदूसवरं ॥१५७२॥  
 जम्मि समयम्मि सामी नियभवणाओ विणिग्गओ पढमं । निक्खमिउमणो सीयं आरुहिउं विहियसिगारो ॥१५७३॥  
 अन्नं पि तम्मि समए उत्तमखत्तियकुलेसु जायाण । रायसुयाण सहस्सं पुढो पुढो सीयमारूढं ॥१५७४॥  
 कयउत्तमसिगारं पत्तं चउपासठवियपरिवारं । सामिस्स सन्निहाणे आगतुं तं पि नीलगुहं ॥१५७५॥  
 जगगुरुणो पव्वज्जागहणविहाणाणुसारओ इत्ति । काऊण पंचमुट्ठियलोयं नियमत्थएसु तओ ॥१५७६॥  
 जं एस प्हू काही तं चिय अम्हे वि नूण काहामो । एयपइन्नापुव्वं जिणपव्वज्जं पव्वज्जेइ (ज्जंति?) ॥१५७७॥  
 सहसं पि रायउत्ता पसंसिया तो असेसतियसेहिं । भो साहु साहु भूवालनंदणा! जेहिं तुब्भेहिं ॥१५७८॥  
 पट्टमग्गो अणुसरिओ अम्हे उण भत्तिमतच्चित्ता वि । देवभवत्तणओ इय एवं काउं अजोगं त्ति ॥१५७९॥  
 इय भणिऊणं तेसि पि ते तओ निक्खिवंति वरवासे । भगवं तु काउसग्गे तत्थेव य ठाइ सेलो व्व ॥१५८०॥  
 निक्कंपचित्तभावो धम्मज्जाणं झियाइउं लग्गो । तत्तो सक्काईया सब्बे वि सुरा जिणं नमिउं ॥१५८१॥  
 नंदीसरवरदीवे वच्चंति कुणंति तत्थ तो महिमं । वावन्नाए जिणमंदिरेसु तित्थयरविबाण ॥१५८२॥  
 पच्छा नियनियठाणेसु जंति सुव्वयनिवाइलोओ वि । नमिऊण तिजयनाहं रायसुयाणं सहस्सं च ॥१५८३॥  
 पडिवन्नसामिसेवं पसंसिऊणं अभिक्खणं एयं । भो भो धन्ना भुवणे तुब्भे च्चिय दुक्करकरा य ॥१५८४॥  
 सेवयधम्मपइन्नं पालयमाणेहिं जेहिं तुब्भेहिं । दिक्खागहणे सामी विमुक्कविहवो वि न वि मुक्को ॥१५८५॥  
 तत्तो विमिह्यहियओ जिणस्स तं सयलदेविन्मवियं । निक्खमणमहामहिमं सुमरंतो जाइ सट्टाणे ॥१५८६॥  
 अह दियहम्मि दुइज्जे हरिवंसकुलुब्भवो भुवणनाहो । नियवेलाए पविसइ भिक्खट्टा रायगिहनयरे ॥१५८७॥  
 तस्सेव कुसग्गपूरस्स अत्थि दुइयं पि रायगिहनामं । खिइवणउसभकुसग्गं रायगिहं एयवयणाओ ॥१५८८॥  
 जुगमेत्तनिहियदिट्ठी उवउत्तो अणुपयं विसोहेतो । अदुओ अविलंबियओ संभमरहिओ अगिद्धमणो ॥१५८९॥  
 तम्मि नयरम्मि निवसेइ धणधन्नसुवन्नरयणसुसमिद्धो । नामेणं बंधदत्तो सुपसिद्धो गहवई एगो ॥१५९०॥

पयईए दाणसद्धाअद्धासियमाणसो दयारसिओ । पयइविणीओ दक्खिन्नसंजुओ पस्वयारी य ॥९५९१॥  
 तस्स गिहे तम्मि दिणे जामाऊ आगओ सनयराओ । बहुपरिवारसमेओ पाहुणओ तेण सविसेसं ॥९५९२॥  
 भोयणजायमणेयप्पयारमुवसाहियं सपरमन्नं । भोयणहेउं उव्वेसिओ य सो तत्थ जामाऊ ॥९५९३॥  
 तत्तो परिवेसेउं पारद्धं तस्स जाव ताव प्हू । संपत्तो तत्थ तओ तमेज्जमाणं पलोइत्ता ॥९५९४॥  
 परियाणेत्ता य जहा सो एसो तिजयपणयपयकमलो । जुन्नतणं व पडग्गे लम्मं जेणुज्झयं रज्जं ॥९५९५॥  
 अइकंतअणंतरवासरम्मि अंगीकयं महाघोरं । निस्संगत्तणमेयं दुक्करमियराण मणसा वि ॥९५९६॥  
 उट्ठेइ बंभदत्तो पहिड्डुहियओ इमं विंचित्तो । धन्नो अहं चिय जए फलियं मज्जेव पुत्रेहि ॥९५९७॥  
 पुव्वभवसंचिएहि जस्स गिहंगणमिमेण जगगुरुणा । नियपयपडिबिबेहि पंकयपरं कियं व कयं ॥९५९८॥  
 एवं विंचित्तिऊणं सघयमहं पायसं गहेऊण । पडिलाभइ भुवणगुरुं पहरिसपुलइयसमग्गतणू ॥९५९९॥  
 भयवं पि कप्पणिज्जं नाऊणं देसकालपरिसुद्धं । पज्जत्तं पडिगाहइ दोण्णि वि पाणी पसारेउं ॥९६००॥  
 भुंजइ अरत्तदुट्ठो अदिस्समाणो उ मंसच्चक्खूहि । एत्थंतरम्मि जिणवरपारणगपहिड्डुहियएहि ॥९६०१॥  
 देवेहि नहंगणसंठिएहि उग्घोसियं अहो दाणं । उल्लसिरबहलपरिमलगंधोदगवाससंजुत्ता ॥९६०२॥  
 विहिया वियसंतदसद्धवन्नवरसुरहिकुसुमवट्ठी य । अद्ध (त्ते) रसकोडीसंखा खित्ता य वसुहारा ॥९६०३॥  
 नहविवरं पूरंतो नवजलहरसद्गहिरनिग्घोसो । वित्थारिओ समंता सुइसुहओ दुंदुहिनिनाओ ॥९६०४॥  
 इय सोऊणं सुव्वयनरनाहो तत्थ आगओ झत्ति । तं बंभदत्तनामं सम्माणइ गहवइ हिट्ठो ॥९६०५॥  
 मिलिओ य पउरलीओ सयलो तेण वि पसंसिओ एसो । तह सलहियं च तेहि सुपत्तदाणस्स माहप्पं ॥९६०६॥  
 कयपारणगाणंतरमवकंतो भुवणबंधवो तत्तो । सुव्वयनराहिवाइ जणो वि नियठाणमणुपत्तो ॥९६०७॥  
 भयवं रायगिहाओ निग्गतूणं बहि जणवयम्मि । पंचसमिओ तिगुत्तो विहरइ छज्जीवहियनिरओ ॥९६०८॥  
 जीवो इव अप्पडिहयगई निरालंबणो य गयणं व । अनिलो व्व निरासयओ संखो व्व निरंजणो तह य ॥९६०९॥  
 चंदो व्व सोम्लेसो तह तेयंसी सहस्सकिरणो व्व । सागर इव गंभीरो विहगो इव विप्पमुक्को य ॥९६१०॥  
 सुरसेलो व्व अकंपो भाण्डविहंगमो व्व अपमत्तो । खग्गविसाणमिवेगो सारयसलिलं व सुद्धमणो ॥९६११॥  
 वसहो व्व जायथामो मत्तंमहाकुंजरो व्व सोडीरो । सीहो इव दुद्धरिसो पुढवी इव सव्वफाससहो ॥९६१२॥  
 सुहओ हुयासणो इव तवतेणं अईवपजलंतो । सव्वत्थअपडिबद्धो विहरइ गामागराईसु ॥९६१३॥  
 जियकोहमाणमायालोभो विजिइदिओ जियपमाओ । अप्पाणं भावंतो तवेण तह संजमेणं च ॥९६१४॥  
 इय विहरिऊण बाहि आगंतूणं पुणो वि रायगिहे । नीलगुहावणसंडे ठाइ अहे चम्मस्खस्स ॥९६१५॥  
 तत्थ ठियस्स भगवओ आयावेंतस्स छट्ठभत्तेण । पाणगरहिए विसुज्जमाणलेस्स सविसेसं ॥९६१६॥  
 एक्कारसमासेसुं समइक्कंतसु पक्खसहिएसु । फग्गुणबहुलदुवालसिदिणम्मि पुव्वन्हसमयम्मि ॥९६१७॥  
 सवणेणं संजोगं नक्खत्तेणं गए मयंकम्मि । सुक्कज्जाणस्स दुइज्जभेयमेगंतपवियक्कं ॥९६१८॥  
 समइक्कंतस्स तओ अपावमाणस्स सुहुमणियट्ठि । नाणावरणप्पमुहे धाइचउक्कम्मि खीणम्मि ॥९६१९॥  
 निव्वाधायमणुत्तरमणंतमप्पडिहयं निरावरणं । अप्पडिवाइसमग्गं केवलनाणं समुप्पन्नं ॥९६२०॥  
 अह सो भयवं अरहा सव्वण्णू केवली जिणो जाओ । मुत्ताणं अमुत्ताणं य सव्वेसि चैव दव्वाणं ॥९६२१॥  
 तीयपडुप्पन्नाणागए वि सव्वे गुणे य पज्जाए । जाणइ पासइ य तहा लोयालयम्मि सयले वि ॥९६२२॥  
 तो आसणकंपेणं सिरिमुणिसुव्वयजिनस्स उप्पन्नं । केवलनाणं नाऊण सुरगणा इंदपभिईया ॥९६२३॥

जम्माहिसेयसमए जह तह चैव य उवागया सव्वे । सव्विइद्धीए सव्वज्जुईए सव्वेण य बलेण ॥१६२४॥  
 केवलनाणुप्पत्ती महिं कुव्वंति जिणवरिदस्स । तत्थ समोसरणं जह विरयंति सुरा तथा भणिमो ॥१६२५॥  
 संवट्टगपवणेणं जोयणपरिमंडलाओ खेत्ताओ । असुइ अचोक्खं सव्वं तणडगलाई खिर्वंति बहिं ॥१६२६॥  
 तत्तो जलवद्दलयं विउव्विउं पसमयंति रयनियरं । मणिकणगरयणचित्तं कुणंति तो तत्थ भूभागं ॥१६२७॥  
 जलथलसंभूयदसद्धवन्नवरसुरहिकुसुमसंघायं । पयरंति तम्मि खेत्ते जोयणमेत्ते वि सव्वत्तो ॥१६२८॥  
 अंबिभतरपायारं सव्वं रयणामयं विउव्वंति । कविसीसाइं मणीहिं दसद्धवन्नेहिं कुव्वंति ॥१६२९॥  
 मज्झिमयं पायारं कणममयं रयणरइयकविसीसं । बाहिरयं रययमयं जंबूणयहेमकविसीसं ॥१६३०॥  
 एक्केक्के पायारे चउरो चउरो हवंति दाराइं । सव्वरयणामयाइं रयणामयतोरणाइं च ॥१६३१॥  
 ताइं च तोरणाइं मणिकणयविचित्तयाइं जायंति । मगरमुहसालहंजियछत्तपडागाभिरामाइं ॥१६३२॥  
 तत्तो य समंतेणं कालागुरूकंदुरूक्कमीसेणं । गंधेण मणहरेणं धूवघडीओ विउव्वंति ॥१६३३॥  
 अंबिभतरपायारस्स मज्झभाए असोयवररुक्खं । जिणदेहुच्चत्ताओ दुवालसगुणं विउव्वंति ॥१६३४॥  
 तस्स य हेट्टा पेढं रयणमयं भासुरं विउव्वंति । तस्सुवरि देवछंदगमेयस्स य मज्झयारम्मि ॥१६३५॥  
 नाणामणिरयणमयं रएंति सीहासणं सपयवीढं । पउमपइट्टियमुज्जलरयणमयं धम्मचक्कं च ॥१६३६॥  
 सीहासणस्स उवरिं छणमयलंछणसमाणकंतीणि । छत्ताइं त्तिन्नि उवरुवरिसंठियाइं विउव्वंति ॥१६३७॥  
 उभओ भाए दो चामराओ वरजक्खहत्थगहियाओ । एत्थ य जं जे देवा कुणंति वोच्छामि तं इन्हि ॥१६३८॥  
 अंबिभतरपायारं कुव्वंति विमाणवासिणो देवा । मज्झिमयं जोइसिया बाहिरयं भवणवासी य ॥१६३९॥  
 चेइयदुमपेढछंदगआसणछत्तं च चामराओ य । जं चऽन्नं करणिज्जं करंति तं वाणमंतरिया ॥१६४०॥  
 एसो य विही सव्वो नेओ साहारणे समोसरणे । जत्थ पुण इडिढमतो उवेइ देवो जिणसमीवं ॥१६४१॥  
 एगो वि तत्थ सव्वं पुव्वुत्तं सो करेइ इयरेसि । करणम्मि तत्थ भयणा इह भावत्थो इमो नेओ ॥१६४२॥  
 जइ नो उवंति इंदा तो भवणनिवासिपभिइणो देवा । कुव्वंति न कुव्वंति व भुवणप्पहुणो समोसरणं ॥१६४३॥  
 तत्थ य पुणो पएसे न होइ पुव्वं कयं समोसरणं । तं हो तत्थ नियमा देवे य महिडिदए पत्ते ॥१६४४॥  
 इय रइयसमोसरणे पुव्वद्वारेण पविसइ जिणदो । देवकयकणयकमलेसु दोसु पाए निवेसंतो ॥१६४५॥  
 अन्नाइं सत्त कमलाइं अग्गओ तस्स एंति अणुकमसो । पुव्वन्हे सूरुदए अवरन्हे चरमजाममुहे ॥१६४६॥  
 चेइयदुमस्स काउं पयाहिणं पुव्वदिसिमुहो होउं । सीहासणे निसीयइ सेसासु पुणो तिसु दिसासु ॥१६४७॥  
 सीहासणचामरधम्मचक्कछत्तत्तयाइकलियाइं । जिणवरपडिरूवाइं हवंति देवेहिं विहियाइं ॥१६४८॥  
 तेसिं पि होइ रूवं जिणाणुभावेण जिणवरसमाणं । जह सेसजणो जाणइ अम्ह वि सामी अभिमुहो त्ति ॥१६४९॥  
 तित्थयरपायमूलं एगेणं गणहरेण अविरहियं । जेट्ठेण व इयरेण व पाएणं होइ जेट्ठगणी ॥१६५०॥  
 जेट्ठो गणी भणिज्जइ तित्थं ति इमो उ पुव्वदारेण । पविसित्ता तित्थयरं तिगुणं च पयाहिणीकाउं ॥१६५१॥  
 वदेऊण य दाहिणपुरत्थिमो उवविसेइ दिसिभाए । सेवो वि गणहरा एवमेव काऊण तित्थस्स ॥१६५२॥  
 पासेसु मग्गओ उवविसंति तो पविसिऊण केवलिणा । पुव्वद्वारेण जिणं पयाहिणं कट्टु तिक्खुत्तो ॥१६५३॥  
 भणिऊण नमो तित्थस्सेवं तित्थस्स गणहराणं च । पिट्टम्मि निसीयंति य सेसा अइसेसिया साहू ॥१६५४॥  
 मणपज्जवोहिनाणी चोदसदसपुव्विणो य नवपुव्वी । खेलोसहिजल्लोसहिपत्ता संभिन्नसोयाई ॥१६५५॥  
 पुव्वेणं दारेणं पविसित्तु जिणं पयाहिणं किच्चा । वदित्ता बेंति नमो तित्थस्स नमो य केवलिणं ॥१६५६॥

तो केवलीण पच्छाहोऊणं उवविसंति अह सेसा । अइसयरहिया साहू पुव्वेणं चैव दारेणं ॥१६५७॥  
 पविसित्ता तित्थयरं तिकखुत्तो तह पयाहिणं किच्चा । वंदित्ता तयणु नमो तित्थस्स नमोऽतिसेसीणं ॥१६५८॥  
 एवं भणिऊण तओ अइसेसियपिट्ठओ निसीयंति । वेमाणियदेवीओ पविसित्ता पुव्वदारेणं ॥१६५९॥  
 तिकखुत्तो तित्थयरं काऊण पयाहिणं च वंदित्ता । तत्तो भणिऊण नमो तित्थस्स नमो य साहूण ॥१६६०॥  
 पिट्ठम्मि निरइसेसियमुणीण ठायंति नो निसीयंति । समणीओ पविसेउं पुव्वेणं चैव दारेणं ॥१६६१॥  
 तित्थयरं तिकखुत्तो भत्तीए पयाहिणं करेऊण । वंदेऊणं च नमो तित्थस्स नमोऽतिसेसीणं ॥१६६२॥  
 एवं भणिऊण तओ वेमाणियदेविपिट्ठओ ठंति । नो य निसीयंति तओ देवीओ भवणवासीणं ॥१६६३॥  
 जोइसिणीओ वंतरदेवीओ दाहिणेण दारेण । पविसित्ता तित्थयरं पयाहिणीकट्टु तिकखुत्तो ॥१६६४॥  
 दाहिणपच्चत्थिमओ ठायंति जहोवइट्टुकममेव । भवणवईजोइसिया देवा तह वाणमंतरिया ॥१६६५॥  
 अवरेणं दारेणं पविसित्ता पुव्वभणियमेव विहिं । काउं उत्तरपच्चत्थिमेण ठायंति अणुकमसो ॥१६६६॥  
 वेमाणिया य देवा नरा य नारीगणा य दारेण । पविसित्तु उत्तरेणं तं चैव विहिं पउंजित्ता ॥१६६७॥  
 उत्तरपुरत्थिमेणं जहक्कमं पिट्ठओ य ठायंति । जो को वि जस्स निस्साए आगओ तत्थ परिवारो ॥१६६८॥  
 सो तस्सेव समीवे निसीयई कत्थई न अन्नत्थ । एक्केक्काए दिसाए तिगं तिगं संठियं होइ ॥१६६९॥  
 पुव्वं पि समोसरणे हवति अप्पिड्ढिया जइ निसन्ना । तो ते आगच्छंतं पणमंति महिड्ढियं नियमा ॥१६७०॥  
 पढमं महिड्ढिओ अह होइ निविट्ठो तओ तयं इयरे । अप्पिड्ढिया नमंता वच्चंति पुरो सठाणेषु ॥१६७१॥  
 तित्थयरपभावेणं परोप्परं मच्छरो भयं विगहा । न य होइ समोसरणे तिरियाण वि मन्निविट्ठाण ॥१६७२॥  
 अब्भंतरपायास्स मज्झयारे हवति देवनरा । दुइयंतरम्मि तिरिया तइयम्मिउ अंतरे जाणा ॥१६७३॥  
 सव्वं व देसविरई सम (म्मं) चेच्छइ व होइ परिकहणा । इहरा अमूढलक्खो न कहेइ भविस्सइ न तं च ॥१६७४॥  
 मणुए चउमन्नयरं तिरिएसु दुगं तिगं व पडिवज्जे । जइत्थि नियमसो च्चिय सुरेसु सम्मत्तपडिवत्ती ॥१६७५॥  
 तित्थपणामं काउं कहेइ साहारणेण सट्ठेणं । सव्वेसिं सन्नीणं जोयणनीहारिणा भयवं ॥१६७६॥  
 तप्पुव्विया अरहया पूइयपूया य विणयकम्मं च । कयकिच्चो वि जह कहं कहेइ नमए तहा तित्थं ॥१६७७॥  
 जत्थ अपुव्वोसरणं न दिट्ठपुव्वं व जेण समणेण । वारसहिं जोयणेहिं सोएइ अणागए लहुया ॥१६७८॥  
 सव्वसुरा जइ रुवं अंगुट्टपमाणयं विउव्विज्जा । जिणपायंगुट्ठं पइ न सोहए तं जहिगालो ॥१६७९॥  
 जिणरूवाओ गणहररूवं भागे अणंतए होइ । तत्तो रुवं आहारगस्स भागे अणंतम्मि ॥१६८०॥  
 आहारगाओ रुवं अणंतभागे अणुत्तरसुराण । तत्तो गेवेज्जाणं तत्तो वि य अच्छुयसुराण ॥१६८१॥  
 तत्तो आरणपभिई जा सोहम्मो तओ भवणवासी । जोइसिया वंतरिया चक्कहरा वामुबलदेवा ॥१६८२॥  
 मंडलवड्ढो एए जहोत्तरं पुव्वपुव्वपासाओ । होंति अणंतगुणेणं रुवेणं हीणहीणयरा ॥१६८३॥  
 सेसा सव्वे वि परोप्परेण छट्ठाणनिवड्ढिया होंति । एवं रुक्कुरिसो अरहंताणं मणुयव्वो ॥१६८४॥  
 संघयणं संठाणं कंती गइसत्तसारउस्सासा । सध्वमणुत्तरमयं पि होइ अरहंतनाहाण ॥१६८५॥  
 संखाईयाण वि संसईण जुगवं पि संसयच्छेयं । एगा वि भारई भगवओ उ सिग्घं करेइ त्ति ॥१६८६॥  
 अन्नहकमेण संसयहरणे कंइ वि संसंसाया चैव । उट्ठंति तओ तेसि जणनाणा पच्चओ होइ ॥१६८७॥  
 संमयहरणाइफलं न होइ दिट्ठे वि जिणवरिदम्मि । एगयराण अकहणे रागद्वोसाभिसंका य ॥१६८८॥  
 एगसरूवस्स वि जह मेहविभुवकस्स होंति सलिलस्स । वन्नरसाइविसेमा भूमिविसेसस्स जोएण ॥१६८९॥

सव्वणुणो वि वाणी तह सोयाराण परिणमइ हियए । समकालजायनियनियसंजयवोच्छेयगत्तेण ॥१६९०॥  
साहारणत्तणेण अणन्नसरिसत्तणेण य गुणेण । अत्थगमगतत्तेण य उवओगो चैव जिणवयणे ॥१६९१॥  
अइसयमुइसुहजणगतत्तेण वयणं जिणस्स निसुणंतो । निव्विज्जइ न य सोया थेरी दासि व्व वणियस्स ॥१६९२॥  
दासी वणियो एगस्स आसि थेरी गया य सा गोसे । कट्टाणमागया छुइतन्हभिभूया य मज्झन्हे ॥१६९३॥  
अइथेव च्चिय कट्टा आणीया तीए तेण पिट्टित्ता । कट्टाणं पट्टविया पुणो वि सा भुक्खिया तिसिया ॥१६९४॥  
गहिऊण कट्टभारं गरुयं सा तइयपहरपज्जंते । विणियत्ता आगच्छइ काले जेट्टस्स मूलम्मि ॥१६९५॥  
अह कट्टभारयाओ एणं कट्ठं महीयले पडियं । तो तीए ओणमित्ता कहंवि तं जाव संगहियं ॥१६९६॥  
ता तम्मि चैव समए अरहा धम्मं कहेउमाढत्तो । अमयं व सुयंतेणं आजोयणपसरियसरेण ॥१६९७॥  
थेरी उ तं सुणंती तह चैव य ओणया ठिया तत्थ । छुहत्तिसउन्हपरिस्समदुहं न सा कि पि वेएइ ॥१६९८॥  
सूरत्थमणावसरे धम्मं कहिऊण उट्टिओ अरहा । थेरी वि गया सगिहं इय जिणवाणीए सोहमं ॥१६९९॥  
सव्वाउयं पि सोया गमेज्ज सययं जिणो जइ कहेइ । सीउन्ह खुहपिवासापरिस्समदुहाइं अमुणंतो ॥१७००॥  
गामनगरागराइसु विहरइ ठाणेसु जेसु जिणनाहो । तत्तो ठाणेहितो कहेति गंतूण जे वत्तं ॥१७०१॥  
तेसिं नराण वित्तीए देइ चक्की सुवन्नलक्खाइं । बारसपन्नाससहस्ससमहियाइं वरिसमज्जे ॥१७०२॥  
तत्थेव य तित्थयरं समागयं कहइ को वि जइ तत्तो । एगस्स वि तस्स निउत्तगस्स इयरस्स वा चक्की ॥१७०३॥  
अद्धत्तेरसकोडीओ देइ कणयस्स परमपीईए । एवइयं चिय रययं तु वासुदेवा पयच्छंति ॥१७०४॥  
मंडलिया उण रययस्स देंति सहसाइं अद्धत्तेरस उ । वित्तीए पीईए तावइयाइं तु लक्खाइं ॥१७०५॥  
देवाणुयत्तिभत्तीपूया थिरकरणसत्तअणुकंपा । साओदय - दाणगुणा पभावणा चैव तित्थस्स ॥१७०६॥  
जत्थ समोसरइ जिणो नयराइसु तत्थ नरवई अहवा । तस्स अमच्चो तम्मि वि अविज्जमाणे पुरजणाई ॥१७०७॥  
दुब्बलियकंडियाणं बलवंतीए तहेव छडियाणं । कलमाणं तंदुलाणं पट्टवियाणं परगिहेसु ॥१७०८॥  
तेहि वि फलगेसु पसारिऊण एक्केकएण गहियाण । तत्तो पुणाणियाणं अक्खंडाणं अफुडियाण ॥१७०९॥  
पुन्नं आढगमेगं कारेइ बलि तओ य सिद्धम्मि । तत्थेव य देवा पक्खिवंति वरसुरहिगंधाई ॥१७१०॥  
तत्तो सो रायाई गहिऊणं तं बलि सुरगणेहि । परियरिओ नाणाविहतूरनिनाएण अइमहया ॥१७११॥  
आगम्म समोसरणे पुव्वहारेण पविसइ तओ य । अब्भितरपागारंतरं पविट्ठे बलिम्मि जिणो ॥१७१२॥  
धम्मकहणाउ विरमइ अह सो रायाइयाण अन्नयरो । बलिहत्थगओ देवेहि परिवुडो चैव तित्थयरं ॥१७१३॥  
तिक्खुत्तो काऊणं पयाहिणं तस्स पायमूलम्मि । निसिरेइ तं बलि तो तस्सउद्धं अवडियं देवा ॥१७१४॥  
गिन्हंति तओ सेसउद्धस्स वि गिन्हेइ अहिवई अद्धं । सेसं चउत्थभागं गिन्हइ पागयजणो सव्वं ॥१७१५॥  
तीसे बलीए सित्थं दिज्जति कस्स वि य मत्थए जस्स । तस्स सहसत्ति पुव्वुप्पन्नो वाही पणस्सेइ ॥१७१६॥  
अन्नो उ अणुप्पन्नो उप्पज्जइ नेय जाव छम्मासा । एसो उ बली पविसइ पज्जंते पढमपहरस्स ॥१७१७॥  
पक्खित्ताए बलीए तत्तो ठाणाओ उट्टिऊण जिणो । अब्भितरपागारस्स उत्तरेणं दुवारेण ॥१७१८॥  
निगंतूण दिसाए पुव्वाए देवच्छंदए गंतुं । ठायइ सममाहीए तत्तो पहरस्स उवरिम्मि ॥१७१९॥  
सामिम्मि उट्टियम्मो जेट्ठो अन्नयरो व गणहारी । राओवणीयसीहासणे ठिओ पायवीढे वा ॥१७२०॥  
बीयाए पोरीसीए धम्मं परिकहइ सव्वपरिसाए । पहुणो खेयविणोओ सीसगुणुदीवणा तह य ॥१७२१॥  
जह तित्थयरो कहं कहइ तहा गणहरो वि निब्भंतं । पुव्वइयाण गिहीण य एरिसओ पच्चओ होइ ॥१७२२॥

आयरियासुणिऊण जोग्गसीसेण तक्कहियअट्ठो । अन्नेसिं कहियव्वो सीसायरियक्कमो एवं ॥९७२३॥  
 जम्हा एमाइगुणा कहमाणे गणहरम्मि जायंति । तम्हा तं अणुजाणइ जिणनाहो धम्मकहणम्मि ॥९७२४॥  
 संखाईए वि भवे साहइ जं वा परो उ पुच्छेज्जा । न य णं अणाइसेसी वियाणई एस छउमत्थो ॥९७२५॥  
 एस समोसरणविही जिणाण सामन्नओ मए कहिओ । तयणुगयं सेसं पि हु समासओ साहियं एत्थ ॥९७२६॥  
 इन्दि तु पत्थुयत्थं भणामि अमरेहिं कयसमोसरणे । पुव्वभणिएण विहिणा पविसइ मुणिसुव्वयजिणिदो ॥९७२७॥  
 चेइयह्क्खपयाहिणपुव्वं सीहासणम्मि उवविसइ । पुव्वदिसाएऽभिमुहो तित्थस्स तमो त्ति भणमाणो ॥९७२८॥  
 एत्थंतरम्मि सुव्वयराया नाऊण केवलुप्पत्ति । तित्थयरस्स भगवओ समागओ सव्वइड्डीए ॥९७२९॥  
 अंतंउरेण सह पुरजणेण आणंदजणियरोमंचो । पंचविहाभिगमेणं पविसिय तिपयाहिणापुव्वं ॥९७३०॥  
 धरणीयलमीलियजाणुकरयलो पणमिऊण तित्थयरं । मत्थयनिहित्तहत्थो एवं थोउं समाढत्तो ॥९७३१॥  
 सुरसुहविमुह! समुज्झिय पाणयकप्पामरिन्दसिरिसंगं । भवपंकनिमग्गसमग्गजंतुउद्धरणबद्धमणो ॥९७३२॥  
 तं मुणिसुव्वयसामिय! कयावयारो सि मणुयलोयम्मि । परकज्जसज्जमइणो गरुया नियकज्जनिरवेक्खा ॥९७३३॥  
 तइ गब्भए पउमावइदेवी पणमिया सुरिंदेण । गरुयाण संगमे को न होइ सव्वस्स नमणिज्जो ॥९७३४॥  
 तुह जम्मखणे जिणवर ! नेरइएहिं वि सुहं समणुभूयं । कस्स ण महणुभावाण सभवो होइ सुहहेऊ ॥९७३५॥  
 विउला वि रायलच्छी तणं व चत्ता तए विजयनाह ! जं तेण विवेईणं अवमाणपयं इमा जाया ॥९७३६॥  
 कयदिकखारक्खेण तुमए तवत्तिक्ख खग्गडंडेण । काऊण खंडसो घाइक्कम्मभुयगं महाभोगं ॥९७३७॥  
 निहणं नेऊण तओ तप्पडिद्धं अणाइकालाओ । रयणनिहिकलसकप्पं केवलमुप्पाडियं नाणं ॥९७३८॥  
 करयलकलियं मुत्ताहलं व सयलं पि तेण तेलोक्कं । अवलोयंतो सामिय ! कस्स न संसयतमं हरसि ॥९७३९॥  
 नाह ! तए परिगहिओ नरलोओ नूण सग्गलोयाओ । रमणिज्जयरो जाओ तेण सुरा सययमिह एंति ॥९७४०॥  
 तह कह वि कुणंति सुरा पायारतियाइयं तुह विभूइं । जह तं पेच्छंताणं ताणं पि हु विम्हओ होइ ॥९७४१॥  
 नाह ! तुइ विभूईए गुणनिवहाण य तथा अणंताण । को वि लवंपि न सक्कइ वन्नेउं सुरगुरुसमो वि ॥९७४२॥  
 जइ वि तुमं सव्वणू जइ वि सयंचिय परस्स दुहहरणे । वद्धपइन्नो सि तुमं तह वि अहं विन्नविस्सामि ॥९७४३॥  
 थेवक्खरेहिं किंचि वि जम्हा भवदुहदवग्गिसंतत्तो । खणमवि न खमो ठाउं मोणेण मुणिद ! तइ दिट्ठे ॥९७४४॥  
 भयवं ! अइनिव्विन्नो हं जम्मजरामरणरोयसोयाण । तह कुणसु जहा तेसिं भुज्जो वि न भायणं होमि ॥९७४५॥  
 इय थुणिऊण जिणिदं सुव्वयराया सुत्तिव्वसंवेओ । नमिऊण सपरिवारो उचियपएसे समासीणो ॥९७४६॥  
 अह सुरनरविज्जाहरपारद्धमहंतनट्टेगेयरवे । पवियंभियगुरुपहरिसकलयलघोसे य उवसंतं ॥९७४६॥अ।  
 सट्टाणनिविट्टाए सदेवमणुयासुराए परिसाए । वागरइ जिणो धम्मं सव्वजगज्जीवहियजणगं ॥९७४७॥  
 भो भव्वा ! एस भवो अणाइमं इह अणाइणो जीवा । तेसिं सामझेणं नाणावरणाइक्कमाणं ॥९७४७॥अ।  
 संजोगो य अणाई अपज्जवसिओ य सो अभव्वाण । भव्वाण पज्जवसिओ विसेसओ पुण समग्गाण ॥९७४८॥  
 जीवाणं मिच्छत्ता विरइपमाएहिं तह कसाएहिं । जोगेहिं कम्माणं बंधो होइ त्ति साईओ ॥९७४९॥  
 एसो अकामनिज्जरबालतवोक्कमनाणमाईहिं । नियमेण विहडइ तओ सव्वेसिं चैव जीवाणं ॥९७५०॥  
 जायइ सपज्जवसिओ तेण य कम्माणुसंगमवसेण । पढमं पि ताव जीवा सव्वे वि अणाइकालाओ ॥९७५१॥  
 सुद्धमअणाइवणस्सइकायनिगोएसु पिडिया संता । निवसंति पोग्गलाणं परियट्टेऽणंतणंते उ ॥९७५२॥  
 जीवाणमणंताणं एगं चिय होइ जं किर सरीरं । भन्नइ निगोयनामं तं तेसिमसंखयाणं तु ॥९७५३॥

समुदाओ जो सो गोलओ त्ति तत्थट्ठिया निगोयम्मि । समकालमणंताऊ ससंति तह नीससंति समं ॥१७५४॥  
समगं आहारंति य परिणामेंति य तहेव ते समगं । समगं उप्पज्जंति य समगं चिय तह विवज्जंति ॥१७५५॥  
थीणद्धि महानिदानाणावरणाइतिव्वउदएण । वेयंति न अप्पाणं न मुणंति परं पि तह चेव ॥१७५६॥  
निसुणंति नेय सहं नेव य पेच्छंति किं पि ते रूवं । अग्घायंति न गंधं न रसं विदंति न य फासं ॥१७५७॥  
न सरंति कयं अकयं नो मइपुव्वं चलंति फंदंति । न य अणुसरंति सीयं नायवदेसं च गच्छंति ॥१७५८॥  
तिव्वविसवेयणाघारियस्स घणमज्जपाणमत्तस्स । आगयमुच्छस्स व माणवस्स धारेंति चेयन्नं ॥१७५९॥  
तेसु जहुत्तं कालं वसिउं भवियव्वयानिओगेण । तत्तो निगंतूणं केत्तियमेत्ता वि ते जीवा ॥१७६०॥  
साहारणाण मज्झे ववहारवणस्सईण जायंति । अल्लयसूरणगज्जरपिडालुयकंदमाईसु ॥१७६१॥  
छिज्जंति तत्थ नाणाविहेहिं सत्थेहिं तिक्खधारेहिं । चुन्निज्जंति सिलासु य पीसिज्जंति य घरट्ठेसु ॥१७६२॥  
मीसिज्जंति य दव्वंतरेहिं कडुएहिं तिक्खखारेहिं । पच्चंति हुयवहेहिं य उज्जंति दवगिणा तह य ॥१७६३॥  
रसगिद्धेहिं भुज्जंति ते तओ किं पि खवियकम्मंसा । पुढवीकाएसु समुब्भवति तो आउकाएसु ॥१७६४॥  
तो अगणिकाइएसुं तत्तो वि य वाउकाइयजिएसु । तत्तो पत्तेयवणस्सइत्तणं कह वि पावेंति ॥१७६५॥  
एत्थ य पुढवीसु गया ते फोडिज्जंति मोग्गराईहिं । भित्तीसु वि णिज्जंति य कोदालेहिं खणिज्जंति ॥१७६६॥  
चलणाईहिं मलिज्जंति सीयवायायवाइसत्थेहिं । उवहम्मंति जलेसु य गोमणुयाईहिं पिज्जंति ॥१७६७॥  
ताविज्जंति य जलणे घोलिज्जंति य पयंडपवणेण । सोसिज्जंति य मायंडच्चंडकिरणाइसत्थेहिं ॥१७६८॥  
उवहम्मंति य तह खारखत्ततिक्खाइसत्थनिवहेहिं । अगणीसु समुप्पन्ना ते खोरिज्जंति कट्ठेहिं ॥१७६९॥  
खोट्टिज्जंति उलुम्मगुमाईहिं तह य विज्जविज्जंति । सलिलारनालधूलीपमुहेहिं विविहसत्थेहिं ॥१७७०॥  
अन्नपडिपुन्नथालीबुंधप्पभिईहिं अक्कमिज्जंति । अनिलेसु समुब्भूया उसिणानिलवीयणाईहिं ॥१७७१॥  
निहणं निज्जंति तओ पत्तेयवणस्सइत्तणं पत्ता । छिज्जंति परसुमाईहिं आयवेणं च सुस्संति ॥१७७२॥  
गिह छायाणतोरणमाइएसु कज्जेसु केहिं वि नरेहिं । मोडिज्जंति असंधीसु कुंजराईहिं भज्जंति ॥१७७३॥  
खंडिज्जंति य मुसलुक्खलाइणा मुग्गजुन्नलाईया । पीसिज्जंति घरट्टाइणा मलिज्जंति चलणेहिं ॥१७७४॥  
उल्लूरिज्जंति य ओसहाइकज्जम्मि वेज्जमाईहिं । उम्मूलिज्जंति तहा पयंडपवणाइणा के वि ॥१७७५॥  
गो-महिसतुरयकरिकरहरासहाईहिं के वि खज्जंति । डज्जंति दवग्गीहिं दूमिज्जंति य हिमाईहिं ॥१७७६॥  
पुढवाइएसु एवं संसरिऊणं पुणो पुणो दुहिया । कालमसंखोसप्पिणि उस्सप्पिणिपरिमीयं जीवा ॥१७७७॥  
तत्तो उव्वट्टित्ता बिति चउरिदियसरूवविगलेसु । उववज्जंति तत्थ वि जुत्ताजुत्तं न जाणंति ॥१७७८॥  
सुन्नं एमेव इओ तओ भमंति य रसंति अव्वत्तं । असुईमाईसु लोलंति लुढंति नीउन्नएसुं च ॥१७७९॥  
चेट्ठंति अमइपुव्वं जलंतजलणाइएसु पविसंति । मज्जंति तेल्लमाइसु हियं पि तह परिहरंति नियं ॥१७८०॥  
अहियं पि आयरंती सीयायववायखारचुत्तेहिं । सलिलग्गिसिलोवललेट्ठुकट्टमाईहिं हम्मंति ॥१७८१॥  
एवं एएसु खुहाइदुक्खिया चिट्ठिऊण संखेज्जं । कालं तयणु असन्निसु पणिदिएसुं पि एमेव ॥१७८२॥  
अट्टभवग्गहणाइं वसिऊण निरंतराइं उक्कोसं । एगिदियाइसु पुणो भमिऊणं पुव्वनाएण ॥१७८३॥  
तत्तो पंचिदियसन्नितिरियजोणीसु ते समुप्पन्ना । विधेउं नासाए बज्जंति य रज्जुलज्जूहिं ॥१७८४॥  
पावति वसणपुच्छाइछेयणं फालणं च सवणण । वाहिज्जंति ह्लेसु य संजोइज्जंति गंतोसु ॥१७८५॥  
पट्ठीए खिप्पंति य जलभरियाइं महातडागाइं । पट्ठीए खंधेण य अन्नं पि वहंति गुरुभारं ॥१७८६॥



उप्पाडिज्जन्ति सुत्तिक्वदीहआराहि वेणुलट्ठीहि । ताडिज्जन्ति कसाईहि लेट्ठुलउडेहि हम्मन्ति ॥१७८७॥  
 गुरुभारक्कंताणं पट्ठीखंथाइएसु मंसाइं । पयडिज्जन्ति पडंति य किमिजालाई तओ तेसु ॥१७८८॥  
 अन्ने भारक्कंता केइ वि तुट्ठंति मज्झभायाओ । तो निवडंति महीए खुरेहि पडिया खरवलंति ॥१७८९॥  
 डंभिज्जन्ति य अन्ने देहम्मि तओ रसंति विरसाइं । विसहंति दढमणाइक्खणीयवियणासमुग्घायं ॥१७९०॥  
 अवरे य हरिणसूयरससयसउंताइणो य मच्छाई । नाणाविडंबणाईहि विडंबिऊणं हणिज्जन्ति ॥१७९१॥  
 वसमंसलुद्धभारद्विण्हि बज्जन्ति धीवरोहि परे । काऊण भडित्तं जीवमाणया केइ भुज्जन्ति ॥१७९२॥  
 अन्ने केइ वि तिरिया खज्जन्ति परोप्परं तडफडंता । पीडिज्जन्ति छूहाए बाहिज्जन्ति य पिवासाए ॥१७९३॥  
 कट्ठं व विगयचेट्टा महाहिमेणं हवति हेमंते । गिम्हम्मि आयवेणं तिब्बेणं संतविज्जन्ति ॥१७९४॥  
 वासासु निरंतरवट्ठिपडियपाणीयमुडियसव्वंगा । केइ विवज्जन्ति परे वुज्जन्ति जलप्पवाहेहि ॥१७९५॥  
 चित्तयवयवग्घभुयगसीहमीणाइणो महाकूरा । निहणति भूयनिवहं असति तेसिं च मंसाइं ॥१७९६॥  
 आऊरियगेह्ज्जाणमाणसा संचिऊण घणकम्मं । निवडंति महानिरए तिक्खनिरंतरमहादुक्खे ॥१७९७॥  
 तत्थ घडियालयओ विलवंता कडिडऊण बाहिम्मि । परमाहम्मियदेवेहि निहएहि पहिट्ठेहि ॥१७९८॥  
 अप्फालिज्जन्ति दढं तओ महावज्जकटयसिलासु । खिप्पंति चियासु जलंतजलणजालाकरालासु ॥१७९९॥  
 आलिगाविज्जन्ति य सकटयं वज्जंसिवलीरुक्खं । करवत्तेहि करकरफालिज्जन्ति य सुत्तिक्वेहि ॥१८००॥  
 छिज्जन्ति असीहि महाकुंतगोहि सिएहि भिज्जन्ति । विज्जन्ति य सूलेहि खिप्पंति महंतसूलासु ॥१८०१॥  
 तत्तेसु तलिज्जन्ति य तेल्लकविल्लेसु उक्कलंतेसु । खाविज्जन्ति य उक्कत्तिऊण नियदेहमंसाइं ॥१८०२॥  
 पाइज्जन्ति य तह तत्ततउयतंबाइं तत्ततेल्लं च । असिपत्तवणं तो पेच्छिऊण धावंति तयभिमुहं ॥१८०३॥  
 गयमेत्त च्चिय छिज्जन्ति तत्थ असिसत्तिसेल्ल कुंतेहि । वेयरणिनइं तो पेच्छिऊण गच्छंति तयभिमुहं ॥१८०४॥  
 तत्थ य खुप्पति महाजलणुह्कयंबवालुयानियरे । फुट्ठंति तओ चणय व्व आरसंता चिरं कालं ॥१८०५॥  
 तत्तजउतुल्लवसमंसरुहिरचिक्खल्लअइरउट्टाए । वेयरणीए पत्ता ज्जत्ति विलिज्जन्ति ते वरया ॥१८०६॥  
 आरोविज्जन्ति तओ तत्ताए तुंगलोहनावाए । अन्ने य परोप्परमेव केइ हम्मन्ति कयकोवा ॥१८०७॥  
 इह माहमासपच्छिमनिसाहिमाओ अणंतगुणसीयं । तह तत्तभाडदाहाओ तत्थ दाहं अणंतगुणं ॥१८०८॥  
 सहिऊण एवमाई निरयमहावेयणादुहं घोरं । पलिओवमाइं तह सायरोवमाइं च बहुयाइं ॥१८०९॥  
 उव्वट्टिऊण ततो पंचिदियतिरियजोणिएसु पुणो । उप्पज्जन्ति तओ वि हु नरएसु तओ वि उव्वट्टा ॥१८१०॥  
 मच्छाइसु नरएसु य पुण मच्छाइसु पुणो वि नरएसु । पुण मच्छाईसु तओ एगिदियमाइएसु पुणो ॥१८११॥  
 पुव्वपओगेणं चिय भमिऊणमणंतकालमणु ततो । पंचिदियतिरियत्तं लद्धूण वयंति नरएसु ॥१८१२॥  
 ततो पुण मच्छाइसु पुणो वि नरएसु मच्छयाईसु । पुण एगिदियमाइसु तेणेव कमेण भमिऊण ॥१८१३॥  
 जन्ति निरएसु एवं एगिदियमाइ नरयपज्जन्तं । घाणयजुत्तो वसहो व्वज्जंतखुत्तो परिभमन्ति ॥१८१४॥  
 न लहंति मणुयजम्मं ततो कहमवि अणंतकालाओ । खेत्ते अणारिए संभवन्ति मणुइत्थिगढभम्मि ॥१८१५॥  
 ततो अप्पडिपुन्ना गलिऊण भमन्ति निरयमाईसु । भुज्जो अणंतकालं न उणो पावंति मणुयत्तं ॥१८१६॥  
 एवमणंतमणंतं कालं भमिऊण निरयतिरिएसु । पावंति नरत्तं अंतरंतराणारिए खेत्ते ॥१८१७॥  
 एवं अणंतखुत्तो मणुयत्तमणारिएसु पावंति । न उणो लहंति आरियमणुयत्तणसम्महं ठाउं ॥१८१८॥  
 तत्थ अणारियमणुयत्तणम्मि कत्थ वि गलंति गढभाओ । कत्थ वि जोणीजंताओ निप्पिडंता विवज्जन्ति ॥१८१९॥

कत्थ वि निग्गयमेत्ता सयणिज्जनिवन्नया य कत्थ वि य। कत्थ वि जणणीअंगम्मि संठिया मच्चुमुहमेति ॥१८२०॥  
 कत्थ वि चंकमणखमा कत्थ वि अब्वत्तजंपिरा संता । कत्थ वि बालेहि समं कीलणजोग्गा विवज्जंति ॥१८२१॥  
 कत्थ वि जोव्वणभिमूहा अणेगरोगेहि गहियसव्वंगा । अक्कंदिऊण बहुवलविऊण सन्दुहा विणस्संति ॥१८२२॥  
 कत्थइ जोव्वणपत्ता पाणवहाई अगम्मगमणाई । काऊण अकिच्चाई चियबहुपावा विवज्जंति ॥१८२३॥  
 एवमणारियमणुयत्तलाभओ आरओ वि हु गएसु । पोग्गलपरियट्टेसु अणंतणंतेसु कह वि तओ ॥१८२४॥  
 आरियखेत्ते अंतयकुलेसु मणुयत्तणाइ तह चेव । लहिउं लहिउं अंतरअंतरओ नरयतिरिएसु ॥१८२५॥  
 कालमणंतं पुण परियडंति सुकुलेसु मणुयजम्मस्स । सम्मुहमवि नो ठाउं लहंति गुस्सकम्मयावसओ ॥१८२६॥  
 इय पुव्वत्तं कालं भमिऊण कहं चि सोहणकुलेसु । उप्पज्जंति य बहुसो भमंति तह चेव णंतभव ॥१८२७॥  
 नवरं गालिज्जंति य गब्भाओ ओसहेहि असईहि । कत्थ वि य जायमेत्ता छडिज्जंति य कुरच्छासु ॥१८२८॥  
 तत्थ छुहाए सीयायवेहि पावंति जीवियविणासं । मज्जारमाइएहि खज्जंति व जीवमाणा वि ॥१८२९॥  
 जह मुकुलुप्पत्तीए सुजाइलाभे वि तह भवमणंतं । जीवा भमंति एवं रूवबलाईण लाभे वि ॥१८३०॥  
 मज्झं मज्झेण अणंतकालभवभमणपुव्वयं होइ । जा आउअरोगत्तणविन्नाणसमन्निया हीति ॥१८३१॥  
 तो एरिसा वि होउं कत्थइ फासिदियस्स दोसेण । कत्थइ रसगिद्धीए कत्थइ गंधप्पियत्तेण ॥१८३२॥  
 कत्थ वि य पवररूवालोयणलोलत्तणेण कत्थ वि य । सुंदरसट्टायन्नणतन्हापरतंतभावेण ॥१८३३॥  
 कत्थइ कोहग्गिवसा कत्थइ माणदियद्धयाए य । कत्थ वि य कुडिलनियडीवंसिकुडंगीगहणयाए ॥१८३४॥  
 कत्थइ लोहमहोयहि निमज्जणेणं च कत्थ वि पियस्स । विरहविहुरत्तणेणं कत्थ वि पेमग्गहग्गेण ॥१८३५॥  
 कत्थइ धणतन्हाए कत्थइ दालिदुहनिदाहेण । कत्थइ किवणत्तणओ कत्थइ कलहाउलत्तेण ॥१८३६॥  
 कत्थ वि य दुव्विणीयस्स नियकृडुंबस्स संठवणयाए । कत्थ वि तिव्वयरमहामिच्छत्तोदयविडंबणओ ॥१८३७॥  
 सव्वं गमिऊण मूहा भमन्ति नरयाइयं पुणो वि भवं । कालमणंतं ततो कयाइ देवेषु उप्पन्ना ॥१८३८॥  
 कारिज्जंति महिडिद्वयदेवेहि सया वि ते नियं आणं । दूमिज्जंति य देवत्तणेण हीणेण नियएण ॥१८३९॥  
 इयरसुराणं इडिड अहियं दट्ठण निययहिययम्मि । ईसाणलेण उज्झंति तह य घेप्पंति अरईए ॥१८४०॥  
 अप्पिडिद्वयत्तणेणं परस्स रयणाई तह कलत्ताई । हरिऊण जंति ततो हम्मंति सिरम्मि वज्जेण ॥१८४१॥  
 ते अणुहवंति ततो अइगरुयं वेयणासमुग्घायं । निवडंति अट्टज्ञाणे झीणे आउम्मि मरिऊण ॥१८४२॥  
 एगिदिएसु भुज्जो उप्पज्जेऊण पुव्वनाएण । संसारमणंतं परिभमंति दुक्खानलुज्जालिया ॥१८४३॥  
 एवमणंतं पोग्गलपरियट्टसहस्सकोडिलक्खे उ । मिच्छत्तंधा जीवा चियवणकम्मा भमंति भवे ॥१८४४॥  
 तं नत्थि कि पि ठाणं लोए बालग्गकोडिमेत्तं पि । जम्मि न जाया न मया अणंतसो जंतुसंघाया ॥१८४५॥  
 तं नत्थि विसयसोक्खं दुहं पि तं नत्थि कि पि तज्जणियं । जीवेहि जं न पत्तं अणंतसो कम्मवसगोहि ॥१८४६॥  
 एक्को च्चिय जिणधम्मो तेहि न पत्तो कयाइ जस्स वसा । पुव्वुत्तभवदुहाणं जलंजलि देंति ते झत्ति ॥१८४७॥  
 कम्मम्मि मोहणिज्जे कोडाकोडीओ हींति अयराणं । सत्तरि उक्कोसठिई तह तीसं कोडिकोडीओ ॥१८४८॥  
 कम्माण चउन्हं वेयणीयआवरणअंतरायाणं । नामस्स य गोयस्स य कोडाकोडीओ पुण वीसं ॥१८४९॥  
 सत्तन्हु वि एयाणं कम्माण अहापवत्तकरणेण । खविऊणं सेसठिईं सव्वं धरिऊण एक्कं तु ॥१८५०॥  
 अयराण कोडकोडि किचूणं एत्थ अंतरे जीवा । घणरागदोसपरिणाइरूवं पावंति तो गंठि ॥१८५१॥  
 एयं च पत्तपुव्वा सव्वे वि इमे अणंतसो जीवा । किंतु न भिन्नो गंठी इमेहि सो जम्मि भिन्नम्मि ॥१८५२॥

जिणधम्ममूलमेए लहंति सम्मत्तमुत्तमसुहाण । सर्व्वेसि अविगलकारणं भवे दुक्खनिलए वि ॥१८५३॥  
 गंठिएसाओ तओ नियत्तिऊणं पुणो वि बद्धाइं । कम्माइं अइघणाइं चिट्ठंति भवट्टिया जेहि ॥१८५४॥  
 पुरओ वि एवमेव य अभव्वजीवा सया करिस्संति । जम्हा तेहिं कया वि न छुट्टेयव्वं भवदुहाओ ॥१८५५॥  
 भव्वा केवि तहाविहभव्वत्तविवागओ अपुव्वेण । करणेणं वज्जेण व गिरिं व भिदंति तं गंठि ॥१८५६॥  
 तयणु अणियट्टिकरणं विसुद्धमंतो मुहुत्तमणुहविउं । मोक्खवरकण्णपायवमूलं पावंति सम्मत्तं ॥१८५७॥  
 जणयभणंतसुहोहस्स नासणं सब्बदुहसमूहस्स । उत्तमरयणनिहाणं व रोरपुरिसा सुकयपुत्रा ॥१८५८॥  
 जो रामदोसमोहेहिं वज्जिओ सो रिहं ममं देवो । पंचमहव्वयद्वारा मुणियो गुरुणो खमाहारा ॥१८५९॥  
 सब्बणुणा पणीओ सिद्धंतो सब्बहा मह पमाणं । जो एस सुहो भावो तं सम्मत्तं जिणा वेति ॥१८६०॥  
 जह अइमहग्घमुल्लाण को वि रयणाण कोडिमवि लद्धुं । जूयपमत्तो हारइ मुहाए तो दुक्खिओ होइ ॥१८६१॥  
 तह केइ विसयगिद्धा लद्धं पि जिया वमंति सम्मत्तं । तत्तो मिच्छत्तमहातमंघयारम्मि निवडंति ॥१८६२॥  
 तेण पणट्टिविदेया न मुणंति अवत्थुवत्थुपविभायं । मन्नंति अदेवं पि हू मूढा देवत्तबुद्धीए ॥१८६३॥  
 अगुरुं पि मुणंति गुरुं धम्मसहावं गणोति पावं पि । तेण घणबद्धकम्मा भमंति भुज्जो भवमणंतं ॥१८६४॥  
 तो जाणिऊण एवं भो भव्वा ! चयह झत्ति मिच्छत्तं । पडिवज्जह सम्मत्तं तं पडिवत्तामि मा कुणह ॥१८६५॥  
 विसयसुहे पडिवधं पढममुहे च्चिय मणं पि सुहजणए । पच्छा कडुयविवागे अणंतभवदुक्खदाइम्मि ॥१८६६॥  
 मा मुज्झह जाणंता सम्मं चित्तेह वत्थुपरमत्थं । मणुयाण कामभोगा अच्चंतमसारया एए ॥१८६७॥  
 जम्हा सोणियसुक्काण संगमे इत्थिगव्वभमज्जम्मि । मुत्तपुरीसाईपूरियम्मि असुइम्मि निरयसमे ॥१८६८॥  
 उप्पज्जइ मणुयतणू सोणियचम्मट्टिमंसपडिपुत्रा । अंतो मुत्तपुरीसाइसंगया परमदुग्गंधा ॥१८६९॥  
 पुरिसाण सरीरं सवइ नवहिं सोत्तेहिं दुब्धिभगंधमलं । एक्कारसाहिं नारीण सब्बरोगाण कुलभवणं ॥१८७०॥  
 जह को वि घडो मज्झे अमेज्जपरिपूरिओ ठइयदारो । बाहिं पक्खालिज्जइ जलेण विउलेण जइ कह वि ॥१८७१॥  
 कुंकुमकूपूरागुरुकत्थूरियपमुहसुरहिदव्वेहिं । उवल्लिपिज्जइ तह वि हू खणंतरे सो तह च्चेव ॥१८७२॥  
 दुग्गंधमेव उव्वमइ अविरयं जेण असुइरसविद्धं । सव्वं पि घडकवालं तं चिट्ठइ तेण सुराहिं पि ॥१८७३॥  
 दव्वं तत्थ विलगं खणद्धमेत्तेण होइ दुग्गंधं । तह रुहिरमंसचम्मट्टिवसमए नरसरीरे वि ॥१८७४॥  
 ता भो मण्यसरीरे असुइम्मि सुइत्तणं असंतं पि । नियबुद्धिविगप्पेहिं आरोवेऊण मा रमह ॥१८७५॥  
 सिंभगिहं जमिह मुहं छणमयलंछणसरिच्छमेयं तु । वियसियनलिणनिहाइं दूसियठाणाइं नयणाइं ॥१८७६॥  
 अट्ठीण खंडराइं दसणे दिप्पंतहीरयसरिच्छे । घणुवचियपिसियपिडे पओहरे कणयकलसे व्व ॥१८७७॥  
 मुत्तपुरीसगिहाइं जहणनियंवाइं कंचणसिल व्व । मंसट्टिरुहिरबद्धं ऊरुजुयं कयलिखंभं व ॥१८७८॥  
 चम्मट्टिन्हारुनद्धे असोयपल्लवसमे य करचरणे । एवं त्रिगप्पिऊणं मा बंधह तेसु अणुरायं ॥१८७९॥  
 जमणंतदुक्खजणए विसए सेवेह सोक्खबुद्धीए । तं पियह कालकूडं तुब्भे अमयं ति चित्तेउं ॥१८८०॥  
 मा पुत्तकलत्ताइसु सयणेसु य कुणह पेमपडिबंधं । जं ते न होति ताणं नरगाइदुहं सहंताणं ॥१८८१॥  
 इय लोगम्मि वि एए ताव च्चिय होति कि पि ससिणेहा । तेसिं चिय जाव समीहियाइं कीरंति अणवरयं ॥१८८२॥  
 एक्कं पि जया न कयं तेसिं कज्जं कहं चि तइया वि । ते होति लुक्खहियया दोसग्गाहा विवक्ख व्व ॥१८८३॥  
 विहवम्मि वि पडिबंधं मा तुब्भे कुणह जे तयत्थम्मि । सुबहुं पि किलिस्संताण जायए नेय थेंवं पि ॥१८८४॥  
 जाओ वि पयत्तेणं रक्खिज्जंतो वि बहु उवाएहिं । अकयणुओ व्व पुरिमो झड ति विहडइ अदक्खिणो ॥१८८५॥

जूयजलजलणसज्जो दाइयब्बदियनरिदचोराणं । पासाउ महाणत्थं उप्पायइ जीयनासं च ॥१८८६॥  
 इय ताउं भो भव्वा ! चइऊणं विसयसयणधणमुच्छं । सासयसुहसंजणए जिणधम्मो उज्जमं कुणह ॥१८८७॥  
 एत्थ पडिबज्जियव्वं समग्गसावज्जजोभवेरमणं । चइयव्वो सव्वो वि हू सबाहिरिभित्तरो संगो ॥१८८८॥  
 बाहिम्मि दुपयं चउपयधणधन्नसुवन्नरुप्पकुप्पाई । अंतो उण जियत्तिजओ कोहाइकसायसमवाओ ॥१८८९॥  
 उक्खणियव्वा केसा मूलाओ च्चिय सिरम्मि जाजीवं । अन्हाण व्रभचेरं कायव्वं भूमिसयणं च ॥१८९०॥  
 भिक्खाए परिब्भमणं कुलेसु निण्णुत्तएसु करणिज्जं । लद्धम्मि अलद्धम्मि य हरिसविसाओ न कायव्वो ॥१८९१॥  
 इट्ठो व अणिट्ठो वा लद्धाहारो अरत्तदुट्ठेहि । वणिपिंडिरहक्खोवंगनायाओ चेव भोत्तव्वो ॥१८९२॥  
 सत्तूसु य मित्तेसु य ह्योयव्वं खलु समाणचित्तेहि । निदंतम्मि थुणंतं रोसो तोसो न कायव्वो ॥१८९३॥  
 सद्दाइसु विसएसु मणोहरेसु वि मणं पि अणुराओ । तो कायव्वो न य निदिएसु दोसो विह्येयव्वो ॥१८९४॥  
 चंक्रमियव्वं जुगमेत्तनिहियदिट्ठीहि तग्गयमणेहि । बुद्धीए विगप्पेउं जंपेयव्वं च निरवज्जं ॥१८९५॥  
 दूमिज्जइ जेण परो सुएण लोए य पावए दोसं । तं जीवियव्वनासे वि भासियव्वं न साहूहि ॥१८९६॥  
 गहियव्वो आहारो उग्गमउप्पायणेसणासुद्धो । वसही वत्थं कंबलपत्तगफलगइयं पि तह ॥१८९७॥  
 तह उवगरणं सव्वं पडिलेहंउं पमज्जिऊणं च । गहियव्वं कज्जवसा मोत्तव्वं तह सठाणम्मि ॥१८९८॥  
 उच्चारं पासवणं खेळं सिषाणजल्लमाईयं । सुविवेइयम्मि ठाणे जत्तेण परिट्टवेयव्वं ॥१८९९॥  
 जत्तेण रक्खियव्वो विवेयत्तिक्खंकुसेण खंचेउं । सीलवणाओ बाहि नीहरमाणो मणोहत्थो ॥१९००॥  
 एवं चिय गुत्ती वयकायाण वि सव्वया वि कायव्वा । छट्टट्टमाइ जहसत्ति सेवियव्वं तवोकम्मं ॥१९०१॥  
 विणओ वेयावच्चं गुरुपभिईणं सया वि कायव्वं । कज्जे निट्टुरव्यणेहि तालणं तेसि सहियव्वं ॥१९०२॥  
 गच्छस्स अप्पणो वि य किच्चाणं अंतरम्मि सज्जाए । सव्वप्पणा पसत्ती कायव्वा न उण विगहासु ॥१९०३॥  
 देसे नयरे गामे कुले य उवहिम्मि नियसरीरे वा । कत्थइ ममत्तबुद्धी कायव्वा नेय योवा वि ॥१९०४॥  
 सहियव्वाओ छुहत्तिससीयायववायवेयणाओ य । सम्ममहियासियव्वा तिरियाइकओवसग्गा य ॥१९०५॥  
 निच्चमणिच्चत्तणमसरणत्तमेगत्तमेवमाईया । बारस वि भावणाओ भावेयव्वाओ जत्तेण ॥१९०६॥  
 इय निच्च कुणंताणं भव्वाणं मोक्खसोक्खकंखीणं । जायइ पुव्वभवज्जियकम्माण खओ सुवहुयाण ॥१९०७॥  
 तो लहुकम्मत्तणओ पक्खिणपविद्यंभमाणसुहभावा । आरुहिऊणं ते खवगसेट्ठिमइरेण मोहखयं ॥१९०८॥  
 काऊण नाणदंसणआवरणे अंतरायमवि खविउं । लोयालोयपयासं पावति य केवलं नाणं ॥१९०९॥  
 तो केवलपज्जायं कालं अंतोमुहुत्तमहवा वि । देसूणपुव्वकोडिं पालेऊणं तओ अंतं ॥१९१०॥  
 जुगवं खविऊण भवोवगाहि कम्माइं झत्ति चउरो वि । समएणेक्केण अविग्गहेण गंतूण उड्ढदिंसि ॥१९११॥  
 सिद्धिक्खेत्ते विमले जम्मजरामरणरोगनिम्मक्को । लोयग्गओ सिज्झइ सागारुवओगसंजुत्तो ॥१९१२॥  
 साइयमणंतमणुवमव्वाबाहसुहमुत्तमं पत्तो । कालमणंतं चिट्ठइ वरदंसणनाणसंपन्नो ॥१९१३॥  
 सुरगणसुहं समग्गं सव्वद्धापिंडियं अणंतगुणं । न य पावइ मुत्तिसुहं णंताहि वि वग्गवग्गूहि ॥१९१४॥  
 संघयणकालवीरियबलआउसमाहिअन्नयररहिओ । को वि तहाविहकम्मक्खयं अकाउण छउमत्थो ॥१९१५॥  
 जइ कालं कुणइ तओ सोहम्माईणं देवलोगाणं । सव्वट्टसिद्धचरमाण देवलोगम्मि अन्नयरे ॥१९१६॥  
 सो उप्पज्जइ देवो महिड्ढिओ तत्थ सुरसुहं पवरं । सुइरं अणुहविऊणं ठिइक्खएणं तओ चविउं ॥१९१७॥  
 पवरमणुएसु जायइ भुवणयलक्खायनिम्मलकुलेसु । सोहग्गारुवकलिओ समग्गतरलक्खणसमेओ ॥१९१८॥

आणा ईसरियजुओ वेसमणसमाणविहवसंपन्नो । रायाइमाणणिज्जो परिहवणिज्जो न कस्स वि य ॥९९१९॥  
 तत्थ सुहं अणुहविउं सुइरं अणुरूवमत्तविहवस्स । दिक्खं गहिऊण तओ सिज्जइ पुव्वुत्तनाएण ॥९९२०॥  
 इय सिरिमुणिसुव्वयजिणताहेण पयासियम्मि वित्थरओ । सयले भवस्सरूवे तह सिवसुहसाहणोवाए ॥९९२१॥  
 विहइंतनिविडतरकम्मनिगडबंधो नरेसरंगरुहो । सहस त्ति मल्लिनामो समुट्ठिओ दिक्खगहणत्थं ॥९९२२॥  
 तीसे सदेवमणुयासुराए परिसाए मज्जयाराओ । उट्ठंतबहलपुलओ सिरग्गसंठवियकरकमलो ॥९९२३॥  
 वयइ जिणं जह भयवं ! जहेव तुम्हेहि एयमक्खायं । संसारस्स सरूवं तहेव तं अन्नहा नेय ॥९९२४॥  
 ता रक्ख रक्ख पहु ! मंइमाओ अइतिक्खदुक्खनिलयाओ । संसारसमुट्ठाओ कसायजलयररउट्ठाओ ॥९९२५॥  
 दाऊण सहत्थेणं दिक्खं संसारजलहिवोहित्थं । वन्नियसरूवमिन्हि नियवयणेणेव तुम्हेहि ॥९९२६॥  
 तो मुणिसुव्वयसामी देइ सहत्थेण तस्स जिणदिक्खं । तस्सऽणुमग्गेण तओ हरिवंसकुलाइसंभूया ॥९९२७॥  
 अन्ने वि पभूया रायनंदणा सेट्ठिसत्थवाहसुया । दिक्खत्थमुट्ठिया दिक्खिया य सयमरहया ते वि ॥९९२८॥  
 निवध्रयापुप्फवई पमुहाओ विमलकुलपसूयाओ । गिन्हंति तओ दिक्खं नारीओ सामिपासम्मि ॥९९२९॥  
 मल्ली उ पुव्वभवबद्धगणहरत्तो जिणाउ सोऊण । उप्पायाइपयत्तयमुल्लसियविसुद्धमइविहवो ॥९९३०॥  
 बारससाइसयाइं अंतमुहत्तेण रयइ कालेण । आयाराईणंगाइं दिट्ठिवायावसाणाइं ॥९९३१॥  
 रइयम्मि आगमे अह भयवं मुणिसुव्वओ समुट्ठेइ । अणुओगाणुत्ताए दाणत्थं मल्लिणो तस्स ॥९९३२॥  
 तो सोहम्माहिवई पवराणं सुरभिगंधवासाणं । पडिपुत्रं रयणमयं थालं गहिऊण पासम्मि ॥९९३३॥  
 तित्थंकरस्स ठायइ तो भयवं तिन्नि वासमुट्ठीओ । गहिऊण सयं मल्लिस्स साहुणो खिवइ सीसम्मि ॥९९३४॥  
 सर्व्वेहि दब्बेहि सर्व्वेहि पज्जवेहि य नएहि । अणुनायं अणुनायं तित्थं तुह एयमम्हेहि ॥९९३५॥  
 एवं पभासमाणो वाराओ तिन्नि नियवयणेण । इंदाइया य देवा खिवंति वासे सिरे तस्स ॥९९३६॥  
 अह तस्स गणहरपए ठवियस्स मुणीसरस्स मल्लिस्स । नवदिक्खियं समप्पइ सर्व्वं मुणिसाहुणोवग्गं ॥९९३७॥  
 अह सुव्वओ नरिदो सिरग्गसंधडियपाणिकमलजुओ । सिरिमुणिसुव्वयनाहं विन्नवइ जहा अहं सामि ! ॥९९३८॥  
 अज्ज वि इमम्मि समए असमत्थो सर्व्वविरइगहणम्मि । ता गिहवासस्सुचियं धम्मं पहु ! मज्ज आइसह ॥९९३९॥  
 तो आह जिणवरिदो जे जइधम्मस्स अक्खमा हुंति । तेसि गिहत्थधम्मो दुइज्जओ जुज्जए काउं ॥९९४०॥  
 तत्थ पढमं अगारी तिविहं तिविहेण चयइ मिच्छत्तं । सम्मत्तं पडिवज्जइ जह अज्जप्पभिइ नो मज्ज ॥९९४१॥  
 कप्पइ परतित्थीणं परतित्थियदेवयाण तह चेव । परतित्थियमहियाणं तित्थंकरनाहपडिमाणं ॥९९४२॥  
 वंदणनमंसणाई काउं तह तेहिं पुव्वमालावे । अकयम्मि तेहिं सद्धिं आलावाई वि न करेमि ॥९९४३॥  
 न य तेसि असणं वा पाणं वा खाइमं व साइमं । दाउं अणुप्पयाउं व कप्पए मज्ज एत्ताहे ॥९९४४॥  
 एत्थ य वियाणियव्वा अइयारा पंच न उण कायव्वा । संका कंखविगिच्छापरतित्थियसंथवपसंसा ॥९९४५॥  
 आरंभाओ संकप्पओ य दुविहो य होइ पाणवहो । तत्थारंभकयाओ थूलगपाणाइवायाओ ॥९९४६॥  
 न कुणइपच्चखाणं संकप्पकयाओ विरमए तत्तो । एत्थ वि पंचइयारे वियाणिऊणं परिहरेज्जा ॥९९४७॥  
 बंधवहं छविच्छेयं अइभारं भत्तपाणवोच्छेयं । कोहाइदूसियमणो गोमणुयाईणो नो कुज्जा ॥९९४८॥  
 कन्ना गो भूमालिय नासवहारं च कूडसक्खेज्जं । पंचविहं पि अलीयं थूलं एयं परिहरेज्जा ॥९९४९॥  
 सहसा अब्भक्खाणं रहस्सा य सदारमंतभेयं च । मोसोवएसयं कूडलेहकरणं इह न कुज्जा ॥९९५०॥  
 थूलमदत्तादाणं सच्चित्ताचित्तवत्थुविसयं पि । पच्चक्खाइ गिहत्थो तत्थऽइयारे चयइ एए ॥९९५१॥

तेनाहडं च तक्करजोगं च विरुद्धरज्जगमणं च । कूडतुलकूडमाणं तप्पडिरुवं च ववहारं १९५२॥  
 पच्चक्खइ परदारं पडिवज्जइ वा सदारसंतोसं । से परदारं दुविहे ओरालविउव्विभेएण ॥१९५३॥  
 होंतिह पंचइयारा सदारसंतोसिणो मणुस्सस्स । इत्तरियपरिग्गहियागमणं अपरिग्गहियागमणं ॥१९५४॥  
 कीलणमणंगविसयं कारवणं तह य परविवाहाणं । कामेसु य भोगेसु य अइसयतिव्वाहिलासो य ॥१९५५॥  
 एए वियाणिऊणं परिहरियव्वा तओ पयत्तेणं । पच्चक्खइ परिग्गहमपरिमियं परिमियं कुणइ ॥१९५६॥  
 दुविहं पि सच्चित्तचित्तभेयओ तत्थ होंति अइयारा । पंचेव जाणियव्वा एए न हु आयरेयव्वा ॥१९५७॥  
 खेत्ते वत्थुम्मि तथा रूपमुवन्ने धणे य धन्ने य । दुपयचउपपयविसए कुप्पे य पमाणअइकमणं ॥१९५८॥  
 जोयणपयाणबेधणकारणभावेहिं नायरेयव्वं । तिविहं दिसिव्वयं पुण उड्डं तिरियं अहे चेव ॥१९५९॥  
 एत्थ वि पंचइयारा जाण्येव्वा न आयरेयव्वा । उड्डं तिरियं हेट्ठा दिसिपरिमाणस्स अइकमणं ॥१९६०॥  
 खेत्तपरिवड्ढिकरणं अंतद्धाणं तहासईए य । उवभोगपरी भोगव्वयं दुहा भोयणे कम्म ॥१९६१॥  
 भोयणओ अइयारे पंच इमे जाणित्तं परिहरेज्जा । सच्चित्ते आहारे सच्चित्तपडिबद्धए चेव ॥१९६२॥  
 अप्पउलियदुप्पउलियतुच्छोसहिभक्खणं च पंचमयं । कम्मयओ पुण पनरसकम्मादाणाइं नेयाइं १९६३॥  
 इंगालकम्मवणकम्मसागडीकम्मभाइयं चेव । फोडीकम्मं दंतवणिज्जं लक्खावणिज्जं च ॥१९६४॥  
 रसकेसविसवणिज्जं पीलणकम्मं तहेव जंतस्स । निळ्ळणदवदाने सराइसोसं असइपोसं ॥१९६५॥  
 तइयं गुणव्वयं पुण अणत्थदंडो चउव्विहो सो उ । पढमं च अवज्जाणं बीयं च पमायआयरियं ॥१९६६॥  
 तइयं हिसपयाणं परस्स पाओवएसणं तुरियं । एयस्स विरमगम्मि वि पंचइयारे विवज्जेज्जा ॥१९६७॥  
 कंदप्पं कुक्कुइयं मोहरियं संजुयाहिरणं च । उवभोगपरीभोगाइरेगयं मुणह पंचमयं ॥१९६८॥  
 सावज्जजोगपरिवज्जणं च निरवज्जजोगसेवणयं । सामाइयं ति भन्नइ इह अइयारा इमे पंच ॥१९६९॥  
 मणदुप्पणिहाणं वइदुप्पणिहाणं तहेव कायस्स । दुप्पणिहाणं सामाइयस्स सइ अकरणं तुरियं ॥१९७०॥  
 सामाइयस्स अणविट्ठियस्स करणं तु होइ पंचमयं । एए वियाणिऊणं विवज्जियव्वा पयत्तेण ॥१९७१॥  
 दिसिवयगहियस्स दिसापरिमाणस्स उ दिणे दिणे माणं । जं कीरइ तं देसावगासियं नाम विन्नेयं ॥१९७२॥  
 आणयणपेसणे इह सट्ठणुवायं च रूवअणुवायं । बहियापोगलखेवं पंचमयं जाणित्तं वज्जे । १९७३॥  
 पोसहउववासवयं चउहा आहारदेहसक्कारे । तइयं च बंभचेरे अवावारे चउत्थं च ॥१९७४॥  
 सेज्जासंधाराणं अप्पडिलेहणयं दुपडिलेहणयं । तह तेसिमप्पमज्जणदुपमज्जणयं च विन्नेयं ॥१९७५॥  
 पासवणुच्चारमही अप्पडिलेहणयदुपडिलेहणयं । तीसे य अप्पमज्जणदुपमज्जणयं च नायव्वं ॥१९७६॥  
 पोसह उववासस्स उ तह सम्मं अणणुपालणा चेव । एए अइयारे पंच जाणित्तं पोसहे वज्जे । ॥१९७७॥  
 तह अतिहिसंविभागो दव्वाणं अन्नपाणमाईणं । नाएण आगयाणं तह चेव य कप्पणिज्जाण ॥१९७८॥  
 सद्धासक्कारेहिं परिसुद्धं तह य देसकालेहिं । परमाए भत्तीए आयाणुग्गहमईए य ॥१९७९॥  
 संजयजणस्स दाणं पंचइयारे चएज्ज इह नाउं । सच्चित्ते निक्खवणं सच्चित्तेणं पिहाणं च ॥१९८०॥  
 कालाइक्कमदाणं परववएसं च मच्छरिययं च । एयं गिहत्थधम्मं सम्मतजुयं दुवालसहा ॥१९८१॥  
 पडिवज्जिऊण मणुया जे के वि य सव्वया निरइयारं । परिवालयंति ते वि हु नरसुरसोक्खाइं अणुहंविउं ॥१९८२॥  
 पावंति असंदेहं अट्ठुभव्वभंतरम्मि सिवसोक्खं । ता नरवर ! तुममिन्हि एयं गिन्हाहि अवियप्पं ॥१९८३॥  
 इय भगवया पभणिए सह सुव्वयनरव्वरेण बहुएहिं । अत्तेहिं पि पडिवन्नो गिहिधम्मो भगवओ पास ॥१९८४॥

रत्तो अवरोहेणं सह इयराहिं वि बहूहिं नारीहिं । एसो अगारिधम्मो पडिवत्तो विमलसम्मत्तो ॥१९८५॥  
 केहिं वि पुण मणुएहिं नारीनिवहेहिं केवलं चैव । सम्मत्तं संपत्तं मुणिसुव्वयसामिपासम्मि ॥१९८६॥  
 एवं चउविहसंधो संजाओ भगवओ समोसरणे । पढम्मि एत्थ संखा साहूणं सोलससायई ॥१९८७॥  
 तिन्नेव साहुणीणं सहसा सत्तेव सावयाणं तु । एक्कारस सहसाई जायाई सावियाणं च ॥१९८८॥  
 देवेहिं य देवीहिं य बहूहिं सम्मत्तरयणमणुपत्तं । सम्मत्तं चिय केहिं वि तिरिएहिं देसविरई वि ॥१९८९॥  
 भवियजणप्पडिबोहं एवं पडदियहमायरंतस्स । मुणिसुव्वयस्स पहूणो तत्थागंतूण सम्मिलियं ॥१९९०॥  
 तं रायसुयसहस्सं पढमदिणे जेण भगवया सद्धि । गहिया दिक्खा तेण वि भुज्जो मुणिसुव्वयसमीवे ॥१९९१॥  
 तत्तो रायगिहाओ सिरिमुणिसुव्वयजिणेसरो वाहि । विहरइ सुरकयकंचणकमलेसु कमे निवेसंतो ॥१९९२॥  
 आगासतलगएणं मणिमयसीहासणेण दिव्वेण । तह चैव चामराहिं खीरोयहिलहरिसरिसाहि ॥१९९३॥  
 छणमयलंछणमंडलसमाणछाएण छत्तियेण । गयणपहगामिणा तह रयणमहिदज्जएणं च ॥१९९४॥  
 पुरओ वच्चंतेण रयणामयपवरधम्मचक्केण । देहाणुमग्गलग्गेण विमलभामंडलेणं च ॥१९९५॥  
 सीसगणसंपरिवुडो तियसगणाणं चउव्विहाणं पि । कोडीहिं अणेगाहिं थुव्वंतअणंतगुणनिवहो ॥१९९६॥  
 गामाणुगाममेवं विहरंतो भवियकमलसंडाण । उप्पायंतो पडिबोहमागओ हत्थिणागपुरे ॥१९९७॥  
 सहसंबवणुज्जाणे अणेयवरपायवोहसोहंतो । फासुयभूमिपाएसे आगंतूणं समोसरिओ ॥१९९८॥  
 चउविहदेवनिकाएण तत्थ पुव्वोववन्नियसह्वं । समवसरणं विणिम्मियमुप्पायंतं जणाणं दं ॥१९९९॥  
 तत्थ भयवं निसन्नो सदेवमणुयासुराए परिसाए । पुरओ कहेइ धम्मं जोयणनीहारिसहेण ॥१०००॥  
 अह तत्थ हत्थिणउरे वत्थव्वो गंगदत्तनामेण । अत्थि धणइडो सइडो सामी सत्तन्ह कोडीणं ॥१०००१॥  
 धणधन्नदुपयचउपयरह्वाहणज्जाणवित्थरसमेओ । नाऊण जिणागमणं पमोयपूरिज्जमाणमणो ॥१०००२॥  
 न्हाओ कयबलिकम्मो नियत्यमंगल्लसुद्धवरवत्थो । अप्पमहग्घालंकारभूसियंगो र्हाइडो ॥१०००३॥  
 इय गरुयविभूईए अणेगतरवग्गुरापरिक्खित्तो । चलिओ नियभवणाओ वंदणहेउं जिणिदरस ॥१०००४॥  
 सहसंबवणे पत्तो ओयरिउं रहवराओ भगवंतं । तिपयाहिणिकरेउं पणमइ महिनिहियपंचंगो ॥१०००५॥  
 सेसं पि साहुवग्गं जहक्कमं वदिऊण सव्वं पि । उव्विसइ उचियदेसे जोडियहत्थो मुणइ धम्मं ॥१०००६॥  
 भयवं पि पभूयपरिग्गहासवदारसंभवं दुक्खं । इहपरभवियं जह होइ वित्थरेणं तहा कहइ ॥१०००७॥  
 इह संसारे चउगइदारे जीवाणं संसरंताण । जं कि पि होइ दुक्खं तं सव्वं असुहकम्मेहि ॥१०००८॥  
 ताइं च पुणो कम्मइ जंतुणो संचिणंति अणवरयं । कोहाईहिं कसाएहिं चउहिं घत्थारउहेहिं ॥१०००९॥  
 तेसिं पि कसायाणं मउञ्जे सुहडो ध्व उड्भडो लोभो । जस्स वसा थेवं पिह लहंति न दुहंतं जीवा ॥१००१०॥  
 जं लोभमया जीवा बहुविहवोवज्जणे कयपसंगा । सो नत्थि पयारो को वि एत्थ भुवणम्मि सयले वि ॥१००११॥  
 अप्पाणं जेण इमे गग्गकिलेसेसु नेय पाडेंति । खंधेण मत्थएण य वैहंति अइदुव्वहं भारं ॥१००१२॥  
 तह लेहहारया होंति के वि ते संतयं पहे चैव । चिट्ठंति वहंता न वि गणंति सीउन्हजलवायं ॥१००१३॥  
 सेवंति के वि सामिं करित्तरयरहाइवाहणगयस्स । तस्म पुरओ ठिया ते तुरियं पहावंति ॥१००१४॥  
 सासाऊरियहियया संता तंता अजायनिव्वेया । तयणुन्नाया सगिहे गंतूण पडंति सिक्कडए ॥१००१५॥  
 वीसमणत्थं जा किर चिट्ठिस्संति य खणंतरं तत्थ । ता तेसिं तक्खणे च्चिय पहसंतियमेइ आहवणं ॥१००१६॥  
 केण वि तुच्छेण पओयणेण तो इत्ति ते समुट्ठेउं । तत्तो छुहिया तिसिया ससंभमा जंति तप्पासे ॥१००१७॥

तो तं नमिउं सविणयमेवं जंपंति जोडियकरग्गा । पसिऊण सामि ! आइसह किं पि जं साहिमो इन्हि ॥१००१८॥  
 अह तेण समाइट्टा लद्धनिहाण व्व ते पहिट्टमणा । तुरियं तत्थ पयट्ठंति अगणियासेसवेहदुहा ॥१००१९॥  
 अगणियकिच्चाकिच्चा जहा समाइट्टकज्जकरणाओ । अम्हे च्चिय जइ पहुणो कंहं चि अइवल्लहा होमो ॥१००२०॥  
 इय च्चित्तिऊण हियए मित्तस्स वि दोहमायरंति इमे । घायंति बंधवं पि हु मुसंति सयणं पि सोयरयं ॥१००२१॥  
 लोयाउ लहंति तओ हणहणकारं अकित्तिमयसं च । अवयरियं जस्स तओ तेणऽहवा तस्स सयणेण ॥१००२२॥  
 आगंतुं ते हम्मंति बहुविहं पावियंति वा बाहं । जइ वि हणणंमि बाहा तेसि न हवंति दिव्ववसा ॥१००२३॥  
 तह वि नियसामिणो वि हु जणाववायाभिसंकियमणस्स । होंति अदट्टव्वमुहा सकज्जसिद्धीए सुहियस्स ॥१००२४॥  
 खेडयखगकरग्गा केइ वि करकलियबाणकोयंडा । नाणाविहआउहवग्गपाणिणो कवहयसरीरा ॥१००२५॥  
 निवडंतनिसियसरसेल्लकुंतेसु घोरसमरेसु । नियजीवियनिरवेक्खा पविसंति विवक्खजयकंखी ॥१००२६॥  
 व्रजियम्मि परबले जह गत्थपसायं पहू कुणइ अम्ह । इय धणगिद्धा मुद्धा के वि विणस्संति तत्थेव ॥१००२७॥  
 के वि धणपिवासाए केण वि बलवंतएण सह रत्ता । पविसंति अन्नदेसे धणवइगिहल्लसिकरणत्थं ॥१००२८॥  
 ते तत्थ गया तत्तो परोप्परं दविणगहणलोभेण । कोवुब्भडा भिडंता झड ति जमपाहुणे जति ॥१००२९॥  
 के वि कुणंति वणिज्जं कड्ढेऊणं कलंतरेणत्थं । एक्काए वि निययाए कवड्डियाए असंतीए ॥१००३०॥  
 मूलस्स वि होइ तओ हाणी केसि पि कम्मदोसेण । आजम्मं पि तओ ते रिणदासा होंति अग्नेसि ॥१००३१॥  
 कीलंति केइ जूएण विहवसमुवज्जणुज्जया पुरिसा । मूलिल्लम्मि वि गंढिमि हारिए छोहियातो ते ॥१००३२॥  
 उडुंति दुगुणतिगुणं हारियअत्थस्स वालण निमित्तं । तह वि न जिणंति एए हारंति थ अहिग अहिगयरं ॥१००३३॥  
 दव्वं दाउमसक्का अह ते सहियस्स जावजीवं पि । जायंति दासपेसा कयत्थिया वा विणस्संति ॥१००३४॥  
 करकलियकप्पसत्था अत्थकए के वि दुत्थिया संता । खोणीयलं खणंता भमंति न लहंति किं पि ॥१००३५॥  
 केइ पुण धाउवाइयमिलिया धाउं धमंति कणयकए । तह वि न वंछियसिद्धी छारो च्चिय केयलो होइ ॥१००३६॥  
 पविसंति पवणेहि के वि रउट्ठे महासमुट्ठे वि । ते भग्गजाणवत्ता तत्थेव तओ विवज्जंति ॥१००३७॥  
 एमे खणंति खत्तं बंदं गिन्हंति वट्ट पाडंति । पडिक्कुंचियाए दारं उग्घाडेउं मुसंति परं ॥१००३८॥  
 के वि परप्पाणाण वि चुक्कंति वयंति बहुअलीयाइं । इय लोभहया पुरिसा किमकिच्चं जं न कुव्वंति ॥१००३९॥  
 अत्थस्सेव निमित्तं केइ वि सिक्खंति विविहसिप्पाइं । सिक्खावयाण हत्थे पाए य मलंति रयणिदिणं ॥१००४०॥  
 अब्भस्संति कलाओ लेहाईयाओ के वि विविहाओ । आउज्जमणेगविहं नट्टं गेयं च बहुभेयं ॥१००४१॥  
 जुज्जाइं बाहुजुज्जाइयाइं तह नाडयाइं विविहाइं । वंसग्गवरत्तारोहणाइ कोऊह्लाइं च ॥१००४२॥  
 तह चउसट्ठीमहिलागुणे य सिक्खंति वेसविलयाओ । मणमोहूप्पायगरे पुरिसाण विद्यक्खणाणं पि ॥१००४३॥  
 केसि पि कह वि अत्थो जइ होइ तहा वि किविणयाए इमे । धम्मे वयंति न कवड्डियं पि न य नियसरीरे वि ॥  
 सयमेव अत्थक्खणपरायणा दुहियमणा । सव्वत्थ अवीसत्था पुत्ते मित्ते कलत्ते य ॥१००४५॥  
 लब्भध्रणं मग्गंता रिणियजणा ओसहंति न खणं पि । एक्ककवट्टोए कए कलहं कुव्वंति अइगहयं ॥१००४६॥  
 के वि परिग्गहवित्थरमेलणओ कह वि नेय विरमंति । जं जं किं पि पलोयंति सुंदरं तं पि गिन्हंति ॥१००४७॥  
 करिकरहनुुरयवेसररासहोमहिंसछगलमिदाई । सुणह वराह कुरंगमचित्तयवयवग्घमाईयं ॥१००४८॥  
 कुक्कुडसुयसारियमोरपुरिसइत्थोपभूयपरिवारं । सिबिया संदणापवहणसयणाअणभवणपभिईयं ॥१००४९॥



मोत्तियपवालवेरुलियवज्जमरगयसुवन्नरुप्पाई । तह सिप्पिसंखदंतप्पमुहं बहुवत्थुसंदोहं ॥१००५०॥  
 गोहूमसालिसद्वियतिलतुयरिमउट्टुमुग्गमासाई । सणपज्जुवसाणमणेयभेयभिन्नं तहा धन्नं ॥१००५१॥  
 नाणादेससमुब्भवचीणंसुयमाइविविह्वत्थाइं । कुंकुमकप्पूरागुरुचंदणकत्थूरियाईणि ॥१००५२॥  
 केऊरकडयककणकडिसुत्तयकुंडलंगुलीयाई । हारइहहारमउडप्पमुहे विविहे अलंकारे ॥१००५३॥  
 पूगीफलजाईफलकक्कोलतमालपत्ततयएला । अन्नं पि एवमाई साइमगमणेगभेएहिं ॥१००५४॥  
 एवमणियत्तचित्ता परिग्गहं पिंडिऊण अइवहुयं । चउरन्तचक्कवट्टी तहऽद्वचक्की य मंडलिया ॥१००५५॥  
 ईसरसेणावइसत्थवाहतलवरअमच्चसेट्टिसुया । एमाइणो मणुस्सा अन्ने वि परिग्गहे गिद्धा ॥१००५६॥  
 गामागरनगरमंडंबखेडसंवाहदोणमुहनिवहं । कब्बडनिगमाईयं अहवा कि भूरिभणिएण ? ॥१००५७॥  
 एगायवत्तवसुहामंडलसामित्तणं पि संपत्ता । पावंति न संतोसं लोभमहासागरनिमग्गा ॥१००५८॥  
 इय तित्तिमपावंता परिग्गहृप्पायणे पसत्तमणा । मरिऊण जंति निराए भमंति तत्तो भवमणंतं ॥१००५९॥  
 देवा वि लोहनडिया रयणमएसुं महाविमाणेसु । भवणेसु य नगरेसु य चिट्ठं ता दिप्पमाणेसु ॥१००६०॥  
 नाणाविहरयणाणं अणेगरासीहिं गिरिसमाणेहिं । तेएण जलंतेहिं संतेहिं वि जंति नो तित्ति ॥१००६१॥  
 अन्नेसि तियसाणं हरंति रयणाइं लोहमुडमई । तह तिरियलोयमज्जे दीवसमुहे दिसाओ य ॥१००६२॥  
 चेइयवणसंडाणि य गिरिणो नगरागराणि गामाणि । पासायमंदिराणि य मणुयाण तहा निहाणाइं ॥१००६३॥  
 भेइणिविणिहिताइं लोभघत्था मुरा ममार्यति । इय चउविहा देवा न लहंति परिग्गहे तित्ति ॥१००६४॥  
 इय नगरभवणवणसंडवाविरयणेसु अच्छरगणेसु । कयमुच्छ मरिऊणं देवा एगिदिया होति ॥१००६५॥  
 तत्तो अपारसंसारसागरे गरुयकम्मलहरीहिं । पालिज्जंता एत्तो तत्तो विसहंति दुक्खाइं ॥१००६६॥  
 तिरिया वि भुयगमूसगपमुहा कुवंति परधणे मुच्छं । मरिऊण पुणो वि तओ भमंति भवसायरं घोरं ॥१००६७॥  
 एसो उ महाणत्थो परिग्गहो होइ सव्वजीवाणं । न हू एरिसओ पासो अन्नो इह अत्थि भवियाणं ॥१००६८॥  
 ता भो देवाणुपिया ! एवं नाऊण दाएणविवामं । मा होहपरिग्गहसंगहे रथा विरमह इमाओ ॥१००६९॥  
 इय भगवओवइट्टुं धम्मं सोऊण गंगदत्तो उ । हिट्टुमणो नमिऊणं मुणिमुब्बवयसामिणं तत्तो ॥१००७०॥  
 विन्नवइ जोडियकरो नीसेसं सहहामि णं भन्ते ! । निग्गंथं पावयणं रोएमि य णं इमं भन्ते ! ॥१००७१॥  
 जहं चेव वयह तुब्भे तहं चेव इमं न अन्नहा कि पि । ता जाव जेट्टुपुत्तं ठावेमि अहं नियट्टाणे ॥१००७२॥  
 तावागतूण तिलोयनाहं ! तुह पायपंकयसमीवे । दिक्खं गिन्हामि अहं भवदुक्खविमोक्खसंजणणि ॥१००७३॥  
 तो आह भुवणनाहो एवं लहु कुणह मा हू पडिबंधं । इय भगवया पभणिओ एसो गुरुहरिसपडिहत्थो ॥१००७४॥  
 उट्टे उं नमिऊण य जिणेसरं जाइ अप्पणो भवणे । ठविऊण जेट्टुपुत्तं सामिं सकुडुंबमज्जम्मि ॥१००७५॥  
 आरुहिऊण सयं पुण सिबियं माणुससहस्सवहणिज्जं । सव्वनियताइसुहिसयणपरिवुडो गुरु विभूईए ॥१००७६॥  
 अणुगम्ममाणमग्गो जेट्टेण सुएण सपरिवारेण । मज्झं मज्जेणं हत्थिणागनयरस्स नीहरिउं ॥१००७७॥  
 जेणेव जिणो भयवं तेणेव उवेइ तयणुनाओ सो । कयपंचमुट्टिलोओ सयं पि पव्वाइओ पट्टणा ॥१००७८॥  
 अन्ने वि तत्थ इसरसेणावइसेट्टिसत्थवाहाइ । सिद्धिलियगिहपडिबंधा पुवं पि जिणिदवयणेण ॥१००७९॥  
 दट्टूणं गंगदत्तं पव्वयमाणं विसेसओ एए । तट्टुगिहपेमपासा पव्वइया तयणुमग्गेण ॥१००८०॥  
 ते सिक्खियजइकिरिया पढंति थेराण सन्निहाणम्मि । आयाराईणंगाइं विहरमाणा सहं जिणेण ॥१००८१॥  
 भयत्रं पि विहरमाणो कमेण गामाणुगामनगरेसु । सावत्थीए पत्तो नयरीए बाहिरुज्जाणे ॥१००८२॥

खंदगसूरि कहा—

रइयम्मि समोसरणे देवतिकाएण चउविहंणावि । तत्थ निसन्नो सीहासणम्मि धम्मं परिकहेइ ॥१००८३॥  
नाऊण जिणागमणं सावत्थीनयरिनायगो निवइ । जिपसत्तूनामेणं सामग्गीए समग्गाए ॥१००८४॥  
गंतूण समोसरणे पंचविहाभिगमपुव्वयं तत्तो । तिपयाहिणीकरेऊं नमंसिउं वंदिउं च जिणं ॥१००८५॥  
उव्विसइ उच्चियदेसे कहिज्जमाणं जिणेण निसुणेइ । संसारस्स सरूवं तह सिवमुहसाहणोवायं ॥१००८६॥  
तत्थ जियसत्तुरन्नो तणओ नामेण खंदगकुमारो । देवीए धारणीनामियाए कुच्छीए संभूओ ॥१००८७॥  
सुयधम्मो पडिबुद्धो सएहि पंचहि समं निवसुयाण । पडिबुज्जइ पवज्जं मुणिसुव्वयसामिपासम्मि ॥१००८८॥  
जइकिरियं सिक्खेउं अहिज्जए आगमं पयत्तेण । मुणिसुव्वओ वि सामी तत्तो अन्नत्थ विहरेइ ॥१००८९॥  
विहरंतो य कमेणं कुव्वंतो भवियलोयपडिबोहं । संपत्तो रायगिहे नयरम्मि जयप्पसिद्धम्मि ॥१००९०॥  
तस्स बहि समोसरिओ नीलगुहानामयम्मि उज्जाणे । विन्नायजिणागमणो सुव्वराया तओ ज्जत्ति ॥१००९१॥  
गरुयपरिओसूपुरियहियओ सह सव्वनियविभूईए । रायगिहाओ नयराओ नीहरेऊण बाहिम्मि ॥१००९२॥  
संपत्तो उज्जाणे ओयरिऊणं गइदखंधाओ । पविसेइ समोसरणे पंचविहेणं अभिगमेणं ॥१००९३॥  
दाऊणं तिन्नि पयाहिणाओ नमिऊण वंदिऊणं च । तित्थयरमेगदेसे उव्विसइ तओ सपरिवारो ॥१००९४॥  
मुणिसुव्वओ वि भयवं जोयणवित्थारिणा पसत्थेण । सट्ठेण कहइ धम्मं सदेवमणुयासुरसहाए ॥१००९५॥  
बज्जति जहाजीवा मिच्छताइहि णेगहेऊहि । नाणाइकारणेहि उ मुच्चति जहा भवाहितो ॥१००९६॥  
अह सो सुव्वयराया सोऊणं धम्मदेसणं पहुणो । पडिबुद्धो नमिऊणं जोडियहत्थो भणइ सामि ॥१००९७॥  
जह चेव दुक्खरूवो कहिओ तुम्हेहि एस संसारो । तह चेव मज्झहियए पडिहासइ सामि ! निव्वभंतं ॥१००९८॥  
ता जाव नियं पृत्तं दक्खं नामेण अप्पणो ठाणे । ठावेमि रज्जभारुव्वहणकए ताव आगंतुं ॥१००९९॥  
गिन्हामि तुम्ह पासे दिक्खं नीसेसदुक्खनिट्ठवणं । तो आह भुव्वणनाहो किच्चमिणं चिय विवेईण ॥१०१००॥  
अह सो सुव्वयराया नमिऊण जिणं तओ समुट्ठेउं । आगच्छइ नियभवणे हक्कारइ नियसुयं दक्खं ॥१०१०१॥  
अक्खेउं तस्स पुरो नियभावं तं ठवेइ रज्जम्मि । संवहिऊण सयं पुण आरुहिणं पवरसिबियं ॥१०१०२॥  
दक्खेण नरिदेणं आरूढेणं गइदखंधम्मि । अणुगम्ममाणमग्गो गंतूण जिणिंदपासम्मि ॥१०१०३॥  
पंचहि नरिदनंदणसएहि सह गिन्हेए तओ दिक्खं । सिक्खइ जईण किरियं थेरसमीवे पढइ सुत्तं ॥१०१०४॥  
भयवं पि तत्थ ठाउं कइ वि दिणे भवियलोयवोहट्ठा । तत्तो कुणइ विहारं अत्तेसुं गामनगरेसु ॥१०१०५॥  
अह खंदगअणगारो कमेण अहिगयममग्गसुत्तत्थो । गीयत्थो संजाओ सूरिपए सामिणा ठवओ ॥१०१०६॥  
तेण सह दिक्खयाइं सयाइं पंच वि नरिदपुत्ताण । तस्सेव य परिवारे समप्पियाइं जगप्पहुणा ॥१०१०७॥  
भणिओ य सो जिणेणं जहासमाहीए गामनयरेसु । कुणमाणोपडिबोहं भवियाण तुमं पविहराहि ॥१०१०८॥  
अह सो खंदगसूरी अणुजाणावइ जिणिंदमप्पाणं । गमणत्थं कुंभकारकडनामए तत्थ ॥१०१०९॥  
चिट्ठइ तस्स पुरंदरजसाभिहाणा सट्ठोयरा भइणी । डंडइणा नरवइणा परिणीया पत्थणापुव्वं ॥१०११०॥  
तीसे परिवारस्स य पडिबोहूप्पयणं समीहंतो । तत्तो सिरि मुणिसुव्वयसामी तं एवमाहंसु ॥१०१११॥  
जह तत्थ तुम्ह खंदग! उवसग्गो मारणंतिओ अत्थि । सो विन्नवइ जिणिंदं भयवं ! आराहगा अम्हे ॥१०११२॥  
तत्थ भविस्सामो किं न ? एरिसं कहह अम्ह पसिऊण । साहेइ तओ भयवं तुममेक्कं खंदग ! विमोत्तुं ॥१०११३॥  
पंच वि सया मुणीणं अत्ते आराहगा भविस्संति । तो खंदगेण भणियं एत्तिमेत्ताण साहणं ॥१०११४॥

आराहणा भविस्सइ जइ तत्थगयाण कि न मे लद्धं ? इय भणिऊणं तो कुंभकारकडपट्टणाभिमुहा ॥१०११५॥  
 चलिओ खंदगसूरी नियपरिवारेण सह समग्गेण । भयवं पि भविवग्गं पडिवोहइ तत्थ पइवियहं ॥१०११६॥  
 अन्नम्मि वासरे अह पुरंदरजसा समं परियणेण । नियनयराओ पत्ता नहमग्गेणं जिणसमीवे ॥१०११७॥  
 सा दिक्खिया भगवया तो गणहरमल्लिणा जिणो पुट्टे । कह भूमिगोयरी विह पुरंदरजसा इमा एत्थ ॥१०११८॥  
 नहमग्गेणयाया अह भयवं तस्स साहइ सरुवं । पुरओ सविम्हयाए सदेवमणुयासुरसहाए ॥१०११९॥  
 सावत्थीए पुरीए जियसत्तु नाम अत्थि नरनाहो । सो परमसम्मदिट्ठी जिणधम्मवियारअडकुसलो ॥१०१२०॥  
 तस्ससन्नया तहाविहविब्हजणेहि समं कुणंतस्स । जिणधम्मस्स वियारं समागओ वालगो नाम ॥१०१२१॥  
 डंडइणा नरवइणा पट्टविओ कुंभकारकडपट्टणा । पडिहारेणेस तओ कहिओ जियसत्तुनरवइणो ॥१०१२२॥  
 तेण वि रत्ता जामाउयस्स पुरिसो त्ति गोरेवस्सुचिओ । भणिऊण दारवालाउ झत्ति मोयाविओ एसो ॥१०१२३॥  
 सो कउचियपडिवती रत्ता संभासिओ खणं एककं । तेण वि ससामिसंदिट्टमग्गओ तस्स परिकहियं ॥१०१२४॥  
 जियसत्तुणा वि रत्ता पडिवयणं तस्स तदुचियं दिन्नं । पुणपत्थुओ वियारो धम्मस्स निवेण पारद्धो ॥१०१२५॥  
 सो वालगो पुण महामिच्छदिट्ठी जिणिदधम्मस्स । नाहियवाइत्तेणं पडिसेहं काउमारद्धो ॥१०१२६॥  
 रत्ता उवेक्खिओ सो न किं पि पच्चुत्तरं कयमिमस्स । गोरेविओ जामाउयपुरिसो एसो त्ति चित्तेउं ॥१०१२७॥  
 एमेव विसज्जेउं पारद्धो कारिऊण सम्माणं । एत्थंतरम्मि खंदगकुमरो निवसन्नहिहिसन्नो ॥१०१२८॥  
 अच्चंतसम्मदिट्ठी जीवाइपयत्थलद्धपरमत्थो । भावियचित्तो अच्चंतमरहओ आगमगिराहि ॥१०१२९॥  
 जिणधम्मपक्खवायं वहमाणो तस्स निदमसहंतो । एक्केक्केण वालगवयणाइं अणेगजुत्तीहि ॥१०१३०॥  
 हेऊहिं य दिट्ठं ताणुगाएहिं दूसाए तहा कह वि । जह सो वालगमरुओ पणट्टुपच्चुत्तरो जाओ ॥१०१३१॥  
 एत्थंतरम्मि पासडिण्हि उग्घुट्टुमेरिसं झत्ति । बहुवाराओ जह जयइ सासणं जिणवरस्स जए ॥१०१३२॥  
 अह सो वालगमरुओ विलक्खहियओ विवन्नमुह्वन्नो । पगलंतसेयसलिलो विलज्जिओ निग्गओ तत्तो ॥१०१३३॥  
 गुरोसमुवंहंतो रायमुए खंदगम्मि कुमरम्मि । पत्तो नियपट्टपासे साहइ जियसत्तुपडिवयणं ॥१०१३४॥  
 खंदगकुमरेण तओ पडिवन्ना मज्झ अंतिए दिक्खा । सो उ मए सूरिपए संपइ संठाविओ संतो ॥१०१३५॥  
 एत्तो ठाणाहितो वच्चंतो कुंभकारकडनयरे । मुट्टोवालगमरुगस्स पुव्वरोसं वंहंतस्स ॥१०१३६॥  
 तो तेण साहसमुचियभूमिपएसेसु नयरवाहिम्मि । सव्वत्तो विणिहित्ता आउहनविवा अदीसंता ॥१०१३७॥  
 खंदगसूरी वि तओ संपत्तो तत्थ वाहिरुज्जाणे । नाऊण डंडइनिवो सकलत्तो वंदणनिमित्तं ॥१०१३८॥  
 अइगरुयविभूईए त्रिणिग्गओ वंदिऊण त्रिणएण । तं सूरि सपरियणं उवविट्ठो उचियदेसम्मि ॥१०१३९॥  
 खंदगमुणीसरेण वि पारद्धा धम्मदेसणा काउं । नट्टुविवेया जीवा सुहाभिकंखाए तं किं पि ॥१०१४०॥  
 कम्मं समायरंती इंदियवसवत्तिणो विसयगिद्धा । अनिरुद्धकसायगणा अगणियपरपाणपीडा य ॥१०१४१॥  
 जेणुवचियधणकम्मा नरगाइसु वेयणासमुग्घायं । विसहंता सव्वत्तो कालमणंतं भमंति भवे ॥१०१४२॥  
 तो लद्धविवेएहिं पुरिसेहिं गरुमत्तवन्तेहिं । सव्वेहिं पयारेहिं धम्मो च्चिय होइ कायव्वो ॥१०१४३॥  
 परमत्थओ उ सो उण धम्मो परपाणपीडपरिहरणं । इच्चाइ सूरिकहियं धम्मं सोऊण सव्वो वि ॥१०१४४॥  
 रायाईओ लोओ रंजियचित्तो अईव संजाओ । तो पणमिऊण सूरि समुट्टिओ नियगिहम्मि गओ ॥१०१४५॥  
 राया वि पसंसंतो सूरिगुणे आगओ नियावासे । तो वालगमरुणेण एगंतं मग्गिऊण निवो ॥१०१४६॥

विन्नतो जह एसो आयरिओ देव ! वियलियायारो । पासंडीवेसधरो विमुक्कनियधम्मज्जाओ ॥१०१४७॥  
 सम्मं मए अवगयं तुम्हेहिं इमस्स नेव वीसासो । थेवो वि हु कायव्वो तो राया विम्हयपवन्नो ॥१०१४८॥  
 तं पभणइ जह वालग ! मुंडियगो एस अम्ह किं काही ? । तो भणइ निवं वालगमरुओ जह एस मुंडियगो ॥  
 वीसंभगयं संतं मारेऊणं तुमं तओ रज्जं । तुज्ज गहिस्सइ नियमा जम्हा एयस्स पासम्मि ॥१०१५०॥  
 पंचसया साहूणं जे संति इमे उ अइमहासुहडा । एएसिं एककेकको सहस्सजोही नरिंदसुओ ॥१०१५१॥  
 देव ! जइ इमं सच्चं न होइ तो कहं महं महापावं । एरिसयमसब्भूयं पुरओ देवस्स जंपेमि ॥१०१५२॥  
 सच्चं पि न सक्कज्जइ एरिसयं जंपिउं मुणीणुवरिं । कितु परं जस्स तुहप्पसायओ देव ! जीवामो ॥१०१५३॥  
 तस्स कहं नाऊण वि होंतमवायं उवेक्खिमो अम्हे । जइ देवस्स इहट्टे अपच्चओ वट्टए को वि ॥१०१५४॥  
 तो देवो परिभावउ भूमीए गोविऊण धरियाइं । एएहिं आउहाइं करवालाईणि तिक्खाइं ॥१०१५५॥  
 अह संकिएण रत्ता तो मुणिणो ठाविऊण अन्नत्थ । तेसि पुव्वपएसे खणाविउं पेक्खिया पुहई ॥१०१५६॥  
 दिट्ठाइं आउहाइं जह कहियाइं तओ नरिंदस्स । चित्तम्मि तम्मि अट्टे अइगाढं पच्चओ जाओ ॥१०१५७॥  
 रुट्टेण तओ सो च्चिय आइट्टो वालगो नरिंदेण । जं किं पि उच्चियमेसि तं कुणह तुमं सयं चेव ॥१०१५८॥  
 इय आइट्टो रत्ता समुट्टिउं सो गओ नियावासे । वालगमरुओ चितइ सिद्धं मे वंछियं इन्हि ॥१०१५९॥  
 तो कारिऊण घाणयमुज्जाणे ठाविउं निसासमए । गंतूण सयं ततो खिवाविउं तत्थ एककेकं ॥१०१६०॥  
 अणगारं पीलावइ घाणयनियडम्मि खंदगं सूरिं । उइदट्टियं धरावइ सो वि हु मूरी सुहगिराहिं ॥१०१६१॥  
 अणुसासइ ते साहू एसो सो तुम्ह आगओ समओ । आराहणापडागागहणे सिक्खसोक्खलाहफले ॥१०१६२॥  
 समसत्तुमित्तभावा तुब्भे मुणिणो विमुक्कपडिबंधा । नियदेहम्मि व वि जायह उव्वारिज्जह खमासमणा ॥१६३॥  
 वासीचंदणतुल्ला ता तुम्ह खमा पहाकणथस्स । कसवट्टओ व्व इन्हि समागओ एस उवसग्गो ॥१०१६४॥  
 जीवियविणासजणगो अणोरपारे इमम्मि संसारे । संसरमाणेहिं अणंतसो पत्तपुव्वाइं ॥१०१६५॥  
 जम्मणमरणदुहाइं अविवेयाओ न तेहिं तुम्ह गुणो । संजाओ को वि परं विसेसओ चेव कम्माइं ॥१०१६६॥  
 तुब्भेहिं अज्जियाइं पुणो पुणो जेहिं ताइं दुक्खाइं । जायति समहियाहं इन्हि तु इमम्मि मरणम्मि ॥१०१६७॥  
 समुवट्टियम्मि घोरे समाहिमाणेह जइ नियमणम्मि । अंतोमुहत्तकालं कहमवि सुहभावणावसओ ॥१०१६८॥  
 तो तुब्भे भुज्जो वि हु नो पाउव्वभवह इह भवे भीमे । संपावह इत्ति विमुत्ति सोक्खमक्खयमणाबाहं ॥१०१६९॥  
 नरए अणंतवारं उप्पन्नेहिं सकम्मवसगेहिं । तुब्भेहिं वि सहियाइं निरंतरं तिक्खदुक्खाइं ॥१०१७०॥  
 पलिओवमअयरोवमपमाणकालं इमं तु तुम्ह दुहं । खणमेत्तं चिय होही उवरिं तु निरंतरं सोक्खं ॥१०१७१॥  
 एसो वालगमरुओ तुम्ह सहाओ विसेसओ चेव । कम्मक्खयकरणसमुज्जयाण वरसमणसीहाण ॥१०१७२॥  
 ता एयम्मि न कोवो करणिज्जो को वि होइ तुम्हाणं । वाला वि न कुप्पंति य उक्कारुप्पायगजणम्मि ॥१७३॥  
 किं च सकम्मस्स फलं तुब्भे अणुहवह सव्वमेवेयं । मा मन्निज्जह एयं वरयं दुहकारात्तेण ॥१०१७४॥  
 मोत्तूण नियं कम्मं पुव्वकयं जेण सव्वजीवाणं । अन्नो को वि न सक्को काउं सोक्खं व दुक्खं वा ॥१०१७५॥  
 जो को वि किं पि दीसइ उप्पायंतो परस्स सुहमसुहं । तक्कम्म पेरिओ च्चिय करेइ सो तस्स तं सव्व ॥१०१७६॥  
 तम्हा तस्सेव नियस्स कम्मणो निग्गहम्मि सव्वेहिं । लद्धवरविवेएहिं पयट्टियव्वं पयत्तेण ॥१०१७७॥  
 न उणो परूसियव्वं परम्मि पच्चक्खमवयरंते वि । जिम्हा एस वराओ परआणाकारओ चेव ॥१०१७८॥

ता एस महाभागो अणंतभवभायणं ध्रुवं होही । कम्मक्खओवयारं तुम्ह कुणंतो दयाजोगो ॥१०१७९॥  
 अणुहवइ न को वि जओ परकयकम्मस्स लेसमेत्तं पि । तो सकयमणुहवंतो जीवो कि दुम्मणो होइ ॥१०१८०॥  
 तुम्हे उत्तिमखत्तियकुलसंभूया महान्तिरिदाण । अंगुम्भवा य तम्हा परस्स कज्जे वि तुम्हेहिं ॥१०१८१॥  
 चइयव्वं नियजीयं तणं व समरंगणे पविट्ठं हिं । निसियसरसेल्लभल्लाभिघायसल्लियसरीरेहिं ॥१०१८२॥  
 किं पुण नियकज्जम्मि वि न करिस्सह एरिसं सुहफलम्मि । इच्चाइदेसणाए ते खंदगसूरिणा सब्बे ॥१०१८३॥  
 तह कह वि परमसंवेयमग्गमवयारिया जहा तेहिं । सुहभावणागएहिं मुणिया न मणं पि तणुपीडा ॥१०१८४॥  
 ते वालगेण मुणिणो चडाविया तम्मि दारुणे जंते । गणिणा उ खंदगेणं सुहयाए खवगसेदीए ॥१०१८५॥  
 विदलिज्जंति मुणीणं तेसिं जंतेण अंगुवंगाइं । सुक्कज्जाणेणं तो कम्माइं पुणो समग्गाइं ॥१०१८६॥  
 इय ते महाणुभावा भीएहिं व जंतपीलणदुहाओ । सब्बेहिं वि कम्मेहिं लहुमुक्का सिवपयं पत्ता ॥१०१८७॥  
 खंदगसूरी पुण घाणयस्स नियडट्ठिओणगाराण । भरिओ रुहिरचिरिककाहिं सब्बओ पीलयंताण ॥१०१८८॥  
 पज्जंते खुड्डुलओ अणगारो वालगेण आणिओ । जंतम्मि पीलणत्थं तो खंदगसूरिणा भणिओ ॥१०१८९॥  
 भो भो वालग ! एयं मा पीलावेहिं खुड्डुगं इन्दिं । मं चेव ताव पुव्वं पीलावह एत्थ जंतम्मि ॥१०१९०॥  
 तो वालगो दुरप्पा चित्तइ नियमाणसे इमं अट्ठं । जह खंदगस्स बाढं पडिबंधो खुड्डुगे एत्थ ॥१०१९१॥  
 तो सेस सियवडेसुं पीलिज्जंतेसु तारिसं दुक्खं । एयस्स न संजायं भविस्सए जारिसं इन्दिं ॥१०१९२॥  
 पीलिज्जंते एयम्मि खुड्डुगे एयमेव ता पढमं । पीलावेमि जहेसो दुक्खाविज्जइ मणे बाढं ॥१०१९३॥  
 एयस्स चेव दुक्खुप्पायणहेउं इमो समारंभो । एण चेव जम्हा अवरद्धं मे न सेसेहिं ॥१०१९४॥  
 इय चित्तिऊण ततो पेक्खंतस्सेव सूरिणो तस्स । सुबहुं कयत्थिऊणं खिवाविओ खुड्डुगो जंते ॥१०१९५॥  
 सो वि सुहदेसणाए खंदगसूरिस्स तिक्खसंवेगे । तह कह वि समारूढो जह पत्तो सासयं ठाणं ॥१०१९६॥  
 पच्छा खंदगसूरी वालगमरुगस्स तारिसं दट्ठं । अइसयपडिकूलत्तं कोहहुयासेण पज्जलिओ ॥१०१९७॥  
 बंधइ नियानुमेयं जइ मज्झ तवस्स अत्थि कि पि फलं । तो हं सज्जणवयस्स वि इमस्स तयस्स सब्बस्स ॥१९८॥  
 सदुपयचउप्पयस्स वि सबालगस्स वि सपत्थिवस्सावि । होज्जामि वह ट्ठाए विहियनियाणो इमो एवं ॥१०१९९॥  
 जंतेण पीलियंगो मरिऊण कसायदूसिओ संतो । अग्गिक्कुमारत्ताए उप्पन्नो भवणवासिसुरो ॥१०२००॥  
 अह जायम्मि पभाए उज्जाणे घाणयस्स पासम्मि । जंतनिपीलिज्जंताणेगमुणीणं तणूहिन्तो ॥१०२०१॥  
 निक्खंतवहलसोणियमंसावसाविहियबहुयचिक्खल्ले । रत्तविलित्तं पडियं खंदगसूरिस्स रयहरणं ॥१०२०२॥  
 पेक्खेऊण एक्केण गिद्धविहगेण बाहुजुयहत्यो । एसो चिट्ठइ पडिओ एत्थ इमं संकमाणेणं ॥१०२०३॥  
 चंचुपुडेणं उप्पाडिऊण नेउं पुरंदरजसाए । नियपासायनिसन्नाए अग्गओ कह वि लहु मुक्कं ॥१०२०४॥  
 तं दट्ठूणं तीए कंबलरयणस्स रायदिन्नस्स । खंडेण कयनिसेज्जं नायं मह भाउणो एयं ॥१०२०५॥  
 पच्छा डंडइराया तीए निब्भच्छिओ परुट्ठाए ; हा पाविट्ठा ! किमेयं तए कयं अइमहापावं ॥१०२०६॥  
 नूण विणट्ठो सि तुमं न होसि सह सयलरज्जरट्ठेण । इच्चाइ जंपिऊणं गरुयपलावं करेमाणी ॥१०२०७॥  
 सन्निहियदेवयाए उप्पाडेऊण गरुयकरुणाए । पव्वज्जमणा एसा सपरियणा एत्थ आणीया ॥१०२०८॥  
 अह सो खंदगदेवो अंतमुहुत्तेण चेव संजाओ । पज्जत्तो सब्बाहिं वि पज्जत्तीहिं तओ एसो ॥१०२०९॥  
 ओहिं पउंजइ जहा पुव्वभवे कि मए समायरियं । सुहकम्मं जेण इसा संपत्ता परमदेविड्ढी ॥१०२१०॥  
 इय सो दिण्णुवओगो वालगमरुगस्स डंडइनिवस्स । दुक्खेद्वियं मुणेउं पज्जलिओ झ ति कोवेण ॥१०२११॥

आगतूणं तं कुंभकारकडनयरमग्गिणा सव्वं । सजणवयं सनरवइं सबालगं चैव निड्डुहइ ॥१०२१२॥  
सो तेत्तिओ वि देसो दड्ढो संतो सुरेण सव्वो वि । जाओ जणम्मि डंडयअरन्नमिय नामधेएण ॥१०२१३॥  
इय कहियम्मि भगवया संदेवमणुयामुरा वि सा परिसा । खंदगसीसाण खमागुणेण विम्हियमणा संती ॥१०२१४॥  
नियसीसाइं धुणंती मउलियपाणी करेइ पणिवायं । तेसि मुणिवसभाणं तहा वि साहियसकज्जाणं ॥१०२१५॥  
चित्तइ य कसायाणं माहप्पमईविरसपरिणामं । इह परलोए य परस्स अप्पणो गुरुदुहनिमित्तं ॥१०२१६॥  
तत्थ बहुया वि मणुया परिभावेता तहाविहसख्वं । संसारस्स विरत्ता दिक्खं गिन्हंति जिणपासे ॥१०२१७॥  
केइ गिहत्था वि ठिया नियमं गिन्हंति कोवकरणस्स । वेराणुबंधपरिणामसंकिया कंफमाणमणा ॥१०२१८॥  
अह मुणिसुव्वयसामी तत्तो अत्तेसु गामनयरेसु । कुणइ कमेण विहारं पडिबोहंतो भवियवग्गं ॥१०२१९॥  
अन्नसमयम्मि पत्तो रायगिहे विहरमाणओ भयवं । नीलगुहावणसंडेसमोसडो फामुयपएसे ॥१०२२०॥  
उज्जाणवालएणं गंतुं वद्धाविओ तओ ज्जत्ति । तित्थयरागमणनिवेयणेण दक्खो महाराया ॥१०२२१॥  
तेणावि तस्स वद्धावयस्स तुट्टेणं रययलक्खाइं । बारस उ दावियाइं पत्ताससहस्स अहियाइं ॥१०२२२॥  
तो संबहिऊण सयं नीसेसाए वि नियविभूईए । तित्थयरवंदणत्थं दक्खनिवो नीइ नयरओ ॥१०२२३॥  
गंतूण तत्थ हत्थिक्खंधाओ ओयरैइ दूराओ । पविसेइ समोसरणे पंचविहेणं अभिगमेणं ॥१०२२४॥  
तिपयाहिणीकरेउं नमिउं थुणिउं च जिणवरं तत्तो । तित्थं मुणिणो नमिउं उच्चियपएसम्मि उवविसइं ॥१०२२५॥  
भयवं पि तित्थनाहो सुरमणुयसमन्नियाए परिसाए । पुरओ साहइ धम्मं मुणिसावयभेयओ दुविहं ॥१०२२६॥  
तं सोऊणं बहवे संबुद्धा पाणिणो वयं के वि । देसविरइं च केवि सम्मत्तं के वि पडिबन्ना ॥१०२२७॥  
इय पइदिणं पि भयवं करेइ भविघाण तत्थ उवयारं । अन्नदिणे सुव्वयमुणिमसेससुत्तत्थपारगयं ॥१०२२८॥  
नाऊणं सूरिपए सिरिमुणिसुव्वयजिणेसरो टवइ । सह पव्वइयमुणीणं पंचसाए तस्स परिवारे ॥१०२२९॥  
अप्पेऊण विसज्जइ तमियरठाणेसु विहरणनिमित्तं । वच्चइ सो वि सगुरुणो तह त्ति पडिबज्जिउं आणं ॥१०२३०॥  
मुणिसुव्वओ वि अरहा अणेगसुरकोडिपरिवुडो तत्तो । रायगिहाओ नयरओ नीहरेऊण वाहिम्मि ॥१०२३१॥  
विहरइ भवियसरोरुहसंडाण विवोहणं कुणेमाणो । एत्तो य हत्थिणउरे पत्तो परिवायगो एगो ॥१०२३२॥  
कत्तियसेट्ठि कहा—

सो मासं मासेणं खविऊण सया वि पारणं कुणइ । तो तस्स नयरलोओ आउट्टो कुणइ बहुभत्ति ॥१०२३३॥  
पविसइ पारणहेउं जम्मि दिणे एस नयरमज्झम्मि । तइया नियनियठाणाओ उट्टिऊणं नयरलोओ ॥१०२३४॥  
गुरुसंभमेण पणमइ तं चरणोवरि निहित्तनियसीसो । भमइ य पट्टिविलग्गो तवेण रंजियमणो तस्स ॥१०२३५॥  
तत्थसत्थि तया सेट्ठी कत्तियनामो पभूयविहवपहू । नणामणिरयणहिरन्नमाइपडिपुन्नबंधारो ॥१०२३६॥  
अव्भुद्धारो दीणाणाहाइ जणाण सुद्धववहारो । रायाइमाणणिज्जो समगगनेगमणपहाणो ॥१०२३७॥  
अइपरमसम्मदिट्ठी जिणिन्दसासणवियारविउलमई । जाणियजीवाजीवो सुविणिच्छियपुत्तपावो य ॥१०२३८॥  
आसवसंवरनिज्जरचउरो कुसलो य बंधमोक्खेसु । तह अट्टिमिजपेम्माणुरायरत्तो जिणमयम्मि ॥१०२३९॥  
जहसो ससुरिदेहिं वि देवोहिं जिणिदभणियधम्मओ । चालेउं नो तीरइ मेरु व्व महासमीरेहिं ॥१०२४०॥  
वारसभेयम्मि वि सावयस्स धम्मम्मि पइखणं चैव । चित्तम्मि अप्पमत्तो दूरपरिचत्तमिच्छत्तो ॥१०२४१॥  
एसोनियहट्टिओ पुरो वि तं पासिऊण वच्चंतं । परिवायगं न भुमयामेत्तं पि हू नामए तस्स ॥१०२४२॥  
अन्नत्थ खिवइ दिट्ठिं न पेक्खए सम्मुहं पि एयस्स । तस्सुवरि तओ एसो कोवं परिवायगो बहइ ॥१०२४३॥  
अन्नम्मि दिणे राया जियसत्तु तस्स पारणदिणम्मि । परिवायगस्स पासे वच्चइ पणमइ य विणएण ॥१०२४४॥

नियमंदिरम्मि भोयणकरणत्थं पत्थए पयत्तेण । राया तं परिवायगमेसो वि न मन्नए कह वि ॥१०२४५॥  
 अइगरुए निब्बंधे कयम्मि रत्ता पभासए एसो । निव ! तुह नयरपहाणो जइ सेट्टी कत्तिओ नाम ॥१०२४६॥  
 परिवेसइ मज्झ तओ करेमि तुह मंदिरम्मि ! पारणयं । तो राया नियहियए चितइ जह दुग्घडं एयं ॥१०२४७॥  
 जं किर कत्तियसेट्टी मोतूण जिणिददंसणं एककं । अन्नस्स कुणइ किचि वि ता पडिसेहेमि एयमहं ॥१०२४८॥  
 इय चित्तिऊण रत्ता भणियं कि तुह इमेण वणिणए ? । सामंतमंडलीयाइणो समीवाओ अन्नस्स ॥१०२४९॥  
 कस्स वि गरुयस्स अहं परिवेसावेमि तुज्ज अहं एसो । नो मन्नइ तं वयणं तो राया भणइ तं भुज्जो ॥१०२५०॥  
 परिवेसेमि सयं चिय तुज्ज अहं मुयह इममसग्गाहं । परिवायगेण भणियं कि नरवर ! वयसि पुणरुत्तं ॥१०२५१॥  
 एसा मज्झ पइत्ता जइ सेट्टी कत्तिओ सहत्थेण । परिवेसइ मज्झ तओ भुंजामि गिहे तुहऽन्नह नो ॥१०२५२॥  
 तो राया निब्बंधं तस्स परिवायगस्स नाऊण । मिच्छत्तमोहियमई पडिवज्जइ तं पि तव्वयणं ॥१०२५३॥  
 तं पणमिऊण तत्तो कत्तियसेट्टिस्स वच्चइ गिहम्मि । सो दट्ठूण नरिदं एतं अब्भुट्ठिओ समुहो ॥१०२५४॥  
 अइगरुयसंभमेणं नमिउं तं आसणे मणुत्तम्मि । उववेसइ परियणमवि जहुचियपडिवत्तिकरणेण ॥१०२५५॥  
 सयमुवविसिउं तत्तो जोडियपाणी पुरो नरिदस्स । विन्नवइ किमज्ज कओ देवेण महापसाओ मे ॥१०२५६॥  
 निर्याकिकरस्स उवरि जं आगतूण सपयपउमेहि । महमंदिरं फरसियं तो राया भणइ सुपसन्नो ॥१०२५७॥  
 मा वयह सेट्टि ! एवं न किकरो तं सि कितु मह नयरे । सव्वुत्तमो सि सव्वस्स माणणिज्जो मह दुइज्जो ॥५८  
 अइबलियभत्तिजुयजणगिहम्मि कइया वि गरुयपीइवसा । सामी सयमेव उवेइ विम्हओ को वि इह नत्थि ॥५९  
 इय जंपियम्मि रत्ता कत्तियसेट्टी समगनियविहवं । आणेऊणं ढोयइ पुरओ जियसत्तुनो रत्तो ॥१०२६०॥  
 विन्नवइ जोडियकरो जह देवो गरुयऽणुग्गहं काउं । गिन्हउ समग्गमेयं जम्हा अम्हेच्चयं सव्वं ॥१०२६१॥  
 जीवियकुडुंबविहवप्पमुहं देवस्स चेव पडिबद्धं । तो को वि इह विगप्पो होइ न देवेण कादव्वो ॥१०२६२॥  
 तो जंपइ नरनाहो सेट्टि ! तुमं जारिसं समुल्लवसि । तं तारिसं चिय ध्रुवं थवं पि न अन्नहा एत्थ ॥१०२६३॥  
 कितु जया उप्पज्जइ किचि वि कज्जं तहाविहं तइया । भंडारियाउ दव्वं निययाउ वि गिन्हए सामी ॥१०२६४॥  
 कज्जेण विणा वि पुणो वत्तं पि न तस्स पुच्छइ कया वि । तह मह पडिबद्धो च्चिय संतो एसो समग्गो वि ॥१०२६५॥  
 विहवो सेट्टि इयाणिं संचिट्ठउ तुज्ज चेव पासम्मि । तुह संतिएण अम्हे आणाकारित्तणेणेव ॥१०२६६॥  
 संतुट्ठा चिट्ठामो सयावि ता संपयं न कि पि तए । भणियव्वं इह अट्टे मज्झ च्चिय संतियाणा ते ॥१०२६७॥  
 तो विन्नवइ नरिदं कत्तियसेट्टी सिरट्ठियकरग्गो । संभावउ मं देवो आणादाणेण केणा वि ॥१०२६८॥  
 तो आह तं नरिदो मज्झाणा जइ तए कया होइ । पढमा सेट्टि ! तओ हं देमि दुइज्जं पि ते आणं ॥१०२६९॥  
 इय जंपियम्मि रत्ता सेट्टी सव्वं पि तं विहवसारं । ऊसारावेऊणं तत्तो ठावइ नियट्ठाणे ॥१०२७०॥  
 राया पयंपइ तओ सेट्टि ! कहिज्जउ सकज्जमिन्हि ते । सेट्टी जंपइ सिग्गं देवो सपसायमाइसउ ॥१०२७१॥  
 तो बेइ तं नरिदो सयमागमणे इहऽम्ह कज्जमिणं । इन्हि चिय सेट्टि ! जओ निमंतिओ चिट्ठए सगिहे ॥१०२७२॥  
 अज्ज मए परिवायग खवगवरो भोयणस्स करणत्थं । तो मे गिहमागतं परिवेसिज्जा तुमं तस्स ॥१०२७३॥  
 इय सोऊणं सेट्टी सज्जो वज्जेण ताडियसिरो व्व । जाओ न कि पि जंपइ नियचित्ते चित्तए एवं ॥१०२७४॥  
 परलोयविरुद्धमिणं रत्ता जियसत्तुणा समाइट्टं । तो मज्झ काउमुचियं संजायइ नो इमं कह वि ॥१०२७५॥  
 इहलोयपभू राया रुट्टो मे विहवजीवियं हरइ । सम्मत्तमइलणे पुण पणस्सए मज्झ परलोओ ॥१०२७६॥

ता इह लोगनिमित्तं हारइ विबुहो न को वि परलोयं । किंतु मए निवभावं मणोगयं अमुणिऊण तओ ॥१०२७७॥  
सयमेव उच्छहेउं आएसो पत्थिओ नरिदाओ । ता नियवयणविरोहो इन्हि पि न काउमुचिओ मे ॥१०२७८॥  
संपाडिज्जउ संपइ ता एयं जंपियं नरिदस्स । पच्छा वि जमुचियं मे इह अट्टे तं करिस्सामि ॥१०२७९॥  
इय चित्तिऊण पभणइ सेट्ठी जह देव ! एत्थ विसयम्मि । जावज्जीवं पि मए अभिग्गहो चिट्ठए गहिओ ॥१०२८०॥  
जह जिणसासणबज्जाण इयरतित्थीण पणमणाईओ । विणओ न को वि कज्जो सो भज्जइ संपयं मज्झ ॥१०२८१॥  
परिवायगस्स परिवेसणेण परमेत्थ देवआएसो । मज्झ अविलंघणिज्जो करणिज्जो चेव सो तम्हा ॥१०२८२॥  
तो आह तं नरिदो चिट्ठामि अहं पि एरिसं अट्टं । सेट्ठि ! सयं पि मुणंतो जं किर तुह दुक्करं एयं ॥१०२८३॥  
किंतु परं धम्मत्थित्तणेण काऊण तुज्झ आसंघं । पडिवन्नो कह वि असग्गहो वि एसो मए तस्स ॥१०२८४॥  
पायच्छित्तमिहट्टे तुमं करिज्जामि कि पि ता उचियं । तो सेट्ठिणा पभणियं जं देवो आणवेइ त्ति ॥१०२८५॥  
सेट्ठि अणुन्नवेउं अह तत्तो उट्ठिऊण जियसत्तू । नरताहो नियभवणे संपत्तो तत्थ समयम्मि ॥१०२८६॥  
जाए भोयणहेउं हक्कारेऊण तम्मि नीयम्मि । परिवायगम्मि पच्छा रायाएसेण सेट्ठी वि ॥१०२८७॥  
तत्थ गओ परिवेसइ भत्तं परिवायगस्स सो उ पुणो । तज्जेइ अंगुलीए अभिक्खणं सेट्ठिमइहिट्ठो ॥१०२८८॥  
किर एस तस्स भावो चित्ते परिवायगस्स जह पुवं । आसि तुमं अइथइहो समुहं पि न मे पलोयंतो ॥१०२८९॥  
इन्हि पुण परिवेससि तुमं सि ता लट्ठओ मए दमिओ । सेट्ठी वि तस्स भावं इमं मुणंतो वि नो वेइ ॥१०२९०॥  
चित्तइ इमं सचित्ते कि चोज्जं जमिहगिद्धचित्ताण । भोगेसु विवागसुदारणेसु जीवाण मूढाण ॥१०२९१॥  
गेहम्मि वसताणं एवविहपरिभवो समुब्भवइ । सम्मत्तमइलणाए जणओ माणसियदुहहेऊ ॥१०२९२॥  
ता धिद्धी गिहवासे संवसणं लट्ठवरविवेयाण । सो चेव गंगदत्तो पसंसणिज्जो परं भुवणे ॥१०२९३॥  
जो चइऊण कलत्तं पुत्तं मित्तं समग्घरसारं । तइया सिरिमुनिसुव्वयसामिसमीवम्मि पव्वइओ ॥१०२९४॥  
जइ एवमहं पि तया कह वि कुणंतो तओ न एयस्स । एवविहस्स परपरिभवस्स इह भायणं होंतो ॥१०२९५॥  
इय चित्तंतो भुंजाविऊण परिवायगं तयं तत्तो । निमांतूण गओ जियसत्तुनरिदस्स पासम्मि ॥१०२९६॥  
पव्वज्जागहणत्थं अणुजाणावइ इमं तओ राया । कत्तियसेट्ठि पभणइ पव्वज्जं वज्जिऊणेक्कं ॥१०२९७॥  
अन्नं विन्नवसु तुमं जं किं पि मणस्स तुज्झ पडिहाइ । भुवणम्मि विज्जमाणं तु दुलहं पि तहा तयं जत्ति ॥१०२९८॥  
संपाडेमि अहं तुह विन्नवइ पुणो वि तं निवं सेट्ठी । पव्वज्जं मोत्तूणं पडिहाइ न किं पि मह अन्नं ॥१०२९९॥  
तो भणइ तं नरिदो मए वि पडिसेहिया इमा पढमं । आह निवं पुण सेट्ठी नियपडिवन्नं पि कह देवो ॥१०३००॥  
नो संपाडइ इन्हि पडिसेहइ जाव इय पयत्तेण । तो आह निवो सेट्ठि कि पडिवन्नं मए कहसु ॥१०३०१॥  
तो विन्नवेइ सेट्ठी गएण मह मंदिरम्मि देवेण । परिवायगपरिवेसणविसए दंतेण आएसं ॥१०३०२॥  
पायच्छित्तनिसेवणमणुनायं मज्झ नियमुहेणेव । तो आह निवो सेट्ठि चर पायच्छित्तमिच्छाए ॥१०३०३॥  
तत्थ न पडिसेहमहं थेवं पि करेमि तुज्झ वरसेट्ठि ! । अह सेट्ठी आह निवं इमस्स मे नियमभंगस्स ॥१०३०४॥  
पव्वज्जा चेव भवे पायच्छित्तं न किं पि अन्नयरं । तो राया निब्बंधं नाऊण इमं विसज्जेइ ॥१०३०५॥  
अह रत्ताणुत्ताओ कत्तियसेट्ठी समुट्ठिउं तत्तो । हिट्ठमणो नमिऊणं निवइं नियमंदिरे वयइ ॥१०३०६॥  
आपुच्छइ सकुडुवं तयणुत्ताओ तओ कुडुवंम्मि । ठावेइ जेट्टपुत्तं कारइ जिणमंदिरेसु तओ ॥१०३०७॥  
सव्वेसु पवरपूयं दीणाणाहाइयाण दाणाइं । दावेइ जहिच्छाए पभावणं कुणइ जिणधम्मे ॥१०३०८॥  
सम्माणइ सुहिसयणं आहारेणं चउव्विहेणावि । वत्थेहि य पडिलाभइ भत्तिजुओ सयलसंघं पि ॥१०३०९॥



इच्चाइधम्मकिच्चे तेण विणिम्मावियम्मि सव्वम्मि । मुणिसुव्वओ वि अरहा समोसढो तत्थ आगंतुं ॥१०३१०॥  
 नाऊण जिणागमणं कत्तियसेट्टी पमोयपडहच्छो । निग्गच्छइ नयराओ निययाए सव्वइड्ढीए ॥१०३११॥  
 गंतूण समोसरणे पविसेउं पंचविहअभिगमेण । तिपयाहिणीकरेउं नमिऊण जिणं सपरिवारं ॥१०३१२॥  
 उच्चियट्ठाणनिविट्ठो धम्ममुन्नएसं तओ निसामेउं । नेगमसहस्ससहिओ पडिबुद्धो गिन्हए दिक्खं ॥१०३१३॥  
 सिरिमुणिसुव्वयपहूणो पासे किरियं जईण सिकखेउं । थेराण अंतिए पढइ आगमं परमविणएण ॥१०३१४॥  
 कवइवयदिणपज्जंतो हत्थिणउरनथरओ तिजयनाहो । बहिया जणवयमज्जे विहरइ भविए विबोहंतो ॥१०३१५॥  
 अह गंगदत्तसाहू पढिउं एक्कारसेव अंगाइ । मासं विहियाणसणो समाहिसहिओ मरेऊण ॥१०३१६॥  
 सुक्कम्मि देवलोए जाओ देवो महिडिडसंपन्नो । कत्तियसाहू सह जिणवरेण देसेसु विहरंतो ॥१०३१७॥  
 अंगाइ समग्गाइं वि अहिज्जिऊणं वियाणियतयत्थो । संजाओ गीयत्थो अह बारसवासपरियाओ ॥१०३१८॥  
 कयविहत्तवोकम्मो संलिहियप्पा तओ कयाणसणो । कालं काऊण समाहिसंजुओ पढमकप्पम्मि ॥१०३१९॥  
 कप्पाहिबई जाओ वत्तीसविमाणसयसहस्स पहू । दो सागरोवमाऊ कुलिसकरो तियसगणपणओ ॥१०३२०॥  
 जेण परिवायगेणं निवइं भणिऊण कत्तिओ सेट्टी । भत्तपरिवेसणं कारिओ वला अप्पणो पुब्बि ॥१०३२१॥  
 आवज्जियाभिओगियकम्मो मरिऊण सो समुप्पन्नो । अभिओगियदेवेसुं तस्सेव य वाहणत्ताए ॥१०३२२॥  
 लीलाए विलसंतो इंदनिओगियसुरेहिं सो भणिओ । भो एरावण ! पवरं करिणो रूवं विउव्वेहि ॥१०३२३॥  
 जह आरुहइ सुरिदो ताहे नाऊण सो विभगेण । नाणेण देवरायं तं कत्तियसेट्टिणो जीवं ॥१०३२४॥  
 न विउव्वइ करिरूवं हूडेण भणिओ तओ विउव्वेइ । दो कुंजररूवाइं तओ सुरिदो वियाणेउं ॥१०३२५॥  
 एरावणमनभावं सयं पि काऊण दोन्नि रूवाइं । दोसु वि कुंजररूवेसु तेसु आरुहइ सिग्घं पि ॥१०३२६॥  
 एवं जावइयाइं कुंजररूवाइं सो विउव्वेइ । सक्को वि तेत्तियाइं नियरूवाइं विउव्वेउं ॥१०३२७॥  
 आरोहइ सव्वेसु वि तेसु तओ तस्स अइसयप्पसरं । दट्ठूण किंचि रूठो ताडइ वज्जेण तं सीसे ॥१०३२८॥  
 तग्घायवेयणाए भीओ पच्छा समुज्झियवियारो । साहावियरूवेणं ठिओ परिन्नायपरमत्थो ॥१०३२९॥  
 भयवं पिं विहरमाणो कमेण पत्तो पुरम्मि भरुयच्छे । रेवानइतीरठिए तस्स य नयरस्स बाहिम्मि ॥१०३३०॥  
 पुव्वुत्तरदिसिभाए सुरेहिं निम्माविए समोसरणे । मज्झम्मि तत्थ ठविए मणिमयसीहासणे रुद्धे ॥१०३३१॥  
 उवविट्ठो भुवणगुरू धम्मं वागरइ महुरवाणीए । सुरनरतिरियाणं जुगवमेव मोहं हरंतीए ॥१०३३२॥  
 एत्थंतरम्मि पत्तो राया जाणियजिणेसरागमणो । तत्थ जियसत्तुनामो सव्वाए नियविभूईए ॥१०३३३॥  
 सो उच्चियविहाणेणं नमिऊण जिणेसरं पुरो तस्स । उवविसइ जोडियकरो उवउत्तो सुणइ तव्वयणं ॥१०३३४॥  
 अह जेट्ठो गणहारी मल्लीनामेण अवसरं लहिउं । आपुच्छइ तित्थयरं जह भयवं इह समोसरणे ॥१०३३५॥  
 सुरनरतिरियागणं अणेगकोडीसएहिं पडिपुत्ते । सम्मत्तमब्भुवगयं कि परिमाणेहिं जीवेहिं ॥१०३३६॥  
 संसारमहाजलहीसंखित्तो केहिं अत्तणो विहिओ । केहिं व भायणमप्पा जहुत्तराणं सुहाण कओ ॥१०३३७॥  
 तो आह भुवणनाहो तहाविहेणं अउव्वजीवेण । नो केणइ एगं चिय मोत्तुं जियसत्तुनिवतुरयं ॥१०३३८॥  
 तो जियसत्तू राया जंपइ जह भुवणनाह ! अच्छरियं । पुच्छेयव्वं चिट्ठइ तुम्ह समीवे मए एयं ॥१०३३९॥  
 आसरयणे विलग्गो नीहरिऊणं अहं नियगिहाओ । एंतो महिडिडकलियं दट्ठूण पुरो समोसरणं ॥१०३४०॥  
 ओरुहिउं तुरयाओ पयचारेणं पयट्ठिओ एत्थ । आगंतुं जाव तओ सयलजणाणंदसंजणणिं ॥१०३४१॥  
 महुरं फुडक्खरत्थं सजलमहामेहगज्जिररवसरिसं । निसुणंतो तुम्ह गिरं सो अम्ह तुरंगमो अत्ति ॥१०३४२॥

आणंदपूरियमणो जाओ ऊसवियरोमकूवतण् । धाराहयं व कुसुमं कयंबविडविस्स वासासु ॥१०३४३॥  
 पहरिसपगलंतजलप्पवाहनयणो निमीलियच्छिजुओ। निक्कंपकन्नजुयलो कंचि वि कालं ठिओ तुरओ॥१०३४४॥  
 तत्तो धम्मयान्नणदिण्णुवओगो समागओ सणियं । समवसरणस्स तोरणसमीवदेसम्मि तत्थ तओ ॥१०३४५॥  
 अणुहवमाणो कंचि वि नवविम्हयरसविसैसमणुसमयं । गंभीरेण महुरस्सरेण हेसारवं काउं ॥१०३४६॥  
 अग्गिमजंघाजुयलं निवेसिऊणं वसुधरावोढे । तह सह सिरोहराए धरिऊण सिरं महियलद्धे ॥१०३४७॥  
 तत्तो कयप्पणामो तहट्टिओ चेव एस अच्छेउ । आढत्तो साहंतो व्व भावं मन्नग्गयं निययं ॥१०३४८॥  
 तं तारिसस्सरूवं ताहे अम्हे पलोइउं महया । कोऊहलेण पूरियहियया इह आगया झ त्ति ॥१०३४९॥  
 तुम्ह पयजुयलपासे साहउ भयवं तओ किमेयं? ति । तो भगवया पभणियं सोम! समायन्नसु सचित्तो॥१०३५०॥  
 सागरदत्तसेट्टि कहा—

एत्थेव भरहवासे पोमिणिसंडं ति अत्थि वरनयरं । तत्थ जिणधम्मनामो सड्ढो परिवसइ विहवड्ढो॥१०३५१॥  
 तस्स य मित्तो सागरदत्तो नामेण तस्स नयरस्स । सब्वस्स पहाणयरो सविहवजियवेसमणसामो ॥१०३५२॥  
 सरलो परोवयारी दीणाणाहाइवच्छलो निच्चं । जिणधम्मसावएणं सह जाइ जिणालए एसो ॥१०३५३॥  
 तत्थ समुवागए साहुणो य भत्तीए पज्जुवासेइ । धम्मं आयन्नइ अन्नया य निसुणइ इमं गाहं ॥१०३५४॥  
 जो कारवेइ पडिमं जिणाण जियरागदोसमोहाण । सो पावइ अन्नभवे भवमहणं धम्मवररणं ॥१०३५५॥  
 एयं गाहं सवणंतरालसंपत्तमेत्तमेवेसो । नियहियए संठावइ गिन्हइ परमत्थबुद्धीए ॥१०३५६॥  
 अक्खेवेण तओ सो कारइ कंचणमयं जिणप्पडिमं । निव्वत्तेइ पइट्ठावणं च तीसे विभूईए ॥१०३५७॥  
 तेण य बाहि नयरस्स तस्स पुव्वं पि कारियं अत्थि । रुद्दाययणं एगं तत्थ पवित्तारुहणदियहे ॥१०३५८॥  
 पव्वइएहि पुव्वं पि संचिया घयषडा मढाहितो । कड्ढेउं आढत्ता पूरणकज्जेण लिगस्स ॥१०३५९॥  
 तेसु य घडेसु घयसंतिएसु चिट्ठंति हेट्टुओ लग्गा । पिडीभूया उद्देहिया बहू ताओ तेहितो ॥१०३६०॥  
 निवडंति मेइणितले तत्तो पडियाओ ताओ मग्गम्मि । चंपति संचरंता ते पव्वइया सपाएहि ॥१०३६१॥  
 निहणं नेति य तत्तो सागरदत्तो दयारसियचित्तो । वत्थंचलेण मग्गाओ दूरमोसारिउं नेइ ॥१०३६२॥  
 तो एगो जडहारी तं तह उद्देहियाओ रक्खंतं । पेक्खेऊणं रोसारुणाणणो करणघाएहि ॥१०३६३॥  
 उद्देहियाण पुंजं एगं दलिऊण जंपए एवं । इन्हि सेयवडो इव दयावरो तं सि संवुत्तो ॥१०३६४॥  
 ताहे सो वाणियगो सागरदत्तो विलक्खओ जाओ । परमायरियस्स मुहाभिमहं पेक्खेउमाढत्तो ॥१०३६५॥  
 तेण वि तं तव्वयणं सुणमाणेण वि न किं पि सो भणियो । एमेव अवन्नाए गमिऊणं सट्ठिओ मोणं ॥१०३६६॥  
 सागरदत्तेण तओ विंचितियं नत्थि नूणमेएसिं । जीवदयापरिणामो न सोहणं धम्मणुट्ठाणं ॥१०३६७॥  
 तप्पभिइ तस्स तेसिं पव्वइयाणुवरि सव्वहाभत्ती । उत्तिन्ना किंतु परं चिरपरिचयजायदक्खिन्नो ॥१०३६८॥  
 एमेवुवरोहेणं दाणपणामाइयम्मि वव्हारे । तेसिं पइट्टुइ इमो सागरदत्तो पवरवणिओ ॥१०३६९॥  
 सम्मत्तमपत्तो वि हु पयईए दाणसीलयाकलिओ । अइग्गयारंभपरिग्गहेसु सययं पसत्तमणो ॥१०३७०॥  
 नियघरसारपवित्थरसुहिसयणकलत्तपुत्तमित्तेसु । पडिबद्धमाणसो अइसएण मुच्छापरवसप्पा ॥१०३७१॥  
 कइया वच्चइ सत्थो किं भंडं कत्थ केत्तिया भूमी । को कयविककयकालो निव्विसई किं कहिं केण ॥१०३७२॥  
 इच्चाइअसुहअज्जवसायपरो आउयक्खए मरिउं । तुरयत्तेणुववन्नो तुह वाहणमेस संजाओ ॥१०३७३॥  
 तुमए सहागओ इह सोऊणं धम्मदेसणं मज्झ । एयस्स मोहगंठी गलिओ सम्मत्तमुप्पन्नं ॥१०३७४॥  
 पच्चक्खाणं थूलगपाणवहाईण विहियमेएण । जावज्जीवं पि सचित्तवत्थुनियमो तहा गहिओ ॥१०३७५॥

अपा जहुत्तराणं कल्लाणपरंपराणमेण । विहिओ भायणमहुणा विमोडओ दुक्खलक्खाण ॥१०३७६॥  
 एयस्स चैव पडिबोहणत्थमहमागओ इह पुरम्मि । नरवर ! तुरयसरूवं जमासि पुट्ठं तए तम्मिं ॥१०३७७॥  
 एस पएसो होही नीसेसाणं पि भन्नियलोयाणं । आसावबोहितित्यत्तणेण भुवणम्मि विक्खाओ ॥१०३७८॥  
 इह संवलियाविहारो नामेण भविस्सए जिणाययणं । आगामियम्मि काले सुदंसणाविहियसन्निज्झं ॥१०३७९॥  
 इय क (हि) यम्मि भगवया सदेवमणुयासुराए परिसाए । धन्नो त्ति कयत्थो त्ति य सलाहिओ सो बहं आसो ।  
 अवलोइओ य विम्हयपरव्वसाए सिणिद्धदिट्ठीए । रत्ता भणियं भयवं ! एसो च्चिय सुकयमालाहि ॥१०३८१॥  
 आलिगिओ समग्गाहि संपयं जं सयं समागंतुं । एयस्सुवरि पसाओ सामि ! तए एत्तिओ विहिओ ॥१०३८२॥  
 इय भणिऊणं रत्ता इन्दि साइम्मिओ ममेसो त्ति । चित्तेउं तुरयाओ तत्तो पल्लाणकवियाई ॥१०३८३॥  
 ऊसारावेऊणं नियावराहे खमाविऊणं च । पुव्विल्ले सव्वे वि हु बंधणआरोहणाई ॥१०३८४॥  
 सेच्छाए वियरंतो मुक्को घोसावियं च नयरम्मि । जह एस देसविरओ तुरओ अच्चित्तभोई य ॥१०३८५॥  
 ता पडिसेहेयव्वो न एस केणावि सगिहमणुपत्तो । ढोएयव्वं पुरओ एयस्स विसेसओ चैव ॥१०३८६॥  
 फामुयजलतणपमुहं तस्स तओ नयरवासिसव्वज्जणो । तुरयस्स आसि भत्तो पुवं पि जिणिदवयणाओ ॥१०३८७॥  
 नरवइणो आणाए सव्विसेसं चैव तं तथा कुणइ । सो वि तुरंगो तन्हाछ्छहाभिभूओ जया हवइ ॥१०३८८॥  
 आहारकए तइया पविसइ भवणेसु नायरजणस्स । सो वि जणो तस्स नियं ढोयइ पुरओ जलतणाई ॥१०३८९॥  
 एवं जियसत्तुनिवस्स संतिओ सो तुरंगमो गमइ । नियजम्मं जिणधम्मं सम्मं पालंतओ तत्थ ॥१०३९०॥  
 अन्नम्मि दिणं तत्थट्ठियस्स मुणिसुव्वयस्स जयपहणो । मेइणिकंपो जाओ भीओ रायाइओ लोओ ॥१०३९१॥  
 तो तइयपहरअंते संजाए चरमजामसमयम्मि । धम्मं वागरमाणे जिणेसरो राइणा पुट्ठो ॥१०३९२॥  
 नियपासायठियाणं तइए जामम्मि अज्ज अम्हाणं । दोलाइया वसुमई कम्हा जयनाह ! साहेसु ॥१०३९३॥  
 तो आह भुवणनाहो एगममणो नरिद ! निसुणेसु । पुहईकंपस्स मए कारणमक्खायमाणं ति ॥१०३९४॥

विण्हुकुमारमुनिकहा—

अणुओगमणुन्नविउं सूरिपए सुव्वओ नियविणेओ । ठविऊणं नयरओ रायगिहाओ मए जइया ॥१०३९५॥  
 वाहि विसंज्जिओ भवियलोयपडिबोहणत्थमेस तथा । विहरंतो संपत्तो कमेण उज्जेणितयरीए ॥१०३९६॥  
 नाऊण भवियलोओ तमागयं तत्थ वंदणनिमित्तं । नयरीए नीहरंतो नियनिय<sup>१</sup> विदेण हिट्टमणो ॥१०३९७॥  
 दिट्ठो उज्जेणिपुरीपहणा सिरिवम्मनामनरवइणा । तो तेण नमुइमंती पुट्ठो पासट्ठिओ एवं ॥१०३९८॥  
 कत्थ इमो जाइ जणो अकालजत्ताए निग्गओ एत्तो । तो आह नमुइमंती देव ! मए वाहियालीए ॥१०३९९॥  
 वाहि गएण निसुयं गोसग्गे जणमुहाओ एरिसयं । जह के वि इमे समणा समागया एत्थ चिट्ठंति ॥१०४००॥  
 ताहे रत्ता भणियं जामो तेसिं समीवमम्हे वि । तो भणइ नमुइमंती कि तत्थ पओयणं तुम्ह ॥१०४०१॥  
 जइ धम्मसवणकज्जं तुम्हाण अहं पि तं कहिस्सामि । वेएसु जहा भणियं सुसम्मयं सव्वलोयाण ॥१०४०२॥  
 तो जंपइ नरनाहो अत्थि इमं मंति ! कहसि मे धम्मं वेयभणियं तुमं पि हु किंतु परं ते वि वरसमणा ॥१०४०३॥  
 दट्ठुं जोग्गा अम्हाण संति तह केरिसं परव्वेत्ति । ते नियधम्मं एवं अम्हेहि वियाणियव्वं ति ॥१०४०४॥  
 तो आह नमुइमंती जइ एवं तो पयाउ तेमिं पि । पासे देवो कि पुण देवेण गएण तत्थ सयं ॥१०४०५॥  
 होयव्वं मज्झत्थेण अपियव्वं न किं पि सुहमसुहं । पव्वइयगं तथा तं धम्मवियारम्मि पुच्छेउं ॥१०४०६॥  
 काउं निरुत्तरं तुम्ह अग्गओ पायडेमि तन्नाणं । तो मंतिवयणमेयं पडिबज्जेऊण नरनाहो ॥१०४०७॥

१. निय निय ठाणाओ हिट्टु० पा. ।

तेण समं तत्थ गओ सुव्वयसूरीण सन्निहाणम्मि । दिट्ठा य सूरणो तेण पढमसंपत्तलोयाण ॥१०४०८॥  
 धम्मं वागरमाणा अह सो निमिऊण एगदेसम्मि । उवविट्ठो सिरिधम्मो नरेसरो नमुइणा सहिओ ॥१०४०९॥  
 तो झत्ति नमुइमंती सुव्वयसूरिं पभासए एवं । भो भो समणग! सम्मं जा परिभावेमि ता तुब्भे ॥१०४१०॥  
 अवियाणियपरमत्था असमिक्खियमेव कुच्चह समगं । जम्हा सक्खं अणुह्यमाणआणदसंदोहं ॥१०४११॥  
 विसयसुहं चइऊणं असेसपासंडिदूसिओ एसो । जिणधम्मो पडिवन्नो विसिट्ठलोएण परिचत्तो ॥१०४१२॥  
 नियविहवमुज्झिऊणं भिक्खा पडिगाहिया तथा एयं । केत्तियमेत्तं अज्ज वि तुम्हं मलमलिणदेहाणं ॥१०४१३॥  
 असुइत्तेण पिसायागिईण मुंडियसतुंडमुंडाणं । जत्थ न तिपुरिसपूया न य हुणणं हव्ववाहस्स ॥१०४१४॥  
 न य दियवराण दाणं तत्थ विमूढा कहं हवइ धम्मो? । इय तव्वयणं सोउं सूरी चित्तेइ सो एवं ॥१०४१५॥  
 जह एसो मूढप्पा असमिक्खियभासओ सढो बाढं । तो इमिणा सह मोणं मोत्तुं वोत्तुं न जुत्तं मे ॥१०४१६॥  
 उत्तं च बहुो उज्जू अभिगम्मो बहुसढे य अपमाओ । अणुकपो अबुहुज्जू अबुहसढो सव्वहा हेओ ॥१०४१७॥  
 इय चित्तिऊण सूरी मोणेण ठिओ तओ नमुइमंती । चित्तेइ एस मुंडो संजाओ पडिह्यप्पडिभो ॥१०४१८॥  
 सक्केइ कि पि दाउं न उत्तरं इय मणे विचितेउं । तस्सुत्तेयण हेउं पुणो पुणो भणइ तं चेव ॥१०४१९॥  
 चित्तेइ तओ सूरी एसो अवहीरिऊण मुक्को वि । नोवसमइ खलपगई जाव न भग्गो इमस्स मओ ॥१०४२०॥  
 सिभो व्व दुज्जणजणो महुरेहि पकुप्पए अइसएण । तिक्खेहिं य कडुएहिं य उवेइ सो उवसमं झत्ति ॥१०४२१॥  
 इय चित्तिऊण सूरीहिं पभणिओ सो इमं नमुइमंती । कि भो पुणो पुणो वि य तं चिय पलवसि असंबद्धं ॥१०४२२॥  
 जइ अत्थि वयणसत्ती तुह का वि तओ समीहियं पक्खं । कि पि गहिऊण हेउं तत्थ सदिट्ठंतमुल्लवह ॥१०४२३॥  
 एत्थंतरम्मि सूरी केण वि नमिऊण नियविणेएण । सविणयमिय विन्नत्तो भयवं! मा कुणह संरंभं ॥१०४२४॥  
 एत्तियमेत्तं एयस्स उवरि तुब्भे सयं जओ एसो । मूढो जडो दुरप्पा अदिट्ठसद्धम्मपरमत्थो ॥१०४२५॥  
 मत्तकरिकरडपाडणखरनहरसिहो कंहिं पि कि सीहो । सज्जेइ नियकमं नियडमागए जंबुयसिसुम्मि ॥१०४२६॥  
 ता एत्थ मज्झ दिज्जउ आएसो झ त्ति जेण एयस्स । नासेमि दप्पसप्पं दुरप्पणो दलियसत्तिस्स ॥१०४२७॥  
 तो गुरुणाणुन्नाओ आढत्तो नमुइमंतिणं भणिउं । सो एवं जह तुमए विसयासेवा सुहसरूवा ॥१०४२८॥  
 जं भणिया तं वयणं तुज्ज असंबद्धमेव सव्वं पि । जम्हा केसि पि समुल्लसंतउत्तमविवेयाण ॥१०४२९॥  
 विसयसुहं विसकंदलिसरिसं पडिहासए नियमणम्मि । रोगुभवत्तणेणं जेण इमं दारुणविवागं ॥१०४३०॥  
 एककेवकेण वि विसया सेविज्जंता हणति पाणिगणं । तस्स कह होइ कुसलं जो पंच वि सेवए जुगवं ॥१०४३१॥  
 उक्तं च केनापि—

एकैकशोऽपि निघ्नन्ति विषया विषसन्निभाः । क्षेमो तु स कथं नु स्याद् यः समं पञ्च सेवते ॥१०४३२॥  
 जो वि हु रागंधाणं विसएसु हवेज्ज सोक्खआभासो । सो वि तडिहंडविलाससालिसो न चिरकालठिई ॥१०४३३॥  
 उक्तं च—

विषयमुखं खलमैत्री सन्ध्यारागः सुरेन्द्रकोदण्डं । कलिकालयौवनं जीवितं च सर्वाण्यनित्यानि ॥१०४३४॥  
 होऊण जं पणस्सइ सुहस्सरूवं सुहं न तं विबुहा । मन्नति किनु बहुदुहहेउत्तणओ दुहं चेव ॥१०४३५॥  
 उक्तं च—सुखास्वादलवो योऽपि संसारे सत्समागमात् । स वियोगावसानत्वादापदां धुरि बध्यते ॥१०४३६॥  
 सुहमेव तं न भन्नइ सुहं विवेईहिं जमवसाणम्मि । उप्पायइ पउरदुहं ति मीणवडिसामिससुहं व ॥१०४३७॥

एयं पि विसयसोक्खं रागाविट्टत्तणेण तह चेव । देइ दुहमिहेव भवे भवंतरेसु य निरवसाणं ॥१०४३८॥  
 जं च तए इय भणियं समग्गपासंडिदूसिओ एसो । जिणधम्मो त्ति इमं पि हु अच्चंतमसंगयं चेव ॥१०४३९॥  
 जम्हा पासंडीणं सयलाण वि पाणरक्खणाईओ । धम्मो सुसम्मओ च्चिय एत्थ न कस्स वि विसंवाओ ॥१०४४०॥  
 उक्तं च—पञ्चैतानि पवित्राणि सर्वेषां धर्मचारिणाम् । अहिंसा सत्यमस्तेयं त्यागो मैथुनवर्जनम् ॥१०४४१॥  
 जं पि य जंपियमेवं तए विसिट्ठेहिं एस परिचत्तो । एयं पि सव्वहा वि य अरन्नरुन्नं व तुह विहलं ॥१०४४२॥  
 जं जीवदयामइओ धम्मो तेसि पि अभिमओ चेव । सा जीवदया सम्मं जिणधम्मो चेव नन्नत्थ ॥१०४४३॥  
 जीवाणं परमत्थो सम्मं एत्थेव नज्जए जम्हा । ता एसो च्चिय तेसि अईवइट्ठो विसिट्ठाणं ॥१०४४४॥  
 उक्तं च—भूयतां धर्मसर्वस्वं श्रुत्वा चैवावधार्यताम् । आत्मनः प्रतिकूलानि परेषां न समाचरेत् ॥१०४४५॥  
 जं च सविहवं चइऊणिच्चाइ पयंपियं तए तं तु । नो होइ दूसणं चिय जम्हा सयलाण वि जईण ॥१०४४६॥  
 लच्छीचाओ भिक्खाभमणं उभयं पि सम्मयं चेव । भणियं च तेहिं लच्छी मूलमणत्थाण सव्वाण ॥१०४४७॥  
 जं लच्छिजुओ पुरिसो गव्वुद्धरकंधरो गुरुजणं पि । पासट्ठियं न पासइ न बेइ न सुणेइ परवयणं ॥१०४४८॥  
 भणियं च—सुइवाइदिट्ठिहरणे नराण लच्छीए को विसंवाओ । जन्न जणइ गरलसहोयरा वि मरणं तमच्छरियं  
 निद्विक्खन्ना य इमा वच्चइ चिरपरिचियं पि चइऊण । रक्खिज्जंती वि खणं पि चिट्ठए नेय निल्लज्जा ॥१०४५०॥  
 लच्छीसंगोवणगुत्तमाणसो माणुसो न कस्स वि य । विस्संभइ पुत्तस्स वि सव्वत्थ अणिव्वुओ भमइ ॥१०४५१॥  
 भिक्खापरिभमणं पि हु विमुक्कसंगाण संगयं चेव । ठाणे ठाणम्मि पसंसियं इमं तुम्ह वि मयम्मि ॥१०४५२॥  
 तथा चोक्तम्—अवधूतां च पूतां च मूर्खाद्यैः परिनिन्दिताम् । चरेन्माधुकरीवृत्तिं सर्वपापप्रणाशनीम् ॥१०४५३॥  
 एकाग्रं नैव भुञ्जीत बृहस्पतिसमादपि । चरेन्माधुकरीमेव वृत्तिं म्लेच्छकुलादपि ॥१०४५४॥  
 मलिणत्तदूसणं पि हु तुमए उत्तं अजुत्तमेवेयं । धम्माणुट्ठाणपरायणाण तं भूसणं जम्हा ॥१०४५५॥  
 तथोक्तम्—स्नानं मददर्पकरं कामाङ्गं प्रथमं स्मृतम् । तस्मात् कामं परित्यज्य न स्नान्तीह दमे रताः ॥१०४५६॥  
 अह पभणसि सुरसरिपभिइयासु सरियासु मज्जणं भणियं । पावपमज्जणमेयं पि दूसियं कस्सई वयणं ॥१०४५७॥  
 यत उक्तम्—आत्मा नदी संयमतोयपूर्णा, सत्यावहा शीलतटा दयोमिः ।

तत्राभिषेकं कुरु राजपुत्र! न वारिणा शुद्धयति चान्तरात्मा ॥१०४५८॥

तुम्ह मए वि निसिद्धं असुइत्तं बंभचेरजुत्ताण । एएणं वयणेणं सयासुई बंभयारि त्ति ॥१०४५९॥  
 सिरतुंडमुंडणं पि हु विरुवकारि त्ति जं तए हसियं । तं बालविलसियं पिव थेवं पि हु खमइ न वियारं ॥१०४५०॥  
 जं न्हाणविरहियाणं जईण सीसम्मि लंबकेसम्मि । जूयाओ होंति तओ कंडूयणओ विणस्संति ॥१०४६१॥  
 जइ वि सहिज्जइ जूया परीसहो कीराए न कंडूयणं । जग्गतेहिं तथा वि हु निट्ठावसगाण तं होइ ॥१०४६२॥  
 एवं च होइ न कया जीवदया किंच केसधरणेण । होइ विभूसा जम्हा चउहा भणिओ अलंकारो ॥१०४६३॥  
 केसाण अलंकारो पढमो बीओ य वत्थलंकारो । मल्लार्ण सो तइओ आहरणाणं चउत्थो य ॥१०४६४॥  
 सा य विहूसा जुत्ता न होइ परिचत्तकामभोगाण । स विहूसम्मि मणुस्से कामित्तं संकए लोओ ॥१०४६५॥  
 उक्तं च—निःस्पृहो नाधिकारी स्यान्नाकामी मण्डनप्रियः । नाविदग्धः प्रियं ब्रूयात् स्फुटवक्ता न वञ्चकः ॥६६॥  
 जं पुरिसतियं तुम्हाण अभिमयं पूयमरिहइ न तं तु । रागाइदोससंगित्तेणेण इयरो जहा पुरिसो ॥१०४६७॥  
 रागो य अंगणासंगमेण दोसो उ पहरणगहेण । मोहो उ अक्खमालाढालणओ नज्जए तस्स ॥१०४६८॥  
 अग्गिहणणं पि पाणाइवायहेउत्तणेण कीरंतं । न हु होइ धम्मजणणं तम्हा एयं न करणिज्जं ॥१०४६९॥

अह भणसि वेयविहियं एयं जीवोवघायजणयंपि । सग्गनिमित्तं जायइ कीरंतं तं न जं भणियं ॥१०४७०॥  
 कण्डनी पीषणी चुल्ली उदकुम्भःप्रमार्जनी । पञ्च सूना गृहस्थस्य तेन स्वर्गं न यात्यसौ ॥१०४७१॥  
 यूपं छित्वा पशून् हत्वा कृत्वा रक्षिरकर्दमं । यद्येवं गम्यते स्वर्गं नरके केन गम्यते ? ॥१०४७२॥  
 जं च तए जिणधम्मं दियदाणाभावदूसणं भणियं । तं पि हु उम्मत्तगजंपियं व दूरं असारयरं ॥१०४७३॥  
 जं मोक्खकए दाणं देयं नाऊण सगुणपत्तम्मि । न उणो जहा तहा वि य तं पुण नेयं भवसुहाओ ॥१०४७४॥  
 एगंतेण विरत्तं वित्तकलत्ताइसंगपरिचत्तं । समसत्तुमित्तभावं मुक्कममत्तं सदेहे वि ॥१०४७५॥  
 एवंविहं चिय जओ पत्तं भवसायरे पडंताण । जीवाण रक्खणखमं भणियं च जओ परेपि पि ॥१०४७६॥  
 विषयी विषयासक्तं सधनः सधनं गृही गृहिणमेव । सारम्भः सारम्भं न तुल्यदोषस्तु तारयति ॥१०४७७॥  
 विषयी विषयविरक्तं सधनोऽस्तधनं गृहीगृहविमुक्तम् । सारम्भो नारम्भं संश्रित्य भवार्णवं तरति ॥१०४७८॥  
 एए दुजाइणो विसयविसावेसनट्टुचेयन्ना । मन्निज्जति सयन्नेहि कह तओ पत्तबुद्धीए ॥१०४७९॥  
 इय जुत्तिजुत्तवयणेहि नमुइमंती निरुत्तरो तेण । विह्तिओ विलक्खहियओ जाओ उल्लसियसेयजलो ॥१०४८०॥  
 पच्चक्खं नरवडणो नायरलोयाणगलियमाहप्पो । सप्पो व्व मंतमउलंतलोयणो झत्तिंसंबुत्तो ॥१०४८१॥  
 तुट्ठो विसिट्ठलोओ सव्वो जो आसि तत्थ उवविट्ठो । राया वि उट्ठिओ पणमिऊण सूरि सपरिवारो ॥१०४८२॥  
 नमुई वि मुणीणुवरि गरुय पओसं मणम्मि बहमाणो । उट्ठेऊण नरिदेण सह गओ निययमावासं ॥१०४८३॥  
 साहूण मारणकए विविहोवाए मणे विमरिसंतो । चित्तइ पव्वइयाणं जइ तंसि मारणनिमित्तं ॥१०४८४॥  
 अन्नं कंपि निरुवेमि कज्जेसिद्धी न होइ तो मज्झ । जं ते मुणिवहपावाऽभिसंकिओ को वि न हणेज्जा ॥१०४८५॥  
 को वि पयट्ठिज्ज न एत्थ निवपरिन्नाणसंकियत्तेण । को वि पयट्ठतो विहु न होज्ज निहुओ तओ अन्नो ॥१०४८६॥  
 नाऊण कहेज्ज नरेसरस्स पुरओ विवक्खभूओ णे । इच्चाइकारणेहि न पयडियव्वं परस्सेयं ॥१०४८७॥  
 सयमेव मए तम्हा निसीह समयम्मि अंगमेत्तेण । गंतूण तत्थ सव्वे ते हणियव्वा दुरप्पाणो ॥१०४८८॥  
 एवं चिय मज्झ मणे सहत्थ हणणेण होइ परिनुट्ठी । इय चित्तिऊण दियहं सेसं कह कहवि सोगमइ ॥१०४८९॥  
 अह रयणीए चित्तियसमयम्मि समुट्ठिऊण सगिहाओ । नमुईखग्गकरग्गो विणिग्गओ सो महा पावो ॥१०४९०॥  
 अगणिय परलोयभओ लज्जविहूणो विमुक्कमज्जाओ । नरयपुरमग्गपहिओ निच्छयओ अत्तणो अहिओ ॥११॥  
 गंतूण मुणिसमीवे करवालं कड्ढिऊणऽइकरालं । उप्पाडइ हणणत्थं जाव तओ झत्ति देवीए ॥१०४९२॥  
 जिणसासणभत्ताए तह ठिओ चेव थंभिओ एसो । कट्टु घडिओ व्व चिट्ठइ निच्चेट्ठो जाव गोसग्गो ॥१०४९३॥  
 विट्ठो तहट्ठिओ तो सो तत्थ जणेण संचरंतेण । विम्हियमणेण तत्तो कहिओ अन्नेण अन्नस्स ॥१०४९४॥  
 मिलिओ नायरलोओ कुऊहलेणं निवाइलोओ य । दट्ठूण तेण तह सो ठियओ धिक्कारिओ धणियं ॥१०४९५॥  
 अह तं तहा वि गुत्तं काऊण समग्गलोयमज्झम्मि । उत्थंभिऊण सासणदेवी मुंचइ नमुइमंति ॥१०४९६॥  
 एसो वि जज्जिओ छड्डिऊण नयरि विणिग्गओ तत्तो । अन्ननिवदेस समुहो संचलिओ गरुयखेएण ॥१०४९७॥  
 पत्तो य हत्थिणउरे नयरे पउमुत्तरो त्ति अत्थि निवो । तस्स य जालानामेण भारिया अत्थिगुणकलिया ॥१०४९८॥  
 तीसे जेट्ठो पुत्तो केसरिसुमिणेण सूइओ जाओ । विन्हुकुमारो नामेण सव्वकलापारसंपत्तो ॥१०४९९॥  
 दुइओ य महापउमो चउदससुमिणेहि सूइओ जाओ । सो वि कलापारगओ तारुहं मणहरं पत्तो ॥१०५००॥  
 जेट्ठो विसयपिवासा विवज्जिओ रज्जलच्छिविमुहो य । सजिगीसो य कणिट्ठो ठविओ जणएण जुवरज्जे  
 नमुई आगंतु महापउमकुमारस्स सेवओ तस्स । संजाओ तेण इमो मंतिपयठाविओ नियए ॥१०५०२॥

तस्स महापउमस्स य सीहबलो नाम दुट्ठुसामंतो । दुग्गबलेण देसं उवह्वंतो न विरमेइ ॥१०५०३॥  
 पुट्ठो य महापउमेण अन्नया एरिसं नमुइमंती । जह तं जाणसि कं चि वि उवायमिह सीहबलगाहणे ॥१०५०४॥  
 सो जंपइ सुट्ठु अहं जाणामि तओ महापउमकुमरो । तं तस्सुवरि निरूवइ पभूयसेत्तेण संजुत्तं ॥१०५०५॥  
 नमुई वि अखंडोहि गंतूण पयाणएहि तदेसे । निउणोहि उवाएहि तं दुग्गं संगहेऊण ॥१०५०६॥  
 संभग्गदप्पपसरं सीहबलं गिण्हऊण हत्थेण । एइ महापउमसमीवमेस स तुट्ठो पयपेइ ॥१०५०७॥  
 मग्गेहि वरं किंचि वि सो बेइ कुमार अप्पणो पासे । धरिऊण ताव एयं मज्झ वरं संपयं मुयह ॥१०५०८॥  
 कज्जम्मि समुप्पन्ने पत्थेमि जया तथा पयच्छेज्जा । कुमरो वि महापउमो एवं होउ त्ति पडिबल्लो ॥१०५०९॥  
 अह अन्नया जिणरहो जालाए कारिओ दुइज्जो य । बंभरहो लच्छीए कराविओ ताहि दोहि पि ॥१०५१०॥  
 विहिया इमा पइन्ना जइ मज्झ रहो न नीहरइ पढमं तो । भत्तपरिच्चायं करेमि जा जीवमवियप्पं ॥१०५११॥  
 पउमुत्तरेण रत्ता एवं नाऊण दोन्ह वि जणीण । तम्मि समयम्मि नयरे पडिसिद्धं रहपरिब्भमणं ॥१०५१२॥  
 एयं च महापउमो नाऊणं वइयरं सजणणीए । उहावण त्ति काउं अकहंतो चैव जणयस्स ॥१०५१३॥  
 एगागी नयरओ नीहरिऊणं महाडविं पत्तो । तत्थ ठिओ तावसासमम्मि दियहाइं काइं पि ॥१०५१४॥  
 तत्थ य जणमेजयनरवइस्स धूया समागया अत्थि । तीसे पढमिल्लुयदंसणे वि जायाणुरायाए ॥१०५१५॥  
 उवरिम्मि तस्स जाओ अणुराओ माणसम्मि अइगरुओ । सा पिउणो कालनरेसरेण सह जाय जुज्जम्मि ॥१०५१६॥  
 अंतोउराइलोए पलायमाणे दिसो विसिं वि वसे । भीया पलाइऊणं समागया आसमे तम्मि ॥१०५१७॥  
 अह कुमरमहापउमो विसज्जिओ तावसाण अहिबइणा । तत्तो विणिग्गओ सिधुनंदणे पुरवरे पत्तो ॥१०५१८॥  
 तत्थ तथा उज्जाणियविणिग्गयं नयरसुंदरी वग्गं । कीलंतं मुइयमणं मत्तेण महामइदंणे ॥१०५१९॥  
 गहिउं पारद्धं पासिऊण मोयावए गइंदाओ । तं च गइंदं नेउं नियमइ आलाणखंभम्मि ॥१०५२०॥  
 तत्तो तन्नयरनिवेण वइयरं जाणिऊण तं सव्वं । परिणाविओ नियं कन्नगा सयं सो पडिठेणे ॥१०५२१॥  
 ताहि सह महापउमो विसयसुहं चिट्ठए अणुहवंतो । तह वि न हिट्ठो मयणावलि मणे एस मुमरंतो ॥१०५२२॥  
 अह अन्नया निसाए सुत्तो सयणम्मि खेयरवहूए । वेगवई नामाए अवहरिओ नहयले जतो ॥१०५२३॥  
 पडिबुद्धो तस्स तओ कहियं अवहारकारणं तीए । नेउं वेयइहनगे नयरे सूरुदयनामम्मि ॥१०५२४॥  
 विज्जाहराहिवइणो समप्पिओ इंदधणुभिहाणस्स । जयकंतं नियधूयं तेण वि परिणाविओ एसो ॥१०५२५॥  
 तीए सह विसयसुहं अणुहवमाणो वि तं न पम्हुसइ । मयणावलि खणं पि हु तग्गयचित्तो गमइ दियहे ॥१०५२६॥  
 चिट्ठतेण कमेणं तेण तओ तत्थ साहिउं सव्वे । खयरिदे सेढीदुगआहेवच्चं सयं गहियं ॥१०५२७॥  
 मयणावली विरहिओ तहावि न रइं खणं पि सो लहइ । तो तावसासमे तम्मि एस पत्तो सयं चैव ॥१०५२८॥  
 कइवयविज्जाहरवग्गपरिगओ तावसेहिं तो तत्थ । फलपुष्फाईहिं कयं अइगरुयं तस्स सम्माणं ॥१०५२९॥  
 सयधणुसुएण जणमेजएण तत्थेव आगएण सयं । सा मयणावलि कन्ना दिन्ना पउमुत्तरसुयस्स ॥१०५३०॥  
 एसा य इत्थिरयणं तं परिणेउं महापउमकुमरो । गुरुसामग्गीसहिओ नयरे हत्थिणउरे पत्तो ॥१०५३१॥  
 तत्थ जहोचियपडिबत्तिकरणओ जणइ जणणिजणयाण । विम्हु(ण्हु)कुमारस्स य जेट्टुभाउणो गरुय संतोसं  
 अह सो सुव्वयसूरीकमेण पुहईयलम्मि विहरंतो । मुणिजणसहिओ पत्तो हत्थिणउरबाहिरुज्जाणे ॥१०५३३॥  
 उज्जाणपालएणं निवेइए सूरिणो समागमणे । पउमुत्तरो नरिंदो विण्हुमहापउमसुयसहिओ ॥१०५३४॥

निग्गच्छइ नयराओ सव्वविभूईए सव्वबलकलिओ । वंदणहेउं सूरिस्स तस्स बहु गुणनिहाणस्स ॥१०५३५॥  
तत्थ गओ नरनाहो ओयरिऊणं करिदखंधाओ । सपरियणो तं सूरि पणमइ तिपयाहिणा-पुव्वं ॥१०५३६॥  
उवविसइ जोडियकरो उच्चियपएसम्मि सावहाणमणो । सूरी वि कहइ धम्मं तीसे रायाइ-परिसाए ॥१०५३७॥  
भो भो भव्वा भीमो भवोयही एस पारपरिहीणो । जम्म-जरामरण-पभिइ भूरि दुहवारि-पडहच्छो ॥१०५३८॥  
पजलंतकोह्वडवानलो य विलसंतमाणगरुसेलो । मायावेगभमंतावत्तमहाभीसणायारो ॥१०५३९॥  
लोहलहरी करालो नाणाविहवाहिजलयररउद्दो । उट्ठंतपरोप्परकलह-सहजायंतगज्जिखो ॥१०५४०॥  
ता इह गयाण तुम्हं थेवं पि दुहस्स अंतरं नत्थि । घोलिज्जंताण इओ तओ थ नियकम्मलहरीहि ॥१०५४१॥  
चारित्तजाणवत्तं सम्मदंसणगुणेहि दढवद्धं । नाणवरकन्नधारं संवरकिल्लेण ह्यच्छिद्धं ॥१०५४२॥  
विमलतवो-कम्मसमीरसंगसंजणिय-जइणतरवेगं । आरुहह तओ तुव्वे सिग्घं जह लघिऊणयं ॥१०५४३॥  
पावह निव्वाणपुरं लद्धण अणंतमुहधणसमिद्धि । इयरस्स न कस्सइ जत्थ वत्थुणो पत्थणं कुणह ॥१०५४४॥  
इय धम्मदेसणं तस्स सूरिणो निसुणिऊण संविग्गो । विन्नवइ विणयपणयम्मि मत्थए ठविय नियहत्थो ॥१०५४५॥  
पउमुत्तरो नरिदो सूरि पहु जाव अप्पणो ठाणे । रज्जम्मि विन्हुकुमारं ठवेमि ता इह समागतुं ॥२०५४६॥  
तुम्हाएसमणुट्ठेमि जंपए पत्थिवं तओ सूरी । जुत्तं निव ! तुम्ह इमं काउं न खणं पि पडिबंधो ॥१०५४७॥  
अह पणमिऊण सूरि नरेसरो नियगिहम्मि गंतूण । हक्कारइ मंतियणं समं पहाणेहिं पुरिसेहिं ॥१०५४८॥  
तह विण्हुकुमारेणं तेसि पुरओ तओ पयपेइ । तुम्हेहिं वि तं निसुयं जं सुव्वयसूरिणा कहियं ॥१०५४९॥  
अज्जभवस्स सरूवं एयम्मि तहा महादुहनिहिम्मि । कह जुज्जइ संवसिउं लद्धविवेयाण जीवाण ॥१०५५०॥  
ता तुव्वे अणुमन्नह मं इन्हि दिक्खगहणविसयम्मि । विण्हुकुमारम्मि जहा आरोवेऊण रज्जभरं ॥१०५५१॥  
साहेमि नियसमीहियमह ते सव्वे वि विन्नवेति निवं । देवं परलोयहियं कुणमाणं कह निसेहो ॥१०५५२॥  
तो भणइ निवो विण्हुं वच्छ तुमं गिन्ह रज्जभरमिन्हि । अह विण्हु वयइ निवं देवस्स न वल्लहो किमहं ॥१०५५३॥  
जं रज्जम्मि असारे नरयकले बहुकिलेसनिलयम्मि । मं निक्खिवह सयं पुण मोक्खफलं कुणह जिणदिक्खं ॥५४॥  
ता अहमवि विसयाणं मुहमहुराणं विवागकडुयाण । अइनिव्विण्णो तुम्हेहिं सहवयं गिन्हइस्सामि ॥१०५५५॥  
रज्जसुहविमुहचित्तं अह विण्हुं नरवरो मुणेऊण । हक्कारेऊण महापउमकुमारं समाइसइ ॥१०५५६॥  
रज्जगहणम्मि तत्तो एसो विन्नवइ विण्हुकुमारम्मि । आरोवह रज्जभरं तस्स जहा अणुचरो होमि ॥१०५५७॥  
अह तस्स कहइ राया विण्हुकुमारो मए समं चेव । गिन्हिस्सइ जिणदिक्खं तेण मए तं सि आइट्ठो ॥१०५५८॥  
तो आह महापउमो जइ एवं तो जमाइसइ देवो । तं चिय मज्झ पमाणं इय भणिए तेण नरनाहो ॥१०५५९॥  
तं रज्जे अहिंसिचइ सयं तु चारगविभोयणा पुव्वं । दीणाणाहाईणं दावेऊणं च दाणाइ ॥१०५६०॥  
जिणमंदिरेसु पूयं कारावेऊण सव्वसंधं च । सम्माणिऊण तत्तो स विण्हुकुमारो विभूईए ॥१०५६१॥  
अणुगम्मंतो य महापउमनरिदेण वच्चइ समीवे । सुव्वयसूरिस्स तओ सो विविहाणेण दोन्हं पि ॥१०५६२॥  
तेसि पिइपुत्ताणं दिक्खं दाऊण देसणं कुणइ । जह परमंगचउक्कं जीवाण इमं भवे दुलहं ॥१०५६३॥  
पढमं चिय मणुयत्तं सुधम्मसवणं दुइज्जयं अंगं । तस्सइहणं तइयं संजमविरियं चउत्थं तु ॥१०५६४॥  
इच्चाइदेसणं विरइऊण सूरिम्मि उवरए सते । रायाइ जणो सव्वो सूरि नमिउं सपरिवारं ॥१०५६५॥  
निय निय ठाणम्मि गओ एवं रायाइ सव्वलोएण । वंदिज्जंतो निच्चं कइ वि दिणे तत्थ ठाऊण ॥१०५६६॥



निवइ अणुन्नवेउं बहिया अन्नत्थ वच्चइ विहारे । अहिणवमुणिणो उ दुहा सिक्खं गहिऊण गुरुपासे ॥१०५६७॥  
 विहियाणुट्ठाणपरा विणयरया आगमं अहिज्जंता । विहरंति गुरूहिं समं गामाइसु परमसंविग्गा ॥१०५६८॥  
 पन्नाए उज्जमेण य जाओ थेवेहिं चैव दियहेहिं । गीयत्थो पउमुत्तरमुणी पवड्ढंतसुहभावो ॥१०५६९॥  
 सुक्कज्झाणाहूढो कमेण चउरो वि घाइकम्माइं । खविऊणं उप्पाडइ लोयालोयप्पयासयरं ॥१०५७०॥  
 सव्वेसु वि दव्वेसुं खेत्ते सव्वम्मि सव्वकालेसु । सव्वेसु वि भावेसुं अप्पडिहयमपरिवडियं च ॥१०५७१॥  
 विमलमणंतं नाणं तहा महापउममेइणीवइणो । आउहसालाए चक्करयणमुप्पन्नमइपवरं ॥१०५७२॥  
 तं पूइऊण विहिणा तेणेव य दंसिएण मग्गेण । गंतूण सयलभरहं साहेउं कुणइ अप्पवसं ॥१०५७३॥  
 तो एइ हत्थिणउरे पउमुत्तरारायवारियाण पुरा । जिणरहवंभरहाणं मज्झाओ जिणरहं एसो ॥१०५७४॥  
 भामेइ तम्मि नयरे सयलम्मि तओ महाविभूईए । जणणी मणोरहेणं सह वुड्ढि नेइ जिणधम्मं ॥१०५७५॥  
 तत्तो बहुओ वि जणो तं पडिबज्जइ जिणिदवरधम्मं । चक्की वि कारइ महिं सव्वं जिणभवणरमणिज्जं ।  
 पउमुत्तरो वि साहू कालं केवइयमेव पालेउं । केवलिणो परियायं भवोवगाहीणि कम्माइं ॥१०५७७॥  
 चत्तारि वि जुगवं चिय खविऊणेगेण चैव समएण । सिवमयलमरूवमणंतमक्खयं वच्चए ठाणं ॥१०५७८॥  
 विष्णुकुमारो उ मुणी नाऊण असासयं बलं जीयं । अणुजाणावेइ गुरुं उगगतवो कम्मकरणत्थं ॥१०५७९॥  
 सुव्वयगुरुणा वि इमो होही आराहणो त्ति नाऊण । अणुन्नाओ कुणइ तवं अंगा मंदरनगे गंतुं ॥१०५८०॥  
 जे के वि तवविसेसा विणिम्मिया तेण विन्हूणा तइया । तेसि मज्झाओ कइवयाण नामाइं वोच्छामि ॥१०५८१॥  
 कणगावलि रयणावलि मुत्तावलि सीह कीलियं दुविहं । भद्दा य महाभद्दा पडिमा भट्टुत्तरा तह य ॥१०५८२॥  
 नेओ आयंबिलवड्ढमाणनामो तहा तवविसेसो । गुणरयणसद्वपुव्वो संवच्छरनामधेज्जो य ॥१०५८३॥  
 बारसभिक्खुप्पडिमा इंदियविजओ कत्तायमहणो य । तह अट्टकम्मसूडण पमुहा नेया तवविसेसा ॥१०५८४॥  
 कणगावलिनामस्स उ तवो विसेसस्स भन्नइ सरूवं । काऊण चउत्थतवं पारिज्जइ तयणुछट्टतवं ॥१०५८५॥  
 तत्तो य अट्टमतवं एवं एगा य होइ काहलिया । छट्टाईं अट्टतत्तो एएहिं होइ दाडिमगं ॥१०५८६॥  
 दाडिमगस्स उ हेट्टा पढमलया होइ सा य एवं तु । कीरइ चउत्थछट्टं अट्टमयं दसमबारसमं ॥१०५८७॥  
 एवं एगेगदिणास्स ताव वुड्ढी इमम्मि नेयव्वा । सोलसउववासा जाव होति अंते निरंतरिया ॥१०५८८॥  
 एसा लया इमीए हेट्टापयगं इमम्मि जायंति । छट्टाईं चउत्तीसं तओ दुइज्जा लया होइ ॥१०५८९॥  
 एसा पढमलयाए विवरीया सोलसाइ हायंता । एगेगेणुववासा नेया जावंग उववासो ॥१०५९०॥  
 एईए उवरि तवो अट्टहिं छट्टेहिं होइ दाडिमगं । दाडिमगस्स उ उवरिं काहलिया सा पुणो एवं ॥१०५९१॥  
 कायव्वमट्टमं तयणु छट्टमंते तवं चउत्थं तु । एवं दो काहलिया दो दाडिमगाइं दोन्नि लया ॥१०५९२॥  
 मज्झम्मि पयगमेगं एवं कणगावली इमा होइ । एईए तवसंखा पत्तेयं भन्नए इन्हि ॥१०५९३॥  
 चत्तारि चउत्थाइं चउपन्नं होति तह य छट्टाईं । चत्तारि अट्टमाइं दो दसमे दो दुवालसमे ॥१०५९४॥  
 दो चउदसमे दो दो सोलसमाईणि होति नेयाइं । जाव चउत्तीसमाइं पज्जंते होति दोन्नेव ॥१०५९५॥  
 तवदियह सव्वसंखा तिन्नि सयाइं दिणाण चुलसीईं । अट्टासीईं पारणगदिणाइं उभयम्मि भिलियम्मि ॥१०५९६॥  
 एगं च होइ वासं तिन्नि उ मासादिणाइं बावीसं । कणगावली य एसा चउहा पारणगभेएण ॥१०५९७॥  
 पढमाए पारणगं संजायइ सव्वविगइसंजुत्तं । बीयाए निव्विगइयं तइयाए अलेवदव्वजुयं ॥१०५९८॥

होइ चउत्थीए पुणो केवलमायंबिलेण पारणयं । इय होति पंचमासा दुमास अडवीस दियहाइं ॥१०५९९॥  
 कणगावलि व्व रयणावली वि नवरं इमं तु नाणत्तं । दाडिमगदुगे पयगे नेयाइं अट्टमाइं तु ॥१०६००॥  
 मुत्तावलि त्ति नामं होइ तवो तस्स भन्नइ सरूवं । पढमं पि चउत्थभवं तत्तो छट्ठं पुण चउत्थं ॥१०६०१॥  
 तो अट्टमं चउत्थं दसमचउत्थं दुवालसं एवं । एगुत्तरवुड्ढीए तत्रं चउत्थेण अंतरियं ॥१०६०२॥  
 ता नेयं जा सोलस उववासा पढममद्धमिइ जायं । दुइयं पि अद्धमेवं नवरं पडिलोमनाएण ॥१०६०३॥  
 सोलस उववासातो चउत्थमहं होति पनरसुववासा । तयगु चउत्थं चउदस उववासा इय चउत्थेण ॥१०६०४॥  
 अंतरियं ताव तवो नेयं एगुत्तराए हाणीए । दो उववासे काउं जाव चउत्थं कुणइ अंते ॥१०६०५॥  
 इह तव दिणाण संखा तिन्नि सए पारणाण सट्ठि दिणा । उभयं वासमिमा वि हु पारणभेया भवे चउहा ॥१०६०६॥  
 इन्हि तु सीहकीलियतवो दुहा खुडुओ महल्लो य । पुज्जेहि तम्मि अट्ठे कयाओ गाहाओ भन्नति ॥१०६०७॥  
 एक्को दो एक्को वि य उववासा तिन्नि दोन्नि चउरो य । तिन्नि य पंच य चउरो छ पंच सत्तेव उववासा ॥१०६०८॥  
 छच्चेव अट्टसत्त य नव उववासेहि होइ पढमलया । अट्ट नव सत्त अट्ट य छ सत्त पण छच्च चउरो य ॥१०६०९॥  
 पण तिन्नि चउर दोन्नि य तिन्नेगो दोन्नि एग उववासा । पढमलया विवरीया अट्टहिया होइ बीयलया ॥१०६१०॥  
 चउपन्नसयं च तवोदिणाण इह पारणाइं तेत्तीसं । छहिं मासेहि सत्तहिं दिणेहि वच्चइ समग्गमिणं ॥१०६११॥  
 एसो खुडुगो सीहकीलिओ साहिओ तवविसेसो । इन्हि तु महल्लयरं एयं चिय संपवक्खामि ॥१०६१२॥  
 एक्को दो एक्को वि य तिन्नि दुवे चउरतिन्नि पण चउरो । छच्चेव पंच सत्त य छ अट्ट सत्तेव नव अट्ट ॥१०६१३॥  
 दस नव एक्कारस दस दुवालसेक्कारसेव तेरस य । बारस चउदस तेरस पनरस चउदस य सोलसगं ॥१०६१४॥  
 इय पढमलयं काउं तत्तो पनरस कुणइ उववासे । पढमलयं चिय तत्तो विवरीयं सोलसाइयं ॥१०६१५॥  
 पज्जंते उववासं करेति इय होति पिडियाइं इहं । चत्तारि तव दिणाणं सयाइं सगनउय अहियाइं ॥१०६१६॥  
 इगसट्ठि पारणया सव्वेगत्तेण वरिसमेगं च । छम्मास। अट्टारसदिणाइं दुविहं पि तवमेयं ॥१०६१७॥  
 खुडुलयं पि महल्लं पत्तेयं होइ चउहिं भेएहि । पुन्नपरुवियपारण चउव्विहत्तेण विन्नेयं ॥१०६१८॥

अथ भद्रतपः

एक्क दुग तिन्नि चउरो पंचुववासेहि होइ पढमलया । तिन्नि चउ पंच एक्को उववासदुगेण बीयाओ ॥१०६१९॥  
 पण एक्क दोन्नि तिन्नि य उववास चउक्कएण तइयलया । दो तिन्नि चउर पंच य एकुववासो चउत्थलया  
 पंचमलयाए चउरो पण एक्कग दोन्नि तिन्नि उववासा । पणसत्तरि उववासा सव्वे पणवीसपारणया ॥१०६२१॥

अथ महाभद्रतपः

एक्कग दुग तिग चउरो पंच छ सत्तोववास पढमलया । चउपंच छ सत्तेगो दो तिण्णुववास बीयाओ ॥१०६२२॥  
 सत्तेगो दोन्नि तिन्नि य चउपणछहिं चेव होइ तइयलया । तिग चउर पंच छच्चय सत्तेगो दुवे चउत्थीओ ॥१०६२३॥  
 छच्चेव सत्त एक्को दुगतिग चउपंचगेहिं पंचमिया । दुगतिग चउपण छच्च य सत्तेक्कगएहिं छट्ठीओ ॥१०६२४॥  
 पणछच्च सत्त एक्कग दुगतिग चउरोववास सत्तमिया । छन्नउयसयं इह तव दिणाण अगुपन्नपारणया ॥१०६२५॥

अथ भद्रोत्तरतपः

पंचग छ सत्त अट्ट य नवोववासेहि होइ पढमलया । अट्टनव पंच छच्चय सत्तुववासेहि बीयाओ ॥१०६२५६॥  
 छच्चेव सत्त अट्ट य नव पंचहिं चेव होइ तइयलया । नव पंच छ सत्तट्टहिं उववासेहि चउत्थीओ ॥१०६२७॥

पंचमलयाए सत्त य उववासा अट्ट नव य पण छक्कं। तव दिवसा पण सत्तरसयमिह पणवीस पारणया॥१०६२८॥  
 भद्दा य महाभद्दा तइया भद्दोत्तरा य तिन्नि वि य । तिरि उड्डं कोणसु य समसंखा सव्वओ भद्दा ॥१०६२९॥  
 सव्वरसविगइवज्जियअलेवआयंबिलोहि पारणयं । चउभेयं तेण इमा एक्केक्का होइ चउभेया ॥१०६३०॥  
 इन्हि आयंबिलवद्धमाणनामस्स तवविसेसस्स । भन्नइ सरूवमेत्थ य पढमं आयंबिलं काउं ॥१०६३१॥  
 कीरइ तवं चउत्थं तत्तो आयंबिलाइं दोन्नेव । तयण पुणो वि चउत्थं तत्तो आयंबिलतियं तु ॥१०६३२॥  
 इय एक्केक्क चउत्थंतरिया एकुत्तराए वुड्डीए । कीरंति अबिला ताव जाव अंते सयं एक्कं ॥१०६३३॥  
 काऊणं अबिलाणं कुणइ चउत्थं तवं तओ एवं । एस समप्पइ सव्वो सयं चउत्थाण इह होइ ॥१०६३४॥  
 पन्नाससमहियाइं तह आयंबिलसथाइं पन्नासं । सव्वेगत्ते वासा चउदस दिणवीसमासतियं ॥१०६३५॥  
 इन्हि तु कहिस्सामि गुणरयणसंवच्छरं तवोकम्मं । कायव्वमणिविखत्तं चउत्थतवमिह पढममासे ॥१०६३६॥  
 दोच्चे मासे छट्ठं तह तच्चे अट्टुमं चउत्थम्मि । मासे दसमं कीरइ पंचममासे दुवालसमं ॥१०६३७॥  
 इय उत्तरुत्तरम्मी मासे एक्केक्क दियह वुड्डीए । कायव्वमणिविखत्तं तवकम्मं जाव सोलसमे ॥१०६३८॥  
 मासे चउतीसइमं कायव्वं इय समप्पए एयं । अन्नं पि भिक्खुपडिमा पभइ तवं कुणइ बहुभेयं ॥१०६३९॥  
 एवंविह उगतवोविहाणनिरयस्स विन्हुवरमुणिणो । लद्धीओ जाओ जायाओ ताओ काओ वि वोच्छामि॥४०॥  
 आमोसहि विप्पोसहि खेलोसहि जल्लओसही चैव । संभन्नसोयलद्धी सव्वोसहिलद्धि तह चैव ॥१०६४१॥  
 चारणलद्धी आसीविसलद्धि विउव्विलद्धिणो चैव । अक्खीणमहाणसिया पमुहाओ अणेगलद्धीओ ॥१०६४२॥  
 तत्थामोसहीलद्धी जो होइ जई सरीरगविहुरंगं । अप्पाणं च परं वा जं किचि वि रोगहरणस्स ॥१०६४३॥  
 अभिपाएणं फासइ तं तक्खणमेव कुणइ नीरोगं । सा होइ एगदेसे देहस्स उ सव्वदेहे वा ॥१०६४४॥  
 विष्णु भाणिज्जइ विट्ठा ओसहिसामत्थजुत्तयाए इमा । विप्पोसहि ति भन्नइ तीए लद्धीए जो जुत्तो ॥१०६४५॥  
 तव्विट्ठाए कस्स वि लिपिज्जइ जस्स रोगिणो देहं । अप्पस्स परस्स वसो वि होइ सव्वामयविमुक्को ॥१०६४६॥  
 खेलं भन्नइ निट्ठीवणं ति जल्लं मलो सरीरस्स । खेलोसही वि जल्लोसही वि पुव्वं व नायव्वो ॥१०६४७॥  
 संभन्नसोयलद्धी एगयरेण वि सरीरदेसेण । उवलहइ इंदियत्थे सव्वे वि परिप्फुडे चैव ॥१०६४८॥  
 सव्वोसहीओ भन्नइ आमोसहिमाइयाओ सव्वोओ । जस्सुप्पन्नाओ ओसहीओ एगस्स जीवस्स ॥१०६४९॥  
 अहवा सव्वसरीरेण तरस्स सव्वेहिं वा अवयवेहिं । खेलोसहिमाईहिं जो ओसहिसत्तिसंजुत्तो ॥१०६५०॥  
 अहवा बहुरूवाण वि वाहीणं होइ जो समग्गाण । निग्गाहणम्मि समत्थो सो वि हु सव्वोसही नाम ॥१०६५१॥  
 चारणलद्धी दुविहा जंधाए होइ तह य विज्जाए । जंधाचारणलद्धी लूयपुडगस्स तंतुं पि ॥१०६५२॥  
 नीसाए काऊणं उड्डं उप्पयइ गयणमग्गम्मि । विज्जाचारणलद्धी विज्जा सामत्थओ वयइ ॥१०६५३॥  
 आसीविसलद्धी पुण सो भन्नइ जो पओसमावन्नो । देहविर्णिवायकरणे होइ समत्थो परजणस्स ॥१०६५४॥  
 वेउव्वियलद्धी पुण नाणाविहरूवकरणसत्तिजुओ । लहुगुरुपयणुमहल्लं दिस्समदिस्सं कुणइ रूवं ॥१०६५५॥  
 अक्खीणमहाणसिया एगस्स वि अप्पणो पमाणम्मि । आणीओ आहारो दिज्जंतो सयसहस्साण ॥१०६५६॥  
 अन्नैसि तो निट्ठइ जाव न भुत्तो सयं तमाहारं । सो लद्धिमंतसाहू आणीओ जेण आहारो ॥१०६५७॥  
 एवं विविहुगतवोकम्मसमुप्पन्नविहिलद्धी सो । खवइ पुराणं कम्मं अंगामंदिरनग्गम्मि ठिओ ॥१०६५८॥

एत्तो सुव्वयसूरी नियमुणिवग्गेण सह समग्गेण । गामनगरागराडसु विहरंतो मासकप्पेण ॥१०६५९॥  
हत्थिणउरम्मि पत्तो समोसडो बाहिरम्मि उज्जाणे । नाऊण महापउमो चक्को तं आगयं तत्थ ॥१०६६०॥  
अइगरुयविभूईए वच्चइ तव्वंदणत्थ मइहिट्ठो । विणएण वंदिऊणं उवविसइ जहोचिए ठाणे ॥१०६६१॥  
सूरी वि कहइ धम्मं तीसे रायाइयाए परिसाए । जह कह वि महामिच्छत्तमोहिया बद्धघणकम्मा ॥१०६६२॥  
चउगइगहणम्मि भवे भमंति जह लद्धविमलसम्मत्ता । चरिऊण चारुचरणं कम्मं खविऊण सिज्जांति ॥१०६६३॥  
सोऊण सूरिवयणं एयं गिण्हंति के वि पव्वज्जं । केइ वि हु देसविरइं केइ वि संमत्तमेत्तं तु ॥१०६६४॥  
नमुई पुण सो मंती सूरि दट्ठूण सपरिवारं पि । उज्जेणीए जायं नियवुत्तं सुमरिऊण ॥१०६६५॥  
कोवेणं पज्जलिओ मणम्मि छिड्डाईं मगाए तेसि । तिच्चं पि न लहइ परं तो कइवय दियहपज्जंते ॥१०६६६॥  
पत्तो वासारत्तो सूरी तत्थेव कुणइ चउमासं । नमुई वि महापउमस्स चक्किणो सन्निहाणम्मि ॥१०६६७॥  
सिहवलदुट्ठसामंतगहणतुट्ठेण तेण जो दिन्नो । आसि पुरा तं मगाइ वरं तथा गुरुपयत्तेण ॥१०६६८॥  
चक्की वि तं पयंपइ जं कि पि समीहियं तुह इयाणि । तं मग्गसु नीसंको अह नमुइं चक्किणं भणइ ॥१०६६९॥  
जह देव करिस्समहं विहिणा वेओइएण जन्नविहिं । तो जाव सो समप्पइ ताव नियं देहि मे रज्जं ॥१०६७०॥  
दाऊण चक्कवट्ठी तं तस्स सयं तु चिट्ठए गंतुं । अंतेउरस्स मज्झे अहासुहं पालियपइन्नो ॥१०६७१॥  
अह तं रज्जनिविट्ठं नमुइं नाऊण सेसपासडा । वद्धावणयंति कुणांति दंसणं तेण सह गंतुं ॥१०६७२॥  
सुव्वयसूरी एक्को समागओ नेव सपरिवारो वि । नमुइनिवस्स समीवे तं चिय तो दूसणं तेसि ॥१०६७३॥  
अब्भाविऊण एए हक्कारावेइ नमुइनरनाहो । जं पइ जह तुब्भे महदेसं छड्डेह सिग्घं पि ॥१०६७४॥  
अट्ठुव्वा तुब्भे समग्गजणसम्मयं पि ववहारं । जं लोइयं समुचियं लंघह निल्लज्जसेहरया ॥१०६७५॥  
तुम्हं आयारो सयलनीइसत्थेसु एस पडिसिद्धो । तेसु वि जम्हा एवं कहिज्जए ठाणठाणम्मि ॥१०६७५६॥  
जइ वि हु निउणो जोई पासइ सयलं पि महीयलं छिड्डुं । लोइयमायारं तह वि नेव लंघेज्ज मणसा वि ॥१०६७७॥  
उक्तं च—

यद्यपि निपुणो योगो छिद्रां पश्यति मेदिनीम् । तथापि लौकिकाचारं मनसाऽपि न लंघयेत् ॥१०६७८॥  
न य दंसणिणं अवेसि पासओ कि पि सुंदरा तुब्भे । सव्वेहिं वि तेहिं अहं अहिणवसंपत्तरज्जसिरी ॥१०६७९॥  
आगंतूणं वद्धाविओ म्हि तुब्भेउ दप्पिया थद्धा । लोयववहारबज्जा समागया नेय मह पासे ॥१०६८०॥  
तो आह तं मुणिदो अम्हं नरनाह नत्थि थेवो वि । दप्पस्स लवो चित्तो निरहंकाराण साहूण ॥१०६८१॥  
किन्तु परं परिचत्तो पुत्तकलत्ताइसंगमो जेहिं । ताण न कप्पइ एवं तेणम्हे आगया नेह ॥१०६८२॥

उक्तं च भवदागमे—

तिथि पर्वोत्सवाः सर्वे त्यक्ता येन महात्मना । अतिथि तं विजानीयाच्छेषमभ्यागतं विदुः १०६८३॥  
लोयववहारबाहा वि का वि अम्हेहिं न विहिया इन्दि । रायविरुद्धाईयं जम्हा नासेवियं किंचि ॥१०६८४॥  
जं तए भणियमिणं देसं अम्हाण मुयह सिग्घं पि । तं पि हु दूरमजुत्तं सत्थेसु जओ भणियमेवं ॥१०६८५॥  
व्रतिनो जंगमं तीर्थं सदाचारपरायणाः । न सन्ति येषु देशेषु कुतस्तेषां पवित्रता ॥१०६८६॥  
यमुपार्जयन्ति धर्मं कायकलेशं विधाय मुनयोऽमी । साधयति तमवलेशेन नरपतिः पालनात्तेषाम् ॥१०६८७॥  
किं च अणारियजणपरिभविज्जमाणाण इह तवस्सीणं । सव्वेसिं पि हु सरणं संजायइ पत्थिवो चेव ॥१०६८८॥

तथा च स्मृतिवाक्यम्—

दुर्बलानामनाथानां बालवृद्धतपस्विनाम् । अनार्यैः परिभूतानां सर्वेषां पार्थिवो गतिः ॥१०६८९॥

किं च मनुनापि सामान्येनैवैतदुक्तम्—

प्रजानां धर्मषड्भागो राज्ञो भवति रक्षतः । अधर्मादिपि षड्भागो भवेत्तासामरक्षणात् ॥१०६९०॥  
 तो कि अकयवराहे वि साहुणो निव तुमं सदेसाओ । नीहारसि अहवा तुह एमेव इमे नियमणम्मि ॥१०६९१॥  
 तो पडिहासंति तहा वि खमसु ता जाव पाउसो कालो । एस अइक्कमइ तओ ठाणाउ इओ गमिस्सामो ॥१०६९२॥  
 इय सूरिणा पभणिए नमुइनिवो कोवकलुसिओ वयइ । भो भो कि बहु जंपह एमेव निरत्थयं तुब्भे ॥१०६९३॥  
 सत्तदिणाणं मज्झे देसं द्दुहेह मे समगं पि । तदुवरि जइ पेक्खिस्सं पव्वइगमेत्थ एक्कं पि ॥१०६९४॥  
 तुम्हाणं मज्जाओ तो तं नियबंधुसन्निहंपि अहं । नियमेण निग्गहिस्संतो सूरी भणइ तं एवं ॥१०६९५॥  
 आलोचेउं सह नियमुणीहि तुम्हं कहिस्सए कल्ले । तो नियठाणे गंतुं मुणीहि सह कुणइ मंतणयं ॥१०६९६॥  
 भो भो जंपह तुब्भे निय नियमभिपायमेत्थ समयम्मि । कि अम्ह काउमुचियं उज्जेणीए तयाएसो ॥१०६९७॥  
 वाये अहिट्ठिओ जं उत्तरदाणेण पडिहयप्पसरो । विहिओ सव्वसमक्खं तेण पओसं गओ बाढम् ॥१०६९८॥  
 खलियारेउं अम्हे पारट्ठो अविहियाविराहे वि । एक्केण तओ मुणिणा विन्नत्तो एरिसं सूरी ॥१०६९९॥  
 जह विन्हुकुमारमहामुणिणो वयणेण एस उवसामं । गिन्हंतो मन्निज्जइ तो सो आणिज्जए एत्थ ॥१०७००॥  
 तो सूरिणा पभणियं अंगांमंदरनगम्मि सो इन्हि । चिट्ठइ विन्हुकुमारो तेत्तिय दूरम्मि तो गंतुं ॥१०७०१॥  
 सो चेव सक्कइ मुणी विज्जाए वा तवेण वा जस्स । आगासगमणसत्ती उप्पन्ना होइ कस्स विय ॥१०७०२॥  
 तो एगो भणइ मुणी ममत्थि आगासगमणसामत्थं । किंतु परं आगंतुं पुणो वि तत्तो न सक्केमि ॥१०७०३॥  
 तो तं पभणइ सूरी जइ एवं तो तुमं वयसु तत्थ । सोच्चिय विन्हुकुमारो तुममाणिस्सइ तओ एत्थ ॥१०७०४॥  
 इय गुरुणा भणिओ सो तमालदलसामलं गयणमगं । उप्पइओ सिग्घं चिय विन्हुसमीवम्मि संपत्तो ॥१०७०५॥  
 तं एतं दट्ठूणं विन्हुमुणी चितए नियमणम्मि । किं पि गुरुसंघकज्जं वासारत्ते वि तेण इमो ॥१०७०६॥  
 संपत्तो इह एवं चितंतो तेण साहुणा विन्हु । पणओ कहियं च पुरो तस्स नियं आगमणकज्जं ॥१०७०७॥  
 विन्हु मुणी वि मुणेउं गुरुकज्जं झ त्ति तं मुणि गहिउं । बीयदिणे आगासेण आगओ गुरुसमीवम्मि ॥१०७०८॥  
 तं नमिऊण सविणयं अणुन्नवेऊण बीयमुणिसहिओ । नमुइसमीवम्मि गओ नमुइप्पमुहेहि सव्वेहि ॥१०७०९॥  
 सोऽब्भुट्ठिओ सविणयं महानरिदाइएहि तत्थ तओ । उचियासणे निसन्धो धम्मकहा पुव्वयं भणइ ॥१०७१०॥  
 तं नमुइनिव एवं वासारत्तो इमो अइक्कमइ । जाव मुणीणं ताविह तुब्भे ठाउं पयच्छेह ॥१०७११॥  
 उड्ढं तु जं भणिस्सह तं पि करिस्संति साहुणो एए । तं वयणं गुरुमच्छरूपूरियहिययस्स नमुइस्स ॥१०७१२॥  
 सवणगयं सलिलं पि व सूलसमुप्पायगं दुयं जायं । तो तं अणुणयमाणो नमुई विन्हुं भणइ एवं ॥१०७१३॥  
 तुम्हे उ महापउमस्स सामिणो कि पुणो ममं तत्तो । तुब्भे न भणामि अहं अन्ने पुण निच्छएण मए ॥१०७१४॥  
 निव्विसया कायव्वा समणा अहं तं भणाइ विन्हु मुणी । पाणिबहुला वसुमई इमम्मि समए जइ-जणस्स ॥१०७१५॥  
 तो गमणमइविरुद्धं अपविसमाणा पुरम्मि जइ एए । उज्जाणे ठाऊणं वासारत्तं तुहाणाए ॥१०७१६॥  
 वच्चंति अन्नदेसे तह वि तए होइ मम कयं वयणं । तो नमुई भणइ मए जे घायव्वा ममुज्जाणे ॥१०७१७॥  
 ते कह वसिहंति तओ विन्हु मुणी पभणए नमुइमेवं । भरहप्पभिईहिं इमे सव्वेहिं वि भूमिवालेहि ॥१०७१८॥

परिवालिया विसेसेण पूईया तं पुणो न पूएसि । जइ साहुणो तयट्टे न किपि अम्हे तुमं वेमो ॥१०७११॥  
जं पुण पभणसि एए घाएयव्व त्ति तं न निव-चरियं । दस्सुणं पि न दीसइ एयं तम्हा अइक्कंते ॥१०७२०॥  
वासासमए एए अत्तेसुं पत्थिवाण देसेसुं । विहरिस्सति तओ सो नमुई विन्हुं भणइ एवं ॥१०७२१॥  
जं भणसि तुमं एयं न रायचरियं ति पुव्वपुरिसाओ । आसि मुणीणं परिपूयगत्ति तं जो निवइ पुत्तो ॥१०७२२॥  
जणय पिआ-मह पपिया-महक्कमेणागयं नरिदसिरिं । अणुहवइ तस्स एसा मुणिवर धम्मिट्टया होइ ॥१०७२३॥  
पढमो खेव अहं नियवंसे राया तओ किमन्नस्स । चरिएण मम न कज्जं समणेहिं सत्तरत्तुवरिं ॥१०७२४॥  
पासामि जं भमंतं समणं इह तस्स जीवियं नत्थि । अइगच्छह तो तुब्भे अहं न भे किचिवि भणामि ॥१०७२५॥  
तो चितइ विन्हुमुणी अहो दुरप्पा इमो धुवं नमुई । साहू वहेउमिच्छइ तो मे न उवेक्खिउं जुत्तं ॥१०७२६॥  
साहूणं पीडा संभवम्मि तो पभणए इमो नमुइ । जइ वि तुमं सिववसिओ काउमिसं तह वि मम एककं ॥१०७२७॥  
वयणं करेसु एयं विवित्तदेसम्मि विक्कमे तिन्नि । मज्झ पयच्छसु जह तत्थ संठिया साहुणो एए ॥१०७२८॥  
कुव्वति पाणचायं इमम्मि काले न कप्पए जम्हा । एएसिं विहरेउं भूमिपएसे इय पमाणे ॥१०७२९॥  
दिन्नम्मि तए वयणं मज्झकयं होइ तुह पइत्ता य । परिओसवियसियच्छो तो नमुई भणई जइ सच्चं ॥१०७३०॥  
एयं भणिय पएसाओ कोवि बाहिं न नीहरइ तेसिं । तो देमि विक्कमतियं सामरिसेणं तओ तेण ॥१०७३१॥  
विन्हु कुमारेण तह त्ति तस्स पडिवन्नमेरिसं वयणं । निग्गच्छइ नयरबाहिं नमुई एवं च जंपेइ ॥१०७३२॥  
विक्कमतियं विइन्नं मए मिणेसु त्ति भणइ तो विन्हु । गहियं तिमिणओ कामो कोवेण विवड्ढिउं लग्गो ॥१०७३३॥  
वेउव्वियदेहेणं तो नमुई भयपकंपिरसरीरो । तस्स चरणे विलग्गो भयवं मे खमह अवराहं ॥१०७३४॥  
असइं पि इय भणंतो मुणिणा कंपावियम्मि नियपाए । पडिओ सो धरणियले तो विन्हु मुणीखणेणेव ॥१०७३५॥  
निम्मविय दिव्वरूवो संजाओ लक्खजोयणपमाणो । मणिमउडकुंडलगयकंकणकेऊरहारेहिं । ॥१०७३६॥  
दिप्पंतसयलदेहो अदिट्टपुव्वं तओ महाबोदिं । तं पासंता किं नर किं पुरिसमहोरगाईया ॥१०७३७॥  
वेवंतसव्वगत्ता गलियाभरणच्छरागणसहाया । भीया उत्तत्थमणा विलोलनयणामिहो वेत्ति ॥१०७३८॥  
कोणु इमो कि काउं उवट्ठिओ कत्थ पत्थिओ वावि । संचारिमोच्चमंदरगिरिराओ एस पडिहाइ ॥१०७३९॥  
नरलोयसगलोयाण अंतरालस्स केत्तियं माणं । एवं नाउं वइमो को वि महप्पा विवड्ढेइ ॥१०७४०॥  
एसा वसुंधरा तेण पायददूरयमायरंतेण । कंपाविया ससेला सकाणणा सनयरग्गामा ॥१०७४१॥  
वसुहा कंपेणं जलहिणो य उच्छालिया गुरुतरंगा । सव्वाओ वि नईओ पडिपहगमणाओ जायाहो ॥१०७४२॥  
जोइसचक्कं भयविवसमाणं संविहडियं समग्गं पि । भवणवइवाणमंतरदेवगणा दूरमुत्तथा ॥१०७४३॥  
एत्थंतरम्मि चलियासणम्मि सक्को पउंजए ओहिं । पासइ य तहारूवं तं विन्हुकुमारमणगारं ॥१०७४४॥  
गंधव्वाणीयस्स य नट्टाणीयस्स तयणु अहिवइणो । सदाविऊण एवं सुरेसरो ते समाइसइ ॥१०७४५॥  
भो भो निसुणह तुब्भे एसो भयवं महामुणी विन्हु । कयधोरतवच्चरणो नमुइअणायारपरिकुविओ ॥१०७४६॥  
तेलोक्कं पि समत्थो ढालेउं ता तयंतिए गंतुं । साणुणयणीयनट्टो वहारओ सिग्घमुवसमह ॥१०७४७॥  
इय सक्के णाणत्ता तिलोत्तमा उव्वसी य रंभा य । सामा य चक्खु विसए पणच्चिया तस्स वरमुणिणो ॥१०७४८॥  
आउज्जाणिय अफ्फालियाणि कन्नाण तह य आसन्नं । तुंबुरुनारयहाहा हूह विस्सा वसूहिं च ॥१०७४९॥  
सुइसुहजणयं गीयं थुणमाणेहिं पगव्ववयणेहिं । खंतिगुणवत्तणाहिं य जिणनामग्गहणपुव्वं च ॥१०७५०॥

उवसम भयवं उवसम भयवं ति अभिक्खणं भणतेहि । वेयड्ढसिहरिसेढी निवासिणो जे महिड्ढीया ॥१०७५१॥  
 विज्जाहरा समग्गा समागया तेवि तह सुरसमूहा । सुरवड्ढसहिया मुणिणो विण्हुस्स पसायणनिमित्तं ॥१०७५२॥  
 जिणपवयणाणुरूवाणि सायरं गीयगाणि गायंता । पयमुक्खित्तं तारामरससप्पहं मह्यरण व्व ॥१०७५३॥  
 अल्लियंता परिसंयुणंति तो नारएण तुंबुहणा । दोहि वि पयंपियं पमुइएहि अच्छरियमच्छरियं ॥१०७५४॥  
 जं नाम मण्यमेत्तेण वि होऊणं इमेण महरिसिणा । आणीया नियपयअंतियम्मि देवा सइंदा वि ॥१०७५५॥  
 विज्जाहरा य भणिया गंधारग्गाममुच्छणाणुगयं । सत्सरतंतिनिस्सियमेयं नरलोयअइदुलहं ॥१०७५६॥  
 विण्हुमुणिकोवबद्धं गेयं उवगिज्जमाणमइसइयं । अवहारह जह तुमहं परमरई होइ गधव्वे ॥१०७५७॥  
 इय भणित्तं तुंबुरुनारएहि गीयं इमम्मि अट्टम्मि । उवसममु मुणिवरिद्वयजिणेहि कोहो पडिक्कुट्टो ॥१०७५८॥  
 कोहो नाम नराणं नियदेहाओ समुब्भवइ सत्तु । जं इमो मित्तविरोहं कारइ छुट्ठावए धम्मं ॥१०७५९॥  
 सपरोभयसंतवओ कोवो तह सुचरियस्स निट्टवओ । दुग्गइ गमसुहपंथो पलिमंथो सयलसोकखाण ॥१०७६०॥  
 तित्थयरा अत्ते विट्टु महरिसिणो अतुलविककमजुया वि । विसहंति निहीणाण वि सव्वं परलोयभीरुमणा ॥१०७६१॥  
 गोसीसचंदणेणं कोवि विलंपिज्ज सव्वभायाइं । तिक्खाए वासीए को वि ह तच्छेज्ज ताइं पि ॥१०७६२॥  
 जइ साहूणं देहे तहा वि ते मुणिय कम्मपरसत्था । ताइ तूसंति न रूसंति कस्सईं होति समचित्ता ॥१०७६३॥  
 भत्तीए नमिऊणं एगो साहूण भत्तवत्थाइं । देज्जा अत्तो हणित्तं नीहारइ ते नियगिहाओ ॥१०७६४॥  
 एगो मिउवयणेहिं सवणमणाणंदणेहिं संयुणइ । अत्तो दुव्वयणाइं वयइ मणो दुक्खजणगाइं ॥१०७६५॥  
 जाणिय भवस्सरूवा सुसाहुणो होति तह वि मज्जत्था । दोसुं पि तेसु दूरं रागदोसं समुज्जेउं ॥१०७६६॥  
 देसूण पुव्वकोडीए अज्जियं जं हव्वेज्ज चारित्तं । तं पि खणं सकसाओ होउं नासेज्ज नीसेसं ॥१०७६७॥  
 जह नेरइयतिरिच्छाइएसु इयरेसु विण्फुरइ कोवो । तह जइ गुणगरुएसु वि ता किनु विवेयसामत्थं ॥१०७६८॥  
 ता उवसमसु मुणीसर सुमरसु जिणभासियाइं वयणाइं । करुणाए देसु चित्तं कुणसु पसायं तिहुयणस्स ॥१०७६९॥  
 इय तियसगायणाणं गीयं अवहारिऊण खयरेहिं । भणियं अणुग्गहो णे तुब्भेहिं कओ इमो परमो ॥१०७७०॥  
 इय भणित्तं ते खेयरपवरा वि तमेव सुरकयं गेयं । गायंति विण्हुमुणिणो सुइनियडे कोवपसमकए ॥१०७७१॥  
 एत्तो य हत्थिणउरे जणेण पूया कया जिणहरेसु । काउस्सग्गम्मि ठिओ चउव्विहं समणसंघो वि ॥१०७७२॥  
 राया वि महापउमो विण्हुमुणि नमुड दुन्नयवसेण । कुवियं विउच्चियमहादेहनिरुद्धं बराभोयं ॥१०७७३॥  
 सोऊण झत्ति भयभरपकपिरो निग्गओ सगेहाओ । सो रोहो सपुरजणो गंतूणं समणसंघस्स । ॥१०७७४॥  
 पयमूलम्मि भगवओ कंठपएसागएहिं पाणेहिं । भणइ भयगगिरसरो संघस्स अहं गओ सरणं ॥१०७७५॥  
 सिरिसुव्वयस्स गुरुणो अणगारवरस्स संपयं सीसो । परितायह परितायह करुणं काऊण मं तम्हा ॥१०७७६॥  
 संघेण महापउमो राया एवं तओ उवालद्धो । मूढ अपत्तं रज्जे ठवेसि न च वहसि वुत्तंतं ॥१०७७७॥  
 नियनयरसागयाण वि साहूणं एरिस्तो पमत्तो सि । किनु महप्पा संघो विमलसहावो दयाजलही ॥१०७७८॥  
 ता तुज्ज खमियमेयं अवमाणं जं तए कयं अम्ह । विसयपमत्तेण सयं अणवेक्खंतेण नियविसयं ॥१०७७९॥  
 तेल्लोक्कं पि समग्गं तहा इमं संसयम्मि पक्खित्तं । एवं भणिऊण महापउमनिवं तो समणसंघो ॥१०७८०॥

विण्हं भणेइ महापउमनरिदस्स समणसंघेण । खमियं ता तुममिन्हि उवसम साहरय कयरूवं ॥१०७८१॥  
 मा चालेह सचलणं तवतेयपभावओ जओ सयलं । संचलइ पुहइवलयं पविसइ व रसायलं घोरं ॥१०७८२॥  
 चिट्ठइ पुरट्ठिओ तुह चलणभासम्मि एस सयलो वि । भो ! विन्हु समणसंघो अभिक्खणं एरिसं वयणं ॥१०७८३॥  
 साहूहिं भणिज्जंतं जाहे निसुणेइ नेय विन्हुमुणी । ताहे पयपियं महयरेहिं एवं सुयहरेहिं ॥१०७८४॥  
 न सुणइ सहं नूणं दुवालसन्हं पि जोयणाण ठियं । परओ कत्थइ गयणंतरम्मि सोइंदियमिमस्स ॥१०७८५॥  
 सुइविसयमइक्कंतं उक्कोसविउव्वणा सयसहस्सं । जं जोयणाण जायइ तेत्तियदूरं गओ तम्हा ॥१०७८६॥  
 रूवविसयम्मि वट्टइ तो अप्फालेह पायमेयस्स । इय कीरंते एसो अवलोइस्सइ धुवं हेट्ठा १०७८७॥  
 दट्ठूण समणसंघं कुणमाणं पज्जुवासणं तत्तो । उवसममुवागमिस्सइ विन्हुकुमारो मुणी एसो ॥१०७८८॥  
 जमगसमणं पि तत्तो चलणो अप्फालिओ मुणिज्जणेहिं । तो तेण विन्हुमुणिणा फासिदियलद्धसन्नेण ॥१०७८९॥  
 अवलोइयमवणियलं दिट्ठो एएण तो महापउमो । नरताहो सो रोहो सपरियणो सरणमावन्नो ॥१०७९०॥  
 संघस्स भगवओ तह कयंजलिउडा य साहूणो दिट्ठा । वाहरमाणा एवं उवसम विन्हु उवसम त्ति ॥१०७९१॥  
 तो णेण चित्तियमिणं मुणिणो नवणीयमिव म्मिउसहावा । चंदणमिव सीयलया तेण महापउमनरवइणो ॥१०७९२॥  
 सपरियणस्स वि पीडं परिहरमाणोहिं खमियमेएहिं । नीसंसयमेव तओ न जुज्जए मज्ज वइकमिउं ॥१०७९३॥  
 सिरिसंघं भयवंतं इय चित्तेउं तथा सुराणं च । वयणेहिं पुवं चिय मउई कयमाणसो विन्हु ॥१०७९४॥  
 तं वेउव्वियरूवं उवसंहरिऊण नियसरूवेण । साहाविएण सारयससि व्व सुहदंसणो होउं ॥१०७९५॥  
 पुहईए ट्ठिओ तत्तो सखेयरा देवदानवा तस्स । विन्हुस्स महामुणिणो पणया पाएसु पीईए ॥१०७९६॥  
 काऊणं कुसुमाणं दसद्धवन्नाण सुरहिगंधाण । वासं गंधुदयस्स य ठाणेसु गया नियनिएसु ॥१०७९७॥  
 अह विन्हुकुमारेण राया निव्वच्छिओ महापउमो । अरिहसि न रज्जलच्छि विसयसुहे मुच्छिओ सि तुमं ॥  
 अह ज्ज त्ति महापउमो महीवई लज्जिओ स-चरिएण । विन्हुचलणेसु खिविउं नियसीसं खामए एयं ॥१०७९९॥  
 अत्तेहिं वि साहूहिं विन्हुमुणी वारिओ खरंटेतो । चक्कहरमहापउमं जह इमिणा खामिओ संघो ॥१०८००॥  
 चिट्ठइ नियदुच्चरियं सुबहं पुवं पि ता पुणो वि तुमं । मा लज्जावह एयं तो निवपट्ठीए नियहत्थं ॥१०८०१॥  
 देतेण विन्हुमुणिणा भणियं संघेण भगवया खमिए । खमियं चिय अम्हेहिं कित्तु पुणो मा इय करिज्जा ॥१०८०२॥  
 इय भणिउं कयमोणे विन्हुकुमारे ठियम्मि अणगारे । आइसइ महापउमो राया कुविओ नियमणुस्से ॥१०८०३॥  
 पावाण वि पावयरं अगिज्ज-नामं अदंसणिज्ज मुहं । नमुइं बाहिं नेउं सुदुक्खमारेण मारेह ॥१०८०४॥  
 करुणा-रसिएहिं तओ साहूहिं निवारिओ महापउमो । मा मारावेह इमं नमुइं जीवंतयं मुयह ॥१०८०५॥  
 निव्विसओ काऊणं रत्ता निव्वासिओ तओ एसो । विन्हुकुमारो वि मुणी पायच्छित्तं गुरु समीवे ॥१०८०६॥  
 अनुचरिऊण विसुद्धो निट्ठविऊणं समग्गमवि कम्मं । एएणेव भवेणं पाविस्सइ अक्खयं सोक्खं ॥१०८०७॥  
 जं आसि ताए पुट्ठं नरवरभूकंपकारणं इन्हिं । तं एयं तुह कहियं इय जिणवयणं सुणेऊण ॥१०८०८॥  
 जाया समग्गपरिसा सा विम्हयरसपरव्वसा ज्जत्ति । पणया य विन्हुमुणिणो सिरग्गसंघडियकरजुयला ॥१०८०९॥  
 कइवयदिणपज्जंते भरुयच्छाओ पुराओ नीहरिउं । बहिया जणवयमज्जे विहरइ मुणिसुव्वयजिणिदो ॥१०८१०॥  
 इय विहरिऊण सुउरं बहुयं पडिबोहिऊण भवियजणं । अद्धट्टमा सहस्सा वासाणं सव्वपरियायं ॥१०८११॥  
 तं चिय एक्कारसहिं मासेहिं विरहियं सपक्खेहिं । केवलिणो परियायं अणपालेऊण कि चूणं ॥१०८१२॥  
 नियआउयपज्जंतं नाऊणं नियडमागयं तत्तो । सम्मेयसेलसमुहो चलिओ तेलोक्कनयचलणो ॥१०८१३॥



केवलनाणुप्पत्तीप्पभिई जे केवि भगवया मणुया । पडिबोहिऊण धम्मो ठविया तेसि इमा संखा ॥१०८१४॥  
 अट्टारसउ गणहरा तीससहस्साइं पवरसाहूणं । पन्नाससहस्सा साहूणीण नेया अणूणाओ ॥१०८१५॥  
 एगो सावयलक्खो सहिओ बावत्तरी सहस्सेहिं । चउपन्नसहस्स जुयं लक्खतियं सावियाणं तु ॥१०८१६॥  
 साहूणं मज्झाओ विसेसवंताण भन्नए संखा । चउदसपुव्वधराणं पंचेव सयाइं नेयाइं ॥१०८१७॥  
 वेउडिवयलद्धीणं दोत्रिसहस्साइं वायलद्धीणं । बारससया सयाइं अट्टारसओहिनाणीणं ॥१०८१८॥  
 मणपज्जवनाणीणं पन्नरसक्षयाइं होति नेयाइं । केवलनाणीणं पुण नेया अट्टारसेव सया ॥१०८१९॥  
 अह मुणिसुव्वयसामी गंतुं सम्मेयसेलसिहरम्मि । जावज्जीवं पि तओ कयसव्वाहारपरिहारो ॥१०८२०॥  
 मासं पाओवगओ सिलायले फासुए ठिओ विउले । साहुसहस्सेण समं किन्हाए जेट्टनवमीए ॥१०८२१॥  
 नक्खत्तेणं सवणत्तेणं सहगए जोगममयकिरणम्मि । पुव्वाए रयणीए निव्वाणमणुत्तरं पत्तो ॥१०८२२॥  
 एत्तो य वज्जपाणिस्स आसणं चलइ सो पउंजए ओहिं । कयभत्तपच्चक्खणं पासइ मुणिसुव्वयं सामि ॥१०८२३॥  
 तो उट्टेउं सीहासणाओ सत्तट्टु सम्मुहपयाइं । गंतुं महिनिहियसिरो पणमइ जीयं च सुमरेइ ॥१०८२४॥  
 कारइ देवाऽहवणं इच्चाइ जहेव जम्मसमयम्मि । जा देवदेविसहिओ आगंतुं भगवओ पासे ॥१०८२५॥  
 विमणो वि गयाणंदो अंमुजलप्फुत्तनयणतामरसो । तिक्खत्तो आयाहिणपयाहिणी कुणइ तित्थयरं ॥१०८२६॥  
 तत्तो नच्चासन्ने न याइ दूरम्मि पज्जुवासेइ । इय सव्वे वि सुरिदा नेया जा अच्चयाहिवई ॥१०८२७॥  
 एवं भवणवईण वि इंदा जोइसियवंतराणं च । नेया जाव चउव्विहदेवाण निवासठाणाइं ॥१०८२८॥  
 जाव य सम्मेयनगो ताव य देवेहिं देविनिवहेहिं । सोयभरपूरिण्हि अविरहियं संचरंतेहिं ॥१०८२९॥  
 इय इंदाइसुरेहिं तथा समग्गेण समणसंधेण । सेविज्जमाणचरणारविदजुयलो जिणो सिद्धो ॥१०८३०॥  
 निव्वाणगए मुणिसुव्वयम्मि तेलोक्कभवणदीवम्मि । सक्को वेमाणियभवणवंतरे जोइससुरे य ॥१०८३१॥  
 एवं आइसइ जहा भो ! खिप्पामेव नंदणवणाओ । गोसीससरसचंदणकट्टाइं एत्थ आणेउं ॥१०८३२॥  
 चियगाओ तित्थि रएह तत्थ एगा कए जिणिदस्स । पुव्वदिसाए वट्टा दुइया उण दाहिणदिसाए ॥१०८३३॥  
 तं सा हरिवंसकुलुब्भवाण साहूण सेसयाण पुणो । अणगराण निमित्तं चउरंसा अह पडिच्छिता ॥१०८३४॥  
 ते वि तहेव करित्ता सव्वं चिय तं कहेति सक्कस्स । सो आभिओगियसुरे सदावेउं इमं वयइ ॥१०८३५॥  
 भो तुब्भे खिप्पं चिय खीरसमुद्दाओ सलिलमाणेह । ते तं आणेति तथा तो सक्को उट्टिऊण सयं ॥१०८३६॥  
 तित्थयरस्स सरीरं पक्खालइ खीरवारिणा सव्वे । सरसेण पवरगोसीसचंदणेणं च लिपेइ ॥१०८३७॥  
 तयणु नियंसावेइ हंसलक्खणं पवरसाडयं एणं । तत्तो सव्वंगमलंकारेहिं विभूसियं कुणइ ॥१०८३८॥  
 सेसाण णगराणं सेसा वेमाणियाइया देवा । धोवंति सरीराइं खीरसमुद्दस्स सलिलेण ॥१०८३९॥  
 गोसीसपवरचंदणरसेण तयणंतरं वि लिपंति । तयणु नियंसावेति य जयलाइं देवदूसाणं ॥१०८४०॥  
 सव्वालंकारेहिं विहूसियाइं कुणंति तत्तो य । सक्को ते बहवे वेमाणियभवणालयाईए ॥१०८४१॥  
 देवे आइसइ जहा भो देवाणुप्पिया दुयं तुब्भे । ईहामियउसभतुरंगमगररुक्कुंजरार्इणं ॥१०८४२॥  
 नाणाविहरुवगभत्तिसोहियाओ विचित्तसिबियाओ । तित्थि विउव्वह तासि एगा मुणिसुव्वयपहुस्स ॥१०८४३॥  
 दुइया हरिवंसकुलुब्भवाण तइया य सेस साहूणं । ते वि तहेव करित्ता सक्कस्स पुरो निवेयंति ॥१०८४४॥  
 अह सो सक्को विमणो विगयाणंदो गलंतजलनयणो । पहुणो विणट्टुजम्मणजरसरणभयस्स उक्खिविउं ॥४५॥  
 देहं सिबियाए आरुहेइ तं जाव ठवेइ चियगाए । तत्तो ते बहवे भवणवासिवेमाणियाईया ॥१०८४६॥

सेस मुणिसरीराइं गहिउं आरोवयंति सिबियासु । नेऊणं जाव निवेसयति चियगासु ते ताइं ॥१०८४७॥  
 अग्गिकुमारे देवे सदावित्ता तओ कुलिसपाणी । एवं वयइ जहा भो देवाणुपिया दुयं तुब्भे ॥१०८४८॥  
 चियगासु अगणिकायं विउव्वहा ते तओ निराणंदा । अग्गिकुमारा देवा विमणा नयणंसुधोयमुहा ॥१०८४९॥  
 मुहकुहराओ अग्गि निसिरेंति जहा जिणस्स पढमस्स । अग्गिमुहा वै देवा तप्पभिइ इमा सुई जाया ॥१०८५०॥  
 सक्काएसेण तओ वाउकुमारा सुरा निराणंदा । विमणा विऊव्विऊणं वायं जालिति चियगाओ ॥१०८५१॥  
 सक्को आणवइ तओ वेमाणियभवणवासिपभिइसुरे । भो भो देवाणुपिया एयासु तिसु वि चियगासु ॥१०८५२॥  
 खिप्पामेव य तुब्भे अगस्तुस्सकं घयं महं चैव । भारग्गसोयकुंभग्गसो य पक्खिवह आणेउं ॥१०८५३॥  
 ते वि तहच्चिय एयं सक्कस्साणत्तियं पसाहेंति । तो मंससोणिए ज्ञामियम्मि खीरोदहिजलेण ॥१०८५४॥  
 मेहकुमारा देवा तिसि वि चियगाओ निव्ववंति लहुं । ताहे सक्को गिन्हइ उवरिल्लं दाहिणं सकहं ॥१०८५५॥  
 पहुणो ईसाणिदो पुण गिन्हइ वाममुवरिमं सकहं । परिगिन्हइ चमरिदो हेट्टिल्लं दाहिणं सकहं ॥१०८५५॥  
 हेट्टिल्लं चिय सकहं वामं गिन्हइ बली असुरराया । सेसा वेमाणियभवणवासिवंतरियजोइसिया ॥१०८५७॥  
 सव्वे देवनिकाया जहारिहं सेसायं अंगाइं । गिन्हंति उवंगाणि य जयपहुणो परमभत्तीए ॥१०८५८॥  
 अह वेमाणियपमुहे देवे आइसइ एरिसं सक्को । जह भो देवाणुपिया तिसि उ थूभे कुणह तुब्भे ॥१०८५९॥  
 तत्थेगं जगगुरुणो एगं हरिवंसकुलपसूयाण । एगं तु सेसगाणं अणगाराणं समग्गाण ॥१०८६०॥  
 अह तेहि तहेव कए तियस निकाया चउव्विहा वि तओ । तित्थयरस्स भगवओ करेंति निव्वाणवरमहिमं ॥१०८६१॥  
 तो नंदीसरदीवे गंतुं अट्टाहिया महामहिमं । निव्वतयंति तत्तो वच्चंति निएसु ठाणेसु ॥१०८६२॥  
 निय निय सोहम्मसहासु तत्थ माणवगचेइयक्खंभे । वइरामएसु गोलगवट्टसमुग्गेसु नेऊण ॥१०८६३॥  
 जिणपुंगवसकहाओ खिवंति तो अमरलोयविसयसुहं । अणुहवमाणा कालं गमंति लीलापमुइयमणा ॥१०८६४॥  
 पच्छा लोगो चियगा छारं विणिऊण डुंगरे कुणइ । पढमजिणे सिवपत्ते तइया वि जणेण कयमेवं ॥१०८६५॥  
 तप्पभिइजणो ईन्हि पि डुंगरे कुणइ मयगछारेण । छारेण तेण केहि वि कयं समालभणमंगम्मि ॥१०८६६॥  
 भत्तीए को वि पुणो तेण वि छारेण कुणइ पुंडाइं । तिण्हं पि हू चियगाणं अग्गी गहिऊण सड्ढेहि ॥१०८६७॥  
 नीओ नियम्मि गेहे तप्पभिइं आहियग्गिणो जाया । सामी चियगाए अग्गी दोसु वि अन्नेसु संकमइ ॥१०८५८॥  
 इक्खागकुलभवाणं तणओ संकमइ पावगो इयरं । इयराण संतिओ पुण कत्थइ संकमइ नत्तत्थ ॥१०८६९॥

इय सिरिमुनिसुव्वयजिणिदचरिए सिरिसिरिचंदसूरि विरइए नवमं भवग्गहणं समत्तं

मुणिसुव्वयनाहाओ एगहिं छहिं वाससयसहस्सेहिं । नमिनाहो उप्पन्नो पंचहिं लक्खेहिं तो नेमी ॥१०८७०॥  
 नेमिजिणाओ पासो उप्पन्नो अइगएहिं वासाणं । तेसीए सहस्सेहिं सएहिं अद्धमेहिं च ॥१०८७१॥  
 अइढाइज्जसएहिं गएहिं वासाण पासनाहाओ । उप्पन्नो वीरजिणो जस्सेयं वट्टए तित्थं ॥१०८७२॥  
 तस्सयट्टु अपच्छिमत्तित्थाहिवस्स तित्थे पवइड्ढमाणम्मि । सिरिपन्हवाहणकुले गच्छे हरिसउरपभवम्मि ॥७३॥  
 सिरिजयसिहो सूरी सयंभरी मंडलम्मि सुपसिद्धो । पंचविहायारसमायरणरओ गुणनिही जाओ ॥१०८७४॥  
 ताण विणेओ गुणरयणसायरो अभयदेवसूरि ति । उवसमपहाणयाए जेण सुराण वि मणोहरियं ॥१०८७५॥  
 सुरगुरुसरिसमई वि हू जस्स समग्गे वि गुणगणे गहिउं । नेय समत्थो किं पुण ते वोत्तुमहं खमो जिम्हो ॥७६॥  
 असरिसगुणाणुराएण परवसीहयमाणसो तह वि । तेसि गुणमाहप्पं मणं पि कित्तेमि सत्तीए ॥१०८७७॥

गरुयगुणे अणुसरणं कुणमाणे पासिऊण व पवन्नं । तुंगत्तणं सरीरेण जस्स अच्चड्ढुयं भुवणे ॥१०८७८॥  
 रूवेण निज्जिओ लज्जिओ व्व मयरद्धओ महासुहडो । नियडो न कयाइ वि जस्स संठिओ विट्ठिमविमुक्को ॥  
 निव्वाणअत्थगिरिसिरतिरोहिए दिणयरम्मि व जिणिदे । पुव्वमुणिमयंकमहे लोगंतरपट्टिए सते ॥१०८८०॥  
 कलिकालनिसापसरियपमायबहलंधयारपडलेण । संजममग्गे पच्छाइयम्मि पाएण इह भरहे ॥१०८८१॥  
 जेण तवनियमसंजमसमुज्जएणं महानिरीहेण । विप्फुरियं विमलमणिप्पईवकप्पेण सव्वत्तो ॥१०८८२॥  
 तह कह वि अणुट्ठाणं मुक्ककसायं अणुट्ठियं जेण । परपक्खसपक्खेसु विमणं पि जह होइ न विरोहो ॥१०८८३॥  
 एगो य चोलपट्टो तह पच्छायणपडी वि एक्का य । नियपरिभोगे जस्साऽऽसि सव्वया अइनिरीहस्स ॥१०८८४॥  
 देहे वत्थेसु सया वि जस्स भलनिवहमुव्वहंतस्स । अब्भितरकम्ममलो तब्भयभीओ व्व नीहरइ ॥१०८८५॥  
 घयविगइं मोत्तूणं पच्चक्खायाओ सेसविगईओ । सव्वाओ जेण जावज्जीवं रसगिद्विरहिण ॥१०८८६॥  
 निज्जरणकए कम्माण जेण दिणतइय जामसमयम्मि । गिम्हे भिक्खा भमिया पढमगुणट्ठाणियगिहेसु ॥१०८८७॥  
 भिक्खाविणिग्गयं जं सोऊणं सावया नियनिएसु । होंति गिहेसु वउत्ता भिक्खादाणाहिलासेण ॥१०८८८॥  
 जं नियगिहनियडागयब्भत्थेउं महिडिडया वि नरा । आमणसेट्ठिप्पमुहा पडिलाभेंति य सहत्थेण ॥१०८८९॥  
 गामे वा नयरे वा सो कत्थइ जत्थ संठिओ जाव । ताव तमवंदिऊणं न तत्थ पायं जणो भुत्तो ॥१०८९०॥  
 सिरिवीर एव तणओ ठक्कुरसिरिजज्जओ जयपसिद्धो । गाउय पंचगमज्जे अवंदिउं जं न भुंजंतो ॥१०८९१॥  
 अणहिल्लवाडयपुरे जायविसेसूसवे जिणाययणे । हक्कारिऊण नीए एक्कम्मि वि जम्मि तत्थ तओ ॥१०८९२॥  
 गरुओ गरुययरो वि हु सेसो सावयजणो सयं चेव । जाइ अणाहूओ वि हु जस्स नमंसणकयपइत्तो ॥१०८९३॥  
 मुत्ती वि जस्स सयला अमयरसेणेव निम्मिया विहिणा । तइंसणे वि नासइ जणस्स जम्हा कसायविसं ॥८९४॥  
 परतित्थीण वि दिट्ठो हिययं पल्हायए सदंसणओ । जो तेहि वि मन्निज्जइ नियनियदेवावयारो व्व ॥१०८९५॥  
 तं चिय सया वि वयणं मुहकुहराओ विणिग्गयं जस्स । जम्मि निसुए जणाणं परमा मणनिव्वुई होइ ॥१०८९६॥  
 अन्नोन्नगोेट्टिकलहे जेहि कओ सावएहि रोसवसा । जिणभवणगमणनियमो उवसंता ते वि जस्स गिरा ॥८९७॥  
 कह वि कसायवसेणं सहोयरा भाउणो वि वट्टंता । अन्नोन्नमणालावे विगयकसाया कया जेण ॥१०८९८॥  
 लद्धनरिदपसाया थड्ढा जे देवयाण वि पणामं । किच्छेण कुणंता तह गुरुणो एगस्स नियगच्छे ॥१०८९९॥  
 रायामच्चप्पमुहा निओगिणो ते वि जस्स वयणेण । सामन्नस्स वि मुणिणो मुक्कमया कमनया जाया ॥९००॥  
 गोवगिरिसिहरसंठियचरमजिणाययणदारमवरुद्धं । पुव्वनवदिन्नसासणसंसाधणिएहि चिरकालं ॥१०९०१॥  
 गंतूण तत्थ भणिऊण भुवणपालाभिहाणभूवालं । अइगरुयपयत्तेणं मुक्कलयं कारियं जेण ॥१०९०२॥  
 वरणागसुयं संतु य सचिवं भणिऊण जेण भरुयच्छे । सिरिसंवलिया विहारे हेममया रोविया कलसा ॥१०९०३॥  
 जेण जयसिंहदेवो राया भणिऊण सयलदेसम्मि । काराविओ अमारि पज्जोसवणाइसु तिहीसु ॥१०९०४॥  
 पुहईराएण सयंभरी नरिदेण जस्स लेहेण । रणखंभेउरजिणहरे चडाविया कणयमयकलसा ॥१०९०५॥  
 जेण कुणंतेण तवं चउत्थ छट्ठं च उभयकाले वि । सद्धम्मदेसणा भवियणस्स न कया वि परिचत्ता ॥१०९०६॥  
 सावयलोओ कल्लाणएसु अट्टाहियासु सविसेसं । गामेसु य नयरेसु य ब्रहू पयट्टाविओ जेण ॥१०९०७॥  
 निय नाणेणं केणइ तह वेमाणियसुरोवएसेण । परलोयगमणसमयं निययं नाऊण आसन्नं ॥१०९०८॥  
 नीरोगम्मि वि देहे कमेण काऊण कवलपरिहारं । खविऊण खुहं सयलं जेण पवन्नो अभत्तट्टो ॥१०९०९॥

जस्सुत्तिमट्टगहणं सोऊणं गह्यखेयभरियमणा । परतिथिया वि पइदिणमुवेति पासे सजलनयणा ॥१९०१०॥  
गुज्जरनरिदयरे सो कोवि न न अत्थि रायपभिइजणो । अणसणठियाण जो तेसिमागओ नेयपासम्मि ॥१९११॥  
सिरिसालिभट्टसूरिप्पमुहेहिं गह्यरूपसूरीहिं । जस्स समीवे गंतूण कूरियं बहु ससोएहिं ॥१९१२॥  
मासम्मि य भट्टवए वट्टंते तेरसम्मि उववासे । सोहियवसायवरभवणमज्झओ नीहरेऊण ॥१९०१३॥  
पाययलेहि लीलाए डंडहत्थेहिं अक्खलियगईहिं । कस्स वि अन्नस्स करे अविलगंत्तेहिं सयमेव ॥१९१४॥  
नरनाहमाणिज्जो निवनयरनिवासिनेगमगणाण । सव्वेसि पि पहाणो सगिहट्टिओ सीयओ सेट्ठी ॥१९१५॥  
जस्स पयपउमदंसणकथाहिलासो समाहिमलहंतो । दक्खिन्नमहोयहिणा परोवधारेक्करसिएण ॥१९१६॥  
गंतूण जेण वंदावियुण विहिओ समाहिसंपन्नो । धम्मवए दम्माणं कराविओ वीससहस्साई ॥१९१७॥  
गुज्जरदेसम्मि स्रमग्गामनगराइवासि सड्ढजणो । जस्सुत्तिमट्टसवणे पाएण समागओ तत्थ ॥१९१८॥  
अह सग चालीसदिणाइं पालेऊणं समाहिणाणसणं । धम्मज्जाणपरायणचित्तो जो परभवं पत्तो ॥१९१९॥  
बहुभूमिगबहुकलसं अणेगसियधयवडेहिं रमणिज्जं । वरसिरिखंडविणिम्मियविमाणमारोहिऊण तओ ॥२०॥  
नीहारियं सरीरं जस्स बहिं सयलमिलियसंघेण । एककेक्कं गिहरक्खगमणुयं मोत्तूण सेसजणो ॥२०॥१९२१॥  
नीसेसो निवनयरस्स निग्गओ जस्स दंसणनिमित्तं । भत्तीए कोउगेण य मग्गो अलद्धसंचारो ॥१९२२॥  
सव्वपमयाउलेहिं सव्वाउज्जेहिं बंदिविदेहिं । सव्वेहिं वियंभियसट्टवहिरिए अंबराभोए ॥१९२३॥  
पायारपच्छिमट्टालए ठिओ परियणेण सहाराया । जयसिंहो पेक्खंतो जस्सिड्ढि नीहरंतस्स ॥१९२४॥  
तं अच्छरियं दट्ठुं नरिदपुरिसा परोप्परं बेति । मरणमणिट्ठं पि हु इट्टमम्ह एवं विभूर्इए ॥१९२५॥  
रविउदयाओ आरब्भ निग्गयं तं विमाणमवरत्ते । पत्तं सक्कारपए समणुपयं लोयकयपूयं ॥१९२६॥  
पूइज्जंते जम्मि उ पट्टंसुयपमुहपवरवत्थाणं । मिलियाइं कोडियाणं तथा सयाइं अणेगाइं ॥१९२७॥  
सिरिखंडविमाणेणं (तणेव) समं सरीरसक्कारो । जस्स कओ लोएणं तह उवरि पुणो वि खित्ताइं ॥१९२८॥  
कट्टाइं अगरसिरिखंडसंतियाइं घणो य घणसारो । निव्वाणाए चियाए जणेण गहिया तओ रक्खा ॥१९२९॥  
रक्खाए वि अभावे गहिया तट्टाणमट्टिया तत्तो । ता जाव तत्थ जाया जाणुपमाणावियड्ढु ॥१९३०॥  
तीसे रक्खाए मट्टियाए अणुभावओ सरोबाहा । वेलाजरएगंतरजराइरोगा पणस्संता ॥१९३१॥  
भत्तिवसेणं न मये मणं पि इह भासियं मुसा किंपि । जं पच्चक्खं दिट्ठं तस्स वि लेसो इमो भणिओ ॥१९३२॥  
नियतेयविसेसेणं पुरिसोत्तिमहिययरं जणो जाओ । कोत्थुहमणि व्व तत्तो सूरि सिरिहेमचंदो त्ति ॥१९३३॥  
जुगवड्ढमाणपवयणपारगओ वयणसत्तिसंपन्नो । नियतामं व भगवई जीहग्गया कया जेण ॥१९३४॥  
मूलभांधविसेसावस्सयलक्खणपमाणपमुहाण । सेसाण वि गंधाणं पढियं जेणद्धलक्खं च ॥१९३५॥  
रायामच्छाईण वि महिड्ढियाणं जणाण आयोज्जो । जिणसासणप्पभावणपरायणो परमकारुणिओ ॥१९३६॥  
नवजलहरगहिरसरे धम्मवएसं च दितए जम्मि । जिणभवणाउ बहिम्मि वि ठिओ जणो सुणइ फुडसई ॥१९३७॥  
वक्खाणलद्धिजुत्ते जम्मि कुणंतम्मि सत्थवक्खाणं । पाएण जडमईण वि जणाण बोहो समुप्पन्नो ॥१९३८॥  
उवमियभवप्पपंचा वेरग्गकरी कहा कया आसि । वक्खाणियसिद्धेणं जा पुवं सा कढोरत्ति ॥१९३९॥  
वक्खाणिया सहाए पाएण न केणई चिरं कालं । जस्स मुहनिग्गयत्था मुद्धाण वि सा तह कहं चि ॥१९४०॥  
जाया हिययगयत्था अब्भत्थेऊण तेहिं जह एसा । उवस्वरि तिन्नि वरिसे निसुया तस्सेव य मुहाओ ॥१९४१॥

तद्विणपभिइपयारो जाओ पाएण तीए सब्वत्थ । जे तेण सयं रइया गंथा ते संपइ कहेमि ॥१०९४२॥  
 सुत्तमुवएसमालाभवभावणपगरणाण काऊण । गंधसहस्सा चउदस तेरस वित्ती कया जेण ॥१०९४३॥  
 अणुओगद्दाराणं जीवसमासस्स तह य सयगस्स । जेणं छ सत्तचउरो गंधसहस्सा कया वित्ती ॥१०९४४॥  
 मूलावस्सयवित्तीए उवरि रइयं च टिप्पणं जेण । पंचसहस्सपमाणं विसमट्टाणावबोहयं ॥१०९४५॥  
 जेण विसेसावस्सयसुत्तस्सुवरिं सवित्थरा वित्ती । रइया परिफुडत्था अडवीस सहस्स परिमाणा ॥१०९४६॥  
 वक्खाणगुणपसिद्धिं सोऊणं जस्स गुज्जरनरिदो । जयसिंह देवनामो कयगुणिजणमणचमक्कारो ॥१०९३७॥  
 आगंतूणं जिणमंदिरम्मि सयमेव सुणइ धम्मकहं । जस्स उवउत्तचित्तो सुइरं परिवारसंजुत्तो ॥१०९४८॥  
 कइया वि जस्स दंसणउक्कंठियमाणसो सयं चेव । आगच्छइ वसहीए चिरकालं कुणइ संलावं ॥१०९४९॥  
 अन्नम्मि दिणे अब्भत्थिऊण नेउं नियम्मि धवलहरे । सम्मुहुमुट्ठेऊणं जयसिंहनिवेण जस्स सयं ॥१०९५०॥  
 उड्ढट्ठियस्स उल्लसियबहलपुलएण कंचणमएण । विउलेण भायणेणं दुव्वाफलकुसुमजलमइओ ॥१०९५१॥  
 अग्घो भमाडिऊणं चिरेण आरत्तियं च वारत्तियं । पक्खित्तो पयपुरओ कओ पणामो य पंचंगो ॥१०९५२॥  
 थालपरिवेसियाओ आहाराओ तओ सहत्थेण । दिन्नो नियइच्छाए चउव्विहो तेण आहारो ॥१०९५३॥  
 भणियं च जोडिऊणं करजुयमज्जेव खलु कयत्थो हं । जाओ अज्जेव तहा कल्लाणपरंपरा ठाणं ॥१०९५४॥  
 जस्स मह अज्जभवणं तुब्भेहिं फरिसियं सचरणेहिं । तो अज्ज वीरनाहो अज्जसयं आगओ व्व गिहे ॥१०९५५॥  
 जेण जयसिहरायं भणिऊणं तस्स मंडले सयले । जिणमंदिरेसु कलसा चडाविया रुइरकणयमया ॥१०९५६॥  
 धंधुक्कयसच्चउरप्पभिइसु ठाणेसु अन्नतित्थीहिं । जिणसासणस्स पीडा कीरंती रक्खिया जेण ॥१०९५७॥  
 कारावियं च तह तेसु चेव ठाणेसु रहपरिबभमणं । निव्विग्घं जयसिंहं भणाविऊणं पुहइ-नाहं ॥१०९५८॥  
 कुनिओइएहिं तह जिणहरेसु भज्जंतदेवदायाणं । काराविया निवारा जयसिहनरिदपासाओ ॥१०९५९॥  
 भंडारपच्चिट्ठं पि हु केसु वि ठाणेसु देवदायस्स । दव्वं जिणभवणं पुणो वि अप्पावियं जेण ॥१०९६०॥  
 किं बहुणा भणिएणं जिणसासणपरिभवम्मि जायंते । सब्वप्पणावि तुलियं जेण उवायंतरसएहिं ॥१०९६१॥  
 जिणसासणकज्जाइं ताइं वि संसाहियाइं इह जेण । अन्नस्स मणम्मि वि विप्फुरंति न हु जाइं कइया वि ॥१०९६२॥  
 लिगावसेसमित्ते वि जइ जिणे परिभवज्जमाणम्मि । नियसत्तीए तत्ती जेण कया सब्वकालं पि ॥१०९६३॥  
 अणहिलवाडयनयराओ तित्थजत्ताए चलियसंघेण । अब्भत्थिऊण नीओ सहप्पणा जो महामहिमो ॥१०९६४॥  
 सेज्जावालयलंगडिपमुहाणं जत्थ सगडरूवाणं । एक्कारस उ सयाइं संचलियाइं समढियाइं ॥१०९६५॥  
 हयकरहवसहवाहणपायचराणं तु नज्जइ न संखा । वामणथलि नयरीए दिन्ना वासम्मि संघेण ॥१०९६६॥  
 वाडीविमाणएहिं गुडुरचउखंडएहिं गुलिणीहिं । वियडे विरायमाणे निव्वखंधावारसारिच्छे ॥१०९६७॥  
 कयकुंकुमगरायं नियत्थपट्टंसुयाइवरवत्थं । कंचणरयणाहरणेहिं भूसियं अंगुवंगेसु ॥१०९६८॥  
 दट्ठूण सावयजणं जिणहरपरिहावणं पकुव्वंतं । खंगारस्स सुरट्टापहुणो जायं मणं दुट्ठं ॥१०९६९॥  
 अत्तेहिं वि सो भणिओ सयमणहिलवाडयस्स नयरस्स । चिट्ठइ लच्छी सव्वा इहागया तुज्ज पुत्तेहिं ॥१०९७०॥  
 ता गिन्ह तुमं एयं भंडारो होइ तुह जहा पोढो । संभावज्जइ ठाणं एक्काए दव्वकोडीए ॥१०९७१॥  
 लोभेण सो वि सब्वं तं गहिउं वंछए पुणो वि परं । सवयणमज्जायालोवअयसभीओ नियत्तेइ ॥१०९७२॥  
 इय अकयनिच्छओ सो गहणे मोक्खे य संसइयचित्तो । किच्चूणं दिणमासं सघं धारेइ तत्थेव ॥१०९७३॥

भाणिज्जंतो वि दिणे दिणे वि सो संघसंति य जणस्स । नो देइ दंसणं अन्नया य सयणो मओ तस्स ॥१०९७४॥  
तो देक्खणयमिसेणं जेण मुणिदेण तत्थ गंतूण । पडिबोहिऊण एयं संघो मोयाविओ सव्वो ॥१०९७५॥  
तो उज्जयंतसत्तुंजएसु तित्थेसु दोसु वि जिणिदा । सिरिनेमि उसह्नाहे वंदइ संघो विभूईए ॥१०९७६॥  
तत्थुज्जयंततित्थे पारुत्थयअद्वलक्खमुप्पन्नं । सत्तुंजयम्मि तित्थे तीससहस्सा समुप्पन्ना ॥१०९७७॥  
जेण पडिबोहिऊणं भवियजणो ठाविओ बहुधम्मो । जिणभणिए सम्मत्ते देसे सव्वे य विरईए ॥१०९७८॥  
पज्जंते तेसि पि हू ठाणंतरसंक्कमाइया नेया । आराहणा गुरूण व सत्तदिणे अणसणं नवरं ॥१०९७९॥  
नीहारणाइमहिमा देहस्स तहेव जाव सक्कारो । किंतु सयमेव राया समागओ केत्तियं पि पहं ॥१०९८०॥  
तेसि सीसो सिरिविजयसिंहसूरीगुणायरो जाओ । तहय दुइज्जो सूरी सिरि सिरिचंदो त्ति नामेण ॥१०९८१॥  
देसेसु विहरमाणो कमेण धवलक्कयम्मि वरनयरे । संपत्तो तत्थ तओ भरुयच्छय नाम जिणभवणे ॥१०९८२॥  
उत्तुंगम्मि विसाले रूवगरमणिज्जमंडवसणाहे । सिरिमुणिसुव्वयजिणवरपडिमासमहिट्टिए रम्मे ॥१०९८३॥  
सड्ढो अत्थि गुणड्ढो धवलो नामेण पोह्वाडकुले । तेण जिणचंदसूरिप्पमुहो संघो समग्गो वि ॥१०९८४॥  
मेलेउं विन्नत्तो सिरिमुणिसुव्वयजिणिदचरियस्स । करणत्थं संघेण वि सिरिचंदो पभणिओ सूरी ॥१०९८५॥  
सो तं संघाएसं पडिवज्जेउं विणिग्गओ तत्तो । आसावल्लिपुरीए आगतूणं ठिओ गेहे ॥१०९८६॥  
सिरिमालकुलसमुब्भववरसावयसेट्ठिनागिलसुयाण । अंबहरिभंडसालियसरणयपमुहाण सगुणाण ॥१०९८७॥  
तत्थ ट्टिएण सिरिचंदसूरिणा विरइयं इमं चरियं । सिरि मुणिसुव्वयतित्थंकरस्स समयाणुसारेण ॥१०९८८॥  
जं किपि इह अजुत्तं उत्तं मइमोहओ मए अत्थि । तं सुयहरा कय किवा मज्झ विसोहेंतु सव्वं पि ॥१०९८९॥  
पट्टियपोत्थियलिहणे गणिणा कयमेत्थ पासदेवेण । बहुसाहेज्जं उज्जमपरेण वरमइनिहाणेण ॥१०९९०॥  
अंबहरिसरणयाणं कणिट्ठभाया तहेव जसराओ । साहिज्जकरो उच्छाहगो य जाओ विसेसेण ॥१०९९१॥  
विक्कमकालाओ गए वाससहस्से सए सतेण उए । तयणंतरदीवूसवदिणम्मि एयं परिसमत्तं ॥१०९९२॥  
एत्थ य पढमं पुत्थयमभिलिहित्तं देवरायनामेण । दियवरक्केसवतणएण लेहएणं विणीएण ॥१०९९३॥  
गाहाईणं संखा सहस्स दस होति नवसयाइं च । चउणउइ समहियाइं नेयाइं एत्थ गंथम्मि ॥१०९९४॥

वासे जाविह भारहम्मि विमलं सव्वणुणो सासणं,  
कुज्जा भव्वजणोहमोहतिमिरुक्केरस्स निन्नासणं ॥  
तावेयं मुणिसुव्वयस्स चरियं साणुग्गहा साहुणो,  
वक्खाणं तु सुणंतु भव्वनिवहा एग्गचित्तासया ॥१४॥१०९९५॥

श्रीमुणिसुव्वयसामिचरितं समाप्तम् ॥ ग्रंथाग्रं.

संवत् ११९८ अश्विन वदि १ गुरौ । अद्येह श्रीमदणहिल्लपाटके समस्तराजावलीसमलंकृतमहाराजा-  
धिराजत्रिभुवनगंडसिद्धचक्रवर्त्ति श्रीमज्जयसिंहदेवकल्याणविजयराज्ये । तस्मिन् काले प्रवर्त्तमाने श्री श्री  
चंद्राचार्याणामादेशेन ऊमता ग्रामावस्थो श्रीमुनिसुव्वतस्वामिचरितं पुस्तकमलेखि ॥छ॥



